



~~24=1~~ 56=2

RM 209
m 94

THESAVRVS
ANTIQVITATVM
ET
HISTORIARVM
ITALIAE,
NEAPOLIS, SICILIAE,
SARDINIAE, CORSICAE, MELITAE,
ALIA RV M Q V E
TERRARVM INSVLARVMQVE
ADJACENTIVM,
TOMIS X.
VEL VOLVMINIBVS XLV. DISTINCTVS.



THESE
ANTIOCH
M
HISTORICAL
T
NEAPOLIS
SARDINIA
CORSIQUE
MELLITE
ALBA
TERRA
ADJACENT
TOMES
THESE





THE SAURUS
ANTQUITATUM
ET
HISTORIARUM
ITALIAE.
NEAPOLIS, SICILIAE,
SARDINIAE, CORSICAE, &c.

LUC. BAT.
Excudit PETRUS VANDER AAR.
Cum Privilegio.



THE SAVRVS
ANTIQUITATVM
ET
HISTORIARVM
ITALIAE,
NEAPOLIS, SICILIAE,
SARDINIAE, CORSICAE, MELITAE,
Atque adjacentium Terrarum Insularumque;

Constans

Rarissimis, praestantissimis, doctissimisque Scriptoribus

Qui antea sparsim

SVAE CUIQUE PATRIAE

Situm, Res gestas, Antiquitates & memorabilia variis in locis illustrarunt,

Nunc autem vix & nusquam fere comparari possunt:

Digeri atque edi olim coeptus Cura & Studio

JOANNIS GEORGII GRAEVII,

Nunc autem continuatus & ad finem perductus.

Cum Praefationibus

PETRI BVRMANNI,

*J. U. D. Historiarum, Graecae Linguae, Eloquentiae & Historiae Foederati Belgii,
in Academia Lugduno-Batava Professoris & Bibliothecarii.*

COMPREHENSVS VOLVMINIBVS XLV.

Interferuntur passim

Variae & accuratae Tabulae, tam Geographicae, quam aliae,
ut & Indices ad singulos ubique Libros locupletissimi.

In fine hujus Operis additus est Catalogus omnium Authorum &c. qui in hoc Thesauro exstant.



LVGDVNI BATAVORVM,
Excudit PETRVS VANDER Aa.

Bibliopola, Urbis atque Academiae Typographus Ordinarius, MDCCXXV.

Cum speciali Privilegio Illustr. ac Praepotent. Ordinum Hollandiae & West-Frisiae.

ANTICVITAM

TALLA

SARINUS COLICAL MITHA

ANTICVITAM
ANTICVITAM

JOHANNIS GEORGI GRAEVI

JOHANNIS GEORGI GRAEVI

COMPLETENSIS VOLUNTATIS



JOHANNIS GEORGI GRAEVI

POTENTISSIMIS
CELSISSIMIS ET ILLVSTRISSIMIS
REGIBVS REBVSPUBLICIS
PRINCIPIBVS ET DOMINIS
PRINCIPIS TERRARVM
ITALIAE,
NEAPOLIS, SICILIAE,
SARDINIAE, CORSICAE, MELITAE

ATQVE

ADJACENTIVM TERRARVM
INSVLARVMQVE

COLLECTIONEM HANC VERE REGIAM,

QVAE INSCRIBITVR

THESAVRVS

ANTIQVITATVM ET HISTORIARVM

ITALIAE,

NEAPOLIS, SICILIAE,

SARDINIAE, CORSICAE, MELITAE,

ETC. ETC. ETC.

SCRIPTORVM

NUMERO, RARITATE, ERVDITIONE PRAESTANS

CONSPICVVM, DESIDERATVM,

PRIMO QVIDEM CONGESTVM, DELECTVM, DESIGNATVM



A
CELEBERRIMO ATQVE EXIMIO VIRO
JOANNE GEORGIO GRAEVIO
CONTINVATVM DEINDE ET AVCTVM
EX CONSILIO DOCTORVM VIRORVM
NVNC TANDEM CONSVMMATVM
CVM PRAEFATIONIBVS
CLARISSIMI ATQVE ERVDITISSIMI
P E T R I B V R M A N N I
O P V S
NON MODO SVPERIORVM AETATVM
INFINITORVM INGENIO ET LAVDE
PRAESTANTIVM
VIRORVM MONVMENTIS
SPLENDENS DIVES REFERTVM
SED ET HVJVS Aevi
P L V R I M O R V M
CLARISSIMORVM DOCTISSIMORVMQVE
CVRIS, LVCVBRATIONIBVS, VERSIONIBVS NOTIS
DECORATVM, DITATVM ET EXPOLITVM

EO QVO DECET CVLTV ET OBSERVANTIA

D. D. D.

EDITOR ET TYPOGRAPHVS

PETRVS VANDER Aa.

TYPOGRAPHUS LECTORIS. D.



No jam conspectu, trado Tibi, Lector Benigne, per DEI Omnipotentis indulgentiam universum hoc Opus, sive THESAURUM HISTORIARUM & ANTIQUITATUM ITALIAE, NEAPOLIS, SICILIAE, &c: cujus rarissimorum præstantissimorumque, ex quibus consistit, Scriptorum Librorumque collectionem atque indagationem incredibili sumtu atque industria nobis constituisse nemo, qui inspexerit, dubitabit. Neque meo (si vel maxime voluisssem) peculio adspirare ad tot Eruditionis Gemmas, Facemque Historiæ tantam licuisset; nisi benigna manu atque generoso animo Virorum & Dignitate & Literis Principum adjutus fuisssem; qui mihi magnifica sane liberalitate usum indulserunt Auctorum longe rarissimorum præstantissimorumque; quibus quidem omnibus quum jam a longo tempore sim obstrictus, hic lubet publicum repodere gratiæ præconium; ut & omnibus illis Eruditis Nominibus, quibus in hisce ordinandis, disponendis, edendis, uti maxime contigit; Inter quos (quem nemo Doctorum nescit, omnes æstimant) merito confiteor plurimum me debere Præclarissimo Viro, PETRO BURMANNO; qui quidem tantum sibi, a reliquis assiduisque in Republica Literaria curis, otii voluit esse; ut ad meas preces, destitutam Maximi JO. GEOR. GRAEVII morte prolem hanc susceperit; totam que illam & immensam accessionem (XXXIX. implentem Volumina;) hujus Operis, quod XLV. absolvi-
tur Voluminibus, ambitum oculis suis haud tralatitia opera percurrerit; atque inde bonæ frugis solidæque doctrinæ plenas concinnaverit Præfationes; cujus nisi mihi prompta succurrisset, voluntas vix a lolii pravitate aliqua & sterili avena libera fuisset Collectio; cui itaque Præstantissimo

Viro etiam atque etiam publice grates meas persolvo.

Neque sua laude fraudari debent Viri illi honoribus & doctrina in primariis Patriæ nostræ Academiis aliisque, ut & Ecclesiæ Regimine conspicuit; quorum nobis cura & Diligentia egregie profuit in suppeditandis, vertendis, Notisque suis Eruditissimis illustrandis innumeram segetem Scriptorum, qui Patriæ suæ Antiquitates patria quondam conscripserant lingua. Inter quos sicuti primas tenet Doctissimus SIGEBERTUS HAVERCAMPUS, cujus indefessam industriam, atque multiplicem Eruditionem facile ex solo Auctorum (qui in hoc Thesauro continentur) Indice quisvis intelliget; ita ALEXANDRUM DUKERUM, JO. LAURENTIUM MOSHEMIUM, ABRAHAMUM PREIGERUM, aliosque merito veneramur, & ut omnes diu perennent in seculi sui gloriam & Studiorum commune bonum serio optamus.

Hujus autem Operis si quis dignitatem, præstantiam, atque Utilitatem scire desideret, Præstantissimi (qui numquam sine honoris præfatione nominandus mihi erit) BURMANNI legat novem Præfationes, præfixas Tom. IV. VI. VII. VIII. IX. Item Tomi istius IX. Supplemento & X. Volum. I. 6. II. atque, si tantum illi est otii, conferat Testimonia Virorum tota Europa celeberrimorum; qui in propyleo Tomi IV. inveniri possunt. Imo longe plura ejus generis cuique penes me visenda supersunt; at inseri commode jam non potuerunt, quoniam priores Tomi Clariss. Grævii cura editi in multorum jam manibus compacti & debito decore exornati versantur.

Neque temere quis loqui me existimet aut fumos vendere, si exquisitam Librorum, qui hisce Thesauris continentur, multitudinem cum pari raritate & doctrina conjunctam operosius laudem; quandoquidem libere dico, resque examinantibus patebit, locupletissimas fere tota Europa

*ropa Bibliothecas & publicas & privatas maxima eorundem parte hactenus esse destitutas. Sive enim in Angliam transeas, sive Galliam, frustra Bodlejanas, Tellerianas, atque multo etiam sumtuosiores consules; sive in Patria nostra, quæ sedes vere Musarum esse videtur, scruteris Lugd. Bat. Ultrajectinam, Franequeranam, Groninganam, Harderovicianam, Amstelodamensem, Harlemensem &c. dimidia vix, imo sæpius vix quarta vel decima se pars offeret. Idem de Francofurti ad Oderam, aliisque Germaniæ Bibliothecis liquere poterit, atque elucebit conferenti excusos Catalogos eruditissimorum maximorumque virorum, Thuaneas dico Bibliothecas, Hein-
fianas, Hemmianas, Bigotianas, Vossianas, Gudianas Galloifias, Nicolaïas, Marsevenias, Westrenianas, Bente-
fianas, Carelfonianas, Snabelianas, Francianas, Grævia-
nas, Perizonianas, Cuperianas, innumerasque alias, cele-
brium quoque Bibliopolarum, ut Blavianas, Elsevirianas &c.*

*Denique quod maxime etiam stringit argumentum; si Lexica Historica atque Bibliographica & similia inspi-
cias; qualia in omnium versantur manibus, Gesneri, Simleri, Lipenii, Hofmanni, Moreri, Baylii, vel ipsa longe plurimorum (qui hic occurrunt) nomina illis igno-
ta fuisse deprehendes; quod liquido indicat, nunquam ab
iisdem visos aut cognitos fuisse.*

*Adde quod nisi mature hac potissimum ratione fuisset
subventum tot præclaris Scriptoribus, qui vel typorum vel
æstimatorum penuria, laboris sui quondam pauca admo-
dum inprimi fecerunt exemplaria (quorum plurima ad
meum usum pervenerunt ipsorum illorum virorum manibus
notata & emendata) vel diuturnitate temporis excussi ex
hominum manibus abditi latebris sordebant; vix nigram
mortem atque oblivionem scriptis suis depulissent; quo-
rum quidem jam Nomina & Opera lubet Immortalitati di-*

dicata adspicere, & tanquam in Triumphalibus Eruditorum Fastis omni marmore & ære perenniora permanere.

Denique solidum hoc mihi est gaudium, quod non modo omnia illa, nullis exceptis libellis, protulerim atque nactus fuerim, quæ quondam in edito hujus Operis Catalogo (ante Tom. IV.) promiseram, quorum quorundam (ob id Asteriscis notatorum) tum adhuc consequendorum spes tantum erat; sed vel LXXXII. supernumerarios, eosque rarissimos præstantissimosque accessisse, undique ex variis terrarum oris ab doctis hominibus mihi transmissos; quæ causa est, quod numerus voluminum in septem plura excreverit, quam initio destinaveram.

Totius autem hujus Operis largam descriptionem atque divisionem invenies in meis quatuor Præfationibus Tomo IV. VI. VIII. & X Voluminis primi præmissis; Denique in omnium ultimo, sive XLV. ex voto Clarissimorum Virorum Universalem subjunxi Catalogum omnium Librorum, qui in Opere hoc continentur, ordine dispositum Alphabetico, atque addito in quibus Tomis seu Voluminibus inveniri possint.

Pauca hæc, Benigne Lector, præfari necesse habui, quibus Tibi meam fidem & diligentiam probarem; si autem hic immensus meus labor Tibi placuerit, erit quod gaudeam; qui interim DEO Immortali, quod hætenus sua me dignatus sit misericordia, gratias refero, & quod vita reliquum est, commendo.



THESAVRVS
ANTIQVITATVM
ET
HISTORIARVM
ITALIAE,
REGIONIS TRANSPADANAE
ET
ALPIBVS VICINAE.
TOMI QVARTI PARS PRIMA.



De Staten van Holland ende West-Vriesland, doen te weten, alsof ons vertoont is by Pieter vander Aa, Staats en Universiteits Drucker tot Leyden, hoe dat hy Suppl. voor circa sestiën jaren hadde Gedrukt ende Uitgegeven de drie eerste Tomi van den Thesaurus Antiquitatum & Historiarum Italiae, Neapolis, Sicilia, Sardinia, &c. Joannis Georgii Gravii in Folio cum Figuris, en sedert sich bescif gehouden, om de verdere seven Tomi, tot het voorsz. Werk behorende in ordre te brengen, en mede wyt te voeren, en waerinne den Suppl. tegenwoordigh soo verre was geavanceert, dat de meeste Tractaten, die in het voorn. Werk souden komen, reets voldrukt lagen, en alle binnen korten tyd by hem Suppl. aen den dag stonden te komen, met de Voorredens vanden Hre Professor Petrus Burmannus, sijnde het complete Register van alle die Tractaten, aen ons geexhibeert, (uytgesondert eenige Manuscripten, die den Suppl. van buytens Lands waren beoefeld, en welckers namen hem als noch onbekent waren) hebbende geen Boeckverkoper hier te Lande eenig eygendom van Copyrecht aen het selve, waer door by gevolg niemand werd benadeelt, dogh alsof den Suppl. beducht was, dat eenige nydige, off baetsloekende Menschen, 't sy binnen off buytens Lands, hem de voorsz. Thesaurus in 't geheel, off ten deele, off de raerste Tractaten off Figuren, daer wyt mochte komen hem na te drukken, off na te maecten, waar door by alle syne excessieve kosten, vlijt en arbeyt sedert soo veel jaren daer aen gedaen, en noch vervolgens te doen, soude verfoelen syn, soo was den Suppl. tot verhoedinge van het selve te rade geworden, hem te keeren tot Ons, verfoekende Onse Octroy, ofte Privilegie voor den tijd van vyftien eerst achter een volgende jaren, soo voor sich selven, als oock voor de geene derwelcke namaels syn Recht, ofte Actie souden mogen verkrygen, omme de voorn. Thesaurus Antiquitatum & Historiarum Italiae, Neapolis, Sicilia, Sardinia, &c. in Folio X. Tomis cum Figuris, alleen met seclusie van allen anderen te mogen drukken, doen drukken, uytgeven, en verkopen, alles by malkanderen compleet, ofte wel yder Tomus, off Tractaet apart, soo als het den Suppl. voor syn interest best oirbaer soude vinden, met expres verbod, waar by aan allen, en eenen ygelycken buyten hem Suppl. ofte die syn actie off recht namaels mochten verkrygen, door ons wierd verboden de voorn. Thesaurus Antiquitatum & Historiarum Italiae, Neapolis, Sicilia, Sardinia, &c. in Folio X. Tomis cum Figuris, in 't geheel noch ten deele, noch een, off meer aparte Tractaten, off Platen daer wyt te mogen drukken, noch namaecken, te doen drukken, off doen namaecken, wyt te geven, te verhandelen, off te verkopen, ofte elders buyten desen Lande gedrukt, off nagemaecte, deselve niet te mogen inbrengen, te verhandelen, off te verkopen, telkens op verbeurte van alle de gedrukte, nagedrukte, nagemaecte, ingebrachte, verhandelde, off verkogte Exemplaren, off Platen, mitsgaders een poene van drie duysent guldens by ons tegens de Contraventurs te stellen, soo dickwils, en menighmalen, als deselve souden werden achterhaeld; SOO IST, dat Wy de saek, ende 't verfoek voorsz. overgemerkt hebbende, ende genegen wesende ter beede van den Suppl. wyt Onse rechte wetenschap, Souveraine magt, ende autoriteyt, den selven Suppl. geconsenteert, geacordeert, ende octroyeert hebben, consenteeren, accordeeren, en octroyeeren hem mitsdesen, dat by geduyrende den tyd van vyftien eerst achter een volgende jaren, de voorsz. Thesaurus Antiquitatum & Historiarum Italiae, Neapolis, Sicilia, Sardinia, &c. in Folio X. Tomis cum Figuris, (inhoudende de hier onder gespecificeerde Tractaten) binnen onsen voorsz. Lande met seclusie van allen anderen, alleen sal mogen drukken, doen drukken, uytgeven, ende verkopen, alles by malkander compleet, ofte wel yder Tomus, off Tractaet apart, soo als het den Suppl. voor syn interest best oirbaer sal vinden, verbiende daerom allen, ende een ygelycken buyten hem Suppl., ofte die namaels syn actie off recht soude mogen verkrygen, den voorn. Thesaurus Antiquitatum & Historiarum Italiae, Neapolis, Sicilia, Sardinia, &c. in 't geheel, noch ten deelen, noch een, off meer aparte Tractaten, off Platen daer wyt te drukken, noch na te maken, ofte te doen drukken, off doen na maecten, wyt te geven, te verhandelen, off te verkopen, noch elders buyten Onsen voorsz. Lande gedrukt, off nagemaecte, deselve binnen den selven Onsen Lande te mogen brengen, uytgeven, verhandelen off verkoopen, op de verbeurte van alle de gedrukte, nagedrukte, nagemaecte, ingebrachte, verhandelde ofte verkogte Exemplaren, off Platen, mitsgaders een boete van drie duysent guldens daer en boven te verbeuren, te appliceren een derde part voor den Officier, die de Calange doen sal, een derde part voor den armen der plaatse daer het casus voorvallen sal, en het referende derde part voor den Suppl. ende dit telkens en soo menighmael, als deselve sullen werden achterhaelt, des dat dit Octroy, en Privilegie niet betreckelyck sal syn op Philippus Paruta Sicilia in het Italiaens met verscheide platen tot Lions, volgens den Titel plaat gedrukt, maer dat aen de houders van dien sal werden gelaten de vryheyt, omme dat Boek alsof te mogen debiteren, en sels indien sy sulcx souden komen goed te vinden, dat Boeck alleen in die taal, ende mer die Platen (dog sonder eenige verandering van Text off Platen by den Suppl. gedrukt) te mogen herdrukken, en alsof uytgeven, alles in dien verstande, dat Wy den Suppl. met desen Onsen Octroye alleen willende gratificeren tot verhoedinge van schade dor het nadrukken van den voorsz. Thesaurus Antiquitatum & Historiarum Italiae, Neapolis, Sicilia, Sardinia, &c. daer door in geen deele verstaen, den inhouden van dien te autoriseren, ofte te advoueren ende veel min deselve onder onse protexie, ende bescherminge eenig meerder credit, aensien, ofte reputatie te geven, nemaer den Suppl. in cas daerinne iets onbehoorlycx soude inslueren, alle het selve tot synen laste gehouden wesen sal te verantwoorden, tot dien eynde wel expresselyk begerende, dat by alden by dese Onsen Octroye voor den selven Thesaurus Antiquitatum & Historiarum Italiae, Neapolis, Sicilia, Sardinia &c. sal willen stellen, daer van geen geabreueerde, ofte gecontraherde mentie sal mogen maken, nemaer gehouden sal wesen, het selve Octroy in 't geheel, ende sonder eenige Omisfie daer voor te drukken, ofte te doen drukken, ende dat by oock gehouden sal syn een Exemplar van den voorsz. Thesaurus Antiquitatum & Historiarum Italiae, Neapolis, Sicilia, Sardinia, &c. gebonden, en wel geconditioneert te brengen in de Biblioteecq van Onse Universiteyt tot Leyden, ende daer van behoorlyck te doen blycken, alles op poene van het effect van dien te verliesen; ende ten eynde den Suppl. desen Onsen Consente en Octroye moge genieten als naer behoren, lasten Wy allen ende eenen ygelycken dien 't aangaen mag, dat sy den Suppl. van den inhoude van desen doen laten ende gedogen, rustelyck, vredeleyck ende volkomenlyck genieten, ende gebruycken, cesserende alle belet ende wederseggen ter contrarie. Gedae in den Hage onder Onsen Grooten Zegele hier onder aen doen hangen, op den sevenentwintigste Juny in 't jaer onses Heeren en Zaligmakers sevenhien hondert en eenentwintig.

Register off Lyste der Tractaten, die in de Thesaurus Antiquitatum & Historiarum Italiae, Neapolis, Sicilia, Sardinia &c. sullen komen.

Gabrieli Barrius de Laudibus Italiae. Petri Leonis Casella de Primis Italiae Colonis Liber. Jacobi Bracellii Orae Ligusticae Descriptio & de Claris Genuensibus Liber. Gaudenii Merulae de Gallorum Cisalpinorum Antiquitate ac Origine Libri III. Bonaventurae Castillionei de Gallorum Insularum Antiquis sedibus Liber. Vberti Folietae Historiae Genuensis Libri XII. --- Clarorum Ligurum Elogia. --- Conjuratio Joannis Ludovici Flischi. Tumulus Neapolitani. Cardes Petri Ludovici Farnesii, Placentiae Ducis. --- de Sacro Foedere in Selimum, Libri IV. Ejusdem Variar Expeditionum in Africam, cum Obsidione Melitae. --- Opuscula nonnulla Varii Argumenti. Jacobi Bracelli de Bello, quod inter Hispanos & Genuenses Seculo suo gestum, Libri V. Additum est Diploma mitae Antiquitatis Tabellae in agro Genuensi reperta. Jacobi Bonfadii, Annalium Genuensium ab Anno MDXXVIII.

(in quo definit Vbertus Folieta) Recuperatae Libertatis usque ad Annum MDI. Libri V. Hieronymi de Marinis Genua, sive Domini, Gubernationis, Potestatis, Dignitatis Serenissimae Reipublicae Genuensis compendiarie descriptio. Petri Izzati perbrevis Dissertatio de Univerfo Reipublicae Genuensis statu & administratione Reipublicae Genuensis Leges Novae a Petro Bizaro. Andreae Alciati Rerum Patrae, seu Historiae Mediolanensis, Libri IV. Trifitani Calchi Historiae Patrae Libri XX. Cum notis Joannis Guilielmi Calaveroni. --- Residua, hoc est Historiae Patrae Libri XXI. & XXII. aliaque. Josephi Ripamonti Historiae Patrae Libri X. XII. ab anno salutis 1500. qui Trifitiano Calcho Patrae Historiae finis; deum tunc novi Operis initium & tempora insculta memorantur, in III. Partes distincta. --- Historiae Patrae Continuatio, comprehensa octo Libris. Galeatii Capella de Bello Mediolanensi, seu de rebus in Italia gestis pro restitutione Franciscus fortis II. Mediolanensium Ducis, ab anno MDXXI. usque ad MDXXX. Libri VIII. Caroli a Basilica Petri de Metropoli Mediolanensi Libellus. Georgii Merulae Aequitatis Vicecomitum Libri X. Pauli Jovii Vitae Duodecim Vicecomitum, Mediolani Principum, singulorum veris Imaginibus illustratae. Jo. Ant. Castellonaei Mediolanensis Antiquitates. Bernardi Sacci Historiae Ticinensis Libri X. Jo. Chrysolomi Zanchi de Orobiorum, sive Cenomanorum Origine, Libri tres. Joannis Baptista Villanova. Laus Pompejae, sive Lauda (nunc Lodi) Urbis Historia. Othonis Morenae & Acerbi Othonis F. Rerum Laudensium, tempore Federici Aenobarbi Caesaris, Historia Cum notis & emendationibus Felis Offi. Eryci Puteani Historiae Cisalpinarum Libri duo. Alexandri Dukeri Comi Urbis brevis Historia & Descriptio. Camilli Ghilini Tolina Vallis ac Larii Lacus particularis Descriptio. Pauli Jovii Larii Lacus (hodie Comensis) Descriptio. Galeatii Capella, de Bello Musiano, Liber adoptivus. Ludovici Cavirelli Cremonenses Annales. Vmberti Locati de Placentiae Urbis Origine, successu, & laudibus, seriosa narratio. Joannis de Cermenate Historia de Situ, Origine, & cultoribus Ambrosianae Urbis, ac Mediolanensium gestis sub Imperio Henrici VII. Arnulphi Historia Mediolanensis. Joannis Petri Puticelli, Ambrosianae Mediolani Basilicae ac Monasterii, hodie Cisterciensis, Monumentorum singularis descriptio. Benedicti Jovii Historia Novocomensis. Octavii Rubi Monumenta Brixiana. Antonii Gatti Historia Gymnasii Ticinensis. Baptista Platinae Historia Urbis Mantuae & Familiae Gonzaga. Bernardi Iustiniani de Origine Urbis Venetorum Historia. Donati Iannotti Dialogus de Republica Venetorum. Casparis Contareni de Magistratibus & Republica Venetorum Libri V. Nicolai Crassi de Forma Reipublicae Venetae Liber singularis. Petri Bembi Historiae Venetae. Marci Antonii Cocchi Sabellici de Situ Urbis Venetae. Antonii Stella Elogiorum Venetorum Navali pugna Illustratum. Nicolai Crassi Elogia Partitiorum Venetorum. Bartholomaei Facii de Bello Veneto Clodiano Liber. Splendot Invidissimae atque Florentissimae Urbis Venetiarum clarissimus, & figuris elegantissimis, earumque accurata enarratione & dilucida emicans: in duas Partes distributus. Antonii de Ville Pythomachia Veneta. Iosephi Laurentii Dissertatio de Origine ac Solemnitate desponsationis maris Adriatici. Ioannis Valacri Spectacula Venetae. Andreae Mocenici Bellum Cameracense contra Venetos. Rolandini Libri Chronicorum Monachi Paduani Chronicorum Libri tres. Gerardi Maurisii Dominorum de Romano & Marchiae Tarvisinae Historia. Antonii Godi Chronica, quae extant. Albertini Mussati Historia Augusta Henrici VII. Caesaris. --- Tragediae duae, Eccecinis & Achilleis, cum notis Nicolai Villani. &c. &c. Guilielmi & Albrigeri Corusiorum Historia de Novitibus Paduae & Lombardiae. Petri Pauli Vergerii de Carrariensium Familia, & de Illustrum ejus Principum rebus magnifice gestis Historia. I. Noalis de constructione Patavii. Bernardini Scardeonii Antiquitates Urbis Patavii. H. Angelerius de Rebus Aestinis. Laurentii Pignotti Antiquitates Patavinae, & Antenor. Antonius Riccobonus de Gymnasio Patavino. Henrici Palladii Rerum Foro-Julienensium Libri XI. & de Oppugnatione Gradiscana Libri V. Ioannis Piccii de Antiquitatibus Bellunensibus Sermones quatuor. Ioannis Candidi Commentariorum Aquilejensium Libri octo. Marci Antonii Sabellici de vetustate Aquilejae & Forti Iulii Libri sex. Antonii de Ville Descriptio Portus & Urbis Polae. Descriptio Civitatis Bononiae antiquae & hodiernae. Antiquitates Urbis Recinerii. Descriptio Urbis Reatae. Gualdus de Ferraria. Hieronymi Rubi Historia Ravennatum. Desiderius Spretus, de Amplitudine, vastatione & instauratione Urbis Ravennae. Petri Mariae Kavinae Faventia Rediviva. Scipionis Claramontii Historia Casenzae. Jacobi Villani Ariminensis Rubicon in Caesarem Scipionis Claramontii. Vincentii de Rubicone antiquo adversus Ariminum, Scriptura. Dissertatio. Jacobi Villani de Rubicone antiquo Ariminensi in Picciatellum Casenzae Responso. Gabrielis Naudae Exercitatio, quod nomen Senae non Casenza, sed Senogallia conveniat. Guilielmi Postelli de Etruria Regionis Originibus, Institutiis, Religione ac moribus commentatio. Bartholomaei Scalae Historiae Florentinorum Libri V. Francisci Contareni Historia Hetrutiae. Poggii Bracciolini Historia Florentinae Libri octo. Ioannis Michaelis Bruti Historia Florentinae Libri octo. Historia Florentina, de Benedetto Varchi. Andreae Mugnotii Eremitae Camaldulensis descriptio. Caesaris Orlandus de Urbis Senae, ejusque Episcopatus Antiquitate. Antonii Massae de Origine & rebus Faliscorum Liber. Petri Cursii, Civitatem Castellanam Faliscorum non Venetium oppidum esse, Poema, cum Iulii Roscii Additamentis. Dominici Mazzochi Veji antiqui. Eamiani Nardini Veji antiqui. Epistola apologetica de Vejis antiqui. Camilli Peregrini Historia Principum Longobardorum. --- Dissertationes de Veteri Significatu vocis Poetae, & de Origine antiquae Familiae de Columnis Chronologia IV. Heremippus, Anonymus. Falco & Luc. Protospat. cum notis Caraccioli. Descriptio Montis Cassini. P. Diaconus de Viris Illustribus Cassinensibus. Fl. Vgonius de dignitate Reipubl. Cassinensis. Camilli Peregrini Dissertationes de Campania Felice, Antonius Sanfelicius de Situ ac Origine Campaniae. Iulii Caesaris Capaci Antiquitates & Historia Campaniae Felis. M. Anth. Surgentis Neapolis Illustrata. Iulii Caesaris Capaci Antiquitates & Historia Neapolitanae. Bartholomaei Facii de rebus gestis ab Alphonso I. Neapolitanorum Regi, Libri X. Henrici Brenemannii Dissertationes de Republica Amalphitana, &c. Mazza de Rebus Salernitanis. Scipio Mazzella de Puteolis & Cumis. Ioan. Francisci Lombardi Balnearum Puteolis &c. Capaci Virtutes Baln. Neap. &c. Ambrosii Leonis Antiquitatum, nec non Historiam Urbis ac Agri Nolae, ut & de Montibus Vesuvio & Abella Libri III. Mutii Phaebonii Historiae Marforum Libri III. Lucii Camarcae de Teate antiquo Libri III. D. Pauli Antonii de Tassa Historiarum Cuperfaneum Libri III. Antonii Galeati de Situ Japygiae Liber. Ioannis Iuvenis de Antiquitate & Varia Fortuna Tarentinorum Libri VIII. Antiquitates Civitatis Canusii. Gabrielis Barri de Calabria Antiquitate & Situ Libri V. Cl. Mariae Aretii Siciliae Chorographia. Dominici Mariae Nigri Siciliae Descriptio. Antonini Mongitorii Regni Siciliae delineatio. Placidi Carrazae Sicania descriptio & delineatio. Michaelis Ricci de Regibus Siciliae Libri IV. Felini Sandei de Regibus Siciliae & Apuliae Liber. Rocchi Pirri Chronologia Regum Siciliae. Philippus Paruta Sicilia Nomenclastica. Georgii Ioannis Gualtheri Inscriptiones Siciliae, &c. Chronicon Siciliae incerti Authoris. Sabas (vel Salas) Malaspinae Rerum Sicularum Libri VI. Nicolai Specialis Rerum Sicularum Lib. VIII. Gaustidi Malaterra res gestae Roberti Viscardi & Rogerii Calab. & Sicil. Duc. Alexandri Abbatis res gestae Rogerii Siciliae Regis. Brevis Historia Liberationis Messanae a sarracenis dominata &c. Genealogia Roberti Viscardi, ex Proleto Luc. Chronis descerpta. Descriptio Victoris Caroli Siciliae Regis, Ann. MCCLXVI. Proleto de Luca Genealogia Caroli Siciliae Regis. Epistola Pontificum ad Principes & Reges Francorum, & super negotia regni Siciliae. Francisci Maurolyci Sicancorum Rerum compendium, Libri VI. Thomas Fazzoli de rebus Siculis Decades duae. Hugonis Falcandi de rebus in Sicilia Regno Histor. Caesaris Bonarii tractatus de Monarchia Siciliae. Conradii Vercelli Historia de duabus Seditibus Siciliae sub Imperio Caroli V. Rocchi Pirri Sicilia Sacra. Alberti Piccoli de antiquo Iure Ecclesiae Siculae Dissertatio. Antonii Philothei de Homodeis Aetnae Topographia, atque ejus incendiorum Historia. Petri Carrazae descriptio Aetnae. Alex. Burgos descriptio Aetnae. Petri Carrazae Cataniae antiquae descriptio. Guarnieri Cataniae. D. Ioannis Baptista de Grossis Catanense Decachordum, sive Novissima Sacrae Ecclesiae Catanensis Notitia, Augustini Inveges Canthagenensis Descriptio. Iosephi Buonfiglii Descriptio Urbis Messanenensis. Plac. Reinae Antiquitates Messanenenses. P. Madio Pace Antiquitates Calatrogenenses. M. acidi Carrazae Motucae Descriptio. M. Valguameri Antiquitates Panormitanae. Aug. Inveges Antiquitates Panormitanae. D. Francisci Baroni ac Manfredis de Panormitana Majestate Libri IV. D. Vincentii Mirabellae Explicatio Iconographiae Antiquarum Syracusarum, ut & Selectorum Numismatum, II. Tomis. Jacobi Bonanni antiquae Syracusa illustrata. Antonini de Amico de Urbis Syracusarum antiquo Archiepiscopatu Dissertatio. Antiquitates Sicili. Ioannis Pauli Chiaranda Placita antiqua. Iosephi Vincentii Aetnae Notitia Historica. Originis ac Institutionis Cephaledis. Hieronymi Ragusa Elogia Siculorum. Benedicti Cochorellae Tremetanae, olim Diomedae Insulae Descriptio. Salvatoris Vitalis Annales Sardiniae. Ioannis Francisci Farra de rebus Sardiniae Historia. Melita Illustrata, per Franciscum Abela.


Was geteekend

W. V. WASSENAER.

Tot Ordonnantie van de Staten

SIMON VAN BEAUMONT

Lager stond:



THE SAURUS
ANTIQUITATUM
ET
HISTORIARUM
ITALIAE,

TRANSPADANAÆ ET ALPIBUS VICINAE.

TOMI QUARTI PARS PRIOR.

LUGD. BAT.

Apud PETRUM VANDER Aa.

M. Pool Sculp.



THE SAVRVS
ANTIQVITATVM
ET
HISTORIARVM
ITALIAE,

Quo continentur

Optimi quique Scriptores,

Qui

REGIONIS TRANSPADANAE

Et

ALPIBVS VICINAE

*Confiniumque Populorum ac Civitatum Res Antiquas, aliasque vario
tempore gestas, memoriae prodiderunt:*

Digeri olim coeptus Cura & Studio

JOANNIS GEORGII GRAEVII.

Accesserunt

Variae & accuratae Tabulae, tam Geographicae, quam aliae,
ut & Indices ad singulos Libros locupletissimi:

CVM PRAEFATIONIBVS

PETRI BURMANNI,

*J. U. D. Historiarum, Graecae Linguae, Eloquentiae & Historiae foederati Belgii,
in Academia Lugduno-Batava Professoris.*

TOMI QVARTI PARS PRIMA.

Scriptores totius hujus Operis post Praefationem reperientur.



LVGDVNI BATAVORVM,
Excudit PETRVS VANDER Aa,
Bibliopola, Civitatis atque Academiae Typographus, MDCCXXII.

Cum speciali Privilegio Illustr. ac Praepotent. Ordinum Hollandiae & West-Frisiae.

ANTIOCH

THE

ITALIAN


REGIONIS TRANSADRIAE

ALIBVS VICINAE


JOANNIS GEORGI GRAEVI

PETRI BARNI

TOMI QVARTI TRIMA



JOHANNES GEORGIUS GRAEVI



LECTORI AEQUO ET BENEVOLO

S. D.

PETRUS BURMANNUS.

Nihil incertius esse eventu, quem sibi in conatibus capiendis homines proponere solent, non modo rerum publicarum & maximarum, quas Reges & principes humani generis suscipiunt, & quarum omnis saepe spes in incerto temporis exitu est collocata, molitiones, sed & literariae curae & cogitationes, in quibus primarii saepe in studiis optimarum artium viri versantur, docere possunt. Quotus enim quisque inter eruditos, aliquod decus & nomen gerens, extitisse deprehenditur, qui, cum ad praeclarum aliquod, & quod utilitate simul & amplitudine laboris majorem partem Antiquitatum vel Historiarum veterum complecteretur, concinnandum opus adgressus esset, finem propositi & suscepti laboris videre potuerit. Tot & tam nec opinati rerum humanarum casus, bellorum motus, & perturbationes imperiorum, regnorum & civitatum mutationes & vicissitudines, temporum denique ingentes saepe conversiones, interrumpere egregie suscepta solent, ut raro reperiantur, qui spes suas in longi temporis incerta mittere velint, aut aliquid suscipere audeant, cui non intra paucorum annorum circuitus summa manus imponi possit. Adde quod ingentibus illis moliminibus, non primae aetatis juvenes admoveri solent, sed, ut operibus magno sumptu exstructis, ex Viri, jam auctoritatis & famae constitutae, nomine, pretium & gratia concilietur, saepe jam senectutis vitio imbecilles, & a quibus dies summus non longe abesse judicari debet. Hinc posteritas, tot adfecta, nec consummata opera ingenti desiderio, ubi vitas doctorum virorum perlegit, requirere, & perditam esse dolere consuevit. Nec aliter evenire potest, cum, licet ipso aetatis & roboris flore vigentes juvenes, tot simul

**
ope-

operibus manus admoverent , et illis praescriptos lege aeterna humanae vitae fines aliquantum transire daretur , omnium perfectionem & absolutionem sperare umquam possent. Quid mirum ergo , si viri , aetatis jam affectae , raro magna negotia emoliri queant , sed interrupta aliis perficienda tradere cogantur.

Hoc certe fuit ingentis & fere Herculei laboris illius fatum , cui se decrepantibus viribus & annis , magno animo adcinxerat celeberrimus GRAEVIUS : qui cum ingentes semper curas sustinuisset , non ad ornandam modo unam studiorum elegantiorum partem , sed ad demerendum omnem , qua patet , disciplinarum interiorum orbem , animo capaci cogitationum immensarum , vastissimi operis imaginem conceperat , quo omnis Antiquitatis & Historiarum studiosis numerosae bibliothecae in uno corpore compendium faceret , & veteris simul & recentioris *Italiae* , & Imperii fata certis voluminibus circumscriberet. Hinc prius in ipsius *Romae* , non *Italiae* modo , sed totius Orbis capitis , natales & origines , processus , incrementa , maturitatem , & quibus maxime supra alias civitates caput extulit , leges , instituta & mores , tam publicos , quam privatos exhibendos , animum intendit. Qui labor conquirendi & digerendi tot libros , quorum bona pars vix nomine noti erant , feliciter ad exitum perductus , duodecimque voluminibus omnis *Romanae* Civitatis antiquitas comprehensa fuit , votique sui compoti metam illam primi cursus , quem instituerat Vir maximus , attigisse feliciter contigit. Sed cum hoc insigni opere illorum magis , qui in solius *Romae* , olim orbi imperantis , splendore mentem et oculos defixos tenent , sitim exstinxisset , quam ingentis inter eruditos multitudinis , qui studia & curas suas ad tempora nostris propiora demittere solent , desiderio satisfecisset : simulque Viros in rebus publicis regnorum & civitatum versantes , quorum magna pars haec a memoria hominum remotiora vel fastidire , vel leviter attingere solet , querentes saepe audivisset , semper florentis & dominantis *Romae* , & Imperii maximi miracula seculo nostro magna cum ambitione ostentari , paucos vero senescentis & intermortui Imperii reliquiis colligendis se adcingere , ad arduum magis & compositionis difficilioris corpus adgressus fuit : quo totius *Italiae* , ab eo tempore , quo Imperatorum in Occidente majestas , vel inertia regentum deformata , vel incurso & inundatione Barbararum , ut *Itali* vocare solebant , gentium plane fuit obruta & exstincta , antiquitates & fata

com-

comprehenderet. Lacerati ergo in infinita membra & partes Imperii reliquias, & novam non *Italiae* modo, sed universae *Europae* faciem informare animo instituerat, & *medio*, ut adpellari solet, *aevo* res gestas, regnorum, principatuum, & rerumpublicarum, quae ex ruinis immensi imperii surrexerunt, origines producere cogitaverat, unde viris civilibus, & rebus maximis praepositis, facili opera & studio, etiam fontes aperirentur, ex quibus per varias temporum & rerum conversiones ad hodiernam *Europae* formam intelligendam descenderent. Hinc THESAURUM, qui totius *ITALIAE*, maximi olim imperii sedis, & unde reliquorum per *Europam* populorum fata & vicissitudines defluerunt, statum & fortunam contineret, exstruere meditatus, lineamenta totius operis duxerat, ex quibus non modo urbium plerarumque origines & antiquitates, sed res & bella, quibus *Italia* per longum annorum decursum concussa fuit, cognosci possent. Tales autem conquisiverat in primis scriptores, qui *Italiae*, quæ primum a *Graecis*, deinde a *Gothis*, *Hunnis*, *Lombardis*, *Francis* & *Germanis*, infestata & inundata fere fuit, varios casus exponerent, & deinde per imperii reliquias & vestigia ad eam, in qua nunc substitit, conditionem deducerent. Cum enim cum ipsius religionis Christianae incremento, Episcoporum etiam *Romae*, quae se omnium Ecclesiarum matrem & caput ferebat, dignitas & auctoritas augeretur, & deinde ex damnis Imperii novas quotidie vires adsumeret, ea tandem nata fuit omnium in *Italia* rerum perturbatio, ut ipsa fere fundamenta & principia, quibus Imperatoria majestas in *Italia* inniteretur, fuerint obscurata & deleta. Tot novi dominatores, & principes exorti fuere in *Italia*, qui partim vi & armis, inter factiones domesticas, sibi tyrannidem & perpetuos urbium magistratus vindicarunt, partim adulationibus & obsequio Pontifici gratificantes, opes sibi non exiguas pepererunt, & adjuvante Papa, qui lacerari potius imperii integrum corpus, quam unum sibi & *Italiae* timendum dominum pati volebat, se omni nexu & vinculo liberarunt. Immo ipsi Papae, collisis & commissis calliditate mira *Lombardis*, *Francis* & *Germanis* maximam sibi inter internecina bella majestatis partem vindicarunt. Non paucae quoque civitates, Regum & Episcoporum discordias gravissimas et longas, suam occasionem ratae, vel pecunia, ab inopia pressis Imperatoribus, libertatem mercatae, vel armis & vi excusso jugo, legibus suis vivere institue-

runt , quarum etiam quaedam domesticis seditionibus agitatae , in civium rursus potentiorum tyrannidem concesserunt: qui arbitantes illo statu rerum id, quod occupasset quemque habiturum , longo deinde tempore , ut jure , dominationem firmaverunt. Horum temporum accurata & absoluta cognitio , quantum ad publicarum etiam hujus seculi rerum tractationem , utilitatis & adjumenti conferat , nemo negabit , nisi qui continuas inter *Europae* Principes lites & controversias non solum armis , sed et juris aliquando imagine disceptari , ignorat. Nondum enim illas conticescere & sopitas jacere , sed male fidis toties pactionibus compositas magis , quam finitas , ad primam occasionis auram , subinde reviviscere deprehendimus.

Ut ergo interiorum & antiquarum literarum studiosis reclusus fuit ROMANARUM ANTIQUITATUM THESAURUS, ita Principibus & Regibus, eorumque amicis & ministris hic ITALIAE exponitur, ut inde promere jura & fundamenta, quibus totius fere *Europae* regna & imperia innituntur, possent.

Priores hujus Thesauri tres tomi, quos ex instituto & consilio magni *Graevii* Librarius noster ordinaverat (ipse enim *Graevius* antequam typis exirent, diem supremum obierat) illam *Italiae* partem , quae *Alpibus* & *Ligustico* mari est vicinior, complexi sunt. Auctores , qui in hanc priorem partem conjecti sunt , erudita praefatione commendavit Celebrissimus *Perizonius* , quo etiam defuncto ad me itum fuit, ut de reliquis hujus operis voluminibus cum Lectoribus agere vellem. Diu certe dubitavi , an has partes mihi imponi paterer , cujus nullae fuere in congerendo vel disponendo Thesauro , qui maximam partem jam a Cl. *Graevio* descriptus , & insigni industria , & diligentia a *Petro* van der *Aa* , capto per totam *Europam* cum Viris, dignitatibus & eruditione illustribus, consilio , auctus erat. Sed ne deessem publicae utilitati, & sine exemplo ad conquirendos ex omnibus bibliothecarum angulis libros & libellos sollerti Bibliopolæ , hanc subterfugere nolui molestiam , nec , qui duorum in literarum cultu & studiis Virorum principum, *Graevii* & *Perizonii*, vices in Academiis nostris exceperam , potui hanc ab illis relictam provinciam detrectare.

Quare , cum fidem , quam Librarius dederat , se , ubi belli, quod totam fere *Europam* adflaverat, incendium extinctum esset , telam , quam exorsus erat , pertexturum , liberasse se ostenderet , & hos sex tomos ad me deferret , istos perlustrandi laborem suscepi , ut quid complecterentur , bre-

brevi in tabella lectoribus exponerem & enarrarem.

Non multum vero a prioribus voluminibus, horum argumentum discrepat ; sed *Galliae Cisalpinae*, sive *Italiae* illam partem, quæ ad *Alpes* & Mare *Ligusticum* sinusque *Adriatici* initium adjacet, præcipuas urbes & Principatus complectitur. Quæ *Italiae* portio, ut olim ingentium rerum & factorum fuit spectatrix & testis, ita memorabiles casus & rerum vicissitudines lectoribus exhibebit. *Langobardia* enim, sive ut vitiato nomine, *Lombardia* vocari solet, tot illustres Principum & civitatum historicos & præcones sortita fuit, ut nullus in tota illa regione fere angulus lateat, qui non ab aliquo scriptore monumentis publicis sit illustratus. Inter omnes vero Urbes caput olim extulit, & etiamnum eminet *Mediolanum*, splendidissima totius *Galliae Cisalpinae* metropolis, qua Urbe nulla in *Italia* graviores belli domestici & externi motus & furores experta, amplam annalium conditoribus materiam præbuit, cujus partem jam prioribus tomis exhibiti *Alciatus*, *Chalcus*, *Ripamontius* & alii exhauferunt. Primus ergo in his, qui nunc prodeunt, tomis locus datus est JOANNI DE CERMENATE, qui diligentissime Originem, situm & cultores Urbis magnificentissimae descripsit ; & quid præcipue in illa & vicinia sub *Henrico VII.* actum fuerit enarravit. Hunc, diu intra claustra Bibliothecae *Ambrosianae* delitescentem, produxit vir celeberrimus *L. Antonius Muratorius*, quo diligentiorem veteris aevi, & monumentorum antiquorum indagatorem, nullum hodie *Italia* ostentare potest ; qui insignis *Analectorum* collectionis, qua totum sibi demeruit literatum orbem, tomo secundo ejus historiam inseruit, & eruditissima præfatione, Auctoris ingenium & dotes complexus, nobis longioris dissertationis gratiam & vacationem fecit. In quo viro nescio an magis mirer doctrinam eximiam, & patriarum rerum intelligentiam, an rarum animi candorem & integritatem, quæ non caeco erga populares scriptores amore eum abripi patiuntur, sed multa sæpe studio partium & sectæ, quam secuti fuere scriptores, nimis credulis sæpe excidisse fatetur, quæ apud posteros, minus hodie confictis ad religionem populis injiciendam narrationibus tribuentes, vix fidem inveniunt. Ingenue enim fatetur leviolem quoque hujus, ut plurimorum, scriptoris sibi videri auctoritatem, ubi altius populorum *Italicorum* origines ex incertis & fabulosis traditionibus repetit, quam ubi ad ea tempora delabatur, quibus ipse proximus vixit, & quæ spectare, vel ex certis

auctoribus accipere potuerit. Tunc vero ipsi prae aliis fidem habendam gravissime ostendit, eumque ab omni fervilis adsentationis macula, qua *Jovius*, *Nierula* & alii, qui regnantium gratiam captantes leges Historiae saepissime temerare non dubitaverunt, famam suam obfuscarunt, absolvit. Si vero ullum Historiae *Italicae* tempus accurate excuti & perpendi mereatur, est certe illud, quod *Henricum VII.* Imperii summi gubernacula tenentem vidit. Sub eo enim gens *Vicecomitum Mediolanensium*, auctore praecipue *Matthaeo*, caput coepit extollere, & dominationis illius fundamenta jacere, quae deinceps in admirandam omnibus excrevit magnitudinem, & perpetua bellorum semina prae-buit. Tunc divisa & misere lacerata inter *Gibellinorum* & *Guelforum* factiones *Italia*, tot simul novi Tyranni & principes exstiterunt, tot civitates modo jugum servitutis recipere, modo eo excusso legibus suis uti instituerunt, ut non aliud majorum vicissitudinum & conversionum magis animadvertendarum nobis seculum cucurrerit. Horum Dominatorum quidam civitates vel vi, vel juris specie occupatas, ad posteros regnandas transmisere, alii ab aliis ejecti & deleti, nihil nobis nisi memoriam & nomina reliquerunt. Inter omnes, vero, qui has *Cisalpinae Galliae* commutationes, & causas, & origines tot motuum descripsere, jure primum huic JOANNI DE CERMENATE dat locum Illustris *Muratorius*, qui amplissima oratione ejus merita exsequitur. Nobis praeterea nihil in illo observatum fuit, nisi quod, ut olim *Itali* solebant, *Germanicae* genti paullo iniquior esse videatur, quos *Barbarorum* nomine saepe notare, & *Stolidam gentem* vocare non erubescit. Unum vero minime praetereundum puto, sed illis, qui veterum scriptorum, quos aurea & erudita *Romanae* civitatis aetas tulit, perditos codices investigare solent, diligenter animadvertendum puto. Celeb. enim *Muratorius* ex *Gualvanei Flammae* manipulo florum, qui in bibliotheca *Ambrosiana Mediolani* servatur, notat, hunc JOANNEM de CERMENATE possedisse *Titi Livii* codicem inter alios libros; qui tamen an integrior fuerit aliis exemplaribus, quae postea reperta fuere, non addit. Sed diligentem illum *Livii* lectorem fuisse, & multa ex illo Historico in sua scripta transtulisse, insigni ex hoc opere loco constare potest. Capite enim primo, & seq. ubi *Gallorum* in *Italiam* adventum describit, tantum non omnia ex *Livii Lib. v. cap. 34. & seqq.* repetit. & si ejus verba cum illis, quae hodie apud *Livium* leguntur,

guntur, conferre vacabit, quaedam eum interpolasse, quaedam etiam in ejus codice diverse lecta olim fuisse, atque nunc, adparebit: saepe etiam cum optimis manu exaratorum codicum, quorum fide viri docti *Livium* emendarunt, lectionibus ejus verba conspirare deprehendi. Sed angustiae hujus praefationis exactam utriusque scriptoris comparisonem non patiuntur; certe criticis auctor esse non dubito, ut in medii hujus aevi scriptoribus versantes, diligenter semper ea loca excutiant, quibus de veterum populorum fati & migrationibus agunt; nam saepe integra veterum loca in scripta sua transtulisse patebit, quae cum olim ex manuscriptis codicibus depromserint, variarum saepe nobis lectionum copiam non exiguam subministrare possunt. Quod cum multis exemplis ostendere proclive foret, unicum, quia de *Gallis* quoque & eorum migratione agit, adducam, ex Anonymo Auctore, quem Illustris *Leibnitius* protulit inter Accessiones Historicas Tom. I. & qui, *Gesta Trevirorum* conscripsit. Is Cap. VIII. libri sui ad verbum fere omnia, quae Justinus *Lib. XXIV. Cap. 4.* reliquit de *Gallis*, in sua transtulit; & talia plura posse investigari nullus dubito. Memorabile praeterea in hoc scriptore est, quod licet Pontificiae auctoritati plus, quam Imperatoriae, tribuere videatur, & *devolutam a Graecis ad Germanos electionem Auctoritate sedis Apostolicae* dicat, juris tamen, quod VII. Principes *Germaniae*, praeter alios sibi eligendi Imperatorem vindicant, originem, non ut alii, Pontificiae constitutioni adscribat, sed ingenue se *non cognoscere* adfirmet. multo prudentior & sincerior in hac parte *Merula* & *Chalco*, quorum errores Cl. *Perizonius* in praefatione sua castigavit. Non immunem vero a superstitione & religioso metu, quo obnoxios homines fatalibus libris & vaticinationibus, quae vulgo de futuri temporis conditione ferebantur, teneri saepe videmus, fuisse, addiscere licet ex *Cap. XLII.* ubi culpat factum *Rizardi* de *Marliano* civis sui, qui, quum ex libris *Sibyllinis* (qui quales fuerint non addit) conjectasset, *Henricum VII.* antequam *Jannua* (*Genua* ita dicebatur) discederet, moriturum, ibique non Rex sed Regina esset extincta, Rexque incolumis *Pisas* pervenisset, eos ut falsos in ignem projecit; se amplius nolle falli ab iis addens. Quod laudabile viri factum ipse culpans, stultitiam suam & superstitioni deditum animum prodit, cum *Sibyllae* illius praedicta ita vera fuisse contendat, quasi mortua Regina Viri quoque regnum conciderit. De morte vero *Henrici* vera nostrum *Joannem* prodidisse, calumniamque illam, qua veneno sublatum a *Bernardo* Praedicatorum

torum familiae sodale, distulerunt plurimi, abunde discuffit *Muratorius*.

Joannem de Cermenate excipit *ARNULPHUS*, qui *Historiam Mediolanensem* literis consignavit, & quem *Illustri Leibnitio*, qui Tom. II. *Scriptorum Brunsvicensium* eum inseruit, debemus; summus vero Vir in praefatione de Auctore & ejus meritis abunde dissertavit. Singulare in hoc Auctore est, quod omni modo conatus est supra seculi sui scriptores elegantia stili & dictionis eminere, sed similis illis, quos *Fabius* dicit elegantius velle scribere, quam possunt, putida affectationis labe munditiam & simplicitatem sermonis infecit & corripit. Tumore & hyperbolica oratione & audacissimis, ex linguæ sanctæ & codicis divini inepta imitatione translatis, figuris, ridiculum se sanis hominibus praebeuit. Non erat id tempus, quo vera scribendi ratio & nitor erant cognita, neque ex ejus aevi auctoribus Orationis polities, sed rerum gestarum fides & auctoritas sunt repetendae. Fides vero ejus satis idonea, nisi quod, more omnium, primo libro, de temporum Antiquiorum factis agens, magis audita quam comperta narret, sequentibus vero certiora, & quibus ipse interfuit, prodat. Non humili vero loco ortum, neque a rerum publicarum administratione remotum vixisse indicat *Lib. IV. Cap. 3.* ubi se legationis *Mediolanensis* ad Papam partem fuisse scribit. Pietatis studium quoque non defuisse *Arnulpho* inde confici posset, quod, cum corruptissimi hoc tempore essent Antistitum & Sacerdotum mores, non potuerit sibi temperare, quin vitia & flagitia Cleri (ut vocat) censoria nota insigniret. Vid. *Lib. III. Cap. 8. 9. & 12.* nec *Hildebrandi* & aliorum impotentiam, qua fundamenta pontificiae dominationis jecerunt, silentio transit, sed Ecclesiae *Ambrosianae*, & Archiepiscopis liberam a Papae imperio administrationem ubique gravissime vindicat, eosque ipsis Papae legatis minime concedere debere contendit, & Cardinales quoque Ecclesiam *Mediolanensem* (ut multas olim alias) aequae ac *Romanam* ornasse. Vid. *Lib. II. Cap. 6. III. 12. & 31.* Aperte etiam jus Imperatori creandi episcopos in *Italia*, vindicat. *Vetus enim* (inquit *Lib. III. Cap. 18.*) *Italici Regni conditio, perseverans usque in hodiernum, ut defunctis Ecclesiarum praesulibus, Rex provideat successores Italicus, a clero & populo decibilter invitatus.* Cui repugnasse *Hildebrandum*, & novum tentasse indicare constitutum deinde narrat & damnat. Vid. & *Cap. 22. & 24.*

Sequitur *JOANNIS PETRI PURICELLI Ambrosianæ Mediolani Basilicæ, ac Monasterii hodie Cisterciensis Monumentorum* de-

descriptio, qui liber insignia, & non ubique obvia veteris temporis monumenta complectitur. Et quamvis multa intermiscuerit, quae animos illorum explebunt, qui miraculis antiquis delectari solent, & venerari gaudent traditas per manus reliquias, quibus reverentia & sanctitas locis religione plenis conciliatur, etiam ab illis, qui arcana illa Dominationis Ecclesiasticae non nimis diligenter esse perscrutanda adfirmant, non parum tamen diligentiae posuit, in indagandis etiam certioris fidei documentis. Magnam certe Historiae patriae scientiam ubique prodit, & diplomata & rescripta Imperatorum & Pontificum insignia ex tenebris profert, priorumque Historicorum peccata contra certam temporum doctrinam & rationem, & rerum gestarum veritatem, indubitatis argumentis refutat. Sic, exempli gratia, sectione CCCC. & seqq. contra plures, qui id tradiderunt, probat, *Cunradum* minime in *Italiam* venisse, nec coronatum *Mediolani*, quamvis Chronici *Hirsaugiensis* auctor ad A. C. 1151. eum venisse in *Italiam*, sed noluisse coronari adfirmet. Inter alia memoranda operose exsequitur Historiam *Frederici Barbarossae*, quem non *Conradi* Imperatoris, sed ejus fratris filium fuisse optime probat. Confuderunt enim Scriptores duos *Fredericos*: *Cunradi* enim Frater *Fridericus*, dictus de *Hohenstauffen*, pater *Friderici* imperatoris fuit, ut *Otho Frisingensis* aperte testatur, *Cunradi* autem filius, qui non successit patri, etiam *Fridericus* dictus fuit. Colloquium etiam *Friderici* Imperatoris cum Papa *Alexandro* in urbe *Veneta* habitum diligenter exponit, & Imperatorem magnifice a Duce *Venetiae* & Clero & Populo exceptum, & ad *Papam*, cum *Episcopis honorifice residentem*, peditem accessisse, seque rejecto pallio ad pedes *Papae* toto extenso corpore inclinavisse, quem *Papa* cum lacrimis benigne elevatum recepit in osculo & benedixit. nihil de calcato Imperatoris collo, aut prolatis insolentiae & arrogantiae plenis verbis, adjungens. Vid. Sect. DLXIX. & seqq. ubi operose hanc fabulam refutat.

A *Mediolanensium* Scriptoribus ad vicinarum urbium Historicos hinc transitur, & primus celeberrimo Patriae suae *Novicomi* decoratori BENEDICTO JOVIO locus datur. Fuit hic *Pauli Jovii*, qui in vulgus notior est, frater major natus, & quem in Elogiis suis *Paulus*, non ut fratrem, sed ut patrem, se veneratum testatur, & pluribus laudibus extollit, quae huic Historiae praemissae legi possunt. Historiam vero altius repetit, & per *Romanorum* Imperatorum, deinde *Germanorum*, & postea *Gothorum*, *Langobardorum*, *Francorum* & *Germanorum* successiones breviter delapsus, deinde patriae suae reliqua

liqua exsequitur. In illis hoc memorabile offendi, quod regnum *Gothorum* a celeberrimo illo *Theodorico* conditum, quasi beneficiarium & fiduciarium *Græcorum* Imperatorum faciat. & a *Zenone Italiam Theodoricum*, ut munus, accepisse regendam, quod ex regum *Gothorum* nummis, qui altera parte etiam *Constantinopolitanorum* effigiem exhibent, constare ait. In quam sententiam etiam discessisse video *Cangium* in dissertatione de numismatibus inferioris ævi, quæ post *Glossarium* mediæ Latinitatis legitur, §. 23. neque ab ea abhorret, *Bandurius* *Celeb.* ubi *Justiniani* numismata illustrat. *Theodoricum* enim ea lege accepisse *Italiam* a *Zenone* contendit, ut ne quid in ea immutaret, sed ex formula Imperii administraret, & hinc omnium Magistratuum vocabula, quæ ab imperatoribus *Romanis* erant frequentata, retinuisse, Praefectos Praetorio, urbi, Consules &c. dignitatem suam obtinuisse, ut ex *Cassiodori* formulis adparet. Deinde extincto *Langobardorum* regno, & ad *Germanos* summa rerum delata, sub *Carolingis* & *Ottonibus* saepius tentasse *Langobardos* jugum Imperatorum excutere, & multas civitates libertatem arripuisse, creatis Consulibus, qui *Comunes* dicebantur. De Episcoporum jure & auctoritate agens agnoscit *Carolo* Magno jus fuisse designandi summi Pontificis, & Antistitem per omnes provincias, idque Ecclesiasticis decretis confirmatum fuisse, & *Henricum* in primis IV. ejus juris fuisse tenacissimum. Non temere etiam fabulosa recepisse hunc historicum inde discere licet, quia *Bernardinum Corium*, quem ut nugacem & levem auctorem, rejectum fuisse ex *Thesauro* hoc a Cl. *Graevio*, celeberrimus *Perizonius* notavit, multis erroribus historiam foedasse docet. Ubi viros Illustres *Comenses* recenset, inter illos relatum video *Caecilium* quemdam Poëtam, sodalem *Catulli*, ad quem ejus Poëtae Epigramma XXXVI. refert, nec *Catullum* auctorem Poëmatis in *Atyn* esse, sed *Caecilium* censet. Quæ tamen suspicio infirmis admodum argumentis confirmatur, neque ullum indicium proditur, quo patria *Comensem* fuisse probatur; sed solummodo *Comi* ad Lacum *Larium* aliquando commorantem ad se *Veronam* invitasse *Catullum*. Potuit vero ille esse *Q. Caecilius Celler*, cognominis patris filius, qui praetor Consuli *Ciceroni* in *Catilinaria* conspiratione egregiam operam navavit, & deinde ex praetura *Galliam* provinciam obtinuit. potuitque ille tunc *Comi* morari; praesertim si verum sit, quod *Apulejus* in *Apolo*gia tradit, *Lesbiam Catulli*, fuisse *Claudiam Quadrantariam Caecilii* uxorem, ad quam ille forte jure sodalitiæ & amicitiae nomine irrepens amici sui uxorem subagitavit. Nam *Ovidius*

dius II. *Trist.* 430. dicit *Catullum fassum fuisse adulteria sua*. Hanc vero insignis impudicitiae feminam fuisse tradunt veteres, cum frater ejus cum illa & duabus fororibus incesti consuetudinem habuerit. Immo ipsum *Catullum Lesbiae* suae, (id est *Claudiae*) consuetudinem cum *Lesbio* (qui *Claudius* vel *Clodius* est) aegerrime tulisse, patet ex *Epigr.* LXXX. ut recte observavit *Scipio Gentilis* ad *Apulej. Apol.* p. 178. & jam notaverat *Muretus*, licet *Scaligero* id commentum non placeat, & *Gellium Lesbio* substituatur. Sed haec accuratius essent & majori otio discutienda. Meliori certe specie *Como* patriae suae vindicat *Plinium*, contra eos, qui *Veronensem* fuisse acriter contendunt. Idem decus patriae suae postea adseruit *Paullus Cigalinus Novocomensis*, qui *Benedictum* hunc *Jovium* multis ornat laudibus, & virum Latine, Graece & Hebraice literatissimum vocat, diligentemque antiquae lectionis investigatorem praedicat. Cui respondit, & *Veronae* causam egit *Polycarpus Veronensis* tribus libris de vera *Plinii* patria *Veronae* A. 1608. editis. quam litem nunc dijudicare nihil attinet. Quod vero *Jovius* tertium *Plinium*, cognomine *Valerianum*, suae etiam patriae adscribat, eumque antiquioribus temporibus, quam vulgo ab eruditis creditur, vixisse adfirmet, nescio qua auctoritate id fecerit, cum omnia, quae de ejus nomine, aetate, patria & studiis jaçantur, sint incertissima. Nihil vero argumento, quo ex *Lapide* apud *Gruter.* pag. DCXXXV. 1. utitur, infirmius, cum si jam sit ad eum referendus ille titulus, nihil inde confici possit, nisi illum *Comi* esse mortuum, non vero natales habuisse. Praeterea *Boissard.* Tom. V. Ant. p. 60. *Romae* ad *Minervam* lapidem illum collocat. Non contendemus vero acriter, an lapide illo *Medicus* ille *Plinius* designetur, cum viros summos *Reines.* lib. III. Var. 4. & *Meibom.* ad *Cassiodori Formulam Archiatrorum* pag. 37. id summo opere velle videam. Illum vero opere ipso, non solum scriptis medicum fuisse ostendit *Barthius* lib. X. adv. 25. qui etiam lib. II. cap. 14. eum *Gallum* fuisse, & post *Valentiniani* tempora floruisse ideo conficit, quia lib. I. cap. 54. meminit *Ventidii* medici, qui sub eo imperatore vixit.

Dimitterem *Jovium*, nisi nefas esse putarem sine honore civis & popularis mei *Hadriani Sexti Pontificis Romani*, nomen transmittere, quem hominem *Batavum* invitis *Italibus* sedi *Romanae* fuisse impositum omnes norunt, ideoque debitis ejus simplicitati & pietatis studio laudibus ab illis ornatum non fuisse, saepe fuit animadversum. *Benedictus* vero *Jovius*, fratrem suum *Paullum* ita ab *Hadriano* amatum fuisse, & in tanto honore habitum nobis narrat, ut eum *Comensis* ecclesiae Canonatu ornaverit, simulque (tanti

hujus historici auctoritatem faciebat) pactus fuerit, ut honorificum in ejus historia locum, pro munere hoc, apud posteros haberet. Qualem vero gratiam benefico huic Papae retulerit *Jovius*, ex ejus Historia existimare licet. Cum enim in fine *Lib. XX.* exitum *Leonis X.* narrasset, haec subjungit. *In ejus locum successus Hadrianus sextus, mira & certe pudenda, si Italiae decus respiceretur, senatorum factionum suffragatione, quum festinatis comitiis, hominem apud Batavos extremi Oceani natum, & tum in Hispania agentem, virtutis nomine, cunctis senatorii ordinis praetulissent.* Libro deinde sequenti in *Hadrianum*, immeritum certe, partem maximam culpaе, qua *Rhodus* insula Christianis erepta in manus *Turcorum* venit, confert, quia copias, quas *Rhodum* debuisset mittere, in *Galliam Cisalpinam*, ut Caesaris opes confirmaret, mittendas esse censuerit: cum certum fuerit *Hadrianum*, quamprimum *Romam* venerit, statim omnes nervos intendisse, ut compositis bellis inter Caesarem & *Franciae* regem aliosque principes, in communem hostem iretur, & literas misisse ad omnes, quibus omni contentione id agebat, ut pace inter Christianos facta contra *Turcos* proficiscerentur, immo *Venetis* & aliis minatum fuisse etiam vim censoriae animadversionis, nisi induciis intra tres menses factis rei Christianae prospicerent; sed frustra illum laborasse aliud spectantibus *Venetis*, nec *Solimanni* iram provocare volentibus. Quod ipse fatetur celeberrimus *Venetorum* Historicus *Paulus Paruta libr. V. Historiae Venetae.* Classem vero, quae missa erat, ut *Rhodiis* auxilium ferret, non Papae culpa, sed aliorum, quorum curae commissa erat, tardius cursum direxisse constat. Sed livori & irae *Italorum* ejus temporum, & Historicorum patriae faventium hae calumniae adscribendae, qui indignabantur summae rei praefectum, fato quodam, *Barbarum*, ut eum passim vocare non erubescabant, Papam. *Jovius* praeterea eum aulae & *Italicarum* rerum imperitum (quod facile largiemur) plurima perversè administrasse Caesaris studio narrat, & deinde ejus mortem referens, ne tralatitio quidem honore virum optimum, a quo beneficio insigni ornatus erat, decorare voluit; sed grati hominis partes forte se jam abunde implevisse credebat *Jovius*, quod *lib. XX.* motus *Hispanicos* singulari *Hadriani* prudentia compositos narrasset. Unde manifesto colligitur in Cardinale, & *Italiam* nondum sperante *Hadriano* voluisse quidem virtutes aliquas agnoscere, sed in Papa, quem pudendum suis Pontificem credebat, nihil prudentiae aut aequitatis voluisse agnoscere. Sed non ausus fuit *Jovius* singularem in regendis *Hispanis* *Hadriani* prudentiam & modera-

tionem

tionem culpae, quam ipse *Leo X.* immensis praeconiis extulerat: ut patet ex *Lib. XVI. Epistol. Bembi*, nomine *Leonis* scriptarum *Epist. 24.* Alia producit ex *Jovii* vita *Hadriani Broukhusii* noster ad *Sannazar. Lib. III. Epigr. 4.* unde iniquus scriptoris ejus animus in *Hadrianum* conspicitur. Neque mirum est *Jovium*, cujus fides ipsis popularibus semper fuit suspectissima, detrectasse optimum virum, cum eadem esset omnium fere ejus seculi *Italorum* indignatio: immo quidam eo progressi fuerint, ut innocentissimum, si quis unquam fuit, Papam, velut scelestissimum, avaritia insignem, impudicitia infamem, magica arte & immanibus aliis dedecoribus contaminatum depingerent; qui furor fuit, nescio cujus, *C. Batti Parmensis*, cujus epistolam produxit *Wolffius Tom. II. Lektion. Memorab. pag. 191.* Sed mittamus *Batavum*, & ad alios scriptores, qui huic operi decus addunt, transeamus.

OCTAVII RUBEI *Monumenta Brixiana* minime omittenda esse duxit operis hujus concinnator: hic enim cum hortatu illustri Cardinalis *Baronii* se ad res *Brixianas* prodendas & ornandas contulisset, dumque *Historiam patriam* elaboraret, & *Theatrum Brixianorum*, qui aut armis, aut literis, aut qualibet in re memorabili illustres fuerant (quorum operum in his monumentis mentionem injicit pag. 93.) exstrueret, interim haec antiqui aevi monumenta cum publico communicare voluit. Prodiit hic liber primum *Brixiae A. C. 1616.* sed cum tam rara ejus copia facta esset, ut in ipsa *Italia*, non nisi infano pretio, comparari posset, *Brixienfes* iterum 1693. ediderunt. Vixit autem auctor ille tempore Imperatoris *Rudolfi*, & ipse, se *Pragae* fuisse, narrat pag. 72. Egregiam sane hic *Rubeus* non modo patrio suo agro, sed universae reipub. literariae operam navavit, & monumenta praeclara, quibus antiquitates istius partis *Italiae* illustrantur, collegit & produxit. Verum, ut fieri solet, neque in interpretandis lapidibus dextre semper divinaffe, neque accurate satis descriptos exhibuisse constat. Ita, exempli causa, in primo, quem profert, lapide, *Herculi & Apollini Arvalo* posito, labi videtur, cum non duobus, sed tribus numinibus eum positum judicat, *Herculi, Apollini & Saturno*, quem *Arvalum* dictum fuisse credidit; quo nomine unquam *Saturnum* insignitum fuisse ignoro, neque conjunctio hujus cognominis cum *Apolline*, alium Deum intelligi finit; sine dubio vero vel error sculptoris, qui pro *Arvali, Arvalo* supposuit, fuit, vel ex corruptela seculi sui *Arvalum* pro *Arvalem* nominavit *Apollinem*, qui lapidem dedicavit. Ille vero est *Apollo Graecis* dictus *Ἄγριος & Νόμιος*. Ex eadem persu-

suafione pagina 47. lapidem exhibet, qui positus *Deo Arvalo Saturno*; sed ubi ipse fatetur in marmore illud nomen integrum non exstitisse, sed tantum *ALO* sine ullo compendii indicio, quam vocem *Rubeus* Deum agricolam interpretatur. Pagina 34. agens de sollemni Equitum *Romanorum* transvectione, dicit omnium equos fuisse albos (quod vellem probasset, cum vulgata illa opinio non nisi uno, quod sciam, nitatur *Victoris* loco de *Vir. Illustr. cap. 32.* quem tamen nec adfert, & ubi vox *albis* in multis exemplaribus deest) quamvis numerus nonnumquam ad quinque millium excurreret; & hinc ortum fuisse proverbium ait, *equis albis praecedere*, quo usi fuerint veteres, de iis, qui integritate vitae & elegantia morum erant insignes. Sed in hoc neque adsentientes habere potuit Eruditos *Aetorum Lipsiensium* editores, qui in *Aetis Maji An. 1693. p. 212.* Horatii locum ex *Lib. I. Sat. VII. 8.* eo minime trahi posse jure summo contendunt, cum ibi agatur de *Persio*, qui erat tam amari sermonis, ut *Sisennas, Barros equis praecurreret albis*, quæ minime de integritate vitae & elegantia morum dici possunt: praeterea si ad transvectionem illam referendum hoc adagium esset, saltem *procedere*, non *praecedere* debuisset dici, nam illius verbi in publicis illis pompis usus est, non *praecedere*. Lapides vero, quos pag. 63. ex Musæo *Moscardi* profert, perperam descriptos esse mihi paruit conferenti cum ipsius Musæi pag. 413. *Reinesius* tamen *Class. VII. Inf. 17. Rubeum* secutus est. neque etiam duae reliquae tabulae *Gruterianis* pag. CCCCLXX. per omnia consentiunt. Tantum notari meretur, *Rubeum* dubitare de Consulibus *L. Silano* & *C. Velleo Tutore*, qui in illis conspiciuntur, cum satis constet inter eruditos de illis, & a *Velleo* illo Senatusconsultum illud *Velleianum* fuisse nominatum, ut apparet ex *l. 2. §. 1. ff. ad Sc. Vellean.* ubi tamen non *L. Silanus* prior Consul dicitur, sed *Marcus*. Sed neque haec in praefatione ad liquidum perducere, aut omnia excutere, quae non exacte satis ad veteris Historiae & antiquitatis fidem adferuntur, vacat; quare ad alia properamus.

Prodierat nuper demum, Anno nimirum 1704. *Mediolani Gymnasii Ticinensis Historia & Vindicia*, a seculo V. ad finem XV. conscriptae a Viro eruditissimo ANTONIO GATTO, in eodem Gymnasio Antecessore, & ingenti doctorum virorum adplausu exceptus liber fuerat, quia doctissimo hoc opere & Urbis, olim splendidissimæ, & sedis diu Regiæ, origines & antiquitates, praecipue vero Academiae *Papiensis* Historiam, & literarum studii apud *Italos* originem egregie illustrabat auctor.

auctor. Scribendi verò occasionem adripuisse se ait, quod, cum *Karoli Antonii de Luca Melpheiani* librum, dictum *Lauream legalem*, legisset, eoque omnes fere Academias celebratas, omisſam vero *Ticinensem* indignaretur, eam ab oblivione vindicare voluerit. omnia vero ex temporis, quo res gestae sunt, monumentis, diligentissime conquisivit, & Academiae *Ticinenſis* decus & antiquitatem magna cum laude adseruit: an tamen ad *Caroli Magni* tempora, ejusque, ut vocat, *privilegium*, Academiae primordia sint referenda, inde dubitari posset, quia, ut hodie sunt Academiae, tam remotam antiquitatem nulli convenire puto. Fuisse quidem scholas institutas, in quibus septem illae, ut vocabantur, artes liberales, docebantur, constat, sed quarum forma & institutum nihil cum Academiis hodiernis commune habet: nam nullam fuisse Magistratuum Academicorum jurisdictionem, nullam titulorum collationem, nullam graduum distinctionem, nullas immunitates, quibus nunc praecipue Academiae censentur, egregie ostendit *Germaniae* suae olim lumen *H. Conringius* in libro doctissimo de *Antiquitatibus Academicis*, in quibus tamen nihil vel parum de *Ticinesi* Gymnasio. Imo *Dissertat. tertia* nihil memoratum se invenisse dicit, quo illud a *Carolo* conditum probari posset.

Gattum excipit *PLATINAE Historia Mantuana & Familiae Gonzagarum*, de qua ubertim egit *Lambecius*, cujus in hanc historiam commentarius, magno cum historici studii detrimento fuit, nescio quo fato, interruptus. De ipso *Platina*, ejusque nomine acriter inter historiae literariae studiosos fuit concertatum; sed *Lambecius*, *Baptistam Sacchum*, vel *de Sacchis* verum ejus nomen fuisse, & *Platinam* a vico *Platina*, hodie *Piadena*, cognominatum multis probare conatur. De praenomine dubitat tamen diligens talium indagator *Jamus Broukhusius* ad *Sannazar. Lib. I. Epig. 21.* quia *Sabellic. Ennead. X. lib. 7.* planissime *Bartholomeum* vocat. qua in sententia & *Bailium* esse video, qui ipsum ita plane vocari in *Brevi*, ut vocant, quodam Papae adfirmat, & accedunt huic sententiae viri doctissimi *C. A. Heumannus* in *Schediasmate de libris Anonymis ac Pseudonymis pag. 132.* & *G. E. Walchius* in dissertatione de *Societate Abbreviatorum*, quæ legitur *Tom. I. Miscell. Lipsien. dis. 15.* ubi data opera *Lambecium* refutare nititur, quare hanc litem aliis dijudicandam relinquemus. De munere vero, quod obiit, nulla quidem controversia est, cum *Abbreviatorem Apostolicum* fuisse constet; sed an fuerit *Romae* societas sive sodalitas quaedam literaria virorum eruditorum,

qui hoc titulo *Abbreviatorum* coierint, (quorum moderator *Platina* fuerit, & quibus, quia ipse eo munere fungeretur, *Abbreviatorum* nomen dederit) &, ut hodie in multis *Italiae*, *Galliae* aliarumque regionum urbibus frequentari solet, literis & studiis elegantioribus adjuvandis & ornandis operas mutuas contulerint, non una est eruditorum sententia. *Abbreviatores* fuisse scribas, vel saltem similes scribis, quia circa *Brevia*, id est Epistolas a Papa missas, illorum opera occupabatur, satis constat, & doctissimus *Heumannus* aperte satis ostendit. *Walchius* vero post alios contendit, fuisse certam societatem, quae Academiae instar erat, & coibat ad studia literaria promovenda. Cujus opinionis, quae multorum animis insedit, unicam fuisse causam non recte intellecta ipsius *Platinae* verba esse puto, unde constabit, quam ridiculae saepe & ineptae opiniones de rebus, & factis quibusdam ex *Historiae* & *Linguae Latinae* non accurata & exacta satis scientia oriri possint. Scribit *Platina* in vita *Paulli II.* *Abbreviatores omnes, quos Pius in ordinem redegerat, tamquam inutiles & indoctos (ut ipse dicebat) exaudivit. Eos enim bonis & dignitate indicta causa spoliavit. quos etiam propter eruditionem & doctrinam ex toto orbe terrarum conquisitos magnis pollicitationibus & praemiis vocare ad se debuerat. erat quidem illud collegium refertum bonis ac doctis viris, inerant divini atque humani juris peritissimi. inerant Poetae & Oratores plerique, qui certe non minus ornamenti ipsi curiae adferebant, quam ab eadem acciperent, quos omnes *Paulus*, tamquam inquilinos & advenas possessione pepulit, licet emptoribus cautum esset literis Apostolicis, cautum etiam fisci Pontificis auctoritate, ne qui bona fide emissent, e possessione honesta ac legitima decicerentur.* Quis ex his verbis talem umquam fuisse societatem, quales hodie in *Gallia* & alibi celebrantur, somniare posset, cum & collegium vocetur, & ornamentum curiae, scilicet Papae, cui ministrabant, adtulisse. Immo cum ejus ministerii emtores fuisse dicantur, & *Platina* in Epistola sua ad *Paulum*, spoliatos esse emtione sua queratur. Eodem nimirum modo, ut olim *Romae* collegium & decurias scribarum fuisse constat, quos & pecunia sibi illud muneris comparasse, inde patet, quod scriptum emisse, comparasse, & vendidisse legamus, id est scribarum munus emisse &c. Vid. *Rutgers. Venufin. lection. cap. XVI.* & *Vales. ad Ammian. Marcel. XXVIII. 6.* & *Salmas. Epist. ad Sarrav. 82.* haec omnia clarissime ostendunt *Abbreviatores* fuisse scribas, in collegium unum collatos. Et talis fuerat ipse *Aeneas Sylvius*, postea *Pius II.* dictus; quem idem *Platina* dicit in synodo celeberrima *Basileensi*

leenſi fuiſſe *Scribam* & *literarum Apoſtolicarum abbreviatorem*. quod vero adjicit doctiſſimus *Walchius*, huic ſocietatis imaginariae probandae cauſſa, dum *Paullus* Papa de ſociis conjurationis, quam in ſe compositam credebat, quaestiones haberet, *M. Barbum*, mentione de Academia facta, inclamaſſe, conjuratos non eſſe *Academicos*, ſed *foedatores Academiae*; manifeſte ad *Platonicae Philoſophiae* ſtudia referri debet, non ad *Academiam* aliquam, ut hodie ſocietates illas literarias vocare ſolent *Galli & Itali*; & *Barbus* eos minime eſſe *Academicos*, id eſt *Platonicos* eſſe, ſed *foedatores Platonicae ſectae* eſſe clama-
bat. Sequentia praeterea haec aperte evincunt, cum *Platina* addat, *Paullum* haereticos pronuntiaſſe, qui vel ſerio vel joco nomen *Academiae* commemorarent. & hanc inuſtam eſſe ignominiam *Platoni*. ubi quaero in his omnibus veſtigium aliquod exſtat ſocietatis, quam ſibi fingunt viri Eruditi? Sed quod ſefellit viros doctos, eſſe praeterea puto, quod dicat *Platina*, *Pium* eos in ordinem redegiffe, quod explicant, in ſocietatem juſſiſſe coire; quo ſenſu ſi liceat ea verba capere, in collegium vel decuriam, ut veteres loquebantur, hos Abbreviatores redegiffe intelligendum certe eſſet; ſed cum rectius & ex genio linguae Latinae haec phraſis notare debeat, eorum inſolentiam & effrenatos mores coërcuiſſe, jura, quae ſibi uſurpabant, ademiffe, repreſſiſſe, & ad modum, ſupra quem ſe efferebant, redegiffe; malo de ſimili *Pii* facto intelligere, quod obſcurius tangit *Platina*. ita *Suetonius* in *Veſpaſ. cap. 15. Altercationibus inſolentiſſimis pene in ordinem redactus*. Sic & cogere in ordinem idem *Sueton. Claud. 38. ut in ordinem ſe coactus ſcriberet*, ubi recte *Torrentius* explicat, ſe principem, quaſi privati loco habitum: plura ex *Livio* & aliis collegit *Meurſius Exerc. Critic. part. II. lib. I. cap. 5.* & hoc *Pii Secundi* moribus convenientiſſimum, quem *Platina* dicit minime fuiſſe lenis & remiſſi animi; ſed fortitudinis ſingularis & prudentiae, & qui majeſtatem Pontificis ſemper conatus ſit augere, neque a regibus, neque a populis, neque a tyrannis pateretur eam diminui, & nulli prae timore concederet: ſic ergo ſe altius efferentes, & nimios hos Abbreviatores coërcuiſſe credendus *Pius*, quos omnes deinde ſuſtulit *Paullus*. Sed haec de *Platina* & ejus munere ſufficiant, neque reliqua ejus vitae pertexere eſt animus. Hujus vero celeberrimi viri nunc prodit *Hiſtoria Mantuana*, cujus olim deſiderium longum fuit eruditis, & quam *Naudaeus* exſtare non credebat; ſed qui notulas ad *Naudaeana* p. 74. adjecit, oſtendit illam prodiſſe 1675. *Voffius* de *Hiſtoricis Latinis lib. III. cap. 7.* ex *Gefnero* tradit Libros tres de rebus urbis *Mantuae* & familiae

Gonzagae posteris prodidisse *Platinam*. *Possevinus* modo sex, modo septem libris consignasse scribit, ut ex *Lambecii* notis constat. *Diffenbachius* vero in notis ad Dissertationem suam de vero mortis genere, quo *Henricus VII.* obiit, pag. 47. narrat, *Zwingerum* possidere ^{αὐτογράφον} hujus *Mantuanæ* historiae, quod *Platina* reliquerat *Gaudenzio Merulae*, qui id *Johanni Oporino* transmiserat edendum, cuius morte, cum id non expedivisset, ad *Zwingeros* pervenisse, ex quorum posteris superstes *Zwingerus* adhuc servabat; neque potuisse illum, aut *Diffenbachium* nancisci exemplar editionis *Lambecianæ*, ut cum autographo illud conferrent, quod tamen expediisset. *Platina* vero in hoc opere leviter perstricta *Mantuanæ* urbis origine, id maxime agit, ut Familiae *Gonzagarum*, quae urbis istius dominatum adripuerat, splendorem illustraret, de cuius origine & incremento accurate etiam egit *Lambecius* in notis. Perduxit vero *Platina* ad sua fere tempora historiam, & in mortem *Pii Secundi* definit. consecravit vero illam *Francisco Gonzagae* Cardinali titulo *S. Mariae Novae*, cuius laudes grato animo praedicat, quod sibi adfuisset in casu gravi, cum conjurationis reus ageretur. Laudem vero hac historia, ut reliquis operibus, non exiguam meruit *Platina*, cum & stilo, pro illis temporibus, polito & eleganti, & fide satis integra conscripserit, nisi quod in principio leviter aliquoties in rationes temporum, quae eo seculo nondum tam accurate subductae erant, peccavisse eum notet *Lambecius*, cuius si commentarius perfectus ad nos venisset, egregia certe opera vir doctissimus, & varia temporis istius rerum cognitione instructissimus, rem literariam adjuvisset. Quae vero de temere creditis miraculis, ut pag. 19. de *Longino* & aliis refert, non magis nos ab ejus lectione detertere debent, quam ab omnium aliorum, qui similia scriptis gravissimis interponunt, Historicorum usu. Atque haec quidem sunt duobus quarti tomi voluminibus comprehensa opera.

Quintus vero solius Reipub. *Venetæ*, cuius res amplissimae & magnificae semper fuere, historicis & antiquitatis auctoribus absolvitur. de singulis vero *Venetarum* rerum auctoribus hic differere, cum eorum operibus judicia & elogia virorum doctorum a Typographo sint adposita, minime necessarium puto, & praeterea notiores illi, & doctorum fere manibus triti, non obscuram nominis & meritorum memoriam reliquerunt. Cum vero ipsa urbis *Venetæ* origo & forma, ad quam Respublica fuit gubernata, sit obscurior, & diversae sentientium opiniones ejus principia reddiderint magis ambigua, ex ingenti copia
prae-

praestantissimi scriptores quidam electi fuere, qui hoc in opere conspicerentur.

De JUSTINIANO, cujus VOSSIUS & alii cum laude meminerunt, nihil est quod addamus, cum praemissa ejus operi elogia sufficere possint.

Inter illos vero, qui de reipubl: forma & gubernandi modo egerunt, maximam semper laudem meruit DONATUS JANNOTIUS, qui more antiquo per Dialogi formam tribus libris de republ. *Veneta* tractare sibi proposuerat. Sed primum tantum emisit, in quo de Urbis origine, situ & viribus, Civium descriptione, comitiis nobilium, Ducibus, eorumque auctoritate, Nobilium ordine & Magistratuum majorum creatione, eorumque officiis, accurate satis disputavit. Cum vero de singulorum magistratuum etiam minorum muneribus, & de tota reipub. forma reliquis libris agere destinasset, neque illi prodiissent, jacturam illam sarcire *Casp. Contareni* libellus de *reipubl. Venetae Magistratibus*, & *Nicol. Crassi* de *forma reipub.* liber singularis poterunt, quorum hic plurimos *Jannotii* errores jam in notis ad ejus dialogum castigaverat. Qui licet quidam occurrant satis etiam graves, non ideo tamen *Jannotius*, ut jejusus & peregrinus in rebus *Venetis* scriptor, cum *Struvio* in *Bibl. Select. Histor. cap. XXVII. §. 28.* est projiciendus, cum satis instructum fuisse a cognitione reipub. *Venetae* constet, sed in diversis sententiis, quae obscuratam libertatis *Venetae* originem magis involverunt, quam illustrarunt, non semper optimam elegerit. Præterea omni, quo stetit celeberrima haec urbs, tempore, tot graves vicissitudines rerum & conversiones eam perturbarunt, & toties commutata fuit administrandae publicae rei ratio, ut nec ipsi *Veneti* semper eadem de illa tradant. post *Jannotii* etiam tempora plurimum fuisse in civitatis regimine variatum diligenter CRASSUS adnotavit. qui etiam, licet errantem *Jannotium* castiget frequentius, ipsum tamen saepe egregiis laudibus effert, quae pag. 11. 71. & alibi conspiciuntur. Accuratiores certe & ab institutis patriis magis instructus fuit GASPAR CONTARENUS, ex antiquissima & nobilissima inter patricios familia oriundus, qui in ipsis rebus & publicis negotiis diu multumque versatus, egregie nobis magistratuum *Venetorum* rationem & vim descripsit, de cujus libelli meritis & satis praefatio librarii satis multis egisse visus est. Vitam hujus *Contareni*, magnum illud *Italiae* & literarum politiorum decus, *Johannes Casa*, in monumentis suis amplissime descripsit; omnesque eruditi illorum temporum summis elogiis *Contareni* pietatem simul cum eru-

ditione solida conjunctam extulerunt; sed in hoc viro maxime illa vitae ejus pars est memorabilis, qua post gestos in patria sua splendidissimos magistratus, & obitas legationes praeter spem, & sine ulla ambitione, purpuratorum Senatorum *Romanae* Curiae adscriptus, inter omnes ita eminuit, ut qui simplicitate morum, castitate (nam numquam re Venerea usus creditur) & prudentia rerum Ecclesiasticarum & Civilium, pietatis & religionis cultu eum aequaret vel antecelleret, nullus reperiretur. Cum vero in illa tempora ejus aetas incideret, quibus *Germania* maximis ob religionis emendationem turbis concuteretur, missus a *Paullo III.* fuit *Contarenus*, ut comitiis *Ratisbonensibus*, quibus Religionis negotium maxime excuteretur, causam Papae & Ecclesiae *Romanae* ageret. Ibi vero tantam animi moderationem & aequitatem exhibuit, ut eum magnis laudibus efferat ipse *Sleidanus Lib. XIV. Commentar: & Maimburgius Historiae Lutheranismi Lib. III.* indignetur, eum Protestantibus nimium concessisse, & plurimum remisisse a doctrina, quam *Romana* Ecclesia profiteretur, in capitibus de bonis operibus & Justificatione, Papamque aegerrime tulisse ejus moderationem, qua in concordiam dissentientes reducere conabatur; & ideo periculum subiisse, ne a Papa, ut proditor causae pontificiae & praevaricator, accusaretur. Certe reducem non benigne fuisse acceptum, quod non acriter se satis *Lutheranis* opposuisset, refert etiam *Sleidanus*, quem rumorem etiam per *Italiam* delatum *Casa* scribit, sed *Contarenum* se & epistola praemissa, & deinceps coram, *Paullo* Papae planissime purgasse addit, & ita satisfecisse, ut Papa statim eum *Bononiae* legatum praefecerit. Cui provinciae cum praeesset, & a *Sadoletto* literas nomine Papae accepisset, quibus jubebatur Legatus ire in *Hispaniam* ad *Carolum* Imperatorem, subita morte, cujus causa fuerat aura frigida, quam in villae suburbanae porticu cibum capiens exceperat, extinctus fuit: fuitque etiam dilata fama, maxime *Bernardino Ochino* auctore, qui ad eum aegrotantem inviserat, in extremis professum esse in multis capitibus doctrinae Christianae se a sententia *Romanae* Ecclesiae discrepare, quem rumorem diligentissime *Casa* refutare conatur, qui ab harum rerum studiosis consuli poterit. pluribus etiam de *Contareno* egit vir Illustris Seckendorffius in *Historia Lutheranismi Lib. III. §. 85.* Eruditionem vero & rerum divinarum, humanarum scientiam opera ejus, quae junctim prodire *Venetis* 1589, ostendere poterunt, & ex quibus facile intelligi poterit, an rumor de ejus sensu circa religionis capita, verus fictusne fuerit. In hujus quoque *Contareni* libellum,

qui

qui hic exhibetur, notas conscripsit *Nicolaus Crassus*, peritissimus *Venetarum* rerum scriptor, & qui in notis, & suo libro id maxime agit, ut contra *Bodinum* & alios veritatem adserat. praecipue vero intendit animum, ut libertatis *Venetae* principia vindicet, contra scriptorem libelli terribilis & molesti reipubl. *Venetae*, qui *Scrutinium libertatis Venetae* inscriptus, ad auctorem Marchionem de *Bedmar*, Legatum *Hispanicum* apud *Venetos*, referri solet. ita operose pag. 8. excutit Epistolam *Cassiodori* ex *Lib: XXIV*, & ostendere nititur, ab ipsis urbis incunabulis liberrimam reipubl. formam fuisse, nec Duces quoque *Venetos* regia umquam potestate usos, sed simul cum Tribunorum & Magistratuum consilio civitatem administrasse, & magnas etiam Populi partes fuisse.

His praemissis, Historici quidam primarii *Venetorum* sequuntur, inter quos, aetatis praerogativa **BLONDO FLAVIO** primus locus est datus, qui renascentibus in *Italia* literis ad Historiam veterem, & suis temporibus etiam proximam, illustrandam inter primos manum admovit. Et licet stilo & dictione nondum ita esset expolitus, ut qui eum exceperunt, ex veteribus tamen scriptoribus antiquitates patriae non sine laude illustrare est adgressus, & illud meruit nomen, ut licet omnia narret quasi se auctore prodita, viam ostenderit sequentibus, per quam verae eruditionis studiosi incedere debeant. inter alia quae edidit opera, de *Origine & Gestis Venetorum* librum scripsit, quo ab *Attilae* temporibus fundamenta civitatis jacta, quibus deinde amplissimae reipub. libertas & dominatio fuit inaedificata, docet. notior hic omnibus eruditus est, quam ut, post elogia a Typographo nostro conquisita, addi aliquid mereatur.

Quamvis vero tempore sit posterior, meritis tamen & fama principem sibi poscit locum Illustris non tam generis nobilitate, quae tamen summa est, quam eruditionis laude, Cardinalis **PETRUS BEMBUS**, de quo, neque multa verba facere attinet, cum nominis ejus splendor & decus latissime se per omnes eruditi orbis partes diffuderit; Historia certe ejus ita omnium sermone celebrata, & toties typis descripta, notior est, quam ut ullo verborum lenocinio commendari indigeat. Duo tamen fuere, quae in illa culpae quidam omnium operum acerbi Censores, ausi fuere. Primum, quod saepe, nimis amans patriae suae, veritatem neglexerit, quae prima historiae lex & dos esse debet. cujus criminis in primis reum egit *Bodinus*, ipse, si quis alius, gentis suae unicus admirator & praeco, & omnibus aliis iniquissimus hostis & detrectator. Sed oportuisset capita accusationis diligenter ex-

posuisse, & res ipsas, in quibus patriae in gratiam mendacii convictus fuerit *Bembus*, notasse, ut ita comparatis aliorum narrationibus, aut absolvi aut jure damnari posset; si vero in rebus levioribus faverit suae patriae *Bembus*, a qua suspicione nullus omnino scriptor, nisi qui injuria aliqua commotus hostili animo in alteram partem peccasse saepe deprehenditur, immunis exstat, non ideo in summa rerum fides, tot testimoniis comprobata, infirmari debet. Alterum puerile sane, sed quod illiteratis & barbariae studiosis, ingens & execrabile crimen videri solet, est, quod Latinae dictionis munditiem & elegantiam tanto studio adfectaverit, ut illis, qui linguae *Romanae* castitatem, quia non adsequi possunt, contemnunt, vix intelligi possit. Bilem hoc vero movit etiam *Lipfio*, & ejus simiis, qui cum ad eam laudem adspirare non potuissent, & antiqui sermonis naturalem pulchritudinem sordide foedassent, hanc laudem *Bembo*, *Sadoletto* & multis ea tempestate *Italici* invidebant, & malignis sermonibus eorum studia & diligentiae famam deterebant; & licet in minutis quibusdam nimia adfectatio Latinitatis veteris a superciliosis Censoribus culpari posset, in summa tamen universa dictio non tam acerbè exagitari merebatur. Immo vero illo seculo, quo a Barbarie horridissima revocari homines debebant, non culpari, sed summis ob id laudibus efferri cum consortibus ejus elegantiae, merebatur *Bembus*: sed jam satis graviter viri eruditissimi; barbarorum clamores non audiendos esse evicerunt; & indignum & injustum esse ostenderunt, vitium & stuporem lectorum, qui ignorantiae & ignaviae patrociniis omnia bonarum artium studia pessumdare conabantur, non debere principibus in literis viris objici, sed suis meritis eorum opera a peritis verae eloquentiae aestimari. Placuisse tunc adhuc ineptis *Midis*, inconditos Scholasticorum, qui diu satis regnum tenuerant, sonos animadvertimus, & quo majori quis fastu, tumore & fucatis pigmentis sordidum sermonem foedaret & inquinaret, eo Historici gravioris mensuram implere judicatum fuisse indignamur. praecipue cum nec hodie immunes a moribus & Theoninis dentibus Divinae sapientiae antistitem cultioris sermonis studiosi abire possint, qui ipsi pietatis studio obstare mundioris eloquentiae curam & adfectatam, ut vocant, illam dictionem nocere; & diversas a veritate specie mentibus aliorum de divinis rebus per verba elegantiora informari, calumniantur: cum tamen ipsi monstruosis vocabulis in foetenti schola ab indoctis, sed superbissimis paedagogis, inventis & formatis, sancta mysteria toties religionis temeraverint,

rint, & obscurantes tenebricosa doctrinae ambage planissima mentis coelestis verba, a divini sermonis vi & proprietate tam longe discefferint, ut errorum capitalium fontes ex ipsa verborum barbarie extiterint. Neque facile mihi censores isti inficeti unum ex literatissimis viris producent, qui Historiam vel sacram vel profanam ornatius scribendo errorum causas praebuerit, cum mille ex grege fordido scholasticorum doctores immundis & ineptis vocabulis ipsa divinae disciplinae arcana & sacra polluerint. Non aliunde vero impudentissimae, sed simul frigidae calumniae in *Bembum* aliosque cultioris studii consortes promanarunt, nisi ex invidia, qua omnes Literatores premere solent sancti scilicet antistites, & qua eos impietatis & contemtionis divinorum voluminum reos faciunt. Et ipse *Lipsius* non aliam invehendi in *Bembum* causam habuisse videtur, nisi ut patrocinium suae sectae in acerba politioris Latini sermonis censura inveniret, unde neque calumniis, quas in viros innocentes quotidie ille & ejus sequaces effundebant, fidem facere potuerunt, licet ex incertis rumoribus & fabulis, illos infamare omni contentione conarentur. Hinc Theologi quoque ex liberiori quodam, sed innocuo joco, ex sermone inter familiares, etiam inter vinum jactato, quo barbariem & rudem styli impolitiem deridere aliquando solebant, & cui praesentes obloqui non audebant, detrectandi apud alios, memores congerrones & compotores occasionem captabant. Et quorum mores, quos multo sanctiores & divinis praeceptis congruentes magis Grammatici saepe colunt, & exhibent, culpae non poterant, eorum studia & anxiam sermonis curam, in religionis & doctrinae purioris imminutionem redundare, maligna interpretatione aliis persuadere laborabant. Hinc millies & ad nauseam repetitæ, & inter juvenes cirratos quotidie jactatae tot fabulae & mendacia de *Politiano*, *Laeto*, *Bembo* & eorum aequalibus, quasi illis forduissent divina volumina, & prae *Cicerone*, *Virgilio* &c. Vates & Apostolos contempsissent, quae sollemni concionantium malignitate in deteriorem partem detorquendo, in patrocinia suae barbariae adhuc hodie adducere solent. Qui tamen ipsi Aristarchi, cum illis Latine loquendi aut scribendi necessitas evenit, postquam magno sudore & molestia conati fuerint elegantius loqui, aut scribere quam possunt, inopiam Latini sermonis plebeja & tralatitia excusationis formula profiteri, & undique praesidia ignaviae suae conquerere solent. Placeant vero suis fordes suae, dum illorum, qui politiori & urbana magis dictione delectantur, voluptati ne invideant, & de pietatis studio, utri nostrum magis

caleant, Deum arbitrum & testem esse finant. Sed ut ad *Bembum* redeam, mera quoque calumnia est, qua toties virum summum superciliosi magistri adaspererunt, eum nimis moleste scribendo, rerum, sive in regnis & rebus publicis, sive in Ecclesia novarum nomina noluisse adhibere, sed conquisivisse ex *Romana* antiquitate vocabula, quibus recentiores res docte magis quam vere exprimeret. Numquam legisse illos *Bembi* scripta puto; non enim in ea fuit umquam *Bembus* opinione, unum alterumve vocabulum sermonis munditiem contaminare, etsi ex antiquitate ejus exemplum produci nequiret; sed totam dictionem ad *Ciceronis* exemplar esse conformandam recte censebat. itaque minime dubito, quin, si ipsi, ut Theologo, de rebus sacris, earumque doctrina fuisset agendum, religioni minime duxisset, uti vocabulis a Theologis fere omnibus in auctoritatem receptis; sed verbis communibus, & nominibus usitatis, & ad res hodiernas accommodatissimis non substituisset nova & monstruosa, aut locutiones olim aliter acceptas, contra genium linguae, perperam adhibuisset. Sic in Historia & Epistolis non veretur dignitatum hodiernarum titulos, recentibus vocabulis & recepto in Aulis & Curiis more efferre, & *Episcopos*, *Cardinales*, *Archidiaconos*, *Priores*, *Canonicos*, & si qui plures sunt, simpliciter nuncupare; *Apostolos* etiam sacrata adpellatione insignit; a *Baptismatis* voce minime, abhorret, & sexcenta talia, si vacaret, colligere in proclivi foret; sed studiose cavet, ne ubi integrae Phrasae ex elegantiori Latinitate ad manum sint, pro iis novas & a Theologis nuper excogitatas usurpet, aut verbis antiquis significatus, veteribus non probatos, adtribuat, ideoque omnibus, qui Linguae Latinae verneris & divitias amant & noverunt, minime obscurus, sed planissimus & apertissimi sensus scriptor celebrabitur, & semper cum nominis sui grata memoracione coletur; & si non omni adfectionis vitio absolvi possit, magnis id laudibus eloquentiae redemisse censebitur.

M. ANTONII COCCII SABELLICI opus de situ urbis, Magistratibus &c. ideo additum videtur, ut qua ejus temporis, quo vivebat, urbis magnitudo & forma fuerit cognosceretur, & ut collatis posteriorum temporum scriptis, & praecipue illo, qui huic tomo etiam adjunctus est, libro *de Splendore urbis Venetiarum*, in quantam excreverit magnificentiam Urbs haec insignis, judicari posset. *Sabellicus* ille inter primos renascentibus in *Italia* literis eruditos, & *Pomponii Laeti* discipulus, multis in rem literariam meritis claruit, quantique habitus sit, inde confici facile poterit, quod a Senatu *Veneto* evocatus fuer

fuerit, ut historiam a *Petro Justiniano* interruptam conscriberet, quam libris XXXIII. exsecutus multam laudem meruit: sed quae, cum mole sua nimis augeret Thesauri hujus, jam satis excrescentis, magnitudinem, & toties edita nullum sui desiderium excitare possit, facile adduci potuit librarius noster, ut omitteretur. Neque etiam illa fuit *Coccii* fama, licet publico auctoramento ad res scribendas accesserit, ut historiae a se conscriptae potuerit illam auctoritatem conciliare, qua reliqui *Venetarum* rerum scriptores censentur. Si enim *Jovio* in elogio *Coccii* fides sit habenda, adulatione parum sobria rerum veritatem adumbrasse, majoremque laudem ex munere publico, quo *Venetae* juventuti erudiendae praefectus erat, quam ex memoriae prodendis rebus gestis retulisse dicitur. Certe ex disciplina ejus plurimi ingenio & eruditione celebres viri prodierunt, inter quos eminent *Pierius Valerianus*, qui honorifice praeceptoris sui *Sabellici* meminit ad *Virgil. I. Aeneid.* 567. Cardinalis vero *Bessarion* eum unum ex omnibus elegit, quem Bibliothecae suae, libris ex *Graecia* conquisitis in Urbe *Veneta* institutae, praeficeret. Sed tamen egregiam Eruditionis laudem incontinentia vitae & libidinibus ita obfuscasce *Jovius* addit, ut nec senem deseruerit Veneris vagae consuetudo, unde annum fere septuagesimum agens lue contracta, mortem sibi acceleravit.

Sabellico subjicitur URBIS, ut hodie floret, MAGNIFICENTISSIMAE VENETIARUM SPLENDOR, magna industria, undique arcessitus, & tabulis, quae magno constituerunt Editori, elegantissimis illustratus. De quo opere, quod & in admirationem legentium animos abripere, operum publicorum molibus & privatorum substructionibus considerandis, & spectantium oculos elegantissima imagine pascere poterit, nihil est quod verbis multis agamus; suffecerit aequis rerum aestimatoribus tales Principum urbium formas & descriptiones utilissimas existimari, quia ex illis, si cum priorum temporum scriptoribus conferatur hodierna Urbis facies, in quam excreverit magnitudinem ratio iniri possit; & posteritas simul, si porro incrementa tam illustri Urbi addere, & reipubl. splendorem (quod omnibus a summo numine votis contendimus) augere velit divina benignitas, habeat quo gratum pro continua tutela & favore Deo animum testetur; sin vero (quod omen in hostes potius eat) fatali omnium imperiorum & civitatum fato, ab antiquo flore aliquid decerpatur, vestigia pristinae dignitatis nepotes indagare possint. Quis enim non magno redemptum vellet, si dominantis olim *Romae* tam accura-

ta ad nos a diligenti & artifice manu descripta & illustrata forma pervenisset, ut non ex ruderibus antiquae Urbis faciem con-
jicere, sed ex certis monumentis, chartae vel materiae perenni consignatis, ipsam, ut olim fuit, urbem oculis inspicere
liceret? Quare & hodie jucundum tam insignis urbis conspe-
ctum, & olim utilem & admirabilem fore persuasissimum ha-
bemus.

Ne tamen puerorum aut rudium adolescentium ritu in
moenibus & operibus Urbis divinae oculos retineamus, ca-
vit diligentissimus hujus Thesauri collector, sed ut mentem po-
tius ad Viros illustres, quos magna copia benigna virtutis bel-
licae & civilis alumna protulit, convertere possimus,
procuravit. Si enim praeclare *Themistocles* pronuntiavit, *pa-
triam esse municipes, non moenia, civitatemque non in aedificiis,
sed in civibus positam*, dicti hujus veritatem non alia magis Urbs,
confirmare potest. Nullis enim umquam moenibus, intra
quae segnes & securi cives laterent, libertatem diutius, quam
ulla ab orbe condito respublica, *Venetorum* civitas tutata fuit,
sed pectoribus & virtute principum virorum & civium omnem
a se hostium vim constanti fortitudine repulit: & si ea am-
bitione nobis illustrium *Venetorum* laudes fuissent traditae, qua
Graecia & *Roma* suos extulit Imperatores & Magistratus, nul-
lus dubito, quin & numero & factorum magnitudine utram-
que facile aequaret. Quare egregiam *Venetis* ediderunt ope-
ram duo nobilissimi scriptores, qui Elogia Illustrium *Veneto-
rum* posteritati prodidere, ANTONIUS STELLA, & NI-
COLAUS CRASSUS Junior, in quibus neque elegantiam
sermonis, neque veritatem lector desiderabit. Quamvis mo-
rosior aliquis Censor, nuda potius eos narratione defunctos,
quam declamatorum modo, calamistris exornata laudatione
res gestas extulisse eos mallet. Sed id tempori & consuetudi-
ni dandum, qua ablati omnes Elogiorum scriptores se ad se-
veras Historiae leges adstringere dedignati fuere. Unicum ego
in illis requirerem, ut quia diversae ætatis Viros in unum li-
bellum conferre voluerint, aliquam & non obscuram tempo-
ris, quo maxime floruerunt, notam addidissent. De ipsis au-
ctoribus, aut eorum vita & fatis quod addam, parum in
mundo mihi esse comperio. *Antonium Stellam* praeter
hoc opusculum, quod rarum & inventu apud nos difficile
erat, vitam etiam *Bernardi Justiniani*, cujus liber de *Origine
Urbis Venetae* principem inter hujus reipub. scriptores in hoc
opere locum occupavit, scripsisse video; quae *Venetiis* A. C.
1552. in lucem prodiit. An vero, aut quam propinquo san-
guinis

guinis gradu contigerit *Joannem Stellam* sacerdotem *Venetum*, qui *Vitas Pontificum ad Julium II.* conscripsit, & qui in fine ejus opusculi se A. 1503. summam manum labori isti imposuisse testatur, ignorare me fateor. Nec etiam an alii *Stellae*, (nam eo nomine plures in *Italia*, ut de *Hispania* fileam, florere) aliquod generis commune cum eo habuerint adfirmare possum.

Alterius opusculi, quod *Elogia Patriciorum Venetorum* belli pacisque artibus *Illustrium* complectitur, auctor est **NICOLAUS CRASSUS** Junior, Philosophus & Jurisconsultus, Quem, quia se *Junio*rem vocat, conjicere liceret illius *Nicolai Crassi*, qui in *Fannotii* & *Contareni* libros de *Repb. Veneta* commentarios scripsit, & in hoc quoque opere legitur, vel filium, vel potius nepotem fuisse? nam in dedicatione majores suos, eorumque laudes & merita in patriam enumerans, *Avi sui Nicolai Crassi*, ejusque doctrinae & eloquentiae forensis, simulque bellicae virtutis mentionem injicit. Ex utriusque vero aetate si conjectura ineatur, eum ex illo non longius, quam ut nepos fuerit, distare, confici potest? nam primi *Crassi* aetas ex commentario ad *Fannotium* pag. 20. colligi potest; ubi agens de mirabili ponte *Rivi alti*, dicit fundamenta lapidea, cum olim e ligno fuissent, jacta A. 1588. quo ipse vivebat. Junior vero *Crassus* suum opus inscripsit *Leonardo Donato*, Principi *Venetorum*, qui summae rei praefuit ab anno Chr. 1605. ad 1612, ut ex *Fastis ducalibus* *Palatii* constat. Praeter hoc opusculum scripsisse etiam *Satyram Menippeam* fertur, cujus titulus fuit, *Nescimus quid serus vesper vebat*, & nomen sibi adsumpsisse *Vincentii Liberii Batavi*, sub quo latere olim credebatur *Celeberrimus Petrus Cunaeus*, in *Placcii Theatro Pseudonymorum* n. 1575. docetur. quam adpellationem non sine ignominia nostrae gentis sibi imposuit; quia scilicet nos *Batavi* sub crasso aëre nati, stupidiores acutis *Italorum* ingeniis videmur, *Crassi* nomen cum *Batavi* adpellatione, quasi idem significet utraque, mutavit, & pro *Nicolao Vincentium* se vocare voluit. Nos vero *Batavi* facile hanc contumeliam devoramus, ut qui nostris contenti bonis & natura, crassam illam stupiditatem, non libenter cum callido & veteratorio acumine aliorum commutare vellemus, & ad dicteria aliarum nationum jamdiu occaluerimus: immo vero, ubi majoribus nostris stupiditatem objici videmus, dolorem concipimus justum, antiquam illam simplicitatem nostri aevi *Batavos* ita degenerasse, & in aliarum gentium vitia & mores transisse, ut cum illis omnibus de corruptela morum contendere possint; sed

quidquid sit, parum humanum aut aequum credimus in universam aliquam gentem convicia effundere, & sub una causa plebem & nobiles, idiotas & eruditos obruere, hancque elegantiam *Gallis* & *Italīs* non invidemus, soliti singulos per se homines inspicere. Ex eodem quoque *Placcii* libro didici vitam ejus *Crassi* descriptam legi in *Italico* libro, cujus titulus est, *Glorie de gli incogniti, Overo gli huomini dell' Academia de Signori incogniti di Venetia*: qui si ad manum esset, plura & certiora de nostro homine cognoscere & promerere liceret. Sed ejus mentionem fieri in Museo *Joannis Imperialis*, Edit. Hamb. p. 221. deprehendi, his verbis. *Est singulis obvia Nicolai Crassi Jcti felicitas in scribendo mira, vario multiplicique rerum maximarum apparatu suffulta: quod praesertim nobis commonstrant Elogia probatorum Venetae nobilitatis virorum, quibus jampridem non obscuram Romanae facundiae laudem, doctorum sibi judicio comparavit. Accedit salsum ejus & solidum in selectioribus literatorum elucubrationibus aestimandis judicium, & morum decor & consuetudinis urbanae suavitas, ob quae in amplissima Urbe cum maxime spectabilis & clarus habetur.*

Sequens libellus, qui *BARTHOLOMAEUM FACIUM*, auctorem habet, gravissimi belli, quod *Clodianum* vocavit, historiam continet, quo in tantas angustias redacta fuit *Respublica Veneta*, ut parum a ruina abesset. Fidem vero *Faccii* nobis suspectam facit *Jovius*, qui cum in Elogiis ejus doctrinam & utriusque linguae peritiam laudasset, clariorem futurum fuisse addit, si *Genuensium* de *Venetis* victorias in corrupto judicio perscripisset. Cum *Valla* etiam tam acres inimicitias & contentiones habuisse addit, ut ex vulnere, quod a *Vallae* calamo accepit, clarior, quam ex suis scriptis evaserit. Cujus testimonii veritas ex libris invektivarum, quas in *Facium* scripsit *Valla*, confirmari possit, ubi longam similitudinis & rixarum cum *Facio* historiam contexuit, quam hic repetere nihil attinet. Unicum vero mirari lubet, cum omnes fere *Itali* uno ore tradant, eo in bello primum fuisse visas pestíferas illas machinas & tormenta, quas sua lingua *Bombardas* vocavere, & ad quarum usum pulverem nitratum inventum fuisse jactent, ejusque inventi gloriam suae genti attribuant, *Facium* nullam tam memorabilis rei facere mentionem. *Platina* vero in *Vita Urbani* ambiguis verbis usus, inventam quidem a *Theutonico* quodam tunc bombardam narrat, sed ita verba sua exhibet lectori intelligenda, quasi in illo bello primum adhibita esset. Sed ante illud tempus jam per-

niciosam hanc machinam a *Germanis* usitatam multis docuerunt viri insignes, ipsos etiam *Italos* ad testimonium citantes. vid. Spelmann. *Glossar. in Bombarda*. Voss. de *Instit. Orat. Lib. IV. Cap. XIII. §. 7.* Crusii *German. Græc. Lib. IV. pag. 157.* & alios. Alterum in hoc bello notabile est, quod redactis ad summas angustias *Venetis*, jam decretum fuisse scribat *Facius*, ut, rebus omnibus cum uxoribus & filiis classi impositis, in *Cretam* abirent, ibique sedes novas constituerent; & morem quoque tunc introductum, ut plebeji, collata in usum publicum pecunia, in nobilium ordinem adlegerentur.

Sequuntur ANTONII de VILLE, qui idem Urbis *Polae* descriptionem, quae sequentibus voluminibus inferetur, dedit, *Pyromachia Veneta*, & JOSEPHI LAURENTII de *desponsatione maris Adriatici*, & JOANNIS VALACRII *Spectacula Veneta*, quae opuscula tam exigui sunt modi, ut facilius fere perlegi possint, quam de iis a nobis aliquid differi. *Laurentii* vero dissertatio desumpta est ex *Polymathiae* (Libri nec penitus mali, nec tamen valde boni) *Lib. I. Dissert. II.* & ipse fatetur se omnia ex aliis, & praesertim *Justiniano* Historico plurima collegisse.

Claudunt vero hoc volumen duo scriptores, qui gravissimi belli, quo *Venetorum* respubl. pressa fuit, Historiam prodidere. Prior est ANDREAS MOCENICUS, cujus hic datur *Historia belli Cameracensis*, quod ita vocavit, licet longe lateque se diffuderit per totam *Europam*, quia a *Cameracensi* foedere, quo omnes fere reges & Principes in exitium reipubl. *Venetæ* juraverant, originem deducit. & hinc licet inter plurimos & diversis in locis gestum fuerit, *Venetorum* rebus addere Typographo ex consilio doctissimorum in *Italia* virorum, qui librum hunc desiderasse se profitebantur, placuit. Auctor quoque, ex nobilissima Patriciorum gente merebatur inter patriae suae illustres Scriptores referri, qui Atavum suum *Thomam Mocenicum* Ducem, sub quo res *Veneta* pace, opibus, probitate hominum & bonitate artium florebat, laudat pag. 8. alios ex antiquissima familia Illustres Duces ex *Morerii* Lexico dabit praefatio Typographi.

Mocenico nunc opportune subnectitur alter, qui ejusdem belli historiam conscripserat, BERNARDINUS ARLUNUS, numquam antehac, quod sciam, editus. qui liber qua via ad manus Typographi pervenerit, ejus praefatio docebit, simulque ex elogiis, quæ de *Arluno* adjecit, diversum hunc ab historia ejus *Mediolanensi*, quæ adhuc latet, librum esse, constare poterit. Memorabile certe hoc ejus temporis esse monumentum quivis videre poterit, cum auctor rebus, quas narrat, ipse vel interfuerit, vel a certis auctoribus facta didicerit. Licet vero *Venetæ* reipubl. favere, ejusque partes semper defendere

videatur, fides tamen ejus & integritas in dubium ideo vocari non meretur, quia ipsa magis causae justitiae & injuriae gravitas, qua tunc pressa fuit illustrissima civitas, quam beneficia a *Venetis* accepta eum permovisse videantur, ut aequior illis, quam infensis & conspiratis ad ruinam reipubl. hostibus, fuisse videatur. Diligentiae vero & veritatis studii manifesta saepe edit documenta, ubi ejusdem temporis scriptores, a veritate aberrantes, gravissime refutat, & *Mocenici*, *Baselii* & auctoris *Fasciculi temporum* aliorumque errores castigat; quod tamen nec acerbitate verborum, nec ullo partium studio, sed solius veritatis amore facere videtur, cum etiam in multis, de quibus fama erat dubia, saepe *Mocenico* accedat. De stilo & dictione ejus ita judico, illum nimiae elegantiae studio & adfectione saepe peccasse, & inflata & tumida oratione, luxuriantis potius ingenii, quam subacti & limati judicii, nobis vestigia reliquisse. & cum *Mocenicus* Salustianam brevitatem adfectans in obscurae dictionis vitium non modo inciderit, sed & parum Latine loquendo saepe grammatices etiam rationem neglexerit; *Arlunus* contra diffusiori Oratione & coacervatis saepe idem significantibus in unam periodum verbis & sententiis, ostentare eruditionis copiam & ubertatem studuerit: cujus luxuriae, Poetae potius quam Historico permisissae, exempla expressa passim reperiet lector, & in primis pag. 3. ubi luctus publici imaginem operosissime describit, & pag. 29. ubi pompae & epularum apparatus magnificum ultra rei fere fidem exponit. Uterque vero scriptor in eo veteres aemulari voluerunt, ut viros sive bello sive pace illustres disertissime & gravissime verba vel in senatu, vel apud populum, vel milites facientes inducant; quae conciones saepe magis eloquentiae laudem Historicis, quam veritatis testimonium adferre solent. Non immunem autem & liberum a superstitionibus & opinionibus populi animum *Arluno* fuisse, ex prodigiorum & mirabilium vulgo factorum narrationibus facile colligi potest, in iis enim ornandis & augendis sibi ultra modum placere auctorem nostrum, incredibilium ostentorum pag. 25. 73. & alibi exempla docent.

Hic modum praefandi facere non modo decreveram, sed & ad hunc usque locum descripta typis jam praefatio finem postulabat; cum Typographus se *Roma* a Cl. *Fontanino*, viro, cujus amicitia jam ante aliquot annos summa cum suavitate fueram usus, & cujus ex scriptis doctissimis fructus uberrimos saepe retuleram, ejus dissertationem de *Corona Ferrea Longobardorum*, quae primum *Romae* 1717. & paullo post cum Viri eruditissimi *Muratorii* commentario de eodem ar-

gumento *Lipsiae* iterum prodierat, accepisse multis partibus auctiorem, ostenderet. Quare auctor ipsi factus fui, ut utramque huic *Thesauri Italici* parti, quae *Res Mediolanensium* & Antiquitates complectitur, infereret. Cum vero Utriusque fama & eruditio satis clara, & apud omnes, qui bonas artes amant, sit confirmata, non mihi sumam, ut de tota hac lite, & causa, inter eos Judex aut arbiter sedeam. Neque, cum dissertationes hae recenter scriptae, & bis intra breve tempus editae, a doctis denique *Lipsiensibus Tom. VII. supplement. Sect. IV. pag. 151.* & in *Actis A. MDCCCXIX. pag. 191.* accuratissime recensitae fuerint, a nobis expectabis, Lector, ut actum agendo fastidium tibi faciamus: Candide vero profiteri possumus, utrumque scriptorem, doctrinae & ingenii laudibus florentissimos, egregia Historicae scientiae specimina, & aevi, ut vocant, medii notitiam praecalam in his ipsis dissertationibus exhibuisse. De veritate vero, si quis dijudicandum esse contendat, majus apud me Cl. *Muratorii* argumenta pondus habuisse fateri non dubito: cui deinde magis adsentiri sum coactus, postquam dum hoc scribo, Epistolae celeberrimi Viri ad Amplif. *Menkenium* scriptae copiam sum nactus, qua ille Cl. *Fontanini* praecipua argumenta graviter refellit. Cum enim palmarium hoc non modo Cl. *Fontanini*, sed omnium fere, qui in argumento simili versantur, sit praesidium, reliquiis, ut vocant, adserendis unice facere, quod, quidquid constans fama, & vetus traditio ad posteros transmiserit, ei sine piaculo fidem negare nemini liceat, egregie ostendit Cl. *Muratorius* Clavo huic, ex Christi cruce, ut creditur, reliquo, neque famam constantem, neque veterem traditionem patrocinari; sed cum maluerim haec ipsius *Muratorii* verbis quam meis legi, excerpta ex Epistola illa praefationi, ut subjiceret *Typographus*, suadere coepi; & cum ille utroque viro amicissime utens, & utriusque consilio & operae ad exornandum hunc Thesaurum plurimum debens, dubitaret, an si hanc epistolam publico, permittente etiam Cl. *Muratorio*, exponeret, malam apud Cl. *Fontaninum*, cui se multis nominibus obstrictum esse profitebatur, gratiam iniret, ostendi integra id ipsi amicitia & officiorum ratione licere. Neque me magis ipso quidquam committere velle, quo Viri optimi & doctissimi, si non iram, certe indignationem provocarem, sed interesse studiorum & veritatis adseveravi, ut ab utraque parte in simili re argumenta proponantur; neque ipsum *Fontaninum* ægre posse ferre, si in opere hujusmodi, in quo diversarum saepe sententiarum aucto-

res sibi opponuntur, etiam Epistola haec legatur, quae dissertationis ejus non omnia capita, sed summam & quasi arcem impugnaret. Quare cum absolutae jam utrique dissertationi & typis descriptae apte subjungi nequiret, post praefationem esse ponendam contendi. Unicum, quia id Cl. *Muratorius* in Epistola sua transiit, monere liceat, novae nempe huic editioni adjectum esse decretum congregationis Em. Cardinalium in causa dioeceseos *Mediolanensis*, quo permittitur *Modoetiensibus* Coronam illam ferream publicae venerationi exponere. Ex quo nihil caussae, quam agit Cl. *Fontaninus*, praesidii accedere puto. Non enim ferream illam coronam ex clavo ipso, quo fixus fuit Christus, recedam & factam esse decernunt Cardinales, sed hujus decreti omnis ratio fundamento eodem inniti potest, quo ipse *Fontaninus* Cap. XIII. refutare eos se posse credit, qui multiplicem clavorum, qui diversis in locis ostentantur, numerum obstare jactent, quo minus *Modoetiensis* ille pro vero haberi possit. Respondet enim, licet multiplicetur numerus ille clavorum, qui ultra quatuor esse nequeunt, nullum tamen eorum ab Ecclesia explodi; addita praejudicata *Baronii* sententia, quia si non sint omnes veri, corpori Christi infixi, clavi, potuerunt esse Martyrum aliorum, qui cum fuerint mystica Christi membra, clavi illorum corporibus infixi, jure possint vocari clavi Christi, & ita abfuerit ab illis, qui has reliquias, vel eruerunt, vel adhuc servant & cultui exponunt, fallendi animus & dolus. De qua argumentandi ratione, quid nos, qui ab Ecclesia *Romana* & ejus decretis alieni sumus, sentiamus nihil attinet hic dicere. *Vossium* tamen nostrum, at quantum Virum! illa macula liberare, quasi hanc *Baronii* sententiam expansis ulnis fuerit amplexus, nihil erit invidiae, idque unico verbo cepit nimirum Cl. *Fontaninus* ita *Vossii* verba, quasi, quia non satis graviter & serio refutat *Baronii* sententiam, ipsi accessisset, cum nemo non *Vossii* orationem continuam perlegens, non videat, noluisse *Vossium* in hoc argumento, levi & dubio ipsi viso, immorari, quia quisque per se facile refellere illa, quae de clavis tradebantur, poterat. ideoque se contentum ait fore, verbis *Baronii*, quibus, cum nullius ponderis, & ipsis foliis levior argumentationem contineant, ironice illulisse contentus, ostendit se nihil eorum credere, nec mereri hanc, ut videri potest, callidi potius, quam sapientis viri argumentationem, ut centies dicta reponat.


Atque haec sunt fere opera insignium meritis & doctrina Virorum, quae partim rariora merebantur ex tenebris in amplio-

pliozem lucem produci, partim obvia quidem magis, digna tamen, quae in unum corpus coniecta, partis *Italiae* nobilissimae illustrationi conducere Typographo nostro sunt visa. Qui, si studium singulare adjuvandi vota eruditorum & harum rerum studiosorum placere orbi erudito deprehendet, nullo labori, nullis sumptibus & curis undique praestantissimos & raritate commendabiles scriptores conquirendi parcet, reliquosque Thesauri hujus locupletissimi tomos, brevi temporis intervallo se expositurum promittit. Quam fidem, ne, quia hi tomi tanto a prioribus temporis spatio, demum prodeunt, quis vanam putet, sciat maximam jam totius Thesauri partem typis descriptam esse, nec annum hunc exiturum, quin tres pluresve tomos prioribus adjungendi copia sit futura. Ut etiam emtores scire possint, quos potissimum auctores sequentes Tomi exhibebunt, eorum accuratissimum Indicem & Catalogum non solum confecit, & cum publico communicavit; sed etiam post hanc praefationem adposuit, ut inde melius unusquisque aestimare hujus Thesauri pretium possit, quam ex invidi alicujus & mercenarii Ephemeridum consarcinatoris maligna obtrektatione, qui forte indignatus se non adhibitum in consilium, priores hujus Operis tomos omni arte infamare conatus fuit. Nec contentus Celeberrimum *Graevium* insanis dictariis & conviciis lacerasse, ipsum *Typographum*, cui tunc maxime in alio opere procurando operam suam locaverat, damno mactare, ideo tantum, quod non ejus sub auspiciis opus hoc suscepisset. Sed quantum profecerit malevolentia sua vitio creatus librorum censor, & doctorum virorum obtrektator, inde facile confici poterit, quod tam parvi ponderis ejus judicium sit visum, ut jam omnia fere exemplaria sint divendita, & pauca admodum Typographo supersint. qui neque minus avidos emptores horum, & qui sequentur, voluminum, se reperturum esse auguratur. Tu modo, aequae Lector, conatibus tam honestis & utilibus fave, & industrii viri labores & curas adjuvare perge. *Leidae* Kal. Septemb. *MDCCXXI*.

F I N I S.

Excerpta ex *Epistola Clarissimi Viri Ludovici Antonii Muratorii, Bibliothecarii Serenissimi Ducis Mutinensis, ad Johannem Burchardum Menckenium, Serenissimi Electoris Saxoniae, Regis Poloniae, Consiliarium, in Dissertationem Justi Fontanini de Corona Ferrea.*

Johanni Burchardo Menckenio V. C. Ludov. Ant. Muratorius S. P.

uod una cum *Dissertatione Fontaniniana de Corona Ferrea jam Romae edita Anno 1717. publicis typis Lipsiae traditus iterum fuerit* & meus de *Corona Ferrea Commentarius, quem adolescens Anno 1698. Mediolani Tom. II. Anecdotorum meorum evulgaveram: id mihi gloriae verto, multumque debeo hominibus tanti meos qualescumque labores facientibus. Si id ante editionem rescivissem, certe non excidisset mihi occasio aliquid ad te, Vir Clarissime, scribendi de*

*** **

oppe-

opposita mihi Fontanini sententia. Attamen pauca nunc habeto, quæ ad rectum iudicium ferendum de controversia inter nos agitata præsto tibi esse possint. Contendit ille, Modoëtiensibus concors, Coronæ Ferreæ insertum Dominicæ Crucis Clavum, undè illi Ferreæ appellatio accessit. Contra ego, opinionem hanc nulla antiqua Traditione, nullis firmis argumentis niti, olim scribebam. Quid quæso tanti ponderis nunc Fontaninus adfert, ut me potius, quam Modoëtienses, falli ostendat? Bugatum, Besutium, Morigiam, Zucchium, Ripamontium, Collium, Coronam, Quaresmum, & si qui sunt alii Scriptores, omnes fere mihi notos, & a me laudatos, qui post Annum Christi 1586. suos Libros luce donarunt, quid attinet in hanc rem testes advocare? De Corona Modoëtiensi, quæ fama ævo suo foret, ii quidem edocere nos possunt; sed eandem famam apud veteres obtinuisse, profecto testes adeo recentes, parum Critici, nulloque rei examine instituto scribentes, nunquam nobis persuadere poterunt. Quum nulli antiquorum decus hoc Coronæ Ferreæ innotuerit, nullus memoraverit, qui tamen sapissime de ea mentionem fecere, justæ suspicioni locus fuit, & erit, Seculo solum XVI. ex ingenio bonorum hominum causam perquirentium, cur addita Coronæ aureæ Modoëtiensi lamina ferrea fuerit, opinionem prodiisse de inserto sacro Clavo, eamque sensim, ut de tot aliis piis opinionibus accidit, apud Modoëtienses invaluisse, additamentum gloriæ minime averfantes.

Sed Guntherum Fontaninus Cap. IV. laudat, quo teste Lib. 8. Ligurini Fridericus I. Anno 1158. Modoëtiæ SACRO DIADEMATE crines induit. Accedit Matthæus Villanius, quo narrante res sui temporis Lib. 4. Cap. 39. Historiæ Italicæ Carolus IV. Anno 1355. il di della Santa Epifania del Mese di Gennajo fu coronato della SANTA CORONA del Ferro. Bene cessit, quod Villanio hæc exciderint; nam mirum est, quanta superstruat uni huic verbo eruditus Modoëtiensium patronus, & quoties ante oculos Lectorum & Judicum hunc Villanii locum ingeniosus vir obversari faciat. Et tamen quid quæso inde exsculpant prudentes rerum æstimatores? Nihil reor. Nam ut Carolus Pashalius de Coronis Lib. X. Cap. VII. antea monuit, Insignia Regalia inter Sacra censeritoria, vix ab alio contrectatur, quam ab illo, cui id juris in Ecclesia concessum &c. Ac propterea Coronæ Cæsari, & Regibus adhibendæ, in Sacris Templi adytis religiose servari solent, & Sacris Ministris commendantur: quod nemo ignorat. Ut proinde mirari cogamur, Fontaninum ex eo, quod Henricus VII. ad Canonicos Modoëtienses scribens, eos ad se venire jusserit, qui sciunt, quid opus sit ad collationem Coronæ Ferreæ, ita disferere Cap. V. Dissertationis suæ: Viden, Imperatorem de re Sacra, & præcipuo cultu habita, tractantem, ad Canonicos, & rerum Sacrarum ministros, non ad civiles Modoëtiæ Magistratus scripsisse? quasi hinc Lectores monere velit, Coronæ illi insitum Dominicæ Crucis Clavum. Verum & sine sacro illo pignore sacris rebus accensetur Ferrea Corona, & uti reliqua Regum insignia in Templo, & a sacris Ministris servatur; ideoque ad Canonicos erat de hujusmodi negotio scribendum. Accedit, quod Godefridus Viterbiensis in Chron. Par. 18. in fine de Henrico VII. adhuc adolescente scribit his verbis:

Henrico Sexto SACRA sunt DIADEMATA præsto.

Idem etiam Scriptor Par. 17. pag. 459. apud Pistorium significare videtur, ideo Sacrum esse Diadema, quia sacro Oleo inunctum.

Sic oleo non corporeo Diadema sacratur &c.

Ad hæc ipsemet Guntherus Lib. IV. Ligurini, coronationem Romanam Friderici I. enarrans, paria habet.

Sacra redimitus veste Sacerdos

Summus ad alta sacri ducens Altaria Petri,

Innexum digitis mundi totius honorem

Imposuit, pressitque SACRO DIADEMATE crines.

En ut ipse Guntherus sibi, seu potius Fontanino ejus verba invita in suam causam trahenti, respondet. Quid plura? sibi ipsemet Fontaninus respondere potuisset, nisi elaberentur, quæ ipse præ oculis & manibus habet. Nam ante paucas paginas eodem Cap. IV. hos Corippi versus de coronatione Justinii II. Augusti laudavit:

Coelique potentem

Exorans Dominum, SACRO DIADEMATE jussit

Augustum vincire caput, summoque Coronam

Imponens apici feliciter &c.

Quid aliud quærimus, ut tandem pateat, nil amplius Modoëtiensi olim Coronæ tributum, quam ceteris Regalibus inter Sacra computatis? Quod enim ad istos versus subsistens Fontaninus, tacito meo nomine, me compellat, scribens: Erras, Critice, erras. nam Diadema proprie sumtum cum Corona proprie sumta confundis. Nos tibi Corippum opponimus, qui Justiniano II. & Diadema, & Coronam impositam ita describit: E quidem vereor, ut risum teneant Lectores doctissimi, quibus perspicuum est, promiscue usurpari vocabula Diadematis, & Coronæ, idque vel ex paucis allatis locis constare; neque

que apparere, duas res diversas a Corippo enarrari, sed potius Poëtica amplificatione unum idemque duabus phrasibus explicari. Itaque frustra pro opinione Modoëtienſum de Clavo Dominico proferuntur Guntherus, & Villanius. Et ſane apud iſtum alibi memoratam animadvertas, hoc eſt Lib. 4. Capp. 27. & 39. Coronam Ferream, ſed abſque titulo Sanctæ, idemque eſſe apud illum la Sacra Corona, ac la Santa Corona; nam Cap. 62. ipſi laudantur la Santa memoria dello Imperatore Arrigo, ac ſubinde il Santo Imperio. Imo Cap. 54. & alibi, quod nos Sacra Maieſtas alloquendo. Caſares dicimus, ipſe Santa Corona dicit.

Quibus ex rebus jam videas, nullum a Modoëtienſibus veterem Scriptorem, aut teſtem proferri ſuæ opinioni faventem. Contra jam nos phalangem, ut ita dicam, Auctorum laudavimus, alioſque ſuperaddere poſſumus, qui ante medium ſeculum XVI. Coronam Ferream memorarunt, contrectarunt etiam, atque deſcripſerunt, & ne hilum quidem de Clavo Dominico dixerunt. Silentium hocce tot hominum, tot ſeculorum, quid aliud eſt, quam loqui contra Modoëtienſes, eorumque recentem opinionem novitatis & falſitatis arguere? Atqui hoc Argumentum eſt Negativum, inquit Fontaninus; illudque non uno in loco is videt. Siquidem vixiſſet olim fama de Clavo, quem intextum nunc volunt, id multi ex iis Scriptoribus noviſſent; ſi vero noviſſent, non tacuiſſent. Præcipuum hoc erat illius Coronæ decus, & deſcribentibus minime excidiſſet. De ea loquuti ſunt complures antiqui Scriptores Mediolanenſes & Æneas Sylvius, qui Mediolani aliquandiu eſt verſatus. Ipſam quoque non ſemel commemoravit Bonincontrus Morigia in Chronico Modoëtienſi, atque ipſe Balthaſar Fidelis Modoëtienſis Baſilicæ olim Archipreſbyter. Hi ſane rerum illarum peritiores, quam Villanius Tuſcus, fuere. Atque hi, ut cum Melchiore Cano loquar, tantam Prærogativam non omiſſuri erant, ſi ſciuiſſent; ſciturum autem erant, ſi fuiſſet. Neque eſt, quod Fontaninus elabi ſe poſſe putet Cap. VII. in dubium vocando, num Fidelis vix umquam Modoëtia ſubiſtiterit. Certe tamdiu ibi ſubiſtiterit neceſſe eſt, ut colligere potuerit Prærogativas multiplices Baſilicæ ſuæ, quas Anno 1514. Leoni X. P. M. dicatas Libro in folio evulgavit. Sed ut brevius agam, litem hanc dirimere una Bononiensis Coronatio Caroli V. poteſt. Quid ibi actum, qui ritus ſervati, non tantum Paulus Jovius inſignis Historicus, & oculatus teſtis, verum & ipſe Pontificius rituum Præſectus Blaſius Caſenas literis mandarunt; imo uterque Coronam ipſam Ferream deſcripſit, illè in ſua Historia, hic apud Raynaldum in Annal. Eccleſ. ad Annum 1530. §. 12. Procul dubio ſi quiſquam reſcire debuit, num ſacrum Dominicæ Paſſionis pignus intextum Coronæ Ferreæ foret, is fuit ea occaſione Blaſius Caſenas, ad quem ſpectavit Coronationis ſeriem recte deducere, & noſſe ſi quid venerationis impendendum eſſet Modoëtienſi Diademati. At ille nullum peculiarem honorem Coronæ ejuſmodi adhibitum ſcribit, nullum venerationis ſignum. Imo Coronam ipſam delineans ita loquitur. Hæc Corona, ut habeatur aliquo modo ejus cognitio & ejus formæ, circularis & latitudine quinque digitorum eſt, vix coronam unius Episcopi circuiens, nec capiti firmari poterat. Ex Modoëtia delata fuit &c. Lege reliquam narrationem. Quæ Cap. VIII. ſuæ Diſſertationis reponat Fontaninus, ut ſe a Jovii, & Caſenatis auctoritate expediat, ſunt, ut benigne loquar, tam levia, ut vim argumentationis noſtræ nulla ex parte elevare poſſint. Ii Coronationi interfuere, ii Coronam ipſam, ejuſque uſum intuiſi ſunt, & deſcripſerunt; ii ergo ſatis nos docent, ſe de Clavo Dominico nihil accepiſſe, nullaque veneratione exceptam tunc fuiſſe ejuſmodi Coronam. Et tamen audire nunc cogimur, qui Jovio, & Caſenati a ſacris Cæremoniis ipſius Pontificis, teſtibusque oculatis, nunc opponant & præferant Ripamontium, uno fere ſeculo a Caroli V. coronatione remotum, Scriptoremque parum Criticum, & fidei non uſquequaque certæ, qui narrat, ad conſpectum Coronæ Ferreæ ſubito perſuſam horrore concionem obriguiſſe &c. Rem tantam novit immenſus Populus tum Bononiæ coactus: & ſoli Jovius, Rituumque Præſectus, ceterique Scriptores eorum temporum ignorarunt?

Non his ultra immorabor. Nuperos vero teſtes, a Modoëtienſibus, eorumque patrono Fontanino prolatoſ, excutere non eſt hujus loci. Id unum regero. Ampliſſimos Cardinales Borromæos, Sanctum nempe Carolum, & Fridericum, Mediolanenſes Archiepiſcopos, de veritate Clavi Dominici minime dubitantes chorus ille teſtium nobis exhibet. Et tamen eximii Præſules illi, qui, ſi vera hæc forent, Coronam utpote ſacrarum rerum Modoëtienſis Baſilicæ pretioſiſſimam, & præ ceteris cultu dignam, honore publico donare potuiſſent, imo debuſſent, ii, inquam, ipſam in latebris, atque inhonoratam prorſus reliquere. Quid hoc ſignificet, prudentes viri non indigent ut a me edoceantur. Addo, exſiſtere adhuc in Archivio Archiepiſcopali Mediolanenſi Librum jūſſu celeberrimi Card. Friderici Borromæi die 26. Junii Anno 1621. ſcriptum hoc titulo: Dello ſtato della Chieſa di Monza. Accurate ibi reſcenſentur ſingula ſacra Reliquiæ in Modoëtienſi Baſilica adſervatæ, & publica veneratione donatæ, nihilque ibi de ſacro Clavo occurrit. Tum pag. 45. habetur, Nota del Teſoro della Chieſa Collegiata di S. Giovanni Battista di Monza. La Corona Ferrea del Regno d'oro. La Croce dello ſteſſo Regno con il ſuo pen-

dente &c. Et ne heic quidem ullum de Clavo Dominico verbum, nullumque cultus si-
gnum Coronæ Ferreæ impensum. Num dormitabant Modoëtienſes? dormitabantne ipsi accu-
ratissimi & piissimi Archiepiscopi, qui ingloriam & confusam cum reliquis Thesauri
Modoëtienſis non sacris rebus tamdiu Coronam patiebantur, quam tamen, si Modoëtienſi-
bus credimus, sanctissimo pignore auctam & ipsi credebant? Vix fieri potuit, ut suo cultu,
sua veneratione tam insigne pietatis monumentum ipsi fraudarent. Sed tandem Anno
1655. increbrescente apud Modoëtienſes dulci fama de Clavo Dominico suæ Coronæ inser-
to, illius Oppidi Clerus ipsum Diadema publicæ venerationi exponere cœpit: quod consi-
lium subinde Archiepiscopalis Curia turbavit, ut constat: novitatem nempe rei animad-
vertit, ac minime tulit.

Quæ quum ita sint, videant qui pro Modoëtienſium opinione pugnant, quam causam
protegendam susceperint. Ubi de cultu sacrarum antiquissimarum rerum agitur, aut an-
tiquam Traditionem adferre opus est, aut immemorabilis temporis Possessionem. At-
qui Modoëtienſes Traditione destituuntur, quum nullum ex antiquitate testem lau-
dent; & contra ita veteres de Corona Ferrea loquuntur, ut ipsam sacro Clavo insignitam
numquam se novisse significant. Rursum neque Possessionem antiquam publici Cultus o-
stendere possunt, imo ejusmodi Cultus initium perquam recens ostenditur. Quei ergo no-
bis persuadeat ille Populus, se non tantum celeberrima Corona, sed etiam pretiosissimo
Dominicæ Passionis monumento frui? Equidem per me illis liceat colere, quod bona fide
se possidere putant: at credere quid ipsi putant, mihi reluctantis melioris Criticæ Re-
gulis, integrum non est. Quod si eorum patronus Fontaninus in fronte Basilicæ Modoë-
tienſis magnis characteribus inscribendam vult hanc Vincentii Lirinensis epigraphen, qua
suam Dissertationem claudit, Desinat incescere novitas vetustatem: ego epigraphen hanc,
utpote Basilicæ illi, & causæ, quam is tractat, incongruam, inde auferens, in
ipsius tantum Fontaniniane Dissertationis fronte inscribam, & æquius ibi atque aptius
collocatam, si opus fuerit, rursus contendam. Tu interea &c.

Mutina XII. Kal. Decembr. MDCCXIX.

CATALOGUS & SERIES RARISSIMORUM ac SELECTISSIMORUM LIBRORUM,
quos continet THESAURUS ANTIQUITATUM & HISTORIARUM ITALIÆ, NEAPO-
LIS, SICILIÆ, SARDINIÆ, CORSICÆ, &c. antehac ad Consilium Celeberrimi JOANNIS
GEORGII GRÆVII inchoatus, cujus tres priores Tomi in folio jam sunt editi, Lugduni Batavorum,
apud Petrum Vander Aa: reliqui vero ejusdem formæ, apud eundem, ex Consilio & cum Præfa-
tionibus Clarissimi Viri PETRIBURMANNI, J.U.D. Historiarum, Græcæ Linguae, Eloquentiæ
& Historiæ Fœderati Belgii, in Academia Lugduno-Batava, Professoris, propediem prodituri.

Quatuor his primis Tomis Auctores, qui scripserunt de Italia,
Mari Ligustico Transpadana, & Alpibus vicina, comprehen-
duntur.

TOMUS PRIMUS, 2 voll. constat charta communi 15.
flor. Charta Majori 20. florenis.

Gabriel Barrinus, Franciscanus, de Laudibus Italiæ.

Petri Leonis Casella de primis Italiæ Colonis Liber.

Jacobi Bracellii, Genuensium a Secretis, Oræ Ligusticæ De-
scriptio. — De Claris Genuensibus Libellus.

Gaudentii Merula, de Gallorum Cisalpinorum Antiquitate
ac Origine, Libri III. Novis Annotationibus expoliti & aucti.

Bonaventura Castiglionei, Mediolanensis, de Gallorum In-
subrum Antiquis sedibus Liber.

Uberti Folieta, Patricii Genuensis, Historiæ Genuensium
Libri XII. Auctiores & emendatiores.

Uberti Folieta, Patricii Genuensis, Clarorum Ligurum Elo-
gia, juxta postremam Editionem, Romæ MDLXXVII. ce-
teris auctiorem ac emendatiorem, paucisque visam; quip-
pe cujus nulla fit mentio in Catalogis celebr. Bibliothec.

Uberti Folieta, Patricii Genuensis, Conjuratio Joannis Lud-
dov. Flisci. — Tumultus Neapol. — Cædes Petri Lud. Far-
næsi, Placent. Ducis, ex univ. Hist. Rer. Europ. suor. temp.

Uberti Folieta, Patricii Genuensis, de sacro Fœd. in Selim.
Libri IV. — Variæ Expedit. in Afric. cum Obsid. Melitæ.

Uberti Folieta, Patricii Genuensis, Opuscula nonnulla varii
Argumenti: nempe — de Vitæ & Studiorum ratione Ho-
minis Sacris initiati. — De Ratione scribendæ Historiæ.
— De causis magnitudinis Turcarum Imperii. — Tiburri-
num Hippolyti Cardinalis Ferrariensis. — Brumanus, sive de
Laudibus Urbis Neapolis. — De nonnullis, in quibus Plato
ab Aristotele reprehenditur. — De norma Polybiana. — Ora-
tio in Festo die Omnium Sanctorum.

Jacobi Bracellii, Genuensium a Secretis, de Bello, quod
inter Hispanos & Genuenses seculo suo gestum, Libri V. Ad-
dit. est Diploma miræ Antiquit. Tabell. in agr. Genuensi repert.

Jacobi Bonfadii Annalium Genuensium, ab Anno
MDXXVIII. (in quo desinit Ubertus Folieta) recuperatæ Li-
bertatis usque ad annum MDL. Libri V. In lucem editi
a Barth. Paschetto, Veron. Medic. & Philos. In hac vero
postrema Editione ab innumeris mendis repurgati.

Hieronymi de Marinis, Patricii Genuensis, Genua, sive Do-
minii, Gubernationis, Potentiæ, Dignitatis Serenissimæ
Reipubl. Genuensis, compendiaria Descriptio.

Petri Bizari, Sentinatis, perbrevis Dissertatio de Univerſo
Reipubl. Genuensis Statu & Administratione.

Reipublica Genuensis Leges Novæ, a Legatis Summi Pontificis,
Cæsaris, & Regis Catholici, in quos per Rempubliam
collata fuerit auctoritas, conditæ, & Genuæ die XVII. Martii
MDLXXVI. publicatæ, ac in lucem editæ a Petro Bizaro.

TOMUS SECUNDUS, 2. voll. 18—5. ft. C. M. 23—15. ft.

Andrea Alciati, J.C. Celeberrimi, Rerum Patriæ, seu Historiæ
Mediolanensis, Libri IV. Ex M. S. Bibliotheca Ambrosiana.

Tristani calchi, Mediolanensis Historiographi, Historiæ Pa-
triæ Libri XX. Cum notis Joannis Guilielmi Calaveroni.

Tristani calchi, Mediolanensis Historiographi, Residua, hoc est
Historiæ Patriæ Liber XXI. & XXII. — Nuptiæ Mediola-
nensium Ducum: sive Joannis Galeacii cum Isabella Arago-
na, Ferdinandi Neapolitanorum Regis Nepte. — Nuptiæ
Mediolanensium & Estensium Principum, scilicet Ludovici
Matæ cum Beatrice, Alphonſi Estensis Sorore; vicissim-
que Alphonſi cum Anna, Ludovici Nepte. — Nuptiæ Au-
gustæ: hoc est Maximiliani Romanorum Regis & Impera-
toris jam designati, cum Blanca, Joannis Galeacii Medio-
lanensium Ducis Sorore. Omnia è Bibliotheca Patricii No-
bilissimi Lucii Hadriani Cotta eruta, studio & opera Joannis Pe-
tri Puricelli, S. Th. Doct. & Laurentiana Basilicæ Archiepiscopati.

Qui suum etiam illis Indicem Familiarum & Epitomas adjecit.

Josephi Ripamontii, Canonici Scalensis & Chronista Urbis Me-
diolani, Historiæ Patriæ Libri XXIII. ab Anno salutis
c1000c111. qui Tristano Calcho Patriæ Historiæ finis; desu-
mitur novi Operis initium, & tempora infecuta memoran-
tur, sed repetuntur prius extrema superioris Historiæ, fu-
siusque & altius explicantur ea, quæ calchus ipse in parte
ultima Annalium suorum perstrinxit tantummodo, sive
omittenda putavit: atque temporis proxime ante acti fa-
cies datur in conspectum. In III. partes digest.

Josephi Ripamontii, Canonici Scalensis & Chronista Urbis Me-
diolani, Historiæ Patriæ Continuatio, comprehensa octo
Libris, in quibus res, quas gessit Philippus II. tam Mediolani,
cum in ejus ditionem redigeretur, quam alibi, exponuntur.

Galeatii Capelle, de Bello Mediolanensi, seu de rebus in
Italia gestis pro restitutione Franc. Sfortiæ II. Mediolanen-
sium Ducis, ab Anno MDXXI. usque ad MDXXX. Libri VIII.

Caroli a Basilica Petri, Episcopi Novariensis, de Metropoli
Mediolanensi Libellus.

TOMUS TERTIUS, 2. voll. 16—15. C. M. 21—11.

Georgii Merula Alexandrini, Antiquitatis Vicecomitum
Libri X.

Pauli Jovii, Novocomensis, Episcopi Nucerini, Vitæ Duo-
decim Vicecomitum, Mediolani Principum, singularum
veris

veris Imaginibus illustratae.

Jo. Ant. Castellionis, J. C. Sacra Theol. Doct. & Vicarii perpetui Abbatiae S. Vinc. in Prato, Mediolanenses Antiquitates, ex Urbis Paroeciis collectae, Ichnographicis ipsarum tabulis, recentibus rerum memoriis, variis Ecclesiasticis ritibus auctae & illustratae.

Bernardi Sacci, Patricii Papiensis, Historiae Ticinensis Libri X. In quibus multa scitu digna recensentur, de Italiae Populorum Vetustate, Dominio, & Mutatione: item de Provinciarum proprietate, & Rom. Ecclesiae amplificatione. Situs Italiae, partes, & proprietates. Antiquiores Populi ex Transpadanis. Ligurum vetustas, & Gentis praeslantia. Libertas & Dominium Civitatum Italicarum. Christianae Religionis primordia. Italiae depravationes, & subjectiones. Regna Italica in exteris constituta. Longobardorum Origo, Adventus, & Regnum. Duelli introductio, & causae olim admittae. Dominium Romanae Ecclesiae in Italia. Bononiae & Ferrariæ incrementa sub Ecclesia Romana. Regnum Longobardorum in Carolum Magnum translatum.

Jo. Chrysostomi Zanchi, Bergomatis Canonici. Ord. D. Augustini, de Orobiorum, five Cenomanorum Origine, Situ, ac Bergomi rebus antiquis, Libri tres.

Joannes Baptista Villanova Nobilis Laudensis, Laudis Pompejæ, five Laudæ (nunc Lodi) Urbis Historia. Ex Italico in Latinum sermonem transtulit Alexander Dukerus.

Othonis Morena, Laudensis, & Aerbi Othonis F. Historia Rerum Laudensium, tempore Federici Aenobarbi Caesaris, cum Notis & Emendationibus Felicis Ofii, Artis Oratoriae Interp. in Gymnasio Patavino.

Erycii Puteani, Mediol. Profess. Eloquent. Historiae Cisalpinæ Libri duo: quibus continentur Res potissimum circa Lacum Larium a Jo. Jacobo Mediceo gestae.

Alexandri Dukeri, Comi Urbis Historia & Descriptio, ex variis Auctoribus concinnata. Ut & Camilli Ghilini Romani, Telinae Vallis ac Larii Lacus particularis Descriptio. Nec non Pauli Jovii, Novocomensis, Episcopi Nucerini, Larii Lacus (hodie Comensis) Descriptio.

Galeatii Capella, de Bello Mussiano Liber adoptivus, & Bibliotheca Ambrosiana.

Ludovici Cavatelli, Patricii, Cremonenses Annales: quibus Res gestas memorabiles a Patriæ suæ Origine usque ad Annum salutis MDLXXXIII. breviter ille complexus est. Auctiores & emendatores.

Uberti Locati, Placentini, de Placentinae Urbis Origine, Successu, & Laudibus, seriosa Narratio.

TOMUS QUARTUS, 2. voll. 16—18. C. M. 22—16.

Joannis de Cermenate, Notarii Mediolanensis, Historia, de Situ, Origine, & Cultoribus Ambrosianæ Urbis, ac de Mediolanensium gestis sub Imperio Henrici VII. ab anno MCCCXVII. Ad annum MCCCXIII.

Arnulphi, Mediolanensis Historici, Historiae Mediolanensis, qua continentur Gestis quorundam Italiae Regum, ab anno DCCCCXXV. usque ad MLXXVI. Libri quatuor.

Johannis Petri Puricelli, S. T. D. Laurentiana Archipresbyteri, Ambrosianæ Mediolani Basilicæ ac Monasterii, hodie Cisterciensis, Monumentorum singularis Descriptio: qua Historia Mediolanensis valde illustrata, multis ab erroribus vindicatur.

Ludovici Antonii Muratorii, Serenissimi Ducis Mutinensis Bibliothecarii, ac Bibliotheca Ambrosiani Collegii Doctoris, de Corona Ferrea, qua Romanorum Imperatores in Infubribus coronari solent, Commentarius.

Justi Fontanini a Cubiculo honorario Sanctissimi Domini Clementis Papæ XI. Dissertatio de Corona ferrea Longobardorum. Editio Novissima, ab Auctore recognita & aucta.

Benedicti Jovii, Novocomensis, Historiae Patriæ, five Novocomensis, Libri duo.

Ostavi Rubei, Brixiani, suæ Patriæ Script. Celeb. Monumenta Brixiana, seu Civitat. Brixiae Antiquitates: in ling. Lat. ex Italica transtulit Alexander Dukerus: Accessere Postrema huic Editioni, præter adjectas Secunda a Fortunato Vinaccesi Inscriptiones, ut aliae plures, potissimum & MS. Rerum Antiquarum Civitatis Brixiae ejusque universi Agri memoria.

Antonii Gatti, Antecessoris Ticinensis, Historia Gymnasii Ticinensis, a Sæculo V. ad finem Sæculi XV. nec non de ejus Urbis antiqua Nobilitate.

Baptista Sacchi, Cremonensis, ex vico Platina, vulgo appellati Platinae, Historia inclytæ Urbis Mantuæ & Serenissimæ familiæ Gonzagæ, in Libros sex divisa: Primum ex Augustissima Bibliotheca Casarea Vindobonensi a Petro Lambecio, S. Caf. Majestatis Consiliario, Historiographo & Bibliothecario, in lucem edita, atque necessariis Annotationibus illustrata: Novissima hac Editione emendatior, subjunctis loco quibusque suo Annotationibus accommodatior facta, locupletiorque perfectio ferme Indice.

TOMUS QUINTUS, 4. voll. 42—4. C. M. 54—16.

Italiam Juris Veneti comprehendens.

Bernardi Justiniani, Patricii Veneti, Senatorii Equestisque Ordinis Viri clarissimi, de Origine Urbis Venetiarum rebusque gestis a Venetis Libri quindecim: in quibus gravissimo stylo non solum res Venetæ, verum etiam bella Gothorum, Longobardorum & Saracenorum amplissime continentur. Adjectis tribus libris de Divi Marci Evangelistæ Vita, ejus translatione & sepultura loco.

Donati Jannotii, Reipublicæ Florentinae à Secretis, Dialogus de Republica Venetorum, cum Notis Nicolai Grassi.

Gasparis Contareni, Patricii Veneti & S. R. E. Cardinalis, de Magistratibus & Republica Venetorum Libri V. cum Notis Nicolai Grassi; Accesserunt Balthasar Bonifacii, de majoribus Comitibus & Judiciis capitalibus duæ Epistolæ.

Nicolai Grassi, Veneti, de Forma potentiss. ac florent Reip. Venetæ per omnem ejus Ætatem Mistra Liber singularis, antehac Auctoris Notis in Donati Jannotii Dialogum, & Gasparis Contareni de Republica Venetorum Libros V. subjunctus, nunc vero ob elegantiam suam separatim impressus.

Blondus Flavins de Origine & Gestis Venetorum.

Petri Bembi, Patr. Venet. Cardin. Historiæ Venetæ, libri XII. Editio Novissima, cum optimis Exemplaribus collata, accuratissime castigata arque Indice copiosissimo adaucta.

Marci Antonii Cocci Sabellici, de Situ Urbis Venetæ, Magistratibus, & Officio Prætoris, atque Scribarum ingeniosa descriptio: ut & ejusdem Genethliacum ac Oraculum.

Splendor magnificentissima Urbis Venetiarum clarissimus; è figuris elegantissimis, & accurata descriptione emicans, in duas Partes distributus: Quarum Prior, Tempia inclytæ Urbis magnifica, Collegia, Monumenta, Mausolea, Epitaphia, Inscriptiones, Statuas, Picturas, Sculpturas, ac reliqua ibidem memoriæ digna continet; Posterior, Regimen Serenissimæ Reipublicæ Venetæ, Magistratus, Dignitates, Ædificia publica atque privata, Pompas, Festa, Spectacula, & sumptuosissima quæque recenset. Opus collectum atque editum ex Scriptoribus optimis atque luculentis.

Antonii Stella, Clerici Veneti, Elogiorum Venetorum navali pugna Illustrum Liber.

Nicolai Grassi, Junioris, Philosophi & J. U. C. Elogia Patritiorum Venetorum Belli, Pacisque artibus Illustrum.

Barthol. Facii, Reip. Genuens. a Secretis, de Bello Veneto Clodiano Liber; ut & Aliud parvi temp. Bellum Venetum.

Antonii de Ville, Equitis Galli, Pyctomachia Veneta, seu Pugna Venetorum in Ponte annua.

Josephi Laurentii, Lucensis, Dissertatio de Desponsatione Maris Adriatici, aliisque ad eam pertinentibus, vel cum ea convenientibus.

Joannis Valacrii, Scoti Britanni, Spectacula Veneta, Epigrammatibus aliquot celebrata.

Andrea Mocenici, P. V. D. Belli memorabilis Cameracensis adversus Venetos Historiæ Libri Sex: quibus Epitome latior præmissa est, unde breviter omnia intelligi possunt, quæ in singulis Libris continentur.

Bernardini Arlupi, Jureconsulti, Patricii Mediolanensis, de Bello Veneto, Libri Sex, ubi quæ, Sæculo XVI. novo, a Germanis, Gallis, Hispanis, variisque Italiae Principibus, adversus Venetos gesta, ad his vero infirmata sunt, usque ad Pacem inter hos omnes initam, aliaque huc pertinentia, dilucidissime & solidissime enarrantur. Nunc primum & MS. editi.

TOMUS SEXTUS, 4. voll. 34—15. C. M. 46—

Patavium, Forumjulium & Istriam exhibens.

Rolandini, cognomento Grammatici, Patavini, Libri Chronicorum: five Memorialis Temporum de factis in Marchia & prope ad Marchiam Tarvisinam.

Gerardi Maurisii, Civis & Judicis Vicentini, Dominorum de Romano & Marchiæ Tarvisinæ Historia, a Felice Ofio primum publici juris facta. Cui adjuncti sunt versus Thadæi, Notarii Vicentini, Historiam hanc & Significationem Nominum & Cognominum Eccelini & Alberici Fratrum de Romano continentes, juxta profam Auctoris, à quo & producti & allati sunt.

Monachi Paduani Chronicorum Libri tres, de rebus in Infubribus & Euganeis, hoc est, in Lombardia & vicina Marchia Tarvisina gestis, circa ea tempora, quibus Fredericus II. Romani Imperii clavum tenuit, usque ad annum Christi M. CC. LXX. cum adjecta Mantissa hoc titulo: Quædam scitu digna de Civitate Padua. Insuper diversorum Auctorum variantibus Lectionibus & Annotationibus donata.

Antonii Godi, Nobilis Vicentini, Chronica quæ extant, ab Anno MCXCIV. usque ad MCCLX. Quibus accessit, Supplementum ex Caroli Sigonii Libro XIX. de Regno Italiæ: Nicolai Smeregi, Notarii Vicentini, de Burgo Berica, Chronicon: Scriptoris Anonymi Supplementum Annalium Smeregi: Ricciardi, S. Bonifacii Comitris, Vita: Laurentii de Monacis, Veneti Senatus a Secretis, ac Cretensis Regni Magni Cancellarii, Ezerinus tertius. Omnes hi tractatus ex Felicis Ofii, Artis Oratoriae Interpretis in Gymnasio Patavino, recensione luce publica primum sunt donati.

Albertini Mussati, Historiographi Paduani, de Gestis Henrici VII. Imperatoris Romani, vel Historiæ Augustæ, Libri XVI. Ejusdem de Gestis Italicorum post Henricum VII. Libri XII. Item, Ejusdem Ludovici Bavarus ad filium. Laurentii Pignorii Viri Clarissimi, Felicis Ofii, & Nicolai Villani Castigationibus, Collationibus & Notis sunt illustrata.

Albertini Mussati, Historiographi Paduani, Tragœdiæ duæ, Eccerinis, & Achilleis, cum notis Nicolai Villani, Pistoriensis; ut & alia Auctoris Poëmata, Epistolæ nimirum, Elegi, Soliloquia, Eclogæ, & Fragmenta; ac Lectiones variantes, Collationes, & Notæ marginales.

Cortusi, Patavini duo, five Gulielmi & Albrigeti Cortusiorum Historia (omnibus auctior) de Novitatibus Paduæ, & Lombardiæ, ab Anno MCCLVI. usque ad MCCCLXIV. solerti Felicis Ofii calamo serio castigata beneficio MSS. Exemplarium IV. quorum Primum sumministravit Illustrissimus Serenissimæ Reipublicæ Venetæ Senator, & obliterat Veterum Scriptorum memoriæ restitutor Dominicus Molinus; Secundum, exaratum Viri docti Francisci Mussati manu, Con-

fanguineus ejus, & *J. V. C. Marcus Antonius Muffatus*; Tertium, *Bartholomaeus Petardus*, *Veronensis* I. C. &c. Postremum, *Jacobus Philippus Tomafinus*, *Canonicus Secularis S. Georgii ab Alga Venetiarum*, & *S. Mariae ab Avantis Patavii Prior*: Unde Variantes aliquot Lectiones duorum praecipue Codicum, *Muffati* scilicet, & *Petardi* fuere depromptae.

Supplementum ad *Cortusiorum* Historiam, ex MS. Codice *Comitis Pii de Comitibus, Patricii Veneti*. Nunc primum editum.

Petri Pauli Vergerii, Justinopolitani, Juris Consulti, Philosphi, & Oratoris Celeberrimi, de *Carrariensium* Familia, & de Illustrium ejus Principum rebus magnifice gestis Historia, ex optimis MSS. Codicibus desumpta, emendata, atque ad sui puritatem & integritatem redacta.

Bernardini Scardeonii, Canonici Patavini, Historiae de Urbis Patavii Antiquitate, & claris Civibus Patavinis, Libri tres, in XV. Classes distincti. Ejusdemque Appendix de Sepulchris Insignibus exterorum Patavii jacentium.

Hippolythi Angelerii, Civis Atestini, de Antiquitate Urbis Atestinae Liber, ubi ejus Origo, Situs, Magnitudo, Dignitas, ac Viri Clarissimi, qui ex hoc nobilissimo loco extiterunt, & patriam non mediocriter illustrarunt, aliaque ad eam pertinentia, ex vetustis marmoribus & numismatibus, nec non ex antiquis, & probatis Auctoribus collecta exhibentur; cum Animadversionibus ex Emendationibus *F. Alexandri Burgos*, Messanensis, in Academia Patavina Philosophiae & Historiae Ecclesiasticae Professoris. Nunc primum ex MSS. editus.

Laurentii Pignorii, Patavini, Canonici Tarvisini, Origines Patavinae; & Antenor, una cum ejusdem *Pignorii* Animadversionibus. Latine vertit, suisque Notis auxit *Sigebertus Havercampus*.

Laurentii Pignorii Epistola super antiquissimam Picturam, quae Romae visitur, de Ritu Nuptiarum.

Laurentii Pignorii Vita, Bibliotheca & Museum, Auctore *Jacobo Philippo Tomafino*.

Ottavii Ferrarii, Oratio de Laudibus Urbis Patavii.

Antonii Riccoboni, Rhodigini, Publ. Orat. Profess. Patavini, de Gymnasio Patavino Commentariorum Libri VI. quibus antiquissima ejus origo & multa praecleara ad Patavium pertinentia: Doctoresque clariores usque ad annum 1571. ac deinceps omnes, quotquot in eo floruerunt, eorumque controversiae: atque alia memoratu dignissima recensentur: opus ut non amplius pertractatum: sic studiosis antiquitatis valde expetendum.

Henrici Palladii de Olivis, Patricii Utinensis, Medici & Philosphi Celeberrimi, Varii Academici Suentati, Rerum Foro-Julienfium ab orbe condito usque ad annum Redemptoris Domini Nostri CCCCLII. Libri undecim; nec non de Oppugnatione Gradiscana Libri quinque.

Joannis Baptista Goynai, Pyrrhanensis, de Situ Istriae libellus, ubi ejus Regionis simul Nomen, Termini, Civitates, Ingenia, Eruditi, & Soli natura, elegantissime & solidissime pertractantur, Cum Praefatione & Emendationibus *Justi Fontanini, a Cubiculo honorario Summi Pontificis Clementis XI.*

Joannis Pierii Valeriani, Bellunensis, Antiquitatum Bellunensium Sermones quatuor; quorum ultimus, Flavium Nobilitatem, ex antiquis in Agro Bellunensium memoriis exponit. Olim primum in Biblioth. Lolliniana in lucem editi.

Joannis Candidi, Juris Consulti, Commentariorum Aquilejensium, Libri octo, quibus tum Descriptio hujus felicissimae Regionis, tum Historia rerum Ecclesiasticarum Seculariumque in ea gestarum copiosissime sunt absolutae.

Paulus Pincius, de Timavo flumine.

Jovita Rapius, de Balneis, quae ad Timavi Ostia sunt.

Marci Antonii Sabellici, de Verustate Aquilejae & Fori Julii Libri Sex; ut & ejusdem Carmen, Vicentinus Crater, in quo continetur brevis Urbis Agrique Vicentini Descriptio.

Antonii de Ville, Equitis Galli, Portus & Urbis Polae Antiquitatum, ut & Thynnorum Piscationis descriptio curiosa.

TOMUS SEPTIMUS, 2. voll. 19—3. C. M. 26—4.

Bononiam & Civitates Status Ecclesiastici, &

ad Mare Adriaticum, complectens.

Descriptio inclytae & felicissimae Civitatis Bononia antiquae & hodiernae, ubi ipsius Origo, Conditores, variae rerum & regiminis mutationes, Magistratus, Privilegia, Regiones, Tempia, Aedificia magnifica, Studia & Academia, Viri illustres ac eruditi, pluraque alia, ut & varia rerum notabiliorum Monumenta, ex gravissimis & probatissimis Auctoribus collecta, exhibentur, cum Indice Rerum & Verborum per *Georgium Quapnerum*.

Joannis Francisci Angelita, Origines Urbis Recineti, Historia ejus & Descriptio.

Pompeji Angelotti, Descriptio & Antiquitates Urbis Reate.

Joannis Baptistae Gyraldi, de Ferraria, & Atestinis Principibus Commentarius.

Dominicus Angelus, Castrensis, de Depraedatione Castrenfium, & suae Patriae Historia.

Desiderius Spretus, de origine amplitudine, vastatione & instauratione Urbis Ravennae.

Laur. Schraderi, Descriptio & Inscriptiones urbis Ravennae.

Hieronimi Rubei, Medici Ravennatis, Italicarum & Ravennatum Historiarum Libri XII. In quibus variae Italiae perturbationes, & rerum Commutationes uberrime ac fidelissime explicantur, atque multiplices Antiquitatis Historia, Gothorum, Longobardorum, & Italicorum ab anno post diluvium CXLI. usque ad Annum Christi MDLXXXVIII. am-

plissime locupletantur. Ut & Concilia Provincialia Ravennatum Antiqua quatuor, Aliaque ad res ejusdem Civitatis pertinentia habentur.

Petri Maria Kavina, Academici Philoponi, Faventia redi-viva; seu Descriptio Historico-Geographica Regionis ac Civitatis Faventiae antiquissimae.

Scipionis Claramontii, Historiarum Libri XVI. ab origines Urbis Caesenae usque ad annum MDCXLI.

Jacobi Villanii, I. P. D. Ariminensis Rubicon in Caesenam *Scipionis Claramontii*. Ubi Auctor per Prosopopoeiam Rubicon. Fluv. introducit asserentem, se esse Ariminii, non Caesenae.

Vincentii, Civis Casenatis, de Rubicone antiquo, adversus Ariminenses Scriptores Dissertatio: Continens Respon-sionem *Vincentii*, Notas ex monitu Illustrissimi & Reverendissimi *Marci Aurelii Maraldi*, alias Roma missas ex Ambulatione Gregoriana restituta à Sanctissimo Pontifice Summo Urbano VIII. ut & quasdam additiones.

Jacobi Villanii, J. P. D. de Rubicone antiquo Arimi-nensi in Pisciatellum Caesenae, Responsa, ad quinque argu-menta à Viro integre solidaeque doctrinae *Luca Holstenio* proposita: & a *Terentiano Ubicola*, in publicam lucem data.

Gabrielis Naudae, Parisiensi, Exercitatio: in qua Argumento valde probabili asserit, quod Nomen Senae non Caesenae, sed Senogalliae conveniat.

Josephi Malatesta Garuffi Lucernae Lapidariae Ariminensis.

Philippi Antonini, Antiquitates Urbis Sarinae.

TOMUS OCTAVUS, 2. voll. 18—16. C. M. 24—5.

Etruriam continens.

Guilielmi Postelli, Linguarum Orientalium Professoris Regii Parisiensis, de Etruriae Regionis Originibus, Institutis, Religionibus, ac Moribus Commentatio.

Francisci Doyzi, Advocati Senensis, Antiquitates Etru-riae, de Situ Clanarum &c.

Bartholomaei Scale, Equitis Florentini, Historiae Florentinorum, Libri quinque; nec non Ejusdem Vita *Vitaliani Bor-romaei*: quae primum e Cod. Bibliothecae Mediceae edita fuerunt. Novissima vero Editione correctae.

Francisci Contareni, Patricii Veneti, Legati ad Pium II. P. M. Historia Hetruriae, sive, Commentariorum de Rebus in Hetruria a Senensibus gestis cum adversus Florentinos, tum adversus Ildibrandinum Urfinum, Petilianensium Comitem, Libri tres, a *Joanne Michaële Bruto*, antehac primum editi. Subjecta sunt Additamenta & Testimonia, tum ex Cardinalis *Jacobi Piccolomini* Epistolis, tum ex *Platina* de Vitis Pontificum Romanorum: ex quibus multa ad hanc Historiam pertinentia intelliguntur.

Poggii Bracciolini, Florentini, Historiae Florentinae, libri octo: primum à *Joanne Baptista Recanato, Patricio Veneto, Academico Florentino*, in lucem editi, Notisque, figuris, & Auctoris Vita illustrati.

Joannis Michaëlis Bruti, Historiae Florentinae Libri octo: Istoria Fiorentina, di *Benedetto Varchi, Istorico Fiorentino*.

Andreae Mugnotii, Conchenfis, Hispani, Eremitae Camaldulensis descriptio, duobus Libris absoluta.

Caspar Orlandius, de Urbis Senae ejusque Episcopatus Antiquitatibus, *Antonii Masse, Gallesii, Jurisconsulti*, de Origine & rebus Faliscorum Liber.

Petri Cursii, Civis Romani, Civitat. Castellanae Faliscorum. non Vejent. oppidum esse, Poëma, cum *Julii Roscii Hortini* Additamentis.

Dominici Mazzocchi, Veji antiqui.

Famiani Nardini, Veji antiqui.

Peruzzi, Epistola Apologetica de Vejis antiquis.

TOMUS NONUS, 5. voll. 48—4. C. M. 66—3.

Campaniam, Neapolim, & Magnam Graeciam comprehensens.

Camilli Peregrinii, Alexandri Filii, Campani, Historia Principum Langobardorum; quae partim aliquot Opuscula antiqua de rebus Longobardorum Beneventanae olim Provinciae, quae modo Regnum ferè est Neapolitanum, continet: partim generis ejusdem alia nunc primum adjuncta: una cum Notis, Castigationibus, & Variis Lectionibus *Camilli Peregrinii*, & *Antonii Caraccioli*. Huic Operi inserti sunt sequentes quinque Auctores.

Antiqui Chronologi quatuor: *Herempertus, Anonymus, Falco & Lupus Protospata*, cum variis Lectionibus, Notis & Castigationibus *A. Caraccioli*, & *Camilli Peregrinii*.

Descriptio Montis Cassini.

Petri Diaconi, Monachi, ac Bibliothecarii Sacri Cassinensis *Archisleri*, de Viris Illustribus Cassinensibus opusculum: ex celeberrima Bibliotheca Barbarina olim depromptum, notissime illustratum, studio & opera *Joannis Baptista Marii, Romani*, S. Angeli in foro Piscium Canonici.

Supplementum Virorum Illustrium Monasterii Casinensis, conflatum per *Domnum Placidum Romanum, Monachum & Diaconum Casinensem*.

Flavii Alexii Ugonii, Nobilissimi Brisian, de dignitate, atque praestantia Reipublicae Cassinensis: Ad Cardinalem *Polum*, Praesulum Amplissimum.

Camilli Peregrinii, Alexandri Filii, Dissertationes de veteri significato vocis Portae, & de origine antiquae Familiae di Colimonta. Nunc primum ex Italico Latine vertit *Sigebertus Havercampus*.

Camilli Peregrinii, Alexandri Filii, Campani, Dissertationes de Campania felice. Quibus continetur exacta singulorum praefcae Campaniae Locorum ac Populorum descriptio, ac suc-

fuccincta historia, a primis, quibus cœpere, temporibus ad suam usque ætatem. Opus varia eruditione refertum, in quo plurima veterum Scriptorum loca explicantur, illustrantur, & emendantur. Nunc primum ex Italico in Latinum sermonem transtulit, & Animadversionem. adjecit *Alexander Dukerus*. In majorem, præter omnes emendationes accessionesque, illustrationem Geographicæ Tabulæ additæ sunt, atque Figuræ æneæ, nec non Auctoris Vita & Effigies, aliaque multa.

Antonius Sanfelicius, Neapolitanus, de Situ ac Origine Campaniæ, comprehendens hujus felicissimæ Regionis perfectissimam descriptionem, nec non accuratissimam Chorographiam Oppidorum, Fluminum, Montium, & Vallium, Lacuum, Camporum, cæterorumque notabilium.

Julii Caesaris Capacii, Neapoleos Urbis a Secretis & Civis, Antiquitates & Historiæ Campaniæ felices; in quibus explicantur Regionis felicissimæ Loca, Urbs quæque conjuncta Monumentis, Viri Illustres; aliaque insignia: Novissima Editione accuratius editæ, integritati restitutæ, & Nummis passim figurisque adornatæ.

Henrici Bacci & Caesaris de Engenio, brevis descriptio Regni Neapolitani.†

Bened. Falconis, Neapolitani, Descriptio locorum antiquorum, quæ videntur Neapoli & in amœnissim. istius Regionis.†

Marci Antonii Surgentis, U. J. D. ac Patricii & Equitis Neapolitani, Neapolis Illustrata, Præfetti Praetorio, reliquorumque antiquorum Magistratum cum Vicerage, aliisque Magistratibus præfentis temporis comparisonem, eorumque Potestatem, Ordinem & inter se Præcellentiam continens, Omnium præterea Tribunalium Regni Neapolis in Jure dicundo ritum complectens, tota ad optimum administrandæ Justitiæ cultum, Urbisque, & Regni Regimen atque ad omnes quæstiones in ejus supremis Auditoriis agitari solitas, earumque decisiones pernecessaria; cum Annotationibus *Mutii Surgentis, Auctoris fratris*, U. J. D. & Præfidentis Regiæ Camera Summaria.

Julii Caesaris Capacii, Urbis Neapoleos a Secretis & Civis, Antiquitates & Historiæ Neapolitanæ; in quibus Antiquitas Ædificii, Civium, Reipublicæ, Ducum, Religionis, Bellorum, Lapidum, adjacentiumque Locorum continetur: Novissima Editione a mendis corruptelisque, quibus scatebant plurimis, repurgatæ, locisque compluribus restitutæ: & Nummis Figurisque accuratissimè ornatae. Cui Vita Auctoris Effigiesque additæ sunt.

Bartholomæi Facii, Republicæ Genuensis a Secretis, de Rebus gestis ab Alphonsi primo, Neapolitanorum Rege, Commentariorum Libri X. summo antehac Studio, vetustissimis collatis exemplaribus, emendati, ac in lucem editi a *Joanne Michaële Bruto*.

Henrici Brenckmanni, J. C. & Academici Florentini, Gemina Differtatio: altera de Republica Amalphitana: altera de Amalphi a Pisanis direpta. Utraque nunc primum in lucem mittitur. Adjecta in calce Tabula Chronologica, cum duplici Indice.

Ferrandi Lofredi, Marchionis Trevicensis & Majestatis Suae Consiliario Bellico, Antiquitas Puteolorum & Locorum vicinorum.†

Antonii Mazze Historia de rebus Salernitanis.

Scipionis Mazzelle, Neapolitani, Urbium Puteolorum & Cummarum Descriptio. Cum additamento Epitaphiorum & Inscriptionum, Puteolis, Cumis, in Bajis & Miseno, finitimisque locis inventarum.

Anton. Ferri, ex urbe Bitetto, Conspectus Statuarum nuperimè inventarum in Ruinis Urbis Cumæ; accedunt ejusdem Auctoris interpretationes & Discursus una cum Descriptione ipsius Templi, in quo Statuæ hæ collocatæ fuerunt.†

Joannis Francisci Lombardi, Neapolitani, eorum, quæ de Balneis, aliisque Miraculis Puteolanis scripta sunt, Synopsis: Adjectis Balneis Anariarum, nec non locis obscurioribus Scholiis. Insuper addita sunt in calce tria Opuscula Medica: cl. *Galenii* libellus, Quos, quibus & quando purgare oporteat. *Hippocratis* Cui Jusjurandum. *Schola Salernitana* Versus. Eodem Auctore.

Julii Caesaris Capacii, Neapoleos Urbis a Secretis & Civis, de Balneis Liber, ubi Aquarum, quæ Neapoli, Puteolis, Bajis, Pithecusi extant virtutes; Thermarum, & Balnearum apud antiquos structuræ, usus & ministeria, ad ægrorum comoda, explicantur.

Ambrosii Leonis, Nolani, Antiquitatum nec non Historiarum Urbis ac Agri Nolæ, ut & de Montibus Vesuvio & Abella description. Libri tres.

Mutii Phœbonii, Marfi, I. U. D. Protonotarii Apostolici, Ecclesiæ Transaquensis Abbatis, & Marforum Vicarii Generalis, Historiæ Marforum, Libri tres: una cum eorumdem Episcoporum Catalogo. Nec non Illustrissimi ac Reverendissimi Domini, D. Didaci Petra, Marforum Episcopi, Illustrationibus atque Auctariis.

Lucii Camaræ, Marrucini Teatini, Juris Consulti & Viri Patricii, de Teate antiquo, Marrucinorum, in Italia Metropoli, Libri tres.

D. Pauli Antonii de Tarfia, Doctoris Theologi, Abbatis Sancti Antonii Cuperfanensis, & Academici Octioi Neapolitani, Historiarum Cuperfanensium Libri III.

Antonii Galasei, Licienfis, Philosophi & Medici Doctissimi ac celeberrimi, de Situ Japygiæ Liber. Nec non Urbis Callipolis descriptio; ut & de Villa Laurentii Vallæ.

Joannis Juvénis, Tarentini, celeberrimi sua Patria Historici, de Antiquitate & varia fortuna Tarentinorum Libri octo.

Cum triplici Indice, Capit. Scriptor. & rer. memor.

AES Redivivum: sive Tabula Ærea, Maxima, Consularis, Duum-Viralis, Decurialis, Fastorum Consularium, Romanarumque Familiarum in pluribus instaurativa, *Canusii*, in agro Apulorum olim incisa & erecta, exinde Barbarorum depopulatione recondita, recens e terræ visceribus eruta: Illustrata per *Abbatem Damadenum*. Nunc primum editum.

Gabrielis Barrii, Francicani, Presbyteri Secularis, de Calabriæ Antiquitate & Situ Libri quinque, in quibus Urbes, Castella, Vici, Pagi, Montes, Sylvae, Flumina, Promontoria, Sinus aliaque loca, nec non Sanctorum Reliquiæ; ut & cætera notabilia perspicue descripta.

SICILIA, SARDINIA, CORSICA, &c. 13. voll.

150—C. M. 174—10.

Philippi Cluverii, Gedanensis, Sicilia antiqua, cum minoribus Insulis ei adjacentibus. Opus post omnium curas elaboratissimum; tabulis Geographicis, ære expressis, illustratum.† cl. *A.arii Areii, Patr. Syrac. Caf. Majest. Historiographi*, de Situ Siciliæ Libellus, vel Chorographia sive Descriptio ejusdem Insulæ accuratissima. Cui adjuncta *Dominici Marii Nigri* Siciliæ descriptio Quibus libellis Index copiosus, accuratus, et accommodatus.

Antonini Mongitoris, S. Th. D. Presbyteri Fanormitani, Regni Siciliæ delineatio, Sicaniæ Historiæ prospectus, nec non de Nomine utriusque Siciliæ; item de Literarum in Sicilia Cultu, ut & de Siculorum Ingenio; tandemque de Olympiadum Computo succinctas Disquisit. complectens.

Placidi Carrafe, J. U. D. Sancti. Tribunal. Sacr. Inquisitionis Patrii Motuensis in Patria Proreceptoris, Sicaniæ Descriptio, & Delineatio; in qua ulterioris Regni Siciliæ Urbes, Oppida, Littora, illius Domini ac Reges, Tempia, Sanctorum Corpora, Archiepiscopatus, Episcopatus, Archimandritatus, Abbatiae, Praepositurae, Prioratus, aliaque memorabilia breviter describuntur ac delineantur.

Michaëlis Riti, Neapolitani Juris Consulti, de Regibus Siciliæ, eorumque Origine & Successione, Libri IV.

Felini Sandei, Ferrariensis Jurisconsulti, de Regibus Siciliæ, & Apuliae, Liber: summatim in unum reducens, quaecunque ab aliis incidenter & sparsim de istis Regnis sunt scripta. Ex Biblioth. Marq. Freheri, cum Praef. ejusdem & Notis.

Rocchi Pirri, Abbatis Netimi, Historiographi Regii, S. T. & U. J. D. in Sancto Quasitorum fidei Tribunali censoris, atque Consulatoris, Chronologia Regum, penes quos Siciliae fuit Imperium post exactos Saracenos. Ubi etiam Familiae magna ex parte explicantur, eorumdem Vices-Gerentes, & praecipui quique Consiliarii recensentur.

Philippi Paruta, Nobilis Panormitani, Juris utriusque Doctoris, & Leonardi Augustini, Senensis, Sicilia Numismatica. Nunc primum additis *Huberti Goltzii, Vincentii Mirabella, Petri Carrera, Augustini Inveges*, aliorumque Siciliæ Descriptione, & in Numismata singula explicationibus, ingenti numero Tabularum, edita sparsim apud alios & inedita Numismata complectentium, locupletata, & perpetuo Commentario illustrata, studio & industria *Sigeberti Havercampi*. Accedunt insuper, suis locis dispositæ, integræ *Georgii Gualtheri* Siciliæ & adjacentium Insularum & Bruttiorum Tabulæ Antiquæ, una cum ejusdem *Georgii Gualtheri* Animadversionibus. Editio plane nova, prioribus immensum præstans, & Tabularum numero, & Sculpturae artificio, & dispositionis ratione, nitidior ac emendatior. Adduntur in fine Chronologia & Indices necessarij.

Chronicon Siciliæ, complectens accuratam Regni Siciliæ Historiam, ab acquisitione ipsius Insulæ per *Gracos*, usque ad obitum *Guillelmi Ducis, Friderici II. Regis Siciliae* filii, qui circa annum MCCCXL. contigit, antehac Ab *Antore Anonymo* conscriptum, Editum ex MS. Illustrissimi *Joachimi de Colbert, Episcopi Montis-Pessulani*.

Sabas Malaspina, Decani Militenfis, & Scriptoris Pontific. Rerum Sicularum Libri sex, ab Anno Christi MCCL. usque ad annum MCCLXXVI. Olim e Schedis *Andree Duchesnij* per *Stephanum Baluzium* editi; Novissima verò Editione correcti, atque Indice suo ornati.

Nicolai Specialis, Netimi, Legati Friderici II. Regis Sicilia ad Benedictum XII. P. M. Rerum Sicularum Libri octo, qui Historiam Bellorum inter Reges Siciliæ & Aragoniæ gestorum ab anno Christi MCCLXXII. usque ad annum MCCCXXVII. continent: Primum e Veteri Codice MS. Bibliothecæ Regis Galliarum editi.

Francisci Maurolyci, Nobilis Messanenfis, Abbatis S. Mariae de Partu, Historici ac Mathematici Celeberrimi, Sicanicarum Rerum Compendium, sive Sicaniæ Historiæ Libri Sex. Acceperunt, vel reposita sunt, loca quædam insignia consilio omissa, a *Stephano Baluzio*, ex Autographo Auctoris, quod extat in Bibliotheca *colbertina*, collecta; ut & alia, quæ in Editione priore exciderant.

Thoma Fazelli, Siculi, Sacr. Th. & Artium Prof. Ord. Predic. de Rebus Siculis, Decades duæ: quarum Prior, accuratissimam Descriptionem, Posterior verò Historiam Siciliæ Universam Fidelissimamque continet.

Gaufredi Malaterra, Beati Benedicti Monachi, de rebus gestis *Roberti Guiscardi, Ducis Calabriæ, & Rogerii, Comitis Siciliæ*, Libri quatuor: Quibus, Rogerii hortatu, Acquisitionem Regni Siciliæ, Calabriæ, Apuliae, & Bruttiarum describit.

Alexandri, Cænobii S. Salvatoris Vallis Celsinae Abbatis, Rogerii, Siciliæ Regis, Rerum Gestarum Libri quatuor: Quibus adhortatione *Mathildis*, ejusdem Rogerii Sororis, Si-

ciliae regnum in Campania, Calabris, Bruttis, & Apulia usque ad Ecclesiasticæ ditionis fines constituit.

Historia brevis Liberationis Messinæ a Saracenorum dominatu, per Comitem Rogerium Principem Normanum, factæ, a Messanenlibus vocatum.

Ptolomæi, Lucensis, Roberti Guiscard, & eorum Principum, qui Siciliae regnum adepti sunt Genealogia: Qua Dyrrachinae domus Principum propagines certa & constanti complexione appinguntur.

Hugonis Falcandi, Siculi, de rebus gestis in Siciliae Regno Historia: cum *Gervasii Tornacai Sueffionensis* Dedicatione, cui insertum Proœmium: Item ejusdem *Tornacai*, Historiæ Encomion.

Descriptio Victoriæ per *Carolum Regem Siciliae*, Ducem Apuliae, Principem Capuæ, Senatorem Urbis Almar, Comitem Andegaviae, Provinciae, & Forcalquerii, Fratrem *Ludovici IX.* Francorum Regis, contra *Manfredum*, Siciliae Regem, Anno MCCLXV. obtentæ. Ex *Codice M. S. Bibliotheca Regia.*

Gesta *Petri*, Arragonum, Siciliae, & Valentia Regis, ac *Barcinonæ* Comititis. Ex *veteri Codice MS. Monasterii Rvippullenfis.* Adjectis nonnullis *Pontificum Romanorum* literis ad has historias facientibus.

Cæsaris Baronii, Cardinalis, tractatus de Monarchia Siciliae. Accessit, *Ascanii Columna Cardinalis* de eodem Tractatu Judicium. Cum ejusdem *Cardinalis Baronii* Responsione Apologetica adversus *cardinalem Columnam.* Nec non Epistola ad *Philippum III.* Regem Hispania.

conradi Vekerii, Lucenb. Maximil. Imp. a Secretis, Historia de duabus Seditionibus Siciliae, sub imperio Caroli V. Imperatoris & Regis Hispania, anno salutis MDXVII.

* *Rocchi Pirri, Abbatis Netini, Historiographi Regii, &c.* Sicilia Sacra, disquisitionibus, & notitiis Illustrata. Ubi libris quatuor postquam de illius Patriarcha, & Metropolitana disquisitum est, à Christianæ Religionis exordio ad nostra usque tempora cujusque Præfatus, Majorumque Beneficiorum institutio, Archiepiscopi, Episcopi, Abbates, Priores, singulorum jura, privilegia, præclara monumenta, Civitates Dioceseos cum præcipuis earum utilitate, vel Doctrina illustres continentur & explicantur. Opus ex incorruptis publicarum Tabularum, Scriptorumque monumentis diligentissimè comparatum.

Alberti Piccoli, J. C. Ex Congregatione Oratorii Messanensis, de antiquo jure Ecclesiæ Siculæ Dissertatio, duabus partibus comprehensa.

Antonii Philothei de Homodeis, Siculi, Ætnæ Topographia, atque ejus Incendiorum historia.

Petri Carrera, Sacerdotis Panormitani, Descriptio Ætnæ, Libris tribus, in quibus præter varias res memorabiles, Incendiorum continetur Historia, inque eorum causas inquiritur.

Alexandri Burgos, Messanensis, Philosophia, Histor. Ecclesiast. &c. Professoris Patavini, Descriptio Terræ Motus Siculi Anno MDCXCH.

* *Petri Carrera, Sacerdotis Panormitani*, Catana Illustrata seu urbis ejus memoria historica.

Joannis Baptista Guarnerii, Catanensis, Historicae Dissertationes Catanenses, de Origine Catanae, S. Agathæ Patriæ; de ejusdem Virginis Martyrio, de Translatione ejusdem, de Triumpho ejusdem, & Festo Patriæ Liberationis.

D. Joannis Baptista de Grossis, S. Th. & J. U. D. Protonotarii Apostolici, ac Regiæ & Insignis Collegiata Catanensis Ecclesiæ Canonici, Catanense Decachordum, sive Novissima Sacrae Ecclesiæ Catanensis Notitia. Quatum Ecclesiasticæ, tum Secularis Politia Status universus, Scriptorum calamis vel intactus vel intectus intente signatur, intentius propugnatur.

Augustini Inveges, Saccensis Sacerdotis, Carthag. Siciliens. antiquæ Descriptio.

Cum speciali Privilegio Præpotentissimorum D. D. Ordinum Hollandiæ & West-Frisiæ. Ea, quæ, Privilegio jam obtento, demum supervenerunt, in Catalogo notata sunt hoc signo †.

Josephi Bonfilii & Constantii, Equitis Messanensis, Descriptio Urbis Messanensis Libri octo.

* *Placidi Reimæ, Messanensis, Philosophiæ Naturalis Professoris*, Notitia Historica Urbis Messanensis.

Antiquitates Caltageronis, Urbis pulcherrimæ Siciliae, Auctore *P. Maria Pace*. Ex Italico Latine vertit, recensuit, Notulas ac Indices adjecit *Sigebertus Havercampus.*

Placidi Carrafa J. U. D. Patricii Motucensis, in Patria Santissimi Tribunalis Sacrosanctæ Inquisitionis Proreceptoris, Motuæ descriptio, seu delineatio: In qua Motuæ populosa & opulenta Urbis, & ipsius amplissimi ac celeberrimi Comitatus initium, Loca, Districtus, Fontes, Putei, Ecclesiæ, Collegia, Dignitates, Conventus, Cœnobita, Hospitia, Monasteria, Procures, Milites, Regimen, Tribus, Familia, atque insignium Virorum pietas, doctrina, nobilitas & gesta breviter describuntur ac delineantur.

* *Mariani Valguarnera, Panormitani, Abbatis S. Anastasiæ, Philippi IV. Reg. Capellani, &c.* Antiquitates Urbis Panormitanæ.

* *Augustini Inveges, Saccensis Sacerdotis*, Panormi antiquæ descriptio & Historici Celeberrimi, de Panormitana Majestate Libri IV. ubi felicissimæ hujus Urbis Antiquitas, Gloria, Primatus ac Metropolitica dignitas evidentissime asseruntur & confirmantur.

Ichnographiæ Syracusarum Antiquarum Explicatio, ut & Numismatum aliquot Selectiorum Reipublicæ ejusdem liberae, & Regum qui in illa dominati sunt. Auctore *Vincenzo Mirabella & Alagona, Patricio Syracusano.* Ex Italo Sermonem Latine vertit & Notis illustravit *Sig. Havercampus.*

Jacobi Bonanni, Syracusani, Ducis Montisalbani, Antiqua Syracusa illustrata. *Sigebertus Havercampus* ex Italico Latine vertit, Notas, Figuras & Indices adjecit.

Antonini de Amico, Messanensis, Regni Sicilia Regii Historiographi, & Metropolitana Panormitana Ecclesiæ Canonici, de Urbis Syracusarum antiquo Archiepiscopatu, ac de ejusdem in Universâ Sicilia Metropolitico Jure, Historica & Chronologica Dissertatio.

Antiquitas Scicli, quam antiquitus vocarunt Casmenas, secundam Syracusanorum Coloniam, descripta a fratre *Mariano Perello, Siclensi Sacerdot. Ordinis S. Relig. Hierosolymitanæ.*

P. Joannis Pauli Chiaranda, Platiensis, e Societate Jesu, Plutia, sive Platia, Civitas Siciliae, antiqua, nova, sacra & nobilis. Recensuit, ex Italico sermone Latine vertit, Præfatione, Notisque instruxit *Joannes Laurentius Mosheim.* Præmissa est *L'Academia Piazzese*, Carmina & Literas continens, ex quibus patet, quanti Viri hujus operis editionem ab Auctore efflagitaverint.

Josephi Vincentii Auria, Juris Utriusque Doctoris Panormitani, Notitia Historica Originis ac Antiquitatis Cephalædis, Urbis placentissimæ Siciliae. Ex Italico Latine vertit, recensuit, Notulas adjecit, atque aliquot Nummis auxit *Sigebertus Havercampus.*

Elogia Siculorum, qui veteri memoria Literis floruerunt Auctore *Hieronymo Ragusa Siculo Motucensi, Societatis Jesu.* *Benedicti Cochorella, Vercellensis, Canonici Regularis Salvatoris Lateranensis*, Tremitanæ olim Diomedæ Insulæ accuratissima Descriptio.

Salvatoris Vitalis, Marenfis, Regularis Observantia Franciscani, Annales Sardinia, duobus Tomis absoluti.

Joannis Francisci Fara, Sassarenfis, J. U. D. Eximii, Archiepiscopi Turrutani, de rebus Sardois Historia.

Philippi Cluverii, Sardinia & Corsica antiqua. Opus post omnium curas elaboratissimum; tabulis Geographicis aere expressis, illustratum. †

* *Joannis Francisci Abela, Melitenfis, Vice-Cancellar. Ord. Sacri Relig. Hierosolymitani*, Melita illustrata, sive Insulæ Melitenfis Descriptio, Antiquitates, &c.

PETRUS VANDER Aa LECTORIBUS SALUTEM.

Nunc tandem voti mei mihi videor compos, & quanto in Orbem Literarium ferar inserviendi studio planum posse facere argumento haud vulgari. Absolutus enim & impressus fere integer, ad quem exhibendum per annorum plurium decursus, labore indefesso, & sumptibus plane nullis parcendo, elegantissima gravissimorum Auctorum mihi comparavi scripta & monumenta, *Thesaurus Antiquitatum & Historiarum Italiae, Neapolis, Siciliae, Sardiniae, Corsicae, adjacentiumque Insularum & Regionum.* Qui quæ contineat, Catalogus proxime præcedens docebit, omnes, qui hic habentur, Auctores, Operis integri Divisionem, Ordinem ac Seriem, Tomos, Volumina, & pretium indicans. Auctorum, qui ad constituendum insigne hoc Opus requirebantur, plurimos selegit primus; & in ordinem digessit, Gravissimus Antiquitatis Investigator, *Joannes Georgius Graevius*, in Academia Ultrajectina Politices, Historiarum, & Eloquætiæ, dum viveret, Professor. Inde jam anno 1704 apud

apud me prodierunt *tres* hujus Thesauri *Tomi* priores, in *Folio*, quibus, cum interea obierat modo laudatus *Graevius*, Præfationem præmisit, Clarissimus ac summa doctrina Præstans Vir, *Jacobus Perizonius*, Historiarum, Eloquentiæ, & Græcæ Linguæ in Academia Lugduno-Batava, dum viveret, Professor.

Probatos vidi Orbi Erudito hos conatus, & *tres* illos *Tomos* distractos adeo, ut exemplarium adhuc supersint admodum pauca. Id non poterat non addere animum, ut in Opere ad finem perducendo omnem moverem lapidem, non dubitans, Continuationem suos quoque Emptores naturam esse pariter. Quare pro sublevandis impressionis sumptibus, ea nec suscepta nec continuata est subscriptionis lege, neque injuncta conatuum meorum Fautoribus erogandæ pecuniæ necessitas, antequam ex prælo, quæ desiderabantur, prodierant: sufficiente eorum, qui priores *Tomos* accipiunt, sponsione, se sumptibus susceptum, continuatum, & eo perductum, ut *Tomus* IV. & V. nunc prodeant, quos reliqui excipient propediem, ita ut quatuor diversis vicibus integra hæc Operis Continuatio sit proditura: cum & reliqua XXVI. Volumina editioni fere sint parata.

Instituti rationem reddit in Præfationibus ampliorem Vir Clarissimus, *Petrus Burmannus*, J. U. D. Historiarum, Græcæ Linguæ, Eloquentiæ & Historiæ Fœderati Belgii, in hac florentissima Academia Lugduno-Batava, Professor, qui in hoc imprimis Opere me adjuvit plurimum. Id saltem hic indicatum velim, quid in Continuatione hac præstare fuerim conatus, quod brevissimis sic habetor.

I. Ut *tres* priores *Tomos* exhiberi curavi, quoad fieri potuit, nitidissimos, ita & nunc in progressu usus sum charta & typis ejusdem puritatis & integritatis.

II. Opera nactus sum alia MSS. alia antè jam impressa, sed quæ impræsentiarum occurrunt rarissima. Illa nunc primum in Officina mea prælo subjecta; hæc ab erroribus typographicis, quorum in plurimis remanserant plurima, reddita sunt purgiora.

III. Accepi etiam varia, quæ alio legebantur idiomate; hæc latine sunt versa, & eorum quædam Notis ac Animadversionibus illustrata. Singulare quid exigebat *Benedicti Varchi Historia Florentina*: cujus Auctoris cum, quantam in rebus gravitatem, tantam, ni majorem, in verbis elegantiam judicarint Viri Summi Nominis, horum Consilia secutus, eam, qua ipsam conscripserat Auctor, lingua, id est *Italica*, exhibendam duxi.

IV. Omnium, quæ antea prodierant, operum diversæ sunt collatæ editiones: iisque sedulo examinatis, selecta, quæ videbatur optima; adhibita nihilominus omnibus iis, quæ præsentem editionem reddere poterant præcedentibus meliorem.

V. In ejusmodi Auctoribus jam ante impressis, Exemplaria veterum Editionum secuti sumus fidelissime, retentis Auctorum Præfationibus, Dedicationibus, & aliis omnibus, quæ simul antea cum opere ipso prodierant.

VI. Inter editiones diversas, sæpius ea, quæ minoris alias censetur æstimationis, quædam, ut Dedicationes, Præfationes, aliaque non contemnenda, habebat, quæ in aliis editionibus, alias licet melioribus, desiderabantur. Talia hic sunt reposita, & ita collatis omnibus, quæ quidem ad manum nostram pervenire potuerunt, editionibus, hæc novissima veræ integritati restituta.

VII. In omnibus autem, quo lectio redderetur eo facilior, aliudque ab alio distinctius, Nomina propria, Citationes, aliunde transcripta, & res notatu digniores, diversis a contextu impressa sunt literis.

VIII. Ubi vero Auctores erant imprimendi, quorum apud alios Scriptores frequentior occurrit allegatio, numeri paginarum Editionis veteris, quam secuti sumus, quæve in cujusvis Tractatus nova Præfatione indicatur, vel ad marginem notati, vel in peculiari consignati sunt Tractatui adjuncta Tabula. Sic enim Lector, quæ ex nostris Auctoribus ab aliis, alia licet usis editione, citantur, in præsentem reperiet absque molestia.

IX. Scriptionis illa compendia, abbreviaturas vocant, quorum non solum in MSS. sed in impressis etiam offendeantur plurima, Lectori satis molesta, sublata sunt, ac pro iis integræ, quas significabant, voces restitutæ.

X. In omnium per quemlibet Tractatum paginarum apice, rei, de qua agitur, positus est Titulus, adjectis Libri & Capitis, si opus ita dividitur, numeris, ut quolibet pateat intuitu, quæ ubicunque substrata sit materia.

XI. Cuilibet Tractatui præmissa est Nova Præfatio, quæ, quid ad editionem nostram vel emendatiorem vel auctiorem reddendam, vel ad eam ornandam, tentatum sit, indicabit; additus vel accommodatus est pariter cuilibet Index Nominum & Rerum notabiliorum locupletissimus. peculiari vero Titulo & Præfatione, ut & novis paginarum numeris, inchoatus, & Indice finitus quilibet est Tractatus, ut, si forte posthac occurrant quædam, quæ in hoc Thesauro locum mereantur, interponi ea possint locis suis debitis.

XII. Quibusdam, ubi nimirum Tractatus ita dispescuntur, præmissus est Index Librorum, Capitum, & Tractatus divisio.

XIII. Multis præterea Tractatibus Figuras æneas vel Nummorum, vel Statuarum, vel

Locorum, aliorumque Monumentorum memorabilium, & Chartas Geographicas, nec non Iconas aut Personarum inclytarum multum ibi memoratarum, aut ipsorum Auctorum, horumque Vitas & Elogia addidi.

XIV. Collata quoque sunt & specialius indicata plurima Auctorum loca, quæ ipsi generatim saltem laudaverant; & in diversis, ubi ad adstruendam Antiquitatem Auctores Græci citabantur, non solum istorum locorum versio, sed & Græca ipsa exhibentur: adeo ut in integra hac collectione ne ullus quidem exhibeatur Tractatus, nisi qui emendatior, aut auctior, vel utriusque ratione prioribus editionibus redditus sit longe melior.

XV. Meum cum putarim omne observare, quod in Opere hoc edendo, cujusmodi, five Voluminum numerum spectes, five Tractatum selectissimorum elegantiam, nullum antea unquam (quantum ego quidem novi) in orbe prodiit, desiderari posset: per omnes etiam terrarum tractus rarissima hæc Præstantissimorum Auctorum relictæ posteritati Cimelia investigavi detegenda; nec exiguus eorum est numerus, quæ non nisi summo parari poterant depenso; nullorum autem potuit poenitere sumptuum, qui in commodum Orbis fiebant Eruditi.

XVI. Secutus sum ubique Consilia saluberrima & fidelissima, quibus me instruxerunt Maximi Rei Literariæ Mæcenates: id quod Epistolis ipsorum manu propria exaratis, quæ in scrinio servantur meo, planum facere valeo; imo posteros docere, quibus & quantis monitoribus tanta ausus fuerim. Plures enim Viri Illustres, Gravissimi, & summa doctrina Præstantes, tum indigenæ, tum exteri, ex quo ipsis institutum hoc patefeci, æque varia MSS. ac rarissimos Clarissimorum Auctorum Tractatus, quos aliunde obtinere neutiquam potuissem, ex Bibliothecis suis benevole ac generose contulerunt, & ferentes simul de his nostris conatibus suam sententiam plurimum mihi addidere animi. Transmiserunt denique horum Mæcenatum varii de Operis hujus elegantia ac præstantia, sua Testimonia, quorum quædam, hanc meam Præfationem excipere volui: servatis reliquis ad finem usque totius Operis, ubi non solum, quid de integro hoc Opere in genere, sed & de plurimis Tractatibus peculiaribus hic comprehensis, præter supra laudatum *Grævium*, judicarint plures Summi Nominis Viri, tum exteri, tum indigenæ, Lectori exhibebitur, & planum fiet, huic Thesauro insertum nihil, nisi quod commendatum a suasoribus & monitoribus gravissimis.

Hæc in Orbis Eruditi commodum mei conatus; quos Tantis Viris jam probatos, gaudeo.

Opus autem integrum XXXVIII. Voluminibus consistens, constabit Chartæ impressum Communi 380. flor. Chartæ Majori 500. flor. ut ex computatione pretii cujuslibet Tomi in præcedente Catalogo indicati patet. Qui vero tres priores Tomos antehac editos jam possident, & inde sequentes saltem Tomos accipiunt, detrahent de pretio Chart. Communis 50. flor. Chart. Maj. 65. flor. 6. stufer.

Emptoribus liberum erit novem Tomos, Auctores, qui de Italia scripserunt, comprehendentes, solos sibi comparare, qui XXV. Voll. consistentes constabunt Chart. Comm. 230. flor. Chart. Maj. 305. flor. 10. stufer.

Ultimo monendum duxi Lectorem, illa quæ in Catalogo * notantur, promissa esse ex Bibliothecis *Italæ* & *Siculæ* præstantissimis auctiora; quorum si forte unum vel alterum non obtineretur, (quippe quæ in tanto itinere variis intercipi possunt fati) pretium vel detrahetur, vel locus aliis tractatibus egregiis, qui pariter expectantur, supplebitur, & pretium pro rata vel minuetur vel augebitur.

Promissi mihi sunt præterea a Viris exteris, iisque Illustribus ac Præstantissimis, egregii quidam alii Tractatus, tum MSS. tum antehac excusi, quorum adhuc nec possessionem teneo, nec nomina, vel titulos satis novi. Hos simulac obtinero, quod quidem brevi futurum confido, Orbi Literario, largiente Deo valetudinem & vitam, exhibendos statim parabo.

Hæc de iis, quæ in Tui, *Benevole Lector*, commodum hucusque paravi, ad alia ejusmodi impostum paranda promptissimus. Vale. *Lugduni Batavorum*, d. 31. Augusti MDCCXXI.



TESTIMONIA ac JUDICIA

QUORUNDAM

VIRORUM

PRÆSTANTISSIMORUM & CELEBERRIMORUM,
tantum Exterorum,

DE

HOC OPERE,

Excerpta ex eorum Epistolis missis ad Typographum,

Ordine Alphabetico posita, ne forte honori aut dignitati cujusdam fiat præjudicium.

Honestissimo Viro

P. VANDER AA.

..... Susceptum a Te consilium edendi Corpus Scriptorum de rebus Italicis, Dominus Ascanius Varesius, Abbas Can^{cu} Lateranensis, Vir Doctissimus & amicissimus, mecum vehementer probat; probantque omnes, qui Italici nominis gloriam amant, præsertim quod nonnullorum ex his historicis penuria laboramus, & rara admodum sunt, & non nisi in insignioribus Bibliothecis visenda quorundam exemplaria. Patavii pridie Kal. Martii, MDCCXXI.

F. ALEXANDER BURGOS,
in Academia Patavina Philosophiæ
& Historiæ Ecclesiasticæ Professor.

..... Viri Docti, præcipue Itali, jamdudum optant compleri *Thesaurum Historiarum Italiae*, per eximium Typographum, deque literis optime meritum *Petrum Vander AA* olim edi coeptum. Quare ego pro parte mea non solum tantum Opus summe laudandum existimo; sed eidem *Petro* stimulos addo, si opus est, ut Virorum Illustrium consilio usus *Thesaurum* suum prosequatur, se & rem Literariam vere locupletaturus, dummodo illi non inferat, quod Romanam Ecclesiam lædat.

Romæ d. 24. Febr. 1721.

J. FONTANINI,

Clem. XI. Pont. Max.
a Cubiculo honorarib.

Viro Solertissimo

PETRO VANDER AA

S. P. D.

JO. BURCHARDUS MENCKENIUS.

Magna cum voluptate intellexi, Te, consilio Viri in Republica Literaria Principis, Burmanni, id agere, ut *Thesaurum Antiquitatum & Historiarum Italiae Grævia-*

num compleas, ceterosque qui adhuc desiderati sunt, Scriptores Italos compluribus Voluminibus addas. Neque enim vulgaria sunt, quæ promis, aut proletaria, verum selecta omnia, multaque adeo inventu difficilia, ut immenso hætenus pretio venerint, qualia sunt, ut vel de paucissimis dicam, Bapt. Sacchi vulgo Platinae, *Historia Urbis Mantuæ*, Albertini Mussati de gestis Henrici VII. Libri XVI. Bernardini Scardeonii de Urbis Patavii Antiquitate & claris Civibus Patavinis Libri III. Hier. Rubei *Italicarum & Ravennatum Historiarum Libri XI*. Guil. Postelli de *Etruriæ Originibus Commentatio*, Jo. Mich. Bruti *Historia Florentina*, Phil. Parutæ *Sicilia Numismatica*, Vinc. Mirabellæ & Jac. Bonanni *Syracusa illustrata*, Salvatoris Vitalis *Annales Sardiniae*, Jo. Franc. Abelæ *Melita illustrata*, atque alia multa, in nostris certe oris rarissime obvia. Et nihil omnino in toto illo Conspectu occurrit, quod non locum aliquem in splendidissima hac Collectione mereatur. Nec quicquam eorum velim prætermitti, quæ vel in Italia illustrata Fr. 1600. fol. vel in Sicularum rerum Scriptoribus ib. 1579. fol. editis exhibentur, ut his demum comparandis superfedere possint *Thesauri Tui* emptores. Vale. Dab. Lipsiæ die 8. Jul. 1721.

Humanissime ac Clarissime Vir.

..... Quanta accedat Reipub. literariæ utilitas ab operum collectione; quanta sit hujusce conatus præstantia, non est qui in dubium revocare queat. Hæc præsertim Italicarum rerum selectissima editio omnem promeretur laudem: quæ etenim parvæ molis opuscula aliaque monumenta, dispersa, rarissima, in Bibliothecarum latebris M. S. S. delitescencia desiderabantur, hic velut in Thesauro recondita, ad Eruditorum beneficium, ad Italicæ gentis

*** ** 2 glo-

gloriam, habent doctissimi omnes. Opus sanè egregium, quod desiderium acuit, ut brevi ad umbilicum productum in lucem prodeat. *Panormi 25. April. 1721.*

ANTONINUS MONGITOR,
Sicul. Panorm. S. T. D. Metro-
politanae Panormitanae Ecclesiae
Canonicus.

Viro Clarissimo

PETRO VANDER AA
BERNARDUS MONTEFALCONIUS
M. B.
S. P. D.

Nihil, meo quidem judicio, Reipublicae Literariae utilius illa Collectione, quam paras, V. Cl. & quam jure inscribis Thesaurum Antiquitatum & Historiarum Italiae &c. quod Opus sane Literatis omnibus opportunissimum est; iis maxime qui Historiae & Antiquariae rei dant operam. Nam Thesaurus ille ceu Bibliotheca quaedam est Librorum multorum, qui pridem comparari & colligi omnes vix ac ne vix quidem poterant. Factum bene quod tantum opus Petri Burmanni sit & Praefationibus & Consiliis illustrandum, Viri, inquam, cujus nomen & fama totum pervasit Orbem Literarium. Unum autem summo opere optarim, ut videlicet tanto Thesauro index locupletissimus subjungeretur; ut cum ceteris commodis hoc etiam eruditus parias, ut confestim & sine temporis dispendio optata quaeque statim reperiant. Hoc certe omnibus in libris observari pervelim; in illis vero maxime, qui tantam rerum & historiarum sylvam complectuntur. Vale, Vir Clarissime, & de re Literaria bene mereri perge. Dabam Lutetiae decimo tertio Kal. Septembr. 1721.

Amplissimo Nobilissimoque Viro
PETRO VANDER AA
S. P. D.

JO. LAUR. MOSHEIM.

..... Operis Tui eximii de *Antiquit. Italicis* delineationem cum viris quibusdam eximiis jam communicavi, & non modo ad eos, qui Diaria conscribunt, exempla misi, sed & in novis litterariis, quae hic Hamburgi excuduntur, inferi curavi. Ego quidem de hoc Opere non nisi praeclare sentire possum, nec, quin plurimum inde commodi qui elegantioribus litteris student percepturi sint, dubito. Quod si enim ipsos spectro Scriptores, egregii maximam partem, rarissimique sunt; eaque de causa nobis, qui extra Italiam vivimus, acceptissimi esse debent. Si numerum considero & apparatus, amplissimus plane & magnificus est: id quod imprimis ad Operis commendationem face-

re existimo. Quidni enim jucundum sit, in unum locum congesta possidere, quae incredibili alioquin cura frustra interdum in omnibus angulis quaerere deberes? Si terram ipsam, cujus Antiquitates Scriptores *Tui* illustrent, ob oculos mihi pono, neminem tam ineptum fore puto, qui eam negligendam putet, unde omnes litterae universaeque humanitas ad nos aliosque terrarum orbis incolas manarunt. Historia imprimis ea, quae *medii aevi* dicitur, nondum ita, ut decebat, illustrata & pertractata, sine Italicae Historiae cognitione nullo modo recte explicari & evolvi potest. Qui hanc ergo, quod omnes hodie qui sapiunt facere nosti, servatam meliorique gradu collocatam cupiunt, illi Operi Tuo necessario favere debent. Vale, Vir Nobilissime. *Dab. Hamburgi d. XVII. Maji. MDCCXXI.*

..... Nullum fane dubium est, quin multae per Italos agenda sint gratiae *Petro Vander Aa* Typographo, qui Lugduni Batavorum tanto labore de Italicarum Urbium Historia bene mereri pergit. Operum, quorum ille editionem pollicetur Catalogum vidi. Multa complectitur rarissima, utilissima, ita ut Bibliothecam ille nobis postremis hisce Tomis Italicam paene donet. Quod ab Italis expectandum erat, ex Batavi hominis munere habebimus, cui gloriae ac eruditionis nostrae major cura, quam nobis.

LUDOV. ANTONIUS MURATORIUS;

Serenissimi Ducis Mutinensis Bibliothecarius, ac Bibliotheca Ambrosiani Collegii Doctor.

Clarissimo Viro

PETRO VANDER AA.

S. P.

D. JOSEPHUS MAR. SANDIUS

Bened^{us} &c.

..... Accepi Catalogum operum ad continuationem Thesauri Antiquitatum Italiae. Haec omnia optima quidem sunt, & digna, ut publicentur, dummodo incertam seriem redigantur ad Chronologiae leges, quod utique praestitutum non dubito *Cl. Burmannum*, qui indè æmulum *Cl. Virorum Grævii & Gronovii* Magnum, æternumque nomen in Republica literaria sibi meritò conciliabit. Accuratissimi etiam Indices praemittendi erunt, ut cuncta Legentium usui accommodentur. Meum Judicium tale esset.

„ Opus praeclarissimum *Antiquitatum*
„ *Græcarum & Romanarum D. D. Grævii*
„ & *Gronovii* meritò excipit *Thesaurus*
„ *Antiquitatum Italicarum, & Sicularum.*
„ Ut enim illud Romanis, & Græcis, ita
„ iste

„ iste Italicis, Siculisque rebus plurimum
 „ affert utilitatis, & ponderis. Nec aliter
 „ senties, si vel selectissimos, & melioris no-
 „ tæ Auctores invicem conferas, vel eo-
 „ rum raritatem consideres, vel demum
 „ eruditionem, & scribendi peritiam in o-
 „ culis habeas. Horum etiam non pauci
 „ nunc primum in lucem prodeunt. Et
 „ si Characterum, ac Typographiæ ni-
 „ torem, & correctionem aspicias, nil
 „ est quod tanto in Opere desiderandum
 „ censeas. Hæc omnia debentur Soler-
 „ tissimo Viro & de literaria Republica a-
 „ deo benemerito P. Vander Aa; cui
 „ auspicio omne bonum. Vale. *Patavii*
Nonis Martii 1721.

Typographo Celebratissimo

Dn. PETRO VANDER AA

S. P. D.

JOH. JACOBUS SCHEUCHZER.

Med. D. Math. P. Tigurin.

Commendat se multis nominibus sumtuosissimus simul & utilissimus Tuus Antiquitatum & Historiarum Italiae, Neapolis, atque Siciliae Thesaurus, cui tot debentur optimo jure Elogia, quot dabis volumina, imo, quot Scriptores in singulis. Quis iis sufficeret? Antiqua, imo Antiquissima, renovas: rarissima omnibus reddis communia: operta recludis: privatissima, & nonnisi in rarioribus Bibliothecis obvia publicas: livorem minuis, appetitum satias: & mentem & oculos recreas: Historiis das fidem, Monumentis Splendorem, imo Italiae, Siciliae, Sardiniae Gloriam: Thesauris Græviano Romæ, Gronoviano Græcarum Antiquitatum dignissimum socium, ut Trigam possideat eruditus Orbis omni Auro chariorem Operum, quorum memoriam nulla delebit ætas. Grævio, Burmanno, Tibi, auges famam, omnibus Scientiam. Felix illa Regio, quæ

Te agnoscit rerum suarum promum condum. Felix & Patria mea, qua Te salutat Deliciarum Helveticarum, & si addere ausim, Historiæ Naturalis Helveticæ, in Itinerum Alpinorum Fasciculo sparse Editorem. Patere, Vir Optime, ut hoc addam, quod in laudes tuas Patriæ amor abs me exigit. Strenuè perge in hujusmodi ausis, quæ humeros plerorumque Bibliopolarum transcendunt, & amare me perge, imò favere.

Tiguri Helvetiorum 5. Maji. 1721.

Viro Clarissimo & Praestantissimo
 PETRO VANDER AA
 D. PETRUS CATHARINUS ZENUS,
Congregationis Somaſchæ,
 S. P. D.

Initurusne sis a nostris hominibus gratiam, quod *Antiquitatum Italicarum Thesaurum*, inceptum jam atque immatura Graevii morte intermissum, continuare, animum induxisti, rogas, Vir clarissime, *Petre Vander Aa*. Quid gratius nobis fieri potuit, quid honorificentius Italiae nostrae? Gloriosum sane est, eas esse res nostras, ut alienos etiam capiant, eorumque studiis videantur dignae. Major, neque ego fallor, gratia tibi esse debet, quam Graevio, cui tamen habetur maxima. Quem enim numquam expectabamus, honorem Graevius Italiae habuit; tu vero, quem diu expectatum, desperabamus. Perge itaque, V. C. Italicæ Antiquitates prelis tuis emittere. Dignae prelis tuis illae sunt, prela tua illis. Sed suscepto operi ut nihil desit, ab amicis pete, ut inedita illa ad te mittant, quæ in eorum scriniis latent. Ipse si quid offendam, quod *Thesaurum* tuum locupletare possit, ut protinus ad te mittam, enixe curabo. Vale, V. C. reique literariae bonum, ut facis, cura. *Venetis tertio nonas Aprilis 1721.*



S E R I E S S C R I P T O R U M

Qui in Quarto Tomo Thesauri Antiquitatum
& Historiarum Italiæ inveniuntur.

P A R S P R I M A.



Joannis de Cermenate, Notarii Mediolanensis, *Historia, de Situ, Origine, & Cultoribus Ambrosianæ Urbis, ac de Mediolanensium gestis sub Imperio Henrici VII. ab anno MCCCVII. Ad annum MCCCXIII.*

Arnulphi, Mediolanensis Historici, *Historiæ Mediolanensis, qua continentur Gesta quorundam Italiæ Regum, ab anno DCCCCXXV. usque ad MLXXVI. Libri quatuor.*

Johannis Petri Puricelli, S. T. D. Laurentianæ Archipresbyteri, *Ambrosianæ Mediolani Basilicæ ac Monasterii, hodie Cisterciensis, Monumentorum singularis Descriptio: qua Historia Mediolanensis valde illustrata, multis ab erroribus vindicatur.*

P A R S S E C U N D A.

Ludovici Antonii Muratorii, Serenissimi Ducis Mutinensis Bibliothecarii, ac Bibliothecæ Ambrosiani Collegii Doctoris, *de Corona Ferrea, qua Romanorum Imperatores in Insubribus coronari solent, Commentarius.*

Justi Fontanini, a Cubiculo honorario Sanctissimi Domini Clementis Papæ XI. *Dissertatio de Corona Ferrea Langobardorum. Editio Novissima, ab Auctore recognita & aucta.*

Benedicti Jovii, Novocomensis, *Historiæ Patriæ, sive Novocomensis, Libri duo.*

Octavii Rubei, Brixiani, suæ Patriæ Script. Celeb. *Monumenta Brixiana, seu Civitat. Brixie Antiquitates: in ling. Lat. ex Italica transtulit Alexander Dukerus: Accessere Postremæ huic Editioni, præter adjectas Secundæ a Fortunato Vinaccesi Inscriptiones, ut aliæ plures, potissimum e MS. Rerum Antiquarum Civitatis Brixie ejusque universi Agri memoriæ.*

Antonii Gatti, Antecessoris Ticinensis, *Historia Gymnasii Ticinensis, a Sæculo V. ad finem Sæculi XV. nec non de ejus Urbis antiqua Nobilitate.*

Baptistæ Sacchi, Cremonensis, ex vico Platina, vulgo appellati Platina, *Historia inclytæ Urbis Mantuæ & Serenissimæ familiæ Gonzagæ, in Libros sex divisa; Primum ex Augustissima Bibliotheca Cæsarea Vindobonensi, a Petro Lambecio, S. Cæs. Majestatis Consiliario, Historiographo & Bibliothecario, in lucem edita, atque necessariis Annotationibus illustrata: Novissimâ hac Editione emendatior, subjunctis loco quibusque suo Annotationibus accommodatior facta, locupletiorque perfectô ferme Indice.*



JOANNIS

JOANNIS DE CERMENATE,
Notarii Mediolanensis,
HISTORIA,
DE SITU, ORIGINE, ET CULTORIBUS
AMBROSIANÆ URBIS,
AC DE
MEDIOLANENSIUM
GESTIS

Sub Imperio

HENRICI SEPTIMI,

Ab Anno MCCCVII. ad Annum MCCCXIII.

*Editio Novissima, accuratius quam antea edita,
& Indice locupleti adaucta.*



LUGDUNI BATAVORUM,
Sumptibus PETRI VANDER Aa,
Bibliopola, Academiae atque Civitatis Typographi.



P R Æ F A T I O H U J U S N O V Æ E D I T I O N I S.

HAbes hic (*Benevole Lector*) de novo Joannis de Cermenate Notarii Mediolanensis Historiam, tum de ipsa Mediolanensi Urbe, tum de Mediolanensium, sub Imperatore Henrico Septimo, Gestis agentem. De cujus Historiæ utilitate & usu, longis verborum ambagibus, tecum agere, non est animus: præstitit hoc jam ante Nos, partim Auctor ipse; maxime autem hujus operis (quod inseruerat suis *Anecdotis* quinque voluminibus in Quarto comprehensis) primus Editor, Celeberrimus & Eruditissimus Ludovicus Antonius Muratorius, Ambrosiani Collegii Doctor, & Serenissimi Ducis Mutinæ Bibliothecarius. Cujus industria indefessa, in MSS. pulvere obrutis, per scrutandis, & ineditis edendis, maximopere laudanda: cujus etiam summi Viri Præfationes, in hac nostra Editione, locum ut habeant procuravimus. E quibus tam scopus Nostri Auctoris, Joannis de Cermenate, quam ipsius Primi Editoris, in edendo & supplendo hoc opere, satis commode & clare perspicere & percipi poterit. Sufficit nobis in præsentiarum paucis solummodo indicare, quid in nostra hac Editione adornanda præstitum.

Editionis prioris Exemplar in Italia Typis divulgatum satis presse fuimus secuti: sic tamen ut Supplementa, (de quibus in altera D. Muratorii præfatione) quæ calci erant

PRÆFATIO HUIUS NOVÆ EDITIONIS.

adjecta, suo proprio loco inseruerimus. Numeros, sive Cifras ut dicunt, paginarum prioris Editionis, Margini apposuimus. Nomina propria Characterē currente, sive, ut vulgo dicunt, literis cursivis, tum ad elegantiam, tum ad maiorem attentionem excitandam, consignari curavimus; denique quicquid nitori inservire potuit non omisimus. Indicem sat locupletem adjecimus: ut adeo Nostram hanc Editionem priori, licet etiam eleganti, palmam tamen præripuisse Nemo inficias ire poterit. Et hæc quidem hætenus. Quod si Deus Vitam concesserit, Scriptores rerum Italicarum, ut cœpimus, continuare pergemus, in iisque literaturæ Amatoribus operam nostram navare non deërimus. Vale Studiosè Lector & Nostro labore frueri.

LUDOVICI ANTONII MURATORII
IN
JOANNIS DE CERMENATE
HISTORIAM
PRÆFATIO.

M*ediolanensis Urbis præstantiam, atque vetustatem non pauci hucusque scriptis suis notissimam effecere. Inter hos celebrem Ausonium primo, tum Bernardinum Corium, Andreæ Alciatum, Donatum Bossium, Morigiam, aliosque clarissimos Historicos numerare in promptu est. Et quis sane post tantam messem vel spicilegium speret? Nihilominus & ego, cui jam Mediolanensis animus, studiumque tam præclaræ Urbis infedit, Joannem de Cermenate vulgaris in hanc usque diem Scriptoribus accedere volo, huius enim ope cum Mediolanensis populi, tum nobilissimæ Vicecomitum familiæ primordia uberrime explorantur, quorum cognitio procul dubio nostris, atque exteris placere admodum solet. Ea quidem, quæ de veteribus Italiæ incolis hæc proferuntur, ubi antiquorum auctoritate non innitantur, non omnium fidem sibi conciliare poterunt; multa tamen hæc invenias, quæ quia ex deperditis nostra tempestate libris, suæque vigentibus, depromere is potuit, neque inconcinna videbuntur, iisque fidem prorsus negare illiberalis animi foret. Quod autem est ad illa, quæ ineunte Christi seculo decimo quarto Cermenate refert, quum eorum oculatus testis fuerit, quin verissima sint, omnique digna pretio, nequaquam est ambigendum. Et revera plurimi libellum hunc facere soleo; nam quem illius temporis æqualem Scriptorem invenias, qui nascentem Vicecomitum potentiam accurate describat? Georgium Merulam, Paulum Jovium, nonnullosque alios amplissimæ huius familiæ Historiam literis persequutos novimus; sed quis cum antiquo Scriptore componat recentes, quos adulationis suspitione Regnantium præsentia vix liberat? Postquam inquit in hanc rem Tacitus, omnem potestatem ad unum conferri pacis interfuit, veritas pluribus modis infracta, primum inscitia Reipublicæ, ut alienæ, mox libidine assentandi, &c. Itaque Cermenati in libera (ut ita dicam) eo tempore Mediolanensi Urbe Regenti unicam veritatem præ oculis fuisse non immerito arbitror, summumque illi propterea decus accersurum apud nostros eruditos confido. Quamquam non nostris modo, verum etiam reliquis Reipublicæ*

L. A. MURATORII PRÆFATIO.

blicæ literariæ cultoribus opus hoc non exiguo futurum est usui. Siquidem luculenter adeo res gestæ sub *Henrico VII.* Imperatore ibidem recensentur, ut aliunde meliora non exspectes, imo neque paria. Scilicet illa tum fluebant secula, quæ cœca literarum oblivione damnata, Cymmeriisque tenebris involuta parvam Historicorum segetem dabant. Quin ex iis paucis plerique luce carentes hucusque in Bibliothecis delituere, & adhuc cum blattis & pulvere certant. *Ptolemæum Lucensem*, *Bernardum Guidonis*, *Sozomenum Pistoriensem Presbyterum*, *Gualvaneum Flammam*, *Bonincontrum Morigiam*, aliosque ejus ævi Historiam complexos idem fatum perculit, qui omnes in *Ambrosianæ* Bibliothecæ pluteis manu tantum exarati adhuc asservantur. Quos igitur rerum *Henrico* Septimo imperante gestarum testes æquales advocemus? *Joannes Villanus*, atque *Albertinus Mussatus* soli ferme occurrunt. Ille tamen brevibus *Henrici* Imperium describit; hic identidem librarium vitio peccat. *Matthæum* Vicecomitem eo tempore in Urbe *Mediolanensi* Gibelinorum principem corrupto semper nomine *Maphæum* (quemadmodum etiam à *Cuspiniano* mendose in vita *Rodulphi* Cæsaris vocatur) *Amadeum* vero *Sabaudie* Comitem *Ameum* appellat, aliaque nomina foedissime vitiata lectoribus ingerit frequentissime. Noster autem quam accurato studio singula pertractet, id eruditi optime viderint. Heic unum tantum modo animadvertere mihi liceat de *Henrici* Imperatoris morte, quam omnino incertam Historicorum dissidia non tam reliquerunt quam fecerunt. Principem hunc veneno per *Bernardum* quendam Ordinis *Prædicatorum* Fratrem in sacra Hostia sibi ministrato periisse complurium sententia fuit; *Joannes Cuspinianus* in *hujus Imperatoris* vita, *Jacobus Meyerus Baliolanus*, *Albertus Krantzius* lib. I. *Saxon. cap. 7.* *Joannes Belca*, *Anonymus* quidam, à quo *Ptolomæo Lucensi* assuta fuit lacinia, & alii calumniam hanc scriptis prodidere, quam tamen *Nicolaus Serrarius* lib. 5. rerum *Moguntiac.* *Conradus Vecerius* de rebus gestis ipsius *Henrici*, *Odoricus Raynaldus*, *Henricus Spondanus*, & omnium accuratissime *Bzovius* in *Annalibus* confoderunt. Quod enim ad rem maxime facit, atque ab iis adnotatum est, *Albertinus Mussatus* diligentissimus ejus temporis Scriptor tribus causis *Henrici* obitum adscribit, nullamque de veneno mentionem injicit. Sunt ejus verba: *Triplex illi interitus causa deprehensa est. Una nati sub genu lethalis ulceris, quod Physici anthrax vocant. Altera scissæ ab stranguria vesicæ, quo morbo assidue laborabat. Tertia pleuresi, quam merso jam spiritu vomuisse constitit.* Accedit *Joannis Villani* qui iisdem quoque temporibus scripsit, *S. Antonini*, *Trithemi Abbatis*, aliorumque Chronographorum testimonium, ut late pateat, sacrum, atque illustrissimum *Prædicatorum* Ordinem tam infamis calumniæ suspicione omnino liberatum. Quibus ego auctoritatibus gravissimam *Cermenatis* nostri addo, cujus calculum apud eruditos plurimi futurum spero, utpote qui rem in *Italia* gestam à pluribus tunc vivens potuerit intelligere. Inquit autem: *Tridua febre implicitus ad tumultum suorum in pugna levibus certaminibus cæpta laborantium equitavit armatus. Inde ira animi, & immodicus corporis ægri labor ipsius febris igniculum in continuam traxit, qua continua comite die XXIV. Augusti Anno MCCCXIII. migravit ad Dominum in loco, quem incolæ Bonconventum dicunt distante à Senis XV. millibus passuum.* Iis etiam temporibus vivebat *Gualvaneus de la Flamma* vir multæ eruditionis *Prædicatorum* Ordini adscriptus, à cujus calamo quamplures lucubrationes profectas Servat *Ambrosiana* Bibliotheca nondum typis commissas. Nemini profecto, quam huic Scriptori, notiora fuisse *Henrici VII.* gesta arbitror, quum iisdem diebus ad Historiam conscribendam totus incumberet, & *Mediolani* in patria sua Imperatorem illum sæpius videre potuerit. Scribit enim libro, qui *Politia Novella* inscribitur: *Incipit Chronica generalis ab exordio Mundi usque in præsentem diem, quam conscripsit Frater Gualvagneus de la Flamma Ordinis Fratrum Prædicatorum Anno, quo fuit coronatus in Mediolano Serenissimus Imperator Henricus hujus nominis septimus.* In Chronico itaque Majori, quod multis post annis *Gualvaneus* elucubravit, & M. S. in *Ambrosiana*, & apud doctissimum virum *Joannem Baptistam Blanchinum* reperitur, hæc leguntur: *Anno Domini MCCCXIII. sedente Clemente in Avignone, exulante Castono de la Turre Archiepiscopo, imperante Henrico VII. dominante Matthæo Vicecomite, Imperator obsedit Civitatem Florentiam, sed non obtinuit. Tandem Civitatem Senensem obsedit, ubi laborans apostemate viam universæ carnis ingressus est die XXIV. Augusti in Festo S. Bartholomæi. Tunc quidam Monachus Diabolico spiritu plenus, genere Theutonicus imposuit cuidam Fratri Prædicatori, quod Imperatorem tossicasset. In progressu temporis ad Papam Joannem ivit, & qui Ordinem Prædicatorum ex sola malitia de morte Imperatoris confessus fuit aggravasse, publice multis lacrymis, & singultibus culpam suam dixit. Quem Pâpa dure redarguit, & gravem pœnam indixit, & statuit Pâpa per suas literas ad diversos Principes Ordinem Prædicatorum excusare.* Hæc *Gualvaneus* omnium sine dubio gestorum conscius, quæ si cum tot aliis conferantur monumentis, hujusmodi calumniam à sacro *Prædicatorum* Ordine penitus amovere poterunt. Atque his refellenda est præclarissimis documentis *Martini Diefenbachii* Dissertatio de vero mortis genere, ex quo *Henricus VII. Imp.* obiit, quæ Anno 1685. *Francofurti* prodiit, nimio utique conspersa livore, & incertis nixa fundamentis. Verum quis tandem *Joannes de Cermenate* fuerit, inspiciamus. Notarium patria *Mediolanensem* fuisse titulus operis fatetur, quod munus quam illustre, virisque etiam nobilibus commune olim fuerit, post *Franciscum Osium*, ac *Placidum Pactinellum*, brevi demonstratum iri confido ab ornatissimo viro *Silvestro Gallono* Mutinensi Notario, & Episcopali Cancellario, cui in hanc rem eruditum opus elaboratur. *Cermenatorum* vero familiam nobilem, ac vetustissimam in hac Urbe esse *Raphael Fagnanus* in *Annalibus* M. SS. est Auctor; quin ab ipso Scriptoris nostri nomen his verbis commendatur: *Clarus fuit in hac familia Joannes de Cermenatis.* Hujus etiam meminit *Philippus Picinellus* in *Athenæo Literatorum Mediolanensium* pag. 293. ita scribens: *Giovanni Cermenati visse, e fiori nell' Anno*

L. A. MURATORII PRÆFATIO.

1300., e i seguenti, essendo in quel secolo, cioè del 1308. stato creato Imperatore Enrico VII. il che seguì sotto il Pontificato di Clemente V., che fù creato del 1305. Detto Imperatore venne in Italia. Laonde il Cermenati, che era Notaio Milanese, e Sindico della nostra Città, scrisse in Latino assai elegante la venuta di quel Monarca in Italia, e di ciò, che racconta, fù testimonio di vista, come e nel principio, e nel progresso dell' opera più volte egli medesimo attesta. Non temere Syndicus Mediolanensis à Picinello appellatur Cermenate, siquidem cap. 46. ipsemet, postquam Varnerium ab Henrico Cæsare Lombardiæ generalem Vicarium præfectum esse dixit, hæc addit: *Ad illum Laude morantem legantur per Communem Mediolani Franciscus de Garbagnate, & Adoardus de Pirovano, & ego, ut Syndicus; ceteros taceo, ne nimium morer.* Quo vero tempore is viveret, hinc non solum discimus, verum etiam ab aliis locis. In operis Præfatione se tractaturum ait de *Serenissimi ac mirabilis Principis Henrici de Lucimborgo, quem primum nostra ætate Imperatorem vidimus, in Italiam adventu.* Alibi Castonum de la Torre nunc Archiepiscopum appellat, & rebus se interfuisse prodit. Constat igitur ineunte seculo Christi decimo quarto Cermenatem nostrum floruisse, eumque ad annum usque 1330. aut circiter in vivis egisse, à vero nequaquam abhorret. Siquidem, uti superius significatum est, per illa tempora scribebat *Gualvaneus Flamma* Manipulum Florum, videlicet *Mediolanensis Historiæ compendium* à Christo nato ad suam usque ætatem, seu ad Annum Christi 1332. Capite autem primo, ubi numerum *Chronicarum* recenset, à quibus præsens Opus compilatur, inter alios libros ibidem enumeratos *Titum Livium apud Joannem de Cermenate* adservatum refert. In Politia vero Novella, quam pluribus annis ante promulgaverat, hæc addit: *Apud Joannem de Cermenate Liber T. Livii, de quo dixit Hieronymus in Prologo galeato: T. Livium lacteo eloquentiæ fonte manantem. Chronica Jacobi de Laude, de Historiis Laudensium contra Mediolanenses. Quædam Historia Legati ad Matthæum Vicecomitem. Registrum Communitatis Civitatis Mediolani.* Atque hæc pauca ad Cermenatis notitiam mihi se offerunt. Quod spectat ad Codicem, unde ejus Historiam derivavi, eundem humanissimo viro, rerumque *Mediolanensium* accuratissimo cultori *Camillo Sitono* I. V. D. debeo, qui mihi pro nostra familiaritate exscribendum concessit. De autographo audiendus Picinellus supra laudatus, cujus verba sunt: *Il Libro è scritto in caratteri Gotici, in carta pergamena, e in foglio grande, il cui originale è conservato dal Signor Pirro de' Capitani.* Verum ab hujus *Pirri* patre quum Codex cuidam nobili viro commodatus fuisset, inter istius manus aliquot paginarum jacturam subiit, non sine suspitione consulto mutilatum fuisse, ut celebri cujusdam familiæ dignitati, ac nomini melius consuleretur. Prodit igitur cum eisdem lacunis liber, quas alieno contraxit aut errore, aut vitio, supplendus tamen ex *Albertini Mussati* Historia, si quisquam integram rerum sub *Henrico* Septimo gestarum seriem ordine cognoscere cupit. Neque dubito, quin vel cum ipsis vulneribus hominum gratiam sit initurus, *Cremonensium* præsertim, ac *Brixiensum*, quum eundem non semel à me expetierint *Illustrissimus Julius Antonius Averoldus* vir nobilitate, ac eruditione inter *Brixieneses* præstans, ac *Franciscus Arisius* V. C. qui *Cremonam* patriam suam eruditis laboribus illustrare pergit.

ALTERA PRÆFATIO,

Quam Supplementis præfixerat

LUDOVICUS ANTONIUS MURATORIUS.

Supplementa Historiarum Johannis de Cermenate Addenda Tomo II.
pag. 60. Anecdotorum in Johannis de Cermenate fragmenta.

Historiam Johannis de Cermenate Notarii Mediolanensis de rebus gestis Henrici VII. Imperatoris evulgavi Ego Tom. II. Anecdotorum meorum pag. 31. At in Prolegomenis dolebam, quod in Codice MS. unde illud Opus descripseram, aliquot folia desiderarentur, idque etiam factum suspicabar, ut alicui mos gereretur: cujus interesset non omnia Cermenatenensis scripta luce donari. Sed suspicionem tandem istam a me depulit Lazarus Augustinus Cotta, Jurisconsultus Novariensis, vir eruditione Librisque editis clarus, quippe qui integrum ejus Historiæ exemplar nactus, ea quæ Editioni meæ defuerant, non solum descripsit, sed etiam benevole, ut solet, communia mihi fecit. En ipsa igitur Supplementa, quæ nunc demum profero, addenda suis locis, & ejusmodi, ut nec inutile futurum putem edidisse, neque ingratum legisse.

IOANNIS DE CERMENATE,

Notarii Mediolanensis,

HISTORIA DE SITU, ORIGINE ET CULTORIBUS

AMBROSIANÆ URBIS,

AC DE

MEDIOLANENSIIUM GESTIS SUB IMPERIO

HENRICI SEPTIMI

Ab Anno MCCCVII. ad Annum MCCCXIII.



P R Æ F A T I O.



Ultis naturæ dotibus, atque gratiis hominem divina potentia decoratum ceteris animantibus dominari voluit, dum profunda rationis radice humanis solum mentibus insita cunctis sub Sole viventibus nobilior factus est. Cui proprium eloquentiæ beneficium concessum est, quæ dum discreta sit, velut omnium rerum domina efficit, ut uberius ipsius rationis vigor prosit, per quam multa percipiuntur ignota, & præcepta eadem ignorantibus ministrantur. Hujus eloquentiæ beneficio succurrimus persæpe miseris, hortantes, consolantesque territos, & afflictos; pulchra etiam oratione superbos sæpissime refrænantes, & quos sentimus iracundiæ nimis pronos. Hujusmodi tamen miseriæ humanorum vitiorum remedia plus prodesse videmus, si non modo præsentibus, verum etiam posteris, velut ante oculos sculpta, notabilibus mandentur exemplis, utpote per scripturam, quæ unica scientiarum, atque artium liberalium fidelis custos est, ac rerum gestarum memoriam servat. Si præterea corrigere nequit, nec mutare, consulere tamen futuris rebus potest. Cum itaque antiquorum præclaris operum studiis usus, multis eorum scrutatis undique libris, prævia gratia Dei, aliquando profecerim, ne digne redargui possim, ac dici alieni semper scruator operis, nihil reponens, aut posteris perlaborans; quæ occurrerunt præ oculis relatu digna decrevi, prout gesta sunt, describere. Ea quidem Lectoribus multum prodesse suspicor, nam dum rerum, atque hominum eventus examinant, atque cernunt, quid vitent, quidve sequantur, ibidem exemplo capiunt. Verum ne me ignarum modicitatis ingenii mei forte Lectores putent, dum viribus majora promitto, protestor, volui plures ad hoc inducere aptiores, si potuissim. Ne itaque tam monstruosæ rerum moles, quas testis ætas nostra vidit, quasque ipsa horribilis, & nova rerum enormitas mirabilis, ac relatu dignas effecit, pereant imo vivant memoria, rem arduam aggredior, non sine præsumptione tantum opus sumens, onus scilicet viribus impar meis; verum spero, quem inconditus sermo meus à lectione rejiciet, ipsa miranda rerum novitas quadam delectatione aliquando poterit provocare Lectorem. Dignum itaque, atque aptum narrandis rebus principium querens, diuque hæsitans suspensio mentis calamo, tandem de Serenissimi, ac mirabilis Principis Henrici de Lucimburgo, quem primum nostra ætate Imperatorem vidimus, in Italiam adventu imprimis tractare aptius visum est, qui magnam scribendi causam nobis dedit. Verum priusquam initium narrandi faciam, Ambrosianæ Urbis situm, originem, & vicina sibi loca ab initio, & per tempora successiva exponere paucis libet. Cujus Urbis angustias, & labores, saltem quos ipsi vidimus, mandare posteris volumus in exemplum.

C A P. I.

UT multis excepimus documentis, Tubal nepos Noe ex tertio filio ejus Japhet, qui Hispanos, & Italos genuit, natus primus per ora maris Venetiarum veniens hanc partem Europæ, quam appellamus Italiam, intravit, & Urbem constituit, quam à ratibus, vento, & navibus, quibus ministrantibus iter ejus illuc venerat, Ravennam dixit. Cujus filius Subrex per Liguriæ campos veniens hunc sibi gratum situm visitans inter Ticenum, & Addam, elegit sedem, Urbem ædificans, quam suo nomine Subriam appellavit, ut Papias meminit. Ab hac Subriæ Civitate tota postmodum contrata inter utrumque flumen Subria dicta fuit, ut ex dictis Sycardi, & Eutropii colligitur. Hoc nominis signum per Ticeni litora adhuc Ambrosianus ager tenet, licet corrupto vocabulo de Subria in Seprium mutato sæ-

A pius sono linguæ reductum sit illud nomen. Nam Noe, qui secundum Eustodium, & Graphiam aureæ Urbis cum duobus filiis suis post diluvium natis per mare navigans non longe a loco, ubi nunc Roma est, Italiam intrans Urbem statuit, quam suo nomine dixit. Noe Hebraicam, & deinde Saturnus Græcam linguam his Italiæ partibus attulere. Post modum vero regnante in Italia Latino ipsius Saturni post multa tempora Successore, quem nunc tenemus, Latinus sermo nobis datus est, qui à Principe Latino ipsum nomen sumpsit. Verum ante Latini sermonis originem Tuscos ex Asia in Italiam profectos accipio, ut ex T. Livii dictis, atque aliis antiquis historiis colligi mihi posse videtur. Nam, ut idem testatur Livius, Tuscorum opes ante Romanum imperium adeo latæ, magnificæque fuere, ac terra, marique patuere, ut inter utrumque mare cuncta tenerent, superum scilicet, atque inferum, quibus Italia Insulæ modo cingitur. Quantum

J. de Cermenate. A etiam

etiam *Etrusci* potuerint, utriusque maris nomina argumento sunt. Nam alterum communi vocabulo *Tuscum*, alterum *Atriacum* ab *Atria Tuscorum* Colonia vocaverunt *Italicæ* gentes. Hæc ipsa maria a Græcis *Tyrrhenum*, & *Atriacum* appellata sunt. Hi autem *Tusci* primum quod inter *Appenninum* montem, & inferum mare agri situm est, positis ibi duodenis urbibus occuparunt, deinde totidem Urbes inter *Padum*, & *Alpes*, quarum primordia fuerunt *Tuscorum* Coloniae illuc missæ, à se conditas possidentes, & *Liguriam*, & cetera loca circumstantia excepto angulo *Venetorum*, qui finem maris colunt, usque ad *Alpes Gallicas*, atque *Germanicas* tenere, regnante *Prisco Tarquinio Romæ* inde *Gallica* gente vi pulsi sunt. Nam ut *Livius* meminit lib. 5. primæ Dec. eo tempore Celtarum, quæ tertia pars est *Galliæ*, penes *Bituriges* summa imperii erat. Hi *Celtico* Regem dabant; Ex quibus nomine *Ambigatus* tunc Rex erat virtute, ac fortunâ tum sua, tum publica præpollens, in cujus imperio *Gallia* adeo frugum, atque hominum fertilis fuit, ut abundantem populi multitudinem haud facile regendam videns, eo jam senescente

34 exonerare prægravante turba Regnum voluit. Cujus rei causâ impigros juvenes *Bellovesum*, & *Segovesum* sororis filios ad se vocans, eos se missurum dixit, in quas *Dii* dedissent auguriis sedes; quantum ipsi vellent numerum hominum excirent, ne qua gens arcere advenientes posset. Tunc *Segoveso* fortibus *Hernici* saltus dati, *Belloveso* vero latiore in *Italiam* sortes dederunt viam. Hic quod populis admodum Regio abundabat, *Bituriges*, *Arnenos*, *Senones*, *Eduos*, *Ambares*, *Carnutes*, & *Aulercos* excivit, profectus ingenti multitudine peditum, equitumque in *Transalpinos* venit. *Alpes* inde oppositæ erant, easque insuperabiles existimabant, quippe nondum ulla inde via fuerat, quod continens memoria foret, nisi, si credere fabulis lubet, *Hercule* jam superatas fuisse dicebantur. Cum itaque ut septos altitudo montium teneret *Gallos*, circumspectarentque quonam per juncta Cælo juga in alium orbem terrarum transire viderentur, jurasse dicuntur, ut quem primum in terram egressi occuparent locum, patentibus silvis, communirent. Per *Taurinos*, *Juliaque Alpæ* saltus transcenderunt, fuffisque acie *Tuscis* haud procul a flumine *Ticino*, cum, in quo conscenderant, agrum *Subriam* appellari audissent, cognomine *Insubribis* pago *Eduorum*, ibi omen sequentes loci condidere Urbem *Mediolanum* appellantes. Alia subinde manus *Germanorum* scilicet *Boji Titonio* Duce vestigia priorum secuta, eodem saltu, favente *Belloveso*, cum transcendissent *Alpes*, ubi nunc *Brixia*, & *Verona* Urbes sunt, locostenuere. Confidunt post *Salunii*, quippe antiquam gentem lævos *Ligures* incolentes circa *Ticinum* amnem *Apenninum*, deinde *Boji*, *Liguresque* transgressi, cum jam inter *Padum*, & *Alpes* omnia tenerent, *Pado* ratibus trajecto, non *Etruscos* modo, sed etiam *Umbros* agro pellunt. Intra *Apenninum* tamen sese tenuere.

C A P. II.

Post hos longo temporis intervallo Duce *Brenno* *Senones* in *Italiam* venisse comperio, quos dulcedine frugum, & maxime vini, quemdam *Clusinum* nomine *Aruntem* provocasse ferunt ira corruptæ uxoris *Alucumene*, cujus ipse *Arons* tutor fuerat, cum ipse juvenis adeo potens foret, nec ipsius injuriæ ultio, neque pœna expeti posset,

35 nisi externa vis quæsitâ foret. Hic *Arons* trans-euntibus *Alpes* *Gallis* ad expugnandum *Clusium* dux, atque auctor fuit. *Clusini* novo bello ter-riti, cum multitudinem, atque novas formas ho-

A minum cernerent, & genus armorum, audirent-que sæpe *Tuscorum* acies inter *Padum*, & *Alpes* ab ipsis fufas, licet nullum foedus, aut societatis jus cum *Romanis* eis foret, nisi quod *Vejentes* confanguineos adversus populum *Romanum* non defendissent, legatos tamen *Romanos*, qui auxilium peterent, misere. De auxilio nihil impetratum est. Legati missi, qui *Senatus*, ac populi *Romani* nomine agerent cum *Gallis*, ne à quibus nullam injuriam accepissent, socios populi *Romani*, & amicos oppugnarent; *Romanis* eos quoque bello, si res cogat, tuendos esse. Sed melius visum, bellum, si posset, amoveri, & *Gallos* novam gentem pace potius quam armis cognosci. Mitis legatio, ni perferoces legatos, barbarisque magis, quam *Romanis* similes habuisset. Quibus postquam mandata ediderunt in consilio *Gallorum* responsum datum fuit: Etsi novum nomen *Romanorum* audiant, tamen credere viros fortes esse, quorum auxilium à *Clusinis* in re trepida imploratum, & quoniam legatione adversus se maluerint, quam armis tueri socios, nec se quidem pacem, quam illi afferant, aspernari, si *Gallis* egentibus agro, quem latius possideant, quem colant, *Clusini* partem finium concedant, aliter pacem impetrari non posse, & responsum coram *Romanis* accipere velle, & si negetur ager coram eisdem *Romanis* dimicatu-ros, ut nunciare possint domi, quantum *Galli* virtute ceteros mortales præstarent. Quodnam id jus esset agrum a possessoribus petere, aut minari arma *Romanis* quærentibus, & quid in *Etruria* *Gallis* rei esset, cum *Galli* in armis se jus ferre, & omnia fortium virorum esse forociter dicerent, accensis utrinque animis ad arma discurretur, & prælium conferitur. Ibi jam urgentibus *Romanam* urbem fatis Legati contra jus gentium arma capiunt. Nec id clam esse potuit, cum ante signa *Tuscorum* tres nobilissimi Legati gentis *Fabiæ Romanæ* juventutis fortissimi pugnarent. Tantum eminebat temerarius armorum vigor, plerumque consilii immemor. Quin etiam *Q. Fabius* unus ex *Romanis* Legatis eventus extra aciem equo quendam ex ducibus *Gallorum* ferociter in ipsa signa *Etruscorum* incurfantem perlatus transfixum hasta occidit, spoliisque ejus legentem agnovere *Galli*; illico tota acie *Romanum* Legatum esse signum *Gallis* datum est. Omissa inde in *Clusinos* ira receptui canunt, minantes *Romanis*. Erant ex *Gallis*, qui illico Ro-
mam eundem censerent. Vicere seniores, ut Legati prius mitterentur questum, postulatamque, ut pro jure gentium violato *Fabii* dederentur. Legati *Gallorum* cum, sicut erant, mandata exposuissent *Senatui*, nec factum placebat *Fabiorum*, & jus postulare barbari videbantur. Sed ad cernendum quid juris erat in viris tantæ nobilitatis obstabat ambitio. Itaque ne penes Senatores culpa esset, si quid inde finistrum accideret, cognitionem de postulatis *Gallorum* ad populum rejecerunt, ubi tanto plus gratia, & opes valere, ut quorum de pœna agebatur, *Tribuni militum* Consulari potestate in sequentem annum creati sunt. Qui facto haud secus quam dignum erat infensi *Galli* bellum propalam nunciantes ad suos redeunt, eosque relatis incitant. Tunc postquam accepere ulterius honore collato violatoribus juris humani legationem suam elisam esse, flagrantés ira, cujus impatiens est illa gens, confestim signis convulsis, citato agmine iter aggrediuntur, ad quorum prætereuntium raptim tumultum cum territæ Urbes ad arma concurrerent, fugaque agrestium fieret, *Romanam* se ire magno clamore significabant.

C A P.

C A P. III.

AT Fabii, & qui Tribuni militum secum creati erant, qui erant numero sex, ut sit ex pravis initiis, nullo utili consilio capto, nullo fociorum, aut amicorum auxilio expectato, imo nec forte requisito, sic eos præcipites agebat commissi criminis furor, ut non minustemere conductu eorum pugnatum sit, quam sua legatione peractum. Nam extenuantes etiam famam belli, subito, ac tumultuario exercitu in occursum hostium tendunt ad decimum tertium lapidem parum infra viam *Tiberinam*, ubi cum multitudinem hostium cernerent, sua paucitate percussi, extenuatis in cornua copiis, ne circumveniri multitudine hostium possent, frontem tamen æquare nequeuntibus, contra hostium acies se exponunt. Primo impetu Romanorum acies fusa, quorum cum nihil apud Duces, nec milites soliti ordinis foret, pavor, & fuga animos occupat, tanta eorum oblivio fuit, ut major pars *Vebios* hostium Urbem, cum *Tiberis* arceret, quin *Romam* recto itinere ad conjuges, ac liberos fugerent. Qui autem hostis gladium à tergo insequentis, & fluminis undas evasere, plerique, imo major pars incolumis *Vebios* profugit. Unde non modo præsidii quicquam, sed ne quidem nuncius *Romam* missus est. A dextero cornu quod procul à flumine, & magis sub monte steterant, *Romam* omnes petiere. Et nec clausis etiam portis Urbis, inane *Capitolium* confugerunt. Ubi, capta, & incendio posita reliqua *Roma*, obsidione sola juvenus, quæ de conflictu *Romam* evaserat, turpiter clausa fuit, senibus mortem potius eligentibus, quam obsessorum inopiam augere. Gladiis datis hæc juvenus consumpta foret, ac perditum nomen *Romæ*, nisi postmodum prudentis, & egregii *Camilli*, qui tunc invidia Civium XV. millibus granis æris damnatus exulabat ab Urbe, virtute, confusis barbaris liberata, & ingratum civibus Urbs reddita foret. Tunc cum in Capitolio obsessi adeo fame, ac morbo affecti, & stationibus, ac vigiliis superati, ut obruerent infirmum corpus arma, se auro redimebant, si fortuna sivistet, utpote si fidelis *Camilli* parumper tardasset eventum. Qui superveniens oblatum aurum foedæ redemptionis pretium in statera jam positum de medio auferri, & *Gallios* summoveri iussit, allegantes sese pactos esse, quibus eam pactionem ratam esse negavit. Quæ postquam ipse Dictator creatus foret (Dictator etenim creatus fuerat exul, & absens in iussu suo ab inferioris juris Magistratu) denunciavit *Gallis*, ut ad prælium se expedirent, & duobus præliis commissis adeo utraque fusos afflixit *Gallios*, ut vix superesset nuncius, ut refert *Livius* memoratus.

C A P. IV.

HI Galli, ut ex his æstimo, priusquam *Clusium*, ac *Romam* accederent, *Mediolanum* jam dirutum renovarunt, *Ticinum* civitatem, quæ nunc *Papia* vocatur, fundarunt, *Brixiam* ædificarunt, etenim à *Brenno* dicta fuit *Brixia*. Verum alios scripsisse reperio ipsum *Brennum* à *Romanis* confusum in *Sueviam* rediisse, & post multos annos resumtis viribus in *Italiam* iterum cum maxima armatorum copia veniens *Mediolanum*, & plures urbes *Italiæ*, quas primo ejus adventu, priusquam cum *Romanis* contulisset vires, destruxerat, quasi penitus reparavit, pluresque de novo construxisse ferunt ad impugnandum iterum *Romanos* frustra rediens. Unde *Gothofredus*,

A Nunc arma tonat Dux Breno, creatque Veronam,
Nam quasi Veb Roma dicta Verona sonat,
Brixia fundatur, Ticina Papia paratur,
Et Mediolanum Breno satagente novatur.

C A P. V.

EX his autem, quæ recitat *T. Livius* de adventu Gallorum in *Italiam* tractans, colligi potest ducentorum annorum fuisse spatium inter adventum *Bellovesi*, qui de *Subria Mediolanum* fecit, & *Brenni* qui *Mediolanum* renovavit, & *Papiam* fundavit, ut dictum est. Deinde post multa tempora recentissimi advenarum *Longobardi* una cum *Alboyno* Rege suo *Italiam* accessere, qui totam fere *Italiam* primitus occuparunt, sed demum intra fines hujus tractus terræ, quam nunc *Lombardiam* dicimus, sese tenuere, à quibus hæc contrata ipsum *Lombardiæ* nomen sumfit. Hanc gentem *Ybor*, & *Ayones* cum *Gambara* matre sua de *Sratinavia*, quæ est in finibus *Germaniæ* juxta *Oceanum*, eorum primi Duces cum parvulis, & uxoribus attraxere, quibus necessitas exilii ductis fortibus evenerat, ut ceteris minor inopia victus foret. Nam ipsa regio tunc tanta erat gentis multitudine populata, ut nec terrarum fructus sufficerent alere tantam gentem. Nec mirum, cum ipsa contrata sub *Arcto* sita, à Solis æstu remota, ideoque alendis corporibus hominum apta plus quam ceteris germinans, *Germania* dicta sit. Hi *Germanici* postmodum in itinere a longis bardis, sive a longis barbis *Longobardi* dicti sunt. Nam per multos annos, ac per multas hominum ætates sub pluribus Ducibus, sive Regibus successive incertis sedibus vagabundi, priusquam ad *Italiam* pervenirent, decem de se Reges successive habuerunt, quorum decimus fuit robustissimus *Alboynus*, de quo dixi. Post quem plures in *Italia* regnaverunt Reges, quorum plerumque fuerunt sedes intra *Ticinum*, & *Addam*, aliquando *Mediolani*, sed plerumque *Papiæ*, cum inter utrumque fluvium eo tempore nullæ aliæ urbes forent. Hæc de Urbis nostræ situ, atque incolis dicta, quæ etiam timeo ne lectori tædium dederint, sufficiant. Scribere enim magnifici Imperatoris *Henrici* gesta promissi. Verum ut debitus honor detur rebus, priusquam de tanto Principe sermonem teneamus, faciam ne velut illotis manibus ad læta convivia discumbentes rudicitate nimia redarguamur. Præfari placet in hunc modum.

C A P. VI.

Humanum genus tanta utriusque parentis vitio fragilitate laborat, ut ejus misera conditio prona naturaliter, & labilis ad peccandum non modo ad conservationem, verum etiam ad esse sui exigat, ut sancto, & justo regimini supponatur, quo correctis vitiis, ac depulsis erroribus salubriter in pace quiescat. Inde duo luminaria mundo divina videntur provisione statuta, ne qua sui parte destituta regimine titubet compositio tam nobilis creaturæ, Papalis scilicet dignitas, & Imperialis potestas, quibus terrarum orbis universitas tam in spiritualibus, quam temporalibus gubernetur. Neque ullo jure quisquam ab his subtrahere sese putet, cum ceteris animalibus, quibus nullum inest rationis regimen, ad nostrum, ut puto, urgente naturâ solummodo documentum habere principem, & sub ipso timere datum sit, ut aperte videmus. Nonne pecudum tremor Leonem sibi Regem esse demonstrat; Aquilam pavent aves ut Dominam.

In apibus asseritur esse Rector unus, quem etiam vulgo ipsarum esse Principem appellamus. Itaque natura omni arte solertior cuncta animalia præter hominem præesse, ac subesse docet. Solus homo, sicut expedit, imperare, aut parere nesciens requiescere nescit in pace. Verum cuius sit ille defectus, aut unde prodeat tam lethiferi causa mali nescio, sed a Regnante, ut videmus, plerumque procedit, qui ad conservandam justitiam, sine qua nihil recte agitur, eminenti loco locatus plerumque deficiens vitio, vel defectu suo indignus efficitur, & indignitate despicitur. Estne in avibus Aquilâ, in bestiis Leone nobilior? Cur inter homines, qui ceteris præesse desiderat, ut veneratione dignus sit, virtute ceteros non excellit? Saltem omni carens iniquitatis aculeo Princeps apum exemplo sit, ut neminem iratus lædat. Procedit etiam a subditis, quos morum discordia nimium turbat, aliquando causa mali. Nam nulla profecto pax, aut concordia erit in populo, quem uniformitas voluntatum vinculo justitiæ colligata non excitat ad studium communis boni, quæ sola exprimitur uniformi motu, & dependet ab unitate voluntatum populi. Hæc vero unitas humani generis bene disposita non nisi per justum Principem, & Monarcham feliciter perducitur in effectum, qui suis sacris legibus subditos ordinet, & disponat, quæ si servantur ad unguem, vincula sunt societatis humanæ. Quis itaque Princeps quovis nomine censeatur, aut quamvis mundi partem inhabitet, si se hominem animal rationale fatetur, negabit se justo *Romanorum* imperio rationabiliter fore subiectum, quorum si gesta revolvō, totius Mundi principatum, quod Imperium appellamus, liquet sibi coelitus fore concessum, & per duellum utpote justo bello partum.

CAP. VII.

Hoc autem imperandi Mundo jus populus *Romanus*, a quo partum diutius fuerat, & possessum, in unum contulit, in personam scilicet *Julii Caesaris*, & eum Imperatorem nominans Monarcham, & Principem mundi fecit. Unus igitur Creator omnium Deus est, unus Papa, & unicus Imperator, cui ab ore divino præcipitur tributum dari. Hujus dignitatis electio, atque Sedes *Romani* Imperii, tempore *Constantini* Imperatoris ad *Græcos* translatae sunt, qui gravi morbo lepræ intercessione *B. Silvestri* Pontificis liberatus ad eam partem *Græciæ* accessit, ubi conditam a se urbem *Constantinopolim* appellavit. Inde in *Germaniam* eam electionem legimus auctoritate Sedis Apostolicæ devolutam *Græcorum* ignaviâ, dum eorum subsidia frustra literis, ac legationibus implorantem Ecclesiam sævientem *Astulphum Longobardorum* Regem persequi & opprimere passi sunt. Cujus inimicitiam *Carolus Magnus* ægre ferens, seque ad partes *Italas* transfrens propulsare curavit. Qui *Germanorum* primus ob id meritum *Romanorum* suscepit Imperium. Indigne etenim superis visum est gentibus imperare, qui subditorum injurias propulsare non audent, quique dum tyrannorum sævientium monstra mundo regnare sufferunt, ceteros innocentes perdunt. Nonne omnis potestas desuper constituta est, ut ejus potentia, & virtute mutuis inter subditos sublatis injuriis populus conquiescat sub sacris legibus vivens, quas sine Reipub. malo violare nequit ulla subdita potestas? Nec justum puto arbitrium violandi leges dari, cum metu cupiditatis, quæ possunt scriptis legibus terminari non sint ullis iudicibus relinquenda. Unde autem, aut qua de causa hujus-

A modi dignitatis electio ad septem Principes *Germaniæ* pervenerit, non cognovi, utpote Archiepiscopos *Maguntinum*, *Coloniensem*, *Trevirenses*, Comitem *Rheni*, Ducem *Saxonie*, Marchionem *Brandeburgensem*, & Reges *Bohemie*, qui olim Ducis titulum habebat. Hic tamen non est vocandus, ut dicitur, nisi cum ceteri discor-
dant.

CAP. VIII.

Cum itaque post claræ memoriæ obitum *Regis Alberti* vacaret Imperium, & præfati Electores hujusmodi prosequendæ electionis causa convenientes in unum inter se dissiderent, *Philippus Rex Francorum* in spem Imperialis dignitatis adductus, precibus nec non Pontificis, & quorumlibet amicorum intercessionibus Electores sollicitare cœpit, de quorum numero illi erant, quibus tantæ dignitatis jura, & jurisdictionis honorem obtinere animus, & amplior cura fuit. Cæteros, quos precibus aut donis, aut spe illectos curare senserunt favorem Regis, adorti rogare cœperunt ne qui suimet favoris, honorisve promptiores forent aliis concedant, idque si tantus *Gallorum* Rex obtineat, occupandi deinceps jus Imperii initium *Gallicæ* nationi fore dicentes. Cumque inter ceteros, quos tetigerat favor Regis, Archiepiscopus *Treverenſis* tenacior foret propositi, & durior ad placandum, in ipso negotio tanto imminente periculo haud temere provisum est. Nam Electores confestim, ut reprimatur omnino *Gallici* Regis mentio apud Archiepiscopum supradictum, quod, ut creditur, expectabat, *Teutonum* nominant cariorem sibi.

CAP. IX.

Itaque *Henricum* Comitem de *Lucimburg* Fratrem ipsius Archiepiscopi *Treverenſis* non tam strenuitate morum, ac virtute animi dignum, licet fortunæ viribus, & potentia plerisque Principibus *Germaniæ* impar foret, cuncti cognito periculo unanimes elegerunt. Qui ipso anno a Nativitate Domini MCCCVIII. apud *Aquisgranum* solemniter coronatus est. Hic admodum magnanimus quamplurimum Prædecessorum suorum vestigia minime secutus est, quorum nostra ætate nullus aureum, neque ferreum diadema suscepit, imo sola argentea corona contenti sexaginta, & plurium annorum tempore inter *Teutones* sese tenuerunt, licet plerisque prædecessorum Regum multo major thesauri copia foret atque earum rerum, quibus magna parari possunt.

CAP. X.

Vere igitur *Henricus* iste magnanimus post paucos dies electione suscepta, secum inquirens: Nonne *Romanorum* Rex intitolor, & Augustus; convocatis Principibus, quorum ad hoc assensum habere voluit, Comitem *Sabaudie*, *Delphinum* de *Viana*, *Guidonem* Comitis *Flandriæ* filium, & cum his Venerabilem Episcopum de *Tuora*, legavit ad Papam, qui ubi almam Curiam accessere, quæ tunc erat in Civitate *Aviniono*, illico venerabilis *Hostiensis* Cardinalis, nec non Sancti Patris *Oddonis* de *Graddisno* juvamine freti, a summo Pontifice, qui tunc erat Papa *Clemens*, clementer exauditi, ab eodem liberum in *Italiam*, deinde *Romam* præfati Regis impetrarunt accessum. In cujus comitiva idem Summus Pontifex quatuor Cardinales, qui vice sui eidem *Romæ* coronam darent, destinare promisit. Deinde

de Rex ipse incommutabilis propositi sui constans solemnnes Legatos undique per *Italiam* destinavit suum felicem nunciantes adventum: Cujus rei causa Episcopus *Constantiæ Mediolanum* venit, & in pleno Palatio majori, quod *Palatium novum* nos *Mediolanenses* appellamus, præsentē *Guidone de la Turre* Capitano, & *Bregadino de S. Nazario* Potestate Communitatis, & Populi *Mediolani* inde plurimum odiosis, hujus Regis *Henrici*, pulchra admodum, & acceptabili oratione proposita, nunciavit adventum, ipsum asserens *Aquisgrani* corona argentea in præsentia, & de voluntate Principum *Alamaniae* solemniter coronatum, deinde sumturum ferreum diadema in territorio *Mediolani* ab Archiepiscopo vestro. Quod, inquit, clarissimi cives significat, quod sicut per ferrum, & instrumenta ferrea cetera metalla domantur, sic per salubre consilium, nec non præclaram armorum potentiam, & virtutem *Italicorum* præcipue *Mediolanensium* domare debet Imperator, & subigere ceteras nationes. Vos ne, inquit, *Mediolanenses*, qui immediate subestis Imperio, omni alio servitutis iugo liberi deeritis? vestrumne favorem subtrahetis, quin tam justus, & clementissimus Princeps vester tertium *Romæ* aureum diadema suscipiat, ut eo ipso qui *Romano* more vivimus, & quasi domestici, & familiares Imperii *Romani* sumus, jurisdictionem habeamus in omnes gentes mundi? Nonne hæc quidem potestas a Deo est? Negabiturne *Romanum* Imperium a Deo stabilitum, ac etiam ore Prophetico nunciatum fore, quod expositio *Danielis* super somnio *Nabuchodonosor* publice manifestat, qui statux caput aureum, quam somnians viderat, *Caldæorum*, pectus argenteum *Græcorum*, tibias ferreas *Romanorum* Imperium portendere nunciavit. Inducamini itaque, inquit, recipere Dominum vestrum æquatis passibus, & stratis & reffectis pontibus, bonis, ac præambulis factis itineribus parate viam *Domini*. Moneo insuper, inquit, cunctos Comites, & Barones, ac Satellites suos, nec non etiam universos, qui jure tenentur Imperio, ut se præparent, sicut decet, & cum senserint adventum Domini sui, ad pedes montium sibi veniant hilares in occursum.

CAP. XI.

AD hæc *Bonifacius de Fara* Jurista ipsius *Guidonis* præ ceteris familiaris, & domesticus consultor tanti Principis legationem, tum ipsius destinantis reverentia, tum etiam auctoritate Legati, longa præfatione asserens maximam, & verendam esse respondit: Quæ maxima sunt, ea, inquit, maximam deliberationem volunt; ex quo non præsentia literis his, quæ tanti ponderis, & momenti sunt, respondendum esse censeo, verum deliberato consilio responderi. Quid autem postmodum, aut si quid responsum parum mihi constat. Verum cito multis indiciis patuit hujus adventum Principis infestissimum *Guidonis* voluntati fore, nam primo occulte, tacitisque comminationibus Civibus inhibere cœpit, deinde publice per frequentes armatos complices, & satellites suos per vicus, & plateas cunctis civibus minari, ne de adventu *Romanorum* Regis sermonem teneant. Imo plerique civium, ac Nobilium Comitatus *Mediolani* cum paratis equis, & armis, ac nobili juvenum comitiva agendi honoris causa in *Italiæ* finibus occurrere tunc parabant Regi, summo studio honorificare cupientes adventum ejus, quorum iter minantis *Guidonis* superbus, & terribilis furor tenuit.

CAP. XII.

INterim Primores *Guelficæ* factionis *Lombardiæ Mediolanum* vocati in aulam *Guidonis de la Tur-*

Are conveniunt, ut super tanto rerum eventu, si fortuna consentiat, aliqua salubris consilio caperetur via. Verum ibi nihil pro re agitur, imo discrepantes in consilio quisquam pro se arguit, plusque jurgiis, quam consiliis pluribus diebus tempus terunt. Cujus rei primus auctor fuit *Comes Philippo de Languscho*, qui tunc *Papiæ* regnantis Nobilium factionis primus, & Rector erat. Hic se Satellitem Regis vocat, seque ad domum ejus multis Imperialibus donis, & gratiis decoratum asserens, minime, inquit, Domino meo rebellis esse volo. Hæc audita vox Comitibus insolens nimium plerisque visa est. Quippe si per se nihil sollicitudinis gerere generum ejus *Guidonem* solliciti timoris non modicam causam sibi fore credebant. Cujus obtinendi dominatus in adventu Regis parum spei erat. Stupentibus itaque ceteris *Antonius de Fixiraga*, in cuius cura, & potestate *Laudensis* Civitas erat, licet absque titulo privatus viveret civis in Urbe sua: Postquam nihil, inquit, ad id cuius gratia vocati sumus agi video, ipso, de quo minime dubitabam, impediēte, per se quisque agat. Quæremus & nos in Aula Regis locum. Tunc vero *Gulielmum Cavalcavorem*, cuius *Cremonæ* pollebat auctoritas, nobilitate gentis, nec non divitiarum, & amicorum copia, & cum eo *Simonem* Advocatum de *Collobiano* suæ partis Principem in *Vercellis*, accepimus in eo colloquio ad propositum Comitibus summovendum frustra plurimum laborasse, multis inductis causis, periculosum asserentes hujus Regis adventum, cui affirmabat de facili posse resisti, dum ad resistendum unanimes sint, qui ex nobis præesse volunt vicinis suis.

CAP. XIII.

AT *Guido de la Turre*, quem stimulus ambitionis exagitat, hac inani, & longa consultationum disceptatione fessus de consilio præceps ab it vociferans: Quid hoc video, cur non concorditer quicumque unum capitis consilium? Ad mortem, video, præcipiti saltu nos urget infania. Iratum quidem existimo, atque infestum nobis Deum, qui primum nobis consilium aufert, deinde dubito, ne deteriora sequantur. Itaque more *Bacchantis* per ampla fertur atria, totam circuiens aulam incerto passu, itque reditque sæpius in communi sermonem referens, deinde interiora ædium repetens, murmurans sibi soli: Quid mihi, inquit, cum *Henrico illo Teutonico*, quem asserunt huc accedere turbare quietum statum meum? contraxitne genitor meus secum? teneorne sibi pacto? ignoro. Hunc hominem non cognovi, neque umquam vidi. Deinde agitated diuque hujus furoris verbere fatigatus *Collaterales* suos, qui pavidi turbatum Dominum dejecto sequuntur vultu, ad se vocat, quibus: dicite, inquit, tenemurne *Henrico de Lucimborgh* nescio *Teutonico*, vel *Allobrogo*? Quid nobis umquam contulit, unde ullo jure vendiceret, quæ tenemus? Non defuit, ut sit in aula Principum, Tyrannici verbi assertor, imo uno ore omnes, nihil, inquiunt; cur non igitur jura nostra defendimus?

CAP. XIV.

TAndem hi *Guelphorum Liguorum* Principes nullo, ut fertur, per commune colloquium fundato proposito inconsulti domum redeunt. Sunt qui asserunt Comitem *Philippum*, *Simonem* Advocatum, *Antonium de Fixiraga*, & *Gulielmum Cavalcavorem*, quos supra memoravi, nullis, aut paucis aliis adhibitis, cum præfato *Guidone* priusquam *Mediolano* discederent, alia

captasse consilia, quem velut solandi causa ægrum curis adierant, ipsumque in cubiculari camera solitarium, & insanientem Comes *Philippo*, cui ceteri negotium dederant, tali sermone aggressus est.

CAP. XV.

Tempus est, inquit *Guido*, discrete agere, ne post factum poenitendum sit. Itaque quoniam an si resistere expediat, an obedire Regi, quidque tutius, aut utilius nobis sit, adhuc incertum est, id prius explorandum est, quam executione uti. Satis opportunitatis fortuna in hoc saltem fida nobis dedit. Si viri sumus, neque consilii, neque facti tempus deerit nobis.

46 Citati sumus cuncti principes *Lombardorum*, ut occurramus adventum Regis, saltem cum superatis *Alpibus Astensem* descendat in agrum. Ibimus videre, ac sapere mores Regis. Si ad eum faciles erunt nobis aditus, brevi perpendemus, an duri, aut molles sint nobis animi motus ejus, adhæreatne hostibus nostris, an sentiat quid opportunitatis, & obsequii conferre possimus sibi. Quibus exploratis satis opportunum consilium, ac deliberandi tempus erit nobis. Interim intentis amicorum, atque sociorum subsidiiis juxta ea, quæ scripserimus *Mediolani*, pro re, ac tempore curetur vobis. Nos autem apud Regem curabimus, ne vos absentia suspectum habeat:

Desunt folia duo in exemplari.

fieri docet. Hæcque, inquit, ut assero, cum tetigeritis *Mediolanensem* agrum videbitis manifeste. Itaque vadato *Pado* paucis diebus *Novariam* venit, *Ligurum*, præcipue *Ambrosianæ* gentis explorans mores, ac studia voluntatum, pluribus diebus moram traxit. Deinde trajecto *Ticeno* multis vadis, sic etenim hyemali frigore contractis aquis cuncta flumina viam dabant Regi, continuo læta signa Nobilium Comitatus nostri, deinde popularium Urbis turmæ læto fremitu venientium in occursum Regis apparere, qui inclinatis signis ante pedes Regis sese sibi liberaliter obtulere. Rex itaque promissa *Matthæi* non vana, quinimo jam certa esse videns, illo die, si tempus fineret, aut dies spatium daret, properasset ad Urbem. Sed quia propinquantibus jam vespere aer nimium spissus nivis jam cœperat obscurari, in loco *Mazenta*, qui eo ipso merito factus est Burgus, hospitium petit. Postero die, qui velut tanti Ducis adventum sentiens clarior præterito longe fuit, processit ad Urbem, cui priusquam medium iter capiat, innumerabiles Nobilium, nec non antiquæ gentis popularium familiæ magnis turmis in occursum veniunt. *Guido* de la *Turre* ultimus post omnem plebis turmam obviam Regi non solum civibus, quinimo cunctis mortalibus iratus venit, heu quam invitus, quamque etiam vitæ suæ odiosus jam propinquo Urbi Domino suo trahitur in occursum, qui impediante superbia timore mixta nec Regem, ut hostem repulit, nec ut Dominum naturalem, sicut tenebatur, admisit. Verumtamen quoad potuit nec superbi fastus morem oblitus est, nam licet à circumstantibus doceretur, ac etiam, ut æquum erat, cerneret cuncta Procerum signa ante Imperiales Aquilas humiliter inclinata poni,

47 ni, ausus est tamen veniens in occursum Regi supra verticem ejus pati sua signa alte ferri, quæ usque ad faciem Principis taliter ferebantur, ni non minor suo furor *Teutonum* indignantium eadem manu deferentis demta turpiter dejecissent in limum. Attamen jam propinquus Regi ad terram equo defiliens osculatus est pedem ejus, à quo benigno tandem vultu receptus est. Cujus teme-

ritati, ac superbiæ Rex satis clementer indulgens: Amodo, inquit, *Guido* pacificus, & fidelis sis, & quem negare nefas est, dominum recognosce.

CAP. XVII.

Itaque *Ambrosianam* Urbem intrat Rex die *Mercurii XXIII. Decembris*, qui illius anni à Nativitate Domini fumentis initium penultimus dies fuit. Ibique denuo convocatis undique *Italicis* Baronibus, nec non solemnibus nunciis Civitatum quæcumque partium studia sequerentur, die *Epiphaniæ* in Ecclesia B. *Ambrosii* Confessoris nostri à *Castone de la Turre* Archiepiscopo *Mediolanensi* in Regem *Italiæ* unctus ferreo diademate coronatus est. Deinde multis inter *Italicos* antiquis, atque recentibus subito sedatis odiis, ac inhibente clementia tanti Regis, cujus simplex animus totaliter aspirabat dare pacem Mundo, paucis diebus ut sibi visum est compositis partibus: tota etenim *Lombardia* subito absque ulla armorum vi in Regis deditionem & obedientiam sponte venisse videtur, *Alexandria* & *Alba* dumtaxat exceptis, quarum urbium fides aut ulla deditio ex parte Regis minime requisita est. Credo quod ambæ Regi *Roberto* erant deditæ, qui illum ipsum *Henricum Romanorum* Regem in Dominum recognoscere, & sibi ut superiori obedire promiserat.

CAP. XVIII.

Ultima tamen Urbium *Lombardiæ* non sine causa in compositionem, atque in deditionem Regis venit *Brixia*. Nam *Matthæus* de *Madiis*, qui *Gibellinæ* factionis Princeps ipsa regnabat in Urbe non præsentiam Regis, sed callidi hostis sui *Tebaldi* de *Brusadis* insidias timens non ad radices montium *Taurinum*, non *Ast*, non *Vercellas*, non *Novariam*, verum cunctis serior *Mediolanum* ad Regem jam post citationes plurimas expectatione festum venit. Hic *Tebaldus* subdolu-

48 lus, & cum sibi expedire videat, semper simulare, ac dissimulare aptus, & quando ullius fortunæ casus sibi magni patrandi sceleris tempus aptum dederit, nil umquam intentatum liquens, primus tamen *Guelphorum* morantis *Italiam* Regis pedes amplexus est, exilii sui finem supplici voce rogans. Hoc sensit Rector *Brixie*, imo etiam certis exploratoribus suis, nec non amicorum literis, atque nunciis perceperat Regem annuisse precibus hostis sui, quippe certus erat animus Regis ubique sine ullo discrimine suis civibus integras Urbes facere. Cujus rei causa non modico pavore percussus jam cunctis sedatis partibus *Lombardiæ* invitus comparuit, & tristis, ac vultu nubilus ad conspectum Regis, ibique *Tebaldum* frequentis perfidiæ ac prodicionis accusans, plurima sæpius rupti foederis, ac violatæ pacis documenta publica projicit Principis ante pedes. *Fredericos Gibellinos* ad ejus mensam crudeliter cæcos narrat, inter quos novum generum nominans, nec viduare, inquit, filiam suam timuit, quam dolosum, ac pestiferum pignus pacis dederat *Frederico* juveni magister iste scelerum, ac pessimus proditorum, quos terra sustinet. Quis *Ligurum* nescit, quos machinavit, & fecit tractatus innumeros, subitos insultus, ac patratas vicinorum cædes contra juratæ pacis foedera, quorum scriptura nondum erat sicca. Cui Rex: & nos injurias, & offensas tulimus, à quibus postmodum in suam gratiam redeuntibus beneficiis victi sumus, & quos ut hostes odimus, pia mente colimus velut fratres. Deis tandem, quæsumus similiter & vos mutuis injuriis, & offensis, & profecto vestris quoque Deus dabit finem malis.

malis. Ad hæc Principis verba obtulit, ac utcumque sedatus est quilibet *Brixienfis*. Verum compositis Ducibus in vultu varius color fuit. Arrisit itaque fortuna multum Regi tanta quiete *Ligurum*, tam subito prosperans adventum ejus. Verum brevi tempore facta nubila invidit nimium sibi, imo totius *Italicæ* gentis bono, dum plerique nefandi *Ligures*, & *Lombardi*, etiam quos ex proscriptis exulibus suarum terrarum incolæ, atque cives fecerat clementia Regis, perjuri, ac rebelles facti sunt; ut, si expectes Lector, tibi suo loco per ordinem diligenter exponam.

49

CAP. XIX.

ATubi applicuit *Mediolanum* Rex, ut dixi, acujus Urbis cives non graves, neque duri, sed multum (quin imo quasi natura nimium) faciles regendi sunt, quippe cuicumque Imperio etiam injusto parent, illico *Joannem de la Calcea Gallicum* natione nobilem indoctum tamen, atque incultum virum in ipsa Vicarium suum fecit, qui fatuitate, ac vitiis suis vix completo mense velut inhabilis, & indignus a dignitate remotus est, & ut contentus taceat in solutione magni temporis, tamquam gesti regiminis sui, a quo absolvitur, pecunia a Communi nostro sibi persoluta est, quasi dono data. Et sic demtus honor in proprio modo compensatus est. Sed neque ipsius Rectoris nostri licet rudis abdicatio multum utilis mihi fuisse videtur; imo Civibus alter error priore deterior subsecutus est; nam Rex alium Urbis nostræ Vicarium dedit, qui multo magis pestifer nobis fuit, utpote *Tuscum*, qui *Senensis* Urbis patriæ suæ exul erat. Hic *Nicolaus de Bonignoribus* nomine cujusdam societatis negotiatorum magister, atque Rector fuerat, in cujus manu, atque custodia illa Communitas deficiens, & penitus dissoluta nulli ex creditoribus respondebat. *Nicolaus* iste pestifer morbus Urbis nostræ, cum in sede dignitatis fuit, non Vicarii more, aut Rectoris cujusvis cives tractare cœpit, imo sæpe velut principalis sine superiore tyrannus pro modica, & levi causa graves, & aliquando capitales pœnas minitans adeo timidos cives fecit, ut cuncta utcumque gravia, cunctis etiam ultra quam fas sit obedientibus, obtineret. Hoc stolido Civium timore, ut mihi videtur, perdita est diu desideratæ libertatis spes. Nam ut fit novo imminente tumultu sæpe Urbis leges fiunt per bonos, & electos viros. Jam scriptis legibus, quas Statuta Communis dicimus, quibus æquo jure viveretur in Urbe, iste *Nicolaus* arrogans, & superbus, jam cuncta quæ gesserant doctus, ipsarum legum Conditores ad se vocans eis velut ignarum rerum inquit: Quid libertatis, & arbitrii vestris legibus auctum est nobis? Deinde ut vidit *Paganum de la Torre Muschæ* filium, cui velut amico neque ipsius ordinis minimo attribuendi sibi liberæ potestatis, & iniquæ jurisdictionis in cives curam commiserat, amplius dissimulare nequit inquit: *Paganine* quæ promiseras facere noluisti. Nullum arbitrium, nullamque potestatem dedistis mihi. Cui in ipsius *Pagani*, atque omnium sociorum excusatione Jurista *Stephanus de Vicomercato* respondens dixit: Eget ne libertate, vel arbitrio, cui totius legis terrenæ conditor noster Dominus Rex omnem quam habet jurisdictionem, & vices suas commisit totaliter in urbe nostra, & nos similiter quantam habet in nos libertatem, & arbitrium Dominus Mundi, tantam damus tibi? Neque *Paganus* in hoc negotio, quæ voluit, fecit, cui soli non licuit leges condere. At ille: Intelligo te, inquit, *Stephane*. Certe quid me teneat, rubecule nequam, nescio, quin te acephalum videri faciam, idque tibi accidet sine mora, nisi statim antequam pedem mutes, ut præ-

Acepta mea serves dederis mihi vadem librarum X. mill. Cunctis solido pavore percussis, ac stupentibus velut uno verbo jugulari possint, solus *Paganus de la Torre* socii dictum laudans, ac scævientis iram molliens inquit, socium pro cunctis haud aliter quam juste dixisse, neque quæ dixit plus quam sua, ac sociorum verba esse, & merito si inde periculi quicquam sequatur, quod absurdum est, sua cuique nostrum ejus discriminis portio captanda est. Verum omnis vobis tamquam Domino obedientia exhibenda est, & præsto sodalis vades sum, deinde ceteri sese offerunt. Receptis itaque ob nullam causam vadibus indignatus, seu **B** verius iram fingens tumidis naribus in trepidos, ac degeneres tantæ Urbis Cives tonat inquit: Nisi statueritis cum tanta libertate arbitrium mihi, ut nullis tenear legibus quodcumque volam, ac mandavero, ratum sit, & verba mea vestras rumpant leges, nullumque provocationis remedium habeatis, Cives, contra edicta mea, sentietis quid aliquando recalcitrantes contra stimulum consequuntur. Accingite vos justitiæ vestræ, & obedientiæ penitus vos parate. Sumne, inquit, an vobis videor esse deterior his, qui hæcenus hic regnaverunt, quibus semper arbitrium & libertatem in res, & personas vestras ultro velut de consuetudine contulistis? Ac licet non quod volebat, tamen plus quam juris tribuere dignum erat, obtinuit, idque paucis subsequenter diebus effectum est, dum stolidæ & inanes nimium timentur minæ. Quæ jam relinquitur propinquæ libertatis via? Nam ut terribilem minantis vultum fugiant, novum addunt Statutis nostris Capitulum, quo cavetur, quod iste *Nicolaus* nullis nostris legibus teneatur, quod licet perdendæ libertatis initium foret, nihilo tamen animos percussit populi, aut **C** ullius tumultus causa fuit. Verum vilissima res pecunia sollicito murmure primo tumultum, & iram populi suscitans, tum seditionis, nec non Regi, ac nobis magnæ cladis causa fuit.

CAP. XX.

Hic etenim Rex noster magnanimus erat, & omnium virtutum dives, pecunia, & auro nimium pauper, nihil nisi *Italicis* adjunctus opibus propositi agere omnino valebat. Convocatis itaque utriusque factionis *Mediolani* primoribus, & Magnatibus, propositaque eis necessitate Regis subveniri sibi non nisi sua sponte petatum est. Verum ante ora omnium intercessor Regis erat penes se Scriptorem tenens, cui nota, inquit, quid tantæ Urbis Cives offerre volunt Regi.

CAP. XXI.

Hoc loco, ut antiquus nobis mos est, nec sapienter promissum est Regi, ex qua promissione nec Urbis nostræ, nec Regis conditio, ut mihi videtur, salubriter tractata est, spreta undique honestate, sine qua nusquam erit utilitas, neque salus. Nam ubi hujus gratia rei Principum Urbis Concilium congregatum est, quibus quid dignum dono Regis foret dicere facultas data est, præsentem tamen, ac sollicitante Regio nuncio, cujus præsentiam velut degeneres fortius æquo timent, inter eos diu silentium fuit. Tandem cum expectaretur hujus promissor muneris, nullo quid offerendum sit nunciante, nobilem & honestum Civem *Guillelmum de Pusterla* inter ceteros minus ambitione suspectum spectant, atque quid super hoc dignum sit dictum excitant. Cumque inde se excusaret, hujus rei onus, & civium invidiam fugiens, cuncti uno ore clamantes dixerunt: Dicat *Guillelmus*, cujus dictum nemo corrigat, sed quod dixerit ratum sit. Tandem diu rogatus, nihil præfatus, paucis verbis, ut sui moris erat, florenos

L.

L. mill. Regi dono dari dixit. Cuncti assentire videbantur, verum *Mattheus* Vicecomes addens dixit, & Reginae donandum esse satis videtur idoneum, cui saltem X mille floreni dentur. Cujus audito sermone *Guido* de la *Turre* calori nimis pronus, cui neque iram occultare umquam animus aptus fuit, adulationis vitium in tanto cive suspicans, atque inde indignationis causam sumens: hicne, inquit, est mos honesti Civis, est ne decorum ultra communem omnium assensum velle alicui aëris largitione nomen libertatis sumere? Deinde Concilio abiens: cur non, inquit, C. millia cunctis dentur? hic numerus completus est. Hunc sermonem immurmurans, ac sæpius iterans velut inde pulsus vadit, paucis suæ factionis, quæ tunc plus popularium quam nobilium multitudine nostra vigeat in Urbe, de cœtu motis, qui secum abeunt non claro murmure laudantes iram suam. Ceteri *Guillelmi* primum dictum frustra laudant, atque affirmant. Verum stolidi *Guidonis* promissio, utcumque facta quia major, per nuncios Regis scripta est, deinde sibi tamquam solemnitas in scriptis datur. Quæ postmodum nullis querelis, nullis precibus civium apud Regem retractari potuit, aut ullatenus mitigari, imo tota cum maxima difficultate soluta est. Cujus rei causa nobilium, atque popularium, sed fortius mediæ plebis murmur in Regem furgit, cuius pauperies in conferendo non modicum gravata est. Nam ubi ipsius tanti muneris recuperatio postmodum tractabatur in Generali Concilio cujusdam vilis & imprudentis civis *Napoleoli* more dicto, statutum fuit, ut ultra XXV. & infra X. florenos auri nemini civium imponi posset.

CAP. XXII.

Tunc primum Rex forte musantis populi murmur timens centum obsides ex primoribus civitatis poposcit nobilis comitivæ gratia secum usque *Romam* deducere. Quod ubi publicatum est, ipsique obsides nominati primum popularibus, qui civilis belli tædio fessi erant, admodum gratum fuit. Nam tanta plerisque, qui nominati erant, urgebat ambitio, ut nimium grave foret eis in Urbe sua æquo jure vivere. Neque, cum ceteris divitiis, & honoribus præstent, contenti sunt ut nec inferant, nec patiantur injuriam, verum eos injuriis, atque damnis impune semper premunt, qui sibi usui sunt. Itaque per cunctos Urbis angulos exultat vulgus, atque omnis popularium cœtus lætari cœpit, inquit: Abeant à nobis longe qui delirant, ac semper in Urbe dissident nostro damno, cumque in dies magis magisque hæc obsidium electio, quam nobilem comitivam appellari voluit Rex, procedere videretur, ipso instante Rege, eo magis ceteri congratulantur Cives, eorum libertatem, ac concordiam hoc ipso restitutam fore dicentes: Verum cum plerique ex nominatis ne tam longi itineris comites Regis fierent, de cœtu, ac conspectu hominum subtracti, quorum absentia in dies magis notabatur in foro, nuntiati forent Regi citatque plurimi minime comparerent, cum non immerito sollicitum, atque anxium reddunt. Duorum tamen juvenum ex eo numero obsidum sibi nunciata consilia ægrius tulit Rex, scilicet *Galeaz* Vicecomitis, & *Francischini* de la *Turre*, quorum alter *Matthæi*, alter *Guidonis*, qui in Urbe regnaverant, filius erat. Hi nescio patrum consensu, vel dissensu extra Portam *Ticinensem* in pratis non longe à ponte *Credario* una contra Regem colloquia habuisse dicuntur. Verum quia remotis à se arbitris quid dixerint, quidve tractaverint, referentibus parum fidei abhibitum est. Id tamen neque suspicione caruit, nam cum ab hoc discederent colloquio, in signum fidei dexteris accepisse,

A ac dedisse feruntur, quodque videri, ac satis manifeste perpendi potuit. Quid enim tam adversæ factionis primorum juvenum solitarium colloquium? quid tam rebellibus, & hostibus junctis dextris data fides circumstantium famulorum interpretantibus animis aliud significare poterat, quam contra nimis odiosam *Germanici* Principis sibi vim parantis potentiam nova consilia sumi? Verum cui certa fides adhiberi possit tam vulgatæ rei nullus auctor fuit. Sed fortuna, cujus ordo est cuncta confundere, suæ dentur curæ etiam cum prope disposita videantur, hæc quoque forent consilia juvenum tecta, manu volvens ab insidiis subito Regem saluum fecit; nam *Francischinus* de colloquio rediens, priusquam genitori, quæ gesserat cum novo comite, nunciaret, adeo læto vultu ambigua, & quæ notabantur verba jaciens aperuit se, ut non modo comitum, verum etiam famulorum inferior turba domus concordiam Principum utriusque factionis non solum in Aulaeius prædicet, sed variis sermonibus cunctos Urbis vicos replet. *Galeaz* vero cuncta simulare, & dissimulare doctior, quippe moribus, & ætate perfectior nullum inde suis nec linguâ, nec vultu notabile signum dedit. Quod ubi percepit *Guido*, nato quæ cum *Galeaz* tractaverat in colloquio sibi referenti sæpius dixisse ferunt: Solertior in colloquio, ac rerum peritior tecum fuit, plus te sciet.

CAP. XXIII.

54

Interim consensu Principum utriusque partis plerique obsidum Regem adeunt, seque affinant, nec non ceteros collectos æquo animo secum iter facere, dum communi ære digna stipendia dentur, idque solum hortari cœperunt, ne suis stipendiis contra jus, & æquum secum militare cogantur. At id quod requirebant nec jure negari, nec facile obtineri posse sciebant, nam nec Rex stipendia sibi conferre volebat, nec populus contributionibus fatigatus, ac pene exhaustus, ea, nisi cogere, de communi tribui minime consentiret. Attamen insidias, ut puto, non perpendens Rex: Justa, inquit, petitis; verum per Communem vestrum id fieri volumus, atque illico *Nicolaum* Vicarium suum vocans, negotium illud committit sibi, qui vocato Senatu, quod Consilium generale dicitur, rem prout erat exponens executionem habere postulat. Verum sive Senatorum avaritia, quibus grave stipendium id videbatur, sive suæ factionis principe quisque corruptus foret, id frustra petitus est, quod ægre nimium tulit Rex, sed multo ægrius, quia à mane usque ad octavam inde nullum in Senatu responsum datum est. Nam *Nicolaus* perditis in Senatu prius multis in orando verbis, ne Domino suo illuderet, dum res Communis agitur abnegando responsum, de Senatu abiens ad Regem adiit, cui Mutum Senatum, inquit, sedentem in Palatio clausum teneo. Deinde exposita, prout erat, re dixisse ferunt: Jube Domine captivos esse, qui sui Principis comites esse nolunt. Jam utriusque factionis Principes, non te auctore, verum inscio, concordēs quid subditus Domino teneatur nesciunt, quinimo in tuæ majestatis potentiam sæviunt. Sensisti *Galeaz*, & *Francischinum* ad colloquia convenisse, quorum consilia non scire licet; quæ igitur conspirationis signa, aut argumenta quærenda sunt? Quid ingratae Urbis tuo damno pacem quæris? Hi, vides, stolidi cives sunt, numquam integra civitate Principem habere volunt. Eorum libertas, atque vita in tua manu sita est. Retineri, atque illico dum siveris, gladiis dari possunt, qui Principes seditionis sunt. Nonne evidenter patet malignantium pravum opus, qui undique criminandæ Majestatis tuæ occasionem quærunt? Ad hæc

non degener, sed alto, ac tanto Principe dignum responsum dedit Rex: Non suspicionis arbitrio, 55 *Nicolae*, judicandum est, non omni spiritu credendum est. Non temere, ne poeniteat, quicquam agere Regem decet. Nec dubitamus, bona fide procedis, sed & nos exploratores per Urbis angulos, atque vicos misimus. Referendarios habemus. Pauci infimæ plebis, qui *Turrianas* domos colunt, de conspiratione loquuntur, ceteri illius rei ignotos sese faciunt. In nobilium parte, quæ *Matthæum* amicum nostrum sequitur, minime suspicionis signa videmus. Alia certiora tuis argumenta in tanto negotio quærenda sunt. Vade, cunctosque licenties. Jejuni sunt. Nemo in Senatu retentus sit. Liberi abeant quisque domum. Utriusque Civis fides brevi nota erit nobis, & separabitur à bono pravus.

CAP. XXIV.

HAc igitur benignitate Regis nulla ad propositum responsione facta, de palatio stolta, & inconsulta discedit turba, ipsamet taciturnitate sese vendens. Inde, ut fit, pluribus ignorantibus casum sub damno crevit temeritas, & audacia; nam paulo post, priusquam ipsius hebdomadæ foret finis, subditâ armandi militis ex industria captâ causâ, magna *Teutonum* turba in *Brollo Mediolani* in armis, & equis fuit, simulans, ut fertur, nescio quem miserum, suisque meritis dignum iudicio ignis duci. Hoc autem non temere, imo consulte actum est, ut hi velut firma acies ceteris Urbem discurrentibus subsidio pro castris forent. Deinde ad arma discurrere ceteros Regis milites subito per hospitia nunciatum est. Verum in ipso primo tumultu destinantur nuncii Regis armati in equis, qui per Urbem Domos Principum, & Magnorum Civium visitent, haud temere explorantes, qui Civium in armis sint, quive publice, quive occulte arma parent. Hi primum *Matthæi*, deinde *Guidonis* Domum visitant; Verum priusquam *Matthæi* Domum propinquassent, hoc sibi nunciato, *Ludovicum* Vicecomitem cum aliquot juvenibus, qui invito, ac inhibente *Matthæo* paratis in Curia equis arma sumserant, in secreta ædium cum equis claudit, & ipse cum paucis in vacua sede porticus togatus ejus rei ignotum sese gerens, ubi per patentes porticus in spatiosam Curiam exploratores Regis intrantes vidit, velut interruptis circumstantium sermonibus sedato vultu eos quieta sede surgens recepit, vinum afferri clamitans, velut ignarus, 56 quid visitent, quæritentve, rogat. Qui ubi insidiarum, ac machinamenti nullum signum vident, oculorum potius quam aurium opinioni stantes, *Matthæum*, & complices ejus insontes vocant, atque illico citatis equis ad *Turrianas* Domos ruunt, ubi tumultu, atque armis omnia plena reperiunt. Attamen nondum frequentes suæ factionis turmæ convenerant; nam hoc ipso falluntur perniciose nimium *Turrianæ* partis duces, qui non eam diem, sed posteram, ut dicitur, ordinaverant ad tumultum. Verum tamen, ut subita poscebat res, nihil impigre actum est; nam cognito primi tumultus motu per primos cursus *Teutonum* illi, quos ego in foro promptos lingua videram de primorum juvenum, & *Galeaz*, & *Franciscini* conspiratione loquentes, discurrere Urbis vicos visi, illico ad arma suscitant vicinos suos, & quos possunt subdolis, & fictis verbis ad *Turrianas* partes mittunt, dicentes: patine vultis ulterius injurias *Teutonum*, quos Duces nostri, qui unum facti sunt, amplius pati nolunt? Apparebant etiam *Guelphicæ* factionis nuncii, ut instructi erant, falso jurantes, se *Galeaz* Vicecomitem, & *Franciscinum* de la Torre nunc nunc vidisse armatos in *Turria-*

A *nis Vastis*, ipsosque datâ, acceptâque osculo pacis fide in *Teutonès* una armis ruerè. Hæc narrantes dicebant, deinde: quid agitur? non verbis, sed factis optis est: ad arma ad arma, deleantur barbari: concordia civium facta est. Pauci neutrius factionis communem patriæ statum affectantes, decepti secum vadunt, at plerique de parte Nobilium hæsitantes, quid novum audiant, mirantur. Concordia Civium admodum grata est nobis, inquit; sed hæc nobis novares est. Deinde, ut fit, sedato aliquantulum animo secum inquit: Nonne hi qui subito pacem nobis nunciant, satellites, ac sequaces *Turrianæ* Domus sunt? Non sunt primi factionis suæ? & nos sequaces sumus? Cur non & nos hæc novimus? Nemo partis nostræ horum concordiam Ducum nunciat. Itaque de parte Nobilium rari sunt, qui tumultum adeant, cum eam rem in *Turrianis Vastis* armis geri sentiant, sed quisque viciniam suam armatus tenet. Verum misera vicinia *Brayde Quercii* nunc intra fines *Portæ novæ* sita, seu quia *Vastis* affinis, seu nimium studiosa *Turrianæ* partis foret, vicinos suos temere ad tumultum misit. A ceteris etiam ipsius *Portæ* vicis subito raptis armis ruitur in latissimis *Vastis*, quorum pauci sine vulnere redierunt domum.

CAP. XXV.

57

ERant eo tempore in nobili familia de *Petra Sancta* non plures, quam duo, qui *Turrianæ* partis studia sequerentur, *Rizardus* scilicet, & *Philippus* fratres. Cetera totius stirpis multitudo partem Nobilium secuta fuerat ab antiquo, & nunc eandem in *Gibellinum* nomen mutatam ceteri sequebantur, etiam *Franciscus*, & *Guido* ipsorum *Rizardi*, & *Philippi* ex alia matre fratres. Nam *Bonacosa* plebei divitis quondam *Zarri de Surlaqua* nata *Zarini* fratris successionem superba, qui captus in conflictu, quo *Casso de la Torre* cecidit, in carcere morbo sumto sine liberis vita functus hanc germanam suam sui æris divitem fecerat. Horum *Rizardi*, & *Philippi* mater erat. Hæc germanam uterinam solum nobiliori domo natam habuerat, utpote de stirpe antiqua de *Rhaude*, quæ quia utroque parente nobilis, ut sola genitoris hæres, *Napoleonis* nurus, utpote filio ejus *Muschæ* uxor accepta est. Inde *Castonus* nunc Archiepiscopus, & ceteri fratres ejus, quorum mentio facta est, nati sunt. Hi post mortem matris, quæ decessit exul, in patriam reducti nescio quo pacto quave ratione, eos *Rizardum*, & *Philippum* non modo ad dilectionem sui, domusque suæ, verum etiam ad ardentia *Turrianæ* factionis studia mirabiliter attraxere, cunctis agnatis, fratribusque suis veteris Nobilium partis consilia sequentibus more patrum. Hos *Rizardum*, & *Philippum* novam, pestiferamque sibi partem sequi plerique ab imperiosa matre coactos esse ferunt. Quid carius possideri, aut possidendum intolerabilius expectari potest, quam divitis mulieris census, quem ea superstitite numquam pacifice possidebis? *Rizardus* præclaræ formæ juvenis multæ virtutis dote florens, quæ juvenili ætate semper gratior fuit, multum vicinis suis, ac Civibus amabatur. Hic etiam, quorum juventute mirabilis Rector, ac Potestas fuerat, *Florentinis*, *Senensibus*, *Lucanis*, *Pergamensibus* ad modum gratus fuerat, ubique magnifice se se gerens celebre nomen fecerat. Ipsos itaque *Rizardum*, & *Philippum* plerique ex agnatis, ac vicinis suis creduli nimium, civili nunciata concordia, armati contra *Teutonos* usque ad *Turrianam Vastam* secuti sunt. Verum ubi ibidem nullam biveram, nullaque *Gibellina* signa vident, *Bellinus*, & *Colombinus de Petrasanta* illico se deceptos vocant, ac primi flexis frænis redeunt domum; Idem ceteri *Gibellinæ* factionis fecerunt.

CUm igitur de cunctis partibus *Portæ novæ* il-
luc tumultuose curritur, *Zonfredus de la Tur-*
re, cui cujufvis quærentis in Urbe dominatum sem-
per displicuit ambitio, clamore audito excussus,
quo dormiebat, aut aliquantulum alteratus quiescebat
lecto, ad speculam sese trahit, quanta voce potuit
clamitans: Heu quid vos hic coitis infani? Hinc
abite, nec tardetis, abite. Quæ temere sumistis
arma deponite, quibus vestra urgente infania,
heu, non modo vestram, quinimo meam, cuncto-
rumque una Civium necem quæritis. Hæc ita
frustra vociferante *Zonfredo*, dumque instantis pa-
vore mali, injustique doloris angustia stimulante,
totum se dilacerat, & e specula prospicit *Teutonos*
rapido venientes ausu.

CAP. XXVII.

Ioannes de la Calcea, quem supra memoravi,
deinde *Henricus de Flandria* Marescalcus Regis,
primi ad tumultum magna Equitum manu ve-
niunt, & porticum, nec non plateam *S. Fidelis*
celeri cursu transeunt; Verum in ipso *Vastorum*
aditu capientes campum, sistunt gradum, ibique
in adversa *Vastorum* parte frequentibus conspectis
hostibus in agmine sese cogunt, dum utrinque su-
bita venientium expectant subsidia. Ex *Teutonis*
pauci cum balistis tensis, sive suamet, sive suo-
rum licentia Ducum in medium prodeunt adversus
hostium sagittantes globum. Ut sit in frequenti
agmine sæpe paucis sagittantibus subitus pavor una
omnes turbat. Itaque *Turriani* modicum volatilis
ferri periculum vitare volentes in extremam bel-
licæ cladis sortem ruunt. Nam dum ex aperto, ac
nimium patenti sagittis loco post templum *S. Be-*
nediti sinistro lateri proximum reducere sese vo-
lunt, ubi undique suceurrentes expectare tutius
visum est, *Teutoni* fugere eos rati, citatis equis,
ac nudatis ensibus nudatum clypeis incurfant dex-
trum latus hostium, eosque turbant, & subito in
veram fugam vertunt. Ibi magna peditum strages
fuit. *Franciscinus*, & *Simoninus Guidonis* filii suæ
salutis magis, quam languentis in lecto patris me-
mores, de tumultu, cujus auctores fuerant, cita-
tis equis cum paucis sese subtrahunt, & per *Bray-*
dum Guertzii, ubi phalerati vectoris sui pendentia
referat, atque jacet sua quisque picta terga bovis
inutile onus fugæ, per *Pusterlam S. Marci* Urbe
exeunt, & montis *Orphani* fessis equis tutam arcem
petunt, ac ceteri equites qua quisque venerat, aut
qua liberior, paratiorque fuga visa est, citatis equis
tendunt. Plures tamen equitum, in quorum nu-
mero fuit de *Bernadigio Ottonis* filius nu-
per ex adversa factione *Turrianus* factus, in con-
flictu cæsi sunt. *Rizardus* etiam, & *Philippus*
fratres de *Petrasanta* dum ingruentium impetum
frustra sustinere conantur, tarde memores fugæ
fuisse videntur; nam *Philippus* equo stratus semi-
vividus diu inter cadavera plebis spoliatus armis,
atque nudus jacuit duro solo. *Rizardus* inde tar-
dior ab instantium furioso impetu utcumque sub-
tractus, relicto equo hostibus, pedes in *Guidonis*
Domum evasit, tutior factus clausa porta, deinde
invalidi *Guidonis* lectum petit, cui haud modicum
opportunos venit, nuncians sibi miserrimum casum
suum. Hinc prorsus, inquit, abeundum est, Ho-
sticus furor post tuorum terga gladio ruit. Non
plura inquiens invalidum e lecto tollit, quem tran-
sacto vicino muro per hortalia Monasterii *Horoni*
in Monialium interiora Domus secum defert, ubi
Guido nec se nimia vicinitate tutum putat; imo
inde per multorum posteriora sediminum in Do-

A mum Fratris *Jacobi de Bechaloe* Religiosi militis
B. Virginis gloriosæ translatus est, quæ Domus
distantia loci quærentibus ipsum minus suspecta
erat. Tarda peditum turba latius cæditur, & com-
mune Urbis crimen luit.

CAP. XXVIII.

At *Matthæum* celeri, atque utili consilio usum
in tanto rerum turbine multo spe felicior for-
tuna secuta est. Nam primo armorum fremitu,
primisque horrifonis civium vocibus ad arma cla-
mantium auditis, non Solitæ calliditatis oblitus,
Galeaz primogenito suo, ne arma capiat mandans,
B per posteriora Domus in propinquum Episcopi
Tridentini hospitium, qui tunc erat Regis Can-
cellarius, propere paucis comitantibus inermis ten-
dit, cui: Ad Regem quæso, inquit, mecum ve-
nies, ad cujus nutum vivere, atque mori paratus
sum; nam sine te furibundos insultus eorum, qui
vota mea nesciunt, timens, nunc meum Dominum
non accedo. Itaque comite Cancellario *Matthæus*
per frequentem turbam *Teutonum*, trepidam tunc
custodiam Regis ad ipsum Regem togatus venit,
quo habitu reddita spe, cuncti undique gratulan-
tes *Matthæum* fidelem amicum vocant.

CAP. XXIX.

At ubi Rex *Matthæum* vidit, quem in se con-
spirasse acceperat assertionem multorum, ejus
præsentia lætatus, cujus horrebat absentiam, *Mat-*
thæe, inquit, ubinam *Galeaz* filius tuus, quem
quidem infestum nobis dicunt; Et tu hælisti in
fide titubans, sed fortius obloquitur contra te vul-
gus, nam conspirasse diceris in Dominum, & re-
conciliatorem tuum, communicando consilia cum
his, quos nobis infestos fecimus causa tui. Cur
tam tardus huc venisti? Nonne dudum armorum
fremitus totam Urbem movit? At ille: Summe
Regum, inquit, tua clementia sum quod sum, &
qui me sequetur erit tecum, quibus quodcumque
jusseris non exequi nefas est. Quod potui, audito
tumultu, ut ocius huc accederem tutus fui; sed
ne tuis gentibus nescientibus vota Civium ad te
veniens insultarer, vicinum hospitium Cancellarii
prius per posteriora Domus accessi, obsecrans at-
que instans sibi, ut se comitem ad vos mihi tu-
tum iter faceret, quippe præsens audit, & inno-
cuæ veram causam moræ novit. At Cancellarius
benigne suscipiens amici causam, eum ab initio
novitatis ad se fuisse asserit, & opportunam, at-
que creditam dilationis causam dicit utpote Principis
moram. Interim *Galeaz* contra mandatum patris
arma capiens, ac proximos sequaces suos ad arma
provocans cum magna turba ad nobilem Plateam de
la *Pescina* sese tulit; ea namque ceteris partibus Ur-
bis plenior *Gibellinis*, ac etiam armis & equis opu-
lentior semper fuit, ibique frequentibus turmis se-
quaces partis Nobilium portæ *Ticinensis* propere glo-
merantur in unum, quid primum agant ignari;
nam stolidus furor *Teutonum* paucis placet, quibus
velut a natura evenit amicitias suis pravis moribus,
ubique præcipue per *Italiam* confundere, cujus
contratæ incolas suo damno nimium spernunt,
quod vacationis Imperii per tot tempora maximam,
imo solam causam puto: heu quod antiqua, & si-
da Imperialis aulæ hospitia pravus ordo *Germani-*
cus a se pellit culpa sui. Cum itaque de cunctis
partibus portarum *Vercellinæ*, & *Ticinensis* ad *Vi-*
perina signa concurritur, dumque jam ibi frequen-
ti agmine facto *Galeaz*, & qui secum erant, ver-
sus propinquum vicum, quem vulgo *Curiam Du-*
cis dicimus, frontem darent, ibi sollicitam *Germa-*

norum turbam vident, quippe quoscumque in armis cives timent. Tunc *Boschinus Mantegacius* nuper beneficio Regis de exule factus civis, ut paventium animos *Germanorum* firmet, de suorum agmine (nullo, quod eum compositorem, aut nuncium esse significet, signo dato) ad eos solus tendit. Contra quem iratus *Teutonus* hostiliter eum accedere ratus, nudo ense sponte venit. Verum *Boschinus* illico de vertice galeam tollens civiliter, ac blando vultu ad eum tendens, se suum probat amicum: deinde secum ad sociorum turbas pergit, quos omnes per paratos interpretes illico securos, & multum lætos fecit docens, *Galeaz Matthæi* filium, cunctos etiam, quos armatos vident, Regi fideles fore: cujus beneficio cuncti cum familiis nostris, inquit, olim dispersi in dulcem patriam reducti sumus. Sinite, volumus, atque parati in armis sumus, vobis, atque nobis, & nostris rebus dare subsidium. Itaque his actis illico *Galeaz*, & qui cum eo convenerant, congratulantur. Reddita sibi mente *Teutoni*, & junctis fide dextris uno agmine una equitant per amplam stratam *S. Thomæ* usque ad latum vicum *veteris pontis portæ Cumanæ*. Anteibat *Galeaz* cum Episcopo illius agminis *Germano* duce. Cui, quidnam, inquit *Galeaz*, nobis agendum est, dicite. At ille: Scitis, inquit, Ducem *Austriæ* cum omni turba ejus, quæ non modica est gentis nostræ, non intra urbis mœnia, verum etiam extra urbis muros juxta Cœnobium *S. Simpliciani* portæ *Cumanæ* foris hospitio fore. Hi clausis foribus ad nos introire, ac nobis subsidio esse nequeunt. Tunc * *Guelforum* circumstantium vis *pontis veteris* amplum locum occupat, ibidem relictis peditibus *Cresone Crivello*, cujus *Turrianæ* nurus vinculum *Johanni* filio ejus nupta nunquam sedavit animum, quippe nimis insidet alta mente cæsi patris injuria prope ripam *Guasæ*. *Galeaz* ad portam *Cumanam* tendit, & pandita porta quingentos præfati Ducis *Austriæ* equites introducit. Qui urbem intrarunt, dominum suum solum quærunt: ipsum, suamque salutem, aut discrimen illico scire volunt. Hic enim Dux primus puer paulo ante tumultus initium paucis comitatus alumnis, quibus eum genitrix mandarat alendum in armis, visitans hospitium Regis, & inde rediens (heu miseræ genitrici) pæne a crudeli fato innocens puer ereptus est: nam juxta communem porticum *S. Marcellini* temere volat lancea, inerme pueri crudeliter latus petens. Sed fidelis bailus, velut subito facto amens, ocius occurrens inermis, & ipse prono corpore nimium sævum capit telum. O præclara, & utilis modo fides! O grata Deo virtus! Qui fideliter protexit Dominum suum, a Domino cuncta merito cernente servatus est, cujus fortis manus venientem hastam torquens per summa vestimentorum fidelis militis, omnem periculosi corporis locum vitans, innocens rexit ferrum. Pluribus itaque, qui viderant, asserentibus salvum Ducem, una omnes læti ad *veteris pontis* locum veniunt. Ibi *Creso Crivellus* antiquis, & novis offensionibus, & injuriis turbidus, ac patriæ cædis non immemor, quem *Turrianus* gladius percusserrat ad flumen *Guasæ*, multis referentibus, confusus *Guelphos*, atque *Turrianos Vastis* victos fore, percipit. Quod *Galeaz* & *Teutonis* secum redeuntibus nunciat, alta voce vociferans, delendam ubique per Urbem *Ghelficam* gentem censco. Cujus vocem laudant *Teutoni*, ac nudos ostentantes gladios, finite, inquit, his gladiis utiliter rem vestram geri; ut securi in urbe semper sitis, provideatis semel vobis. Tum *Barbarorum* dictum cuncti probant etiam stolidi cives nostri. Solus in ea turba Principum junior *Galeaz*, Dei, atque

A hominum ea die memorem fuisse videtur. Nam primum sermone blando alloquens, *Cresonis* iram mitigat: deinde cunctis audientibus: locus, inquit, certaminis ante omnia visitandus est: ibi quod periculi, atque ambigui est, de medio tollendum, ac seditionis Duces, sicubi reperiantur, gladio puniendos puto. Omni itaque agmine ad *Turrianam Vastam* ruitur: ibi ex *Turrianis* sequacibus plerisque cæsis, ac rubicundo solo stratis, per fugam cæteros evasisse, reperiunt, per plenas Domos *Teutonis* prædam quærentibus plusquam cædem. Spoliabantur non modo *Guidonis* agnatorum, atque sequacium ejus, verum etiam innocentium vicinæ nimium miseris *Turrianis* domus juxta *Turrianam Vastam*. Miserum certaminis locum habitabat dives, & popularis familia de *Segazonibus*, qui conductores, ac studiosi *Gallicæ*, & *Britannicæ* lænæ erant negotiatores. Horum domos adductis de *Gallia*, aut permutata læna drappis plenas *Teutonum* manus occupat vi, & violatis famulis cunctas domos: capiunt claves, & qui intus sunt jure belli sua esse volunt: nec ullo *Galeazii* dicto, aut facto illius boni civis pacificam innocentis familiæ domum testantis inde Prædo barbarus educi voluit, nocentibus innocuo rebus suis, aut qui secum erant, aliorumve bonorum civium de horum popularium domo minime bellicosa, omnique causa seditionis ignara, divitiis ac rebus suis sibi nocentibus, deduci valere hi prædones barbari: imo pluribus diebus non modico rerum damno claves domus tenuit Prædo, donec continuo crescere sua damna videns tam pacificus civis noster auro redimeret, quæ remanserant in domo sua utpote reliquias prædæ.

Erat tunc *Mediolani Paganus de la Turre* Episcopus *Paduanus* innocentis *Zonfredi* frater, qui primi tumultus vocibus stupefactus, illico apicem, & baculum pastorem sumens in Ecclesiastici Pastoris habitu ante germani sui portas ædium verendus stetit, aliquot pie circumstantibus pacificis *Gibellinis*, cui sacræ Religionis, & circumstantium reverentia vix sua* vita, boni fratris domo penitus spoliata. Interea *Matthæus* consensu Regis tumultus loca visitans, tollendi injurias, ac sedandi prædas gratia, domum dilecti civis Fratris *Jacobi de Beccaloe* Virginis Gloriosæ militis petit, ignarus, quid ibi latitet. Ubi nunc divitis *Guidonis* superbia, qui patria urbe vivere æquo jure nesciens, nunc dum plebeji civis domi latitans volantium stridorem avium timet, *Matthæi* Vicecomitis famulis pulstantibus, stridentes domus fores sentit; ad quas currit ille sedulus, & fidelis Frater *Jacobus*, nullius servi domus fidens: qui patefactis portis *Matthæum* licet amicum videns, non pro se, sed pro deposito præsentiam ejus timuit, ac tantum utcumque timore presso, fatis claro vultu, inquit: Quid vultis, quidve quæritis a domo vestra? At ille: nihil nisi, ut domus, & quæ in ea sunt, dum possumus, secura sint. Deinde paratos in armis famulos ostentans offert, quos secum teneat præsidii causâ domus. Cui ille inquit: Nec præsidium vestrum repudio, nam scio præsto erit, nec dubito, si necesse erit. Verum illico vestra opera sedabitur (existimo) furor iste, & omnis innocens civis securus erit. Ite, nullum discrimen cunctos defendentibus cives vestros, & bonum vobis fuit, erit. Etenim verbum illud subitum, ac cunctis notandum civibus, si animus nobis foret ratus. Nam tunc primum hæc prospera in tam periculoso rerum discrimine, aspirante fortuna. *Teutonus* furor effrænis factus, exultat nimis, & licentius in quolibet cives sævire cœpit. Itaque non modo eorum, qui arma sumpserant contra

tra Regem, spoliantur domus, verum etiam innocentum, & imo eorum quorum studium *Turrian* nominis, ac suæ factionis extiterat odiosum. Hujus rei non modica causa fuit pestifer invidiæ morbus inter cives tunc nimium perdita caritate laborans: nam ob prava, quæ diutius in urbe fuerant, partium studia multis veteribus, ac novis offensionibus, & injuriis multorum, ut sit, mutuo datis, apto (ut sibi visum est) tempore suscitantur odia; inde neque verso pollice multorum Barbaris signantur domus. Hæc adeo crevit pestis, ut plerique, qui ad suorum civium spolia causam dederant, suscitatis deinde in eos prædonibus spoliarentur. Sic sæpe digna meritis præmia mortalibus reddit Deus. O vilissimi vilium cives, quos canina nimium rabies vexat. Saltem vos moveant ridiculi prædonum risus. Ridet *Teutonus*, & omnis Barbarus amentia vestra, qua utitur, gaudens. Offendere, non tegere potestis vicinos vestros: non *Matthæi*, & qui injuriam ægre ferunt, opera tollitur illa pestis: quippe cum se opponere *Teuton* non audeant, protectione parum profunt. Utrum instantia, qua possunt, ad Regem, & ejus Principes, atque humili intercessione proficiunt. Quippe nec ipse *Matthæus*, qui præ ceteris erat civibus, ac *Gibellinæ* partis primus, se in urbe tenere nequit, & innocens vivere domi suæ. Nam post paucos dies *Matthæus* in *Astam*, *Galeaz* filius ejus *Tarvisum* jussu Regis in exilium pergunt. Verum sibi plurimum nocuit invidia, atque plurimorum pavor: nam Magnatibus *Gibellinis* ejus

217 crescens potentia aut odiosa nimis fuit, aut pavoris causa. Nam plerique eorum olim cum ipso *Matthæo* magna vi regnante militantes, facta in castris conspiratione cum hostibus iuxta *Melium*, adeo procuraverant casum ejus, ut eorum opera sub specie tractandæ pacis in manus *Alberti Scotti* (quem Comes *Philippo de Langusco*, & *Antonius de Frixiraga* contra eum incitaverant) traditus ex Domino urbis suæ, ac magna partis *Liguriæ*, factus sit exul usque ad hujus Regis adventum. Reliqui vero dum mente recolligunt, & examinant regnantium morem, specialiter in urbe nostra, ne ejus potentia libertatem civium occupet, timent. Sed brevi tempore operosi cura *Francisci de Garbagnate*, omni suspitione Regis prorsus dempta, cum maxima, ac solerti sollicitudine, uterque in patriam, ac Regis gratiam revocatus est. Nam plerique eorum, qui *Matthæum* ambitionis vitio accusaverant, apud Regem nec sua vitia occultare valuerunt, quin ipsius *Francisci* opera, atque iudicio Rex perpenderet, eos etiam neglecto Reipublicæ ac communis boni studio, pro se quemquam, ac pro sua magnitudine laborare. Quo fit, ut ubi sic vivitur, quod vitio civium commune bonum propriæ utilitati postponitur, potentiores, qui etiam præ cæteris vicinis suis molestius servitutis jugum ferunt, tyrannicum imperium in urbe provocent. Nam dum impune more suo proximos inferiores premunt, humiles populares etiam invitos ad creandum Dominum ex primoribus urbis cogunt, de quo licet, ut sit, simulent, non confidunt, ut saltem pravorum civium injuriis sub quoque regimine vivant tuti, unicum potius, quam plures, volentes Dominum.

At *Matthæus* per literas Regis exilii liber factus in patriam rediens *Papiam* venit, quo visendi gratia antiqua Imperialis urbis mœnia venisse Regem senserat: ibique benigno Regis vultu receptus sperare coepit intentum suum. Nam cum discum-

218 beret ante Regis faciem, oblato sibi primo Regis ferculo, puer *Lupoldus Austriæ* Dux (in quo *Matthæus* magnam spem præsidii gerebat) signum, inquit alta voce clamitans, *Matthæe*, tibi maturæ promotionis nuncio. Quid hic moror? quid

A amplius super his hoc loco differendum est, nisi quod puer iste, ut apparebit inferius, veridicus, & verus vates fuit? Ad alia tanseundum est, ut hæc aptius nobis occurrant.

Interim fama volax pulsi *Guidonis* nuncia undique variis rumoribus per *Italiam* sparsa multos mortalium sollicitos, ac nimium pavoris plenos fecit, quorum plerique varia intentione rebelles fiunt Regi. Verum illa nova seditio (pessima res) non modo Regi, imo etiam cunctis ejus subditis prius tres *Ligurum*, ac proximas urbes nobis monuit, *Laudam* scilicet, *Cremonam*, & *Brixiam*. Sed astu callidi *Antonii de Frixiraga*, qui de cœtu Consilii Regii *Laudam* armatus fugerat, ille prius scrutata annona, nec non per *Laudensiam* horrea modico bladi reperto, consilium rebellionis temere sumptum ponit, & Comitum spe, ejus literis, ac nunciis, & sub fide data fretus *Mediolanum* veniens præfatæ *Laudensis* urbis claves ad pedes Regis prostratus offert: & non reverentia, neque cupidine pacis motus, sed urbem ad longæ stationis obsidionem minime dispositam, atque paratam sentiens dixit: peccavi, fateor, Domine, miserere mei; urbis dominium cape. Idem *Bassanus* ejus frater, & *Antonius de P'Acqua*, & quamplures, quos majoris fidei causa secum *Lauda* duxerat, supplici voce ferunt. At Rex indignatus nullam faciem, aut vocem miseris supplicantibus dedit. Tunc Comes *Sabaudie* non miserorum causam deserens, ubi *Italiæ* fines tetigit Rex, seu quæstu, ut sit, seu conscientia, consilioque Regis per industriam (hic *Guelfico* semper favit) ad Reginæ Cameram post Regem tendit, *Antonium de Frixiraga* quasi pavore perditum secum trahens. At ubi clemens Regina signo per Comitem cognatum suum dato *An-* 219 *tonium* vultu confusum vidit, benigno mota spiritu, ac miseris compatiens suo more, inquit Viro: Domine mi, miserere quæso revertentis amici, & cunctis mortalibus certum spei signum dabis. Tunc sumpto animo venales preces reparat, ac spe..... opportunus, infestusque nimium *Gibellinis* Comes. Hinc utriusque non una intentione rogantis prece victus Rex, inquit: *Antoni*, tota *Ligurum* in te fallit opinio, dum te partialibus studiis deditum, obstinatumque perverso vocabulo contumacem vocant. Deplorabimus item fidem tuam: attende, si quam hic tam libera voce dedis, atque paratam, apertamque nobis asseris, Civitas de facto detur nobis, non salvus modo, verum etiam in aula nostra electus eris: quod si aliter, certe pro meritis dignam poenam dabis. Deinde *Henricum de Flandria* Marefcalcum ad se vocari jussit, cui cuncta prius docto negotium dat, commendans sibi *Antonium de P'Acqua*, & *Bassanum de Frixiraga*, qui una secum veniant, ac dum pateant *Laudensis* urbis aditus, obsides sint. Itaque cum magno equitatu ad urbem *Laudensem* properans haud longe a portis *Henricus* sistit iter suum, unde portas clausas, muros armatis viris plenos sentit. Tunc electa arbore, qua illico miseri pendeant vades exutis superioris togæ vestibus, festinate, inquit, vadibus, nuncium bonum, & fidum nobis mittite, cui, si qua vobis est in urbe fides, detur qui nunciet, vos, atque alterum

F *Antonium*, & qui cum eo *Mediolani* in aula Regis sunt, ni vestræ urbis mœnia illico patefiant, passuros horridæ mortis casum, nuncientque, *Laudensem* agrum incendio futurum. Nec plura inquit, jam ad famulos versus, injice Lictor amborum laqueum collo. At *Antonius de P'Acqua* in tam arcto, atque extremo casu nec sui immemor, nec desertor fuit, inquit: Marefcale, non hac intrabis urbem via: opinione sua fallitur, quicum-

220 que putat intentum Regis exequi morte nostra. Non sic panditur ulla vobis porta: quin imo cuncti civium animi claudentur vobis, cum senserint casum

casum nostrum, & spe salutis seposita, priusquam de deditione loquantur, cuncta extrema pati volent; armatos etenim per muros cives cernitis: eos non aspera, & furiosa crudelitas, sed magnanima clementia revocabit ab armis. Credite, inquit, mihi, licet miseris minima fides detur: nullo præter me nuncio in hæc parte opus est: profecto sine me mittitur quilibet alius frustra. Ego autem solus (quisquis fortunæ casus ferat, utcumque respondeant cives) in potestatem vestram rediturus (placeat modo) vadam explere mandatum, ac voluntatem Regis queo. His itaque, quæ veri similitudinem continebant, dictis, data fide, dimissus prope, in urbem *Antonius* venit: cunctos cives incursans, amplexansque, plerisque spem vultu simulans, bonam Regis voluntatem nunciat, cunctosque uno, ac generali sermone lætificans, eis sperandi causam dabat: alios utpote domesticos, & familiares lacrymans, suum, & suorum extremum casum docet. Tandem cunctis familiaribus, proximis, & amicis precibus oneratus, ac sua cuique data cura, in jam frequentis Senatus pavidam turbam vadit, ibique huiusmodi verba habuisse dicitur. Post pestiferum, inquit, Cives, quibus cuncta scire licet, *Guidonis de la Torre*, & filiorum suorum casum, quos, si vera fateri volumus, non Rex, sed sua temeritas expulit urbe sua, temere rebellionis arma sumimus contra Regem, more catuli a longe latrantis ad aprum, quem solo sentit odore, & venientem expectare non audet. Deinde post tam stolidam audaciam vestram tarde, & forte frustra, nisi invenissetis amicos quærentes consilium rebus vestris, examinare voluistis, quid intra mœnia victus erat, & aliarum rerum, quæ hostem in statione mirantem timere minime patiuntur, quarum rerum modicum invenistis, quo territi ad iratum nobis Regem nos nuncios destinastis purgandi criminis causa. Periculum caute indignationis maximo cum pavore subivimus, & amici nostri Comitibus *Sabaudie* comitiva freti iratum Regis vultum vidimus, & una cum tanto intercessore veniam orantes, frustra irato Principi obtulimus urbem, & urbis iura. Ille præsentia nostra offensus, imo eo loco pulsus indignationem augens, torvo vultu vadit immurmurans sæva nobis. Itaque dum in tanto, & tam tristi discrimine laboramus, & dum quisque nostrum sese reputat in extremo vitæ situm, fortuna, quæ nec semper miseros linoit, paulum aspirans nobis, ad Reginæ cameram dirigit gressus Regis, quo per amicum nobis Comitem introducti, iterum miseriarum, ac lacrymarum pleni fundimur ante pedes Regis, ubi dum more suo pro nobis spargit preces Comes, Regina clemens, & semper pia, miseros sedula prece suscepit, & relevat miseram, ac prope perditam causam nostram. Attamen Rex primum gravia, & nimium horrenda nobis verba jactat, & velut nobis increpans, sed fortius *Antonio de Fixiraga* inconstantie crimen imputat. Deinde serenus, ac subito placidior vultu factus, moneo vos, inquit, debitæ fidei memores, ac deinceps commodo vestro constantes sitis; deinde dum promissæ fidei idem semper sumus, multa promissit nobis bona; & contra multa minatus est nobis; verum multo fortius *Antonio de Fixiraga*, cui; Experiemur, inquit, fidem tuam: ni urbem promissam nobis dederint cives, tuique complices, nostræ genti, quam hic a longe nobis deditam, & paratam nobis asseris, pro meritis poenas dignas dabis. Verum si dedita nobis Civitas in te adhuc fidem sperari dederit, non modo salvus, verum etiam in aula electus eris. Interea *Henricus Mariscalcus* ad se vocatus venit, cui *Bassanum de Fixiraga*, 221 meque secum custodiendos tradidit. His tecum vadibus, inquit, accedas urbem *Laudæ*, & si quid

A rebellionis invenies, fac ambo pendeant laqueo in conspectu rebellium prope portas, deinde captis, cæsisque colonis *Laudensem* agrum undique incendio ponas; quid de hoc *Antonio*, & reliquis proditoribus fiat, per huius incendii signum significans nobis statim. Itaque, Cives, vestram, ac nostram scitis conditionem: igitur si indigna, ac misera vestrorum legatorum mors, quos non Regis, verum sententia vestra necat, nullius vestrum mentes mollit, vos saltem moveat proximus, ac certus casus famis, quæ vobis obsessis jam prima, & subita malorum comes aderit. Esto quod multi jam clarissimi viri, & nos similiter pro populo moriamur, dum hoc sine crimine vestro fieri possit, & saltem dum certa maneat vobis aliqua salutis via, dicite quæso, unde novum apparuit consilium tam salubre vobis, crevitque hac nocte, quæ heri vacua reliquimus, in horreis granum? Redibo, quoniam ita sedet animo vestro, aliis Legatis vestris certus comes necis. Sustinebitisne tristem abeuntis faciem ad tam deforme patibulum more latronis, quod non merui? Sed video, placet vobis peccato vestro peream cum cæteris, quos perdit sola fraus vestra. Credite tamen in extremis mihi, vaticinor moriens: hæc erit vobis post magnam pestem fames præambulum vestræ necis. An creditis, vos veniam meruisse post mortem nostram, si rebellionem vestra moriamur? Nulla causa nostri, nisi forte pro causa simplicitas imputetur nobis. At si vobis incredulis nulla Regiæ promissionis boni restat spes, in ipsius saltem Principis consorte thori sperare licet, cujus benigna vox nos in aula sua liberavit a nimio Regis furore: deinde suaviter nobis jam sua intercessione securis, inquit: Recipite beneficia Regis, quæ, si vultis, vobis parata sunt, nusquam deerit favor noster. Unde nescio emergat amplius vobis timoris causa, neque quicquam mo- 223 lesti inferant milites Regii timendum est. Nam Edictum Regis sciunt, ut omni domo libera, & rebus hospitum salvis, mercato vivant, quippe florenorum *Mediolanensium* pleniad vos veniunt. Exponite per vicus venalia, quibus egent, & implete burfas vestras nummis. Deinde largas fundens lacrymas (post stuporem) ultimum verbum dixit: Delibere, malitis potius cum tanto discrimine vestro mortem nostram, quam vos vestro commodo nobiscum salvos esse? His lacrymis cives victi pandunt *Teutonis* urbis portas. Tum omnes introducuntur extorres, & antiquorum exulum natorum nati, quorum plerique nesciunt domos suas.

E At ubi Rex deditam urbem recepit, exercitum quem contra *Laudenses* edixerat, illico atque instantius pacari iussit, *Cremonensibus*, ac *Brixienfibus* publice hostibus nunciatis, quorum nova defectio exagitat nimium mentem ejus. Itaque iterata præconis voce edicitur in foro iustitium, tabernas clausas, quas stationes vocamus, victualia pacata, atque vehicula intra urbem coram Officialibus ad hoc deputatis præsentari, cunctosque, qui per ætatem arma ferre possunt, equis, & armis illico paratos esse. Tunc tanta ex agris in urbem plaustrorum copia introducta est, ut non modo fora, & alia loca communia, verum Coenobiorum, & aliarum religiosarum domorum spatia plaustris illico plena fiunt. Quippe ad hoc conferunt Burgorum atque Oppidorum Communia, quibus obsequio Regis, quod insolita, atque nova res est, immunitas, & antiqua privilegia nihil profunt, quin vehicularia obsequia, grave semper onus rusticis villarum, præstare cogantur. Verum hoc 61 tempore solito durius, ac maximo cunctorum Burgiensium, Oppidanorum, ac rusticorum damno illud onus fuit; nam *Teutoni* postquam Urbem undique vehiculis plenam vident, non modo militibus ferendi victualis causa, verum ipsa

plaustra pro usu, & obsequio militantium in castris Civium certo ordine distribui more nostro, nec non Ducibus, & prælectis *Germanicæ* gentis dari singuli viam quæstus nacti, undique per Civitatem prædabundi cum bobus plaustra capiunt, neque more solito ullus ordo dari potuit plaustris, quin rusticorum magna pars priusquam rediret exercitus, *Teutonum* violentia perderet boves suos. Quippe nullus timor, aut reverentia eos tenuit, quin verberatis bubulcis, ac maxime eis imposito pavore magnis minis a se retentos boves venderent, aut edendos mactarent.

C A P. XXX.

Itaque celebrato Paschate *Mediolani*, præmisso equitatu magno, ac mercenariis peditibus Rex processit *Laudem*, ubi contra Cives publicos defectionis crimine reos, quin ipsius criminis Auctores nihil sævitum est asperere. Utinam in vos, miserrimi *Cremonenses* eodem crimine noxii, tam clementer Dominus noster agat, ut ceteris timentibus adventum ejus sperandi detur occasio. Verum *Valerianus* frater Regis in ipsa Urbe *Laude*, ignobili, ac vili facto, nec se digno, nimium Regio detraxit honori. Hic ubi hospitium intravit *Jacobi Dardanoni* pacifici hominis, & honesti, non ut hospitem, verum ipsum tractavit ut hostem. Nam illico reperta est Aquila olim Imperiali, ut puto, reverentia in secretis ædium muro picta, laqueo carbone picto turpiter pendens latronis more, vanum ac stolidum opus, ut fertur, famuli *Cremonensium* legatorum *Guelphicæ* partis, qui paulo ante ibidem hospitio fuerant. Hoc garrulus adulator suo nuncians Domino, ac velut sævum, ac periculosum ostendens facinus ille servus nequam: vide, inquit, Domine mi *Guelphici* hospitis nostri perfidiæ magnum signum. Hoc igitur ridiculo crimine apud quemlibet magnanimum ignarus hospes, indigne ac sæpe pertrahitur in obscurum, ac turpem carceris locum, ubi hoc crimine innocens Civis asseritur vitæ reus, demum testantibus vicinis suis ipsum honestum virum, nec more agnatorum suorum umquam studiis deditum, mediantibus quingentis florenis, bonæ famæ viri donatur vita.

62

C A P. XXXI.

Interea cum undique deditæ Urbes, atque Opipida festinatum exercitum *Mediolanensem* magnis apparatus sequerentur versus *Cremonensem* agrum non uno itinere properantes, Rex illico *Cremonam* tendit dimisso *Laude* idoneo subsidio Gentis, ut in Urbe reconciliatos exules, qui longo exilio velut advenæ facti cuncta pavebant, mente confirmet. Verum ut tutiores sint, *Antonium* de *Fixiraga*, & plerosque suæ factionis Principes velut sibi caros, ac consilio suo uti volens, ubilibet secum esse jubet. Quid itaque *Cremonæ* actum sit differam.

C A P. XXXII.

In *Cremona* cunctis *Gibellinis* olim pulsas, *Guelphicæ* potentia adeo senuerat, ut novæ partes, invidia prosperis, ac lætis rebus orta, jam maximis odiis pullularent. Nam cum multæ nationum stirpes in ipsa *Guelphicæ* parte, nimia exulum patientia securam pacem dante, opibus, atque gloria inter *Ligures* claruissent, duæ ceteris familiæ potentia, & nobilitate præbant, *Cavalcaboves* scilicet, & *Amati*. Quarum principes familiarum diversis moribus viventes in Urbe, odiis ac seditionibus prope laborabant, utpote *Guillelmus Cavalcabos*, & *Supramons de Amatis*. Uterque inter nobiles clarus, amabilis, & gloriosus erat. Verum multitudini, & plerisque ex Magnatibus,

A qui commune bonum summo studio curabant *Supramons* carior fuit, quippe a juventute publicola bonis moribus, ac Reipub. utilis habebatur. Contra *Guillelmus*, quem divitiarum copia superbum, ac magni fastus, reddidit, turbata justitiæ judicia plerumque confundens, hæc sibi licere, ac se unum in Urbe plus ceteris posse, dum sæva impune suadet, gloriosum, ac decorum stolide reputabat. Cujus rei causa invisus erat popularibus. Verumtamen una cum plerisque sequacibus suis cuncta impune sæva gerentibus, sine titulo, maximo Reipub. damno regnabat in Urbe. Sic enim, aut parum dissimilius ejus progenitores velut suo more viventes olim, periculum quandoque turbandæ Reipub. ac seditionis causam dederant. Hujus mali humilis multitudo, ac plerique honesti ordinis populares *Supramontis* adolescentuli olim favore freti, haud temere ali-
63 quando aliquod habuere remedium, legem ferentes, qua maxima moderatione non Urbs velut exulibus, & proscriptis, sed nimia Urbis frequentatio, atque mora Primoribus, imo credo singulis familiæ *Cavalcaborum* interdicta erat. Cujus legis obsequio dum *Cavalcaboves* oppidis, ac dulcibus agris suis, quorum magna eis copia erat, magnifice vitam agunt, diu tranquilla pace velut integra floruit *Cremona*. Jam *Gibellinis* extorribus omni in Urbem suam reditus spe posita, oblitaque dulcedine patriæ, quiescentibus alienis terris, donec mutata partium conditione *Mediolani*, & plerarumque vicinarum Urbium, status, ac vivendi mores, turbatis studio partium rebus, mutati sunt, & *Cremonæ* multitudo timere cœpit potentiam hominum plus quam legum. Nam ubi *Matthæus* Vicecomes, qui usque ad eum diem ceteris propior Regi rexerat, cunctis fere *Liguribus*, quorum plerosque maximis beneficiis placasse debuerat, etiam domesticis, & proximis suis, quos maximis explerat divitiis, temere, sed non impune id procurantibus, *Melzi- co* campo confusus, nullo commisso Marte, sua nescio virtute, vel ignavia, sine ullo suorum vulnere integer reprocessit. Et *Turriana* Domus illico fortuna volente de exule facta Civis *Ambrosianæ* Urbis dominium cepit, prius quam opinabatur ipsius novitatis stolidus auctor *Petrus* Vicecomes, & cum eo magna pars Nobilium æmula, ac sui impatiens boni, rerum justo, ac Divino judicio accidisse reor, quod stolidi pars Nobilium *Mediolani* hunc temerarium secuta Ducem, illico
E quod gesserat recognovit suo damno, quorum quisque post tanti Principis depositionem regere, aut cum maxima licentia regnantibus adhærere credebant. Hi postquam delusos, ac sua spe frustratos se vident, contra *Turrianam* domum, ut fit, ad se redeuntes secundo conspirare cœperunt. Contra vero ut perpenderunt *Turriani* suæ factionis vires, ut sui moris antiqui erat, in unum contrahere, ac fortificare cœperunt. Tunc itaque roborandæ *Guelphicæ* partis causa præfato *Guillelmo Cavalcabovi*, & ceteris ipsius altæ stirpis, ut puto, *Guidonis* de la *Turre* operâ, & conditio legis, de qua supradiximus, *Cremonæ* sublata est, quod ipsius Urbis Civium maximæ cladis initium fuit. His *Guillelmus Cavalcabos*, ubi adventum Regis percipit, eorum, quæ cum *Guidone* de la *Turre* eum tractasse creditur, intrinsicus conscientia sæva tactus, ac in se odium Regis metuens, ipsum expectare non audens,
64 ex Urbe profugit, cujus fugam frequens turba sequitur suæ sectæ stolidæ rebellionis, ac patriæ suæ totius causa mali.

C A P.

CAP. XXXIII.

AT *Supramons* cum plerisque magnatibus, & magnis popularibus, quorum, licet *Guelficæ* factionis forent, iniquitas, ac dolus satis minor inerat, tanti Principis clementiam suis existimans prævalere delictis per lutum miscrando habitu, quippe laqueis ad collum positis, cuncti uno agmine pergentes quæritant præsentiam Regis, ad quem juxta *Padernum*, qui locus decem millibus passuum *Cremona* distabat, procul in agris visum tendunt, & ante pedes sui Rectoris profusi lacrymis vitam petunt, etiam vicinis hostibus miserandi. O fida Regni comes clementia quam cito Regem nostrum deferis! Heu jam sine te non modico damno tardum faciet iter *Romam*. Hi primum miserrimi *Cremonenses* te pulsa Regis mentem sentiunt, nam sese dedentium humiles, ac despectos vultus, & habitum, flexo in lævum vertice videre respuens, precatus humiles, nec non duos motura lapides *Supramontis* verba non audit. Qui illico sævæ *Teutonem* custodiæ dantur, donec per municipia sævis carceribus destinantur, in quibus nobilis, atque innocens *Supramons* cum plerisque hujus miseriæ fociis indignum suis moribus finem fecit.

CAP. XXXIV.

ITaque ad Urbem turbidus procedit Rex, atque obvium pallium, quod honoris causa supra verticem ejus Cives cum maxima reverentiâ ferre voluerunt, respuit, ceteris honoribus per *Cremonenses* reverentiæ causa oblatis omnino spretis, iratus etiam mœnibus Urbis cum magno exercitu *Mediolanensium*, paucis tamen *Cremonæ* exulibus, imo verius exilio natis, comitatus *Cremonam* intrat, quorum *Jacobus de.....* in exilio negotiando factus dives Princeps efficitur, & *Gibellinæ* partis caput, non nobilitate tamen generis, sed defectu hominum factionis suæ, quæ antiqui exilii vetustate consumpta erat. Hic in exilio quam in patria Urbe reductus beator, ac tutior fuit. Tunc pro solis mercimoniis itinerum sola pericula metuebat, nunc Urbe seditionis plena dum frustra renovare nititur oblitum veteris factionis nomen, in dies crescit diffidens sollicitudo vitæ. Nondum adventaverant ceteri *Ligures*, & *Lombardi* moniti, quos ibi expectare voluit priusquam *Brixiam* versus tendat. Primum itaque mutilatis etiam innocentium Civium turribus, & mœnibus Urbis dirutis communis rebellionis pœna solvitur. Jam omnis veteribus nova fugitivis *Cremonensibus* allegantur crimina, quæ imperio Regis spreto contra a se reconciliatos exules commissa sunt, quo fit ut facilius impetretur injuriarum licentia, præcipue contra eos, qui apparere non audent; nam *Jacobus de.....* & cum eo pauci, qui patribus, atque avis antiqua seditione *Cremona* olim pulsus in exilio, ut dictum est, nati erant, beneficio Regis nuper recepti, deinde pulso *Guidone de la Torre* in *Lombardia* *Guelficæ* factionis Principe, iratis inde *Cremonensibus* *Guelfis* sui *Guidonis* injuriam ulciscuntibus, non sine injuria Regis pulsi Regem ipsum ferocius exhortantur in quoslibet, sicut volunt, fiuntque ut sæpe fit, absentia non dolosa plerique innocentes novæ seditionis auctores. Laxatur itaque nimium odiis manus, ac vindictæ nimia libertas datur. Innocentium etiam spoliantur domus, quippe falsas (nec deest occasio) fingit iras prædo. Tandem atque illico quilibet sequens castra miles, natura prædo avidus indifferenter discurrens Urbis domos, cuncta undique replet tumultibus, & lamentis. Vix tardō Regis edicto, ac plurimorum pœna extinguitur ille pessimus ardor prædæ. Male considerasti

A Rex quod omnis terrarum populus nunc examinata acta tua; in conspectu es omnium. Serpere debuerat in mentem tuam primi Cæsaris infecta clementia, in quem tantum numquam committi potuit, quin ad veniam paratior semper foret. Saltem non immemor esse debueras doctrinæ *Salvatoris* nostri docentis *Petrum*, qui promissis sibi Regni Cælorum clavibus in superbiam elatus, septies peccanti velle præcludere videbatur Regnum Cæli. Cui inquit Dominus: imo si septuagies septies peccaverit (quasi hunc numerum pro infinito ponens) recipias ipsum. Verum quia non doceris *Henrice* prædecessorum monitis, nec exemplis, documentum eris posteris, & exemplum, quos instrues tuo damno. Nam brevi perpendes quid confidenter regnantis clementiæ oblivio nocuit tibi, quæve inde tibi, tuisque fidelibus pestis ventura sit agnosces. Discite Principes terræ in subditos, & quoslibet delinquentes aliquando non quod monuerint, sed quod vobis dignum sit statuere.

CAP. XXXV.

66

REx subito exercitu congregato paucis diebus *Cremonæ* moram traxit, deinde versus *Brixiam* tendit, sed in itinere non quos repudiet obvios *Brixienſium* honores, aut ulla reverentiæ signa usquam videt. Verum procedens clausas Urbis portas reperit, & *Guelficis* signis, armisque rebellibus plenos muros. Agnoscisne *Henrice* quid egeris, ad te conversum *Supramontem*, & criminis pœnitentem carceris pœna damnans? Tunc contra te clausisti portas, & armasti Cives *Brixie*, peremisti militiam tuam. Profecto priusquam potiaris urbe, gentes, quæ tibi serviunt ante muros *Brixie*, more diu stantis aquæ longa in statione languebunt morbo. Hoc tibi soli imputes. Certe Civitas ista altis turribus murisque ac fossis vallata inexpugnabilis est, frustra etiam expectare possumus, quod *Tebaldus Brusadus* patefactis portis Domino suo veniat humilis in occursum, qui non modo *Cremonenses*, verum etiam cunctos *Italicos*, scelers ac perfidiæ studio vicit, & nuper ex devio exule, nec reditum in patriam sperans te jubente factus Civis, pulsus qui tibi Urbem dederant, vicinis suis, qui eum receperant tuo jussu, rebellem, ac læsæ Majestatis reum sese fecit. Peccavit in te Dominum suum *Cremonensis* *Guelfus*, nec non *Brixienſis* *Tebaldus* utriusque criminis reus est. Verum *Cremonensis* spreto imperio, quem receperat alterum a quo beneficio tuo receptus fuerat vicinum suum expulit; sperabitne veniam *Tebaldus* post tantum scelus, audita *Supramonti* data carceris pœna?

CAP. XXXVI.

REx juxta *Brixiam* in statione sex mensibus fuit. Parum ibi memorabilis pugnæ commissum est, verum repentinis incurſionibus aliquando etiam a primoribus temere pugnatum est. De mense Majo, quo mortalium horrea plerumque vacuantur, ante muros castra sita sunt, & in Urbe omne per planum iter illico clausum est. Verum quæ radicibus Montium facies Urbis sedet, libera obsidione fuit. Inde per occultos tramites famelicæ semper Vallis *Camonica* jejunos pastores pecudum relicto grege, victualibus, quibus poterat, clam Urbem visitans obsessis sperandi causam dedit, ut hostes stationis tædio vincant. Dum itaque *Tebaldus*, cui hujus Vallis iter curæ nimium fuit, vicinum Urbis montem visitat præsidio muniendum, ne inde insultus frequentantibus iter vallis fiat a *Teutonibus*, ultra quam credibile fuerat serpentibus equis suis undique per devia montem, subito una cum his, qui secum erant, circumventus modica in defensione accessus peracta

Et pugna pluribus receptis vulneribus, equo prostratus est. Plerique comitum ejus ibi cæsi, pauci ut fortuna finit per devia montis utcumque fugiunt. Jam incognito *Tebaldo* victor *Teutonus* recedebat, cum qui spoliandi causa remanserant, inter cadavera adhuc vivum cognovere *Tebaldum* frustra sperantem se moribundum fingere, qui illico ad Regem pertractus antiqua crimina, quæ non minus novis publica sibi allegabantur in causa, prodere jussus nobiles *Fredericos* Vallis *Camonica* olim ex antiquis hostibus connubiis secumartos convivas in domo ejus post fercula pro fructibus oblatis gladiis peremptos narrat, inter quos novum generum novæ compositionis pignus consilio fidæ conjugis spreto cæcum nominat; etenim more vulgaris famæ narrabat vulgus *Tebaldi* filiam nobili juveni de *Fredericis* nuptam lacrymantem dixisse cum viro, cum ab ea discederet ad lethifera pergens convivia: ne accedas; insidias timeo: patris convivia, inquit, mihi nimium suspecta sunt.

CAP. XXXVII.

Itaque cognitis etiam a se novis, antiquisque sceleribus, quæ tam ore vulgi nota jam erant: Satis est, inquit Rex; Jam cum senescas *Tebalde* indocilem te existimo fidem, foederaque servare. Hujus antiqui, atque inveterati perfidiæ morbi plenus absque dubio insanabilis es. Nonne sine ulla difficultate, nulla armorum vi, aut comminatione, solo jussu nostro a vicinis tuis non immerito, imo justissime renitentibus te causa tui, in patriam Urbem receptus es jam sine exilio factus senex. Quid tibi profuerat *Guidonis de la Turre*, ac ceterorum tuæ factionis *Ligurum* toties experta, & fatigata potentia, quorum frequenti præsidio frustra usus numquam tua nequitia perditum statum tuum recuperare potuisti, etiam cum *Brixia* nondum vallata foret muro. Nonne *Majones* (sic vocantur adversarii tui) in quorum familia te exule regnabat Clericus, & Laicus utrumque gladium valida manu tenens, nobis suadentibus, atque jubentibus ultro te tuosque sequaces receperunt in socios, atque cives, seque humiliantes æquo jure tecum vivere passi sunt? Nunc itaque pro tam recenti gratia atque beneficio nobis, atque vicinis tuis diabolico more usus retribuere ausus es pro bono malum, & spretis Deo, & Sanctis suis, quos juvasti, Sacramenti literâ nondum sicca, qui te pio pacis osculo amplexum præ oculis nostris intra se receperunt nefande *Judas* proditor expulisti. Humano tamen generi documento eris, ut promissam fidem teneant; poena debita insigne posteris exemplum dabis. Deinde jubente Rege, atque inde sententia in scriptis prius lata, turpiter post equi caudam tractus primum castra circuit, dein ut animum inconstantem, inertemque habuerat, atque nusquam integrum, sic fœdo pulvere versatum corpus ejus in frustra divisum est, data cuilibet manuum, atque pedum corporis sua parte. Caput quoque abscissum, & cetera membra viri spectacula ante muros *Brixie* sita sunt. Nec propterea amisso Duce *Brixienfes* de deditione eloqui, neque audire volunt. Quippe ad defensionem Urbis nullius operis, aut disciplinæ militaris defuit ordo. Nam magnæ auctoritatis, atque ejusdem velle civium, atque exulum illa Civitas plena erat, qui majore suo, quam Regis damno sese intra muros diutius tenuere, crebris, ac subitis eruptionibus, atque insultibus turbantes sæpe Regis exercitum, contenti cuncta extrema, atque dura pati, dum victoriam hostibus caram vendant, quorum intentum fortuna ad nutum juvit; nam exeuntibus sæpe *Brixienfis*, & sæpius qui præsidio Urbis erant exu-

libus, & proscriptis *Mediolani* ad irritamenta certaminum, quæ licet ea gerentibus periculosa, ac sæpe perniciofa sint, parum victoriæ, aut momenti bellicis rebus asferre solent, *Valeranus* frater Regis robustissimus juvenis; & in armis strenuus, ubi ingravescente pugna subito densis hostibus suos nimium premi videt, ut erat non armatus, ut tunc pugna ignarus erat, sed forte superveniens a multis *Teutonicæ* juventutis comitatus solatii gratia more suo visitans castra, arrepto repente, qui lateri infidebat, gladio, focis subsequenter in frequentem pugnantium hostium turbam ruit, & dum hostes in fugam verfos temere insequitur, nimium prope muros sagitta de summis moenibus Urbis missa ipsum periculoso patentis gulæ loco ferit, quo vulnere post paucos dies moritur.

CAP. XXXVIII.

Itaque Rex nimia tædio moræ quos reconciliarat hostiliter retinentibus iter suum in castris semper odiosus extiterat, nunc aucta injuria nece fratris incitatus infensior factus pugnam moenibus Urbis inferre parat, atque dispositis pugnacibus turmis, ut quæque suis locis Urbem aggredi paratæ erant, cunctos in iram exhortans, memoratis offensionibus, & injuriis Imperii, atque suis rogat ut taliter in hostes pugnare velint, quod de proditoribus sua virtute subactis ultio digna fiat: Si digna, inquit finiens, aut debita suis meritis sumi potest, qui nullam etiam suis commodis sponte promissam fidem servare sciunt. Hæc paratas armis circuiens turmas, & plerisque procerum suæ gentis necem fratris memorans, qui, quas ipse tenet, lacrymas immenso rore fundunt.

CAP. XXXIX.

Mons erat arduus, & rotundus sua altitudine sejeclus à reliqua mole montium, qui longo tractu, atque ambitu *Camonicam* vallem circuiunt. Hic tumulus in summo spatiosus, vicinus, atque alto vertice supereminens Urbi ab Oriente ipsius defendebat introitum, etiam & accessum, quem si Rex, ut potuerat, occupasset prius quam ipsum armaissent hostes vallo atque fossa, ac continuo tractu ipsius vallatæ fossæ ipsum junxissent Urbi montem, procul dubio non diu in rebellionem stetissent. Itaque dato pugnandi ordine, paratis ad pugnam turmis, *Mediolanenses* cum plerisque sagittariis *Jamensibus*, aliquot equitibus gentis *Teutonicæ* dimissis procul in campo equis secum tendentibus ad radices dicti montis tendunt, atque inter Urbem, & ipsius summitatem montis medium aggrediuntur vallum, ibique acriter instantes pugna ambiguam rem hostium fecere, qui nullo obice muri, sed solo ligneo vallo, & sicca fossa tuti in extremo necessitatis casu locum ipsum suæ virtuti commissum defendere, aut ibi vitam dare voverunt. Quippe ibi tamquam loco suspecto juvenus delecta ad repellendam vim hostium locata erat. Dum itaque ibi lethalibus sagittis *Jamensium* undique volantibus more grandinis jam pavefceret ad vallum turba defensoribus assiduâ pugna fessis, ac prope deficientibus, multis etiam eorum vulneribus jam affectis ab alta turre, ubi media urbe totius speculator pugnae haud temere deputatus erat, prout res posceret, daturus signa, inclinaturus ad Orientem versus, si titubaret vallum, vela, ut illico non modo auxiliares armati in medio Urbis stantes, ubi daretur signum, præsidio currebant, verum ab omni parte Urbis festino gressu ad vallum tendens cujusque generis turba ad ipsius loci defensionem contra hostes jam

jam vallum lacerare conantes glomerantur in unum. Ibi nostris jam diu victoria mente concepta prope hostile vallum, in quo loco pugnantibus dira, atque lethalis committitur pugna maximo utriusque partis damno.

CAP. XL.

Jamque *Alboinus de la Scala*, & *Cangrandis* frater ejus cum suis *Veronensibus*, & mercenariis militibus ab altero montis latere pugnantes, dum locus ille inexpugnabilis sibi fore videtur, signo receptui dato ad sua castra redibant. Et dum qui locum defenderant cedentibus hostibus illudentes lætis clamoribus cœlum pulsant, geminatisque per *Echo* vocibus vicini Vallibus resultant montes, frequentes nuncii ad eos veniunt, qui interruptis pavore vocibus in tam vano lætantium tumultu signis, ut fileant, manu datis, vix auditi nunciant, hostes ab altera parte montis superatis jam fossis, ac prope lacerato vallo contra jam fessos cives rueri, ibique maximo Urbis periculo laborari. Hæc plurimi nunciantes: parum, inquiunt, vestra proderit hic facta defensio, ni festino gressu properetis ad vallum, quod modo defensoribus nimium fessititubans vidimus. Properetis itaque, inquit, dum noster est iste dies, & ut modo quos cedentes cernimus, atque hinc pulsos hostes, sic ipsa virtute alios repellatis. Ne patriæ parentum, conjugum, ac liberorum vestrorum hodie sitis immemores. Cunctis itaque tanto discrimine trepidantibus dimisso ibi idoneo gentis præsidio, ne, si hostes redintegrare pugnam audent, periculum inferre possint. Illico ut signat ab alta turre custos, contra *Mediolanenses*, & reliquos pulsantes vallum rapido cursu tendunt, ubi hostes, quos præfato clamore, quem suorum 71 prospero successu factum fuisse crediderant, lætatos instare cœperunt, maximo cum labore rejiciunt, multoque cruoris sparso plurimos vallo pellunt, pluresque ad ima fossæ ruentes sepeliunt faxis. Tunc egregius, atque fidelis *Rebella de Grimaldis* licet domi suæ *Guelfus* cum suis *Januensibus* sagittariis, quorum Dux, atque Rector erat, cunctos abeuntes alta voce redarguens, increpansque, dum paucis frustra pugnantibus hostile vallum prodesse potuit, stetit, tandem invitatus, dolens, ac præ nimio dolore totum se dilacerans, cunctorum ultimus à pugna recessit, cujus mora atque sagittantium suorum ope nostrorum plurimi evadunt fossis.

CAP. XLI.

AT non impune licet frustra pugnaverunt *Mediolanenses* eo die: Nam post paucos dies dum *Nellus de Massa* vetus familiaris, & amicus *Matthæi* Vicecomitis, & propterea tunc inter Conestabiles mercenariorum equitum *Mediolani* præelectus, & in bellicis rebus gerendis semper primus, commissâ sibi quadam nocte custodia ante portam..... ne inde ab hostibus irruptio fieret, lecto se dedisset, securo somno dormiens, *Brixienfes* uno agmine facto armati subito per ipsam portam ruunt, & proxima *Mediolanensium* castra ingredientes, quocumque pergunt, recentis offensæ memores, ferro, & igne occupant, multosque somno graves cædunt, atque omnia tumultu terrent. Verum plus pavoris, quam periculi faciunt. Namque dum fluentem rivulum per media *Mediolanensium* castra transire pauci audent; cum circa tentoria *Matthæi* Vicecomitis pro se frequentes armatos currentes utcumque raptis armis sentiant, pavent, ne si adversæ fortunæ casus eos retro ferre gressus cogat, ipsius rivuli lethaliter occupentur in passu. Itaque multis partibus incendio posito citra rivum, his quibus negotium com-

Amissum erat propere discurrentibus sine ullo suorum periculo in Urbem sese recipiunt vociferantes: Accipite *Mediolanenses* digna præmia pugnae vestrae. Nusquam sine vobis minime timebamus, pugnando periculum nobis factum est.

CAP. XLII.

72

AT postquam Rex videt nihil pugna profici, tunc vindictæ sola fame fidens intra mœnia amplioribus fossis, ac longo ante castra vallo ductis esurientes hostes claudens diurnæ stationis signum dedit. Obsessos etiam velut hostes judicatos, etiam si extra mœnia fame pulsati comprehendantur, necari jussit, ne fuga pauperum reliquorum minuatur inopia. Cumque intrinseci *Brixienfes* quoscumque exeuntes illico ab hostibus retineri, atque laqueo suspensos in conspectu ante portas Urbis necari cernerent, non tamen sustinere famelici expulsi in utilitatem plebis minuere inopiam suam, nam id sibi nimium crudele, atque inhumanum visum est. Hoc maximum pietatis, & charitatis signum fuit, & mutasse reor sententiam superni Judicis, qui neminem compatiens patitur male mori. Nam demum cum ad declivium æstas foret, superante jam spatio noctis diem, & utriusque partis rebus laborantibus, & afflictis 73 mediatorem diligeret obsidens pariter, & obsessus, quippe in exercitu quotidie cadit morbo miles, & in Urbe omnium crescit inopia, & externæ opis minuitur spes, undique tam etiam in Urbe, quam in Castris pullulat illa pestis morbi, sed fortius ubi *Germanicus* miles tendit, dum meridiani durantis æstus usque ad medium noctis impatiens, nudus omni rejecto velamine matutinas auras recipit, quas gelidi, ac nivosi montes *Valis Camonicae* illa hora perflant, inde initium morbi fuisse ferunt. Itaque in Regis castra opportuni cunctis veniunt Cardinales Legati *Hofsiensis*, *Albanensis*, & *Lucas de Flisco*, quos Summus Pontifex destinabat *Romam*, ubi a *Francisco de Campo Floris* similiter Cardinali, & Legato expectabantur, imposituri aureum diadema Regi. Hi pro rebellibus inclusis, velut miseris compatiens, Oratores illico facti, & tractandæ pacis actores modicam Regis invenire repulsam scientes, quod obsessam semper comes invasisset Urbem famem, exterius tamen dicta alia vigeat pestis morbi exercitus primores visitans. His itaque intercessoribus donatur vita miseris, & salvis rebus Civium, & qui Urbis præsidio erant, in rebelles muros fertur poena, corona Urbis demta. Attamen Rex ad sedanda Civium odia, & delenda partium studia, summopere illico laboravit. Quibus utcumque compositis, illico *Papiam* tendit, ubi adeo nudatus milite repertus est, ut Comitibus *Philipponis de Langusco*, ac suæ factionis Principum ambiguum fidem timuisse credatur. Nam *Matthæus* Vicecomes, quem in castris Rex existens juxta *Brixiam* *Mediolani* Vicarium suum fecerat, cum equitibus *Mediolani*, & magno conductorum equitum, & peditum numero *Papiam* veniens, non modo comitandi Regis causa, sed ne quis audendi contra eum animum fumeret, clausis foribus adire nequit Regem, contra quem Comes *Philippo* portas Urbis claudi fecit asserens Regi, quod non sui honoris causa venit; imo, inquit, laceffitus est hostis meus a *Manfredo de Beccaria*, ejusque sequacibus noviter introductis, qui more suo Urbem seditionibus turbare volunt. Cui Rex velit, nolite, annuisse dicitur, dissimulans quod inhibere non audeat. Postero die absque ulla conductorum militum Comitativa impetrata licentia in Urbem ad præsentiam Regis *Matthæus* venit. Ibi ipsius Urbis partibus utcumque compositis, inanis, ac plena fraudis pax facta fuit, quæ post re-

cessum Regis illico violata est. Rex licet tarde cognoscens moram nusquam, præcipue in *Lombardia*, utilem fuisse, subitum iter versus *Januam* cepit, sed prius suadente, ut puto, Comite *Sabaudia*, *Philippum* nepotem suum, qui solo titulo *Achajæ* Princeps erat, *Papiae*, *Vercellarum*, *Novariae*, ac *Pedemontis* Vicarium fecit. Hic *Philippus* Comiti *Philipponi*, & ceteris adhærens *Guelphis*, quos harum, atque aliarum Urbium potuit, Domino suo Regi rebelles fecit. *Novaria* in fide, ac *Gibellini* nominis constantia spreto finistrante Vicario semper stetit. Tunc *Papiae* Brixienfi morbo moritur magnanimus *Guido* Comitis *Flandriæ* filius, qui non primus ætate, licet cunctis fratribus virtute superior, contra sævientem *Philippum* Francorum Regem multa præclara belli facta gesserat, defendens patrium solum non sibi, sed *Roberto* fratri suo, & indigna captivitate patrem post multorum Regis procerum necem liberans, laudabilem pro se, pro superbi Regis parte degerem obtinuit pacem. Hic non *Papiae*, ne quibus interdicta erat Civitas illa Ecclesiasticis obsequiis careat, tantæ indolis, ac virtutis Princeps, verum *Terdonæ*, quo decuit honore sepultus est. Post cujus exequias Rex illico *Januam* tendit, ubi summo studio interponentibus favorem suum *Bernabovæ* de *Auria*, & *Opizino* de *Spinolis*, & ceteris eorum agnatis partis *Gibellinæ* Principibus a cunctis Civibus honorifice susceptus est. Ibique superveniente *Bavariæ* Duce, & de pluribus *Italiæ* partibus, & aliunde in subsidium comitiva, consumptam, ac prope perditam militiam reparavit. Verum ibi irrecuperabile damnum passus est, sanctissimæ consortis morte, cujus transitum plorant pauperes, quibus sæpissime suis manibus ministrabat in mensa: lugent Proceres, & Magnates, quibus honores, & dignitates, atque ipsum horum datorem Regem conciliabat: lugent qui intercessione Dominae reconciliati sunt, & qui reconciliari sperabant suis precibus inimici. Verum ut sit, in tam cunctis amaro Reginae transitu sua quisque potius (etiam Rex) damna lugent. Neque hic Reginae transitus pro se, aut sui causa lugendus erat, cum ipsa terrestrem coronam relinquens transierit ad cælestem. Sed a summo ad infimum plerique mortaliū cuiusque generis nimium pestiferum sentient suæ mortis damnum. Quis amodo tam pie, tam misericorditer, ut hæc, miserorum causas apud Regem suscipiet? quis reos, quis rebelles, quis miseros contumaces tanta confidentia reducet ad Regis fidem? Neque hic loci filere possum ridiculum illud civis nostri *Rizardi* de *Marliano*, qui libros *Sibyllinos* antiquitus servatos habebat in domo, qui affirmabat, Regem moriturum, priusquam *Janua* decederet: ubi inde abiisse, & *Pisas* venisse rescivit, eos ut falsos projecit in ignem, inquiens: amplius non fallar a vobis, non forte Propheticum illud intelligens sana mente, nec considerans, quod tam pia, & clemens Regina decesserat, cujus fons clementiæ roborabat, & conservabat Regnum viri, sine qua moritur omne Regnum. Ego autem vivum Regem sine Regno nunquam vidi.

Dum itaque Rex noster *Januæ* moram trahit simpliciter ambulans, & bona fide pacem appetens cum Rege *Roberto*, ad quam procurandam Summus Pontifex operam suam dabat, dum tanti mediatoris opera, & autoritate confidit, ipsum Regem *Robertum*, sicut jam alios, ad solennia consecrationis suæ amicaliter convitavit, suscitans canem dormientem. Nam *Robertus* iste susceptis literis Regis nostri, ipsius successus in *Lombardia* nimium ægre ferens, ac videns, quod sibi nihil profuerant in *Lombardia* jacta seditionis

A femina, aut ullius *Guelphicæ* factionis opera, quin ille, quem solo odio, quod in eum occulte gerit, extimat inimicum, jam prope sit, ut aureum diadema fuscipiat, ad impediendum ipsius Regis nostri propositum, *Romam* illico destinat *Johannem* fratrem suum cum quatuor centum equitibus, falso tamen testificans Regi, quod ipsum destinat ad solennia coronationis suæ, cum ad id, ut desiderabat, personaliter interesse non posset. *Johannes* iste ubi *Romæ* fuit, illico pecuniam fratris per potentes *Romanos* sparsit, ut potuit; sed primum *Ursinos*, & partem *Guelpham*, in quorum potestate erat *Basilica S. Petri* (ubi ab antiquo coronantur Reges) sibi fidem, ac sui consilii participes statim fecit, multis tamen promissionibus sollicitans *Colonnenses*, si eos corrumpere posset ullo modo. Eis tamen intentum suum aperire non audet, ac eisdem proponit, ut non impediant Dominum amicabilem operam dare, ut eos cum *Ursinis* componat. At postquam sensit, *Colonnenses* in fide Regis constantes nullis subdolis verbis, neque promissionibus in propositum suum trahi, illico bellum sumpsit contra eos, cunctis procurans viribus pellere ipsos urbe.

C Hæc ubi sensit Rex, Regi *Roberto* statim scripsit, quod multum mirabatur de hujusmodi fratris sui novitate. Qui rescripsit, quod non miserat fratrem suum in rebellionem, neque ut obstaret coronationi suæ, sed ut ad ipsius coronationis solennia convivia afforet honoris causa, asserens, nullam novitatem fieri *Romæ* causa sui: imo, inquit, suscitata sunt inter *Romanos* antiquarum seditionum femina more suo. Quodecumque scribitur, *Romanorum* Rex nihil mali suspicans omnino credit, & in pura, ac fida simplicitate constantis animi cuncta ferens, & gerens, nec propterea tractatum *Clementis* Papæ respuit, qui matrimonii copula jamdiu ventilata vinculum dilectionis, & pacis proponebat inter Reges: cujus rei causa *Conradus Lanzia* *Federici Siciliæ* Regis Nuncius tunc *Januam* frustra venit eam Regis nostri filiam, cujus per Pontificem tractabatur matrimonium, petens pro *Petro* ipsius *Siculi* Regis filio.

E Erat tunc *Januæ* *Ludovicus de Sabaudia*, qui ab initio rerum præcurfor, ac Legatus Regis, *Romæ* fuerat, ibique mira alacritate receptus, atque ob reverentiam Regis Senator Urbis factus rexerat per tempus certum: Deinde dimisso, qui populum regeret vice sui *Jacobo* de *Ambalis*, in castra Regis venerat juxta *Brixiam*. Hunc (frequentantibus *Colonnensium* nunciis *Januam* venientibus, requirentibus subsidium, ac celerem adventum Regis *Romam*, non ut guerrificet, verum ut civiles motus componat) misit, cui non ultra quinquaginta equitum *Germanorum* comitavam dedit, nil aliud suspicans, nisi quod paucitate licitorum Judices, & Vicarii, quos ibidem *Ludovicus* in urbe dimiserat, hos urbis tumultus sedare non possent. At *Ludovicus* *Romæ* cuncta rebellionis plena, & suos Vicarios corruptos reperit, qui nullius divini, aut humani juris, aut fidei memores, neque juramenti, quod præstiterant, gerentes animum rebellionis contra Regem, nec Vicariatum, nec Capitolium *Ludovico* reddere voluerunt.

F Interim Rex de *Janua* *Pisas* venit, maris iter tenens, cunctis itineribus terrestribus opera *Guelphorum* clausis. Jamque erat annus Domini MCCCXII. ibique *Pisano* populo admodum gratus duorum mensium spatio moram traxit, nulla contra rebelles *Tuscos* novitate suscepta belli, salvo quod voluntate Regis per Marchiones *Malaspinas* bellum *Lucanis* indictum, atque susceptum est.

Ibique frequentibus nunciis referentibus, publicus famæ rumor *Pisanam* urbem replet, dictum *Johannem* fratrem Regis *Roberti* sedere hostiliter cum exercitu ante *Pontem Mollem*, quem sub ponte *Tiberis* tenebant *Colonnenfes*, atque unicum in urbe transitum servabant Regi. Nunciatus etiam, ipsum pontem multis insultibus, multis machinis, & bellicis instrumentis continue tentari. Attamen Rex noster adversus Regem *Robertum* nihil suspicatur, & simulantem hostem sentit, quodcumque sibi significatum fuerat, credit. Verum *Stephanus de la Colonna* vicinorum suorum artis & operum non ignarus sponte (non tamen dissentiente Rege) properavit ad urbem, ut si viam viderit, prava *Guelphorum* conamina reprimat, & tumultus urbis tollat. Insuper Rex non spernens tractatum pacis, imo ipsius pacis auctori complacere cupiens Papæ, priusquam de Civitate *Pisana* decederet, ex Secretariis suis contrahendi dicti matrimonii causa ad *Robertum* Regem misit, eum *Siculo* Regi præferens pacis causa. Misit etiam duos Episcopos, qui *Romæ* significant adventum ejus, præcipue dicto *Johanni*, quique regratiantur eidem, quod *Romam* venerit ad solennia coronationis suæ. Verum amicabiliter requirentes ab eo, ut ob reverentiam, & amorem sui à *Colonnenfium* obsidione recedat, & omnis animus seditionis deponatur, & pestiferum opus belli deleat, indictis treguis saltem usque ad diem coronationis suæ, significans, quod nullum ibi *Romæ*, aut alibi animum partialem habebat, intendens, sumpto ibi Imperiali Diademate, de consilio, & benevolentia fratris sui ibidem operam pacis dare.

Interea Rex fideles *Pisas* linquens, ipsius urbis civium opibus fretus, multumque *Italico* milite roboratus, celeri, ac continuo itinere die primo Maji *Viterbium* venit, multos *Guelphorum* passus incustoditos transiens, multo tamen mortalium labore frustra munitos. *Grossetinus* enim *Guelphus* ad vicini fluminis ripam adventanti Regi, quem plusquam mortem timet, non audet, ut minabatur, obviare, ubi quinquaginta retinere potuissent plusquam millevos

Hæc ubi (præsentibus Cardinalibus, qui secum erant) nunciata sunt Regi, illico in plano campo castra locari jussit: deinde proxima aurora diei, signis canentibus, in acies vocat, atque instruit gentem suam. Cardinales vero ubi *Germanicam* gentem raptis confestim signis, & armis citato agmine iter aggredi versus urbem vident, Regem tractatibus, atque suis intercessionibus fatigatum, atque ira fortiter mutatum de campo abeuntes linquunt. At Rex properans ad pontem, hostem non invenit, cum quo ibi manus pugnae avidas conferat: verum nec ab hoste transitus relictus est totus liber. Nam ante Regis transitum faciendum locus *Colonnenfium* erat, quem natura satis, & antiquorum arce munitum vulgus *Eruptionem* nominat, & *Saracenorum* opus esse dicebat. Hunc locum hostes, durante obsidione pontis, proximum occupant, ac præsidio armatorum præcipue sagittariorum plenum, cum recederent ab obsidione, dimiserant, ne saltem volatili ferro Regis transitum impedirent. At dum Rex examinat in transitu per certam viam nimium sagittis hostium proximum periculum, & detrimentum gentis suæ, excitat ad passum ægro animo.

CAP. XLIII.

Interea Comes *Philippo de Langusco*, sprete pace Regis, quam jusjurandi religione firmaverat, *Manfredum de Beccaria* adversæ sibi factionis Principem cepit, dum perfidiæ studio vincere, quam vinci mavult; Deinde quemque suspectum aut car-

ere, aut exilio velut novis semper criminibus reum faciens damnat. Quibus præfati *Philippi de Sabaudia* auctoritas, ac concessa sibi a Rege potestas parum profuit, qui nullius violentiæ, aut cujusvis malitiæ studio partium in *Gibellinos* factæ turbator fuit, imo etiam eum tanti sceleris, spreto honore regiminis, conscium fuisse ferunt. Hic namque *Philippus* post recessum Regis, prius etiam quam Rex *Januam* attingeret, illico *Papæ*, *Vercellarum*, & *Novariæ*, quas Urbes Rex suæ curæ commiserat, *Guelphos* attollere, *Gibellinos* opprimere totis viribus coepit. Cujus rei causa, ubi Rex *Januæ* fuit, frequentes nuncii ad eum veniunt ipsum *Philippum* magnis querimoniis accusantes, ejusque opera asserunt in *Liguria*, ac tota *Lombardia* summo studio rebelles *Guelphorum* partes surgere. Verum his nunciis Rex primum parum fidei dedit, dum Comes *Sabaudia* eum *Philippum* nepotem suum protegit, & dignitatis honorem favore sui datum conciliare nititur. Nam ipse Comes more suo *Guelphorum* causam fovens in auribus Regis subdit in-
quiens: Domine mi *Mattheum* quemdam in *Mediolano* præesse voluisti, non immerito vicinis Urbibus odiosum: Hujus *Matthæi*, non vestri nominis odio in *Lombardia* rebellicæ novitates fiunt.

His, aut parum dissimilibus jactis sermonibus per aulam Regis, Comes *Sabaudia* non sine magna *Lombardorum* clade aliquandiu in ambiguum Regem tenuit. Nam post paucos dies priusquam Rex *Janua* discederet, *Gulielmus Cavalcabos*, quem prædixi exilium potius elegisse, quam *Supramontis* concivis sui in deditione socium esse, dum crebris excursionibus in agrum *Cremonensem* populationibus, & incendiis bellum gerit, dumque circa exitum mensis *Januarii* forte non procul ab Urbe cum paucis equitibus prædatum venit, suæ factionis civis cognitis signis ad eum securus currit, inquiens; *Gulielme*, exilium tuum plerique Civium non minus te ipso ægre ferimus. Vere ægrius, quam temere, ac frustra incendiis, populationibus agrorum, ac rusticana prædia, te, tuosque fatigas, & qui te desiderant, *Cremonensem* invidiam quæris. His verbis eum increpans: Con-
voca, deinde inquit, *Gulielme* socios tuos, & sine mora per propinquam nobis portam illico, si volueris, patentem ingredi Urbem tutus, ac patriam tuam percipe. Qui ad portam stationem faciunt custodiæ causa amici sunt: Neminem resistentem invenies: Ne timeas: Conductam militum turbam, equitum, atque peditum *Galeaz Vicecomes* in expeditionem Urbe procul misit, qui Urbe nostra magna regnat invidia, invisus cunctis civibus. Timeſne qui in exilio nati, quique *Germanico* Rege suadente nisi partis nostræ Principibus prius captis, aut expulsis Urbem intrare timebant, quorum in Urbe nulla factio est; quippe diversis locis nati, nutritique vix inter se noti sunt, hique pro Duce *Jacobum* de divitem mercatorem habent, qui ubilibet quam *Cremonæ* notior est? quos ultra hos cives hujus Ducis sequaces existimas, præcipue cum te intra muros Urbis senserint? At *Gulielmus* nominatis custodibus portæ Urbis, in quorum fide fidit, unum ex eis eligens, atque sibi nominans, huic, inquit, audacter negotium prodas, & secum perficiendæ rei celerem curam habeas. Propera, dic, venio, nec in hujus rei deliberatione, si ulla adsit mora, prosperum, securumve nobis aliquid esse potest. Heic pro consilio celeritas, & in sola celeritate nostræ salutis via sita est. Deinde signo dato sociis circa se posit: sequimini me, inquit, quinimo, fortunam, quæ hodie multum propitia nobis facta est. Itaque cum paucis non numero centum, non clam, sed palam, clara luce Urbem intravit. Eum, ut cognitus est, illico multitudo populi captis armis se-
J. de Cermenate. C 2 qui-

quitur. Pauci Jacobum de sequuntur armati, cum quibus audito tumultu ad publicam plateam Urbis pergit, ibique cum plerisque locum ipsum retinere conantibus equo strato occiditur. *Galeaz Vicecomes* ibi pro Rege Vicarius tumultum audiens, ejus rei causam nunciantes arguit, eosque timidos vocans, adeo capere arma distulit, quod jam propinquas minantis vulgi voces intelligit. Tunc sed tarde dissimulationis oblitus repente arma capit, & modica stipatus equitum manu ad clamantium voces tendens undique hostilibus armis plenas Urbis stratas videt, statimque inter minantia tela clausus sensit frustra sese niti. Itaque celeri consilio capto inde utcumque divellitur, & per minantes Civium turmas vadens integer per portas *Cremonam* linquit, cui *Ughettus de la Campana* Conestabilis, & focii, quibus nemo impune ob viam venit, ferro viam faciunt.

76

CAP. XLIV.

Tunc quaecumque in *Lombardia* Urbes Regi deditae fuerant, in quibus pars *Guelforum* potentior erat, spretis Vicariis omnique Magistratu Regis, aut violenter pulsas una cum Civibus *Gibellinis*, & quos suspectos habebant, *Guelfi* coepere contra Regem furgere sese dantes *Ugoni de Bauserno*, qui pro Rege *Roberto* in *Lombardia* *Guelficas* fovebat partes. Pulso *Galeaz Vicecomite* *Cremona* illico *Turrianis*, aliisque dispersis exulibus, & cujusque Civitatis *Lombardiae* profugis plena fuit, & *Passarinus de la Turre* ibidem Rector efficitur.

CAP. XLV.

Hæc ubi Rex *Henricus* sensit, mutato consilio in *Lombardiam* Comitem *Varnerium Teutonicum* misit, Virum in armis expertum, cui in tota *Lombardia* titulum generalis Vicariatus dedit, non propterea tamen *Philippum de Sabaudia* sua potestate minuens, nec reliquos, quos Urbibus constituerat, revocans. Hic Comes primum applicuit *Laude*, ibique sedem eligens *Gibellinorum* consilium vocat, cunctis mandans, ut Legatos, & Syndicum ad se mandent tractaturos secum negotium agendi belli contra hostes. Ad quem legantur per Commune *Mediolani* *Franciscus de Garbagnate*, & *Adoarus de Pirovano*, & Ego, ut Syndicus. Ceteros taceo, ne nimium morer. Qui postquam convenere, postulant ab eo quisque ut rebellibus suis bellum ferat. Exules vero, a quibus exulant, Urbes expugnari, aut obsideri volunt. Quorum *Fredericus de Archidiaconis* mandata coexulum *Cremonæ* ferens, praesentibus aliis Ambaxatoribus, & Syndicis, multis rationibus, & argumentis docet de facili *Cremonam* recuperari posse, & ad Regis mandata trahi. Sic *Papienses*, sic alii exules Urbes, quibus exulant, sola agrorum populatione, imo etiam dummodo id minetur, recuperari posse asserunt. His contentione pluribus, & diversis consiliis tempus tenent, nec dum quid agendum sit, terminatum est, dum quisque Legatorum præcipue exulum attentive pro se arguit, non communi sed propria utilitate laborans. Tandem *Franciscus de Garbagnate* huic contentioni finem dedit, inquires.

77

CAP. XLVI.

Video equidem vos, ac quorum mandata fertis promptos animos habere contra hostes, qui *Lombardiae*, ac totius *Italiae* statum turbare nituntur, quique impedire satagunt nostri Regis jura. Verum omnis conditio belli praesertim nostra, quæ inter partes pendet, postulat, ut non modo semel, imo continua deliberatio fiat. Nec quid agendum sit heic terminari securum puto, cum

A nova quotidie pullulent jure belli, quæ paucis arbitris determinanda sunt; Raro etenim, quæ in negotiis bellicis diu deliberata manent, suum fortuntur effectum, quibus multa maxime temporis intervalla nocere possunt. Fiat itaque censeo frequens deliberatio in factis nostris, ubi in dies pullulat frequens, & subitus casus belli. Præterea cum quo hic nostri Dux belli consilium habeat, saltem unum ex primoribus nostris sibi dandum puto, cui maxima cura sit hostium conditiones, & acta scire. Hi duo plenam exequendi potestatem habeant. Nunc itaque vobis non modo utilem, imo necessarium nomino, quoniam quin & vos mecum in sententia sitis non dubito, *Matthæum* scilicet Vicecomitem. Quis alius hostium facta novit? Quis insidias hostibus tendere studium ponit? Hic Speculatores, ac Referendarios per hostium domos tenet, hic tractatum tempora executionis expectat. Demum suis vivimus oculis, quicumque *Gibellinae* factionis fumus. Cuncti *Francisci* dictis obmutescunt, & quæ dixerat vera esse fatentur; quippe eo tempore *Matthæus* cunctorum exulum *Gibellinorum* unicus reconciliator erat, qui unus cunctas amicorum, ac fociorum factiones, & impensas pro parte *Gibellina* in partibus *Lombardiae* tunc ferebat. Hæc itaque cuncti laudamus Syndici. Comes *Varnerius* illico venit ad *Cænobium Fratrum Humiliatorum de Viboldono*, ibique colloquium habuit cum *Matthæo* secum deliberans quid agendum sit. Verum & hostibus sua consilia sunt; nam *Passarinus de la Turre* Potestas *Cremonæ*, ac *Guillelmus Cavalcabos* cum parte de *Fondutis* tractatu habito post paucos dies *Soncinum* oppidum multum dives occupant.

CAP. XLVII.

78

Angulus in extremo oppidi muro surgebat in Arcem, hic nempe locus natura, & arte munitus modico præsidio tutus erat, *Gibellinis*que subfidiis aditum servabat in oppidum, quod proditoribus oppidanis, & *Guelficis* invasoribus maxima pavoris causa erat, ideoque immensi, ac lati operis una nocte construunt murum ficcum, hostilis impetus obstaculum nimis vile. Hinc nuncius ad *Matthæum Mediolanum* venit, ibidem ut res erant, nec non per ceteras *Gibellinorum* Urbes nuncios. Itaque Comes *Varnerius*, qui tunc *Brixiae* erat cum modica suorum *Germanorum*, ac *Brixiensum* equitum comitiva, & *Mediolano Cresso de Crivellis*, qui mercenarios equites *Mediolani* secum ducit, absque mora illuc tendunt, & ante portas oppidi per burgos exteriores in varias stationes sparsi nullo vallo, neque ulla fossa tuti temere sese locant. Nam sunt qui asserunt *Passarinum de la Turre*, ut distantibus castris dispersos hostes vidit, contra eos erumpere voluisse, erupissetque, ni *Guillelmus Cavalcabos* fidera, & Geomantiae suas figuras scrutatus sortes, illa die suspecta timuisset casum suum, & milites jam exire paratos intra moenia tenuisset, inquires: Propinqua nobis subsidia sunt, quibus tutius pugnare possitis.

CAP. XLVIII.

At *Guillelmus* vitare nequit, quem casum dabant fata. Nam dum utraque pars expectat subsidia, *Cremona*, quam *Mediolanum* propinquior, & quæ præcognita, ac deliberata noverat paratior subsidia suis Ducibus quasi ultima posse destinare parabat, non modo pro obtinendo, quod occupaverant oppido, verum etiam ut æquo campo cum hostibus esse possent, ac secum pugnare, si fortuna sinat, totius Civitatis effortium tam peditum quam equitum fociorum etiam expectans undique requisita subsidia tunc præmittebat expeditorum peditum quantas conducere potuerat multis diebus

bus turmas. Interim unus ex nunciis, qui destinati fuerant explorare quid *Cremonæ* pararet hostica gens *Guelforum* peditum, quos *Cremona* conduxerat, temere venientium in itinere strepitum, ac tumultum sentit, & cognitis a longe hostium signis, ad Comitem *Varnerium*, & *Cressonem Crivellum* redit referens ea hostium subsidia jam prope esse. Dum autem consulitur, quid agendum sit, *Cresso* indomitus armis senex vociferat alta voce: Quid inertes moram trahimus? ad eos, ad eos, versus venientium hostium iter dextera manu minitans. Tunc Comes *Varnerius*, nostræ linguæ rudis, *Cressonis* vocem, & actum non intelligens quid ferat interrogat, & ab interprete intentum *Cressonis* intelligens, probitatem ejus laudat, & maxima exultatione: per fidem meam & factum erit, inquit, signum tubis dari jussit. Itaque cum omni equitatu adversus tam propinquos hostes in *Gulliemi* subsidium venientes celeri passu tenditur, quos improvise de subito impetu fusos ad libitum victor cædit. Paucos fuga salvos fecit, nam nulla parte fuga eis tuta est latis campis. Captis itaque & ad libitum deletis hostibus, signo deinde receptui dato Comes rursus *Soncinum* tendit, cujus muros frequentium hostium jam tamen percepta novitate paventium plenos vidit. At illi ut nota fuorum signa, ut captivos videre turpiter per terram trahi, deinde confusos vulneribus captivorum civium vultus ante exultantium hostium acies duci, illico suæ pestis certi, gelatis pavore animis confusi sunt, & perditio pavore consilio nullum pugnandi, aut fugiendi ordinem habuere, imo quisque sibi consultit. Porta oppidi, quæ versus *Cremonam* respicit, patebat subsidium expectans, quam medium stagni spatium a subito hostium impetu defendebat. Hinc *Passarinus de la Turre* inter pugnam, atque fugam dubius exit. Exeuntem plerique secuti sunt. Ille autem ut imparem hostibus militum numero, atque animo videt, timensque ne in offensi *Cressonis* manus cadat, qua tutior fuga visa est, viam tenet. Eum minime persequuntur nostri equites, sed potius ad patefactam oppidi portam, per quam frequentes hostes fugiunt, rapido cursu tendunt, & quibus possunt viam fugæ claudunt. Qui vero tardi contra hostium occursum fugam minime tutam putant, versis equorum frænis iterum castrum petunt. Hos insequentes nostri dum cedentium terga cædunt, per eandem portam mixti secum vadunt. Jam qui in arce tam opportuni insultus, quam præsidii causa erant, percepto rumore victoriæ, subito medium muri sicci obstaculum ad solum fundunt. Tunc cunctis sequacibus *Gulliemi Cavalcabovis*, qui equo armatus hostibus introitum inhibere parabat, adeo crevit pavor, ut ne quidem animum ad pugnam liberum, neque fugæ memorem caperent. *Gullielmus* pristinae virtutis, ac suæ dignitatis memor, ut comitem *Varnerium* ac sua signa intra muros videt, paucis eum sequentibus occurrit sibi, quem jam frequentibus *Teutonum* receptum gladiis sternunt. Ceteri per domos fugiunt, ubi quisque dejectis armis vita securus fuit, exceptis qui proditoris actores fuerant; nullus quippe locus proditori tutus est. *Venturinus Fondutus* in *Soncino Guelficæ* partis Princeps, qui ipsius novitatis actor fuerat, duorum filiorum patrium crimen luentium mediis laqueo pendens tristem vitam dedit. Hi intra moenia, ceteri sequaces sui extra pomeria necati sunt. In alios oppidanos minor sævitia fuit; nam aut precibus, aut pecunia de manibus *Teutonum* liberati sunt.

CAP. XLIX.

AT *Gulliemi* nece *Guelfica* pars *Cremonæ* adeo domita est, ut Urbem, ac se intra Urbis muros vix tutos putent. Dum subito *Guidonis de la Turre* obitu stupet omnis *Guelfus*. Hic *Guido* exilii sui finem imponere saltem post mortem ratus *Cremonæ* moriens, frustra tamen dixit: Si Fratres Ordinis Minorum *Mediolani* corpus meum posuerint in Ecclesia suo in marmoreo loco, ubi proposui requiescere, habeant Florenos mille. Cui ut vivo, sic & mortuo in patriam accessus minime concessus est; nam Fratribus *Minoribus* id petentibus *Matthæo* negatum est, quicquid Fratres increpans: Vultisne, inquit, excommunicati corpus *Mediolanum* ferre?

CAP. L.

INterea *Vercellis* seditio inter Cives mota illuc suscitatur *Philippum de Sabaudia*, qui ut ipsius Urbis Communisque Rector eo venisse ferens compositionis causa, non talis a *Tizonibus*, eorumque sequacibus creditus est, sed suspectus. Qui illuc Comitem *Varnerium* illico sequentibus literis, atque nunciis provocarunt. In cujus adventu non Urbis seditio tollitur sed novatur; nam, ut creditur ex proposito, orta rixa inter familiares utriusque Ducis, utrinque subito cum tumultu captis armis *Varnerii* familia potentior fuit, & spoliato hospitio *Philippi*, ipse relictis equis, & armis, 8^r ac prope nudus milite in castrum *Advocatorum*, quod tumultus tempore a suo Urbis latere situm tutum receptaculum cunctis suæ factionis erat, vitæ consulens fugit. Hic *Philippus* Comiti viribus imparem sentiens se, dum paratas contra se magnas *Mediolanensium* armatorum copias sentit, *Vercellas* linquit, & *Padiam* redit. Deinde post paucos dies *Taurinum* ivit, quam Urbem *Amadeus* patruus ejus pro usurpato a se Comitatu *Sabaudie* ipsi *Philippo* pertinente successionis jure eidem dederat possidendam cum aliquot oppidis in *Pedemontio* sitis; relictus etenim erat *Philippus* iste pupillus ipsius patris tutelæ, qui sibimet Comitatus jura tutatus est. Hic *Philippus* sentiens *Gibellinos Ligures*, ac totius fere *Lombardie* contra eos ejus prava consilia, atque machinamenta percepisse, ac ipsum Comitem *Varnerium* horum omnium instructum esse, deinceps omni spe in suis partibus dominandi posita, solo salario suo percipiendi saltem a *Papiensibus* curam dedit, & celebrandi nuptias gratia contracto matrimonio filii, quorundam nobilium *Papiensium* comitivam petiit, habuitque usque *Taurinum*, quos ibi retinuit velut obfides, donec pecunia sui salarii sibi destinata fuit. In quibus obfidibus fuit *Ricardinus*.

Heic desunt aliquot folia.

similis fuit. Invalidi senes trementi manu cujusque generis tela ministrant natis. Tandem oppidani ultima illa necessitate totius etiam utriusque sexus gentis viribus resistentes, primo hostium impetu sese, murosque defendunt; pugnam tamen non audent expectare secundam, sed oppidum Imperatori dedunt. Postero die ad oppidum *S. Joannis* venit, quod captivatis XL. *Catellanis* equitibus mercenariis, quorum Conestabilis cæsus est, salvus incolis in deditionem receptum est. At *Florentini* cum sociis, & amicis, quorum supra facta est mentio, ad ripas fluminis *Arni* celeri gressu tendunt, ad *Ancisam* XII. mill. passuum *Florentia* distantem, ibique hostium transitum inhibere conantur ad passus. Exercitus Imperatoris *Figinum* tendit, ubi non amplius una nocte moram eo traxit. Mane inde iter rapiens ad *Arnum* venit, quo

82 integrum hostem frequens nuncius jam venisse nunciat, ut iter Imperatoris, quem *Florentiam* properare sentiunt, ad iniquos angustosque passus auferant. At ubi Marescalchus Regis *Roberti*, quo tunc *Guelficum* regebat exercitum, gentem Imperatoris appropinquare sentit, signo dato cunctos ordines in acies ducit haud longe a fluminis ripa, ubi hostium transitum aptius impedire queat. Verum ubi hostes spreto flumine undique facto vado per anfractus viarum iniquos transeuntes passus vident, *Tusci* primo expeditorum impetu concussi, deinde modica pugna turbati, laceratique in fuga salutem quærunt, ac propinquum oppidum *Ancisam* multis per campos cæsis petunt, nec se primis mœnibus tutos putant, imo in summam arcem oppidi continua fuga tendunt. *Guelforum* plures in fuga, quam in acie cecidere, multi capti sunt, licet *Gibellini* parum fugientes persecuti sint. Imo positos hostibus in conflictu castra ponunt prope ripam *Arni*. Sunt qui asserunt Imperatorem *Tuscorum* rebellionem eo die finem dedisse, si usque *Ancisam* persecutus fuisset hostium fugam, aut si iter properasset ad Urbem illico post conflictum.

CAP. LI.

AT *Florentini* ubi exercitum hostium ad ripam fluminis pernoctare sentiunt, nullo ordine, imo potius fugæ modo *Florentiam* tendunt. Sequenti die Imperator versus *Florentiam* tendens cum exercitu ante muros ipsius Urbis sedit juxta Ecclesiam *S. Salvi* supra *Arnum*, in quo exercitu computatis *Aretinis*, aliisque *Tuscis* suæ factionis, & aliquot nobilibus *Italicis* erant non ultra equites MCC, & cujusque generis pedites VIII. mil. qui tamen Urbem *Florentiam* cum tot prænominatorum *Guelforum* præsidio obsidione premebat. Nulla etiam tempore noctis quasi custodia in castris facta; imo etiam tanto in despectu habebantur *Guelfi*, quod magna pars equitum, & expeditorum peditum per agrum *Florentinum* longinqua pace plenum, ac diu antea bellicæ populationis ignarum quotidie discurrebat ad prædam, dum præcipue exercitui necessaria victualia quærunt. Cujus rei causa tanta jumentorum, & cujusque generis pecorum in exercitu copia erat, ut pro florenis uno venderet prædo bovem, nec reperiebat emptorem. Nec mirum; quis enim in exercitu mercator esse velit, ubi ad prædam tam libera patet via? Quo fit ut pro minimis etiam pro duobus calceamentis corii bovem in permutatione daret prædo. Neque in exercitu serica vestimenta defunt scortis alteriusve generis ornamenta *Etruriæ* puellis rapta. Vinum, bladum, 83 & oleum, tanta horum erat copia pro minimis pro ut prædoni opportuna sunt in exercitu ad libitum cuique dabantur. Hæc omnia *Florentinorum* damna, & quæ ante oculos volitabant miseriæ, oppidis, villis, ac magnis vicis fumantibus, populatisque viridariis, eos tantis præsidii stipatos ad conferendum in acie manus minime provocarunt. Quippe intra mœnia trepidantium tumultus civium magnus erat, dum maxime timent, ne insultet hostis muros.

CAP. LII.

DUM sic exultat *Germanicus* miles, totusque exercitus *Gibellinus* hostica præda gaudens, fortuna in prosperis sæpe minax mutati vultus signum dedit subita corporis infirmitate Imperatorem visitans. Cujus lectum illico stipant Medici, nec ullus tam *Hippocras*, aut *Galenus* ipsum salutis certum reddit. Verum fortuna ipsa ambiguos semper ac cæcos gressus, subitosque regressus faciens nimium fallaciter in humanos casus ludit, ecce dum sperare facit *Guelfos* plus in morte Principis, quam in pugna, cito blanda *Gibellinis* re-

A diens sibi parumper aspirare visa est, insperata scintilla vigoris jam fere perditos infirmi corporis mirabiliter sensus reddens. At ubi sedatis morbi viribus proceres restitutum sibi Principem sentiunt, ad ipsum conveniunt Archiepiscopus *Trevirensis* frater ejus, Comes *Sabaudie*, & *Henricus* de *Flandria* Mareschalcus, quibus Imperatoris casus pensatis periculis exercitus sollicitam mentem fecerat. Hi pro re pauca ferunt Domino supplicantes, ut mutari campum sineret, ac sese cum exercitu reduceret in agrum *Aretinum*, ubi cuncta pro se, & gentibus suis salva, atque opportuna fore dicebant. At ille hic nimium incaluit verbis, ac tandem: Fallimur, inquit, & dum in vos confidimus, spes nostra nimium vana fuit. Hucusque credidimus, nobis deficientibus vos obtinuisse victoriam contra hostes, & dum vivimus, a proposito desistitis pecorum more vilium quæque pericula metientes. Hæc velut increpitans accensus ira inquit, se adeo turbans, ut recidivam faciens iterum dubius fuerit vitæ. Tandem post paucos dies summa valetudine victualium penuria, quorum paulo ante castra undique plena erant, campum mutare coactus est, nam consumtis undique viribus *Arni* tanta aquarum inundatio superatis undique fluvialibus ripis fuit, ut per campos prope cuncta natarent. Cujus rei causa nullum frumentariis præcipue *Aretinis*, quorum ope sustentabatur exercitus, ad castra liberum iter erat. Igitur per iniquos passus districtus Comitum *Guidorum* exercitus rediit ad flumen *Arnum*, ibique dum vadabile fiat, castra metatus est. Post paucos dies trajecto flumine in justum alveum jam contracto securus, atque liber exercitus versus *S. Miniatum* tendit, licet in transitu *Florentinus* amicorum, sociorumque præsidio integer haud procul in acies dispositus pugnam transcuntibus minatus est. Illa itaque die Imperatoris castra juxta ripam fluminis, quod vocatur *Evia*, sita sunt. At *Florentini* locorum gnari cum equitibus MD. & X. mill. peditum repente Montem *S. Mariæ* occupant, qui supereminet castra exercitus *Gibellini*. Unde more grandinis sagittantes castra turbare nituntur. Hæc sentiens Imperator jussit *Fredericum* Comitem Montis *Feltri*, qui præerat *Italicis* in exercitu, ut captis armis infestum montem liberet. Deinde *Teutonibus* circumstantibus velut secum murmurans, & signa questus vultu gerens, inquit: Si, ut fui, forem Comes de *Lucimborgh*, non eminens hoc monte supra caput staret hostis. Qui audiunt, reliquis signo dato, illico captis armis sequuntur Comitem, & *Italicam* gentem suam. Itaque nulla mora facta *Germani* Comite prævio armati per ardui montis devia undique facta via serpunt, quos ejicere poterat modica etiam mulierum turba. At *Florentini* ubi serpentes montem hostes vident stupefacti lacero agmine fugam capiunt, quorum terga cædunt *Teutoni*, & *Italici Gibellini*. Multi cæsi, multique *Guelforum* capti sunt. Ignominia tamen major clade fuit.

CAP. LIII.

POSTERO die Imperatoris castra haud procul ab oppido *S. Bassiani*, qui locus non amplius quinque millibus passuum *Florentia* distat, sita sunt. Tunc miles relictis fere castris undique per hostilem agrum prædabundus currit, villæ & oppida in circuitu late fumant, nullis circumstantium immunibus hujus cladis, nisi qui celeriter sese dedunt pleni victualium occurrentes, quibus imperatur, ut eorum, quæ exercitui opportuna sunt, continuum mercatum ferant. Imperator positus castris gentem suam in plures partes partitus, partem Archiepiscopum *Trevirensis* sequi jussit, cui inquit: Perge ad castrum *S. Mariæ Novellæ*.

Dein-

⁸⁵ Deinde aliam militum copiam Marechalco dedit, qui absque mora Passignanum tendit. Verum neuter introitum fecit portas reperiens clausas, & muros rebellibus armis densos. Uterque hostiliter quod potuit fecit populationibus, & incendiis hostibus iram suam vendens. Tandem vastatis agris ad expugnanda oppida redeunt, quæ æque alia armorum vi capiunt. Interim Imperator exercitum gentibus fortificare volens Comitem Montis *Feltri* *Pisas* misit statuens eum ipsius Civitatis Vicarium, qui statim cum *Pisanis* ad exercitum veniens, quingentos equites, & decem millia peditum secum duxit, quibus longior quam existimabatur in castris statio adeo tædium fecit, præcipue quibus vacuis bursis pecunia etiam necessario sumtui deerat, ut plerique, sua non alicujus superioris licentia castris abeuntes domum, ab hostibus in itinere capti sunt. Ea captivorum multitudo plus rusticorum, quam civium *Pisanorum* fuit, & sunt qui asserant hujusmodi captivos fuisse plus quam mille.

CAP. LIV.

EO tempore *Robertus* Comitis *Flandriæ* filius in exercitu Imperatoris erat, qui impetrata repatriandi licentia cum XL. armatis abiens *Pisas* insultum hostium, qui cum *Carrocio* duce suo in castro *Florentino* præsidii causa erant, maximo labore sustulit, quos etiam numero CL. equites cum quingentis peditibus tandem acriter resistendo fudit, dicto *Carrocio* graviter vulnerato, & pluribus insultantium in campo cæsis. Eo die *Robertus* iste iter suum faciens, priusquam perveniret *Pisas*, in alias quamplures hostium turmas incidisse fertur, quibus acriter resistens plusquam honoris, ignominiaæ atque cladis liquit. Dum itaque, ut prædixi, vastantur *Guelforum* agri populationibus, incendiis *Casale* oppidum frequentibus incolis cultum multum *Florentinis* carum in deditionem venit: Introductis Marechalco, & *Frederico* Comite Montis *Feltri*, quos patefactis portis oppidani cum septingentis equitibus sponte recipiunt. Distat autem locus ille *Florentia* XV. mill. passuum spatio, quod ubi sensere *Guelfi*, quorum supra facta est mentio, illico ad partes collis, & *S. Geminiani* cum exercitu celeri gressum tendunt, quæ duo oppida inter *Casale*, & exercitum Imperatoris fere medio itinere sita sunt, ne *Casalenses* cum victualibus ad exercitum inde iter faciant, inhibere volentes, ibique Marechalco, & Comiti *Frederico*, qui que cum eis *Casale* oppidum ceperant, ne ad exercitum redeant, obsidere iter credunt. At illi tracta ad libitum *Casali* mora dandi ordinem rebus causa, cum solis equitibus DCC. cum quibus venerant, redeuntes equitant, quo hostes venisse sibi nunciatum est. Non contenti procastris sese in aciem explicare, quinimo etiam illatis signis procedentes ad portas collis multitudinem hostium obsessæ gentis more clausam ad pugnam frustra vocant. Tandem fessis cantu tubis, nullisque hostium egredientibus, ad exercitum æquo passu tendunt. Postero die odiosum nimia mora campum linquit ad burgum *Podii Bonizi* festinus tendens.

CAP. LV.

Locus autem ille, dum in *Italia* Imperii celebre nomen fuit, dumque in *Tuscia* valuit factio *Gibellina* nobilium incolarum frequenserat. Verum æquatis dudum solo mœnibus nunc sola restat transeuntibus rupes nota, quam etsi tenaci fronde tectam viator sæpe digito, ut signum antiquæ arcis, monstrat. Nam vacante Imperio,

A quod sæpe accidit longo temporis intervallo, ex quo in pauperem *Germaniam* Imperii jus recessit, dum electus *Teutonus* imperare mundo nesciens ad solemnia coronationis suæ nequit, imo vere nescit accedere, non modo vicus iste, verum etiam pleraque oppida, dum antiquam Imperii fidem servare volunt, quas stolidus miles *Teutonus*, aliufve Principis Curiam sequens vicinis urbibus regnante Imperio injurias tulit, luunt. Diris itaque belli cladibus, aut longa obsidione subacta non modo istud, verum plura alia oppida tumidis post receptas injurias *Guelfis* diruta sunt. Imperator illico hujus vici mœnia refici statuit, primumque lapidem operi Procerum astante corona imposuit, & novo oppido novum nomen dedit, inquit: *Mons Imperialis* à modo vocetur iste locus.

CAP. LVI.

Interea dum expeditorum equitum ingens turba à quadam scorta redeunt, ad quam præsidii causa Imperator eos miserat, quibus duces dederat Comitem de *S. Flore*, *Aymonem* de *Biamont*, & *Bindum* de *Baschis*, *Guelfi*, qui una cum Comite *Romandiola* in oppido *Colle* præsidio positi erant, ubi eos inde transeuntes vident, dimissis intra mœnia ad portas terricolis armatis, qui præsto subsidio sibi forent, versus eos velut impetum facturi tendunt. Contra quos *Teutoni* pugnaæ avidi temere citatis equis rapido cursu ruunt, venientium versus se hostium passim incursum expectare nolentes. At ipsi dolo, non metu paulatim pugnaæ cedunt, atque inter fugam, pugnamque dubios sese monstrantes pedem retulere, donec hostes temere insequentes in declives fossas traxere, quæ haud procul muris oppidi, ubi latebant, insidiæ erant. Tunc patefactis portis erupit recens miles, & signo dato in hostes una cum his qui simulata fuga cesserant, integrant pugnam. Haud mora: *Teutoni* iniquo pugnantibus loco conflicti sunt, & ex eis circa XL. cæsi. Captus cum paucis *Aymo* de *Biamont* unus ex Ducibus supradictis, qui plurimum Imperatori carus erat tum virtute animi, quæ hominem Deo, atque hominibus gratum reddit, tum sanguinis proximate.

CAP. LVII.

Hæc ubi in exercitu nunciata sunt, mœsto murmure undique fremuerunt castra. Imperator illico cunctos Proceres suos ad se vocat, atque hujus rei causa turbatus cunctis iratum sese fecit, inquit: Meritis nostris, non alia causa ruimus, & pericula in dies majora timere cogimur, quæ digne debita sunt nobis, si ulla mortalium cura Deum tangit, aut si nos respicit de cœlo justitia. Nec nos qui nimia dissimulationis patientia injusta geri patimur, immunes, imo nostri criminis rei sumus. Nonne innocentes lædi? injustas, atque crudeles prædas agi sensimus? eoque animo, atque modo in *Christicolas*, quemadmodum in *Saracenos* bellum agi? Quinimo pacatos, ac data fide nobis deditos spoliastis, & quod inhumanius est, plerique vestrum sedulos, atque blandos hospites tractastis ut hostes. Nonne confusione digni sumus, qui tanta patimur injuste geri? Vere Deus ex alto quos crudeliter, & injuste premitis, miserarum voces audiens, eorumque querulam causam, quam relinquimus, suscipiens, brevi præcludet viam factis nostris: sic enim vaticinari nobis licet, quippe si abjecimus arma justitiæ, quæ amplius nobis tuta erunt? ⁸⁸ Quam aliam esse causam creditis, cur tot temporum intervallis, ex quo nobis *Germanicis* concessum est, vacavit Imperium, nisi quod *Italos*, qui

qui dum justum regnet Imperium, ab omni tributo liberi sunt rationabiliter, & immunes, antecessores nostri pressere durius quam Tyanni? Injurias etiam ipsas castra nostra sequentes inferunt; ut tenebantur, minime propulantes. Et ideo qui pressuras, & injurias passi sunt, & quibus postmodum narrantur injuriæ, nati, atque natorum nati *Germanicum* vacare, quam regnare malunt. Quiescite igitur, quæsumus, ab injuriis, & clementer agite, & nihil malignum aderit factis vestris, sed cuncta prospera nobis cedent. Post paucos dies dictus *Aymo* tribus millibus florenis redemptus est.

CAP. LVIII.

EO tempore dum fortuna probat vires suas, mirabilis pugna in partibus illis commissæ est, ubi paucitas multitudinem militum superavit. Trecenti namque *Florentini* cum peditibus prope DCCC. de *Vulterris* venientes *Gibellinorum* equitum parvam turbam versus *S. Cassianum* tendentem cernunt, quos haud temere non ultra LX. existimarunt. Erant enim *Teutonici* XL. & XII. exules *Florentini* quos, ubi propinquarunt, in eos paucitate spreto maximo clamore laxatis frænis currunt. Exules tribus dumtaxat exceptis incurfantium multitudinem pavescit, timentes etiam proscriptionis poenam, citatis equis illico terga dantes, socios in discrimine Martis linquunt. At illi in dexteris, & sola armorum spe fisi, non modo incurfantes hostes sustinere parant; verum etiam stricto agmine facto una in hostes fulminis more ruunt, eosque dirimunt, atque fundunt. Ignominiosa *Guelforum* equitum turba primo impetu turbata in fugam ruit, quorum quinque nobiles *Florentiæ* Cives hostium impetum sustinere volentes hostilibus gladiis cæsi sunt. Alter nomine *Zampoglone* de *Cornaquino* hostibus sese dedens dejectis armis capitur. Ceteri citatis equis fugiunt. Onerantes *Teutoni* captivos, equos, & arma, atque alia cæsorum spolia ostentantes in castra redeunt.

89

CAP. LIX.

NAm stolidi gens *Germaniæ* natura nimium prædæ avida, ac disciplinæ militaris ignara ulli hominum parcere nescia, dum vicinas villas, atque magnos vicos, quos superabiles pugna reperit, etiam pacatos, atque deditos spoliât, & quod prædæ superest incendio ponit, late vacuos undique cultoribus agros fecit. Cujus rei causa victualis penuria adeo in exercitu Imperatoris crevit, quod locum castris mutare coactus est. Itaque montis *Bonizi* nomine, ac mœnibus renovatis circa initium veris inde *Pisas* tendit. Ibi retribuens militibus, quam potuit recuperare pecuniam secum partitus est. Deinde *Pisanum*, ac *Januensæ* portus armatæ classis plenos esse jubet. Nuncios in *Alamaniam* misit ad Feudatarios, cunctosque fideles suos, filium quoque *Bohemiæ* Regem sollicitans, ut accitis undique gentibus una in *Italia* ad se celeres armati veniant. Amicos, atque deditos undique per *Lombardiam* suscitans literis, atque nunciis, ut equitum subsidium omni conamine citius ferant sibi, *Fredericum* *Siciliæ* Regem sollicitat, significans intentum suum ut armatæ classis, ac militum celerem faciat apparatus, ut quæ intra se consilia conceperant exequantur. Nam cunctis viribus terra marique Regem *Robertum* aggredi, *Apuliam*que hostiliter occupare decreverant. Ipsum namque *Robertum*, priusquam discederet *Pisis*, omni regno, omnique jure, atque privilegio honoris & dignitatis privans contra ipsum velut rebellem, & proditorem Imperii, extre-

A mi supplicii sententiam tulit, si quo tempore in manus ejus inciderit, ipsumque hostem publicum nunciavit. Urbem quoque *Papiam*, & cives ejus hostes, ac rebelles Imperii nuncios severam in eos sententiam in scriptis tulit in præsentia suorum Procerum, & copiosæ multitudinis populi *Pisani*, Pronunciens multa crudeliter contra eos, & inter alia Civitatis muros, murorum turres, & portas dirui, ac destrui funditus ipsius Civitatis sumptibus; fossata quoque & valia in ambitu ipsius Civitatis facta explanari, & impleri. Urbis quoque solum aratrum pati, hæc etiam numquam refici absque Cæsarea licentia speciali. Ipsam quoque Civitatem privilegiis, libertatibus, & immunitatibus ab eo, & antecessoribus ejus concessis, nec non statutis, aut consuetudinibus, mero etiam & mixto imperio, omnique jurisdictione privans, pedagia, telonea, gabellas, quoscumque redditus, ac proven-
90 tus, & cetera bona ipsius Universitatis suæ Cameræ confiscavit. Juristas, Advocatos, & Tabelliones suis quemque privavit officiis, ac cunctos pronuntiavit infames, ac plerosque quorum nomina inferius scripta sunt, sæviore sententia damnat, quos secessionis, ac rebellionis Principes, & Auctores, nec non læsæ Majestatis reos vocans de toto *Romano* Imperio nulla interposita conditione, & absque ullius remedii termino exbannivit, & diffidavit. Eorum bona, & jura, ac jurium, rerumque quorumlibet actiones, quæ modo aliquo alicui bannitorum competant, annotavit Fisco. Ipsos quibuscumque privilegiis, ac libertatibus privatos perpetua damnavit infamia, ita quod intestabiles semper essent, nec ad ullum legitimum actum admitterentur, & si quis eorum in manus Imperii deveniret, sibi extremum furcis supplicium inferendum esse decrevit. Horum damnatorum nomina sunt hæc: Comes *Philippo* de *Langusco*, *Ricardinus* *Girardinus* de *Sparavaria*, *Albertinus* *Formagiarius*, *Fredericus* *Guillelmus* de *Sparavaria*, *Petrus* de *Nicorbo*, *Ubertus* *Salvarisus* de *Petra*, *Guizardinus* de *Insimbardis*, *Jacobinus* *Guizardi* *Zazii*, *Marcellus* *Insimbardus*, *Lombardus* de *Zimpresso*, *Salimbene* de *Botigeriis*, *Guillelmus* de *Caneva* nova, *Albore* de *Coetia* dictus *Judex*, *Joannes* *Insimbarbus*, *Jacobinus* ejus frater, *Rossinus* de *Strata*, *Philippinus* *Beccarius*, *Curradus* *Guasconus*, *Odoardus* *Botigiarius*, *Curradus* de *S. Michaeli*, *Galvaneus* *Bruja* *Mantica* dictus *Judex*, *Bordinus* de *Georgiis*, *Salvus* de *Canero*, *Piccus* de *Giandulphis*, *Comeynus* *Insimbardus*, & fratres, *Tadinus*, *Bregadinus*, *Jacobinus*, *Francionus*, fratres de *S. Nazario*, *Rigatius* *Petrus* de *la Viluta*, *Guidarius* de *Strata*, *Nicolinus* *Toscanus*, *Ubertus* de *Cario*, & filii, *Simonellus* *Tritus*, *Barvellus* *Busticoja*, & fratres, *Guasparonus* de *Cario*, *Ribaldus* *Canis rubens*, *Guillelmus* *Biscoffa*, *Bonifacius* de *Certo*. Multosque alios condemnavit *Italicos* eo die, quorum multi criminis expertes erant. Nam, ut fit, sequentes Curiam sæpe invidia, aut speciali odio quemque ad libitum authorem rebellionis faciunt, licet forte defectionem suarum Urbium dolcant. Verum processum istum non magni commodi fuisse arbitror, nam quisque etiam infestus infestior proscriptione est factus, imo etiam aliam antiquam Imperii cladem suscitaram esse creditur.

CAP. LX.

NAm Rex *Robertus* nunc condemnatus, & publice nunciatus hostis, *Gallica* Regia ortus *Philippo* *Francorum* Regi natione propinquus erat; Amborum nempe proavus idem fuit, de quo una mater duos produxit natos, multum tamen natu-

91

tura, & moribus varios, humilem scilicet ac Catholicum *Ludovicum* sola innocentia in Regno tutum, nec non *Carolus* superbum, qui ferocitate animi reliquos mortales vicit. Attamen reverentia ætatis *Gallicum* diadema, & omnes patrias dignitates dimisit fratri, nec inde, velut vulgo creditur, quæstionem movit. His *Ludovico*, & *Carolo* nupserunt duæ Provincialis Comitissæ filia, quibus paternum jus Provinciæ defectu virilis proles cessit, cumque ambæ die magni Festi sublimis una sederent sede, quæ uxor Regis erat sorori inquit: Tu cum non Regina sis, cur æqua sede mecum sedes? Pulsâ igitur, & confusa quæstibus atque ira implet virum, quem respondisse ferunt: Nec nos semper immunes Regni erimus, cujus Regina & tu coronam feres. Ea res non modo eundem Festum, verum totam turbavit *Europam*, nam non longum interea tempus fuit, *Carolus* iste *Romano* Pontifice, velut quod sui juris erat conferente, *Gallico* milite armatus terra marique *Apulios* invasit fines, & domito, ac Marte perempto Rege *Manfredo Frederici* Imperatoris filio, quem damnarat Ecclesia, *Apuliam*, & *Siciliam* occupavit, deinde adolescentulum Regem *Conradinum* secundum ipsius *Frederici* nepotem aviti regni iura recuperare volentem Marte confusum, & in fuga multis diebus post pugnam captum occidit feroci sententia condemnatum. Verum hic *Carolus* suo tempore, suoque ac suorum militum crimine, quibus nimia licentiâ datâ parum fuerat regnicolarum divitias omnibus modis rapere, quinimo eo regnante in *Sicilia* pudicitia mulierum minime tuta fuit, ipso regno *Siciliæ*, ac cunctis militibus, quos præsidio regni posuerat non sine miraculo, non modo una die, verum prope una hora spoliatus fuit, quos regnicolæ injuriarum memores cum omni eorum semine trucidarunt, *Petrum* Regem *Aragonum* in suum Protectorem, & Dominum antea, ut creditur, provocatum in ipsa gerendæ rei hora opportunum habentes. Iste *Petrus Arago* tunc magna classe armata inferre bellum minitans *Saracenis*, ut ad instantiam *Caroli*, quod parabatur, suspicantis *Romano* Pontifici juris jurandi religione promiserat, versus *Siciliam* navibus iter tenens in ipso novitatis puncto *Siciliæ* Regnum adeptus est, quod *Carolus* nullique successores ejus post modum recuperare valuerunt. Imo *Fredericus* ipsius *Petri Aragonis* filius ipsum *Siciliæ* regnum tenet, cujus subsidio Imperator nititur Regem *Robertum* memorati *Caroli* nepotem *Apuliæ* Regno pellere. Nec huic *Frederico Roberti* soror nupta pacis validum pignus fuit.

CAP. LXI.

Itaque *Philippus Rex Francorum* ubi contra Regem *Robertum* consanguineum suum hujus Imperatoris *Henrici*, ac *Frederici Siciliæ* Regis, qui *Aragonum* stirpe natus nulla sanguinis affinitate placatus numquam remisit odium in *Gallicam* gentem semel sumtum, arma terra marique parata esse, non modo rumoribus famæ, verum etiam certis nunciis, ac literis intellexit, eosdem quos olim *Ananiam Bonifacio* Papæ vim facturos miserat, ad Papam *Clementem*, qui Imperatori favere videbatur, mittit, qui ubi hos Regios Legatos ante se vidit, illico stupefactus sese perditum credit, *Bonifacii* Papæ casus memor, quibus ait: Quid quæritis? At illi superbia pleni, videre volumus, inquit, quæ in Cancellaria literæ, in quorum favorem, quorumve perniciem eas destinare conaris. Neque amplius in sermone morati ad Cancellariam Legati Regis tendunt. Ibi *Conversus Ordinis Cisterciensis* barbatus illiteratus penes se magnum acervum literarum tenet,

quas antiqui moris Curia observantia forte *Papali* Bulla testâ manu signat, ne literatus munere, aut personarum acceptione corruptus posterioribus prioribus postpositis literis aliquando præfignet. Ibi utrique *Gallicæ* stirpis Regum invisas reperiunt, atque legunt literas, quibus Imperatorem *Henricum*, suosque processus cunctis Fidelibus *Papalis* favor recommendare velle videbatur, suadendo ut eidem fideliter obedirent. Harum pars jam, pars nondum sigillatæ erant; omnes tamen ad Pontificis præsentiam ferunt, easque cum indignatione ad pedes ejus spargunt. Cui ejus legationis Princeps horrenda voce tonat: Hæcne promeritis reddere beneficia didicistis eorum hostes armantes, quorum prædecessores non modica Sanguinis effusione Ecclesiæ pericula, & injurias propulsarunt? Credebatne *Carolus* olim contra *Manfredum Tarentinum*, aliosque persecutores Ecclesiæ se opponens, nepotes ejus Rectoribus ipsius quam sæpius liberavit, Ecclesiæ sic tractari? Cur non in quem protervia sua traxit *Bonifacii* Papæ casus te docuit? Certe si alieno doceri nescis exemplo, alios docebis tuo. His aliisque duris sermonibus omnis *Germanici* Principis extinctus favor favorisque literæ rejectæ sunt, neque earum ulterius mentio fuit. Imo in contrarium mandatum Apostolicum obtentum est, per quod Imperatori inhibuit, ne Regem *Robertum* invadat, atque armis instet, præcipue in Regno *Apuliæ*, quod Ecclesiæ patrimonium est.

CAP. LXII.

Imperator ubi tam durum, ac spe alienum Apostolicum mandatum accepit, hoc, secum inquit, *Philippi Gallorum* Regis opus est, qui nullum superiorem cognoscens, ut asserit, Regnum suum tenet. Certe sciet. Deinde convocato suorum Procerum consilio juxta domum Fratrum *Prædicatorum* astante magna *Pisani* populi multitudine protestatus est, quod galearum, equitumque, quod parabat, effortium minime præjudicare intendebat Ecclesiæ *Romanæ* juribus, quæ per omnia defendere, & conservare volebat, intendens solummodo honorem, atque jura Imperii persequi. Nihilominus Legatos ad Papam mittit, scilicet Episcopum *Tridentinum* Cancellarium suum, Episcopum *Borentinum*, & Comitem *Sabaudie*, qui hujusmodi mandatum revocandi operam dent. Interim *Henricum* de *Flandria* Marschalcum suum cum octingentis equitibus, & populo *Pisano* expugnare *Petram sanctam* mittit, oppidum licet dives novum; ipsum namque construxerant quodam *Guiscardus* de *Petrasantâ* nobilis Civis *Mediolani* Urbe sua exulans, prima *Turrianorum* regnante Tyrannide, in districtu, aut prope confinia *Lucanæ* Urbis, cujus Rector erat, oppido sui cognominis imponens nomen. Dives vi captum spoliant oppidum, centum equitum, mille peditum *Guelfico* præsidio frustramunitum. Inde *Gibellinus* exercitus præda onustus *Lucanum* agrum visitans hostiliter *Sarfanam*, & plures alias *Guelforum* terras occupat. Unde ad arma conciti socios, & amicos vocant, ac magno exercitu congregato ad Castrum de *Camajore* duobus millibus passuum *Petrasantâ* distans veniunt, iterumque ad reditum *Pisanos* obsident, qui numero equitum, atque peditum nimium impares, qua venerant, *Pisas* redire non audent; Erant enim in exercitu *Lucano* duo millia equitum, & XX. millia peditum, aliud iter *Pisanis* tutum est. Nam, qui solus restat, passum maris Regis *Roberti* quatuordecim galearum classis obsessum tenet. *Pisani* tamen vadantes ripam ante ora hostium, qui *Mucronem* propinquum ripæ maris castrum obtandi causa venerant, *J. de Cermenate.*



nerant, transferunt periculofum & nimis altum maris vadum quam hostium infultum minus timentes.

CAP. LXIII.

EO tempore militabat *Pifis* nobilis, & egregius miles *Struffa* Brambancia gente, cujus nomen in castris juxta *Brixiam* clarum, ac Regi carum videram. Hunc cum LX. *Teutonicis* ad castrum *Vico Pafanum* pergentem hostes, qui numero erant CCCC. pedites IV. millia in itinere aggressi sunt. Ibi insignis pugna, ac memoriae digna fuit, quoniam nullo unquam praelio fortuna ita paucis propitia fuit; Ea namque *Lucanorum* multitudo *Germanorum* parvitate superata, & in conflictu posita est, multis ex Magnatibus caesis, multisque captis, pluribusque signis militariibus reportatis *Pifas*. In honorem B. Martyris *Georgii*, cujus numen imploraverant, ac nomen ejus in bello dixerant, victores novum templum fundarunt in Urbe *Pifana* juxta stratum *S. Mariae*, ipsamque Ecclesiam magnifice decorarunt.

CAP. LXIV.

Dum in partibus *Tusciae* Imperator moram trahit, *Placentia*, cujus custodia, & jurisdictione *Galeaz* Vicecomiti commissa erat, prope perdita fuit. Nam Comes *Philippo* de *Langusco* *Papiae*, & *Gibertus* de *Corrigia* *Parmæ*, & partium circumstantium *Guelforum* Principes, communicato consilio, excitis exulibus *Laude*, aliarumque terrarum, quibus ante exilium domi suae maximum nomen erat, *Malcum* atque alia plura castra ceperunt, quibus tam *Placentia* quam *Laude* crebris incurfionibus, ad ipsam occupandam; in quo nihil dubii ponunt, diem certam statuunt. Eam nempe urbem mediam utriusque Ducis fines, viresque dirimere, ac saepe mutuis inter se subsidiis ob stare dolent. Utrique igitur dicta die, collectis equitum, peditumque viribus, quibus quisque hostium Urbe potiri posse solus putat, discedunt domo. Fortuna autem, cui studium est vertere ordinem rebus datum, alium ac rati sunt, *Guelficis* rebus dedit eventum. Nam *Galeaz*, qui haec contra se agi consilia senserat, prius quam hostes iter arriperent, aut ulla veniendi *Placentiam* signa darent, quid agendum sit saepius deliberat cum *Conestabilibus*, ac *Primoribus* eorum, qui praesidio Urbis venerant. Nullum in re tam ardua consilium certum capit, dum in fortunae magis arbitrio, quam in ullius deliberatione consilii hujus rei eventum existimant. Uno tamen consilio certo, atque immutabili capto, scilicet cum his, qui primo hostes apparent, pugnandum, & cum singulis suo tempore potius, quam cum omnibus temere expectatis rem geri. Haec una omnes laudant, quibus modica spes erat urbem tunc nullo muro, sed ligneo vallo, & humili fossa septam defendere, si hostis impetum expectent clausi. Erat tunc praesidio *Placentiae* *Yvanus* de *Cornu Laudensis* ex antiquo exule Imperatoris beneficio factus civis, ante cujus adventum in *Italiam* *Yvanus* iste domo pulsus in castris saepius vitam degens bellicis artibus clarum nomen habuerat. Hic in pluribus hujus rei colloquiis *Galeaz*, & ceteros de consilio inducere conatus est, ut exules Urbis suae, qui per *Padum* venire nunciabantur, cunctis armatis navibus incurfarentur, se offerens ipsius insultus Ducem, dum veteris offensae ultionem quaerit. Itaque multis frustra in consilio ventilatis, dum magna jam parte noctis consumpta hostium expectatione fatigati, ut poterant, non armis demtis se dedis-

A sent stratis, ante lucis ortum vigilans altae turris custos vociferat: Ardet ebruius ignibus *Padus*. Arma citi; Jam nobis propinqui sunt, capite arma. Itaque quibus ea nocte Urbis custodia commissa erat, quique quieti dati erant, in unum sese coeunt. *Galeaz* his stipatus, primores suorum, reliquis seorsum esse jussis, consulit. Tunc *Yvanus* invadendi, quos volebat, occasionem nactus inquit: Cur non hos, quos primo sensimus, occupamus? Armatam classem & nos habemus. Dum haec *Yvani*, atque alia consulentium aliorum examinantur dicta qui in turribus speculabantur jam lucescente vociferant, haud procul plenos hostibus ⁹⁶ campos esse, deinde *Papiensium* signa cernere. Tunc *Galeaz* *Vassallum* de *Desio* collateralem suum, quid agant, quove ordine hostes veniant speculatum mittit. Ille hostes plus opinione propinquos reperiens illico rediit, quo pedites, quove equites ordine veniant referens. Acceleremus, inquit; Ad nos velut ad praedam tumultuario agmine veniunt. Nulla nobis mora tuta est. Praemissis igitur peditibus *Galeaz* cum omni equitatu per portam de strata alta contra jam propinquos erumpit hostes. Primo autem utriusque partis peditum sese incurfant acies. *Gibellini* temere venientes *Guelfos* non suorum equitum acie subsequente illico turbatos fundunt, qui nihil minus, quam ut contra se hostes erumperent metuentes adeo processerant, ut erumpentium impetum vitare non possent, absente imo ignorante Comite duce suo, quem *Simon* de la *Turre* *Guidonis* filius exul *Mediolani* Princeps secum in solitarium locum traxerat ad colloquium cum *Simone Malvecino* auctore prodicionis, quem in Urbe esse asserbat uterque *Simon*. Quibus Comes incurfantium tumultum armorumque audiens Sonitum: Fortuna, inquit, quae irrita haec consilia nostra fecit, suo nos consilio nunc uti volet. Indeque se subtrahens, dum vociferantium conspectum petit, suos cedentes, ac prope terga dantes videt. Ita confusus, ac prope perditus nullum ad suorum aciem equitum nuncium, ut veniant, mittit; immemor, quod modo discedens jusserat, ne donec rediret procederent. Imo paucis, qui secum, ut Secretarii venerant, cum sequentibus celeri gressu ad suos pedites, quorum magna pars hostibus terga dabat, ipsosque adventu illius illico animatos in hostes jam impetu conspecto Comite tardiores vertit. Qui vero cum *Galeaz* cujusque generis erant equites non numerum ducentorum attingebant. Hi expeditum agmen peditum in fronte positum sequebantur. Ante omne equitum agmen erat una cum *Vassallo* de *Desio* Comes *Serapontis* nescio *Gallicus*, an *Germanus*, utriusque enim erat linguae gnarus, qui tunc in *Tusciam* ad Imperatorem transiens pluribus diebus fidelis hospitii gratia *Placentiae* moram traxerat. Deinde precibus, atque donis illectus, nec non gloriae Martis cupidus hujus *Guelficae* novitatis, quam nunciabat ambiguus vulgi rumor, expectarat eventum. Cui *Vassallus* de *Desio*: Ecce, inquit Comitem *Philippum*, qui in his partibus totius rebellionis primus Auctor, atque causa fuit, quem nostrorum agmen peditum clava sternentem cer- ⁹⁷ nit. Hic modo suos fugientes retro vertit, ac nostros fugantes sistit. Qui si sua equitum acies, cujus moram miror, venerit, quorum equitatu noster nimium impar numero est? Haec nec temere dicta, neque Comiti audita sunt; nam illico fociis signum voce dedit, ac signa de coetu in dextrum latus aliquanto seorsum vertit, ne dum occurrat hostibus frequens *Gibellinorum* agmen peditum, aquis pulsum, a tergo turbet. Jam utriusque partis expediti pedites, deinde qui

qui armis graviores erant sese undique incurfantes increbrescebant late pugnam. Cujus rei causa hi, qui tensis hastis Comitem *Philippum*, aliosque hostiles equites incurfare volebant, ad hoc liberum spatium non habentes hastas objiciunt. Deinde evaginatīs gladiis horrifona voce missa versus Comitem *Philippum* per frequentem pugnantium turbam tendunt, & illico ejus, ac cunctorum, qui secum erant, equitum pugnam in se vertunt. Tunc pedites *Gibellini* se liberos sentientes hostilium equitum pugna, quos jam prius fuderant, hostium pedites acrius aggressi sunt, qui dum impetum sustinere conantur suorum frustra equitum expectantes subsidium, ab equitibus *Gibellinis* jam periculum in mora cernentibus, ne hostilium equitum acies perveniat, laxis frænis in eos impetum facientibus dissipantur. Erat tunc in *Gibellinorum* peditum agmine plebejus civis *Papiae* domo pulsus. Hic ut Comitem *Philippum* in Comitem *Serapontis* sævientem clava, nec non in *Joannem* filium ejus, qui pugna hostili pro Genitore successerat, videt, ad eum tendit secum inquit: Tunc exilii mei auctor hic evades Comes? *Lancea* non ipsum *Philippum*, quem strenuis armis tutum existimat, imo intentionior ad nocendum equum ejus petit, atque forat, neque illo lethali vulnere equus tardior, imo asperior Comitem in frequentiores hostes sævientem tulit, cujus rei causa neque suos post terga relictos fugientes videt, nec nisi tarde suorum fugam, & se relictum sensit. Nam equo vulnere jam affecto, in gyrum flexo, dum retro lumina flectit, nulum suorum nisi fugientem videt. Tunc frustra fugæ memor equum soliti saltus immemorem, ut humilem fossam in latum campum transeat, ferrata calce vulnerat. At ille in ulteriore ripa moribundus ruens Comitem in discrimine prope insensos hostes liquit, vix à Vassallo defensum, dum *Galeaz*, cui se dedat, vocatus veniat. Nam *Jacobinus* de *Landriano* peditum Conestabilis focios exhortans in eum: Hic, inquit, proterve Comes extinguendus erat tuæ superbiæ furor. Jam Incensi *Landriani* poenas dabis. Eo tandem, fociisque rejectis invitus quasi, & cupio mori vociferans, vixque *Galeaz* sese dedens, equo impositus in Urbem fertur. Jam hostis in fugam sparsus undique per devia quærebat salutis viam. Plerique versus *Padum* tutius naves petunt, reliqui peditum ex magna parte aut capti, aut gladio cæsi sunt, pluresque cecidissent, ni timor *Parmensis* *Gilberti*, ac *Laudensium* exulum, quos venturos noverant, victorem militem revocasset, qui etiam prope tardus ad defendendam hostibus Urbem fuit, quorum jam multos, lacerato vallo, intrantes Urbem invenit, qua nondum muro munita erat. Nonnulli etiam hostium ad interiora Urbis mœnia propinquabant. Hi primum *Papiensium* perpendicularē cladem, dum per Urbem vagantes onustos præda milites cernunt, & quam vulgo vociferanti increduli spreverant, receptam fociis cladem cruentis occurrentium gladiis credunt, audiuntque illico, & credunt Comitem *Philippum* captum; Nam ipsius cladis fama, aut ullus nuncius ad eos nondum venerat. Itaque omni spe perditā subito pavore percussi qui primi intraverant rapidos sistunt gradus, deinde dum retro pedem ferunt qui dejecti passus valli servabant ad se vocantes focios subito de aggeris tumulo sese præcipitant. Exteri itaque pavore percussi, qui Urbem quam prope captam putabant jam facto agmine intrare parabant. Sed non multum dubitare sinuntur, nam illico patefactis portis erumpunt tres *Gibellinorum* equitum turmæ, qui neglectis, quos passim vagantes cernunt, hostibus, in frequentem hostium aciem, quæ pro statione erat, ruunt. Eosque pri-

A mo impetu in fugam vertunt. Tunc multa peditum strage facta evasit eques, tota cædis clades peditum fuit, quos quia effusa fuga sparsos neque multum longe persequitur *Gibellinus*, imo servatæ Urbis periculo contentus, signo receptui dato Urbem intrat. Comes *Philippo* ubi, prout res processerat, sensit secum, quid ulterius te, inquit, dilacerandum servas? Expectabisne qualiter te tractet *Henricus*, qui *Tebaldum* amicum nostrum ante muros *Brixie* viliter more canis dilaceravit, dilaceratumque in conspectu gentium, spectaculum horridum, atque vile cunctis gentibus dedit? Itaque horrenda voce tonans ferrum, quo in se sæviat, quærit, quod ubi per custodes nunciatum est *Galeaz*, Vassallum solandi, ac servandi Comitis causa ad eum ire jubet, cui hos furiosos mores 99 amicis sermonibus increpanti inquit Comes: Cur frustra solari ægrum animum meum conaris amice? Quid mihi usquam spei est? Episcopus *Papiensis* frater meus, cujus omnia, quæ vere non sua, sed filiis meis dedita usui meo erant, vita cessit. *Ricardinus* filius meus, in quo si quid usquam spei misero mihi restat, sperare liceret, perfidia *Philippi* de *Sabaudia*, dum secum nuptias celebrare debebat, in *Taurino* captivus moram trahit. Quid autem ulterius fortunæ novercanti in me restat agendum, nisi ut æqualia *Tebaldi* fata præstet mihi? O quam pietas tua hodie, cum hostibus gladiis, heu nimium tardis peterer, pestifera fuit mihi! Hoc fide fecisti; cui me crudeliter lacerandum servares non vidisti. Tandem ut in hostibus non quam timebat sævitiam, sed humanæ compassionis certa signa videt, aliquantulum ad se rediens vulnus, quod per utramque aciarinam laminam transiens hostilis gladius fecerat, mederi passus est. Verum aliter quam timebat evenit, aliumque fati casum habuit; Nam Imperator eo tempore conspirantibus aliquibus *Senensibus* intrinsecis cum extrinsecis spem occupandæ per deditionem Civitatis cepit. Et quingentis de *Alemanis* equitibus sibi missis, iter arripuit versus *Senas* per agrum *S. Miniati* transitum faciens, & hostiles villas incendio ponens. Sed Urbis mœnibus accedens sua spe invenit se deceptum, ejectis enim fautoribus armatos muros *Guelficis* signis videt, & cum ad se vocatis *Aretinis*, & Comite Montis *Feltri*, & Comitibus de *Santastore*, & de districtu *Senarum* fidelibus suis, ante Urbis portas sita statione, *Senensem* undique agrum depopulans tenet exercitum, tridua febre implicitus ad tumultum suorum in pugna levibus certaminibus cœpta laborantium equitavit armatus. Inde iram animi, & immodicus corporis ægri labor ipsius febris igniculum in continuam traxit, qua continua comite die XXIV. Augusti anno MCCCXIII. migravit ad Dominum in loco, quem incolæ *Bonconsentum* dicunt distante *Senis* XV. millibus passuum. Amisso Duce spargitur exercitus, nam Comes *Fredericus* de Monte *Feltro* cum *Aretinis* Aretium reversus est, diuque *Senensis* cum ceteris *Guelfis* Tusciæ securus fuit. Mareschalcus cum cetero exercitu corpus Domini sui secum ferens per maritimam *Pisas* venit, & *Pisani* id cum instantia requirentibus corpus sepeliendum datur in Ecclesia majori obsequio tanti Principis, ut decuit, celebrato honorifice situm. *Pisani* omni thesauro carius tenent.

CAP. LXV.

116

Itaque Comes *Philippo* cruciatam, ac trucem mortem, præventa morte Principis, non habuit, quam timebat: Attamen perpetuo carcere miseram deinceps vitam egit. Nam *Matthæus* Vicecomes pater *Galeaz*, cui vinctus destinatus fuit, carcere eum clausit, in quo perpetuo vitam egit non immemor quod Comes iste una cum *Simone* de *Colo-*
J. de Cermenate. D 2 bia-

biano, & Antonio de Fixiraga, & Alberto Scotto, quem contra ipsum instigaverant ipsi falsi Comites Simon, & Antonius, ejus exilium procurarat, & de Domino ipsum Mediolani exulem fecerant, corrupto precibus, & falsis rationibus ipso Alberto mutato hostilibus aciebus stantibus in campo Melzi, ubi Matthæus ipsius Alberti nimium fidens, sibi clavam in signum remissionis dominii Urbis Mediolani, & plurium Civitatum, quas tenebat dedit, contentus in Urbe sua privatus vivere, quod ipse Albertus compositor pacis, quæ tunc tractabatur inter Turrianos & Ipsum, promiserat utrique parti. Verum instantibus, imo ut multi mortalium asserunt, cogentibus ipsis Comite Antonio, & Simone, introductis Turrianis, Matthæus extrinsecus mansit exul: & Guido de la Turre suæ factionis Princeps deluso temerariæ intentionis suæ Alberto, qui Mediolani regnare posse credebatur, regnavit non modo Mediolani, imo etiam Placentiæ, ipso reconciliatore suo inde pulso. Et exulem fecit, qui ipsum, & agnatos, & sequaces ejus exules abique spe subito fecerat desideratæ Urbis suæ Cives. Itaque Matthæus iste, qui in prima dominatione junior regnans nullam injuriarum suarum ultionem sumserat, quasi indifferenter pro malis reddens bona, postquam ab ingratis sceptro pulsus, exiliumque eisdem procurantibus, a quibus non id meruisse credebatur, ægre nimium passus est; aliquantulum inclementior factus erat, credens nimis facile ignoscendo periculum incurrisse, & propterea multos ad experiendum fortunam belli in se audacius surrexisse. Heic se instruat humanum genus, & in Cælo sciat esse, qui mortaliū curam habeat, & aliquando heic præmia pro meritis inique agentibus, præcipue ingratis, reddat. In hos ingratos, imo Retributores diabolicos, Matthæus sævire potuit, ut voluit. Tamen eos in ejus potestate captivos habens, Albertum, quia aliorum astutia seductus fuerat libere relaxavit, retinens seductores in carceribus, qui perpetuum domicilium fuerunt sibi.

C A P. LXVI.

Post hujus Henrici Principis nostri mortem in cunctis partibus Italiæ exultat Guelfus non modo Tuscanus, verum etiam Lombardus. Et licet ex Primoribus Guelficæ factionis in Lombardia multi, & plerique Domi suæ Principes aut cæsi, aut capti forent, Franciscus, & Simon de la Turre Guidonis, de quo superius pluribus locis mentio facta est, filii exulum Mediolani Principes, collectis undique amicorum viribus in Papiæ, tantum gentis effortium maxime equitum subito collegerunt, ut Gibellinæ gentis, specialiter equitum nulla parte timerent occursum. Sentientes Mediolanum conductorum equitum vacuum, nimia, & crebra contributione promissi auri Henrico facta vacuato nimium Fisco; magnam etenim Matthæus, ut fertur, dederat sibi pecuniæ summam, & nimiam conferre promiserat, cum juxta Brixiam eundem Matthæum Turrianis id tunc requirentibus præferens sibi contulit regimen Mediolani. Itaque exules Mediolani una cum Thoma de Martiano Comite de Squilatio in partibus istis Marechalco Regis Roberti, vadato Ticinello haud longe à loco Gazano fusis, ac pro magna parte captis agrestibus Seprii, ac Marthesane, quibus ipsius aquæ transitus custodia commissa erat, Mediolanensem agrum hostiliter occuparunt. Erant in Marthesana. quæ tertia pars Mediolanensis agri est, adversantium ab antiquo partium studia, quæ olim in Burgo Vicomercato duarum invicem adversantium agnationum, Rusticorum scilicet, & Melosorum discordia initium sumserant. Et licet utrius-

que fere agnationis virilis sexus genus foret antiquitate consumptum, unico de Domo Rusticorum superstite, quem tamen nomine Philippum cuncti suæ factionis colebant ut Dominum naturalem. In Melosis autem, qui plures erant, nemo præ aliis cognitæ auctoritatis, ut taliter honoratus apud suos erat. Hujus Melosæ factionis quæ semper inimica Turrianis fuerat, Nobilis, ac domi dives Marthesanus Obizo de Bernardigio tunc cum Turrianis exulans amicus ac præcipuus fautor, ac defensor extiterat, regnantibus Turrianis, nunc etiam domo patriis bonis secum pulsus, ipsis etiam invitis, quos sequebatur ut Duces, cursitans undique per exercitum quoscunque suæ partis Melosæ captos reperit aut precibus, aut pretiis redemit, ut potuit. Plerosque quos crudelis spoliaverat prædo, suis, suorumque famulorum ejectione de dorso vestibus nudos cooperuit. Hujus viri mores si lere nequeo: Nullus in Marthesana, ipso non exule, terram pluribus vertebat aratris; non tamen delicatis, sed grossis vivebat cibis. Amicus, quem casu aliquo visitasset, si ipsum lauta, & pingui mensa cibasset, non reprehensione carebat. Eidem visitanti possessiones suas nullus colonus ejus capones, aut alias pingues carnes præsentare audebat in mensa. Qui rapas macras modico sale conditas dabat sibi, admodum sibi carus erat. Sed ad tutandos, sublevandosque amicos totus deditus, prodigus semper fuit, nullis parcens expensis, aut laboribus personarum. Sæpe etenim oneratis victualibus plaustris non modo amicos amore sequaces, verum etiam mercede conductos secum ducens nullam sui Communis poenam metuens, ad propulsandas amicorum injurias, & offensas, aut eorum hostibus inferendas celer tendebat agmine nunquam parvo. Interea frequentes in Urbem nuntii veniunt nocturnum iter versus Ticinum hostes clam facere nuntiantes. Ad arma primum stipendiarios, qui auxilio venerant, equites fuscitat, deinde, præmissa per Urbis vicos præconis voce, Communis campana fori Cives capere arma, & signa sequi jubet. Tunc Comes Serapontis, qui Imperatoris morte Italiam linquens Mediolani primum donis, deinde stipendio magno collato moram trahens subito conductam cohortem fecerat, nimium festinus ad hunc tumultum fuit; Nam Janarius Civis Placentinus, cujus Salimbene cognomen erat, Potestas Mediolani, & Comes Ay-mo de Ticinensi Capitaneus belli nuper factus, nullis præmissis exploratoribus una cum hoc Comite Serapontis, paucisque equitibus Mediolani versus Gazianum celeri gressu tendunt, fluminis transitum hostibus inhibere volentes, quos transisse reperiunt. Et licet de eorum transitu, & multitudine certiorati occurrentibus Contadinis commisso fluminis loco pulsus, qui cruentis vultibus hostium multitudinem nuntiabant, adeo temere processerunt, ut eodem campo cum hostibus, nullo mediante obstaculo, stupefacti sese videant. Tunc Potestas Mediolani: Erravimus, inquit, errori autem nostro unicum remedium est. Aliquantulum retrocedendum est; scitis etenim, quam fecimus, via fluvii collateralis est. Huc veniens haud procul hinc hujus stratiæ locum vidi, cujus utrumque latus plaustris stagno junctum velut vallo muri nos tutos faciet, nec hostium multitudine nos circumveniri sinet, ibique solam hostium timentes frontem sine periculo expectare poterimus gentes nostras, quæ plenis veniunt stratis. Cuncti assentiunt, excepto Comite Serapontis. Ille vana quadam, temerariaque superbia: signa mea, inquit, hostibus visa cedere nesciunt. Maluit itaque vinci, quam defensionis, imo forte victoriæ viam sequi, ut plerumque accidit, qui disciplinam militarem nesciunt, aut nescire volunt. Murmur ita-

itaque toto insurgit agmine, quorum major pars occurrere hostibus, eorumve incursum ibidem expectare summam dementiam esse dicunt. Pauci Comitum dictum laudant. Nec mora, appropinquante hostium densa acie quisque opinionem suam secutus est. Nam Comes, & pauci ultra banniæ suæ comitivam secum inclinatis hastis, citatis equis, nullo ducis signo dato in hostes ruunt. Ceteri per devia salutis viam quaerunt. Comes, quique eum secuti sunt, totam hostilem aciem transeunt, ac plerisque eorum absque ignominia per medios hostes facta via evadere, ac tutum sibi locum petere licuit, sed revertentes occidi potius, aut capi hostibus maluerunt, quorum insuperabilem multitudinem esse cernebant. Hodie etiam in Urbe nostra sæpe huius quaestio ventilatur. Nam sunt qui asserunt: si cuncti dictum, factumque Comitum secuti forent, aut hostes in discrimine posuissent, aut cruentam victoriam eis dedissent. Hi neque id Comitum actum temerarium, sed potius laude dignum esse ferunt. In Urbe ingens pavor, velut intra muros hostes forent, undique circumeuntes occupat existimantes hostes post terga fugientium ruentes una secum Urbis portas accedere, sed aliter quam timent evenit. Nam qui fugientium *Ticinelli* stratum, ipso fluvio, paludibusque de se factis septam tenere, quos ob id hostes insequi non audebant, ut frequentes Cives in occursum venientes vident, gradum sistunt, & tuto se locant loco, ubi *Ticinellus* transiens stratum, ripas mutat meridianum latus stratae linquens. Ibi antiquus pons ligneus amplectens fluvium interruptam stratum jungit. Ille locus ad resistendum hostibus aptus eligitur. Eo erumpentes Urbe Cives subito glomerantur in unum, jam persequentium optantes adventum. Verum ipsi aliam viam capiunt, & juxta Albayrate gradum sistunt. Inde per apertos campos ad ¹⁰⁴ portam Urbis, quæ *Vercellina* vocatur, accedere commodius posse rati, adeo equos, seque itinere fatigatos reperiunt, ut ibi morari illa nocte necessitate coacti sunt. Quod ubi perceptum est, revocato exercitu in Burgum exteriorem Portæ *Vercellinae* undique Urbis clauduntur portæ, ne quam moram in Urbe faciat miles, & hostibus occurrere paratior sit. Cujus rei causa hostes, spe posita tam subito, ut speraverant, occupandæ Urbis, per aliam viam *Legnanum* tendunt. Hæc inter ceteros Comitatus *Mediolani* ad colligendum *Turrianæ* factionis vires aptior sedes visa est, XVI. millibus passuum ab Urbe distans, qua primum ac sequenti die alii metu, alii favore partis *Turrianæ* frequentibus turmis, maxime ex propinquis *Seprii* villis *Francisco de la Torre*, & aliis Primoribus exulum ostentantes temere illuc ruunt. A quibus docti, inductique Regio exercitus Duci Urbem accedere suadent, quam dedi paratam asserunt. Pauci autem horum in exercitu moram trahunt, imo semper Sole cadente quisque domum tendit, neque ob id eos detrectare militiam dicitur, quibus, dum non extra *Mediolanensem* agrum militent, antiquus mos est, in castris tubis, aliisque soniferis instrumentis sub signis sese exercituum Ducibus ostentare, & ad..... se devotos, promptosque offerre. Deinde iter domum faciunt plerique sæpius non redituri. Hoc sentiens exercitus Dux, quem speciali titulo *Mareschalcum* appellabat, ad id per *Turrianos* exules pertrahi nequit, ut versus Urbem accederet, ut instabant. Præmissis etiam plerisque exulum, ac nonnullis, qui prædæ magis studio quam partium favore exercitum sequebantur, usque *Rhaude*, qui locus VI. millibus passuum ab Urbe distat, incolis, utpote *Canzianis*, *Brugoricis*, & aliis qui in ea Contrata secum *Turrianæ* factionis

A erant, cunctos, quos prædæ avidos esse credebant, provocantibus, ut primitus injuriarum suarum ultionem sumant, & securum versus Urbem accessum toti exercitui esse probent. His primis auctoribus, ac viæ Ducibus magna prædonum multitudo subito *Rhaude* fuit, quibus (ita eo strahabat prædæ cupiditas) non magno hortamine opus erat. Itaque plusquam mille illico discurrunt *Rhaude*, ibique & circumstantium partium spoliuntur non modo adversariorum suorum domus, verum etiam nonnullorum, qui ab initio hujusmodi novitate gaudebant. Erat enim tunc Dux exercitus hospitio penes Religiosum militem Fratrem *Singibaldum de Lampugnano*, Ordinis Militiæ *B. Mariæ Virginis gloriosæ*, cui non sine causa exercitus tædio erat, quippe suas, suorumque possessiones vastari cernebat. Imo etiam nec sibi, nec agnatis suis *Turrianæ* Potentia umquam grata fuerat. Hic cum ipsius Ducis agrum animum, & ipsius rei causam perpenderet, jam magna ciborum copia consumpta, opportunaque mutui sermonis hora capta, in modico sermone *Mareschalcum* suæ sollicitudinis, & agræ mentis causam manifestare coegit. Qui velut in arctis, & periculosis rebus consilium quaerens: Quid agendum, inquit, ignarus omnium nescio; frequentantium etiam castra mea ambiguum fidem tenet. Non enim, ut fertur, omnes, qui ad nos magnis promissionibus veniunt, *Turrianæ* domus amici sunt, imo plerique votis discordant secum. Cui Frater *Singibaldus*, ut postea eum referentem audiui: Exulibus, inquit, quos dulcis amor patriæ incitat, mos est cuncta ardua, atque aspera suadere, attenuando etiam adversariorum suorum vires, quæ imminet pericula reticere, ubi aliqua eis recuperandæ patriæ fuerit spes. At vobis æquiori animo considerandum est, si æquis viribus, atque locis, vobis, atque hostibus geritur res: Nihil in mora vobis tutum video: Aut illico vincendum, aut adeundum est. Quippe nullo firmo munimento, nullo continuo neque certo com meatu freti, hostili agro positi, cujus incolæ potentioris exercitus fortunam semper sequi parati sunt. Non sine magna vestri, ac gentis vestrae periculo *Mediolanensem* amicorum quotidie crescens expectatis effortium, quod ubi congregatum fuerit, scitote vos tunc omni gentis ac victualis subsidio penitus derelictos. Imo si plerique qui nunc vobiscum sunt, hostes vestros viderint meliores, illico secum erunt. Hoc non impune multi hæcenus Principes experti sunt. Sed *Ezelini de Romano* casus non nimium antiquum documentum exemplum vobis est, qui superba dominatione Urbium *Brixie*, *Veronæ*, *Tervisii*, *Vincientiæ*, ac totius fere Marchiæ *Tervisinae* adeo fretus, cum aliquot & ipse exulibus *Mediolani* trajecto flumine *Addæ* Ambrosianum agrum invadere ausus non per pontem, ut venerat, sed per inexpertum fluminis vadum graviter vulneratus terga dare conatus est, & priusquam districtum nostrum evaderet, cæcus in *Soncino* non multum magnifice sepultus est. His, atque aliis, quibus multipliciter periculum sibi nunciabatur in mora, adeo percussus metu creditur, ut absque ullius exulum deliberatione proponeret versus *Papiam* iter arripere summo mane, neque ¹⁰⁶ sibi, quorumque consilio regebatur, curæ fuit nunciari recessum illis, qui *Rhaude* iverant. Id non oblivione, sed industria ejus, provincialiumque omissum fuisse creditur, ut potius versus Urbem totius exercitus minarentur accessum, & hostium animos ad se converterent, qui si *Guelfici* fugam exercitus aliquantulum præsumissent, ut pluribus locis poterant, fugientes saltem ad vada fluminis occupassent. Itaque *Mareschalcus* sequenti mane, ut abundi idoneam occasionem quaereret,

quasi objurgans his verbis *Francischinum de la Turre* subito multis audientibus (etenim audiri volebat) aggreditur inquires: *Francisce* tua vana promissa fecutus sum, quibus me nimium credulum perdidisti. Cui cum, absit me neminem perdidisse, responderet, Mareschalcus ostentans cedulam, quam sibi *Francischinus* Papiæ dederat: Ubi nunc, inquit, promissa amicorum subsidia heic notata, quæ nobis intransitibus *Ambrosianum* agrum occurrere debuerunt? Ubi Nobiles de *Birago* cum duobus millibus armatorum? Ubi illi de *Castillione*, quos *Serpriensi* pago, in quo sumus, dominari dicitis? Ubi confluentes amici vestri, quorum multitudine Urbis moenia superatis civibus occupentur? Tunc *Francischinus* Mareschalco inquit: multos amicorum ad vos venientes vidistis, pluresque promissionis numero venient, si proceditis, ut cupiunt, versus Urbem. Nec capit hospitio vicus iste eos, qui venerunt, licet plurimum amplius sit. Huc venerunt *Litti de Arluno*, & alii multi Nobiles cum armata multitudine agrestium, qui, postquam inopinatam, & inutilem fenserunt moram nostram, domum reversi sunt. Præsto ergo procedatis saltem usque *Rhaude*, ubi jam multitudo nostræ gentis, pulsus inde qui adversæ nobis factionis sunt, nos expectant, ibique spero videbitis manifeste nullam vobis factam promissionem fuisse vanam. Tunc Mareschalcus fiste ex industria: & *Rhaude* eatur, inquit. Hæc Mareschalci vox audita subito per *Legnanum* sparsa multos peniciose fefellit, qui non expectatis signis tumultuose rapido cursu versus *Rhaude* tendunt. Illi vero, quos ante lucem Mareschalcus suæ intentionis confcios fecerat, prælatis signis, non segnius versus *Papiam* simile iter fugæ capiunt, nec alicubi moram trahunt citra passus fluminis *Ticinelli*. Qui vero *Rhaude* pervenerant, quique eo nimium festinatum iter arripuerant, ut dictum est, capti, aut spoliati, aliqui cæsi. Multos servavit pia caritas 107 amicorum. Pauci ex captivis *Mediolani* consignati sunt; nam fere omnes celeri, & modica redemptione dimissi sunt. At ubi *Papiam* ventum est, exules *Mediolani* tanta repatriandi spe frustrati questibus Urbem replent, seque proditos Mareschalco vocant, ipsumque auro corruptum dicunt: qui cum victoria in manu ejus esset, nullius periculi metusve causam habens procedere noluit contra hostes, qui Urbis burgos exire non audebant, imo per ignavum scelus simulans metum, nos & exercitum, honoremque Regis, a quo huc solo infortunio nostro missus est, perdidit, sine quo ipse Dominus noster Rex, & omnis ejus factio *Lombardiæ* jam suum habuisset intentum. Ex *Papiensibus*, quæ gens natura prædæ avida est, multi dum exercitus *Legnani* foret, de castris prædandi causa *Rhaude* processerant, quorum plerique viam prædantium exulum *Mediolani* temere per villas secuti, ab offensis rusticis *Guelfici* exercitus fugam sentientibus crudeliter cæsi sunt, & in eos propter recentem offensam a Contadinis, per quorum territorium fugientes errabant, sævius sævitum est. Quorum casus ubi *Papiæ* nunciatus est, illico miserabilis mulierum insurgit questus filiorum cædem plorantium. Id adeo multitudinem subito stimulat ad fremitum, ut inde orto clamore vociferantium Mareschalci mortem statim hospitium tumultuoso insultant agmine. Plerique ipsum per hospitii latebras quærunt, qui suorum cædes ipsius cæde ulcisci volunt. Alii hospitium spoliare satagunt. Forte iste multitudinis furor oppressisset eum, ni *Francischinus* de la Turre audito tumultu se sui que honoris dignum opus faciens cum ejus familia celeri gressu illuc properans ab hospitio jam tamen pluribus rebus spoliato furentem multitudinem alios precibus, alios scilicet

A | cœxules suos, comminationibus repulisset. Certe ex prompta nimium suspectione hæc infanti ignominia Duci illata est, & falsa de ipso, sed non diu tamen credita, processit infamia.

C A P. LXVII.

E O, sequentique anno quod dignum sit memoria parum actum est. *Guelfi* tamen magno equitum *Dalsini* de *Viana* subsidio freti, qui eadem, qua *Turriani*, stirpe ortum se ferebat, congregati *Papiæ* undique suæ factionis viribus *Placentiam* invadere conati sunt. Ipsi Civitatis *Galeaz* Vicecomes *Matthæi* filius Rector erat, modico equitum, ac peditum præsidio fretus. Ideo dubiam civium fidem timens frequentibus nunciis, non modo Genitorem, imo vero sæpius qui ejus frequentabant Aulam sollicitat, ut sibi destinent saltem equitum subsidium petens. Itaque magna equitum turba, quibus *Franciscus* de *Garbagnate*, & *Paxius Hermenzanus* Duces dati sunt, in ipsius Urbis subsidium missa prope tarda fuit, dum ab hostibus retinentur ad flumen *Padi* equites nostri, quorum abeuntium vestigiis insistebant *Guelfi* persequentes ab alta ripa *Padi*. Verum *Francisci* solertia fallitur hostis, qui ante occasum solis ponere castra simulans, signis in hostis conspectu canentibus, & micantibus undique crebris focis tota nocte, interim cum omni equitum robore per *Campaniam* semotum, ac aliquantulum a ripa distans, iter faciens longe ab illis hostibus transendum flumen repetit. Ubi obscuræ noctis beneficio vix ante odiosam, ac sibi nimium præcipitem visam lucem non sine inopinato pavore paucis navibus transeunt *Padum*. Quoniam dum veram ulteriorem ripam attigisse credunt, in longam, & latam fluminis insulam se descendisse reperiunt. Oportuit itaque reperto errore circumduci naves, & alterum ramum fluminis superare. Attamen prius supervenit manifestans illud hostem clara dies, quam omnes e navibus equites in solidam, ac tutam exirent ripam. At ubi fenserunt *Guelfi* subsidium equitum a *Mediolano* missum repertis abeuntium vestigiis in suam ripam fluminis evasisse, hoc, necnon ut Urbem intraverant, nunciato in exercitu, timentes ne recenti succursu equitum sumto animo iratus obsidione hostis erumperet, illico recessere. Ut sensit *Galeaz* abeuntes, an temerarii, audacisve, an sani consilii *Franciscus* foret scire volens inquit sibi: Erumpendum est, ne nobis torpentibus abeant tam securi. Verum tamen laudante *Francisco*, servata Urbe contentus fuit. Simulans tamen ægre ferre hostes tam liberos, & sine ullo periculo abire, inquit: *Francisce* ego credere minime potuissem sub umbra salubris consilii ullum te Martis evitasse periculum. Hæc vox audacis viri præcipitem animum movit. Et illico: pandantur, inquit, portæ Urbis, & insultentur hostes, postquam utilius hoc vobis esse videtur. Risit *Galeaz*: sufficit, inquires, quod quærebam habeo.

C A P. LXVIII.

F Tunc Fessis *Guelforum*, præcipue *Papiensium*, qui tunc in *Liguria* Principes ipsius factionis erant amicorum subsidiis, aliquandiu utriusque factionis languit vigor. Et velut nulla occasio belli, imo omnis causa pacis foret, undique rusticis arantibus, quietis agris, toto ipso anno cessasset omnis furor belli, ni domestici Consultores *Matthæi* de se graviter questi forent, ejus negligentiam accusantes. In camera ejus, inquirunt, non ut expedit, sed segnius opinione civicum hostibus bellum geri, nec propterea eorum bursas requiem dari. Non nos modo, sed hæc per Urbis

bis compita mustant Cives, quibus mercenario-
rum militum minime cessare videntur expensæ,
nec ut habeant honestum optatumque finem belli,
ullos bellicos actus ulla parte fieri vident. Itaque
hujus querelæ causa ex ipsis domesticis Consulto-
ribus eliguntur sex, quibus gerendi belli onus,
atque auctoritas, & omnis cura commissa est. Hi
Homellinam, annonæ fertilem, quæ non modica,
nec deterior pars *Papiensis* agri est, occupandam
esse decernunt. Hæc *Homellina* inter *Padum*, *Ti-*
*cinum*que more Insulæ sita est. Itaque *Luchinus*
Matthæi filius cum exercitu *Ticinum* transiens in
Homellinam tendit, cui qui ætatem ejus regant,
& gerendorum curam habeant, dati sunt *Guillel-*
mus de Casate, *Simon Crivellus*, & *Franciscus de*
Garbagnate vir impiger, in quo tanta erat audacia,
ut potius moderandus, quam hortandus foret ad
pericula capeienda, nullo labore corporis, aut
animi fractus, inceptum negotium quantumcum-
que arduum vix liquit umquam infectum, cujus
audaciæ fortuna sæpe plus, quam cuiquam credi-
bile fuisset, arrisit. In hujus exercitus adventu in
deditionem veniunt *Oghiablanum*, utraque *Ferra-*
ria Homellinæ, aliudque castrum, quod *Præpositi*
castrum vocant incolæ, pluresque aliæ vil-
læ..... populationis agrorum, pleræque
quarum incolis, si ab hostibus oppugnarentur mo-
dica spes defensionis erat. Duo autem nobilia oppi-
da *Rodopium*, & *Nicornum* pugna frustra tentata
sunt. *Rodopium* defensorum multitudine, *Nicornum*
vicina palude defensa sunt. Castrum quoque Comitibus
Guidetti de Langusco, cui *Herbonesium* nomen erat,
uno die continuo usque vespas frustra pugna
tentatum est, imo etiam quod extra murorum mœ-
nia receptum vocant, solo valli, ac fossæ ambitu
defensum est. Tunc vero dato receptui signo a
pugna cessatum est. Profuit, ut puto, defensionem,
quod cum scalæ prope portam castræ erectæ fo-
rent, & instantiori pugna urgerentur extrinseci,
dejecti sunt denarii à dextris, atque sinistris ple-
nis manibus sparsi, ut hostis, quem nimis avidum
pugnandi vident, ad oblatam sibi pecuniam curre-
ret, & ut sperabant intrinseci, sic accidit, nam
Gibellinus miles, illico pugnam relinquens incertæ
prædæ prætulit certum lucrum; erat enim castrum
illud undique inexpugnabile, non tamen ulla ho-
minum, sed solius naturæ arte munitum, laci
scilicet, & profundi stagni præsidio tutum præter
ejus latus unum, ubi unica totius castræ porta erat,
ante cujus lateris faciem receptus vallo, ac profun-
da fossa tutus obstabat, ne primus hostium impe-
tus ad portam murumque interiora castræ fieret.
Dumque stipendiarii nostri illam solam partem re-
cepti pugnant, quæ opposita ad portam castræ de-
fendit accessum, ibique ex omnibus partibus con-
currentibus totius recepti defensoribus magna vi
resistitur ita quod expugnatione modica pugnantibus
erat spes, *Arnaldus* quidam non modo armis,
imo laneis vestibus nudus ubi defensoribus deser-
tum vallum videt, spretis pungentibus vepribus
vallum ascendit, ibique militare signum, omni
custode relictum à vallo revulsus supra caput ejus
per aerem volitat alta voce vociferans captam ter-
ram. Hac voce territi qui ante portam castræ de-
fendebant vallum, in arcem per ipsam portam fu-

giunt, & antequam persequens trajecto deserto
vallo hostis accedat portam, catenis sublatum pon-
tem invenit nondum levato ponticulo, quem oc-
cupant nostri, & statim inhibent cæso retinaculo
ne levetur. Deinde cæsis catenis magni pontis,
dum frangere portam putant, frustrati sunt, quo-
niam ferreis laminis tota cooperta erat. Itaque dua-
bus junctis simul, ac firmiter colligatis scalis, cum
nullæ singulæ altitudinem muri superare possent,
equites duo scandere tentant murum, dum sagit-
tarii, quorum plerique *Januenses* erant, vulnera-
tos de muris defensores pellunt. Itaque ambo cum
cura capite armato, ut minus lapidum ictus sen-
tiant, alter post primum, quem manibus, ac
brachiis subsequens retinet, ut à lancearum, lapi-
dumque ictibus ambabus manibus se defendat us-
que prope merlos ascendunt murum. Ibique dum
qui superior tendit hostilem murum à se captum
putat, securis dorso in summitate galeæ fortiter
ictus prope mactatus est, tamen de scalis præci-
pitans semivivus a subsequente socio retentus est.
Illico resperfus vultum, interiusque refectus vi-
no, acrius se erigit contra securis auctorem, qui
tunc securi voluit scire utrum aptior incidere sit,
quam mactare, si fortuna sinat. Verum *Januensis*
subito verettonus volat oculos transiens caput ejus,
quo vulnere cum securi de muro rejectus est.
Tunc linquens scalas ascendit murum, & socios
vocans dum castrum captum putat, positus ad pe-
ctus hostilibus lanceis pellitur, & ad ima fossæ
volvitur. Non propterea ullus defensor apparet
muris. Turris proxima hostilibus scalis vacua non
modo telis, imo etiam lapidibus erat, nullaque in
defensione intrinsecus erat spes. Hoc extrin-
secus miles pugnans senserat, sed sola scala-
rum inopia morabatur captionem castræ. At
Comes, qui priusquam hostes senserat pestem
suam, ultimus defensorum muri scutum mil-
le sagittis fixum ad terram projicit, equum va-
lidum, & curracem armatus, ut erat, ascendit,
portamque aperiri jubet. Hoc videns fida uxor
ejus: quid paras? inquit, visne Comes te hostibus
afferre mille vulneribus trucidandum? At ille:
postquam video, inquit, quod nec ullus vir, nec
ullum telorum genus, aut quicquam aliud defen-
dit muros, per hostium tela erumpens, si quis fi-
delis casus fortunæ affuerit, evadam, aut hunc do-
lorem aperta cæde finiam. Ast illa vociferans:
estne tibi aliqua in deditione vitæ spes? *Mediola-*
menis sanguis placabilis, atque mitis, cum vice-
rit, hucusque fuisse fertur. Diffidisse in clemen-
tia *Matthæi* Vicecomitis, qui necem patris obli-
tus *Turrianis* totiens à septis vicariam necem nun-
quam voluit? Frequens mercenarius miles ante
portam castræ te statim mille plagis opprimit. Cum
vivere possis, scelus est velle mori. Hic fidæ Co-
mitis vocibus acquiescens, illico equo descendit,
& murum ascendit vociferans se deditum, si cui se
dedat dignus nominetur. Tunc quidam per scalas
ascendens: dede te, inquit, *Ughetto de la Campana*
Conestabili meo. Vocatus, atque inde appellatus,
inquit: Recipiamne te Comes mihi deditum, qui
mercenarius miles sum? Dedede te *Luchino* Vice-
Comiti *Matthæi* filio, deinde subjungit: Et *Fran-*
cisco de Garbagnate qui nos regit.

F I N I S.

I N D E X

VERBORUM ET RERUM MEMORABILIVM.

A.

Alexandria & Alba Regi Roberto for-
san dedita, 12. C
Albertus precibus & falsis rationibus
corruptus, 55. A
— Rex moritur, 8. B. post cuius obitum
Electores in Electione dissident, ibid.
Alboinus de la Scala & Cangrandis receptui canunt,
33. A
Alpes quondam insuperabiles aestimatae, 3. C
Antonius de Fixiraga callidus, Mediolanum veniens
Laudensis urbis claves ad pedes Regis prostratus
offert, 24. B
— de Fixiraga, Civis licet privatus, in ejus ta-
men cura Laudensis civitas, 10. B
— del Acqua prudenter respondet minanti Mare-
schalco, 24. F. & 25. A
— urbem Laudensem intrans pulchra allocutione
cives movet ut sese dedant & portas pandant,
25. & 26.
Arons Gallis ad expugnandum Clusium Dux & Au-
stor fuit, 3. F. Ratio hujus facti, ibid. Ejus-
dem Belli processus & exitus, 4. 5. & seqq.
Aymo de Biamont captus, 46. D
— tribus millibus florenis redemptus, 47. A
Bellinus & Columbinus de Petra Sancta flexis
francis redeunt Domum, 18. F
Bellovesus, de Subria Mediolanum fecit, 6. A. in-
ter ipsius & Brenni in Italiam Adventum du-
centorum annorum spatium, ibid.
— & Sevogesus impigri Furvenes, ab Avunculo
emittuntur in alias sedes, 3. C. quid ipsis ibi
forte obtigerit, ibid.
— ingenti multitudine in Transalpinos venit, 3. C
— Tuscos acie fudit, ibid.
de Bernadigio Turrianus factus, in conflictu cum
aliis caditur, 19. E
Bituriges Celtico Regem dabant, 3. B
Boji, gens Germanorum, Titonio Duce, & Bel-
loveso favente, Alpes transcenderunt, 3. E
Bonacosa Zarri de Surlaqua nata, Zarini fratris
successione superba, 18. C
Boschinus Mantegacius solus ad Germanos tendit, 21. A
— nudum se eum adoritur Teutonius, sed Boschi-
nus se probat Amicum, 21. A
Brennus Mediolanum aliasque Urbes prius destruens,
postea penitus reparasse censetur, 5. F. 6. A
Brixia obsidetur, 30. E. F
— se dedit non sine causa, 12. C
Brixienfes derident obsidentes, 33. B
— sed mox periclitantur, ibid. & C
— tamen rursus superiores evadunt, ibid. & D
— Henrico regi resistunt, 30. C. D
— Mediolanensium castra occupant, dormientes cae-
dunt, reliquis plus pavoris quam periculi affe-
runt, 33. E. F
— se defendunt, 31. F
— turbant Regis exercitum, ibid.
Camilus prudens & egregius, invidia civium
exsulabat, 5. D
— ejus virtute Roma liberata, ibid.
— Dictator creatus adhuc exsul, 5. E. Duobus
praeliis Gallos valde afflixit, ibid.
Capitolium. Eo confugientes obsidione turpiter clau-
duntur, 5.
— Fame premuntur, &c. ibid.
Carolus Magnus, Astulphum propulsat, 7. E. Ger-
manorum primus, Romanorum suscepit Impe-
rium, ibid.
— Superbus ferocitate animi reliquos mortales
vicit, 49. A

Carolus Superbus terra marique Apulos fines invasit,
Manfredo, 49. B
— inde Apuliam & Siciliam occupavit, ibid.
Conradinum occidit, ibid.
— Regno Siciliae idem Carolus una hora spoliatur,
49. C
Carrocius vulneratur, 45. C
Casale oppidum deditur, 45. D
Casia de la Turre in conflictu cecidit, 18. D
Casto Archiepiscopus Mediolanensis Henricum ungit
in Regem Italiae, 12. B
Castra fremunt, 46. E
— — Imperatoris apud oppidum Bassianum,
44. F
Castrum Guidetti de Langusco die continuo frustra
pugna tentatur, 61. C. D. E
— ejus rario late describitur, ibid. & 62. A. B. & c.
Cavalcabos superbus seva suadet, ideo popularibus
invisus, 28. A
Celtae, tertia pars Galliae, 3. B
Comes montis Feltri Pisas mittitur ab Imperatore,
45. B
— Sabaudiae causam Guelforum fovebat, 38. B
— Serapontis nullo Ducis signo dato in Hostes ruit,
57. A. hujus rei eventus, ibid. & B
— Serapontis venit ad tumultum, 56. D
Consultores Matthaei, ejus negligentiam accusant, 60. F
— — ex iis eliguntur sex quibus onus & cura ge-
rendi belli commissa, 61. A
Cremonenses & Brixienfes nova defectione regis
mentem exagitant, 26. E
Creso Crivellus percipit Guelfos confusos, &c.
21. E
— Ira ejus mitigatur a Galeaz, ibid.
Cressio armis indomitus; ejus adhortatio, 41. A
Damna Florentinorum, 43. E
Dux quidam exercitus erat hospitio penes Sin-
gibaldum de Lampugnano; & quid isti in-
ter sese colloquuti, 58. B. C. D. E. F.
59. A. B
Electores quomodo & quando originem sumserint
incertum, 8. A
Equitatus in Guillelmi subsidium contra propinquos
hostes, qui ad libitum caduntur, 41. B
Equus leihali vulnere percussus non tardior sed aspo-
rior, ejusque effectus, 53. B. C
Etrusci, agro pelluntur, 3. E
— quondam potentes, 3. A
Exercitus Gibellinus praeda onustus Sarfanam &c.
occupat, 50. E
— Imperatoris Figinum tendit, 42. F
— ad Arnum venit, ibid.
Q. Fabius, legatus Romanus, quendam ex Du-
cibus Gallorum hasta occidit, 4. D
Factio. Mediolani utriusque factionis Primores convo-
cantur, 14. D
— Melosa, Turrianis inimica; ejus fautor maxi-
mus Marthesanus Obizo de Bernadigio, 56. A
Familia de Petra Sancta, 18. C
Florentini Montem S. Mariae occupant, 44. D
— caduntur a Teutonibus & Italicis Gibellinis,
44. E
— ad ripas Arni hostium transitum inhibere conan-
tur, 42. F
Franciscus de Garbagnate, 39. F. suadet frequen-
tem deliberationem, ibid. & 40. A. B
— — vir impiger & audax. 61. B
— & Guido Rizardi & Philippi ex alia matre
fratres, 18. C
— & Simon de la Turre colligunt equites contra
Gibellinos, 55. E

Fredericus Petri Aragonis filius Siciliæ Regnum tenuit, 49. D. ejus subsidio Imperator nititur Regem Robertum ex Regno Apuliæ pellere, 49. D.

Galeaz contra mandatum Patris arma capit, 20. C.

— equo impositus in Urbem fertur, 53. D.

— Vassallum de Desio speculatum mittit, 52.

— B. contra Hostes propinquos erumpit, ibid.

— Vicecomes & Francischinus de la Turre contra Regem colloquia habuere, 15. F. primus simulare & dissimulare doctus, 16. B. Alter homo apertus, ibid.

Galli Mediolanum dirutum renovarunt, & alias Urbes ædificarunt, 4. F.

Germanici, in itinere Longobardi dicti, per multas ætates Vagabundi, novem Reges habuere ante Alboinum, 6. C.

Gens Germaniæ prædæ avida & disciplinæ militaris ignara, etiam pacatos Vicos spoliatur & incendio ponit, 47. D.

Gibellini Cremona pulsæ, 27. F. 28. C.

— præda gaudent, 43. F.

— temere venientes Guelfos fundunt, 52. C. D.

Gratia impetratur Antonio de Fixiraga a Regina, 24. C.

Guelfi Cremonæ, nece Guillelmi domantur, 42. A.

— equitum Dalfine de Viana freti subsidio, Placentiam invadere conantur, 60. A.

— in fuga partim capiuntur, partim occiduntur, 43. B.

— in despectu, 43. D.

— insurgunt contra Regem, sese dantes Ugoni de Bauferno, 39. C.

Guelfus post mortem Henrici principis exultat, 55. D.

Guelphica potentia Cremonæ, 27. F.

Guido 9. D. E. Ejus furor superbus & terribilis, 9. F.

— Comitum Flandriæ filius moritur, 35. B. ejus Laus ibid. Terdonæ, sepultus, ibid.

Guido de la Turre arrogans, Regi propinquus tamen valde humilis, 11. F. unde Rex ipsi indulgit, 12. A.

— ejus obitu stupet omnis Guelfus, 42. A.

— fessus longa Consultorum disceptatione vociferatur in contemptum Henrici Teutonici, 10. E.

— iram occultare non potis, 15.

Carpit Guillelmi de Pusterla factum, 15. A. B.

— regnavit Mediolani & Placentiæ, 55. B.

— pulsus, 24. A.

— ejus Oratio, 11. A.

Guilielmus Cavalcabos cum Guidone captat Consilia, 10. F.

— ejus Auctoritas Cremonæ, 10. C.

— sidera & Geomantiæ sortes scrutatur, 40. E.

— de Pusterla nobilis civis, 14. F.

— sternitur, 41. E.

— Cavalcabos agrum Cremonensem populationibus & incendiis vexat, 38. C. ideoque a quodam redarguitur, ibid. D. E. Cremonam intrat, 38. F. quid ei ibi acciderit, 39. A.

Guiscardus Petram sanctam exstruxit, 50. E.

Henricus Brixiam tendit, 30. C.

— Comes de Lucimborg unanimiter in Imperatorem electus, apud Aquisgranum solemniter coronatur, 8. D. Fuit admodum magnanimus, ibid. Legavit quosdam ad Clementem Papam, qui clementer exauditi, ibid. postquam Aquisgrani corona argentea ornatus, ferream Mediolani sumpsit Diadema, & quid hoc sibi velit, 9. B. C.

Henricus de Flandria Marefchalcus, 24. E.

— de Flandria Vadibus mortem horridam minatur, ni efficiant ut portæ urbis Laudensis aperiantur, 24. F.

— Rex Magnanimus, pecunia & auro pauper, 14. D. sine Italicis opibus nil agere valebat, ibid.

— Papiam tendit, 34. E. & subito versus Januam, 35. A. Philippum nepotem Papiæ, Vercellarum &c. Vicarium fecit, ibid.

— appetit pacem cum Rege Roberto: procurante operam Pontifice Romano, 35. F.

— Brixienfes fame premit, 34. A. B. exeuntes famis levandæ causa laqueo suspendit, ibid.

— contra Guelfos in Lombardiam mittit Varnerium Teutonicum, 39. C.

— de Janua, maris iter tenens, Pisas venit, 36. F. ubi populo gratus, ibid. contra Robertum nil suspicatur, 37. A. B.

— Laudem procedens contra reos non asperere sœvit, 27. B.

— Matthæi præsentia lætatus, 20. C.

— suos ad pugnam incitat contra Brixienfes, 32. C. Tentant Brixiam acriter, 32. D. E. F. Dira & lethalis committitur pugna, maximo utriusque partis damno, ibid. & 33. A.

— Viterbium venit, 37. D.

Homellina occupanda decernitur, 61. A.

Hostes in fugam sparsi, 53. D.

Januarius Placentinus & Comes Aymo &c. versus Gazianum tendunt, fluminis transitum Hostibus inhibitori.

Imperator Florentiam tendens cum exercitu ante urbis muros sedit, 43. C.

— gentem suam in plures partes partitur, 44. F.

— ei inhibitorum ne Regem Robertum invadat, 50. C.

— in prosperis in infirmitatem incidit, 43. F.

— viribus restituitur, 44. A. aditur a quibusdam proceribus, ibidem qui ipsi consulunt de bello, sed frustra, 44. B.

— iter arripit versus Senas, hostiles villas incendio ponens, 54. D.

— legatos ad Papam mittit, ut revocetur Papæ Mandatum, 50. D. Henricum de Flandria ad expugnandam Petram Sanctam mittit, 50. E.

— Proceres ad se vocat & se cunctis iratum fecit, 46. E.

— se turbans in Recidivam incidit, 44. B. Vidualium penuria campum mutare cogitur, ibid.

— triduana febre implicitus ad tumultum Suorum equitavit armatus, 54. E. Moritur in loco, quem incolæ Bonconventum dicunt, ibid. sepelitur Pisis in Ecclesia, ibid. F.

Infidiæ, 16. D.

Joannes de la Calcea Vicarius Mediolanensis ut inhabilis removetur, 13. B. ejus abdicatio non utilis, 13. C.

— Roberti frater Romam destinatur, & quare, 36. A. B.

Latinus sermonem Latinum Italis dedit, 2. A.

Legati tres reconciliant Brixienfes cum Rege, 34. D.

Ligures & Lombardi perjuri ac Rebelles facti, 13. A.

Lombardia absque armorum vi in Regis Henrici obedientiam venit, 12. B.

Longobardi cum suo Rege Alboino, Italiam occuparunt, 6. B. Demum intra Tractum, ab ipsis Lombardia denominatum, sese tenuerunt, ibid.

Lucanorum multitudo a Germanorum parvitate superatur, 51. B.

Luchinus in Homellinam tendit, 61. B.

Luctus Papiensium mulierum cædem filiorum plorantium, 59. E. F. Quid inde secutum, ibid.

Ludovico & Carolo nupserunt due provincialis Comitum filiæ, 49. A. Ambitio & superbia istarum filiarum, ibid. quid inde ortum, 49. B.

3 de Cermenate. E. Lu-

ET RERUM MEMORABILIMUM.

Ludovicus de Sabaudia legatus Regis Romæ, reperit cuncta ibi rebellionis plena, 36. D. E. F.
 — sola innocentia in regno tutus, 49. A.
 — Vicecomes cum aliquot Juvenibus arma sumunt, 17. D.
 Lupoldus Austrie Dux, spes Matthæi, 23. F.
MAlcum, aliaque Castra capiuntur, 51. C.
 Marechalci verba per Legnanum sparsa multos perniciose sefellerunt, 59. C.
 Marechalculus Passignanum tendit, 45. A.
 — per hospitii sui latebras quæritur, 59. F. fuisset oppressus, ni Franciscinus de la Turre intercessisset, ibid.
 — Regis Roberti Ordines in acies ducit, 43. A.
 Marthesanus Obizo Cives arma capere & signa sequi jubet, 56. D.
 — de Bernadigio Factionis Auctor parce, imo sordide vivebat in sumendo cibo, 56. B. C. ad nutandos amicos tamen paratus, ibid.
 Matthæus ab ingratis Sceptro pulsus, inde aliquantulum inclementior factus, 55. C. Albertum aliorum astutia seductum liberavit, ibid.
 — cunctorum exsulum Gibellinorum unicus reconciliator, 40. B.
 — de Madiis Gibellinæ Factionis Princeps, 12. C.
 Tandem Mediolanum venit, 12. D.
 — ejus promissa Regi certa videntur, 11. D.
 — extrinsecus mansit exsul, 55. B.
 — in Asiam, & ejus filius Galeaz Tarvisium in exsilium pergunt, 23. C.
 — in Episcopi Tridentini hospitium inermis tendit, 20. B.
 — per literas regis exsilii liber factus, Papiam venit, 23. F.
 — Vicecomes sine ullo Suorum vulnere integer reprocessit, 28.
 Medici stipant lectum Imperatoris, 43. F.
 Mediolanenses cives facile regendi, 13. B.
 Mediolanum, quo Omne conditum, & a quibus, 3. D.
 Mons Imperialis, 46. B.
 Muri Brixienfes diruuntur, 34. D.
 Murmur agminis militaris, 57. A.
Nicolaus de Bonsignoribus Vicarius Rector Mediolani, pestifer homo, 13. C. D. E. 14. A. B. C.
 Noë in Italia Urbem statuens, a suo Nomine appellatur, 2. A. Hebraicam linguam Italiæ attulit, ibid.
Obides, Antonius del Acqua & Bassanus de Fixiraga, 24. E.
 — centum ex primoribus civitatis Mediolanensis Henricus Rex poposcit, 15. D. Vulgus eo congratulatur, 15. D. E.
 — Regem adeunt, 16. C.
 Oghiabdanum & alia loca se dedunt, 61. B.
Paganus de la Turre Episcopus Padanus tumultus vocibus stupefactus apicem & baculum pastorem sumens ante sui Germani portas stetit, 22. D.
 Papia Urbs hostis & rebellis declaratur & contra istam severissima sententia fertur, 48. A. B. C. D. E. F.
 Papienses prædandi causa de Castris progressi, 59. E.
 — sola agrorum populatione recuperari posse, assertitur, 39. E.
 Passarinus de la Turre inter pugnam & fugam dubius exit, 41. D. quem plerique sequuntur, ibid. Timet Cressonis manus, tutiore via fugit, &c. 41. D.
 Pavor crevit sequacibus Guillelmi Cavalcabovis.
 Pedites Gibellini hostium pedites acius aggressi, &c. 53. A.
 Pestis in & extra Brixiam grassatur, 34. C.
 Petra Sancta spoliatur, 50. E.
 Petrus Arrago in Protectorem Siciliæ ante electus, ejus Regnum adipiscitur, 49. D.
 Philippo Comes a Mathæo Vicecomite in carcere detentus, miseram vitam egit, 54. F.
 — de Langusco Manfredum de Beccaria cepit, 37. F.
 — Rector regnantis Factionis Nobilium, Regis satellitem se vocat, 10. A.
 Philippus caput Guelfos atollere, Gibellinos opprimere, 38. A.
 — de Petra Sancta equo stratus semivivus spoliatur armis, 19. E.
 — de Sabaudia Mediolanensium Copias sentiens, Vercellas linquit, & Padiam redit, 42. C.
 — ut componat seditionem, Vercellas proficiscitur, sed suspectus habetur a Tizonibus, — quasdam Urbes fecit rebelles, 35. A.
 — Rex Francorum in spem Imperialis dignitatis erectus, Electores sollicitavit, sed frustra, 8. B. C.
 Pisani obsidentur, 50. F.
 Placentia prope perditæ, 51. C.
 Portæ Urbis Vercellinæ clauduntur, 57. D.
 Prædonēs multi Rhaudæ, 58. A.
 Protestatio Imperatoris, 50. D.

Principes Guelforum Ligurum, 10. F.
 Pugna mirabilis, in qua pauci Gibellini magnam Guelforum catervam cadunt, 47. B. C.
Ravenna, a Tubal constituta, 1. A. unde Nomen istud sortita, ibid.
 Rex Henricus intrat Ambrosianam Urbem, 12. A.
 — Cremonam tendit, 27. E.
 Rhaudam pervenientes, aut capti aut spoliati, aut caesi, 59. D.
 Ricardinus Obses, 42. E.
 Rizardus de Petra Sancta Pedes in Guidonis domum evasit, 19. F.
 — & Philippus Fratres ex Familia de Petra Sancta, 18. C.
 — multa virtutis dote florens Florentinis & aliis gratus, 18. F.
 Robertum Regem cunctis viribus aggredi decernunt, 41. F. idem ut Rebellis & proditor Imperii privatur privilegio honoris & dignitatis &c. 47. F. & 48. A.
 Robertus Comitiss Flandriæ filius insultum hostium sustulit, 45. C.
 — Rex Philippo Francorum Regi propinquus, 48. F.
 Rodopium & Nicorum frustra pugna tentantur, 61. C.
 Roma capta & incendio posita, 5. C.
 Romani, acie fusi, 5. B. Fugunt partim Vehios, partim Romam, ibid.
 Romanum Imperium tempore Constantini ad Græcos translatum, 7. D. postea ad Germanos, ibid. E.
Sancinum oppidum occupatur, 40. C. locus natura & arte munitus, 40. D.
 Saturnus Græcam linguam Italiæ intulit, 2. A.
 Senones, Duce Brenno in Italiam veniunt, 3. F.
 Solertia Francisci, fallitur Hostis, 60. C. D.
 Son-fredus de la Turre ad populum clamat, sed frustra, 19. A.
 Stephanus de la Colonna Guelforum conamina nititur reprimere, 37. B.
 Struffa nobilis & egregius miles, 51. A.
 Subria Urbs inter Ticenum & Addam: Ejus conditor Subrex, 1. B. Vox ista postea in Seprium degeneravit, ibid.
 Supramons multitudini & magnatibus carior quam Guillelmus Cavalcabos, 28. A.
Taciturnitas sæpe mala, 17. B. ipsa taciturnitate sese vendidit Turba inconsulta, ibid.
 Taurinum ab Amadeo datum Philippo, 42. D.
 Tebaldu de Brusadis homo subdolu, Regis pedes amplexus fuit, 12. D. Scelerum accusatus, ibid. E. F.
 — equo prostratus, 30. F. 31. A.
 — increpatur, 31. C. D. E. turpiter post equi cadam tractus, in pulvere versatur, & in frustra dividitur, ibid.
 — se fingit moribundum, 31. A.
 Temere agere Regem non decet, 17. A.
 Teutoni amicitias pravis moribus confundunt, 20. F.
 — pugna avidi, 46. C. ex eis XL. caesi, 46. D.
 Teutonus Victor, 31. A.
 Thomas de Martino &c. Mediolanensem agrum hostiliter occupat, 55. F.
 Tusci, ex Asia in Italiam profecti, 2. B. Eorum opes ante Romanum Imperium late, ibid.
 — quem Terræ tractum occuparint, & quot Urbes ibidem condiderint, 3. A. Regnante Prisco Tarquinio pulsi, ibid. B.
 Treguæ indicantur inter Henricum & Robertum, 37. C.
 Tumultus excitatus, 19. B. de eo se subtrahunt Franciscinus & Simonius, Guidonis filii, 19. D.
 Turba equitum in subsidium Placentinis tarde missa, 60. B. eorum equitum Duces quinam, ibid.
 — Magna Teutonum in Brolio Mediolani in Armis & equis, 17. C.
 Turmæ Gibellinorum equitum portis erumpunt, 53. F.
 Turriani Caesi, 22. A.
 Tusci in fuga salutem quærunt, Ancisam petunt, 43. B.
Varnerius colloquium habet cum Matthæo, 40. C.
 — Comes ab interprete Cressonis intentum intelligit, 41. B. cuius probitatem laudat, ibid.
 — Vercellarum seditionem non tollit, sed novat, 42. C.
 Valeranus Regis frater intrans hospitium Jacobi Dardaroni, non ut hospitem sed ut Hostem tractavit, 27. C.
 Vana ejus rei causa, ibid. & D.
 — sagitta interimitur, 32. A. B.
 Venturinus Fondutus Guelficæ partis Princeps novitatis Auctor cum aliis punitur, 41. F.
 Vigor Factionis utriusque aliquandiu languet, 60. F.
 Umbri, agro depelluntur, 3. E.
 Vulnera infliguntur multis, 18. B.
Ybor & Ayones, Longobardorum primi Duces Filii Gambara, 6. B.
 Yvanus de Cornu erat Placentiæ præsidio, 51. C. F.
Zarinus captus, in carcere vita functus, 18. D.

A R N U L P H I,

Mediolanensis Historici,

H I S T O R I A
MEDIOLANENSIS,

Qua continentur

GESTA QUORUNDAM
ITALIÆ REGUM,

Ab anno DCCCCXXV. usque ad MLXXVI.

LIBRI QUATUOR.

Editio Novissima, accuratissime edita, & Indice aucta.



LUGDUNI BATAVORUM,

Sumptibus PETRI VANDER Aa,

Bibliopolæ, Academiæ atque Civitatis Typographi.

P R Æ F A T I O

IN NOVAM HANC EDITIONEM.

LECTORI SALUTEM.

Exhibemus tibi (*studiose Lector*) *Historiam*, de quorundam Italiae Regum Gestis præprimis agentem, ab Arnulpho sui temporis satis Docto Viro conscriptam, & in quatuor libros distinctam.

Auctorem ipsum quod attinet; stylo & Methodo utitur sat eleganti & facili: ut adeo forsân, si pauca ejus seculo propria excipias, cum melioris ævi Scriptoribus certare queat.

Tempus Historiæ ab anno Christi Nongentesimo Vigesimo Quinto usque ad Millesimum Septuagesimum Sextum pertingit: sic ut in compendio, sine multis verborum ambagibus, Memorabilia, quæ spatio centum & quinquaginta annorum, præprimis in Italia, sub diversis Regibus, contigerunt, conspicienda proponat.

Ut vero in ampliorem nostri Historiographi notitiam Lector deveniat, consultum duximus ea apponere, quæ de nostro hoc Arnulpho Doctissimus ac Celeberrimus Godfridus Guilielmus Leibnitius, in sua Collectione Scriptorum Brunsvicensia Illustrantium, memoriæ prodidit.

Sunt vero sequentia: „ Arnulfus iste, cujus opus nunc primum edimus, autor ob antiquitatem & res, quas scripsit, minime spernendus, ait lib. I. cap. 7. se fuisse pronepotem fratris Arnulfi Archiepiscopi, qui tempore Ottonis Magni in Cathedra Mediolanensi sedit. Opus in Ambrosiana Bibliotheca, repertum est. Primam ejus notitiam dedit Illustrissimus ex Gallia vir, qui magnis militiæ honoribus clarus, historiam tamén mirificè amat & intelligit. Postea apographum „ ejus

PRÆFATIO IN NOVAM HANC EDITIONEM

„ ejus nactus sum beneficio *Johannis de Sitonis*, Jcti
„ *Mediolanensis* egregii, cujus majores ex nobili *Seto-*
„ *niorum Scotiae* familia in *Italiam* venêre. Cur autem
„ collectioni Scriptorum, *Brunsvicensia* illustrantium,
„ inferam, causa est, quod hic autor confirmat, quæ
„ de antiquis *Estensibus* Principibus à *Sigonio* primum
„ publicata sunt lib. VIII. de Regno *Italiae* ad A. D. 1013.
„ *Ardoino*, inquit, (Regem *Italiae* se ferenti) præter cæ-
„ teros *Italiae* Principes, *Hugonem Marchionem*, de quo
„ diximus, *Atestinum*... affuisse atque ipsum cum *Azone*
„ & *Opizone* filiis ad *Papiam* prælio superatum invenio.
„ *Arnulfus* autem tempori vicinus lib. I. c. 16. *Hen-*
„ *ricus* (Sanctus) quid de reliquo gesserit, quomodo *Tro-*
„ *jam*, nobilem *Apuliae* civitatem obsederit, qualiter *Mar-*
„ *chiones Italiae* quatuor *Ugonem*, *Azonem*, *Adelber-*
„ *tum* & *Obizonem* captione una constrinxerit, recitare
„ non expedit. Expedisset utique, & magnam *Histo-*
„ *riae Estensi* lucem attulisset. Et suspicor, tres illos
„ Germanos fratres Longobardos, *Hug. Hezil* & *Ece-*
„ *lin*, quos ab eodem *Henrico* captos scribit *Ditmarus*,
„ ab his diversos non fuisse, solo *Obizzone* omisso.
„ Nam *Adalbertus* & *Azo* idem est vocabulum, ut
„ *Conradus* & *Cunzo*. Ita ætate major fratrum *Azo*,
„ fuerit *Hezil*, & junior *Adalbertus* fuerit *Azolinus* seu
„ *Ecelinus*. Vereor autem, ne ex ingenio sit *Sigonii*,
„ quod *Hugonem* patrem facit, & quæ de prælio ad *Pa-*
„ *piam* narrat. Multa alia memorabilia habet *Arnul-*
„ *fus* noster ad illustrandam *Italiae* historiam, quæ nunc
„ memorare nihil attinet. Non tamen prætereundum
„ est, quod ex eo discimus quædam de fati filiorum
„ *Berengarii* & de tractato connubio inter *Ottonem III.*
„ & *Principem Constantinopolitanam*, quod ob imma-

PRÆFATIO IN NOVAM HANC EDITIONEM.

turam Imperatoris mortem exitum non habuit. Obiit
is juvenis nondum maritus; & vana sunt, quæ de uxore
ejus *Maria Aragonia*, & meditato ab ea adulterio
vulgo feruntur.” *Utrum hic Noster Arnulphus insuper alia scripta reliquerit; an vero unus aut alter eodem nomine præditus Auctor, idem cum Nostro, vel plane diversus, censeri debeat, aliis dijudicandum relinquimus.*

Interim quum ille, cujus Editionem adornavimus, in animo habuerit, præprimis Italiæ, & quidem simul in specie Mediolanensium Gesta enarrare: nostro scopo in continuandis Italicarum rerum Scriptoribus quam maxime ejus Editio inservire poterit. De qua etiam pauca pro more addemus.

Numeri paginarum, Tomo III. prædictæ Collectionis reperti, margini etiam sunt adjecti: & ut nihil alibi inveniatur, quod nostræ Editioni desit; etiam pauculas illas D. Leibnitii notulas in inferiore loco paginae collocavimus.

Nomina propria diverso a reliquis charactere insigniri procuravimus: adeo ut in omnibus consuetam diligentiam adhibuerimus. Indicem præterea locupletem subjunximus.

Si Deus vitam ulterius largiatur, similes aliosque Scriptores vix aut raro obvios, prælo committere pergemus.

Vale interim studiosæ Lector, & animum Historiarum deliciis pasce.



ARNULPHI GESTA MEDIOLANENSIIUM.

Incipit liber gestorum recentium, ab *Arnulpho* compositus.

In hoc libro continentur gesta quorundam Italix Regum ac Mediolanensium Antistitum, à tempore Hugonis Regis & Arderici Præfulis, usque ad tempus Scriptoris, & si quæ sunt præter hæc alia, illis inserta temporibus, prout occurrerunt memoriæ Scriptoris ejusdem. Quæ qui scire desiderat, legat per singula, & procul dubio inveniet; unde pascat animum, non cibis lautioribus & copiosis, sed sanis ac digestibilibus. Regum vero ac Pontificum nomina scripta sunt ante oculos subjacenti in pagina.

Hugo Rex Burgundio.
Lotharius filius ejus.
Berengarius Longobardus.
Otto primus Teutonicus.
Otto secundus primi filius.
Otto tertius secundi filius.
Ardoinus Longobardus.
Henricus Teutonicus.
Huo non similiter [legendum puto: Chuonradus similiter.]
Henricus filius ut pater.
Henricus ejus filius.

Ardericus sedit annos XXII. menses II.
Manassès & Adelmanus simul quinque fuerunt annis, non in cathedra, sed in arcu & pharetra.
Wulpertus sedit annis XVIII.
Arnulphus sedit annis III. mensibus IV.
Gothofredus sedit annos V. menses I. dies XXIV.
Landulphus sedit annos XVIII. menses III.
Arnulphus sedit annos XIX menses IX. dies VI.
Eribertus sedit annos XXVI. menses VIII. dies IX.
Wido sedit annis XXVII.

728

ARNULPHI LIBER I. HISTORIÆ MEDIOLANENSIS.

C A P. I.

Multorum varios affectus multaque varia delectant studia, nec omnibus omnia, nec singulis satisfaciunt. Nimirum dispares mores ac non idem omnium animus ad non eadem sæpe distrahitur, naturæ unius multiplici conditione: de quibus in communi differere vel singulatim discernere, non est præsentis negotii; sed nec humanæ potentiæ. Valet ille solus, qui diversa largitur charismata bonus. Unde sic ait Apostolus: *divisiones gratiarum sunt, idem autem Deus, qui operatur omnia in omnibus, dividens singulis prout vult.* Item alibi: *Unusquisque proprium habet donum ex Deo, alius quidem sic, alius vero sic.* Verbi gratia: Litteralis scientiæ munus multis modis datur Deo distribuyente, mortalibus. Spirituales mysteria interpretantur, spiritualibus spiritualia comparantes. Et adhæc quis idoneus? Utique non ego, qui non aliter quam venerando credere, Jota unum aut unum ex his apicem præfumo discutere. Animales vero forensia multifarie perscrutantur, carnalibus carnalia conferentes. Inter quos, velut densas ac frondosas tenebrosi nemoris arbores, verecundissime latitans, fidei tamen servus catholicæ, videri erubescio: scientia utpotè nudus, paucis admodum litteris, velut tenuissimis aranæ pulvis, leviter superindutus. Præterea cum jam in dicto præsentis ævi tam diversa novarum quotidie rerum erumpant folia; miror, tot ac tam disertos vel uni eorum non insufflare scriptores. Nullis enim retro temporibus talis ac tanta scribendi fuit occasio, doctis pariter & indoctis. Hæc animo revolvens, non mihi met ipse confido; quem exilis ingenii adeo paupertas angustat, ut difficilis videatur *Aristotelici* labyrinthi ingressus, Laboriosus valde *Tulliani* Palatii accessus. Fateor, me nunquam conscendisse curules quadrevii rotas. Nihil à me igitur carissime, quisquis es præter quod polliceor, exigas, videlicet verbis prolata communibus simplicem ge-

Astorum narrationem, quæ nostri Reges, nostrique gessere Pontifices, nostri quoque concives, in Urbe Mediolano vel extra; compatriotæ vero nostri in Regno Italico: quæ ipse vidi, vel quemadmodum à videntibus aut paulo ulterius audivi, prout etiam de thesauris prodeunt memoriæ; cum nihil sit, quod à me ultra sperare debeas. Si forte recitantis claudicat animus in auditis, saliet profecto confidentius in visis, nullius indigens testimonio. Quod si in præsentiarum scientes tædet lectionis hujusce, non invideant saltem posteris ac scire fortasse volentibus; præsertim, cum solis illis ista providerim. Nisi enim prisca veterum gesta stylus commendaret utcumque, nulla prorsus præteritorum nobis superesset memoria. Recondatur ergo interim sub modio nostrum hoc quaecunque negotium, tempore proferendum suo; cujus privatum ac singulare volumen suæ limina Civitatis, rogo, nullatenus excedat. Quod si videtur hoc parum, extendatur ad Arcum usque Romanum.

C A P. II.

Legimus narrationis ordo à superioribus ad inferiora descendit. Sed quia ex præteritis pendens præsentia ab illis ad ea, quæ sunt in manibus, gestorum decurrat oratio: ita tamen, ut relictâ vetustate, ex recenti memoria fumatur exordium.

C A P. III.

Anno à Nativitate Christi nongentesimo XXV. regnavit in Italia ex Burgundionibus Ugo, qui, ut tutius ageret in Regno, egregiam inter cæteras Urbem Mediolanum sibi vindicare prævidit. Priscam namque noverat loci consuetudinem, ut decedente Metropolitano, unus ex majoris Ecclesiæ præcipuis Cardinalibus, quos vocant *ordinarios*, succedere debeat; quod à Romanis Præfulibus, ab ipsis quoque Imperatoribus concessum, sub auctoritate quidem canonum, testantur schedulæ in secretario reconditæ. Hujus rei gratia ju-

Arnulphus. A mo-

niorem filium in eadem ecclesia tonsurari decrevit. Sed quia in puerili ætate ad Episcopatum minime videbatur idoneus, grandævum senem interim subrogavit Antistitem, sperans, cum subito casurum. Quoniam vero sæpenumero cogitantem fallit opinio; prolixius vixit sacerdos; annis XXII. mensibus II. in sæculo. Quod ubi persensit, necem illico meditatur occultam. Statuto autem generali *Papæ* colloquio cunctorum Regni Principum, Patini... jubente ex industria Cæsare, cum Mediolanensibus litigabant; ut accepta occasione trucidaretur senex ille. Quibus rixantibus gravis pugna committitur, qua feruntur interfecti *Mediolanenses* nonaginta viri prudentes. Sed propitiâ Divinitate liberatus, evasit Antistes. Cumque diutius non posset latere dolus, vehementer erubuit criminis tanti reus; veritus etiam Beatum *Ambrosium*, cujus fuerat ille Vicarius.

CAP. IV.

Factum est autem, ut, conventionem dignæ satisfactionis, concederet Ecclesiæ pro nonaginta interfectis Abbatiam *Nonantule*, quæ propter nonaginta suis juris curtes sic vocata perhibetur; 729 Insuper & Capellam auream cum Cruce, quæ super altare in hyemalis Ecclesiæ sunt collocata tugurio. De reliquo cum nimis insolenter ageret, ignorans sibi pictum: *Principem te fecerunt; noli extolli, sed esto in illis, quasi unus ex ipsis*; intolerabilis factus est universis. Præelecto itaque filio ejus ab omnibus *Lothario*, admodum [f. juvene] communi consensu Regni totius compulsus est ipse remeare *Burgundiam*, de cætero minime regnaturus.

Per idem tempus orta est *Mediolani* perniciofa seditio. *Arderico* enim Archiepiscopo ad superna vocato, eruperunt duo adversarii, *Ambrosiani* dignitatis ambitione succensi, *Manasses* videlicet, *Arelatenfis* Episcopus & *Adelmanus* Presbyter *Mediolanensis* revera immemores Apostolici oraculi: *Non efficiamur inanis gloriæ cupidi, invicem provocantes, invicem invidentes*. Cumque diu contenderent, ille ex datione Regis, scilicet *Burgundio*; hic ex factione plebis & de *Mediolano*; quinquennio contra se invicem pertinaciter altercati sunt, factis partibus ex alterutro. Quorum execrabilijurgio jacturam prægrandem sustinuit Ecclesia, præcipue in thesauris & cimiliis omnibus, quibus incomparabiliter affluebat. Inter hos fluctus natabat caute *Walpertus*, contrahens suo lateri quasi undas consilii, usque adeo, ut, utrisque sponte vel invito cedentibus, sedem teneret ipse solus. Demum, mortuo *Lothario* regnavit *Berengarius Longobardus* ipse, quem *Wulpertus*, tunc Archiepiscopus, suspectum habebat, conscius ipse sibi. Cujus iram præcavens, ne regiis præveniretur infidiis; legerat enim: *indignatio Regis nuncius mortis*; fugam paravit, *Ottonemque Theutonicorum* adiit Regem, suffragium postulans, moxque illi regnum, se instante, pollicetur *Italicum*. Qua erectus Rex *Otto* fiducia, adscita sibi conjugem *Adeleida*, Italiæ quondam Regina, uxore videlicet *Lotharii*, illico meditatur Regnum subripere *Berengario*.

CAP. V.

Præmissis igitur pro *Walperto* Legatis, pacem implorat; quam cum non impetraret, direxit *Lithulphum* cum exercitu, suum ex altera conjugem filium. Oderant autem Compatriotæ Regem *Berengarium* propter nimiam uxoris tenaciam, quæ *Willa* dicebatur, & suam ex parte favitiam. Ideoque destitutus à suis, properanti hosti minime valuit congregi; sed ingressus, quod dicitur

1 Otto Walpertum Berengario reconciliare studet,

A *Insula Sancti Julii*, municipium, resedit invalidus. Cum vero exploraret universa *Lithulphus* quidam familiares *Berengarii* milites, fidem debitam simulantes, promissa securitate foras eductum, hostium manibus tradiderunt. *Revera inimici hominis domestici ejus*. Intuitus autem cum *Lithulphus* ait: Consule tibi Rex, & humiliare Magno *Ottoni* Augusto. Si non feceris, ipsum lædis. Cumque humiliter responderet, rursus infit: Absit à fide mea, ut vincam perfidia, qui viribus superare contendo. Cave Rex a modo ab hujusmodi pseudomilitibus. Sic fatus absolvit eum, deinceps strenue cuncta ministrans. O pia hostilitas, & hostilis pietas! Postea vero pius ille perfidia *Longobardorum* fertur veneno necatus.

CAP. VI.

O *Tto* autem, licet privatus filio, conjugis tamen Augustæ *Adelheidæ* fretus consilio; *Walperti* quoque aliorumque Regni Principum in manu: brachio extento venit *Italiam*, *Primus ex Teutonibus Imperator dictus Italicus*. Cumque illi subjecta fierent omnia, *Berengarium* ipsum, arce quadam robusta munitum diuturna vallans obsidione subegit, filiis circumquaque dispersis, *Widone*, *Adelberto*, & *Conone*. Illum vero cum filiabus & Coniuge captum, secum devexit in *Sueviam*, ubi non multo post in amaritudine animæ diem clausit extremum.

CAP. VII.

Eodem tempore, obeunte *Walperto*, cathedram suscepit *Arnulphus*, vere declinans à malo & faciens bonum; cujus æquivocus existo, gestorum Scriptor ego præsentium, fratris vero illius pronepos verus. Hujus in Episcopatu vita fuit triennis, factus nunc pro cætero dignitate perennis. Cui successit *Gothefredus*, primo quidem à Clero reprobatus & Populo, eo quod sacerdotalem vel Leviticum nondum ascenderat gradum Subdiaconus tantum: extrema vero pace receptus, Regiæ fidelitatis gratia, contra filios *Berengarii* dimicavit. Quorum *Widone* interfecto, *Conone* pactione quieto; *Adelbertus* cæteris animosior, diebus vitæ omnibus factus est in diversa profugus.

CAP. VIII.

Deinde *Ottone* mortuo, regnavit pro eo ejus deijdem nominis filius, acer in armis, sagax ingenio; qui *Græcæ* mulieris adeptus contubernium, industria sapientis *Adeleida* matris, *Romanum* feliciter solidavit Imperium. Exiens vero a *Germania*, *Romæ* præsedet, *Apuliam*, *Calabriam* possedit, multaque gessit insignia; Imperatoria Majestate condigna. Hujus tempore transfretantes *Saraceni* mare, conati sunt *Calabros fines* invadere. Quibus ex adverso congressus est Imperator, parvo licet suorum suffultus collegio. Quoniam vero parvorum ad plures impar solet esse congressio, cum pugnasset multum, defecit ad ultimum. Quid plura? pugnando captus, ad classes usque protrahitur; occupaverant enim hostes vicina maris littora. Sentiens vero se, nollet vellet, transvehendum, simulatis precibus postulabat, ut saltem unicam conjugem cum exiguo famularum obsequio, simul cum eo exulare permitterent, delaturam secum immensa auri & argenti pondera, promittens. Cumque foret permissum, viros adolescentes muliebriter superindutos, subitus autem accinctos mucronibus, cautissime venire mandavit. Ubi vero ingressi sunt navem, illico irruentes in hostes, evaginatensibus indifferenter quoscunque trucidant. Interim saltu cito profiliens Imperator, in pelagus natando evasit ad litus, liber & lætus. Unde terrefacti, transverunt hostes ad propria. De cætero disponens æquo-

quoreas undas potestative cum omni transire Italia, per universum Regnum dilatat militandi præceptum. Sed Deo aliter providente, rebus excessit humanis, juxta illud: *Cor hominis disponit viam suam, Domini autem est dirigere gressus ejus.* Cui in *Alamania* partibus superfuit puer sui nominis filius, Rex mortuo patre creatus.

C A P. IX.

JAm etiam successerat *Gothofredo* Landulphus Archiepiscopus, qui, propter nimiam patris ac fratrum insolentiam, gravem populi perpeffus est invidentiam. Instabat enim præ solito Civitatis abuti Dominio. Unde Cives indignati, una sese conjurati strinxerunt. Inde civilis seditio, ac partium est facta divisio. Quibus assidue rixantibus, grande commissum est in urbe certamen. Videns autem, se prægravari undique Præful, nec posse sufficere, discessit ab urbe cum fratribus, relicto Patre, qui fuerat jam senex & viribus imbecillis. Quamobrem Ecclesiæ facultates, & multa Clericorum distribuit militibus beneficia. Iterum autem, collecto ex diversis partibus agmine, confligit eisdem cum civibus in campo *Carbonariae*, ubi facta est plurima cædes utrinque. A quo bello ægre divertit hac etiam vice. In civitate autem quidam vernula, audita Domini sui nece, accurrens, Patrem Præfulis lecto jacentem cultro transfixit. Post hæc & alia multa, inspirante Deo, & interveniente consultu sapientum partis utriusque, nova pax vetera dissolvit odia. Archiepiscopus enim, memor pastoralis diligentia; Populus vero, recordatus ovilis obedientia; donantes præterita, foederati sunt pace perpetua. Præterea sentiens Præful, se, dispersis facultatibus, offendisse Ecclesiam, ut Clerum leniret ac populum, S. Martyris *Celsi* fundavit Monasterium, multisque ditavit opibus; ubi completo dierum numero moriens, suo quievit in tumulo. Cui alter successit *Arnulphus*, de quo dicitur posterius. Interim regnante *Ottone tertio* cum matre *Græca*, quidam *Græcus*, *Græcæ* Domina; Capellanus, factus est *Placentinus* Episcopus. De quo dictum est, quod *Romani* decus Imperii astute in *Græcos* transferre tentasset. Siquidem consultu & ope quorundam *Romanorum* præcipue *Crescentii* cujusdam prædixit, Apostolicam sedem jam violenter invaserat, dejecto eo, qui tunc infederat, Venerabili Papa. Quo audito, palam relicta *Suevia* venit *Otto* festinus *Italiam*.

C A P. X.

NEc mora; consilio habito cum Optimatibus Regni, *Romanum* arripuit iter cum Legionibus *Latinorum* ac *Teutonicorum*, terrefaciens cuncta in circuitu loca. Ad cujus introitum, *Roma* concutitur universa, *Græcus* ipse misericordiam clamat: *Crescentius* vero rebellionem parat, *Tyberina* S. *Angeli* munitus in arce. Hunc Imperator undique obsidione circumdat, omnibus belli machinis quotidie oppugnans; donec pacto utcumque composito, illius se tradidit potestati. Qui statim in *Prato Neroniano* iussus est decollari: *Stephania* autem uxor ejus traditur adulteranda *Teutonibus*. Pseudopapa vero *Græcus* effossis oculis, abscissis naso & auribus, dorso asinae retroversus, manutenus caudam, totam distrahitur per urbem. Sic *Roma* ante mobilis, Regis quievit in oculis.

C A P. XI.

TEmpore præterito decreverat Imperator maternæ gentis sociari conjugio. Hujus causa consilii, præfatus *Arnulphus* venerabilis Archiepiscopus, Regia iussione præmonitus, mare transiens, *Constantinopolim* proficiscitur. Qui ab

A ipso admirabili Monarcha, magna susceptus honorificentia, satis Episcopalter conversatus est in Urbe regia, ita, carus, ut quidquid poposcerat facile impetraret. Composito tandem, propter quod venerat negotio, ab eodem *Basileo* decenter absolutus, reversionem accelerat.

C A P. XII.

Interea Imperator primo juventutis in flore defungitur *Otto*, in quo omnis *Ottonum* est consumpta propago. Tunc *Ardoinus* quidam, nobilis *Ipporegiae* Marchio, a *Longobardis* Papiæ eligitur, & vocatur Cæsar ab omnibus. Regnum perambulat universum, Regio jure cuncta pertractans. Cognito autem dicti Præfulis reditu, occurrit ei itinere obviis, securitate, quanta valuit, sibi illum applicare procurans.

C A P. XIII.

Eodem tempore *Henricus* creatus est Rex *Alamaniae*. Inter hos de sceptro *Italico* ingens oritur contentio. In medio Principes Regni fraudulentur incidentes, *Ardoino* palam militabant, *Henrico* latenter favebant; avaritiæ lucra scrutantes. Sic dictum est ad *Hierusalem* per Prophetam, *Principes tui infideles, socii furum omnes, diligunt munera, sequuntur retributiones.* Quorum consilio *Henricus* direxit in *Italiam* suum cum exercitu Ducem. Cui occurrens viriliter *Ardoinus*, facta congressione in *Campo Fabricæ*, quamplures stravit; cæteros extra fines Regni fugavit.

C A P. XIV.

TEmpore non longo cum valida *Teutonicorum* militia properavit *Henricus* a *Germania*, ipso *Italica* castra metatus in limine. Ex adverso *Ardoinus*, fidens viribus, nec minus armis instructus, non tantum defendere, quantum in eum paratus insurgere, occurrit illi *Verone*. Sed deceptus perfidia Principum, majori militum parte destituitur. Cumque cessisset invitus, Regnum *Henricus* ingreditur, Rex statim electus; suoque post tempore *Romanus* Imperator effectus. Veniens vero *Papiam*, cum non ad votum sibi obtemperasset, uno totam concremavit incendio. Unde horruit omnis *Italia*, simile pertimescens. Abhinc, illius exinanita confidentia, hujus prævaluit ubique potentia. Veruntamen reassumptis interim viribus, *Ardoinus* juxta posse ultionem exercet in perfidos. Siquidem postea *Vercellensium* Urbem caput, *Novariam* obsedit, *Cumas* invalit, multaque alia demolitus est loca sibi contraria. Ad ultimum labore confectus & morbo, privatus Regno, solo contentus est Monasterio, nomine *Fructeria*, ibique, depositis Regalibus super altare, sumptoque habitu paupere, suo dormivit in tempore.

C A P. XV.

Illis in diebus primus in *Apuliam* Normannorum fuit eventus Principum terræ consultu vocatus, cum *Græci* eam innumeris gravarent oppressioneibus. Quibus subactis & æquore sulcato fugatis, considerantes *Normanni* Apulorum inertiam, regionis quoque in omnibus opulentiam, etsi pauci, invadunt ex parte Provinciam. Remissis etiam Legatis in patriam ad hoc hortantibus cæteros, crescente paulatim numero, totam repleverunt *Apuliam*. Jure quasi proprio deinde possidentes, atrociores facti *Græcis*, *Sarracenis* ferociore; immo dejectis prioribus, surrexerunt Principes ipsi.

C A P. XVI.

Henricus vero quid de reliquo gesserit, quomodo *Trojam*, nobilem *Apulicæ* Civitatem, *Arnulphus*. A 2 obic.

obsederit, qualiter Marchiones *Italiae* quatuor, *Ugonem*, *Azonem*, *Adelbertum*, & *Obizonem*, captione una constrinxerit; recitare non expedit. In fortitudine ejus omnis terra contremuit usque adeo, ut si qui reperti fuerint *Ardoini* favisse partibus, aut fugerent, aut deditionem facerent. E quibus *Astensis Episcopus*, propria relicta sede, *Mediolani* usque ad obitum latuit. Dederat enim Imperator, vivente ipso & abjecto, Episcopatum cuidam *Olderico* fratri *Manfredi* Marchionis eximii. Quod factum Archipræsul *Arnulphus* vehementer exhorrens, consecrationem, quæ sibi compete-
 A
 B
 C
 bat, omni modo vetuit. *Oldericus* autem ille, sua fretus ac fratris potentia *Romam* proficiscens, subreptione quadam se consecrari fecit a Pontifice. Quod ubi innotuit *Arnulpho*, iusta satis accenditur iracundia; non tantum Regia institutione, quantum *Romana*, quod deterius videbatur, indignatus consecratione. Veniens ergo in conventu *Mediolanensis* Ecclesiæ anathematis jaculo Consecrati transfixit audaciam: Deinde collecto undique exercitu copioso, cum suffraganeis simul Episcopis *Civitatem* aggressus *Astensem*, clausis in Urbe Marchione cum Episcopo, densissima obsidione vallavit: nec a populatione belloque destitit, donec pace composita, illius satisfactum est voluntati. Hæc autem fuit pacis conditio, quod, venientes *Mediolanum*, tertio ab Urbe milliaro nudis incedendo vestigiis, Episcopus codicem, Marchio canem

bajulans, ante fores Ecclesiæ *B. Ambrosii* reatus proprios devotissime sunt confessi. Præterea Episcopus virgam & anulum suscepti Pontificatus super S. Confessoris altare deposuit: quæ postea, largiente Episcopo, pie resumpsit. Frater vero illius *Manfredus* Marchio donavit Ecclesiæ auritalenta quam plurima, unde producta est *Cruce* illa pulcherrima, quæ usque hodie præcipuis tantum geritur in diebus. Deinde nudis, sicut venerant, pedibus per medium Civitatis ad Ecclesiam majorem *Sancæ Theotocos* usque deveniunt, ab Archiepiscopo & Clero, cunctoque recepti in pace populo.

CAP. XVII.

DE reliquo *Arnulphus* sacerdotaliter suam regebat Ecclesiam, Clerum fovens ac populum, suisque plane vacans negotiis. Hujus beatitudinem plura Ecclesiis tradita commendant beneficia. Illius tempore S. Confessoris *Monæ* revelatæ sunt reliquiæ in Ecclesia *S. Vitalis* juxta *S. Naborem*. Hic etiam fundavit Cœnobium *S. Victoris* Martyris, in magno honore & copia frugum, in quo requiescit in pace sepultus. In cuius laude reddenda, quoniam dies non sufficit hodierna, præsens claudatur pagina, cum sit altera deinceps aperienda.

I Liber in MSto cum ipsa pagina finiens.

ARNULPHI LIBER II.

HISTORIÆ MEDIOLANENSIS.

CAP. I.

Superiori volumine audita tantum ut-
 S
 cunque exsufflare tentavimus; nunc autem ea, quæ ipsi videndo cognovimus, ex abundanti eructare studeamus. Cœlitus igitur vocato diuæ memoriæ *Arnulpho*, consultu majorum Civitatis ac dono Imperatoriæ Majestatis, inthronizatur *Heribertus*. Qui ex quo prælatus est, suis & aliorum vacavit negotiis, pluribus intentus, grandia expertus; quæ quidem narranda, non judicanda suscepimus. Cujus in diebus, *Henrici* consummatur imperium, prole nulla superstite. Tunc *Papienses* in ultionem incensæ urbis, Regium, quod apud ipsos erat, destruxere Palatium. Factum est autem, ut simul convenientes in commune, tentarent de constituendo Rege Primates. Diversis itaque in diversa trahentibus, non omnium idem fuerit animus.

CAP. II.

Inter quæ talia fluctuante *Italia*, suorum comparium declinans *Heribertus* consortium, invitis illis ac repugnantibus, adiit *Germaniam*, solus ipse Regem electurus *Teutonicum*. Cumque *Teutones* sibi *Conradum* eligerent, eundem ipsum laudavit, omniumque in oculis coronavit, accipiens ab eo, præter dona quamplurima, *Laudensem* Episcopatum; ut sicut consecraverat, similiter investiret Episcopum. Rediens vero securus in omnibus, totam suis legationibus evertit *Italiam*, alios aliosque benevolos faciens, donec suum electum fere omnes laudavere suscipiendum. Tali suffultus remigio veniens *Conradus* *Italiam*, ab eo ut moris est, coronatur in Regno; deinde *Romam* Duce commigrat eodem. In cuius adventu factus est ingens *Romæ* conventus diversarum undique gentium; Episcoporum quoque ac sæcularium Principum, præsidente D. Papa *Johanne*.

CAP. III.

Imminente itaque Paschali solemmitate, cum *Rex Conradus* in Basilica Apostolorum ad culmen Imperii, Apostolica foret consecratione sublimandus; *Heribertus* *Ravennas* Archiepiscopus temerare dextram Regis invasit ac tenuit, faciens, quod *Mediolanensi* compete-
 D
 E
 bat Antistiti. Quod cum omnium displiceret in oculis, commonebant eum Præsules cæteri, quatenus à non suo desisteret. Nihilominus ille pertinaciter tenebat. *Heribertus* vero *Mediolanensis* Antistes, ne in die festo tumultus fieret in populo, sapienter multum popularem declinavit tumultum, cunctos suos, adversari volentes, ab omni contradictione coercens.

CAP. IV.

Ex igitur tumultuantium strepitu attonitus, cognita tandem rei veritate, gradum figens taliter est concionatus: Certum est quidem, Reverendi Patres, quia, sicut Privilegium est Apostolicæ sedis consecratio Imperialis, ita *Ambrosianæ* sedis privilegium est electio & consecratio *Regalis*. Unde ratum videtur, ut manus, quæ benedicit & prius coronam inponit Regi, si præsens affuerit, repræsentet Regem ad Imperium promovendum *S. Petro* & ejus Vicario; quatenus *Ambrosiano* testimonio jure possit imperare, qui *Ambrosiana* consecratione didicit & coepit regnare.

Cumque hæc Regis omnibus placeret sententia, dexteram *Ravennati* auferens, *Ambrosianum* jubet accersiri Pontificem: qui prædicta vitandi tumultus causa venire distulit. Igitur consulente Domino Apostolico & universis Episcopis, dexteram dedit *Vercellensi* Episcopo illius suffraganeo, ut pater in filio, magister videretur in discipulo; qui in Imperiali consecratione *Mediolanensis* Archiepiscopi vicem tenuit. Post dies aliquos indicta est Syno-

Synodus *Romæ* auctoritate Apostolica, in qua constitutum est, ut in omnibus negotiis Pontificalibus *Ravennas* nullo modo in æternum se *Mediolanensi* præferat Antistiti: & si forte præsumserit, canonice legi subiaceat. Insuper placuit omnibus, in hac re conscribi *Totum* in sempiternum testimonium; de quo pauca, de pluribus ista decerpimus.

C A P. V.

DUm hæc agerentur, *Mediolanenses* cum *Ravennatibus* altercabantur ad invicem. Igitur crescente jurgio, congressi sunt adversus sese mutuo. Sed prævalente impetu & fortitudine *Mediolanensium*, *Ravennates* terga dederunt, magna ex parte vulnerati; quos persecuti sunt adversarii usque ad hospitia, sarcinas & omnem diripientes suppellectilem. Ipse etiam *Ravennas Heribertus* vix aufugit, de manibus insequentium ereptus. Attamen postea illa omnis quievit controversia. Imperator vero à *Romanis* rediens partibus, commoratus est in *Italia*, donec subegit, si quos habuit adversarios, patrocinate in omnibus *Eriberto*; & filuit terra in conspectu ejus.

C A P. VI.

Contigit autem tunc temporis, *Laudensem* mori Pontificem; cumque sua investitura, quemadmodum ab Imperatore susceperat, alium subrogare decerneret, indignati *Laudenses*, insolitam sui Episcopatus constitutionem audacter despiciunt. Quorum parvipendens *Eribertus* audaciam, elegit *Ambrosium* de suorum numero Cardinalium, Sacerdotem fatis idoneum. Cui primo tradens virgam & annulum: deinde, ut moris fuerat, consecravit Episcopum. Quo peracto, cuncta *Laudensium* violenter aggreditur oppida. Quibus subactis, protestative tandem pervenit ad Urbem, suum secum deducens Pontificem: quam undique obsidione circumdans, perseveranter oppugnat. Cumque cives viderent, se frustra resistere; proposita pacis conventionem demum in commune deliberant, suscipiendum Episcopum. Ante portam enim Civitatis facta sunt palam juramenta promissæ fidelitatis; & sic jam dictus receptus est Episcopus, omnibus postea carus, doctrina scilicet & operatione præclarus. Ab illo autem tempore inter *Mediolanenses* atque *Laudenses* implacabile viguit odium; unde postea per multa annorum curricula prædas & incendia, cædesque alternant innumeras. *Mediolanenses* quidem, multitudine, divitiis ac brachii virtute confisi, frequenter illos bello aggrediuntur, obsidione circumsepiunt, agros & vineas ac suburbia cuncta demolientes. *Laudenses* vero, exigui numero, sed truces animo, opibus angusti, viribus onusti; nunc suo nunc alieno se damno defendunt. Quæ si scriberentur per singula, plura fierent inde volumina.

C A P. VII.

His denique diebus mortuo *Burgundionum* Rege, proponit *Conradus* Burgundiam invadere; ad quam invadendam *Longobardorum* jubet properare militiam. Ipse vero ex contigua sibi parte obstructos irrumpens aditus, municipia quæque præoccupat. E vicino autem *Italiæ* cum optimatibus cæteris electi Duces incedunt; scilicet Præsul *Heribertus* & egregius *Marchio BONIFACIUS*, duo lumina Regni, explorantes accessus illos, reddunt incabiles præcisa Saxa inexpugnabilis Oppidi *Bardi*. Per hos ducentes *Longobardorum* exercitum, *Jovii montis* ardua jura transcendunt; sicque vehementi irruptione terram ingredientes, ad Cæsarem usque perveniunt. Cumque

i Tabulas.

A que nequirent *Burgundiones* resistere, deditio- nem accelerant perpetua subjectionis conditione *Conrado* sublati. Et factum est, ut in magna gloria reverterentur omnes ad propria.

C A P. VIII.

Per idem tempus mense *Junio* in die SS. *Petri* & *Pauli* fervente meridie, Ecclipsis solis apparuit; tribus horis mundo inducens tenebras. Tempore post alio visa est noctu Luna, colore fuscata sanguineo.

C A P. IX.

Multis igitur prosperatus successibus Præsul *Heribertus*, immoderate paululum dominabatur omnibus, suum considerans non aliorum animum. Unde factum est, ut quidam Urbis Milites, vulgo *Vualvassores* nominati, illius insidiarentur opibus, adversus ipsum assidue conspirantes. Comperta autem occasione cujusdam potentis beneficio privati, subito prouunt in apertam rebellandi audaciam, plures jam facti. Quod ubi innotuit Præsuli, parat multis consiliis obistere illorum insidiis. Ubi vero nihil proficit, virtute superare contendit. Ac primum quidem bello victi atque pugnando vehementer attriti, exeuntes ab Urbe discedunt mœrentes. Quibus mox subveniunt *Martiani* atque *Seprienses*, pluresque Regni commilitones, simul mori simul parati vivere; præcipue *Laudenses*, recentis injuriæ memores. Archiepiscopus autem collecto, undecumque potuit, agmine non tamen absque suis fidelibus, nititur insequi & universos opprimere. Cumque reniti præsumerent: conveniunt in campo, qui dicebatur *malus ab ævo*, recteque *malus*, quoniam fuerat cruore rigandus. Ibi commisso campestri certamine, facta est strages magna interfectorum partis utriusque. Inter quos dum incederet medius, jam dictus configitur *Estens* Episcopus, pars denique maxima belli. Cujus interitus certaminis factus est terminus. Hic amisso tanta fratre confusus; illi autem, occiso tanto hoste, securi recedentes à pugna, diverterunt ad propria. Igitur imminente tanto discrimine, providit Archiepiscopus vocare suum a *Germania* Cæsarem, sperans illum futurum auxiliatorem. Veniens autem *Veronam* Imperator, indeque *Mediolanum*, honorabiliter die primo suscipitur. In crastinum, tumultuante ac vociferante in eum populo, graviter offenditur. Audierat enim, Regem *Laudensi* jure defraudasse *Heribertum*. Quod *Augustus* dissimulans, *Papiam* adiit; ubi cum generale statuisset colloquium, concinnato dolo, cepit ac tenuit Archiepiscopum, *Aquilegiensi* tradens Patriarchæ custodiendum. Ecce *Mediolanensis* attonita inhorruit Civitas, proprio viduata Pastore, dolens ac gemens à puero usque ad senem. O quæ Domino preces, quantæ funduntur & lachrymæ. Cumque proclamarent assidue Clerus, populus atque miles; facta est de absolutione conventio, datis obsidibus *Augusto*. Quibus receptis, nihilominus tenuit, tentans perpetuo damnare illum exilio. Qui etiam tres alios una die comprehendit Episcopos, *Vercellensem*, *Placentinum* & *Cremonensem*. Archiepiscopus vero post menses duos fugam arripuit. Cui venienti tota occurrit civitas, ita hilaris, ut servus Domino, mulier non cederet viro præ gaudio, cursitantes. Ecce vespertinus Urbis fletus conversus est in matutinam lætitiā. Videns autem se *Conradus* delusum, suum & Reipublicæ palam *Heribertum* denunciat inimicum. Igitur exiit edictum à Cæsare *Augusto*, ut cuncta suæ potestatis Regna ad *Mediolanum* concurrerent impugnandum. Factum est autem, ut omnis *Italia*, universa *Germania*, convenirent simul, ab angulo

usque ad angulum. Ac primo quidem impetu quoddam firmum aggreditur municipium, nomine *Landrianum*; quod oppugnans, in modico demolitur. Inde applicuit *Mediolanum*, tertio ab Urbe milliario fixis tentoriis castrametatus. *Mediolanenses* autem prompti resistere, quæque proxima Civitatis muniunt loca: e quibus electi juvenes, armis compti, bella edocti, volantes equis, proludunt telis, Cæsarianis insultando militibus; & gyrautes castra, clypeo minantur & hasta, proximos quosque cædentes. Cumque per dies aliquot hæc exercerent præludia, factum est in die Sancto *Dominicæ Ascensionis*, Cæsariani omnes suo cum Cæsare castris erumpunt; *Teutones* in dextro, *Itali* in sinistro bella cientes. Civibus vero occurrentibus ex adverso, ingravatum est undique bellum, diversis in diversa pugnantibus. In prima fronte nobilis quidam *Teutonicus*, statura procerus; & *Wido*, *Italicus* Marchio, signifer Regius; inter media tela confixi sunt. Quibus cadentibus multisque aliis in proprio cruore jacentibus, paulatim belli tepescit amor. Demum Cæsariani collecto agmine ad castra commigrant: Urbani quoque, relictis campis, propria tecta requirunt. Igitur recedens ab Urbe Cæsar, jubet cuncta in circuitu, prope longèque, vastari loca. Cumque flammis cuncta consumerent, crebris fulminum ictibus & grandine tempestate correptus, à cœpto desistens, recessit mœrens. Quin etiam *Bertaldus*, Regi à secretis, cuius cuncta siebant consilio, insanæ mox mentis efficitur. De quo cum Rex leniri debuerat, magis intumuit, in tantum ut *Heribertum* adjudicaret propria dignitate privandum. Stabilita igitur deliberatione, Præsulatum tradidit *Ambrosianum Mediolanensis* Ecclesiæ Cardinali Presbytero suoque Capellano, etsi videntibus, non tamen volentibus Episcopis. Quo *Heribertus* audito, de Rege similiter tractat honore privando. Secreta igitur legatione suggerit *Oddoni*, potenti *Francorum* Comiti, ut, se favente, arripiat Regnum *Italiæ*. Qui nihil moratus, utpote regnandi avidus, primo quidem aliquas *Alamanie* partes violenter invadit. Hunc impugnans viriliter Dux *Gothefredus*, vehementi facta congressione, in momento prostravit, ejusque caput avulsum humeris, fertur Augusto in *Italiam* direxisse. De cætero Imperator annuam *Mediolani* vastationem universos Regni primates jurare præcipiens, obstinato animo repatriavit in *Sueviam*, æger pedibus, & cunctis debilis artubus. Interea *Pseudo-Ambrosius* palam gerens virgam & anulum, ut lupus in abdito clam insidiabatur omnibus modis *Heriberto*, multis multa quotidie jurando pollicitus Clericis atque Laicis, in Urbe & extra factione concepta. Ubi autem fidelium dignitas perfidorum sensit insidias, deprehenso in crimine puniunt in personis & propriis facultatibus; & sic, prævalente *Heriberti* potentia, evanuit omnis illa fraudulenta præsumptio. Per idem tempus factum est, ut cuncti Principes Regni simul undique convenirent ad devastandos sicuti Regi promiserant, *Mediolanensium* fines. Prævidens autem Archiepiscopus futuram oppressiorem, jubet illico convenire ad Urbem omnes *Ambrosianæ* Parochiæ incolas armis instructos, a rustico usque ad militem, ab inope usque ad divitem, ut in tanta cohorte patriam tuerentur ab hoste. Signum autem, quod dimicatuuros suos debebat præcedere, tale constituit. Procera trabs, instar mali navis, robusto confixa plaustro, erigitur in sublime, aureum gestans in cacumine pomum cum pendentibus duobus candidissimi veli limbis. Ad medium veneranda crux, depicta Salvatoris imagine extensis latè brachiis, super spectabat circumfusa agmina, ut, qualiscumque

A foret belli eventus, hæc signo confortarentur inspecto. Fuisset gravis inter urbem Regnumque conflictus, nisi novus de morte Cæsaris rumor concuteret animos hostium, adeo ut, solutis castris, certatim resurgerent ita confuse, ut colliderentur ad invicem. Interquos *Parmensis* corruens signifer, turpiter occubuit.

CAP. X.

D Efuncto autem *Conrado*, *Henricus* adolesc-
735
cens, ejus filius, Rex vivente patre creatus, Augustus ab omnibus appellatur; Vir Reipublicæ gerendæ satis idoneus. Qui paterni animi non imitatus affectum, suorum consultu fidelium, cum Archiepiscopo pacis fœdera stabilivit, ab illo deinde fideliter honoratus. Pacatis igitur rebus omnibus, intestinum jurgium bellumque civile succedit, adeo execrandum & lachrymabile, ut præter innumeras bellorum clades immutatus sit status Urbis & Ecclesiæ. Verissime enim otio civiles nutriuntur discordiæ, & sæpe velut ex adipe prodit iniquitas. Nullis itaque exterius adversantibus, in semetipsos exercent odia Cives. Factum est autem, ut, privato inter se jurgio, plebejus quidam graviter caderetur a milite. Unde plebs indignatur, commotaque repente adversum milites, in arma consurgit. Ipsi autem velut incauti, juxta posse resistunt. Inde fomes pullulat odiorum, & partium fiunt juramenta quam plurima. *Lanzo* quidam ingenuus Civitatis miles, plebejæ turbæ favebat instantius; cujus fota juvenamine, plurimum convalescebat. Hoc indignata cætera Nobilitas, partim tamen amore suorum fidelium militibus sese consociat. Eodem tempore multa somnia, multa narrantur in Urbe prodigia. Cumque Civitas tali penderet in dubio, repentinus auditur in ea clamor, modica occasione conceptus. Fit ingens concursus omnium; atrox pugna committitur; per plateas & angulos diu certatur utrinque, tetis & culminibus. Demum militum paucitas, multitudine circumventa plebeja undique flammis urgetur & ferro. Unde factum est, ut cum natis & uxoribus propria tecta irati desererent. Quorum ut consuleret rebus Archiepiscopus, paucis interjectis diebus, ab Urbe discessit & ipse. Quibus etiam statim fiunt in auxilium *Martiani* cum *Sepriensibus*. Tali ergo confortati suffragio, consulte provident sex propinqua Urbi munire præsidia: in quibus cum omni cohabitantes familia, firmissimam circumquaque obsidionem constituunt, die noctuque cæde grassantes. Sex enim exeuntes ab Oppidis, totidem oppugnant Urbem assidue partibus. Nec minus civilis turba sæpe portis erumpens, nunc se pugnando defendit, nunc ultra illos aggredi furibunda contendit. Rara namque transit absque sanguine dies. Cumque triennio partes sic baccharentur, utræque vicissitudine quadam, quid contra se invicem possent frequenter expertæ: veniunt ab *Augusto* Legati, treugam inviolabilem indicentes, quam totius Regni virtute & consilio, jurejurando confirmant.

CAP. XI

F Eodem tempore Archiepiscopus *Modoëtiæ* degens graviter infirmatur. Cumque ægrotaret ad mortem disposita domo ac bonis omnibus, deferri se jubet ad urbem; ubi cum aliquantis langueret diebus, vitæ præsentis subtrahitur. Sepultus est autem ad *S. Dionysium*, ubi elegans fundaverat ipse Monasterium. Providit etiam vivens universis Ecclesiæ ordinibus, plures conferens facultates ad præsentiumque futurorumque subsidia. Hujus in diebus cuidam *Genuensis* Urbis incolæ revelatæ sunt *Johannis* Archiepiscopi Sacrosanctæ Reliquiæ. De eo cum sufficienter sit dictum, cesset a modo noster ab illo stylus, cote jam tertia subtiliter acuendus.

ARNULPHI LIBER III. HISTORIÆ MEDIOLANENSIS.

CAP. I.

MEmini dixisse me nuper, propter civile jurgium mutatum Urbis & Ecclesiæ statum. Utrum vero in melius an in deterius, dicere non oportuit, cum facta collatione prætorum ad præsentia facilis fiet inde cognitio. Atque utinam nescirem; quæ tamen omnia melius scribendo patebunt. Defuncto autem *Heriberto*, varie tentatur a multis de restituendo Pontifice. *Henricus* vero Augustus, jam dictum habens præ oculis *Mediolanense* dissidium, neglecto nobili ac sapienti primi ordinis Clero, idiotam & a rure venientem elegit Antistitem, cui nomen fuerat *Vido*. Revera sustulit eum de gregibus ovium, & de post foetantes accepit eum. Huic facto parum repugnant *Mediolanenses*, sive timore Regio, seu inter se odio, partim avaritia: quæ, ut sapiens quidam ait *Hagiographus*, omne malum primo invexit *Italiæ*. Et exinde omnia vertuntur in pejus. Factum est autem postea, ut in sese conversi, unusquisque alter alterum conveniret, suum conferendo opprobrium nec non Civitatis incommodum. Demum post multa consilia, mediis Sacrosanctis Evangeliiis, conjungunt foedera pacis, facientes quidem *amnistiam*, id est, abolitionem malorum, quam *Athenienses* primi fecisse & sic vocasse leguntur, *Orosio* teste.

CAP. II.

TEmpore illo Cæsar *Henricus* Italiam veniens, celebrato *Papie* Synodali Concilio, *Romam* tendit; cui Papa obviavit, *Placentiæ* vivente altero, ac concedente inthronizatus. Facto autem *Romæ* generali conventu Præsulum, visum est
736 Regi & Episcopis omnibus, Papam ipsum injuste tenere Cathedram. Quo statim abjecto, unum ex *Teutonibus* Præsulem illius loco substituit, quem mutato nomine *Clementem* vocavit, a quo etiam coronam suscepit Imperii. Tertius ab eo sanctus claruit *Leo*, cujus industria *Romane* status reparatur Ecclesiæ. Qui geminam in *Italia* Synodum devotissime celebravit; *Papie* scilicet atque *Mantue*, absente Cæsare. Cui cum misericorditer displiceret oppressio illa vehemens, qua impiissimi *Normanni* miseram affligunt *Apuliam*, prædicatione mixta precibus tentat illos a tantis revocare flagitiis. Cumque nihil proficeret, armis aggreditur ipsam comescere feritatem: licet illi adversus belli fuerit exitus. *Judicia* enim *Dei abyssus multa*.

CAP. III.

His diebus Marchio *Montisferrati Bonifacius*, dum nemus transiret opacum, insidiis ex obliquo latentibus venenato figitur jaculo. Heu senex ac plenus dierum, maturam mortem exiguo præoccupavit.

CAP. IV.

Illo autem tempore placitatur Imperator in prætis *Ronchaliæ*. Discussis vero querelis pluribus, legaliter multa examinat. Ubi Marchionem *Adelbertum*, de quo nimia fuerat proclamatio, cum aliis flagitiosis captum, ferreis jubet vinciri nexibus. Equidem digne satis! Deinde diebus multis, modo cum *Ungaris*, modo cum *Leuticiis* pro modo confligebat. De quibus omnibus

A nobiliter triumphavit, victos tributo coarctans. Cujus unum insigne trophæum aurata indicat *Lancea*, *Ungarorum* Regi violenter extorta, & *Romæ* in Apostolorum templo suspena. Qui cum insigni floreret Imperio, carus omnibus migravit a seculo, relinquens sui nominis puerum, Augustæ *Agnetis* materno gremio confovendum.

CAP. V.

Hujus regnante infantia, *Papienses* ab eo, ut moris est, datum aspernantur audacter Episcopum, nec Regiæ institutioni, nec Apostolicæ deferentes factæ consecratione; usque ad obitum spreti perseverando Pontificis.

CAP. VI.

His itaque diebus inter ipsos & *Mediolanenses* de causis civilibus emergit dissensio. Fuerat enim Civitas utraque populosa, & super Regni cæteras incluta: Veruntamen in notitia omnium præstabat *Mediolanum*. Cumque essent contiguæ pudebat alteram alteri cedere. Inde erat, quod sibi rependebant ad invicem cædes, prædas & incendia, nec non & Latrocinia. Factum est autem, ut *Papienses*, dum inferiores essent, conductis aliunde pretio legionibus, ad devastandos *Mediolanensium* fines accederent: *Mediolanenses* vero confederatis sibi *Laudensibus* in illos insurgerent; licet pars eorum non minima; Archiepiscopo Duce aliis dimicaret in partibus. Conveniunt utræque in campis acies, ordinatis agminibus vexilla in sublime ferentes: fit vehemens partium in se concursus; bacchantur certando diutius. Tandem divertunt *Papienses* a bello, adversariis insequentibus illos a tergo. Quibus mox viriliter succurrit conductæ extraneorum Legio; licet paulo post cessare, relicto *Mediolanensibus* campo. Fit strages immensa Nobilium Equitum, & duarum Urbium lachrymabile detrimentum. Implevit denique dies illa veteris idioma vocabuli. Dicebatur enim antiquitus *campus*, in quo confluerant, *mortuus*.

CAP. VII.

Per idem tempus, ad instar *Papiensium*, *Astenses* quoque datum sibi reprobarunt Episcopum. Sed prudentia Comitissæ *Adeleidæ*, militaris admodum Ducis, post longi temporis conflictus incensa tandem Urbe, contempto altero, quem elegerant, priorem suscipiunt.

CAP. VIII.

Hac eadem tempestate horror nimius *Ambrosianum* invadit Clerum, insurgente populo noviter in eum, insurgentibus undique peccatis. *Omnes enim peccaverunt & egent gloria Dei*. Verum talis hic horror, mutata cum aspiratione Littera, multorum concepit errorem. Cujus initium & seriem, cum res nostris adhuc versetur in oculis, prout possumus, enarremus. Finem ipse provideat, qui, cum sit *Alpha & Omega*, mirabiliter cuncta dispensat. Quidam igitur ex Decumanis Diaconus, nomine *Arialdus*, penes *Widonem* Antistitem multis fatus deliciis multisque cumulatus honoribus, dum litterarum vacaret studio, severissimus est divinæ Legis factus interpretes, dura exercens in Clericos solos judicia. Qui cum modicæ foret auctoritatis, humiliter utpote

utpote natus, prævidit applicare sibi *Landulphum* 737 quasi generosiorem & ad hoc idoneum familiaris ejus factus afflecla. *Landulphus* vero cum esset expeditioris linguæ ac vocis, minusque favoris amator, repente Dux verbi efficitur, usurpato sibi contra morem Ecclesiæ prædicationis officio. Hic cum nullis esset gradibus ecclesiasticis alteratus, grave jugum sacratorum imponebat cervicibus; cum *Christi* jugum suave, & ejus leve sit onus.

CAP. IX.

Igitur inter alia, quæ quotidie plebis auribus inculcabat, die una taliter concionatur in populo:

Carissimi Seniores, conceptum in corde sermonem ultra retinere non valeo. Nolite Domini mei, nolite adolescentis & imperiti verba contemnere. Revelat enim Deus sæpe minori, quod denegat majori. Dicite mihi, creditis in Deum Trinum & unum? Respondent omnes: credimus: & adjecit: munite frontes signo Crucis. Et factum est. Post hæc ait: Condelector vestræ devotioni: compatio tamen imminenti magnæ perditioni. Multis enim retro temporibus non est agnitus in hac Urbe *Salvator*. Diu est, quod erratis, cum nulla sint vobis vestigia veritatis. Pro luce palpatis tenebras, cæci omnes effecti; quoniam cæci sunt Duces vestri. Sed numquid potest cæcus cæcum ducere? nonne ambo in foveam cadunt? Abundant enim supra multimoda: hæresis quoque illa *Simoniaca* in Sacerdotibus & *Levitis*, ac reliquis sacrorum ministris; qui cum *Nicolaitæ* sint & *Simoniaci*, merito debent abjici: à quibus, si salutem à *Salvatore* speratis, deinceps omnino cavete, nulla eorum venerantes officia. Quorum sacrificia idem est, ac si canina sint stercora, eorumque Basilicæ jumentorum præsepia. Quamobrem, ipsis à modo reprobatis, bona eorum omnia publicentur. Sit facultas omnibus, universa diripiendi, ubi fuerint, in urbe vel extra. Nam & ego plectenda plura commisi; sed quod pejus omnium fuit, indignis usque modo communicando, Regem cælorum offendi. Nunc autem propitiâ Divinitate ago pœnitentiam, talia provisorus in posterum. Igitur imitatores mei estote, carissimi & ita ambulate, sicut habetis formam nostram.

CAP. X.

His ita decursis, & pluribus aliis, quæ humana non capit memoria, semper avidus novorum, in nimium zelum excitatur adversus Deum; aliis se deferre Deo putantibus, aliis avaritiæ lucris inhiantibus. Ad hæc *Landulphus* idem, simul cum complice *Arialdo*, per dies multos multorum incitat animos gratia favorabilis auræ, nova semper & inaudita concionando proponens, prout noverat vulgi morem. Ad cujus compefcendam temeritatem majores Ecclesiæ sæpe conveniunt, sacras illi scripturas & sanctiones opponentes canonicas. Quæ despiciens omnia, nihilominus instat. Immo die una solemniter ad Ecclesiam veniens cum turbis, psallentes omnes violenter projecit à Choro, insequens per angulos & diversoria. Deinde providet callidè scribi pittacium de castitate servanda, neglecto canone mundanis extortum à legibus, cui omnes sacri ordines *Ambrosianæ* Diocesis inviti subscribunt, angariante ipso cum Laicis. Interim prædones Civitatis, præter ædes aliquas in Urbe dirutas, lustrabant Parochiam, domos Clericorum scrutantes, eorumque diripientes substantiam. Clerus igitur multipliciter affectus, legatione humili conquestus est primo conprovincialibus E-

A piscopis; deinde *Romano* Pontifici. Præerat tunc *Romæ Stephanus*: qui audita perpendens, populum quiescere, & Archiepiscopum super hac re synodum congregare, Apostolicis jubet apicibus. Qua fretus auctoritate *Wido* Præsul, diligenter studet cœtum congregare Pontificum, mandans *Landulfo* & *Arialdo* rationabiliter, interesse tractandis.

CAP. XI.

Factus est autem Synodalis Præfulum conventus in loco, qui dicebatur *Fontanetum*. **B** Ubi cum triduo spiritualibus vacarent negotiis, ilorum præstolantes adventum; visum est omnibus temeritatem tantam anathemate justo fore mulctandam; factumque est ita. Quæ omnia floccipendens *Landulphus*, cum vereri debuerat, magis extollitur. Ex hinc conviciatur Episcopis, præcipue Metropolitano: furens solos sævit in Clericos, arguens illos suæ suorumque perditionis; Laicos vero fovebat ut fratres. Cumque foret simulandi ac dissimulandi gnarus per omnia, pluribus dilectus, cuncta suum retorquebat ad libitum, factus ipse mirabile mundo spectaculum. **C** Unde potestate accepta, commune indicit omnibus Laicis juramentum, quasi impugnanda proponens sacrorum ordinum stupra, venales consecrationes; quod non multo post Clericos etiam jurare compellit. Ab illo autem tempore innumeralis virorum ac mulierum caterva illum comitatur; euntem stantemque diu noctuque custodiunt. Qui unanimes facti Ecclesias contemnunt, & divina spernunt cum Ministris officia assidentes omnia *Simoniaca*. Hos tales cætera¹ vulgaritas ironice² *Patarinos* appellat. Præterea *Ro-* 738 *mam* proficiscitur *Arialdus*, apologeticas ferens litteras. Ubi cum *Ambrosianum* accularet Clerum, affirmans, omnes *Nicolaitas*, *Simoniacos*, ac prorsus inobedientes *Romanæ* Ecclesiæ: se autem cum *Landulpho* devotum, & pro sola veritate certantem; *Romanorum* celeriter adeptus est gratiam. Qui cum principari appetant jure apostolico, videntur velle dominari omnibus, & cuncta suæ subdere ditioni; cum tamen Doctor evangelicus suos doceat humilitatem Apostolos, dicens: *Reges gentium dominantur eorum, & qui potestatem habent, benefici vocantur. Vos autem non sic; sed qui major est in vobis, fiat sicut minor, & qui præcessor est, sicut Minister.*

CAP. XII.

Turbinis igitur causa præfati, sæpenumero **E** veniunt *Mediolanum* à *Roma* Legati, videlicet *Hildebrandus* ex monacho Cardinalis Archidiaconus, *Petrus Hostiensis*, *Anselmus Lucensis* Episcopus, & reliqui plures, vice quisque sua. Qui si in conveniendo populum diligenter attenderent dicentem Apostolum: *Si adhuc hominibus placerem, Christi servus non essem*; profecto sibi & Clero opportune consulere. Veruntamen *Hostiensis* ille *Petrus*, congregata tunc *Mediolani* *Ambrosiana* synodo, ut vidit clericorum nobilium ordinem, personarum statum cultumque vestium; perpendit etiam morum probitates ac **F** dispartita singulis competenter officia: testatus est ad verum, nusquam se talem vidisse Clerum. Tamen in præsentī cœtu, quia *Romanus* erat, Archiepiscopo præsidere contendit. Unde subito factus est popularis in Urbe tumultus; & nisi cessisset

¹ Vulgus. ² Hæresis Paterinorum dicitur *Patarea*; exorta apud *Mediolanum*. Du Cange. De derivatione vocis *Pattarinum* videantur cogitationes *Arnulphi* nostri libr. 3. cap. 33. ex quo loco apparet, ipsum autorem nescivisse veram vocis etymologiam.

cessisset illius humilitas, quod suum erat, fecisset impetus, non quidem gratia *Widonis*, sed *Ambrosiani* causa honoris. Præterea cum perciperet quorundam ex Clero reatus, servata sibi super omnibus potestate, prout sibi complacuit, culpas dijudicavit. Ut enim caveatur mendacium; non ex toto fuerant omnes ab objectis immunes. Deinde *rude constitutum* abolito veteri, *Mediolanensi* Ecclesiæ à se factis indidit litteris. Cui Archiepiscopus cum ordinariis, cogente ac vociferante populo, subscripsit invitus.

O insensati *Mediolanenses*, quis vos fascinavit? heri clamastis unitis sellæ primatum; hodie confunditis totius Ecclesiæ statum: vere culicem liquantes & camelum glutientes. Nonne satius vester hoc procuraret Episcopus? Forte dicitis: veneranda est *Roma* in Apostolo; est utique. Sed nec spernendum in *Ambrosio* Mediolanum. Certe, certe, non absque re scripta sunt hæc in *Romanis* Annalibus. Dicitur enim in posterum subiectum *Romæ* Mediolanum. Ecce Metropolitanus vester præ solito *Romanam* vocatur ad synodum. Abiit: sed contra vestros affectus prosper fit illi ad cuncta successus. Decibiliter quidem tractatur ab Apostolico tunc *Nicolao*, cuius dextro positus est in præsentī synodo latere. Ad quem accusandum cum *Arialdus* ille delator assurgeret, protinus ex adverso stantes *Astensis*, *Novariensis* & *Taurinensis*, & alii suffraganei Præsules; coram omni coetu falsidicum illum scripturarum auctoritate refellunt. Sicque confutatus ab omnibus, resedit in terra confusus. Proinde cum Archiepiscopus promitteret D. Papæ deinceps obedientiam, accepto ab eo annulo Apostolicæ gratiæ ac totius potestatis Ecclesiasticæ, rediit gloriosus in omnibus. Interim, dum hæc fierent, *Landulphus* Romanam adire proponens, à *Placentinis* graviter cæsus & vulneratus revertitur, ultra properare non valens. Post hæc non cessat persequi gravius solito cum Clero Pontificem.

CAP. XIII.

Cum vero placuit *Altissimo*, qui rēnes scrutatur & corda: ille, qui alienam diu meditatus fuerat lassitudinem, inopinam subito doluit suam ipsius ægritudinem: cumque langueret biennio pulmonis vitio, vocis privatur officio, ut, in quo multos affecerat, in eo quoque deficeret; dicente scriptura: *Per quæ quisque peccat, per hæc & torquetur*. Sed ne mortuos accusare videamur, de illo penitus taceamus, cuius vitæ morisque ratio divino est relinquenda iudicio. *Arialdus* itaque tali destitutus Collega, instigat *Arlembaldum* assidue, defuncti fratris vicem suscipere. Qui cum esset laicus, quasi fraternæ gratia pietatis, opus sibi præsumsit indebitum; *Arialdi* verbis adeo credulus, ut, quos frater flagellis ceciderat, ipse percutiat scorpionibus, & residuum locustæ comedat bruchus! ad placitum, si quæ sunt, Clericorum peccata dijudicans. Dum ergo laicus iudicat, Clericus tantum vapulat.

CAP. XIV.

Interea *Arialdus* inter plures alias, quas induxerat in Ecclesiam novitates, *Letanias* illas, quas *Ambrosiani* post Ascensionem Dominicam antiquitus devotissime celebrant, suis prædicabat auditoribus execrandas. Unde ipso instante, triduo diffidentibus inter se turbis, factus est in Urbe conflictus: in quo est, Deo operante, fugatus & victus, cæsis suis, & interfectis aliquibus. Cujus tamen consultu *Arlembaldus* præter innumeras, quas irrogaverat Clero injurias, cum Archiepiscopus defuncto Abbate *S. Celsi*, alterum ex more provideret ordinandum, penitus interdicat spreto illo; alterum jam consecratum omnino contemnit, ut decet.

A armans contra illum Monachorum cum famulis conspiracyonem. Alium vero à cœnobio *S. Vincentii* modo repellit eodem, *Simoniace* ordinatio- nis arguens illos. Quid plura? cuncta simul usurpat Ecclesiastica jura, expulso ab urbe Pontifice, cuius fuerat à progenitoribus miles ipse.

B Mirabile prodigium, nec auditum neque visum à seculo: sed mirabilius, quod *Romanus* fuerat assensus: Quod quidem multis probatur indiciis; cum sæpenumero mittantur ei Legationes & litteræ, Apostolicis prænotatæ sigillis; quibus fate- tur, se in suis gestis *Romanis* obtemperare præceptis. Qua velut auctoritate suffulta vulgaritas, *Simoniaca* occasione divina execratur officia, cum quid sit inter dextram & sinistram, penitus ignoret. Præterea gloriabatur *Arlembaldus* idem, ab ipsa *Roma* bellicum *S. Petri* se accepisse vexillum contra omnes sibi adversantes, quod appensum lance, homicidiorum videtur indicium: cum profecto nefas sit tale aliquid suspicari de *S. Petro*, aut aliud habuisse vexillum, præter quod datum est in Evangelio: *qui vult venire post me, abneget semet-ipsam, & tollat crucem suam, & sequatur me*, dicit Dominus. Fideliter & ideo confidenter loquimur. Cavenda est Doctoribus absolute prolata *Pauli* sententia: *si quis vobis evangelizaverit præter id, quod accepistis, anathema sit*. Hæc dicentes, non adversamur vobis, o seniores *Romani*, cum Magister noster dicat *Ambrosius*: Cupio in omnibus *Romanam* sequi Ecclesiam. Vobiscum enim credimus, vobiscum cunctas hæreses abdicamus. Sed videtur nobis ratum, ut jus Ecclesiasticum Doctor exhibeat Ecclesiasticus, non idiota Laicus.

CAP. XV.

D His diebus, declinante jam vere, mensis unius spatio, dirum sparsere jubar ardentes in cœlo cometæ. Frequentes quoque terræ motus mundo fuere, adeo, ut die ipso Resurrectionis Dominicæ bis fieret, mane scilicet & vespere.

CAP. XVI.

E Præerat tunc temporis *Romæ* Alexander Apostolicus, ex *Mediolanensi* Clero Ecclesiæ *Lucensis* primo factus Episcopus. Cumque satis foret idoneus, Apostolicam deinde promeruit dignitatem, *Alexander* de *Anselmo* vocatus. Huic statim surrexit adversarius *Cadalous* Parmensis Episcopus, institutione Regis ac matris Augustæ Papa nuncupatus: qui hostiliter *Romam* adiit, post multam interfectorum stragem usque ad muros urbis *Alexandri* persecutus exercitum. Tempore post alio quorundam ex urbe ope & consilio *Romam*, quam novam perhibent, ingressus, conscendit arcem *Crescentii*. Factis igitur in urbe partibus, quotidie bella succedunt. Ad ultimum post diuturnos variosque confictus recessit, moerens, confusus & victus, concessa *Alexandro* victoria. Ad quem de præsentī negotio consulendum *Romam* profectus est *Arlembaldus*; *Arialdus* interim furente in Præsulem, concitando turbam civilem & agrestem.

CAP. XVII.

F Definito tandem consilio rediens, excommunicationis literas detulit Archiepiscopo. Quod pluribus grande visum est civitatis opprobrium. Unde factum est, ut in die Sancto Pentecostes procedens Antistes ad publicum, conscenderet Ecclesiæ pulpitem, questurus, quod acciderat incommodum. Cumque staret ex adverso *Arlembaldus* cum *Arialdus*, responsurus auditis: fit vehemens in plebe tumultus, diversis diversa clamantibus. Ad ultimum facto in medio Ecclesiæ cla-

Arnulphus. B mose

moso impetu, vicissim in sese confurgunt. Cumque per diversa configerent, remansit pene solus Antistes. Quem pars aggrediens inimica, fustibus crudeliter caesum & quasi semivivum reliquit. Deinde ipsam invadens Episcopi aulam, pretiosa quæque decerpit. In crastinum visa tanta crudelitate, cives horrescunt mente confusi. Communitur igitur statuunt, aut tantum punire facinus aut vivere nolle amplius. Unde factum est, ut fugiens *Arialdus* ab urbe, diebus lateret aliquot. Cumque diversas erraret per latebras, solis gradiens noctibus: proditus à comitantibus, incidit in manus petentium animam ejus. Quem tenentes, & nocte tota illa secum ducentes, facto mane præcis auribus, & in gutture lingua cum naribus, geminoque suffosso lumine, penitus interficiunt. Quo perempto, dissimulat *Arlembaldus* modicum, reservans iram in posterum. Favebat enim tunc Pontifici pene Civitas universa. Sed more suo populus non diu statu permansit eodem. Mox enim, ut Præsul ab urbe discedit, ad insequendum illum resumtis viribus impatienter *Arlembaldus* accedit, fautorem asserens perpetrati flagitii. Iterum ergo ad juramenta convertitur, invitis tamen civibus; & siquos habebat suspectos, acrius jurare compellit. Agrestes turbas, & civiles cogit assidue turmas, ad *Widonem* persequendum Antistitem, omnemque suam delendam progeniem: & fecisset utique, nisi generosa suorum fidelium restitisset audacia. Sæpe etenim convenerunt, parati subire pro seniore certamen. Nulla interim requies erat prædonum in diripiendis substantiis Clericorum.

740

CAP. XVIII.

AD quod sedandum litigium contigit tunc temporis, *Maginardum* Episcopum *Silvæ Candidæ*, & *Minutum* Cardinalem Presbyterum *Romanos* Legatos, venisse *Mediolanum*. Qui dum Apostolico præcepto pacem evangelizare omnibus, consultè satis provident de nece *Arialdi* foedus componere. Deinde inter Clerum judicantes & populum, eleganti scripto constituunt, quid fieri debeat in posterum. Nec tamen his contentus *Arlembaldus*, *Romam* pergens, iterum novum iniit cum *Romanis* consilium. Vetus quippe fuit *Italici* Regni conditio, perseverans usque in hodiernum, ut defunctis Ecclesiarum Præsulibus, Rex provideat successores *Italicus*, à Clero & populo decibilibiter invitatus. Hoc *Romani* Canonicum esse negant; sed instantius Archidiaconus ille *Hildebrandus*. Qui cum abolito veteri, novum tentaret indicare *constitutum*, palam fatebatur, haud secus sedari posse *Mediolanense* dissidium, quam Canonicum habendo Pastorem; ad quem eligendum necessarium dicebat *Romanum* fore consensum. His instructus assertionibus *Arlembaldus* *Mediolanum* rediens, quod audierat, festinanter exsequitur. Prius ergo secreto paucos convenit ex amicis; à quibus cum exigeret sponsonem celandi credita, cautè subintulit juramento causam futuri eligendi Pastoris post discessum præsentis: Deinde die noctuque laborans, Laicos quosque & Clericos eidem juramento reddit obnoxios. Interim tamen à persequendo Præsulem non desistebat *Widonem* omnique suæ consanguinitatis affines.

CAP. XIX.

ARchiepiscopus autem, cum tot nequiret imminentes tolerare pressuras, ævo jam maturus, & diuturno languore membris omnibus dissolutus; arbitratus est fore conveniens, ut, quod ille faciendum præviderat, ipse quoque destruendo præveniret: scilicet, ut dignitatem propriam

A alteri se vivente concederet. Per idem tempus fuerat quidem ex Ordinariis Ecclesiæ Subdiaconis, nomine *Gothefredus*, illius à secretis præ omnibus junctus; qui, ex quo Domini sui penetraverat mentem, in se transferendum omnimodè sategbat honorem. Secreta igitur facta conventionem cum eo, Præsul, datis communis pacti ex alterutro Sacramentis, dignitatem deponit ad præsens, virga cum annulo Cæsari per Legatos directæ. *Gothefredus* autem cum jam pridem labore sibi Regis conciliaflet affectum, recenti tamen pacto ab eodem Augusto gaudens adeptus est Præsulatum. Veruntamen, juxta scripturæ veritatem, mixtus est dolore risus, & extrema gaudii occupavit luctus. Reprobatus enim à civibus, nullis in locis Episcopii vel ad hospitandum recipitur, ipsis etiam factus invisus agricolis. Hunc *Romani*, Domino cum Apostolico, jure statim condemnant Canonico, judicii sui literas *Mediolanensibus* super illo mittentes. Qua elatus *Arlembaldus* fiducia, acrius insurgit non solum in illum, verum etiam fautores in omnes, universa flammis ac ferro demoliens; contra quem etiam per vicos & castella multorum exaggerat sacramenta. Unde fit, ut, si quando de facultatibus Ecclesiæ aliquid præsumere nititur, ab omnibus penitus interdicatur. Ubi vero *Santæ Mariæ* conscendit montem, circumveniente ab urbe exercitu, noctu vix fuga lapsus evasit. Interea *Wido* fatebatur, se *Gothefredi* delusum insidiis; communis pacti transgressorem illum appellans, Qui cum amissum resumere vellet honorem, cum *Arlembaldo* pacis foedera sociavit. O mens cæca mortalium! Veniens enim illo duce *Mediolanum*, non ad Urbem, ut voluit, sed ad *S. Celsi* ducitur *Monasterium*, de privato factus privator. Ibi commendatus custodibus, diebus multis resedit inglorius, hac etiam vice delusus.

D

CAP. XX.

Gothefredus autem pluribus jam coarctatus obstaculis, cum parte suorum aliqua suo se collegit in oppido, quod vulgo *Castillio* dicebatur, inexpugnabile revera præsidium, mœnibus ac loci natura munitum. Ex eo sæpius erumpentes cum supra modum prædis inhiarent ac cædibus: indignati *Mediolanenses*, proponunt arcem illam protinus expugnare turritam. Nec mora; instructo exercitu, & his, quæ ad usum militis fuerant necessaria, paratis; procedunt omnes, castra metati ad radicem montis. Aberat enim ab urbe vigesimo paulo plus milliario. Mox undique circumvallantes, incessanter oppugnant. Ad hoc etiam cunctos regionis illius instant aggregare rurículas, diuturnam jurantes obsidionem. Construunt ergo petrias & omnis generis bellici machinas; fundas quoque & balistas, milleque mortis parant insidias. Obsessis vero ad posse repugnantibus, multa quotidie fiebat cruoris effusio, adeo, ut in ipsa quadragesimæ venerabilis observantia nulla fuerit humanæ cædis abstinencia.

E

CAP. XXI.

HAc itaque tempestate, cum rarus in urbe populus, sua frueretur securitate; repentina calamitas improvidam invasit urbem. Horresco referens! Primo nempe quadragesimæ sabbato magna civitas conflagravit incendio. Cumque tunc vehemens flaret turbo ventorum, arreptis ignium globis, longe lateque multas combussit ædes, confusque, ut ligna & lapides vorax flamma consumeret. Aurum quoque & argentum, ac metalla cætera, calore nimio liquefacta sunt universa. O quæ & qualia domorum ædificia; quamque decora combusta sunt mœnia, de quibus omnibus vix superfuit, præter parietinas quaslibet vel titio minimus. Sed quod

741

quod est omni damno deterius, plures Sanctorum sunt crematae Basilicae in urbe & extra. Sanctus ipse *Laurentius*, vivae carnis olim cruciatus incendio, iterum se flammis permisit exuri: cujus speciosissima omnium adeo fuit Ecclesia, ut relatu difficile videatur, quae fuerint lignorum lapidumque sculpturae, eorumque extrinsecus compaginatae juncturae; quae suis columnae cum basibus; tribunalia quoque per gyrum ac desuper tegens universa Musivum. O templum, cui nullum in mundo simile, & O civitas, cujus contemplatione villae fuerant reliquae! Heu, heu! Threnes illae propheticae in te fere translatae videntur. Ubi autem rumor tam dirus castris insonuit, quamplures illico relicta obsidione eunt, tenues ab igne reliquias & miseram visitare familiam. *Arlimbaldus* vero, cum aliis retenta parte castrorum, perseverat obnixius, quotidie belligerare non desinens. *Gothofredus* autem tribus jam obsessus mensibus, ubi vidit tenuem castrorum exercitum, clam vocare suos, & caute satis, procurat amicos. Cumque *Paschales* instarent feriae, convenientes in unum, instructa acie protinus in castra confurgunt, impetu & clamore non modico: nec minus obsessi ruptis claustris omni ex parte profiliunt. *Arlimbaldus* autem tanto positus in discrimine, arreptis armis audet cum suis paucis juxta vires obsistere, signifer ipse factus. Et nisi sua suorumque pugnasset audacia, dies illa sibi fuisset extrema. Videntes autem multi paucorum constantiam, ultro recedunt, educentes secum ab oppido *Gothofredum*. Hos longe persecuti sunt *Mediolanenses*, conglobati repente simul & qui in castris fuerunt; & qui in urbe remanserant. Nec a persequendo diebus aliquot cessarunt ac noctibus; donec in summa confictos necessitate coegerunt illos iterum *Castillionem* intrare.

CAP. XXII.

PER haec redeuntes ad Urbem, jurejurando definiunt, *Gothofredum* nunquam recipiendum; imo alterum de Catalogo majoris Ecclesiae communiter eligendum. Jam enim migraverat a seculo Archiepiscopus ille *Wido*, sepultus in loco, qui nominatur vulgo *Berguli*, ubi post urbis incendium in amaritudine animae diem clausit extremum. Ab illo etenim die *Arlimbaldus* omni instat conamine, modo cum Clero, modo cum populo, de eligendo agens Episcopo; nova à *Romanis* accepta licentia, spreta vero Regum veteri providentia. Verumtamen major civitatis portio ex clero ac sapiente populo praeae consuetudini & Regio intendebat honori. Ipse autem, neglectis omnibus & juramento communi, solum Romani illius *Hildeprandi* auscultabat consultum. Jamque dies illa appropinquabat, quam ad hoc agendum ipse providerat; sancta scilicet Theophaniae solemnitas. Studet ergo sollicitare praesentes, vocare absentes, Clericos & Laicos, Abbates & Monachos, amicam sibi non omittens turbam agrestium. Cumque dies instaret festus, factus est multorum in Ecclesia hyemali conventus; illis tamen absentibus, cum quibus istam se facturum juraverat electionem. Celebratis itaque Missarum solemnibus, primo concionatus ad libitum, ac multa de justo Pastore memorans, adstante quodam *Bernardo* Legato Romano, eligit *Attonem*, adhuc tantummodo Clericum ac tenera aetate juveniculum, invito Clero & multis è populo; adeo, ut stomachati recederent ab Ecclesia. Proh dolor! altare Sacrosanctum Ecclesiae visum est concuti tunc & suo moveri de loco, dum nimia plebis undique comprimeretur instantia. Cumque cum suis *Atto* ad convivandum Pontificalem conscenderet Aulam (fuerant enim jam in mensis ampla parata convivia) inflammati

A Cives invadunt repente domum, interiora & exteriora scrutantes. Ipse autem electus noviter, cum camerae unius lateret in angulo, inventus capitur & misere laniatur: demum per furas & brachia à summo ad ima protrahitur. Qui cum staret in Ecclesia; metu mortis Altari prostratus; clamante populo adscendit in pulpitem, ibique facto sacramento, in auribus omnium abrenunciavit sedi *Ambrosianae*, in praesens & in perpetuum. Interea fautores quique sui diversas fugere per latebras. Ipse etiam *Romanus* Legatus vix, discerptis vestibus laceratus, evasit. Caeterum *Gothofredus* & *Atto* diebus postea multis remanserunt privati pariter ambo; propriis tantum contenti laribus atque substantiis.

CAP. XXIII.

FIXUM manebat in corde propositum in gestis praesentibus à modo servare silentium; quoniam, nullis audita haec retro temporibus, multorum offendunt graviter animum, sed & dilata modum diutius videntur excedere: cum Dei sapientia Patris, juxta scripturae veritatem, in numero, mensura & pondere universa disponat. Verumtamen in me conversus, denuo ad liquidum coepta describere commodius judicavi, ut, factorum agnita qualitate, certius fieret inde judicium. Omnis laus enim atque blasphemia termino cujusque deputatur negotii. Cum tamen incertum sit; utrum dies nostros, qui Omnipotens est, finem dilateret ad illum: fiat voluntas tua sicuti in caelo & in terra, Pater Altissime.

CAP. XXIV.

IGITUR auditis his, quae *Attoni* contingebant: 742
Ipraefatus ille Archidiaconus *Hildeprandus*, cum Cardinalis esset auctoritate, illico iuramentum illud violentiae omnimodis judicavit habendum invalidum. Hunc *Romanus* adeo verebatur Antistes, ut eo inconsulto nihil omnino praesumeret; cum [tamen] patenter sanctum praedicet Evangelium, super magistrum non esse discipulum. Unde factum est, ut collecto Romae coetu Pontificum, instante ipso, *Attonem* juste praedicavit electum, prostrato anathemate *Gothofredo*. Quae omnia *Hildeprandus* suis litteris saepe jam dicto retulit *Arlimbaldus*: cui etiam ex suo, quod opulentissimum habebat, aërio, copiosam auri atque argenti fertur misisse pecuniam, ut distributo quibuscunque indifferenter pretio, fautores aggregaret quamplurimos. Non enim latebat illum prophetice dicta sententia: A majore ad minorem omnes avaritiae student.

CAP. XXV.

INTEREA suffraganei sedis *Ambrosianae* Pontifices, Iaccepto à Rege mandato, apud urbem convenientes *Novariam*, *Gothofredo* manum consecrationis imponunt, illum, prout quiverant, roborantes; licet praecipio Regia multis dicatur impenetrata muneribus. Constat tamen, Regem postea poenituisse, atque interventore penitus odisse Legatum. Exinde *Gothofredus* aliqua Ecclesiae studet occupare castella, uni eorum praesidens, quod nominatur *Brebia*. Qui cum paulo ante *Leucum* invaderet, irruentibus ad urbe militibus, violenter ejicitur, amisso Marchione illo, strenuissimo milite; quem loci incolae rupe praecipitantes ab alta, crudeliter trucidant. Dum haec taliter agerentur, defungitur Apostolicus.

CAP.

i Quo scilicet *Atto* abrenunciaverat sedi *Ambrosianae*, ut dicitur supra Cap. 22.

CAP. XXVI.

Cui parvo dierum intervallo succedit *Hildeprandus*, mutato nomine dictus *Gregorius*; in quo revixit *Attonis* illico spiritus adeo, ut *Romam* pergens, illius sese subderet contubernio. Ipse autem cum priori radicitus inhæreret proposito, indicta *Romæ* generali synodo, cum suis damnavit Consecratoribus *Gothefredum*. Cumque ad libitum consuevisset multa disponere; coram omni cœtu præsentem laudavit *Attonem* absque nutu Regio, absente quoque *Ambrosiano* Clero ac populo. Unde inter ipsum & Cæsarem videtur ortum, hac lite manente, dissidium; non illius quidem damnatione, sed novo hujus & absque dato Regis, conceptum electione.

CAP. XXVII.

Præterea dum *Gothefredus* Brebiæ solius immoraretur præsidio, *Atto*, propria neglecta domo ac patria, *Romæ* degebat tantummodo, assiduus Papæ mancipatus obsequiis. Cui *Arlembaldus* apud *Mediolanum* totis favebat viribus, dienoctique laborans, datis etiam ac promissis muneribus. Insuper omne *Gothefredi* collegium flammis ac ferro persequeretur interdum, nihil intentatum juxta posse relinquens; præsertim, cum nec Regiæ potestati, nec suorum parium aliorumque multorum cederet ullo modo voluntati, *Romana* tantum fretus atque contentus fiducia; ad hoc etiam prorumpens, ut *Ambrosianæ* consecrationis Episcopos blasphemaret, asserens, Apostolice excommunicatos, quorum omne reprobabat officium. Unde fuit, quod sancto Paschatis Sabbato fieri prohibuit in urbe baptismum.

CAP. XXVIII.

Postea vero Chrisma sacrum, quod unus illorum Dominicæ cœnæ mysterio, metropolitanae direxit Ecclesiæ, (sicut mos est, deficiente Pontifice) profusum humi coram omni populo calcibus proculcavit, suum producens in medium, à quo confectum, vel unde venerit, incognitum; ac sic postposita Sabbati illius authentici a Patribus tradita prærogativa, sexta in Albis feria, suum fecit celebrari baptismum; cum scriptura prohibeat transgrediendos, quos posuere patres, terminos. Unde contigit, ut *Paschale* gaudium suum nesciret lavacrum, ac multo post tempore plures Catechumeni baptismi carerent gratia. Quo errore plurima involvitur multitudo, partim simplici oculo, partim seducta pretio, partim impunitate, quæ patraverat, scelerum. Ab ipso enim excidio quicumque scelestus illius adhærebat consortio, carus & infons habebatur ab illo. Quamobrem *Patarinorum* in tantum excrevit numerus atque virtus, in pagis & oppidis, ac quibusdam, duce ipso, in urbibus, ut suorum omnium videretur dominari concivium.

CAP. XXIX.

Præterea Cæsar *Henricus* adolescens jam factus, ut vidit, suæ florem potentiae hoc modo paulatim arefcere; inito cum suis consilio, studet hujus ac *Romani* Præsulis obstare conatibus. Dominabatur tunc temporis *Apuliæ* Princeps magnus *Robertus* ille *Normannus*. Inter hunc & Regem dum super hac re discurrerent nuntii: præfatus Papa habita *Romæ* synodo, palam interdicat Regi, jus deinde habere aliquod in dandis Episcopatibus, omnesque Laicos ab investituris Ecclesiarum summo vet personas. Insuper factò anathemate, cunctos Regis clamat consiliarios, id ipsum Regi comminatus, nisi in proximo huic obediat constituto.

1 Forte: damnat.

A His diebus quam lugubre excidium sit passus *Mediolanum*, moerens dico, dicens ingemisco, factus mihi met ipsi gravis adeo, ut recedat ab animo sensus.

CAP. XXX.

Anno Humanitatis Dominicæ millesimo septuagesimo quinto, indictione tertia decima, transactis quatuor a memorato superius Incendio annis, propinquante sanctissimæ *Paschæ* festo, secunda videlicet hebdomadis authenticæ feria, miseranda civitas divinam perferens iracundiam; experta, quam sit horrendum incidere in manus Dei viventis. Celebratis namque Missarum solemnibus, vergente jam sole, in urbis apparuit medio densæ fumus caliginis, flante ventorum violentia nimia per aërem volitans: quem sequebatur vapor flammivomus, inter cœlum & terram universa consumens. Siquidem plures velut fulmina faces, ab illo maximo & inexstinguibili erumpentes igneo globo, totam subito micuerunt per urbem, ut, quod civitatis residuum jam dictum illud evaserat incendium, totum pene flammis adureretur præsentibus, solotenus conquisitum. Nec tamen ex toto illis ardor iste pepercit ædibus, quæ prius incensæ, multis jam fuerant reparatæ sudoribus. Quid enim dici valet ulterius, quam quod ignis hic instar fuit per omnia suprataxati alterius: hoc tamen crudelior, quod multo plures ac majores combussit Ecclesias, illam scilicet æstivam & mirabilem Sanctæ Virginis *Theclæ*; B. quoque *Nazarii*, nec non Protomartyris *Stephani*, cæterasque quamplures, quarum parietinæ annis apparebunt, ut reor, plus mille. Inter quas aliarum mater S. Dei Genetricis hyemalis Basilica, ô dolor iterumque dolor! exuri permittitur, collapsis funditus parietibus: cujus Sacrosanctum altare non apparet quantum fuerit aut quale; laminæ vero aureæ liquefactæ sunt nimio præ casmate. Sed mille talenta auri librorum damno nequeunt comparari. Hanc quidem peccata nostra merentur ærumnam, quoniam Sancti Spiritus offendimus in nostro felle columbam. Contra divinum namque mandatum Sanctum est carnibus in nostro tempore datum, & spiritualis margarita porcorum jacet pedibus indecenter attrita. Reliquorum non est numerus delictorum.

CAP. XXXI.

Igitur inter tot angustias tantosque dolores, cum tota foret in urbe luctus omnis ordinis atque ætatis utriusque sexus; solius *Arlembaldi* intrepidus perseverabat & inflexibilis animus; siquidem, instantibus *Paschalibus* Albis, baptismi satagebat, sicut in præterito fecerat anno, ignoto Chrismate inchoare mysterium. Cumque Cardinales Ecclesiæ, quorum intererat sacrare fontes, nollent contra solitum agere: adstetit illico *Luitprandus* quidam Presbyter, nuncupatus à progenitoribus, Ecclesiæ vernula, qui jussu ac virtute illius, ordinariorum usurpavit officium, venientes inconsulte baptizans. Et hæc quidem violentia, recenti juncta civitatis incensæ memoriæ, quamplurimos offendit graviter cives, præcipue milites, præ oculis habentes, quod quidam *Romanus* ait tironibus: *Servi emti ære, dura non possunt ferre Dominorum imperia; nedum vos, Quirites.*

CAP. XXXII.

Unde factum est, ut simul diebus aliquot extra urbem exeuntes, suam sibi jurarent magna plebis cum parte, justitiam, & S. *Ambrosii* honorem, ac dono Regis accepturos sese pastorem. Cumque ingrederentur communiter urbem, *Arlembaldus*, ut semper consortis impatiens, adstantibus sibi concionabatur more suo. Ut vero cohi-

cohibere furorem ultra non valuit, factō cum suis impetu & clamore, festinanter arripit arma, *ve-xillum*, quod *S. Petri dicebat*, dextera gerens; & contra cives, dum parte surgunt ab omni, armatus prorupit in medium. Quem in momento ac prima fronte belli tanta adversariorum oppressit incur-sio, ut nihil memorabile posset ab illo fieri. Ubi vero circumventus est undique, illico crebris configitur ictibus, dictoque citius moriens corruit, comitatu ejus exiguo circumquāve disperso. Cujus cadaver exanime prostratum humi, disper-sis prorsus exiit indumentis, nudatumque fustibus undique tunditur atque petris; ut, qui vivens multis terrori fuerat, multorum subjaceret lufibus moriens: & cum gestaretur humandus, nulla il-lum exsequiarum est profecuta devotio. Post hæc *Luitprandus* ille jam dictus Presbyter, dum fuge-ret, inventus, auribus truncatur & naso; ut, qui alienum præsumsit officium, quod habere videbatur, amitteret. Apparet ergo liquido vera esse dicentis assertio: *difficile est, ut bono peragantur exitu, quæ malo sunt inchoata principio*. Eadem hora post hoc insigne trophæum, cives omnestrium-phales personant hymnos Deo ac patrono suo *Ambrosio*, armati adeuntes ipsius Ecclesiam. In crastinum simul cum Clero Laici in letaniis & lau-dibus ad Sanctum denuo procedentes *Ambrosium*, reatus præteritos confitentur. Absolutione vero à sacerdotibus, qui præsto aderant, celebra-ta, reversus est in pace populus universus ad prop-ria.

CAP. XXXIII.

Hic jam apparet schismatis hujusce terminus, decem novemque per annos semper ab ipsa radice pullulando protensi; Unde *Patarinum* primo processit vocabulum, non quidem industria sed casu prolatum. Cujus idioma nominis, dum in quodam Etymologiarum tomo nuper plura revol-verem, ita scriptum reperio: Pathos Græce, Latine dicitur Perturbatio. Unde juxta meæ parvi-tatis ingeniolium statim conjicio, quo *Patarini* possunt Perturbatores rite nuncupari; quod plane rerum probat effectus. Veruntamen siquando quis probatori fuerit interpretatus sententia, concedo equidem tota mentis tranquillæ convenientia; dum-modo nomen concordet operi, opus vero respon-deat nomini: quoniam à primo hujus sono voca-buli error populorum, impetusque bellorum? turbo quoque ventorum, ac vehementius foli-to turbavit mundum frequentia combustionum. Quod multarum calamitatum experimento, om-niumque malorum probatur omnimodis incre-mento.

CAP. XXXIV.

Præterea, quoquo modo se habeat Etymolo-gia vocabuli, quæcunque tamen sunt à nobis, re super hac in præteritis recitata, nemo sanæ mentis arbitretur, impugnando veritatem aut re-pugnando justitiæ fore [esse] prolata, cum neu-trum liceat. Si quæ enim sunt aliorum benedicta

A vel acta, non improbamus; nec ullo modo dissen-timus ab illis omnibus, qui venales reprobant con-secrationes & sacrorum incontinentiam ordinum: ea tamen ratione, ut à *Paulo* non discrepemus au-ctore. Ait enim: *omnia honeste & secundum ordi-nem fiant*. Cui & consonat lex illa *Mosaica*: *Juste, quod justum est, prosequeris*. Quod nequit aliter compleri, nisi sua singulis quibusque servantur jura ordinibus ac personis. Dispersita enim sunt Clericorum & Laicorum, eorumque inter semet ipsos officia; quemadmodum in uno corpore mul-ta quidem sunt membra, non autem eundem actum possident omnia; quæ si impediuntur alterutro, corrumpitur omne corpus. In sancta igitur Eccle-sia, hoc est in *Christi* corpore, necesse est, ut justo pensentur omnia moderamine. Clerus atque populus suo quisque fungatur officio, præfixo sibi contentus limite, dicente Domino: *Circum-dedi mare terminis & dixi: huc usque venies & ultra non procedes*. Cor humanum est mare. Ipsi ve-ro Episcopi suis plane vacent negotiis, providentes bona non tantum coram Deo, sed etiam coram omnibus hominibus, ne dicatur de illis: *ruina populi sacerdotes mali*. Quod si negligentes extiterint, scandalizatur populus: *Væ autem illi, per quem scandalum venit*. Certissime enim væ erit illis, væ omni crudelius, si eorum culpa plebs, in Clerum zelans insurget ulterius.

CAP. XXXV.

Hæc talia persequendo paulatim, velut quas-dam per rimulas aliter quam usque modo vi-derim, à longe prospicio; cumque præteritis præ-sentia, scriptis scribenda, confero: rubore per-fusus fideliter erubescō nec barbarismos in verbis egisse, sed aliorum quælibet dicta vel facta te-mere judicasse confundor; cum soli Deo cordium revelentur occulta. Beatus tamen trepidanti mihi *Paulus* occurrit, qui primo blasphemus ac perse-cutor fidelium, plus cæteris postea laboravit A-postolis, cæcatus, ut videret. *Petrus* vero nega-vit, ut crederet; *Thomas* dubitavit, ut certior fieret. *Victorinus* quoque Rhetor & ætatis prove-ctæ, *Simpliciano* est conversus auctore. *Augustinus* autem philosophus *Ambrosio* doctore salvatur; plu-resque alios de malo in bonum, de bono in melius, nunc cito nunc sero, novimus esse mutatos. Hæc est enim mutatio dexteræ Excelsi. *Spiritus* Domi-ni ubi vult spirat, & cui vult, miseretur, & quem vult, indurat *Altissimus*: quoniam neque volentis neque currentis, sed misereantis est Dei. Tibi igitur, *Christe*, delictum meum cognitum feci & injustitias meas non abscondi. Dixi: eloquar ad-versum me injustitias meas Domino, & tu remisisti impietatem cordis mei. De cætero, cogitationes, locutiones, actiones nostras, quæsumus, Domi-ne, & adspirando præveni & adjuvando prosequere, ut cuncta nostra operatio & à te semper inci-piat; & per te cœpta finiatur: cui sit honor & gloria nunc & semper, & per omnia seculorum sæcula.

ARNULPHI LIBER IV. HISTORIÆ MEDIOLANENSIS.

CAP. I.

Quoniam in prima fronte præsentis opusculi, nostri temporis gesta sum narrare pollicitus, absque mendacii nota silere non valco; præsertim cum sciam, lege cautum esse *Mosaica*: si nolueris polliceri, absque peccato eris.

F Ut autem recto narrationis incedam tramite, ne-cessè est, res gestas, prout sunt, ordinate descri-bere.

CAP. II.

Prædictis igitur rebus non plane compositis sed involutis utcumque, sæpe jam dicti *Me-*

diolanenses pro petendo Episcopo ultra montes *Henrico* Regi legationem dirigunt, mandantes *Arlembaldi* interfectionis triumphum. Quo cognito lætatus est Rex ille supra modum, quemcunque vellent, se daturum promittens Episcopum.

C A P. III.

ERat tunc temporis inter Regem & *Saxones* lis accerrima valde, cujus ratio non est nostro discutienda iudicio. Veruntamen gens illa admodum ferocissima, in rebellionem prorumpit apertam sub *Ottone* duce: adeo, ut facta congressione partis utriusque, plusquam viginti millia hominum referantur occisa. Arrisit tamen *Henrico* victoria.

C A P. IV.

Post dies hos ad secessum residens Dux *Gothefredus*, *Gothefredi* filius, gladio confossus interiit, conjugē relicta *Mathilda*, *Bonifacii* ac *Beatricis* admodum clarissima filia.

C A P. V.

Interea Legatis *Mediolanensium* ex Clero & populo, re præfata Regem adeuntibus, *Thebaldus* quidam *Mediolanensis* Ecclesiæ Subdiaconus, capella militabat in Regia: cui Rex multa volvens & revolvens consilia, proprio tandem indulgens arbitrio, *Ambrosianum* contulit Præfultum; posthabita *Gothefredi* illius, adhuc viventis investitura & unctione, *Attonis* quoque *Romæ* degentis electione. Quid plura? susceptus est Præsul ille à Clero & populo, utpote novarum rerum avido; cui etiam suffraganei ii ipsi, qui *Gothefredum* consecraverant, manum benedictionis imponunt. Res quidem mira & cunctis retro temporibus inaudita, ut urbis unius uno electo Antistite, facto altero, uno eodemque tempore tertius erumpat.

C A P. VI.

ERat tunc temporis *Romæ* vir quidam nomine *Centius*, qui propter injuste possessas Ecclesiæ facultates Papæ *Gregorio* semper fuerat infestus. Hic autem pravo usus consilio, nocte ipsa natalitatis *Dominicæ*, cum in Basilica Sanctæ *Theotocos* Pater ille Sanctus, *Matutino* juxta morem peracto, nocturnæ *Missæ* celebraret officium: cum gladiis & fustibus & conjuratione magna suorum, ense nudo ad capiendum Papam violenter intravit Ecclesiam instar *Judæ* *Dominum* nocte tradentis. Cumque per diversa quæsisset, invenit juxta Altare Domini sacerdotem, mysteriis salutaribus intentum; in quem violenter irruens, distraxit & dilaniavit quamplurimum, impositumque equo suam usque perduxit ad turrin, clausum custodiens. Facto autem diluculo, cum tam detestabile displiceret omnibus facinus, consurgunt omnes in arma *Romani*, gyantes turrin; nec à bello desistunt, donec agnum lupi faucibus eripiunt, turri dirupta & omni facultate direpta. Veruntamen humanæ divina successit ultio: siquidem anno illo mortuus est *Centius*, faucium ulcere suffocatus, quemadmodum *Judas* proditor nexu laquei strangulatus.

C A P. VII.

PER idem tempus quorundam suorum hortatu contra Papam Rex erexit se *Gregorium*, adeo, ut nullam ei deferret obedientiam. Præsul vero *Romanus* sæpenumero paratus ignoscere, clementer universa tentabat, Regiam diu præstolando ac multis modis invitando conversionem. Cumque nihil omnino proficeret, illum cum suis fautoribus à *S. Matris* Ecclesia segregavit communicando

A luminibus; tenore tamen futuræ dignæque conversionis proposito. O infelicia tempora, in quibus, nostris exigentibus culpis, contra se ipsam pugnare Sancta videtur Ecclesia; quam Veritas, sic ipsam laudando, commendat: *Una est columba mea, amica mea*. Quæ si una est & amica, quomodo scissa sibi met debeat inimicari, non invenio. *Iesus Christus* duo sunt unius personæ vocabula. Unde liquido comprobatur Reges ac Sacerdotes; Christos scilicet, Christo uniri uno debere consensu. Quid ergo? numquid errat uterque? absit. *Romana* certe nunquam errasse perhibetur Ecclesia, ex quo divina voce dictum est Petro: *Simon, ecce Satanas expetivit vos, ut cribraret, sicut triticum. Ego autem pro te rogavi, ut non deficiat fides tua*. A *Romana* ergo Ecclesia quicunque dissentit, non est revera Catholicus, quemadmodum Beatus ait *Ambrosius*. Nonne ipsi hæc ista legerunt Episcopi? & si legerunt, cur contra *Romanum* Præfulem adunati, *Placentiæ* de ore proprio conjuraverunt? Cur postea *Papæ* convenientes, injustum anathema, imo invalidum sibi [ei, Papæ scilicet] conclamaverunt, iuxta prophetia, non injustitia, scilicet! clamores facientes: unde iustissime Apostolico sunt mucrone perfossi. Respondcant, ut solent, Regio se obedisse mandato: Sed quid dicit scriptura? *obedire oportet Deo magis quam hominibus*; item, *reddite, quæ 746* *Cæsaris sunt, Cæsari, & quæ sunt Dei, Deo*. Et alibi: *Deum time, Regem honorificate*.

C A P. VIII.

Non ergo debetur honor Regi, nisi præcedente iusto timore Dei. Eodem tempore gens *Teutonum* illa barbarica, præcipue Duces *BERTALDUS*, *RODULPHUS* & *WELPHO*, cum Comitibus & Episcopis, cognita excommunicatione *Romana* à Regio prorsus se subtraxere consortio, in nullo communicantes. Insuper in multis accusantes eum criminibus, infamia denotabant. Interim consilio Sanctissimi *Clunensis* Abbatis; *Agnētis* quoque Reginæ matris; nec non sapientissimæ jam dictæ *Mathildæ* statuitur generale colloquium inter ipsos, Regem & Apostolicum, pacis & iustitiæ causa. Cumque exiret ab urbe Papa, profecturus *Alamaniam*, *Mathildæ* fretus juvamine venit *Italiam*. Cumque moraretur ibidem, multis ab ea cumulatur honoribus ac hominibus. Cui festinanter occurrit *Henricus*, declinans statutum in patria sua colloquium. Fuerat *Comitissæ* oppidum, *Canossa* nomine; multis mœnibus ac loci natura circumquaque munitum, inexpugnabile revera præsidium; ubi præsidente Apostolico, Rex nudis incedens pedibus, humi prostratus, post multas lachrymas promeruit veniam, suorum juramenta fidelium pacta confirmans, sub conditione iustitiæ faciendæ. Sic *Mathildæ* magna prudentia consolidata sunt pacis eorum fœdera, invitatis Episcopis ac in lite manentibus.

C A P. IX.

CUM autem se sentiret *Mediolanensium* populus *Thebaldi* Præfulis societate culpabilem, divina prohibente lege communicare excommunicato: missis Domino Papæ Legatis, solutionem implorant. Cui Legationi IPSE EGO INTERFUI, præteritis satisfaciens, de futuro castigari promittens. Papa vero sapienti usus consilio, Venerabiles Viros, *Lucensem* & *Ostiensensem* Episcopos direxit *Mediolanum*, daturus veniam quibuscunque poscentibus. Ubi vero ingressi sunt urbem, lætata est civitas universa: qui toto illo triduo, confluen-

I *Hagonis Cluniacensis* Abbatis. Vid. Tom. I. scriptorum Brunsvicensis illustrantium pag. 660.

confluentibus ad eos civibus divina prædicantes eloquia, cunctos absolventes, benedicunt universos. Quod *Thebaldus* indigne fatis ac moleste tulit adeo, ut seditionem in populo bellumque conaretur inferre: sed minime valuit. Interea præfati Duces *Teutonici*, Comites & Episcopi illis in partibus, de sua inter se ipsos concordia ac statu Regni, novi quoque Regis electione, quotidie tractare non cessant, asserentes, *Henricum* multis ex causis Diademate indignum.

CAP. X.

AD ultimum vero convenientes *Maguntia*, omnium consensu *Rodulpho* Duci Regni iura committunt, jurejurando cuncta corroborantes. Quo audito Rex *Henricus* (degebat enim *Papia*) congregans omnes, quos habere poterat *Longobardos*, *Veronam* proficiscitur, ibique valefaciens omnibus, reversus est in partiam, pro tuendo Regno usque ad mortem pugnaturus. Papa vero diebus aliquot moratus in *Italia*, *Romam* rediit, ingenti *Romanorum* susceptus lætitia.

CAP. XI.

Primus pontifex *Mediolanensis* Ecclesiæ existit Beatus *Barnabas* Apostolus *Jesu Christi*, sic-

Aut *B. Hieronymus* inter ea, quæ scripsit *Cromatio* & *Eliodoro*, testatur, dicens: *Barnabas*, qui cum *Paulo* verbum ministravit, primum in *Roma* Christum prædicavit, & post *Mediolani* Episcopus factus est. Quod etiam *B. Barnabas* fuerit primus Pontifex *Mediolanensis* Ecclesiæ, *B. Dorotheus*, *B. Dionysii Areopagitæ* discipulus in libro, quem composuit de *Apostolorum actibus*, asseruit manifeste. In ipso namque Apostolo *Mediolanensis* Ecclesia est fundata. Legitur etiam in antiquissimis Historiis, quæ hodie habentur in civitate *Mediolanensi*, quod ipse *B. Barnabas* de *Romana* civitate ad urbem *Mediolanensem* transtulit se; & in ea verbum vitæ prædicans, cives *Mediolanenses* ad cultum *Christi* convertit; & fide & moribus informavit. Et *Brixienfes* cives per *Anathalonem* suum socium, ab ipso Apostolo ad eos missum, similiter convertit. Qui quidem *B. Barnabas*, *Mediolanensem* Metropolitanam ordinans, sanxit, ut ipsa principalis culminis sedes, & aliarum in sua provincia Ecclesiarum Metropolis perpetualiter haberetur. Ac primum post ipsum, præfatum *Anathalonem* præfecit & consecravimus in Archiepiscopum *Mediolanensis* Ecclesiæ, primum Episcopum Ecclesiæ *Brixienfis*, committens sibi curam simul utriusque Ecclesiæ.

Explicit Historia rerum Mediolanensium, ab Arnulpho composita.

I N D E X

VERBORUM ET RERUM MEMORABILIIUM.



A.
Abbatia Nonantulae pro nonaginta injuste interceptis Ecclesiæ concessa, 3. C
Acies Papiensium & Mediolanensium in se invicem certando baccantur, 14. C
Adelbertus Filius Berengarii, 4. C
 — Marchio ferreis vincitur nexibus, 13. F
 — profugus, 4. D
Adeleida uxor Lotharii meditatatur regnum subripere Berengario, 3. E
Arlembaldus Mediolanum redit, & quid ibi exsecutus sit, 19. E. F
Alexander de Anselmo Apostolicam promeruit dignitatem, 18. D. Adversarium nanciscitur Cadaloum Episcopum Parmensem, ibid.
Altercatio Mediolanensium cum Ravennatibus, 9. B
Altercatio inter Manassem Arelatensem & Adelmanum Mediolanensem, 3. D
Arnaldus instigat Arlembaldum, 17. E. Litanias quasdam exsecratur, 17. F. inde dissidium & conflictus, quo tandem vincitur, 17. F
Anathalo consecratus in Archiepiscopum Mediolanensem & in primum Episcopum Brixiensem, 30. B
Anselmus Lucensis Episcopus Roma legatur Mediolanum, 16. E
Antistes Mediolanensis fustibus casus, semivivus relinquitur, 19. A
Arlembaldus favet Attoni, 23. B. omne Gothofredi collegium flammis ac ferro persequitur, 23. C. blasphematur Ambrosianæ consecrationis Episcopos, ibid. Chrisma sacrum calcibus proculcavit, 23. D. alia insolenter egit, ibid. & E
Ardoinus ultionem exercet in perfidos, 6. E. demolitur multa loca sibi contraria, ibid. tandem Monasterio contentus moritur, ibid.

Ardericus Archiepiscopus, 3. C
Ardoinus Ipporegiæ Marchio a Longobardis eligitur, & Cæsar vocatur ab omnibus, 6. B
 — occurrens exercitui Henrici quamplures stravit & fugavit, 6. C
Arialdu præcis auribus, erutis oculis &c. penitus interficitur, 19. B. unde Arlembaldus modicum dissimulatur, postea ad priora scelera revertitur, 19. C
 — proficiscitur Romam, 16. C. accusat ibi Clerum Ambrosianum, sese & Landulphum excusans, ibid. D
 — severissimus divinæ legis interpret, 14. F
Arlembaldus belligerat obnixè, 21. B
 — insolens, 17. F. 18. A. ejusdem gloriatio, 18. B
Arlembaldus Romam proficiscitur, 18. E. excommunicationis literas detulit Archiepiscopo, unde ortus tumultus, 18. F
 — cum Romanis novum iniit consilium, 19. D
 — insurgit in Gothofredum & in omnes ejus Fautores, demoliens universa, 20. B
 — positus in discrimine, cum paucis, obstitit suis Adversariis, 21. C
 — de novo Episcopo eligendo agit, 21. D. solum Hildeprandi auscultat consultum, 21. E. eligit tandem Attonem ætate juveniculum, invito Clero & aliis, 21. F
 — inter miseras Mediolanenses solus intrepidus, 24. E. more solito insolita tentat, ibid. & F. impetu invadit cives, 25. A. Sed iste Arlembaldus configitur ictibus, imo post mortem tunditur fustibus & petris, ibid. A. B
Arnulphus successor Walperti probus homo, 4. C
 — successit Landulpho, 5. D
 — Constantinopolim proficiscitur, 5. F. ibi honorificentissime excipitur, 6. A

Arnulphus consecrationem Olderici damnat, 7. B.
cum exercitu Civitatem Astensem aggreditur
& vallat, usque ad pacis conditionem: ejusque
circumstantiæ & exitus, 7. C. 8. A.

— Ejus laus & obitus, 8. B. C.

— noster, cui legationi interfuerit, 28. F

Astensis Episcopus latuit Mediolani, 7. A

— iidem reprobant sibi datum Episcopum, sed rur-
sus recipiunt, 14. E

Atto ab Arlembaldo in Episcopum electus misere a
civibus laniatur, unde mortis metu sedi Ambro-
sianæ renunciat, 22. A

Atto degit Romæ 23. B.

B.

Barnabas primus Pontifex Mediolanensis ordina-
vit Mediolanum in Metropolitanam, 30. B

Bellum civile lachrymabile sub Henrico Conradi Fi-
lio ortum, 12. B

Berengarius Longobardus post mortem Lotharii re-
gnavit, 3. E

— captus, cum filiabus & Coniuge devehctus
in Sueviam: ibi diem claudit extremum, 4. C

Bertaldus, Rodolphus, Welfo atque alii se re-
gio subtrahunt consortio ob excommunicationem
Regi ipsi illatam 28. D

— Regi a secretis insanæ mentis efficitur 11. C

Bonifacius Marchio Montisferrati venenato figitur
jaculo 13. E

Brebia 22. F

Burgundiones se dedunt Conrado, 10. A

Burgundionum Rex moritur, 9. F

C.

Cadalous Papa nuncupatur, idque contra Alexan-
dram de Anselmo, 18. E. Conscendit ar-
tem Crescentii sed tandem victus recessit, 18. E

Campus mortuus, 14. B

Carbonariæ Campus, 5. B

Castillio inexpugnabile præsidium a Mediolanensibus
incessanter oppugnatur, 20. D. ratio istius obsi-
dionis, ibid.

Centius Faucium ulcere suffocatus moritur, 27. E

— Papæ Gregorio infestus ad eum capiendum
violenter intraverat Ecclesiam 27. D. arreptum
conjecerat in turrim, ibid, E

Colloquium generale inter Regem Henricum & Pa-
pam statuitur consilio Abbatis Cluniacensis, A-
gnetis & Mathildæ, 28. D

Cometæ ardentes dirum spargunt jubar, 18. D

Conon Filius Berengarii, 4. C

Conradus coronatur ab Heriberto, 7. F. Heriber-
ti opera fere ab omnibus suscipitur ibid. venit
in Italiam, ubi etiam coronatur ibid. Romam
cum Heriberto adit. ibid. Conventus gentium
ejus rei gratia ibid. Consecratio ejus in Basili-
lica Apostolorum & quid in ea acciderit, 8. D.

Conradus tumultuantium strepitum allocutione sedat,
8. E. ejus sententia placet omnibus, 8. F

— commoratur in Italia, donec subegit adversa-
rios, idque sub patrocinio Eriberti, 9. B

— invadit Burgundiam cum Longobardorum
Militia, eamque ope insuper aliorum occupat, 9. F

— Cæsar e Germania evocatur ab Heriberto
in auxilium, 10. D. venit Veronam, & Me-
diolanum, ubi primo die bene suscipitur, cra-
ssino tumultu & vociferatione ibid. statuit Pa-
piæ generale colloquium, cepit Archiepiscopum,
eumque Aquilegensî Patriarchæ tradit, 10. E

— Heribertum denunciat inimicum, 70. F. Me-
diolanum impugnare præcipit ibid.

— ab urbe Mediolanensî recedit, 11. C. jubet
in circuitu vassari omnia loca: tandem abit tri-
stis, ibid.

— Heribertum dignitate privare deliberat, 11. C

Conradus repatriat in Sueviam 11. D

— defungitur vita, 12. A

Consuetudo prisca Mediolani, 2. C

Crescentius rebellat contra Ottonem, 5. E. Vincit
tur & decollatur ibid.

D.

Dissensio inter Papienses & Mediolanenses,
14. B

Dissidium inter Gregorium & Cæsarem ortum,
23. B

E.

Eclipsis solis, 10. H

Effusio Cruoris quotidiana, 20. E

Epilogus elegans Libri tertii 25. E. 26. A. B. C.
D. E.

Episcopi, Vercellensis, Placentinus & Cremon-
ensis comprehenduntur a Conrado Cæsare, 10. F

Eribertus sive Heribertus audaciam Laudensium
contemnens elegit & consecravît in Episcopum
Laudensem, quendam Ambrosium, 9. C. vio-
lenter aggreditur Laudensium oppida ibid. &
ipsam urbem Laudem ibid.

Estensis Episcopus in certamine confixus, certaminis
terminus fuit, 10. D

Exordium Libri quarti, 25. F. 26. F

F.

Furor Arialdi, 18. E

G.

Gothfredus successor Arnulphi contra filios Be-
rengarii dimicavit, 4. D

— Dux prostermit Oddonem ejusque Caput avul-
sum Conrado in Italiam dirigit, 11. D

— in se transferendum satagit honorem Episcopa-
lem, 20. A. Sed iste honor ipsi mox in luctum
cedit, 20. B

— se collegit in oppido dicto Castillio, 20. D

— tribus mensibus obsessus procurat amicos,
21. B. qui acie in Castra consurgunt &c. ibid.

— educitur ex Castillione, 21. C

— studet quædam Ecclesiæ occupare Castella,
22. F

— filius Gothfredi gladio interimitur, 27. B

Græcus ignominiose tractatur, 5. F

Gregorius antea Hildebrandus dictus fautor Atto-
nis damnat Gothofredum, 23. A

Græcus quidam fit Placentinus Episcopus, 5. D.
Ope Romanorum fit Papa ibid.

H.

Henricus creatur Rex Alemanniæ, 6. C. con-
tentio inter eum & Ardoinum de sceptro
Italico, ibid.

— properat in Italiam & vincit Ardoinum,
6. D. unde in Regem ibi eligitur, ibid. concre-
mavit Papiam, ibid.

— fortitudine sua terræ omni tremorem incussit,
7. A

— moritur, nulla superstiti prole, 7. D

— Conradi Filius Augustus appellatur, 12. A.
cum Archiepiscopo pacis fœdera stabilivit, 12. B

— Augustus idiotam a rure venientem elegit in
Antistitem Mediolanensem, nomine Vido, 13. B

— Romam tendit, 13. C. Clementem in Pa-
pam constituit, deposito altero Papa, 13. D

— cum Ungaris & Leuticis, configit & trium-
phat, 13. F. 14. A

— Cæsar studet Romani præsulis obflare conati-
bus, 23. F

— Rex letus de Arlembaldi interfectione, 27. A

— occurrit Papæ Gregorio, statutum in patria
sua colloquium declinans, 38. D. Canossæ nu-
dis pedibus humi prostratus lacrymando veniam
promeruit ibid, E

Hen-

VERBORUM ET RERUM MEMORABILIUM.

Henricus diademate indignus judicatur a diversis Ducibus, Comitibus, Episcopis, 29. A
 — congregans Longobardos, Veronam proficiscens & valefaciens, revertitur in patriam, 29. B
 Heribertus successor Arnulphi, 7. D
 — adiit Germaniam Regem electurus Teutoncum, 7. F
 — Ravennas de manibus insequentium ereptus, 9. B
 — immoderate dominatur, 10. B
 — nititur opprimere Vualvaffores, 10. C. committit cum iis certamen magna utriusque partis strage, 10. C
 — capitur, 10. E
 — excitat Oddonem Comitem, ut Regnum Italiae arripiat, 11. D
 — patriam tueri nititur omnibus viribus, 11. F
 — Archiepiscopus ab urbe discessit, 12. D
 — Modoetiae graviter infirmatur, 12. F. moritur & ad S. Dionysium sepelitur, 13. A. 12. F
 Hildebrandus Cardinalis Archidiaconus Roma Mediolanum legatur, 16. E
 Hildeprandus Archidiaconus, 19. E
 — juramentum violentiae invalidum habendum judicavit, 22. D
 — praedicat Attonem iuste electum, anathematizans Gothofredum, 22. D
 Horror invadit clerum Ambrosianum, 14. E
 Hymni triumphales, 25. C

I.

Incendium horrendum, 20. F. 21. A
 Insula sancti Julii, 4. A

L.

Landolphus Superbus homo servit in Clericos, sed fovet Laicos, 16. B. C
 — Linguae expeditioris grave jugum Sacrorum imponebat cervicibus, 15. A. ejus Concio ad populum, 15. B. C. D
 — Archiepiscopus Gothofredi successor, invidiae, obnoxius, 5. B. nititur abuti Dominio civitatis, unde seditio & certamen, ibid. ab urbe discedere cogitur, ibid. postea tamen confluit cum civibus, ibid. pacem init perpetuam, 5. C
 — moritur, 5. D
 — ejus pater lecto jacens cultro transfigitur, 5. C
 — cum complice Arialdo multorum incitat animos, inaudita concionando, 15. E. fuit homo temerarius, despiciens omnia, ibid.
 — Romam adire proponens, a Placentinis graviter vulneratus revertitur, 17. C. persequitur Pontificem, ibid. languet & moritur, 17. D
 Lanzo miles favet plebeiae turbae, 12. C
 Laudenses insolitum sui Episcopatus constitutionem audacter despiciunt, 9. C
 Laudenses suscipiunt Episcopum ipsis ab Heriberto destinatum, 9. D
 — animo truces se nunc suo, nunc alieno defendunt damno, contra Mediolanenses, 9. E
 Landrianum oppugnatur & demolitur a Conrado, 11. A
 Legati a Roma Mediolanum, 16. E
 Leo Sanctius geminam in Italia Synodum celebravit, 13. D. tentat Normannos revocare ab afflictione Apuliae, 13. D
 Leucum invadit Gothofredus, 22. F
 Lithulphus, hostium manibus traditur, 3. F. 4. A
 Lis acerrima inter Henricum & Saxones, 27. A
 Lotharius filius Ugonis praeligitur, 3. C
 Lucensis & Ostiensis Episcopi ut legati Mediolanum diriguntur, 28. F. urbem ingressi, omnes cives letantur, ibid. & 29. A

Luitprandus Presbyter auribus truncatur & naso, 25. B
 Luna fuscata colore sanguineo, 10. A

M.

Maginardus Episcopus Silvæ Candidæ & Minutus Mediolanum ad sedandum litigium veniunt, 19. D
 Manasses Arelatensis & Adelmannus presbyter Mediolanensis ambitione dignitatis Ambrosianæ contra se invicem succensi, 3. D
 Marchio quidam, miles strenuissimus, ab incolis Leuci, rupe præcipitatus ab alta, trucidatur, 22. F
 Martiani & Seprienses ut & Laudenses Vualvassoribus attritis opem ferunt, 10. C
 Mathilda conjux Gothofredi, Filia Bonifacii ac Beatricis, 27. B
 Mathilda Fœmina prudens, 28. E
 Mediolanenses viri prudentes numero nonaginta interfecti, ejusque facinoris causa pessima, 3. B
 — congregiuntur adversus Ravennates, 9. B. ubi Ravennates vincuntur, ibid.
 — sæpe aggrediuntur Laudenses, 9. E
 — resistunt Conrado strenue, 11. A
 — cum confœderatis Laudensibus insurgunt in Papienses, 14. C
 — persequuntur Gothofredi complices: ita ut Castellionem rursus intrare cogantur, 21. C
 — pro petendo Episcopo, Henrico Regi legationem dirigunt, 27. A
 — præsules Thebaldi societate culpabiles, solutionem implorant, & nanciscuntur, 18. F
 Mediolanum lugubre excidium patitur, 14. A. ejus excidii descriptio deducitur, ibid. A. B. C. D
 Milites deferere urbem coguntur, 12. D
 Minutus Cardinalis ad sedandum litigium Mediolanum venit, 19. D
 Mona. Ejus reliquiae revelatae, 8. B
 Motus terræ frequentes, 18. D
 Martiani cum Sepriensibus, militibus expulsis in auxilium veniunt, 12. D

N.

Nobilitas confociat sese militibus, 12. C
 Normanni invadunt Apuliam eamque totam replent, 6. F

O.

Obsidio urbis Mediolanensis, 12. D
 Oddo violenter invadit Alamaniam, 11. D
 Odium implacabile inter Mediolanenses atque Laudenses, 9. D
 Oldericus fraier Manfredi donatur ab Henrico Episcopatu, priore Episcopo extruso, 7. A. consecrationem Olderici Arnulphus vetuit, ibid. consecratur tamen a Pontifice Romano, 7. B
 Otto Teutonicorum Rex, 3. E
 — Walpertum Berengario reconciliare studet, 3. F
 — venit in Italiam, 4. B. primus ex Teutonicibus Imperator Italicus dictus, 4. ibid. Berengarium obsidione vallavit, ibid.
 Otto Filius feliciter solidavit imperium, 4. E. Romæ præsedet, Apuliam, Calabriam possedit, 4. E
 — cum Sarracenis congregiens capitur & ad classes protrahitur, 4. E. quomodo se ex hostium potestate eripuerit, 4. F
 — tertius, 5. D
 — tertius venit festinus in Italiam, 5. D. cuncta loca terrefacit, 5. E
 — Imperator in flore juventutis moritur, propaginis Ottonum ultimus, 6. B
 Ottoni mortuo in regno succedit ejusdem Nominis Filius, 4. E
 Arnulphus. C P. Pau-

INDEX VERBORUM ET RERUM MEMORABILIVM.

P.

PAucitas militum multitudine circumventa urgetur flammis & ferro, 12. D
Papa ab investituris Ecclesiarum summovet personas laicas, 23. F
Papienses in ultionem incensæ urbis Regium destruxere palatium, 7. D
 — ad Mediolanensium fines devastandos accedunt, 14. C
 — vincuntur a Mediolanensibus, 14. C
Patarini, 23. E
Patarinum. Unde hæc vox deducta, & quid significet, 25. D. E
Petrus Hostiensis Episcopus Roma Mediolanum ablegatur, 16. E
 — Hostiensis miratur clerum Mediolanensem, 16. E. F. Archiepiscopo præsidere contendit, 16. F
Pltacium de castitate servanda, 15. F
Plebejus homo a milite graviter ceditur, 12. B. quid mali inde ortum 12. C. D. E
Pontifex Laudensis moritur, 9. C
Pontifices suffraganei Ambrosianæ sedis apud Novariam Gothofredo manum consecrationis imponunt, 22. E
Prædones diripiunt substantias Clericorum, 19. C
Præsidia muniuntur, 12. D
Primates post Henrici obitum de constituendo rege conveniunt, sed dissentiunt, 7. E
Pseudo Ambrosius insidiatur Heriberto, 11. E
Pugna gravis excitata, ut senex quidam antistes, trucidaretur 3. B. qui tamen evasit, ibid.
Pugna atrox, 12. C

R.

RAra absque sanguine Dies, 12. E
Ratio Auctoris, qua ad conscribendam hanc Historiam compulsus, elegantur ab ipso de ducitur, 1. A. B. C. 2. A. B
Reliquiæ Joannis Archiepiscopi revelatæ, 12. F
Rex Henricus nullam Gregorio desert obedientiam, 27. F. ideo segregatur ibid. ob istud dissidium lamentatur Auctor, 28. A. B. C
Robertus Princeps, Apuliæ dominatur, 23. F
Rodolphus omnium consensu Maguntia Regni jura accipit, 29. B
Romani eripiunt Gregorium, a Centio carcere clausum, 27. E
Romanus Antistes verebatur Hildeprandum Cardinalem, 22. D
Rude Constitutum, 17. A

S.

SAraceni conantur Calabrorum fines invadere, 4. E

Saxones ferocissimi rebellant contra Henricum Regem, 27. A. in utriusque partis congressione plus quam viginti millia hominum occisa ibid.
 Seditio perniciofa Mediolani orta, 3. D
 Signum quoddam demicaturis prælatum, 11. F
 Stephanía uxor Crescentii adulteranda traditur Teutonibus, 5. F
 Stephanus præsul Romanus, 16. A
 Strages immensa cum lachrymabili detrimento Papiensium & Mediolanensium, 14. D.
 Synodus Romæ in qua constituitur ut Ravennas Antistes se non præferat Mediolanensi, 9. A
 Synodus in loco, qui dicebatur Fontanctum, 16. B

T.

THebaldus Ecclesiæ Mediolanensis subdiaconus a Rege Ambrosianum acquirit præsulatum 27. C. suscipitur & a Clero & a populo, ibid.
 — seditionem molitur, sed non prævaluit, 29. A
 Trabs procera signum in militia ab Heriberto ordinatum, 11. F ejus usus, 12. A
 Treuga inviolabilis, 12. E
 Tumultus popularis Mediolani & unde ortus, 16. F. & 17. A

V.

UGo ex Burgundionibus regnavit in Italia, 2. C. Mediolanum sibi vindicat, ibid.
 — remeat Burgundiam 3. C
 — Azo, Adelbertus & Obizo Captione una constringuntur ab Henrico, 7. A
 — Juniores Filium in Ecclesia Mediolanensi tonsurari decrevit, 3. A. qui cum adhuc erat puerili ætate, senex grandævus ei subrogatur, 3. A. Nefarie eidem seni mors intentatur, sed frustra, ibid.
 — intolerabilis factus omnibus, 3. C
 Vualvaffores insidiantes opibus Heriberti contra eum rebellant, 10. B. prius Bello vincuntur, 10. C

W.

WAlpertus, 3. D
 — moritur, 4. C
 Wido Filius Berengarii, 4. C
 — interficitur, 4. D
 — Italicus Marchio inter tela confixus, 11. B
 — præsul, 16. A
 — Antistes, 19. C
 — Archiepiscopus perffurarum non tolerans, dignitatem alteri concedere proponit, 19. F. 20. A
 — delusum se fatebatur Gothefredi insidiis, 20. C. sociat fœdera pacis cum Arlembaldo, ibid. sed in Monasterium detruditur ibid.
 — moritur, 21. D
 Willa uxor Berengarii mulier tenax & ex parte sæva, 3. F

F I N I S.



JOANNIS PETRI PURICELLI,
Sacræ Theologiæ Doct̃oris, Laurentianæ Archipresbyteri,
AMBROSIANÆ
MEDIOLANI
BASILICÆ,
AC MONASTERII,
HODIE CISTERTIENSIS
MONUMENTORUM

Singularis Descriptio:

*Quâ Historia Mediolanensis valde illustrata,
multis ab erroribus vindicatur.*

Editio Novissima, quæ & Figuris æneis adornata, ac
priori Auctior, Emendatior Nitidiorque.



LUGDUNI BATAVORUM,
Sumptibus **PETRI VANDER** Aa,
Bibliopola & Typographi Academiæ & Urbis.



TYPOGRAPHUS

hujus Novæ Editionis

LECTORI.

Prodit hæc nova *Ambrosianæ Mediolani* Basilicæ & Monasterii hodie *Cisterciensis* Monumentorum, quibus *Historia Mediolanensis* illustratur a *Joanne Petro Puricello* conscriptorum, & *Mediolani* typis *Joannis Petri Ramelatii* impressorum in 4°. A°. 1645; Editio; in qua nihil quod ad ornatum & elegantiam pertinet prætermissum invenies, nec istos etiam errores, qui in priori fuere commissi. Aucta est hæc Editio Indice Auctorum & Rerum præcipuarum hoc in Opere contentarum, præterea omnia Diplomata, Nomina propria, Allegationesque diverso a textu characterè inprimi curavimus, ut & Tabulam, quæ & veteris & novæ hujus Editionis paginas indicat, adjecimus. Auctor pollicitus est se huic Operi supplementum daturum, sed illud nunquam (ni fallor) lucem aspexit. De eodem Auctore adhuc edimus ejus *Residua Tristani Calchi Mediolanensis Historiographi*, aliaque Opuscula de Nuptiis Principum, è Bibliotheca Patricii Nobilissimi *Lucii Hadriani Cottæ* in lucem prolata & *Mediolani* apud *Joannem Baptistam* & *Julium Cæsarem* fratres *Malatestas* 1644. in folio impressa. Quæ omnia in Tomo secundo partis primæ *Antiquitatum Italicarum* atque *Historiarum Thesauri*, cura & studio *Joannis Georgii Grævii*veniuntur.

Idem Auctor etiam edidit; *Laurentii Littæ Civis & Archiepiscopi Mediolanensis Vitam*, *Mediolani* in 4°. 1653. *De S. S. Martyribus Nazario & Celso, Protasio & Gervasio Mediolani sub Nerone Cæsaris historicam dissertationem*, *Mediolani* typis *Malatestæ* 1656. in fol. Ut & *Traclatum*, quo *S. S. Martyres Arialdus, Alciatus & Herlembaldus Cotta Mediolanenses* veritati ac luci restituntur. ibidem 1657. in folio.

ADMONITIO AD LECTOREM.

Propterea quod iste *Joannis Petri Puricelli*, perdoctus tractatus in quarto, primum *Mediolani* 1645. per *Joannem Petrum Ramellatum* impressus, apud multos Authores, secundum Veteris Editionis paginas allegatus inveniatur, quæ Paginæ huic novæ Editioni non congruunt, Nos, ad Lectorum commoditatem, qui ista nova utentur Editione, hic sequentem adjecimus tabulam, quâ, in Columna priori Veteris reperiuntur Paginæ, sicuti in Columna posteriori Paginæ hujus novæ Editionis: quapropter qui hunc Authorem in aliis libris allegatum inveniet, jam primò aspectu, quâ hujus Novæ Editionis paginâ istius Veteris Editionis paginæ sunt reperiendæ, invenire hîc poterit.

Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.
1	1	68	42	139	70	204	98
2	ibid.	69	ibid.	140	ibid.	205	ibid.
3	2	70	ibid.	141	ibid.	206	99
4	3	71	43	142	71	207	ibid.
5	ibid.	72	ibid.	143	ibid.	208	ibid.
6	4	73	44	144	72	209	100
7	ibid.	74	ibid.	145	ibid.	210	ibid.
8	5	75	45	146	73	211	101
9	ibid.	76	ibid.	147	ibid.	212	ibid.
10	ibid.	77	ibid.	148	ibid.	213	102
11	6	78	46	149	74	214	ibid.
12	ibid.	79	ibid.	150	ibid.	215	ibid.
13	7	80	47	151	75	216	103
14	ibid.	81	ibid.	152	ibid.	217	ibid.
15	8	82	48	153	76	218	104
16	ibid.	83	ibid.	154	ibid.	219	ibid.
17	ibid.	84	ibid.	155	ibid.	220	105
18	9	85	49	156	77	221	ibid.
19	ibid.	86	ibid.	157	ibid.	222	ibid.
20	10	87	50	158	78	223	106
21	ibid.	88	ibid.	159	ibid.	224	ibid.
22	11	89	51	160	79	225	107
23	ibid.	90	ibid.	161	ibid.	226	ibid.
24	ibid.	91	ibid.	162	ibid.	227	108
25	12	92	52	163	80	228	ibid.
26	14	93	ibid.	164	ibid.	229	ibid.
27	16	94	53	165	81	230	109
28	18	95	ibid.	166	ibid.	231	ibid.
29	20	96	54	167	82	232	110
30	22	97	ibid.	168	ibid.	233	ibid.
31	24	98	ibid.	169	ibid.	234	111
32	26	99	55	170	83	235	ibid.
33	28	100	ibid.	171	ibid.	236	ibid.
34	ibid.	101	56	172	84	237	112
35	29	102	ibid.	173	ibid.	238	ibid.
36	ibid.	103	57	174	85	239	113
37	30	104	ibid.	175	ibid.	240	ibid.
38	ibid.	105	ibid.	176	86	241	114
39	31	106	58	177	ibid.	242	ibid.
40	ibid.	107	ibid.	178	87	243	ibid.
41	ibid.	108	59	179	ibid.	244	115
42	32	109	ibid.	180	ibid.	245	ibid.
43	ibid.	110	60	181	88	246	116
44	33	111	ibid.	182	ibid.	247	ibid.
45	ibid.	112	ibid.	183	89	248	117
46	34	113	61	184	ibid.	249	ibid.
47	ibid.	114	ibid.	185	90	250	ibid.
48	ibid.	115	62	186	ibid.	251	118
49	35	116	ibid.	187	ibid.	252	ibid.
50	ibid.	117	63	188	91	253	119
53	ibid.	118	ibid.	189	ibid.	254	ibid.
54	36	119	ibid.	190	92	255	120
55	ibid.	120	64	191	ibid.	256	ibid.
56	37	121	ibid.	192	ibid.	257	ibid.
57	ibid.	122	65	193	93	258	121
58	ibid.	123	ibid.	194	ibid.	259	ibid.
59	38	124	66	195	94	260	122
60	ibid.	125	ibid.	196	ibid.	261	ibid.
61	39	126	ibid.	197	95	262	123
62	ibid.	131	67	198	ibid.	263	ibid.
63	40	132	ibid.	199	ibid.	264	ibid.
64	ibid.	135	68	200	96	265	124
65	ibid.	136	ibid.	201	ibid.	266	ibid.
66	41	137	69	202	97	267	125
67	ibid.	138	ibid.	203	ibid.	268	ibid.

Paginæ Editionis Mediolanenſis.	Paginæ hujus Novæ Editionis.	Paginæ Editionis Mediolanenſis.	Paginæ hujus Novæ Editionis.	Paginæ Editionis Mediolanenſis.	Paginæ hujus Novæ Editionis.	Paginæ Editionis Mediolanenſis.	Paginæ hujus Novæ Editionis.
269	125	333	153	397	181	461	ibid.
270	126	334	154	398	182	462	209
271	ibid.	335	ibid.	399	ibid.	463	210
272	127	336	ibid.	400	ibid.	464	211
273	ibid.	337	155	401	183	465	212
274	128	338	ibid.	402	ibid.	466	213
275	ibid.	339	156	403	184	467	214
276	ibid.	340	ibid.	404	ibid.	468	215
277	129	341	ibid.	405	ibid.	469	ibid.
278	ibid.	342	157	406	185	470	ibid.
279	130	343	ibid.	407	ibid.	471	216
280	ibid.	344	158	408	186	472	ibid.
281	131	345	ibid.	409	ibid.	473	217
282	ibid.	346	159	410	187	474	ibid.
283	ibid.	347	ibid.	411	ibid.	475	ibid.
284	132	348	ibid.	412	188	476	218
285	ibid.	349	160	413	ibid.	477	ibid.
286	133	350	ibid.	414	ibid.	478	219
287	ibid.	351	161	415	189	479	ibid.
288	134	352	ibid.	416	ibid.	480	220
289	ibid.	353	162	417	190	481	ibid.
290	135	354	ibid.	418	ibid.	482	ibid.
291	ibid.	355	ibid.	419	ibid.	483	221
292	ibid.	356	163	420	191	484	ibid.
293	136	357	ibid.	421	ibid.	485	222
294	ibid.	358	164	422	192	486	ibid.
295	137	359	ibid.	423	ibid.	487	223
296	ibid.	360	165	424	193	488	ibid.
297	138	361	ibid.	425	ibid.	489	ibid.
298	ibid.	362	166	426	ibid.	490	224
299	ibid.	363	ibid.	427	194	491	ibid.
300	139	364	ibid.	428	ibid.	492	225
301	ibid.	365	167	429	195	493	ibid.
302	140	366	ibid.	430	ibid.	494	226
303	ibid.	367	168	431	196	495	ibid.
304	141	368	ibid.	432	ibid.	496	ibid.
305	ibid.	369	169	433	ibid.	497	227
306	ibid.	370	ibid.	434	197	498	ibid.
307	142	371	ibid.	435	ibid.	499	228
308	ibid.	372	170	436	ibid.	500	ibid.
309	143	373	ibid.	437	198	501	229
310	ibid.	374	171	438	ibid.	502	ibid.
311	144	375	ibid.	439	199	503	ibid.
312	ibid.	376	172	440	ibid.	504	230
313	ibid.	377	ibid.	441	200	505	ibid.
314	145	378	173	442	ibid.	506	231
315	ibid.	379	ibid.	443	ibid.	507	ibid.
316	146	380	ibid.	444	202	508	232
317	ibid.	381	174	445	ibid.	509	ibid.
318	147	382	ibid.	446	202	510	ibid.
319	ibid.	383	175	447	ibid.	511	233
320	ibid.	384	ibid.	448	203	512	ibid.
321	148	385	176	449	ibid.	513	234
322	ibid.	386	ibid.	450	ibid.	514	ibid.
323	149	387	177	451	204	515	ibid.
324	ibid.	388	ibid.	452	ibid.	516	235
325	150	389	178	453	205	517	ibid.
326	ibid.	390	ibid.	454	ibid.	518	236
327	151	391	ibid.	455	206	519	ibid.
328	ibid.	392	179	456	ibid.	520	237
329	ibid.	393	ibid.	457	ibid.	521	ibid.
330	152	394	180	458	207	522	ibid.
331	ibid.	395	ibid.	459	ibid.	523	238
332	153	396	181	460	208	524	ibid.
						* 3	Pa-

Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.
525	239	589	266	653	292	727	320
526	ibid.	590	ibid.	654	293	728	ibid.
527	240	591	267	655	ibid.	729	ibid.
528	ibid.	592	ibid.	656	294	730	321
529	ibid.	593	ibid.	667	ibid.	731	ibid.
530	241	594	268	668	ibid.	732	322
531	ibid.	595	ibid.	669	295	733	ibid.
532	242	596	269	670	ibid.	734	323
533	ibid.	597	ibid.	671	296	735	ibid.
534	ibid.	598	ibid.	672	ibid.	736	ibid.
535	243	599	270	673	297	737	324
536	ibid.	600	ibid.	674	ibid.	738	ibid.
537	244	601	271	675	ibid.	739	325
538	ibid.	602	ibid.	676	298	740	ibid.
539	245	603	272	677	ibid.	741	ibid.
540	ibid.	604	ibid.	678	299	742	326
541	ibid.	605	ibid.	679	ibid.	743	ibid.
542	246	606	273	680	ibid.	744	327
543	ibid.	607	ibid.	681	300	745	ibid.
544	247	608	274	682	301	746	328
545	ibid.	609	ibid.	683	ibid.	747	ibid.
546	248	610	275	684	ibid.	748	ibid.
547	ibid.	611	ibid.	685	302	749	329
548	ibid.	612	ibid.	686	ibid.	750	ibid.
549	249	613	276	687	303	751	330
550	ibid.	614	ibid.	688	ibid.	752	ibid.
551	250	615	277	689	ibid.	753	331
552	ibid.	616	ibid.	690	304	754	ibid.
553	251	617	278	691	ibid.	755	ibid.
554	ibid.	618	ibid.	692	305	756	332
555	ibid.	619	ibid.	693	ibid.	757	ibid.
556	252	620	279	694	306	758	333
557	ibid.	621	ibid.	695	ibid.	759	ibid.
558	253	622	280	696	ibid.	760	ibid.
559	ibid.	623	ibid.	697	307	761	334
560	ibid.	624	ibid.	698	ibid.	762	ibid.
561	254	625	281	699	308	763	335
562	ibid.	626	ibid.	700	ibid.	764	ibid.
563	255	627	ibid.	701	309	765	336
564	ibid.	628	282	702	ibid.	766	ibid.
565	256	629	ibid.	703	ibid.	767	ibid.
566	ibid.	630	283	704	310	768	337
567	ibid.	631	ibid.	705	ibid.	769	ibid.
568	257	632	284	706	311	770	338
569	ibid.	633	ibid.	707	ibid.	771	ibid.
570	258	634	ibid.	708	312	772	339
571	ibid.	635	285	709	ibid.	773	ibid.
572	259	636	ibid.	710	ibid.	774	ibid.
573	ibid.	637	286	711	313	775	340
574	ibid.	638	ibid.	712	ibid.	776	ibid.
575	260	639	ibid.	713	314	777	341
576	ibid.	640	287	714	ibid.	778	ibid.
577	261	641	ibid.	715	ibid.	779	342
578	ibid.	642	288	716	315	780	ibid.
579	262	643	ibid.	717	ibid.	781	ibid.
580	ibid.	644	289	718	316	782	343
581	ibid.	645	ibid.	719	ibid.	783	ibid.
582	263	646	ibid.	720	317	784	344
583	ibid.	647	290	721	ibid.	786	ibid.
584	264	648	ibid.	722	ibid.	788	ibid.
585	ibid.	649	291	723	318	789	345
586	ibid.	650	ibid.	724	ibid.	790	ibid.
587	265	651	ibid.	725	319	791	346
588	ibid.	652	292	726	ibid.	792	ibid.

Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.
793	347	857	375	921	402	985	429
794	ibid.	858	ibid.	922	ibid.	986	ibid.
795	ibid.	859	376	923	403	987	430
796	348	860	ibid.	924	ibid.	988	ibid.
797	ibid.	861	377	925	ibid.	989	431
798	349	862	ibid.	926	404	990	ibid.
799	ibid.	863	ibid.	927	ibid.	991	ibid.
800	350	864	378	928	405	992	432
801	ibid.	865	ibid.	929	ibid.	993	ibid.
802	ibid.	866	379	930	406	994	433
803	351	867	ibid.	931	ibid.	995	ibid.
804	352	868	ibid.	932	ibid.	996	434
805	353	869	380	933	407	997	ibid.
806	ibid.	870	ibid.	934	ibid.	998	ibid.
807	ibid.	871	381	935	408	999	435
808	354	872	ibid.	936	ibid.	1000	ibid.
809	ibid.	873	382	937	409	1001	436
810	355	874	ibid.	938	ibid.	1002	ibid.
811	ibid.	875	ibid.	939	ibid.	1003	437
812	356	876	383	940	410	1004	ibid.
813	ibid.	877	ibid.	941	ibid.	1005	ibid.
814	ibid.	878	384	942	411	1006	438
815	357	879	ibid.	943	ibid.	1007	ibid.
816	ibid.	880	385	944	412	1008	439
817	358	881	ibid.	945	ibid.	1009	ibid.
818	ibid.	882	ibid.	946	ibid.	1010	ibid.
819	359	883	386	947	413	1011	440
820	ibid.	884	ibid.	948	ibid.	1012	ibid.
821	ibid.	885	387	949	414	1013	441
822	360	886	ibid.	950	ibid.	1014	ibid.
823	ibid.	887	388	951	ibid.	1015	442
824	361	888	ibid.	952	415	1016	ibid.
825	ibid.	889	ibid.	953	ibid.	1017	ibid.
826	ibid.	890	389	954	416	1018	443
827	362	891	ibid.	955	ibid.	1019	ibid.
828	ibid.	892	390	956	417	1020	444
829	363	893	ibid.	957	ibid.	1021	ibid.
830	ibid.	894	ibid.	958	ibid.	1022	445
831	364	895	391	959	418	1023	ibid.
832	ibid.	896	ibid.	960	ibid.	1024	ibid.
833	ibid.	897	392	961	419	1025	446
834	365	898	ibid.	962	ibid.	1026	ibid.
835	ibid.	899	393	963	420	1027	447
836	366	900	ibid.	964	ibid.	1028	ibid.
837	ibid.	901	ibid.	965	ibid.	1029	ibid.
838	367	902	394	966	421	1030	448
839	ibid.	903	ibid.	967	ibid.	1031	ibid.
840	ibid.	904	395	968	422	1032	449
841	368	905	ibid.	969	ibid.	1033	ibid.
842	ibid.	906	396	970	423	1034	450
843	369	907	ibid.	971	ibid.	1035	ibid.
844	ibid.	908	ibid.	972	ibid.	1036	ibid.
845	370	909	397	973	424	1037	451
846	ibid.	910	ibid.	974	ibid.	1038	ibid.
847	ibid.	911	398	975	425	1039	452
848	371	912	ibid.	976	ibid.	1040	ibid.
849	ibid.	913	ibid.	977	426	1041	453
850	372	914	399	978	ibid.	1042	ibid.
851	ibid.	915	ibid.	979	ibid.	1043	ibid.
852	373	916	400	980	427	1044	454
853	ibid.	917	ibid.	981	ibid.	1045	ibid.
854	ibid.	918	401	982	428	1046	455
855	374	919	ibid.	983	ibid.	1047	ibid.
856	ibid.	920	ibid.	984	ibid.	1048	456


Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.	Paginæ Editionis Mediolanensis.	Paginæ hujus Novæ Editionis.
1049	456	1079	470	1111	483	1143	497
1050	ibid.	1080	470	1112	484	1144	498
1051	457	1081	471	1113	ibid.	1145	ibid.
1052	ibid.	1082	ibid.	1114	485	1146	499
1053	458	1083	ibid.	1115	ibid.	1147	ibid.
1054	ibid.	1084	472	1116	486	1148	ibid.
1055	459	1085	ibid.	1117	ibid.	1149	500
1056	ibid.	1086	473	1118	ibid.	1150	ibid.
1057	ibid.	1087	ibid.	1119	487	1151	501
1058	460	1088	474	1120	ibid.	1152	ibid.
1059	ibid.	1089	ibid.	1121	488	1153	ibid.
1060	461	1090	ibid.	1122	ibid.	1154	502
1061	ibid.	1091	475	1123	489	1155	ibid.
1062	462	1092	ibid.	1124	ibid.	1156	503
1063	ibid.	1093	476	1125	ibid.	1157	ibid.
1064	ibid.	1094	ibid.	1126	490	1158	504
1065	463	1095	477	1127	ibid.	1159	ibid.
1066	ibid.	1096	ibid.	1128	491	1160	ibid.
1067	464	1097	ibid.	1129	ibid.	1161	505
1068	ibid.	1098	478	1130	492	1162	ibid.
1069	465	1099	ibid.	1131	ibid.	1163	506
1070	ibid.	1100	479	1132	ibid.	1164	ibid.
1071	ibid.	1101	ibid.	1133	493	1165	507
1072	466	1102	480	1134	ibid.	1166	ibid.
1073	ibid.	1103	ibid.	1135	494	1167	ibid.
1074	467	1104	ibid.	1136	ibid.	1168	508
1073	ibid.	1105	481	1137	495	1169	ibid.
1074	468	1106	ibid.	1138	ibid.	1170	509
1075	ibid.	1107	482	1139	ibid.	1171	ibid.
1076	ibid.	1108	ibid.	1140	496	1172	510
1077	469	1109	483	1141	ibid.		
1078	ibid.	1110	ibid.	1142	497		

AUTHORIS DEDICATIO.

DEO OPT. MAX.
AC BEATISSIMÆ VIRGINI Mariæ,
SANCTISQVE BASILICÆ ISTIVS AC MONASTERII
QVINETIAM MEDIOLANENSIS HVIVS METROPOLEOS
TVTELARIBVS,
AMBROSIO ARCHIEPISCOPO,
AC PROTASIO GERVASIOQVE MARTYRIBVS.
QVOS VTIQVE PRÆSSERTIM OMNES AC SINGVLOS
LABORIBVS HISCE NOSTRIS FAVERE,
QVIBVSQVE PRÆSSERTIM HOS VICISSIM PLACERE
SEMPER AC SVPPLICITER OPTAVIMVS.
IPSOS PROPECTO MANIFESTOS ADHVC EXPERTI
SVMVS FAVTORES:
SPERAMVSQVE SIC ETIAM IN POSTERVVM
PERENNITER AFFVTVROS.



AUCTORIS PRÆFATIO AD LECTOREM.

I.  Ectorem nostrum ante omnia precamur, ut veritatem amanter inquirat, inventamque amet. Hoc utique studium nobis etiam unicum fuit. Præclare ac verissimè Tullius de Oratore Lib. 2. quis nescit, primam esse Historiæ legem? Ne quid falsi dicere audeat, deinde ne quid veri non audeat, ne qua suspicio gratiæ sit in scribendo, ne qua simultatis. Hæc scilicet fundamenta nota sunt omnibus. Indeigitur nobis quoque Amicus Socrates, & Amicus Plato; sed magis Amica veritas.

2. Quocirca per sinceræ itidem veritatis studium nos quidem ante omnia placere Deo superisque omnibus, ac nominatim Ambrosio nostro ceterisque nostris Tutelaribus, optavimus: Quibus ultracitraque veritatis ac virtutis fines placere velle, hominis est absque dubio insanientis. Subinde vero, salva semper & incolumi veritate, nos fatemur hoc in votis habuisse, ut nemini displiceremus, juxta illud Apostoli ad Romanos xv. unusquisque vestrum proximo suo placeat in bonum, ad ædificationem. Quamobrem, si quid aliquando narramus, vel differendo contendimus, quod alicui non placeat; certè quidem, non carpendi quempiam, non detrahendi, non vincendi cupiditate, sed unius assequendæ, proferendæ tuendæque veritatis studio factum, ex animo candide ac sincere iterum protestamur.

3. Quæ vero in re præsentī Monachorum erant, ea ex instituto profecuti sumus; quippe quorum Documenta publica, ex ipsorum Archivo deprompta, ad manus commode domi nostræ habuerimus. Sed neque ea profecto reticimus, quæ Canonicoꝝ sunt, & diligentia nostræ occurrerunt; ne alieni ab ipsis (quibus utique re vera sumus addictissimi) videremur: sicut etiam nec ita fuscè explicuimus, aut omnia præripuimus, quin ipsi reliqua in publicum è suo Archivo, sane perquam copioso, producere possint, publicoque Litteratorum desiderio satisfacere, nec non pro parte virili Basilicæ istius (nedum Canonicae Collegiique sui) Monumenta locupletare, atque adeo liberare veritatem, ac Mediolanensem Historiam illustrare.

4. Tamen si autem veritati, quam profiteamur, asserendæ pares Eloquentiæ vires adhibere non potuimus; æquo tamen animo ferat hoc Lector; ac mediocritate nostra contentus illud meminerit Augustini, Lib. iv. de Doctrina Christiana; Cap. ii. sapientissime pronunciantis: Bonorum ingeniorum insignis est indoles, in verbis verum amare, non verba. Quid enim prodest clavis aurea; si aperire, quod volumus, non potest? aut quid obest lignea; si hoc potest? Quando nihil quærimus, nisi patere, quod clausum est. Cui quidem similitudini satis & illæ congruunt, quibus Anastasius, Sanctæ Romanæ Ecclesiæ Bibliothecarius, Nicolaum alloquebatur Papam, cum in Vitam Sancti Joannis Eleëmofynarii, Latine à se redditam, præfaretur. Neque enim propter fistulam plumbeam (inquebat) aquam limpidissimam despicias: Neque propter spinas, quæ producunt, Rosam, quæ producitur, spernis. Prudentissimus videlicet ille Studiorum meorum (quo gloriari liceat) Moderator, Federicus Cardinalis & Archiepiscopus Borromæus, Restaurandæ atque ornandæ virtuti vere natus, jam inde à primo juventutis meæ flore, cum florentissimi Clericorum hac in Urbe Seminarii Alumnus essem, mihi præcepit, ut vera potius, quam verba, profiterer. Quocirca Divinæ potius Humanæque Philosophiæ Quæstionibus, atque etiam Controversiis adversus Ævi nostri Hæreticos, Scholasticè tractandis me totum addixit: meque tandem illic multos per annos, ac multo plures quam quempiam retro alium, in Præfectura Studiorum exercuit. Quo quidem factum est, ut cursim tantum & obiter ad conscribendas Historias me transfulerim; neque tam sponte mea volensque, quam obviis occasionibus abreptus, nedum abductus, ejusmodi provinciam susceperim; sicut etiam certe quidem in re præsentī factum est.

5. Ceterum in hoc Opere inchoando & producendo sedulas nobis & indefessas manus pro colligendis hujusmodi Monumentis adhibuit Ambrosiani hujus Monasterii Religiosus, Archivo Præfectus, & ad stuporem versatissimus in ejus membranis: quas non ita pridem singulas & universas cognoverat accurate, suisque locis collocatas in ordinem redegerat.

6. Neque tamen ab initio nobis animus hic fuit, ut tam multa colligeremus, ac verbatim exscriberemus. Unico siquidem nec ita grandi Volumine Monumenta Basilicæ ac Monasterii hujus omnia nobis comperta, sed pleraque summatim, ad præsens usque tempus perducere meditabamur: & in eum præsertim scopum, ut Sanctorum Ambrosii ac Protasii Gervasiique Corpora non alibi, quam in hac Basilica, ostenderemus condita esse. Verumtamen fidei plenius ac planius faciendæ cupiditas hinc, inde vero multiplex & exquisita rerum aliarum copia, per varios præsertim Codices Manuscriptos nobis identidem oblata, id nobis sensim ac pene sine sensu eblanditæ sunt, ut & longe plura verbatim exscriberemus, & simul etiam multum Patriæ gratificaremur, ac denique Mediolanensis hujus præsertim Ecclesiæ Urbisque

AUCTORIS PRÆFATIO.

Historiam illustrare, multisque ab erroribus vindicare studeremus: immo vero non pauca item alia majoris momenti pro Ecclesiæ itidem *Romanæ* honore assereremus. Pene enim apud Scriptores præjudicata hæcenus à Sæculis fuit opinio, *Mediolanensem* Ecclesiam aliquando à *Romana* foedo Schismate dissensisse, eoque ad ducentos, si non ultra, annos protracto Religionem insigni vulnere laborasse. Id tandem quam longe absit à vero, ex hisce nostris Lucubrationibus (singulati, opinor, totius Ecclesiæ bono) manifestum fiet; ut vel hanc solam ob causam operæ pretium fuisset hos Labores maturare. Plura hoc genus, quæ Lectori breviter subinde insinuamus, suo loco & tempore fusiùs tractanda recipimus.

7. Quanta ingenuitate ac modestia, quantoque studio & labore, adhuc vero quali quantoque profectu id à nobis præstitum fuerit, nihil opus est in præsentì memorare; ne forte quispiam nos credat aliena deprimere, nostra jactanter venditare, ac veris majora polliceri. Lector ipse, facta cum aliis Rerum *Mediolanensium* Historiis comparatione, pleno isthæc jure dijudicet: ac si carptim prægustare velit; subsequenter Numerorum Capitalium Indicem percurrat.

8. E tanta profecto tamque rerum exquisitarum copia & ubertate factum est, ut Primum istud Volumen nonnisi ad Millesimum ducentessimum primum Christi Annum pertingat. Reliqua porro, si Deus annuat, ac veritatis Amatoribus Labor placeat hic noster, secundo deinceps, vel etiam tertio Volumine (videlicet ad illud usque tempus, quod cum re ipsa excurret) complectemur¹. Hoc interim Lector primo benevolus fruatur. Quod ipsum tamen si, dum vita superest, recudi contigerit, pollicemur, longe uberius & ad seriem temporum accommodatius futurum. In eam enim occasionem ac spem reservata consulto sunt multa, dum pro re nata à Sanctorum *Protasii* ac *Gervasii Ambrosii*que Tumulo, in hac Basilica condito, & à nobis indicato, ad Archivi Monachorum Documenta anhelando properaremus, & hæc præcipue publici facere juris cuperemus. Multa vero interim, non tempori, sed aliarum rerum à nobis narratarum occasione accommodavimus. Tum igitur per omnes ubique partes sibi magis fuerit cohærens & consentaneum: nec subinde in progressu necesse discere, quod ab initio ignoraverimus. Non enim tota sua mole Volumen istud constabat, quando subjici prælo coepit; ut extremis coaptari prima certo possent. Sed sicut per partes & succisvis horis utcumque coaluit; sic etiam festinato exceptum à Typographo est.

9. Sacrosanctæ autem Matris Ecclesiæ Catholicæ Romanæ, infallibilis morum ac veritatis Magistræ, judicio nostra omnia Scripta Scribendaque reverenter ac religiose subjecta sunt.

¹ Nec Secundum, nec Tertium Volumen unquam (ni fallor) edidit.

PROTESTATIO AUCTORIS.



Sacerum & candidum nostrum conatum eruendæ ex imis ruderibus abditisque Monumentis veritatis circa originem cultum majestatemque Basilicæ Ambrosianæ, non solum apud Insabres verum etiam apud universos Europæos celeberrimæ, quidam sibi & aliis suaserunt renovaturum facile esse molestam illam de dominio ejusdem Ecclesiæ controversiam, quam longo tempore gliscentem inter duo Venerabilia Collegia, Canonorum videlicet Sæcularium & Monachorum Cisterciensium, qui Cultum Divinum ibidem alternantes ex utroque Templi latere suas habent Mansiones, Urbanus Octavus felicitis recordationis Anno Millesimo sexcentesimo trigésimo gravissima Constitutione diremit, atque utrinque contendentibus perpetuum silentium indixit.

Hinc utique commotum Nobilissimum & Gravissimum Canonorum Capitulum judicavit, aliquod sibi præjudicium inferri, vulnusque denuo refricari, dum Monachorum dumtaxat producuntur Monumenta, & in eorum favorem universa Historia propendet. Atqui sacrosancte obtestamur, & religiose profiteamur, nos simplici & puro corde isthæc collegisse ac produxisse Monumenta, eo solo intuitu, ut ne, his pereuntibus, simul etiam lux illa, quam possent Rebus Mediolanensibus afferre, deperiret. Et quidem nimium reputo timorem illorum, qui decretæ inter utramque Partem Concordiæ verentur hinc posse advehi præjudicium. Etenim postquam studiose omnes collectæ, objectæ, & in publico judicio allatæ sunt rationes, adversaque Pars universa sua produxit fundamenta; utrumque Collogium penitus suo juri, qualemque posset subesse, renuntiavit, totumque Ecclesiæ dominium transtulit in Archiepiscopus, quod profecto amplius repetere non licet, perpetuo per irrefragabilem Summi Pontificis auctoritatem silentio jam indicto.

Ne vero quispiam putet, se posse nostri Libri rationibus & argumentis contra Canonorum Venerandum Collegium in posterum uti: sciatque, controversiam omnem jam firmiter sopitam, & initam Concordiam sua firmitate inconcussam persistere; in hoc ipso Libri limine Bullam præfigimus Pontificiam; cujus etiam partem Numero DCXLIX. pag. 502. recitabamus.

D I P L O M A. U R B A N U S P A P A O C T A V U S

Ad perpetuam rei memoriam.



REGIS Dominici cura, à Salvatore & Domino nostro, qui Charitas est & Deus pacis, humilitati nostræ, nullo licet meritorum nostrum suffragio, commissâ postulat, ut inter gravissimas multiplicesque Apostolicæ Servitutis curas, in eam peculiari sollicitudine incumbamus, qua litibus & controversiis, inter *Christi* fideles quoslibet, præsertim Ecclesiarum Præsules & Cardinalatus honore fulgentes ac personas Ecclesiasticas Sæculares & Regulares exortis, opportuna Transactionis remedio obviam itur; ut personæ ipsæ Ecclesiasticæ, quæ in sortem Domini vocatæ sunt, divinis ejus obsequiis commodius deserviant in sanctitate & justitia coram ipso; eique, semotis litium impedimentis, tranquilliori spiritu reddant abundanter fructus suos. Unde his, quæ propterea facta fuisse dicuntur, ut perpetua roboris

validitate subsistant, & à partibus ipsis inviolabiliter observentur; Apostolici muniminis adjicimus firmitatem; prout, rebus omnibus matura consultatione pensatis conspiciamus salubriter in Domino expedire. Cum itaque, sicut accepimus, à quingentis annis & amplius inter Ecclesiæ *Mediolanensis* Præsules seu Administratores ex una, nec non Præpositos & Canonicos ex alia, ac Abbatem & Monachos Ecclesiæ Sancti *Ambrosii Mediolanensis Cisterciensis* Ordinis ex reliqua partibus, qui pro tempore respective fuerunt, lis & causa seu quæstionis materia, ratione dictæ Ecclesiæ Sancti *Ambrosii*, ac illius domini & usus, necnon administratione tam in spiritualibus quam in temporalibus, intentata, & ad hæc usque tempora magno earumdem Partium dispendio protracta fuerit: Cumque nuper dilectus Filius noster *Federicus*, Sanctæ *Mariæ* Angelorum Presbyter Cardinalis *Borromeus*, prædictæ Ecclesiæ *Mediolanensis* ex concessione & dispensatione Apostolica Præsul, liti & causæ prædictis finem aliquando amicabiliter imponi desideraret: & dilectus etiam Filius *Cosmus Reynonus*, ejusdem Ecclesiæ Sancti *Ambrosii* Abbas, & in Italia Congregationis *Cisterciensis* Præses, pio dilecti Filii nostri *Francisci* Sanctæ *Agathæ* Diaconi Cardinalis, *Barberini* nuncupati, nostri secundum carnem ex fratre germano nepotis, hortatu inductus, propensam ejus ad hujusmodi concordiam voluntatem ostendisset: dilecti similiter Filii nostri, *Robertus*, Tituli Sanctæ *Prædix* Presbyter *Ubalinus*, Ordinis *Cisterciensis* apud Nos & hanc Sanctam Sedem Protector, & *Theodorus* Sancti *Cæsarei* Diaconus Cardinalis *Trivultius* nuncupatus, à Nobis super hoc specialiter deputati, Nobis & eodem *Francisco* Cardinale annuentibus, totum hujusmodi negotium dilectis Filiis Magistris, *Martino Alifero* & *Antonio Torniello*, in utraque Signatura nostra Referendariis, discutiendum commiserint: præfati verò *Martinus* & *Antonius* plures super negotio hujusmodi tractatus, præsentibus eodem *Cosmo*, ac dilectis pariter Filiis *Joanne Baptista Besutio* Canonico *Mediolanensi*, nec non *Hieronymo Rampono*, nostro & Sedis Apostolicæ Notario, uti præfati *Federici* Cardinalis ac dilectorum etiam Filiorum Præpositi & Canonicorum ejusdem Ecclesiæ Sancti *Ambrosii* Procuratoribus respective, nec non *Matthæo Moretto* ejusdem *Theodori* Cardinalis Auditore, de illius mandato habuerint: negotioque ipso mature discusso, ac visis omnibus & singulis juribus & Processibus per *Martinum* & *Antonium* nec non *Matthæum* præfatos, & nomine ejusdem *Roberti* Cardinalis dilectum similiter Filium *Franciscum Nerlium* ejus Auditorem: & facta per eos omnes dictis *Roberto* & *Theodoro* Cardinalibus relatione: habitisque primo coram ipso *Theodoro*, & successive coram eo & prædicto *Roberto* Cardinalibus super nonnullis capitibus, quorum resolutio illorum prudentiæ & judicio relicta fuerat, diversis Congregationibus; tandem auctoritate eorumdem *Roberti* & *Theodori* Cardinalium, & in eorum præsentia fuerunt inter dictas Partes sub die vigesima prima mensis Septembris proximè præteriti firmata & subscripta Transactionis five Concordiæ Capitula tenoris subsequents. Videlicet: Capitula Concordiæ inter Eminentissimum & Reverendissimum D.D. *Federicum* Cardinalem *Borromæum Mediolani* Archiepiscopum, & Capitulum Præpositi & Canonicorum Ecclesiæ Collegiatæ & insignis Sancti *Ambrosii Mediolani*, ac Abbatem & Monachos ejusdem Ecclesiæ ac Monasterii: quæ infra scripti eorum Deputati inviolabiliter & bona fide observare promittunt vigesima prima Septembris, Millesimo sexcentesimo trigésimo. Canonici tam horis diurnis quam vespertinis teneantur ingredi Chorum per dimidium horæ antequam ingrediatur Capitulum Metropolitana, servata semper ordinaria Tabella Illustrissimi D. Archiepiscopi. In diebus solemnioribus, & præcipue Sancti *Ambrosii* & Sanctorum *Gervasii* & *Protasii*, caveat Capitulum Canonicorum, ne diutius immoretur in Choro, quam par sit; ita ut Monachis remaneat tantum temporis, quo possint congruè eorum Vesperas celebrare. Ritu *Ambrosiano*, quo Clerus utitur Monachi utantur in solemnioribus diebus, videlicet à die Dominico in Ramis Palmarum usque ad Dominicam in Albis, & in primis Vesperis Sancti *Ambrosii* & Sanctorum *Gervasii* & *Protasii*; reliquis verò suo *Ambrosiano* Monastico, quem vocant, juxta solitum utantur: & in musicis possint etiam adhibere Instrumenta ad symphoniam pertinentia. Unica Missa Sabbathi Sancti, quæ in qualibet Ecclesia celebrari solet, juxta solitum alternis vicibus ab unoquoque Collegio celebretur. Monachi numquam Divina celebrare incipiant, donec Capitulum Canonicorum è Choro discesserit. Tam Canonici quam Monachi sub quovis prætextu tempore celebrationis Divinorum nullum actum faciant, per quem possit ad invicem celebratio impediri. Liber usus Pontificalium Abbatum Monachorum non controversatur in quibuscumque ejus functionibus Ecclesiasticis. Sedes Abbatis ad usum Pontificalium exercendorum diebus, quibus Illustrissimus Archiepiscopus solet in Ecclesia Sancti *Ambrosii* solemniter celebrare, in latere Epistolæ apponatur: cæteris vero diebus Abbas in utroque latere, prout sibi magis libuerit, Pontificalia exerceat. Super Sede solita arcuata Abbatis Baldacchinum non apponatur. Decreta Sacræ Congregationis Rituum, tam quoad numerum ministrorum quam quoad alia, in solemni Abbatis celebratione seu functione (quæ tamen sunt in usu) observentur. Illustrissimus D. Archie-

DIPLOMA CONCORDIÆ.

piscopus à latere Monachorum non possit visitare, nisi ad limites quatuor Visitationum tantum, ut infra, & non alias, &c. duarum scilicet factarum per Sanctum *Carolum* de Annis Millesimo quingentesimo sexagesimo sexto, & Millesimo septuagesimo octavo, tenoris, ut in eorum Authenticis, integre ac de verbo ad verbum, & non alias, inferendis in Instrumento desuper inter ipsas Partes celebrando: & aliarum duarum factarum per Eminentissimum D. Cardinalem Archiepiscopum modernum, de Anno Millesimo sexcentesimo septimo, prout tamen in particulis inferendis, ut supra, in dicto Instrumento celebrando; ita quod præsens Concordia, dictarum Visitationum respectu, sit restricta ad dictas particulas dumtaxat, & non ad totas & integras Visitationes, ac reliquum eorum tenorem; etiam si quid amplius ad favorem Archiepiscopi in illis possit contineri; quia sic &c. & non alias &c. omni &c. Oblationes publicæ, & præcipue Altaris Majoris, ad Canonicos spectent: privatas unaquæque Pars in suo latere percipiat: quæ absque alio impedimento aut dubitatione percipientium fiant. Hæreditates, legata, & cæteræ dispositiones factæ ad favorem Ecclesiæ Sancti *Ambrosii* in genere, præterquam supradictas oblationes, quæ hic non comprehendantur, neutri Collegio censeantur acquisitæ; sed debeantur Fabricæ ipsius Ecclesiæ. Claves portarum Ecclesiæ lateralium, tres consuetas teneat Capitulum Canonicorum, inter quas clavis portæ majoris connumeratur; tres alias Monachi, prout hucusque consueverunt. Custodia Altaris aurei ad Capitulum Canonicorum spectet: ejusque claves ab eodem, seu à deputando ab eo, custodiantur. Habeant Canonici curam thesauri dictæ Ecclesiæ, ac sacræ suppellectilis, etiam communis, si quæ &c. & in specie candelabrorum argenteorum. Custodia Sanctissimi Sacramenti, in Altari Majori existentis, ad Capitulum Canonicorum pertineat: quoad illius tam publicam quam privatam expositionem servetur, ut infra. Videlicet, quando exponendum est processionaliter, prout in festivitibus quadraginta horarum, vel similium; fiat alternis vicibus à Capitulo Canonicorum & Monachorum; itaut primus turnus in executionem Concordiæ sit Canonicorum. Clavem igitur Tabernaculi, quando solemnitas fiet per Monachos, durante dumtaxat solemnitate, Monachi per Canonicos traditam custodiant; finita solemnitate, eisdem Canonicis absque mora restituendam. Ubi verò ex privatorum precibus erit exponendum: si recursus piorum erit ad Monachos; teneantur illico Canonici, eisdem Monachis instantibus, Sanctuarium aperire, & ad eandem pariter instantiam claudere. Capitulum Canonicorum semper Altare Majus & Ecclesiam apparari faciat, & ejus sit peculiare. Superstantiarius, à Capitulo Canonicorum juxta consuetum nominandus, pro tempore liberam habens Superstantiariæ ejusdemque introituum administrationem, facta testum & Ecclesiam manutenere debet. In accessu Legatorum, Archiepiscopi, Ecclesiasticarum Personarum, & Principum, ubi recipere opus est ad lanuam majorem; tam Capitulum Canonicorum quam Monachi obviam eant, & ab ambobus Collegiis recipiantur; Abbas tamen & Monachi cuculari incedant; nec obviam eant, nisi præsentem Capitulo Canonicorum. Vicarius, quem vocant, Provisorium cum suo Tribunali, ejusque publicæ oblationes à solo Capitulo Canonicorum excipiantur. Unica Crux, in Ecclesia adoranda Populo die Veneris Majoris Hebdomadæ, ad Altare Majus, nec alibi, exponatur, alternis vicibus ab utroque Collegio; prout in Processione & expositione solemnem Sanctissimi Sacramenti; eodemque turno servato. Eleëmofyna, ejusdem occasione adorationis populi, ministris exponendum pro tempore relinquatur. Adoratio sollemnis ejusdem Crucis juxta solitum fiat in Ecclesia Sancti *Ambrosii* per Monachos tantum: quæ actio intelligatur prorsus ab expositione Crucis separata. Sepulchrum Domini, quod in Majori Hebdomada in qualibet Ecclesia fieri solet, unicum pariter in Ecclesia Sancti *Ambrosii* fiat alternis vicibus à Capitulo Canonicorum & Monachis quolibet anno, servata forma turni, prout in sollemni expositione Sacramenti, & Crucis die Veneris Sancti: Canonici quidem in Navi dexteri lateris, Monachi autem in sinistri. Quando ob supplicationes summo mane faciendas, vel aliud simile impedimentum, binæ Missæ Capitulares celebrari non possunt; Canonici celebrent ad Altare Majus, & Monachi in Cappella Sancti *Satiri*, vel alia versus Monasterium; rogationibus exceptis, quas Litanias vocant. Festivitas Baptismi Sancti *Ambrosii*, in die Sancti *Andree* sollemniter à Capitulo Canonicorum celebretur: Monachi verò eadem die celebrent, prout in aliis festivis diebus ordinariis solent. Canonici & Monachi, quilibet in Labello versus navem sui lateris existenti aquam ad aspergendum populum benedicant. In navi media Ecclesiæ, sive majori, relicto loco medio ad usum sepulchri pro Archiepiscopis *Mediolani*, duo sepulchra fiant: à dextero scilicet pro sepultura Præpositorum & Canonicorum; alterum à sinistro latere ad usum Abbatum & Monachorum: neque alia sepulchra in dicta Navi media fieri aut concedi valeant. Funeralibus Præpositorum & Canonicorum Monachi interveniant: & pariter Abbatum & Monachorum Canonici. Quoad ordinem: quando Præpositi aut Canonici erit funus; Abbas, vel dignior post ipsum, Abbate impedito, in ejus locum Officium celebret Mortuorum; & cadaver deferatur à Monachis ipsis à latere dextero cum Canonicis à sinistro, binis binis procedentibus: cum verò Abbatis vel Monachi funus sit peragendum; observetur ordine converso; Præpositus scilicet, vel, eo impedito, dignior primus ex Capitulo Officium celebret; cadaver à Presbyteris deferatur, Canonicis latus dexterum, & Monachis sinistrum tenentibus, bini bini, prout in funere Canonici, procedant. Circa qualitatem & sumptum funerum, solitum servetur, sicut in hanc usque diem fuit servatum. Quoad sepulturas extraneorum, Laicorum vel Ecclesiasticorum, quilibet in suo latere concedant, & sepeliant. Nullum ducatur in Ecclesiam funus absque interventu Canonicorum. Funeralia cadaverum in media Navi Ecclesiæ fiant. Emolumenta funerum, in quocumque latere sepeliantur mortui, æqualiter inter Capitulum Canonicorum & Monachos dividantur. Officiorum verò integraliter emolumenta sint eorum, in quorum latere celebratur Officium. Capitulum Canonicorum provideat Ecclesiæ de subselliis, mensis, & aliis hujusmodi, ad usum Ecclesiæ communem spectantibus. Dignior locus semper in quacunque functione sit Capituli Canonicorum; excepto tamen casu funeris Præpositi vel Canonicorum in Ecclesia Sancti *Ambrosii*. In recitatione Completorii servetur decretum Sancti *Caroli* in visitatione sub die vigesima septima Februarii, Millesimi quingentesimi septuagesimi octavi. Organum, Pulpitum, seu vulgo Lettorino, utrique Collegio, Canonicorum scilicet & Monachorum, tam quoad usum, quam quoad reparationes, quamvis in diversis lateribus reperiantur, sint communia. Pollutâ Ecclesiâ, si quando contigerit; facultas reconciliandi ab Illustrissimo Archiepiscopo impetretur; eoque nolente per seipsum, alternis vicibus à Præposito Ecclesiæ & Abbate Monachorum reconcilietur; itaut primus turnus sit Præpositi. Teneatur Cimiliarcha absque ulla contradictione utrique Collegio necessaria, communia tamen, pro servitio Divinorum tradere. Reditus superstantiariæ, in ornatum, reparationem & alios necessarios usus Ecclesiæ erogandi, diligenter per Canonicos eorumque Cimiliarcham ministrentur. In sollemnibus Ecclesiam decenter ornari pro utroque Collegio

DIPLOMA CONCORDIÆ.

gio curet, & ornatam pariter in pristinum redigi: idque etiam pro Missis prima vice, tam à Canonicis quam à Monachis, sive Præpositis, aut Abbatibus pro tempore: item in funeribus eorumdem, seu aliarum Illustrum personarum; expensis tamen Monachorum, ubi ad eorum instantiam fiat. Benedictio solemnis Cerei Paschalis librarum sexaginta in die Sabbathi Sancti alternis vicibus per Capitulum Canonicorum & Collegium Monachorum fiat; itaut illud, ad quod spectabit onus sacræ functionis, expensas Cerei faciat; & quod remanebit, finito usu, retineat. Ordo Benedictionis antedictæ sit, ut à Collegio celebrante Missam Sabbathi Sancti fiat. Ad postulationem Abbatis, Canonici, seu ab eis deputandi, Altare aureum in adventu Illustrum Personarum ostendant. Casterum doloris, quod vulgo Tomba vocant, & candelabra pro eodem servitio destinata, servantur in loco solito subtus Organum, ad usum communem utriusque Collegii. Possint Monachi diebus festivis Sanctorum particularium Cappellas in suo latere existentes, in eorumdem Sanctorum honorem erectas, arbitrio suo tam intus quam foris, una cum columnis è regione Cappellæ existentibus, in honorem festivitatum eorumdem ornare. Ut commodius Officiis Divinis Monachi incumbere possint, Capitulum Canonicorum, in gratiam Eminentissimorum Dominorum Cardinalium *Ubalini & Trivultii*, concedit clavem unam eisdem Monachis tenendam perpetuo, donec præsens Concordia durabit, qua Cancelli ferreos Altaris majoris aperire possint; his tamen adjectis conditionibus, & non aliter &c. quod ab Abbate dicti Monasterii Monachus eligatur, cui dicta clavis consignetur; qui tamen cavere debet, ne cancelli aperti remaneant extra horas Divinorum Officiorum: ulterius, ut custodiæ Altaris quanto minus fieri potest præjudicetur, quotiescumque aperiri contigerit Altare aureum, idque apertum remanere, teneatur dictus Monachus hora præambula, ad monitionem simplicem Superstantiarum Canonicorum, dictam Clavem ei consignare, ab eo tenendam, donec dictum Altare aureum apertum remanebit; eo tamen statim clauso, superstantarius eandem clavem reddat Monachò sic, ut supra, deputato. In festivitatis Sanctorum juxta stylum Calendarii Monastici *Ambrosiani* (quæ tamen in diebus festivis ex communi præcepto contigerint) si apparatus ad usum Canonicorum, Monachorum festivitati non respondebit; teneantur Canonici statim, eorum Divinis peractis, proportionabiliter Pallium Altaris majoris, & conopeum Ciborii immutare. Idem particulariter fiat in festo Sancti *Benedicti*; etiam si in die non festivo communi occurrat. Abbas pro suo arbitrio propria Monachorum candelabra argentea, & Sanctorum Reliquias in suis vasis existentes, ad ampliorem Altaris majoris ornatum (candelabris tamen argenteis communibus non amotis) exponere valeat. Lampades, numero undecim, circa Altare majus, pro Sanctissimo Sacramento supra idem existente, quinque ad Capitulum Canonicorum, quinque ad Monachos, & una ad Societatem, quam vocant Scuroli, spectant: & eorum manutentio ad singulos proportionabiliter pertineat. Clavis Confessionis, seu Scuroli, cuique Collegio consignetur, ad usum communem. Altare privilegiatum pro Defunctis Fidelibus, à Sanctissimo D. N. in Scurolo impetrandum, ad usum utriusque Collegii, tam Canonicorum quam Monachorum, petatur: cum generali pariter prohibitione, ne quicquam per Confratres dicti Scuroli, neque pro Missarum celebratione, aut sub alio quovis prætextu, nomine eleemosynarum à quoquam percipiatur. Quoad eleemosynas pro Missis Mortuorum ibidem celebrandis, nullus in dicta Ecclesia aut Scurolo ad hunc effectum deputetur, aut pro eisdem recipiendis à Fidelibus assistat; sed utrumque Collegium in sua Sacristia à sponte consignantibus recipiat. Ne ulla confusio quoad modum celebrandi in Scurolo gignatur, modus infra dicendus servetur. Quotidianæ, & ex perpetuis obligationibus hinc inde celebrandæ, statutis diebus juxta præcisam formam obligationis & consueti celebrentur. Extraordinariæ, quæ dietim occurrunt pro defunctis, alternis diebus ab utroque Collegio adimpleantur. Quilibet è sua Sacristia externos Sacerdotes ad Altare privilegiatum dirigere possit, discreto tamen modo, ita ut alter ab altero non impediatur: quod a prudentia hinc inde utenda speratur. Clavis Organi utrique Collegio consignetur, ita ut quilibet pro suo arbitrio & usu ex se aperire possit; & Organista, quodcumque pro servitio utriusque sit paratus. In solemni Processione Corporis *Christi*, & Rogationum ad Ritus *Ambrosianum*, quilibet in suo latere Ecclesiam in Navi majori viridibus frondibus & similibus ornet. Lampades alique luminaria Sanctorum Imaginibus, tam in Navi majori quam minori è suo latere existentibus Monachi absque contradictione accendant. Antiphona, SUB TUUM PRÆSIDIUM, per Monachos processionaliter diebus festivis procedendo per Navem Canonicorum, & inde per medium Ecclesiæ, ad eorum libitum, cantari possit. Item eodem modo in festivitatis Purificationis, Olivarum, & Dedicationis Ecclesiæ, egredi à janua laterali Canonicorum, procedere per Cortinam, & Portam majorem ingredi eisdem liceat; quemadmodum à Capitulo Canonicorum viceversa fieri solet. In Vigiliis Sancti *Ambrosii* ac Sanctorum *Gervasii & Protasii*, Abbas celebrans cum Monachis ad Altare Sancti *Michaëlis*, à latere Canonicorum existens, antelatis Insignibus Abbatialibus procedat, ibique pro solita statione immoretur: & inde discedens, Portamque majorem Ecclesiæ egrediens, per plateam proximam ad Ecclesiam Divi *Francisci* pergat: redeundo, per portam Canonicalem ingrediatur Ecclesiam Sancti *Ambrosii*: & omnes easdem Ecclesiasticas cæremonias, præcedenti die per Capitulum Canonicorum factas, ipse Abbas cum suis proportionabiliter adimpleat. Monachi in suo latere subsellia ad usum Confessionariorum, quæ vulgo Confessionalia nuncupantur, habeant; quæ tamen sint conformia cum aliis à latere Canonicorum existentibus. Finito munere in medio Ecclesiæ cum assistentia Cleri Sæcularis, secundum determinationem superius factam, eorum, qui debent sepeliri in latere Monachorum, possint Monachi absque ullo interventu ejusdem Cleri asportare cadavera ad sepulturam destinatam propria auctoritate. Cerei, seu candelæ, quæ solent sustineri per binos Angelos hinc & hinc super Altari majori existentes, & per Canonicos celebrantes solent accendi, eodem modo per Monachos celebrantes, propriis tamen sumptibus, apponantur, & accendantur. Monachos, Religionem *Cisterciensem* ingredientibus, Abbas ad Altare majus novis vestibus pro libitu induat: ibique Professionem suorum Monachorum & Equitum sui Ordinis recipiat. Officia Mortuorum etiam cum solitis ornamentis ab utroque Collegio in medio Ecclesiæ juxta solitum fiant. Ubi Corpora, vel Reliquiæ Sanctorum, vel alii Thesauri, in Ecclesia Sancti *Ambrosii* reperiuntur: si in Navi majori; libere Archiepiscopi dispositioni remaneant; si vero in latere dextero; Collegio Canonicorum; sicuti in latere sinistro Monachorum Collegio cedant: non tamen Corpora vel Reliquiæ Sanctorum ex eadem Navi, seu latere, extrahantur; sed in eo, vel ea, debita veneratione servantur: ea tamen inquirere nemini liceat absque expressa Archiepiscopi licentia. In Ecclesia Sancti *Ambrosii* non intelligantur comprehensæ Ecclesia Sancti *Sigismundi* ac Cappellæ Sancti *Satyri* & Sancti *Joannis*. Item ad tollendas dissensiones ac lites, quæ hactenus versæ fuerunt ac vertuntur inter D. Archiepiscopum ac duo Collegia Canonicorum & Monachorum, super pertinentia domini Ecclesiæ Sancti *Ambrosii Mediolanensis*; eadem

DIPLOMA CONCORDIÆ.

dem Collegia ex causa prædicta, & pro bono pacis, ut, evulsa radice communis controversiæ, cum Divini Cultus augmento quiete ac libere fruantur in posterum omni commodo dictæ Ecclesiæ, cesserunt ac cedunt D. Archiepiscopo *Mediolani* pro tempore dominum ejusdem Ecclesiæ, quod ambo prætendunt habere; ea tamen conditione ac lege, & non alias; ut debeat perpetuo penes eum residere, nec ipse possit ullo unquam tempore illud, vel aliquam illius partem, aut majorem commoditatem quam de præsentī habent, eis, aut eorum alteri, seu aliis quibuscumque cedere, aut quod illud habeant consentire; quodque deinceps D. Archiepiscopus vigore dictæ Cessionis sic, ut supra, factæ nihil amplius quavis auctoritate, titulo, aut jure, etiam si indigerent speciali mentione, in dicta Ecclesia contra & in præjudicium utriusque Collegii, eorumque personas, fructus, redditus, proventus, & emolumenta, tam conjunctim quam divisim, facere, seu prætere prætere possit, quam usque in præsentem diem appareat habuisse, & fecisse respectu utriusque Collegii, singula singulis congrue referendo, vel circumscripta præsentī Cessione de jure prius habere & facere quavis auctoritate titulo & jure potuisset & posset; & quod etiam hujusmodi Cessio in quieto ac libero usque ipsius Ecclesiæ ac etiam in aliis concordatis nullatenus præjudicet, nec contra eorum usum & utilem substantiam aut exercitium quomodolibet ex qualitercumque possit allegari; alias quælibet contraria prætensio, & quilibet actus in contrarium attentatus, sint ipso jure nulla, non solum præmissis, sed etiam omni alio meliori modo. Hujus Concordiæ intuitu liti fabricæ Monasterii Monachorum Sancti *Ambrosii Mediolanensis* finis pertuo imponatur: neminique liceat prætere demolationem fabricæ hætenus factæ, & in futurum faciendæ; teneantur tamen Abbas & Monachi providere, ne ex hujusmodi fabrica, tam facta quam fienda, inferatur præjudicium Ecclesiæ Sancti *Ambrosii*; videlicet altius eam tollendo versus dictam Ecclesiam ultra summam, in qua reperitur de præsentī; vel eidem magis appropinquando dictam fabricam; & præcipue, ne ex aqua pluvia murus Ecclesiæ è latere Monasterii labefactetur, construendo Gloacam, per quam illa recipiatur, & ducatur extra. Et quia nonnullæ Cappellæ dictæ Ecclesiæ versus Monasterium, occasione luminis ampliandi, nuper fuerunt ab antiqua earum forma deformatæ; Abbatis & Monachorum expensis in priorem formam reducantur; quatenus ita videatur Eminentissimo & Reverendissimo Domino Cardinali *Borromæo*, moderno Archiepiscopo, & non alteri ejus successori. Tandem, ne in posterum aliquid in dicta Ecclesia innovetur, per quod fabricæ uniformitas deturpetur; convenerunt, nihil aut restorationis aut novæ reedificationis prætextu in eadem fieri, nisi accedente expresso consensu Illustrissimi Domini Archiepiscopi, Præpositi Ecclesiæ & duorum Canonorum per suum Capitulum deputandorum, nec non Abbatis ejusdem Ecclesiæ & duorum Monachorum de corpore Monasterii Sancti *Ambrosii* per Monachos eligendorum; ita ut saltem duæ partes ex tribus consentiant; & non alias &c. salva tamen Superstantiaria cum suis concordatis; & quoad expensas, hæc ubi à Fidelibus non subministrantur, & ubi non adsint redditus vel proventus ad hunc effectum destinati, qui sufficiant in subsidium, Abbas & Monachi non possint adstringi ad contribuendum ultra tertiam partem. **ATTENTIS OMNIBUS SUPRADICTIS CONCORDATIS, VOLUERUNT AC VOLUNT, TAM ILLUSTRISSIMUS DOMINUS ARCHIEPISCOPUS, QUAM DUO COLLEGIA, QUOD OMNES CONTROVERSIAE ET QUÆCUMQUE LITES CENSEANTUR ET SINT OMNINO EXTINGUÆ SUPER DOMINIO QUOMODOLIBET PRÆTENSO, TAM PER DOMINUM ARCHIEPISCOPUM, QUAM PER UTRUMQUE COLLEGIUM: ET PERPETUUM SILENTIUM QUOAD OMNES DESUPER IMPOSITUM &c.** Nos, quibus deinde & eidem *Francisco* Cardinali facta fuit postmodum per eosdem *Robertum & Theodorum* Cardinales de præmissis omnibus relatio, inviolabili Concordiæ, sive Transactionis, omniumque & singulorum Capitulorum præinsertorum observationi, quantum Nobis ex alto conceditur, providere volentes; motu proprio & ex certa scientia ac matura deliberatione nostris, deque Apostolicæ potestatis plenitudine, Concordiam, sive Transactionem hujusmodi, omniaque & singula Capitula præinserta hujusmodi cum omnibus & singulis in eis contentis, tenore præsentium perpetuo approbamus & confirmamus; illisque omnibus & singulis perpetuæ & inviolabilis firmitatis vim & robur adjicimus; ac omnes & singulos non modo consensus omnium & singulorum in præmissis interesse habentium, seu habere prætendentium, sed solemnitatum etiam substantialium, & a quibusvis statutis legibus & consuetudinibus aut alias quomodolibet & ex quacumque causa requisitarum, & forsan omissarum, nec non quoscumque alios tam juris quam facti, & quoslibet alios defectus cogitados vel incogitados, si qui principaliter vel accessorie aut alias quomodolibet intervenerint in eisdem, etiam si de illis, ad hoc ut suppleri & sanari possint, specialis specifica & expressa mentio habenda esset, quam tamen pro habita & facta haberi volumus, plenissime supplemus; eosdemque omnes & singulos defectus à Concordia seu Transactione & præinsertis Capitulis hujusmodi ex nunc tollimus, abrogamus, & amovemus. Nec non Concordiam, seu Transactionem, ac Capitula præinserta hujusmodi, omniaque & singula in illis quomodolibet contenta, ab omnibus & singulis, ad quos nunc quomodolibet spectat & pro tempore spectabit, inviolabiliter observari; eaque omnia & singula suum plenarium effectum executionem & observantiam fortiri debere volumus & mandamus in omnibus & per omnia, perinde ac si cum omnibus & singulis solemnitatibus, ac aliis etiam substantialibus, de Jure, privilegio etiam Apostolico, etiam in corpore Juris clauso, stilo & consuetudine etiam immemorabili, vel alias quomodolibet, etiam ex Constitutionum Apostolicarum, vel Statutorum etiam juratorum, aut alias quomodolibet requisitis, ac aliis servandis plene servatis, facta gesta conventa & celebrata forent. Decernentes, Concordiam, seu Transactionem, ac præinserta Capitula, præsentisque Litteras, & in eis contenta quacumque, etiam ex eo, quod quicumque in præmissis interesse habentes, aut habere prætendentes, eis nullatenus consenserint, nec ad ea vocati citati & auditi, minusque causæ, propter quas eadem præsentis emanarint, sufficienter adductæ, verificatæ, vel alias justificatæ fuerint, ullo unquam tempore de subreptionis, vel obreptionis, nullitatis, aut invaliditatis, seu intentionis nostræ, vel alio quovis defectu, etiam quantumvis magno, maximo, & incogitato, sive etiam ex eo quod in eisdem præmissis, seu eorum aliquo, solemnitates & quævis alia servanda & adimpleta non fuerint, aut ex quovis alio, etiam à Jure vel facto aut Statuto seu consuetudine aliqua resultante, seu etiam enormis & enormissimæ ac in totum læsionis, sive alio capite, etiam in corpore Juris clauso, aut occasione vel causa etiam quantumvis iusta rationabili & privilegiata, etiam tali, quæ ad effectum validitatis præmissorum necessario exprimenda foret, aut quod de voluntate nostra hujusmodi nihil ullibi appareret, seu aliter probari posset, notari, impugnari, invalidari, retractari, in jus vel controversiam revocari, aut ad terminos Juris reduci, vel adversus illas restitutionis in integrum, apertionis oris,

redu-

DIPLOMA CONCORDIÆ.

reductionis ad viam & terminos juris, aut aliud quodcumque juris facti vel gratiæ remedium impetrari, seu etiam motu scientia & potestatis plenitudine similibus concedi, aut sic impetrato vel concessio quempiam uti, seu se juvare in judicio vel extra posse, neque ipsas præsentēs, & in eis contenta prædicta sub quibuscumque generalibus vel specialibus, etiam per viam legis, aut alias etiam Motu proprio, ac etiam consistorialiter etiam per Nos & Successores nostros ex quacumque causa, quantumlibet favorabili & juridica, editis & edendis regulis, constitutionibus, revocationibus, suspensionibus, limitationibus, & modificationibus, aliisque quibuslibet contrariis dispositionibus comprehendere, sed semper ab illis libera & exempta, & sub posteriori data per quemlibet ipsorum eligenda, concessa, & adversus quascumque impugnationes & impedimenta, valida firma ac efficacia esse & fore, sicque, & non aliter, per quoscumque Judices ordinarios, Commissarios, & causarum Palatii Apostolici Auditores, ac S. R. E. Cardinales, etiam de Latere Legatos, quavis auctoritate & potestate fungentes, in quavis causa & instantia, sublata eis & eorum cuilibet quavis aliter iudicandi & interpretandi facultate & auctoritate, ubique judicari & diffiniri debere, ac irritum & inane, si secus super his à quoquam quavis auctoritate scienter vel ignoranter contigerit attentari. Non obstantibus quibusvis Constitutionibus & Ordinationibus Apostolicis, ac Ecclesiæ, & Ordinis, seu Congregationis hujusmodi, etiam juramento confirmatione Apostolica vel quavis firmitate alia roboratis statutis, usibusque, & naturis, styli, & consuetudinibus etiam immemorabilibus, Privilegiis quoque Indultis & Litteris Apostolicis, etiam in corpore Juris clausis, per Nos, seu quoscumque Romanos Pontifices prædecessores nostros, etiam Motu proprio & consistorialiter, sub quibuscumque tenoribus & formis, ac cum quibusvis etiam derogatoriis derogatoriis, aliisque efficacioribus & insolitis clausulis, ac irritantibus, & aliis decretis in contrarium quomodolibet concessis, confirmatis, approbatis, & sæpius innovatis. Quibus omnibus, etiam si pro illorum sufficienti derogatione de illis eorumque totis tenoribus specialis specifica expressa & individua ac de verbo ad verbum, non autem per clausulas generales idem importantes, mentio seu quævis alia expressio habenda, aut aliqua alia exquisita forma ad hoc servanda foret, tenore hujusmodi, ac si de verbo ad verbum infererentur, præsentibus pro plene & sufficienter expressis & ad verbum insertis habentes, illis ad verbum permanens, hac vice dumtaxat specialiter & expresse derogamus, cæterisque contrariis alias in suo robore permanentibus, hac vice dumtaxat specialiter & expresse derogamus, cæterisque contrariis quibuscumque. Datum Romæ apud Sanctam Mariam Majorem sub Annulo Piscatoris die septimo Decembris, Millesimo sexcentesimo trigésimo, Pontificatus Nostri Anno Octavo.

M. A. MARALDUS.

INDEX CHRONOLOGICUS NUMERORUM CAPITALIUM.

Anno
Chri-
sti.

337.

397.

710.

714.

740.

774.

776.

781.



Sanctus Ambrosius quatuor Basilicas Mediolani ædificat; sed ex his unam studiotam proprio Ambrosianam, ut eam sui cognominem in in ore famæ ab ipso initio relinquat. Pag. 1. A

II. Divinitus inventis Sanctorum Protasii ac Gervasii Martyrum Corporibus, Basilicam istam iis dedicat: eademque Corpora solemniter huc transfert, atque sub Altari tumulat. 1. D

III. Moritur Sanctus Ambrosius: & ibidem, sicut optaverat, contumelatur. 2. C

IV. Quale ab initio fuerit hujus Basilicæ regimen. 3. C

V. An ea, vivente Ambrosio, Cathedralis ac Metropolitana extiterit. 3. E

VI. Talisne illa fuerit post Ambrosii obitum. 5. B

VII. Perhonorificus huic Basilicæ præsidebat Custos. Sancti Augustini Corpus è Sardinia Papiam translatum. 5. C

VIII. Aunemondus Diaconus, ejus Custos: ejusdemque Basilicæ Cellula. 5. F

IX. Devictis Longobardis, Carolus Magnus in Regnum Italiæ succedit. 6. C

X. Reverendissimus Diaconus Fortes, Ambrosianæ Cellule Custos, & Ecclesiæ Sancti Ambrosii, ubi ejus sanctum Corpus quiescit in pace. 6. D

XI. Idem Fortes, Cellule Custos & Ecclesiæ Sancti Ambrosii, ubi ejus sanctum Corpus quiescit in pace. 6. E

XII. Pipinus, Caroli, Magni filius, in Regem Italiæ coronatur. 7. C

XIII. Petrus Oldradus, Mediolani Archiepiscopus, & Ambrosiani Monasterii Fundator. 7. E

XIV. Benedictus, primus Abbas Monasterii & Ecclesiæ Sancti Ambrosii, in qua ejus Corpus requiescit. 8. A

XV. Quandonam Petrus creatus fuerit Archiepiscopus, Benedictus vero Abbas. 8. E

XVI. Petrus Archiepiscopus Concessionem Monasterii, antehac à se factam, confirmat Privilegio. 9. B

XVII. Privilegium ipsum, ejusmodi datum Monasterio juxta Ecclesiam Sancti Christi Confessoris Ambrosii, in ejus honore & Sanctorum Martyrum Protasii & Gervasii, ubi eorum sacra Corpora venerabiliter requiescunt, conditam. 9. D

XVIII. Cella Sancti Ambrosii vere differens ab ipsius Ecclesia & Basilica. 11. F

XIX. An ejusmodi Cella illic fuerit, ubi nunc Sancti Satyri Cappella: & an ipsius Sancti Corpus vere ibi requiescat. Eadem Cappella forte olim Polyandrium Philippi fuit, vel etiam Basilica Faustæ: certe quidem Sancti Victoris ad Cælum Aureum Ecclesia fuit. Martyris ad lævam (Victoris) sepultus est Satyrus; sicut etiam ejusdem Martyris ad frontem inclita Virgo Manlia Dædalia. Octuagesimo autem septimo, non autem octuagesimo tertio, supra Trecentimum Christi Anno ille obiit: sic etiam Sancta Marcellina Mediolani mortua est, non autem Romæ. In his enim duobus nos à Baronio dissentimus. 12. C

XX. Cella hæc fortasse illic potius, ubi nunc Chorus est & Odeum. 27. F

Anno
Chri-
sti.
784.

790.

XXI.

INDEX CHRONOLOGICUS

- A. C. XXI. Cur ejusmodi Basilicam Petrus Archiepiscopus appellaverit constructam in honorem Sancti quoque Ambrosii. De Camera illa, è qua olim cecidit tabula, quæ Sanctorum Protasii & Gervasii subtus jacentium capitibus illisa, multum inde sanguinis elicit. 30. B
- XXII. Quantum juris & potestatis in hanc Basilicam & Cellam Petrus Archiepiscopus Monachis huc ascitis concesserit. 31. E
- XXIII. Dathæus, Metropolitanæ Archipresbyter, Xenodochii hac in Urbe pro expositis infantulis Fundator. 32. C
791. XXIV. Carolus Magnus è Petri Archiepiscopi voluntate confirmat Cænobium ab ipso institutum juxta Corpora Sanctorum Martyrum Protasii & Gervasii, seu ipsius Beatissimi Confessoris Christi, Ambrosii. 32. D
- XXV. Petrus hic, quam insignis Archiepiscopus. 33. F
- XXVI. Quam diu ille Archiepiscopalem hanc tenuerit Sedem. 34. C
- XXVII. In hac ille Basilica tumulatus; sicut & alii nonnulli ejus Antecessores. 34. F
- XXVIII. Caroli Magni & Petri Oldradi effigies. 35. E
806. XXIX. Petro Archiepiscopo suffectus Oldepertus, Arigaulo, in Benedicti loco creato Abbati Monasterii Sancti Ambrosii, ubi ejus & Beatissimorum Martyrum Christi, Protasii & Gervasii Corpora quiescunt, Oratorium donat Sancti Vincentii in Prata. 35. F
- XXX. Quisnam hic Oldepertus, & quando Archiepiscopatum tenuerit. 36. F
- XXXI. Quis item Arigausus Abbas, & quodnam illud Sancti Vincentii Oratorium. Jam tum ibi fuisse Monasterium, nos negamus. 37. C
- XXXII. Oldepertus Archiepiscopus, in hac Basilica sepultus. 38. A
813. XXXIII. Bernardus, Caroli Magni nepos, in Italia Regem coronatus Modoëtiæ. 38. C
814. XXXIV. Carolus Magnus sancte moritur, ac pro Sancto cultus. 38. E
817. XXXV. Bernardus Italiae Rex in Ludovicum Pium Imperatorem conjurat. 39. F
818. XXXVI. De eadem conjuratione: cujus quidem comes illi fuit Anselmus etiam noster Archiepiscopus. 40. E
- XXXVII. Bernardus Rex in conjurationis pœnam privatus oculis, ac tertio deinde die ob merorem defunctus: Anselmus verò noster Archiepiscopatu privatur, ac Monasterio mancipatur. 41. C
- XXXVIII. Bernardi Regis cadaver ope Anselmi Archiepiscopi Mediolanum affertur, & ad hanc sepelitur Basilicam. 42. A
- XXXIX. Ejus sepulchrum quandonam postea fuerit erutum ex aggesta humo, & ubi nunc tandem collocatum. 42. D
- XL. Duo ibi per nos inspecta cadavera: scilicet Bernardi Regis unum, alterum verò creditum Anselmi Archiepiscopi. Quenam ipsorum symbola & indumenta. 42. F
821. XLI. Tameis Anselmus ab Imperatore privatus fuisset Archiepiscopatu; nemo tamen ipsi superstiti suffectus est; quinetiam reconciliatus ipse postea Imperatori, Lotharium ejus filium Modoëtiæ coronavit. Certe autem ipse pariter ad hanc Basilicam sepultus est. 43. F
822. XLII. Anselmo Archiepiscopo succedit Bonus, sive Donus. Is per Nobiles Consaloneros collocatus in Sede. Denique verò mortuus, in hac Basilica tumulo datur. 45. D
823. XLIII. Archiepiscopus subsequitur Angilbertus Primus: & hic, tamquam è perenni jam ritu, ad hanc venit Basilicam prius, quam in Metropolitana Sedem capebat. Hic Metropolitanæ Archipresbyterum præficit huic Monasterio Abbatem: ejusdemque Monasterii nova Privilegia confirmat. 46. B
- XLIV. Angilbertus alter, idemque Pufferla, superior Archiepiscopo succedit. Cumque aureum Altare ob amorem Sancti Ambrosii condidisset in hac Basilica, novumque Abbatem, Gaudentium, præficeret huic Monasterio ejusdem Beatissimi Ambrosii, Christi Confessoris, ubi ejus humatum Corpus quiescit; hoc ipsum Altare illi Abbati ejusque Successoribus publico Diplomate, hic adjecto, in tutelam & potestatem tradit. 46. F
- XLV. Summa omnium ejusdem Diplomatis capitum. 48. B
- XLVI. De illius Diplomatis Indictione, deque varia Indictionum supputatione. 48. D
- XLVII. E quonam Sancti Vincentii Monasterio Gaudentius ad regimen hujus Ambrosiani fuerit transfatus. 50. A
- XLVIII. Quæ dicenda nobis supersint de Altari hoc aureo. 50. E
- XLIX. Quonam miraculo Sancti Martyres Protasius ac Gervasius suo in tumulto medium sibi Sanctum Ambrosium exceperint: & cujus miraculi alterius occasione Angilbertus aureum Altare supra tumultum ipsum condiderit. 50. F
- L. Sequitur de miraculi ejusdem occasione: simul etiam de solempni olim Processione per Archiepiscopum celebrari solita in Dominica Palmarum à Basilica Laurentiana ad Ambrosianam. 52. B
- LI. De eodem argumento. 52. E
- LII. De eodem argumento: sed insuper, quemadmodum Archiepiscopus, ad Portam Ticinensem ab Ambrosianis Abbate ac Monachis exceptus, inde ad Basilicam istam deduceretur. 54. B
- LIII. Laurentiana Basilica olim erat extra Muros Urbis ac Ticinensis Portæ. 55. B
- LIV. Ubinam leprosum Archiepiscopus ablueret in Dominica Palmarum. 55. E
- LV. Fortasse autem obliebat in memoriam leprosi, quem Divina ope Sanctus olim Ambrosius mundavit. 56. A
- LVI. Quamdiu duraverit ea consuetudo, ut Archiepiscopus in Dominica Palmarum Palmas Oleasque distribueret in Laurentiana Basilica, indeque ad Ambrosianam procederet. 56. E
- LVII. Aureum ipsum describitur Altare. 56. F
- LVIII. An post conditum ejusmodi Altare daretur aliquis ingressus ad sacra sub ipso Corpora veneranda, vel etiam conspicienda. Datum probamus exemplo Sancti Bernardi Cardinalis & Episcopi Parmensis: qui circiter Annum Christi 1130. illuc est admissus; at non sine insigni miraculo; cujus fortasse monitu ingressus ille postea fuerit occlusus. 57. F
- LIX. Sacra igitur ibi jacebant Corpora. Sed qualis eorum Arcæ situs? 59. C
- LX. Lotharius Imperator, rogatu Hirmingardis uxoris suæ, Limontam huic Monasterio legat. 59. D
- LXI. De ipsius nuptiis cum Hirmingarde: deque Hirmingardis fratre Hugone hic sepulto, in cujus suffragium Limonta Monasterio legata. 60. E
- LXII. De Tribuna, aureo Altari superstructa: deque præsentis Odæi veteri opere musivo. Gaudentius Abbas extitisse videtur auctor. 61. A
- LXIII. Quæ de singulis Tribune partibus, earumque symbolis dicenda sint. 61. F
- LXIV. De quatuor porphyreticis Tribune columnis. 62. B
- LXV. De Tribune fronte: quæ Christum præfert in medio sedentem, Apostolos verò Paulum ipsi à dextris Petrum verò à sinistris adstantes. 62. C
- LXVI. Quas ob causas ita consueverit Antiquitas, nonnulli nominantur Doctores. 63. A
- LXVII. Causæ ipsæ proferuntur. 63. B
- LXVIII. Aliæ item causæ, quæ magis proprie ad universam Mediolani Ecclesiam & ad hanc Basilicam pertinent. LXIX.

N U M E R O R U M C A P I T A L I U M .

- A. C. LXIX. *An sinistrum latus apud Antiquos pro digniori habitum.* 65. B
- LXX. *De Tribuna tergo.* 65. E
- LXXI. *De latere Tribuna dextero: in quo Sanctus extat Archiepiscopus, & coronatus.* 65. E
- LXXII. *De sinistro Tribuna latere, tribusque faeminis in eo expressis.* 66. A
- LXXIII. *Circumjectum Altari pavementum & ad custodiam praefidia describuntur. Tum quatuor ex aere Tabulae Tribunam omniquaque representant.* 66. C
- LXXIV. *Quandonam ibi collocatae quatuor ex porphyreticae columnae. Sequitur inde Tabula ex aere impressa, qua Chori musivum indicatur.* 67. C
- LXXV. *Basilicam Faustae ibi olim sitam fuisse ostendimus, ubi nunc Sancti Satyri appellatur.* 68. C
- LXXVI. *Aliorum sententia de Basilica Faustae situ illic, ubi erat Sancti Vitalis.* 69. A
- LXXVII. *Idem situs e Carolo a Basilica Petri descriptus.* 70. A
- LXXVIII. *Quemnam exitum ea Sancti Vitalis Ecclesia tandem habuerit.* 70. D
- LXXIX. *Nostram rursus opinionem confirmamus de situ, quem Basilica Faustae habuerit.* 72. A
- LXXX. *An Basilica Fausta denominata sic fuerit ex uno Philippi filio; an potius filia, sicuti nos potius opinamur.* 72. B
- LXXXI. *Contraria opinio a nobis in dubium revocatur.* 73. A
- LXXXII. *Civitas nostra olim Mediolanium appellata. De figura Sancti Ambrosii accumbentis Altari velut in modum dormientis.* 74. B
- LXXXIII. *Sanctum Ambrosium (& quidem nostrum) interim funeri Sancti Martini Turonensis Episcopi affuisse denotarunt.* 74. D
- LXXXIV. *Quale describatur hoc miraculum, quamque sit etiam testatum.* 75. A
- LXXXV. *Cur tamen Cardinalis Baronius illi sese opposuerit; quamque nihilominus aliter senserit Federicus Cardinalis & Archiepiscopus noster Borromaeus.* 76. D
- LXXXVI. LXXXVII. *Francisci Stavoli e Societate Jesu iudicium, Cardinali Baronio adversum.* 77. C. D
- LXXXVIII. *Sic etiam Antonii Caraccioli ex Ordine Clericorum Regularium, quos communiter Theatinos appellamus.* 79. A
- LXXXIX. *Ejusmodi miraculum Caracciolo visum possibile, quin etiam tale, de quo dubitari non possit.* 79. C
- XC. *De ipso tamen, sicuti per Caracciolum explicatur, a gravibus etiam nonnullis Doctoribus dubitatum videtur. Quid nos hac nobis in parte deposcamus.* 80. A
- XCI. *Ambrosiano huic miraculo alia duo similia, nempe Sanctorum Nicolai Myrensis Episcopi, & Joannis Monachi.* 80. C
- XCII. *Simile item aliud, Sancti Severi, Ravennatis Episcopi.* 81. A
- XCIII. *Simile itidem aliud, Sancti Antonii Patavini.* 81. D
- XCIV. *Insinuantur aliquot argumenta Caraccioli contra Baronium.* 82. B
- XCV. *Quomodo indutus aliter, quam Mediolani, Sanctus Ambrosius Turonis apparuerit.* 83. A
- XCVI. *De duabus Aviculis, obrutu ad invicem conversis, in eodem Odæo pictis.* 83. D
- XCVII. *De Christi effigie, cui Protasius a dextris, Gervasius a sinistris adstant. Cur Ambrosiana Ecclesia primatum illi, Romana vero potius isti ad iudicasse videatur.* 83. E
- XCVIII. *De imaginibus Sanctorum Satyri, Marcellinae, ac Iustinae. Marcellinae pariter Epitaphium.* 84. F
- XCIX. *De imaginibus Comprovincialium Episcoporum.* 85. E
- C. *Quemnam inter se ordinem illi servarent, in Concilio Provinciali sedentes.* 86. A
- CI. *Quibusnam usibus Archiepiscopalis ibi Sedes marmorea deserviret. De Corona ferrea privilegio a Mediolanensibus ad Ticinenses translato, deinde autem Mediolanensibus restituto. De Corona ipsa Ferrea: quam fortasse ipsemet potius Sanctus Ambrosius Mediolanum attulerit.* 86. C
- CII. *Quibusnam ceremoniis antiquitus in Ambrosiana ista Basilica coronarentur Italiae Reges.* 87. F
- CIII. *Quali superstitione mulieres praegnantibus Archiepiscopali cuperent ei Sedi semel insidere.* 88. E
- CIV. *Privilegium rogatu Angilberti Archiepiscopi ab Imperatore Lothario concessum huic Ambrosiano Monasterio & Basilicae, ubi Confessor Dei Ambrosius corpore humatus requiescit.* 88. F
- CV. *Est autem Confirmatio Privilegii, quod Angilbertus ipse Archiepiscopus concesserat. Cur in eotamen plura jam numerentur Monasterii praedia.* 89. E
- CVI. *Idem Lotharius Imperator, Uxoris suae rogatu, eidem Monasterio Limontam confirmat, ad concinnanda luminaria in Basilica Beati confessoris Christi Ambrosii, ubi ipse corpore humatus quiescit.* 90. A
- CVII. *De Limonta, Campilliono, & Civenna: deque Abbatis hujus Ambrosiani super iis jurisdictione, tam Ecclesiastica, quam Politica.* 91. A
- CVIII. *Lotharius Ludovicum filium in Italiam cum Exercitu mittit ornatissimo. An hic Regiam solummodo, vel etiam Imperialem Coronam acceperit.* 91. E
- CIX. *Utrum Angilbertus Archiepiscopus ab Ecclesia Romana desciverit, auctorque fuerit Schismatis, quod annos circiter ducentos in Ecclesia Mediolanensi perduravit. Affirmativa nonnullorum sententia.* 92. E
- CX. *Ejusmodi Schisma nos contendimus esse vanissimum figmentum: idque tam in Angilberto ipso, quam in Thadone atque Ansperto, illius immediatis successoribus, commonstramus.* 93. C
- CXI. *Andreas hujus Monasterii Abbas.* 95. E
- CXII. *Lotharius, abdicato a se Imperio, Monachus ac denique Sanctus evadit.* 95. E
- CXIII. *Petrus in hujus Monasterii Abbatem successus.* 95. F
- CXIV. *Quandonam obierit Angilbertus Archiepiscopus, eique Thado successerit.* 95. F
- CXV. *Ex quo tempore computaretur unusquisque Christi Annus in Italia, & in Gallia. Per amplum Thadonis Archiepiscopi Privilegium, huic concessum Coenobio, quod juxta tumulum Beatissimi est situm Ambrosii.* 96. B
- CXVI. *De Indictione, deque Ludovici Anno vigesimoquarto, quo datum legitur ejusmodi Privilegium.* 98. A
- CXVII. *Archiepiscopus Thado Limontam reddidit huic Coenobio; quippe cui Lotharius eam Imperator jam ante legaverat.* 98. C
- CXVIII. *De prima origine Ecclesiae Sanctorum Petri & Pauli in Infirmaria.* 98. E
- CXIX. *De Sacerdotibus illis, quos Petrus Abbas in hac olim Basilica collocaverat, nunc autem a Thadone Archiepiscopo intra suorum Concivium Sacerdotum congregationem suscipiendos curavit.* 98. E
- CXX. *De Garibaldo Episcopo Bergomeni, ac variis ejus Legatis, & in favorem praesertim hujus Monasterii Christi Confessoris, Ambrosii, ubi ejus sanctum Corpus quiescit. Historia Bergomenis emendatur. De Mediolanensibus Monasteriis, Vvigelindae, Sancti Vincentii extra Civitatem, & Sanctorum Gervasii & Protasii intra eandem.* 99. C
- CXXI. *Defunctus Thado Archiepiscopus, in hac Basilica sepelitur. Quantopere Pontifici etiam Romano Puricellus. *** com-*

- A. C. *commendatus & additus. Atque hic rursus illud de Schismate Mediolanensi figmentum refellitur* 100. C
- CXXII. Anspertus Archiepiscopus, antequam se in Archiepiscopali sistat Sede, ad Basilicam venit Ambrosianam, de more comitatus. Hic item confictum illud Schisma confutatur. 101. C
- CXXIII. Ludovici Imperatoris Privilegium, rogatu Angilbergæ conjugis huic concessum Monasterio Beatissimi Confessoris Christi, Ambrosii, ubi ejus sacratissimum Corpus venerabiliter humatum est. 102. A
- CXXIV. De Cellula hujus Ambrosiani Monasterii sita Papie: deque usu vocabuli hujus Cella, vel Cellula. 103. D
875. CXXV. Ludovicus Imperator, Mediolani mortuus, in hac Basilica cum insigni Elogio sepelitur. 104. B
- CXXVI. Mortuo Ludovico Carolus Calvus substituitur à Romano Pontifice Imperator: Annique deinceps Imperii & Pontificia ejus consecratione computantur. 105. C
876. CXXVII. Anspertus Archiepiscopus eidem Carolo Calvo Coronam Italici Regni tradit. Hic item commentitium illud Ecclesiæ Mediolanensis Schisma exploditur. 105. F
- CXXVIII. Carolus vicissim eidem Ansperto Casellas & terras quasdam donat. 106. C
877. CXXIX. Carolus idem Calvus moritur: eique in Regnum Italiæ Carolomannus, in Imperium verò Ludovicus Balbus succedunt; sed hic Anno subsequenti emoritur. Ansperti Archiepiscopi Testamentum. 107. A
878. 879. CXXX. Mortuo pariter Carolomanno succedit in Italiæ Regnum Carolus Crassus, qui postea creatus etiam fuit Imperator. Per amplum autem Privilegium largiitur huic Monasterio Beatissimi Confessoris Christi, Ambrosii, ubi ejus sanctissimum Corpus reverenter humatum est. 107. B
- CXXXI. Alterum, & uberius, ejusdem Caroli Crassi Regis Privilegium eidem concessum Monasterio Beatissimi Confessoris Christi, Ambrosii, ubi ejus sacratissimum Corpus reverenter humatum est. 109. A
- CXXXII. De Sancti Michaelis Ecclesia, de Hospitali, ac de Palatio juxta istam Basilicam. Quemadmodum Sanctus Ambrosius à Theodosio Juniore privilegium istud impetravit, ne quis Imperator deinceps hanc urbem ingrederetur; indeque Palatium Imperiale foris juxta Basilicam istam fuerit constructum. 112. E
882. CXXXIII. Tertium ejusdem Caroli Regis Privilegium. 114. C
- CXXXIV. Anspertus Archiepiscopus defunctus, in hac Basilica tumulatur: ejusque in hac Epitaphium. 115. A
- CXXXV. Quam beneficus erga pauperes ille fuerit, ac nominatim peste laborantes. 115. D
- CXXXVI. Quare mœnia hujus Urbis diruta reparavit: & an ejus dominium haberet. 115. F
- CXXXVII. Quamnam Stiliconis Domum ille restituerit. 116. B
- CXXXVIII. Basilicæ istius atria struxit: urbanam Ecclesiam Sanctis Satyro, Ambrosio & Sylvestro nuncupavit: Monachos illic octo constituit: & huic Ambrosiano tam ipsos quam Ecclesiam subjecit Abbatibus. Quale pariter fuerit Ansperti cognomentum. 116. E
883. CXXXIX. Post Anspertum Archiepiscopus creatur Anselmus Secundus, Joanni Romano Pontifici charus & fidelis, ac minime schismaticus. 117. C
- CXL. Joannes quippe Romanus Pontifex adhuc vivebat, quicquid contra senserint Baronius & Sigonius. 117. D
- CXLI. Hoc idem confirmamus. 118. C.
- CXLII. Quoto præcise die Anselmus creatus fuerit Archiepiscopus. In hac autem Basilica tumulatus ille demum fuit. 118. D.
- CXLIII. Idem Joannes Pontifex eidem Anselmo, sicut ab ipso fuerat rogatus, Ecclesiæ Mediolanensis Privilegia confirmat. Hortatur etiam, ut in Ecclesiam Romanam sit fidelis, ac pro ipsa Dominum suppliciter exoret. Ergone vero schismaticus erat Anselmus? 119. B
- CXLIV. Inter Abbatem hujus Cœnobii & Incolas Civennæ aliosque Vicinos eidem Curti subiectos oritur controversia de oleo, quod ex iis Olivetis collectum deberent huc adferre: ipsique Cœnobio adjudicatur per Aripandum Mediolanensis Ecclesiæ Diaconum & Vicedominum. 119. D
- CXLV. Septem jam erant Presbyteri Custodes & Officiales hujus Ecclesiæ Beati Ambrosii, ubi ejus sanctum quiescit Corpus humatum. 120. B
- CXLVI. Carolus Crassus, Imperio privatus, moritur: eique substitutus Arnulfus. 120. E
- CXLVII. Anselmi Archiepiscopi Privilegium, huic indultum Monasterio: cujus Abbas & Monachi ante Almi Patris nostri Ambrosii pretiosorumque Martyrum Protasii atque Gervasii pignora sacratissima Laudes ac Missarum solemnias sedule oncelebrent. 121. A
- CXLVIII. Quemadmodum Annus hic esset Anselmi Archiepiscopi undecimus, Widonis autem Imperatoris secundus. De Berengarii & Arnulfi conatibus ut Italicum sibi Regnum possiderent. 122. B
- CXLIX. Arnulfus; vendicato sibi Regno Italiæ, Privilegium concedit huic Sancti Ambrosii Monasterio, ubi ejus sacrum Corpus venerabiliter humatum est. 123. A
- CL. Berengarii Regis Italiæ Diploma concessum Presbyteris atque Officialibus Sancti Ambrosii, ubi ejus Corpus venerabiliter tumulatum est. 124. E
- CL. Moritur Anselmus Archiepiscopus: eique succedit Landulfus. A quo Pontifice Romano confirmatus, quemadmodum in Sedem ingressus, & hic tandem sepultus. 125. D
- CLII. Mortuus item Petrus Abbas hujus Monasterii, quam optime meritis, hic item cum Elogio sepelitur. 125. F
- CLIII. Landulfo Archiepiscopo suffectus Andreas, nonnullis Carcanus, aliis Lampugnans: qui quidem postea fuit hic sepultus. 126. C
- CLIV. Aupaldus Monasterii hujus Abbas. 126. D
- CLV. Archiepiscopo Andrea mortuo subrogatur Acho, aliis Atho. 126. E
- CLVI. Monasterii hujus Abbates, unus alteri ex ordine suffecti, Regibertus, Sigifredus, & Wido. 126. F
- CLVII. Mortuus Acho Archiepiscopus, num Romanæ an ista in Basilica sepultus. 126. F
- CLVIII. Achonem Archiepiscopum sequitur Gari bertus, & hunc Lambertus; sicut & Abbatem Aupaldum Landulfus. 127. E
- CLIX. Lambertus Archiepiscopus Hugonem accersit in Italiam: & in hac Basilica Regem Italiæ coronat. 127. E
- CLX. Lamberto Archiepiscopo substituitur Hilduinus, e Leodienfi primum ac deinde Veronenfi Episcopo: idemque à Joanne Papa Undecimo confirmationem ac Pallium accipit. Non igitur Schismate tunc laborabat Ecclesia Mediolanensis. 128.
- CLXI. Hugo Lotharium filium Regni socium sibi adjungit: eundemque noster Archiepiscopus in hac Basilica coronat. 129. B
- CLXII. An Hilduinus Archiepiscopus tam Hugonem quam Lotharium coronaverit: & in Italiæ non modo Reges, verum etiam Imperatores. 129. C
- CLXIII. Hilduinus moritur: eique suffectus Ardericus, ad capeffendam sedem Portæ Novæ Urbem ingreditur. 130. C

942. **CLXIV.** Hugonis & Lotharii Regum liberale Privilegium erga istud Sancti Ambrosii Monasterium, ubi ejusdem Sanctorumque Gervasii ac Protasii Martyrum Corpora condita quiescunt. 130. D
- CLXV.** Privilegium istud aureis litteris & in corio piscis descriptum: quali forte prerogativa moris erat ut Regum & Imperatorum Privilegia describerentur. 131. F
- CLXVI.** De Berta, Regis Hugonis matre, hic sepulta. 132. B
944. **CLXVII.** Aupaldus, Monasterii hujus Abbas. Quemadmodum incolae Limentae gratis aliquando vinum suppeditarint Monasterio: quæve ceteroqui tam ipsi quam reliqui accolae illi quotannis dare tenebantur. 132. C
- CLXVIII.** De Nonantulae Abbatiae initio ac nomine: & an ea fuerit Archiepiscopo donata Mediolanensi ab Hugone Italiae Rege. 132. D
947. **CLXIX.** Berengarius secundus, Italiae Rex, Italicas Dignitates in hac Basilica distribuit: atque tam ipse quam Mediolanenses à Lothario Rege rogati, ne illum deserant, ne deserunt quidem. 133. C
- CLXX.** De obitu Arderici Archiepiscopi: deque diffidio inde excitato, Manassefne, an Adelmanus ei succedere deberet. De Archiepiscopi pariter nostri dominio in Urbem. 133. F
949. **CLXXI.** Mortuus Rex Lotharius ad hanc Basilicam sepelitur. 134. E
951. **CLXXII.** Regnantibus in Italia Berengario ejusque filio Adelberto, Adeleidam, Regis Lotharii relictam, liberat ab obsidione Ottho primus, eamque sibi desponsat: Regnoque potitus Italiae, Monasterium istud peramplo donat Privilegio. 135. E
- CLXXIII.** Aupaldus vel Huppandus Abbas hujus Monasterii, sive idem, sive fuerit diversus. 136. E
952. **CLXXIV.** Berengarium ab Italici Regni Solio dejectum restituit Ottho. Valpertus creatur Archiepiscopus. Idemque cum Romano Pontifice Otthonem contra Berengarium revocat in Italiam. Litulfus interim venit, eius filius. Sed hoc defuncto, rursus evocant Otthonem. 136. E
953. **CLXXV.** Venit Ottho: & in hac Basilica Rex à Valperto Archiepiscopo coronatur. Quam munificus illi vicissim Ottho. 137. C
955. **CLXXVI.** Quam munificus item ille fuerit erga istud Monasterium. 137. E
956. **CLXXVII.** De quodam Adelberto Francorum Comite, ad Imperium aspirante, contra quem noster Archiepiscopus Otthonem acciverit. De ipsius Otthonis in hac Basilica coronatione: deque Palatio, quod ille huic Monasterio donavit. 138. A
957. **CLXXVIII.** De Coronationis ritu, in hac Basilica per hæc tempora servato. 139. B
960. **CLXXIX.** Ottho coronatus à Romano Pontifice Imperator. 139. D
961. **CLXXX.** Ottho filio suo, pariter Otthoni, uxorem à Nicephoro Imperatore Constantinopolitano Theophaniam postulat. ibid.
962. **CLXXXI.** Petrus Abbas Monasterium istud administrat. 139. E
967. **CLXXXII.** Arnulfus Mediolani Archiepiscopus. An hic fuerit ab Otthone Constantinopolim legatus. & an inde Serpentem æneum in Basilicam istam transfulerit. Nobis utique non videtur. De altero Arnulfo, Mediolanensis Historiae Scriptore, ipsiusque fide. Ottho secundus in hoc Cœnobio diversatus. 139. F
968. **CLXXXIII.** Ottho primus Imperator pie moritur. Ottho secundus imperare pergit. 142. A
970. **CLXXXIV.** Post Arnulfum Archiepiscopum sequitur Gothifredus. ibid.
971. **CLXXXV.** Moritur Ottho secundus Imperator: eique Ottho tertius subrogatur. 142. B
972. **CLXXXVI.** Huic Monasterio Abbas præsidet Olde-ricus. 142. C

- CLXXXVII.** Gothifredo Archiepiscopo mortuo Bonificius Dux, Imperatoris Otthonis favore, filium suum substituit Landulfum. Sed hic à Mediolanensibus repudiatur, & ex Urbe pellitur. 142. C
- CLXXXVIII.** Gaidoaldus Monasterii hujus Abbas. Aliquid de Urbana Sancti Satyri Ecclesia. 142. D
- CLXXXIX.** Landulfus denique ad Archiepiscopatum admissus Otthonem tertium in hac Basilica coronat. ibid.
- CXC.** Gregorius quintus Pontifex Romanus. 142. E
- CXCI.** Ottho tertius ab ipso coronatur Imperator. Cur hic Mariam conjugem suam comburi jussit. 143. A
- CXCII.** Otthonis Privilegium, rogatu Landulfi Archiepiscopi huic concessum Cœnobio Sanctorum Ambrosii Gervasii & Protasii, ubi quoque ipsorum sanctissima Corpora honorifice condita requiescunt. 143. B
- CXCIII.** Superiori Privilegio Imperator alterum superaddit. 144. B
- CXCIV.** Tertium quinimmo ejusdem Privilegium. 144. F
- CXCV.** Gregorius etiam Quintus Pontifex Romanus peramplo Privilegio (quo quidem vetus etiam illud Schismatis commentum refellitur) istam cum suis omnibus bonis confirmat Abbatiam, in honore celeberrimi Christi Confessoris Ambrosii, nec non Venerabilium Martyrum Protasii & Gervasii, constitutam, ubi eorum sacra Corpora reconduntur. 145. E
- CXCVI.** Privilegium præcedens ex liscâ compositum & factum. 146. F
- CXCVII.** Arnulfus secundus, Landulfo Archiepiscopo suffectus: idemque postea Otthonis tertii ad Constantinopolitanum Imperatorem Legatus. 147. A
- CXCVIII.** Quam magnifice se gesserit in hac Legatione Arnulfus: & quemadmodum Serpentem æneum inde ac partem Dominicæ Crucis, munus Imperatoris illius, secum attulerit, & in hac Basilica collocarit. 147. C
- CXCIX.** Qualisnam sit ille Serpens. 148. F
- CC.** De Serpente illo & Cruce juxta se positâ: deque mulierum ad hæc sive superstitione, sive pio cultu. 149. C
- CCI.** An, sicut alii crediderunt, Sanctus ipse Ambrosius Serpentem illum ac Dominicæ Crucis partem ab Urbe Roma sesum adportaverit, & in hac Basilica collocarit. 150. A
- CCII.** An ille Serpens non Mosaycus sacerve fuerit, sed profanus Ethnicusque, sicut aliqui censuerunt. 151. A
- CCIII.** Otthonis tertii obitum seditiones illico ac tumultus subsequuntur. Ardoinus Italicum sibi Regnum & Coronam vendicat, absente licet Archiepiscopo nostro Arnulfo. Hic ex adverso, tamquam jure utens suo, illum pronunciat vitio factum: Henricumque Bavarie Ducem destinat Italiae Regem. 153. B
- CCIV.** Monasterium istud Abbatem habet nomine Joannem. 153. E
- CCV.** Henrici Exercitus ab Ardoino fugatus. 153. E
- CCVI.** Henricus insigni donat Privilegio hanc Sanctorum Ambrosii & Protasii ac Gervasii Abbatiam, ubi eorum Corpora requiescunt nobiliter tumultata. 153. F
- CCVII.** Custodis nomen in Ecclesia Mediolanensi perhonorificum, & exemplo Ariberti de Antimiano, qui postea noster Archiepiscopus fuit, comprobatum è veteri prope Canturium Inscriptione de Sancto Adeodato Martyre ac Presbytero. 154. F
- CCVIII.** Papiane in Urbe, an potius in hac Basilica coronatus ab Archiepiscopo nostro fuerit Henricus: & quando. 155. E
- CCIX.** De usu profitendi, qua quisque Lege vivere puriculus. *** 2 vel-

INDEX CHRONOLOGICUS

- N. C. vellet, Romana, Longobarda, an Salica, vel etiam Ribuariorum. 156. C*
1014. CCX. Henricus & Chunegundis ejus uxor Imperiali Diademate à Romano Pontifice coronantur. 156. F
1016. CCXI. Incole Vici Anticiaci, sive Inzagi, certis sese legibus, tanquam suimet ipsorum Domino, obstringunt Godefredo, Abbati hujus Monasterii Beati Ambrosii, ubi ejus requiescit Corpus humatum. 157. A
- CCXII. Oldericus, Episcopatu Astensi ab Henrico Imperatore donatus, consecrationem à Romano Pontifice, non autem ab Arnulfo Mediolanensi Archiepiscopo, accipit. Iratus inde Arnulfus, copioso exercitu Astam obsidet: ac denique Oldericum, ejusque fratrem Manfredum, dignitate Marchionem, adigit, ut in pœnam nudis pedibus ad hanc Basilicam & Urbem veniant, ille Codicem, iste Canem bajulantes &c. 157. D
1019. CCXIII. Arnulfo Archiepiscopo (à quo fundatum jam fuerat Sancti Victoris Monasterium) succedit Aribertus de Antimiano. Aliquandiu vero etiam deinde Godefredus perseverat Abbas hujus Monasterii Beati Ambrosii, ubi ejus sanctum humatum quiescit Corpus. 159. B
1022. CCXIV. Moritur Henricus Primus Imperator, sanctitate simul & castitate celebris; sicut & post aliquot deinde annos Chunegundis ejus uxor, post ejusdem obitum facta Monialis. 159. D
1023. CCXV. In Henrici locum ab Ariberto quoque Mediolanensi Archiepiscopo, in Germaniam profecto, eligitur Conradus, cognomento Salicus. 160. B
- CCXVI. Conradus in Regem coronatur Moguntiae. Nec multo post Aribertus Archiepiscopus suam illi Coronationem pollicetur. 160. E
1026. CCXVII. Ab ipsomet itidem Ariberto in hac Basilica coronatur. 161. A
- CCXVIII. Modoetiae itidem Conradus coronari vult, reque ipsa coronatur. 162. C
- CCXIX. Conrado, propter æstivos calores in montana digresso, Aribertus Archiepiscopus per duos menses victum large effuseque suppeditat. 163. D
1027. CCXX. Conradus, ab Archiepiscopo nostro de more oblatus ad coronandum Pontifici Romano (nequiquam obstrepente Archiepiscopo Ravennate) coronatur una cum Gisela uxore. 163. F
1028. CCXXI. Wido jam erat Abbas hujus Monasterii Beati Ambrosii, ubi ejus sanctum humatum quiescit Corpus; cum quidam Ortho istius Basilicæ Officialis, & Raidruda quædam post defunctum maritum religiose velata, eidem Abbati ac Monasterio Cappellam & alia bona irrevocabiler largiuntur. 164. C
1032. CCXXII. Aribertus, ut Ecclesiis sibi subiectis consulat, Abbates interrogat de statu Monasteriorum: & sicut aliorum primum; sic etiam ante alios omnes interrogat Abbatem istius Monasterii, Gothofredum juniorem, eique consulit. 165. E
- CCXXIII. Aribertus foundationem confirmat Ecclesiæ Sancti Sepulchri prope Villam Ternati: quæ postmodum Ecclesiæ huic Monasterio subiecta fuit. 167. A
1034. CCXXIV. Ariberti Archiepiscopi Testamentum, multis abundans rebus scitu dignissimis: in quo singulariter affectum se ostendit erga istam Sancti Ambrosii Ecclesiam & Monasterium, ubi ejus sanctum quiescit Corpus. 167. E
- CCXXV. Quanti fecerit Aribertus Basilicæ istius Rectores, Abbatem ac Monachos. 170. E
- CCXXVI. Quenam tunc Urbis Ecclesiæ forent penes Clerum Sæcularem, quæve penes Monachos: quæve intus, quæve foris. 170. F
- CCXXVII. Quemadmodum Decumani Ecclesiæ Metropolitane simul etiam essent aliarum Urbis Collegiarum Officiales: ac nominatim de Officialibus Ecclesiarum Sanctorum Nazarii Martyris, & Ambrosii Confessoris, ubi eorum sancta requiescunt Corpora. 171. A
- CCXXVIII. Quandonam & à quibus bonis Aribertus Archiepiscopus suburbanum Monasterium fundaverit Sanctorum Dionysii & Aurelii. 172. E
- CCXXIX. De Monialium Monasteriis. Majore ac Lantafii. Cuinam illud hoc tempore sacrum: undenam istud & quando huc translatum, ubi nunc est, & à quo primitus conditum. 173. B
- CCXXX. Monasterium Widelindæ nobis idem jam videtur ac hodiernum Sanctæ Redegundæ. Unde autem ita fuerit olim appellatum. 174. A
- CCXXXI. Monasterium Auroni (nunc Sanctæ Barbaræ) à quo fundatum, cui olim subiectum (scilicet huic Ambrosiano) cui postea unitum. Et hic multa de propinquo illic Sancti Augustini Monasterio: nonnihil etiam de aliquot aliis, ac præsertim Sanctæ Claræ, Sancti Bernardini, Sanctæ Agnetis, ac Majori. 174. D
- CCXXXII. De Monasterio Novo, nunc Sancti Vincentii in Porta Vercellina. 176. A
- CCXXXIII. Monasterium de Ghifone, nunc Sanctæ Margaritæ. Monasterium Dathei à quo forte conditum. 177. E
- CCXXXIV. Ecclesia de Ronzone, nunc Sancti Sepulchri, quando primum condita. 178. B
- CCXXXV. De Ariberti Archiepiscopi legato testamentario pro supplicatione in Ecclesia Sanctorum Dionysii & Aurelii peragenda. 178. E
- CCXXXVI. Monasterii hujus Abbas, Landulfus. 1036. Non hic, sed Vincentianus, potestati Archiepiscopi sese subtrahere conatus; & frustra; & id etiam Romani Pontificis judicio; cujus utique noster Archiepiscopus non erat schismaticus desertor. Nonnulla hic de urbana Sancti Satyri Ecclesia. 179. A
- CCXXXVII. Cum quidam in Aribertum conjurassent; ipse Conradum sibi asciscit, profectumque, magnifice in hac Basilica recipit. 180. C
- CCXXXVIII. Conradus Imperator Archiepiscopum nostrum Placentiam in carcerem amandat; Vercellensem verò Cremonensem ac Placentinum Episcopos in exilium. Mediolano etiam circumjacentia igne ac gladio consumit. 180. E
- CCXXXIX. Sancti Ambrosii terribiles è cælo in Conradum ejusque assecclas minæ. 180. F
- CCXL. Quanam in Ecclesia Sanctus Ambrosius Conrado & assecclis minitabundus apparuerit. 183. F
- CCXLI. Conradus moritur. Henricus ejus filius per Legatos amicitiam & Coronam ab Ariberto petit Archiepiscopo; & hic ei vicissim promittit. 184. D
- CCXLII. Ortho ille Presbyter, de quo jam supra Num. 221. alia quædam bona eidem illi legat Cappellæ, quam huic Monasterio donaverat. 185. B
- CCXLIII. Henricus in hac Basilica in Regem Italiæ ab Ariberto Archiepiscopo coronatur. 185. E
- CCXLIV. Theusprandus Presbyter ex Ordine Decumanorum, & Officialis Ecclesiæ Sancti Georgii, bona quædam legat Ecclesiæ jam huic Monasterio donatæ. 188. C
- CCXLV. Aribertus Archiepiscopus, graviter Modoetiæ ægotans, novum condit Testamentum, quo certam pecuniæ summam quotannis huic legat Monasterio. 188. E
- CCXLVI. Aribertus, Mediolanum delatus, hic moritur: & ad Sanctum Dionysium tumulatur. 189. F
- CCXLVII. Cur ille fuerit extra Ecclesiam sepultus. An hoc tempore Mediolanum esset Interdicto subiectum, & Archiepiscopalis propterea Sedes per biennium vacaverit. Nobis quidem non videtur. 190. C
- CCXLVIII. Ariberti Epitaphium. 191. E
- CCXLIX. Quemadmodum postea fulmen everterit Ariberti Sepulchrum: ejusque exuvie primo fuerint in

- A. C. in Altare Majus translata, nec multo post in suum Tumulum reposita. 191. F.
1047. CCL. Guido Archiepiscopus, Ariberto jam suffectus, duobus interest Conciliis, uni à Clemente secundo, alteri à Leone nono celebratis. Cumque apud eundem Papam Leonem de Simoniaca fuisset labe accusatus; illius judicio sese subjecerat, innocensque jam fuerat pronunciatus. Hæcine vero Schismaticus egisset? 192. D
1050. CCLI. Lanterius de Quinquaviis, & Guida ejus uxor, Testamento condito multa bona huic Monasterio & Canonice legant. 193. A
1053. CCLII. Basilicæ Metropolitanæ Clerus & Abbas ac Monachi hujus Monasterii Sancti Ambrosii, ubi ejus Sanctum Corpus una cum Sanctorum Martyrum Protasii & Gervasii Corporibus requiescit, reliquique Abbates ac Populus sancunt, ut Exaltatæ Crucis solemnitas in posterum celebretur. Hunc ad finem Tadelbertus quidam nonnullas domos agroque legat eidem Monasterio. 193. D
- CCLIII. Landulfus adhuc Abbas hujus Monasterii. 196. A
1054. CCLIV. Prædictorum Lanterii & Guidæ Epitaphium: quæ ab ipsis pie legata fuerunt. 196. A
- CCLV. De Canonico in hac Basilica Collegio. Non ii omnes vivebant una simul in hac Canonica, multoque minus Canonici erant Regulares, ac religiosi obstricti votis. 197. B
- CCLVI. Hæc Basilica proprium videtur hoc tempore Monasterium Monialium habuisse. 198. A
- CCLVII. Quæ Major, quæ Minor apud nos Quadragesima. 198. C
- CCLVIII. De Anniversario, deque Missa quotidiana, per Monachos etiam in præsens celebratis ex Lanterii ac Guidæ voluntate. 198. D
1056. CCLIX. Sanctus Arialdo Mediolanensis, ac denique Martyr Basilicam istam frequentare solitus, prædicationem suam exorditur contra Cleri corruptelas. De ipsius Vita, quam nos typis destinavimus. 198. F
1059. CCLX. Solicitante Arialdo, Nicolaus Papa secundus per Cardinalem Petrum Damiani & Anselmum Episcopum Lucensem, Legatos suos, Clerum Mediolanensem in ordinem redigit. An vetus etiam illud Schisma, quod nos hætenus commentitium censuimus, fuerit hoc demum tempore sublatum: quantumque hoc ad Ecclesiam Mediolanensem interfit, & propterea contra ipsum totis nos viribus committi oporteat. 199. D
- CCLXI. Quid Schisma & Schismaticus significant: quamque procul hoc fuerit ab Ansperto nominatim Archiepiscopo. 200. B
- CCLXII. Vel ipsomet Petro Damiani teste, Mediolanensis Ecclesia ne nunc quidem Schismate laborabat, sed aliis corruptelis, ac præsertim Clericorum Incontinentia & Simonia. 200. E
- CCLXIII. Eodem Teste id ipsum confirmatur. De libertatis prætextu, per Clericos factiosos in Populum repente nunc jacto. 201. A
- CCLXIV. Similiter hoc idem confirmatur. Quam procul à Schismate Archiepiscopus ipse noster in præfenti se gesserit. 201. E
- CCLXV. Et hic pariter id ipsum confirmatur. Quemadmodum etiam Ecclesia Mediolanensis, jam inde ab initio usque ad Sancti Ambrosii tempus, pependerit à Romana, tamquam Matre Fidei ac Magistra: deque Sanctis Nazario & Celso, ac Protasio & Gervasio, illis Petri, his Pauli, Apostolorum discipulis. 202. B
- CCLXVI. Sancti pariter Arialdi testimonio tale Schismatis figmentum eliditur. 203. E
- CCLXVII. Præter Scriptores Num. 109. nominatos, alii etiam nonnulli recensentur, qui tam fœdum Schisma Mediolanensi Ecclesiæ adscripserunt. Neque

- tamen arrogantia fuit, nos iidem adversari. 204. A. C.
- CCLXVIII. Quemadmodum Petrus Damiani Legationem banc suam obierit ante Concilium Romanum, mense Aprili à Nicolao Papa celebratum: & in eo noster Archiepiscopus ad Papæ dexteram confederit. 204. C
- CCLXIX. Nicolao Papæ secundo succedit Alexander secundus, Patria Mediolanensis & Simoniam in hoc Clero jamdudum averfatus. Neque tamen propterea defuit, qui Ambrosianam istam & alteram Sancti Celsi Abbatiam, defunctis Abbatibus, pecunia sibi emant. Quid Sanctus Arialdo, ut ejusmodi Ambrosiano Abbati occurrat. Erat autem nomine Aripandus, ac genere nobilissimus. 204. F
- CCLXX. Quis hic forte Aripandus Abbas. 205. D
- CCLXXI. Quid fuerit Clericale Birrum, à Clero Mediolanensi gestatum. 205. E
- CCLXXII. Quid esset scopari, & scopari. 206. A
- CCLXXIII. Guidonis præsertim Archiepiscopi (à Pontifice Romano; quia fidem datam violasset, excommunicati) ejusque Neptis, impietas in Sanctum Arialdum. Per summam hic crudelitatem necatus Martyrium assequitur. 206. B
- CCLXXIV. Arialdi Corpus in occulto sepultum, celesti lumine indicatur. Inde Neptis Archiepiscopi demum illud, alligatis onustum saxi, in profundum Lacu Majoris dejici jubet. Sed post decem inde menses intactum a piscibus & candidum emergit: & in ripam projectum & agnitum, ab ejus Fautoribus solemnem pompam deferitur ad Urbem, atque per aliquot dies in hac Basilica publice expositum colitur. 206. E
- CCLXXV. Quantum interea fuerit in hac Basilica concursus, & alia quam mira. Decimo inde die transfertur ad Sancti Celsi Monasterium, & ibi sepelitur. 207. C
- CCLXXVI. Mediolanum, ac nominatim Laurentiana Basilica, diro flagrat incendio, quod Castellionense fuit appellatum. Guido moritur Archiepiscopus: eique suffectus Attho, sese mox abdicat. Altero rursus incendio conflagrat Civitas, multaque cum ipsa Ecclesiæ: videlicet Hyemalis & Æstiva Metropolitanæ, Nazariana, Stephaniana, & Aliæ. 208. C
- CCLXXVII. Ecclesia Mediolanensis per hæc tempora gravissime perturbata propter Pseudoarchiepiscopos violenter ac Simoniace intrusos. Tres uno tempore hanc sibi vendicabant. Herlembaldus Cotta, necatus ab hostibus Archiepiscopi legitimi, Martyrio coronatur. Cumque illi sese Deo propterea obsequium præstitisse arbitrarentur: ad Basilicam istam gratias agentes venerunt. 210. E
- CCLXXVIII. Adelardus Monasterii hujus Abbas. Geraldus Ostiensis & Anselmus Lucensis Episcopi a Gregorio Papa septimo Mediolanum legati, excommunicatos absolunt. Henricus Italiæ Regno privatur, eique substituitur Rudolphus, Ceterum Anselmus ille patria fuit Mediolanensis, atque etiam sanctitate insignis. 211. D
- CCLXXIX. Theobaldo Archiepiscopo intruso subintruditur Anselmus. Adelardo Abbati suffectus Heribertus: & hic aliquid de urbana Sancti Satyri Ecclesia, ejusque regimine: deque ritu accendendi lampades supra Sepulchra mortuorum. 212. E
- CCLXXX. Anselmus, ex intruso legitimus, & à Romano Pontifice approbatus Archiepiscopus, Conradum coronat in Regem. Mortuo succedit Arnulfus de Porta Argentea, sive Orientali. De urbana Sancti Fidelis Ecclesia: quæ prius Sanctæ Mariæ in Solariolo dicebatur, & Abbatie San-Dionysianæ subdita fuit. 213. B
- CCLXXXI. De Conradi sequitur adhuc Coronatione, tam Modoëtiæ quam Mediolani peracta. 214. C
- CCLXXXII. Arnulfus, primo illegitime consecratus, atque propterea per Apostolicum Legatum ab-

INDEX CHRONOLOGICUS

- A. C. ^{1095.} *dicatus, auctoritate postea Urbani Papæ secundi, ad hanc Urbem profecti, rite consecratur. 214. F*
- ^{1096.} CCLXXXIII. *Quemadmodum, ille Sedis hujus Archiepiscopalis possessionem inierit. 215. E*
- ^{1098.} CCLXXXIV. *Arnulfo mortuo substituitur Anselmus quartus. De ipsius electione, mox consecratione. Quemadmodum & ipse protinus Armannum consecraverit Episcopum Brixientem: deinde vero expeditioni Jerosolymitanæ adlaboravit: Grosulanum curaverit eligendum Savonæ Episcopum, eundemque sibi voluerit esse Mediolani Vicarium Generalem. Hoc auctore Supplicationes unaquaque feria secunda pro Archiepiscopo ejusque Exercitu ad Basilicam istam peractæ. Quanta hoc tempore celebritas in festivitatem Sanctorum Protasii ac Gervasii Martyrum. 215. F*
- CCLXXXV. *De Cantilena Ultreia Ultreia, proficiscentibus ad Expeditionem Jerosolymitanam usitata. 217. F*
- CCLXXXVI. *Cisterciensis Ordo incipit. 218. D*
- ^{1099.} CCLXXXVII. *De reformatione urbanæ Sanctæ Trinitatis, nunc Sancti Sepulchri, Ecclesiæ, post reditum ab Expeditione Jerosolymitana. Quandonam inde Anselmus Archiepiscopus redierit. 218. D*
- CCLXXXVIII. *Primi ejus Ecclesiæ Fundatoris Legatum. 219. A*
- ^{1100.} CCLXXXIX. *Ejusdem Sancti Sepulchri Ecclesiæ solemniissima Dedicatio: cui etiam Guilielmus, istius Abbas Monasterii, subscripsit. 219. D*
- CCXC. *Anselmus Archiepiscopus, ad Jerosolymitanam reversus Expeditionem, Constantinopoli moritur. Quemadmodum Grosulanus à nonnullis ei fuerit substitutus, sed ab aliis repudiatus. 222. D*
- CCXCI. *De eodem argumento. Cur præterea Grosulanus pro Simoniaco habitus. 223. C*
- CCXCII. *Landulfus de Badagio, & alter de Varegate: ille Nazarianæ, hic Ambrosianæ Basilicæ Præpositi. Quanto in honore Paschalis Papæ secundus Grosulanum habuerit. Quæ Landulfus de Varegate pro ipsius depositione promiserit. 224. E*
- ^{1101.} CCXCIII. *Quandonam Paschalis secundus Urbano secundo successerit. Heribertus item Abbas Ambrosianus Guilielmo substitutus. 225. E*
- CCXCIV. *Grosulanus Presbytero Liprando (qualis ac quantus erat hic Sacerdos!) Simoniam sibi objectanti, minatur, quin etiam Synodum Provinciale[m] opponit. Quid ille contra. 225. F*
- CCXCV. *Quonam tempore Liprandus Presbyter innocuo per ignem transitu, Simoniacum esse Grosulanum demonstravit. 226. E*
- CCXCVI. *Posteaquam in hac Basilica Missam celebrasset Liprandus: ante Atrium innoxio per ignem transitu Simoniam Grosulani convincit: factique totius series recitatur. 227. C*
- CCXCVII. *De marmoreo Herculis Simulachro, quod hoc tempore in hac Basilica extabat: quodque post Annum etiam millesimum quingentesimum quinquagesimum extitit, ac tandem, Bavarix Duci donatum est. 230. A*
- CCXCVIII. *Quinam fuerit aliquorum sensus de Liprandi transitu per ignem. 232. A*
- ^{1103.} CCXCIX. *Joannes Abbas hujus Monasterii Sancti Ambrosii, ubi sanctum ejus requiescit Corpus simul cum Sanctis Martyribus Gervasio atque Protasio; sicuti loquitur Paschalis Papa secundus in amplissimo Privilegio, quod eidem Abbati ac Monasterio concedit. 232. C*
- CCC. *De Sancti Augustini Ecclesia & Parochia, huic Monasterio subjectis, ac de traditione, qua baptizatus illic creditur cum Alipio ac Deodato Augustinus. 233. F*
- CCCI. *Grosulani causa, in Concilio Romano examinata, ipsi adjudicatur; sed Mediolani tamen non admittitur. Novus Monasterii Abbas Guilielmus. 235. A*
- CCCII. *Celeberrima festivitas in Ecclesia Sanctæ Mariæ ad Portam instituta ob sacras aliquot Reliquias ibidem inventas: è quibus aliquæ fuerunt etiam Sanctorum Casti & Polimii, Diaconorum Sancti Ambrosii, prope istam Basilicam tumulorum in Sancti Satyri, olim Sancti Victoris ad Cælum Aureum, Ecclesia. 235. F*
- CCCIII. *De Ordinariis Cardinalium Sanctæ Mediolanensis Ecclesiæ &c. Epistola, quam super hac festivitate per Diocesim transmiserunt: & cur ea sine Archiepiscopi subscriptione foret. 237. B*
- CCCIV. *De Sanctis Casto & Polimio, Sancti Ambrosii Diaconis. 237. C*
- CCCV. *Confessoresne tantum illi fuerint, an etiam Martyres. 238. C*
- CCCVI. *Henricus quintus, & quartus hujus nominis Imperator. 240. F*
- CCCVII. *Mediolanenses bellum Laudensibus inferunt. Grosulanus interim exulat. 241. A*
- CCCVIII. *Grosulanus deinde Archiepiscopalem Aronæ Arcem occupat, nec multo post deserit, sequæ Jerosolymitano itineri tradit. Mediolanenses de Cremonensibus à se victis triumphant. Henricus Rex in Italiam venit. 241. C*
- CCCIX. *Quemadmodum, & quo anni tempore, quamque Novariensibus infestus, venerit Henricus Rex in Italiam. 242. B*
- CCCX. *An Henricus hoc anno coronatus in hac Basilica vel etiam Modoetie fuerit, & à quo 242. D*
- CCCXI. *Henrici Regis Privilegium pro ista Sancti Ambrosii Sanctorumque Protasii & Gervasii Abbatia, ubi eorum Corpora requiescunt nobiliter tumulata. 243. A*
- CCCXII. *De Regis Henrici ad Urbem Romam adventu, deque cæde illic Romanos inter ac Regios secuta, & nominatim Otthonis Vicecomitis. Henricus ibi tandem coronatur Imperator. 244. A*
- CCCXIII. *Henricus Imperator in Germaniam revertitur: Mediolanenses Laudem Pompeam diruunt, & in sex redigunt Vicos. 244. D*
- CCCXIV. *Jordanus de Clivi Sacerdos ab Episcopo Januensi ordinatur. 245. B*
- CCCXV. *Mediolani Conventus habetur super causa Grosulani: eoque tandem abdicato, eligitur in Archiepiscopum Jordanus de Clivi. Stulam hic tamen Archiepiscopalem, sibi ex Urbe Roma allatam, non illico accipit. Mediolanensium ac Papiensium fœdus. 245. C*
- CCCXVI. *Liprandus Presbyter, ut Grosulanicæ Factioni se subtrahat, ad Pontiden[s]e Bergomen[s]is Agri Monasterium se recipit. 246. E*
- CCCXVII. *Jordanus Archiepiscopalem denique Stulam, sibi à Romano Pontifice transmissam, sumit ex hujus Basilicæ Altari. 247. B*
- CCCXVIII. *Liprandus Presbyter in Pontidii Monasterio moritur, miraculis etiam insignis. 247. D*
- CCCXIX. *Grosulano ab Jerosolymis redeunte, tam ipsius Affecle, quam ex adverso Fautores Jordani, sese ad arma parant; Monasterii vero hujus Abbas ad alterius Monasterii regimen secedit. 248. A*
- CCCXX. *Grosulano Mediolanum reverso, tumultus ac strages inter ipsius & Jordani Fautores. 248. B*
- CCCXXI. *Grosulanus, accepta à Jordano pecunie ingenti summa, Mediolano Placentiam discedit. 248. D*
- CCCXXII. *Lateranense Concilium celebratur: in quo Jordanus Archiepiscopus Pontifici dexter affidet. Cumque controversia inter ipsum & Grosulanum judicata esset; illo in Archiepiscopum confirmato, hic ad Episcopatum Saonensem amandatur. 248. E*
- CCCXXIII. *Jordanus à Romano Pontifice gratiam & Virgam Pontificalem accipit: deinde autem deposito Armanno Brixienti Episcopo subiectum alterum ordinat. 249. E*
- CCCXXIV.

N U M E R O R U M C A P I T A L I U M .

A. C. CCCXXIV. Jordanus, Mediolanum reversus, excommunicatum denunciat Henricum Imperatorem. 250. A

1117. CCCXXV. In Longobardia terræ motus & alia prodigia. Provinciale Consilium Mediolani pro reformatione celebratum: mirabilis unius Turris ruina 250. B

CCCXXVI. Grofulanus, Romæ moratus, moritur. Ejus Epitaphium: litteratura etiam, & contra Græcos exercitia. 250. F

1118. CCCXXVII. Mortuo Paschali Secundo Gelafius Secundus legitime substituitur. Imperator ex adverso Pseudopontificem subintrudit Gregorium Octavum. 251. D

CCCXXVIII. Mediolanenses bello aggrediuntur Cumanos ob Landulfum Carcanensem ac nepotem ipsius, Otthonem, ab iis male habitos. 261. E

CCCXXIX. Conventu Mediolani congregato, quid actum super Imperatoris excommunicatione, quid item in Cumanos. 252. B

1119. CCCXXX. Gelasio Papæ Secundo succedit Callistus Secundus. 252. C

CCCXXXI. Monasterio Pontideni Mediolanenses immunitatem pro universis ejus prædiis concedunt; at non rogatu Sancti Bernardi Clarævallisensis Abbatis, ut nonnulli existimarunt. 252. D

1120. CCCXXXII. Callistus Papa in Lombardiam venit, ac nominatim Terdonam: ibique noster Archiepiscopus Jordanus cum adjuvat, Petrumque ordinat ipsius Urbis Episcopum. 254. A

CCCXXXIII. Jordanus Archiepiscopus moritur, eique succedit Olricus. 254. E

1122. CCCXXXIV. Synodus à Callisto Papa celebratur Lateranensis. Orta questione Archiepiscopus noster, an Ravennas, Pontifici dexter ibi assidere deberet; noster prævalet, Idem quoque de more Ramos Palmarum ad Henricum Regem in Germaniam mittit. 255. A

1123. CCCXXXV. Guilielmo hujus Monasterii Abbati succedit Joannes; Olrico Archiepiscopo Anselmus Quintus. Lites inter hujus Basilicæ Monachos & Canonicos abortiæ. 255. E

CCCXXXVI. Quenam fuerint ejusmodi lites, & quomodo per Judices, communi Partium consensu deletos, compositiæ. 256. D

1124. CCCXXXVII. Mortuo Callisto Papa Secundo Romana Sedes Honorium excipit Secundum. 259. F

1125. CCCXXXVIII. Anselmus Archiepiscopus, Romam profectus, indecorum, sicut & insuetum, Ecclesiæ suæ censet; si Stolum Archiepiscopalem ipsemet è manu Pontificis ibi suscipiat. Quamobrem, sic etiam persuasus à Robaldo Albeni Episcopo, sine ipsa Mediolanum redit. 260. A

CCCXXXIX. Mortuo Imperatori Henrico Lotharius è consensu Pontificiorum Legatorum subrogatur in Regnum. 260. D

1128. CCCXL. Lothario in Regnum subrogato Conradus, Imperatoris Henrici sororius, ab aliis opponitur. Profectum in Italiam Mediolanenses, ab excidio Comi tunc recenter, honorifice suscipiunt: & Anselmus Archiepiscopus Regem Italiæ coronat Modoetiæ. Qua propter Pontifex Romanus Archiepiscopatum, ipsi ademptum, alteri tradit. 260. E

CCCXLI. De eadem Conradi Coronatione. Propter quam non ipse solum ac noster Archiepiscopus, sed etiam universus Mediolanensis Populus anathemate Pontificio percussus fuit. 262. A

CCCXLII. Quomodo Anselmus Archiepiscopus, explorato Cleri ac Populi Mediolanensis erga Conradum favore, ipsum Modoetiæ ac Deinde in Ambrosiana ista Basilica coronaverit: & quomodo Papiæ, satagente Legato Pontificio, fuerit, in Concilio Provinciali excommunicatus. 262. B

CCCXLIII. Antiquus Coronæ Ferreæ usus contra Onuphrium Panvinium demonstratur. 263. D

CCCXLIV. Exploditur Panvini responsio, conantis eludere Conradi Primi Coronationem, a nostro

Archiepiscopo peractam. 264. D

CCCXLV. De Italica Conradi Secundi, aliis Tertii, Coronatione responsio pariter Panviniana refellitur. 265. E

CCCXLVI. Panvinus opinionem hac in re suam frustra Bernardini Corii testimonio defendere conatus. 256. E

CCCXLVII. Mortuo Papa Honorio Secundo subrogatur ab una Romanorum parte Innocentius, ab altera verò Anacletus Secundus. 257. A

CCCXLVIII. Innocentius utique canonicè electus; Anacletus autem intrusus. Innocentio itaque Sanctus Bernardus Abbas Clarævallisensis, necnon Franciæ Angliæque tum etiam Germaniæ Lotharius Reges cum suis, aliique Populi multi adherent. 257. B

CCCXLIX. Anselmus noster Archiepiscopus cum Populo Mediolanensi ac plerisque Lombardiæ Episcopis Anacleto se adjungit. 268. B

CCCL. Anacletus quippe Anselmo per suos Nuncios huc misit Archiepiscopalem Stolum, quam ex Honorii Papæ manu accipere ipse jam ante recusaverat. Bellum à Mediolanensibus contra Cremonenses & Papienses feliciter gestum. 268. C

CCCLI. Clerus & Populus Mediolanensis duas finditur in partes; aliis Innocentio Papæ ac Lothario Regi, aliis Anacleto Pseudopontifici & Antiregi Conrado faventibus. Anselmus ipse Archiepiscopus, e Sede pulsus, ad Archiepiscopatus Castellam secedit. 268. E

CCCLII. Sanctus Bernardus, Cardinalis & Episcopus Parmensis, Sancti Ambrosii Corpus, sub hoc ipsius Altari tumulatum, venerabundus invisit; nec sine insigni miraculo. Anselmus Archiepiscopus ab Anacleto creatus Cardinalis. 269. A

CCCLIII. Innocentius, congregatis Conciliis, adversus Anacletum ejusque Fautores anathemata renovat Leodii, Placentiæ, Pisis. Lotharium coronat Imperatorem. Conradus ipse Sancti Bernardi Clarævallisensis Abbatis suavis titulum deponit regium, & in Lotharii gratiam recipitur. 270. A

CCCLIV. Mediolanenses, Innocentii, ac Lotharii gratiam recuperare, pacemque cum suis Vicinis componere studentes, Sancto Bernardo Clarævallis Abbati Litteras & Nuncios mittunt, Priusquam Pisanum ad Concilium pergat. 270. D

CCCLV. Sanctus Bernardus ex itinere ad Concilium Mediolanensibus rescribit, operamque suam & postea præsentiam ipsis pollicetur. 270. F

CCCLVI. Quæ Sanctus Bernardus ad Clerum Mediolanensem rescripsit. 271. A

CCCLVII. Quæ ad universos Mediolani Cives. 271. B

CCCLVIII. Quæ ad Novitios apud Mediolanum conversos, hoc est, recenter Ordini Cisterciensium adscriptos. Ubinam illi forte tunc degerent. 271. D

CCCLIX. Quam procul à vero aberrarint ii, qui nunc ab eodem Sancto Abbate scriptam censuerunt eam ipsius ad Mediolanenses Epistolam, quæ cæteris connumeratur Centesima trigesima prima. 272. E

CCCLX. De actis Concilio Pisano. Quanti estimatus in eo Sanctus Bernardus: quemadmodum multi è Clero Mediolanensi fidelitatem Innocentio juraverint, Anselmi quoque Archiepiscopi depositio & expulsio confirmata fuerint, decretique fuerint ad Mediolanenses Legati Apostolici, & inter hos ipsemet Sanctus Bernardus, optatissimus. 274. A

CCCLXI. Apostolici Legati Mediolanum veniunt: quantoque fuerint honore ac reverentia excepti. 275. A

CCCLXII. Mediolanenses, Anacleto & Conrado repudiatis, Innocentium & Lotharium coram Legatis Apostolicis approbant: injunctamque Sancti Bernardi arbitrio penam promptissimi persolvunt. 275. D

CCCLXIII. Quæ postea Sanctus Bernardus ad Imperatricem pro Mediolanensibus scripserit. 276. A

CCCLXIV.

INDEX CHRONOLOGICUS

- A. C. CCCLXIV. *Quanta humilitatis & obedientiae signa Mediolanenses Sancto Bernardo dederint: quod & quanta ille vicissim miracula ediderit.* 276. A
- CCCLXV. *Quantam Daemonum in Mediolanenses licentiam Deus ob Schisma permisisset: quanta nunc Mediolanensium erga Sanctum Bernardum fides: quanta ipsius virtus in fugandis Daemonibus.* 276. C
- CCCLXVI. *Sanctus Bernardus, ad Basilicam istam profectus, Missam celebrat, demoniacamque sanat puellam.* 277. D
- CCCLXVII. *Altera rursus die alteram hic sanat demoniacam & monstrosam mulierem.* 277. F
- CCCLXVIII. *Sanctus Bernardus interim ad Basilicam Laurentianam hospitabatur. Hic Mediolanenses illum sibi deprecant Archiepiscopum: sed frustra. Mediolano igitur ille discedit.* 278. F
- CCCLXIX. *Quam modeste Sanctus Bernardus Ecclesiasticas Dignitates sibi oblatas recusaverit: & quemadmodum ejus Fratres precavissent, ne ad illas assumereetur.* 279. D
- CCCLXX. *Fidelis ejus effigies hic inserta.* 280. B
- CCCLXXI. *Sanctus Bernardus, Papienses & Cremonenses frustra conatus cum Mediolanensibus consiliare, Mediolanum redit.* 280. C
- CCCLXXII. *Sanctus Bernardus ad Imperatricem pro Mediolanensibus in gratiam recipiendis scribit.* 281. B
- CCCLXXIII. *Nonnulli Cistercienses Monachi hac in Urbe morati. Mediolanenses, congregatis Episcopis Comprovincialibus, Archiepiscopum eligunt Robaldum. Anselmus antebac noster Archiepiscopus, Romam tendens ad Anacletum Antipapam, intercipitur: ac Pisas ad Innocentium ductus, indeque Romam missus, illic moritur.* 281. E
- CCCLXXIV. *Nonnulla de hoc Anselmo errata refelluntur. Non ille Lotharium coronavit Regem: non Sanctum Abbatem Bernardum recepit hospitio: non ejus gratia Charavallense Monasterium ab Anselmo Archinto edificandum curavit, vel ipsemet edificavit. Manfredus certe tamen Archintus illud postea locupletavit.* 282. C
- CCCLXXV. *Sanctus Bernardus, Mediolanum reversus, Normam vivendi tradidit Fratribus de Convenio, sive Tertio Humiliatorum Ordini, jamdudum incepto: Nonnulla de hoc Ordine, deque Pontificia ipsius Confirmatione: ac de Beato Guidone, Domus in Porta Orientali (ubi nunc Clericorum extat Seminarium) Fundatore.* 283. B
- CCCLXXVI. *Robaldus Archiepiscopus Innocentio Papae in Urbe Pisana jurat fidelitatem; atqui Archiepiscopalem Stolum & Pallium ibi ex ipsius manu recipere detrectat.* 285. D
- CCCLXXVII. *Ecclesia nimirum Ambrosiana hoc veteri consuetudini ac dignitati suae adversum existimabat.* 286. A
- CCCLXXVIII. *Hinc ergo Mediolanenses tumultuantur, quibus adversari Robaldus non audet: sic etiam ex adverso excandescit Innocentius, ipsique dira minitatur. Sanctus ergo Bernardus officiosissime pro ipsis ad eum scribit.* 286. E
- CCCLXXIX. *Sanctus Bernardus hoc ab Innocentio videtur obtinuisse, ut Archiepiscopale Pallium mitteret ad Robaldum. Certè mitigatis hinc inde animis, per Epistolam suos monet Mediolanenses, ne clementiam Ecclesiae Romanae, tot modis jam experta, abutantur.* 287. E
1135. CCCLXXX. *De scopo hujus Epistolae, quid Sigonius ac Baronius senserint. Mediolanenses, Innocentio mediatore, reconciliati postea Imperatori Lothario.* 289. A
- CCCLXXXI. *Lotharius in Italiam reversus, obvios habet Mediolanenses & Cremonenses. Quid pro illis contra istos actum.* 289. C
- CCCLXXXII. *Lotharius nunc fortè Mediolani ac Modoetiae à Robaldo Archiepiscopo coronatus.* 289. E
- CCCLXXXIII. *Suburbanum Charavallis Monasterium Cisterciensibus Monachis edificatur.* 290. A ^{1136.}
- CCCLXXXIV. *Quemadmodum Mediolanenses illud edificarint, ac praediis ditarent.* 290. D
- CCCLXXXV. *Mediolanenses una cum Imperatoris Exercitu infensi Cremonensibus ac Papiensibus. Innocentius Cremonenses à Robaldi excommunicatione absolvit. Ipsorum Episcopus aliquandiu apud Mediolanenses captivus.* 291. B
- CCCLXXXVI. *Sanctus Bernardus bis Mediolanum, ter in Italiam venit. De tertio ipsius adventu. Moritur Anacletus Pseudopontifex; alter ei subintruditur, nomine Victor. Qui tamen mox Sancti Bernardi operâ sese abdicat, & Innocentio subdit. Quamobrem, Schismate tandem sublato, Sanctus Bernardus ad suum in Gallia Monasterium se recipit.* 292. E ^{1137.}
- CCCLXXXVII. *Lotharius Imperator ex hac vita sublatus.* 294. A ^{1138.}
- CCCLXXXVIII. *Conradus, Imperatoris Henrici sororius, olim rejectus, nunc e Sedis Apostolicae consensu Rex Lothario substituitur.* 294. A ^{1139.}
- CCCLXXXIX. *Monasterii hujus Abbas Vivfredus. Ipsi subjecta Sanctorum Petri & Pauli Apostolorum Ecclesia ad Turbidam reaedificatur.* 294. C ^{1141.}
- CCCXC. *Consules Mediolani ex Archiepiscopi consensu Sententiam pronunciant super aliquot controversiis inter Monasterium istud & Canonicam Sancti Ambrosii, ubi ejus sanctum requiescit Corpus: ac nominatim super Oblationibus, & Campanili Novo, Campanisque.* 294. E ^{1143.}
- CCCXCI. *De Clocis, hoc est, Campanis, deque illarum usu in Ecclesia Christiana.* 297. B
- CCCXCII. *De veteri earum usu in Ecclesia Mediolanensi: ac de duobus ad hanc Basilicam Clocariis, Veteri ac Novo. Quem admodum Sanctus olim Simplicianus Provinciali Decreto sancivisset, ut Comprovinciales Episcopi singillatim ex ordine venirent ad suam unius Hebdomadae vicem in Basilica ista peragendam: & quomodo postea illi sese ab hoc ministerio exemerint.* 297. F
- CCCXCIII. *Cur Gallus in Veteris Clocarii vertice collocatus. Cur item Leones efficti ante Portas Ecclesiarum.* 300. E
- CCCXCIV. *Sicut ab hujus Metropoleos Episcopis Comprovincialibus praedictum hebdomadae unius ministerium per vices in hac Basilica peragebatur; sic etiam simile quoddam olim factitatum Ravennae.* 301. D
- CCCXCV. *De Clocario Novo. Quandonam constructum, & à quibus. De Vindemiatoribus, supra ipsius portam lapidi transverso insculptis: an forte indicent, Basilicam istam olim Bacchi Templum fuisse.* 302. B
- CCCXCVI. *Mortuo Innocentio Secundo subrogatur Caëstinus, & Caëstino Lucius, ambo pariter Secundi.* 302. F ^{1144.}
- CCCXCVII. *Conventio inter Guifredum, istius Abbatem Monasterii Sancti Ambrosii, ubi ejus sanctum quiescit Corpus, & Presbyterum Officialem ac Vicinos Ecclesiae Sanctae Valeriae.* 303. A
- CCCXCVIII. *Basilicae istius Canonici non acquiescunt superiori Consulum Sententiae. Ad binos ergo provocant Apostolicae Sedis Legatos, Cardinales. His Monachi sua exhibent jura nomine Guifredi Abbatis Monasterii Sancti Ambrosii, Christi Confessoris, atque Sanctorum Martyrum Protasii & Gervasii. in cujus Ecclesiae Altari condita sunt Corpora praedictorum Martyrum, & praefati Confessoris. Nullam tamen ab iis reportant sententiam. Robaldus ipse Archiepiscopus è communibus rursus eorumdem Monachorum & Canonicorum consensu dirimit ipsorum inter se lites: ac nominatim Campanile Novum Canonicis donat.* 303. D
- CCCXCIX. *Robaldus moritur, Obertus de Pirovano succedit.* 306. A ^{1145.}

N U M E R O R U M C A P I T A L I U M .

- A. G. CD. *An Conardus, ex quo legitime fuit electus in Regem, fuerit etiam coronatus ab Archiepiscopo nostro Robaldo, vel Oberto.* 306. D
- CDI. *Lucio Papæ mortuo substituitur Eugenius Tertius.* 307. B
- ^{1146.} CDII. *Martinus Monasterii hujus Abbas.* 307. C
- ^{1148.} CDIII. *Oberti Archiepiscopi Privilegium pro isto Monasterio ejusque juribus ac facultatibus.* 307. C
- CDIV. *De Sancti Satyri festivitate, ab his Monachis celebrari solita in ejus Ecclesia Urbana, sed à Canonicis in hac Suburbana. De lite inter ipsos hinc oborta: & quemadmodum Tedaldus Metropolitanæ Archipresbyter eam ex Oberti Archiepiscopi mandato composuerit.* 309. C
- ^{1149.} CDV. *Joannes Abbas hujus Monasterii Sancti Ambrosii, ubi ejus sanctum requiescit Corpus, alterum quendam Johannem Mariam & aliquot alios Villæ Albæ incolas investit de quibusdam bonis.* 310. F
- ^{1151.} ^{1152.} CDVI. *Conradus Imperator transitum jurat in Italiam; sed morte interceptus non venit. Fridericus Ænobarbus (ipsius nepos, non autem frater) eidem sublegitur in Romanorum Regem. Quantopere de rebus præcipue Italicis curaret.* 311. B.
- ^{1153.} CDVII. *Laudenses apud Fridericum de Mediolanensibus conqueruntur.* 311. D
- CDVIII. *Moritur Eugenius Papa Tertius, eique Anastasius Quartus succedit. Sic etiam Sanctissimus ac de nostris Mediolanensibus quam optime meritus moritur Bernardus, Clarævallenfis Abbas.* 311. F
- ^{1154.} CDIX. *Inter hujus Monasterii Monachos & Hospitalis Sancti Ambrosii Fratres ortæ lites: quas Obertus Archiepiscopus dirimit. Quemadmodum Parochi hoc tempore in Vigiliis Dominicæ Nativitatis non Aqua tantum benedicerent, sed etiam Incenso suffumigarent subditorum suorum domos,* 312. B.
- CDX. *Fridericus, Italiam ingressus, in hac Basilica coronatur ab Oberto Archiepiscopo.* 314. B
- ^{1155.} CDXI. *Johannes Abbas hujus Monasterii Sancti Ambrosii, ubi ejus sanctum requiescit Corpus, binas facit bonorum Commutationes.* 314. F
- CDXII. *Fridericus in urbe Roma coronatur Imperator.* 315. C
- CDXIII. *Friderico in Germaniam reverso, Mediolanenses in Papienses ac Laudenses insurgunt. Fridericus ipse nuptias cum Beatrice celebrat.* 315. C
- ^{1156.} CDXIV. *Amizo Abbas istius Monasterii.* 315. D
- ^{1157.} ^{1158.} CDXV. *Fridericus copiosissimum Exercitum contra Mediolanenses parat, tum etiam ducit, Urbemque obsidet.* 315. E
- CDXVI. *Arcum expugnat sibi que subigit Romanum. An Boemiæ Dux propterea fuerit creatus Rex, & in hac Basilica coronatus. De Candelabro Salomonis hinc Pragam apportato.* 316. C
- CDXVII. *Mediolanenses Friderico se dedunt: ipseque Modoetiam profectus, Coronam illic induit.* 317. C
- CDXVIII. *Quomodo Fridericus nunc Modoetiæ Coronam induerit.* 317. F
- ^{1159.} CDXIX. *Fridericus Mediolanum Legatos mittit, qui novos ei Consules creent; sed à nostris repelluntur. Sic etiam repelluntur à Cremenfibus, Muros & Fossata destruere jussit. Quocirca Fridericus in ipsos excandescit.* 318. C
- CDXX. *Fridericus bellum in ipsos parat. Vicissim etiam illud propulsare, vel etiam inferre, parant Mediolanenses. An propterea diruerint omnia suburbana ædificia, & nominatim Basilicam Eustorgianam: ejusque ruinâ innotuerint sacratium Magorum Corpora, quæ antehac ibi laterent ignorata ipsis etiam Æditui: & an isti non modo Canonici sed etiam Monachi essent.* 319. A.
- CDXXI. *De proximis quæsitis nihil tale nos affirmamus, quinimo negativam tuemur partem.* 319. F
- CDXXII. *Vera narratio de Trium Magorum translatione à Constantinopoli Mediolanum; & ad Basilicam, quæ postmodum Eustorgianæ nomen obtinuit.* 321. F
- CDXXIII. *Mediolanenses Tritium Castrum sibi è manibus Fridericianorum recuperant: & Laudensibus arma pluries inferunt.* 323. A
- CDXXIV. *Hadriano Papæ mortuo subintruditur Victor, Ænobarbo acceptus; legitime vero substituitur Alexander Tertius. Hic antea Canonicus, ac deinde Monachus in Charævallenfi apud Mediolanum Monasterio fuerat. Denique vero etiam Sanctus occubuit.* 323. A
- CDXXV. *Fridericus Cremam evertit. Conciliabulum Papiæ congregat: in quo Victor tamquam legitimus Pontifex recipitur, Alexander vero excommunicatur. Alexander ex adverso Concilium celebrat, & Victorem ac Fridericum & omnes ipsorum affectas excommunicat, & nominatim etiam Mediolani. Cujus Urbis Archiepiscopus & Consules eidem Alexandro sese sacramentofidelitatis obstringunt, & ardentiore animo bellum contra Fridericum parant.* 323. F
- CDXXVI. *Fridericus armata manu Comitatum devastat Mediolanensem: nec multo post tertia pars Urbis fortuito incendio comburitur.* 324. C
- CDXXVII. *Fridericus, novis è Germania copiis auctus, Mediolanum aggreditur.* 324. E
- CDXXVIII. *Alterum pro Victore Antipapa Conciliabulum cogitur in Urbe Lauda: quod Archiepiscopum & Consules Mediolani, eorumque fautores excommunicat.* 325. B
- CDXXIX. *Ænobarbus obsidione rursus Mediolanum premere aggreditur: omnique per diros etiam modos contendit ope, ne commeatus importentur.* 325. C
- CDXXX. *Mediolani gravissima cibariorum inopia. Tumultus inde acjurgia, & in Archiepiscopum præferunt. Quocirca Genuam ille ad Alexandrum Papam se recipit.* 325. E
- CDXXXI. *Ejusmodi fugæ comes Archiepiscopo fuit etiam Sanctus Galdinus: & ambo catholicè ac sapienter. Ut enim Schismatis rabiem fugerent, neque Schismaticis consentirent obedirentque; peregrinari potius & exulare sibi elegerunt.* 326. A
- CDXXXII. *Quo tempore Archiepiscopus noster, & Sanctus Galdinus, nec non etiam Metropolitanæ Archipresbyter, itemque Cimiliarcha fugerint ad Alexandrum Papam. Quam immerito & falso proditiæ Urbis contumelia in eundem Archiepiscopum conjecta.* 326. F
- CDXXXIII. *Mediolanenses deditionem in Urbe Lauda cum Imperatore, ad ipsius arbitrium, paciscuntur.* 328. E
- CDXXXIV. *Quemadmodum deditio isthæc fuerit executioni data. In Carrocii vexillo pictus stabat Sanctus Ambrosius.* 329. B
- CDXXXV. *Amizo Abbas hujus Ecclesiæ ac Sancti Ambrosii, ubi ejus sanctum requiescit Corpus, Conventionis quoddam Instrumentum facit.* 329. F
- CDXXXVI. *Fridericus ab Urbe Lauda Papiam procedit.* 330. B
- CDXXXVII. *Alterum Conventionis Instrumentum inter Amizonem Abbatem Ecclesiæ & Monasterii Sancti Ambrosii, sitæ infra Fossata Civitatis Mediolani, ubi ejus sanctum requiescit Corpus, & alios quosdam, 330. C*
- CDXXXVIII. *Imperator mandat Mediolanensibus, ut infra octo dies facessant omnes ab Urbe. Tum ipse huc profectus, eam direptioni excidioque tradit. Quam parum ex ipsa superfuert. De Muris Urbis, deque Majoris Ecclesiæ Campanili.* 330. D
- CDXXXIX. *Imperatoris in hanc urbem ingressus ab Historico Dubravio non sine aliquot erratis descriptus.* 331. C
- Puricellus. *** CDXL.

- A. c. CDXL. *Imperator ad Basilicam istam (tunc certè palatii & cortinis ad hunc finem ornatam) videtur venisse: atque hic etiam excidionis tempore hospitatus. 332. F*
- CDXLI. *An Fridericus in hac excidione parciussert Urbis hujus Ecclesiis. Iterum de Majori Ecclesia, ejusque Campanili: & an illa fuerit eadem cum Ecclesia Sanctæ Mariæ ad Circulum, sicut aliqui perperam existimarunt. De Arena, vel aliter Arengo: sic etiam de Palatio Archiepiscopali. Tribus ad minus ille pepercit Ecclesiis & huic nominatum Ambrosianæ. 333. D*
- CDXLII. *Fridericus Palmarum celebritati adest in hac ipsa Basilica, non autem in Laurentiana. 337. A*
- CDXLIII. *Sanxisse fertur, ut in hac Basilica Sepulchrum Regum & Comitum Angliæ destrueretur, eorumque inde ossa dispergerentur: sic etiam graviter in superstites eorum familiæ sævisse. Quid item postea ex adverso Consules Mediolani. 337. C*
- CDXLIV. *De Basilicæ hujus Suggestu, ac duobus adhuc ad ipsum Sepulchris, quorum unum fuisse dicitur Regum & Comitum Angliæ. An Sanctus Manfuetus Archiepiscopus (quem Scriptores communiter in hac sepultum fuisse Basilica tradiderunt) in alterutro eorum quiescat. 339. B*
- CDXLV. *Imperator Papiam redit: ibique postea diem Paschæ coronatus celebrat, & splendide cum Proceribus suis epulatur. 342. E*
- CDXLVI. *Variis Civitatibus & Castris Prætores cuique suum præficit, ac Mediolanensibus vicatim dispersis Henricum Episcopum Leodiensem: qui eos paulo remotius ab Urbe diruta habitare coegit. 343. C*
- CDXLVII. *Solos sibi centum retinet Obsides Mediolanenses, & unoquoque mense mutari jubet. 345. A*
- CDXLVIII. *Alexander Papa Victorem Antipapam & Fridericum Imperatorem cum ipsorum affectis in Concilio Claromontano excommunicat. Hi vicissim alterum congregare tentant Concilium apud Berenzonum in Burgundia, non autem apud Berenzonam in Lombardia. Quo frustra tentato, Fridericus abit in Germaniam, & cum ipso etiam Henricus Mediolanensium Prætor, præfesto illis Petro Cuvin, avarissimo. 345. A*
- CDXLIX. *Fridericus in Italiam remittit Coloniensem Archiepiscopum. Quæ hic egerit tam pro Friderico, quam pro Antipapa Victore contra Episcopos & Sacerdotes, qui ei refragarentur. Basilicæ istius Canonici propterea exturbati; non sic autem Monachi. De ipsius Cimiliarcha, & ejusdem electione atque officio: de oleo item cera & incenso, quotannis ipsi ab Archiepiscopo dari solitis. 345. F*
- CDL. *Cur isti tunc Monachi (sicut & Charevallenses) ad Victorem Antipapam defecerint. Missas tamen interea non celebrarunt. Quantopere cæteroque Chartusienses atque Cistercienses pro Alexandro Papa laborarint: quamque gravia proinde à Friderico passi. 348. D*
- CDLI. *Alexandri Papæ Concilium Turonense, ac renovata in Antipapam & in Imperatorem anathemata. 349. E*
- CDLII. *Episcopus Leodiensis alterum sui Vicarium, nibilo minus avarum ac rapacem, Mediolanensibus præficit. 349. F*
1163. CDLIII. *Fridericus in Lombardiam redit, & Obsides Mediolanenses è carceribus dimittit. 350. A*
1164. CDLIV. *Aliquot Italiæ Civitates propter Imperatoris ejusque Ministrorum tyrannidem ab ipso deficiunt, aliæ remissius ei obsequuntur. Ipse igitur in Germaniam, collecturus Exercitum, revertitur. 350. B*
- CDLV. *Victori Antipapæ mortuo subintruditur alter, nomine Paschalis Tertii. Quam mendaciter adscripta Victori miracula. Quemadmodum Episcopus Leodiensis in Antipapam eligi noluerit, sed alterum illum electum consecravit. 350. E*
- CDLVI. *Sanctorum Trium Magorum Corpora Colonia transferuntur. Defuncto Leodiensi Episcopo Mediolanensium Prætori, substituitur alter. 352. B*
- CDLVII. *An Imperator eadem Corpora prius Episcopo Leodiensi donasset. 353. A*
- CDLVIII. *Quas præsertim ob causas eadem Corpora Mediolanensibus tam chara essent: atque cur ab ipsis è Suburbio forte translata fuerint in Urbem. 354. A*
- CDLIX. *An unius mulierculæ indicio ea fuerint prodita Colonienfi Archiepiscopo: & de cujusdam Scriptoris fabula, quomodo ipse Colonia illa transfulerit. 355. B*
- CDLX. *An in Germaniam fuerint adportata sacra Corpora, non modo Trium Magorum, sed etiam Naboris & Fælicis, ac præterea Protasii & Gervasii, quemadmodum aliqui scripserunt. 355. E*
- CDLXI. *Eorundem Sanctorum Magorum, tum etiam Naboris Fælicis in Germaniam Translatio per Ægidium Auræ Vallis Religiosum descripta. Sed hæc tamen ex parte Naboris & Fælicis a nobis improbat. 357. A*
- CDLXII. *Pro Sanctorum Protasii & Gervasii Translacione in Germaniam proponitur quoddam Scriptum, Bernardino Corio visum authenticum; sed aliis non ita. 360. A*
- CDLXIII. *Nos aliis præterea ostendimus argumentis, authentici nomen ac fidem Scripto illi non debere. 361. E*
- CDLXIV. *Quam falso Ænobarbus in eo Scripto fuerit appellatus Hermannii filius. 362. D*
- CDLXV. *Examinatur Rodulfi nomen, a quo translata in Germaniam ejusmodi Corpora in eo Scripto dicuntur. 363. F*
- CDLXVI. *Expenditur etiam indicium illud Mulieris, quæ in eo Scripto dicitur ejusmodi Corpora Exportatori prodidisse. 364. D*
- CDLXVII. *Præclusus jam fuerat ingressus ad Sanctorum Protasii ac Gervasii Corpora; ut propterea ne nunc quidem inde fuerint alio translata. 365. E*
- CDLXVIII. *Hoc ipsum aliis indiciis confirmatur. 367. D*
- CDLXIX. *Sed & aliis rursus. 368. B*
- CDLXX. *Proferuntur etiam Basilicæ istius Tabulæ, aliorumque Scriptorum testimonia. 396. D*
- CDLXXI. *Quonam forte factum fuerit errore, ut Sanctorum Protasii ac Gervasii Corpora Brisacenses sibi vendicent. Quas item generatim ob causas unum idemque sacrum Corpus in pluribus Ecclesiis extare dicatur. 370. E*
- CDLXXII. *Respondetur ad miracula, quæ Brisaci creduntur ab iisdem Sanctis Protasio ac Gervasio, velut ad suorum Corporum præsentiam, patrata. Et hic multa de Sancti Uldarici Augustani Episcopi Corpore, quod Mediolanenses conditum crediderunt in Basilica Nazariana, multaque se illic ab ipso accepisse beneficia; cum alioqui verius Augustæ Vindelicorum quiescere videatur. 372. A*
- CDLXXIII. *Per prædictam excidii Mediolanensis occasionem non multa Sanctorum Corpora nobis videntur hinc in Germaniam translata, nec in ea servitum. 375. F*
- CDLXXIV. *Id ipsum confirmatur. An præterea Sanctorum Machabæorum Corpora tunc fuerint in Germaniam hinc translata: & hoc item nobis non probatur. 376. C*
- CDLXXV. *Ne Sancti quidem Arsatii, Archiepiscopi nostri Corpus tunc videtur in Germaniam translatum, sed in Sancti etiamnum Stephani Basilica custoditum. 377. B*
- CDLXXVI. *Abstinet autem, ut ipsummet Sancti Ambrosii Corpus hinc fuerit in Germaniam, & nominatim in Bavariam, translatum. De Theca quadam Reliquiaria, quam Baviaræ Dux uni ex hujus Ambrosiani Monasterii Monachis donavit. 378. B*
- CDLXXVII.

N U M E R O R U M C A P I T A L I U M .

- A. G. CDLXXVII. *Quam varie in publicis Documentis descripta fuerit hæc Basilica, vel Monasterium. Aliquando enim adjecta illis fuit mentio sacrorum Ambrosii ac Protasii & Gervasii Corporum, quæ ibidem quiescerent. Nominumque solius Ambrosii adjecta fuit. Sæpe vero illius etiam est omissa. Neque tamen hoc obstabat, quominus illa vere hic quiescerent: sicuti neque, quod Sanctus Bernardus Cardinalis & Episcopus Parmensis tradebatur Sancti Ambrosii Corpus conspexisse; de Sanctis autem Protasio ac Gervasio nihil addebatur. 381. B*
1165. CDLXXVIII. *Pleraque Lombardiæ Civitates, propter immodica Ministrorum Imperatoris imperia tetrasque rapinas, fœdus ineunt contra ipsum. Alexander Pontifex, à Romanis vocatus, ad illos è Gallia tendit, & cum ipso Archiepiscopus etiam noster Obertus. Hic tamen moratur Beneventi: ac Sanctus interim Galdinus Romam vocatus, creatur Ecclesiæ Romanæ Cardinalis. 382. D*
- CDLXXIX. *Quandonam Sanctus Galdinus creatus fuerit Cardinalis. 383. F*
1166. CDLXXX. *Beneventi moritur Obertus noster Archiepiscopus, re quidem vera piissimus, ac Sancto propterea Galdino dilectissimus. Calumniatores ipsius hic rursus refelluntur: ac quemadmodum vel ex ipsius integritate, atque cum Ecclesia Catholica unione inviolabiliter servata, forte traxerint calumniandi occasionem. 384. A*
- CDLXXXI. *Quam sollicitus ille fuerit pro Patria sua reparanda, Civibusque in eam restituendis. 386. C*
- CDLXXXII. *Sanctus Galdinus Oberto in Archiepiscopum substituitur. 386. E*
- CDLXXXIII. *Imperator e Germania milites in Italiam præmittit: deinde, Conciliabulo contra Pontificem Alexandrum coacto, ipse cum reliquo Exercitu subsecutus, bellum contra eundem Pontificem decernit. 387. B*
1167. CDLXXXIV. *Imperator cum suo Exercitu Romam versus proficiscitur. 387. E*
- CDLXXXV. *Alexander Pontifex, diu, sed frustra, expectato ad pœnitentiam Imperatore, subditos ejus a juramento fidelitatis absolvit, ipsumque Regia etiam privat Dignitate in Concilio Romano. Sic etiam forte tunc Sancto Galdino Legationem Apostolicam commisit. 388. B*
- CDLXXXVI. *Lombardi, per Imperatoris Procuratores gravius etiam solito afflicti, & præsertim Mediolanenses, de iisdem restituendis in Urbem suam, deque illa reparanda deliberant in Pontidenfi Colloquio. 388. D*
- CDLXXXVII. *Singulæ Civitates à se dispellunt Friderici Præfectos: ac Mediolanenses in suam Patriam restituuntur. 389. D*
- CDLXXXVIII. *De hoc ipso Mediolanensium in suam Patriam reditu, deque ipsius statim reparatione. Quam graviter Imperator ejusmodi nuncium audierit. 389. D*
- CDLXXXIX. *Laudenses tandem coacti veniunt in Mediolanensium & aliorum Fœderatorum societatem. Tritii Castrum, ab Imperatoris Procuratore tentum, per nostros evertitur. 390. D*
- CDXC. *Fridericus interim, a Paschali Antipapa sollicitatus, aggreditur Romam, eademque potitur; at non Alexandro Papa, per fugam elapso. 390. E*
- CDXCI. *Paschalis Antipapa, jam Romæ dominans, ibi celebrat Missam, & Imperatorem solemniter coronat. 391. B*
- CDXCII. *Postridie illic Exercitus Imperatoris repente divinitus pestilentia corripitur, ac magna ex parte perit: ac nominatim etiam Leodiensis Episcopus, Alexander nomine, non Henricus 391. D*
- CDXCIII. *Sanctus Galdinus, Archiepiscopus noster, Mediolanum venit: ac solemniter ingrediens ad Basilicam istam prius deducitur. 392. A*
- CDXCIV. *Quantopere hic item pro colligendis in hanc Urbem Civibus, eaque reparanda laboraverit. 393. A*
- CDXCV. *Quid inter Abbatem ac Præpositum istius Basilicæ tunc contigerit, cum Sancti Galdini adventum ambo in Choro expectarent. 393. C*
- CDXCVI. *Pestilentia per Imperatoris Exercitum debacchante, ipse ab Urbe Roma Papiam venit, multis militum pariter in itinere defunctis, plerisque vero aliis mortali ac diuturno morbo afflictis. 393. D*
- CDXCVII. *Civitates Imperator sibi rebelles proscribit: multa quoque, sed incassum, tentat hostilia, & in Mediolanenses præsertim. 393. F*
- CDXCVIII. *Imperator, nec Papiæ nec alibi à Lombardis tutus, in Germaniam, sumpto servi habitu, fugit; cum prius Nobilem Brixensem suspendio necasset. 394. C*
- CDXCIX. *Iterum de hac illius in Germaniam fuga. 395. B*
- D. *Quenam præsertim Civitates illum in Germaniam fugere coegerint. 395. C*
- DI. *Imperatore in Germaniam profecto, Lombardi contra ipsum conjurati, alios sibi consortes asciscunt 395. F*
- DII. *Sanctus Galdinus, Ambrosiano ac Vincentiano Abbatibus ad Laudenses legatis, efficit, ut, ejurato Schismate. adhæreant Alexandro Papæ Catholicumque sibi Episcopum, abdicato Schismatino, eligant. 369. A*
- DIII. *Lombardi de suis itidem in Lombardia hostibus pœnas sumunt. Quinam fuerit Nobilis ille Brixienfis, suspendio necatus: & quemadmodum illius mors à Lombardis compensata. 396. A*
- DIV. *Alexandriam quoque Civitatem condunt, & ex Alexandri Papæ nomine illam. sic appellant. 1169. 397. D*
- DV. *Rex Angliæ pecuniam offert, vel etiam forte præbet, Mediolanensibus (sicut & aliis nonnullis Italiæ Civitatibus) ad Urbis suæ Muros reparandos; si tamen Sancti Thomæ Cantuariensis Archiepiscopi dejectionem, vel translationem, obtineant ab Alexandro Papa. 397. E*
- DVI. *Sic etiam Constantinopolitanus Imperator, Ænobarbo insensus, pecuniam Mediolanensibus pro Murorum reparatione suppeditat. 398. B*
- DVII. *Matronæ Mediolanenses Metropolitanæ Sanctæ Mariæ Basilicam suimetipsarum restaurant ornamentis. 398. F*
- DVIII. *Marmoreum in hac Basilica Pulpitum circiter hoc tempus videtur à Guilhelmo de Pomo, Basilicæ Superstantiario, renovatum. 499. A*
- DIX. *Paschalis Antipapa morte pessima occumbit; eique mox alter à Schismaticis substituitur, & ab ipsomet etiam Ænobarbo comprobatur; tametsi Alexandro fraudulenter aliud postea smulet. 399. D*
- DX. *Amizo, etiamnum Abbas hujus Ecclesiæ ac Monasterii Sancti Ambrosii, ubi ejus sanctum requiescit Corpus, Investituram facit de quibusdam Vineis, in loco Campilliono ejusque Territorio sitis. 400. A*
- DXI. *Sanctus Thomas Archiepiscopus Cantuariensis, aliquando antehac Cisterciensium Habitu indutus, & inter ipsos versatus, martyrio coronatur. 400. D*
- DXII. *Sanctus Galdinus circiter hunc Annum antiquos Capituli Metropolitanæ honores confirmat: & inter alios hunc quoque: ut ei soli, exceptis Monachorum Congregationibus, in Civitate Missam liceat cum Diacono & Subdiacono celebrare. 400. E*
- DXIII. *Mediolanenses Urbem reedificant, ac pro- 1171. latis menibus faciunt ampliorem. 402. A*
- DXIV. *De eadem Mediolani restauratione: ac quemadmodum ipsum etiam de Friderico sermonem venterint. 402. C*
- DXV. *De eadem restauratione Inscriptio, quæ ad Portam Romanam hodieque legitur. 402. D*
- DXVI. *De ipsamet Romana Mediolani Porta, hoc Anno incepta. 403. A*

INDEX CHRONOLOGICUS

- A. C. DXVII. De variis symbolis eidem Portæ insculptis. 403. C
- DXVIII. De aliquot Basilicis, nunc intra Muros inclusis. 404. A
- DXIX. De Fossæ Emissario (vulgò Clusa, vel Clusia) nunc constructo. 404. C
- DXX. De Passaguado de Setara, inter hujus Anni Consules primo. 404. D
- DXXI. De recentibus hujus Urbis Muris, Portis, Pusterlis: ac nominatim de Pusterla Sancti Ambrosiana, eademque diversa à Ticinensi Porta. 404. E
- DXXII. Prasente ac consentiente Sancto Galdino Archiepiscopo, Conventionem quandam libellarem facit Amizo Abbas hujus Ecclesiæ & Monasterii Beatissimi Ambrosii, ubi ejus sanctum requiescit Corpus. 405. B
1173. DXXIII. Consules Mediolani Sententiam pronunciant in favorem istius Monasterii Sancti Ambrosii, ubi ejus sanctum requiescit Corpus. 406. C
- DXXIV. Singularis quædam hominis effigies Romanæ Portæ insculpta, describitur. 407. C
- DXXV. Ea Jovio visa est Ænobarbi effigies. 407. F
- DXXVI. Aliorum opinio, eam illic fraude Imperatricis Constantinopolitanæ collocatam: in cujus fraudis vindictam Mediolanenses alteram in Porta, quæ inde dicta sit Tonfa, collocarint. 408. B
- DXXVII. Hæc in Porta Tonfa effigies aliis visa potius cujusdam Meretricis trophæum. 408. D
- DXXVIII. Cognomentum illud Tonfæ nobis visum vetustius. 409. A
- DXXIX. Ubinam effigies illa nunc extet: cur quando, & quomodo illuc translata. 409. D
- DXXX. Pontifex Alexander in Urbe Signia Thomam Cantuariensem Sanctorum Catalogo adscribit. Inde verò Anagniam se confert. 410. D
- DXXXI. Circiter id tempus variæ inter istos Monachos & Canonicos controversiæ per Milonem, Archypresbyterum Metropolitanum simul & Episcopum Taurinensem, discussæ. 410. E
1174. DXXXII. Pontifex Alexander Anagninæ consistens, Bernardum Abbatem Clarævallensem Sanctis adscribit: & hic Annus contra Baronium & alios observetur. 411. A
- DXXXIII. Ibidem quoque Sententiam prædicti Milonis confirmat. Joannes interim est hujus Abbas Monasterii. 413. B
- DXXXIV. De contigua huic Basilicæ Ecclesiæ Sanctæ Mariæ Græcæ, nunc Sancti Sigismundi. 415. D
- DXXXV. De Domo laboris, eidem huic Basilicæ propinqua. 416. A
- DXXXVI. Præpositus hujus Ecclesiæ & Canonicæ Sancti Ambrosii, ubi ejus sanctum requiescit Corpus, certam pecuniæ summam, prasente Sancto Galdino Archiepiscopo, se confitetur accepisse ab hujus Monasterii Abbate, propter prædictam Milonis Sententiam ab Alexandro Papa confirmatam. 416. C
- DXXXVII. Bina inter Abbatem hujus Monasterii Sancti Ambrosii, ubi ejus sanctum requiescit Corpus, & alterum quendam Instrumenta super quibusdam bonis in Loco Villa Alba. 416. F
- DXXXVIII. Ænobarbus in Italiam cum ingenti Exercitu revertitur. Susam diruit, Astam sibi subigit, Alexandriam aggreditur; aliquot aliæ Civitates illi se dedunt. 417. D
- DXXXIX. Mediolanenses aliique Fæderati contra Ænobarbum Alexandrinis succurrunt. 418. A
1175. DXL. Mediolanenses Papiam aggrediuntur. Alexandrini semet ab Ænobarbi obsidione liberant: ipsumque fuga sibi consulere cogunt. 418. B
- DXLI. Ænobarbus Papiam se recipit: ac fraudulenter de pace cum Alexandro Papa & Lombardis agit. 418. D
- DXLII. Alexander Pontifex in Alexandria Episcopatum instituit: Episcopum Papiensem Crucis & Pallii dignitate privat. 418. D
- DXLIII. Sanctus Galdinus Archiepiscopus post Concionem, contra Catharos Hæreticos habitam, moritur, miraculisque claret. 419. A
- DXLIV. Quoto præcisè de Sancto Galdino obiit, quove postea celebratum fuerit anniversarium ejus festum. 420. B
- DXLV. De Catharis Hæreticis, tam Veteribus, quam Novis: & in quos eorum injectus fuerit Sanctus Galdinus. 421. A
- DXLVI. Quamdiu tamen illi postea nostram Urbem infecerint. 422. F
- DXLVII. Algisius Pirovanus in Archiepiscopum Sancto sufficitur Galdino: & an ipsemet Galdinus fuit de Pirovana familia. 423. C
- DXLVIII. Quandonam, & quo dissidio Algisius fuit in Archiepiscopum subiectus. 423. D
- DXLIX. Tam Ænobarbus, quam Lombardi contra ipsum fæderati, ac presertim Mediolanenses, sese bello apparant. 424. A
- DL. Mediolanenses, auspiciis Sanctis Sisinio Martyrio & Alexandro Martyribus, commisso prælio Fridericum ejusque exercitum, ingenti edita strage collectaque prædâ, fugant. 424. B
- DLI. De eodem prælio ac victoria, & quemadmodum Sanctum quoque Ambrosium prius invocaverint. 425. B
- DLII. Alexander Papa Mediolanensibus omnem sui opem pollicetur, novumque Legatum Apostolicum in Lombardia instituit. 426. A
- DLIII. Ænobarbus jam serid cogitat de pace cum Alexandro incunda: & ad eum propterea Legatos Anagniam mittit. 426. B
- DLIV. Hanc utique saniozem injectit Ænobarbo mentem tam insignis victoria, quam de ipso Mediolanenses ceterique cum ipsis Lombardi proximè reportarant. 426. F
- DLV. Alexander pacem, de qua rogabatur, non recusat; si tamen etiam cum sui Fautoribus ineatur. Quamobrem in id etiam consilia pacis diriguntur. 427. B
- DLVI. Alexander duos ad Fridericum præmittit Cardinales, quibus ab ipsemet confirmetur, quod per alios jam promiserat. Utrique vero condicunt etiam, ut Bononiæ Colloquium de pace fiat. 427. D
- DLVII. Cremonenses ac Terdonenses turpiter ad Ænobarbum deficiunt. 427. D
- DLVIII. Siculus Rex binos sui Legatos ad Alexandrum mittit, qui suo nomine de pace cum Ænobarbo agant. 428. A
- DLIX. Alexander, perhonorifice comitatus, Venetias pergit: nec minus honorifice ibidem excipitur. 428. C
- DLX. Alexander, ab Ænobarbo rogatus, ut alibi, quam Bononiæ, consilia pacis agantur; super hoc una cum Lombardis sibi fædere conjunctis deliberaturus, Ferrariam procedit. 428. D
- DLXI. Alexander Lombardos alloquens, hinc eos maxime commendat, quod pro Ecclesiæ statu ac pro libertate Italiæ viriliter decertarint. 429. B
- DLXII. Ne Lombardi quidem hoc negant: quin etiam se propterea sponte tam dira passos ab Ænobarbo fuisse profitentur. Quare Constantinopolitanus Imperator in hujus conclusione pacis non ultra includatur. 429. D
- DLXIII. Ambæ Partes in hoc denique consentiunt, ut Venetiis agatur de pace. 430. F
- DLXIV. Septem pacis arbitros tam Pontifex Alexander, quam Lombardi sibi eligunt. 431. B
- DLXV. Alexander Venetias cum suo redit comitatu, necnon etiam cum Lombardis. 431. E
- DLXVI. Quæ Moguntinus Archiepiscopus à Lombardis pro parte Imperatoris postularit. 432. A
- DLXVII.

- a. c. DLXVII. *Quæ pro Lombardis unus è nostris Mediolanensibus Gerardus Pella, responderit.* 432. B
- DLXVIII. *Cum pax Imperatorem inter ac Siciliæ Regem ac Lombardos componi nunc non possit; induciæ saltem inter ipsos ad certum tempus decernuntur; decreta nihilominus interim pace cum Ecclesia.* 433. D
- DLXIX. *Venetias itidem se confert Imperator. Ibi- que per nuncios Pontificis ab excommunicatione pri- mum absolutus, deinde verò ad ipsiusmet Pontifi- cis pedes reverenter provolutus; ab eodem benigne cum lachrymis elevatur, & in osculo recipitur, ac benedicitur.* 434. A
- DLXX. *Imperator in Tusciam, Pontifex Anagniam, & alii alio Venetiis discedunt.* 434. D
- ^{1178.} DLXXI. *Pontifex inde Romam invitatus, Impera- tor autem in Germaniam redit. posteaquam Medi- olano quoque pertransisset, nec non etiam honori- fice susceptus hic fuisset, atque sic etiam forte ad hanc Basilicam & Monasterium hospitatus.* 434. E
- DLXXII. *Alexander Pontifex Pseudopontificem pro- xime intrusum, atque jam tandem penitentem, be- nignissime excipit. Quanto igitur benignius ipsummet jam exceperat Imperatorem, neque modis illi tali- bus insultarat, quales à multis venditantur.* C 435.
- DLXXIII. *Rectores Lombardiæ, Marchiæ, Ro- magnolæ, in Colloquio Parmensi, possessionem quorundam bonorum contra Commune Bellasii adju- dicant huic Monasterio Sancti Ambrosii, ubi ejus sanctum Corpus requiescit: cujus adhuc Abbas est Joannes.* 436. A
- DLXXIV. *Coram Algisio Archiepiscopo eidem Mo- nasterio adjudicatur altera controversia contra Com- mune Loci de Trinate.* 437. A
- ^{1179.} DLXXV. *Fridericus Imperator ejusdem Monasterii Abbati Privilegium concedit in ejus subditos Anti- zagienfes. quocumque inde transmigraverint.* 437. F
- DLXXVI. *Mediolanenses è Ticino amne Ticinel- lum alveo novo usque ad Urbem navigabile reddunt.* 438. D
- ^{1181.} DLXXVII. *Campus in Territorio Lixiæ huic Am- brosiano Monasterio adjudicatur coram Algisio Ar- chiepiscopo in Palatio Stationæ.* 439. A
- DLXXVIII. *De Lixia & Stationa, nunc Lesia & Angleria, in Verbanus Lacus ripa Oppidis. An ea ditioni Mediolanensis Archiepiscopi subessent. Civitasne olim fuerit Stationa. & à quo sic appel- lata. Nonnihil etiam de Arona, ejusque Monaste- rio, ubi nunc Societatis Jesu Patres degunt.* 439. D
- DLXXIX. *Alexander Papa sancte moritur, eique Lucius Tertius substituitur.* 440. E
- ^{1183.} DLXXX. *In Urbe Constantia pax condicatur inter Imperatorem ac Lombardos, atque adeo nostros quoque Mediolanenses.* 441. A
- DLXXXI. *Beltramus Abbas hujus Monasterii Bea- ti Ambrosii ubi ejus sanctum requiescit Corpus, bona quedam emit in Loco Colonia, ejusque Ter- ritorio.* 441. D
- DLXXXII. *In Ticini ripa Monasterium à Cister- ciensibus ædificatur Morimundense. Unde illud sic appellatum.* 442. B
- ^{1184.} DLXXXIII. *Uberty Cribellus, Mediolanensis (qui postea creatus Pontifex Romanus, Urbani Tertii nomen sibi assumpsit) quandam creatus fue- rit Episcopus Vercellensis, ac deinde Cardinalis, & cujus Tituli. Aliquid hic etiam de Ecclesia San- ctæ Mariæ in Vallis (aliter in Valle) & de alte- ra Sancti Apollinaris: in quarum illa Moniales nunc degunt Benedictinæ, in ista vero Franciscanæ.* 442. D
- DLXXXIV. *Ex ejusdem Uberty, jam Cardinalis & Apostolicæ Sedis Legati, mandato Sententia pronuntiatur in favorem istius Monasterii, Sancti Ambrosii, ubi ejus sanctum requiescit Corpus,*
- contra Sacerdotes & Clericos Ecclesiæ Sancti Joan- nis de Bellasio.* 444. B
- DLXXXV. *Quorundam bonorum, in Territorio Corogna existentium, possessio assignatur huic Mo- nasterio Sancti Ambrosii, ubi ejus sanctum re- quiescit Corpus.* 446. B
- DLXXXVI. *Undenam Dominica Incarnationis Annus apud Majores nostros, per hæc ad minus tempora, computaretur.*
- DLXXXVII. *Fridericus, in Italiam reversus, 1185. Urbem nostram peramplo donat Privilegio.* 447. A
- DLXXXVIII. *Qualisnam esset in hac Urbe publi- cus ille Magistratus, Credentia nuncupatus.* 450. D
- DLXXXIX. *Algisius Pirovanus, Archiepiscopus moritur, eique sufficitur Uberty Cribellus.* 450. E
- DXC. *De consuetudine Mediolanensis Ecclesiæ: ut in Dominicis diebus, & præcipuis Festivitatibus, ad Missam in Basilica Metropolitana Majorem ve- nirent aliarum quoque Collegiarum Decumani.* 451. B
- DXCI. *Fridericus Mediolanum venit, & apud istud Sancti Ambrosii Monasterium hospitatur.* 451. F
- DXCII. *Eidem huic Imperiali Monasterio (cujus in- terim Ambrosius est Abbas) amplissimum Privile- gium concedit.* 452. A
- DXCIII. *Quam vere Privilegium istud a Friderico datum dicatur Anno Regni ejus trigesimoquarto.* 454. F
- DXCIV. *Eodem hoc Privilegio confirmamus, Sancto- rum Ambrosii ac Protasii & Gervasii Corpora etiamnum in hac Basilica, suo in loco, extare.* 455. B
- DXCV. *Isto pariter ac superiori Privilegio, Urbi no- stræ concessio, itidem confirmamus, authenticum non esse Scriptum illud, quod Bernardinus Corius, ad se transmissum è Germania, tanti faciebat. Quanam præterea sit authenticici etymologia.* 455. B
- DXCVI. *An Fridericus hoc Anno Mediolanum ab Urbe Verona redierit, & hic Henricum filium ab Archiepiscopo nostro coronandum curaverit.* 355. E
- DXCVII. *Henricus, Friderici filius, apud Ambro- sianam istam Basilicam nuptias celebrat cum Con- stantia, Siculi Regis filia.* 456. E
- DXCVIII. *Nonnulli refelluntur Scriptores, qui nu- ptias istas tradiderunt alibi celebratas fuisse.* 457. D
- DXCIX. *Easdem hic fuisse celebratas, domesticis e- tiam testimoniis comonstramus.* 457. E
- DC. *Quemadmodum ejusmodi nuptiarum mentio facta fuerit in Chronico Otthonis Episcopi Frisingensis: qui tamen obierat non tantum Anno Christi supra Milleimum centesimum quinquagesimo nono, sicut Baronio Bellarmino & aliis visum est; sed etiam quinquagesimo octavo, sicuti nos evidenter ostendi- mus. Vera itidem causa, cur non ipse tantum Ot- tho, sed etiam Radevicus, ejus continuator, Hi- storiam suam non protraxerit usque ad Annum sep- tuagesimum septimum, quo Fridericus tandem Ve- netis Alexandro Papæ reconciliatus fuit* 458. D
- DCI. *Easdem nuptias Henricus anno ætatis suæ vi- gesimo primo celebravit. Hinc Otthonis, ejusdem fratris, ætatem computamus: & Anno superiore septuagesimo sexto minime idoneum bello contra Ve- netos gerendo fuisse deprehendimus.* 462. B
- DCII. *Fridericus ex mera liberalitate Mediolanne- ses novo donat Privilegio.* 463. F
- DCIII. *Basilicæ istius Campanile Novum quando- nam fuerit adauctum. Neque tamen illud postea fuit aliquatenus defectum; sicuti re quidem vera Franciscanæ Basilicæ Campanilibus accidit.* 463. C
- DCIV. *Monasterii hujus Abbas & Monachi annuam celebrant Festivitatem ac Processionem, in hono- rem Imperatoris Friderici, ejusque filii Henrici* 1187.

- A. C. *Regis. Qua ex causa & quamdiu illam celebraverint.* 465. C
- DCV. Urbanus Papa Tertius, ante hac Ubertus Cribellus, moritur: idemque sibi titulum interea retinuerat Mediolanensis Archiepiscopi. Eidem vero Gregorius Octavus substituitur. 466. F
- DCVI. Adelardus & Rodulfus Cardinales demandatam sibi a Sede Apostolica controversiam inter Episcopum Cumanum & hujus Monasterii Abbatem recognoscunt, & in ejusdem Monasterii favorem decernunt. 467. D
1188. DCVII. Gregorium Papam Octavum è vivis sublatum Clemens Tertius subsequitur. 468. C
- DCVIII. Paxiliani & Montis Accole Ambrosiano huic Abbati, Domino suo, fidelitatem jurant. 468. D
- DCIX. Milo Mediolani Archiepiscopus. Idem superiore Anno septuagesimo jam erat Episcopus Taurinensis, ac simul etiam Metropolitana Mediolani Basilica Archipresbyter: quo tempore litem inter Abbatissas Monasteriorum Majoris ac de Montano diremit e Sancti Galdini Archiepiscopi mandato. 469. B
- DCX. Jus creandi Praetoris Mediolanensibus datum à Friderico, vel ab Henrico ejus filio. 470. E
- DCXI. Fridericus Expeditionem in Syriam pro Terræ Sanctæ recuperatione parat: & Henricum filium ex Italia in Germaniam evocat. 471. A
1189. DCXII. Fridericus, filio suo Friderico comitatus in Syriam cum Exercitu proficiscitur. 471. C
1190. DCXIII. Milo Archiepiscopus Sententiam pronunciat super quibusdam capitibus, Monachos inter & Canonicos hujus Basilicæ controversis. 471. C
- DCXIV. Fridericus Imperator in Armenia Inferiori, post operam suam egregiè pro Terræ Sanctæ recuperatione navatam, rapido se refrigerans flumine absorptus immoritur: tali fortasse per divinam clementiam punitus morte, ut diuturni praesertim Schismatis, quod antebac ipse foverat, debitas poenas in hac potius, quam in altera vita, luat. 473. D
- DCXV. Ex annorum supputatione, quos Fridericus revera regnavit & imperavit, manifesti rursus erroris convincitur à nobis illud Scriptum, quod Corrius authenticum existimabat. 474. D
1191. DCXVI. Henricus Rex Mediolanum è Germania revertitur & hic etiam forte ab Archiepiscopo nostro Ferrea Corona insignitur. 475. B
- DCXVII. Cum a superiori Milonis Archiepiscopi Sententia Monachi pariter ac Canonici hujus Basilicæ ad Apostolicam Sedem appellassent; Abbas Monasterii Sancti Petri de Laude Veteri, & Praepositus Ecclesiae Pergamenensis, ad ejusmodi Causæ recognitionem delegati, Sententiam & ipsi suam pronunciant 475. D
- DCXVIII. Eadem Sententia, satagentibus Canonicis, à Romano Pontifice confirmata. 477. E
- DCXIX. Quemadmodum Metropolitanae Ordinarii, tum etiam istius Basilicæ Canonici, quotannis venirent ad Sancti Satyri festivitatem in hac ipsius Ecclesia celebrandam. Sed ad festivitates pariter Sanctorum Augustini ac Luxorii veniebant iidem Ordinarii. 477. F
- DCXX. Mortuo Clementi Papæ Tertio succedit Cælestinus Tertius, & Henricum Imperiali Diademate coronat. Henricus inde Neapolim profectus, paulo post Mediolanum, ac rursus in Germaniam revertitur. 479. A
1193. DCXXI. Insigne Milonis Archiepiscopi Privilegium, huic Monasterio concessum. 479. C
1194. DCXXII. Henricus Rex in Italiam redit: ac Panormo potitus, una cum Uxore in Regem Siciliae coronatur. 481. D
1195. DCXXIII. Henricus inde in Germaniam, & postea in Lombardiam revertitur: atque Mediolani Privilegium Ambrosiano huic Monasterio impertit. A. C. 481. E
- DCXXIV. Quodnam obierit Milo Archiepiscopus, 1196. eique successerit Obertus Terzagus. Hic autem fuerat Modociæ Archipresbyter; atqui Romanæ Cardinalis Ecclesiae, fuisse non videtur. 482. F
- DCXXV. Quamdiu sederit hic Obertus Archiepiscopus. 483. C
- DCXXVI. Basilicæ istius, ex parte collapsæ, restorationem idem Obertus cepit, Philippus vero ejus successor absolvit. Sic etiam unus è Monachis construi fecerat Chori Sedilia. 483. E
- DCXXVII. Quisnam fuerit hic Monachus, & quando Sedilia illa construi fecerit. Quaitem parte conciderit ac reparata fuerit hæc ipsa Basilica. 484. E
- DCXXVIII. De muro quodam sub Tiburio, quem Philippus idem Archiepiscopus construxisse videtur. 486. A
- DCXXIX. Obertus Archiepiscopus Altaria consecrat Monasterii Charavallensis. 486. E
- DCXXX. Henricus Imperator, posteaquam filium suum Fridericum Rogerium, ab Heroibus decerni sibi consortem Imperii, ac deinde Siciliae Regem coronari curasset, in Sicilia moritur, & à Pontifice Romano excommunicatus. Quam ob causam: & quam generose Monachi Cistercienses recusaverint argenti summam, sibi pro Thuribulis argenteis faciendis ab ipso legatam. 486. F
- DCXXXI. Moritur Obertus Archiepiscopus, eique 1197. Philippus Lampugnans, Metropolitanae antebac Basilicæ Archipresbyter, substituitur. Non ad illum, sed ad istum Innocentius Papa Tertius litteras scripsit. 487. C
- DCXXXII. Hic utique Innocentius Cælestino Papa 1198. demortuo succedit. 488. B
- DCXXXIII. Idem Innocentius varias subinde litteras ad Philippum nostrum Archiepiscopum mittit. Nobilissimum ac meritissimum sibi præterea dilectissimum Henricum de Settara (qui postea noster Archiepiscopus fuit) ei commendat. Eidem concedit etiam, ut Ordinatos à Romano Pontifice promoveri possit ad Diaconatum ac Sacerdotium. Scribit etiam de controversia inter ipsum ac Monasterium Sancti Donati de Scozula, sive de Sexto Kalendas, in Ticini ripa situm. Et hic de Passa-guerra Causidico, & ejusdem Philippi Procuratore: quem postea idem Innocentius excommunicavit, ac de quo ad Consules quoque nostros scripsit. Sic etiam de Joannis Anagnini Cardinalis & Alexandri Papæ Tertii decretis contrabarbaram Aenobarbi erga Mediolanenses feritatem. Sed ad Capitulum quoque Metropolitanum scripsit pro Episcopo Terdonensi, ac simul etiam ejusdem Capituli Canonico. 488. C
- DCXXXIV. Idem Pontifex de Archiepiscopo nostro conqueritur, quod Clericum Bonacosam recipi non fecerit in Canonicum istius Basilicæ. 489. E
- DCXXXV. Publici Consilii locus, Credentia Sancti Ambrosii appellatus, construitur. Unde istud Credentiae nomen. 490. A
- DCXXXVI. Monachi Canonicos arcent ab ingressu Chori. 490. D
- DCXXXVII. Monasterium istud ab Arialdo regitur 1199. Abbate. Huic olim primam Missam celebranti ad apertum fuerat Aureum Altare: quive Canonici nolebant illud aperiri; excommunicati propterea fuerunt. 490. F
- DCXXXVIII. Archiepiscopum & Metropolitanæ Ordinarios, ad hanc Basilicam processionaliter venientes, Canonici ad Portam excipiebant, eisque Librum tenebant: & quia hoc aliquando facere detrectassent, interdicto subjecti ab Archiepiscopo fuerunt. 491. A

- A. G. DCXXXIX. De quibusdam inter Monachos & Canonicos Controversiis iudicium a Romano Pontifice demandatur Episcopo Vercellensi, & Abbati Locediensi. De Monasterii Locediensis origine. Quanti etiam Pontifex Episcopum illum & Abbatem ceteroqui fecerit in approbando Primi & Secundi Ordinis Humiliatorum Regula. 491. C
- DCXL. Pro ejusmodi Controversiarum discussione Processus hinc inde conficiuntur. Et hic rursus de tempore, unde Annus ab Incarnatione Dominica computari solitus esset. Quanta item sit ejusmodi Processuum auctoritas, & fides. 492. C
- DCXLI. Quanta per hæc tempora celebritate ac pompa quotannis in Dominica Palmarum Archiepiscopus, a Laurentiana Basilica veniens, per istius Monasterii Abbatem ac Monachos ad hanc deducetur Ambrosianam. 493. A
- DCXLII. Ubinam Divina Officia tam per Monachos, quam per Canonicos, Feriâ sextâ Sanctioris Hebdomadæ celebrarentur. 495. B
- DCXLIII. Sabbato ejusdem Hebdomadæ Benedictio Cerei & Ignis ab his Monachis peragebatur ubi nunc est Odæum: qui locus tunc Cimiliarchia, Tribunal, Sedes Episcoporum & Episcopale nominabatur. 495. E
- DCXLIV. Eodem Sabbati die veniebat huc aliquando sine Capitulo Metropolitano Archiepiscopus ad Missam celebrandam: & ad hanc vel Monachis vel Canonicis pro arbitratu suo utebatur ministris. 496. E
- DCXLV. Abbas hic Ambrosianus auctoritate propriam Clericos, quam Monachos, ad Sancti Ambrosii Altare faciebat. 498. A
- DCXLVI. Clericos auctoritate pariter sua faciebat etiam Præpositus hic Ambrosianus: & quidem solus inter alios Urbis hujus Præpositos. 499. C
- DCXLVII. Istius etiam Basilicæ Præpositus & Canonici Missas nonnunquam cum Diacono & Subdiacono celebrabant: id quod olim e Clero Seculari solis Metropolitanæ Canonicis licebat. 500. E
- DCXLVIII. An ejusdem Basilicæ Præposito & Canonicis per hæc tempora licuerit binas eodem die Missas singillatim celebrare. 501. B
- DCXLIX. Quemadmodum per hæc tempora Monachi celebrarent Sanctorum Ambrosii ac Protasii Gervasiique Vigiliis. 502. A
- DCL. Quot Altaria hoc tempore in hac Basilica inessent. 502. D.
- DCLI. Hoc idem Monasterium suas etiam Conversas hoc tempore habebat. 504. C
- DCLII. De Plaustro, sive Carro, quod in Ecclesia Metropolitana Hyemali lampadibus refertum erat, & cujus cura pertinebat ad San-Georgianum in Palatio Capitulum. 504. E
- DCLIII. Vercellensis Episcopus & Abbas Locediensis Sententiam pronunciant super Capitibus, Monachos inter & Canonicos controversis. 505. D
- DCLIV. De prædictorum Episcopi & Abbatis Sigillis cereis, ex hac ipsorum Sententia pendentibus. 509. A
- DCLV. De Lobia, sive Pergula, per quam Canonici e Canonica descendebant in Basilicam istam 509. B
- DCLVI. De Canonicis Decumanorum in Basilica Metropolitana Hyemali. 510. A
- DCLVII. Quot Canonici hoc tempore in Ambrosiana ista Basilica essent. 510. C

F I N I S.



*Deinde , admonitus sis , quod sequentia fuerint scripta super Effigiem Sancti
Ambrosii , in Editione priori.*

BEATISSIMI PATRONI NOSTRI AMBROSII
antiquum è marmore Simulacrum.

*Quod , in ejusdem Basilica insitum parieti supra columnam
Organo dexteram , maxima Fidelium pietate ac reverentia colitur :
ac sequentes in marmorea tabula Versus habet subjectos.*

*In medio dum sequitur Effigies ,
sub quâ etiam descriptum:*

Effigies Sancti hæc tracta est ab imagine vivi
Ambrosii , pia , clara , humilis , venerandaquè cunctis.
Ergo genu flexo dicas : O Maxime Doctor ,
Alme Patrone , Deum pro nobis jugiter ora.

Quæ Effigies hæc in editione est posita

Pag. 2.

Super Caroli Magni Imperatoris Effigiem fuit Sculptum , quæ hac in editione posita est

Pag. 35.

CAROLUS MAGNUS, IMPERATOR, S.R.E. DEFENSOR.

Ut & super Effigiem Petri Oldradi , quæ est

Pagina 36.

PETRUS OLDRADUS, MEDIOLANENSIS ARCHIEPISCOPUS,
CAROLI MAGNI COMPATER,
ET AUTHOR EXPEDITIONIS GALLORUM IN LONGOBARDOS.





D. AMBROSIIUS,

Mediolanensis Episcopus.

A M B R O S I A N Æ M E D I O L A N I B A S I L I C Æ, A C M O N A S T E R I I, H O D I E C I S T E R C I E N S I S, M O N U M E N T A.

I. **B**ASILICAM Florentiæ scimus extitisse unam, quæ olim AMBROSIANA iccirco vocaretur; quia Sanctus Archiepiscopus noster Ambrosius, illic hospitatus, eam Sancto Laurentio Martyri dedicasset.

Sic enim constat e Sancti Zenobii Florentinorum Archiepiscopi Vita, cum apud Surrum die vegesimaquinta Maji, tum apud Silvanum Razzium in Hetruriæ Sanctorum ac Beatorum Vitis, ubi se profitetur illam Italice vertisse simpliciter e Latina, quam Sanctus Archiepiscopus item noster & immediatus Ambrosii successor Simplicianus scripserit: quin etiam sic ex ipsa constat Ambrosii Vita, per Paulinum ac denique per Cardinalem Baronium conscripta. Veruntamen Basilica isthæc nostra cognomentum AMBROSIANÆ nobis eam quoque videtur ob causam sortita; quia, non modo mortuum denique exceperit, sed etiam primum sui conditorem habuerit eundem ipsum Ambrosium. Quatuor ille Basilicas extra Muros Urbis Mediolani construxisse fertur: primam Beatæ Virginis Mariæ ceterisque Virginibus, quæ nunc vocatur SANCTI SIMPLICIANI: secundam Sancto Petro aliisque Apostolis, quæ nunc SANCTI NAZARII IN BROLIO: tertiam Sanctis Protasio ac Gervasio reliquisque Martyribus, quæ nunc SANCTI AMBROSII, & de qua nobis ex instituto deinceps agere propositum est: quartam denique Sanctis omnibus Prophetis & Confessoribus, quæ nunc SANCTI DIONYSII appellatur. Quomodo autem de tribus aliis hoc intelligi oporteat, alii viderint. De tertia certe ac nostra isthac Ambrosiana Gregorius ipse Turonensis De Gloria Martyrum, Cap. 47. sic testatum reliquit: *In Urbe Mediolanensi Beatorum Martyrum Gervasii Protasique victricia Corpora retinentur. Quæ diu, sicut ipsa Passionis narrat historia, subfossa latuerunt. Quæ Beato Ambrosio revelata, atque ab eodem reperta, IN BASILICA, QUAM IPSE PROPRIO ÆDIFICAVIT STUDIO, ostensis miraculis sunt sepulta.* Tam proprio igitur ac singulari studio Sanctus Præsul præ ceteris tribus hanc nobis videtur unam ædificasse, ut nomen etiam BASILICÆ AMBROSIANÆ illi uni vel ab initio propterea in ore famæ reliquerit; sicut etiam mox constabit.

Anno Christi 387
II. Sacrosancta ejusmodi Martyrum Corpora, divinitus ac recenter a se inventa, huc solemniter translulerat; cum paulo post Marcellinæ sorori, tunc in Urbe Roma moranti, totius facti seriem descripsit Epist. 54. his verbis: *Quoniam nihil eorum, quæ hic, te absente, geruntur, Sanctitatem tuam celare soleo; scias etiam Dilectissima Soror, Sanctos Martyres a nobis repertos. Nam cum ego Basilicam (loquitur de hac sua & nostra) dedicare vellem; multi tanquam uno ore interpellare cæperunt, dicentes: Sicut IN ROMANA, sic Basilicam dedices. Respondi: Faciam; si Martyrum reliquias invenero. Statimque subiit veluti cujusdam ardor prælagii. Quid multa? Dominus gra-*

A tiam dedit. Formidantibus etiam Clericis, jussi eruderari terram eo loci, qui est ante cancellos Sanctorum Felicis atque Naboris. Inveni signa convenientia: adhibitis etiam quibus per nos manus imponenda foret (hoc est, Energumenis) sic Sancti Martyres eminare cæperunt, ut adhuc nobis silentibus arriperetur urna, etiam sterneretur prona ad locum sancti sepulchri. Invenimus miræ magnitudinis viros duos ut prisca ætas ferebat. Offa omnia integra, sanguinis plurimum. Ingens concursus Populi per totum illud biduum. Quid multa! Condivimus integra, ad ordinem transtulimus, vespere jam incumbente AD BASILICAM FAUSTÆ venimus: ibi vigiliæ tota nocte, manus impositio. Sequenti die TRANSTULIMUS EA IN BASILICAM, QUAM APPELLANT AMBROSIANAM. Ibidem vero sub Altari, tunc unico, nunc primario, illa condidit. Quamobrem, dum Populo adhuc publice ad venerationem illic exposita viserentur prima die suum illius diei Sermonem, prædictæ constitum Epistolæ, in hæc verba conclusit: *Succedant Victimæ triumphales in locum, ubi Christus Hostia est. Sed ille super Altare, qui pro omnibus passus est: ILLI SUB ALTARI, qui illius redempti sunt Passione. HUNC EGO LOCUM PRÆDESTINAVERAM MIHI; DIGNUM EST ENIM, UT IBI REQUIESCAT SACERDOS, UBI OFFERRE CONSUEVIT.* Sed cedo sacris Victimis dextram portionem: locus iste Martyribus debeatur. Condamus ergo Reliquias sacro sanctas, & dignis ædibus invehamus, totumque diem fida devotione celebremus. Hæc autem Anno Christi agebantur Trecentesimo octuagesimo septimo, sive Anno anteriore, quam Sanctus Augustinus Baptismum susciperet; ut alibi peraccuratè ostendimus. Sic etiam Junio hæc mensis agebantur. Cujus propterea mensis undevigesima dum die celebritas ejusmodi Martyrum ab Ecclesia Mediolanensi hodieque agitur; certe quidem ipsorum Inventio ac Translatio ista, per Sanctum Ambrosium peracta, celebratur; ut alibi pariter nos animadversum comprobavimus. Quamobrem ista solummodo indicasse in præsentī sufficiat; ne longiores hic sumus.

D III. Decimo inde Anno, sive Christi Trecentesimo nonagesimo septimo (sic ut etiam nos interim³⁹⁷ supponimus) ex hac vita Sanctus Ambrosius migravit: die videlicet Aprilis quarta, in nocte Sabbati Sancti, Dominicæ Resurrectionis solemnitate antecedentis: & hac quidem ipsa solemnī die sepultus est in Ambrosiana ista sui Basilica. Paulinus itaque, narrato ipsius obitu, sua scilicet in domo Archiepiscopali, quæ parum admodum ab Intramurana & Nova & Majori Basilica (de qua paulo post expressior nobis erit mentio) aberat; hæc subdit: *Inde AD ECCLESIAM MAJOREM antelucana hora Corpus ipsius portatum est: ibique eadem fuit nocte, qua vigilavimus in Pascha &c. Sed lucente Die Dominico, cum CORPUS IPSIUS, peractis Sacramentis Divinis, de Ecclesia levaretur, PORTANDUM AD BASILICAM AMBROSIANAM, IN QU*

Puricellus.

A

PO.

POSITUS EST; ita ibi Dæmonum turba clamabat, se ab illo torqueri, ut ejulatus eorum ferri non posset. &c. In sua igitur Ambrosiana Basilica tumultatus fuit Ambrosius. At quo tandem præcise in loco? sub eodem illo certe Altari, sub quo Sanctos ipse Præsul Martyres Protasium & Gervasium condiderat, dextram ipsis cedens portionem (sicut eum paulo ante loquentem audiebamus) perinde ac si saltem sinistram exinde sibi reservaret in eodem illo sepulchro, quod ceteroqui totum antea sibi uni destinaverat. Sic enim certa & constanti deinde traditione, ab iis deducta temporibus, creditum est. Quamobrem sine dubio hinc etiam illud factum est, quod identidem nos deinceps inter hæc Monumenta usitatum conspiciemus: ut nimirum ejusmodi Sanctorum Protasii ac Gervasii Ambrosiique Corpora sæpenumero una simul nominentur hic sepulta. Sic etiam idcirco Petrus Oldradus Archiepiscopus a nobis conspicietur Basilicam istam Monachis assignasse, UT ANTE SANCTA EORUM CORPORA continuatim & indifferenter ac publice Divina Officia concelebrarent: quæ quidem tunc ante illud ipsum Altare concelebraturi sine dubio supponebantur; sicut etiam exinde re vera per annos plurimos ibi concelebrarunt. Nec alia profecto causa fuit, cur Angilbertus item Archiepiscopus eidem Altari laminas tanti operis ac pretii aureas argenteasque circumdederit; ut suo nos tempore commonstrabimus. Quid, quod etiam non alibi, quam sub eo Altari, Fideles sacra ipsorum Corpora venerabundi deinceps requirebant? Sed hæc satis in præsentia.

IV. Per quem vero, vel quos e Clero, quave regiminis aut honoris nomenclatura, jam inde a prima sui origine Basilica isthæc Ambrosiana regeretur: id nobis necdum est satis compertum. Cecum illum, nomine Severum, qui contactu sacrorum Protasii & Gervasii Corporum, recenter inventorum, curatus est, in hac ipsa deinde Basilica, sicuti voverat, plures annos servisse quidem constat e Sanctis Augustino & Paulino; at non præfuisse. Cecus notissimus universæ Civitati (verba sunt Augustini Sermonem 39. De diversis, qui sermo Hippone habitus fuit de Sanctis Protasio & Gervasio, cap. 5.) illuminatus est, cucurrit, adduci se fecit; sine duce reversus est. Nondum audivimus, quod obierit: forte adhuc vivit. IN IPSA EORUM BASILICA, UBI SUNT CORPORA, totam vitam suam servitutum se esse devovit. Nos illum gavisi sumus videntem, reliquimus servientem. Paulinus autem in Sancti Ambrosii Vita sic tradit: Cecus etiam, Severus nomine, qui NUNC USQUE IN EADEM BASILICA, QUÆ DICITUR AMBROSIANA, in qua Martyrum (Protasii & Gervasii) Corpora sunt translata, religiose servit, ubi vestem Martyrum attigit, statim lumen recepit.

V. Sed ne Basilica quidem ista, vivente Sancto Ambrosio, nobis Basilicæ Cathedralis ac Metropolitanæ prærogativam obtinuisse visa est adhuc. Quo quidem fit, ut neque satis adhuc credere possimus, illos e Clero Ministros ei præfuisse, quos multi e Scriptoribus nostratibus affirmant in Ecclesia Mediolanensi, hoc est, Cathedrali Basilica, a Sancto Ambrosio, vel inventos e Decessorum suorum institutione, vel e suo genio ad ejusdem cultum Ecclesiæ recenter institutos. Talem nimirum prærogativam jam ante obtinuerat BASILICA PORTIANA (nunc SANCTI VICTORIS appellatur, Monachique degunt illic Olivetani) & EXTRAMURANA (eo quod extra Muros Urbis sita esset) quæ Ambrosii tempore jam dicebatur BASILICA VETUS: per comparisonem utique ad alteram postmodum intra muros Urbis constructam: quæ propterea & INTRAMURANA, & NO-

A VA nuncupabatur: quamque præterea certum est Basilicæ Cathedralis prærogativa deinceps potitam fuisse, ut etiam BASILICA MAJOR appellaretur. Quocirca etiam Arriani cum sibi Basilicam Mediolani furenter, Imperatrice Justina patrocinate, ab Ambrosio deposcerent, in qua suus ipsorum Episcopus sacra ministeria perageret; non aliam sibi postularunt, ac per vim extorquere conati sunt, quam unam ex iis duabus. Et hinc idem Ambrosius, ad Marcellinam super hac Arrianorum contentione scribens, in hunc modum loquitur, Epistola 14. Quoniam omnibus fere Epistolis sollicite quaeris de Ecclesia; accipe, quid agatur. Postridie quam accepi litteras tuas, quibus significaveras, quod te exagitarent somnia tua, moles inquietudinum gravium cepit moveri. Nec jam, PORTIANA. hoc est, EXTRAMURANA BASILICA petebatur; sed BASILICA NOVA, hoc est, INTRAMURANA quæ MAJOR est. Convenerunt primo viri Comites Consistoriani; ut & Basilicam traderem, & procurarim, ne quid Populus turbarum moveret. Respondi, quod erat mei Ordinis: TEMPLUM DEI TRADI A SACERDOTE NON POSSE. Acclamatum est sequenti die in Ecclesia: etiam Præfatus eo: cepit suadere, ut BASILICA PORTIANA cederemus. Populus reclamavit. Ita tunc discessum est, ut intimaturum se Imperatori diceret &c. Mox enarratis iis, quæ intra biduum aut forte triduum subsequens gesta vicissim & dicta fuerant; ita subdit: His dictis, illi abierunt: ego IN BASILICA VETERI (certe autem loquitur de Portiana) totum exegi diem INDE DOMUM CUBITUM ME RECEPI: ut, si quis abducere vellet; inveniret paratum. Domus autem illius erat intra Civitatem, nec procul a Basilica Majori. Quapropter ad illam quoque postea, statim ac obiisset, translatus fuit, donec ad Ambrosianam postmodum, in ea sepeliendus, transferretur; ut paulo nos ante Paulinus edocebat. Porro sequitur idem Ambrosius his verbis: Ante lucem, ubi pedem limine extuli, circumfuso milite occupatur Basilica: scilicet eadem VETUS & PORTIANA. Et paulo post: Circumfusam Basilicam esse gemitu Populi intellexi. Sed dum leguntur Lectiones, intimatur mihi, plenam populi esse BASILICAM etiam NOVAM: majorem videri plebem, quam cum essent omnes liberi: Lectorem efflagitari. Arriani ergo sibi tandem omni ope Basilicam vendicabant Portianam in Episcopi sui Auxentii, & mutato fraudulenter nomine, Mercurini usum: contra vero Ambrosius ante omnes Catholicos constantia vere Episcopali citra omnem contumaciæ notam repugnabat. Itaque in Oratione De Basilicis non tradendis Hereticis, de hac ipsa Basilica loquens Portiana, & e Nabuthis argumentans factum, quod Libro 3. Regum cap. 21. narratum extat; ita demum concludit: Quid igitur a me responsum est contumaciter? Dixi enim conventus: Absit a me, ut tradam Christi hereditatem. Si ille (Nabuthes) patrum hereditatem non tradidit, ego tradam Christi hereditatem? Sed & hoc addidi: Absit, ut tradam hereditatem Patrum: hoc est, hereditatem Dionysii, qui in exilio in causa Fidei defunctus est: hereditatem Eustorgii Confessoris: hereditatem Miroclis: atque omnium retro fidelium Episcoporum. Basilica siquidem Portiana jam inde coeperat ab Episcopatu Sancti Castritiani: qui Sancti Caji discipulus fuerat: quive Cajo ipsi, secundo post Sanctum Barnabam Mediolanensem Apostolum Episcopo, immediatus successerat. De quo quidem Castritiano Breviarium item Ambrosianum sub prima die Decembris inter cetera sic habet: Philippi, nobilis viri, ædes Deo in Ecclesiam dicavit. Cum autem ob miraculorum, quæ eo loco divinitus fiebant, magnitudinem sæpe complures a Fide Christiana alieni se ab impietate ad verum Dei cultum converterent; is, aucta

aucta Fidelium multitudine alias duas aedes consecravit : una quas Faustus, alteras quas Portius, Philippi filii, Ecclesiae donarunt. Quarum unam, PORTIANAM BASILICAM, in qua Sanctus Ambrosius, Justina Augusta Arianæ impietatis studiosa illam oppugnante, aliquando eo confugiens, Hymnos sacros primum confecit : alteram FAUSTAM vocavit, quæ post, ad eam translatis Martyrum Vitalis, & Agricolæ Reliquiis, illorum nomine appellata est. De quibus item Basilicis in eandem sententiam legi possunt Trifstanus Chalcus, Historiæ Patriæ lib. I. post Annum Christi Septuagesimum primum, & Carolus a Basilica Petri in Historia Mediolanensi, in Sancto Casprianiano, Episcopo quarto, & alii : nec non etiam nos pluribus infra sensum nostrum, sed nonnihil ab eis diversum, aperiemus.

VI. Quod si Basilica isthæc Ambrosiana vivente adhuc Ambrosio, fuimet ipsius conditore semper amantissimo (& præsertim propter Sanctorum Protasii & Gervasii Martyrum corpora, quæ illic condiderat) non tamen obtinuit Basilicæ Cathedralis ac Metropolitanæ dignitatem, quam ipsamet Basilica Portiana jam cesserat Basilicæ illi novæ, Intramuranæ, ac majori ; certe multo minus credenda videtur eandem obtinuisse post Ambrosium vita functum ; tamen si summo ceteroqui semper in pretio & honore habita fuerit ; quin etiam, ut infra videbimus, ab ipsomet etiam Clero Metropolitano frequentata. Quod si forte nobis etiam interea conjectare liceat, Ambrosianam istam Basilicam non alio regiminis ac Ministrorum genere, tum vivente Ambrosio, tum etiam deinceps, administratam & cultam fuisse, quam eo ipso, quod post trecentos & amplius ab obitu Sancti Patris ac Præfulis Ambrosii annos usitatum fuit ; ecce tibi, quale illud extiterit.

VII. Certe enim regnante postea Luitprando Longobardorum Rege, Basilicam hanc nostram comperimus solitam regi ab uno ex Clericis, cui titulum Custodis indiderant. Regnare vero Luitprandus coepit anno Christi septingentesimo duodecimo, si Carolum Sigonium De Regno Italiæ, atque Cardinalem Baronium in Annalibus sequamur : vel etiam Anno septingentesimo decimo ; quemadmodum videtur aperte colligi (si tamen error non irrepsit in notas numerales) ex ea temporum computatione, quam Petrus Oldradus, noster Mediolani Archiepiscopus, & Monasterii hujus Ambrosiani fundator, idemque doctissimus, & propterea etiam Regi Carolo Magno charissimus, ex litteris ac libris Regum Longobardorum, nec non etiam ex multorum traditione, nobis reliquit elaboratam in illa ad eundem Carolum Regem Epistola (quod hic obiter dictum sit) ego colligo, ejusdem Sancti Doctoris corpus Papiam fuisse translatum Anno Domini septingentesimo decimoquarto, vel ad summum decimoquinto ; non autem vigesimo quinto ; sicut Idemmet Baronius existimavit. Ejusmodi vero Epistolam & ipse recitat in Annalibus ad Annum 725. & Catalogus Archiepiscoporum Mediolani, inscriptus Successores Sancti Barnabæ, demum editus Anno 1628, in Petro Oldrado Archiepiscopo quinquagesimo : & Frater Augustinus Fivizanus, Apostolici Palatii Sacrista, in fine Vitæ Sancti Augustini, quam Romæ edidit anno 1587. Sed hinc ad promissum Basilicæ Ambrosianæ Custodem veniamus.

VIII. Penes nos igitur authenticum extat Instrumentum, Luitprandi Regis anno trigésimo, Ilprandi autem (aliter Hildebrandi) ab ipso in Regni consortium assumpti, anno septimo, sub die octavo Idus Majas, Indictione tertiadecima (Indictiones Longobardi tunc videntur proprio & peculiari instituto computasse) Mediolani a Protasio Notario rogatum : in quo Theopertus, humilis filius quondam Mauroni de Brisconno, Papiensis Diocesis in spem

salutis æternæ, atque in remedium animæ suæ omnia sua bona, mobilia & immobilia, quæque in futurum qualitercumque poterit acquirere, irrevocabiliter donat Basilicæ Sancti Ambrosii in qua Venerabilis Aunemundus Diaconus custos esse videtur (hoc est, cernitur) vel Custodibus ejusdem tam præsentem ecce tibi rursus, quemadmodum uno eodemque tempore unicus ille Custos Ecclesiæ præerat, & non plures) quam qui pro tempore fuerint : uno scilicet alteri per tempora succedente. Sic autem illa donat, ut in posterum maneat in prædictæ Basilicæ, vel ejusdem Custodum potestate, sed cum hac tamen conditione. Sic tamen (inquit) ut, dum ego, qui supra, Theopertus donator in hoc sæculo vixero in cellula prædictæ Basilicæ Sancti Ambrosii vivere debeam : ut me nudrire debeas ; tam præsentem Custodi, quam qui pro tempore fuerint, dum ego advixero ; ut absque necessitate & nuditate vivere possim, salva utilitate mea. Titularem igitur per ea tempora Rectorem hujus Basilicæ jam unicum habemus, eumque Diaconum, Custodis vocabulo nuncupatum. Attende vero hic insuper Lector, quemadmodum eodem tempore præter Ambrosianam Basilicam extaret etiam ejusdem Basilicæ Cellula : cui pariter ac ipsimet Basilicæ idem ille Custos præesset. Tam de Custode autem isto, quam de ista Cellula paulo post uberius agemus.

IX. Desiderio, Longobardorum Rege, per Francorum Regem Carolum, cognomento Magnum, devicto & in potestatem accepto, Regnum Italiæ transit ad Francos, victorque subinde Carolus in Regem Italiæ a Thoma Crasso, Mediolanensi Archiepiscopo, coronatus fuit Modociæ, Corona scilicet Ferrea : qua itidem ut ceteri hoc in Regno successores sui redimirentur, instituit. Regni hujus finis Longobardis, initiumque Carolo fuit unus idemque Christi Annus septingentesimus septuagesimus quartus ; ut late Sigonius de Regno Italiæ : atque mox etiam nos hunc ipsum Annum videbimus computatum tamquam primum ejusdem Caroli in Italia regnantis.

X. Penes nos namque publicum extat Documentum, Regnante Domino Excellentissimo Viro, Carolo Rege (hoc est, Magno) anno tertio (qui fuit Annus Christi 776. ut ex ipsamet mox Indictione patet) Octavo Calendas Junias, Indictione Quartadecima : Mediolani rogatum per Thomam Notarium, super quorundam bonorum commutatione, instar venditionis facta, inter Flavianum, filium quondam Agnini, & Fortem Reverendissimum Diaconum. Flavianus ergo tradit Forti Campum existentem in loco, qui dicitur Lampuniano, cui cohæret ab una parte campus alter, qui pertinet Cellollæ (sive Cellulæ) Sancti Ambrosii : ab ipso autem Forte vicissim accipit terrolam, quæ pertinet supradictæ Cellollæ Sancti Ambrosii, quæ intra Civitatem hanc Mediolani est juxta Columpnam, quæ dicitur Orphana. Jus igitur bonorum, ad prædictam Sancti Ambrosii Cellulam spectantium, jam erat penes Reverendissimum (vide, quanto illum in honore haberent) Fortem Diaconum, Cellulæ scilicet illius jam Custodem, Aunemundo suffectum ; sicut etiam in sequentibus magis patebit.

XI. Suppetit etiam nobis alterum Instrumentum Donationis, per quendam, nomine Ursam, sive Ursonem, filium quondam Theodulphi in Toriglas, Papiensis Diocesis, rogatum itidem in Toriglas a Rothari Notario, Regnante Domino nostro Excellentissimo Carolo Rege in Idalia (sic enim pro Italia sæpe scriptum antiquitus video) anno septimo (Christi autem 781.) secundo die ingrediente Mense Februario, Indictione Quarta. Domino Sancto, & Angelorum meritis coæquando, Ecclesiæ Sancti Ambrosii, UBI EJUS SANCTUM CORPUS QUIESCIT IN PACE (ecce tibi primam ejusmodi mentionem in Archi-

chivi nostri Documentis, quantum ego adhuc percipere potuerim) *vel ejusdem Cerolæ* (infra vero legit *Celolæ*; satis jam nos scimus, intelligi Cellulam) ubi Fortes Reverentissimus Diaconus præesse videtur &c. Huic igitur Sancti Ambrosii Ecclesiæ vel ejusdem Cellulæ, vel earum utriusque Custodibus qui pro tempore fuerint, & in præsens Forti Diacono Ursus in remedium animæ suæ donat, consentientibus in idipsum tribus ejusdem filiis hortale, sive hortum, juris sui in fundo Torriglas prope Cassinam ejusdem Cellulæ Sancti Ambrosii: cui hortali tribus a partibus cohæsisse describitur ipsamet Sancti Ambrosii Cellula. hoc est, ipsius bona, quæ per hanc Cellulam in eo pariter fundo jam ante possidebantur. Sic autem hortale hujusmodi donat, ut in posterum in prædictæ Cellulæ, vel ejus Custodum, qui pro tempore fuerint, maneat potestate faciendi exinde quidquid voluerint. Præterea etiam cum hac tamen conditione illud donat: *Ut acceptet ipse Ursus pro ista Donatione a Theoperto Cellulario Sancti Ambrosii Cemixiam unam, & Bragarum par unum, valentia solido uno: exemplare* (quid hoc sit ego penitus ignoro) *unum, valens tremessibus duobus.* Theopertum porro proxime nominatum ego non alium interpretor fuisse, quam cum, cujus mentionem faciebamus num. 8. eundemque hoc loco vocatum fuisse Sancti Ambrosii Cellarium; quia in ejusdem Sancti Cellula victitaret adhuc (vereque victitabat, ut mox videbimus) atque sub Fortis Diaconi Custodis regimine curam gereret bonorum, ad eam Basilicam & Cellulam pertinentium. Et hæc quidem, ut dicebamus, acta Christi Anno 781. die secunda Februarii.

XII. Eodem anno Pipinus, ejusdem Caroli Magni filius, ita volente patre coronatur & ipse in Italiæ Regem: primo quidem Romæ ab Hadriano Papa in solemnī die Resurrectionis dominicæ: nec multo post etiam Ferrea Corona Modotiæ a Thoma itidem Crasso Mediolani Archiepiscopo. Testis est horum Carolus Sigonius libro quarto *De Regno Italiæ* ad eum ipsum Christi Annum 781. Sic igitur ab hoc ipso Anno computantur anni, quos Pipinus in Italia regnavit; quemadmodum etiam paulo ante monebamus, Caroli pariter, ejusdem patris, in Italia regnantis annos, ab Anno Christi 774 computandos esse. Quandocumque igitur posthac nobis occurrit mentio annorum Caroli simul & Pipini, Regum in Italia, (eademque ratio & regula fervetur in ceteris etiam Regibus deinceps una simul regnantibus) primus annorum numerus ad Carolum, secundus ad Pipinum referendus erit; quippe cum Carolus jam ante primo loco nominatus fuerit; Pipinus autem secundo. Quem tamen ad finem, sicut hæcenus, sic etiam deinceps, ego quoque per intervalla temporum, prout opus fuerit, interferam, quo quisque Regum, vel Imperatorum Anno Christi regnare coeperit, aut imperare.

XIII. Quod felix, faustum, fortunatumque sit, Monasterii hujus Ambrosiani primordia, nec e longinquo, sed e proximo contuemur: præstoque jam nobis est Petrus, cognomento Oldradus, Mediolanensis Archiepiscopus, in Thomæ Crassi locum successus: a quo Thoma, paulo ante memorabamus, Pipinum Ferrea Modotiæ Corona insignitum fuisse Anno Christi 781. Quoniam exinde tempore Petrus illi successerit: hoc mihi adhuc non constat. Paulo post tamen illi successisse, non leviter ego facile crediderim, hac ductus conjectura, quod Anno Christi 784. Monasterium istud ab ipso videam constructum, & in eo jam collocatum Abbatem Sacerdotem cum duobus saltem Monachis, uno Diacono, Subdiacono altero; prout ex Instrumento mox allegando constabit. Sed qualiscunque sit nostra isthæc conjectura; vel hoc saltem atque in pri-

mis Instrumento manifesti convincitur erroris, qui Thomam scripserunt obiisse Anno Christi 787. eodemque postmodum Anno Petrum illi successum fuisse: vel etiam (qui longe gravior est lapsus) scripserunt, Petrum a Leone Tertio Pontifice Maximo creatum fuisse Archiepiscopum; cum alioqui Leo Tertius Pontificatum inierit nonnisi Anno Christi 795. vigesima sexta Decembris die: qua scilicet ipsa decessor ejus Hadrianus ex hac vita migraverat.

XIV. Sequitur nunc Instrumentum, a me perquam lætanter & inspectum, & nuperrime promissum; quamquam etiam non possum non dolere, quod extrema pergamænæ, qua illud una cum prædicta num. 8. Theoperti Donatione conscriptum continetur, musculus quispiam nonnullis in locis corroserit; & nonnulla proinde ipsius verba nobis jam desint. Satis faciet illud tamen instituto nostro; quia partes huic confirmando necessariae certe quidem non desunt. Sic ergo illud incipit: *Regnante Domino nostro, Viro Excelentissimo, Carolo & Pipino, Regibus in Italia, anno undecimo, & quarto* (hic autem Caroli Regis undecimus. & Pipini quartus annus, sicuti proloquebar, est Annus Christi 784) *quinta die Indictione septima. Benedictus, Venerabilis Presbyter (sive Sacerdos) etiam Abbas Monasterii, quem constituit Sanctissimus Vlr, Petrus Archiepiscopus Sanctæ Mediolanensi Ecclesiæ Sancti Ambrosii, IN QUA EJUS CORPUS REQUIESCIT; juxta Civitatem hanc Mediolani: Theoperto, humili Clerico, Papiensis Diæcesis. Manifesta causa est, quod jam ante hos annos per Chartulam Donationis & Cessionis supra scriptæ Sancti Ambrosii vel Cellæ, ubi usque nunc convivere visus es &c. Recolit ergo illi Abbas contextum ac tenorem Donationis, quam pridem fecerat. Mox eorum omnium; quæ tunc temporis ille cessit ac donavit, quæve postmodum suo ingenio acquisivit, vel aliter ad ipsum devoluta fuerunt, quæve in posterum acquireret, vel aliter ad ipsum devolventur: eorum, inquam, omnium ei, ex permissio & verbo Beatissimi Viri, Petri Archiepiscopi, concedit usufructum; ita ut de omnibus ejusmodi bonis mobilibus, quæ habuerit, liceat ei facere tam pro anima sua, quam in alios etiam fines, prout voluerit; etiam quicquid exinde feceris (subdit Abbas) stabile debeat permanere sine mea, vel successorum meorum, contradictione ubi providero aut intra urbem Mediol. aut foris, ubi ad jura Monasterii nostri pertinet, ubi tibi inhabites, casellam. Quæ vero bona ipsi post obitum supererunt: hæc omnia (idem Abbas concludit) in Monasterii nostri deveniant potestatem. Hanc vero Concessionis Chartulam rogavit Ermoaldus ex permissione Domni Petri Archiepiscopi, & intra supra scriptum Monasterium: eidemque pro parte Monasterii sic fuit subscriptum: ✠ Benedictus indignus nomine Abb. in hac Concessione, ex permissione Domni Petri Archiepiscopi a me facta, relegi & subscripsi. ✠ Ego Bunipertus Diaconus in hac concessione, a Benedicto Abbate meo facta, consensi & sub scripsi. ✠ Ego Arigausus Subdiaconus in hac Concessione, ab Abbate meo facta, consensi & subscripsi. Sequuntur deinde trium Testium ac denique Notarii Ermoaldi subscriptiones, nec plura.*

XV. Perpende nunc benigne Lector, quam congruenter paulo ante investigaremus tempus illud, quo Thomas Mediolani Archiepiscopus obierit, quove Petrus illi successerit. Attende insuper quemadmodum, quo tempore confectum fuit hoc instrumentum, jam tum a Petro Archiepiscopo conditum fuisset istud Monasterium, & in ipsum conversæ fuissent, ædes ad Ambrosianam istam Basilicam, ejusque Cellulam in proximo spectantes, quibus omnibus nuper præerat sub titulo Custodis Diaconus Fortis. Quidni vero præterea hinc dignoscimus, Custodis ejus jura jam tum e Forti Diacono fuisse translata in Abbatem Monasterii hujus, Benedictum, ejusque successores, ac Monachos

chos eisdem subiectos? Quonam vero pacto fuerint translata: istud quidem luculenter e subsequenti Concessione ac Privilegio constabit. Sed una mecum scrutare, obsecro, adhuc finem, propter quem confectum fuerit ejusmodi Instrumentum: atque hic una mecum, ni fallor, tu quoque conjectabis, Abbatem istum ac Monachos nonnisi paulo ante fuisse in possessionem harum ædium & bonorum, ad ejusmodi Basilicam ac Cellulam spectantium, inductos. Juxta Donationem, quam *Theopertus* olim fecerat, sine dubio alendus etiam in posterum ipse erat, quoadutque viveret, in Basilicæ *Ambrosianæ* Cellula, live in ejus ædibus, Basilicæ ac Cellulæ contiguus. & ex ejusdem Basilicæ ac Cellulæ bonis. His igitur omnibus e Custodiæ eorum potestate in Abbatis & Monachorum potestatem a *Petro* Archiepiscopo redactis; reliquum fuisset, ut una cum Monachis *Theopertus* ibidem aleretur. Ne igitur hoc fieret; benigne non minus, quam prudenter, Archiepiscopus voluit, ut Abbas ad tale illud Instrumentum Concessione in favorem *Theoperti* devenerit, atque adeo quantocytus deveniret.

XVI. Quod *Petrus* Archiepiscopus quinquennio saltem ante, ut nuperrime vidimus, concesserat Abbati *Benedicto* ac Monachis, eorumque successoribus, nec sine publicis Tabulis, ut credere fas est: hoc ipsum sequenti tandem Concessione ac Privilegio firmavit Anno Domnorum in Italia Regum, *Caroli* sextodecimo, *Pipini* autem nono, qui fuit Annus *Christi* septingentesimus nonagesimus, decimo Calendas Novembriis, Indictione tertiadecima: quin etiam proximo deinde anno, ut eadem sui Concessio a *Carolo* item Rege confirmaretur, obtinuit. Sed hoc loco ea mihi detur venia & facultas, ut ejusmodi & Concessione & Confirmationis contextum verbatim ex ordine totum tibi Lector, & integrum proferam; quippe primarium, solidissimum, & inconcussum fundamentum eorum, quæ deinceps de Monasterii hujus potestate in *Ambrosianam* istam Basilicam trademus.

XVII. Ejusmodi ergo Concessione, five Præcepti, a *Petro* Archiepiscopo facti, tenor ita se habet:

PETRUS, per Dei gratiam Sanctæ Mediolanensis Ecclesiæ Archiepiscopus: Monasterio, quod, Deo jubente (legendum arbitror juvante) institimus Juxta Ecclesiam Sancti Christi Confessoris Ambroxii, in ejus honore, et sanctorum Martyrum Protaxii et Gervaxii, ubi eorum sacra corpora venerabiliter requiescunt, conditam: seu *Benedicto* Abbati, successoribusque ejus, cunctoque cæui ipsius, in perpetuum. Cunctis adire volentibus ad consortia supernorum Civium omnipotens Dominus suis fidelibus itinera propitius pandit: inter quæ illud statuit, sequi solidum iter, quod nullis curvatur vitiorum flexibus, neque spinarum sepitur cupidine: sed directum & fulgidum ad cæleste prominet Regnum. Per hoc quisque graditur, qui sacram cœnobialem elegit vitam, qui jam mundo moritur, & Deo vivere delectatur. Ob hoc etenim ego, qui supra, *Petrus*, Sanctæ Mediolanensis Ecclesiæ Archiepiscopus, tam pro Regum nostrorum felicitate, & totius ipsorum populi sospitate, quam & pro statu Sanctæ Mediolanensis Ecclesiæ, animæque meæ salute, juxta (videtur addendum, Ecclesiam) sanctorum prædictorum Martyrum, Protaxii & Gervaxii, seu Confessoris Christi Ambroxii, Cœnobium instituere commodum extimavi; quia eorum suffragati meritis, ab adversis tuemur & regimur. Dignum est, ante veneranda ipsorum Corpora laus Regi æthereo sedulo decantetur a Monachis, ibidem constitutis: & ne aliquo impulsu penuriae ipsa sacra Collegia (five Congregatio) stimulatæ gravetur. Cui, Deo miserante, Abbatem institui-

mus *Benedictum* Presbyterum. Concedimus sibi suisque successoribus, qui pro tempore fuerint, nunc & deinceps, omnibusve sub eis regulariter viventibus, locum habitationis ampliolem & honestiorem, scilicet ad habitandum & regulariter vivendum: ET IPSAM ECCLESIAM, QUÆ USQUE NUNC CELLA VOCABATUR; quatenus eam orationis solummodo secretioris continentissimam habeant: eandem vero, quam superius diximus, IN HONORE SUPRADICTORUM SANCTORUM MARTYRUM PROTAXII ET GERVAXII, ATQUE CONFESSORIS CHRISTI AMBROXII, CONSTRUCTAM, sub sua cura & providentiâ tam ipse *Benedictus* Presbyter Abbas, quam quicumque successores ejus Abbates, qui ibidem ordinandi sunt perpetui; ita utpote; ut ante sancta eorum Corpora continuatim indifferenter ac publice Officia & divinas laudes concelebrent, absque mea & Successorum meorum molestia; provideque ipsam Ecclesiam sua moderatione & rectitudine disponere studeat; quatenus Domnorum nostrorum Regum, *Caroli* & *Pipini*, animabus proficiat; mihi meisque in *Christo* filiis, majoris scilicet ordinis totius gradibus, a quibus, diutius laborantibus in eadem Ecclesia, multotiens rogatus, merces acquiratur æterna. Statuimus etiam eidem Abbati, suisque successoribus, uti universis rebus atque substantiis, ad ipsam Ecclesiam, quæ hactenus Cella vocabatur, pertinentibus, atque in posterum a *Christi* fidelibus inibi conferendis, sicut usque hactenus a *Forti* Diacono, filio nostro possessum est... quam nos ab ipso cum rebus supradictis per commutationem suscepimus, dans ei ad vicem Curtem proprietatis nostræ in *Deumianello*, seu & in aliis locis, ubicunque habere ex parentum successione videor, ad commodum, ad mutandi & concambiandi modum. Quicquid vero in jam dicta Ecclesia Sancti Ambroxii a præmissis Imperatoribus, five Regibus, seu quibuscumque Potestatibus, in subsidiis Monachorum, five a me, licet peccatore, a quo præfatum Cœnobium constructum esse dignoscitur, Deo auxiliante, collatum fuerit; ulla ab quavis invasione & diminutione quiete ac pacifice prælibatum *Benedictum* Abbatem, suosque posteros. Eo modo consensum præbentibus Sacerdotibus, ac Levitis, cunctisque ordinis nostri, ut diximus, gradibus, spiritualibus filiis: confirmantibus quoque Domnis nostris Regibus, *Carolo* & *Pipino*, in æternum victuris: una & populo pleno favente animo confirmamus per hoc nostræ securitatis monimen universa, quæ nunc possidere probatur, vel quod Dominus ibidem per suos fideles conferre dignatus fuerit in ipso Monasterio: ita ut Abbas cum Fratribus omnia secundum instituta Venerabilis Patris *Benedicti*, ejusque Regulam, disponat & ordinet. Sed neque Abbas ibidem ordinetur extraneus ullo unquam tempore; nisi aut eodem in Monasterio prius monasticum sumpserit Habitum ex ipsa jam Congregatione; aut quem Fratres eligant, qui eos secundum divinas leges & Patrum regulas valeat gubernare. Et ita censemus ut nullus unquam de nostris Successoribus hanc nostram Dispositionem nostrorumque Domnorum Regum dignam Concessionem, ac Petitionem, seu Confirmationem, quam pro amore Beati *Christi* Confessoris Ambroxii, & sanctorum Martyrum Protaxii & Gervaxii, seu prædictorum Regum durabili stabilitate nec non etiam pro Sacerdotum Ecclesiæ nostræ, omniumque nostrorum Concivium salute construximus, intrumpere, aut destruere præsumat. Et qui temeraria mente violare, aut exterminare maluerit, exterminetur a Deo, & a Beato *Petro* Apostolo, Sanctoque Patrono nostro Ambroxio: & deleatur nomen ejus de Libro Vitæ: portio ejus efficiatur cum apostata Spiritu in igne perpetuo. Quod Præceptum nostrum *Anspert*, Subdiaconum Sanctæ nostræ Mediolanensis Ecclesiæ, scribere jussimus, & subter manibus propriis roboravimus, & in ipso Monasterio tradidimus conservandum, Anno Domnorum nostrorum *Caroli* & *Pipini* Regum in Italia Sextodecimo

brofianum; Anno *Chrifti* Millefimo trecentefimo octuagesimoprimo in pergamena charta conſcriptum. In quo ſub eadem Septembris die decimaſeptima ſic legitur: *Sancti Satyri Confeſſoris* (& hoc verius, quam *Levite* præterea) **JACET AD SANCTUM AMBROSIVM**: ſcilicet ob propinquitatem, qua ipſa met *Sancti Satyri* Eccleſia Baſilicam ferme contingit *Ambroſianam*. Sed & Libellus adſtipulatur *Italicus*, hac in Urbe typis editus Anno Domini Milleſimo quingentefimo decimoquinto. Indulgentiæ Sanctorumque Corpora, in variis tam Urbis quam Dioceſeos iſtius Eccleſiis extantia, eo recensentur. Ubi vero de hac *Sancti Satyri* Cappella mentio fit, in ejuſdem Cappellæ Altari jacere ipſummet ejuſdem *Sancti* Corpus diſertiſſime affirmatur. *Philippus* itidem *Ferrarius* in Catalogo Sanctorum *Italiæ*, in Annotatione ad ejuſdem *Sancti* Vitam idem ſentit. Conſenſitque ſic etiam *Baronius* ad Annum *Chrifti* Trecentefimum octuagesimumtertium Art. 17. ubi *Sanctam Marcellinam*, ſine dubio in *Ambroſiana* iſta Baſilica ſepultam, ex ipſius Epitaphio (quod noſ etiam infra recitabimus) collegit, **JUXTA ET APUD SANCTOS FRATRES AMBROSIVM ET SATYRUM SEPELIRI MALUIſſE**, quam ſepulchris condi patriis. *Mediolanum* videlicet *Satyri* venerat, ſicut **NEGLIGENS FRIGORIS** (quemadmodum *Ambroſius* eum in Oratione Libroque de ipſius Obitu commendat) ſic etiam hyberno tempore: Septembris vero poſtea menſis decimaſeptima die, quæ nunc illi celebritas eſt anniverſaria, occubuit. Cadaver e domesticis laribus ad Baſilicam detulerant (ut infra videbimus) *Ambroſianam*: necnon *Ambroſius* etiam ipſe feretro ſuccollans detulerat. Itaque ibi poſtea inter perorandum ſic etiam exclamavit: *O dura oculorum lumina, quæ potuiſtis Fratrem videre morientem! O immites & æſperæ manus, quæ clauſiſtis oculos, in quibus plus videbam! O DURIOR CERVIX, QUÆ TAM LUGUBRE ONUS CONSOLABILI LICET OBSEQUIO GESTARE POTUIſTI!* Cumque tandem peroraſſet, Miſſæ pariter Sacrificium ibidem pro defuncto Fratre celebravit, antequam eum tumulo daret. Suam itaque funebrem tunc Orationem ita concluſit: *Tibi nunc, Omnipotens Deus, innoxiam commendo animam, TIBI HOSTIAM MEAM OFFERO. Cape propitius ac ſerenus fraternum munus, SACRIFICIUM SACERDOTIS. Hæc mei liba præmitto. In hoc ad te pignore venio; non pecuniæ, ſed vitæ pignore. Ne me diutius reſidere facias tanti ſcœnoris debitorem.* Sic igitur, peracto itidem Miſſæ Sacrificio, *Satyrum Ambroſius* tumulavit. At ubi? Ad *Sancti Martyris Victoris* ſiniſtram. Sic enim *Baronio* ad prædictum Annum octuagesimumtertium, Art. 16. lubentiſſime nos aſſentimur. Ita ſiquidem nos, perinde ac *Baronium*, edocuit ipſius *Satyri* Epitaphium, ab ipſomet *Ambroſio* tunc temporis compoſitum, meritoque jam inter ejus Opera poſſremis typis edita relatum Tomo Quinto poſt Hymnos. *Dungalus*, nec ignobilis Auctor, illud poſteris tradiderat in eo Libro, quem contra *Claudium* Episcopum *Taurinenſem*, *Iconomachum* Hæreticum, ſcripſit & *Ludovico Pio* ejusque filio *Lothario* Imperatoribus (quorum mentio ſuo tempore nobis etiam incidet) nuncupavit. Ejuſmodi vero Librum in *Ambroſiana* primum Bibliotheca nos legimus e perantiquo ac pergameno Codice manuſcripto, qui *Bobienſis* olim fuerat Monafterii. Sed ille ibi Prologo nuncupatorio mancus erat majori ex parte. Integrum itaque poſtea legimus in quarta Bibliothecæ Veterum Patrum & Antiquorum Scriptorum Eccleſiaſticorum Editione, quæ *Coloniensis* eſt, & Anno Domini Milleſimo ſexcentefimo decimo-octavo elaborata: ſcilicet in ejus Secunda Parte Tomi ſive Sæculi Noni. Verſus ergo Libri finem ipſe, *Sanctum Auguſtinum* in

A principio Libri *De Cura pro mortuis gerenda* ſecutus, inquirebat, utrum *Chriſtiano* prodereſet homini poſt mortem, quia ejus corpus apud *Sancti* alicujus Memoriam ſepeliretur. Cumque multis pro parte affirmativa diſſeruiſſet *Auguſtini* verbis; hæc itidem ipſius denique attexebat: *Cum itaque recolet animus, ubi ſepultum ſit chariſſimi corpus: & occurrerit locus nomine Martyris venerabilis; eidem Martyri animam dilectam commendat recordantis & precantis affectus; qui cum Defunctis a Fidelibus chariſſimis exhibetur, cum prodeſſe non dubium eſt his, qui, cum in corpore viverent, talia ſibi poſt hanc vitam prodeſſe meruerunt.* Poſt hæc autem ſic e ſuo ſtatim proſecutus fuit: *Idcirco, ut arbitror, AMBROSIVS SUUM FRATREM SATYRUM, QUEM NIMIUM DILEXERAT, JUXTA SANCTUM MARTYREM VICTOREM SEPELIVIT. De quo tres Libros edidit egregios: unum De ejus plantu: alteros duos conſolatorios de Reſurrectione & Paradifo. Cujus Epitaphium hoc dictavit Tetraſticho:*

Uranio Satyro ſupremum frater honorem

MARTYRIS AD LÆVAM detulit Ambroſius.

Hæc meriti merces: Ut ſacri ſanguinis humor

Finitimas penetrans adluat exuvias.

C Concordat autem huic rationi quod legitur in Libro Regum (4. Cap. 13.) cadaver cujuſdam hominis, ut oſſa *Helifei* Prophetæ tetigerit, ſtatim fuiſſe reſuſcitatum. Ita enim ibi continetur: *Mortuus eſt ergo Helifeus, & ſepelierunt eum. Latrunculi quoque de Moab venerunt in Terram in ipſo anno. Quidam autem ſepelientes hominem viderunt latrunculos, & projecerunt cadaver in Sepulchrum Helifei. Quod adhæſit & tetigit oſſa Helifei: & revixit homin, & ſtetit ſuper pedes ſuos.* Haſtenus verbatim hac de re *Dungalus*. Quo quidem addito velut interprete, neſas procul dubio jam eſt dubitare, quin eo in Epitaphio *Sanctus Victor* abſoluto illo communique Martyris nomine designetur, perinde ac ſi loco ſituque ipſo communis & indefinita ejus nominis ſignificatio ad hunc præciſe Martyrem ibi tumulatum ſatis ſuperque limitata eſſet. Sed quis item, attento tam Epitaphio ipſo quam exemplo illo ac ſimili per *Dungalum* adjecto, dubius hæreat, quin *Satyri* in eadem proriſ *Victoris* Arca conditus fuerit? cujus propterea *Satyri* exuviæ, *Victori* finitimæ ac propinquæ, potuerint ejuſdem ſanguine penetrari & adlui. *Uranium* porro *Satyrum* interpretari *Cœleſtum* placet, quoaduſque certius aliquid aliud (ſi modo datur) illuſceſcat. Jam vero diſcutiamus etiam tandem, ad quam præciſe Baſilicam detulerit *Ambroſius Satyrum*, & ubi tandem ad *Victoris* Martyris ſiniſtram ſepelierit. *Boninus Mombritiuſ*, & ex ipſo poſtea *Hilarion* Monachus *Mediolanenſis*, in *Sancti Satyri* Vita, per ipſos typis edita, ſic habent verbatim: *Translato denique ad cœleſte Regnum Sanctiſſimo Satyro, MAGNIFICUS PONTIFEX SACROSANCTUM CORPUS IPSIUS AD BASILICAM AMBROSIANAM HONORIFICE DEPORTARI FECIT, proſequentibus innumeris exequiarum turmis.* Numquid vero illud etiam in hac ipſa Baſilica ſepelivit? Minime vero. Sic ergo ii narrare pergunt: *Quod tamen ipſe, lachrymarum rivulis irroratum, IN ALTERA LONGE BASILICA ad lævam Glorioſi Martyris propriis manibus tumulavit.* Certe autem per ALTERAM LONGE BASILICAM ii ſine dubio Portianam indigitabant, quæ centum & amplius inde paſſus diſtabat, quæve **SANCTI VICTORIS AD CORPUS** cognominata fuit. Quid ſi vero genuinum textum in hoc ii corruerunt, vel ab aliis corruptum acceperunt? Quid ſi forte per inſcitiam quoque corruptus ille fuit? quia nimirum in eo ſuburbii tractu non aliam cognoscerent *Sancti Victoris* Eccleſiam, quæ minus longe, immo vero quæ non longe a Baſilica diſtaret *Ambroſiana*. Nos utique

Manuscriptis Codicibus pergamenis, *Mombritio* (nec dum *Hilarione* illo Monacho) ac Typographiæ in Italia usu (qui circiter Annum *Christi* quadragesimum vel quinquagesimum supra Millesimum quadringentesimum, sicut eruditi Viri norunt, incepit) vetustioribus, adhibendam potius esse fidem, nec immerito, arbitramur: in quibus legitur, ET IN ALTERA NON LONGE BASILICA &c. Bini vero nobis adhuc ii ad manus acciderunt: nec ex *Ambrosiana* ista Basilica vel Monasterio (quales facile quispiam in corruptelæ suspicionem vocare posset) sed aliunde. Unus extat in *Franciscana* Fratrum hac in Urbe Conventualium (ubi olim Basilica *Philippi* ac deinde *Naboris* & *Felicitis* fuit) Bibliotheca: quo eadem illa Sancti *Satyri* Vita per *Mombritium* recitata, & a vetustiori Auctore contexta, multæque aliæ Sanctorum Vitæ continentur. Alterum vero nobis *Carolus Andreas Septalius*, alibi commodius nobis memorandus, commodavit: eoque Lectiones illæ continentur, quæ de Sanctis *Ambrosiano* Ritu celebrari olim solitis, atque adeo de Sancto etiam *Satyro*, inter Canonicas Matutini Officii Preces recitabantur. In eorum igitur utroque ita prorsus semet habet prima pars eorum verborum, quæ nuper e *Mombritio* recitabamus. Atqui secunda utrobique verbatim ab altera illa sic discrepat: Quod tamen ipse, lachrymarum rivulis irroratum, IN ALTERA NON LONGE BASILICA AD LÆVAM GLORIOSI MARTYRIS VICTORIS propriis manibus tumulavit. Sicut ergo per ALTERAM LONGE BASILICAM hæc SANCTI VICTORIS AD COELUM AUREUM penitus excludebatur; ita per ALTERAM NON LONGE potius hæc, quam illa SANCTI VICTORIS AD CORPUS, includitur. Sed ne credibile quidem ceteroqui hoc videtur: ut, si *Satyrum* *Ambrosius* sepeliri voluisset in Basilica Portiana, eundem prius ad hanc deferret *Ambrosianam*, hic funebrem ad Populum recitaret Orationem, hic Missæ Sacrificium pro ipso celebraret. Quid enim vatabat, quominus hæc ipsa commode perageret in Portiana? quæ, sicuti Metropolitana olim fuerat; quidni satis etiam Populi capax, qui ad *Satyri* funus conveniret? Certe autem non ita se habebat hæc SANCTI VICTORIS AD COELUM AUREUM Basilica. Quamobrem longe credibilius hoc videtur: ut propter ipsius angustiam & propinquitatem maluerit *Ambrosius* deferri recta funus ad *Ambrosianam*, ibique funebria peragi solemnia; ita ut, his omnibus in hac Basilica peractis, non aliud restaret, quam ut cadaver in propinqua SANCTI VICTORIS AD COELUM AUREUM Basilica tumulo daretur. Quocirca consequens etiam illud esset, ut in hac ipsa Sanctus etiam *Victor* Martyr, & *Maurus* ac Sanctorum *Naboris* & *Felicitis* socius, una simul cum eodem *Satyro* in eadem Urna conquiesceret: quod auditu mirum videtur. Mirum profecto; sed non ita forte procul a vero. Hic nimirum sub Altari latet ingens ac nobilissima e candido marmore Arca (eademque illa est, quam Inscriptio superius a nobis nominata innuebat) cui rursus altera inest lignea; sed vetustate usque adeo marcida, ut ipsomet digitorum affricu comminuatur, ac velut in pulverem redigatur. In hac duo separatim jacent Corpora: quodque dextrum est, sicuti magis absumptum, ita etiam tempore videtur esse anterius, quam sinistrum. Sinistri porro capiti marmorea subest ejusmodi Tabella. Qua parte caput illa tangit, insculptas habet hæc quatuor litteras, primasque duas in latere superiori, alteras vero in inferiori. S. S. H. R. quas quidem Monachi e Majorum traditione sic interpretari consueverunt, SANCTUS SATYRUS HIC REQUIESCIT. In altera vero & averfa parte binas habet istas S. V. quæ juxta *Dungali* testimonium

A non aliter exponi posse videntur, quam ut perinde sint, ac SANCTUS VICTOR, hominemque in Arca ista collateralem atque jam ante tumulatum significent: cui proinde uni significando ejusmodi etiam Tabella forte prius deservierit; sed, facta postmodum *Satyri* accessione, litteræ pariter illæ fuerint in altera parte superadditæ. Quod ut magis confirmetur, ecce nobis *Manliæ* item *Dædalie* Epitaphium: in quo similiter absolutum Martyris nomen (ut supra etiam videbamus) loco situque ipso *Victori* adstrictum videtur; quia nimirum ille in hac ipsa tumulatus Ecclesia jaceret. Tribus istud ab hinc annis, sed ex immemorabili antehac tempore (quod *Carolus a Basilica Petri* nescivit) extabat juxta & prope ipsummet Altare Cappellæ, nunc Sancti *Satyri*, olim autem Sancti *Victoris* ad Cælum Aureum. Tunc videlicet extabat apud Abbatis *Gulielmi Cottæ* Sepulchrum, suo adhuc veterique loco immotum: eidemque insitum erat parieti, tunc quidem oblongo, sed ea ex parte postmodum diruto propter recentem vicinæ illic amplissimæque Scalæ structuram. Vetus illac & aperta excurrebat Monasterii porticus. Atqui nunc e porticu partim evasit circumseptum & unico patens ostio domicilium antiquarium, partim etiam vestibulum, quo primum excipiuntur ingredientiæ e Monasterio in ipsammet Sancti *Satyri* Cappellam, inde mox in Sacrarium, vel etiam in *Ambrosianam* Basilicam. Intra novum igitur ejusmodi domicilium, e regione Sepulchri, quo *Bernardus Italie* Rex conditus jacet, marmorea nunc extat ejusmodi Tabula, parieti confixa, & his præcise versibus insculpta:

MARTYRIS AD FRONTEM recubent quæ membra Sepulchro,

Ut lector noscas, est operæ pretium.

Clara genus, censu pollens, & Mater egentum

Virgo sacrata Deo, MANLIA DÆDALIA.

Quæ mortale nihil mortali in corpore volvens,

Quo peteret Cælum, semper amavit iter.

Sexaginta annos vicino limite tangens,

Rettulit ad Christum celsa per astra gradum.

Hæc, Germana, tibi Theodorus frater & hæres,

Quæ relegant olim sæcla futura, dedi.

Carolus quidem a Basilica *Petri* inter Historiæ *Mediolanensis* Fragmenta credere se scribebat, Epitaphium istud in Basilica Sancti *Nazarii* olim extitisse, indeque postmodum ad Basilicam translatum *Ambrosianam*. Sed quam levi & evanido motus argumento id credidit? Illud (inquit) argumento est; quod, cum erueremus Corpora Sanctorum Archiepiscoporum, quæ in Ecclesia Sancti *Nazarii* erant, sub *Aliari* primario in media fere Ecclesia invenimus in arcula argentea sphaeram seu globum ex aurichalco cavum, magnitudine pugni: qui, in duas æquales partes divisus, simul tamen jungebatur & claudebatur. Intus erant velamina, & parum ossis. Foris hæ litteræ: DÆDALIA VIVAS IN CHRISTO. Quasi vero tantulas istas *Dædalie* Reliquias Ecclesia Sancti *Nazarii*, reliqua vero ejusdem membra & Sepulchrum & Epitaphium habere nihilominus hæc ipsa Sancti *Victoris* AD COELUM AUREUM Ecclesia non potuerit. *Andreas* enimvero *Alciatus* paulo propius ad loci veritatem accessit, cum *Iustiniani* Codicem suis Commentariis illustraret. Titulo enim *De sacrosanctis Ecclesiis*, Lege 2. sic habetur: Nemo Apostolorum vel Martyrum sedem humanis corporibus existimet esse concessam. In hanc vero Legem *Alciatus* mox inter alia sic scribit: Adhuc *Mediolani* PROTASII ORIBASIIQUE (sive *Gervasi*) MARTYRUM TUMULO (sive Basilica) est Epigramma: quo MARTYRIS AD FRONTEM legitur sitam nescio quam femellam, MANLIAM

Purcellus;

B

DÆ-

DÆDALIAM. Sed in eo tamen *Alciatus* jure merito ab eodem *Carolo* reprehenditur; quia tantam Virginem contemptim *femellam* nominavit; tum etiam, quia contra Legis ejus præscriptum illam innuerit sepultam esse, quæ alioqui tantum ad Martyris frontem sita esset. *Tristanus* porro *Chalcus* Anno Christi Trecentesimo nonagesimo nono idipsum Epitaphium recitaturus, expresse de ipso sic testatur: IN ÆDE AMBROSIANA ANTIQUITUS POSITUM MANET. Cujus profecto Ædis *Ambrosianæ* nomine hanc quoque nunc Sancti *Satyri*, prius vero Sancti *Victoris* AD COELUM AUREUM, Ecclesiam comprehendit. *Manliæ* igitur ossa, non ad frontem Martyris *Mazarii* (sicut commentus est idem *Carolus*) non ad Sanctorum *Protasii* & *Gervasii* (sicut ex *Alciati* verbis argutari forte quispiam posset) sed certe quidem ad frontem *Victoris*, in hac ipsius AD COELUM AUREUM Ecclesia culti (vel etiam quiescentis) condita Sepulchro recubarunt. Hæc autem *Manlia* opinione *Chalci* forte fuit soror non alterius *Theodori Manlii*, quam *Consulis Romani*. Eandemque prædictus *Carolus* verisimiliter existimat vixisse circa Sancti tempus *Ambrosii*, quando istius præsertim Præsulis egregia cura virginali institutum in hac Regione maxime florebat. Nunc ad *Satyrum* revertamur: nec non etiam perquiramus, an ejus Sepulchrum nobis *Ambrosius* ipse ac *Marcellina* fratres pietate ac benevolentia in eundem sua, quinetiam fuisset ipsorum Tumulis indicarint. *Ambrosius*, antequam Basilicam suam dedicaret, in hac Sepulchrum sibi destinaverat sub Altari. Cum vero Sanctis eam *Protasio* ac *Gervasio* Martyribus dedicaret; ita illisibi dexteram & nobiliorem cessit portionem, ut sibimetipsi sinistram reservaret; eo nempe pietatis ac religionis sensu, quo *Satyrum* item ad Martyris lævam *Victoris* sepelivit. Eundem vero *Satyrum* tantopere diligebat, ut in funebri de ipso Concione ad Populum *Mediolanensem* profiteri non erubesceret: Nihil quidem habui (Fratres charissimi) in rebus humanis tanto Fratre pretiosius, nihil amabilius, nihil charius. Inde sic etiam ipsum alloquens jam mortuum, suisque adhuc oculis in Basilica subiectum, agebat: Quid te, mi Frater amantissime, fleam? qui mihi sic ereptus es, ut esses omnium. Non enim perdidisti usum tui, sed commutavi: ante corpore inseparabilis, nunc individuus affectu. Manes enim mecum, ac semper manebis. Et quidem, cum viveres nobiscum, nunquam te Patria eripuit mihi: nec ipse mihi unquam Patriam prætulisti: & nunc alteram præstitisti. Cœpi enim jam hic non esse peregrinus, ubi melior mei portio est. Nunquam enim totus in me fui, sed in altero nostri pars major amborum: uterque autem eramus in Christo, in quo & summa universitatis, & portio singulorum est. Hic mihi Tumulus genitili solo gratior: in quo, non naturæ, sed gratiæ meæ fructus est. In isto enim Corpore, quod nunc exanime jacet (loquitur autem de *Satyri* Corpore) præstantior vitæ meæ functio; quia in hoc quoque, quod gero, Corpore uberius tui portio. &c. Et rursus: Etsi sancta supersit Soror (*Marcellina*, jam tunc & ipsa *Mediolani* degens) integritate venerabilis, æqualis moribus, non impar officiis; ibi tamen ambo plus timebamus; in te vitæ hujus jucunditatem repositam putabamus. Propter te vivere delectabatur: propter te mori non pigebat. Te enim ambo superstitem precabamur; tibi nos supervivere non juvabat. Et paulo post: Habeo plane pignus meum, quod nulla mihi peregrinatio jam possit avellere. Habeo, quas complectar, Reliquias. Habeo Tumulum, quem corpore tegam. Habeo Sepulchrum, super quod jaceam: & commendabiliorem Deo futurum esse me credam, quod supra sancti Corporis ossa conquiescam. Et paucis interpositis: Quid mihi unquam jucundum, quod non esset ex te profectum? Quid unquam mihi sine te, aut tibi unquam sine me voluptati fuit? &c.

A Et iterum aliquanto post: Quid de me loquar? cui neque mori licet, ne Sororem relinquam: neque vivere lubet, ne a te revellar. Quid enim mihi sine te potest esse jucundum? in quo omnis semper fuit nostra jucunditas. Aut quid diutius in hac vita degere juvat, atque interris morari? in quibus tamdiu jucunde viximus, quamdiu simul viximus. Et si esset, quod hic delectare posset, sine te delectare non posset. Et si quando voluissemus impense vitam producere; iam tamen sine te nollemus. Et prope Concionis finem: Sed quid ego te morer, Frater, quid expectem? Ut nostra tecum commoriatur & quasi conspeliatur Oratio. Licet ipsa species & exanimis corporis forma soletur: oculosque manens gratia & permanens figura demulceat; nihil, inquam, moror. Procedamus ad Tumulum. Sed prius ultimum coram Populo vale dico, pacem prædico, osculum solvo. Præcede ad illam communem omnibus & debitam, sed jam mihi præ ceteris desiderabilem, domum. Para hospiti consortium: & quemadmodum hic omnia nobis fuere communia; ITA ILLIC QUOQUE JUS DIVIDUUM NESCIAMUS. Et paulo post: Numquam nobis fuit vitæ conditio discretior. Semper aut sanitas aut ægritudo communis: ut, cum alter ægresceret, alter in morbum incurreret: cum alter revalesceret, uterque consurgeret. Quomodo jus nostrum amisimus? Et nunc consortium ægritudinis fuit; quomodo mortis consortium non fuit? His utique omnibus satis indicatum videtur, *Ambrosium* ea item fuisse voluntate, ut ne post obitum quidem ita procul a tanto Fratre abesse vellet, quam procul a Basilica *Ambrosiana* certe distat *Portiana*, quæ nunc SANCTI VICTORIS AD CORPUS appellatur. De *Marcellina* vero, vide, quemadmodum idem *Ambrosius* ipsummet defunctum *Satyrum* alloquatur, tot utique tantisque malis imminentibus morte ceteroqui tam intempestiva tempestive præreptum. Certe felicior (inquit) quam sancta Soror. Quæ tuo solatio destituta, de suo pudore sollicita, DUOBUS NUPER BEATA GERMANIS (quibus utique *Mediolani* jam convalescentibus ipsa quoque nuper præsens fruebatur) nunc ex duobus fratribus ærumnosa, neque alterum sequi potest, neque alterum derelinquere. CUI TUMULUS HOSPITIUM TUUS, ET CORPORIS TUI SEPULCHRUM EST DOMUS. Atque utinam vel hoc tutum diversorium. Cibus in fletibus, potus in lachrymis &c. Et versus finem: De sancta vero Sorore quid fiet? Quæ, licet divino metu pietatem temperet; rursus tamen ipsum pietatis dolorem studio religionis accendit. Strata humi, ET TOTUM GREMIO SUI COMPLEXA TUMULUM, laborioso fessa incessu, tristis affectu, dies noctesque mæore integrat. &c. Ecce vero pariter quæ cum nostro consentiunt instituto in ipsius *Marcellinæ* Vita, cum apud *Mombritium* & *Hilarionem*, tum etiam in aliquot Manuscriptis Codicibus. De ipsius in primis ad Urbem *Mediolanum* adventu sic legimus: Interea cum piæ recordationis *Almifcum* Præsulem *Ambrosium* suscepti Episcopatus causa in præfata Urbe *Mediolani* compulisset: fratremque dilectum (*Satyrum*) luce ipsa chariorem secum amoris glutino detentum, cohabitare fecisset. Virgo Domini *Marcellina*, charissimis diutius avelli non passa GERMANIS, domo patria rebusque relictis, sese *Mediolanum* contulit: satius rata peregrinam cum illis ducere vitam, quam duobus privata luminibus Romanas opes miserabilis possidere. In illis totam post Christum vitæ suæ inesse fiduciam: totam spem, totamque charitatem lachrymis oculis suffusa consistebatur. Deinde vero, facta de *Satyri* obitu mentione, iisque de hac sancta Sorore huc accommodatis *Ambrosii* verbis, quæ nuper nos penultimo loco recitabamus, hæc protinusinde attextuntur: Constat autem, hunc ex illo Venerandæ Virgini morem fuisse, ut continuis supra Tumulum Fratris (*Satyri*) genu nixa Dominatori omnium

omnium sanctam ejus animam precibus assiduis commendaret. Persæpe etiam diem sine cibo noctemque insomnem transigens, loco Sepulchri vix ad momentum poterat avelli. Sed quid item illa post Ambrosii deinde interitum? Non post multos vero annos Christi Præsul egregius Summusque Confessor Ambrosius, post innumera virtutum miracula, post superatas armis sapientiæ Arrianorum insidias, post solidatas Fidei Catholicæ fundamento Occidentales Ecclesias, transit ad Dominum, perpetua laborum suorum præmia recepturus. Tunc deinde duplicatus mæror, renovata tristitia: nihilque aliud, præterquam mori, anxie nimium Sorori placebat. Quid faceret? Quo se verteret? NUNC AD ILLUM. NUNC AD HUNC PROVO LUTA TUMULUM HÆSITABAT: se solam sine comite, solam sine gubernatore relictam, conversa ad Christum ineluctabiliter querebatur. Et paulo post: Hæc autem Beatissima Virgo, non quia Fratres amiserat, sed quia sine illa transferant, flebiliter ingemiscbat. Ultimum itaque vitæ suæ tempus venerandis Tumulis dedicavit, ANTE QUOS EXCUBANS, ET DIE NOCTUQUE SACRATAS PER SOLVENS EXCUBIAS, SPIRITUM COELO REDDIDIT, Christo copulata per ævum, & rursus paulo post: Corpus vero ejus a Venerabili Antistite Simpliciano reconditum: & Fratris (Ambrosii) Tumulo Sororis Tumulus est appositus. Quippe cujus Sororis Tumulus intra eandem Ambrosianam Basilicam visitur adhuc juxta primarium Altare subjectumque Ambrosii Tumulum ita situs, ut decem circiter ab eo distet passus; cum alioqui duplo & ad summum triplo magis ab Ecclesia Sancti Satyri distet; ut proinde non ita incommode difficulterque nunc ad hunc nunc ad illum potuerit Tumulum excubare, ac sacratas die noctuque excubias usque ad ultimum vitæ suæ tempus persolvere. Sicut antea dictum est, ac repetere placet, velex ipso certe Marcellinæ Epitaphio, quod nos item infra recitabimus, non in scite Baronius prædicto illo Anno & Art. 17. colligebat, maluisse illam JUXTA ET APUD SANCTOS FRATRES SATYRUM ET AMBROSIIUM SEPELIRI, quam sepulchris patriis condi. Fallitur in eo tamen Baronius ibidem, quod eandem addit Romæ mortuam fuisse, ac voluisse nihilominus, ut corpus suum ad Urbem Mediolanensem transferretur. Hoc enim ex dictis jam satis aperte constat esse falsum. Ex quo enim tempore Mediolanum illa venerat, nunquam postea Romam revertit. Jam vero venerat ante, quam Satyrus ex hac vita migraret. Quamobrem ne nobis quidem illud probatur, quod idem Baronius Art. 14. asseruit: Satyrum Anno Trecentesimo octuagesimo tertio, cum ex Africa paulo ante rediisset, Mediolani occubuisse. Quando enim occubuit, tunc Mediolani pariter jam erat Marcellina: & hæc tamen ab erat etiam octuagesimo septimo postea Anno, quando Ambrosius sacra Protasii & Gervasii Corpora invenit, eisdemque Basilicam suam dedicavit Ambrosianam; uti jam diximus Num. 2. Illud etiam huc accedit; quod ne credibile quidem videtur: ejusmodi Basilicam octuagesimo tertio illo Anno jam fuisse ita constructam, ut Satyri Cadaver ad eam detulerint, quemadmodum paulo ante ab ejus Vitæ Scriptoris narratum videbamus; & tamen Ambrosius ipsam nonnisi octuagesimo septimo deinde Anno dedicavit; sicut idemmet quoque Baronius fatetur. Quid, quod citra necessitatis casum Basilicis, non modo ad Missæ Sacrificium, sed ne ad publicos quidem Populi coetus & preces, uti licebat, antequam illæ solemniter dedicatæ essent? Notissimum istud est: atque Carolus item a Basilica Petri hoc observavit inter prædicta Historiæ Mediolanensis Fragmenta; cum de Basilica disliceret Apostolorum. Et tamen ad hæc ipsa munia tunc temporis Ambrosius

A hac sua Basilica usus fuit; cum Satyri Cadaver ad ipsam, prosequente copiosissima Populi multitudine, detulisset; ut bene lector a nobis jam narratum meminisse potest. Satyrum itaque nos fatemur, quin etiam præfracte contendimus, eo mortuum esse Anno, quo Maximus Tyrannus per Alpes in Italiam venturus timebatur, quoque omnia in motu erant, motibusque Barbaricis suspecta: & hoc ex ipsiusmet Ambrosii Oratione funebri luculentissime constat. Sed quia id non Anno tantum octuagesimo tertio, verum etiam rursus octuagesimo primo (post quem postea Maximus Aquileiæ captus, ac die Augusti vigesima septima necatus fuit) contigisse, Baronius etiam ipse confitetur; propterea nos ob rationes nuper prolatas, hoc potius, quam illo, Satyrum Anno defunctum fuisse (contra quam Baronius crediderit) arbitramur. Quoniam vero eodem Anno Marcellina Mediolani tunc non aderat, quando, recenter inventis Sanctorum Protasii ac Gervasii Corporibus, Basilicæ illius Ambrosianæ Dedicatio peracta fuit undevigesimo mensis Junii die; idcirco nos eandem postmodum ab Urbe Roma huc pervenisse censemus tam tempestive, ut ægrotanti Satyro, ac decima septima subsequenti Septembris die mortuo affuerit. Quod si sanctus etiam Victor hoc jam tempore non procul ab ista Basilica (sive in Ecclesia, quæ nunc SANCTI SATYRI vocatur) jacebat; consequens igitur est, ut vel hic primum sepultus ille fuerit, vel saltem postea fuerit huc translatus. Nos quidem non aliam vidimus adhuc ejus Vitam, quæ fidelior videri possit ea, quam Surius octavo Maji die recitavit: quæ, paucis mutatis, Monachi etiam Olivetani hodie in ejus Ecclesia AD CORPUS inter anniversionaria ejusdem Solemnia utuntur e manuscripto Codice pergameno: e quo quidem Codice nonnulla nos nomina propria, quæ apud Surium mendosa sunt, hic emendabimus. Summatim vero Martyrium ejus ac sepultura sic se habuit. Ab Imperatoris Maximiani (scilicet Herculei) militibus Victor in Stabulo ANTE THEATRUM inventus denique fuerat; cum extra Urbem ducitur ad Hortum, PHILIPPI appellatum: quod utique spatium hac Basilica Cænobioque Ambrosiano nunc occupatur; ut Chalco hoc ipso Numero nobis affirmabat. Inde porro eductus est ad Sylvam, quæ AD ULMUM vocabatur, ubi Viridarium habebat Imperator: & ibidem capite truncatus fuit. Cum vero Corpus ipsius ex Imperatoris mandato per sex dies insepultum fuisset, ut a feris belluis aut serpentibus voraretur: cumque interim a duabus quinimmo bestiis, una ad caput, ad pedes altera, officiose custoditum ac servatum fuisset; tum vero Imperatoris permisso Maternus noster Archiepiscopus ipsum NON LONGE AB EA SYLVA sepelivit. Et hæc Anno Christi gesta sunt Trecentesimo septimo, quo Maximianus ipse postea mortuus est; sicut ei Victor prædixerat, cum ad supplicium duceretur; ut bene Baronius in eundem Annum Art. 13. observavit. Hæc igitur cum ita se habuerint; nos quidem facile isthæc ccedemus. Dabimus in primis, Victorem tunc ad Basilicam Portianam sepultum fuisse, tamen non incommode potuisset ad propinquum in horto Philippi Polyandrium deferri. Quinetiam lubenter eandem Basilicam concedemus appellatam propterea fuisse postmodum SANCTI VICTORIS AD CORPUS; nisi forte illam sic appellaverint ex eo potius miraculo, quo Corpus ipsum per senos illos dies in eo tractu fuerat a bestiis custoditum; atque adeo ad eum ferme modum, quo binas adhuc extantes appellarunt, unam SANCTI VICTORIS AD ULMUM, alteram vero AD THEATRUM. Atqui si vera sunt, quæ nos paulo ante ceteroqui disseruimus; reliquum profecto jam erit, ut ipsius Corpus

pus non ibidem perseveraverit usque ad *Satyri* obitum, sed ante fuerit inde huc translatum. Quid si vero illud inde Catholici hoc transfulerant anno circiter ante, quam *Satyrus* moreretur? Hic siquidem (uti nos concludebamus) mortuus est Trecentisimi octuagesimi septimi a *Christo* Anni mense Septembri. Superiore autem Junio Sanctus *Ambrosius* Basilicam suam, Sanctorum *Protasii* ac *Gervasii* Corporibus recenter inventis, dedicaverat. Postrema vero Quadragesimæ superioris hebdomada furor ille *Arrianorum* ac *Fustinæ* Imperatricis eorum patronæ deferbuerat: quo Basilicam sibi Portianam (sicut & Num. 5. dicebamus) pro suo Pseudo Archiepiscopo, ad peragenda ibidem divina ministeria, pertinaciter vendicaverant intra unius circiter anni spatium. Sic enim manifeste liquet e Sancti *Ambrosii* Concione *De Basilicis non tradendis Hereticis*, tum etiam ex ipsius Vita per *Paulinum* ac denique per *Baronium* conscripta. Nonne vero Catholici etiam interim Basilicam eandem Portianam diu custodierunt, ne ab *Arrianis* occuparetur? Nonne diu etiam illic interea morati sunt, quinetiam obsessi? Nonne levando itidem tantæ moræ tœdio Hymnos ibi canere consueverunt, quos providus ac mellifluus ille Pastor in hunc finem componebat? Quid si tunc ergo inter spem ac metum, ipse ad extremum an *Arriani* prævalerent, latenter, insciisque iisdem *Arrianis*, inde sustulerunt tanti Martyris Corpus; & in alteram istam Ecclesiam, quæ tunc extra periculum ejusmodi esset, transfulerunt? Quid si etiam in ejus ibi locum substituerunt alterius Sancti, sed non ita celebris, Corpus? ne furtum aliquando illi deprehenderent, si forte fortuna per vim prævaluissent. Sed hæc mera sint conjectamenta & suspiciones, quemadmodum *Victoris* Corpus inde non sine causa huc transferri potuerit. Quod tamen adhuc & ostendimus, & pro certo supposuimus, *Satyrum* in ipsomet Sancti *Victoris Mauri* Sepulchro conditum fuisse, amboque in eadem simul Ecclesia conquirere: hoc aliquibus profecto Scriptoribus incompertum penitus & ignoratum fuit; qui proinde *Satyri* Corpus huic ejus Ecclesiæ, *Victoris* vero alteri ejus AD CORPUS appellatæ adjudicarunt. Ejusmodi vero sunt *Gualuaneus Flamma* in Opusculo illo jam memorato: & Auctor ille, qui prædictum illud apud nos Calendarium, Anno *Christi* Millesimo trecentesimo octuagesimo primo conscriptum, collegit: necnon etiam Libelli ejus *Italici* Auctor, quem in superioribus proferebamus. Quid, quod etiam ne Monachi quidem isti *Ambrosiani* satis hoc aliquando advertisse videntur? Quamobrem infra etiam videbimus, inter ipsos & Sancti *Victoris* AD CORPUS Monachos controversiam de solo Sancti *Satyri* Corpore fuisse, quod illi ambo sibi vendicarent: quove *Ambrosiani* solo contenti viderentur. Ceterum ex eodem sic etiam errore profectus alter ille nobis videtur *Gualuanei* error: cum diceret, Sanctorum *Victoris* & *Coronæ* Martyrum Corpora in hac Sancti *Victoris* AD COELUM AUREUM Ecclesia jacere. Compererat ille videlicet, *Victorem* Martyrem in hac jacere, cumque *Victorem Maurum* sibi persuasisset in altera illa sui AD CORPUS Ecclesia conditum esse; alterum illum *Coronæ* socium errabundus huic nostræ adjudicavit. Atqui, si quis *Victor* Martyr in hac jacet; ille profecto jacet, cujus titulum eadem obtinuit, antequam Sancti titulum *Satyri* obtineret. Certe autem non alterius *Victoris*, quam *Mauri*, titulum eadem tunc obtinuit: & hoc vel ipsæ satis testantur Sanctorum *Materni* ac *Naboris* & *Felices* imagines ibidem *Victoris* imagini associatæ. Quocirca non alterius *Victoris*, quam *Mauri*, Corpus in hac Ecclesia conditum videtur. Atque hinc etiam fortasse factum est, ut ejusdem *Victoris* cognomentum ipsa obtinuerit:

A & quidem prius, quam *Satyri*; perinde ac si *Mediolanenses* nostri primas in ejusmodi cognomento dare voluerint ei Sancto, cui dexterum latus juste ac sapienter olim fuerat in Tumulo hic extante attributum; eique secundas, cui sinistrum. Quoniam vero pluribus adhuc indiciis ostendisse videmur, *Satyri* Corpus, quam *Victoris*, hic jacere; liceat ergo jam tandem nobis hanc fidentius argumentationem, tanquam è re notiori, conficere. Sanctus *Victor Maurus* non alibi jacet, quam ubi Sanctus *Satyrus*; quippe cum hic ad ejus lævam in eodem Sepulchro conditus sit: atqui Sanctus *Satyrus* in hac sui Ecclesia & Cappella prope Basilicam jacet *Ambrosianam*; igitur & Sanctus ipse *Victor* hic jacet. Sed pro Monachorum nostrorum sententia satis in hac parte disputatum sit hætenus. An vero propterea vel illi credent, vel etiam nos credemus, hanc ipsam Sancti *Satyri* Cappellam olim fuisse nomine Cellæ Sancti *Ambrosii* nuncupatam? Minime vero. Ac ne tum quidem nos id crederemus, quando vel etiam nullum esse dubium posset, quin Sancti *Satyri* Corpus a Sancto *Ambrosio* conditum hic fuerit, & hic pariter in præsentem usque diem quiescat. Multo igitur minus hoc credemus, quando Monachi *Olivetani* acriter ex adverso contendunt, in sua Sancti *Victoris* AD CORPUS Ecclesia tam ipsius Martyris quam Sancti *Satyri* Corpus etiam in præsens conquirere. Accipe vero Lector, quemadmodum hæc ipsa veritas iis plane comperta videatur, ac publicis etiam sit Documentis testata. Millesimo quingentesimo septuagesimo sexto *Christi* Anno, extructa jam satis Basilica nova, veterem auctoritate *Apostolica* demoliri jam tandem cupiebant. Quod olim præsentens *Bonaventura Castellioneus*, Basilicæ istius *Ambrosianæ* Præpositus, & Historicus eruditissimus, quantopere (pro Sancte Deus!) eam fuerat ob causam conquestus? cum Sancti *Castriani* Vitam *Italice* conscriberet inter undecim priorum nostræ Urbis Archiepiscoporum Vitas: quarum Exemplar unum extat manuscriptum in Capituli Metropolitanæ Bibliotheca; alterum vero penes Clarissimum Civem, paulo ante a nobis nominatum, *Carolus Andream Septalium*. Cum igitur ita demum jam exequi cuperent ii Monachi: cumque Sanctum etiam Cardinalem Archiepiscopumque *Carolus Borromeum* rogassent, ut per se, vel per alium, sacras lustraret Reliquias, quæ in veteri extarent Basilica, quæve inde in recentem transferendæ forent; *Carolus* ipse tandem illic affuit die Veneris vigesima Julii mensis; atque, quod proprie attinet ad institutum nostrum, sic in publico Documento, sexta inde die confecto (quo universa hujus Reliquiarum Visitationis ac deinde Translationis Repositionisque acta ex ordine recensentur) scriptum invenimus: *Ad præsentiam Illustrissimi & Reverendissimi D. D. Caroli, Tituli Sanctæ Praxedis Presbyteri Cardinalis, sub Altari Majori Ecclesiæ Sancti Victoris fuit inventa marmorea quedam Capsa, sex lapidibus sibi mutuo coherentibus laminis plumbeis constructa. IN QUA FUERUNT REPERTA CORPORA GLORIOSISSIMORUM SANCTORUM, VICTORIS MARTYRIS ET SATYRI CONFESSORIS, distincta inter se dilucido intervallo. Corpus enim Sancti Satyri erat a læva Sancti Victoris: ejusdemque Capiti innitebatur lapis lateritius (signum maxime antiquitatis) in quo scripta legebantur hæc verba, videlicet S. SATIR. A dextra vero Sancti Satyri erat situm Corpus Sancti Victoris, habens innixum omnino in omnibus similem lapidem lateritium supradicto: in quo legebantur hæc verba, videlicet S. VICTOR, quorum litteræ V & T ERANT SCRIPTÆ MODO RETROGRADO. Et hæc omnia præsentibus Multum Reverendis Dominis Rodolpho de Cruce Primicerio Ecclesiæ Majoris Mediolani, Joanne Francisco a Basili-*

lica Petri Ordinario præfate Ecclesiæ, ambobus habitantibus in Canonica: Petro Galefino Protonotario Apostolico, Abbate Sancti Ambrosii Majoris Mediolani, Priore ejusdem Ecclesiæ, & Abbate Sancti Victoris. Cur vero Abbatem quoque ac Priorem Ambrosianos ad hæc inspicienda tunc evocaverint, hæc sine dubio videtur causa; quia cum ejusdem Monasterii Monachis de Sancto Satyro esset aliqua controversia; sicut in eodem Documento jam ante fuerat enarratum: nosque paulo ante innuebamus. Sed ne propterea quidem illi ac illorum successores a priori Majorum suorum traditione desciverunt. Joannes ille porro Franciscus a Basilica Petri cum eodem mox Anno Italicum typis ederet Libellum de aliquot hujus Urbis Ecclesiis: cumque de Sancti Victoris AD CORPUS Ecclesiæ sermonem instituisset; sic incœpit: *Chiamasi questa Chiesa SAN' VITTORE AL CORPO (si come alcune altre ancora) a differenz a dell' altre Chiese del medesimo nome, d'ove il Corpo non giace.* Aliquanto autem post sic etiam subdit: *IL CORPO DI SAN'SATIRO, PARE HORMAI CERTO, CHE SIA QUI ANCOR'ESSO; come nuovamente, & per autorita de Libri antichi, ET PER INSCRITTONI VEDUTE NEL SEPOLCRO, si e conosciuto.* Sed quid item Galefinus in suo Martyrologio, quod biennio post edidit in lucem? In Annotationibus sic ille de Sancto Victore, ad Octavam Maji diem inquit: *Ejus Translationi, quam religiosissimus Cardinalis Tituli Sanctæ Prædixidis, idemque Sanctissimus Archiepiscopus Mediolani, Anno Millesimo quingentesimo septuagesimo sexto celebravit, nos interfuimus.* Nec plura distinctius. De Sancto autem Satyro cum decima septima Septembris die fecisset mentionem; certe quidem postea inter suas Notationes nihil prorsus de ipsius Corpore, ubinam quiesceret, homo ceteroqui nec obliviosus nec indiligens adjecit. Quod quidem silentium nonnihil etiam suspicari nos coëgit. Utcumque tamen hoc sit: tam Paulus Morigia in hujus Urbis Sanctuario, quam ceteri postea Scriptores, qui Sancti Cardinalis & Archiepiscopi Caroli Vitam posteris tradiderunt, in ea fuere sententia, ut Satyri pariter ac Victoris Corpus eidem ipsius AD CORPUS Ecclesiæ adjudicarint. Legatur Carolus a Basilica Petri (qui priusquam e Canonico Metropolitanæ Basilicæ Ordinario fieret Barnabita, Joannes Franciscus vocabatur, sicut & nos paulo ante ipsum vocabamus) Libro 3. cap. 6. prope finem, præter quam quod aliquid etiam scripsit in Historia Mediolanensi, cum de Sancto Materno Archiepiscopo ageret. Legatur item Joannes Petrus Glusianus Lib. 3. cap. 9. Quid, quod etiam Philippus Ferrarius prædictam illam (quando pro parte Monachorum Ambrosianorum differebamus) de Sancti Satyri Corpore sententiam postea mutavit? Cum enim ejusdem Sanctorum Italiæ Catalogi posteriore ac maturiore cura indicem texeret; Satyri Corpus jacere dixit in Ecclesia Sancti Victoris: & absque dubio AD CORPUS: in qua pariter ipsius Victoris conditum esse Corpus in eodem pariter Indice postmodum asseruit. Idem Olivetanis ejusdem Basilicæ Monachis in eo placere non potest, quod octava Maji die de hoc nostro Victore locutus, in Annotatione adjecit, ejusdem Caput Volaterris conservari ac summa celebritate coli, Callisti Papæ Secundi munus ei Urbi datum: quod ipsum constanter item repetit ac præterea ejus Ecclesiæ Monumentis & Raphaëlis Volaterrani Commentariis confirmat decimatertia Maji die in Catalogo Sanctorum, qui non extant in Martyrologio Romano. Monachi namque illi tam Victoris quam Satyri etiam Caput sibi vendicant integrum: quin etiam (excepto mento inferiori) utrumque demum Anno Christi supra Millesimum sexcentesium secundo, die Martii vi-

gesima tertia, coram Basilicæ Metropolitanæ tunc Decano Antonio Seneca, & aliis, solemniter extra-xerunt ex Arca, in qua Sanctus illa Carolus olim re-posuerat: & in duobus argenteis Capitibus colloca-runt; ut inter sacras gestari Processiones, Populo-que ad venerationem certis diebus exponi possent. Qua de re publicum etiam extat Instrumentum, tunc temporis a Jacobo Antonio Cerruto, Curia Archiepiscopalis Notario, confectum, & a nobis iridem lectum. Ejusdem porro Victoris Caput sibi quoque Ambrosiani Monachi vendicant; sed majori tamen parte mancum; sicut oculati quoque Testes nobis illud esse affirmarunt. Quamobrem hoc forte facilius cum Ecclesiæ Volaterranensis credulitate com-poni posset. Ecce nunc autem, quid ante illos Au-ctores de Sanctorum Victoris & Satyri Tumulo scri-psisset Bonaventura Castellioneus: quem Gentis illius Origines, à Mattheo Castellioneo in lucem datæ, af-firmant Anno Christi obiisse Millesimo quingentesi-mo quinquagesimo quinto. In prædicta enim San-cti Castitiani Vita, de Sancto Ambrosio incidenter lo-cutus, sic habet: *Ritrovato per rivelatione il Corpo del Martire San' Vittore. nascosto da Materno Vesco-vo, & stato occulto da Massimiano fino a Theodosio Im-peratore, nel luogo, ove hor' si dice SAM' VITTO-RELLO (ubi nimirum Vetus, ut appellant, est Fratrum Cappucinatorum Conventus) levatolo con le sue proprie mani, lo ripose in unolaucello di pietra, nel-la Basilica Portiana, sotto l'Altar' Maggiore. E per memoria, che ritrovate fossero quelle sacre spoglie nel mezzodella selvosa campagna, nelli Uffici Ecclesiastici, composti per esso Patriarcha in honore di esso Martyre, canta il detto profetico: cid è, INVENIMUS EUM IN CAMPIS SILVÆ: ADORAVIMUS IN LOCO, UBI STETERUNT PEDES EJUS. HALLELUJAH, HALLELUJAH, HALLE-LUJAH.* Non passarono molti mesi, che, mancato di vivere fra noi Satiro suo fratello, locorico con man' sua a lato di San' Vittore in quella medesima Sepoltura.

Hæc ille. Quem nos in eo certe probare non possumus, quod aiebat, ejus Martyris Corpus Ambrosio divina revelatione indicatum & inventum fuisse (nec enim alius quispiam, quod nos adhuc sciamus, hoc tradi-dit) & quidem paucis ante mensibus, quam Satyrus moreretur. Quid in primis obstat, quominus ex persona Materni Archiepiscopi & aliorum tunc tem-poris Fidelium cœpta fuerit ea Pfallenda decantari? Quid præterea si forte tunc potius Arrianorum ti-more Ambrosius illud (& sibi bene jam humanitus cognitum, ubinam jaceret) ab ipsamet Portiana Ba-silica transtulit ad istam, quæ deinde SANCTI VICTORIS AD COELUM AUREUM dicta fuit, ut nos jam ante suspicabamur? Vel ipsa profecto il-la litterarum in Victoris nomine inversa dispositio, qua litteræ illæ V & T nobis afferebantur MODO RETROGRADO SCRIPTÆ, dici satis non po-test, quam importune ac moleste nobis talem illam suspicionem incusserit auxeritque: perinde ac si Ambro-sius ipse de industria, characteres illos ita scribi, seu scalpi, jusserit inversos; ut eodem illo errore, qui ceteroqui facile poterat incuriæ inscitiaque artifi-cis imputari, supposititium illud Corpus a vero ali-bi nativoque Catholici discernere, non sic autem Arriani, si forte fortuna prævaluissent. Quod au-tem in prædicto Documento (præter Seniorum tra-ditionem, Populi totius vocem, antiquas illius Mo-nasterii & Ecclesiæ Tabulas) Chronica etiam Bossia-na proferebantur in testimonium, in dicto Altari Majori inesse Corpora, seu ossa & Reliquias, Sancto-rum Victoris Martyris, Satyri Confessoris, &c. iisdem profecto in Chronicis Undemillesimo tantum Christi Anno videri nobis hoc potest indicatum. Ibi enim de Arnulpho Secundo Archiepiscopo nostro, ea sic habent: *Ille Archiepiscopus fuit magnæ sanctitatis.*

Monasterium Sancti Victoris AD CORPUS dotavit: UBI CORPUS EJUS IN PACE QUIESCIT. Atqui *Bossius* re vera hisce postremis verbis non de Sancti *Victoris*, sed de *Arnulphi* Archiepiscopi Corpore loquitur. Quocirca non aliud hæc ipsius verba significant, quam quod illa ejusdem in Archiepiscoporum postea Catalogo: *Hic fuit magnæ sanctitatis Vir Monasterium Sancti Victoris AD CORPUS, UBI ET SEPULTUS EST, fundavit.* Sic etiam in Catalogo cum Archipresbyteri Metropolitani, tum Secretarii Urbani, verbatim hæc leguntur: *Monasterium Sancti Victoris AD CORPUS dotavit, UBI EJUS CORPUS REQUIESCIT.* Atqui postea idem ipse Secretarii Catalogus (e quo pariter alterius sententiam intelligere possumus) ita denique de hoc eodem Archiepiscopo concludit: *JACET IN SANCTO VICTORE, UT SUPRA DIXIMUS.* Neque tamen alibi, vel aliis verbis, quam superioribus illis, hoc dixerat. Tunc igitur, non Sancti *Victoris*, sed *Arnulphi* Archiepiscopi Corpus ibi requiescere dicebat. Sed hæc satis hætenus a nobis de præsentī controversia velut in utramque partem problematice disputata sunt. Quod si totidem hinc inde indicia Sanctissimi nostri *Caroli* menti, vel etiam oculis, obversata tunc fuissent; nihil profecto nos ambigimus, quin hac in re multo magis, quam forte fuit, anxius saltem atque consilii ambiguus ille futurus esset. Quidquid tamen judicii denuo feratur; nos quidem ambas ejusmodi Ecclesias (in quarum alterutra citra dubium bina illa Sanctorum Corpora quiescunt) vel etiam impensiore deinceps cultu ac veneratione prosequemur. Ceterum tam Codicem illum pergamenum, quo vetus illa Sancti *Victoris* Vita continetur, quam publicum illud utrumque Documentum, quod recēter nominabamus: eadem nobis humanissime suppeditavit hodiernus ejusdem Monasterii Sancti *Victoris* Abbas, Domnus *Joannes Franciscus*, cognomento *Tessera*: cujus multiplex & exquisita Virtus inter adversa pariter ac prospera id consulto amasse, vel hanc saltem fortuito jecisse tesseram visa est hætenus: ut, velut aurum igne probatum, purior semper ac magis defœcata Sapientibus Viris apparuerit, majoremque sui amorem ac venerationem sibi apud illos conciliarit. Dignissimus vero frater illi est *Camillus*, amicus noster charissimus, & hujus *Ambrosianæ* Basilicæ Canonicus. Quodque grati animi causa taceri nullatenus a nobis debet, inter varios actorum Testes, in eo priori Documento nominatos, extat etiam *Nobilis Joannes Baptista de Tesseris, filius præfati Francisci.* *Franciscus* hic autem ipsorum fuit genitor: idemque cum duobus aliis Notariis illud ipsum Documentum conficiebat. Quocirca eimet Exemplari, quod nos legimus, sic ille cum sui Tabellionatus Signo subscripsit: *Ego Franciscus de Tesseris, filius quondam Spectabilis Domini Bartholomæi, Civitatis Mediolani, Portæ Ticinensis, Parochiæ Sancti Ambrosii in Solariolo, publicus Apostolica Imperialique auctoritatibus Notarius, rogatus tradidi, & in fidem subscripsi.* Hæc igitur in præsentī dicta sint; cum propositum ceteroqui nobis esset indicare, ubinam ea fuerit Ecclesia, quæ ante annum *Christi* Septingentesimum nonagesimum communiter SANCTIAM-BROSII CELLULA, vel CELLA, dicebatur: quamque Monachis ad orationes secretiores traditam vidimus. Quod si ea non ibi fuisse nobis videtur, ubi nunc Sancti Cappella est *Satyri*; perquiramus ergo rursus, ubinam illa tandem extiterit.

XX. Ea quidem illic potius extitisse nobis videtur, ubi nunc ipsiusmet *Ambrosianæ* Basilicæ Odæum five Chorus, Monachis pariter & Canonicis communis, post Altare primarium, intra ferreos cancellos, supra Confessionem, hoc est, ut vulgo loquimur, Scurolum, continetur & eminet. Illud

A igitur spatium mox a nobis descriptum, antiquitus ab ea Basilicæ parte, ubi situm est Altare primarium, & ubi sub ipso Corpora Sanctorum *Protasii Gervasi* & *Ambrosii* etiamnum quiescunt, atque adeo a reliqua item Basilica dividebatur interjecto ab imis fundamentis muro, quo itidem Basilicæ ipsius fastigium sustinebatur. Per unicum in eodem muro ostium ingressus illuc patebat. Intus vero, prope alterum ex adverso parietem, ac semicirculum, marmora Sedes Archiepiscopalis medium tenebat & adhuc tenet locum: Sedesque utrinquealiæ marmoreæ, muro insitæ, hinc & inde novem succedebant, singulæ singulis ex ordine rectaque linea respondentes Episcopis, quos eodem in pariete superne pinxerant; pictique adhuc cernuntur. Episcoporum ejusmodi Sedilium prominent adhuc aliqua ex ipsomet pariete indicia. Episcopi autem illi superne picti, & Canonem quisque unum infra descriptum habentes, hoc ibi ordine nominantur: a latere quidem dextro, *Vercellensis, Novariensis, Laudensis, Derthonensis, Astensis, Taurinensis, Augustanus, Aquensis, Januensis*: a sinistro autem, *Brixienensis, Bergomensis, Cremonensis, Intimiliensis, Savonensis, Albiganensis, Papiensis, Placentinus, Cumanus.* Episcopi nimirum isti olim erant *Mediolanensis* Ecclesiæ Metropolitanæ Suffraganei & Provinciales: certasque ac definitas in hac Basilicæ *Ambrosianæ* parte habebant Sedes, quibus vocati ad Concilium infiderent, tamquam ex ordine Cathedralium Ecclesiarum, quas ipsi obtinuissent. Paries porro ille interjectus, non ante Annum *Christi* Millesimum quingentesimum septimum fuit e medio sublatus; cum aliquandiu ante locus ille Canonicis in Sacrarium Sacristiamve deservisset. Atqui tum e prædictis & Sedibus & Episcoporum imaginibus, tum etiam e reliquis ibidem musivi operis, antiquitus elaborati, ornamentis liquidissime constat, Oratorium ante hac fuisse, magno habitum in honore ac pretio, itemque per omnia opportunissimum pariter ac dignissimum, quod CELLA SANCTIAM-BROSII vocatum antehac fuisset, quodque deinceps secretioribus Monachorum precibus a *Petro* Archiepiscopo reservaretur. Sed, quæ de pariete illo interjecto deque sedibus illis dicta sunt, jam tandem comprobemus; ne forte nos illa pro arbitrato nostro commentū fuisse videamur. Publicum apud nos extat Instrumentum, Anno Domini millesimo quingentesimo septimo, Indictione decima, die Martis, decimosexto mensis Augusti, a *Jacobo Scavaggio*, publico *Mediolani* Notario, confectum: quo Abbas & Monachi nostri ex una parte, ac Præpositus & Canonici huius itidem Basilicæ ex altera, post varias inter se lites, in hæc nominatim Capita præ multis aliis consenserunt. Primo igitur, ut ab divino cultu mutue concordie primordia facerent; conveniunt, ut Reverendus Dominus Præpositus ac Canonici prænominati liberum relinquant locum (facta prius infra scripta alia Sacristia nova) qui est post Altare majus Ecclesiæ prædictæ Sancti *Ambrosii*, in quo nunc Domini Canonici Sacristiæ usum habent; UT IN IPSUM LOCUM CHORUS TRANSFERATUR ad DIVINORUM CELEBRATIONEM: qui Dominorum Monachorum ac Dominorum Canonicorum Collegii sit communis; ut utrique in ipso loco, ab populi interventu separati, quietiore animo & ad Deum intentiore, quæ ad decantanda divina Officia pertinent, agere possint. Hujusque rei gratia utrumque Collegium, dum sua decantabit Officia, clausum teneat Chori locum: neque in eo, quantum fieri poterit, ullum, nisi aliquo modo insignem virum, admittat &c. Et ecce causam hinc etiam intelligimus, quare tandem Chorum e veteri ante Altare primarium situ transfulerint in eum locum, eodem Altari posteriore. Vetus enim Chori situs porrigebatur extra ferreos etiam cancellos, eidem Al-

Altari anteriores, ad primam utrinque pilam; ita ut transverso inter utramque pilam pariete juxta monasticum ritum clauderetur. Verum tamen tribus etiam portis, maxime vero duabus eidem Choro lateralibus, patebat populo ingressus, ut ante Altare sacra sub ipsa Corpora e propinquo & conspicuo vernerentur: proindeque saepenumero fieri non poterat, quin celebrantes Officia divina nonnihil interturbarentur. De pariete autem illo, quo antierius occlusum dicebamus ejusmodi locum, vide, quid postea fuerit decretum Cap. 5. quod est huiusmodi: *Item convenerunt, quoniam manente clauso, UT NUNC EST, loco, in quem transferri debet Chorus, ad populum non perveniret vox Sacerdotum, divinas Horas canentium; Dominus Abbas & Monachi murum EFFODIANT, QUI INTERFECTUS EST, & FORNICEM FIRMI OPERIS (nempe in muri supplementum) AD TUGURIUM (tastigium nos vocabamus) SUSTINENDUM ONUS AEDIFICENT; cancellosque ferreos in eo efficiant; ut Altare majus undique elausum maneat.* Quod vero asseribamus de unico Cellae ostio anteriori, de Archiepiscopali deque ceteris Episcoporum ibi sedilibus: en apertam probationem, septimo e Capite desumptam: *Item convenerunt, ut utrumque Collegium ostium aperire possit ex parte sua, per quod locum ingrediatur, in quem Chorus transferretur: & ARCHIEPISCOPALIS SEDES, QUAE IN EO LOCO EST, INTACTA RELIGIOSE SERVETUR: similiter ALIA SEDILIA, QUAE AD UTRUMQUE LATUS SUNT, quantum per Chori commoditatem fieri poterit, UT SUNT, RELINQUANTUR.* Certe autem Canonici acriter hoc postremum contenderant. Itaque super ejusmodi Capitibus, antequam in ea conveniretur, schedam comperi, complectentem, quae Canonici sibi deposcerent, quaeve Monachi responderent. In qua quidem Canonici quarto loco id exigebant, *Ut non amoveantur sedes nunc in dicto Sacratio marmoreae; sed reponatur Chorus ante ipsas sedes:* Monachi autem respondebant, *Quod descendunt eorum petitioni, dummodo possit fieri, de Archis, id est, sedilibus marmoreis, & translatione Chori, ut supra &c.* Relicta denique tamen ea sedilia non fuerunt; ut lignea sedilia, quae illuc e veteri Choro transtulerunt, parietibus adhærescerent. Ceterum in utroque Cellae latere apertum illico fuit ostium: unum, quod Monachis: alterum, quod Canonicis deserviret. Sic etiam constructus est fornix necessarius: ferreique illic cancelli juxta conditum collocati. Mirarisne vero, quod bina & perantiqua Epitaphia, nudis e marmore tabulis absque ullo ceteroqui ornamento insculpta, Ludovici unum Imperatoris, alterum vero Ansperti Mediolanensis Archiepiscopi, hoc jam tempore videamus nonnisi clavis extrinsecus affixa fornici ejusdem lateribus, Aræ maximæ obversis? Ex his nimirum, quae nuper diximus, intelligi facile datur, eadem olim Epitaphia decore, ut par erat, insita fuisse parieti illi, quo locus ille versus & prope Aram clauderetur; sed, quo ex tempore sublatus ille fuit, sic etiam ipsa illic qualitercumque fuisse ad memoriam collocata. Quamobrem hoc etiam tu comperto, mirari mecum jam desinas. Quid quod etiam in hoc ipso Instrumento indicium aliquod inest oblationum, quae antiquitus Ambrosianae Cellae fieri solerent? Capite namque XI. *Item convenerunt, ut, quod jus hactenus habuerunt Custodes Dominorum Canonicorum, die Veneris sancta oblationes accipiendi ad Altare majus, ET IN LOCO, UBI NUNC EST SACRISTIA (ecce tibi Cellam) illud etiam in posterum eis maneat &c.* Sed hactenus de Cellâ istâ satis superque dictum sit; nisi forte tibi, Lector, jam denique placet insuper observare, quænam Cellae sit etymologia & significatio, quamque bene congruat utraque in eum ipsum locum,

A nuper a nobis descriptum, cui nomen Cellae Cellulaeque Sancti Ambrosii & Ambrosianae Basilicae quondam inditum fuisse opinamur. Cellam igitur, probatioribus Etymologi affirmant, a celando dictam esse, quod in ea celentur quae volumus esse occulta. Inter alias vero significationes hanc itidem illi adscribunt, ut Cella olim diceretur etiam pars templi sacratio, in quem ingredi fas non esset. Unde apud Gellium legitur, *Scipionem in Capitolium venisse: jussisseque Cellam Jovis aperiri, ibique solum demoratum esse.* De hac ipsa in Capitolio Cella Jovis extat mentio quoque apud Livium, lib. v. De bello Macedonico. De Cella vero Concordiae apud Marcum Tullium Philippica 1. & 2. Quid igitur jam vetat, quominus nos eam ipsam Basilicam hujus partem, tamquam secretiorem pariter ac sacratioem ipsimet ejus conditori Sancto Ambrosio recessum ad orandum privatim, & ad consultandum synodaliter una cum suis Episcopis matureque deliberandum, arbitremur obtinuisse diuque retinuisse nomen Cellae Sancti Ambrosii, & Ambrosianae istius Basilicae? Nunc ad alteram Basilicam hujus partem progrediamur, Monachis ad publicas Preces assignatam.

XXI. Quidnam vero illud est, quod eam Petrus Archiepiscopus nominabat in honore Sanctorum Martyrum Protasii & Gervasii, atque Confessoris Christi Ambrosii, constructam? Numquid enim Ambrosius illam in suimet etiam ipsius honorem construxerat? Absit hoc a nobis, ut tam impie desipiamus. Ego itaque sic interpretor, ut Ambrosius ejusmodi Basilicam non minus, quam ejusdem Cellam, primus omnium condiderit, Sanctisque Protasio & Gervasio nuncupavit; sed tamen decursu postea temporis, post ejus obitum & frequentia ejusdem ibi miracula, fideles hanc ipsam nominatim Basilicam nova & augustiore structura amplificaverint, & in meliorem formam redegerint, necnon ipsimet etiam Sancto Ambrosio dedicaverint; eamque idcirco dixerint in honorem quoque Sancti Ambrosii constructam. Concamerata fornice saltem medio fuisse, quam construxerat Ambrosius, ea mihi perfadent Sancti Gregorii Turonensis verba, quibus libro primo De gloria Martyrum, Cap. 47. ex ore viri cujusdam religiosi prosequitur, quemadmodum Ecclesia tam multæ, cum Italica, tum etiam Gallicanae, ditari fruique potuerint Sanctorum Protasii & Gervasii Reliquiis. *Ajebat enim, quando gloriosa Corpora translata in Ecclesiam (istam nimirum Ambrosianam) fuerunt, dum in honore ipsorum Martyrum Missarum solennia celebrarentur, CECIDISSE E CAMERA TABULAM UNAM, quae illis capitibus Martyrum, rivum sanguinis elicuerit: de quo infecta sunt lintamina, vel pallula, sive vela Ecclesiastica, beatusque cruor in illis collectus est: qui usque adeo confluisse fertur, quoadusque lintamina, quae susciperent, sunt repleta. Ex hoc enim eorum Reliquiae affatim collectae, per universam Italiam, vel Galliam, sunt delatae: ex quibus & Sanctus Martinus multa suscepit; sicut Paulini Beatissimi narrat Epistola.* Hactenus Gregorius Turonensis. Sic igitur superiorem Basilicam hujus partem vidimus CAMERAE vocabulo appellatam. Atqui CAMERAM Interpretes Latinae Linguae asserunt esse testum in curvitate formatum: quod alias testudo, alias fornix, alias arcus nuncupetur; ita ut CAMERA dicatur etiam quasi CAMURA, id est, CURVA; proptereaque CAMERARE, aut CONCAMERARE, idem sit, ac fornecem, & testudinem facere; & sic de ceteris ejusmodi vocabulis, exinde derivatis. TABULAM vero illam, quae cadens e Basilicae camera, sive tegmine concamerato ac testudineato, atque testudinis instar concavo & incurvo, capitibus Martyrum illis, tantum sanguinem illis illicuerit: ego ligneam in primis fuisse crediderim, & satis oblongam. Non enim alioqui

una eademque tabula contingere potuisset Martyrum capita, quæ una simul cum ipsorum corporibus jacebant in duabus lecticis, hoc est, sellis gestatoriis (BARRE nos Italice diceremus) quemadmodum e *Paulino* in Vita Sancti *Ambrosii* aperte colligitur: quæve situm in Basilica nonnihil sejunctum occupabant. Quocirca ipsemet etiam Sanctus *Ambrosius*, cum intra Basilicam illa in conspectu prima die haberet; in suo ad populum Sermone semet ita quoque locutum fuisse affirmat: *Aspicite ad dexteram, aspicite ad sinistram Reliquias sacrosanctas. Videtis cælestis conversationis Viros, spectantes animi sublimis trophæa* &c. Nisi enim sacra illic pignora loco aliquatenus inter se diffusa fuissent; quomodo poterat *Ambrosius*, in ea Concione populum alloquens, unum illorum intento digito ad dexteram commonstrare, alterum vero ad sinistram? Ceterum ejusmodi tabulam ego facile conjectarim unam ex iis fuisse, quæ concamerandæ Basilicæ recenter defervissent, quæve fornici etiamtum sustinendo defervirent: cujusmodi tabulas nos Italice CENTENI vocitamus. Quod vero attinet ad novam ejusdem Basilicæ constructionem, quando scilicet in honorem Sancti quoque *Ambrosii* constructa fuit, priusquam Monachis eam *Petrus* Archiepiscopus traderet: hodiernam ego Basilicam diligenter circumspexi universam, novæque antiquitus structuræ indicia mihi hæc tantum apparuerunt. Qua Chorus ille monasticus olim ante Altare definebat, binæ stant & ingentes pilæ, vulgo PILASTRI. His adjectæ postmodum adhærescunt binæ veluti semicolumnæ, solidis è lapidibus compactæ: quibus proprius fornix & arcus ita innititur, ut alteri & ipse fornici & arcui, pilis illis antea superstructo, subtus adhærescat, perinde ac factus in hunc solummodo finem, ut eum suffulciat: semicolumnæ autem illæ iis pilis adjectæ videntur antequam Chorus ibi collocaretur, sicut e certis adhuc in utraque semicolumna indiciis apparet. Sic etiam circa mediam Basilicæ longitudinem duæ itidem aliæ similes pilæ, ita prorsus & auctæ & firmatæ cernuntur. Primis illis duabus culmen & fastigium Basilicæ sustinetur ex una parte: atque adeo tale illis additamentum & fulcrum ego arbitror tunc temporis factum, quando ipsummet culmen ac fastigium constructum fuit: quod quidem mihi, exteriorum cœlique injuriis expositam illius faciem spectanti, non tantæ videri solet antiquitatis, quantæ reliquum ejusdem Basilicæ corpus. Forte igitur propter ejusmodi semicolumnarum & arcuum & fastigii additamenta, vetustiori Basilicæ in honorem Sancti quoque *Ambrosii* facta, eandem Basilicam *Petrus* Archiepiscopus nominabat in honorem Sancti etiam Confessoris *Ambrosii* constructam. Quamquam etiam libentius hoc ego aliis divinandum relinquo. Certiora nos quidem jam demum prosequamur.

XXII. Quale profecto illud est: quantum juris & potestatis Archiepiscopus ille *Mediolanensis* in Basilicam istam, ejusque Cellam, & in utriusque ipsarum facultates ac bona, Monachis huc ascitis tradiderit. Universa utique illis jura & potestatem tradidit, quæ utriusque illarum Custos, *Fortis* Diaconus, antehac denique obtinuerat, & a quo illa sibi per eam bonorum suorum traditionem acquisierat: tot utique ac tanta illis tradidit, ut ne a suis quidem in hujus Ecclesiæ *Mediolanensis* regimine Successoribus (sub quorum alioqui potestate futuri erant) impediri ullo unquam tempore possent, quo minus utramque hujusmodi Ecclesiam sub sua ipsorum cura, providentia, regimine, ac dispositione haberent: ibidemque ante Corpora Sanctorum, *Protasii* *Gervasii* & *Ambrosii*, Officialaudeſque divinas continuatim indifferenter & publice celebrarent. Quid, quod etiam omnia ejusmodi jura & potestatem illis

A tradidit rogatus multoties ab omnibus Basilicæ Metropolitanæ Ordinibus? Quippe quos frequenter antehac venire ad Ecclesiam istam, extra muros Urbis tunc sitam, & usque adeo a Metropolitana distantem, atque hic supplicationes peragere, ac in ecclesiasticis ministeriis diutius, e majorum instituto, ad majorem tam celebris Basilicæ cultum, laborare oportebat; ut proinde talis Cessio Monachis facta ipsummet etiam Basilicæ Metropolitanæ Clerum ejusmodi laboribus in posterum liberaret. Sicut igitur Archiepiscopus, ut id faceret, rogitaverant; sic etiam facto consentiens, singuli semet ipsos antescripto Privilegio, quo Cessio illa firmabatur, subscripserunt; & inter eos ipsemet etiam *Fortis* Diaconus; sed non sine aliquo a ceteris discrimine. Ceteri namque omnes in hæc præcise verba subscripserunt: *Ego N, in hoc Præcepto ex jussione Domni Petri Archiepiscopi subscripsi. Fortis* autem Diaconus: *Ego N, in hoc Præcepto Domni Petri Archiepiscopi subscripsi*: neque particulam illam, ceteris omnibus ex æquo retentam, ex jussione, adjecit: & hanc, ut opinor ob causam; quia ipse singillatim, & non alii, vel alius quispiam e Clero Metropolitano, Cellam istam & Basilicam in sua demum potestate ac jurisdictione, tamquam proprius utriusque ipsarum Titularis & Custos, habuerat, priusquam facta illa permutatione Archiepiscopo eandem cederet in hunc finem, ut ab ipso in Monachos transferretur.

XXIII. Quoniam vero primus post Archiepiscopum prædicto Privilegio subscribebat Metropolitanæ Basilicæ Archipresbyter, nomine *Dathæus*; huc adde, quæ *Tristanus Chalcus* tradit libro quinto ad Annum *Christi* Septingentesimum octogesimum septimum: neque quicquam dubitabis, quin hic *Dathæus* Archipresbyter eo etiam titulo sit insignis, quod hac in Urbe per ea tempora Xenodochium instituerit recipiendis alendisque infantulis, qui pudendis matrum nuptiis atque adulteriis geniti, tum inopia premente, exponi solent.

XXIV. *Petrus Oldradus*, *Mediolani* Archiepiscopus *Ambrosiano* huic Monasterio, a se constructo, recitatum Privilegium, sicut jam vidimus, concesserat Anno *Christi* Septingentesimo nonagesimo, *Caroli* autem in Italia Regis sextodecimo; sicut & nono *Pipini*, hoc in Regno consortis. Sequenti deinde Anno, quam sibi promiserat ejusdem Privilegii Confirmationem, obtinuit ab ipsomet Rege *Carolo*; datam *Placentiæ* in mense *Aprile*, Anno *Vigesimo secundo*, & *Decimo septimo Regni nostri*. Sic enim præcise legitur in Authentico Confirmationis hujus Exemplari, quod apud nos in hanc usque diem conservatur; non autem Anno *Secundo in Italia*, & *Decimo septimo Regni nostri in Francia*; quemadmodum perperam legitur in hujus Privilegii una cum multis aliis Editione typographica, olim facta, postquam per aliquot *Mediolani* Notarios ea fuissent recognita & comprobata Anno Domini Millesimo Quingentesimo octogesimo septimo, Indictione prima, die Veneris, secunda mensis Octobris. Ita quippe tum corruptus est textus, tum etiam glossemate falso vitiat; per incitiam utique vel incuriam Annorum, quibus *Carolus* in *Francia* primum, deinde autem in *Italia* regnare cœpisset. Sicut enim Anno *Christi* Septingentesimo septuagesimo quarto in *Italia* dicebamus; sic Anno Septingentesimo sexagesimo octavo, die vigesima quarta Septembris, *Carolus* constat in *Francia* regnare incepisse. His igitur præmissis, ad ipsummet hujusmodi Privilegium veniamus.

CAROLUS, gratia Dei Rex Francorum & Longobardorum, atque Patricius Romanorum. Illud namque ad æternam beatitudinem, seu stabilitatem Regni nostri, in Dei nomine pertinere confidimus, si justis petitionibus Servorum Dei, in quo auribus nostris patefacta

factæ fuerint, libenter obtemperamus, atque ad effectum producimus. Igitur notum sit omnium fidelium nostrorum magnitudini, præsentium scilicet & futurorum, qualiter Vir Venerabilis Petrus, Sanctæ Mediolanensis Urbis Ecclesiæ Episcopus, Serenitati Regni nostri suggestit, qualiter ob amorem Dei, & venerationem S. Ambrosii, JUXTA CORPORA SANCTORUM MARTYRUM PROTASII & GERVASII, SEU IPSIUS BEATISSIMI CONFESSORIS CHRISTI, Cœnobium institutum habeat, atque Monachos ibidem sub Regula Sancti Benedicti noviter, qui laudes Deo illic sedulas referunt, & pro felicitate Regni, ac totius populi Christiani sospitate, seu pro statu Sanctæ Mediolanensis Ecclesiæ exorarent, constituisset, atque inibi Venerabilem Benedictum Presbyterum Abbatem ordinasset. Unde petiit clementiam Celsitudinis nostræ, ut omnia, quicquid ipse pro divino intuitu ad jam dictum Monasterium ex rebus Ecclesiæ suæ Mediolanensis largitus est, vel moderno tempore ibidem iusto tramite delegatum fuit, & nunc iuste & rationabiliter partibus ipsius Monasterii possidere dignoscimur, vel quod in antea a Deo timentibus hominibus, tribuente Domino, additum vel delegatum fuerit, nostris oraculis plenissime confirmare deberemus; quatenus sub regimine & potestate Rectoribus, qui fuerint, Sanctæ Mediolanensis Ecclesiæ, sicut ab ipso statutum esse cernitur, omni tempore permanere debeat; & quandoquidem divina vocatione Abbas ex ipso Monasterio de hac luce ad Dominum migraverit, licentiam haberent Monachi de ipso Monasterio Sanctæ Dei Ecclesiæ Mediolanensium, nobisque per omnia fidelem super se secundum Ordinem sanctum & Regulam Sancti Benedicti eligendi Abbatem. Cujus petitionem propter nomen Domini, & reverentia ipsius sancti loci, meritisque sanctis antedicti Pontificis compellentibus, nolimus denegare; sed in elemosina nostra ita concessisse, atque in omnibus confirmasse cognoscite. Quapropter per præsentem Auctoritatem nostram decernimus ac jubemus, ut, sicut constat ab jam fato Viro, Venerabili Petro Archiepiscopo, Monasterium, ut supra memorabamus, JUXTA CORPORA SANCTORUM MARTYRUM PROTASII & GERVASII, SEU CONFESSORIS CHRISTI AMBROSII, una cum omnibus adjacentiis, vel apenditiis ipsius Monasterii, stabilitum esse, inspecta ipsius Auctoritate, per hoc nostrum Serenitatis Præceptum atque Confirmationis donum perpetuis temporibus jure firmissimo stabiliter permanere habeat: & neque Abbas ibidem ordinetur extraneus ullo unquam tempore nisi ex ipsa Congregatione, ut supra diximus, Sanctæ Dei Ecclesiæ Mediolanensium nobisque per omnia fidelis, quem Fratres eligere voluerint: qui eos secundum divinas leges, & Regulam S. Benedicti valeat gubernare. Et ita censemus, ut nullus de nostris Successoribus, seu prædicti Pontificis, unquam hanc nostram Dispositionem, quam pro amore Beati Christi Confessoris Ambrosii, seu stabilitate Regni nostri, confirmavimus, infringere atque destruere præsumat: sed ut melius delectet ipsos servos Dei, qui sub normam beatitudinis ibidem vitam per tempora degere videntur, pro nobis, uxoreque nostra ac liberis, seu stabilitate Regni nostri, Domini misericordiam jugiter exorare, nostris Deo auspice futurisque temporibus inviolabiliter atque inrefragabiliter perdurare vel consistere debeat. Et ut hæc Auctoritas firmior habeatur, vel per tempora conservetur, manu nostra subter eam roborare decernimus, atque annulo nostro sigillari jussimus. Signum Caroli Gloriosissimi Regis. Dat. in mense Aprile Anno Vigesimo secundo, & Decimo septimo Regni nostri. Actum Placentiæ ex Pallatio nostro publico in Dei nomine feliciter. Amen.

XXV. Monasterii statu ac regimine hunc in modum firmato, Petrus aliquandiu supervixit: Archiepiscopus sane quidem gratissima in omne tempus memoria dignissimus, & de Romana etiam, nedum

A Mediolanensi, Ecclesia quamoptime meritis. In libro qui est inscriptus, Successores Sancti Barnabæ, ita legimus de ipso testatum: Hadriani Primi Pontificis Secretarius, ab eodem missus in Galliam, ad sollicitandam expeditionem Caroli Magni in Longobardos. Et paulo post: Hic Archiepiscopus a Carolo Magno in tanto honore & reverentia habitus est, ut ei, & Archiepiscopis successoribus, Urbis Mediolani dominium & jurisdictionem concesserit temporalem. Quæ Privilegia & Concessionem usque ad Othonem Vicecomitem durarunt. Et paucis interjectis: Adco hæreticæ pravitatis persecutor fuit, ut Carolo Magno MALLEUS HÆRETICORUM appellaretur. Hic jussu Hadriani Papæ Primi scripta Sancti Gregorii, in ejus mortem a Populo Romano dispersa, collegit, collecta emendavit & in libros redegit. Extant istius Archiepiscopi Epistolæ ad Carolum Magnum: inter quas est illa celebris de Translatione Corporis Beati Augustini ex Sardinia Papiam, facta Luitprando Rege Longobardorum: Sermones ipsius insuper ad populum in festis Sancti Barnabæ & Nazarii (hos ego tamen adhuc videre non potui) mira eruditione reserti, & tanto Archiepiscopo digni. Quibus similia legere itidem licet in Archiepiscoporum nostrorum Catalogo, Actis Ecclesiæ Mediolanensis inserto, & apud alios rerum Scriptores.

C XXVI. Quamdiu vero Petrus Archiepiscopus hanc Sedem obtinuerit: hoc penitus incertum. Alii annos septendecim, alii decem & octo, alii viginti septem, alii viginti octo illi adscribunt: ipsumque quin etiam nominatim affirmant, non tantum affuisse Romæ, quando Carolus Anno Christi Octingentesimo a Leone Tertio Pontifice Maximo declaratus & coronatus fuit Occidentis Imperator; sed etiam Pipino, ejus filio, nostra in Urbe morienti, suprema ad salutem solamina & obsequia præstitisse; nec non etiam Bernardo, ejusdem Caroli filio (verius dixissent, nepoti) ferream Italici Regni Coronam Modoëtiæ imposuisse. Hac de re nos parce admodum loquemur: nosque intra fines illos continebimus, quos Archivi nostri monumenta nobis definiunt. Petrus igitur ad minus Anno Christi Septingentesimo octogesimo quarto Ecclesiam istam sine dubio regere jam incœperat; ut supra ostendimus, num. 14. Sed & Anno postea Octingentesimo sexto in eandem ipsius jam defuncti Sedem successerat Oldepertus; ut infra, num. 29. constabit. Quamobrem Petrum nec morti Pipini, nec & prædictæ Bernardi Coronationi affuisse, constanter & præfractæ contendimus. Teste siquidem Carolo Sigonio de Regno Italiæ, lib. 4. Pipinus obiit Anno Christi Octingentesimo decimo: Bernardus autem a Mediolanensi Archiepiscopo coronatus Modoëtiæ fuit in Italiæ Regem Anno Octingentesimo decimotertio: quo item Anno Ludovicus, ejusdem Caroli filius, ad Imperii consortium ex Aquitaniæ Rege assumptus fuit, quintodecimo Kalendas Decembris: sicut & Anno sequenti Carolus ipse Rex & Imperator, cognomento reque vera Magnus, quinto Kalendas Februarii obiit ac sepultus est Aquis Grani. Atque hinc notanter etiam intelligimus, quam male veritati, quinetiam sibimetipsi cohæreat tempus quo Privilegium illud, Archiepiscopo huic Petro & Ecclesiæ Mediolanensi a Carolo Magno concessum, & in libro Successorum Sancti Barnabæ recitatum, ibidem in extremo dicitur Datum Derthonæ Kalendis Maji, Anno Incarnationis D. N. Jesu Christi Octingentesimo vigesimo, Indictione decima, Imperii autem nostri Anno Nono, Regnorum vero nostrorum Quadragesimo quarto. Manifestus enim sine dubio error notis illic numeralibus subest pro quibus nos numeralia reponere nomina maluimus.

XXVII. Ceterum de Petro Archiepiscopo, tametsi nesciamus, quo præcise loco ac tumulto fuerit sepultus; communi tamen Scriptorum consensione hoc passim constat: ipsum in Ambrosiana ista Basilica sepultum fuisse. Ex ejus Decessoribus, præter Sanctum Am-

brofium, Basilicæ conditorem, hic item tumulati fuerant alii nonnulli; fed, quod mireris, pauci admodum; & aliquandiu poft, quam ipfemet Sanctus *Ambrofius* obiiffet. Primus namque deinceps fuit Sanctus *Manfuctus*, *Agathone* Pontifice Maximo, circiter Annum *Chrifti* Sexcentefimum octogefimum, Archiepifcopus: dehinc Sanctus *Benedictus*, ejuſdem per annos quadraginta ſeptem ſucceſſor immediatus: tertius fuit *Stabilis*, circiter Annum *Chrifti* Septingentefimum quinquageſimum quartum defunctus: quartus ac poſtremus *Lætus* circiter Annum ſeptingentefimum ſexageſimum octavum: cui poſtmodum in Archiepifcopum ſucceſſit *Thomas Craffus*, in Basilica Sancti *Laurentii* ſepultus, *Petri* huius *Oldradi* deceſſor. Quemadmodum igitur *Petrus* erga Basilicam iſtam, ejuſque cultum tam bene vixerat animatus; ſic etiam congruum erat, ut hic pariter mortuus conquieſceret. Nobiliſſimo ille quidem tumulo, & omne in ævum duraturo, digniſſimus erat. Verumtamen (qua ex cauſa hoc fuerit factum, divinae nos Sapientiaē reſervemus) ne minimum quidem nobis ſuppetit indicium, quamam ille ſoli huius in parte conditus fuerit.

XXVIII. Quod interim ſummopere nos recreat & ſolatur, hoc eſt, quod forte fortuna noſtras ad manus accidit vera illius, necnon & *Caroli Magni*, effigies, ex antiquo fidelique monumento affabre incifa aeri, & uni eidemque chartæ impreſſa. *Jacobus Valerius*, nobiliſſimæ *Scalenſis* Eccleſiæ Canonicus, Juris Utriuſque Doctor egregius, amœniſſimi præterea & eruditiffimi Vir ingenii, & in antiquis Numiſmatibus, ejuſmodique aliis rerum monumentis apprime verſatus, hanc mihi humaniſſime ſuppeditavit; cum forte, factus illi obviuſ, inter mutua colloquia, mentionem Archiepifcopi huius noſtri feciſſem. Placuit igitur, ut eadem utriuſque effigies Operi huic noſtro reſcalpta infereretur, gratique perſtaret animi teſtimonium erga tantum Archiepifcopum Monafterii huius fundatorem, erga tantum *Italiae* Regem, atque *Occidentis* Imperatorem, a quo ejuſdem fundatio tam prona beneficaque voluntate fuerit confirmata. Ejuſmodi ergo Icon *Carolus* a dextris, *Petrus* vero illi a ſiniſtris proximorum laterique adhærentem repreſentat eo ipſo corporum habitu, quem hic tibi, *Speſtator* & *Lector*, exhibemus; excepto, quod ipſos paululum ſitu diſjungimus, ut ſuam quiſque occupet pagellam. Quantæ vero ſit & auctoritatis & fidei: hac ipſa ſuperne præfert inſcriptione, inter utrumque media: Ex monumento ac vera imagine, quæ eſt in Basilica Sanctæ Eccleſiæ *Aquiſgranenſis*, ſub Anno Domini *Oſtingentefimo decimoquinto*: ſive poſt *Caroli* obitum primo, cum *Petrus* aliquot ante annos obiiffet. Pro ut autem uterque eorum ſuam quiſque ſeparatim juxta caput habet inſcriptionem; ſic etiam nos hoc loco exhibemus. Inferne vero ſubſcriptum ſic extat: *Antonio Perenotto, Cardinali Granvelano, Natalis Bonifacius D. D. Anno Jubilei MDLXXV. Romæ apud Laurentium Vaccarium*: nec ejuſdem Cardinalis Stemma ibidem deſt gentilitium. Ejuſdem porro Iconis, tanquam Cardinali *Sirleto* dicatæ, mentionem facit in *Historia ſua Pontificali Joannes Franciſcus Beſurius*, in teſtimonium mutua familiaritatis, quinetiam ſpiritualis cognationis, quæ *Carolus* inter ac *Petrus* vigiſſet. Qualem proſecto nos Iconem accepimus, en illam, & accuratiſſime fideliffimeque reſcalptam.

XXIX. Mortuo *Petro Oldrado*, huius Urbis Archiepifcopo, ſuccedit *Oldepertus*: itemque mortuo Monafterii huius Abbati *Benedicto* ſuccedit *Arigaufus*: & huic ille Oratorium donat Sancti *Vincentii* in *Prata*, ſive in *Prato*, quemadmodum nos hodie appellare conſuevimus, Hinc *Triſtanus Chalcus* *Historiæ Patriæ* libro quinto, ad Annum *Chrifti* 804. ita ſubdit: Sub idem tempus *Mediolani* *Oldepertus*, qui in *Archiepifcopa-*

A tu *Petro* ſucceſſerat, donat *Arigaufus* Abbati *Ædem Divi Vincentii* in *Prato*; ut jam tunc vulgo nuncupabatur. Sed re quidem vera tunc vulgo nuncupabatur in *Prata*; ut mox conſtabit. Super ejuſmodi Donatione Litteras nos habemus authenticas, ipſiuſmet *Oldeper-*
B ti manu ſubſcriptas. Quæ quia ægre admodum ac nonniſi per ſummam patientiam intelligi a nobis potuerunt: quæve, quod magis dolendum eſt, injuriis temporum graviter ſuccubuerunt, pergamenta multis jam in locis abſumpta, ſibiſque ipſi difficulter coherente; propterea nobis operæ pretium viſum eſt, quales quales jam ſunt, hoc illas loco tranſcriptas inferere ac, priuſquam deteriora patiantur. Eadem vero datæ fuerunt Anno Domnorum *Caroli* & *Pipini* in *Italia* Regum Trigefimo ſecundo & Vigefimo quinto, Menſe *Januario*, Indictione *Quartadecima*; & proinde, juxta ſupputationem temporum a nobis præmiſſam, Anno *Chrifti* *Oſtingentefimo ſexto*: atque tempeſtatis illius barbarie ſcatentes, in hunc modum ſe habent:

O DELPERTUS, per Dei gratiam. . . . *Mediolanenſis Eccleſiæ Archiepifcopus*, *Arigaufus* Abbati *Monafterii noſtri Sancti Ambroſii*, UBI EJUS SANCTUM CORPUS REQUIESCIT, dilecto fideli. . . . Nihil minus, ſed magis ad proſectum Eccleſiæ noſtræ Sanctæ *Mediolanenſis* & ad augmentum ampliorem proficiſcere (ſive proficere) credimus; ſi his ſumus largiti beneficium. . . . Eccleſiæ noſtræ, qui Deo omnipotenti, a quo omnia bona ſuſcipimus quæ habemus, ſedola (nempe ſedula) devotione deſervire concupiſcunt. Qua de re manifeſte. . . . & quod tu, qui ſupra *Arigaufus* Abbas petiſti a nobis, uti tibi Oratorium Sancti *Vincentii*, *Levitæ* & *Martyris Domini noſtri Jeſu Chriſti*, edificatum in in Curte noſtra *Prata*. . . . nomine, diebus vitæ tuæ tibi concedere deberemus (hoc eſt, deberemus) Nos denique conſiderantes Dei omnipotentis miſericordiam, & nominatum ſervitium fidelem, ſive & animæ. . . . mercedem, eo quod tu, qui ſupra, *Arigaufus* Abba die noctuque continuatis precibus ad ipſum ſanctum locum, UBI
D CORPORA BEATISSIMORUM MARTYRUM CHRISTI, PROTASII & GERVASII QUIESCUNT. . . . PER ET BEATI AMBROSII CONFESSORIS officiis conſiſtens, ibidem devotionem integram deſervendum frequentare videris; ideoque concedimus tibi *Arigaufus* Abba ipſum Oratorium. . . . Curte noſtra *Prata*, ſive cum. . . . *Maſſariis*, aldiones, vel quidquid præſenti die ad prædictam Curtem noſtram *Pratam*, ut diximus, & ad ipſum Oratorium Sancti *Vincentii* pertinere provantur (nempe probantur). . . . aliter tua fidelitas ad prænominatum ſanctum locum meliorem ad deſervendum devotionem integram diebus vitæ tuæ magis magiſque ad implere feſtum. . . .
E Ea igitur ut ſtatim prædictam Curtem poſt tuum, qui ſupra *Arigaufus* Abbatis obitum, ad jura & gremium Sanctæ noſtræ *Mediolanenſis* Eccleſiæ cum omni integritate ſua, ut ipſam tibi conſeſſimus, revertatur: & ſtatuiſmus per hunc noſtræ Conſeſſionis Præceptum, ut nullus admodum neque Nos, neque ex noſtris ſucceſſoribus, vel ſubjectis nobis, de. . . . quæ tibi ſuperius contulimus habenda, moleſtare, aut expellere præſumat. . . . habemus hunc noſtræ firmitatis Præceptum quiete, ut ſtatuiſmus, diebus vitæ tuæ prædictum Oratorium & ipſam Curtem. . . . ſupra ſtatuiſmus. . . . permanere debeat firmatum, quod. . . . mitatis noſtræ Præceptum *Benedicto* Subdiacono Sanctæ noſtræ *Mediolanenſis*
F Eccleſiæ. . . . juſſimus & roborem manibus noſtris. tibi pro munimine tradidimus conſtruendum, Anno Domnorum noſtrorum *Caroli* & *Pepini* Regum hic in *Italia* Trigefimo ſecundo, & Vigefimo quinto, menſe *Januario*, Indictione *quartadecima*. *Odelpertus*, per Dei gratiam Sanctæ *Mediolanenſis* Eccleſiæ Archiepifcopus, in hoc Præcepto manu mea ſubſcripſi.

XXX. Haſtenus *Oldepertus*. Quemadmodum autem




CAROLUS MAGNUS, *Imperator.*





PETRUS OLDRADUS,
Mediolanensis Archiepiscopus.



tem per ea tempora moris erat, ut Archiepiscopus noster e Cleri Metropolitani corpore assumere-
tur; sic etiam tanto pronius *Oldepertus* istum ego crediderim eum ipsum esse, quem paulo ante vide-
bamus sub nomine *Oldeberti*, Sanctæ *Mediolanensis* Ecclesiæ Presbyteri, tertio decimo se loco subscri-
bentem Privilegio *Petri Oldradi* Archiepiscopi. Pri-
vilegii tamen illius exemplar, cujus beneficio uti
fruique nobis datum est, nonnisi transumptum erat:
Litteras vero istas certissimum est authenticas esse,
atque ipsius *Oldeperti* manu subscriptas. Quocirca
par omnino est, ut, harum potius habita ratione,
Oldepertus a nobis vocitetur; non autem *Oldipertus*,
aut *Oldibertus*, neque *Oldobertus*, aut *Olibertus*, vel
Obbertus, vel *Edelbertus*, neque *Alipertus* aut *Ali-
bertus*; quemadmodum alii Scriptores, prout cui-
que visum est, variarunt. Sed nobis longe adhuc
magis eorum displicet error, his itidem Litteris ab-
unde confutatus: qui eundem *Oldepertum* scripserunt
in Archiepiscopatu isto regendo anteriore fuisse
Petro Oldrado: vel etiam illum existimarunt promo-
tum fuisse ad Archiepiscopatum quo tempore *Roma-
nam* Ecclesiam *Stephanus* jam Quintus regebat; qua-
si vero is eam regere non incepit Anno Domini
Octingentesimo decimosexto, die Junii vigesima se-
cunda. Et hæc de *Oldeperto* satis.

XXXI. De *Arigauso* autem Abbate tacendum in
primis non est, hunc nobis eundem prorsus videri
cum *Arigauso* illo, qui Anno *Christi* Septingentesi-
mo octogesimo quarto Monachus atque Subdiaconus
hic habitabat una cum *Benedicto* primo Abbate, ac
Buniperto Diacono; ut supra jam diximus Num. 14.
Ceterum Sancti *Vincentii* Oratorium illud, quo do-
natus fuit *Arigausus* Monasterii hujus Abbas, nihil
ego repugnarim, quominus idem censeatur cum ea
Sancti *Vincentii* Aede, sive Ecclesia, in Prato, ut
vulgo etiamnum dicitur, cui nexum fuisse Mona-
chorum Cœnobium postea videbimus. Atqui, num
eo jam tempore hoc illi nexum esset: sic etiam,
utrum *Arigausum* eo fuisse Oratorio donatum perin-
de sit atque fuisse constitutum illius Cœnobii Abba-
tem: superiores profecto illæ *Oldeperti* Litteræ me
penitus ab eo avertunt, ut isthæc affirmem. Si Cœ-
nobium eo jam tempore illic erat: si Monachi Di-
vina jam tum persolvebant in ea Ecclesia; quidni
etiam potestatem habebant in eandem? Ergone ve-
ro Archiepiscopus, ne requisito quidem ipsorum
consensu, eandem tanquam plenissimo penes se so-
lum jure donasset *Arigauso*, quamdiu viveret inter
mortales? Itane *Petrus Oldradus* cum *Forte* Diacono,
Basilicæ hujus & Cellæ *Ambrosianæ* Custode,
se gessit, quando Monachis & *Benedicto* Abbati hanc
ipsam Basilicam & Cellam tradidit in potestatem,
jurisque postmodum ipsorum esse voluit? Nimirum
ne illi quidem ita se gerere licebat. Quid, quod
etiam *Oldepertus* ipsemet *Arigauso* non Oratorium il-
lud solummodo, sed etiam Prædium & Curtem il-
lam, in qua illud situm erat, universam cum suis
omnibus juribus & bonis quam liberalissime donavit?
Quid, quod etiam isthæc ita donavit, ut post illius
obitum, non ad Cœnobii ullius ullorumque Mona-
chorum, sed ad jura & ad gremium Sanctæ *Medio-
lanensis* Ecclesiæ, tamquam priorem ad dominum &
possessorem, integra, sicut antea fuerant, redirent?
Solutus igitur Archiepiscopus, Ecclesiæ suæ nomine,
ditionem ac potestatem sicut antehac habuerat; sic
etiam sibi uni, postquam *Arigausus* obiisset, refer-
vabat in eam Curtem, in illud Oratorium, & in
omnia bona, quæ ad eandem Curtem & Oratorium
pertinerent. Anno itaque *Christi* Octingentesimo
sexto necdum ibi constructum fuerat Monasterium,
necdum illic Monachi habitabant. Quocirca neque
tunc illorum Abbas constitutus fuit *Arigausus*; quin-
immo solius *Ambrosiani* hujus Monasterii Abbas &

erat & deinceps perseverabat. Talibus ergo permo-
ti nos quidem indiciis & argumentis, libere dissentim-
us a *Joanne Antonio Castellione*, Antiquitatum
Basilicæ *Vincentianæ* (de qua scilicet in præsentī egi-
mus) Parte Prima, Fasciculo Sexto: ubi etiam per-
peram (dicendum est enim) in hanc suam sententiam
interpretatus fuit ea ipsa *Tristani Chalcii* verba, quæ
nos item paulo ante produximus.

XXXII. Defunctus postea *Oldepertus* Archiepisco-
pus, in *Ambrosiana* ista Basilica sepelitur. Ecce tibi te-
stimonium ex Archiepiscoporum nostrorum Catalo-
go, Actis Ecclesiæ *Mediolanensis* inserto. *Alibertus* (sic
enim pro *Oldeperto* hic vocatur) *Crassus*, *Mediolanensis*,
Stephano Quinto Pontifice (verius nos dicemus, *Leone*
Tertio ejusdem *Stephani* decessore: qui creatus Anno
Domini Septingentesimo nonagesimo quinto, de-
cessit Octingentesimo decimosexto) *Calendis Octobris*
Archiepiscopus pronunciatus, admirabili vigilantia præ-
fuit annos novem, menses septem. Obiit pridie Calen-
das Martii. SEPULTUS IN BASILICA SAN-
CTI AMBROSII. In hoc ipsum consentit etiam
Catalogus alter Manuscriptus Nobilissimi Viri *Uber-*
ti Mariæ Vicecomitis (de quo nos alias opportuno-
re loco dicturi sumus) *Joanne Baptista Regio* hac in
Urbe Senatore præstantissimo geniti, ac Metropoli-
tanæ Basilicæ recenter e Præposito Archiepiscopi
(quæ post Archiepiscopum suprema ibi est Dignitas)
præterquam quod etiam quod seriem temporum pro-
pius ad veritatem accedere, ac nostræ supputa-
tioni congruere videtur. Inquit enim: *Olibertus*,
(en aliter variatum Archiepiscopi hujus nomen) *Me-*
diolanensis, Archiepiscopus Quinquagesimus primus,
Anno Domini Octingentesimo quarto, primo Octobris,
efficitur. Sedit annis novem, mensibus septem. Ac de-
nique: *Obiit prædictus Olibertus Anno Domini Octin-*
gentesimo decimoquarto, quinto Calendas Maji. JA-
CET AD SANCTUM AMBROSIIUM.

XXXIII. *Bernardum*, *Pipini*, e *Carolo* Magno
nati, filium, ejusdemque propterea *Caroli* nepotem,
Num. 26. dicebamus, Anno *Christi* Octingentesimo
decimotertio *Modoëtie* ab Archiepiscopo *Mediola-*
nensi coronatum *Italiæ* Regem fuisse: necnon etiam
eodem Anno *Ludovicum*; ejusdem *Caroli* filium, &
Aquitaniæ jam Regem, ab ipso fuisse in consortium
Imperii ascitum: sequenti autem Anno *Carolus* ip-
sum ex hac vita migrasse. Nunc, juxta temporum
seriem, de *Caroli* ejusdem gloriosa in conspectu Do-
mini morte; quia Monasterium istud talem tantum-
que sui Confirmatorem, sanctitatis etiam gloria in-
signem, sibi gratulatur: deinde autem, ac paulo
quidem uberius, agemus de *Bernardi* Regis mise-
randa nece; quippe quem, Regno & oculis priva-
tum, tumulo excepit honorifico, nec sine regia
pompa; cujus etiam reliquias nos ipsi non ita pri-
dem conspeximus, & infra ego fideliter describam.

XXXIV. Tantus igitur *Occidentis* Imperator, &
Ecclesiæ *Catholicæ* Assertor, & *Italiæ* Restitutor,
ac de Monasterio isto benemeritus, Anno *Christi* A.C.
Octingentesimo decimoquarto, Regni *Gallici* post 814
mortem *Pipini* patris Quadragesimo septimo *Italiæ*
Quadragesimo, Imperii Decimoquarto inchoato;
ætatis vero suæ Septuagesimo secundo *Aquisgrani* mi-
gravit ex hac vita, die vigesima octava Januarii,
postquam Oleo Sancto inunctus, & Viatico coelesti
refectus, spiritum suum Domino commendasset. In-
de contemporaneus ejus Vitæ Scriptor, & Engolif-
mensis Monasterii Monachus, a *Baronio* etiam citatus,
sic habet: *Oleo autem Sancto inunctus ab Episcopis, &*
Viatico sumpto, & omnibus suis dispositis, commen-
dans Domino spiritum suum obiit in pace, Anno Octin-
gentesimo quartodecimo ab Incarnatione Domini nostri
Jesu Christi. Consentit etiam *Theganus*, *Trevi-*
rensis per ea tempora Chorepiscopus, in hæc verba:
Septimo die, postquam laborare cepit, jussit, familia-
ris. C 2 *rissi*

rissimum Pontificem suum Hiltibaldum venire ad se, ut ei Sacramenta Dominici Corporis & Sanguinis iribueret; ut exitum suum confirmaret. Quo facto, laboravit in infirmitate diem illum, & noctem sequentem. In crastinum vero, luce adveniente, sciens quod facturum erat, extensa manu dextra, virtute, qua poterat, signum Sanctæ Crucis fronti imprimens, & super pectus, & omne corpus consignavit. Novissime autem colligens pedes suos, extendens brachia & manus super corpus, clausit oculos, psallens hunc Versum leniter: In manus tuas commendo spiritum meum. Statim post hæc in senectute bona plenus dierum perrexit in pace. Deinceps vero de ipsius sepultura idem Historicus hæc subdit, scitu profecto dignissima: Corpus ejus aromatizatum est, & in sede aurea sedens positum est in curvatura sepulchri, ense aureo accinctus, Evangelium aureum tenens in manibus, & genibus reclinatis, humeris in cathedra, & capite honeste erecto, ligato aurea catena ad diadema: & in diademate signum Sanctæ Crucis positum est. Et repleverunt sepulcrum ejus aromatibus, pigmentis, & balsamo, & musco, & thesauris multis in auro. Vestitum est corpus ejus vestimentis imperialibus: pera peregrinalis aurea posita est, quam Romam portare solitus erat. Sceptum autem & scutum aureum, quod Leo Papa consecraverat, ante eum posita sunt dependentia. Et clausum & sigillatum est sepulchrum ejus. Nemo autem referre potest, quantus planctus & luctus pro eo fuerit per universam terram. Etiam inter Paganos plangebatur quasi Pater Orbis. Eadem porro die, qua obierat, sepultus Aquisgrani fuit in Ecclesia Beatissimæ Virginis a se magnificentissime constructa, sicut affirmat Egenhardus, rerum Scriptor clarissimus, & cum hac quidem Inscriptione in deaurato supra tumulum arcu: SUB HOC CONDITORIO SITUM EST CORPUS CAROLI MAGNI, ATQUE CATHOLICI IMPERATORIS, QUI REGNUM FRANCORUM NOBILITER AMPLIAVIT, ET PER ANNOS QUADRAGINTA SEPTEM FOELICITER TENUIT. DECESSIT SEPTUAGENARIUS ANNO DOMINI OCTINGENTESIMO DECIMOQUARTO, INDICTIONE SEPTIMA, QUINTO KALENDAS FEBRUARII. Ceterum Carolus hic re quidem vera Magnus in terris, verissime præterea (quod maxime omnium interest) Magnus fuit in Regno Cælorum, ubi regnat & triumphat in secula seculorum, Amen. Quamobrem Catholica etiam Ecclesia ipsum in Sanctorum numero veneratur: multaque per Galliam Belgium & Germaniam Templam jam extant, vel ejus nomini consecrata, vel in quibus Ecclesiastico saltem Officio annua ipsius memoria solemner celebratur. Quade re videri possunt, sub die vigesima-octava Januarii, Joannes Molanus in Additionibus ad Martyrologium Ussardi, & in Natalibus Sanctorum Belgii, quibus etiam consentit in eorundem Sanctorum Indiculo: Petrus Galestinus & Maurolycus in suis Martyrologiis: Philippus Ferrarius in Catalogo Sanctorum, qui non extant in Martyrologio Romano: Aubertus Mireus in Fastis Belgicis & Burgundicis: ac Petrus de Natalibus in suo Catalogo Sanctorum, Lib. 11. Cap. 94. Sic etiam legi possunt Baronius in Annalibus ad Annum 814. & Mattheus Raderus in sua Bavaria Sancta: quo in loco Sancti hujus Imperatoris Vitam latius prosequitur, quam Petrus de Natalibus quam Molanus, & quam Mireus, in locis proxime citatis. Hactenus lætissima. De Bernardo Rege mœstiora, quam vellemus, succedunt; maxime vero etiam, quia mentionem injucundam simul includunt Anselmi Mediolanensis Archiepiscopi: qui tamen & ipse demum intra Basilicæ hujus ac Monasterii septa, & nisi fallimur, in ipsomet Bernardi Regis tumulo conditus fuit.

XXXV. Ludovicus jam solus Imperium, Italiæ

A vero Regnum Bernardus administrabat; cum hic aperte ab eo defecit, in eumque conjurat Anno Christi Octingentesimo decimoseptimo. Conjuracionem istam & ejus exitum Trifanum Chalcus lib. 5. ad Annum Christi Octingentesimum decimum-octavum hisce summatis verbis perstringit: Regnantem in Italia Bernardum, fama est, cum Episcopis quibusdam & Primoribus Urbium adversus Imperatorem conjuravisse: & prælio victum, ultimo affectum supplicio fuisse: Reginon vero (Abbas utique Prumiensis, & Hittoricus, qui Bellarmino, in libro De Scriptoribus Ecclesiasticis, floruisse videtur circiter Annum Christi Nongentesimum) per dolum & injuriam evocatum trans Alpes, & Aquisgrani captum, ac securi percussum. Nos autem in Ambrosianis Aedibus, quæ a fundamētis subruuntur, & opere magnifico reformatur, vidimus erutam novissime Tabulam marmoream, scriptionem: BERNARDUS, CIVILITATE MIRABILIS, CÆTERISQUE PIIS VIRTUTIBUS INCLYTUS REX, HIC REQUIESCIT. REGNAVIT ANNOS QUATUOR, MENSES QUINQUE. OBIIT DECIMOQUINTO KALENDAS MAJI, INDICTIONE DECIMA, FILIUS PIÆ MEMORIÆ PIPINI. Cadebat autem id tempus in Annum Christianum Octingentesimum decimum-Octavum. Hæc strictim Chalcus noster: in quibus nec Archiepiscopum nostrum expresse conjuratis illis Episcopis adnumerat; nec alibi, quam Mediolani, Bernardum Regem obiisse, significat; & hoc ex illamet colligere videtur Tabula, tunc temporis eruta & comperta: quo sine dubio in errore versatur Ludovicus Cavitellius in Annalibus Cremonensibus, ad Annum Christi 820. Certe autem Chalcus novissimum illud memorans tempus, quo marmoream illam Tabulam viderat erutam, precise inquit Annum Christi Millesimum quadringentesimum nonagesimum-octavum: quo quidem Anno Ludovicus Sfortia, Mediolani Dux, magnificentissimi hujus, quale in præsentem conspicitur, Monasterii fundamenta jecit, quemadmodum ego quoque alias in tempore memorabo. Per ea siquidem tempora Chalcus hæc scribebat; cum scribendæ Mediolanensis Historiæ provinciam suscepisset biennio post, quam Georgius Merula, Vicecomitum Antiquitatis Scriptor, obierat; sicut ex ejusdem Chalci Præfatione constat. Teste autem Jacobo Philippo Bergomensi in Supplemento Supplementi Chronicorum, lib. 16. ad Annum Christi 1490. Georgius Merula obiit Anno Millesimo quadringentesimo nonagesimo quarto. Quod autem idem Chalcus solam nominet eam Tabulam sepulchralem; nihil tamen hoc obest, quominus etiam tunc una simul effossum intelligamus illud ipsum Bernardi sepulchrum, quod apud nos hodieque Tabula illa coopertum conservatur: & de quo paulo infra uberius loquemur.

XXXVI. Nos igitur in præsentem defectionem istam distinctius aliquanto & plenius describamus: testeque ante alios utamur vetusto illo Vitæ Ludovici hujus Imperatoris, cognomento Pii, Scriptore: quo fidiorem gravioremque Baronius non habuit, quem super hac re in suis Annalibus proferret ad Annum Christi Octingentesimum decimoseptimum, Art. 16. Sic autem ille narrat: Quod (sive Bernardi conjurationem) cum certis nunciis referentibus, maxime vero Ratbaldo Episcopo & Sappone, certissime cognovisset: contractis undique copiis, tam ex Gallis, quam ex Germania, cum maximo exercitus robore Cabillonum usque pervenit. At Bernhardus cum se cerneret viribus imparem, & ad cæpta inefficacem, utpote a quo plurimi eorum quotidie deficerent; desperatis rebus, ad Imperatorem venit, armisque depositis, pedibus se ejus prostravit; confessus, perperam se egisse. Sed & concinnationes, quomodo ceptam rebellionem & quare inchoaverint, & ad quem finem inchoa-

ram perducere voluerint, quosque complices sibi allexe-
runt, ad primam prodiderunt interrogationem. Fuere
sane hujus conspirationis auctores Egiddeo, regalium
amicorum primus: Reginerius, olim Comes Palatii Im-
peratoris: & filius Reginerii Comitis: sed & Reginar-
dus, Præpositus Camerae regalis. Erant autem hujus
sceleris conscii quam plures Clerici, seu Laici: inter
quos, aliquos Episcopos hujus tempestatis procella
involuit, ANSELMUM scilicet MEDIOLA-
NENSEM, Wolfoldum Cremonensem, sed & Theo-
dulfum Aurelianensem. Postquam vero defectionis pro-
lati sunt principes, & custodiæ mancipati; sicuti decre-
verat, hyematum regreditur; ibique, usquedum sacram
Paschæ solemnitate celebraret, remoratur. Post cujus
festivitatis transactam celebritatem, Bernhardum ha-
tenus Regem, ejusque fautores in supradicto scelere, cum
lege judicioque Francorum deberent capitali invectione
feriri; suppressa tristiori sententia, luminibus orbati
consensit; licet multis obnitentibus, & animadverti in
eos tota severitate legali cupientibus. At vero, licet Im-
perator indulgentius ageret; ultio tamen eliminata, ad
effectum in aliquos est perducta. At enim Bernhardus
& Reginerius, dum impatientius oculorum amissionem
& ablationem tulerunt, mortis acerbiter sibi consci-
verunt. Episcopos porro hac immanitate constrictos, ab
Episcopis reliquis depositos, Monasteriis mancipavit.
Cui quidem narrationi congruit etiam Chorepiscopus
quem paulo ante nominabam, Theganus Num. 22.
qui mox Num. 23. sic etiam subdit: Tertio die post
amissionem luminum Bernhardus obiit. Quod audiens
Imperator, magno eum dolore flevit multo tempore, &
confessionem dedit coram omnibus Episcopis suis: & ju-
dicio eorum poenitentiam suscepit propter hoc tantum;
quia non prohibuit, Consiliarios suos hanc crudelitatem
agere. Ob hanc causam multa dedit pauperibus propter
purgationem animæ suæ. Poteratne magis hac in par-
te pium Imperator se ostendere?

XXXVII. Ex his ergo tantæ fidei & authorita-
tis Testibus nos accipimus, quali mortis genere,
quove in loco Bernardus Rex obierit. Obit enim,
non securi percussus, ut Reginon scribebat, &
Georgius Merula, Antequitatis Vicecomitum lib. 2.
non longe ab initio: non gladio cæsus, ut Joannes
Naclerus in sua Chronographia, Volumine se-
cundo, Generatione vigesima octava: non capitali
supplicio punitus, ut Jacobus Philippus Bergomensis
in Supplemento Chronici Chronicorum ad Annum
Christi Octingentesimum decimum tertium; sed
nimio propter excæcationem mœrore confectus:
nec alibi obiit, quam Aquisgrani, quo scilicet post
deditionem captivus fuerat deductus. Iisdem sic et-
iam Testibus inter ceteros ejusmodi conjurationis
confortes dignoscimus Anselmum, Mediolani Ar-
chiepiscopum: eundemque (sicut & alios Episco-
patu quemque suo) videmus Archiepiscopatu pro-
pterea privatum, &, instar exilii ac relegationis
vel carceris, Monasterio mancipatum. De hujus-
modi Præsulibus hoc idem, tacito Anselmi nomine,
in universum affirmat, ad Annum Christi Octingen-
tesimum decimum octavum, alter ille vetustus &
gravis Annalium Francorum, ab Anno Domini Se-
ptingentesimo decimo quarto usque ad Octingen-
tesimum octuagesimum tertium, Scriptor, qui e
Bibliotheca Petri Pithæi primum typis editus fuit
Francofurti Anno 1594. quod ipsum facit etiam Ja-
cobus Philippus Bergomensis. Atqui Naclerus ipsum
met diserte nominat etiam Anselmum: nec eundem
tacet Sigonius De Regno Italiae lib. 4. ad Annum
Christi 817. Quoniam vero ex omnibus hisce Scri-
ptoribus non obscure præterea colligitur, eundem
Anselmum una cum Bernardo Aquisgranum in cu-
stodiam deductum fuisse; certe sequitur, ut illic
etiam ille idem tunc temporis extiterit, quando Ber-
nardus tertio ab excæcatione die diem clausit supre-
mum.

A XXXVIII. Porro Bernardi corpus (verba sunt
Baronii ad Annum Christi 817. Art. 18.) delatum
fuisse Mediolanum, sepultumque in Ecclesia Sancti Am-
brosii, Inscriptio illic posita docet. Quæ sic se habet:
Bernardus civilitate mirabilis &c. quemadmodum
nempe supra e Chalco recitavimus; nisi quod Indi-
ctionem ille pro rei veritate, quam Tabula ipsa mar-
morea hodieque testatur, numerat decimam; Ba-
ronius vero, sicut & Sigonius ad Annum 818. unde-
cimam: quorum errorem secutus item fuit Bartho-
lomæus Zucchijs Modoëtensis in libro suo Italico de
Corona Ferrea, deque Regibus & Imperatoribus
ea coronatis. Prosequitur Baronijs: Factum autem
B opera Anselmi Mediolanensis Episcopi, ejus studiosissi-
mi, ut transferretur ejus corpus Mediolanum, existima-
re possumus. Quæ quidem Baronii conjectura mihi
usque adeo probatur, ut ejusdem Archiepiscopis ære
constructum præterea Bernardo tumulum arbitrer,
regiumque omnem funeris apparatus, qualem pro-
xime indicabo: utque propterea tumulo eodem ip-
semet postea conditus fuerit; quemadmodum tradi-
tione Majorum apud nos creditur; fidemque nostram
confirmant etiam Insignia Episcopalia cadaveris al-
terius, illic Bernardo e latere sinistro adjacentis. A-
licna (non inficior) Anselmus opera tunc temporis
apud Imperatorem sibi ipse indigebat; quippe
C ejus Majestatem læserat inita cum Bernardo con-
juratio; in cujus poenam & ipse mox, Archiepi-
scopatu jam privatus, in hoc ipsum (sicut e tradi-
tione itidem Majorum interpretamur,) Ambrosianum
Mediolani Monasterium Aquisgrano amandandus,
velut in exilii latebram & carcerem, esset. Atqui,
postea quam ex inopinata Bernardi morte tam seria
excæcationis poenitentia, tam gravis dolor & luctus
pium Imperatorem palam subiisset; quidni facile po-
terat Anselmus in tanta opportunitate, vel per se,
vel per alium, citra omnem offensionem, ab ipso
petere ac impetrare, ut Bernardi corpus secum de-
ferret Mediolanum, tamquam suo nuper in Regno
hic sepeliendum saltem cum honore?

D XXXIX. Marmoreo igitur & quadrato, nec ta-
men magni sumptus & impensæ, sepulchro, sed
non sine regia funeris pompa, conditus ille fuit. Se-
pulchrum autem istud vel ipsamet sui forma & stru-
ctura satis prodit, se pariter ab initio confitum pa-
rieti fuisse; ita ut ab una tantum & anteriori parte
conspicuum esset. Sed ex allatis jam Tristani Chalci
verbis liquido constat, hoc ipsum postea occultatum
fuisse, humo scilicet intra Monasterii ambitum alte
aggesta (quæ quidem in præsens æqualiter ad pla-
num excrevit usque adeo, ut altitudine trium & am-
plius cubitorum superet hodiernum Basilicæ pavi-
mentum) itaque rursus apparuisse Anno Domini
E Millesimo quadringentesimo nonagesimo octavo,
quando per occasionem Monasterii ab imis funda-
mentis opere magnifico reformandi erutum fuit. Ex-
inde siquidem sub veteri ea porticu, quam supra de-
scripsimus Num. 19. procul ab ejusdem porticus
pavimento circiter unius cubiti mensuram, insitum
parieti & in aperto a parte anteriori collocatum fuit
prope alterum Guillelmi Cottæ Abbatis sepulchrum;
quemadmodum etiam tribus ab hinc annis ibidem
conspiciebatur. Etenim Anno tantum Millesimo
sexcentesimo trigesimo octavo paululum inde noster
Abbas illud amoveri fecit, & in alterum transferri
parietis latus, ubi nunc est, videlicet e regione op-
positum Epitaphio Manliæ Dædalæ, cujus mentio-
nem Numero illo 19. faciebamus.

F XL. Tunc igitur, eo detecto, quinetiam soluta
ejusdem campage (sicut oportebat, ut inde trans-
ferri posset) commodissime, quid inesset, accura-
tissimeque inspeximus, quinetiam propriis manibus
contrectavimus. Marmoreo conditorio arca inerat
e quernis & bene crassis asseribus compacta, ope-
rimen-

rimento clavis occluso, & pice insuper undique illita: ejusque longitudo quatuor circiter erat cubitorum, latitudo autem duorum. Bina illic in longum jacebant hominum cadavera, nec ea putrefacta: quorum pellis & caro quia ossibus inter se disjunctis arefacta adhebat; propterea opobalsamo & aliis ejusmodi odoramentis eadem medicata censuimus. *Bernardi* Regis cadaver illic fuisse dexterum, indicio & argumento fuit; quia a latere ipsius dextro regium e ligno picto simul & aurato extaret sceptrum; & quia regio cadaver illud amictu indutum esset. Sericus, & candidus, & *Damascena*, sicut hodie nos loquimur, arte contextus hic erat: necnon etiam superadditis ornamentis sericis & auro intextis in extremitate circumdatus, maxime autem in utraque anteriori. Tam sinuosus vero amplus & oblongus erat ejusmodi amictus, ut non minus, quam tricenas textilis ejus mensuras cubitales, capere nobis videretur. Qua suberat cadaveri, jam putruerat; non sic autem, qua sinuatus illud hinc inde ambiebat. Simul etiam prope aderant multa sericorum rubri coloris funiculorum frusta: sed, quem fuerint ad usum, frustra fuit a nobis investigatum. Superstites adhuc e corio rubro calcei utrumque pedem contegebant: iidemque ligneam quisque soleam, hinc inde coriaceis insutam, habebant. Tam vero apte pressequae ad suum quisque pedem juxta ordinem digitorum congruebant, in acutum versus primorem digitum desinentes, ut calceus dexter nonnisi dextro pedi, quamdiu integer ille erat, sinisterque sinistro adaptari potuisset. Ceterum quisque calceus duabus tantum corii partibus invicem confutis, pedem ita contegebat, ut anterior corii pars in suprema versus crura extremitate aliquantulum scissa in longum esset, illicque pedi ligamine adstringeretur, ad eum prorsus modum, quo rusticana hodie calceamenta factitari solent. Sed & *Bernardi* pedibus ita calceatis aurata induerant calcaria ex ære, quod nos vulgo *Rame* nominamus. Figuræ tamen illa erant parum admodum ab hodiernis & nostratibus diversæ. In exterioris cornu extremitate parvum erat & rotundum foramen, e quo superne fibula, inferne autem ansula eodem ex ære pendebant. Ansulæ confita claviculo erat corrigia e corio, rubri pariter coloris: quæ desub pede per alterum inferioris cornu foramen modice longum deducta, & illi fibulæ inserta calcar pedi adstringebat. Rotula vero e calcaris dorso modicè prominens, senis & per brevibus circum radiis acuminata vergit deorsum. Hæc ad *Bernardi* Regis cadaver spectantia. Quæ vero ad alterum ipsi adiacens, sunt hujusmodi: Episcopalis nempe tum Mitra ad caput, tum etiam Baculus, sed ligneus, ad latus dexterum, itemque annulus ex argento, & gemmatus, & auratus. Hoc ipsum cadaver, ut antea dicebam, e Majorum traditione accepimus, Archiepiscopi esse *Anselmi*, *Bernardo* addictissimi; ut propterea cum ipso etiam mortuus condormiscere voluerit: de quo quidem *Anselmo* reliqua postmodum prosequemur. Talibus ergo amborum exuviis una cum cineribus ex arca extractis, marmoreus tumulus & arca in eum translata fuere locum, ubi nunc sunt. Cumque solemne Officium pro eorum Defunctorum salute ab universo Monasterii conventu celebratum fuisset; Abbas noster eum ipsum locum rite benedixit: quæve omnia prius inerant arcæ, illic eodem, quo prius, ordine composita, & bene occlusa fuerunt; calcaribus exceptis, quæ mihi ego retinui, quæve rursus ante oculos posita in præsentia tibi conspiciens tibi quoque, Lector, ad purum & sincerum descripsi.

XLI. *Anselmus*, ut dictum est, *Aquisgrani* ab Episcopis propter initam cum *Bernardo* conspirationem privatus etiam fuerat Archiepiscopatu *Mediolanensi*. Verumtamen non illi propterea, quo adusque vixit,

A quempiam opinor substitutum; quemadmodum de suo illo *Cremonensi* Episcopo fatentur *Ludovicus Cavitiellius* in Annalibus *Cremonensibus* ad Annum *Christi* 820. & *Blasius Rubeus* in Tabula Dypticha Episcoporum ejus Ecclesiæ Num. 29. ubi etiam depositionis & substitutionis tempus falso conjiciunt, ille in Annum *Christi* Octingentesimum vigesimum, hic autem in vigesimum primum; cum depositio certe (quicquid sit de substitutione) in Annum inciderit Octingentesimum decimum octavum. Eundem quinimo *Anselmum* sicut ad munus Archiepiscopale postea restitutum nanciscor; sic etiam ipsi prius placatum fuisse pium Imperatorum existimo. *Carolus* certe *Sigonius De Regno Italiæ lib. 4.* ad Annum *Christi* 821. hæc narrat, quæ mihi & ad præsens & ad alterum postea institutum peropportuna erunt: *Octobri mense, cum conventus apud Theodonis Villam ageretur, Lotharius, Ludovici filius, Hirringardem, Hugonis Comitis filiam, duxit. Eæ nuptiæ cum aliorum, tum in primis Legatorum Pontificiorum, Theodori Primicerii & Flori, præsentia honestatæ. Affuere quoque Duces, qui, populata Pannonia, pugnandi nulla facultate ab hoste data, reversi erant. In tanta gratulatione Ludovicus iis, qui cum Bernardo conjuraverant, ad se productis, non solum vitæ, sed etiam bonorum, quæ redacta in publicum fuerant, gratiam fecit.* Hæc ibi *Sigonius*. Subinde autem paulo post, ad Annum 822. prope finem sic subdit: *Lotharius, jussu Patris in Italiam proficiscens, frequenti occursum populorum excipitur, ac rite ab Archiepiscopo Rex Modoëtiæ coronatur.* Quid si vero non ab alio (nempe *Mediolani*) Archiepiscopo *Lotharius*, quam nostro ab *Anselmo*, coronatus fuit? Nonne protinus inde confectum illud erit, quod ego de ipso concludebam? Ut autem simul etiam hic nobis opportune innotescat, quandonam postea *Lotharius* a Pontifice Romano coronatus fuerit Imperator, nedum Rex, sic ibidem prosequitur *Sigonius*: *Inde ad jus dicendum conversus (Lotharius) brevi moderatione ac justitia sua effecit, ut merito esset omnibus acceptissimus. Itaque proximo Anno, cum a Patre, nondum absoluta jurisdictione, revocaretur; Paschalis Pontifex eum Romam accivit, ac benigne acceptum die ipso Paschatis magna ceremonia Regem & Imperatorem, imposita de more Corona, inunxit.* Nunc ad *Mediolani* revertor Archiepiscopum, a quo *Lotharium* narrabamus *Modoëtiæ* coronatum: & an ille fuerit *Anselmus*, inquiri. *Sigonius* quidem illic, solo Archiepiscopi cognomento contentus, ejus nomen non expressit. Sed profecto de nullo alio potest, quam de *Anselmo*, intelligi. Etenim *Anselmi* hujus successor immediatus, juxta rei veritatem communemque Scriptorum sententiam, *Bonus* fuit, vel, ut aliqui vocant, *Donus*, cognomento *Castillioneus*: & hunc *Sigonius* infra narrat Ecclesiæ præfectum *Mediolanensi* fuisse tantum Anno *Christi* Octingentesimo vigesimo nono. Qua tamen in re ipsum ego falli existimo: sicut etiam in eo, quod hisce verbis asserit ad Annum *Christi* 824. *Eodem Anno Petronax Ecclesiam Ravennatem, & Anselmus Mediolanensem accepit*: perinde ac si *Anselmus* iste sit diversus ab eo, quem ad Annum 817. inter asseclas *Bernardi* Regis nominaverat, cum diceret: *Ejus conjugationis affines ex Italia fuisse Anselmus Mediolanensis & Volfoldus Cremonensis Antistites arguuntur.* Quamquam etiam si diversus hic ab illo esset; ne ipse quidem *Sigonius* negare posset, quin idem ille *Anselmus* Archiepiscopus, *Bernardo* antehac conjuratus, *Lotharium* postea *Modoëtiæ* coronaverit; nisi forte fieri potest, ut qui Ecclesiæ *Mediolanensi* præficitur Anno tantum Octingentesimo vigesimo quarto, jam fuerit illi eidem præfectus Anno Octingentesimo vigesimo secundo: quod absit ut quispiam sanæ mentis unquam existimet. In eo igitur utroque fallebatur

Sigonius: cumque maxima exinde admiratio me tene-
ret, meque ab ipsius Editione *Bononiensi* Anni 1580.
qua usus ante hac fueram, curiose obvertissem ad
Hanoviensem Anni 1613. illud utrumque comperi
emendatum. Etenim ad Annum 829. sublata peni-
tus fuit *Boni* ejus Archiepiscopi mentio. Ad An-
num vero 824. in locum eorum, quæ citabamus,
verborum hæc apposita fuere: *Eodem Anno Petronax*
Ecclesiam Ravennatem, & Maxentius Aquilejensem
accepit. Quamquam etiam ego (namque obiter hoc
addam) *Petronacem Hieronymo* potius *Rubeo* assentior
Ecclesiæ Ravennatis regimen suscepisse Anno *Chri-*
sti Octingentesimo decimo septimo: idque mihi
fatis superque videtur ab ipso comprobatum Libro
quinto *Historiarum Ravennatum*, ad eum ipsum *Chri-*
sti Annum. Sed rursus ad *Anselmum* redeamus. Cer-
te autem Catalogo nostrorum *Mediolani* Archiepi-
scoporum, *Ecclesiæ* hujus Actis inserto, *Lotharium*
in *Italie* Regem coronasse non alius, quam ipse, his
præcise verbis Num. 54. affirmatur: *Anselmus Pri-*
mus, Bilius, Mediolanensis, a Clero Archiepiscopus
electus, & a Paschale Pontifice confirmatus, pauperes
eximia charitate dilexit: **LOTHARIUM, LUDO-**
VICI PII FILIUM, ITALIÆ REGEM IN
OPPIDO MODOETIA CORONAVIT: *Ec-*
clesiam commissam administravit annos quinque. Obiit
Quinto Idus Maji. SEPULTUS AD SAN-
CTUM AMBROSIUM. Constat igitur, *Ansel-*
mum ad tantum Archiepiscopi munus, quantum e-
rat *Italici* Regis coronatio, atque adeo ad cetera
etiam munia rediisse. Quis autem ipsum credat in-
vito rediisse Imperatore *Ludovico*, hic itidem in *I-*
talia regnante? Sic itaque non difficulter etiam cre-
dere nos possumus, ipsum Imperatoris gratia dona-
tum saltem tunc temporis fuisse, quando tot alii,
antehac cum *Bernardo* conjurati, & vita & ipsis et-
iam bonis ad Fiscum jam translatis donati fuerunt in
tanta illa ob *Lotharii* nuptias gratulatione. Sed hinc
præterea etiam liquet, *Anselmum* ad hanc Basilicam
sepultum fuisse: id quod alii etiam communiter Scri-
ptores affirmant. Sin autem post *Ecclesiam Medio-*
lanensem quinque annos administratam ille obiit; cer-
te sequitur, ut Anno Octingentesimo vigesimo
secundo obierit, paulo post quam *Lothariam* co-
ronasset; itaut in id usque tempus eandem ad-
ministrarit ab Anno Octingentesimo decimo septi-
mo, quo quidem una cum *Bernardo* Rege conjura-
verat.

XLII. Ceterum *Anselmo* substituitur sive *Bonus*,
sive *Donus*, ut dicebam, *Castillionæus*: & hic item
in *Ambrosiana* ista Basilica sepelitur; tanta Basilicæ
huic & Monasterio jam erat reverentia & amor. De
quo quidem Archiepiscopo scriptum extat in prædi-
ctis Actis: *Bonus Castillionius, Mediolanensis, Pa-*
schale Pontifice creatus Archiepiscopus, acerrimus Ju-
risdictionis Ecclesiasticæ defensor, sedit annos quatuor.
Obiit Octavo Calendas Februarii. SEPULTUS IN
BASILICA SANCTI AMBROSII. Præstat ve-
ro etiam hic exscribere, quæ de ipso leguntur in eo
Archiepiscoporum Catalogo, quem supra Metropo-
litani esse Archipresbyteri solita ingenuitate profite-
bar. *Bonus* (hæc anim præ ceteris leguntur) *Medio-*
lanensis, Archiepiscopus Quinquagesimus tertius, Anno
Domini Octingentesimo vigesimo primo (vide, obsecro,
quam prope accedat ad nostram ejusmodi annorum
supputationem) *sedit annis quatuor. Confirmatus per*
supradictum Paschalem Papam, per nobiles Cives comi-
tatus ad Sedem, per sex etiam nobiles Consalonerios in
Sede collocatus. Et paulo post: *Obiit autem prædi-*
ctus Bonus Decimo Calendas Februarii, Anno Domini
Octingentesimo vigesimo quinto. SEPULTUS AD
SANCTUM AMBROSIUM. Attende vero Le-
ctor interim primam, quæ nobis hic occurrit, no-
bilitatem, *Consaloneriorum* mentionem: qui Archie-

piscopum, dum primitus ad potiundum Sede sua
proficiscitur, honoris gratia comitati fuerint, &
in Sede collacarint. Quod ipsum familiæ illius pri-
vilegium & decus in hanc usque diem perseverat.
Legi potest Ceremoniale *Ambrosianum*, Anno deni-
que 1619. editum, Capite secundo. Ego interim
de hac nobili familia illud tantum recentabo, quod
Diamas Marinonius De origine Urbis Mediolani ac
nobilium ejus familiarum (qui liber typis nondum e-
ditus fuit) in hæc verba narrat: *Consalonerios sub*
Carolo Francorum Rege, dum res Lombardiæ compone-
ret, cognomen habuisse traditum est a Vexillo, quod eo-
rum Lingua Consalonum appellabatur. Quod nomen &
nunc Romæ & in plerisque Civitatibus frequens in usu
est. Illos enim Vexilliferos Carolum Consalonerios ap-
pellasse, & in Lombardia sicut Advocatos nomine suo
dimisisse, in annalibus nostris scriptum est. Exinde
igitur regium illud per *Consalonerios* ministerium
& obsequium Archiepiscopo sic etiam nostro, ad
potiundam Sedem Archiepiscopalem proficiscenti,
communicatum postea fuisse, hoc primum loco di-
scernimus.

XLIII. Bonum Archiepiscopum, quarto sui regi-
minis anno, proindeque, sicuti nos quidem com-
putamus, Anno *Christi* Octingentesimo vigesimo
sexto vita functum, subsequitur eodem anno circa
Junium mensem *Angelbertus*, hujus nominis primus.
Hic eo nobis memorandus erit; quia e solempni ejus
in Urbem ad capeflendam Sedis Archiepiscopalis
possessionem ingressu dignoscimus, id per ea tempo-
ra tamquam ex certa lege servatum, ut novus Ar-
chiepiscopus ad Basilicam recta veniret *Ambrosianam*
prius, quam in Metropolitana Sedem capefferet.
Angelbertus (sic enim testatum extat in Codice Me-
tropolitani Archipresbyteri) *natione Mediolanensis,*
Archiepiscopus Quinquagesimus quartus, Anno Domini
Octingentesimo vigesimo quinto (nos autem vigesimum
sextum computabamus) *sedit anno uno, mensibus*
duobus. Hic per Portam Romanam intravit, EC-
CLESIAM BEATI AMBROSII PETENS,
UT ORDO REQUIRIT: postea equum ascendens
ad *Ecclesiam Cathedralē cum Consaloneriis circumqua-*
que secessit, quibus equum dimisit. Et infra denique:
Obiit prædictus Angelbertus septimo Idus Octobris Anno
Domini Octingentesimo vigesimo sexto. Nos autem
consequenter dicemus, vigesimo septimo. Quod
vero attinet ad *Ecclesiam Sancti Ambrosii*, ad *Con-*
salonerios, & ad equum illis dimissum, plane in ea-
dem quoque verba consentit etiam alter Archiepi-
scoporum nostrorum a Sancto *Barnaba* usque ad
Joannem Arcimboldum Catalogus, ex collectis per
Virum quendam eruditum, cognomento *Fontanam*,
locupletatus: qui olim extabat apud *Carolum a Ba-*
silica Petri, Episcopum *Novariensem*; nunc vero ea
in Urbe asservatur in *Barnabitarum* Collegio, Sancti
Marci nuncupato. Hujus enim manuscripti Codi-
cis exemplar, sicut etiam exemplaria *Mediolanensium*
Chronicorum, cum *Gualuani Flammæ* & Majorum
& Minorum (hæc autem Minora *Manipulus florum*
sunt inscripta) tum etiam Scriptoris alterius inno-
minati, cui placuit, ut sua ejusmodi Chronica *Flos*
florum dicerentur, præterea vero etiam *Diamantis*
Marinoni exemplar *De origine Urbis Mediolani ac no-*
bilium ejus familiarum, humanissime nobis nuper
commodavit *Aloysius ab Ecclesia*, dignissimus *Jaco-*
bi filius, & successor in eo munere, ut Generali hu-
jus Urbis Concilio, sive ipsius Præfecto & Sexagin-
ta Decurionibus, sit a secretis.

XLIV. Sequitur nunc, ut de altero *Angelberto*,
coque *Pusterla*, superioris successore, commemo-
remus, quam solícite ac liberaliter erga Monaste-
rium ac Basilicam istam se gesserit. Qua de re Di-
ploma in primis ejusdem proferemus: tum vero il-
lud ipsum per varias observationes illustrare conabi-
mur.

mur. Ecclesiæ porro istius regimen ille mihi videtur Anno Christi suscepisse Octingentesimo vigesimo septimo. Quoadusque vero perseveraverit, suis hoc tenebris & Scriptorum varietati nos in præsentem relinquamus. Juxta Codicem Archipresbyteri Metropolitani perseveravit usque ad annos triginta quinque, menses quinque, ac septendecim dies: juxta alterum Aloysii ab Ecclesia, & Chronicum Majus Gualuanei cap. 204. usque ad annos triginta quinque: juxta Claudium Robertum in sua Gallia Christiana, usque ad annos triginta tres: juxta Catalogum inscriptum Successores Sancti Barnabæ, usque ad annos triginta & amplius: juxta Catalogum Actis Ecclesiæ Mediolanensis insertum, usque ad annos tantummodo viginti quinque. Certe constat, ut videbimus, Diploma ejusmodi fuisse datum aliquanto post tempore, quam Ecclesiam regere Mediolanensem Angelbertus incepisset. Datum ego interpretor Anno Christi Octingentesimo trigesimo secundo: atque id ipsum ex ejus etiam Indictione postmodum colligam. In hunc autem modum illud se habet:

✠ In Nomine Domini. ANGELBERTUS, Beatæ Mediolanensis Ecclesiæ humilis Archiepiscopus. Cumque, Domino juvante, gererem sollicitudinem de meæ Parochiæ Monasteriis: & ea ad tramitem sanctæ conversationis corrigendo atque construendo prout valui, perduxissem; verti me ad MONASTERIUM BEATISSIMI AMBROSII, CHRISTI CONFESSORIS, UBI EJUS HUMATUM CORPUS QUIESCIT; quatenus, necessitate cogente, ibidem Abbatem ordinare debuissem. Cumque pro hoc diutius, quem Abbatem illius constituere debuissem (quia ibi non reperiebatur talis, eo quod ob negligentiam Ordo Regularis valde inerat corruptus) pro hoc diutius cœpissim cogitare, cum meis Sacerdotibus divinam Clementiam postulando; tunc, Domino favente, consulentibus etiam Sacerdotibus nostris, abstuli Gaudentium Abbatem Monasterii Sancti Vincentii (quem etiam ego ibi Abbatem jamdudum ordinaveram) & in præfato Monasterio Sancti Ambrosii Abbatem constitui. Nunc autem, ut ipse Monachi valeant Deo deservire, & ei jugiter laudum gratias referre, exclusa indigentia, tam ob stabilitatem Regum nostrorum, invictissimorum Imperatorum, Ludovici & Hlotharii, quam ob pacem immaculatæ Matris Ecclesiæ; per hoc Præceptum confirmo Ecclesiam, & Altare, quod inibi noviter mirifice edificavi ob nimium amorem Confessoris Christi Ambrosii, in tutela, & omni custodia supra taxati Gaudentii Abbatis: & in ejus ditione perhemniter, suisque Successoribus permaneat sine fine. Et itaque omnes possessiones atque res ipsius Monasterii, diversis in locis constitutas: quarum vocabula hæc sunt, OLEODUCTUS, CAMPELLIONE, CERESIOLO, CRATEM, LUCUM SINTERANI, CASTENIADE ET CATENADAM, seu omnes res, quas nunc possidere videntur, vel ab hinc, Domino largiente, eidem venerabili Ecclesiæ Deum timentium liberalitate qua quove modo fuerint addite, excepta CURTE DUBBINI, quam nos juxta commutationem commutare volumus. Placuit nobis ob Dei, & Beati Ambrosii amorem per consensum Sacerdotum nostrorum constituere per hanc nostram Institutionem, ut neque nos, neque alios Successorum nostrorum jam prædicto Abbati Gaudentio, aut Successoribus ejus, de supradictis rebus ullam contra rationem ingerat molestiam, vel in rebus diminutionem: eo videlicet modo, ut sub nostra nostrorumque Succedentium consistentes ordinatione atque dispositione Patrum, nobisque etiam prout decet parendo, liceat eisdem perfrui, & quietam sub sancta degente Regula ducere vitam. Statuentes etiam per hoc nostræ auctoritatis Munimen, ut cujuscumque ordinis homo, tæctus superno amore, inibi suis cum rebus voluerit sacræ Normæ suæ submittere colla, ex nostra amplissima largitate sine ullo obstaculo habeat facultatem. Verum et-

A iam & hoc concedimus, ut, quocumque tempore Abbas ipsius Monasterii de hoc sæculo migraverit, de ipsis sibi met eligant Pastorem, si tale inibi persona reperta fuerit, qui juxta Regulam eosce & vita fultus regulariter quiverit regere; ex nostri tranquillissima concessione habeant facultatem. Et ut hoc Præceptum meæ concessionis inconvulsuri, & inviolatum perpetuo permaneat, Ambrosium Notarium Sanctæ nostræ Mediolanensis Ecclesiæ scribere jussimus, & propria manu subter confirmavimus, Anni Domnorum nostrorum, confirmantium hoc, Ludovici & Hlotharii Imperatorum Decimo octavo & Decimo Sexto Kalendas Martii, Indictione Decima tertia.

B Angelbertus, indignus Archiepiscopus, in hoc Præcepto subscripsi.

Adoaldus Penio.

Deus-dedit.

Ermenaldus.

Et alii quamplures, Sacerdotes, & Diaconi. Subdiaconi, Notarii, subscripserunt.

C XLV. Ecce vero tibi, Lector, summatim, quæ hoc ipso Privilegio & Diplomate continentur. Gaudentium, antehac Sancti Vincentii Abbatem, Ambrosiano huic Angelbertus Monasterio deinde præfecerat: sic etiam in ipsamet Ambrosiana Basilica noviter ac recenter aureum struxerat Altare in testimonium nimii, hoc est, singularis sui erga Sanctum Ambrosium amoris. Nunc ergo tam Basilicam, quam Altare in perpetuum consistere jubet in ejusdem Gaudentii ejusque Successorum tutela, custodia, ditione ac potestate: idemque similiter etiam decernit de omnibus adhuc & in posterum ejusdem Monasterii ac Basilicæ prædiis, possessionibus, & bonis (excepta illa Dubbini Curte) itaut iisdem omnibus Abbates cum suis Monachis posthac perfrui possint, ad vitam scilicet quietam sub Regula Monastica hoc in loco traducendam. Concedit insuper, ut citra ullius obstaculum recipere hic possint vinientes ad Ordinem: præterea vero etiam, ut ipsimet Monachi e suo cætu novum Abbatem in demortui locum substituere possint, irrequisito nempe ad hoc Archiepiscopo, e cuius arbitrio hætenus omnino pendebat illius electio. Hæc igitur summatim ex hujusmodi Privilegio decerpta. Nunc aliquot ipsius consuetudina velut obtutu reflexo attentius observemus: nonnulla vero etiam majoris intelligentiæ gratia, necnon etiam scitu dignissima proferamus.


E XLVI. Ante omnia, tam præsens Angelberti Archiepiscopi, quam tria, quæ proxime subsequuntur, Imperatoris Hlotharii Privilegia: quatuor hæc ad invicem collata nos quidem data pariter comperimus Indictione decima tertia; & eorum tamen primum nihilominus itidem datum decimo, secundum autem duodecimo, tertium vero & quartum decimo Octavo Hlotharii pariter Imperatoris anno. Quomodo igitur hæc sibi ad invicem coherere possint, altiori pariter ac prolixiori opus esset indagine, quam præsentis ratio ferat instituti. Quocirca brevibus interim ego me ita expedio. Sicut Angelberti Privilegio Annum Christi jam assignavi ex anno Imperatorum, Ludovici decimo octavo, ac Hlotharii decimo; sic etiam tribus illis Hlotharii Privilegiis suum cuique assignabo ex ipsamet annorum serie, quibus idem Hlotharius imperavit, prout in ejusmodi Privilegiis continetur. Si enim regulam ego istam secutus, Annorum Christi veram seriem attigero; quis dubitet, quin hoc satis superque nobis ad præsens institutum sufficiat? quicquid sit de adjecta Indictione, cujus rationem prætereamus indiscussam. Certe autem, uti constat e Carolo Sigonio & aliis, Ludovicus Anno Christi Octingentesimo decimo tertio, decima septima Novembris die, a Carolo Magno patre declaratus Imperii confors, post ipsius deinde obitum, sequenti Anno Octingentesimo decimo quarto, die Januarii vigesima Octava subse-

subsecutum, imperavit: necnon etiam *Hlotharius* Anno *Christi* Octingentesimo vegesimo secundo Rex *Italiae* pariter ac Imperator a *Ludovico* patre destinatus Augusto mense, paulo post a *Mediolanensi* Archiepiscopo Corona Regia, proximo autem Anno Corona etiam Imperiali a Pontifice *Romano Paschali* fuit insignitus ipsomet sacri Paschatis die. Quocirca nobis exinde non erit difficile quemque singillatim Annum *Christi* computare, quo data fuerint quatuor ejusmodi Privilegia; tametsi de ipsorum Indictione quicquam interea non curemus. Quamquam etiam mihi prætereunda silentio nullatenus est diversitas, qua indictiones per ea tempora disponebantur aliter in Archiepiscoporum nostrorum, quam in Regum *Italiae* atque Imperatorum Diplomatis. Horum namque Indictio Indictionem illorum triplici numero præcurrebat. Cujus diversitatis documento simul & exemplo nobis interea sint unum *Thadonis* Archiepiscopi & alterum *Caroli Calvi* Regis Privilegia, quæ suis locis infra verbatim proferemus. *Thadonis* datum legitur Anno Dominicæ Incarnationis Octingentesimo sexagesimo sexto, Indictione undecima, Mense Februario: *Caroli* vero Regis datum Anno Incarnationis Domini Octingentesimo octuagesimo, Indictione decima tertia, Duodecimo Kalendas Aprilis. Discutiatur vero nunc, quota Indictio, & quidem juxta communem atque etiam hodie usitatam supputationem, respondeat Anno *Christi* Octingentesimo octuagesimo. Comperimus utique decimam tertiam illi respondere; sicut & anno *Christi* Octingentesimo sexagesimo sexto decimam quartam. Et tamen, ut vidimus, eidem huic Anno juxta nostrorum Archiepiscoporum supputationem respondebat undecima tantum Indictio; proindeque sic etiam nonnisi decima respondebat Anno *Christi* Octingentesimo octuagesimo. Quo quidem fit, ut nos ad ea retrocedentes *Angelberti* & *Hlotharii* tempora, deprehendamus, tertiam decimam Indictionem, Privilegio *Angelberti* adscriptam, & Februario mense comitatam, non in alium incidisse Annum *Christi* (*Romano* scilicet more, cui nos adheremus, computatum) quam in Octingentesimum trigessimum secundum; adscriptam vero ei primo *Hlotharii* Privilegio (eadem reliquorum videtur esse ratio, quam nos tamen non probamus) in Annum *Christi* Octingentesimum trigessimum quintum incidisse. Bene autem se res habet, quod authenticum *Angelberti* Privilegium a gravi nos molestia liberavit, quam procul dubio incussissent cetera, quotquot hætenus vidimus; ejusdem Privilegii transumpta exemplaria. Ubi enim nos ex authentico legebamus, Anno *Domnorum nostrorum*, confirmantium hoc, *Ludovici* & *Hlotharii Imperatorum*, Decimo octavo & Decimo (sic enim certius, quam per notas numerales reddimus) Sexto Kalendas Martii, in iis omnibus exemplaribus ex anno Decimo *Hlotharii* designans, ac legitur XVI. sive Decimo sexto, moxque subditur Kalen. Mar. hoc est, Kalendis Martii. Qui sine dubio manifestus est error, sed & amanuensibus ac Notariis ad incurrendum facillimus. Nec enim *Hlotharii* Imperium duobus tantum annis posterius cœpit, quam *Ludovici*. Præterea vero etiam Privilegium *Angelberti* vel ipso fuimet contextu se prodit antierius eo quoque Privilegio, quod *Hlotharius* anno Imperii sui duodecimo concessit. Siquidem in suo *Angelbertus* omnes enumerans singillatim possessiones & prædia, quæ tunc temporis jam erant in Monasterio hujus potestate: nullam tamen facit *Limontæ*, insignis ceteroqui memoratuque dignissimæ possessionis, mentionem. Quidni vero illius etiam fecisset; si jam tum & ipsa erat huic addicta Monasterio? Eandem porro *Hlotharius* addixit per illud ipsum Privilegium, duodecimo Imperii sui anno a se datum; sicut infra videbimus.

A XLVII. Nunc cursim vestigemus; e quonam Sancti *Vincentii* Monasterio *Gaudentium* Abbatem *Angelbertus* ad hujus *Ambrosiani* regimen Monasterii traduxerit. *Joannes Antonius Castellioneus*, totus in Ecclesiæ suæ Parochialis commendationem compositus, ejusdem Antiquitatum Fasciculo Sexto gestibundus eum affirmat huc e Monasterio, quod alias illic erat, traductum fuisse. Pluribus namque Historicorum testimoniis ostenderat, circiter Annum *Christi* Septingentesimum septuagesimum a *Desiderio Longobardorum* Rege, per *Carolus* denique Magnum debellato, conditum fuisse alterum Sancti *Vincentii* Monasterium intra Urbem, ad Carrubium Portæ *Ticinensis*, ubi nunc extat Ecclesia, quæ Sancti *Sixti* appellatur: sed illud postea inde ad Sancti *Vincentini* in Prato planiciem annis labentibus deportatum. Recte hoc quidem: nec ego diffiteor. Sed quandonam tandem illuc deportatum? Numquid ante sextum & Octingentesimum *Christi* Annum? Divinabat hoc quidem *Castellioneus*; sed erroris jam fuit a nobis, ni fallimur, convictus Num. 31. Quid si ergo ne ante quidem id tempus, quo *Gaudentius* fuit huc translatus? Quid si vero translatus ille huc fuit nonnisi post *Arigausum* Abbatem proxime defunctum? scilicet, ut in ejus locum substitueretur. Certe quidem jam nobis constat, eidem *Arigauso*, quamdiu viveret, ab *Oldeperio* Archiepiscopo donatam fuisse Sancti *Vincentii* Ecclesiam in Prata, sive in Prato; uti jam vidimus Num. 29. Neque tamen adhuc constat, vel a semetipso sponte abdicatam, ut inibi Monasterium construeretur, ad quod Monachi ejus ad Carrubium Monasterii transmigrarent. Nec item constat, ipsum aliquot ante annos obiisse, priusquam huc *Gaudentius* transferretur: ac tum saltem *Vincentianam* illam Ecclesiam, juxta *Oldeperii* præscriptum ad jura Sedis hujus Archiepiscopalis reversam, evasisse Monasterium, in quo *Gaudentius* fuerit ordinatus, Abbas. Etenim *Gaudentius* jam dudum fuerat ab *Angelberto* Abbas illic ordinatus; unde fuit huc translatus. Si ergo fuit huc translatus ex eo Prateni, ut ita loquar, Monasterio; certe sequitur, ut ibidem fuerit jam dudum Abbas ordinatus, utque propterea jam dudum *Arigausus* item; illius Ecclesiæ Donatarius, & hujus interim Coenobii *Ambrosiani* Abbas, obiisset. Hæc igitur cum ita olim se habuerint, nec hætenus quidquam in oppositum constet; nobis profecto credibilius interim videtur, Carrubianum illud Sancti *Vincentii* Monasterium ad hæc usque tempora illic perseverasse, illic *Gaudentium* ab *Angelberto* Abbatem fuisse ordinatum, illincque postea, sive post aliquot inde annos (nos circiter quatuor computamus) translatum ad hujus *Ambrosiani* Monasterii regimen. Quocirca sic etiam, tamquam verisimilius eidem nos Monasterio adjudicamus id, quod in Chronico, *Flos florum*, sic habetur de *Angelberto*: De cujus mandato Monasterium Sancti Petri de Mandello unitum fuit cum Monasterio Sancti Vincentii Anno Domini Octingentesimo trigesimo tertio.

F IIL. Quod summopere optabam, sisto me tandem ad aureum Altare, in honorem Sanctissimi Præfatis Patronique *Ambrosii* supra ipsius sacrum Corpus ab *Angelberto* récenter hoc tempore constructum: hic scribendo venerabundus aliquantum immorari ego meditor; Lectoremque meum, sed non sine maxima ipsius jucunditate, remorari. Proferam vero in primis occasionem, qua tanti Decessoris sui amantissimus *Angelbertus* animo regio Altare hujusmodi construxit. Deinde vero illud etiam diligentissime; quam potero, fidelissimeque describam: & eorum oculis, qui nunquam illud viderint, subicere conabor.

II. Ac de occasione quidem nihil est, cur testem *Gualuanco Flamma* opportuniorem habere præoptamus: maxime vero, cum præterea ille nobis Purcellus. D edisse:



edifferat memorabile illud miraculum, quod adhuc in ore famæ per hanc Urbem volitat, editum tunc temporis, quando Sancti Ambrosii Corpus illarum tumultu fuit: ut Sanctorum Protasii & Gervasii Corpora, ibi jam ante condita, paululum in latera secesserint, & honoris gratia novum Hospitem inter se medium exceperint. Gualuaneus autem Flamma, quo melius ejusmodi tellem agnoscas, e Familia Dominicana fuit, & Eustorgiani hac in Urbe Conventus alumnus: atque ibidem Anno Christi Millesimo trecentesimo trigesimo florebat. In Chronico igitur Majori, cap. 123. de Sancti Ambrosii obitu locutus, hæc tradit: *jacet in Ecclesia sui nominis extra Civitatem. Cum autem esset propinquus morti; interrogatus, ubi vellet sepeliri, prophetico sermone respondit: In medio Beatorum Martyrum Protasii & Gervasii; sibi, invicem se dividentes, mihi locum intermedium fecerint. Adveniente funere Beati Ambrosii, isti duo Martyres locum in medio fecerunt Beato Ambrosio.* Hæc Auctor de tam insigni miraculo: cujus etiam mentionem facit Paulus Morigia in Historia Mediolanensi, Lib. 2. cap. 19. & in Sanctuario pariter Mediolanensi, cap. 4. Placet Italica, sicut ille scripsit, ejusdem verba hoc ipso loco recitare; maxime vero, quod eadem asserit etiam Joannes Franciscus à Basilica Petri, tunc temporis Basilicæ Metropolitanæ Canonicus Ordinarius (qui deinde Barnabitarum Religionem ingrediens sibi nomen Caroli assumpsit) in Libello suo similiter Italico. De aliquot Urbis hujus Ecclesiis: itemque Joannes Baptista Villa De septem Stationalibus Mediolani Basilicis. Sic igitur Morigia inquit, *Venendo Sant' Ambrogio à morte; fu sepolto il suo santissimo Corpo sotto l'Altar' Maggiore, come egli medesimo si haveva eletto d'esser' sepolto, vicino a i Corpi de' i gloriosi Martiri Gervasio & Protasio: i quali miracolosamente diedero luogo, & chiusero nell' mezzo il Corpo del nostro buon' Pastore.* Vide autem, quid insuper in hujus miraculi testimonium producat. Per testimonio di questo si veggono anco insiedipinti in antichissime pitture: pitture: cioè, il Santo Arcivescovo nel mezzo, & i Santi Martiri da i lati. De quali imagini con gran' ragione alcuni Arcivescovi antichi s'eleffero per suo suggello; come anco si veggono alcune loro Lettere fino al di d'oggi antiche. E per questo piacque alla santa memoria del Beato Carlo Cardinale Borromeo (relatus postea fuit inter Sanctos) comesolecito imitatore de santi fatti de suoi antichi Antecessori; & perciò volse repigliare queste imagini per sugello Archiepiscopale con l'autorità del Sommo Pontifice, Gregorio Decimo terzo. Quo quidem argumento similiter utuntur Joannes Franciscus a Basilica Petri, & Villa, locis citatis. Sed & alterum ex eodem Gualuano miraculum habemus, capit. 204. quo sane Angelbertus ad aureum ibidem Altare construendum excitatus fuit. Loquebatur Gualuaneus de Angelberto hujus nominis secundo. De ipso autem ita profequitur: *Hic sedit Anno Domini Octingentesimo vigesimo sexto, & sedit annos triginta quinque. Angelbertus Archiepiscopus devotione dentem de ore Beati Ambrosii extraxit, & in annulo suo posuit. Quadam vice dens de annulo cecidit. Quem cum Archiepiscopus ubique perquiri faceret; quædam Vetula apparuit, dicens: Dentem invenies ubi abstulisti. Quo audito, Archiepiscopus ad Corpus Beati Ambrosii accessit, & ipsum in ore Beati Ambrosii reperit. Tunc, ne de cætero aliquid de Corpore ipsius auferri posset: ipsum sub terra occultavit, ET FECIT FIERI ALTARE AUREUM SANCTI AMBROSII Anno Domini Octingentesimo quadragesimo (nos trigesimo secundo dicebamus) & consitit octoginta millibus Librarum, sive Florenorum. Talia Gualuaneus: quibus hæc item consonant, quæ habentur in Catalogo Archiepiscoporum a Sancto Barnaba usque ad Joannem Arcimboldum, in eodem Angelberto, inter Archiepiscopos*

A Quinquagesimo quinto: *Dicitur posuisse in annulo dentem Sancti Ambrosii, & miraculo dentem suo loco redditum; ideo Archiepiscopum, ne unquam quicquam abstraheretur a corpore, eum sub terra clausisse, & edificasse Altare illud pretiosum.* De quo quidem Altaris pretio idipsum testatur Chronicon Flos florum, ubi sermo est de Sancto Præsule Ambrosio. Bernardinus aurem Corius in Historia Mediolanensi, quam sub Annum Christi Millesimum quingentesimum scripsit materna illa Lingua, quæ Majoribus tunc nostris in usu erat, aliquanto minus pretium assignat in hæc præcise verba: quæ quidem potius, quam posterioris per alium Auctorem versionis, recitare lubet. In queste tempestate Angiberto da Pusterla, Arcivescovo de Milano, di sua pecunia fece faro lo aureato e gemmato Altare, di valuta de vinti-octo-milia Fiorini d'oro. Il fabro fuchiamato Volvinio, dedicato à Sancto Ambrosio, patrone potentissimo de Milanese: sotto il quale in uno profondo pozo, sustentato da quatro catene de ferro giace il glorioso Corpe.

L. Quadam vice dens de annulo cecidit: Gualuaneus ajebat. Numquid vero sciri posset, etiam quam tandem vice dens ille Sancti Ambrosii ex Angelberti annulo exciderit? Tunc nimirum (quæritur huic jam respondit, & hujus exitum amissionis paulo uberius recensuit Castellionæus, Antiquitatum Basilicæ illius Vincentianæ Fasciculo sexto) cum de more ad Basilicam Divi Laurentii Majoris die Dominico Palmarum procederet, pontificalibus infulis ornatus. In via se amisisse cognovit; cum forte extractis pontificalibus chirothecis. gemmam loco suo motam animadvertit. Quare commotus graviter, omnia vice, per quæ processerat, loca spatiaque diligentissime perlustrari jussit, quo dentem amissum reperire posset. Sed frustra. Nusquam enim, omni licet adhibito studio, potuit inveniri: donec probatæ sanctitatis Anus, Archiepiscopi solitudine cognita, eum statim convenit, jussitque bono esse animo, quod dens eo in loco existeret, unde dimotus fuerat. Quod ita re ipsa esse, plane comperit. Siquidem, Divi Ambrosii sepulcro referato, dentem in pristina sua maxilla repositum adinvenit. Ibi rei novitate, quæ sibi mira videbatur omnino, & supra rerum humanarum ordinem, & naturæ vires, percussus Archiepiscopus Angelbertus, divino sibi factum id esse consilio persuasit, ne Sancti Patroni Corpus imminueretur, aut sui parte ulla, quantumvis minima, privaretur. Idcirco, ne illius sepulchrum ullo in posterum tempore patere cuiquam posset (in hoc tamen errasse Castellionæum ego infra ostendam) eidem aureum Altare, pretiosis utrinque gemmis, lapidulisque distinctum, figuris etiam variis exornatum, imposuit: Arcam vero sacri Corporis, quatuor catenis appensam, in altum puteum, eam ipsam ob causam effossum, demisit; ita ut videri vix posset. Hæc ibi Castellionæus; sed nullo Auctore (quemadmodum ceteroqui toto passim libro assolet) in testimonium producto. Quibus proinde tritum illud Distichon opponi facile potuisset:

Si satis affirmasse fuit; satis esto negasse.

Cur tibi sit potius, quam mihi, certa fides?

LI. Præter allegatos igitur jam Scriptores, ea pariter, quæ per Castellionæum superaddita nobis non improbantur, sequentibus comprobemus Italici Verbis, quorum exemplar nobis ab Amico traditum fuit tamquam ex Archivo Scuroli (sic enim appellatur, nosque suo tempore ac loco mentionem faciemus) apud nos Ambrosiani. Neque tamen tantum facimus ejusmodi Versus, quia vel antiquitate, vel saltem cultu & elegantia usque adeo commendabiles nobis videantur; sed quia eorum Auctor argumentum & narrationis seriem se profitetur e Chronico (sic enim per emphasim loquitur, tamquam de aliquo probatæ confessæque fidei libro) accepisse. Quos quidem Versus, vel etiam contentiens cum ipsis Chronicon, Castellionæus quoque fortasse vidit, & ad eam narrationem usus est; tamen vel per

per incuriam, vel oblivionem, vel etiam sponte volens lubens non citarit. En illos:

Quella Virtù superna, excelsa, immensa,
Che'l tutto fece, e qual rege e governa,
E di sua gratia, come vuol, dispensa:
Acciò l'humana gente intenda, e cerni,
Ch'ella sol puote, maraviglie e segni
Dimostra chiusi nella causa interna.

Si che tant' alto più si oriti ingegni,
Non ascendendo, stan' contenti al Quia,
Sperando in fede à li celesti Regni.

O buontade infinita! O mente pia!

L'opere tue son sonora tromba
Di ritornar l'anime errante in via.

Ecco dubita ogn' un doue recombà

Il Magno Ambrogio, glorioso divo,
Poichè fu tolto di marmorea tomba.

Però, **QUELTENE LA CHRONICA, SCRIVO,**

Che di Pusterla Angiberto secondo
Arcivescovo in Milan fe il luoco privo.

Cupido di veder quel, ch'anche à tondo
Pel l'universo fu adorato, e certo
Fu de la Fede vera un specchio al Mondo:

Commandò, il monumento esser aperto:

El'ossa salutò divotamente
Del pastor, sol al ben nato, & esperto.

Poi tol se della bocca un dente,
Qual nell'anello rinchiuso portava,
Come convienfi, molto riverente.

Il di solenne, che si celebrava
D'Olive e Palme con gran Processione,
A San' Laurentio dal Domo si andava.

Giunto il Pastore qui fece il Sermone

Al Popolo, dandorami benedetti
A Sacerdoti con divotione.

Alle Columne uscito, non resetti:

Su un Caval' bianco, ivi coperto d'oro,
Montò, che attento par'ognun' aspetti.

Un Raudense, vestito à vari in choro,
Con guanti in mano à la briglia camina
Seguia la plebe poi col Concestoro.

L'Arcivescovo con Croce cristallina,
D'olive e palme qual era adornata,
Segnava humile qualonche s'inclina.

Quattro Nobili di Litii poi la strata,
Da legni & altri impedimenti e sassi
Facean larga ben netta e spaciata.

Li Chierici venian à lenti passi
Cantando, e'l Popolo seguia con palme:
Ne tal Solennità nel mondo fassi.

Et è tenuto con felice calma

L'Arcivesco trovar tal di gioioso
Per divotione, e salute di l'alme.

Pervenuto il Pastor doue il Leproso,
Debbe lavar se, e cantar soleva

La messa, e ritornar à suo riposo

Vide Angiberto, che perduto haveva
Il sacro dente: e doloroso afflitto

Il van' più giorni ricercar faceva,
Finche una Vecchia, che'l suo passo ardito

Faceva col baston, disse: Cercate
Il dente al luoco, oue fu pria rapito.

All' hora fur di nuovo scoperciate
Le reliquie sacre; e resepulto

Si trovò il dente qui con veritate.

Lieto Angiberto pensò tanto occulto
Fare il Corpo dil Santo: e un' pozzo oscuro

Profondo, ad arte di catene fulto,
Che in aere tengono li frà muro e muro

Il Patron nostro: poi sopra la bocca
Fece un Altare di fino oro e puro.

Quivi in fure, gemme, e piete acocha
Maraviglioso, e per valore egregio,
Si che'l suo nome ambidui Poli tocha.

Ottanta mille Fiorin d'oro il pregio:

E li Anni fur della nostra salute

Ottocento quaranta, s'io ben'vegio.

Tacian le lingue quà pelose acute,

Solite di negar le cose mire.

Non è Christian chi ciò creder rifute.

Mirabil cosa, è da far stupire

El mondo tutto: ch'un dente da se

Tornasse al luoco, doue hebbe ad uscirè.

Mà l'inefabl' Dio, e Rè di Re

Dimostra à loco & à tempo miracoli

Per augumento di sua santa Fè.

Ambrogio la Chiesa e tabernacoli,

L'Arcivescovo Petro il Monastero

Fondò per Sacerdoti, & li habitacoli:

Angiberto l'Altare fece per vero

D'oro e di gioie: e'l primo

..... che resse il graade Impero,

El Conte singulare di Campigione

Per divotione, overo per fama,

Al Tempio gionsemo molte possessione.

Sicche per copia par la chiurma.

Nec plures nobis suppetunt ejusmodi Versus.

LII. Heresne vero, Lector, ad hos Versus: & nonnulla, quæ per eos indicantur, non satis intelligis, quæ tamen percuperes? Te scilicet ego ex me ipso mensus, huic hesitationi mox eximam: sed insuper etiam tibi monstrabo, quemadmodum Archiepiscopus per ea tempora, Palmis & Olivis in

Laurentiana Basilica distributis, veniret ad Ambrosianam, comitatus a Monasterii hujus Abbate ac Monachis, & hic Missam solemnem celebraret. Quæ autem tibi nunc proferam, ex antiquo deprompsi Breviario Ambrosiano in charta pergamena manuscripto: cui varia insuper adjecta sunt, ad Basilicæ Metropolitanæ (cujus est ille Codex) usum spectantia, quæ quidem dicuntur a Beroldo quodam illic collecta fuisse, atque Ceremonialis Ambrosiani nomine nuncupantur. Illic ergo sub hoc titulo, *Processio ab Ecclesia Sancti Laurentii in Ecclesiam Hyemalem*, sic habetur: *Dominica In Ramis Palmarum*, congregato Clero & populo in Ecclesia Sancti Laurentii, *Primicerius Notariorum incipit Hymnum MAGNUM SALUTIS GAUDIUM usque ad REX ECCE TUUS HUMILIS*. Finito Hymno, Pontifex in gradu facit Sermonem ad populum. Interea Presbyter, & Diaconus & Subdiaconus Observatores, privatim canit ibi missam. Finita Missa & Sermone, Pontifex benedicit Palmas & Olivas: postea dicit, **DOMINUS VOBISCUM**. Tunc Diaconus hebdomadarius incipit *Psallentium*, Primicerio Lectorum indicante, & eodem statim cum suis subsequente: & sic exeunt Ecclesiam,

Pontifice dante Palmas, & Primicerio Presbyterorum similiter dante suis. Tum extra atrium Ecclesiæ equus albus, raxio (serici textilis est genus) coopertus, stat præparatus ad suscipiendum dominum suum, Pontificem, ut ei supersedeat. Ille verò equum ascendens, hostiarius domesticus magnus porrigens sibi Crucem crystallinam, ornata palmis & foliis olive. Ipse vero sumens & tenens in sinistra, signat populum dextra: & unus egregius miles de genere Rhodensium (nobils hæc est Mediolani familia, quam hodie Rhaudentem, vel de Rhaude appellamus) eleganter indutus cum chirothecis in manibus, de camera Pontificis sumptis, dextrat & ducit eum per frænum per mediam viam carrariam usque **AD ECCLESIAM SANCTI AMBROSII, UBI EJUS SACTISSIMUM CORPUS QUIESCIT**, antecedente eum Schola Sancti Ambrosii (hoc est, utriusque sexus Senibus, indumenta suimet status & officii propria gestantibus, quos utique Veglones & Veglonissas hodieque nuncupamus) cum Cruce argentea: & Hostiarius hebdomadarius portat Crucem auream ante Presbyterum hebdomadarium. Cum autem pervenerint usque ad Portam Ticinensem totus Clerus venit in Ec-

clesiam Hyemalem; Archiepiscopus verò solus, Capellanus suis sequentibus eum, ducitur cum triumphali gloria ad Sanctum Ambrosium, turba multa populorum sequente & præcedente ipsum. Sed cum ille pervenerit ad locum (& hunc postea indicabo) ubi leprosus lavari solet ab ipso; Abbas Sancti Ambrosii debet esse ibi præparatus & indutus Pluviali cum Diaconibus & Subdiaconibus suis, indutis Dalmaticis albis; & ibi Pontifex tribuit Abbati magnum ramum Palmarum, & honorabilem Troctam (nobile pariter ac notum piscis genus ea est) & statim prædictus Abbas cum Clero suo cantando & psallendo præcedit eum usque ad prædictam Ecclesiam. Et Pontifex in atrio Ecclesiæ descendit de equo, & præparat se ad Missam canendam, serviente sibi Abbate cum Clero suo usque ad finem Missæ. Prædicti vero Ordinarii canunt Missam in Ecclesia Hyemali. Finita Missa prædictus miles Rhodensis debet prandere cum Archiepiscopo cum suis servitoribus: cui dat etiam aureum unum; & Hostiarius hebdomadarius, qui portaverit Crucem auream in Processione, debet prandere cum Archiepiscopo.

LIII. Sed pro majori adhuc istorum intelligentia hæc notentur. Porta nimirum Ticinensis per ea Angelberti tempora, sicut etiam quoadusque Civitas e ruinis, quas Anno Christi Millesimo centesimo sexagesimo secundo ab Imperatore Frederico Anobabo passa fuerat, amplificaretur, ac nominatim ejus Portæ adjectæque Turres, ubi nunc eidem Civitati circumnavigatur, reficerentur Anno Millesimo centesimo septuagesimo primo: Porta, inquam, Ticinensis tunc illic erat, ubi nunc Carrubii Columna, Cruce insignis, stat erecta. Sic etiam Laurentiana Basilica tunc erat extra Portam & muros Urbis; sed tamen intra Fossatum, sive Fossam & Vallum, fatis procul a muris Urbi circumjectum; cui tamen sua item Porta suppetebat. Itaque Acerbus etiam Morena in Historia Laudensi, qua Federici gesta, quibus & ipse affuit, prosequitur, postremum describens prælium, ad Portam Ticinensem a Mediolanensibus contra Imperatorem infelicitè pugnatum, antequam in ejus potestatem se traderent; ita prorsus scribit: Quibus omnibus sic secutis, ut statuerat (Imperator) Mediolanenses, ex transverso ab utroque latere videntes properare Theutonicos: & se non ipsis resistere, cognoscentes, quia maxima pars equitum Mediolani detinebatur, versus Civitatem fugiunt. Imperator autem cum aliis ipsis acriter insequitur usque ad Portam Fossati: & ex ipsis triginta milites, & ducentos quinquaginta sex pedites cepit, quos omnes postea Laude in carcerem destruxit. Plures vero milites & pedites cum gladio in Fossato præcipitando interfecit: & super Portam Fossati, dum acriter Imperator inter hostes præliaretur, equus ejus ibi confoditur, & ipse aliquantulum vulneratur. Tandem Mediolanenses intra Portam (Fossati) se recipiunt: & ipsorum quamplures IN ECCLESIAM SANCTI LAURENTII CONFUGIUNT, NON AUDENTES AD PORTAM (Urbis) ACCEDERE: & ipsa Ecclesia, tum quia fere nox erat (& hinc corrige Venetam Editionem, in qua legitur non erat; & idcirco notatum est in margine Deest nescio quid: atque ita Bernardinum etiam Corium sequeris) tum etiam quia non poterant expugnari, nisi per ostium Ecclesiæ, viriliter se defendentes, illæsi permanserunt.

LIV. Ad hæc, locus ille, ubi leprosus ablui ab Archiepiscopo quotannis unus in Palmarum celebritate soleret, illic erat, ubi nunc recta illac venientibus a Carrubii Cruce ad Ambrosianam Basilicam in proximo sese a dextro latere offert ingens Deiparæ Virginis, septem sui dolores per totidem gladios cordi suo infixos exprimentis, imago, in pariete depicta, vitroque etiam decore cooperta. Turris illic erat olim, necnon etiam Ecclesia Sancto Materno Archiepiscopo sacra, immo vero & Nosocomium piumque Receptaculum, in quo ægrotantes curabantur: vulgoque etiam vocitabatur MAL-SANORUM

A TURRIS, sicut a senibus audivimus, & hoc alibi Volumine constabit: quinetiam hodieque locus ille nuncupatur LA TORRACCIA; tamen nullum Turris vestigium illic jam superfit. Atque, ut opinor, illa erat e Turribus una, quæ veteri Urbismuro adstructæ per intervalla olim fuisse memorantur.

LV. Sed cur, obsecro, moris erat, ut Archiepiscopus noster in ea celebritate quotannis ablueret leprosum? Ad hoc ego conjectanter interea responderim: Eandem ob causam, propter quam similiter Archiepiscopus quotannis Feria secunda Hebdomadæ Sanctioris, & Authenticæ solebat unum ablueret leprosum in Ecclesia Sancti Salvatoris, quæ postmodum dicta fuit Sancti Viti; quemadmodum in prædicto Basilicæ Metropolitanæ Codice, sive Beroldi Cæremoniali Ambrosiano, in eam Feriam præscriptum continetur. Quam quidem Sancti Viti Ecclesiam ego eam ipsam esse, quæ nunc Sancti Viti ad Carrubium nuncupatur, interpretor e Sacerdotibus, quorum intererat Archiepiscopo in eo ministerio deservire. Erant autem Presbyteri cujusque harum Ecclesiarum: nempe Sancti Michaelis in Domo, Sancti Joannis ad Concham, Sancti Alexandri, Sancti Calimerii, Sancti Petri in Campo Laudensi: præterea vero etiam quatuor Presbyteri Sancti Laurentii, quæ tandem in Ecclesia (quod ipsum meam de illa Sancti Viti Ecclesia conjecturam magis confirmat) solemnitas ille ritus ablutionis concludebatur. His ergo Sacerdotibus præscriptum erat, ut ad eam convenirent ablutionem cum tribus hominibus (verba sunt ejusdem Cæremonialis Ambrosiani) vel pluribus, ILLIUS PROGENIEI, CUJUS FUIT LEPROSUS, QUEM SANCTUS AMBROSIVS DIVINA OPE MUNDAVIT. Quocirca saltem hoc ego jam conjectarim, eam leprosi ablutionem solemniter utroque illo die peragi a nostro Archiepiscopo solitam fuisse in memoriam leprosi olim divinitus a Sancto Ambrosio sanati: cujus etiam ope sæpe fieret, ut ejusdem successores Archiepiscopi leprosis, quos & ipsi solemniter illis diebus abluebant, vel in totum, vel ex parte saltem, prodesse. Quid si vero Sanctus item Ambrosius in eo ipso ad Turrim loco, & in ipsamet Palmarum celebritate suum illum divinitus curaverat leprosum? Certe quidem vel ex illis Ambrosiani Cæremonialis verbis liquidissime constat, quam celebre per universam Urbem testatumque foret adhuc illud Sancti Ambrosii miraculum; quandoquidem in hæc usque tempora monstraretur illiusmet leprosi ab eo curati progenies ad posteros suos perenniter derivata. Cujus tamen miraculi nullam ego ceteroqui mentionem hætenus reperi apud alios rerum Scriptores.

E LVI. Ceterum ea consuetudo, ut Archiepiscopus, ad Basilicam Laurentianam in Palmarum Dominica profectus, Palmas ibi Oleasque de more distribueret, indeque solemniter ea pompa huc veniret, sublata demum fuit per Sanctum Carolum, Cardinalem Archiepiscopumque Borremæum. Celebritatis tamen illius indicium Basilicæ huic jam superest hoc saltem unum; quod a prandio ejus diei omnes per Urbem Scholares Doctrinæ Christianæ, ramos Olivarum mane benedictos manibus gestantes, solemniter Processione unanimes atque concorporales hanc ipsam Basilicam suppliciter invisunt, sacrumque sub Ara maxima Corpus Sanctissimi Patroni venerantur.

F LVII. Sed enim, explicata condendi hujus Altaris aurei occasione, jam superest, ut hoc ipsum describendo referemus, oculisque mentis conspiciendum proponamus. Quod si nobis ad hoc aureus non suppetit sermo, qualem scilicet cuperemus; vel eo saltem nos consolabimur; quod verax ille profecto ac fidelis erit, dum nos ex instituto nempe nostro non eloquentiæ ostentationem, sed noscendorum veritatem profiteamur; quodque ne ferreæ quidem illæ

illæ displicent claves, quibus idem Altare identidem ad spectandum in hanc usque diem aperiri consuevit. Frontale in primis (hoc est anterior pars) totum est aureum, in eoque præcipua salutis nostræ mysteria cernuntur ad vivum expressa. Latera vero & posterior pars sunt ea quidem argentea, tantumque deaurata; verumtamen tam ipsa, quam frontale interfectis abunde magnis & omnigenis gemmis lapillisque pretiosis omniquaque intermicant, jucundissimumque sui spectaculum exhibent. Posteriores singillatim partem mirabiliter exornant tabellæ aliquot argenteæ suis parergis & lemmatibus, quibus Patroni Sanctissimi gesta & miracula eminente sculptura ob oculos proponuntur: in quarum etiam una suum nomen Aræ opifex inscripsit. Eandem porro partem miro similiter utrinque artificio circumvolitant & in medio discriminat fasciæ veluti quædam, holce Versus complectentes:

EMICAT ALMA FORIS RUTILIQUE DECORE VENUSTA

ARCA METALLORUM, GEMMISQUE CUMPTA CORUSCAT;

THESAURO TAMEN HÆC CUMPTO POTIORE METALLO

OSSIBUS INTERIUS POLLET DONATA SACRATIS.

EGREGIUS QUOD PRÆSUL OPUS SUB HONORE BEATI

INCLYTUS AMBROSII, TEMPLO RECUBANTIS IN ISTO,

OBTULIT ANGILBERTUS OVANS, DOMINOQUE DICAVIT,

TEMPORE QUO NITIDÆ SERVABAT CULMINA SEDIS.

ASPICE SUMME PATER, FAMULO MISERERE BENIGNO.

TE MISERANTE DEUS DONUM SUBLIME REPORTET.

Ceterum in eadem posteriori parte aperiuntur binæ fores perangustæ, per quas ostiolum patet in partem Altaris interiorem. Ac fores quidem istæ intus ornatae serico sunt textili, figuris discoloribus distincto: extrinsecus vero præcipuis Beatorum Angelorum imaginibus illustrantur. In Aræ sinu duo continentur magni lapides: quorum unus est rotundus & porphyreticus, novemque unciarum habet diametrum: alter vero marmoreus est, ac ferme quadratus. Ambosque lapides huiusmodi, constans est traditio, hanc ob causam ibidem asservatos, quia Sanctorum *Protasii* & *Gervasii* Martyrum sanguine sint adpersi. Huiusce vero sinus Aræ porphyreticum est pavementum: & quinas hoc habet orbiculares concavitates, non introrsum permeantes ad subiectum sepulchrum (quemadmodum de media perperam scripsit *Villa*, jam citatus) sed altiuscule tantum scalptra depresso: unam in medio, reliquarum vero singulas in singulis angulis, ubi nempe generis huius tabulæ ad usum Altarium sacro inunctæ Chrismate consecrabantur. Universæ porro ipsimet Aræ mensa ingens porphyretica inhæret: qua immota, ne ipsa quidem Ara suo e loco dimoveri potest. Certe autem potest, quinetiam (si dies solemniores excipias) alibi semper separatim asservatur auratus ex argento gradus, ad sustinenda super Altari candelabra destinatus: cujus in parte anteriori affabre prominent duodecim ex ordine Apostolorum effigies: quive pariter *Angilberti* creditur esse munus, Altari tam pretioso & nobili meritissime adjectum.

LVIII. Hæc utique sunt, quæ de huiusmodi Altari memoratu digniora nobis in præsentem visa fuerunt. Idipsum abunde sic etiam describitur a *Castellioneo* & a *Villa*, jam citatis: qui quidem inter se nonnihil etiam discrepant, nobisque refellendi sui materiem præbent aliquantam; sed nunc non vacat.

A In *Castellioneo* tantum illud unum reprehendam, quod erroris a me notabatur Num. 50. cum ille scriberet, hoc *Angilberto* in ejusmodi Altari struendo, & in Arca infra puteum illum altum occultanda propositum fuisse, ne *Sancti Patroni sepulchrum ullo in posterum tempore patere cupiam posset; itaut Arca etiam ipsa videri vix posset.* Si enim circa centesimum trigessimum supra Millesimum *Christi* Annum, neque tamquam ex recenti, sed tamquam vetus & antehac usitatus, patebat illuc aliquibus saltem Viris primariis, velut e singulari privilegio, ingressus: ipsumque Sancti Præsulis Corpus, nedum Arca, conspici tunc poterat; nihil profecto vetat, quominus cum ipsum ingressum interpretemur ex eo etiam tempore adaperitum permissumque, quo *Angilbertus* Altare illud puteumque construxerat. Certe autem talis illuc ingressus tunc temporis patebat. Ac si forte quispiam de hoc dubitet, vel etiam præcise inficietur; attendat ille, obsecro, quid in Sancti *Bernardi*, Cardinalis & Episcopi *Parmensis*, Vita scriptum extet Cap. 46. *Romanis* ea quidem typis edita primum fuit Anno *Christi* Millesimo sexcentesimo duodecimo; sed a contemporaneo nihilominus gravique Auctore conscripta jure merito affirmatur. Sanctus hic autem *Bernardus* obiit Anno *Christi* Millesimo centesimo trigesimo tertio: sed tertium circiter ante annum *Mediolani* Legationem obierat Apostolicam, ipsosque quinetiam *Mediolanenses* intrepidus excommunicarat, propterea quod contra *Romanæ Ecclesiæ inhibitionem Conradum in Regem cum suis fautoribus elegissent*; sicut in ea ipsius Vita narratur Cap. 42. Cum igitur *Mediolani* deinde Legatus hic Sanctus aliquamdiu moraretur pro pace & concordia ubique reformanda, quemadmodum Cap. 45. dictum fuerat; vide, quid protinus Cap. 46. factum scribatur; dumque Scriptoris testimonium attendis, miraculum itidem, quod narratur, admirare. Nec enim temperare mihi possum, quin utrumque istud hoc loco præmature recenseam. Aliquando cum *Mediolani* (verba sunt Auctoris) pro huiusmodi negotiis (*Bernardus*) per dies aliquot versaretur; *Archiepiscopum* rogavit. UT SIBI BEATI AMBROSII RELIQUIAS VIDERE PERMITTERET. Quod cum in die propter populi frequentationem fieri non valeret; noctis medio, paucis secum junctis, accenso lumine, quia locus erat obscurus (scilicet etiam meridie, nedum media nocte) CUM AD CORPUS SANCTISSIMUM (ecce, quales ille Reliquias ostendi sibi optavisset) PROPINQUASSENT, repente lumen extinctum est. Cumque Vir Dei, hoc evenisse suis delictis, cum lachrymis quereretur; SUBITO IBI SUFFICIENS LUMEN APPARUIT; SICQUE VOTUM SUUM, DOMINO AUXILIANTE, COMPLEVIT: hoc est, Sancti *Ambrosii* Reliquias, sive Corpus, quemadmodum & optaverat & rogaverat, vidit. Quis enim ambigat, quin legitimus hic atque germanus sit postremorum ejusmodi verborum sensus? Legatur vero etiam, si placet, *Eudofius Loccatellus* Cap. xi. Libri secundi, subsequentis utique Vitam Sancti *Joannis Gualberti*, sermonem conscriptam *Italico*. Eo namque Capite citatum istud a nobis testimonium in eandem per omnia nobiscum sententiam *Italice* ille reddidit, cum ejusdem similiter Sancti *Bernardi* suo quondam ex Ordine *Vallumbrosano* Vitam describeret. Cum igitur absque dubio Sanctus hic *Bernardus* eo tempore locum fuerit ingressus, in quo sacrosanctum Patroni nostri Corpus tot ante annos fuerat ab *Angilberto* sepositum: cumque hoc ipsum fuerit etiam ibidem conspicatus; qua tandem illum via *Castellioneus* illuc ingressum respondebit? Eodem ipse Fasciculo sexto contendit (nec procul a vero) sacra cum *Ambrosii*, tum etiam *Protasii* ac *Gervasii* corpora minime postea fuisse per Imperatorem *Fredericum Enobarbum* inde ablata: &

istud hoc ipso etiam contendit argumento: Cum Angilbertus aureum illud Altare ita condidisset ac collocasset, ut mensa illa porphyretica, Aræ Sanctorum Corporum superposita superstructi ab eo Altaris basis ac fundamentum esset; fieri nullo pacto potuisset, ut Arca illa aperiretur, nedum sacra inde Corpora extraherentur, nisi prius diruto ac everso Altari; quod factum minime fuisset, etiamnum patet. Non igitur per eversum ac dirutum Altare ingressus illuc fuit Sanctus Bernardus. Sed ne tam importunus quidem atque arrogans ille erat, ut illac, vel per aliquod alibi novum iter, si ve cuniculum, in ipsius gratiam tunc effodiendum, sibi facultatem illuc ingrediendi postulet. Reliquum est igitur, ut extructa jam ante via, & quasi cuniculo, commode illuc adiri posset, quandocumque Archiepiscopus consensisset. Quem quidem veluti cuniculum non aliunde crediderim ego incepisse, quam ab averso aliquo postico, contigui latebris Scuroli obverso; quod tamen postea muro ita fuerit occlusum, ut nemo deinceps illuc ingredi valeret. Forte autem de ipso protinus ita occludendo Majores nostri deliberarunt eo persuasi miraculo, quod eidem Sancto Bernardo accidisset. Inde siquidem conjectari facile poterat, divinæ non esse voluntatis, ut sacrosanctum illud Corpus mortali deinceps ulli ostenderetur. Quod si forte miraculi ejus monitu occlusum fuit; equidem hoc ego peculiari erga Urbem nostram nomenque Ambrosianum providentiæ divinæ adjudicandum censuerim: quæ futuri præscia excidii, quod triginta duos circiter inde annos Urbi ab Enobarbo imminerebat, præmature providerit, ut eo securius Sanctorum Ambrosii & Protasii Gervasiique Corpora suo in loco intra Basilicam istam perenniter conservarentur; sicut etiam post ejus excidii tempora ego quoque identidem commonstrabo.

LIX. Ex his autem, quæ prædicti Auctores nobis de hoc Altari, deque situ, quo Angilbertus Sancti Ambrosii atque adeo Sanctorum etiam Protasii & Gervasii Corpora collocavit, testabantur, satis intelligi datur, eadem olim & antehac fuisse intra primævi Altaris sinum tumulata. Quod tamen illi asserunt de Arca illa, catenis intra suffossum Altari puteum appensa: eandem illic humi stratum esse, nonnulli alii e nostratibus Historiographis tradiderunt; quemadmodum affirmat Castellionæus. Nec enim eorum quemquam ego hætenus legi.

LX. Narratis & aliquatenus illustratis, quæ ad Angilberti Privilegium spectabant, datum, sicuti nos dicebamus, Anno Christi Octingentesimo trigésimo secundo, succedit Imperatoris Hlotharii Diploma, quo Limontam, nobilissimum prædium, huic Monasterio legavit, Anno scilicet Imperii sui duodecimo, Indictione decimatertia: quæ juxta supputationem communem, atque ipsis etiam Italiæ Regibus & Occidentis Imperatoribus per ea tempora servatam (secus, quam nostri facerent Archiepiscopi, quemadmodum supra observavimus Num. 46.) incidit in Annum Christi Octingentesimum trigésimum quintum, Authenticum vero nobis suppetit ejusmodi Diploma; sicut & ejusdem Hlotharii alia duo, quæ deinde producemus: idque tenoris est sequentis:

IN Nomine Domini nostri Jesu Christi, Dei æterni. Hlotharius, divina ordinante providentia, Imperator Augustus, Quanto præcellentius humanitas viget prælata, tanto studiosius divinis exequi debet obsequiis, & quælibet postulata fidelium ad hoc pertinentia devota obaudire voluntate, atque perficere decertatione; quatenus ex commissis Largitoris bene tractans placitis, ejus opitulante clementia, & præsentia feliciter transire valeat, & æterna in enarrabili pietate conlata felix feliciter adipiscere mereatur. Denique dum dilecta Conjux nostra, Hirmingardis, divinarum sollicita, studiosissime nostram sedulo monere procuraret clementiam, ut locis Dec dicatis nostra sublimaremus munificentia, occasione actiuata ex dilectione fratris sui,

A puerili elegantia delati, Hugoni nomine, instantius hoc suadere decertavit; ut augmentum pietatis nostræ, & emolumentum mercedis in loco, quo ipse corpore humatus extitit, CIMITERIO SCILICET SANCTI AMBROSII, ad decorem luminis, ob procuracionem Ecclesiæ, ornamenta quædam conferremus, beneficia pro mercedis nostræ augmento, & præfati pueri cumulo beatitudinis. Quapropter cunctorum comperiat Fedelium Sanctæ Dei Ecclesiæ nostrorumque, præsentium scilicet & futurorum, sagacitas, quia nos ejusdem dilectæ Conjugis nostræ beneplacitis precibus dignare volentes, adfersum præbui-mus: ideoque EIDEM SANCTO LOCO pro remedio ejusdem pueri nostra beneficentia conferamus quandam Curtem, nomine LEMONTA, cum Cura indominicata, & Capellam ad se adspicientem, dicatam scilicet in honore Sancti Genesii, necnon oliveta, vel mansa, sed cum mancipiis ibidem commanentibus, vel aspicientibus, triginta quatuor, vel omnibus pertinentiis, seu adjacentiis suis; itaut ab hodierna die futura per tempora RECTORES EJUSDEM LOCI eam ad decorem luminis, & ornamenta Ecclesiastica procuranda, pro remedio animæ prædicti pueri sub pertinentia ejusdem loci teneant, atque possideant; & ut cæteras res EJUSDEM ECCLESIAE secundum utilitatem ipsius loci disponant. Pro firmitatis namque gratia circa EUNDEMSANCTUM AC VENERABILEM LOCUM solemnimunere has nostras Literas fieri jussimus: per quas decernimus, rateque mansurum constituimus, ut nullus Fidelium Sanctæ Dei Ecclesiæ nostrorumque, præsentium scilicet & futurorum, PRÆFATÆ SANCTÆ ECCLESIAE ex hac superscripta Curte suisque pertinentiis, vel adiacentiis, quamlibet inferre præsumat molestiam, aut contrarietatem; sed RECTORES EJUSDEM LOCI, perennis temporibus eum quieto ordine fruantes, & secundum utilitatem ejusdem Ecclesiæ gubernantes, attentius prædicti pueri exorent veniam, & æternæ beatitudinis gloriæ perceptionem, nostramque divinitus deprecantur felicissimam incolumitatem. Et ut hæc nostra Auctoritas plenior in Dei nomine obtineat vigorem, & a Fidelibus Sanctæ Dei Ecclesiæ nostrisque diligentius conservetur, veriusque credatur, manu propria subter eam firmavimus, & annuli nostri impressione subter assignari jussimus.

Signum Hlotharii, Gloriosissimi Angusti.

Druetemirus, ad vicem Egilmari, recognovi, & subscripsi.

Datum Nono Kalen. Februarii, Anno Christo propitio Imperii Domni Hlotharii Imperatoris duodecimo, Indictione decimatertia. Actum Papiæ Civitate in Dei nomine feliciter. Amen.

E Obsignatum vero etiam est ejusdem Hlotharii sigillo in cæra alba, cui effigies ipsius cernitur impressa, & hisce circumdata notis: ✠CHRISTE ADIVA HLOTHARIUM AUGUSTUM.

LXI. De Hlotharii porro cum Hirmingarde nuptiis, huc etiam prospectantes, jam diximus Num. 41. ad Annum Christi Octingentesimum vigésimum primum. Ante omnia nunc habemus, ejusdem Hirmingardis fratrem, nomine Hugonem, hac in Urbe (sicut ego interpretor) mortuum, non alibi certe, quam in hujus Ambrosiana Basilicæ Cœmeterio sepultum fuisse. Mortuus autem ille fuerat puerili quidem adhuc ætate, sed tamen ad rationis usum jam pro-
F vecta; ut proinde suffragio & remedio anima illa corpore soluta indigere potuerit. In ejus igitur remedium Hlotharius, ab Uxore rogatus, Limontam (sicut hodie vocitamus) legat Ambrosiano Cœmeterio sive Ecclesiæ huic Ambrosianæ, sive tam Cœmeterii quam Ecclesiæ hujus Rectoribus, hoc est, Ambrosiani hujus Monasterii Abbati & Monachis: in quorum itidem potestate Curtem protinus ac deinceps illam fuisse constat, frequenterque in sequentibus constabit. Præcisè vero illam legat in hunc finem: ut, quia olei ex olivis, & quidem pro-
batif

batissimi, ferax erat; sicut etiam est in præsentī, oleum inde suppeditaretur luminaribus, quæ jugiter hac in Ecclesia deberent ad ipsius decorem ardere: utque præterea ex ejusdem Curtis redditibus ornamenta pariter Ecclesiastica huic Basilicæ procurarentur.

LXII. Redeo nunc ad Aram Basilicæ maximam: deque augustissimo illius operimento (Tribuna vulgo appellatur) dicere aggredior: simul etiam de veteri pariter ac veneranda præsentis Odæi pictura musivique disseram opere. Dico autem, præsentis Odæi; quia locus erat olim muro interjecto seclusus ab Ara maxima; reliquoque Basilicæ spatio; locusque ille fortassis etiam Cella Sancti *Ambrosii* vocatus olim fuerat; quemadmodum Num. 20. conclusimus; & infra Num. 75. magis etiam confirmabitur. Tam Tribunal vero, quam operis ejus musivi auctorem vetus traditio affirmat *Gaudentium* fuisse: quem supra dicebamus ab *Angilberto* datum huic Monasterio Abbatem. Certe autem e posteriori Tribunalæ parte, Odæo obversa, liquido constare videtur, ejusmodi Tribunal nomine saltem Monasterii extructam, Sanctoque *Ambrosio* oblatam. In ea siquidem parte cernitur efformatus e cæmento similive materia Sanctus *Ambrosius*, inter alios duos Sanctos (quos quidem *Protasium* esse ac *Gervasium*, vel potius *Casium* & *Polemium*, illius Diaconos, in hac itidem Basilica sepultos, interpretamur) medius, rubrisque Dalmaticis indutus: cui unus hinc inde Monachus pro ni & supplices adstant: dexterque Tribunal ipsam, utraque comprehensam manu, illi offert: ejusdemque oblationi sinister item, protensis in offerentis & ipse morem manibus, annuit. Illum ego Abbatem, illum vero Priorem Monasterii hujus facile quidem conjectarim: quibus ipsummet Monasterium representaretur universum. An vero binæ illæ re quidem vera essent effigies Monachorum: certe quamplures Artis Periti, Anno etiam superiori trigesimo septimo supra sexcentisimum Millesimum in rem præsentem adducti, & pro rei veritate interrogati, responderunt asseveranter, eas sibi absque dubio tales prorsus videri: quin etiam suo quisque juramento id confirmarunt signatis tabulis, a publico etiam Notario comprobatis, quæ nostro in Archivo ad perpetuam memoriam asservantur. Ejusmodi autem Periti, tota Urbe notissimi, erant isti: *Carolus Pissina*, *Joannes Maria Arduinus*, *Joannes Antonius Verda*, *Petrus Jacobus* itidem *Verda*, *Bartholomæus Binagus*, *Aloysius ab Horto*, ac demum *Michaël Angelus Binagus*. In id ergo jurati omnes suametipsum manu subscripserunt die sexta Junii, præsentē simul & attestante *Ottavio Mangono*, publico *Mediolani* Notario. Sic etiam musivi ejus operis extremitate, Salvatori nostro medium illic locum tenenti sinistra, videre licet in Tabella quinas Litteras, sive *Gothos*, ut appellant, Characteres, totidem in se contracta vocabula indicanter continentes: quibus Artis hujus itidem Periti (præ his celeberrimum sufficiat *Ottavium Salvionum* nominasse) censuerunt isthæc sine dubio vocabula contineri, *ANGILBERTO, KAROLI LUDOVICO, FECIT FRATER GAUDENTIUS*. Quod si eæ ita significant; quisnam, obsecro, sensus poterit alius esse, quam hic? ut Frater hic *Gaudentius* musivum illud opus fieri fecerit, *Angilberto* Archiepiscopatum *Mediolanensem*, *Ludovico* autem *Karoli* (hoc est, *Ludovico Pio, Caroli Magni* filio) Regnum *Italiæ* atque Imperium moderante. Hinc igitur factum est, ut ego quoque tam Tribunalæ, quam operis ejus musivi structuram non in aliud conjecerim tempus, quam illud, quod ab initia per *Gaudentium* Abbatatiam hujus Monasterii effluxit usque ad Annum *Christi* Octingentesimum quadragesimum, quo *Ludovicus Pius* Imperatore vis excessit.

LXIII. Sed enim singulas Tribunalæ pariter ac sub-

jecti Altaris aurei partes, a fronte, a tergo, a lateribus, itemque universum illud opus musivum, paulo postquam fidelissime chartis sequentibus impressa ex ære producemus; ut in iis tanto quisque commodius ac maturius observare possit quæcumque representantur. Quod si nostra isthæc, quæve proxime subsequenter, conjectamenta Lectoribus placuerint; admittantur: sin vero secus; meliora proferant ipsi, & hanc a nobis gratiam ineant. Nonnulla tamen eorum symbola nobis adhuc fatemur ignorata, quid indicent. Dum igitur isthæc a ceteris interim discernemus; quid si forte provocata inde aliena ope nobis postea innotescant?

LXIV. Quod attinet ad Tribunalam: quatuor in primis porphyreticæ magnique pretii columnæ, quibus ea fulcitur, sese nobis offerent. Ad binos saltem cubitos eæ sunt tamen longiores, quam e pavimento exsurgant, & in oculos incurrant; sive quia collocatæ ita fuerint jam inde ab initio; sive quia progressu temporis pavimento, ipsis immotis, ad situm editiorem fuerit redactum. Easdem *Paulus Morigia* in Sanctuario affirmat huc translatas e Templo *Jovis*, cui antea defervissent, ubi nunc Monasterium extat Majus, jam inde ducentis ante annis, quam *Christus* Salvator pro nostra omnium salute nasceretur. *Morigia* vero adstipulatur etiam *Villa*; nisi quod in ambiguo relinquit, eæne fuerint antea in eo *Jovis* Templo, an in altero *Bacchi*, quod istiusmet *Ambrosianæ* Basilicæ situm antehac occupasset. Singulis porro ejusmodi columnis singulæ insistent seque porrigunt extrorsum aves, unaquæque piscem tenaciter unguibus & uniformiter complexæ. Quæ quidem nobis Aquilæ videntur; at vero, quid significant, alios malumus audire, quam temere nos quicquam effutire. *Pusterlæ* tamen familiæ gentilitium Aquila est insigne: nec mirum foret; si *Gaudentius* eas illic collocasset in gratiam *Angilberti*; cui & subiectum Altare aureum, & suametipsum ad Abbatiam istam promotio ex recenti deberetur.

LXV. Ejusdem Tribunalæ frons *Christum* præfert in medio sedentem, Sanctisque Apostolis, *Paulo* a dextris tradentem librum hinc verbis, ACCIPE LIBRUM SAPIENTIÆ; *Petro* autem binas Claves, a sinistris adstanti. Venerabilis nimirum antiquitas sic etiam consuevit aliquando: & quidem in ipsis etiam Sigillis, quibus Diplomata Summi Pontificis obsignantur. In his namque *Pauli* similiter effigies a dextris, *Petri* autem a sinistris collocata cernitur. Quocirca Beatus *Petrus Damiani*, qui Anno *Christi* Millesimo sexagesimo florebat, *Desiderio* Abbati hunc in modum respondit: Occurrit mihi, quod ipse a me quæstione proposita sæpenumero requisisti: cur videlicet in imaginibus picturarum per universas Romæ adjacentes Provincias PETRUS, QUI PRIMUS EST, AD SINISTRAM, COAPOSTOLUS AUTEM PAULUS CONSTITUATUR AD DEXTRAM; cum juxta vulgarem sensum hoc rerum ordo deponat, UT PETRUS, QUI SENATUS APOSTOLICI PRINCEPS EST, DEXTERUM DOMINI LATUS; PAULUS VERO, QUI MINOR EST, SINISTRUM JURE POSSIDEAT. Sed durum est valde, ut opinemur, quia tam egregium tamque famosum Apostolicæ dispositionis ordinem inconsulte atque inconsiderate devota Deo ac religiosa Vetustas admiserit. Neque enim credendum est, ut *Constantinus Imperator*, immo *Papa Silvester*, totque post eos Principes & Sacerdotes, in Ecclesiasticæ disciplinæ cura pervigiles atque solertes, hunc ordinem tantorum Principum negligendum ducerent; si increpatione aliqua dignum existimarent. Non igitur Majores etiam illi nostri hac in Urbe Principes ac Sacerdotes increpatione dignum existimabant; si *Christo* *Paulus* a dextris, *Petrus* vero a sinistris col-

locat-

locaretur; tametsi *Petrum* alioqui Caput Apostolorum, & auctoritate ab ipso *Christo* antepositum etiam *Paulo* faterentur. Quemadmodum enim *Petrum* propter ejusmodi auctoritatis præcellentiam *Paulo* nonnunquam dexterum collocabant, sicut in veteribus etiam Numismatibus observatum fuit; sic etiam vice versa ob alias causas non abs re futurum putarunt, si quando *Paulum* *Petro* dexterum collocarent.

LXVI. De hujusmodi vero causis differuerunt, *Paris Crassus*, olim *Pisauriensis* Episcopus, & Cæremoniarum Præfectus, ad *Leonem* Decimum scribens: ad *Gregorium* vero Decimum tertium *Franciscus Mucantius*, *Romanus*, Juris Consultus, atque Cæremoniarum & ipse Magister: *Joannes Molanus* Lib. 3. *De Historia Sanctorum Imaginum*, Cap. 24. *Robertus* Cardinalis *Bellarminus* Lib. 1. *De Romano Pontifice*, Cap. 27. Sed ante hos omnes *Petrus Damiani*, ad Abbatem illum *Desiderium* scribens, tum *Innocentius* etiam Papa Tertius in Sermonem *De Evangelistis*, & *Sanctus Thomas Aquinas* Lectione prima in Epistolam ad *Galatas*.

LXVII. Ego lubentius interim collectore simul ac teste utar *Bellarmino*: qui tandem admittens, Sanctum *Paulum* nonnunquam honoris causa in Signis & imaginibus a dextris Sancti *Petri* collocatum fuisse; hujus honoris hæc potissimum tres causas producit: *Prima* (inquit) quoniam plus ipse videtur Ecclesiæ profuisse, quam *Petrus*. Plures enim ex Gentilibus ad Christi fidem adduxit; plures Provincias summo cum labore peragravit; plura scripta, eaque utilissima, nobis reliquit. Ecclesia vero in colenda Sanctorum memoria, non tam respicit gradum honoris quem habuerunt in terris, quam utilitatis quam posteris attulerunt. Cum enim gratitudinis causa eos honoret; illis majorem cultum defert, quibus plus debet. Quod ipsum aliquot etiam aliis confirmat exemplis. Altera ratio est (subdit) quia *Paulus*, Doctor Gentium præcipue fuit; *Petrus* Judæorum. Ut igitur significaret Ecclesia, Gentiles Judæis tandem antepositos esse ab eo, qui dixit, Major serviet minori; *Paulum* anteposuit *Petro*. Tertia ratio esse potest; quoniam *Petrus* a Christo vocatus fuit adhuc mortali, & quodammodo in sinistris constituto; *Paulus* autem de cælo vocatus est a Christo immortalis, & regnante ac sedente a dextris Patris. Atque hanc rationem attingunt etiam *Petrus Damiani* in Epistola ad *Desiderium*, quam de hac ipsa questione scripsit: *Innocentius Tertius* in Sermonem de Evangelistis, & *Sanctus Thomas* Lectione prima in Epistolam ad *Galatas*. Quibus ego Auctoribus insuper addo *Gulielmum Durandum* in Rationali Divinorum Officiorum Lib. 7. Cap. 44. Sed ne quartam ego quidem causam hic addere cum eodem *Bellarmino*, quinetiam *Petro Damiani*, gravabor. Addit *Petrus Damiani* (verba sunt *Bellarmini*) & quartam rationem. Quia videlicet *Paulus* de Tribu *Benjamin* erat, & in ipso *Benjamin* demonstratus, ac typice expressus in Scripturis. Porro *Benjamin* etsi postremus erat inter fratres suos; tamen a patre filius dexteræ est appellatus, & a *Joseph* omnibus fratribus antepositus Vide in *Genesi* Cap. 35. & 42. Hæc *Bellarminus*.

LXVIII. Sed hæcenus argumenta communia, quibus Majores etiam nostri convenienter persuasi esse potuerint, ut Sancto *Petro* sinistram, Sancto autem *Paulo* dextram honoris ergo adjudicarent. Agedum vero jam videamus, an peculiare aliquod præterea illis præsto fuerit argumentum, cur in hac præsertim Basilica, quinetiam in hoc ipso Basilicæ loco, ubi Sanctorum *Ambrosii* & *Protasii* ac *Gervasii* Corpora conquiescerent, illud idem factitarint. Tale profecto argumentum mihi præ ceteris omnibus videtur illud esse potuisse; quod idemmet Sanctus *Paulus* Christiana fide *Protasium* & *Gervasium* instituerit; quodque postea Præsuli *Ambrosio* Cor-

A pora ipsorum indicarit, ut in hanc ipsam Basilicam translata, sub hoc Altari conderentur. Ecce, quid ipsemet *Ambrosius* hac de re narrat ac testetur Fratribus per *Italiam* constitutis, Epistola 53. In diebus transactæ nuper *Quadragesimæ* cum Dominus donasset mihi, ut jejunantium me faceret esse participem; in oratione positum ita me somnus oppressit, ut nec vigilans aperte, nec dormiens integre, viderem apertis oculis duos juvenes ephebos, vestibus candidissimis, id est, colobio & pallio, indutos, caligulis calceatos, manibus extensis orantes. Nullam quidem gravedinem patiens, loqui cum eis non poteram; sed quia, ut dixi, pars in me somni incumberebat, qui me ad eorum interrogationem verbum proferre non fineret. Plene autem mihi vigilantis visio eorum elapsa est. Factum est proinde, ut roga-rem Domini misericordiam: quod si ludificatio Dæmonum esset: abscederet: si vero esset veritas; plenius appareret. Ad impetrandum vero quod poscebam a Domino, augmentavi jejunium. Similique modo, canente gallo, orantes mecum juvenes apparuerunt. Tertia vero nocte, defecto jejunio corpore, non dormienti, sed stupenti, cum quadam mihi tertia apparuerunt, QUÆ SIMILIS ESSE BEATO PAULO APOSTOLO VIDEBATUR, cujus me vultum pictura docuerat: in tantum, ut ipse mecum, illis tacentibus, loqueretur, dicens: Isti sunt, qui monitis meis obtemperantes, prædicia & divitias respuentes, secuti sunt Domini nostri Jesu Christi vestigia: nihil terrenum nihil carnale concupiscentes; in media hac Mediolanensi Urbe per decem annos in Dei servitio perdurantes, ad hoc pertingeremur, ut Christi Martyres fierent. Quorum Corpora in loco invenies, in quo stas & oras. Duodecim pedum altitudine terra coepertam Arcam invenies: quam Arcam superius exaltabis, & in nomine eorum Ecclesiam fabricabis. Cumque eorum nomina requirerem; dixit mihi: Ad caput eorum libellum scriptum invenies, in quo & ortus eorum & finis scriptus est. Convocans itaque omnes per circuitum Fratres & Coepiscopos Urbium vicinarum, & referens universa, quæ videram; ipsis coram positis, primus ego terræ fossor accessi; ceteri vero Episcopi prosecuti sunt; & fodientes pervenimus ad Arcam, QUAM SANCTUS PROMISERAT PAULUS. Quam aperientes, invenimus quasi ipsa hora positos Sanctos, miro odore fragrantibus. Ad quorum caput libellum invenimus, in quo erant hæc per ordinem conscripta: &c. Dum vero Sanctus ipsemet *Ambrosius* tam luculenter testatur; quid hic præterea desideremus, ubi Beatum *Petrum Damiani* Anno Christi Millesimo quinquagesimo nono ad Mediolanenses nostros ita perorantem recolamus ex ejusdem Opusculo quinto? Non debet (inquit) ignorare sancta vestra devotio, quia Beati Apostolorum Principes, *Petrus* & *Paulus*, sicut per suum sanguinem Romanam Ecclesiam consecrarunt: ita mox inter ipsa nascentis Fidei rudimenta hanc Mediolanensem Ecclesiam per suos Discipulos lucrati sunt Christo. *Nazarius* quippe, Martyr insignis, sicut Scripturæ testantur, *Petri* auctoritate Baptisma a *Lino* ejus successore suscepit: qui postmodum cum Beato *Celfo* in hac sancta Urbe martyrio coronatus est. SANCTI VERO MARTYRES PROTASIIUS ATQUE GERVASIUS BEATUM PAULUM APOSTOLUM MAGISTRUM AC PRÆCEPTOREM HABUISSE NOSCUNTUR; SICUT BEATO AMBROSIO ET IPSE TESTATUR. Isti sunt (inquit) qui monita mea secuti, respuentes prædicia & divitias, secuti sunt Domini nostri vestigia. Sicut ergo Salvator noster binos ante faciem suam Discipulos misit; ita quodammodo uterque Sanctus Apostolus ex Magisterio suo in hanc Urbem Prædicatores sanctæ Fidei geminos destinavit. Cum ergo vestra salutis auctores ex Romanæ Ecclesiæ prodierint disciplina; consequens est, juxta æquitatis ordinem, ut Ecclesia Romana mater, Ambrosiana sit filia. Vid autem, quam fidenter super his, & ejusmodi aliis quæ sub-

subdit, loquatur *Petrus Damiani*. Sic enim nostros tunc temporis *Mediolanenses* ad suas ipsorum tabulas provocat signatas: *Scrutamini itaque Scripturas vestras, & per quod vultis diligenter inquirite & si non potestis apud vosmetipsos invenire quod loquimur; mendacii arguite: si autem potestis; nolite veritati resistere; nolite Matrem vestram crudeliter impugnare; sed ex cujus uberibus lac fuxistis Apostolicæ Fidei, ejus semper gaudete solidis doctrinæ celestis dapibus recreari*. Placet autem, quod, dum singularia Sancti Pauli erga Ecclesiam *Mediolanensem* atque hanc in primis *Ambrosianam* Basilicam commemorare merita destinaveram, simul etiam non-nihil e Sancti Petri meritis erga eandem Ecclesiam insinuare potuerim. Quo etiam forte factum est, ut ambo iidem Apostoli fuerint a Majoribus nostris, animi grati causa, in hac anteriori Tribunæ parte, tam conspicuo nempe in loco, expressi.

LXIX. Sic itaque dexteram censemus honoris esse signum: & in hoc quidem Doctorem quoque nostrum sequimur Sanctum *Ambrosium* Sermone 61. qui est *De Pentecoste*: præterea vero etiam Sanctum *Hieronymum* in Caput primum Epistolæ ad *Ephesios*. *Antonius* quidem *Nebrissenfis* in Explicatione quinquaginta locorum Scripturæ, & ex ipso *Bartholomæus Cassaneus* *De gloria Mundi*, contendunt, Sanctum *Petrum* in sinistro latere collocari; quia læva pars pro digniori apud antiquos habita fuerit: quam opinionem *Bellarminus* quoque Libro 3. *De Incarnatione*, Cap. 15. & Libro primo, jam citato, *De Romano Pontifice*, Cap. 27: non omnino improbat. Ego tamen *Joanni* potius *Molano* assentior, id neganti una cum *Mucantio*, a quo etiam docte id ipsum refutatur. Sicut autem in anteriori hac Tribunæ parte *Paulum* credidimus honoris ergo ad *Christi* dexteram collocatum; sic etiam constanter hoc idem postea sentiemus de Sancto Martyre *Protasio*, ad *Christi* dexteram stante in Odæo, cujus picturam musivumque opus postea ex ære itidem hic profere-mus impressum.

LXX. De anteriori Tribunæ parte satis hætenus dictum. De ipsius tergo, posteriorique parte, quod præcipuum erat, jam diximus Num. 62. tantumque nunc supereft, ut isthæc duo adjiciamus. Etenim supra Sancti *Ambrosii* caput *Christus* illic adest brachiis erga ipsum expansis, perinde ac si amplexari eum vellet: ac forte per hoc alludere voluerunt ad amœnissimum illud *Ambrosii* visum, quod a Sancto *Paulino* narratur in ejusdem Vita. Cum enim *Ambrosius* jam æger in lecto decumberet: cumque paucos ante dies, quam moreretur, oraret una cum Sancto *Bassiano*, *Laudensi* Episcopo; vidit Dominum *Jesum advenisse ad se, & arridentem sibi*. Ad hæc in ejusdem tergi lateribus duæ visuntur aves, sese invicem contuentes: quarum in dextro latere cygnus, in sinistro autem columba mihi videtur; at quid eæ significant, ne levi quidem conjectura tentare in præsentem ausim.

LXXI. Sed ne facilius quidem est intelligentia illud assequi, quod in ejusdem Tribunæ dextero latere continetur. Medius ibi stat Vir Sanctus sicut e circulo, sive diademate, liquet, ad ejus occiput, hoc est, posteriorem capitis partem, circumducto: cui Sancto bini homines laici sese suppliciter, unus hinc, alter inde, acclinant. Archiepiscopum esse illum certe constat ex Archiepiscopali Pallio, quod illi, Cruce signatum ad pectus, instar fasciæ zonæque latioris, a collo fluit usque ad pedes; quemadmodum etiam Græcis in usu fuisse, observavit eruditus *Angelus Rocca Camers*, Apostolici Sacriarii Præfectus, in Sancti *Gregorii Magni* ejusque Parentum imagines; quas, ejusdem Operum Tomo primo ad finem insertas, Notis suis illustravit. Sed Archiepiscopi ejus Sancti, quod mireris, caput regia cinctum est Corona: quam illi e vertice pendula supra

A frontem manus imposuisse videtur: quamque primo statim aspectu simillimam ego censui Coronæ *Ferreæ Modoënsi*, qua Reges *Italiæ* coronabantur. Hæc autem cum ita se habeant; ecquem alium ego Sanctum esse Archiepiscopum hic existimem, quam *Ambrosium*, pontificalibus indumentis amictum? cujus propterea frontem Corona illa *Ferreæ*, certe propter adnexum Dominicæ Crucis Clavum sacra, exornarint; quia saltem per ejus Successores Archiepiscopos hoc jam tempore coronari ea Reges *Italiæ* solerent.

B LXXII. Quidnam vero tandem illud est, quod effigies illæ significant, quæ nobis e sinistro Tribunæ latere sese offerunt in conspectum? Tres & ipsæ numero sunt personæ, sexumque scæmineum ex æquo representant. Quæ porro medium inter ipsas locum tenet, Columbam gestat, capiti suo alis expansis incubantem: necnon etiam circulo illo post occiput circumducto testimonium præfert sanctitatis: proptereaque binæ alteræ laterales, & instar Monialium *Benedictinarum* manicatæ, sese illi reverenter sistunt. Eandem propter illius Columbæ indicium ego facile conjectassem Sanctam esse *Scholasticam*, Sancti *Benedicti* Abbatis sororem. Siquidem in ejus etiam humero appictam in Ecclesia Monasterii Majoris videre licet Columbam; quia scilicet ipsius animam, mortali egressam e corpore, Sanctus *Benedictus* viderit in *Columbæ specie Cæli secreta penetrare*; sicuti Sanctus loquitur *Gregorius Magnus* Libro 2. *Dialogorum*, Cap. 34. Ex altera vero parte vel hic ipse Tribunæ situs deposceret, ut eandem potius esse crederem Sanctam Virginem, Virginumque Magistram, Spiritu afflatam divino, *Marcellinam*, ejusdem *Ambrosii* sororem, nec procul hinc hac ipsa in Ecclesia sepultam. Sed satius profecto fuerit hoc aliorum discussioni judicioque reservasse.

C LXXIII. Antequam supra Sanctorum *Ambrosii* & *Protasii* *Gervasii*que Corpora construeretur aureum Altare, nihil ego quidem dubitaverim, quin sacer ille locus cancellis aliquibus saltem ad reverentiam circumseptus ac munitus esset. Atqui post aureum illic Altare multo credibilis est firmioribus etiam præfidiis consultum fuisse, ne quispiam, illuc auri sacra fame adactus, hanc e sacro illo Altari exsaturare posset. Ex eo igitur ad minus tempore septum ferrea crate nos credimus utrumque illud intercolumnium, quod e regione laterum Altaris absque dubio hinc inde a prima sui & Basilicæ structura carebat muro, ac fortasse transitum etiam Populo liberum præbebat ad Sanctorum Corpora propius veneranda. Non enim tunc adstructo muro, qualem in præsentem cernimus, oppletum fuit; sed post aliquot inde annorum centurias, quemadmodum sub hujus Voluminis extrema indicabimus. Sic etiam tunc temporis constructa videtur præalta illa & firmissima e ferro crates, quam tribus ab hinc annis vidimus inde sublatam, substitutis in ejus vicem nobilioribus hisce cancellis, qui nunc erecti manent, jamque potiorem ornamentorum suorum partem ostentant. E quibus hinc inde pilis lapideis novi cancelli nunc incipiunt modico ad Basilicæ medium flexu, quo situm paulo laxiorem peragendis ante Altare sacris ceremoniis relinquant: indidem vetus illa crates recta linea deducebatur: hæcque lapideis inferne tabulis, hodierno quoque pavimento æqualibus, quæ supremum illic gradum constituiebant, insita erat. Qua vero transitus ante Altare patebat, tam gradus ipsi, quam vasta pavimenti e solido marmore tabula primum obvia, usque adeo attritu pedum absumpta & velut excavata erant, ut vel inde satis superque dignosci posset cum temporis diuturnitas, qua gradus illi ac pavementum perstarent, tum etiam quanta olim frequentia sacrosanctum istud sepulchrum a Fidelibus adiretur. Ejusmodi lapidum sic absumptorum indicio adhuc

huc aliquali esse potest vetus ipsemet ille gradus similiter marmoreus, quo hincinde a tergo Altaris transitus etiamnum patet. Miraberis profecto, quodcumque hunc in ea parte videris usque adeo absumptum; & tamen longeminus hic est absumptus, quam illi forent anteriores, recenter e medio sublatis. Ceterum vetus eadem illa crates lapideis itidem tabulis superne inferebatur, inter utramque pilam continenter apicis & coronidis instar collocatis tum supra baculos cratis ejusdem ferreos: tum etiam supra quatuor interstantes e vivo quadratoque lapide tabulas. Quocirca pręgravis etiam erat illius vertex: ac, ne alterutram in partem corrueret, necesse visum fuit, ut adminiculo duarum e ferro linearum satis ingentium sisteretur: quę lineę ab unaquaque anteriorum Tribunę columnarum ambę protenderentur ad unamquamque singillatim earum intra cratem interstantium tabularum, sibi ex adverso respondentium; itaut hinc tabulis istis, inde vero capiti cujusque illarum columnarum (unde paululum adhuc prominent, lima defectę) consistę plumbo, tantam cratis molem continerent. Cui quidem molli superstabat nova veluti sepes e ferreis ad cubiti altitudinem aculeis (horum duo ad specimen superstant adhuc duabus illis hinc inde pilis) ne quis cratem a superiori parte transcendere valeret. Tam scilicet providi beneque cauti fuerant Majores illi nostri, ut Altare istud aureum, talibus interpositum munimentis (hoc est, muro a tergo, a fronte vero & a lateribus crate ferrea) nullius unquam esset rapacitati obnoxium. His igitur hunc in modum pręmissis, accipe nunc Lector, quę sequuntur, quatuor ex ære tabulas: quęve de singulis Tribunę subiectique Altaris partibus adhuc nos diximus, tu commodius cum iis conferto.

LXXIV. Ex his autem, quę de situ pavimenti ejus, Altari aureo intra talia ipsius septa circumjacentis, proxime dicebamus, colligi utcumque posse videtur, quid pręcise censendum sit de quatuor illis porphyriticis columnis, ad quatuor ejusdem Altaris cornua consistentibus: hoc est, utrumne illę ibi primum collocatę fuerint post Altare aureum ab *Angilberto* constructum; an potius antehac ibidem constitissent, atque etiam ex eo fortasse jam tempore, quo Sanctus *Ambrosius* ibi primum Altare struxit, vel quo saltem Sanctorum *Protasii* & *Gervasii* Corpora ibidem tumulavit. Quicquid Tribunę talibus hisce columnis superstructum videmus in hanc usque diem: hoc ego jam ante consensi, vel etiam famę, rursusque consensio, nomine Monasterii a *Gaudenzio* Abbate constructum & Sancto dicatum *Ambrosio* fuisse; sicut in ejusdem Tribunę tergo indicari asseriebamus: & hoc paulo post, quam eo in loco *Angilbertus* aureum Altare construxisset. Quod si etiam tum columnę ibi primum erectę fuissent; quis unquam credat futurum fuisse, ut non tantum subiectę bases, verum etiam columnę ipsę ad binos circiter cubitos infra pavementum, sicut hodieque videmus, deicerentur? Quid enim obstabat, ne ipsęmet etiam bases juxta pręscriptum Artis eidem supereminerent pavimento? Immo vero quid non hoc ipsum exigebat? Absit enim, ut vel ipsamet structurę proportio id unquam permisisset: juxta quam Tribuna ista non potest non naniformis æstimari. Quod, ut opinor, attendens *Joannes* Episcopus *Famagustanus*, Anno *Christi* Millesimo quingentesimo septuagesimo sexto *Mediolanensis* Urbis ac Diocesis Apostolicus Visitator, cum Basilicam istam die secunda Maji ex officio lustrasset; inter cetera, quę suo nos tempore singula recensebimus, mandavit, ut eadem columnę ipsarumque bases ita sustollerentur, ut supra pavementum erectę consisterent. Quamquam id postea neutiquam factum: scilicet, ut credere fas est, ob alias majoris momenti rationes: pro-


pter quas etiam fortasse olim *Gaudenzio* Abbati visum fuerit magis opportunum, vel etiam necessarium, ut ea primori suo in loco dimitterentur immotę. Ego igitur ita potius existimo: ut, quo tempore columnę illę primum ibi erectę fuerunt, tunc earum etiam basibus inferius ac depresso esset pavementum: sed hoc postea, illis immotis, elevatum fuerit: ac tum maxime, quando altius contegi sacra Corpora, & auream ipsis Aram superstrui placuit. Quocirca hinc etiam ego ulterius conjectando ita progrediar, ut non improbem; si quis dixerit, auream hanc Aram ipsimet primęvę Arę, quam olim struxerat Sanctus *Ambrosius*, superędificatam fuisse: pręterea vero etiam columnas istas primitus hic fuisse ab eodem *Ambrosio* collocatas: & quidem congruenter ad eum situm, in quo suam ipse Aram construxerat. Certe autem convenienter ad hęc, interea, quę mox in Odęo picta & observatu digniora conspiciemus, Sanctus etiam erit *Ambrosius*, super hac ipsa Basilicę Ara Missam celebrans: nec non etiam sub Tribuna, quatuor itidem innixa columnis, quarum etiam bases aliquantulum pavimento ex Arte superstarent: sic etiam sub Tribuna diversi operis, ac minus elaborati, quam illud sit, quo ipsam postea fabricatam hodieque conspiciamus. In id ergo cecleriter tabulam offerimus sequentem: ipsamque cupimus diligenter examinari prius, quam subsequens nostra explicatio perlegatur.

LXXV. Sic igitur inspecto prius Chori musivo, dum libentius ego quoque ad ipsius examen ac mysteria sigillatim edisserenda progredior, ab ejusdem sinistro incipiam latere: quod ea incipit Tabella, *Gothis* characteribus inscripta, de qua satis jam diximus Num. 62. Sequitur ergo, ut proximam illi Ecclesiam *Faustę* solerter attendamus. Inde autem spero fore, ut apprime confirmetur quod antea disseribam Num. 19. cum Basilica *Faustę*, sive *Fausiniana*, non alibi sita olim fuisse mihi videretur, quam ubi nunc Cappella extat, quę SANCTI SATYRI nuncupatur, quęve aliquando SANCTI VICTORIS AD COELUM AUREUM dicta fuit. In ejus utique concamerato fastigio tunc effigiem Sancti *Victoris* observabam, sinistro e latere gestantis Crucem dictione ista inscriptam, FAUSTIN. In hoc autem nunc Odęo per Ædiculam illam, cui stat inscriptum ECCLESIA FAUSTÆ, non aliam video destinari, quam eandem ipsam Sancti *Satyr*i Cappellam. Figurę illa est orbicularis? Sic etiam est ista. Lateralis illa est *Ambrosianę* huic Basilicę a parte Monasterii? Sic etiam est ista. Ecquęnam vero altera olim saltem sic erat? Numquid Ecclesia forte Sancti *Vitalis*, quę prope Basilicam istam olim extabat? Ita sane multi respondeant necesse est, quos ego quoque infra commemorabo. Sed ea profecto Sancti *Vitalis* Ecclesia non orbicularis erat figurę, sed oblongę, soloque coopertę tecto, sine fornice, ac sine altiori aliquo fastigio, quod ipsimet tecto superemineret; sic enim a nonnullis senibus, qui eam viderunt, accepimus; e quorum etiam numero Frater est *Alexander de Valentibus*, Monasterii hujus Religiosus. Sic etiam lateralis ea non erat *Ambrosianę* Basilicę; sed ipsi a tergo post hodiernum Chorum, & aliquantum ab eo distita, stabat; sicut e sequentibus apertissime constabit. Quocirca, si ea olim fuisset Ecclesia *Faustę*; certe in hoc musivo Chori ornamento collocanda fuisset, non ubi nunc collocata visitur ipsamet Ecclesia *Faustę*; sed post Ædiculam illam, quę separatim edita in altum & rotunda conspicitur post Tribunam, sub qua sacris operantem mysteriis Sanctum *Ambrosium* expresserunt. Qua quidem Ædicula, quis neget, hodierni Chori parietes ambitumque illum representari, quem Num. 20. apertissime ostendimus ab Altari reliquoque Basilicę spatio separatum interjectio-




TRIBUNÆ Subjectique ALTARIS pars anterior.





TRIBUNÆ Subjectique ALTARIS pars posterior.





TRIBUNÆ subjectique ALTARIS latus dexterum






TRIBUNÆ Subjectique ALTARIS latus Sinistrum.











CARMINA, ET RELIQUAE TABULARUM INSCRIPTIUNCULAE,
PROUT IN ALTARIS AMBROSIIANI TERGO DISPOSITA SUNT;
Excepto, quod nos in gratiam Lectoris, ubi licuit, plus spatii posuimus
inter singulas dictiones, quam Litteras.

GREGIUS QUOD PRÆSUL OPUS SUB HONORE BEAT			EMICAT ALMA FORIS UTILOQUE DECORE VENUSTARCA METALLORUM GEMMISQUE COMPTA CORUSCATHESAURO TAMEN HÆCCUNCTO POTIORE METALLO		
SIBUS INTERIUS POLLET DONATA SACRATI			E MISERANTE DEUS DONUM SUBLIME REPORT E		
UBI PEDEM AMBROSIIUS CALCAT DOLENTI	UBI IHESUM AD SE VIDET VENIENTEM	SANCTUS MICHAEL.	SANCTUS GABRIEL	UBI AMMONITUS HONORATUS EPISCO- PUS DOMINI OFFERT CORPUS	UBI ANIMA IN CELUM DUCITUR CORPO- RE IN LECTO POSITO
UBI OCTAVO DIE ORDINATUR EPISCOPUS	UBI SUPER ALTARE DORMIENS TURONIAM PETIT	SANCTUS AMBROSIIUS	SANCTUS AMBROSIIUS	UBI SEPE LIVIT CORPUS BEATI MARTINI	UBI PRÆDICAT ANGELO LOQUENTE AMBROSIIUS
UBI EXAMEN APUM PUERIOS COMPLEVIT AMBROSII	UBI AMBROSIIUS EMILIAM PETIT AC LIGURIAM	DOMNUS ANGILBERTUS	WOLVINIUS MAGISTER PHABER	UBI FUGIENS SPIRITU SANCTO FLANTEREVERTITUR	UBI A CATHOLICO BAPTIZATUR EPISCOPO
INCLITUS AMBROSII TEMPLO RECUBANTIS IN ISTO BTULIT ANGILBERTUS OVANS DOMINOQUE DICA VITEMPORE QUO NITIDÆ SERVABAT CULMINA SEDIS					

ne muri fuisse usque ad Annum Christi Milleſimum quingentimum ſeptimum? Conſequens eſt igitur, ut Baſilica illa Eccleſiaque *Fauſta* non acceperit poſtea nomen Sancti *Vitalis*; ſed proſecto Sancti *Victoris* ad Cœlum aureum, ac deinde Sancti *Satyr*i; ſicut in hanc uſque diem appellatur. Ejuſmodi autem argumentum, ab hoc miſivo deductum, tanti ego faciendum exiſtimo, ut, eo convictus, ab iis omnibus diſſentire Scriptoribus cogar, qui nobis adhuc oppoſitum tradiderunt.

LXXVI. Ex his enumerare aliquos præſtat: quos alioqui magno in pretio habemus. *Gualuaneus* in primis *Flamma* in Chronico Majori ſic habet cap. 90. *Conſtructo ergo Templo Salvatoris, Fauſtus, Philippi filius, conſtruxit Eccleſiam Fauſti in vinea, ubi pro Chriſti Fide poſtea fuit interfectus. Iſta Eccleſia dicitur nunc Sancti Vitalis: ubi uſque hodie miraculum magnum apparet* (hoc enim nos quoque obiter addamus) *quia ibi nec aranea nec avis aliqua habitare poſeſt.* Nec ab his idem *Gualuaneus* diſcrepat in Chronico Minori, quod *Manipulus ſlorum*, cap. 32. Sic etiam Chronicon alterius Scriptoris, *Flos ſlorum*, affirmat: necnon etiam *Donati Boſſii* Chronicon ad Annum Chriſti Nonageſimum: *Trifſtanus* item *Chalcus* poſt Annum Chriſti Septuageſimum primum: ſimiliter *Bonaventura Caſtellioneus*, author Libri typis jam editi, cui titulus, *Gallorum Inſubrum antiquæ Sedes*. Hic alia etiam multa conſcripſit, de quibus *Paulus* agit *Morigia* Lib. 3. *Della Nobiltà di Milano*, cap. 5. Præter quæ tamen ſcripſit etiam Vitas undecim Archiepiſcoporum, Sancti *Ambroſii* anteceſſorum: quæ in Capituli Metropolitanæ Bibliothecæ manuſcriptæ conſervantur; tametſi nos illas ibi quæſierimus in caſſum; & invenire nimis ope-roſum erat; quippe cum Bibliothecæ illius Codices Manuſcripti necdum fuerint in Indicem redacti. Forte fortuna Sancti *Caſtriciani* Vitam, tamquam ab ipſo conſcriptam, & tamquam ex illius Bibliothecæ Codice exſcriptam, nos in Archivo noſtro comperimus. Quia igitur & ipſe ad ſua uſque tempora (ferme autem ſeptuagenarius vixit uſque ad Annum Chriſti Milleſimum quingentimum quinquageſimum quintum) perſeveraſſe in Eccleſia Sancti *Vitalis* affirmat illud ipſum (dixerim privilegium) quod *Gualuaneus* de araneis & avibus teſtabatur; propterea etiam eo libentius hic proferam ipſius teſtimonium. Eſt autem, ſicut illud comperi, fermone contextum Italico in hæc verba: *Ottenuè Caſtriciano da Fauſto e Portio l'orto loro col paterno palaggio interamente. E tutto ridotto in arbitrio della Chieſa; Fauſto, ad imitatione del Padre, dentro la parte della vigna ſua hereditaria fece conſtruire un'altra Baſilica ſacra in honore di Chriſto, chiamata Fauſtiniano, ma poi col tempo ottenue il nome di San'Vitale: nella quale Fauſto dalli nemici de Fedeli fu tumultuariamente ucciſo. Ne mi pare fuor di propoſito (parlando di queſta Baſilica) far menzione di quanto inſino al di preſente ſi è oſſervato: che in eſſa, quantunque humida, mal ſolicata, ſenſa ſolaro, e tutta anticaglia, col nudo tetto; non habitino ragni, nè mai ſi videro in eſſa tele; e piu, che non vi entrano augelli, ancorche da ognicanto poteſſero entrare.* Quid, quod etiam nobis hac in parte adverſatur Breviarium *Ambroſianum*, poſt Sancti *Caroli*, Cardinalis & Archiepiſcopi noſtri recognitionem Anno Domini Milleſimo quingentimo octuageſimo ſecundo typis impreſſus? cuſus verba reſolvi hoc rurfum loco poſſunt e Num. 5. ubi ea produximus. Quamquam etiam ne hic quidem omiſerim, quæ prius legebantur in anteriori ejuſdem Breviarii editione Anni Milleſimi quingentimi quinquageſimi ſecundi: e quibus additamentum illud, quod maxime nobis in præſenti repugnat, nonniſi poſtea factum eſſe dignoſcitur. Ibi namque in ejuſdem Sancti *Caſtriciani* Lectionibus,

A ſub Kalendis Decembris, quod ad noſtrum pertinet inſtitutum, hæc ſolummodo habebantur: *Qui ejuſdem Eccleſiæ Antifſtes poſt Cajum domum Philippi nobilis viri extra muros Urbis ab occidentali parte Eccleſiam conſecravit. Creſcente poſtmodum Fidelium numero, duobus Philippi filiis rogantibus, duas iterum Eccleſias ſecundum eorum nomina conſecravit: unam videlicet Portianam, alteram Fauſtam nuncupans.* Quibus proſecto in verbis nihil eſt, quod adhuc nobis adverſetur; ut infra diſſeremus Num. 80.

B LXXVII. Sed enim *Carolus a Baſilica Petri*, dum nobis & ipſe adverſatur, ſimul etiam pro nobis deſcribit locum, quo Sancti *Vitalis* Eccleſia olim ſita erat: talem ſcilicet, qualem nos in argumento nobis aſſumebamus; proindeque penitus diverſum ab eo, quem in Odæo Eccleſia *Fauſta* occupare ſignificatur. Operæ igitur pretium nobis erit illa eadem recensere, nec non etiam ex Archivo poſtea noſtro aliquatenus confirmare, veletiam corrigere. Sic autem ſe habent in *Hiſtoria Mediolanenſi*, & in Sancto *Caſtriciano*, Archiepiſcopo Quarto: *Reliquæ due (Baſilicæ) a duobus Philippi filiis, Portio & Fauſto, una Portiana, altera Fauſti, dictæ traduntur: illaque mox Sancti Victoris, hæc Sancti Vitalis nomine dicata.* Et paulo poſt: **FAUSTI BASILICA, POSTEA SANCTI VITALIS, QUÆ INTER BASILICAM FRANCISCANAM** (hæc prius Philippi, rum Sanctorum *Felices* & *Naboris* dicebatur) **ET AMBROSIANAM POSITA EST** (quid apertius optare poteramus?) *titulum Paræciæ habebat. Sed Carolus Archiepiſcopus, ita poſtulare adminiſtrationis Eccleſiaſticæ ratione, nuper mutavit: & ab ea Corpus Sancti Monæ Archiepiſcopi abſtulit, ut ſuo loco dicemus: putoque, eam Edibus Monachorum, qui ad Baſilicam Ambroſianam habitant, eſſe adjunctam.* Hæc ille ibi. Qui & poſtea in Sancto *Monæ*, Archiepiſcopo Sexto, hæc ſubdit: *Corpus ejus in Baſilica Fauſti, poſtea Sancti Vitalis, ſub Altari majori conditum erat: ſed ea cauſa, quam in Caſtriciano attigimus, Carolus Archiepiſcopus tranſtulit in Baſilicam Majorem Sexto Idus Februarii, Milleſimo quingentimo ſeptuageſimo ſexto, Feria quarta.* Hæc ille; ſed aliquatenus etiam procul a vero, ut mox videbimus.

D LXXVIII. Res igitur ſecundum publica & probata noſtri Archivi Documenta hunc in modum ſe habuit. Inter Baſilicæ *Philippi* ſive *Franciſcanæ* frontem, ac tergum ſive *Chorum Ambroſianæ*, tametſi ſpatium uſque adeo anguſtum intercederet, nihilominus tres olim ſtabant (quandocunque conditæ antehac eſſent) Eccleſiæ, ſpatiis inter ſe anguſtioribus diſjunctæ. Atque vel hinc etiam loci huius apud Majores noſtros ſanctitatem magis adhuc admireris. **E** Prima, & *Franciſcanæ* propinquior, erat eſtque adhuc Eccleſia Sanctæ *Valeriæ*, Sanctorum *Protaſii* & *Gervafii* Martyrum genitricis: ſecunda, & media, erat Sanctorum *Vitalis* & *Agricolæ* Martyrum: **F** tertia, & *Ambroſianæ* propinquior, erat Sanctorum *Petri* & *Pauli* Apoſtolorum in Infirmaria. Primam ergo Sanctus, denique *Carolus* Collegio Mulierum Converſarum addixit in perpetuum, eandemque illæ poſſident etiam in præſens: ſecunda & tertia e medio jam ſublatae fuerunt. Atque ut de ſecunda ſigillatim loquamur: Parochialis hæc tandem erat, quinetiam deſuncto Rectore ſuo ultimo viduata: ſed & ruinam minitabatur, maximaque, indigebat reparatione; cum alioqui reditus ipſius eſſent admodum tenues, neque valorem centum ſeptuaginta librarum Imperialium annuatim excederent. Hanc igitur præſertim ob cauſam *Carolus* deliberavit ante omnia de nomine Parochialis Eccleſiæ ſubprimendo; illiſque propterea Parochianos aliis circum Paræciis ſubjecit. Eccleſiam porro ipſam, ædemque parochialem ipſi adnexam, tradere quidem Monasterio deſtinabat; cum hac tamen conditione, ut ab ipſo

ipso vicissim Mulieribus illis Sanctæ *Valerie* Con-
versis traderentur quædam domus, ipsis contiguæ,
atque ad ipsarum domicilia, sicut ob earundem
multitudinem opus erat, amplificanda perquam op-
portuna. Sed cum Abbas & Monachi conditionem
istam recusassent; Archiepiscopus ipsammet Ec-
clesiam & domum iisdem illis Mulieribus Anno
Christi Millesimo quingentesimo septuagesimo se-
cundo, Indictione quintadecima, die Lunæ, quin-
to mensis Maji, rite applicuit. Exinde tamen in-
ter eas Mulieres & Monachos nostros, ex ejusdem
Archiepiscopi consensu, agitatum, & in hoc deni-
que conventum fuit: ut Monachi, accepta Eccle-
sia (quæ tamen prius profanaretur) & domo illis
traderent certam viridarii sui partem, ac Directa
quædam & Ficta libellaria; prout continetur in pu-
blico Instrumento, super hoc rogato (sicut & pri-
mum illud fuerat) per *Bartholomæum Parpalionum*,
Curie Archiepiscopalis Cancellarium, Anno Domi-
ni Millesimo quingentesimo septuagesimo quinto,
Indictione tertia, die Jovis, nono mensis Junii. Quo-
circa Sanctus deinde *Carolus* octava Februarii die
(quemadmodum etiam *Carolus a Basilica Petri*, testis
oculatus, & in parte operis assistens, testabatur)
Anno Millesimo quingentesimo septuagesimo sexto,
solemniter inde ad Basilicam Metropolitanam tran-
tulit Corpus Sancti *Monæ* Archiepiscopi: deinde
vero quarta die Aprilis Ecclesiam ipsam profanos ad-
usus redegit. Cum vero Summi etiam Pontificis
Gregorii Decimi tertii consensu & approbatione ist-
hæc omnia Calendis Augusti confirmata fuissent An-
no *Christi* Millesimo quingentesimo septuagesimo se-
ptimo, Pontificatus autem sui sexto: cumque Mo-
nachi nostri, jam in possessionem inducti, eandem
Ecclesiam deiecerint; facultatem postea certis qui-
busdam conditionibus Anno Domini Millesimo quin-
gentesimo septuagesimo nono, die tertia Octobris,
Jurisconsulto cuidam, *Hippolito Lampugnano*, semet
sponte offerenti, dederunt, ut suis ipse sumptibus,
sed ipsorum nomine Monachorum, in eo ipso Ec-
clesiæ dejectæ situ nobile domicilium construere-
Constructum ergo illud jam erat Anno Millesimo
quingentesimo octuagesimo primo, vigesima tertia
Februarii die; quemadmodum constat ex Instrumen-
to, tunc Monachos inter & *Lampugnani* confecto:
idemque domicilium stat adhuc, & ex eo pariter
tempore in Monasterii hujus libris & inter Mona-
chos communiter ac passim DOMUS SANCTI
VITALIS in hanc usque diem appellatur. Quæ-
risne vero jam tandem, ubinam extet hoc ipsum
domicilium? Illud ipsum nimirum est, quod a *Franci-*
scana Basilica tendentibus e latere Monasterii nostri
ac sinistro, ad *Ambrosianam* est postremum: cui pro-
pterea contermina est prægrandis ea porta, per quam
inde ingredimur in aream præjacentem alteri portæ,
qua Monasterium ipsum introimus. Ibidem igitur
sitæ etiam olim erat Sanctorum *Vitalis* & *Agricolæ*
Ecclesia: & ita quidem disposita, ut unica ipsius
porta minor & lateralis esset obversa plateæ, quæ
portis hinc Canonice *Ambrosianæ* inde vero *Franci-*
scanæ Basilicæ interjecta est; altera vero major &
anterior obversa esset areæ mox dictæ, proindeque
etiam hodiernio *Ambrosianæ* Basilicæ Odæo; quo
tandem omnis hæc nostra descriptio tendebat. Sic
etiam porro senes illi pariter, quos supra dicebam,
præcise tamquam oculati testes e certa scientia nobis
asserunt: ac nominatim Frater etiam ille noster
Alexander. Qui quidem profitetur etiam, se die il-
lo Ecclesiam istam invisisse, quo Corpus Sancti *Mo-*
næ solemniter inde translatus fuit; sicut etiam plu-
ries alio tempore, ac præsertim quo Triduanarum
Litaniarum die, statio ad hanc Ecclesiam quotannis
habebatur. Præterea vero etiam quam optime me-
minit, supra majorem illam & anteriorem portam

A pictum extitisse *Christum* Dominum, cujus ex ore
gladius exiret utraque parte acutus, juxta illud A-
pocalypseos cap. 1. art. 16. & cap. 19. art. 15.

LXXIX. Cum igitur hæc ita se habeant; ego
rursum ex hac situs diversitate inter eam Sancti *Vi-*
talis Ecclesiam, & Ecclesiam *Faustæ*, qualis in O-
dæo expressa conspicitur, concludo, Ecclesiam iti-
dem *Faustæ* penitus ab ea Sancti *Vitalis* Ecclesia di-
versam ita fuisse, ut eadem prorsus fuerit cum ea,
quæ Sancti *Satyræ* Capella in præfenti appellatur.
Sed ne hac quidem conclusione contentus, alteram
insuper hanc deduco: ut, quanto magis probatum
inde manet, Capellam istam olim fuisse Basilicam
B *Faustæ*, tanto jam securius credere possimus, hanc
ipsam Capellam omnino diversam fuisse a Sancti *Am-*
brosii Cella: quæ proinde Cella tanto certius illic
fuerit, ubi nunc Chorusexistit; sicuti nos jam ante
differuimus Num. 20.

LXXX. Ceterum circa Ecclesiam istam *Faustæ*
alterum adhuc mihi recurat in mentem: in quo,
si non asseveranter assero, suspicor tamen, Scripto-
res illos, quos paulo ante nominabam, & alios mul-
tos a vero aberrasse. *Faustinianam* illi Basilicam, con-
cordes asserunt, ab uno e *Philippi Oldani* filijs, cui
nomen esset *Fausto*, appellatam fuisse. Quocirca
nunquam illi Basilicam nominant *Faustæ*, sed semper
C vel *Fausti*, vel *Faustam*, vel *Faustinianam*. Quid si
autem *Philippo* fuissent filius nomine *Portius*, & fi-
lia nomine *Fausta*? Potuissent ne tum dici *Philippo*
fuisse duo filij, e quibus *Portiana* & *Faustiana* suum
nomen acceperint? Quis hoc neget? Siquidem filij
nomen ambitu suo filias quoque complectitur: fe-
minaque simul & masculus si forte pluraliter nomi-
nentur; masculinum genus, utpote nobilius, fe-
minino prævalet; atque tam femina quam masculus
sub genere plurali masculino comprehenduntur;
sicut est inter ipsa Grammaticæ rudimenta receptis-
simum. Tamen ergo Auctores aliqui aliquando
tradiderint, binas illas *Mediolani*, Basilicas a binis
D *Philippi* filijs proprium nomen accepisse; non inde
propterea statim sequitur, ut ambos illi fuisse ma-
sculos filios existimarint: & sicut e *Portio* *Portia-*
nam, sic e *Fausto* *Faustam*, vel *Faustinam*, vel *Fau-*
stinianam, fuisse nuncupatam. Dicerentne vero isti
etiam, e *Fausto* denominatam fuisse Ecclesiam *Fau-*
stæ? Quo id sensu, qua id fronte? Qui ergo præci-
se constanterque id ipsum ex adverso dicat; absque
dubio censendus videbitur denominationem illam,
non a *Fausto* deductam interpretari protestarique, sed
a *Fausta*, *Philippi* utique filia. Atqui nostro in O-
dæo inscripta manifestissime legitur ECCLESIA
E FAUSTÆ: Sanctusque quinetiam Doctor *Ambro-*
sius nusquam legitur aliter eam nominasse; quam
BASILICAM FAUSTÆ, in Epistola scilicet 53.
ad *Marcellinam* sororem: quemadmodum ex ipsius
calamo scribit etiam Cardinalis *Baronius* in ejusdem
Vita. Neque igitur Sanctus *Ambrosius* (dicam ego)
neque Majores illi nostri, e quorum præscripto Ba-
silicæ illi *Faustianæ* adscriptum in Odæo fuit EC-
CLESIA FAUSTÆ, nec item illic *Baronius*, a-
liique omnes hac in re ipsos secuti, censuerunt, eam
sic e *Fausto* fuisse denominatam; sed potius e *Fausta*
filia & femina. Quid, quod ipsemet etiam *Philip-*
pus, unicum sibi masculum fuisse filium, satis aper-
te videtur in eo indicasse Libello, quem Sanctus
F *Ambrosius* comperit ad Sanctorum *Protasii* & *Ger-*
vassii Martyrum caput? In eo siquidem *Philippus* ita
scriptum reliquerat in principio: Ego servus Christi
Philippus intra domum meam Sanctorum Corpora,
QUÆ CUM FILIO MEO RAPUI, & sepelivi.
Et rursum in fine: Ego servus Christi *Philippus* AB-
STULI CUM FILIO MEO furtim nōde sancta
Corpora. Quod si *Philippo* supponitur unicus tan-
tum fuisse filius masculus; quid hoc modo loquendi

convenientius? Sin autem duo illi fuisse supponantur, quorum alterutrius opera posset ad ejusmodi pietatis officium uti, cum alioqui utriusque non sit usus, sed unius tantum; quidni consentaneum rationi erat, ut non ita loqueretur indiscriminatim & absolute; sed ut illum, quo usus fuisset adiutore, vel expresse nominaret, vel tacite præaltero utcumque indicaret; vel ad minus diceret, CUM UNO EX FILIIS MEIS, vel quippiam simile?

LXXXI. Has igitur ob causas nos in dubium saltem vocamus ejusmodi Scriptorum de *Fausto* potius, quam *Fausta*, sententiam. Quibus expresse pariter adnumeramus *Petrum Galestinum*, *Philippum Ferrarium*, & *Ambrosium Borronum*, Parochialis Ecclesiæ Sancti Joannis hac in Urbe *Ittolani* Rectorem. *Galestinus* in suo Martyrologio sic in primis habet sub die decimaquinta Februarii: *Mediolani, Sancti Fausti Martyris: qui, Marco Aurelio Imperatore, pro Christo Jesu dimicans, præclarum Fidei Christianæque virtutis testimonium dedit.* Deinde autem in Notis tantummodo subdit: *Ex scripto Martyrologio, Annalibus Hermannii, & Monumentis Ecclesiæ Mediolanensis:* nec ibi ultra progreditur. De hinc rursus die septima Augusti, perinde ac si duos hujus nominis Sanctos *Mediolano* adscriberet: *Mediolani* (inquit) *Sancti Fausti.* Is, *Beati Philippi filius, à Cajo Episcopo baptizatus, quo tempore magna exarsit Christiana persecutio, à Fidei hostibus divexatus, nullo eorum impetu retardatus, nec vero expugnatus, ædificata Basilica, quæ Faustianiana nuncupata est, & vita Evangelii præceptis conformata, tandem in Commodi Imperatoris persecutione sancte quievit in Domino.* Tum vero in Notis: *Quem (Faustum) Ufuardus ac Beda Faustinum appellant. At in Annalibus Tabulisque Ecclesiæ Mediolanensis Faustus ubique dicitur: a quo Faustianiana, cujus aliquando Sanctus Ambrosius mentionem facit, nomen accepit. Philippus porro Ferrarius in Catalogo Sanctorum Italiæ sub eadem Augusti septima die recenset ejusdem Sancti Fausti Vitam: & ab ipso denominatam fuisse Faustinianam Ecclesiam consentit Galestinus; sed hunc ceteroqui carpit in duobus. Primo, quia Faustum (sub ea scilicet Augusti die) in Sanctorum Confessorum numero reposuerit; & in hoc ei auctoritatem opponit Martyrologii *Romani*, Faustum sub eadem illa die Martyrem nominantis. Secundo, quia persecutionem asserat a *Commodo* Imperatore contra *Christianos* excitatam; cum alioqui *Baronius* in *Annalibus*, ad Annum *Christi* Centesimum octogesimum secundum, ex *Dione*, *Lampridio* & aliis affirmet, *Commodum*, tametsi crudelissimus esset, nullam tamen *Christianis* molestiam attulisse. Certe autem sic affirmat *Baronius*; sed tamen etiam in Martyrologio *Romano* hæc habentur: *Mediolani, Sancti Fausti militis, qui sub Aurelio Commodo post multa certamina martyrii palmam adeptus est.* In Annotationibus vero subdit idem *Baronius*: *De quo etiam Beda, ac ceteri, Tabulæ insuper & vetera Monumenta Ecclesiæ Mediolanensis.* Hunc porro Sanctum Faustum *Philippus Ferrarius* in Catalogo Sanctorum, qui non sunt in Martyrologio *Romano*, sub quintadecima Februarii die testatur, eundem esse cum eo, quem *Galestinus* & ipsemet ibi hac ipsa die commemorat. Ceterum *Ambrosius Borronus* in ejusdem Sancti Fausti Vita, quam *Italice* scriptam edidit *Mediolani* Anno Millesimo sexcentesimo vigesimo secundo, ipsum asserit martyrio coronatum fuisse Anno Domini Centesimo vigesimo primo sub *Adriano* Imperatore. Quocirca vel per hanc inter ipsos discordiam nonnihil suspicio illa nostra confirmatur. Quem igitur ego suspicor errorem, inde sic etiam suspicor abortum; quod militem hunc Faustum (ne dicam duos, quemadmodum videbatur indicasse *Galestinus*) *Mediolanensem* Scriptores confuderint cum *Fausta*, *Philippi Oldani* filia, a qua Ba-*

A filica Ecclesiæque illa nomenclaturam *Faustæ* accepisset; atque ex iis unicum *Faustum* conflarint, tot annis illa posteriorem, maxime vero juxta *Galestinii* pariter ac *Ferrarii* sententiam de tempore, quo Martyres *Protasius* & *Gervasius* occubuerint. Hi siquidem opinione ipsorum sub *Neroniana* persecutione occubuerunt; cum alioqui *Nero* ipse mortuus tradatur Anno *Christi* Septuagesimo. Cum itaque Martyrum illorum Corpora *Philippus* subinde una simul cum filio suo sepelierit; consequens est, ut tam *Portius*, quam *Fausta* (vel, ut ipsi nominant, *Faustus*) illius filii, multis annis *Faustum* illum antecesserint; tametsi vel etiam sub *Adriano* Imperatore, quemadmodum *Borrono* videbatur, martyrium subiisset Anno Domini Centesimo vigesimo primo. Sed hæcenus hac de re conjecturarum satis, donec clarior in alterutram partem lux nobis affulgeat.

B LXXXII. Vidistine vero, quemadmodum prope Ecclesiam *Faustæ* in Odæo expressa maneat Basilica isthæc *Ambrosiana*? Supra ipsius tegmen stat inscriptum, tamquam ex parte totum, Civitatis hujus nomen, *MEDIOLANYUM*, antiquitus non inusitatum; sicut alii multi e nostratibus Scriptoribus observarunt. Infra vero ipsam Sanctus *Ambrosius* Missam celebrans, Altari sub Tribuna rectus quidem, at dormientis in modum accumbit, capite supra cubiti dexteri manum reclinato: præterea vero etiam Lector, coram nonnullis aliis Missæ Sacro adstantibus, somnique illius novitatem pariter ac diurnitatem mirantibus, mirabundus & ipse insistit amboni, specie parum admodum differenti a marmoreo illo, quicadem in Ecclesia in hanc usque diem conservatur. Inter quem ambonem atque Altare, in Odæo expressa, quia neutiquam interjecta video ulla Chori subsellia: quæ tamen ante Altare, sicut alias diximus, tunc temporis in usum Monachorum extabant, quando re quidem vera musivum illud elaboratum fuit; exinde propterea intelligi facile datur, & artificii, & iis, ex quorum voluntate ac præscripto ipse ibi operabatur, id propositum fuisse, ut Basilicæ status effingeretur, non qualem illa tunc habebat, sed qualem *Ambrosii* tempore habuerat. Quod ipsum ego pariter velim accurate observari quoad effectum itidem illius Tribunæ figuram, subjectarumque columnarum situm: quarum profecto etiam bases pavimento supereminentes conspiciuntur.

C LXXXIII. Quid porro significaret Sanctus *Ambrosius*, eo corporis habitu consistens ad Altare, quidve ceteri sic etiam illi in Basilica consistentes, ac mirabundi: certe dubium esse non debet, quin quatuor versibus ibidem subtextis expressum abunde fuisset. Sed aliqua tantum eorum verba, nec integrum sensum percipere jam possumus: dandumque hoc est, non tam vetustati, quam eorum incuriæ, qui, cum identidem Odæum peristromatibus aulæisque ornaturi essent; parieti clavos illic, ubi versus erant inscripti, temere infixerunt; utque calx cum plerisque litteris inscriptis exciderit, effecerunt. Bene tamen rei veritas se habet, quod ex adverso latere quam facillime dignoscitur, quid in hoc altero tum iis imaginibus adhuc extantibus, tum etiam iis verbis, majori jam ex parte absumptis, indicare voluerint. In eo siquidem latere Civitas in *Gallia Turonensis* per Ecclesiam ipsius Cathedralē, hunc in modum superne inscriptam, *TORONICA*, denotatur: & in eadem Ecclesia, dum Sancto *Martino* funus celebratur, Sanctus itidem *Ambrosius* noster illi præsens representatur. Præterea vero etiam subiecti versus, tametsi & ipsi quoque aliquantum læsi mancique sint, nihilominus intelligi, quæve syllabæ litteræque deerant, suppleri facile potuerunt. Eodem vero sunt hujusmodi.

MARTINUS MORITUR, SED VITÆ
DONA MERETUR.
TRISTATUR MUNDUS, ADJUBI-
LATQUE POLUS.
MORS SUA DIGNA BONO FERTUR
CELEBRATA PATRONO,
SPIRITUS AMBROSII DUM FAMU-
LATUR IBI.

LXXXIV. Constat igitur, in his duobus Odaci lateribus, e regione sibi respondentibus, expressum luculenter fuisse miraculum illud, apud Mediolanenses hodieque celeberrimum, quod in funere Sancti Martini Sanctus Gregorius, Turonensis pariter Episcopus, Libro primo *De illius miraculis*, Cap. 5. factum narrat in hæc verba: *Eo tempore* (quo scilicet Sanctus Martinus ad Dominum migravit) *Beatus Ambrosius, cujus hodie flores eloquii per totam Ecclesiam redolent, Mediolanensi Civitati præerat Episcopus. Cui, celebranti festa Dominicæ diei, ista erat consuetudo, ut veniens Lector cum libro non antea legere præsumeret, quam nutu Sanctus præcepisset. Factum est autem, ut illa die Dominica* (cujus prævia nocte media Martinus utique obierat) *prophetica Lectione jam lecta, ante Altare stante qui Lectionem Beati Pauli proferret, beatissimus Antistes Ambrosius super Altare obdormiret. Quod videntes multi, cum nullus eum excitare præsumeret; transactis fere duarum aut trium horarum spatiis, excitaverunt eum, dicentes: Jam hora præterit: jubeat Dominus Episcopus Lectori Lectionem legere; expectat enim populus, valde jam lassus. Respondens autem Beatus Ambrosius, Nolite* (inquit) *turbari. Multum mihi valet sic obdormisse; QUIA MIRACULUM MAGNUM DOMINUS MIHI OSTENDERE DIGNATUS EST. NAM NOVERITIS, FRATREM MEUM MARTINUM SACERDOTEM DE CORPORE EGRESSUM FUISSE: ME AUTEM EJUS FUNERI OBSEQUIUM PRÆBUISSE.* Peractoque ex more servitio, Capitellum tantum, vobis excitantibus, non explevi. Tunc illi, obstupefacti pariter & admirantes, diem & tempus notant. Qui solícite requirentes, ipsam diem tempusque reperiunt, quo Beatus Confessor dixerat, SE EJUS OBSEQUIIS DESERVISSE. Hæc Sanctus Gregorius Turonensis, Quibus adstipulatur etiam Breviarium Ambrosianum in matutina ejusdem Sancti Martini Lectione. Ibi siquidem ita legitur: *Itaque sanctitatis miraculorumque nomine illustris jam unum & octuaginta annos natus, animam Deo reddidit tertio Idus Novembris. Id quod Sanctus Ambrosius præsensit: qui eodem tempore ad Altare arctiori somno correptus, tertiæque post hora excitatus, SCITOTE* (inquit) *FRATREM MEUM MARTINUM EXISSE DE CORPORE, MEQUE EJUS FUNERI PIAM OPERAM DEDISSE.* Quæ quidem tam Gregorii quam Breviarii verba si ad propriam germanamque; significationem accurate perpendantur; hunc profecto sensum præ se ferunt, ut eodem ipso tempore, quo Sanctus Ambrosius ad Altare in hac Basilica consistens dormiebat, simul etiam conspicuus in Basilica illa Turonensi confisteret, ibique in adstantium conspectu, agnitus pro Ambrosio Mediolanensi Archiepiscopo, defunctique Præsulis amicissimo, funus illi pompa solemnī celebraret; rogatus utique (sicuti credendum est; nec aliter Ambrosianæ modestiæ leges permittebant) a Clero Turonensi, qui primas etiam ipsi hoc in munere detulisset. Cum igitur absolvendo funeri reliquum jam tandem illud unum esset, ut Ambrosius Capitellum, sive postremam Orationem, recitaret; tum vero Mediolani e somno excitatum, repente ab oculis Turonensium evanuisse; atque hinc compertum illis fuisse miraculum, quod forte ab initio non satis adverterant, quando Ambrosius ex improvviso illis affuit; qui nimirum miraculo divinus hic noster Præ-

ful divinitus illic præfens affuisset interea temporis, quo ceteroqui naturaliter in hac sua Mediolani Basilica, populo pariter suo conspicuus, ad Altare dormiebat. Quoniam vero, Sanctum Ambrosium Turonensibus in eo funere agnitus fuisse, Petrus etiam de Natalibus in Catalogo Sanctorum, Libro decimo, Cap. 47. disertissime affirmat; propterea placet ejusdem verba huc addere, quæ sunt hujusmodi: *Die autem depositionis ipsius* (Sancti Martini) *dum Beatus Ambrosius, Mediolani celebrans, inter Prophetiam & Epistolam obaormisset: & diu expectatus, post duas horas Subdiaconus lecturus Epistolam eum excitasset; evigilans dixit populo, Martinum Turoni Episcopum quiescere, ET SE FUNERIS OBSEQUIUM FACISSE; SED ULTIMAM ORATIONEM EXCITATUM COMPLERE NON POTUISSE. Illi vero, diem notantes & horam, postmodum compererunt, illum expirasse, ET AMBROSIIUM EPISCOPUM, IBIDEM COGNITUM, EJUS EXEQUIAS CELEBRASSE.* Idipsum porro miraculum ex eodem Gregorio Turonensi descriperunt etiam ex Ordine Fratrum Prædicatorum Vincentius Burgundus, Episcopus Bellovacensis, in Speculo Historiali, Libro 18. Cap. 33. qui florebat Anno Christi Millesimo ducentesimo quinquagesimo: Sanctus Antonius, Archiepiscopus Florentinus, in Chronico, Parte Secunda, Tit. 10. Cap. 11. §. 4. qui obiit Anno Christi Millesimo quadringentesimo quinquagesimo nono, ætatis suæ septuagesimo: & Jacobus de Voragine in sua Legenda Sanctorum, quæ Lombardica nominatur Historia, quamque Lugduni editam ego habeo Anno Salutis Millesimo quingentesimo septimo. Quid, quod eadem prorsus Gregorii verba insunt etiam in ejusdem Sancti Martini Vita, quam & Aloysius Lipomanus & Laurentius Surius ediderunt? Quid, quod & Surius in ejusdem Vitæ fine ita demum concludit? *Hucusque nos omnia de Sancto Martino ex Tomis Aloysii accepimus: quæ etiam in antiquis manuscriptis exemplaribus habentur.* Quo quidem ex genere unum etiam, ob vetustatem perinsigne, in Ambrosiana extat Bibliotheca, quam Fredericus Cardinalis & Archiepiscopus Borromæus, Litterarum pariter ac Litteratorum amantissimus hoc nostro sæculo Mecenas, animo sumptuque regio hac in Urbe extruxit, & innumeris ad usum publicum libris locupletavit.

LXXXV. Communis nimirum, passimque per Ecclesiam Catholicam recepta opinio hæc erat, priusquam Cardinalis Baronius eam erroris manifesti argueret, cum in suis Notationibus ad Romanum Martyrologium sub die quarta Aprilis, & undecima Novembris: tum etiam in Annalibus ad Annum Christi Trecentessimum quinquagesimum primum, & Quadringentesimum secundum, necnon etiam in Sancti Ambrosii Vita, quam ejusdem Operibus, prælo postea impressis, diligenter a se collectam, præmisit. His namque in locis doctissimus ille antiquitatis Vestigator acerrime contendit, Sancti Martini funus minime vero per Sanctum Ambrosium procurari potuisse; quippe cum hic obierit Anno Christi Trecentesimo nonagesimo septimo; Martinus autem quinquennio post, sive Anno Quadringentesimo secundo. Quæ quidem Baronii doctrina, tametsi recenter tradita, & tot tantisque veterum Scriptorum ac Monumentorum testimoniis adversa, & ipsa vel etiam novitate suspecta; mirum tamen est, quantopere postmodum plerisque visa fuerit vendibilis & palmaris. Itaque cum recudendum typis esset Breviarium Ambrosianum; non defuere Viri graves, qui Cardinali Archiepiscopoque tunc nostro, Frederico, quem paulo ante nominabam, Borromæo, religionem injicere conarentur, ut ejusmodi miraculum e matutina Sancti Martini Lectione, recitari jam solita, detrahi juberet exulareque, tamquam commen-

titium, nec ulla prorsus fide dignum. Sed immotus ad hæc, nec e sententiæ suæ liatu quicquam dimotus Cardinalis, antiquitatem ipsam summo semper, si quisquam alius, in honore ac pretio habere solitus, præcise respondit, non ita facile derogandam esse fidem historiæ sacræ, quam tantus Ecclesiæ Doctor, sanctitate, prudentia, gravitate, sapientia crudentitione commendatissimus, Gregorius Episcopus *Turonensis*, circiter Annum *Christi* Quingentesimum septuagesimum ad eam Sedem promotus, ac circiter Nonagesimum quintum postea defunctus, non temere, sed absque dubio e continuata *Turonensis* traditione, certisque illius Ecclesiæ Monumentis acceptam (vel etiam e *Mediolanensis*, e quibus alia tam multa suos contraxit in libros) tam fidenter litteris inter Sancti *Martini* miracula (qua quidem in re illum quammaxime cautum esse oportebat) consignasset: quamque postea communis, non *Ambrosianæ* modo, sed etiam *Romanæ* consensus Ecclesiæ comprobasset: quinetiam cuius defensionis sua non deessent rationum momenta. Irent igitur ipsi, si-bique uni hunc scrupulum reservarent. Se quidem nolle, ut in ea *Breviarii Ambrosiani* parte quicquam innovaretur. Quocirca nec aliquid exinde innovatum fuit: quodque supra recitabamus, in hanc usque diem constanter perseverat.

LXXXVI. Audierat hoc forte fortuna quidam e Societate *Jesu* Pater, *Franciscus* cognomento *Stavolus*, Vir, ut profecto videtur, Ecclesiasticæ Historiæ admodum peritus. Itaque veritatis ejus tuendæ studio accensus, subsidiariam & ipse Scriptiunculam Cardinali transmissit: vicissimque Cardinalis eam Bibliotheca sua *Ambrosiana* dignam ratus, ibidem aservari jussit. Brevis quidem illa est; sed quo brevius, eo preffius ac nervosius concludens. Certe autem ad operis quoque musivi, nostro in Odæo elaborati, defensionem conscripta est. Quocirca integram hic proferre, publicæque, quam meretur, luci eandem tradere optavimus; ut hoc etiam Bibliothecæ *Ambrosianæ* beneficio Basilica isthæc *Ambrosiana* tanto uberius perfruatur.

LXXXVII. Ejusmodi autem Scriptionis hoc est argumentum: Ratio, qua probatur evidentissime (usque adeo sibi Auctor promittebat) Sanctum *Ambrosium*, Episcopum *Mediolanensem*, potuisse interesse funeri Sancti *Martini*, Episcopi *Turonensis*. Dehinc vero Rationem ipsam in hunc modum prosequitur: Omnes concordant, Sanctum *Ambrosium* mortuum Anno Trecentesimo nonagesimo septimo. Quod tamen hac ratione demonstratur. Sanctus *Ambrosius* mortuus est quarta Aprilis, in Vigilia Paschatis, id est, Sabbato Sancto: sed quarta Aprilis, & Vigilia Paschatis, dieque Sabbati non currit nisi Anno Trecentesimo nonagesimo septimo, Littera Dominicali currente D; ergo Anno Trecentesimo nonagesimo septimo mortuus est, & non alio proximiori. Accipe Martyrologium, seu Calendarium; & ibi invenies, quartam Aprilis cadere sub Littera C: estque dies Sabbati, quo mortuus dicitur in ejus Vita; ergo subsequens Littera D erat Littera Dominicalis, quæ currit hoc Anno Trecentesimo nonagesimo septimo. Adde, quod Luna decima quarta fuit hoc Anno vigesima nona Martii; quare & dies Paschatis fuit quinta Aprilis, sub Littera Dominicali D. Cum igitur ista omnia concurrant, quæ in die Depositionis Sancti *Ambrosii* desiderantur; dicendum necessario est, eum mortuum hoc Anno, & non alio. Ad Sanctum Martinum nunc deveniamus. Videndum est primo quo tempore & die ordinatus est Episcopus, quotque annos sederit in Episcopatu, & quo Anno dicatur mortuus ab hoc, vel ab illo. Quoad primum: certissimum est ex Tabulis Ecclesiasticis, eum ordinatum fuisse Episcopum quarta Julii: & ex Historicis, sub *Valentiniano* Imperatore, die Dominico, ex more antiquo ordinandi Episcopos diebus Dominicis, currente Littera Dominicali C; sub hac enim cadit quarta

A Julii. Sed ista Littera Dominicalis C non currit tempore *Valentinia*, nisi Anno Trecentesimo septuagesimo; ergo hoc Anno, & non alio, ordinatus fuit Episcopus. Rursum ex *Sulpitio* Sanctus *Martinus* sedit in Episcopatu annos viginti quinque, menses quatuor, dies septem: quos si addas Anno Trecentesimo septuagesimo; tantum ascendes ad Annum Trecentesimo nonagesimum quintum; ergo hoc Anno Trecentesimo nonagesimo quinto Sanctus *Martinus* mortuus est. Quod si dicas, eum fuisse ordinatum Anno Trecentesimo octuagesimo primo, quo Anno etiam currit Littera Dominicalis C; dico, inde multa inconvenientia sequi. Nam si addas Anno Trecentesimo octuagesimo primo annos viginti quinque, menses quatuor, dies septem, quos sedit in Episcopatu; utique ascendes ad Annum Quadringentesimum septimum; quo Anno non currit Littera Dominicalis G, sub qua legitur obdormisse in Domino. Quare nec hoc Anno mortuus est; neque Anno Trecentesimo octuagesimo primo ordinatus est. Præterea cum omnes constanter affirmant, Sanctum Martinum ordinatum tempore *Valentiniani*: & *Valentinianus* mortuus sit Anno Trecentesimo septuagesimo quinto, certissimum est, non potuisse ordinari Anno Trecentesimo octuagesimo primo, tempore *Theodosii* Imperatoris. Dicunt nonnulli moderni Censuratores, Sanctum Martinum mortuum Anno Quadringentesimo secundo. Sed cum constet ex Tabulis Ecclesiasticis, & ex Vita ipsius, eum mortuum undecima Novembri, die Dominico, sub Littera Dominicali G: & hæc Littera G non currat Anno Quadringentesimo secundo; impossibile est, eum hoc Anno Quadringentesimo secundo mortuum esse. Mortuus est igitur Anno Trecentesimo nonagesimo quinto, quo Anno currit Littera Dominicalis G. Quod si dicas, eum mortuum Anno Quadringentesimo, vel Quadringentesimo sexto, quibus Annis occurrit Littera Dominicalis G; tunc respondeo, non esse possibile, ob difficultates, quas superius de Ordinatione tetigi; nempe non fuisse ordinatum tempore *Valentiniani* Imperatoris, nec Anno currente Littera Dominicali C. Cum igitur ista hoc modo se habeant; restat, ut dicamus, Sanctum Martinum mortuum Anno Trecentesimo nonagesimo quinto; & Sanctum *Ambrosium* Anno Trecentesimo nonagesimo septimo, atque hunc illius funeri potuisse esse præsentem; MALEQUE DIXISSE EOS, QUI HOC NEGARUNT, ET CURARUNT, UT HÆC VERITAS EX BREVIARIO ABRADERETUR; Antiquos tamquam mendaces taxantes, & *Mediolanenses* nostros veteres stultitia QUOD OPERE MUSIVO IN CHORO SANCTI AMBROSII HANC HISTORIAM AD PERPETUAM MEMORIAM, JAM FERRE FORSAN A MILLE ANNIS (vide, quantam crediderit ejus operis antiquitatem) DESCRIBI CURARUNT.

E Alias possem afferre rationes ad hanc veritatem probandam; sed, has demonstrativas sufficere existimans, illas reticeo. Hactenus Pater ille *Franciscus Stavolus*: quibus causam nostram efficacissime propugnat contra *Baronium*, ceterosque ipsius assēclas: tum etiam contra eos, qui Sanctum Martinum censuerunt vel Anno *Christi* Quadringentesimo quadragesimo quinto, ut *Rigordus*: vel Quadringentesimo, ut *Bucherius*, & *Miræus* in Fastis & in Annalibus *Belgicis*; sicut in sua *Gallia Christiana* tradit *Claudius Robertus*, de Sancto Martino, inter Archiepiscopos *Turonenses* tertio, agens; ubi etiam non improbat præallatam Patris *Stavoli* calculationem. Inquit enim ad extremum: In Annum *Christi* Trecentesimo nonagesimum quintum potuit incidisse nobilis ille transitus (Sancti *Martini*) media nocte, Dominica, G, tertio Idus, seu undecima Novembris, post sedem annorum viginti quinque, mensium quatuor, dierum septem, a quarta die Julii, Tricentesimi septuagesimi. QUA RATIONE SANCTUS AMBROSIIUS MEDIOLANENSIS INTERESSE POTUIT, RAPTU QUODAM MENTIS DIVINO, EXEQUIIS IPSIUS SANCTI MARTINI.

LXXXVIII. Sed, præter eam Patris *Stavoli* schedam, nobis etiam longe commodius in publicum Anno *Christi* Millesimo sexcentesimo decimo octavo *Neapoli*, & Anno subsequenti *Coloniæ Agrippinæ*, primum processit *Illustrium Controversiarum Biga*, & argute quidem, veluti *Currus*, duorum equorum iugo ad litterarium certamen vectus: hoc est, *De Sancti Jacobi Apostoli accessu ad Hispaniam*, & *De Funere Sancti Martini*, a Sancto *Ambrosio* procurato: Auctore *Antonio Caracciolo*, Ordinis *Clericorum Regularium Presbytero*, re quidem vera ingeniosissimo eruditissimoque, talique prorsus, ut obfirmato in alicujus veritatis inquisitionem animo potuerit etiam in *Cardinali Baronio*, tam multis ceteroqui hac illac intento, mendum aliquod emendare. Cui quidem *Libro*, nobis etiam summopere placet, quod e Sancto *Basilio Magno*, in *Oratione De Jejunio*, præfixerit in fronte auream illam, & rei præsentis opportunissimam sententiam, OMNE, QUOD VETUSTATE PRÆCEDIT, VENERABILE EST. Hac igitur ille secunda *Controversia* nimium quantum exagitat, oppugnat, expugnat *Baronii* argumenta; decemque subinde argumentis sententiam Sancti *Gregorii Turonensis* propugnat. Quocirca nos Lectorem obnixè rogamus, ut, velut ad fontem, adeat eam ipsius *Controversiam*. Exinde siquidem nos aliqua tantum, velut in transcurso, delibabimus: ac si forte plusculum aliquando immoremur; hoc utique fiet, ut aliquid etiam nos claritatis, ac roboris afferamus.

LXXXIX. Primam ille *Controversiam* per octoginta Numeros, præcipuis rerum capitibus præfixos, prolecutus; ab octogesimo primo Numero secundam exorditur in hæc verba: Quod tradit *Beatus Gregorius*, *Turonensis Libro 1. de Miraculis Sancti Martini*, Cap. 5. Sanctum *Ambrosium*, dum *Mediolani* degeret, miro tamen modo interfuisse *Turonibus*, & celebrasse funus *Beati Martini*: sciunt Theologi, id ex eo capite in dubium verti non posse, quod ejusdem individui (ut *Scholæ loquuntur*) replicatio divina potentia fieri nequeat. Nam gravissima sunt rationum momenta: quæ, e sacris Fontibus deducta, periti harum rerum Viri in medium afferunt, ut id Divino Numini possibile esse adstruant. Nobis, qui nunc *Historicum* agimus, sat fuerit e vetustis *Christianorum Historiis* obiter hoc loco recensere exempla aliquot testatissima: videlicet, Sancti *Gregorii Thaumaturgi*, absentis simul, & miro tamen modo præsentis *Troadio Martyri*; hortantisque, ne cederet cruciatibus; ut habetur apud *Nysseum Tractatu De Thaumaturgo*: *Nicolai*, *Myrensis Episcopi* juxta *Martyrologium Romanum* die sexta Decembris *Constantino Magno*, dum longe abesset, apparentis, admonentisque, ut *Tribunos*, calumniis pressos, absolveret: *Severi*, *Episcopi Ravennatis* (apud *Surium Tomo primo*) simillimo huic, de quo disputamus, exemplo, funus *Geminiani*, *Episcopi Mutinensis*, procul remoti, admirandum in modum procurantis: *Antonii Patavini* (*Ration*) dum *Patavii* concionaretur, *Ulyssiponem* adeuntis, ut moribundum pia ope juvaret patrem. Si cui autem minus verisimile videatur id, quod eodem loco *Gregorius Turonensis* narrat, *Ambrosium*, sacrificantem, totas duas horas indormisse, ut interim celebritatem funeris Martino persolveret; is in *Prato Joannis Moschi*, Cap. 150. libro videlicet a secunda *Nicæna Synodo* sæpe laudato, similem prorsus legere poterit historiam; qua narratur, *Rumellensem Episcopum*, coram *Agapeto Romano Pontifice* & frequentissimo populo *Sacris operantem*, *Divini Spiritus* consueta luce perfusum, tres prope modum horas, cunctis admirantibus, per excessum subsistisse. Rem gestam *Baronius* ipse *Tomo Sexto Annalium* recitat recipitque. Itaque id solummodo restat firmandum, quod de Anno obitus *Ambrosii* atque *Martini* ab *Amplissimo Cardinale*, *Cæsare Baronio*, nostra ætate in controversiam adductum est. &c. Talia *Caracciolus*: quibus ille præsentis *Controversiæ* statum præmittit.

A XC. Ego tamen non illi facile assentior, quod agebat: Sciunt Theologi, id ex eo capite in dubium verti non posse, quod ejusdem individui (ut *Scholæ loquuntur*) replicatio divina potentia fieri nequeat. Immo vero (dicam ego) sciunt Theologi, hoc ipsum miraculum, si per ejusdem individui, sive Sancti *Ambrosii*, replicationem, hoc est, replicatam eodem simul tempore in diversis & inter se distantibus locis præsentiam, explicetur; ex hoc etiam capite certe posse in dubium vocari. Constat enim, nonnullos, nec obscuri nominis, Theologos Scholasticos, in ea esse opinione ut negent, duas præsentias quantitativas adæquatas & discontinuas posse simul eidem corpori convenire, etiam de potentia Dei absoluta; quamvis de aliis præsentis sacramentalibus, vel solis, vel cum una naturali, hoc negare non possint, propter Catholicam Fidem, oppositum docentem. Sic enim verissime inter alios tradit *Franciscus Suarez* in *Teretiam Sancti Thomæ Aquinatis Partem Disput. 48. Sect. 4.* ubi etiam eidem illi opinioni adnumerat ipsummet Sanctum *Thomam*, necnon etiam Sanctum *Bonaventuram*, præterea vero *Capreolum*, *Paludanum*, *Durandum*, *Henricum*, *Godofredum Egidium*, *Herveum*, *Ferrariensem*, *Dominicum a Soto*, & *Le-desnam*. Hi ergo Doctores miraculum istud, ita explicatum, sine dubio ex eo capite in dubium verterent. Quocirca ego, qui ab illis hac in parte dissentio, neque tamen in præsentis ullam mihi cum ipsis esse volo litem super hoc Sancti *Ambrosii* miraculo; ne in præsentis quidem contendam, quali modo perfectum illud fuerit; satisque contentus ero, si tale aliquod in universum fateantur fuisse miraculum, qualia citra controversiam non negabunt ea fuisse, quæ paulo post de Sanctis præsertim *Severo Episcopo Ravennate*, atque *Antonio Patavino* proferemus.

D XCI. Quod vero *Caracciolus* de Sancto *Nicolao* inter plura miraculorum insignia memorabile illud innuebat, quo scilicet per vitum & in somnis *Constantino Magno* apparuit. Noctu enim per quietem (sicut legitur apud *Surium* in ejus Vita sub sexta die Decembris) Imperatori *Nicolaus* apparuit, ore profecto, sicuti venerando, ita & terribili, formidolosoque: atque ille imminens, Surge confestim Imperator (inquit) & *Nepotianum*, *Ursum*, & *Herpilonem* vinculis & custodia solve. Falso enim & per invidiam accusati sunt, & injuria abs te damnati. Id nisi feceris, intolerabile tibi bellum indico: & sædam insuper stragem, turpissimumque tibi domuique tuæ interitum, verus Dei præco denuncio. Quod igitur ejusmodi miraculum *Caracciolus* innuebat; hoc ego alterum addiderim, non minus insigne; quod Sanctus *Augustinus*, narratam sibi a viro gravi & nobili, & dignissimo credi, recenset *Libro De cura pro mortuis*, Cap. 17. Siquidem loquens de Sancto illo *Joanne Monacho*, cui spiritus etiam prophetiæ non deerat, quemve de belli civilis eventu *Major Theodosius* consuluit Imperator, isthæc scribit: Joannes ergo iste cuidam mulieri religiosissime, impatienter eum videre cupienti, atque ut hoc impetraret per maritum suum vehementer instanti, cum ille nollet, quoniam id nunquam permisit feminis; Vade, inquit: dic uxori tuæ, Videbit me nocte proxima, sed in somnis. Et factum est: monuitque illam, quicquid fidelem conjugatam moneri oportebat. Quæ cum evigilasset; talem se vidisse hominem Dei viro suo, qualem ille eum noverat; & quid ab illo audierit, indicavit. Dubitat subinde *Augustinus*, ac, si potuisset, ab eodem *Joanne* quævisset, Utrum ipse ad illam feminam venisset in somnis, id est, spiritus ejus in effigie corporis sui, sicut nos ipsos in effigie corporis nostri somniamus; an, ipso aliud agente, vel, si dormiebat, aliud somniantem; sive per Angelum, sive quocumque alio modo in mulieris somnio talis facta sit visio. Subdit vero deinde: Si enim ipse interfuit somnianti (ecce tibi, quemadmodum *Augustinus* possibile censuerit, ut una eademque

Puricellus.

F

res

res eodem simul tempore diversis esset in locis; quemadmodum acute colligit etiam Bellarminus, *De Sacramento Eucharistiæ*, Lib. & Cap. 3.) mirabili gratia utique id potuit, non natura; sed Dei munere, non propria facultate. Quod quidem ipsum similiter dici posset de prædicto Sancti Nicolai miraculo.

XCII. Venio nunc ad reliqua generis hujus miracula. Certe autem illud Severi, Ravennatis Episcopi, tam simile nostro Sancti Ambrosii est, maxime vero sicut a nobis explicabatur, ut illud a Lectore conferri cum isto summopere cupiam ex ejusdem Sancti Severi Vita apud Surium sub die prima Februarii ubi gestum narratur in hunc modum: Quodam die cum sacra Missarum Solemnia eo more, quo solent Pontifices, celebraret; ea hora, qua Lectio ex Apostoli Epistolis erat recitanda, extra sese Vir Sanctus rapitur; & Altari assistens, somno suavi correptus videbatur. Sed cum jam longior mora intercederet; Ministri Altaris, eum existimantes de improvviso obdormivisse, celeriter accurrunt; sacrasque concutientes vestes, eum excitant. Quid habes, inquit, Pater? Tam multus te populus expectat, & tu sopore deprimeris? Ille, subito ad se reversus, veluti sub stomachans nonnihil, ait adeos: Quid facitis, fratres? cur me interurbare voluistis? Ego, etsi vobiscum hic corpore fui, at spiritu alibi versabar. Tum vero illi multa instantia ab eo percontati sunt, ubinam interea fuisset. Quibus illerespondit: Ignoscat vobis Deus, filioli, quod me adeo attonitum reddidistis. Ego eram in sancta Mutinensi Ecclesia, & animam Coepiscopi mei Geminiani Domino commendabam: mansique illic, donec humatum esset corpus illius. His auditis, Ravennates clam mittunt celeres nuncios ad Mutinenses, qui in statu sint res Geminiani, exploraturos. Qui ubi Mutinam venerunt, ante omnia percontantur de salute Episcopi: discuntque e civibus, ante aliquot dies illo se egregio Pastore & Pontifice suo esse destitutos. Addebant vero cives: Certe Dominus Severus, Archiepiscopus vester, immo & noster, illo decedente, præsens hic adfuit, ejusque animam Deo ritu pontificio commendavit: nec abscessit, donec ejus corpus esset sepulture datum: deinde vero ab oculis nostris repente ablatum est. His auditis, celerrime nuncii Ravennam repetunt, & civibus suis omnia explicant: deprebensumque est diligenti collatione, eo tempore mentis stuporem Sanctum Severum pertulisse, quo Sanctus Geminianus migravit ad Dominum. Idem vero Severus indicio Columbæ cœlitus allapsæ designatus fuit Episcopus Anno Christi Trecentesimo tertio, quemadmodum Hieronymus Rubeus scribit initio Libri secundi Historiarum Ravennatum.

XCIII. Sed enim alterum illud miraculum, quod Sancto Antonio Vlybonensi, seu Patavino, adscribebatur, ego quidem, quod nam sit, & quo ex Libero proferatur, satis adhuc discernere non potui; cum alioqui tale aliquod, atque, ut opinor, idem a Bellarmino videam citatum in ejus Doctrina Christiana; ubi scilicet explicat Eucharistiæ Sacramentum. Itaque ad alterum illud ego me converti, quod in ejusdem Sancti Vita legitur apud Surium sub die Junii decima tertia: & eo quidem lubentius; quia illud ibi exemplo Ambrosiani hujus nostri miraculi confirmatur; usque adeo per ea tempora indubitatum & certum istud nostrum credebatur. Franciscanus eam Vitam Pater, Surio teste, graviter & fideliter conscripsit, & inter cetera sic habet: Eo tempore, quo apud Montem Pessulanum Vir Sanctus prælegebat, quodam solemniter die concionabatur, omni & Clero & Populo auscultante. Sermonem inchoato, occurrit animo, se officium quoddam, sibi injunctum, alteri non demandasse. Moris illic erat, ut in præcipuis Dei Solemnitatibus duo insignes Fratres sub Summo Sacrificio Hallelujah cantarent: quod officium tum incumberebat Viro Dei. Itaque magno quodam more affectus, in pulpitu, caput cucullo operiens, sese reclinabat, & coram omni illa auditorum frequentia sic aliquandiu permanfit.

A Interim mirabili quodam modo illud officium peregit: QUEMADMODUM OLIM SANCTUS AMBROSIVS LEGITUR BEATISSIMI MARTINI FUNUS, LICET PROCUL CORPORE ABESSET, CURASSE; & Sanctus Franciscus, ut supra annotavimus, Fratribus suis in Arelatensi Conventu, sive Capitulo, apparuisse. Eo autem munere diligenter persensus, ad se rediit Vir Dei, & Sermonem inchoatum egregie prosecutus est. Hæc ille: qui mox & alterum simile miraculum subnectit. Obiit autem Sanctus Antonius Anno Christi Millesimo ducentesimo trigesimo primo: credibileque sic etiam est, perantiquum, eique propinquum ævo fuisse Patrem illum, Jesus Vitæ Scriptorem, nec in eruditum.

B XCIV. Post ejusmodi miraculorum exempla Caracciolus, præmissis Controversiæ statu, progreditur ad causas, quæ illum permoverint ad suscipiendam hujus Ambrosiani miraculi defensionem. Quæ quia nobis item in commune deferviunt; propterea operæ pretium erit aliquid ex illis huc proferre. Primum (inquit) amor & studium antiquitatis: quam a novitate, ut passim fieri video, undique impeti, ac de fastigio suæ auctoritatis, longævo tempore sibi comparatæ, immerito deturbari, indigne ferebam. Enimvero narrationem istam procurati ab Ambrosio Martiniani funeris, non veri derepente fungorum instar exortam, sed ante annos mille a Gregorio Turonensi (qui procul dubio e Turonensis Ecclesiæ gravi traditione, certisque Monumentis eam accepisse existimandus est) litteris consignatam, posteritas habuit. Eadem tot seculorum stabilita consensu, ac plurimorum Scriptorum firmata auctoritate, jampridem meruit in sacrarum Precum Breviaria inseri, in lucem edi, & uno omnium ore decantari. Atque rei narratæ testatissima gravitas, & adeo antiqua, ac Sancti Scriptoris auctoritas promeritam sibi defensionem, non a me solum, sed a quovis alio, qui sacras Historias studiosus pervolutet, omni jure deposcebat. Subdit alia subinde nonnulla in ejus primæ causæ confirmationem. Tum secundam esse ait, quod Baronius Sancti Martini obitum in Annum Christi Quadringentesimum secundum conjecerit absque veterum Scriptorum testimonio, præterquam unius Sigeberti Gemblacensis Monachi; cujus aliqui Chronicis errata inesse plurima, Baronius ipse quamoptime sciatur; quive præterea Sancti Ambrosii obitum adscribat Anno Quadringentesimo tertio. Præterquam quod Claudius Robertus (addam ego) paulo ante in testem productus, ibidem nominato Anno Christi Quadringentesimo secundo, quo Sanctus Martinus obierit juxta Sigeberti Chronicon, ita protinus admonet: Ubi notabis, Sigebertum præcurrere semper Dionysium (five Dionysii Exigui computationem Annorum Christi, quam utique Baronius sequitur) biennio, usque ad Annum Septingentesimum quinquagesimum: quod & alii ante nos adverterunt. Quamobrem qui Sigeberto Quadringentesimus secundus est Christi Annus, a Baronio debuisset nonnisi Quadringentesimus computari. Tertiam denique causam Caracciolus esse ait, quod argumenta Baronii pleraque adversus Turonensem conflatam sunt, non ex verbis, quæ ille emendate scripsisse credendus est; sed ex mendis, quæ vitio temporum in Gregorianos Codices irrepperunt: quod ipsum variis etiam demonstrat exemplis, quæ nos brevitatibus gratia omitimus, sicut & reliquam præsentis Controversiæ seriem.

F Hanc enim breviter in hanc summam contrahimus. Baronio ille concedit, Sanctum Ambrosium Anno Christi Trecentesimo nonagesimo septimo ex hac vita migrasse. Sed ipsius tamen argumenta, in hujus asserti probationem allata, sic elidit, ut bona causa male a Baronio defensa videatur. Deinde vero etiam obterit ejusdem fundamenta, quibus adstruere contenderat, Sanctum Martinum vita functum fuisse Quadringentesimo secundo Christi Anno. Denique

que vero denis è penu suo rationibus (a quibus nihil ea discrepant, quæ supra e Patris *Francisci Stavoli* scripto produximus) ostendit, Sancti *Martini* mortem in Annum incidisse *Christi* Trecentefimum nonagesimum quintum; quocirca primævam constanter etiamnum & inviolatam consistere fidem illius miraculi, quo Sanctus *Ambrosius* defuncto Sancto *Martino* funus celebrasse narratur a Sancto *Gregorio, Turonensi* Episcopo.

XCIV. Sed enim ex illis duobus manuscriptis Archiepiscoporum nostrorum Catalogis, quos aliquoties adhuc in testimonium adduximus, confirmare denique lubet hoc ipsum miraculum: juvabitque ad aliquid etiam in eo novi discernendum, quod *Gregorius Turonensis* non attigit. Concordes igitur in hæc ipsa de Sancto *Ambrosio* verba si conveniunt: Hic super Altare dormiens, inter Lectionem & Epistolam per spatium fere trium horarum in Ecclesia *Mediolanensi*, PICTAVII SEPULTURÆ SANCTI MARTINI, CAPPA SERICA INDUTUS, CORPUS BEATI MARTINI SEPELIVIT, UBI CHIROTHECAM DIMISIT PONTIFICALEM. Tandem a somno excitatur, cum ultimam Orationem super funus Beati *Martini* dicere incœpisset. Quod postea compertum fuit, quod totus populus *Pictaviensis* ipsum oculis suis viderat ipsa hora, & *Chirothecam* ibidem. Sicut igitur *Ambrosius*, in hac Basilica Missam celebrans, Altari adstabat, Planeta indutus, sic etiam *Martino* funus in Ecclesia *Turonensi* perfolvens, non incongrue Cappam sericam gestabat. Veruntamen in hoc Odæo ipsum Planeta utrobique indutum eam forte ob causam expresserunt; ut eo evidentius eandem *Ambrosii* personam uno eodemque simul tempore utrobique commostrarent. Nonne vero novum nobis, & antehac inter hæc Monumenta inauditum erat illud, quod de *Chirotheca* illic relicta nuper legebamus? *Pictavium* tamen pro *Turone*, populumque *Pictaviensem* pro *Turonensi* per errorem in ejusmodi Catalogis nominatum ego interpretor.

XCVI. Prope *Martini* funus, in Odæo expressum, Tabella visitur, opposita ex adverso similis, que illi, cujus characteres, ut *Salvionus* appellat, *Goibos* Num. 62. interpretabamur. In hac vero binæ insunt aves, obtutu invicem converso semet aspicientes. Non defuit prudens Vir & eruditus, qui eas dixerit *Benedictini* Ordinis esse symbola, olim usitata: idque sibi videri suis quondam in schedis ex Auctore gravi observatum. Sed neque ipse inter eas schedas neque nos alibi tale quiddam invenire adhuc potuimus. In tergo *Tribunæ* jam diximus Num. 70. Cygnum hinc, inde vero Columbam extare; tales enim nobis videbantur. In hac autem Tabella easdem prorsus aves agnoscimus iterum expressas: ipsasque credimus insignia esse unius ejusdemque illius, quo auctore *Tribuna* & musivum istud in Odæo præsentis opus confecta olim fuerunt.

XCVII. Concameratus est Chorus hic noster: oculosque; dum a lateribus ad concavi verticis medium attollimus, offert se nobis *Christus* Dominus Salvator, in throno sedens: cui a dextro latere Sanctus *Protasius*, a sinistro autem Sanctus *Gervasius* adstant; sicut & supra *Protasii* caput *Michaël*, supra *Gervasii* autem *Gabriel* Archangeli consistunt; propriis quisque in proximo nominibus: illi duo Latinis, hi autem Græcis designati. Quæ porro verba supra *Christi* caput descripta sunt; ea nobis Græci videntur Idiomatis; sed inter se plus justo alicubi confusa vel etiam disjuncta, nec satis apte ad orthographiæ leges conscripta. Primæ duæ litteræ nobis *Jesu*, secundæ *Christi* nomen contractim denotare videntur. Quæ subinde septem succedunt, titulum Regis: tres in eadem linea postremæ articulum subiecti nominis, gloriam significantis; completun-

tur. Græce simul ac expresse, necnon etiam secundum scientiam recte scribendi, nos illa reddimus in hunc modum: ΙΗΣΟΥ ΧΡΙΣΤΕ Ο ΒΑΣΙΛΕΥΣ ΤΗΣ ΔΟΞΗΣ: hoc est, JESU CARISTE REX GLORIÆ: juxta nimirum illud, quod in Græca legitur *Psalmi* vigesimi tertii & alibi *Versione*. Unum igitur illud nobis hic restat ut probemus, quod Num. 69. pollicebamur: hoc est, Sanctum *Protasium* hic a dextris *Christi* collocatum fuisse honoris gratia præ *Gervasio* majoris. Qua tamen in re voluntarii & irrequisiti fatebimur, *Ambrosianæ* sensum Ecclesiæ a sensu *Romanæ* discrepare. Quemadmodum enim varias ob causas Ecclesia utraque ut supra differuimus Num. 65. nunc Sancto *Petro*, alias Sancto *Paulo* dextram concors adjudicat; sic etiam varias & congruentes ob causas *Romana* *Gervasio*, *Protasio* autem *Ambrosiana* dextram videntur assignasse. Quod ut in commune ostendamus, recolenda nobis hic est, tamquam certa & explorata, *Roberti* Cardinalis *Bellarmini* doctrina illa, qua Libro 1. De *Romano Pontifice* comprobatur Sancti *Petri* primatum supra reliquos Apostolos, vel etiam singillatim supra Sanctum *Paulum*. Capite namque 18. primatum illum ex eo confirmat, quod cum ab Evangelistis nominantur Apostoli, vel omnes, vel aliqui, semper primo loco ponitur *Petrus*. Capite autem 27. differens de Sanctis *Petro* & *Paulo*, ad invicem comparatis, *Petri* præ *Paulo* præcellentiam & primatum concludit hoc argumento: Si nominandi sunt; *Petrus* præcedit: si in præcibus invocandi; præcedit *Petrus*: si festi dies in eorum honorem celebrandi; prior est *Petrus*. Jam vero in omnibus ejusmodi occasionibus sicut Ecclesia *Romana* *Gervasium* semper prius nominat, quam *Protasium*; sic *Ambrosiana* ex adverso semper a *Protasio* exorditur. Ac, ut de *Ambrosiana* singillatim differamus, facillimæ probationis hoc est, si tantum inspiciantur ejusdem *Breviaria* & *Missalia*, tam manuscripta, quam impressa, ipsorumque tum *Calendaria*, tum *Canon Missæ*, tum etiam propria ejusmodi Sanctorum *Missæ* & *Officium*, præterea vero etiam communes Sanctorum *Litanie*. Sed eundem sic etiam servant ordinem Sanctus *Ambrosius* *Epist.* 54. ad *Marcellinam* sororem, *Paulinus* in ejusdem Sancti *Ambrosii* Vita, Sanctus *Augustinus* *Lib.* 9. *Confessionum*, cap. 7. *Lib.* 22. De *Civitate Dei*, cap. 8. non procul ab initio & *Sermone* 39. De *diversis*. Prudenter vero etiam semet, eidem accommodavit ordini Beatus *Petrus Damiani*, cum apud *Mediolanenses* ea peroaret, quæ supra recitavimus Nu. 68. Quidnam vero causæ nos tandem fuisse dicemus, cur Ecclesia *Romana* *Gervasio*, *Ambrosiana* autem *Protasio* prærogativam ejusmodi & honorem adjudicarit? *Protasium* utique ac *Gervasium* fratres uno partu genitos fuisse constat. Itaque in *Libello Philippi*, per Sanctum *Ambrosium* ad caput ipsorum reperto, ita legebatur: Quos mater *Valeria*, & pater *Vitalis* uno ortu geminos genuere. Ex eo autem, quod protinus additur, & unum *Protasium*, alium *Gervasium* vocaverunt, & *Protasius* ante *Gervasium* nominatur; hinc eo conjecerim, *Protasium* fuisse primogenitum. Quod si conjectura me ista non fallit; per me quidem *Ambrosiana* Ecclesia dicatur naturalem istorum fratrum nativitatem attendisse, ac *Protasio* dextram, utpote primogenito, adjudicasse; cum alioqui *Romana* Ecclesia martyrium potius ipsorum attenderit; quo nimirum *Gervasius* ante *Protasium* beatæ in coelesti Patria vitæ natus est.

XCVIII. Quæ nunc in medio Chori fenestra patet, eadem constructa fuit post Annum *Christi* Millesimum quingentesimum septimum, quando locus iste in Chorum & Odæum fuit e Sacrario conversus. Antea siquidem unumquodque laterum suamet fenestra, quæ adhuc occlusæ muro cernuntur, lumen excipiebat. Ubi vero superior ejus fenestræ pars desinit,

quatuor olim extabant Versus, reliquis in utroque laterum, sicuti dicebam, extantibus congruetes, quorum adhuc reliquæ aliquot cernuntur. Inter hos autem Versus & Salvatoris nostri sedem, nuper memoratam, etiamnum extant circulis mediocribus inclusæ ac propriis notatæ nominibus imagines Sanctorum, *Satyræ* medium locum tenentis, *Marcellinæ* dextrum, *Candidæ* autem sinistrum. De Sancta Candida hoc unum apud Joannem Franciscum a Basilica Petri, Paulum Morigiam, & Joannem Baptistam Villam, in illis eorum Libris aliquoties jam citatis, invenio: Virginem, ac Sanctæ Marcellinæ sociam fuisse: sacrumque ipsius Corpus in hac ipsa Basilica conquirere. *Gualuaneus* autem Flamma diem insuper ipsius anniversarium addit. Quo nempe Opusculo contraxit Corpora Sanctorum in Civitate Mediolani ejusque Comitatu ac Districtu jacentia, sic etiam recensuit: *Festum Sanctæ Candidæ Virginis die ultimo Augusti. Jacet ad Sanctum Ambrosium.* Ejusmodi autem ipsius Opusculum, in charta pergamena manuscriptum, nobis humanissimus, ac bonarum Artium amans & fautor, *Aloysius ab Ecclesia* commodavit. Ceterum de Sancto *Satyro* multa jam diximus Num. 19. necnon etiam ibidem aliquid de Sancta *Marcellina*. Quamobrem solum tantæ Virginis hoc loco Epitaphium proferemus. Tumulus ejus adhuc visitur in hujus Basilicæ Confessione (vulgo Scurolo) juxta Sancti *Ambrosii* sepulchrum, Altari subjectum, collocatus. Epitaphium etiam, teste *Andreo Alciato*, hic aderat, & a Sancto quidem Archiepiscopo *Simpliciano*, *Ambrosii* successore, compositum. Bene tamen est, quod ipse illud in Antiquario suo manuscripto, atque nondum typis edito, recensuit. Quocirca nos item illud inde huc extrahimus in lucem.

*Marcellina, tuos cum vita resolveret artus,
Sprevisi patriis corpus sociare sepulchris,
Dum pia fraterni speras consortia somni,
SANCTORUMQUE CUPIS CHARA RE-
QUIESCERE TERRA.*

*Nil longinqua domus casto decerpit amori:
Affectus nec morte perit. Nam munere lethi
Rursus juncta soror fraternæ redderis umbræ;
Quamvis magna pio suspiret Roma dolore;
Tertia quod sacri patitur jam damna sepulchri.
Nec tamen angustam sedem quis dixerit aulae.
Corporis hæc domusest. Nam te, pia Virgo, supernum
Accepit Imperium placidæ post munera mortis.
Æternæ Christus pretium tibi destinat aulae,
Premia dans castis intactæ Matris honorem.
Te medius, Juli, transcendit, fervide, cursus:
Et te, Virgo tuus transvexit ad æthera Sponsus.*

XCVIII. Infra musivum opus, de quo abunde hætenus egimus, picti confident ex ordine decem & octo Provinciales Episcopi, juxta suam quisque sedem marmoream, inferius ipsimet olim parieti infertam; uti jam diximus Num. 20. Sane vero talium Episcoporum effigies nobis videntur ipsomet etiam opere illo musivo vetustiores. Numero autem in unoquoque duorum Chori laterum sunt novem, atque Canonem quisque unum habent infra se descriptum. Vetustate tamen ac temporum injuria sic evanuerunt characteres eorum Canonum, quos primi quatuor in latere dextro, atque tres in sinistro postremi Episcopi habebant, ut nihil eorum discerni a nobis potuerit. En igitur, quos in totum, vel ex parte saltem, intelleximus. Quintus namque in latere dextro, Episcopus *Astensis*, hunc habet: *Sub-
jecti Episcopum proprium non rep. Sextus, Epi-
scopus Taurinensis: Seculares in Ecclesia ad divinum
Officium. Septimus, Episcopus Augustanus:
Clerici non utantur vestibus, nisi quæ religionem decent.* Octavus, Episcopus *Aquensis: Si quis res Ecclesiæ in-
vaserit; ab ipso suo herede cautatur invasum.* Nonus,

A Episcopus *Januensis: Ut bis in anno Episcoporum, seu
Clericorum, Concilia celebrentur.* Contra vero in latere sinistro primus sic incipit, Episcopus *Brixien-
sis: Si quis Clericus Ecclesiæ furtum fecerit; ab officio
deponatur.* Secundus profectur, Episcopus *Bergo-
mensis: Si quis Monacham in matrimonium duxerit;
anathema sit.* Tertius, Episcopus *Cremonensis: Laici,
præsentibus Clericis, docere non audeant.* Quartus, Epi-
scopus *Intimiliensis: Ut per simoniacam hæresim nulla
fiat Consecratio.* Quintus, Episcopus *Savonenfis: secula-
res in diebus Festis M. . . . Sextus, Episcopus Albighau-
nensis: Nullus, invitis Clericis, ordinetur Episcopus.*

B C. Ex ejusmodi autem sedibus, suo quibusque Episcopo supra picto destinatis, eodem Num. 20. conjectabamus, eo tempore, quo sedes & Episcoporum imagines illæ confectæ fuerunt, Episcopos, Archiepiscopi *Mediolanensis* Suffraganeos, in Concilio Provinciali sedere solitos fuisse non alio inter se ordine, quam, quem Cathedrales ipsæmet Ecclesiæ, prout hic numeratæ cernuntur, obtinerent. Certe autem postremo lateris dextri loco numeratum videbamus Episcopum *Januensem*. Quocirca conjecturam illam nostram confirmare nunc juvat ex eo, quod nuper in Chronico, *Flos florum*, comperimus. Etenim de Sancto *Honorato*, ad *Mediolanensem* Archiepiscopatum promoti Anno Christi

C Quingentesimo septuagesimo secundo, &, cum sedisset annos duos, defuncto, sic habetur: *Hic Honoratus a timore Longobardorum Januam fugit, AD JANUENSEM EPISCOPUM, SUFFRAGANEUM SUUM: QUI ULTIMUM LOCUM IN DEXTRA ARCHIEPISCOPI MEDIO-
LANI POSSIDEBAT IN CONCILIO.*

CI. Inter eas Episcopales hinc inde sedes media erat Archiepiscopalis: ea nimirum, quæ similiter adhuc eodem sita loco marmorea conspicitur. In ea igitur sedebat Archiepiscopus, quandocumque illic Provinciale Concilium celebraret. Quinetiam inter solennes ceremonias, quibus Imperatores ac Reges *Italiæ* in hac Basilica coronabantur, hanc quoque reperio, ut coronati hac denique in Sede collocarentur. Corona nimirum Ferrea illi hac in Urbe olim coronabantur: & primo quidem celebritas ista in Ecclesia Sancti *Michaelis*, huic Basilicæ proxima, deinde autem in hac ipsa Basilica peragebatur. Hinc *Gualuaneus Flamma* in Chronico Majori, cap. 145. narratione profectus, quemadmodum *Lambertus*, *Mediolanum* per fraudem ingressus, illud evertisset Anno Christi Quingentesimo septuagesimo, Regnumque *Italiæ* sibi ulupasset; inter alia subdit: *Coronam Ferream ad Civitatem Papiensem transtulit: columnas marmoreas, & trabes & lapides marmoreos illuc transvexit.* Deinde autem cap. 149. ad Annum Christi Quingentesimum septuagesimum secundum, *Isto tempore* (inquit) *Albuius Rex uxoris insidiis interficitur: Eleph, nepos ejus, in Papiâ coronatur. Nam honor Coronæ per Lambertum Regem ad Civitatem Papiensem translatus fuit, ut supra dictum est. Audiens autem Theudebertus Rex Papiensis, quod Rex Albuius occubisset: iratusque vehementer contra Papienses, eo quod ipsum tam turpiter prodidissent* (se nimirum inscio, Civitatem tradentes *Albuius*) *cum Mediolanensibus pacem facit, & ad Civitatem reduxit; & congregans exercitum ex Alemanis, per maximum, Mediolanensibus præstantibus auxilium, adversus Civitatem Papiensem equitavit, quam facilliter expugnavit. Palatium permaximum, quod ibidem construxerat; evertit: honorem Coronæ, quem ad Papienses transtulerat Lambertus Rex, frater ejus, Civitati Mediolanensi restituit, tradens jus Coronæ nobilibus Civibus de Mediolano, tam in temporalibus, quam in spiritualibus. QUAM CORONATIONEM FIERI ORDINAVIT IN ECCLESIA PARVA SANCTI MICHAELIS, JUXTA ECCLESIAM*

SIAM SANCTI AMBROSII. NONDUM ENIM ERAT FACTUM MONASTERIUM SANCTI AMBROSII, NEC ALTARE AUREUM, SED TANTUM UNA ECCLESIA. Item columnas marmoreas, & trabes & lapides marmoreos reduxit, Civitatem Maximis sumptibus reedificavit, Civitatem Papiensem tributariam Mediolanensibus fecit. Et moriens, juxta Sanctum Ambrosium, in Ecclesia parva Sancti Michaelis tumulatur: UBI LOCUM CORONÆ ORDINAVERAT ESSE. Deinde autem cap. 161. ad Annum Christi Quingentesimum Octogesium quintum, agens de Authari, Rege Italiae, qui Theodelina, sive Theodelinda, primus fuit maritus, ita narrat: Facta electione Regis Authari, Papienses dicebant quod ad Episcopum Papiensem pertinebat Coronatio, secundum Privilegium Imperatoris Lamberti: & quod de facto Eleph fuerat ibi coronatus. Cives autem de Mediolano ostenderunt, quod Coronatio per Theodebertum Regem fuerat eis restituta: & quod numquam aliquis Rex fuerat coronatus in Papiis, nisi unus, quia tunc Civitas Mediolanensis jacebat destructa; ut supra dictum est cap. 148. TANDEM REX AUTHARI FUIT CORONATUS IN CAPPELLA SANCTI MICHAELIS JUXTA SANCTUM AMBROSIUM CORONA FERREA; SICUT AB ANTIQUIS TEMPORIBUS SERVATUM FUERAT, secundum quod dicit Chronica Ptolomei Episcopi. Hæc in Chronico Majore Gualuani; quorum pleraque recenset etiam in Chronico, Manipulo florum, cap. 61. & 63. Eademque sic etiam habentur in Chronico, Flos florum, fol. 94. pag. 2. fol. 95. pag. 1. & fol. 98. pag. 2. Quod si hæc pro rei veritate ita se habent; certe sequitur, ut Corona Ferrea penes Mediolanenses jam dudum esset, eaque Reges Italiae coronarentur, antequam Theodelinda nuberet Italiae Regi; utque propterea ne ipsi quidem Theodelinda illam dono ab Urbe Roma transmiserit Sanctus Gregorius Magnus; quemadmodum affirmat Bartholomeus Zucchi initio Libri sui, Breve Historia della Corona Ferrea &c. Qui quidem in hoc adhærere se putat Carolo Sigonio, velut ita scribenti: Sanctus Gregorius Pontifex Theodolindam Corona Ferrea donavit. Sed neque Zucchi ullum producit locum, in quo Sigonius ita scripserit: nec uspiam ego adhuc invenire illum potui; cum alioqui Libro primo De Regno Italiae, ad Annum Christi Quingentesimum nonagesimum primum, Coronam illam scribat a Theodelinda Regina institutam (quod ipsum e supra recitatis arguitur erroris) & postmodum, ad Annum Sexcentiesimum primum, inter alia de hujusmodi Corona, affirmet: Loco inde (Modoëtiæ) accessit dignitas, postquam Corona, de qua dixi, Ferrea ibi custodiri (tanquam e Theodelinda mandato) atque ea ibi coronari Reges, sunt cepti. &c. Zucchi certe, nec imprudenter, existimat, Coronam istam Ferream esse Diadema illud, quod, Sancto Ambrosio teste in Oratione habita in funere Theodosii, Helena Imperatrix, ex uno Clavorum, quibus crucifixus est Dominus, intextum transmisit ad filium suum Constantinum una cum Freno, ex altero pariter ejusmodi clavorum confecto, quod Mediolani hodieque in Templo Maximo religiosissime conservatur. Fatetur vero etiam, sacrosanctum illud Frenum Sancto Ambrosio ab Imperatore Theodosio donatum. Sic igitur nos etiam hoc ipsum de Diadema illo, Ferreaque Corona conjectamus. Atque ista fortasse potius causa fuit, cur in dextro Tribunæ latere Majores nostri Sanctum Ambrosium expresserint, Corona redimitum, quæ nobis Ferrea ac Modoëtiensi simillima esse videbatur, uti jam diximus Num. 71.

CII. Sed tempus jam est, ut ad Sedem in Odæo Archiepiscopalem, unde huc digressi sumus, rever-

tamur: utque ritus & ceremonias depromamus, quibus in Ambrosiana ista Basilica Imperator in Regem Italiae coronabatur. Concordes vero hac de re testes habemus Gualuancum Flammam in Chronico Majori, Cap. 167. & Auctorem Chronici, Flos florum, fol. 101. Sed tamen istius potius narrationem, utpote magis dilucidam & ordinatam, conscriptam ac verbatim exscribere placet, ita prorsus se habentem: Ordo Coronationis, quæ fit in Ecclesia Sancti Ambrosii est talis, secundum quod legitur ex Chronica Comitum Angliæ. Quod, quando Rex Romanorum vult recipere Coronam Regni Italici in Ecclesia Sancti Ambrosii, Imperator primo debet ire juxta Columnam marmoream, quæ est extra Ecclesiam Sancti Ambrosii (reque vera ibi separatim erecta stat adhuc) & unus ex Comitibus Angliæ debet præsentare Imperatori unum Missale: & Imperator debet jurare, quod erit obediens Papæ & Ecclesiæ Romanæ in temporalibus & spiritualibus: & de hoc debet fieri publicum Instrumentum. ET POSTEA ARCHIEPISCOPUS, VEL ABBAS SANCTI AMBROSII, DEBET IPSUM CORONA FERREA CORONARE SUPER ITALIAM, Quo facto, Imperator debet Columnam illam rectam marmoream amplexari, in signum, quod in ipso erit justitia recta. Tunc Comes Angliæ debet præsentare Christum in Cruce fixum Imperatori: & Imperator debet osculari pedes Crucifixi. Postea Comes Angliæ cum Cruce elevata debet intrare Ecclesiam, & Imperator debet sequi: & cum pervenerint ad introitum Chori in dextra, ubi est imago Herculis, tenentis leonem per caudam, Imperator debet osculari pedes illius imaginis propter reverentiam ad Reges Angliæ, qui portabant illam imaginem in Vexillo. Deinde Comes Angliæ cum Cruce elevata debet accedere ad Altare Sancti Ambrosii, & Imperator cornatus debet eum sequi: & Comes debet elevare Coronam de capite Imperatoris & ponere super Altare Sancti Ambrosii: & Imperator debet genuflectere coram Altare: ET ARCHIEPISCOPUS, VEL ABBAS, DEBET IMPERATORI SUAM BENEDICTIONEM DARE. Postea Comes Angliæ restituit Coronam capiti Imperatoris. TUNC DUO DE COTTIS (nobilissima hæc familia durat adhuc in Urbe) PORTÆ NOVÆ, INDUTI COTTIS ALBIS (clericale istud est indumentum, atque familiæ item illius est Stemma gentilitium) DEBENT IMPERATOREM PONERE SUPER CATHEDRAM MARMOREAM, QUÆ EST POST ALTARE SANCTI AMBROSII (ea nimirum est Archiepiscopalis, de qua nos dicere institimus) & Comes Angliæ debet osculari pedem dextrum Imperatoris, & illi de Cottis pedem sinistrum. Postea debet fieri de hoc publicum Instrumentum: & per tres dies debet Imperator ire viam suam versus Romam: ET ASSOCIAT EUM ARCHIEPISCOPUS MEDIOLANI. Hactenus de Imperatoris in hac Basilica Coronatione, deque usu, quo Archiepiscopalis ea Sedes eidem Imperatori deserviret.

CIII. Nolo tamen de hac ipsa Sede illud reticere, quod non tantum e traditione Majorum, sed etiam e Visitatione deprehendi, qua Sanctus Carolus, Cardinalis & Archiepiscopus, Anno Christi Millesimo quingentesimo sexagesimo sexto, Basilicam istam ex officio lustravit. In ea siquidem Visitatione descriptum id quoque fuit: In Choro dictæ Collegiæ adest Sedes Archiepiscopalis, ubi quamplures habentur superstitiones, maxime a mulieribus pregnantibus. Etenim hæc, sine doloris sensu se parituras confidebant; si appropinquante pariendi tempore, semel ei Sedi potuissent insidere. Quamobrem summa sollicitudine hoc etiam curabant.

CIV. A Basilica nunc redimus ad Archivum: & sicut ex ipso denique Num. 60. proferebamus Imperatoris Hlotharii Privilegium, Anno ejus Imperii duodecimo, Christi autem juxta nostram supputationem

nem Octingentesimo trigesimo quinto, datum; ita nunc exinde alterum ipsius exhibemus, datum die quinta mensis Maji, Anno decimo octavo ejusdem Imperii, proindeque Christi Octingentesimo quadragesimo primo; cum jam solus imperaret post Ludovicum patrem, cognomento Pium, anno superiori pie defunctum. Privilegium vero istud ille Basilicæ huic & Monasterio concessit, ab Angilberto Archiepiscopo rogatus: atque tenoris est proxime subsequens:

In Nomine Domini Nostri Jesu Christi, Dei æterni. HLOTHARIUS, divina ordinante providentia, Imperator Augustus. Dignum est, ut eorum petitiones hi studiose obaudire, & effectuosæ deliberatione procurare decertent, qui divina Magestate Imperiali sunt dignitate prælati, quorum studium & benevolentiam in his decertare cognoscunt, quæ ad obsequia divine Magestatis pertinent, solatium & tutamen sue stabilitatis, & æternæ remunerationis compendium. Igitur futurorum Fidelium Sanctæ Dei Ecclesiæ nostrorumque cognoscat solertia, quia Venerabilis Engilbertus Archiepiscopus nostris detulit obtutibus quandam Auctoritatem, quam ipse suo studio ad recuperandum lucrum animarum, obsequiumque Divine Magestatis, in locum, UBI CONFESSOR DEI AMBROSIIUS CORPORE HUMATUS REQUIESCIT: confirma..... videlicet Curtes, quarum hæc sunt vocabula, OZEDUTIRICAM LEMONTAM, CLEPIADAM, CERESIOLAM, GRATEMVICUM, SINTERIAM, CASTENIADAM, ET GATTUNADAM, SEU DUBLINUM: addens etiam omnes res, quas nunc eadem Ecclesia justo & legali ordine quoquomodo adquisierat, vel in antea, divina tribuente elementia, adquirere poterit; ut perennis temporibus in usus & utilitates ibidem divina militatione exsequentium maneat, absque cujuscumque sollicitatione..... (& quies Deo famulantium, cum vel justum obsequium, & conditoris, & utilitas publicarum, tum gubernantium: deposcens, ut suam bonam intentionem ad veram decertationem nostra corroboremus Auctoritate; sicuti & fecimus. Quapropter per hanc nostram Auctoritatem decernimus, ut nemo inde quippiam quocumque in tempore Fidelium nostrorum subtrahere præsumat, aut quamlibet contrarietatem ibidem Deo famulantibus inferre; sed hac nostra Auctoritate confirmata sua stabilis maneat institutio.... nullius contrario prævalente, tergiversante.... Et si quandoquidem Abbas ex eodem Monasterio decesserit; secundum suam institutionem licentiam habeant per consensum Archiepiscoporum, qui tunc per tempora fuerint, de ipsa Congregatione eligenditalem Abbatem, qui eis secundum Regulam & justitiam præficere alios possit. Et ut hæc nostra Auctoritas plenior vigorem, manu propria subter firmavimus, & annulo nostro subter sigillari iussimus.

Signum Hlotharii Gloriosissimi Augusti. Druetemirus Subdiaconus, atque Notarius, ad vicem Egilmari recognovi, & subscripsi. Data tertio Nonas Majas, Anno Christo propitio Imperii Domini Hlotharii Imperatoris decimo octavo, Indictione decima tertia. Actum Papie Palatio Regio in Dei nomine feliciter. Amen.

CV. Cum igitur Angilbertus Archiepiscopus jam ante, sive Christi anno, sicuti nos computabamus, Octingentesimo trigesimo secundo, Basilicæ ac Monasterio isti concessit suum illud Privilegium, quod a Nobis Num. 44. recitatum fuit; hoc tandem Anno Octingentesimo quadragesimo primo videtur illud ipsum Imperatori Hlothario ad confirmandum (quantum scilicet ipsius Confirmatione opus erat) obtulisse. Quia tamen aliqua postmodum prædia, & nominatim Limonta, fuerant huic Basilicæ Monasterioque attributa; iccirco igitur eorum fit mentio in hoc Imperatoris Privilegio cum alioqui facta

A non fuisset in privilegio Angilberti. Quod vero attinet ad Imperatoris hujus Privilegii, quem admodum & subsequens, Indictionem, sive potius Indictionis errorem (quacumque hic ex causa proveniret; tametsi hæc quoque ambo authentica sint) satis multa pro instituti nostri ratione jam differuimus Num. 46. Certe autem, juxta communem atque Imperatoribus etiam nostris per ea tempora usitatam Indictionum calculationem, nonnisi quarta Indictio incidebat in Annum Christi Octingentesimum quadragentesimum primum.

B CVI. Eodem Christi Anno, & Imperii sui decimo octavo, ejusdemque mensis Maji octava die, sive tertia postquam datum fuisset præcedens Privilegium, Hlotharius altero illud confirmavit, quo Limontam Monasterio huic & Basilicæ legaverat, quale jam Num. 60. recensuimus. Forte siquidem aliquid superfuerat ambiguitatis, eo quod Limontæ situm & incolas non ita expresse descripsisset. Vel etiam postea voluit Successoribus suis executionem Legati hujus sui commendare, quod ab initio non fecerat. Nisi forte illud etiam causæ huc accessit; quod universos Limontæ redditus jam vellet solis Basilicæ luminaribus concinnandis alendisque impendi; non autem aliis etiam ullius generis ornamentis, quemadmodum Privilegio primum dato statuerat. C Quamquam etiam, quicquid sit de causis, cur ejusmodi Privilegium fuerit à Hlothario renovatum, tale profecto istud fuit:

D IN Nomine Domini Nostri Jesu Christi, Dei æterni. HLOTARIUS, divina ordinante providentia, Imperator Augustus. Dignum est, ut Imperialis Dignitas tanto studiosius conjunctorum obaudiat præceptum, quanto magis cognoscit, ad obsequendum Divine Magestatis pertinere. Igitur cunctorum Fidelium Sanctæ Dei Ecclesiæ nostrorumque cognoscat solertia, quia dilecta conjux nostra Hirmingardis nostram..... pro emolumento mercedis nostræ, & remedio animæ fratris sui, puerili ætate ab hac luce delati, Hugonius nomine, ad concinnanda luminaria IN BASILICA BEATI CONFESSORIS CHRISTI AMBROSII, UBI IPSE CORPORE HUMATUS REQUIESCIT, pro cujus veneratione ibidem ipse puerulus sepultus est, quandam conferrem Curtem ex Fisco nostro super ripam lacu Comacini, vocatam LIMONTA, cum casis indomnicatis, & Capella in honorem Sancti Genesii, & aliis ædificiis ad se pertinentibus, cum familiis ibidem aspicientibus. Quorum hæc sunt nomina: Ursonem, cum muliere, & infantulis suis quinque: Fosculum, germanum ejus, cum muliere, & infantulis suis quinque: Lobianum, germanum ipsius, cum infantibus suis tribus: Ariulfum, cum muliere, & tribus infantibus suis: Agipertum, cum muliere, & quatuor infantibus suis: cum omnibus pecuniolis suis, quas ipsi de pertinentia ejusdem Curtis habent: vel omnibus pertinentiis ejusdem Curtis, casis videlicet, & vineis, olivetis, campis, silvis, pratis, pascuis, aquis, aquarumve decursibus, vel omnibus adiacentiis, seu pertinentiis suis: & alia olivetula in locis Aucis & Conni. E Cujus petitionem justam recolentes, ob Dei amorem pro mercedis nostræ augmento, & refrigerium animæ ipsius pueri libenter annuimus. Ideoque hanc nostram Auctoritatem circa EUNDEM SANCTUM AC VENERABILEM LOCUM fieri iussimus: per quam nostros Successores obsecramus, ut omni in tempore absque cujusquam contrarietate easdem res nostra indulgentia solummodo in concinnanda luminaria ibidem quieto ordine dimittant: nostrisque Fidelibus præcipimus, ut nemo quippiam inde subtrahere præsumat, aut quamlibet inquietudinem inferre; sed omni tempore hac nostra Auctoritate ibidem ad utilitatem EJUSDEM ECCLESIE quieto ordine maneat; & omnis redibitio earundem rerum in ornamento luminarum ibidem deveniat, peremittere mansurum. Et ut hæc nostræ Aucto-
rita-

ritatis largitio pleniorē obtineat vigorem, & a nostris Successoribus diligentius conservetur & a Fidelibus inemerata servetur, manu propria subter eam firmavimus, & de annulo nostro subter figillari iussimus.

Signum Hlotharii Gloriosissimi Augusti;

Druetemirus Subdiaconus, atque Notarius, ad vicem Egilmari recognovi, & scripsi.

Data octavo Idus Majas, Anno Christo propitio Imperii Domni Hlotharii pii Imperatoris decimo octavo, Indictione decima tertia.

Actum Papie, Palatio Regio, in Dei nomine feliciter. Amen.

CVII. Limonta porro, sicut etiam in hoc ipso Privilegio asseritur, sita est super ripam Laci Comani, sive Cumani, desumpta scilicet appellatione ab Urbe Como, aliter Cumo, ad ejus pariter ripam sita: quem sane Lacum Scriptores communiter etiam Larium appellarunt. Mediolano ea distat trigintaquinque millia passuum, Como autem viginti, ac Leuco (quod in eo tractu Castellum & Oppidum est celeberrimum) solummodo decem. Qua enim flumen Abdua, ex ipso Lacu emissum, & circiter tria inde milliaria provectum, & adhuc stagnans, tendit Leucum, illic visitur Limonta, Vallesinam inter ac Bellasum: & sicut olim majori ex parte planitiem Lacui adjacentem occupabat; ita nunc collem occupat contiguum, ac leniter assurgentem. Nulli subjecta Dicepsi ea est; sed quemadmodum Ambrosiani hujus Monasterii Abbas politicam in eam, Comitatus titulum (quem postea illi videbimus ab Imperatore concessum) insignis; sic etiam Ecclesiasticam, velut Ordinarius Præful, exercet jurisdictionem. Itaque suos in utroque Foro, cum Civili, tum etiam Criminali, supremus ipse Judex ac Dominus Ministros constituit, qui secundum Statuta ei populo per semetipsum præscripta judicent: sic etiam ibidem spiritali animarum regimini præficit è suis Monachis unum, quem appellare Vicarium consueverunt; quin etiam peccatorum aliquot graviorum absolutio nem sibi uni reservat. Ambrosianus illic quoque Ritibus in usu est, perinde ac in hoc nostro Monasterio. Quæ vero de Limonta nunc narramus, eadem Civenne non multum ab ea distantis, quin etiam Campillioni ad Luganensem Lacum siti, observantur; excepto, quod Statuta Campillione præscripta, necnon etiam typis edita separatim, paululum ab iis variant, qui Limontæ simul & Civenne incumbunt. Harum namque trium Curtium & Villarum, certe quidem incolis certatim confluentibus abundantium, ex æquo Comes & Præful Ordinarius est Ambrosiani hujus Monasterii Abbas. Ceterum Limontæ simul ac Civenne descriptionem Italico ac eleganti stylo profectus jam fuit Robertus Rufca, Monasterii hujus Monachus: & hac de re librum edidit Anno Christi Mille simo sexcentesimo vigesimo quarto, quo tempore Vicarius illic erat & animarum Curator. Quocirca nihil est, cur nos pluribus illas in præsentī describamus.

CVIII. Anno Christi Octingentesimo quadagesimo quarto, Lotharius Imperator Ludovicum filium natu maximum, quem in Italia Regem fecerat (ut inquit Ado Viennensis in Chronico) Sergio Papa Secundo in demortui Gregorii Quarti locum succecto, protinus in Italiam cum exercitu ornatissimo contendere iussit, atque a novo Pontifice Regia simul & Imperatoria insignia postulare. Veruntamen, utrum solam Italici Regni, an etiam Imperii Coronam Ludovicus a Pontifice obtinuerit, Scriptores abeunt in diversa. Sigonius quidem De Regno Italiae ad eum ipsum Christi Annum ita differit: Ludovicum a Sergio non solum Regem, ut scribit Anastasius, sed etiam Imperatorem inunctum, præter Adonem Scriptorem horum temporum æqualem, & Leonem Ostiensem, vetera etiam Lothari Diplomata fidem faciunt: in quibus anni Imperii ejus cum annis Imperii filii ita jungun-

tur, ut facile appareat, Ludovici Imperium in Italia hoc Anno habuisse initium. Contra vero Anastasius Bibliothecarius, ab ipsomet jam Sigonio allegatus, ita narrat: Tunc almisicus Pontifex manibus suis ipsum Ludovicum, Imperatoris filium, oleo sancto perungens, Regali ac pretiosissima coronavit Corona, Regemque Longobardorum præfecit: cui Regalem tribuens gladium, illic eo subcingi iussit. Quocirca Baronius in Annalibus ad eundem Annum, Audisti, Lector (inquit) Anastasium asserentem, nonnisi de Regno Longobardorum Ludovicum fuisse a Sergio coronatum. Cui tamen haud assentiendum facile puto; cum plurimum testificationibus constet, eum coronatum fuisse Romæ Imperatorem. Quarum illa certior, quæ in sepulchrali titulo posita legitur istis Versibus.

HIC UBI FIRMA VIRUM MUNDO PRO-
DUXERAT ÆTAS,
IMPERII NOMEN SUBDITA ROMA
DEDIT.

Testatur id ipsum Leo Ostiensis, Chronici Cassinensis Lib. 1. cap. 29. Diplomata præterea afferuntur in testimonium a Sigonio, De Regno Italiae, Lib. 1. hoc Anno, in quibus annus hic primus Ludovici Imperatoris ponitur. Ceterum, quod Acta Romani Concilii, & ipsa quidem legitima, anno septimo Leonis Papæ Quarti celebrati, Anno Domini Octingentesimo quinquagesimo tertio, bis ponant, eum Annum Ludovici Imperatoris esse quintum; plane declarant, nonnisi anno secundo Leonis ipsius, nempe Anno Domini Octingentesimo quadagesimo octavo, eundem Ludovicum coronatum fuisse Romæ Imperatorem, anno secundo Pontificatus ejusdem Leonis Quarti. Porro, quod in sepulchrali Versu dicitur, IMPERII NOMEN SUBDITA ROMA DEDIT, non cogit, ut hoc Anno potius factum, quam post annos quatuor id contigisse dicamus; ut ex hac parte verum esse possit, quod Anastasius, Scriptor candidissimus, asserit. Hæc igitur, hunc in modum a Baronio disputata, eo denique tendunt, ut Anastasii assertionem illam non improbent. Certe quidem illam nos etiam probamus, & Archivi quoque nostri testimonio confirmamus. Ipsiusmet siquidem Ludovici Privilegium habemus, vigesimo quarto ejus Imperii anno, ac simul etiam Indictione sexta datum. Quæ tamen sexta Indictio (juxta supputationem Regibus Italiae ac Imperatoribus nostris per ea tempora usitatam, ut alibi jam monuimus) non in alium Christi Annum, imperante Ludovico, incidere potuit, quam in Octingentesimum septuagesimum tertium. Quomodo autem in hunc ipsum Christi Annum incidere potuit vigesimus quartus Imperatoris Ludovici annus, nisi primus ejusdem Imperii annus deducatur ab Anno Christi potius Octingentesimo quadagesimo octavo, quam Octingentesimo quadagesimo quarto?

CIX. Ceterum eodem Anno (quadagesimo quarto supra Octingentesimum, ibidem subdit Sigonius) Angilbertus, Mediolanensis Archiepiscopus, ab Ecclesia Romana, parum comperita de causa, desciivit: tantumque exemplo in posterum valuit, ut nonnisi post ducentos annos Ecclesia Mediolanensis ad Romanæ obedientiam auctoritatemque redierit. Et hic vel animus ipse noster, in Angilbertum Archiepiscopum gratus, a nobis nunc deponit, ut ipsum, ejusque Successores, tanto dedecori & probro eximamus; tametsi hoc ipsum ex instituto facere tunc præsertim meditemur, cum Sancti Levitæ & Martyris Arianaldi, Mediolanensis, Vitam typis in lucem proferemus. Atqui cum Sigonio consensit etiam expresse Erycus Puteanus, Historiæ Insubriæ Libro quarto, in hæc verba: Ut scires, post Regem esse, qui turbare faciem Reipublicæ posset; Angilbertus, Mediolanensium Archiepiscopus, novo noxioque exemplo ab Ecclesia Romana desciivit. Leve damnum: si cum viro pertinacia desisset. Duravit superstes: causisque subnascentibus robur colligens,

gens, ducentos admodum annos traxit. Subinde autem in ejusmodi Historiæ Commentario, *Et hac* (inquit) *de causa fortassis Drogoni, Ludovici Regis patruo, reliquisque Episcopis se adjunxerat, cum Ludovicus Romam ad suscipiendum Regnum cum exercitu se conferret. Nam Anastasius in hæc verba scribit: Deinceps* (hoc est, postquam Ludovicum Sergius Papa Regem Longobardorum coronasset) *per dies singulos conflictum novi certaminis cum Sanctissimo Præsule, omnibusque Episcopis & Optimatibus nostris atque Proceribus, ipse Drogo Archiepiscopus Metensis Ecclesiæ commovebat: tam ipse, quam omnes Archiepiscopi & Episcopi, qui cum eo contra hanc Universalem, & Caput cunctarum Ecclesiarum Dei, sine Metropolitani concessione atque vocatione convenerant: id est, Gregorius Archiepiscopus Ecclesiæ Ravennensis, & Angilbertus Archiepiscopus Ecclesiæ Mediolanensis &c.* Quid, quod in hanc ipsam Angilberti ejusque Successorum ignominiam consentit etiam Josephus Ripamontius, Historiarum Ecclesiæ Mediolanensis Libro decimo? Tacito tamen Angilberti nomine hoc idem ante hos omnes innuerat Blondus Flavius, Historiarum ab inclinatione Romanorum Imperii Libro tertio Decadis secundæ, his verbis: *Per Stephani Noni Pontificis tempora* (fuerunt autem novem menses Anni quinquagesimi septimi supra Millesimum) *Mediolanensis Ecclesiæ, quæ per ducentos fere annos a subjectione Romanæ Ecclesiæ insolenter se subtraxerat prima, inter alias eam majorem superioremque recognovit: fatagente nimirum Beato Petro Damiani, Legato tunc temporis ad Mediolanenses Apostolico.*

CX. Nos igitur ex adverso commentitiam esse contendemus ejusmodi defectionem Angilberti, tamque multorum ipsius Successorum. Verumtamen paucis hic utemur argumentis; quippe pluribus alibi, tamquam proprio in loco, & tamquam è propria instituti tunc nostri ratione; ut paulo ante dicebamus. Quamquam etiam in hujus Operis progressu vanitas ejus figmenti, Ecclesiæ Mediolanensi usque adeo probrofi, facile identidem per alias passim occasiones constabit. Quod si quempiam cum Puteano illud præcipue in transversum agit, quod Angilbertus Drogoni Metensi Archiepiscopo (verius Episcopo) tum etiam Ravennati, ceterisque tam multis Episcopis, & Comitibus, quos ibidem Anastasius enumerat, sese adjunxerit; numquid ergo ceteri etiam qui se Drogoni vicissim & Angilberto adjunxerunt, ab Ecclesia itidem Romana desciverant? Numquid etiam ipsemet Drogo, vel etiam Ludovicus, ejusdem nepos? Nihil minus. Atqui contra Pontificem Romanum interea illi contendebant. Contendebant illi sane; sed tam initio, quam in fine, citra notam defectionis. Exitum profecto hujusmodi contentionum ita demum Anastasius describit: *Sed, divina gratia inspirante, nec sermones ipsius almi Pontificis (Sergii) neque prudentiam superare valuerunt: tantaque ei superna aderat virtus, ut nullo sermone eum concludere, vel confringere potuissent. Sed ab eo superati, pudore operi & confusione, discesserunt. Quod videntes, omnem iram atque ferocitatem, quam in mentibus conservabant, omnino deposuerunt. Quid autem mirum sit, quidve suspicionem defectionis a Pontifice Romano injiciat, quod Angilbertus sese adjunxerit Ludovico, Romam proficiscenti, ad Italici Regni, vel etiam Imperii, Coronam e manu Pontificis capeffendam? Moris utique tunc erat, ut novum Italiæ Regem, aut Imperatorem, illuc properterea pergentem, Archiepiscopus Mediolani, tamquam ex officio sui proprio associaret; sicut supra jam vidimus Num. 103. Illud vero etiam huc nobis percommode accedit, quod, cur Angilbertus ad schisma defecerit, quid item schismatici egerit, muta penitus est omnis historia; cum alioqui quid de ipso narrantur, nonnisi Præsulem spirent catholi-*

A cum, & Apostolicæ Sedi Romanæ, tamquam omnium Ecclesiarum Capiti Matri ac Magistræ, constanter adhærentem. In cujus rei testimonium legi etiam possunt binæ illæ Synodi Regiaticinæ (sive in Urbe regia Ticino celebratæ; quod tamen eruditissimus Henricus Canisius Tomo quinto Antiquarum Lectionum non intellexit) quas Severinus Binius recenset Parte Prima Tomi tertii Conciliorum a se editorum: quarumve una celebrata fuit Incarnationis Dominicæ Anno Octingentesimo quinquagesimo, altera vero quinquagesimo quinto. Ceterum Angilberto postea successit Archiepiscopus Thado, a Thadoni Anspertus. Ergone vero schismatici pariter ipsi, & Ecclesiæ Romanæ desertores, Angilberti videlicet exemplum affectati? Absit hoc. Et pro Thadone quidem nobilissimum habemus Nicolai Papæ Primi, Romanam tunc Ecclesiam regentis, testimonium, ipsius etiam Decretis insertum in hæc verba: *Scriptum super hoc propriis manibus roboratum efferentes, & sententiam, quam a Sede Apostolica in Engel-drudam uxorem Bassonis SANCTISSIMUS FRATER NOSTER ARCHIEPISCOPUS MEDIOLANENSIS THADO, & ceteri Episcopi nostri petierunt admittendam.* Anspertum vero Tabulæ in primis Ecclesiæ Mediolanensis testantur ab Adriano Secundo, Pontifice Romano, creatum fuisse Archiepiscopum. Sed ipsemet etiam, quam procul ab ejusmodi crimine abesset, ostendit luculentissime in Synodo Ticinensi, Anno Dominicæ Incarnationis Octingentesimo septuagesimo sexto, Indictione nona, mense Februario, celebrata. Quam in Synodo Carolus Calvus, Francorum Rex, ab Episcopis Italiæ, inter quos primus erat Anspertus, electus fuit Imperator. Ejusdem Synodi Acta & Canones habentur Tomo tertio Conciliorum antiquorum Gallie, quæ doctissimus e Societate Jesu Pater Jacobus Sirmundus denique edidit: primusque ac secundus Canon tam luculenter Ansperto & nobis attestantur, ut pudendum plane convincant aliter opinantium errorem. Primus namque Canon ita verbatim se habet: **UT SANCTA ROMANA ECCLESIA, SICUT EST CAPUT OMNIUM ECCLESiarum, ITA AB OMNIBUS HONORETUR ET VENERETUR: neque quisquam contra jus & potestatem ipsius aliquid injuste agere præsumat; sed liceat ei debitum tenere vigorem, & pro universali Ecclesia pastorem exhibere curam, atque sacris precibus omnium pro omnibus interpellare Auctorem.** Sic etiam subinde Canone secundo legimus decretum: *Ut honor Domno & spirituali Patri nostro, Joanni Summo Pontifici, & Venerabili Universali Papæ, ab omnibus conservetur: & quæ secundum sacrum ministerium suum auctoritate Apostolica decreverit, cum summa veneratione ab omnibus suscipiantur; & debita illi obedientia in omnibus conservetur.* Sed & vicissim Joannes Octavus Pontifex suas inter Epistolas Decretales multoties agit cum Ansperto, tamquam cum Archiepiscopo sibi Sedique Romanæ fideliter adhærente: quinetiam ipsius Antecessores nonnunquam hoc fidelitatis & obedientiæ titulo commendat. In Epistola nominatim 127. quam ille inscripsit Reverendissimo & Sanctissimo Confratri Ansberto, Venerabili Archiepiscopo Mediolanensi, sic inter cetera inquit: *Quia de statu Sanctæ Ecclesiæ sunt, quæ communiter tractare debemus; tuæ Sanctitati Apostolica auctoritate mandamus, cum cunctis Suffraganeis tuis & Coepiscopis, nobis Papiam secunda die post festum Sancti Andreæ occurrere. ET QUONIAM PROBATA FIDES OMNIUM PRÆDECESSORUM TUORUM* (quis hinc Angilbertum & Thadonem, proximos ipsius Prædecessores, ausit excipere?) **SEMPER FUIT ERGA ROMANUM PONTIFICEM; TUA FRATERNITAS OMNIMODIS STUDEAT EORUM IN OMNIBUS ASSEQUI VESTIGIA.**

GIA. Quia (quod absit) si aliter fuerit; vigor canonicus super inobedientes remanere non poterit. Anspertus tamen ad eam Synodum non porrexit, nec aliquem sui Nuncium ac Legatum, vel excusatoriam Epistolam, misit; sicuti nec ad alteram postea Synodum, Romae convocata. Quocirca Pontifex una cum Synodo hac Romanam ipsum Epistola 177. excommunicat, quoadusque tandem veniat, vel mittat: qua de re ipsum etiam postea rogat Epistola 181. & rursus Epistola 182. quæ data fuit Decimo tertio Kalendas Junii, Indictione Duodecima: præterea vero etiam Epistola 196. & 256. e quibus etiam ista juvat excerpere. Siquidem Epistolam illam 196. sic ad Anspertum inter cetera conquerens scribit: Legatos nostros: Joannem Ticinensem & Vualpertum Portuensem Episcopos, e latere nostro ad te directos, non suscipiens, præforibus portæ diu tibi nostræ comminationis verba facientes, quatenus Nobis, aut per te, aut per Legatum tuum, TUAM MORE PRÆDECESSORUM TUORUM CONDIGNAM OBEDIENTIAM EXHIBERE DEBUISSES, irreverenter stare fecisti, nullamque illis reverentiam, vel auditum, accommodare dignatus es. Et Epistola 256. Decuerat (inquit) te, Frater charissime, pura animi sinceritate eam reverentiam eumque honorem Sanctæ Sedi Apostolicæ, cui Deo auctore præsidemus, quotidie impendere, QUÆ USQUE AD TUÀ TEMPORA OMNES TUI PRÆDECESSORES, LAUDABILITER VIVENTES, HUIC ECCLESIE OBTEULERUNT PRONA MENTIS DEVOTIONE: pro qua re ejus gremio suscepti quidam præ nonnullis amore dilecti sunt. Data vero fuit hæc Epistola mense Novembris, Indictione Decima quarta. Per hæc igitur aperissime videmus, quemadmodum Anspertus nullum a Prædecessoribus suis acceperit foveritque schisma, quale Angilberto imputabatur auctori. Sin vero postmodum eam ipse ob causam excommunicatus a Pontifice fuit; non tamen propterea conflavit schisma, universæ Mediolanensæ Ecclesiæ commune (maximeque patet hoc ex ejusdem Pontificis Epistola 220.) præterea vero etiam ipsum denique ab ejusmodi excommunicatione absolutum, Sedique Apostolicæ reconciliatum, debitamque professum fuisse obedientiam, liquidissime constat ex ejusdem Pontificis ad ipsum Epistola 260. & ex Epistola 261. ad Anselmum, Archidiaconum Mediolanensem. Quocirca nec ad suos Successores Anspertus ullum schisma transmisit. An vero tale quid ab aliquo postea Successorum fuerit excitatum, & ab ipso reliquisque deinceps pertinaciter ad multos scilicet annos retentum: attendat Lector, quæ Monumenta ista hæc nostra deinceps complectentur. Ego quidem spero fore, ut ne ad tempora quidem Stephani Papæ Noni, & Cardinalis Petri Damiani apud Mediolanenses Legati Pontificii, tale unquam monstrum in Ecclesia Mediolanensi comperiat. Nunc ad propositam nobis ex ordine feriem temporum revertamur.

CXI. Anno Christi Octingentesimo quadragésimo nono Archivi nostri Documenta nobis Abbatem Monasterii hujus nominant Andreæ. Itaque nos ipsum interpretamur in demortui Gaudentii locum successisse.

CXII. Anno Christi Octingentesimo quinquagesimo quinto Hlotharius Hludovici pater, abdicato a se Imperio, semet vitæ monasticæ addidit. Juxta Sigonium autem, De Regno Italiæ, Monachus obiit eo ipso anno. Sed Arnoldus Wion Ligni Vitæ Libro Quarto eundem affirmat post decennium obiisse: & ita quidem, ut Sanctorum Catalogo ad scribi meruerit.

CXIII. Anno Christi Octingentesimo quinquagesimo nono, die vigesima nona Februarii creatus offert se nobis Monasterii hujus Abbas Petrus: & in hoc ipso regimine continenter perseverat usque ad Annum Christi Nonagesimum; sicut infra suo tempore constabit ex ipsius Epitaphio.

CXIV. De Thadone Archiepiscopo, Angilberto suc-

cessore, Scriptores hoc saltem communi tradunt consensu, Ecclesiam Mediolanensem ab ipso fuisse administratam septem annos cum dimidio, sub initium mensis Junii terminato. Anspertum vero ex ipsius Epitaphio, quod infra sub Anno Octingentesimo octuagesimo secundo proferemus, certissime nobis constat eundem Thadonem fuisse Anno Dominicæ Incarnationis Octingentesimo sexagesimo nono, die vigesima quinta Junii. Quamobrem nos inde conjicimus, eodem similiter Anno Thadonem obiisse, cum antea regimen hujus Ecclesiæ suscepisset Octingentesimo sexagesimo primo Anno. Sed & conjectura ista eoque provehimur, ut Angilbertum etiam facile nobis persuadeamus obiisse hoc ipso pariter Anno: nimirum paulo ante, quam illi Archiepiscopus Thado substitueretur: itaut Archiepiscopatum istum in id usque tempus ille rexerit jam inde ab Anno Christi Octingentesimo vigesimo septimo, a quo exorsum computabamus Num. 44.

CXV. Certe autem insigne Thadonis habemus Privilegium, mense datum Februario, Indictione undecima, Dominicæ Incarnationis Octingentesimo sexagesimo sexto Anno. Etenim per ea tempora tam nostri Archiepiscopi, quam Imperatores & Italiæ Reges Annum quemque Christi computabant ab ejus Incarnatione, id est, a vigesima quinta Martii mensis die; cum alioqui Romana Ecclesia computare solet ab ejusdem Christi Nativitate, sive a Calendis Januarii ad alteras subsequentis Januarii Calendas. In Gallia sic etiam id servabatur, ut vel ab Incarnatione, vel a Resurrectionis Dominicæ Paschate, singulos Christi Annos computarent. Idemque mos illic viguit ad Annum usque Millesimum quingentesimum sexagesimum quartum: quo scilicet Anno Carolus Rex Novus publico cavito Edicto, ut in publicis privatisque Tabulis exordium Anni deinceps a Calendis Januariis peteretur. Sic enim accurate Aubertus etiam Miræus observavit in suo Chronico Belgico ad eum ipsum Christi Annum, & jam ante ad Sexcentiesimum sexagesimum secundum. Inspice vero jam tandem Lector, quale sit illud Archiepiscopi Thadonis Privilegium, & quidem rogatu Petri Abbatis concessum.

IN Nomine Sanctæ & individue Trinitatis, THADO, divine pietatis gratia largiente, Sanctæ Mediolanensæ Ecclesiæ Archiepiscopus: Omnibus nostri ordinibus sequacibus, cunctisque nostræ Ecclesiæ Fidelibus, presentibus scilicet atque futuris. Cum nos omnipotentis Dei misericordia Vicarium Beatissimi nostri Patroni instituisset Ambrosii, atque sacerdotales ad insulas pervenire donasset; hoc nobis potissimum studium fuit, ut, si qua aut negligentia prætermissa, aut aliquo casu immutata, emendanda, vel melioranda cognosceremus; omnia juxta Venerabilium instituta Patrum, vel morem antiquum, ad rectitudinem status reduceremus. Igitur dum tali studio insisteremus, PETRUS, NOSTRI ABBAS COENOBII, QUOD JUXTA TUMULUM BEATISSIMI EST SITUM AMBROSII, nostram adiit solertiam: videlicet referens, quod OLIVETUM ILLUD IN LEMONTAS, ATQUE IPSIUS OLIVETI CUSTODES, nostri Episcopii parte injuste detinerentur suppliciter petens, si hoc nobis rectum videretur, ut suo Monasterio præfatum concederemus Olivetum habere. Hujusmodi ejus assertionem audientes, & diligenter rei veritatem pariter cum nostris Sacerdotibus perquirentes, invenimus, qualiter Gloriosissimæ memoriæ Dominus Hlotharius Imperator Augustus per suum Præceptum ipsos colonos atque Olivetum cum omnibus adjacentiis & pertinentiis in ipsum Venerabilem concesserat Locum. Rectum igitur nobis nostrisque paruit Sacerdotibus, ut ipsos homines & Olivetum atque omnia ad ipsum Locum pertinentia, quæque a nostri Episcopii parte detinebantur, ditioni & potestati supradicti concederemus Monasterii; sicuti & in præsentem per hoc nostræ Auctoritatis Præceptum concessimus, atque tenendum corroboravimus.

Puricellus.

G

Insu-

Insuper etiam petiit, ut intra (non intra, sed juxta legendum videtur) Ecclesiam Sanctorum Vitalis & Agricole, in honore Sanctorum Petri & Pauli ECCLESIAM INFIRMORUM ei construere concederemus: atque semitam, per quam Monasterium minus munitum erat, claudere, & in aliam partem transmutare permetteremus: ILLOSQUE SACERDOTES, QUOS PRO SUA UTILITATE AD CELEBRANDUM MISSARUM SOLEMNIA IN EADEM ECCLESIA OLIM NOVITER COLLOCAVERAT, INTRANOSTRORUM CONCILIUM SACERDOTUM CONSORTIUM ANNUNERARICONCEDEREMUS. Nos vero per consensum omnium nostrorum Sacerdotum petitioni ejus assensum præbuimus: ET IPSOS PRESBYTEROS, AB EO IN ECCLESIA SANCTI AMBROSII NOVITER ORDINATOS, IN NOSTRORUM CONCIVIVM CONGREGATIONE PRESBYTERORUM SUSCEPIMUS; QUATENUS IPSE ABBAS SUCCESSORESQUE EJUS, PERPETUALITER IPSORUM OBSEQUIUM POSSIDENTES, UNA CUM MONACHIS SIBI SUBJECTIS PRO STABILITATE REGNI ATQUE STATU HUIUS ECCLESIAE OMNIPOTENTIS DEI MISERICORDIAM JUGITER VALEANT EXORARE. Insuper etiam confirmamus atque concedimus præfato Abbati, Successoribusque ejus, SICUT PRISCA CONSUEITUDO EX ANTIQUO TENERE VIDETUR: UT IN DOMINICIS, SEU IN SOLEMNIBUS DIEBUS, INDUTUSSANDALIIS CETERISQUE ORNAMENTIS EPISCOPALIBUS MORE ORNATUS, IN ECCLESIA BEATI AMBROSII DIVINUM CELEBRARE OFFICIUM. Præterea concedimus atque confirmamus præfato Monasterio & Fratribus OMNES OBLATIONES, quæ a Christi fidelibus in eadem Ecclesia Sancti Ambrosii quoquo modo, a majoribus, sive a minoribus, de late fuerint: omnesque res, omnesque possessiones ibidem collatas, cunctasque videlicet Curtes, earumque appenditias, simulque decimas omnium laborum, seu dominicatus eorum: simulque omnes aldiones & aldionas, servos & ancillas, seu colonos sed & omnia, quæ nunc habere videntur, vel quæ deinceps Deo propitio acquirere valuerint. Omnia superius dicta quieto jure tenere liceat, absque mea & Successorum meorum molestia. Et qui temeraria mente violare aut exterminare maluerit; exterminetur a Deo & a Patrono nostro Ambrosio; & deleatur nomen ejus de Libro Vitæ, donec prælibati Cænobii Abbati & Monachis satisfecerit. ET NEQUE ABBAS IBI ORDINETUR, NISI DE IPSA CONGREGATIONE; si talis persona ibi reperta fuerit; qui eos valeat secundum Regulam gubernare. Et si ibi talis persona reperta non fuerit; de alia Congregatione facultatem eligendi habeant, sine alicujus majoris minorisve contradictione personæ; tantum, ut cum auctoritate Regulæ Beati Benedicti faciant electionem. Et ut hoc nostræ Auctoritatis Præceptum abbinc firmiter habeatur, & a cunctis diligentius inviolabiliter observetur, Ansperandum, nostræ Ecclesiæ Premitterium, scribere jussimus, & propria manu confirmavimus, atque Sigillo Beati Ambrosii ad corroborandum insigniri jussimus, Anno Domini Hludovici Vigesimo quarto, mense Februarii, Indictione Undecima, Anno Dominicæ Incarnationis Octingentesimo sexagesimo sexto, Indictione supradicta, feliciter.

Ego Thado, indignus Archiepiscopus, subscripsi.

Ego Valbertus, Archipresbyter, subscripsi.

Ego Odelmanus, Archidiaconus, subscripsi.

Ego Oddo, Presbyter, subscripsi.

Ego Tenzo, Presbyter, subscripsi.

Ego Vido, Presbyter, subscripsi.

Ego Walo, Diaconus, subscripsi.

Ego Wilielmus, Diaconus, subscripsi.

A Ego Witelmus, Diaconus, subscripsi.

Ego Anspertus, Subdiaconus, subscripsi.

Ego Petrus, Notarius, subscripsi.

Ego Gisilbertus, Notarius, subscripsi.

B CXVI. Ceterum de Privilegii hujus Indictione, ab Imperatorum Regumque tunc Italiae usu aliquantum diversa, dictum jam satis est superiori Num. 46. Quod autem datum legitur Anno Dominicæ Incarnationis Octingentesimo sexagesimo sexto, Domni Hludovici vigesimo quarto, sine ulla expressione, annusne hic deductus fuerit ab initio ejus Regni, an Imperii: certe deductum fuisse constat ex Anno Christi Octingentesimo quadragésimo secundo, quo Hludovicus a Pontifice Romano necdum fuerat in Italia Regem, vel Imperatorem, coronatus. Jam tum igitur, ut opinor, Hlotharius pater ipsum fecerat Italiae Regem: atque hoc ipsum fortasse Ado Viennensis in Chronico iis inuit verbis, quæ nos Num. 108. in principio recitavimus. Quid si vero etiam Mediolanensis item Archiepiscopus, Angilbertus, ipsum Italiae jam tum Regem coronaverat? E regia igitur dignitate, qualitercumque jam tum Hludovico impertita, mihi quidem Thado videtur quantum illum & vigesimum Hludovici annum computasse. Sed ex eo insuper, quod Imperator a Mediolanensi Archiepiscopo Corona Ferrea insigniri Medoetia jam soteret prius, quam Romæ a Pontifice Aurea; iccirco Hludovicum ego ausim affirmare ab Angilberto coronatum etiam fuisse Imperatorem ipsomet Anno Christi Octingentesimo quadragésimo quarto, antequam Imperatoris pariter Coronæ a Sergio Papa Secundo capeßendæ causa Romam incassum contenderet; si tamen incassum contendit. Atque hinc ego quidem ulterius crediderim postea factum, ut nonnulla Imperatoris hujus Hludovici Diplomata, qualia Carolus etiam Sigonius recensuit, ejus Imperii præferrent annos, ab Octingentesimo quadragésimo quarto Christi Anno computatos.

D CXVII. Quemadmodum Limontam duplici Hlotharius Imperator Privilegio legaverit Ambrosianæ huic Basilicæ, ac Monasterio, ejusdemque sancti Loci Rectores, & proinde Abbati ac Monachis: hoc utique superioribus Numeris, 60. & 106. comprehensum re legi potest. Quod si quis forte discedit inde irrequietus adhuc, nec satis persuasus; ecce Thadonis habet Privilegium, quo sibi omnem jam demum ambiguitatem discutiat. Nec enim aliam ob causam Limonta per Thadonem conceditur (hoc est, injuste Sedis Archiepiscopalis nomine usurpata redditur) huic Monasterio, sive ipsius Abbati & Monachis nisi quia Hlotharius Imperator eidem illam olim re vera, & jam denuo compta, confessaque, concesserat.

E CXVIII. Ex hoc ipso Thadonis Privilegio intelligi etiam datur, quo auctore, quoque tempore constructa olim fuerit in honorem Sanctorum Petri & Pauli Apostolorum Ecclesia, quam Thado nominat INFIRMORUM, quæve postea nuncupata fuit SANCTORUM PETRI ET PAULI IN INFIRMARIA: cujus mentionem nos fecimus Num. 78.

F CXIX. Advertistine vero, Lector quemadmodum Petrus Abbas nonnullos Sacerdotes in Ambrosiana ista Basilica recenter ante datum ejusmodi Privilegium collocasset ad hoc, ut ibidem Missarum solemnia celebrarent: quos itidem Thado Archiepiscopus, a Petro rogatus, intra Concivium suorum Sacerdotum congregationem atque consortium suscepit? Ab iis nempe Sacerdotibus originem postea progressu temporis accepisse hodiernum in hac Basilica nobilissimumque Canonicorum Secularium Collegium, Majores hactenus nostri crediderunt. Quod si forte vetustiores ipsius origines nobis aliunde jam tandem proferantur; eas utique tanto lubentius, quanto vetustiores, amplexabimur. Hoc interim nos fideliter & amice damus, quod ex Archivo nostro haurire potuimus. Reliqua porro Privilegii hujus satis superque patent ex ipsius contextu.

Quo-

Quocirca nos hinc ad ulteriora progredimur.

CXX. Locus hic & tempus a nobis deposcunt, ut *Garibaldi* cujusdam Episcopi *Bergomensis*, erga Monasterium istud *Ambrosianum* in praesentem usque diem benefici, mentionem faciamus. Ac frater quidem *Celestinus*, e sacro Cappucinatorum Ordine Sacerdos, qui forte adhuc etiam vivit, Volumine Secundo Secundae Partis quadripartitae *Bergomensis* Historiae, *Italico* sermone conscriptae, Libro 15. Cap. 5. *Garibaldi* ejus Episcopi, quem cognomento *Calepium* & Civem *Bergomensem* appellat, mentionem ita facit, ut in locum *Haganonis*, Octingentesimo octogesimo tertio anno (quemadmodum superiori dixerat Capite) defuncti, successisse illum asserat; & anno denique Octingentesimo octogesimo octavo obiisse concludat initio Capitis subsequenter. Itaque Libro etiam postea 22. bina recitat Imperatoris *Caroli* Terti, sive *Crassi*, Privilegia, eidem *Garibaldo* Episcopo concessa, Incarnationis Dominicae Octingentesimo octogesimo tertio Anno, ejusque Imperii tertio in *Italia*, in *Francia* secundo, apud *Murgulam* Curtem regiam, tertio Calendas Augusti. Nos tamen ante aliquot etiam inde annos praefuisse ipsum ei Ecclesiae arbitramur. Publicum enim habemus Instrumentum, actum Civitate *Mediolanum*, quo multa ille pia Legata in remedium animae suae instituit, Anno Imperii *Hludovici* Imperatoris vigesimo, mense Martio, Indictione tertia. Eccejus autem *Hludovici*? Certe non Terti, cognomento *Balbi*, qui duos inter *Carolos*, *Calvum* & *Crassum*, duos tantum imperavit annos, vel paulo amplius; sed Secundi, qui ab Anno saltem supra Octingentesimum quadagesimo (ut jam differuimus) octavo imperavit usque ad leptuagesimum quintum, sicut infra memorabimus. Quoniam igitur vigesimus imperantis *Hludovici* Secundi annus juxta supputationem, cui nos lubentius adhæsimus, in Annum incidit *Christi* Octingentesimum sexagesimum nonum; iccirco *Garibaldum* concludimus eo ipso jam anno praefuisse *Bergomensi* Ecclesiae; ac sine dubio post Episcopum *Haganonem*. Certe autem sexagesimo tertio Anno supra Octingentesimum vivebat hic ipse *Hagano*, nec non etiam pessime audiebat; tum quia *Hlothario*, *Hlotharingie* Regi, fratrique *Hludovici* Secundi Imperatoris, etiam ipse suasset, ut legitimam ceteroqui conjugem dimitteret *Reginam Theutpergam*; tum etiam quia fuisset auctor contumeliosae cujusdam in Pontificem *Nicolaum* Primum Epistolae. Sic enim narrat in ejus Pontificis Vita *Anastasius* Bibliothecarius, & ex ipso *Baronius* ad eundem Annum Octingentesimum sexagesimum tertium. Sed hinc tandem ad pia *Garibaldi* Episcopi Legata, eo contenta Instrumento, veniamus. In primis ergo Xenodochium instituit in Vico juris sui *Antiziago* (Vicus est Agri *Mediolanensis*, vulgoque jam dicitur *INZAGO*) in quo singulis annis alantur decem pauperes: ejusque regimen committit *Antelmo* cuidam, & post ipsius obitum *Gandelasio*, ejusdem filio: *ipsisque defunctis*, Xenodochium ipsum cum omni integritate sua deveniat in jus & potestatem

MONASTERII CHRISTI CONFESSORIS AMBROSII, UBI EJUS SANCTUM CORPUS QUIESCIT, fundati in suburbio Urbis *Mediolani*. *Gottine* item, praedicti *Antelmi* uxori, assignat varia juris sui bona immobilia, in fundis *Antiziago* *Glassiate* *Biliciaco* consistentia; sed & aurum & argentum, aliaque multa mobilia; quae tandem omnia post ipsius obitum transeant in ejusdem *Xenodochii* potestatem. Sic etiam *Garibergae*, *Antelmi* filiae, ac Monachae Monasterii Sanctae Dei Genitricis *Mariae*, quod infra Civitatem *Mediolani* fundatum appellabatur *WIGELINDÆ*, tres in variis fundis domos attribuit ipsi primum, & post ipsam *Gandelasio* fratri. Post ipsos vero ambos partem illarum legat Monasterio Sanctorum *Gervasii* & *Protasii*, sito infra Civitatem *Mediolani*; itaut in perpe-

tuum sit in potestate Monachorum, Deo ibidem famulantium: partem vero legat Monasterio Beati *Levitae* & Martyris *Vincentii*, quod situm est non longe a Civitate *Mediolani*. Haec summam e praedicto *Garibaldi* Episcopi *Bergomensis* Instrumento. Certe autem Monasterium istud *Ambrosianum* in hanc usque diem multa possidet praedia domosque in praedictis fundis, *Xenodochio* illi per *Garibaldum* assignatis, & in Villa praesertim *Inzago*. De Monasterio autem illo Monialium, *WIGELINDÆ* appellato, nobis hactenus non constat, qua situm in parte Urbis esset. Illud autem Sanctorum *Gervasii* & *Protasii* Monasterium intra Urbem, illic erat, ubi nunc Parochialis est Ecclesia, Sancti *Protasii* ad Monachos nuncupata: & ubi olim Sanctos illos fratres traditio est Coenaculo conclusos lectioni & orationi per decennium adhæsisse, sicut habetur in Libello *Philippi*, jam in superioribus allegato. Ejusdem vero Monasterii mentionem videre item licet in *Joannis* Papae Octavi Epistola 264. quo tempore tam illius, quam Sancti etiam *Simpliciani*, necnon etiam *Xenodochii* Sanctorum *Cosmae* & *Damiani* quod *Romanorum* dicebatur, unus idemque Abbas erat, nomine *Hadericus* de *Ansperto* Archiepiscopo deque *Mediolanensi* Ecclesia quam optime meritis. De *Vincentiano* autem illo non procul ab Urbe Monasterio nihil ambigimus, quin illud sit, quod Sancti *Vincentii* in *Prata*, vel *Prato*, dictum fuit: de quo jam ante differuimus Num. 47. Itaque jam hoc tempore conditum illic fuisse Monasterium, Monachosque illic habitasse, comperimus.

CXXI. Eodem Anno Domini Octingentesimo sexagesimo nono, sub initium mensis Junii defunctus, ut Num. 114. concludebamus, *Thado* Archiepiscopus, in *Ambrosiana* ista Basilica sepelitur; ut plerique nostrorum Archiepiscoporum Catalogi affirmant. Ille nominatim, cujus textum Numero sequenti profcremus, sic habet: Obiit autem praedictus *Thado* Anno Domini Octingentesimo sexagesimo nono, sexto ante Calendas Junii. JACET AD SANCTUM AMBROSIIUM, Praesul hic ob ingenii subtilitatem, ac rerum divinarum scientiam cognomento SAPIENS appellatus fuit. Quemadmodum etiam *Nicolaus* Papa Primus ipsum nominavit SANCTISSIMUM FRATREM SUUM, jam vidimus Num. 110. Verumtamen ea nos Pontificis verba exscripsimus e Libro, Successores Sancti *Barnabae* inscripto, ubi periodus illa nonnisi manca & mutila recitatur. Qui ergo integram voluerit, eam inveniet apud Incertum illum Auctorem Annalium *Francorum* ab Anno Dominicae Incarnationis Septingentesimo decimo quarto usque ad Octingentesimum octogesimo tertium: quem ante alios undecim Scriptores Annalium itidem *Francorum*, volumine uno comprehensos, edidit in lucem *Petrus Pithaeus*. Inveniet autem ad Annum *Christi* Octingentesimum sexagesimum tertium, intra Caput ac Decretum secundum Aetorum Concilii *Romani*, tunc a *Nicolao* Papa celebrati, cujus Acta illic recensentur. Sic enim ex ipsomet Auctore illa eadem recenset *Baronius* ad eundem Annum Octingentesimum sexagesimum tertium: qui tamen pro *Thadone*, vel *Tadone*, *Mediolani* Archiepiscopo, legit *Tudonem*. Quamobrem illa pariter ibidem apud *Baroniam* inveniet. Quod autem *Nicolaus* Pontifex meminisse, *Thadonem* ac ceteros cum ipso Episcopos a Sede Apostolica sententiam illam petiisse admittendam, vel, ut Incertus ille Auctor legit, emittendam: quam & nos (idem *Nicolaus* subdit) divino succensi zelo, sub anathematis obtestatione canonice protuleramus: certe innuit eam Synodum *Mediolanensem*, cujus ipsemet Pontifex mentionem facit Epistola 58. Sic enim primum ipse ibi scribit: Cum *Engeltrudis*, uxor *Bosonis* Comitissae, ad Gallias, relicto proprio viro, cum adultero (nempe *Hlothario*, *Hlotharingie* Rege, Imperatore

peratoris autem *Hludovici* Secundi fratre, sicut etiam ipsum Numero præcedenti indicabamus) adultera transmigrasset: & vir ejus eam cum multo labore reducere voluisset, nec tamen aliquo modo potuisset; Ecclesiastica cœpit auxilia postulare; ordinemque servans, primam in toto terrarum Orbe Sedem appellans, ut Ecclesiastico decreto eam ab his, qui eam muniebant, erui, & sibi reddi præciperet, supplicavit. Et paulo post: Decretoque & auctoritate præmissa (scilicet Apostolicæ Sedis) jussu est, Mediolani Episcoporum Concilium fieri: ad quod ipsa (Engeltrudis) vocata, si certo tempore non occurreret; ab ipso sacro Collegio vinculis anathematis vinceretur. Quodque, illa statuto tempore non occurrente, patratum est: Sententiamque in ipsam a Synodo, auctoritate nostra, nos quoque, vi sacri Canonis præcipiunt, consensu nostro firmavimus. Talia de Synodo ista Mediolanensi Nicolaus Pontifex. Quod si schismaticus fuisset Archiepiscopus noster *Thado*, si ab Ecclesiæ Romanæ obedientia & auctoritate descivisset; an vero Pontifex eam Synodum (quam ceteroqui sacrum etiam Collegium appellavit) jussisset Mediolani celebrari, *Thado*que ipse celebrasset? Sane vero e *Gratiani* etiam Decreto in Secunda Parte, Causa 17. Quæst. 4. Can. 4. De Presbyterorum flagellatoribus, manifeste patet, quemadmodum *Thado* debita erga Sedem Apostolicam observantia, procul ab omni schismatis vitio, Nicolaum super Casu illic expresso consuluerit, vicissimque Nicolaus paterna in universam Christi Ecclesiam sollicitudine atque auctoritate ipsi responderit. Sed de *Thadone* satis hactenus. Ipsi porro die vigesima quinta Junii eodem Anno successisse *Anspertum*, Numero item illo 114. supputabamus ex ipsius Epitaphio, quod suo tempore proferemus.

CXXII. Moris jam esse observabamus Num. 43. ut novus Mediolani Archiepiscopus, Urbem solemniter ingrediens ad capeffendam Sedis Archiepiscopalis in Basilica Metropolitana possessionem, tamquam ex certa lege prius ad Ambrosianam veniret. Ecce nunc tibi, quemadmodum *Anspertus* quoque legem ac morem servaverit eundem. De ipso siquidem in Archiepiscoporum nostrorum Catalogo, quem nobis Metropolitanæ commodavit Archipresbyter, hæc verbatim leguntur; quæ similiter quoad præfens institutum se habent etiam in altero Catalogo, quem nobis Urbis Secretarius commodavit: *Anspertus*, Albrici filius de Blasono, natione Mediolanensis, Archiepiscopus Quinquagesimus-septimus. Hic, dum studium agitare Mediolanensis Ecclesiæ, Archidiaconatum obtinuit. Postea Anno Domini Octingentesimo sexagesimo nono, die vigesimo quinto Junii PER HADRIANUM SECUNDUM, PAPAM CENTESIMUM DECIMUM TERTIUM, IN ARCHIEPISCOPUM CONFIRMATUR (heus tu, quisquis *Anspertum* etiam hereditario schismate tam foedo pertinacique maculabas) & per nobiles affines, suos Confaloneros honorifice comitatus, per Portam Cumanam introitum faciens, obviam habuit nobiles Cives; in quibus erant illi de Glusiano, & illi de Casate: CUM QUIBUS, ET CUM CLERO GRATANTER ORNATO, IN PROCESSIONE AD ECCLESIAM SANCTI AMBROSII PERVENIT: postea in Sede sua Metropolitana per supradictos consanguineos suos collocatus fuit. Et sedit annis tredecim, mensibus quinque, diebus duodecim: quemadmodum scilicet in ejus etiam Epitaphio continetur. Ceterum *Angilbertus* Archiepiscopus, hujus nominis primus, Numero illo 43. conspiciebatur Urbem ingressus per Portam Romanam; nunc vero *Anspertus* per Cumanam, & fortassis etiam e Blasono, ditionis suæ Vico, cui hæc est obversa. Hinc ergo liberum per ea tempora nihilominus fuisse dignoscimus, qua quisque Porta ingredi. Urbem vellet; dummodo prius ad Ambrosianam veniret,

A quam ad Metropolitanam Basilicam.

CXXIII. *Tristanus Chalcus*, Historiæ Patriæ Libro Quinto, inter ea, quæ gesta narrat ex Anno Christi Octingentesimo septuagesimo usque ad initium septuagesimi quarti, *Thadonis* denique collocat obitum, & *Ansperti* substitutionem. Paulo post ea vero, quæ ab Anno septuagesimo dicere orsus fuerat, in hæc verba prosequitur: Ergo ad obsidendam Capuam Ludovicus duxit: quam, deditibus se oppidanis, recepit. Atque hic dum morantur, *Angilberta* uxor consors Imperii & *Thado* Mediolanensis Archiepiscopus intercesserunt, ut confirmaret Petro Abbati ea, quæ Majores Ambrosiano Cœnobio concesserant. Archetypum adhuc extat Diploma. Sed interim *Chalcus* fallitur in duobus. Quia nimirum tempore, quo datum fuit hoc Diploma, superstitem adhuc fuisse putat Archiepiscopum *Thadonem*: quia insuper illius etiam rogatu concessum arbitratur. Exemplar ipsius nos authenticum habemus: nec in eo ulla mentio *Thadonis*. Quia vero datum cernitur Anno *Hludovici* Imperatoris vigesimo quarto, Indictione, sexta; ipsum propterea sicuti Num. 108. computabamus datum Anno Christi Octingentesimo septuagesimo tertio; sic etiam constanter in præsentī computamus. Quinetiam in computationis ejusmodi nostræ confirmationem huc addimus, quod *Ticinensis* ille Conventus, a *Severino Bivio* inter alia Concilia Tomo Tertio Parte Prima relatus, & Anno Dominicæ Incarnationis Octingentesimo quinquagesimo tertio celebratus, nihilominus traditur celebratus Anno tantum sexto Imperii Domni *Hludovici* Imperatoris Augusti. Quid, quod Carolus etiam Sigonius De Regno Italiæ Libro Quinto fatetur, *Hludovicum* Imperatorem Anno Christi Octingentesimo septuagesimo tertio Romam ex Urbe Capua repetiisse, cum integrum ibi annum transegisset? Qua quidem in Urbe Pridie Idus Junii datum ejusmodi, five subsequens, Privilegium conspiciemus.

IN NOMINE DOMINI NOSTRI JESU CHRISTI, DEI AETERNI. HLUDOVICUS, divina ordinante providentia, Imperator Augustus. Quicquid circa Dei famulos divino afflati amore impendimus, illi profecto damus, a quo bonum suscepimus. Ideoque omnium Sanctæ Dei Ecclesiæ nostrorumque Fidelium, præsentium scilicet & futurorum, comperiat unanimitas, eo quod *Angilberga*, dilectissima conjux nostra, & consors Imperii, suggestit Majestati nostræ PRO QUODAM PETRO, VENERABILI ABBATE MONASTERII BEATISSIMI CONFESSORIS CHRISTI AMBROSII UBI EJUS SACRATISSIMUM CORPUS VENERABILITER HUMATUM EST, NON LONGE A MURO URBIS MEDIOLANI: ut eum, pro nostræ mercedis incremento, cum universis, qui cum ipso degunt, Servis Christi, cunctaque Venerandi Cœnobii substantia, sub nostrum Mundburdum, & immunitatis nostræ perpetuam tuitionem suscipere dignaremur. Nos vero, tam nostræ mercedis amplificandæ gratia, quamque pro supra nominati Gloriosissimi Confessoris intercessione promerenda, pie assensimus rata & competentia suggerenti: suscipientes antelatum Abbatem, & omnes ei commissos, cum universis ipsius sancti Loci possessionibus, quantascunque Deo auspice nunc habent, aut in posterum habituri sunt, cum familiis, commenditis, cartulariis atque aldionibus utriusque sexus, sub Imperiali Mundburdi tutelam, nostræque providentiæ immunitatem perpetuam: confirmantes etiam, nostræque Magnitudinis auctoritate stabilientes quicquid vel nostra munificentia, vel Prædecessorum nostrorum liberalitate, promeruerunt. Quicquid etiam quorumlibet Christi fidelium oblatione, donatione, seu qualibet contractione, comparando, commutando, sive precariam dando, acquisierunt, aut in antea Deo propitio acquisituri sunt; ut ea habeant illuc Dei Famuli divino amore congregati, & fruantur jure quie-

quieto, atque possideant, pro nostri statu Imperii Altissimum Dominum jugiter implorantes. Super hæc præcipiendo præcipimus, & pro Dei summi & Beati Ambrosii Protecloris nostri reverentia modis omnibus interdicens, ut nullus Sedis ipsius Pontifex, aut Oeconomus, aliquam diminorationem in rebus vel familiis ipsius reverendi Loci ingerere præsumat: nullasque præstationes, vel annuas donationes, seu quaslibet angarias, & superimpositas exactiones contra morem canonicum, sive regularem constitutionem, superimponere, exigere audeat. Ubi cumque autem, aut undecumque opus habuerint, tamquam de dominicatis nostris, ita de rebus ipsorum, vel familiis, inquisitionem fieri volumus. At vero ipsorum commenditos, libellarios, sive cartularios, sine Abbatis, aut Præpositi (hoc est, post Abbatem Præfecti) conscientia pignere, aut distringere, nominari permittimus. Sed nec in Cellula Monasterii ejusdem, sita Papiæ, quemquam ad hospitandum ingredi sine ipsorum consensu permittimus. Si quis autem ex his, qui sub nostro Imperio degunt, aliquam subtractionem, injustamque exactionem, vel angariam, aut superimpositionem, antefatis Christi Familis sponte ingesserit, in rebus dumtaxat ipsorum mobilibus & immobilibus, in servis & ancillis, aldionibus, libellariis, cartulariis, & commenditis ipsorum: sive sint Præsules, sive Duces, sive Comites, sive Sculdassiones, vel Gastaldiones, aut quilibet publicæ partis Officiales, seu discurrentes Missi nostri: etiam si in minimo hanc nostræ Majestatis Auctoritatem, atque Augustalis Excellentie Immunitatem inventus & convictus fuerit violasse; Immunitatis nostræ poenam triginta librarum argenti probatæ monetæ publicæ sæpe dicendo sacratissimo Loco componere compellatur. Et ut hoc nostræ Sublimitatis Imperiale Præceptum inconvulse retineatur, & pro futuris temporibus attentius observetur, manus propriæ subscriptione insignitum ac roboratum ex Bullis nostris jussimus adsignare.

Signum Domni Hludovici, Serenissimi Imperatoris Augusti.

Data pridie Idus Junii, Indictione sexta.

Giselbertus, Presbyter & Notarius, scripsi.

Aetum Civitate Capua, Anno Imperii Domni Hludovici,

Serenissimi Imperatoris Augusti, Vigesimoquarto, in Dei nomine feliciter.

CXXIV. Hactenus Imperatoris hujus Privilegium. Quo quidem inter cetera dum Cellulam istius Ambrosiani Monasterii sitam Papiæ nominat, in eamque vetat quempiam ingredi ad hospitandum sine Abbatis & Monachorum ejusdem Monasterii consensu: inde profecto nos colligimus, eo Cellulæ vocabulo significatam quidem fuisse Ecclesiam, sed insuper etiam nexum aliquod ipsius hospitium, vel etiam Monasterium. Atque hoc etiam sensu locutum cernimus Blondum Flavium in sua Lombardiæ descriptione, dum ita scribit: Luthprandus, Longobardorum Rex, ossa Beati Augustini ex Sardinia Papiam, ubi veneratissime servantur, deferri curavit. Idemque Rex MONASTERIUM BEATI PETRI, CELLULA AUREA APPELLATUM, &c. edificavit. Sicut autem ex ea Sancti Petri Cellula aurea nuncupatum deinde fuit Monasterium & Ecclesia Sancti Petri IN CÆLO AUREO, quemadmodum non hodie tantum, sed etiam tempore Petri Archiepiscopi Oldradi appellabatur, ut constat etiam ex ejus ad Carolum Magnum Epistola, conscripta Dominicæ Incarnationis Anno Septingentesimo nonagesimo sexto; sic etiam ea similiter Sancti Satyri Cappella, de qua differuimus Num. 19. quæ antea dicebatur SANCTI VICTORIS AD COELUM AUREUM, quid si fortasse hanc inde nomenclaturam postea obtinuit ex eo, quod antehac SANCTI VICTORIS CELLULA, vel CELLA AUREA diceretur? Utrumque tamen ista se ha-

buerint: certe Cellula illa Papiæ sita, quæ in Privilegio nominatur, illic erat, ubi nunc est Ecclesia & Monasterium Sancti Petri in Viridario, vel, ut Italice communiter nominant, in Verzolo: & ubi nunc Monachi Cistercienses inhabitant. Ejusdem vero Cellulæ mentio item alias, in aliis facta Privilegiis, aliquoties redibit. Ceterum per hanc occasionem obiter hic addam, Cellæ nomen pro Ecclesia olim etiam in usu fuisse apud Lupum Abbatem Ferrariensem, sive Cryptæ Ferratæ, dum Epistola undecima Cellam nominat Sancti Judoci: & apud Leonem Hostiensem in Historia Casinatis Monasterii, Libro primo, Cap. 19. memorantem Monasterii ejusdem Cellas, Sanctorum Martyrum Georgii ac Stephani titulis insignes; quarum Cellarum meminit etiam Baronius ex iisdem illis Auctoribus ad Annum Christi Octingentesimum quadragesimum sextum.

CXXV. Memorandus offert se nobis Annus Christi Octingentesimus septuagesimus quintus. De quo loquens Carolus Sigonius, Libro Quinto De Regno Italiæ, sic inquit: Postero Anno Ludovico, sævum morbum nactus, mense Augusto mortem Mediolani operiit. Extat adhuc vetus ejus in Æde Ambrosiana sepulchri Elogium. Itaque Sigonius Ludovicum istum Imperatorem tam Mediolani mortuum fuisse, quam in Æde Ambrosiana sepultum, & Elogio (quod utique paulo post proferemus) celebratum existimat. In hæc tria similiter etiam consentit Bernardinus Corius in Historia Mediolanensi ad Annum Christi Octingentesimum sexagesimum nonum: designatque præterea locum, in quo sepultus ille fuit, hoc est, apud Altare primarium, ad latus ad ejus dexterum, quod nos intelligentiæ facilioris gratia latus & cornu Epistolæ nominabimus: quinetiam Elogium ipsum verbatim recenset. Scribebat vero suam Corius Historiam ante Milleimum quingentesimum Christi Annum: quo tempore necdum fuerat è medio sublatus paries ille, de quo diximus Num. 20. nec Elogii tabula suo fuerat è loco amota. Hoc ipsum Elogium sic etiam recitat Baronius ad Annum Christi Octingentesimum septuagesimum quintum in eo tamen a Sigonio & Corio diversus; quod Imperatorem istum asserit huc translatum; tamquam non Mediolani, sed alibi obiisset. Non illud quidem recitat integrum, sed certissime tamen innuit *Tristanus Chalcus* ad Annum Octingentesimum septuagesimum quartum. Hæsitabundus hæret tamen, an illud ipsum ad hunc potius Imperatorem Ludovicum Secundum, quam ad Primum, sive Pium, pertineat. Quamobrem ille ita scribit: Cum ageretur Christi Annus Octingentesimus septuagesimus quartus, e vita Ludovicus excessit. Ac nescio, an in hujus potius, quam superioris, memoriam compositum Epigramma fuerit: quo, & statim genito, ne prima dies Regno solioque vacaret, Hespericæ sceptræ Avum reliquisse & Saracenorum jugo liberatum fuisse Romam, dicitur. Prægrandi tabulæ marmoreæ inscripta carmina in Æde Ambrosiana leguntur. Veruntamen & Andreas Alciatus, in Antiquario suo manuscripto, & Erycus Puteanus Historiæ Insubricæ Commentariis illustratæ Libro Quarto, illud recitantes integrum, nihil tale ambigunt. Reliquum igitur est, ut ne nos quidem in eo vel tantillum ambigamus: utque carmina tandem illa proferamus, sicut incisa quam optime recenter etiam dedita opera legimus in ea ipsa tabula, in eodem adhuc latere consistenti, sed omni circum viduata ornamento, ac nonnisi clavis extrinsecus affixa parieti; ob eam utique causam, quam Numero illo 20. e diruto illic muro eruebamus. Ex hoc itaque, quod nos fidelissimum exhibemus, exemplari carmina ista licebit emendare, ubicumque aliter apud alios exarata cernantur. Nonnulla enim eorum verba perperam immutata fuerunt, & præsertim apud Baronium.

A.C.
875.



Hic cubat æterni Hluduvicus Cæsar honoris,
 Aequiperet cujus nulla Thalia decus.
 Nam, ne prima dies Regno folioque vacaret,
 Hesperia genito sceptrâ reliquit Avus.
 Quam sic pacifico sic forti pectore rexit,
 Ut puerum brevis viceret, acta senem.
 Ingenium mirerne, fidem, cultusve sacrorum,
 Ambigo virtutis, an pietatis opus.
 Hinc ubi firma virum Mundo produxerat ætas,
 Imperii nomen subdita Roma dedit:
 Et Saracenorum crebras perpeffa secures,
 Libera tranquillam vexit, ut ante, togam.
 Cæsar erat Cælo, populus non Cæsare dignus.
 Composuere brevi stammina Fata dies.
 Nunc obitum lugens infelix Roma Patronum,
 Omne simul Latium, Gallia tota debinc.
 Parcite. Nam vivus meruit hæc præmia. Gaudet
 Spiritus in Cælis, corporis extat bonos.
 Tanti vero facit sepulchralem hanc Inscriptionem
 Papirius Massonus in suis Francorum Annalibus Lib.
 2. in Carolo Calvo, ut illam producturus ita prolo-
 quatur: Extat Mediolani vetus ejus (Ludovici) in
 Aede Ambrosiana sepulchri in marmorea tabula Elo-
 gium: quo res ejus gestæ melius & venustius, quàm
 ullis Annalibus, exprimentur. Sed & aliquanto post,
 alludens ad hunc ipsum locum, inquit: Ludovicum
 Cæsarem, Lotharii filium, Mediolani fato functum
 supra demonstravimus.

XXVI. Mortuo Ludovico (subdit Sigonius) magna
 inde pro Imperii titulo Regnoque Italiæ asciscendo cer-
 tamina concitata sunt. Etenim ad hanc diem ejusmodi
 decus a patre vivente maximo natu filio deferri, ID.
 QUE SUBSEQUENTE ARCHIEPISCOPI
 (Mediolanensis) AC PONTIFICIS (Romani)
 CONSECRATIONE CONSUEVERAT AF-
 FIRMARI. Sic Carolus Magnus Pipino & Ludo-
 vico, sic Ludovicus Lothario, sic demum Lotharius
 Ludovico indulserat. Ludovico vero sine ulla virili pro-
 le extincto, certatim Franci Italiæque ad ejus laudis cu-
 piditatem ac studium exarserunt. In Francia patrui
 Ludovici, Carolus Calvus Franciæ & Ludovicus Ger-
 maniæ Reges, cum sine contentione Lotharingiam di-
 visissent, certatim animum ad Italiam atque ad Impe-
 rium adjecerunt, hand dubia spe, ejus fore utrumque,
 qui prius armatus in Italiam descendisset, ac parta pon-
 tificia gratia solemniter ab illo insignia accepisset. Ponti-
 fex ergo Joannes hujus nominis Octavus Romam
 Calvum accivit ad accipiendam Coronam: profe-
 ctumque coronavit in solemnitate Nativitatis Domi-
 nicæ Anni ejusdem Octingentesimi septuagesimi
 quinti. Hinc titulus Imperatoris Augusti (verba sunt
 ejusdem Sigonii) posthac sincerum Pontificis beneficium
 esse, ANNIQUE IMPERII A CONSECRA-
 TIONE PONTIFICIA REPETI COEPTI.
 Qui profecto anni si antea computabantur etiam a-
 liunde, quam e pontificia consecratione: quæ non-
 nisi, postquam Mediolanensis Archiepiscopus conse-
 crasset, peragebatur; quid vetat, quominus hinc
 quoque nos ea confirmemus, quæ Num. 116. dis-
 ferebamus?

A.C.
876.

CXXVII. Sequitur Annus Christi Octingentesi-
 mus septuagesimus sextus. Intra quem Carolus Sigo-
 nius, ea prosequens, quæ ad Imperatoris Caroli Cal-
 vi Coronationem a Mediolanensi pariter Archiepis-
 copo peractam spectant, ita narrat, Nonis inde Ja-
 nuarii Carolus Urbe (Roma) egressus, Papiam ve-
 nit: atque ei Anspertus Urbis (Mediolani) Archiepis-
 copus Italici Regni Coronam, magno Episcoporum Pro-

A cerumque Conventu, ex vetere consuetudine detulit, in-
 quiens: Nos Anspertus, cum omnibus Episcopis, Ab-
 batibus, Comitibus, & reliquis, qui nobiscum conve-
 nerunt, Italici Regni Optimatibus, perpetuam opta-
 mus prosperitatem & pacem. Et quia divina pietas
 Vos per Joannem Summum Pontificem (hæccine schis-
 matici sunt Archiepiscopi verba?) ad Augustale cul-
 men evexit; Nos unanimiter Vos Protectorem Domi-
 num & Defensorem omnium nostrum, & Italici Regni
 Regem eligimus: cui & toto cordis affectu subdi gaude-
 mus: & omnia, quæ nobiscum ad utilitatem totius
 Sanctæ Dei Ecclesiæ, nostrorumque omnium salutem de-
 cernitis & sancitis, totis viribus, annuente Christo,
 concordia & prompto animo servare promittimus, Sub-
 scribere Episcopi, ipse Anspertus Mediolanensis, Jo-
 annes Arretinus, Joannes Ticinensis, &c. Inde Ansp-
 ertus juravit, se, quoad vita suppeditasset, opem atque
 obedientiam præstaturum. Contraque Calvus, se Ans-
 pertum pariter conservaturum, jurejurando interposito
 affirmavit. Hæc utique per Sigonium deprompta
 ex Actis illius Synodi Ticinensis, cujus nos mentio-
 nem faciebamus Num. 110. mensē Februarii cele-
 bratæ.

Præstat autem Archivi nostri beneficio Privile-
 gium & Diploma, priusquam magis absumatur, vel
 etiam penitus dissolvatur, in præsentī recensere:
 C quo Carolus Calvus Imperator Ansperto se Præfili
 nostro gratum eomet ipso Februarii mensē ostendit.
 Sicut autem datum etiamnum discernitur Anno Re-
 gni ejus in Francia trigesimo sexto (cui Regno jam
 præerat ab Anno Christi Octingentesimo quadrage-
 simo) sic etiam datum intelligitur primo ejus Impe-
 rii Anno, Indictione nona. Illud porro est hujus-
 modi:

CXXVIII. IN Nomine Sanctæ & individue Tri-
 nitatis. KAROLUS, ejusdem omnipotentis Dei gra-
 tiâ Imperator Augustus. Quanto amplius nostrorum
 Fidelium, maximeque sacrorum Pontificum votis Au-
 gustalis nostra largitas faverit, tanto amplius sibi de-
 votiores efficit, & circa suum obsequium promptiores red-
 dit. Idcirco universorum Mediolanensis Ecclesiæ, no-
 strorumque Fidelium, præsentium videlicet ac futuro-
 rum, comperiat unanimitas, eo quod nos devotissi-
 mum circa nostram Excellentiam Ansberti Reverentis-
 simi Mediolanensis Archiepiscopi liquido perpendimus
 affectum, quasdam Casellas, ad Comitatum Papiensem
 pertinentes, quæ rejacent in finibus præfatæ Mediola-
 nensis Urbis, in villulisque antiquo vocabulo Carvanna-
 cum, & Tuornacum..... terrasque ad easdem Ca-
 sellas respicientes, quæ sunt per mensuram legitimam
 juges quinquaginta, eidem Venerando Pontifici, & in-
 timo fideli nostro augustaliter donamus, concedimus, at-
 que in perpetuum per hanc nostræ munificentie paginam
 confirmamus; ut habeat atque possideat ex hoc nunc &
 E deinceps tam suprataxatas Casellas, quamque & omnes
 terrulas, quæ ad ipsas pertinere noscuntur, quantæcum-
 que in prenomatis villulis ex antedicto Comitatu Pa-
 piense fuerint inventæ; omni nostra nostrorumque Suc-
 cessorum, vel quorumlibet partis publicæ Exactorum,
 repelitione, deminoratione, aut quacumque injusta con-
 tra ipsum, vel cui eas ipse reliquerit, molestatione pe-
 nitus remota. Præcipientes ergo jubemus, ut nullus
 Dux, Comes, Gastaldio, aut aliquis publicus Actiona-
 tor ullam prælibato Archiepiscopo pro antelatis Casellis,
 aut rebus ad ipsas pertinentibus, inquietudinem inferre
 F præsumat. Quod qui temptasse convictus fuerit; tam-
 quam Imperialis Præcepti temerarius contemptor duode-
 cimo libras auri obrizi componere cogatur eidem Reve-
 rendo Præfili, vel cui ipse instituerit. Et ut hoc nostræ
 Celsitudinis donativum stabile atque inconvulsam perpe-
 tuis temporibus habeatur, & ab universis Successoribus
 nostris diligentius observetur..... illud inscriptione
 insigniri, & annuli nostri signatum..... illud inscriptione
 Signum Domni Karoli..... Gloriosissimi Impera-
 toris.

Aur

Audacher Notarius, ad vicem Gauzlini.

Datum quarto Kalendas Martii, Anno Trigesimo sexto Karolo Imperatore In juxta Papiam, in Dei nomine feliciter. Amen.

A.C. 877.
878.
869.
CXXIX. Anno deinde Christi Octingentesimo septuagesimo septimo Carolus idem Calvus Imperator pridie Nonas Octobris moritur: eique mox in Italiae Regnum succedit Carolomannus Bavarie Rex; nec multo post Ludovicus Balbus in Imperium; Imperator utique a Joanne Octavo Pontifice inunctus septimo Idus Septembris, Anno Christi Octingentesimo septuagesimo octavo. Perbrevis tamen Ludovico dominatus. Quippe Anno subsequenti, quarto Idus Aprilis, mortem oppetiit.

A.C. 180.
CXXX. Proximo subinde Anno Carolomannus item Rex Italiae septimo Nonas Aprilis occubuit. Carolus inde Crassus, Ludovici Germanie Regis filius, & in ejus Regno jam successor, a Romano Pontifice accitus, advolat in Italiam: Italicique Coronam Regni statim ab Ansperto Mediolani Archiepiscopo accipit. Imperialem vero etiam deinde ab ipso Romano Pontifice in Christi Natalitiis accipit: at non in proximis, ut Sigonio visum est, sed certe quidem in alteris, ut Baronio Rhegionis praefertim testimonium persuasit. Nos igitur huc etiam suppetias per haec tria feremus Privilegia, quae proxime sequentur, quaeve in Archivo Monasterii archetypa extant. Haec nempe citra dubium data ante Coronationem Imperialem, ac mense Martio, non Anni a Dominica Nativitate supra Octingentesimum octuagesimi, (quo videlicet mense necdum Carolomannus ipse occubuerat, ut Sigonius ultro fatetur, sed octuagesimi primi; tamen mensis ille ad Annum ab Incarnatione Dominica octuagesimum, in iis Privilegiis computatum, pertineret. Ceterum ex iisdem Privilegiis duo sunt, quae uno eodemque die Martii vigesimo data fuerunt. Ab eo nos incipimus, quod minus est amplum, quodque ceteroqui etiam suapte natura & ordine nobis antierius videtur.

IN Nomine Sanctae & individuae Trinitatis. KAROLUS, divina favente clementia, Rex. Noverit igitur omnium Fidelium nostrorum, praesentium scilicet & futurorum, industria, quod Vutuardus Reverendus Episcopus, dilectus Consiliarius & Archicancellarius noster, suggestit humiliter Majestati nostrae PRO QUODAM PETRO, VENERABILI ABBATE MONASTERII BEATISSIMI CONFESSORIS CHRISTI AMBROSII, UBI EJUS SANCTISSIMUM CORPUS REVETENTER HUMATUM EST, non longe a Muro Urbis Mediolani: postulans, ut cum pro nostrae mercedis incremento cum universis, qui cum eo degunt, Familiis Christi, cunctaque intrinsecus & extrinsecus Venerandi Cenobii substantia, sub nostrum Mundburdum, & perennem immunitatis nostrae tuitionem suscipere dignaremur. Nos vero, tam nostrae mercedis amplificandae gratia, quamque & pro supranominati gloriosi Pontificis Ambrosii intercessione promerenda, pie assensum dedimus rata & congrua suggerenti: suscipientes antelatum Abbatem Petrum, & omnes, qui ei commisi sunt, Servos Dei, cum universis ipsius sancti Loci possessionibus, quantascunque Deo auspice nunc habent, aut in posterum habituri sunt: cum Familiis, Commendaticiiis, Libellariis, Cartulariis, atque Aldionibus utriusque sexus, sub regiminis Mundburdi tutelam, nostraeque providentiae immunitatem perpetuam confirmantes insuper MONASTERIUM INFRA IPSAM URBEM CONSTITUTUM, QUOD NOMINATUR AURUNAE (de hoc alibi postea nos agemus) quod Engilberga olim Imperatrix devotissime obtulit in ipsum Monasterium pro remedio animae divinae memoriae Hludovici quondam Imperatoris Augusti, cum Familiis pro-

A miscui sexus & etatis, & omnibus quae ad cum pertinent rebus, tam mobilibus quam immobilibus, cum universis Curtibus & casis, massariis, aldionantiis, & cunctis pertinentiis earum, in jure & potestate jamdicti Monasterii ad integrum praesentialiter taxamus & stabilimus; ut habeat ea atque possideat, fruaturque jure quieto. Confirmamus etiam CURTEM LEMONTAM cum massariis, & adjacentiis, vel pertinentiis, ad eandem Curtem respicientibus; sicuti divinae memoriae Hlotharius per suum Praeceptum statuit eidem Monasterio ad habendam pro remedio animae suae, vel nostrae, & Regni stabilitate. Confirmamus etiam eidem Monasterii Sancti Ambrosii CASEALES DUOS, UNUM IN MELIANICO, ALIUM IN VILLA, QUAE DICITUR CLEPIATE, cum mancipiis ibidem pertinentibus, & omnibus adiacentiis suis, vel pertinentiis, ad eosdem Caseales pertinentibus, pro remedio animae nostrae, vel Genitoris nostri, & Regni stabilitate. Confirmamus etiam quicquid in ipsis supradictis Monasteriis, rebus, vel beneficiis, nostra, vel Praedecessorum nostrorum, munificentia atque Imperiali liberalitate promeruerunt, quinetiam Reverentissimorum ejusdem Urbis Pontificum concessione atque largitate adepti sunt, seu quorumlibet Christi fidelium oblatione, donatione, seu qualibet traditione, vel commutatione, ex nostra parte, vel Abbatis, seu Comitibus, comparando, commutando, seu pretium dando, acquisierunt, aut inantea Deo propitio acquisituri sunt; ut habeant ea Famili Dei, qui nunc illic sunt, aut qui futuri sunt, possideant fruanturque jure quieto atque pacifico, pro nostri statu Regni Altissimum Dominum supplicantes. Super hac praecipiendo praecipimus, & pro Dei summi, ac saepe nominandi Beati Ambrosii Protectoris nostri reverentia modis omnibus interdiciamus, ut nullus ex his, qui nostro Regno subjacent, aliquam suprataxato Venerando Cenobio, vel ejus Recltoribus, violentiam, invasionem, in rebus vel familiis ad ipsum respicientibus, vel ullam diminorationem inferre praesumat, nullasque praestationes, vel redhibitiones, seu quascunque angarias, aut annuas exactiones, contra morem canonicum, sive regularem constitutionem, obponere illis, vel ab ipsis exigere audeat. Ubicumque autem, & undecumque necesse habuerint, tamquam de Dominicatis nostris, ita de rebus ipsius sacri Loci, vel familiis, inquisitionem fieri volumus; ita duntaxat, ut ipsorum Commendatos, Libellarios, seu Cartularios, absque Abbatis ipsius Monasterii, aut Praepositi, conscientia contra leges pignerare, aut aliquid contrarium facere nullus praesumat. Confirmamus etiam semitam illam, pro qua supradictus Petrus Abbas a Venerabili Antistite Ansperto, seu Comite Alberico, seu cuncto Clero & populo, devotissime petiit; quia pro ipsa semita minime Monasterium ipsum munitum habere potuerat. Unde pariter considerantes congruitatem ipsius Monasterii, & Civitatis salvationem, & quod Monachi ibidem commorantes quieti manere non valebant, per ipsorum omnium consensum Petro Abbati a parte ipsius Monasterii infra claustra ipsius Monasterii claudere licentiam dederunt. Sed nec IN CELLA EJUSDEM COENOBII, SITA PAPIAE, quemquam hospitium habere absque ipsorum Dei Servorum consensu permittimus. Si quis autem ex Praesulibus, Ducibus, Comitibus, Sculdassis, Gastaldionibus, aut alicujus partis publicae Officialibus, seu discurrentibus Missis nostris, hanc nostram Majestatis atque Regalis Excellentiae Auctoritatem convictus fuerit violasse: duplam immunitatis nostrae poenam, sexaginta libras argenti probatae monetae publicae, jam dicto sacratissimo Loco componere compellatur. Et ut haec nostrae Sublimitatis atque Regalis Praecepti Pagina inconvulsa retineatur, & profuturis temporibus attentius observetur, nostrae manus inscriptione insignitam ex annulo nostro jussimus assignari.

Signum Domni Karoli Serenissimi Regis.

Inquirinus, Notarius, ad vicem Vutwardi Archicancellari, recognovit & subscripsit.

Data Duodecimo Kalendas Aprilis, Anno Incarnationis Domini Octingentesimo octogesimo, Indictione decima tertia: Anno vero Regni Regis Karoli, in Francia quarto, in Italia primo. In Dei nomine feliciter. Amen.

CXXXI. Sequitur nunc alterum ejusdem Caroli Crassi Regis Privilegium, sane quidem copia rerum, quæ ab ipso donantur, præ ceteris adhuc Privilegiis eximium & prædicandum. De ipso *Tristanus Chalcus*, a se inspecto, ita scribit in Annum Christi Octingentesimum octogesium primum: Anno deinde Octingentesimo octogesimo primo Carolus ex Germania in Italiam profectus, universos pene populos obsequentes habuit: & Papiæ agens, precibus & religione Petri Abbatis, Ambrosianum Mediolani Cœnobium mirifice locupletavit: nec domos solum & prædia, sed Oppida & jurisdictiones est largitus, Felicianum & Roborerum in Transpadanis, & Palatium Mediolani, duabus turribus insigne, & adhuc nomine Maximiliani celebre. Et hoc dixerim illud, ex quo regioni Urbis AD PALATIUM durat: quod Merula, vulgarem imperitiam secutus, Trajano adscripsit. Georgius quippe Merula Libro primo Antiquitatis Vicecomitum, non procul ab initio, ita scriptum reliquerat: Trajanus, non solum Urbem (Mediolanum) frequentavit, sed nobilissimum Palatium ædificavit in ea Urbis parte, quæ adhuc nomen PALATII servat. Prosequitur Chalcus: Diplomati quod archetypum vidimus, subscripsit Petrus Vicecomes. Et hæc prima mentio Vicecomitis, quod observaverim. Ac nescio, an tum officii dignitatisve appellatio foret: quæ postea crebrius frequentata in Gentis Mediolani clarissimæ cognomen transferit. Subscripsit vero etiam Guido Episcopus Papiensis. Quamobrem par est, ut hunc quoque Papienses suis Episcoporum Tabulis inserant: quem hactenus omiserunt. Sed ab his, pene impatienter prælibatis, ad ipsummet Privilegium veniamus.

IN Nomine Sanctæ & individue Trinitatis. KAROLUS, divina favente clementia, Rex. Noverit igitur omnium Fidelium nostrorum, præsentium scilicet & futurorum & industria, quia Reverendus Vutwardus Episcopus, dilectus Consiliarius & Archicancellarius noster, suggestit humiliter Majestati nostræ PRO QUODAM PETRO, VENERABILI ABBATE MONASTERII BEATISSIMI CONFESSORIS CHRISTI AMBROSII, UBI EJUS SACRATISSIMUM CORPUS REVERENTER HUMATUM EST, non longe a Muro Urbis Mediolanii: postulans, ut eum pro nostræ mercedis incremento cum universis, qui cum eo degunt, Famulis Christi, cunctaque intrinsecus & extrinsecus Venerandi Cœnobii substantia, sub nostrum Mundburdum, & perennem immunitatis nostræ tuitionem suscipere dignemur. Nos vero, tam nostræ mercedis amplificandæ gratia, quamque & pro supra nominati gloriosi Pontificis Ambrosii intercessione promerenda, pie assensum dedimus rata & congrua suggerenti: suscipientes antelatum Abbatem Petrum, & omnes, qui ei commissi sunt, Servos Dei, cum universis ipsius sancti Loci possessionibus, quantascumque Deo auspice nunc habent, aut in posterum habituri sunt: cum Familiis, cum Massariis, Libellariis, Cartulariis, atque Aldionibus utriusque sexus, sub regiminis Mundburdi tutelam, nostræque providentiæ immunitatem perpetuam. Confirmantes insuper MONASTERIUM INFRA IPSAM URBEM CONSTITUTUM, QUOD NOMINATUR AURUNÆ: & ipse Abbas dominetur eum cum omni honore. Concedimus, donamus, atque tradimus. CURTES JURIS NOSTRI, videlicet CURTEM DE PASILIANO, cum omnibus ad se pertinentibus, cum omni honore, cum districto, cum servis & ancillis, cum omnibus Ecclesiis inibi ædifica-

A tis, cum ingressibus & egressibus, cum pascuis, silvis, vineis, pratis, paludibus, rupis, rupinis, omniaque, sicut est determinatum, cum omni subjectione: & CURTEM DE FILICIANO, cum omnibus ad se pertinentibus: & CURTEM DEMONTE, cum Cappellis & Castellis ibidem constructis, cum servis & ancillis, & cum vineis, pratis, campis, silvis, aquis, aquarum decursibus, molendinis, piscationibus, ripis, paludibus, montibus, collibus, valibus, planitiebus, omnibusque rebus ad præfatam Curtem pertinentibus, cum decimis & primitiis, cum omni honore & subjectione, cum omni districto, cum fotro (sive fodro) & intraturam Abbatis, omnia in integrum. Et donamus VILLAM, QUÆ DICITUR SARMAZA, sicut est terminata, cum omni honore & subjectione, omnia in integrum. Et similiter donamus IN ALTAVILLA sex mansos, cum omni honore: & IN VIGNALE similiter sex mansos, cum omni honore. Et similiter donamus CURTEM, QUÆ DICITUR BERDEDO, supra Ticinum, cum pascuis, silvis, molendinis, piscationibus, aquis, aquarum ductibus, omnia in integrum. Et donamus IN PAPIA, UBI DICITUR AD MURUM, domum juris nostri, ut Abbas supradicti Cœnobii habeat potestatem ædificandi inibi Ecclesiam, & possideat totam terram jacentem in illo circuitu, pertinentem ad supradictam domum: hortos, qui jacent extra murum, similiter possideat. Et concedimus IN ROBORETO tertiam partem illius loci, cum omni honore & subjectione. Confirmamus CAPIATE, VILLAM CARCAOTINUM, MELLONIDUM, CREXIAGUM, cum omni honore, cum omni districto, cum decimis & primitiis, cum Ecclesiis inibi fundatis, cum pratis, silvis, pascuis, piscationibus, paludibus, rupis, rupinis, aquis, aquarum conductibus, cum servis & ancillis, cum fotro, albergaria, intraturam Abbatis. Et donamus similiter Curtem unam, quæ vocatur CAMPILIONUM: & villam unam, quæ dicitur VUIDINUM, CADULO, CANOBIO, cum Ecclesia una inibi fundata: & BISSONUM, cum servis & ancillis, cum omni honore. Et INTELAMO similiter dono, cum servis & ancillis, cum omni honore. Et similiter de OLEDUCTO, cum omni honore, & districto, fotro, intratura Abbatis, albergariam, omnia in integrum. Et dono similiter LIMONTEM, ET CIVENNAM, cum omni honore, cum adjacentiis & pertinentiis suis, cum servis & ancillis, cum fotro, & albergaria, intratura Abbatis, omnia in integrum. Et dono similiter GIGNANUM cum omni honore, cum molendinis, piscationibus, aquis, aquarum ductibus. Et dono similiter in CLAVECO quatuor mansos, cum omni honore, fotro, albergaria, intratura Abbatis, pascuis, silvis, pratis, cultis, & incultis, omnia in integrum. Et dono similiter IN BASELLO quartam partem cum Ecclesia inibi fundata, cum adjacentiis & pertinentiis suis, cum pratis, pascuis, silvis, cultis, & incultis, piscationibus, omnia in integrum, fotro, albergaria, intratura Abbatis. Et similiter dono IN COLONIA omnia in integrum, cum omni districto, albergaria, cum pratis, pascuis, silvis, vineis, cultis, & incultis. Et dono similiter IN BARAZA ECCLESIAM UNAM, QUÆ VOCATUR SANCTUS DAMIANUS, cum omnibus suis pertinentiis & adjacentiis, cum decimis, primitiis, cum molendino uno, cum pratis, silvis, vineis, omnia in integrum cum omni honore. Et dono similiter CURTEM UNAM, QUÆ NOMINATUR ANTICIAGO, cum omnibus suis adjacentiis & pertinentiis, cum omni districto, fotro, albergarias, & intraturam Abbatis, cum Ecclesiis inibi fundatis, cum omni honore. Et dono similiter PALATIUM, QUOD DICITUR MAXIMIANI, cum tota terra ex una parte jacente, cum duabus turribus. Et similiter dono quatuor mansos IN CASTERNO, cum duabus Ecclesiis inibi fundatis. Et dono simili-

militer in BALASEGLO quartam partem cum omnibus suis adpertenentis, cum pratis, vineis, silvis, cultis, & incultis, omnia in integrum. Similiter dono & offero IN VITEALBA hoc, quod possideo, cum omni honore, & districlo, fotro, albergarias & intraturam Abbatis. Et similiter offero CURTICELLAM UNAM, QUÆ NOMINATUR SANCTUS SYRUS AVEVRA, cum turri una ibi fundata, & molendina, & prata, cum omnibus & adjacentiis & pertinentiis suis, cum decimis & primitiis. Et similiter dono ECCLESIAM UNAM, QUÆ NOMINATUR SANCTUS PETRUS A SALA, cum omnibus suis juribus, cum decimis, & primitiis. Et dono similiter ECCLESIAM UNAM, QUÆ NOMINATUR SANCTUS MICHAEL, NON LONGE A PALATIO NOSTRO: & terram juxta ipsam Ecclesiam, AD ÆDIFICANDUM HOSPITALE, ad recipiendum pauperes. Et offero eidem Monasterio TOTAM CURTEM PALATII JUXTA SANCTUM AMBROSIIUM. Et dono similiter mansos A LEXA cum omnibus suis adjacentiis & pertinentiis. Et dono similiter IN EPISCOPATU LAUDENSI ECCLESIAM UNAM SANCTI SALVATORIS, juxta Casale sex mansos habentem, cum omnibus adjacentiis & pertinentiis, cum pratis, silvis, molendinis, vineis, decimis, primitiis, cum omni honore. Et similiter dono ALIAM ECCLESIAM FUNDATAM JUXTA CODONIUM IN HONOREM SANCTI AMBROSII, cum omni honore, & sex mansos juxta se habentem. Et dono similiter VILLAM UNAM IN EPISCOPATU PAPIENSI, QUÆ NOMINATUR VILLA REGIA, cum Ecclesia una inibi fundata, cum omnibus adjacentiis & pertinentiis, cum silvis, pratis, pascuis, cum omni honore. Et similiter dono eidem Monasterio LOCUM, QUI DICITUR SPIGNUM, medietatem cum Ecclesiis inibi fundatis, cum omnibus adjacentiis & pertinentiis, cum omni honore, omnia in integrum. Et dono similiter MONASTERIUM UNUM NON LONGE A SUPRA NOMINATO SPIGNO, QUOD NOMINATUR SANCTUS QUINTINUS; ut sit in ordinatione & regimine Abbatis Sancti Ambrosii, cum omnibus suis juribus, adjacentiis & pertinentiis, cum omni ordinatione & tuitione, in omni tempore ad honorem Dei & Sancti Ambrosii, & non habeant licentiam ullo tempore excutiendi se desub potestate & regimine Abbatis Sancti Ambrosii. Et dono similiter IN FONTE CURONO quatuor mansos cum omni honore, & cum Ecclesia inibi fundata in honorem Sancti Petri, cum adjacentiis & pertinentiis suis, omnia in integrum. Et dono similiter in IN SUPRA NOMINATA PAPIA ECCLESIAM UNAM INIBI FUNDATAM IN HONOREM SANCTI SIXTI, nostri juris, cum casis & sediminibus juxta se manentibus, cum omnibus suis pertinentiis, omnia in integrum. Similiter dono CURTEM UNAM, QUÆ DICITUR DUBINI, cum Ecclesia una, cum servis & ancillis, cum omnibus montibus, collibus, alpibus, vallibus, planitiebus, pratis, silvis, pascuis, vineis, molendinis, piscationibus omnia in integrum, cum omni honore & subjectione, cum fotro, albergariis, intratura Abbatis. Similiter dono & offero eidem Monasterio Sancti Ambrosii supradicto in sumptu Monachorum, hoc est, ECCLESIAM SANCTI SEPULCHRI, cum omnibus suis juribus, adjacentiis & pertinentiis, cum sediminibus, pratis, silvis, pascuis, cultis, & incultis, rupibus, montibus, paludibus, piscationibus, cum servis & ancillis, cum omni honore. Similiter dono IN EPISCOPATU VERCELLensi, IN QUINTO, sextam partem, cum silvis, pratis, pascuis, aquis, aquarum conductibus, cum omni honore. Et IN VILLA, QUÆ DICITUR HERBORUM, similiter cum omni

A honore. Et similiter dono IN EPISCOPATU TERDONENSI CASTRUM UNUM QUOD NOMINATUR ARQUADA, cum honore, cum servis, & ancillis, cum pratis, pascuis, silvis, vineis, aquis, aquarum conductibus, cultis, & incultis, cum omni honore. Similiter dono IN EPISCOPATU PLACENTIAE VILLAM UNAM, QUÆ NOMINATUR CERESOLA, cum centum mansis de terra, cum omni honore, cum silvis, pratis, pascuis, cum Ecclesia una Sancti Ambrosii, cultis, & incultis, egressibus, & ingressibus, aquis, aquarum conductibus, omnia in integrum. Et similiter dono supra nominato Monasterio sex mansos IN LOCO OCCIMIANO, cum totidem sediminibus IN CASTRO ET IN VILLA, cum silva una, quæ dicitur LEVMANA, cum omni honore & subjectione, cum pratis, silvis, & pascuis, omnia in integrum. Et dono similiter IN CUMANIA CURTE CUM ECCLESIA. Et insuper statuimus, ut in toto Italico Regno, si quis aliquid adjudicaverit, vel aliquo modo donaverit, vel Monasterium emerit; libere & absolute possideat; ita ut nullus scilicet Episcopus, Archiepiscopus, Dux, Marchio, vel Communitas, aliquam molestiam ei Monasterio inferat; sed solummodo sub nostrum Mundburdum custodia remaneat. Statuimus, regalique auctoritate sancimus, sicut supra diximus, ut nullus Archiepiscopus, vel Abbas, vel Monachi allo unquam tempore easdem Curtes supra nominatas, vel si post has aliquis in tempore dederit, non habeant potestatem tollendi, vendendi donandi, libellum faciendi, aut per alicujus scripturæ seriem à sumptu & stipendio Cœnobarum alienandi; sed remota egestate, alimoniis quoque ex eisdem Curtibz manentibus, pro nostra ac Patris nostri anima Omnipotentis clementiam libere valeant exorare. Si quis igitur hoc Præceptum infringere, quod absit, temptaverit, nostræque dispositionis manere noluerit; conatus ejus apud Omnipotentem reus maneat; cogaturque componere auri obrici libras mille; atque à Sanctorum Martyrum Gervasii Protasiique & Confessoris Ambrosii Justorumque omnium consortio segregetur. Et insuper anathematis ultione percussus in extremi Examinis die cum Juda traditore ejusque contribulibus participetur. Quod ut verius credatur, diligentiusque ab omnibus observetur, manibus propriis rob jussimus.

Signum Domni Karoli Serenissimi Regis.
Signum Domni Ansprandi Cancellarii, & Guidonis Episcopi, & Bosoni.
Ego Bosus Episcopus firmavi.
Ego Ritus Cardinalis interfui, & firmavi.
Ego Guido Episcopus Papiensis interfui, & firmavi.
Ego Gisulphus Guarmasie Episcopus firmavi.
Petrus Vicecomes firmavi.

Data duodecimo Kalendas Aprilis; Anno ab Incarnatione Domini Octingentesimo octogesimo, Indictione decimatercia: Anno vero Regni Regis Karoli, in Francia quarto, in Italia primo. In Dei nomine feliciter. Amen. Actum Papiæ.

CXXXII. Plurima (quis enim neget?) hoc nominatim Privilegio nobis indicantur, quæ curiosius inquiri jam possent. Sed in presenti tamen ad ea solummodo verba nonnihil illustranda nos obvertimus: Et dono similiter ECCLESIAM UNAM, QUÆ NOMINATUR SANCTUS MICHAEL, NON LONGE A PALATIO NOSTRO: & terram juxta ipsam Ecclesiam, AD ÆDIFICANDUM HOSPITALE, ad recipiendum pauperes. Et offero eidem Monasterio TOTAM CURTEM PALATII JUXTA SANCTUM AMBROSIIUM. Hæc utique; Sancti Michaelis Ecclesia non alia est, quam ea, cujus mentionem Num. 101. tam honorificam fecimus, ut illic olim coronari solitos fuisse Reges Italiae ostenderimus.

H Puricellus, Ean-

Eandem ceteroqui constans est traditio primis e fundamentis à Sancto *Ambrosio* constructam, & Archangelo *Michaëli* Sanctisque omnibus Angelis consecratam, nec non etiam frequentatam fuisse. Sic enim vidimus affirmatum in Libello quodam *Italico* De Indulgentiis, & Sanctorum Corporibus, in Ecclesiis *Mediolani* extantibus, hac ipsa typis edito in Urbe Anno Domini Milleſimo quingentesimo decimoquinto: sic etiam in altero tum *Joannis Francisci a Basilica Petri*, tum etiam *Joannis Baptistæ Ville*, De aliquot hujus Urbis Ecclesiis. E Monasterii hujus nostri concessione (de qua suo loco ac tempore agemus) Moniales illic hodie degunt *Cistercienses*: vulgoque *Monasterium* & *Ecclesia Sancti Michaelis* AD DORSUM (sicut interpretor, e situ loci paululum edito) nuncupatur. Hospitale autem illud, cui juxta eam Ecclesiam ædificando terra concedebatur, illud itidem sine dubio est, quod ibidem adhuc juxta eandem Ecclesiam Hospitale Sancti Ambrosii appellatur. Quod vero Palatium item Regis non longe ab eadem Ecclesia, itemque Curtes & Area, seu Platea, illius juxta Sanctum Ambrosium, sive juxta Basilicam istam *Ambrosianam*, esse dicebatur: hoc ego Palatium existimo illud fuisse, de quo *Gualuaneus Flamma* in Chronico Majori, Cap. 115. ac deinde Chronici *Flos florum* Auctor fol. 82. pag. 1. testantur: & hic quidem Auctor paulo uberius, quam ille, his verbis: *Interim Eugenius, Comes Palatinus, mortuo Valente Imperatore in lecto apud Viennam, dolo Abrogastis Imperium Mediolani usurpavit, & quendam Victorem sibi in Imperio associavit. Quod multum Beato Ambrosio displicuit. Unde Theodosium juniorem, Magni Theodosii filium, Imperatorem Constantinopolitanum, advocavit: cui Imperium Mediolani promisit. Theodosius cum forti exercitu Mediolanum properavit, & Eugenium usurpatorem Imperii prostravit. Tunc Beatus Ambrosius in Civitatem Mediolani reverſitur. Cui Imperator concessit privilegium, quod, cum in Constantinopoli esset Sedes Imperii, de cetero nullus Imperator Civitatem Mediolani intraret, cum ea per Duces de cetero regeretur. ET EXTRA CIVITATEM VETEREM JUXTA ECCLESIAM SANCTI AMBROSII ÆDIFICATUM FUIT PALATIUM PER-MAXIMUM, UBI IMPERATORES HABITABANT TEMPORE CORONATIONIS SUÆ; quia Civitatem Mediolani propter reverentiam privilegiorum intrare volebant. Quod servatum fuit usque ad adventum Frederici Imperatoris, dicti *Barbæ ruberæ*, qui Civitatem Mediolani destruxit Anno Domini Milleſimo centesimo sexagesimoquinto (verius dixisset sexagesimosecundo) licet & ipse in sua Coronatione servasset; sed post destructionem ipsius Civitatis illud privilegium abstulit. Quod si hæc ita se habuerunt; fatis nos quidem probare non possumus, quæ de Palatio Imperatoris prope Basilicam istam olim sito *Carolus a Basilica Petri* scribebat in *Historia Mediolanensi*, nimirum in Sancto *Cajo*, Archiepiscopo Tertio. Cum enim *Philippi Oldani* amplam domum, lateque patentes hortos, ei solo, ubi postmodum extructa fuit Basilica ista, circumjectos describeret; inter cetera sic etiam inquit: *Fama vero est etiam (quod loci sanctitatem magis commendat) aliorum Imperatorum temporibus, qui Christianos sunt persecuti, circa eundem locum Martyres solitos excrucuari. Certe ibi fuit Palatium Imperatoris, quod postea Canonicis donatum esse scribitur, & in authenticis Monumentis habetur, quæ in Ecclesia Ambrosiana asservantur. Cujus Palatii vestigium adhuc extat, marmorea scilicet columna, quæ ad sinistram Ecclesiæ partem foris posita est. Palatium igitur aliquod Imperatoris donatum fuisse Canonicis hujus Basilicæ: hoc utique nos nec affirmamus, nec**

A negamus: fidesque sit penes authentica illa Documenta, quæ innuntur. Certe quidem vetus illud Palatium, quod hic erat, negamus Imperatoribus illis deservisse, qui *Christianos* fuerint hac in Urbe persecuti. Conditum siquidem, uti diximus, illud fuit a *Theodosio* Juniore, quo tempore Sanctus *Ambrosius* Ecclesiam *Mediolanensem* administrabat. Quod vero marmorea illa columna separatim erecta monstrabatur tamquam Palatii, quod illic antiquitus extaret, vestigium: ne id quidem a nobis admitti patiuntur ea, quæ Num. 102. commemoravimus: quemadmodum scilicet in Coronatione Imperatoris & *Italiae* Regis ea columna usui esset. In hunc igitur potius usum eam illic ex industria collocatam opinamur. Daturne vero nobis, ut etiam dicamus, ubinam situm fuisse nobis videatur Palatium illud, quod in præcedenti Privilegio describebatur ita, ut Ecclesia Sancti *Michaelis* non longe ab ipso abesset, utque ipsius Curtes juxta Basilicam esset *Ambrosianam*? Nobis profecto illud non alibi situm fuisse videtur, quam ubi vetus & turris & adhærens domus, e firmis ac bene latis constructa parietibus, adhuc conspicitur inter Ecclesiam Sancti *Michaelis* & Hospitale Sancti *Ambrosii*: quibus ferme interſita ex æquo est domus illa & turris. Sed enim hoc præterea monemus, tam turrim eam, quam quicquid domuum illi olim nexum erat, in potestate postea, non Canonicorum, sed Monasterii hujus extitisse. Quocirca, si quod Regium Imperatoriumve Palatium, prope Basilicam istam situm, Canonicis re vera donatum aliquando fuit; hoc utique interim diversum existimamus ab eo, quod in superiori *Caroli* Regis Privilegio & in duobus illis Chroniis describebatur.

CXXXIII. In primori ex hisce duobus Privilegiis *Carolus* Rex Monasterio huic *Ambrosiano* confirmaverat *CASALES DUOS, UNUM IN MELIANICO, ALIUM IN VILLA, QUÆ DICITUR CLEPIATE*, &c. Post paucos inde dies rogatus, ut alia quædam bona ibidem consentientia idem Monasterio in subsidium Monachorum largiretur; ecce tibi, quale Privilegium trigesima mensis ejusdem Martii die in hoc ipsum concesserit:

IN NOMINE SANCTÆ & INDIVIDUÆ TRINITATIS. KAROLUS, divina favente clementia, Rex. Noverit omnium Fidelium nostrorum, tam præsentium quam & futurorum, industria, quod *Vutavardus* Reverendus Episcopus, dilectus Consiliarius & Archicancellarius noster, suggestit humiliter Majestati nostræ quatinus divini cultus amore concederemus jure proprietario, ad subsidium Monachorum, in Monasterio Beati *Ambrosii*, ubi *Petrus Venerabilis* Abbas præest, degentium, *Kasas*, & res illas omnes in integrum IN MELIANICO, ET VILLA CLEPIATE, quæ pertinent de Comitatu *Mediolanensi*. Cujus suggestione aurem mansuetudinis inclinantes, pro divæ memoriæ Genitoris nostri, nostrique eterna remuneratione concedimus, ac perenniter confirmamus præſato Sancti *Ambrosii* Cænobio, & Monachis ibidem Deo famulantibus, prænominatas *Kasas* & res IN MELIANICO, ET VILLA CLEPIATE, cum mancipiis scilicet ibidem commanentibus, vel inde pertinentibus: & quicquid ad partem Comitatus *Mediolanensis* in ipsis duobus locis & fundis pertinere videtur, cum omni integritate sua. Ita sane, ut a modo prælatas res idem Monasterium absque alicujus vexatione sub immunitatis vinculo..... Et ut hæc nostræ Sublimitatis atque regalis Præcepti pagina inconvulsa retineatur, & pro futuris temporibus attentius observetur, nostræ manus inscriptione insignitam ex annulo nostro jussimus assignari.

Signum Karoli Serenissimi Regis.

Gaidulfus Diaconus, ad vicem *Ernuſti* Cancellarii recognovi, & subscripsi.

Data tertio Kalendas Aprilis, Anno Incarnationis Domini

Domini Nostri Jesu Christi Octingentesimo octogesimo, Indictione decima tertia: Anno vero Serenissimi Regis Karoli; Regni in Francia quarto, & in Italia primo.

CXXXIV. Quando nobis jam mentio de *Ansperti* Archiepiscopi obitu & Epitaphio facienda occurrit; libenter hic etiam præmitteremus, quæ *Tristanus Chalcus* ad octogesium secundum supra Octingentesimum Christi Annum hisce verbis recenset: Proximo Anno *Anspertus*, Archiepiscopus Mediolanensis, vir magnificus, cum Ecclesiæ præfuisset tresdecim annos & dimidium, fato fungitur. Laus ei marmorea Tabula scripta manet; quod dirutæ Urbis mœnia restituerit; Stiliconis domum (durabat adhuc illud nomen) restauraverit; Tempia refecerit; & propriis opibus collatis Ambrosiano Cœnobio octo Monachorum in perpetuum alimenta constituerit. Talia *Chalcus*. In quorum confirmationem operæ pretium erit ipso met Tabulæ illius versus in medium attulisse. Parieti autem illa clavis item affixa est in altero primarii Altaris latere, ad cornu Euangelii. Unde, Præfulem istum illic adhuc sepultum jacere, nos quidem argumentamur.

A B R M ✕

Hic jacet *Anspertus*, nostræ clarissimus Urbis

Antistes vita, voce, pudore, fide:

Aequi sectator, turbæ prælargus egenæ:

Effector voti, propositique tenax

Mœnia sollicitus commissæ reddidit Urbi

Diruta: restituit de Stilicone domum.

Quot sacras Aedes, quanto sudore refecit?

Atria vicinas struxit & ante fores.

Tum Sancto Satyro Templumque domumque dicavit.

Dans sua sacro prædia cuncta Loco;

Ut Monachos pascant æternis octo diebus

Ambrosium pro se qui Satyrumque rogent.

Obiit Anno Incarnationis Domini Octingentesimo octogesimo secundo, septimo Idus Decembris, Indictione decima quinta. Rexit Episcopatum suum annis tredecim, mensibus quinque, diebus duodecim.

Præfulus *Andreas* præfati captus amore,

Hoc Levita sibi condecoravit opus.

Igitur *Ansperti* Epitaphium, ejusque similiter auctorem ita prodidimus. Nunc obscura quædam, quæ ipso fuerunt indicata, pro virili parte illustremus.

CXXXV. Ante omnia singularem *Ansperti* erga pauperes liberalitatem illud maxime commendat, quod in Libro, *Succesores Sancti Barnabæ*, his conceptum verbis affirmatur: Hic Archiepiscopus *Anspertus* in teterrima peste, quæ suo tempore omnem Italiam, populumque Mediolanensem præcipue invaserat, pestilenti lue tabescentes perpetuo studio visitasse, eisque Sacramenta omnia ministrasse fertur: idque ipsum officium ejus exemplo & jussu Parochi etiam accurate præstitisse dicuntur. Ille omni Europa, Italia, & Urbe ditius neque Mediolanensi præsertim, pestilentia morbo vexata atque afflicta, cum ea ipsa officia præstitisset, tum cibum etiam ac victum tabe languentibus manu sua ministrasse commemoratur. Certe autem, *Ansperto* Archiepiscopatum istum administrante, magnam in Italia fuisse caritatem annonæ, pestisque luem, satis constat e *Tristano* item *Chalco* sub Annum Octingentesimum septuagesimum quartum. Sic itaque sit explicatum quod *Anspertus* in Epitaphio dicebatur TURBÆ PRÆLARGUS EGENÆ.

CXXXVI. Sequitur autem: MOENIA SOLICITUS COMMISSÆ REDDIDIT URBI, DIRUTA. Et hinc colligendum ego quidem arbi-

tror, quemadmodum *Anspertus* Archiepiscopus non modo Ecclesiasticam sed etiam secularem potestatem in Urbem istam exerceret; ut propterea pro regiminis sui ratione mœnia ejus, olim diruta, restituerit; mœnium scilicet ac murorum etiam Dominus. Hinc etiam ego pariter eo facilius in id consentio, quod eodem Libro, *Succesores Sancti Barnabæ*, in *Petro Oldrado*, Archiepiscopo Quinquagesimo, his præcise verbis asseritur: Hic Archiepiscopus a *Carolo Magno* in tanto honore & reverentia habitus est, ut ei & Archiepiscopis successoribus Urbis Mediolani dominium & jurisdictionem concesserit temporalem. Quæ Privilegia & Concessionem usque ad *Othonem Vicecomitem* durarunt. Sed & in Privilegio etiam, quod ibidem postea recitatur, ab eodem *Carolo Magno* eidem *Petro* Archiepiscopo ipsiusque Successoribus concessum, isthæc in primis habentur: Ei concedimus, & Successoribus ejus legitime intransibus, quidquid ad nostram jurisdictionem pertinere in Urbe Mediolani videtur: terras scilicet, atque omnem districtum, domos publicas, MURUMQUE IPSIUS URBIS, cum fisco & teloneo integro, & cum omni jure civili, intus, & foris in circuitu usque ad fines: Cortes etiam ipsius Civitatis, AC CIVITATEM PROPRIAM, &c.

CXXXVII. Age vero: illud item investigemus, quidnam sit, RESTITUIT DE STILICONE DOMUM. *Gaudentius Merula* Libro primo De Gallorum Cisalpinorum antiquitate ac origine, *Andreas Alciatus* in Antiquario, & ex ipso *Bonaventura Castillioneus* in Libro Gallorum Insularum antiquæ sedes inscripto, itemque *Fontana* in Annotationibus ad eum Archiepiscoporum nostrorum Catalogum, quem nobis *Aloysius ab Ecclesia* commodavit: hi omnes unanimiter existimant, quinetiam ex hoc Epitaphio confirmant, eam *Stiliconis* domum *Castillioneæ* fuisse Gentis, eandemque sic *Stilicone* appellatam, quemadmodum & egregium illud Ditionis *Mediolanensis* Oppidum, quod postea communiter appellatum fuit hodieque *Castillionum* appellatur. Idem *Alciatus* (verba sunt *Bonaventuræ* ab *Alciato* eadem mutuati) *Castillionum* putat olim *Castrum Stiliconis* extitisse: a quo & Familia (nempe *Castillionea*) per longa temporum intervalla originem traxerit. Cujus quidem Familiae domum, quæ ab *Attila* multos ante annos cum Urbe ipsa Mediolani direpta & solo æquata, reparavit *Anspertus Mediolanensis* Antistes. Hanc rem satis ostendit marmorea Tabula, ad sinistram oranti ad Altare *Majus* in Templo *Divi Ambrosii* in Urbe. In qua carmine *Musis* (ut inquit ille) & *Apolline* nullo, & *Stiliconis* & domus memoria legitur. *Stilico* autem ille tempore *Sancti Ambrosii* sub *Theodosio* claruit Imperatore: qui eum tanti fecit, ut & *Serenam*, ex *Honorio* fratre neptem, suamque adoptione filiam, in matrimonium illi collocarit; & illum novissime *Honorio* filio curatorem ac rerum arbitrum constituerit. De quo quidem *Stilicone* pluribus item agit *Tristanus Chalcus*, *Historiæ Patriæ* Libro 3.

CXXXVIII. QUOT SACRAS AEDES, QUANTO SUDORE REFECIT? Epitaphii subdit Auctor. Et id quidem clarissimum est. ATRIA VICINAS STRUXIT ET ANTE FORES. At cuinam vicinas? Huic utique *Ansperti* Epitaphio ac Sepulchro. Quis enim neget? En igitur, ut *Anspertus* ante Basilicæ istius *Ambrosianæ* fores & januas ea struxerit atria, easque amplas & altas porticus, quibus omniquaque in hanc usque diem cingitur AREA, five CORTINA, iisdem foribus præjacens: quasve magno sumptu reficiendas atque repoliendas studiosissime curavit (ut suo tempore narabimus) eximium illud *Ambrosiani* Nominis Columnen, piissimus & amantissimus ille Basilicæ istius Cultor, *Fredericus* Cardinalis & Archiepiscopus *Borromeus*, non multo ante, quam moreretur. De quo pariter quis nostrum ignorat, quam vere in elogium

cani possit: QUOT SACRAS ÆDES, QUANTO SUDORE REFECIT? Sequitur Epitaphium: TUM SANCTO SATYRO TEMPLUMQUE DOMUMQUE DICAVIT. Atqui non soli Satyro eadem dicavit. *Tristanus* proinde *Chalcus* in autographo Codice, quem *Ambrosiana* Bibliotheca gratissimum conservat, ad Annum *Christi* Octingentesimum septuagesimum nonum (quem arbitrat *Carolomanni* Regis *Italiae* secundum) ex ipsomet *Ansperti* Archiepiscopi Testamento tunc condito, & a se inspecto, istud quoque observavit: IDEM DOMUM IN URBE DIVIS SATYRO, AMBROSIO FRATRI (non autem AMBROSII FRATRI, quemadmodum in editione typographica perperam legitur) ET SYLVESTRO DICAVIT. *Nostri* aetas collapsam restituit, pulchrioremque longe & laxiorem fecit. Ceterum *Anspertus* illud ipsum Templum ac Domum, & octo Monachos, illic (ut præceperat, ipsumque testatur Epitaphium) divina ministeria in perpetuum peracturos, regimini subjecit Abbatis hujus *Ambrosiani*; perinde ac si unicum inde corpus conflatum voluisset, quod ab unico propterea Capite regi etiam oporteret. Quod vero idem *Chalcus* e prædicto *Ansperti* Testamento pariter animadvertit verum ejus cognomen de *Blasfonia*: id ipsum nos item confirmamus ex altero ipsius Instrumento, quo varia sui bona variis personis assignavit. Rogatum vero illud legitur tempore *Karoli* Regis (nempe *Crassi*) filii quondam *Hludovici* Regis (hoc est, *Germanie*) Anno Regni ejus in *Italia* primo, die undecimo mensis Novembris, Indictione tertia decima.

CXXXIX. *Anspertus* igitur, sicut e probatissimo illius Tabulae indicio certissime jam constat, obiit Anno Dominicae Incarnationis Octingentesimo octogesimo secundo, die septima Decembris, Indictione decima quinta. Sic itaque necesse est, ut eadem isthac Indictio, Septembri scilicet proxime transacto inchoata, de more protenderetur ad proximum postea Septembrem: quo pariter mense decimam quintam Indictionem protinus ordine renovato prima exciperet. *Ansperto* autem successit *Anselmus*, de
A C. 883. Monasterio isto benemeritus, & in hac Basilica sepultus. De quo vide, quid in Libro, *Successores Sancti Barnabae*, scriptum legatur: atque vel hinc, quam procul ab eo fuerit ichismate, cujus commentum supra exagitavimus, dignosce. *Anselmus* (illic legitur) hujus nominis Secundus, Capra, Civis, intuitu *Caroli* Imperatoris a *Joanne* Octavo Pontifice, cum e *Galliis* Romam rediret, in Urbe *Mediolani* summa populi letitia Archiepiscopus creatus est.

CXLI. Verumtamen *Baronius* ad Annum *Christi* Octingentesimum octogesium secundum, & qui cum eo senserint de tempore, quo *Joannes* hic Pontifex obierit, facile nobis adversantur. *Joannes* (inquit) Pontifex absque dubio iter illud hoc Anno in *Gallias* destinaverat: *Supponem*que propterea Comitum monuerat Epistola 307. ut illuc properanti quantocyus ad *Cinifem* occurreret Montem, quin etiam ut *Anspertum* quoque hoc idem rogaret. Quapropter (scribebat Pontifex) vestrae Dilectioni fidentissime, & probatae Fidei mandamus, ut Nobis cum officio decentiae vestrae ad Montem *Cinifem* obvii quantocyus veniatis; ut pariter convenienter, quae ad utilitatem congruunt, Domino permittente, tractare valeamus. Simulque hoc precamini Dilectam Filiam nostram *Angelbergam* Imperatricem ATQUE ANSPERTUM ARCHIEPISCOPUM MEDIOLANENSEM, *Wbbodum*que *Parmensem* Episcopum, aliosque fideles atque amicos. Et hæc quidem data denique notatur Epistola quinto Calendas Septembris, Indictione decima quinta. Verumenimvero, ne Pontifex iter illud in *Gallias* arriperet (inquit *Baronius*) mors intercessit. In fine siquidem Anni hujus, decimo

A octavo Calendas Januarii (hoc est octavo post *Ansperti* obitum die) in Urbe scilicet *Roma* occubuit. Ita nimirum nos differimus adhuc ex *Baronii* sententia. Qui tamen jam ante inter prima hujus Anni gesta recensuerat Epistolam illam (est autem numero 299. & Augusto mense data) qua idem Pontifex *Anselmo* *Mediolanensi* Archiepiscopo (quasi vero e *Baronii* sententia hic *Ansperto* adhuc vivente fuerit *Mediolani* Archiepiscopus, nec in illius defuncti locum successerit) facinus etiam illud significavit, quo sceleratus quidam homo pluribus aliis manus amputaverat. In hoc igitur excusandus humaniter est *Baronius*, tam multis intentus: sed & *Carolus Sigonius*,
B *De Regno Italiae*, ad eundem Annum *Christi* Octingentesimum octogesium secundum. Ejus verba, tacito tamen *Anselmi* Archiepiscopi nostri nomine, sunt hujusmodi: Mense Augusto inter cetera detrimenta homo quidam *Vidonis* *Marchionis* (*Spoletani*) octingentatres (legendum est octogintatres) homines e *Ditione* Pontificia cepit, ac manus eis apud *Narniam* amputavit: quorum plerique interierunt. Cujus rei dolore ardens Pontifex, REM AD MEDIOLANENSEM
C ANTISTITEM DETULIT: atque, transacto *Misere* Sacerdotio, post decimum octavum Calendas Januarias vita cessit. Talia *Sigonius*. Quem si forte interrogemus, quisnam fuerit Antistes ille *Mediolanensis*, ad quem Pontifex hac de re scripsit; *Anspertum*, & non *Anselmum*, fuisse dicet; atque uni errori alterum cumulabit. *Anspertum* siquidem Anno *Christi* Octingentesimo octogesimo septimo postea scribit obiisse: quem deinde *Anselmus* exceperit. Nos igitur & a *Sigonio* & a *Baronio* libere non minus, quam constanter, hac in re dissentimus.

CXLI. Cum enim *Anspertus* Archiepiscopus hunc item Annum *Christi* Octingentesimum octogesium secundum vixerit usque ad septimam diem Decembris: cum præterea illi postmodum successerit *Anselmus*, ad quem postea idemmet Pontifex *Joannes* Epistolam illam mense Augusto conscripsit; certe sequitur, ut Pontifex non obierit eomet illius Anni Decembre, quo Archiepiscopus obiit *Anspertus*; sed ad posterioris usque Anni, scilicet Octingentesimi octogesimali tertii, Decembrem supervixerit. Quoniam vero iter quoque in *Franciam* festinare tunc parabat, cum *Anspertus* adhuc viveret, proptereaque per *Supponem* rogaretur (& hoc sub exitum mensis Augusti) ut una cum ipso aliisque sibi obviam procederet; inde sic etiam concludimus, mortem Pontifici nequiquam obstitisse, quominus iter illud in *Franciam* perageret, atque *Mediolani* postea in reditu *Anselmum* crearet Archiepiscopum; quem admodum nos paulo ante narrabamus.

CXLII. Sed placeat insuper, a nobis inquiri paulo adhuc curiosius, quonam præcise die illum Pontifex Archiepiscopum creaverit. Ecce vero, quid
E in eo Archiepiscoporum Catalogo, per Archipresbyterum Ecclesiae Metropolitanæ nobis commodato, ac tempus *Ansperti* Archiepiscopi tam veraciter profecuto, tradatur. *Anselmus Secundus* (hoc nempe traditur) *Mediolanensis* Archiepiscopus Quinquagesimus octavus, Anno Domini Octingentesimo octogesimo secundo (hunc videtur ab Incarnatione Dominica computasse, ut mox differemus) sedit annis quatuordecim, mensibus sex, diebus vigintiduobus. Ac denique: Obiit autem prædictus *Anselmus* die quarto ante Calendas Octobris, Anno Domini Octingentesimo nonagesimo septimo. JACET AD SANCTUM AMBROSIIUM, ANTE ALTARE SANCTÆ
F MARCELLINÆ; nam istud quoque per occasionem huc præmature adjicimus. Nonne autem, universo ejusmodi tempore, quo *Anselmus* Ecclesiam rexit *Mediolanensem*, calculis ab extremo ad initium revocato, consequitur, ut post *Ansperti* obitum nonnisi sexta Martii mensis die creatus ille Archiepiscopus

piscopus fuerit? Si ergo Annos *Christi* computemus ab ejus Incarnatione, hoc est, a vigesima quinta Martii die, sicut etiam in *Ansperti* Epitaphio nuper videbamus computatos; tum *Anselmus* nobis dicitur creatus Anno *Christi* Octingentesimo octogesimo secundo; quippe qui Annus nonnisi vigesima quinta concluditur die mensis ejus Martii, cujus die sexta nobis traditur ac supponitur creatus. Sin autem juxta ritum & usum Ecclesiae *Romane* computemus ab ejusdem *Christi* Nativitate, sive a Calendis Januarii; tum vero creatus absque dubio dicitur Anno *Christi* Octingentesimo octogesimo tertio; quippe cum hic ipse Annus a Calendis Januarii proxime praeteriti jam fuerit inceptus. Alterutrinque vero Annos *Christi* computemus; utrinque profecto pariter & ex aequo consequitur, ut *Joannes* Pontifex Octavus, quinta decima illa Decembris die defunctus, Octingentesimo octogesimo tertio Anno *Christi*, occubuerit. Sed satis haecenus de *Anselmi* hujus promotione ad Archiepiscopalem hanc Sedem.

CXLIII. Nunc illud etiam juverit expressisse, quod Augusto mense *Joannes* Pontifex ad eundem Archiepiscopum *Anselmum* rescripsit Epistola illa A.C. 883. 299. *Mediolanensis* igitur Ecclesiae Privilegia, rogatus ab ipso, confirmat. Hortatur, ut in Ecclesiam *Romanam* sit fidelis. Inter haec Dilectionem tuae Fraternalitatis hortatur (verba sunt Pontificis) Sanctae Matris vestrae, *Romane* Ecclesiae, quae pro vobis omnibus, vestraeque salute, utpote Caput pro suis membris, laborare non cessat, toto annixu mentis, omnique devotione fideles existere omnimodis satagatis; quoniam in ejus exaltatione atque incolumitate (sicut ab initio) erit omnium vestrum apud Deum & praesens saeculum certa salvatio. Sed narrat etiam *Sarracenorum* & iniquorum *Christianorum* injurias, & hanc singillatim, quam supra ex *Baronio* & *Sigonio* innumus: Inter innumeras rapinas, depredationes & mala quamplurima, ad augmentum doloris nostri, quidam sceleratus, *Longobardus* nomine, homo *Widemis* Marchionis, octogintatres homines cepit manibus singulis detruncatis apud *Narniensem* Civitatem: plures ex tali sunt incisione sine mora perempti. *Anselmum* denique rogat, ut pro Ecclesia Dominum suppliciter exoret. Quod si forte schismaticus fuisset *Anselmus*; itane Pontificem rogasset, ut sibi *Mediolanensis* Ecclesiae Privilegia confirmaret? itane vero etiam Pontifex erga ipsum se gessisset? O commentum & calumniam nefandam!

CXLIV. Oborta fuerat altercatio inter *Petrum Ambrosiani* hujus Coenobii Abbatem ab una parte, ab altera vero inter incolas *Civennae*, *Cauronici*, *Salviani*, & *Madronini*, eorumque vicinos & consortes, eidem una omnes *Curti Limontae* subjectos: eaque fuerat oborta super annuo censu, quem de personis rebusque suis Monasterio persolvere deberent. Ipsi namque hoc nominatim debiti negabant esse sui, ut ex *Olivetis* illic extantibus olivas colligerent ac premerent, oleumque proveniens ad Monasterium deferrent. Contra vero Abbas hoc sibi vendicabat: idemque similiter contendebat ab ipsis, seu ab ipsorum Majoribus, olim factitatum erga *Hlotharium* Imperatorem; ad cujus propterea Curtem, quae Deus dedit vocabatur, oleum illud advexissent, priusquam Monasterio ille traderet *Limontam*, eaque loca ipsi subjecta. Quaestione igitur hujusmodi delata in judicium coram *AripRANDO* Diacono, & *Vicedomino* Sanctae hujus *Mediolanensis* Ecclesiae cum inspecta fuissent Imperatoris ejusdem *Hlotharii*, ac deinde *Caroli Crassi* Regis, hoc jam tempore Imperatoris, Privilegia, Monasterio in idipsum concessa: cumque testes etiam super facto & usu interrogati, asseveranter affirmassent, rei veritatem ita prorsus se habere, quemadmodum Abbas contendebat; *AripRANDUS* in favorem Monasterii Sententiam pronuntiavit; hoc est; Ut, sicut parentes eorum antiquis tem-

A poribus fecerunt, ita facere deberent a modo in antea; olivas ex ipsis *Olivetis* colligere, premere, & oleum evehere deberent ad ipsum Monasterium. Sic autem authenticum Sententiae hujus exemplar in hac denique definit verba: Et finita est causa: & hanc notavi pro securitate ipsius Monasterii ego *Aupaldus* Notarius, scripsi, & interfui. Anno Domini *Karoli* Imperatoris secundo, bonae memoriae Domini *Hiludovici* Regis (hoc est Germaniae) filii, pridie *Kalendarum Decembrium*, Indictione prima. Quod si primam istam Indictionem computare liceat ex ea decima quinta, quae in superiori Epitaphio nominabatur; Annus hic erit *Christi* Octingentesimus octogessimus tertius; cujus Septembri mense jam inchoata foret Indictio illa prima. Sed aliter ea profecto computanda est; itaut Annus ille nonnisi sit octogessimus secundus, idemque *Carolo Crasso* sit etiam secundus Imperii Annus; ut paulo magis mox constabit. Sequuntur vero etiam subscriptiones hujusmodi: *AripRANDUS*, *Diaconus* & *Vicedominus* Sanctae *Mediolanensis* Ecclesiae, ut supra, interfui. *Leo*, *Judex* Domini Imperatoris, interfui. *Achinaldus* *Judex* interfui. *Adalgisus* de *Roveniasco* interfui. *Hilderaldus* *Notarius* interfui. *Bonus* interfui.

CVL. Nonnullos Sacerdotes Num. 119. c *Tbadonis* Archiepiscopi Diplomate observavimus in *Ambrosiana* ista Basilica collocatos a *Petro* Abbate, ut A.C. 887. *Missarum* ibidem solemnia celebrarent: atque ab eodem Archiepiscopo susceptos intra Concivium suorum Sacerdotum congregationem atque consortium. Ejus igitur ordinis Sacerdotes Anno jam *Christi* Octingentesimo octogesimo septimo nobis occurrunt numero septem, atque proprio muneris & honoris cognomento insigniti. Nobis utique praesto est Instrumentum Commutationis, quo illi bona quaedam sua, in Loco & fundo *Cremellina* prope fluvium *Abduam* jacentia, commutarunt cum aliis quibusdam in Vico & fundo Octavobonis, quae cujusdam erant *Arnulfi de Vico Blassono*. Quod quidem Instrumentum, ad ipsam Basilicam Sancti *Ambrosii* actum, & a *Teuderulfo* Notario scriptum & post tradita completum & datum, sic incipit: In *Christi* nomine **KARULUS**, divina ordinante providentia, Imperator Augustus, Anno Imperii ejus septimo, mense Julio, Indictione quinta. Commutatio bonae fidei noscitur esse contractus, ut ad vicem emptionis obtineat firmitatem. Ideoque dederunt *Leo*, *Ingesfredus*, *Rachisfredus*, *Ceuspertus*, *Paulus*, *Arifredus*, atque *Agibertus*, **PRESBYTERI CUSTODES ET OFFICIALES ECCLESIAE BEATI CHRISTI CONFESSORIS ET EPISCOPI AMBROSII, UBI EJUS SANCTUM QUIESCIT CORPUS HUMATUM, fundatae foris Muro Civitatis Mediolani, incommutationis nomine &c.** Hinc igitur ejusmodi Sacerdotes jam videmus proprium sortitos cognomentum, & in unum veluti corpus redactos, necnon etiam in commune bonis aliquibus potentes. Septimus hic autem Imperii Annus, cujus Indictio mense Julio esset quinta, sine dubio erat *Christi* Octingentesimus octuagesimus septimus.

CXLVI. Eodem Anno *Christi* Octingentesimo octuagesimo septimo *Carolus Sigonius Arnulfi* promotionem ad Regnum, atque Imperatoris *Caroli Crassi* obitum sic enarrat: *Crassus* Novembri mense *Triburias* in festum diem Sancti Martini Conventum *Transalpinis* Proceribus habuit, atque ad eos de Republica retulit. Ea occasione oblata Germani, *Italicorum* exemplo adducti, eum accusarunt, quod, sive etatis (erat enim adolescens) sive naturae vitio, tantis tractandis rebus parum consilii ac nervorum haberet. Et communi consensu Regnum ei abrogarunt, & *Arnulfum Carolomani* filium suffecerunt: qui extemplo Regnum occupavit. Qua ex re *Crassus* tantum animo mororem contraxit, ut mox pridie Idus Januarii migravit e vita. Sic itaque *Carolus* hic Imperator, incunte Anno

Christi Octingentesimo octuagesimo octavo interiit, & improlis. Quamquam vero tam *Sigonius* eo loci, quam *Baronius* ad Octingentesimum istum & octogesium octavum *Christi* Annum, existiment *Arnulfum* tunc temporis creatum fuisse solius Germaniæ, non autem *Franciæ*, Regem; nos tamen ipsum postea in suo ipsius archetypo *Diplomate* videbimus ex illomet etiam tempore Regem *Franciæ* inscriptum. Quod quidem, quomodo pro rei veritate se habeat, alii discutiant.

CXLVII. Transiit jam nobis nunc ad Annum *Christi* Octingentesimum nonagesimum tertium facientibus archetypum sese *Diploma* offert *Archiepiscopi Mediolanensis Anselmi*, *Ambrosiano* huic *Monasterio* in hanc sententiam concessum:

IN Nomine Sanctæ & individue Trinitatis. ANSELMUS supermo iuramine Sanctæ Mediolanensis Ecclesiæ Archiepiscopus: MONASTERIO ALMIFICI ET BEATISSIMI AMBROSII, NUTRITORIS ET PROTECTORIS NOSTRI, simul etiam & Petro, Venerabili Abbati ipsius Cœnobii, & Successoribus ejus in perpetuum. Quantum quidem Famulorum Christi utilitatibus clementer consulere pastoralis cura compellimur, siquidem & Venerabilitas tua hoc a nobis fiducialiter postulando atque impetrando speraverat, ut aliquantam terram, tuo Monasterio contiguam, ex Corte item Sancti Ambrosii dominicata ibidem rejacente, tibi commissio Cœnobio largiri & concedere dignaremur, opportune petitioni tuæ pias aures accommodare providimus. Idcirco omnibus sanctæ Dei Ecclesiæ nostrisq; Fidelibus cognitum fieri volumus, Nos, OB AMOREM ET DEBITAM REVERENTIAM SUPRADICTI BEATI AMBROSII, GLORIOSISSIMI INTERCESSORIS NOSTRI, jam dictam terram per hoc nostræ munificentie Præceptum, una per consensum nostrorum Sacerdotum, tibi quoque Monasterio ex hoc nunc & in posterum contulisse, & modis omnibus confirmasse. Est autem mensura ipsius terræ secundum hujus temporis Geometras, perticas jugiales septem, & tabulas sedecim. Situs vero loci ab Oriente & Meridie suprataxato coheret Monasterio, habens ab Occidente viam regiam, & a Septentrione murum & porticum, quibus sacratum munitum est atrium. Eandem igitur terram per supradesignatam mensuram & coherentiam prælibato Sancti Ambrosii Monasterio, Deique Servorum inibi degentium opportunitatibus habendam & possidendam a presenti undecimo Pontificatus nostri Anno, seu etiam Domini nostri Imperatoris Vuidonis Anno secundo, hac nostra Auctoritate in perpetuum decernimus, & omnimodis stabilimus, omni nostra nostrorumque Successorum repetitione vel refragatione penitus remota. Insuper etiam confirmamus atque concedimus per hujus nostri Præcepti Auctoritatem præfato Monasterio omnes res, cunctasque possessiones, & Cortes, Domnorum Regum, seu aliorum quorumlibet Fidelium, liberalitate ibidem collatas. Quorum vocabula sunt, CLEPIATE, LEMUNTA, PASILLANUM, MONTEM, ANTICIAGO, ODEODUCTUM, CAMPILIONEM, & cætera loca, quæ nunc idem Cœnobium possidet, vel aliquando, Deo propitio, acquirere valebit. Ita videlicet, ut nulli Successorum nostrorum, vel alicujus ordinis magnæ parvæque personæ, liceat aliquando, absque voluntate seu concessione Abbatis, aliquam violentiam, vel exactionem, passum, sive albergariam, in eodem Cœnobio, seu in ejus Cortibus & locis, requirere, neque Aldiones ejus seu Colonos aliqua occasione vexare. Concedimus quoque Monachis, ut, cum Abbas ipsius Monasterii ab hac luce fuerit substractus, habeant licentiam ex ipsa Congregatione, qui eos regere queat regulariter, eligendi Abbatem: cum quo simul libere & quiete Deo servientes, ANTE SÆPENOMINANDA ALMI PATRIS NOSTRI AMBROSII, PRETIOSORUMQUE MARTYRUM PROTASII AT-

A] QUE GERVASII PIGNORA SACRATISSIMA Laudes ac Missarum solempnia sedulo concelebrent, nullius interjecto impedimento. Quod ut certius clarescat, Audoaldum, nostræ Ecclesiæ Notarium, hanc nostri Præcepti formulam scribere jussimus, manuque propria subter confirmavimus, feliciter. Amen. Actum est hoc Anno ab Incarnatione Domini nostri Jesu Christi Octingentesimo nonagesimo tertio. Indictione Undecima.

Anselmus, Archiepiscopus, subscripsi.

Petrus, Archipresbyter, subscripsi.

Adelprandus, Presbyter, subscripsi.

Aredeus, Presbyter, subscripsi.

Ego Lanfrancus, indignus Presbyter, subscripsi.

B] Ego Romaldus, Presbyter, subscripsi.

Garibaldus, Presbyter, subscripsi.

Ego Gregorius, Presbyter, subscripsi.

Petribertus, Presbyter, subscripsi.

Celsus, Presbyter, subscripsi.

Ego Amaldus, Presbyter, subscripsi.

Andreas, humilis Diaconus & Scriniarius, subscripsi.

Udelbertus, Diaconus, subscripsi.

CIII. Quam vere autem congruenterque Annus hic *Christi* Octingentesimus nonagesimus tertius, quo datum fuit hoc *Diploma*, undecimus vocetur annus, ex quo Pontificatum istum *Mediolanensem Anselmum* administrabat: hoc satis jam liquet e Numeris 139. & 140. & hinc rursus error ille convincitur *Sigonii*, *Anspertum* narrantis mortuum Anno *Christi* Octingentesimo octogesimo septimo, & *Anselmum* ipsi postea substitutum. Quomodo autem sic etiam ille idem Annus *Christi* asseratur secundus *Vuidonis* Imperatoris Annus: consuli potest idemet *Sigonius* Libro Sexto *De Regno Italiæ*. Mortuo siquidem *Carolo Crasso*, *Berengarius* Dux *Forojuliensis*, cujus ditiori *Verona* itidem suberat, illico *Regnum Italiæ* occupavit: atque, *Papiam* agmine pacato ingressus, Coronam sumpsit ab *Anselmo Mediolani* Antistite, necnon etiam vetere instituto *Sedem* ibi regiam collocavit. Verumtamen non multo post *Vuido* Dux *Spoletanus*, cum se frustratum spe *Regni Franciæ* potiundi jam videret; animum & ipse viresque omnes ad *Regnum Italiæ* sibi usurpandum convertit: nec irritum conatu. Quippe sub ejusdem illius Anni exitum, Pontifice Romanisque enixe faventibus, Rex adversus *Berengarium* salutatus a suis fuit: cumque *Berengarium* præterea ipsum, duplici prælio victum, ex *Italia* fugasset; universa potitus *Lombardia*, demum Anno *Christi* Octingentesimo nonagesimo primo, *Romæ* nono Kalendas Martii a *Stephano* Pontifice consecratus etiam fuit Imperator. Sic itaque Anno *Christi* Octingentesimo nonagesimo tertio secundum ille agebat Imperii sui annum. Non destitit propterea tamen *Berengarius* ab inceptis: quinimmo semel & iterum Regis *Arnulfi* fultus auxilio, & jam *Veronæ* ab ipso constitus, se denuo tamquam *Italiæ* Regem gerebat. Extant enim (teste *Sigonio*) *Diplomata* hoc Anno, nempe Octingentesimo nonagesimo tertio, quinto Idus Novembris, *Veronæ* ab illo data, anno Regni illius sexto. *Arnulfus* enimvero ad ulteriora progressus, novo ineunte Anno, *Bergomum* primo sibi per vim subegit, ejusque Comitum, nomine *Ambrosium*, ante *Portam Urbis* in exemplum aliorum suspendio strangulari jussit. Quo terrore (sequitur *Sigonius*) *adausti Mediolanenses*, *Papienses*, & *Placentini*, confestim ei se præmissis nunciis tradiderunt. Harum rerum secundo successu lætus, *Othone*, *Othonis Magni* avo, ad recipiendum *Mediolanum* misso, ipse *Papiam* perrexit: ac, *Berengario* restituto, *Vuidonem*, cum Filio atque Uxore *Spoletum* versus fugientem, insequi cœpit. *Placentiam* inde progressus, haud ultra sibi tendendum existimavit. Verum transgressus *Alpes*, exercitum adversus veterem hostem, *Rodulfum*, *Burgundiæ* Regem, adduxit. Qua re cognita, *Vuido*, collecto animo, fugam continuit, &

con-

converso impetu ipsum insequi cepit. Verum ad Tarum, Agri Placentini annem, cum pervenisset, vomitu sanguinis repentino oppressus interiit. Berengarius autem, cum eodem fere tempore perfectionem Arnulfi ac mortem Vuidonis audisset; subito Verona Papiam se cum exercitu retulit, ac Regiam rursus obtinuit. Hactenus ex Sigonio. Quæ quidem a nobis commemorari oportebant, ut *Italicum* tam Vuidonis Imperium in superiori Diplomate jam indicatum, quam Berengarii & Arnulfi Regnum, cujus mentio etiam proxime fiet, eo facilius & commodius inter hæc Monumenta dignosceretur.

CIL. Arnulfus igitur cum exercitu venerat in Italiam hoc obtentu, ut Berengario patrocineretur, eique Regnum istud, à Vuidone postea invasum, recuperaret. Atqui, postquam Bergamo, Mediolano, Papiæ, & Placentia potitus ille fuerat, sibi metipsum hoc idem *Italicæ* Regnum vendicavit. Nimirum ab unde hoc constabit etiam e subsequenti Privilegio, quod Arnulfus, in Urbe Placentia consistens, huic Monasterio indulgit undecima mensis Martii die.

In Nomine Sanctæ & individue Trinitatis. ARNOLFUS, divina favente clementia, Rex. Si circa Dei famulos nostræ largitatis munificentiam impendimus; devotiores illos pro nobis in Divinis reddimus; ac per hoc supernum auxilium nostro Regno propitiari non diffidimus. Ideoque omnium Sanctæ Dei Ecclesiæ nostrorūque Fidelium, præsentium scilicet ac futurorum, nosse volumus industriam, eo quod Hatto, Sanctæ Mogontiensis Ecclesiæ Venerabilis Archiepiscopus, nostræ humiliter suggestit mansuetudini pro quodam Ven. Abbate, qui nominatur Petrus, MONASTERII BEATISSIMI CONFESSORIS CHRISTI AMBROSII, UBI EJUS SACRUM CORPUS VENERABILITER HUMATUM EST, non longe a muro Urbis Mediolanæ: quatinus ei pro nostræ mercedis incremento Præcepta & Auctoritates Piissimorum Augustorum & Prædecessorum nostrorum, id est, diæ memoriæ Magni Caroli, necnon & Gloriosi Hlotharii, & filii ejus Lodovici, nostræ immunitatis ac liberalitatis munimine stabilire & confirmare, & insuper ex nostra parte aliquid eidem Loco concedere dignaremur. Nos vero PRO DIVINICULTUS AMORE, SANCTIQUE AMBROSII PROMERENDA INTERCESSIONE, decrevimus ita fieri: confirmantes Dignitatis nostræ auctoritate Monasterio præfati Abbatis, quicquid prænominati Reges, seu Reginae, vel ceteri Deum timentes, ipsi Monasterio per Præcepta & Testamenta contulerunt, & sub auctoritate roborarunt, & quicquid a Pontificibus ipsius Civitatibus collatum est. Quicquid etiam per quaslibet commutationes ex parte Reipublicæ, sive cum Pontificibus, Comitibus, Abbatibus, vel qualicumque contractu ingenii, ad prædictum Monasterium jure pertinere videtur, stabile & inconvulsū nostris futurisque temporibus in Abbatis ejusdem Monasterii perenniter maneat potestate. Et ut nullus Comes, vel Judex publicus, seu quælibet persona, in jam dicto Monasterio, seu in Cellis ipsius Monasterii, aut in locis, vel in agris, seu reliquis possessionibus, quæ ad ipsum Monasterium ex donatione Regum & Reginarum, vel reliquorum Deum timentium, pervenerunt, & quicquid idem Monasterium ad præsens habere dignoscitur, vel quæ deinceps in jus ipsius Monasterii divina pietas voluerit addere, vel amplificare: nullus, sicut diximus, superioris aut inferioris ordinis Reipublicæ procurator, vel quælibet persona ad causas audiendas, vel freda exigenda, aut mansiones, vel paratas faciendas, parasfredos aut fidei iussus tollendos, vel homines tam ingenuos libellarios, quamque servos, super terra ipsius Monasterii commanentes, ullo modo distringendos, nec ullas publicas factiones, aut redibitiones, vel illicitas occasiones, aut illas quas arbutaritas vocant, ex rebus jamdicti Monasterii requirendas consurgere audeat, vel exigere

A) præsumat. Sed liceat Abbati suisque Successoribus res prædicti Monasterii, cum omnibus sibi subiectis, & rebus vel hominibus ad se pertinentibus, sub immunitatis nostræ defensione, remota totius judicariæ potestatis molestia, quieto ordine possidere, atque pro incolunitate nostra, seu totius Regni a Deo nobis collati, una cum Fratribus sibi subditis immensam Dei misericordiam jugiter exorare. Insuper etiam confirmamus, nostræque Magnitudinis auctoritate stabilimus ad prælibatum sacrosanctum Locum, in usum Fratrum divinum Officium ibidem persolventium, quandam Curtem nostram, ad Comitatum Mediolanensem pertinentem, quæ dicitur PALATIOLO, quæ sita est juxta Villam Meloenno nuncupatam, omnibus mobilibus & immobilibus, mansis & colonis vel colonabus, seu utriusque sexus familiis, ad prænominatum locum aspicientibus, seu rite pertinentibus, in perpetuam Parentum nostrorum, seu etiam nostram commemorationem; ut idem Abbas suisque Successores, sed & illuc Dei Famuli divino amore congregati, exinde jure fruantur quieto, atque possideant, pro statu Regni nostri, seu & pro animabus Parentum nostrorum, Altissimum Deum jugiter implorantes. Concedimus quoque & confirmamus suprascripto Abbati & Successoribus ejus omnem integritatem ipsius Monasterii usque ad murum ejusdem Mediolanensis Civitatis, sicut modo parietibus circumdata esse videtur; ut nullus Comes, vel quælibet persona publica, ambulandi ingressum exigere præsumat. Cellule etiam crebro dicti Monasterii, intra Papiensem Urbem locatæ, concedimus murum ejusdem Civitatis, quantum ejusdem Cellule vel terra ipsius coherere videtur; ut sæpeditus Abbas & Successores sui potestatem habeant super ædificandi quicquid voluerint, omni publico penitus timore remoto. Præcipiendo quoque præcipimus, ut nulla majoris vel minoris ordinis persona, absque consensu & voluntate ipsius Abbatis, ad manendum, vel parum per ibidem commorandum, introire præsumat. Si quis autem (quod non credimus) contra hanc nostræ Munificentie Paginam agere, vel eam infringere præsumserit; tamquam temerarius nostri Præcepti contemptor duo millia manseros auri obrizi componere cogatur, medietatem Camerae nostræ, & medietatem prælibato Abbati, vel Successoribus suis, cui violentiam intulerit. Et ut hoc nostræ Sublimitatis Regale Præceptum inconvulse retineatur, & futuris temporibus attentius observetur, manus propriæ subscriptione insignitum ac roboratum Annulo nostro subtus figillari jussimus.

Signum Domni Arnolphi..... Piissimi & Invictissimi Regis.

Engil-Pero Notarius, ad vicem Deot-Mari Archiepiscopi, recognovi, & scripsi.

Data quinto Iduum Martii die, Anno Domini Octingentesimo nonagesimo quarto, Indictione duodecima, Anno septimo Regni Domni Arnolphi Serenissimi Regis in Francia, & in Italia primo.

Actum Placentiæ, in Dei nomine feliciter. Amen.

CL. Si Berengarius, Veronæ nuper ab Arnulfo constitutus, Italiæ se Regem, ut paulo ante diximus, inscribebat; quanto magis hoc potuit post Arnulfi ex Italia perfectionem, ac Vuidonis mortem? cum se protinus ab Urbe Verona in Urbem Papiam cum exercitu intulisset, cumque vel etiam Mediolanum jam obtineret. Ad Basilicam vero istam tunc ille habitavit: hic etiam Sacerdotibus illis & Basilicæ hujus Officialibus, quos paulo ante nominabamus, regiarum munificentiarum testimonium, Diploma concessit illud, quod nobis nullatenus est hoc loco prætermittendum. Absit enim, ut minus, quam par est ingenuè cum Sacerdotibus illis agamus, utque fraudemus unquam ipsos Archivi nostri Monumentis, quibus eorundem opes & apud Principes viros gratiam posteritati, ad majorem Basilicæ hujus splendorem, commendare poterimus. Berengariani ergo ejus Diplomatis exemplar, apud nos aservatum, ita se habet:

IN

IN Nomine Domini nostri, Jesu Christi, Dei aeterni. BERENGARIUS, gratia Dei Rex. Si circa Dei famulos nostræ Concessionis benignitatem impendimus; devotiores illos pro nobis ad divinum implorandum auxilium reddimus; ac per hoc supernam pietatem nostro Regno proficere non diffidimus. Ideoque omnium Sanctæ Dei Ecclesiæ nostrorumque Fidelium, presentium ac futurorum, nosse volumus cognitionem, Heremulsum, nostræ militiæ Comitem, nostræ suggestisse Sublimitati PRO QUIBUSDAM PRESBYTERIS, ATQUE OFFICIALIBUS SANCTI AMBROSII, UBI EJUS CORPUS VENERABILITER TUMULATUM EST, quatenus eis, vel eorum Successoribus, ob nostræ mercedis cumulum, concessa nostræ largitatis benevolentia, mansum illud, quod est IN CORNALEDE, pertinens ex Comitatu Frazionensi, cum finibus & subjacentiis suis, ex integro, omni aliorum impeditioe postposita, ad habendum debiti causa concedamus officii. Quod Nos, ratum & congruum omnimodis arbitantes, ejus petitioni concessam præbuimus. Si quis ergo contra hoc Regale Præceptum temerario ausu aliquid contrarium suæ presumptione stultitiæ facere (quod absit) temptaverit; a Nobis statuto dampnetur judicio; scilicet mansosos auri duo milia cogatur persolvere; medietatem Regiæ Cameræ, & medietatem ipsis Presbyteris, quibus ausus fuit impedire nequissimus. Et ut hoc nostræ Celsitudinis inviolabile Præceptum firmum & inconvulsam habeatur in posterum, propriæ manus subscriptione innotatum, atque, ut mos est, roboratum Annulo nostro subtus jussimus sigillari.

Signum Berengarii..... Gloriosissimi Regis. Rosaldus Notarius, jussione Regia, ad vicem Adelardi Episcopi & Archicancellarii, recognovi.

Data quarto Nonas Decembris, Anno Incarnationis Domini Octingentesimo nonagesimoquarto; Anno vero Regni Domni Berengarii Gloriosissimi Regis Septimo, Indictione tertia decima.

Actum Mediolani, ad Sanctum Ambrosium, in Dei nomine feliciter. Amen, Amen, Amen.

CL. Anno Christi Octingentesimo nonagesimo septimo Anselmus Archiepiscopus quarto Calendas Octobris moritur, uti jam diximus Num. 142. eique succedit Landulfus. De quo Catalogus ille idem, quem ibi producebamus, quemve libentius etiam in hoc sequimur, sic habet: Landulfus de Grassis, Mediolanensis Archiepiscopus Quinquagesimus nonus, Anno Domini Octingentesimo nonagesimo octavo. Sedit annis tribus. Per Benedictum Quartum, Papam Centesimum vigesimum quartum confirmatur: qui sedit annis tribus, mensibus duobus, diebus sex. Certe tamen Landulfus dicendus videtur confirmatus a Stephano potius Papa Septimo; quippe qui, creatus Anno Christi Octingentesimo nonagesimo septimo, quatuor inde annos supervixit. Porro sequitur de Landulfo idem ille Catalogus: ejusque ingressum in Urbem (ac recta quidem via, sicut ex eo interpretatur, quia per hæc tempora sic erat in more positum, ad Basilicam istam Ambrosianam) hisce verbis describit: Hic per Portam Comanam pontificaliter indutus intravit, sedens super equo albo magni valoris, equester & pedester comitatus honorifice, ut moris est. Et infra denique: Obiit autem Landulfus prædictus Anno Domini Nongentesimo, quarto Nonas Novembris Indictione tertia. JACET AD SANCTUM AMBROSIIUM SUPER (in altero Codice legitur ANTE) ALTARE SANCTÆ MARCELLINÆ, CUI CONTULIT TERRAM IN LIEONI.

CLII. Sed enim paucis ante diebus, quam Landulfus moreretur, mortuus item fuerat, & ad hanc pariter Basilicam sepultus Abbas ille Petrus, cujus creationem jam supra commemoravimus Num. 113. Ubi vetus olim porticus illa Monasterii erat, quam Num. 19. descripsimus, consitum parieti visitur ad-

A huc ejus Epitaphium: infra quod alioqui scimus pavimento loci contextum latere satis amplum e marmore sepulchrum; in quo proinde conditus ille credi possit; maxime vero cum Epitaphium nunquam e primo suo loco amotum videatur. Tabulæ vero marmoreæ illud est in hæc verba inscriptum:



S

-P-

M



Hic sibi constructa tumulatur Petrus in Urna,
Quem Monachis patrem munus herile dedit.
Fratribus hic requies, cibus & solamen egenis;
Alter hic, ut patuit, nam Benedictus erat.
Templa, domos, vites, oleas, pomeria struxit:
Auxit thesauros, conduplicavit agros.
Quem merita Fratres sortiri præmia vitæ
Implorent precibus. Annue Trina Salus.

B Obiit vero Anno Incarnationis Domini Nongentesimo, pridie Idus Octobris, Indictione tertia. In regimine autem præfuit annos quadraginta & unum, mensem unum, dies quindecim.

C Quantus itaque qualisve fuerit hic Abbas, quamque Monasterio proficiuus, vel ipsum profecto Epitaphium fidem nobis indubitatam facere posset. Sed si cuiquam fortasse hoc non sufficit; recolat ille animo, quot quantaque Privilegia intra ipsius regimen, ipsoque satagente, concessa Monasterio nos ipsi hæcenus in medium protulerimus.

CLIII. Eodem Anno Christi Nongentesimo novum invenimus Archiepiscopum Landulfo sublectum, & a Romano Pontifice confirmatum. Itaque Catalogus ille, sæpius jam nobis & laudatus & comprobatus, ita nos edocet: Andreas de Lampugnano, Mediolanensis Archiepiscopus Sexagesimus, Anno Domini Nongentesimo. Sedit annis sex. Per Leonem Quintum Papam Centesimum vigesimum quintum confirmatur. Et infra: Obiit Andreas prædictus Anno Domini Nongentesimo sexto, pridie Calendas Martii. JACET AD SANCTUM AMBROSIIUM. Eadem vero leguntur etiam in Catalogo Aloysii ab Ecclesia, & in altero Actis Ecclesiæ Mediolanensis inserto; nisi quod ab his duobus variat ille tertius in assignando tempore, quo Andreas in Archiepiscopatum successerit, & e vivis excesserit. Sed profecto propter ejusmodi varietatem, veritati (quemadmodum arbitramur) magis consentaneam, magis etiam nobis ille placet. Quod tamen attinet ad hujus Archiepiscopi cognomentum, Lampugnanusne fuerit, an Carcanus: legi potest Tristanus Chalcus post Annum Christi Nongentesimum primum.

D CLIV. Inter Archivi porro nostri Documenta mox Anno Christi Nongentesimo primo Abbatem Monasterii, proindeque Petro substitutum, nanciscimur Aupaldum.

E CLV. Unus idemque Annus Christi Nongentesimus sextus excipit & Andreæ morientem, & Achonem, five, ut alii nuncupant, Atthonem, vel Athonem, in Archiepiscopatum illi succedentem. Quove teste primum illud paulo ante deprehendimus: eodem nimirum Catalogo illo, secundum quoque istud comprobemus. Acho Mediolanensis (in eo sic legitur) Archiepiscopus Sexagesimus primus, Anno Domini Nongentesimo sexto. Sedit annis duodecim, mensibus sex. Et paulo post, quod obiter sit adjectum: Isto tempore nullus, nisi qui super Italiam imperaret, Imperator reputabatur. Ideo Corradus, Ludovici filius, Alemannorum Rex, inter Imperatores non nominatur.

F CLVI. Nongentesimo decimo Christi Anno Monasterium istud Abbatem habet Regibertum, at undecimo Sigefredum, decimo autem quinto Vuidonem. Sic enim e variis Archivi hujus Documentis deprehenditur. Nullus horum tamen ulla nobis re memorabilis occurrit.

CLVII. Achonis Archiepiscopi obitum, ac sepul-

pulturæ locum Catalogus ille subinde sic enarrat: *Obiit Acho prædictus Anno Domini Nongentesimo decimo octavo, septimo Idus Septembris. JACET AD SANCTUM AMBROSIUM.* Et ipsum quidem hic jacere, similiter affirmant, Catalogus alter *Aloyii ab Ecclesia*, Chronicon *Flos florum* fol. 117. pag. 2. *Beroldus* Custos & Cicendelarius Basilicæ Metropolitanæ in suo Archiepiscoporum Catalogo, *Donatus Bossius* in Chronico *Mediolanensi* ad Annum *Christi* Nongentesimum undecimum, & in suo rursus Archiepiscoporum Catalogo. Contra tamen ab aliis hoc negatur. *Romæ* scilicet ipsum asserunt mortuum, & in Monte *Aventino*, in Ecclesia Sanctorum *Bonifacii & Alexii*, sepultum. Catalogus, *Successores Sancti Barnabæ* inscriptus, hæc habet: *Atcho Oldradus, Civis, comes itineris Sergii Tertii Pontificis, dum ad Lotharium Gallorum Regem proficiscitur, magna Mediolanensium Civium multitudo est comitatus. Deinde eundem Pontificem e Gallia usque Romam secutus, & itineris distractione defessus, & senio confectus, Romæ magno Pontificis & Civium Mediolanensium dolore moritur. Cujus corpus in Monte Aventino, in Ecclesia Sanctorum Bonifacii & Alexii, sepelitur, cum Ecclesiæ Mediolanensi præfuisset annos tredecim. In horto Ecclesiæ hæc carmina, vetustate exesa, vix leguntur.*

Discat qui nescit, quod Episcopus hic requiescit

Attho Oldradus, multa pietate.

Sergium qui Papam

Per mare, per terras sequitur, per

In eadem sententia sic etiam est Catalogus, Actis Ecclesiæ *Mediolanensis* insertus: præterea vero etiam *Joannes Franciscus Besutius* in Historia Pontificali *Mediolani*, conscripta Italice: necnon etiam *Claudius Robertus* in Secunda Parte Appendicis ad suam *Galliam Christianam*. Quid si forte autem *Attho* mortuus quidem *Romæ* fuerat, & in ea primum Ecclesia sepultus; sed postmodum inde a suis Concivibus *Mediolanum* translatus, in hac Basilica conquiescit? Sic enim ambæ istæ opiniones ad concordiam revocari possent. Quamquam etiam nobis credibilia videri non possunt quæ de ipsius obitu narrabantur; quasi vero ille obiteo itinere defessus, & *Sergio* Tertio Pontifice adhuc superstiti. *Sergius* namque obiit Anno *Christi* Nongentesimo decimo, sicut e *Baronio* ad hunc Annum constat; Archiepiscopus autem *Attho* nonnisi octavo inde anno, ac propterea Nongentesimo decimo octavo; quemadmodum nobis Catalogus ille nonnisi attestatur; certaque ab obitu *Ansperti* supputatio deposcit temporum, quibus unusquisque Successorum Ecclesiæ *Mediolanensem* in hanc usque diem administravit.

CLVIII. Juxta eundem, quem tenacius jam sequimur, Catalogum, *Achoni* Archiepiscopo succedit *Garibertus* Anno Domini Nongentesimo decimo octavo: cumque duobus sedisset annis, obiit Anno Domini Nongentesimo vigesimo. Sed & eodem Anno (quo Monasterii hujus Abbas nobis occurrit *Landulfus*) *Gariberto* succedit *Lambertus*: novemque sedet annos.

CLIX. Anno *Christi* Nongentesimo vigesimo sexto (*Sigonii* ad hunc Annum verba recitabimus) *Lambertus* Archiepiscopus, ex *Joannis* Pontificis Principumque sententia, nuncios ad *Hugonem* Comitem *Arelatensem* in Provinciam misit. Hic erat *Lotharii* Comitis *Arelatensis* filius, *Lotharii* Lotharingæ regis nepos, ejus, quem supra mortuum *Placentiæ* demonstravimus: *Berta*, quæ post mortem patris *Adelberto* Tusciæ Marchioni fuerat collocata, progenitus &c. Hunc igitur *Lambertus*, ut in Italiam iterum cum exercitu trajiceret, invitavit: venisse tempus demonstrans, quo levamento Regnum (Italix) *Rodulfo* in summa populorum defectione auferret, cujus ille jampridem incredibili cupiditate flagraret. Et paulo post: Eodem tempore Hu-

go ab *Italis* accersitus, terrestrem *Rodulfi* potentiam timens, maritimo itinere mense *Julio* *Pisas* letus accessit: ibique ab *Joannis* Pontificis, omniumque Principum, qui illum acciverant, occurrentibus Legatis exceptus, recta *Papiam* contendit. Quo cum venisset, Rex summo omnium studio salutatus, Coronam *Mediolani* ab Archiepiscopo sumpsit. Quocirca sic etiam in *Ambrosiana* ista Basilica illam sumpsit; quemadmodum etiam disertissime affirmat *Gualuaneus Flamma* in Chronico Majori, Cap. 214. Quo enim ex tempore Imperatores ac Reges *Italix* supra diximus in hac Basilica coronari cæptos, in hac itidem ipsa deinceps fuisse coronatos par est intelligamus, quandocumque *Mediolani* absolute ac sine ulteriori Ecclesiæ alicujus expressione coronati legantur. Ceterum e *Sigonii* verbis postremo recitatis corrigendus erit *Bartholomæus Zucchi* in Catalogo Imperatorum ac Regum, qui Corona Ferrea coronati fuerunt. Horum enim quartum decimum enumerans *Hugonem*, testimonio *Sigonii* nixus, hunc perperam inducit ita de ipso narrantem: *Rex summo omnium studio salutatus, Coronam Ferream ab Archiepiscopo Mediolanensi sumpsit.*

CLX. Prosequitur ad Annum *Christi* Nongentesimum vigesimum septimum *Sigonius* electionem *Hilduini*, tamquam *Lamberto* Archiepiscopo tunc suffecti. Sed nobis hac in re Catalogum potius illum constanter sequi magis placet, ita tradentem: *Alduinus* (aliter, ut dicebamus, *Hilduinus*) *Mediolanensis* Archiepiscopus *Sexagesimus* quartus, Anno Domini Nongentesimo trigesimo, sedit annis sex. Quod autem *Hilduinus* iste a *Sigonio* dicitur antehac fuisse *Laudociensis* Episcopus (hoc est, *Leodiensis*, five *Leodicensis*) vere hoc quidem. Quocirca de ipso mihi præto est *Joannis Chapeavilli* Tomus Primus, *Qui gesta Pontificum Tungrensium, Trajectensium, & Leodiensium* (hi enim talibus antehac titulis nuncupati fuerant) scripserunt, Auctores præcipui: & inter hos *Anselmus* Canonicus *Leodiensis* cum Additionibus *Egidii*, in Monasterio *Auræ Vallis* Monachi, ejusdemque *Chapeavilli* Annotationibus, Cap. 42. & 45, Legatur vero etiam *Baronius* ad Annum *Christi* Nongentesimum vigesimum secundum, & vigesimum octavum. Quoniam vero *Chapeavillus* in suis ad Caput illud quadragesimum quintum Notationibus Epistolam recitat *Ratherii*, ad *Joannem* Summum Pontificem, non antea typis evulgatam: in qua nonnihil de hoc nostro Archiepiscopo *Hilduino*, continetur, scitu dignissimum; propterea id ipsum hic ego exscribendum putavi. *Ratherius* autem ille *Hilduino* huic nostro, primum *Leodiensi*, deinde autem *Veronensi* Episcopo, ac denique ad *Mediolanensem* Archiepiscopatum promoti, primum successerat in Episcopatu *Veronensi*, deinde vero post *Farabertum* successit etiam in *Leodiensi*, nimirum Anno Domini Nongentesimo quinquagesimo tertio; sed enim, cum acriter in mores hominum pravos inveheretur, ab ea Sede pulsus fuit altero inde Anno, five quinquagesimo quinto. Ex hoc igitur tempore ad *Joannem* Duodecimum, in Ecclesia tunc *Romana* sedentem, sic ille inter cetera scripsit: *Noigero, faustæ recordationis Episcopo (Verodensi) meliora, ut remur, petente (five defuncto) datum Episcopium est meo Domino Hilduino, jure stipendiario, promissa Regis (Hugonis) qui me tunc oppido, ut credebatur, diligebat, manente: Quod, ubi illum alius promovendi locus emergeret, ego petentibus darer Episcopum.* Inthronizato *Mediolanico* (ut se instabilitas mundanæ sæpe continet volubilitatis) longe aliter atque promiserat, Regi placuit: cupienti potius, ut fama erat, unum e tribus, aut quendam *Aquitanum*, aut quendam *Garafridum*, aut *Manassen* Archiepiscopum *Arelatensem*, citra jus licet Canonum. Inter agendum, REVERTOR A ROMANA SEDE. PERAC-

Puricellus.

I

TA

TA LEGATIONE FERENS PRIVILEGIUM, PRO JAM DICTO DOMINO MEO ACTUM (attendant ii maxime, qui schismaticos per hæc tempora nostros Archiepiscopos somniarunt) CUM ARCHIEPISCOPALI PALLIO. *Alate cum his sunt & Litteræ Domini Papæ, tunc temporis Joannis glorioſæ indolis (a trigesimo uſque ad trigelimum quintum Annum ſupra Nongentefimum Papa fuit Joannes Undecimus) quibus continebantur preces ejuſdem, totiuſque Romanæ Eccleſiæ, uti ego Veronenſibus daret Episcopuſ. Diſplicuit hoc non parum Regi, contraria molienti. Sed obtinuit deprecatio Apoſtolica, inſtante rogando meo jam dicto, cum primoribus Regni, Domino, nempe Hilduino Mediolani Archiepiſcopo. De quo quidem, ſicut etiam de RATHERIO, nec ea diſplicebit legiſſe, quæ Joannes Trithemiuſ commemorat Libro Secundo De Viris illuſtribus Ordinis Sancti Benedicti, Cap. 57. & Lib. 4. Cap. 97. & 204. itemque in Libro De Scriptoribus Eccleſiaſticis.*

CLXI. His ad illuſtrandam obiter Archiepiſcoporum noſtrorum Hiſtoriam præmiſſis, ad Sigonium revertimur, Nongentefimo trigesimo ſecundo Chriſti Anno ita narrantem: *His ſeditionibus Hugo perfunctus, ut futuris malis occurreret, ſpemque inimicis novorum Imperiorum adimeret; Lotharium filium, ex Alda uxore ſuſceptum, Regni ſocium ſibi adjungit; cumque Mediolani ab Archiepiſcopo coronari jubet: nimirum in Ambroſiana iſta Baſilica, quemadmodum paulo ante de ipſomet Hugone differebamus.*

CLXII. Ceterum Hilduinus hic noſter Archiepiſcopus Hugonem ac Lotharium videtur Imperatores præterea Italiæ coronari; niſi forte Hilduino perperam hoc tribuunt, quos nos Lamberto paulo ante, ſecuti Sigonium (cui etiam conſentit Hugonis & Lotharii Diploma, quod poſtmodum proferetur) adſcripſimus. Num. 159. Gualuaneus enim Flamma in Chronico Majori, Cap. 214. ita narrat: *Anno Domini Nongentefimo vigefimo tertio &c. in Civitate Mediolani erat magna diſcordia, quia Imperatores in Civitate Mediolani Coronam Imperii non recipiebant. Unde Hilduinus Archiepiſcopus Mediolanenſis, qui Lamberto Archiepiſcopo ſucceſſerat, convocatis Principibus & Prælatiſ Eccleſiæ, habitoque Conſilio, rimatiſque Privilegiis ſuis, quomodo Beatus Gregorius Eccleſiæ Doctör, totuſque Senatus conſeſſerat Archiepiſcopo Mediolani & Nobilibus, ut poſſent eligere Imperatorem, ſicut ſupra dictum eſt Cap. 155. elegit Imperatorem Italiæ Hugonem, Regem Burgundiæ, qui fuit filius Ludovici, Regis Italiæ, qui fuit filius Boſonis ſupradicti. Quo facto; Hilduinus Archiepiſcopus Mediolanenſis cum magnifico comitatu ivit in Burgundiam, & Hugonem in Italiam produxit: & fuerunt cum eo duo filii ejus, ſcilicet Lotharius (qui poſtea fuit Imperator Italiæ) & Manaffeſ &c. ISTE HUGO HONOREM CORONÆ MEDIOLANENSIUM RESTITUIT, ET IN ECCLESIA SANCTI AMBROSII ESSE VOLUIT. Et paulo poſt: Iſte Hugo accepta Corona in Eccleſia Sancti Ambroſii, cum dominaretur libere in Civitate Mediolani, &c. Et rurfus Cap. 215. Anno Domini Nongentefimo trigesimo tertio &c. Hugo, hujus nominis Secundus, fuit per Hilduinum Archiepiſcopum in Eccleſia Sancti Ambroſii coronatus: ſimiliter & Lotharius, filius ejus, pariter coronatus fuit. Vide autem, quid in eandem ſententiam, ſed & aliquanto uberius, loquitur Auctör Chronici, Flos ſlorum. Etenim fol. 119. ſic a tempore Lamberti Archiepiſcopi pag. 1. exorditur: Iſto tempore erat tanta confuſio de Imperio, quod quilibet Rex in quocumque Regno ſe eſſe Imperatorem dicebat. Tunc Lambertus Archiepiſcopus Mediolani, convocatis Prælatiſ & Baronibus habito diligenti Conſilio, rimatiſque Privilegiis ſuis, per Beatum Gregorium Papam collatiſ &c. deter-*

A minatum fuit, quod electio Imperatoris de pleno jure ſpectabat ad Archiepiſcopum Mediolani. Quod de facto complevit Hilduinus Archiepiſcopus, iſtius Lamberti Archiepiſcopi ſucceſſor, ut infra dicitur. Pagina ergo ſequenti, de Hilduino loquens, ita proſequitur: *Hic fuit primus ex Archiepiſcopis Mediolani, qui unquam ſe intromiſit de electione Imperatoris. Ipſe enim, congregato Conſilio Prælatorum & Baronum IN ECCLESIA SANCTI AMBROSII, elegit in Regem Italiæ Hugonem, Regem Burgundiæ, filium Ludovici Tertii. Qui cum intraſſet Mediolanum, per Archiepiſcopum Mediolani IN ECCLESIA SANCTI AMBROSII EXTRA CIVITATEM CORONATUS FUIT. Et fuit ſimiliter coronatus Lotharius filius ejus cum eo. Imperaverunt ſimul, & Privilegia ſimul conſeſſerunt. Sed & Catalogus Archiepiſcoporum in Acta Eccleſiæ Mediolanenſis conſeſſus, de Hilduino agens, ſic habet: Hugonem, Ludovici Tertii filium, Burgundiæ Ducem ITALIÆ REGEM IN BASILICA AMBROSIANA MEDIOLANI CORONAVIT. Hæc Auctores iſti: quos itidem obſervare licet a Sigonio diverſos in aſſignando Regis Hugonis patre. Sane vero Catalogus etiam ille noſter, jam ſæpius in teſtimonium adductus, tam Hugonem, quam Lotharium ejus filium, Imperatores appellat in Hilduino Archiepiſcopo, & in ejus ſucceſſore Arderico. Sed interim apud nos potior erit ſequentis ipſorum Diplomatiſ auctoriſ, in quo ſemetipſos tantummodo Reges inſcribunt: & ex quo inſuper annos computamus, quibus ipſi tempore tam diverſo, proindeque nec ab uno eodemque Mediolani Archiepiſcopo, coronati fuerunt Italiæ Reges; ſed Hugo a Lamberto Lotharius autem ab Hilduino.*

CLXIII. Hilduinus interim moritur, eique ſucceſſit Ardericus. Hinc Catalogus ille nobis jam uſitator ſic inquit: *Obiit autem Hilduinus Anno Domini Nongentefimo trigesimo ſexto, nono Calendas Auguſti. Subinde vero: Ardericus de Cottis, Mediolanenſis Archiepiſcopus Sexageſimus quintus, Anno Domini Nongentefimo quadageſimo. Hic per Portam Novam intrans cum Proceſſione magna, in Sede collocatur octavo Septembris. Et hinc quidem rurfum confirmetur, quod Num 122. concludebamus, liberum Archiepiſcopis per hæc tempora fuiſſe, qua quiſque Urbis Porta ingrederetur ad capeſſendam Sedis Archiepiſcopaliſ poſſeſſionem; dummodo prius ad Baſilicam venirent Ambroſianam, quam Metropolitanam.*

CLXIV. Catalogus ille noſter, jam toties in teſtimonium productus, hæc item in Hilduino Archiepiſcopo addit: *Hic Lotharius (Hugonis filius) dedit maximas ultra Padum poſſeſſiones Monafterio Sancti Ambroſii: quibus itidem præciſe verbis hoc ipſum aſſirmatur ab Auctore Chronici Flos ſlorum, fol. 120. pag. 1. Sed hoc ita verum eſt, ut non ſoli Lothario, ſed etiam patri ejus Hugoni debeatur. Et hoc quidem luculentiffime mox conſtabit e Diplomate, quod Anno Chriſti Nongentefimo quadageſimo ſecundo iidem ambo huic Monafterio in hæc verba conſeſſerunt:*

IN Nomine Sanctæ & individue Trinitatiſ. HUGO ET LOTHARIUS, divina favente clementia, Reges. Humanam hac conditione naturam conſiſtere credimus, ut dignitate ſui ante bene vivendo Creatori deſicata conſocietur, ſecundum quod ſcriptum eſt, EGO DIXI, DII ESTIS, ET FILII EXCELSI OMNES: aut proprio vitio depravata, in beſtialem inrationabilitatem deturpetur, teſtimonio Scripturæ, qua dicitur, HOMO CUM IN HONORE ESSET, NON INTELLEXIT; COMPARATUS EST JUMENTIS INSIPIENTIBUS, ET SIMILIS FACTUS EST ILLIS. Hæc igitur conſiderantes, quibus valemus auxiliis prædia ſanctarum volumus Eccleſiarum ſublimare; qua-

quatenus, cum in eis Locis Deo servientibus crescit stipendium, Locorum Patronis devotioni nostrae faventibus, apud Omnipotentem retributionis cumulus augeatur. Quamvis enim ceteris sacris Locis sit famulandum; illi tamen Loco operæ pretium est famulari, aut prædia augere, cui post evocationem animæ resolutum corpus sepulture tradendum, si divina permiserit providentia, disposuimus. Proinde notum esse volumus divine Religionis Fidelibus præsentium temporum ac futurorum, quod MONASTERIO CONFESSORIS CHRISTI AMBROSII, JUXTA MEDIOLANENSEM CIVITATEM SITO, UBI EJUSDEM SANCTORUMQUE GERVASII ANPROTASII MARTYRUM CORPORA CONDITA QUIESCUNT, pro Dei amore, animæque matris nostræ Bertæ & nostrarum animarum remedio, per hujus Præcepti Paginam, in usum & sumptum Monachorum ibidem pro tempore Deo servientium, concedimus donamus atque largimur Cortes juris nostri: videlicet CORTEM DE PASILIANO cum omnibus ad se pertinentibus, & CORTEM DE FELICIANO cum omnibus ad se pertinentibus; quæ nobis hereditario jure ex parte Matris nostræ advenierunt: & CORTEM DE MONTE, juris nostri: cum Cappellis & Castellis Cellis ibidem constructis: cum massariis quoque, servis & ancillis, aldionibus & aldiabus, & cum tota districta omnium hominum, in eisdem Cortibus habitantium: cum terris, vineis, campis, pratis, silvis, aquis, aquarumque decursibus, molendinis, piscationibus, ripis, paludibus, montibus, collibus, vallibus, planitiis, omnibusque rebus, & familiis ad præfatas Cortes pertinentibus, in integrum; ut pars prædicti Cenobii jam dictas Cortes cum omnibus ad se pertinentibus ad usum & sumptum Monachorum ibi pro tempore Deo famulantium habeat, teneat, firmiterque possideat. Statuimus, regalique auctoritate sancimus, ut nullus Archiepiscopus, vel Abbas, ullo in tempore easdem Cortes, vel ex his, quæ ad eas pertinent, potestatem habeant tollendi, libellum faciendi, aut per alicujus scripturæ seriem a sumptu & stipendio Cenobitarum alienandi; sed remota egestate, alimoniis quoque ex eisdem Cortibus manentibus..... pro nostra matris Bertæ anima, & pro nostra, Omnipotentis clementiam libere valeant exorare. Si quis igitur hoc Præceptum infringere (quod absit) temptaverit, nostræque Dispositionis emolumentum, sicut decrevimus, manere noluert; conatus ejus apud Omnipotentem irritus maneat; cogaturque componere auri obrizi libras mille; atque a Sanctorum Martyrum Gervasii Protasiique & Confessoris Ambrosii Justorumque omnium consortio segregetur; & insuper anathematis ultione percussus in extremi Examinis die cum Juda traditore ejusque contrahentibus participetur. Quod ut verius credatur, diligentiusque ab omnibus servetur, manibus propriis roborantes, Bulla aurea nostris imaginibus insignita subter annotari jussimus.

Signa Serenissimorum..... Hugonis..... & Lotharii, Regum.

Giseprandus Cancellarius, ad vicem Bosonis Episcopi & Archicancellarii, recognovit.

Data decimo octavo Kalendas Septembris, Anno Domini Incarnationis Nongentesimo quadragesimo secundo, Regni vero Domni Hugonis Regis decimo septimo, filii & Lotharii item Regis tertio decimo, Indictione quinta decima. Actum Papie feliciter. Amen.

CLXV. Diplomatis autem hujus archetypum aureis est litteris conscriptum. Qua dere nobis ne prima quidem cogitatio venerat, quinctiam ne ventura quidem fortasse unquam fuisset in mentem; nisi jam pridem alii, quo tempore qualitas membranæ characterisque discerni facilius poterat, eandem rem, a semetipsis observatam, memoriæ prodidissent. Duo siquidem nobis præterea suppetunt archetypi ejus exemplaria, ex eo postmodum transcripta, &

A auctoritate publica rite recognita & comprobata, in quibus litteras illas esse aureas, & in corio piscis exaratas, affirmatur. Unum Mediolani Anno Domini Millesimo trecentesimo vigesimo secundo, coram Cathelollo de Medicis, Ecclesiæ Mediolanensis (hoc est, Metropolitanæ) Ordinario, & Fratris Aychar-di, Mediolanensis eo tempore Archiepiscopi, Vicario Generali. Alterum sexto inde Anno, sive vigesimo octavo, in Burgo Casalis Sancti Evasii, coram Henrico de Sancto Stephano, Theodori, Marchionis Montisferrati, Vicario. Ex ipsis autem insuper constat, Monasterii hujus Abbatem per ea tempora fuisse Astulfum de Lampugnano, Priorem vero Protasium Caymum. Hac igitur membranæ characterisque qualitate a nobis ejusmodi exemplarium monitu forte animadversa, diligenter archetypum illud contulimus cum aliis Imperatorum Regumve Diplomatum apud nos authenticis, & hæcenus in medium productis: eaque pariter visa nobis fuerunt in corio piscis & aureis litteris conscripta; perinde ac si hæc ipsa prærogativa conscribi ea olim honoris gratia forent.

CLXVI. Quod vero attinet ad Bertam, Hugonis matrem, ac Lotharii aviam, cujus heredes jam illi remanserant, quæve propterea jam ante obierat: hanc utique superiore constat e Diplomate sepultam fuisse ad Monasterium istud Basilicamque Ambrosianam, ubi pariter Hugo & Lotharius sibimet etiam ipsis sepulturam delegerant; si divinæ providentiæ placitum ita fuisset. Quonam vero præcise locosepulta fuerit: hoc a nobis ignoratur. Reginam quandam, quam nonnulli nomine Bertam fuisse autument, in Cappella Sancti Satyri, Monasterium inter ac Sacrarium nostrum sita, sepultam fuisse meminimus Num. 19. Non aliam esse ipsam, quam Hugonis hujus Regis matrem, sicut ego affirmare, sic etiam negare non ausim; tametsi lubentius negarem.

CLXVII. Sequitur Annus Christi Nongentesimus quadragesimus quartus, non aliud nobis afferens memoratu opportunum, nisi Aupaldum, Monasterii hujus hoc tempore Abbatem.

CLXVIII. Per hæc tempora, quibus Ardericus Mediolani Archiepiscopus vivebat, & diutius, quam Rex Hugo voluisset, Historici nostrates facinus narrant, tanto Rege indignissimum: cujus deinde poenitentia ille ductus Nonantulæ Monasterium in Diocesi Mutinensi construxerit, ac Mediolani Archiepiscopo donaverit. Catalogus ille nobis familiarior in Arderico Archiepiscopo pressius ita factum describit: Istius tempore Hugo supradictus, qui se fingebat Imperatorem, istum Archiepiscopum occidere voluit; ut Manasses filius suus Archiepiscopus fieret. Ex quo multi sequaces Imperatoris occisi sunt in Papia a Mediolanensibus. Gualuaneus autem Flamma in Manipulo florum, altius ab origine exorsus, & Chronicon Arnulphi, Mediolanensem suorum temporum historiam stylo profecuti, affectatus, ita recenset Cap. 132. Tunc post Hilduini obitum vacabat Archiepiscopatus Mediolani. Videns autem Imperator (Hugo) filium suum Manassem propter juventutem ad tantam dignitatem incongruum, quendam Cardinalem Mediolanensem (hoc est, Cathedralis Basilicæ Ordinarium) Ardericum nomine, grandævum & senem, ordinavit Archiepiscopum Mediolanensem; sperans, eum moriturum cito. Videns autem Imperator, ipsum diutius vivere; in Civitate Papiensi Consilium convocavit, atque omnes Prælatos interesse præcepit. Et Imperator cum Officialibus sui sacri Palatii secreto condixit, quod rixam qualemcumque contra Archiepiscopum Mediolanensem procurarent, in qua subito eum interficerent. Quod cum fieret, Archiepiscopus Mediolanensis evasit; sed nonaginta Nobiles de Mediolanensibus (mutua siquidem cædes hinc inde fuerat) propter Archiepiscopi sui defensionem gladio in rixa illa trucidati sunt. Tunc Hugo Imperator

Puricellus.

I 2

tactus

tactus dolore cordis intrinsecus, quandam nobilem Abbatiam construxit: quam e numero nonaginta occisorum Mediolanensium NONANTULAM appellavit, & Archiepiscopo Mediolani donavit. Hæc Arnulfus: concludit Flamma: eademque similiter repetit in Chronico Majori, Cap. 215. & 216. quibus etiam Chronicon adstipulatur Flos florum, fol. 119. pag. 2. & subsequenti. Atqui si NONANTULAM Rex Hugo exinde appellavit Abbatiam illam; non igitur NONANTULÆ illius nomen antehac fuerat in usu; si tamen constanter sentire loquive volumus. Quomodo igitur Monasterium Sancti Sylvestri situm NONANTULÆ nominabatur in Ansperti Archiepiscopi Testamento? quod Anno Domini Octingentesimo septuagesimo nono conditum dicebamus, verbatimque recitavimus Num. 129. Igitur NONANTULÆ nomen in usu jam præerat: & præerat sane, vel ipsomet teste Arnulpho: cujus Historiam forte fortuna videre nobis licuit, cum hæc ipsa mox prælo typographico subjienda forent. Sic enim ille inquit: Cumque diutius non posset latere dolus (Hugonis) vehementer erubuit, criminis tanti reus; veritus etiam Beatum Ambrosium, cujus fuerat ille (Ardericus) Vicarius. Factum est autem, ut conventionem dignæ satisfactionis concederet Ecclesiæ pro nonaginta interfecit ABBATIAM NONANTULÆ, QUÆ PROPTER NONAGINTA SUI JURIS CURTES SIC VOCATA PERHIBETUR. Quod autem Abbatia illa dicebatur Mediolanensi Archiepiscopo a Rege donata: hoc de ipsomet Arderico solo, & non de ipsius Successoribus, intelligendum ego censuerim. Sigonius enim alioqui ad Annum Christi Nongentesimum sexagesimum secundum, de Othone primo sic tradit: Reversus inde (scilicet ex Insula Sancti Julii) Papiam, pridie Nonas Octobris, rogatu Adeleide Augustæ Vidoni Episcopo Mutinensi, Archicancellario suo, OPIMAM NONANTULÆ ABBATIAM indulsit.

A.C.
947.

CLXIX. Anno Christi Nongentesimo quadragésimo septimo Berengarius, Italiæ Rex hujus nominis secundus, Italicas dignitates in Ambrosiana ista Basilica distribuit: ibidemque ipsum ac Mediolanenses Lotharius Rex, ne deferatur, suppliciter exorat. Suis Sigonius verbis ad eundem Christi Annum hæc nobis enarret. Interim Berengarius (inquit) ab Arderico Archiepiscopo accitus, Verona Mediolanum accessit, ibique pro Rege se gerere coepit. Quo cognito, Hugo Vineolam extemplo reliquit, Papiamque tristis repetiit. Mox cum se vulgo deferi, & Berengarium unum celebrari videret; de se actum existimans, ac Lothario filio consulere saltem cupiens, ipsum Mediolanum ad Berengarium & Populum Mediolanensem mittit, captato tempore, quo Berengarius regio more dignitates Italicas, præsentem Populo, ipsis e factione suæ hominibus dividebat. Voluntati Patris Lotharius obsecutus accedit: atque eos SANCTI AMBROSII IN TEMPLO nactus, ante Crucem Domini ad pedes eorum se prostermit: supplexque orat, ut, si Patrem repudiare sua aliqua culpa velint; saltem se, omnis expertem noxæ, retineant. Hæc tristi ac flebili voce orantem Mediolanenses tacti misericordia excitarunt, ac bonum animum habere jusserunt. Quinetiam Hugonem, Italia cedere ultro parantem, præmissis nunciis abire prohibuerunt &c. Ita Regnum communi consilio administrari est coeptum. Verum nomen quidem Regis penes Hugonem & Lotharium erat; jus autem imperii penes Berengarium residebat.

CLXX. Ardericus Archiepiscopus opinione Sigonii obiit Anno Domini supra Nongentesimum quadragésimo septimo, regnante adhuc moranteque in Italia Hugone; sed opinione aliorum ille obiit Anno quadragésimo octavo, vel quadragésimo nono, postquam Hugo in Provinciam rediisset, relicto in Italia Lothario, simulque hic Berengario regnante.

A Ita scilicet haud obscure colligitur e Gualuaneo Flamma in Chronico Majori, Cap. 227. in Manipulo Florum, Cap. 133. necnon etiam e Chronico Flos florum, fol. 121. pag. 1. præterea vero etiam e Catalogo illo, jam nobis quoad temporum præsertim supputationem receptiori. Quocumque tamen eorum Annorum Ardericus obierit; apud omnes hoc plane constat, subrogatum illi fuisse ab Italiæ Rege Manasse, Lotharii Regis fratrem; sed a Clero Populoque Mediolanensi Adelmanum (aliis Almanum, vel Ademarium) de Menclotiis; graveque inde atque in aliquot annos pertinax obortum esse dissidium, cujus causa neuter eorum interea fuerit in Archiepiscopum consecratus. Propterea igitur, tamquam potissimam dissidii hujus illecebram, tam Catalogus ille proxime nominatus, quam Chronicon Flos florum, commemorant, quemadmodum Archiepiscopi Mediolanenses multo jam ex tempore potestatem quoque secularem in hanc Urbem tunc exercerent. Quoniam igitur hac de re nos superiori Num. 136. differuimus, data inde occasione, quod Anspertus diruta moenia reparasset; propterea etiam non abs re fuerit in præsentem recolere, quæ nobis inde in eandem sententiam iisdem ferme verbis suppeditantur, & scitu quidem dignissima, nec hisce Monumentis importuna. Flos ergo florum sic habet: Isto tempore, & per longa tempora ante, Archiepiscopus Mediolani erat Dominus temporalis & spiritualis Civitatis Mediolani, & in circuitu per tria milliaria: & regebatur Civitas per Consules datos per Archiepiscopum; quibus enses ipse dabat, cum regere inciperet: aliquando per Capitaneos, factos per Archiepiscopum, in quolibet Porta specialis parentela regerat. Unde fuerunt Capitanei Portæ Romanæ, quibus præferebatur vexillum ex toto rubeum: Portæ Ticinensis Capitaneis vexillum ex toto album: Portæ Vercellinæ balsana rubea superius, & alba inferius: Portæ Cumanæ tabulatum ex albo & rubeo: Portæ Novæ leones quadrati ex albo & nigro: Portæ Orientalis leones nigri, in albo campo depicti. Signa autem domini Archiepiscopalis Mediolani ex aliquibus vocabilibus apparent. Nam juxta muros Civitatis erat ejus Viridarium, quod adhuc Verzarium dicitur: extra Civitatem erat Brolium ejus, quod nunc intra Civitatem inclusum est, ubi nunc continue fiunt (in Catalogo illo feria sexta superadditur) nundinæ: juxta atrium Archiepiscopi erat Broletum vetus, ubi fiebat judicium & justitia; ibi statuti horis Archiepiscopus aliquas audiebat causas. Erantque annuales Archiepiscopatus redditus plusquam octoginta millia Florenorum auri: quod ex feudis datis satis apparet, ut infra dicitur. In summitate Turris altissime erat Baculus Pastoralis, in signum, quod Ecclesia Civitati dominabatur. Hæc ibi: quibus etiam consentit Catalogus Aloysii ab Ecclesia.

CLXXI. Hugo deinde Rex prædicto Anno Christi Nongentesimo quadragésimo septimo, ut Sigonius testatur, relicto in Italia Lothario, cum thesauro in Provinciam rediit, & paulo post vita excessit. Quocirca neque sepultus ad hanc Basilicam fuit, quemadmodum alioqui jam ante destinaverat. Lotharius enim vero sepultus hic fuit; cum Papiæ (ut Chalvus affirmat) obiisset. Obiit autem sub finem Anno Nongentesimi quadragésimi noni, teste ad hunc Annum Sigonio, in hunc modum scribente: Lotharius sævo animi dolore confectus, exeunte Anno in phrenesim incidit, ac mox e vita migravit. Catalogus item ille noster in Alduino hæc in primis habet, quæ paulo ante protulimus: Hic Lotharius dedit maximas ultra Padum possessiones Monasterio Sancti Ambrosii. Tunc vero protinus addit: ET JACET IN CAPPELLA SANCTI GEORGII VERSUS DOMUM MONACHORUM. Gualuaneus Flamma in Chronico Majori, Cap. 218. contentus fuit de ipso dixisse: MORIENS, IN IPSA ECCLESIA SANCTI

CTI AMBROSII, IN CAPPELLA SANCTI GEORGII SEPELITUR. Atqui Chronicon *Flor. flor.*, fol. 120. pag. 1. JACET (inquit) AD SANCTUM AMBROSIUM SUB STILICIDIO, IN CAPPELLA SANCTI GEORGII. Ubi quod additum est SUB STILICIDIO, certe redit in alterum illud, quod dicebatur, VERSUS DOMUM MONACHORUM. Processus (solito namque Notariorum vocabulo utemur) apud nos authenticus extat, Anno Christi Millesimo ducentesimo primo auctoritate Apostolica confectus ab Episcopo *Vercellensi Alberto*, & a Petro Abbate *Locedensi* super aliquot controversiis, quæ tunc temporis Monachos inter & Canonicos hujus Basilicæ agitabantur. Testata fit in eo mentio, quemadmodum singulis diebus Dominicis unus e Monachis Sacerdos aquam faceret benedictam, ex eaque post adpersum Altare primarium varia item adspargeret alia & inter hæc *Altare Sancti Georgii*, & ibi, ubi sepultus est Rex *Lotharius*: videlicet non procul ab hoc ipso Altari. Quippe ibi sepulchrum ejus conspicuum extiterit necesse est. Arcam fuisse marmoream, quæ Anno quoque Domini Millesimo quingentesimo decimo quinto videretur, indicio mihi est *Libellus Italicus*, eo Anno *Mediolani* editus, de Indulgentiis & Sanctorum Corporibus in variis per Urbem Urbisque Comitatum Ecclesiis. In hoc siquidem Libello Altare illud Sancti Georgii hoc additamento indicabatur, quod Arca ibi marmorea existeret. Quod ipsum similiter legimus in pergamena Tabula longe vetustiori, qua singillatim Basilicæ hujus Indulgentiæ recensentur. Primo namque inter ea novem Altaria, quibus concessi fuerant anni septem Indulgentiæ, quandocumque ipsorum festi dies celebrarentur, numeratur etiam *Altare Sancti Georgii*, ubi est Arca marmorea. Deinde vero immediate post: *Item Cappella Sancti Georgii in eadem Ecclesia*, ubi est Arca marmorea, sunt omni die anni septem de Indulgentia. Restat igitur, ut ejusmodi Arcam vel occultarint humo supergesta, vel (quod non ita facile crediderim) temere dissolverint tunc temporis, quando postmodum eam denique construxerunt Sancti Georgii Cappellam, quæ nunc visitur, *Abduarum* familiæ adscripta. Circiter Annum Christi Millesimum sexcentesium duodecimum *Fredericus Cardinalis Archiepiscopusque Borromæus* post ejusmodi Cappellæ tergum (quippe Monachorum domui seu Monasterio obversum) & sub ejus stillicidio terram effodi alte jussit ea spe, ut Regis hujus *Lotharii* sepulchrum illic inveniretur; sed inventum non fuit. Satius fortasse, sicut etiam indiciis convenientius, fuisset, illud intra Cappellæ ipsius ambitum, vel ante ferreos ipsius cancellos, inquiri.

CLXXII. Mortuo *Lothario*, *Berengarius Secundus* una cum filio suo *Adelberto* sibi Regnum *Italiæ* asciverat. Jamque *Lotharii* uxorem *Adeleidam*, sive potius *Adbelegidam* (ex archetypis enim Tabulis *Chalcus* tale observavit ejus fuisse nomen) sibi semel e custodia elapsam, jamque firmissima *Canussii* arce receptam, comprehendere diuturna rigidaque obsidione satagebat; cum *Germaniæ* (nisi malimus dicere *Francorum*) Rex *Otto*, hujus nominis Primus, ei periculo ipsam eximit; quemadmodum *Sigonius* ad Annum Christi Nongentesimum quinquagesimum primum luculenter lateque prosequitur. Ipse pariter hoc etiam inde subdit, quod sequenti Privilegio nonnihil illustrabitur: *Otto*, *Canussio* liberato, *Adeleidam* sine mora sibi matrimonio copulavit: perfectisque magna pompa sponsalibus, inde *Papiam* accessit: eamque, per Octobrem mensem in potestatem redactam, una cum Regina triumphantis in modum inivit. Ibi dem profecto Rex decima mensis ejusdem Octobris die, atque adeo jam ante illuc post victoriam ingressus, suam erga Monasterium istud *Ambrosianum* pic-

tatem ac munificentiam legitur subsequenti complexus Privilegio:

IN Nomine Sanctæ & individue Trinitatis. OTTHO, Dei gratia Rex Francorum & Langobardorum. Noverit igitur omnium Fidelium nostrorum industria, quia dilectus Frater noster Bruno suggestit humiliter Majestati nostræ, PRO QUODAM AUPALDO, VENERABILI ABBATE MONASTERII CONFESSORIS CHRISTI AMBROSII: postulans, ut eum, pro nostræ mercedis incremento, cum universis, qui cum eo degunt, famulis Christi, cunctaque Venerandi Cœnobii substantia sub nostri Mundeburdi tuitionem suscipere dignaremur. Nos vero, nostræ mercedis amplificandæ gratia, petitioni ejus assensum præbuimus, ratum & congruum suggerenti: suscipientes eum, & omnes, qui ei commissi sunt, Servos Dei cum universis ipsius sancti Loci possessionibus, quantascumque Deo auspice nunc habent, aut in posterum habituri sunt, cum familiis, commendaticiiis, cartulariis, atque aldionibus utriusque sexus: eo tenore, quo sub nostri regiminis sunt tutela, nostræque providentiæ immunitate perpetua. Confirmamus etiam CURTEM LEMONTAM prædicto Monasterio, sicuti divæ memoriæ *Hlotarius* Rex per Præceptum statuit suum cum casa indominicata: & Cappellam ad se aspicientem, in honore Sancti *Genesii* dicatam: necnon *Oliveta*, vel mansa sex, in locis sub nominatis, VILLA SELVANIATE, MADRUNINO, CAUTUNICO, VETO, CIVENNA, cum servis & ancillis, & aldionibus & aldiabus, ad eam Curtem adspicientibus. Confirmamus insuper EIDEM MONASTERIO SANCTI AMBROSII mansa duo, unum IN MELONICO, alium IN VILLA CLEPIATE, quod præcessor noster *Carolus* prædicto loco confirmavit. Confirmamus etiam Curtes tres: UNAM, QUÆ DICITUR PASILIANO, cum omnibus ad se pertinentibus: ET CURTEM DE FELICIANO cum omnibus ad se pertinentibus: ET CURTEM DE MONTE cum Cappellis & Castellis & omnibus ibidem adspicientibus: quas Reges Clarissimi *Hugo* & *Lotharius* per sui Præcepti Paginam eidem Loco pro remedio animarum illorum in proprium tradiderunt. Si quis autem ex Præfulibus, Ducibus, Comitibus, aut alicujus partis Officialibus, hanc nostram Regalis Excellentie Auctoritatem convictus fuerit violasse; duplam immunitatis nostræ penam, centum auri pondera, prædicto Loco componere compellatur. Et ut hoc Regale Præceptum pro futuris temporibus attentius observetur, nostræ manus inscriptione insignitum, Annulo nostro jussimus assignari. Signum Domni Otthonis..... Serenissimi Regis.

Brun Cancellarius, ad vicem Manasses Archicappellani, recognovi.

Data sexto Idus Octobris, Anno Incarnationis Domini nostri Jesu Christi Nongentesimo quinquagesimo primo, Indictione decima, Anno Regni Otthonis Regis, in Francia decimo sexto, in Italia primo. Actum Papiæ in Dei nomine feliciter. Amen.

CLXXIII. Quod autem in præcedenti Privilegio *Aupaldus* nominatur hujus Monasterii tunc Abbas: nos eundem potius *Huppandum* nominabimus. Ita siquidem propria manu suum ipse nomen in aliquot aliis Archivi nostri per id tempus Documentis expressit.

CLXXIV. Ex *Italici* Regni folio dejectus, ut dictum est, ab *Otthone Berengarius*, id consilii cepit, ut cum *Adelberto* filio ad eundem *Otthonem* in Germaniam profectus, regiæ ipsius potestati clementiæque semet ambo nexis suppliciter manibus, cuncto exercitu inspectante, permitterent. Quibus propterea *Otto* in fidem receptis Regnum *Italiæ* reliquit, *Marchia Veronensi* & *Forojulensi* excepta quas *Henrico* fratri, *Bavariæ* Duci, se tribuisse dixit, ut habet *Sigonius* ad Annum Nongentesimum quinquagesimum secundum. Idem porro ad Annum subsequen-

tem, Mediolani (inquit) *Adelmaro Archiepiscopo mortuo Valpertus adversus Manassem a Clero & Populo est substitutus*. Et postmodum Anno quinquagesimo-
 955. quinto supra Nongentesimum hæc item scribit: *Berengarii assidue gravesque injuriæ cum neque dissimulari, neque ultra ferri possent; Agapetus Pontifex, & Valpertus Archiepiscopus, simul rei indignitate accensi, simul populorum calamitate permoti, Otthonem Nunciis literisque missis de pravis Berengarii studiis immodicisque imperiis admonent: brevique fore, ut ipse totius Italiæ Imperio potiatur, nisi invictis ejus armis coerceatur, ostendunt: summisque demum precibus, ut saltem laborantibus opem ferat Ecclesiis, orant. Quibus rebus acceptis, Ottho, se nec Reipublicæ salutem, neque eorum voluntati defuturum, respondet: ac consilio ad rem aggrediendam explicito, Lithulfum filium Ducem belli adversus Berengarium Regem destinat. Li-*
 956. *tulfus igitur proximo Anno in Italiam cum robore militum expedito venit, multasque res adversus Berengarium prospere gessit. Sequenti tamen Anno*
 957. *repentina sublati est morte: indeque Berengarius magis inflatus, impotentius se gerere institit, Pontificique bellum in Ducatu Spoletano commovit. Otthonem igitur in Italiam rursus cum exercitu evocant: Pontifex in primis Romanus per Legatos, insignia ipsi Augustalia pollicitus: & Valpertus Mediolanensis Archiepiscopus, ad ipsum profectus, atque Italici pariter & ipse Regni pollicitus insignia. Pontificem inde (subdit Sigonius Nongentesimo sexagesimo Anno) atque Archiepiscopum reliqui etiam Episcopi & Principes Italiæ subsecuti, idem litteris ac nunciis missis summis pro se quisque precibus contenderunt. Quibus omnibus Ottho satisfacere cupiens, se venturum, atque eorum voluntati obsecuturum, respondit.*

A.C.
951.

CLXXV. Promisso stetit, deinde fide Anno proximo: Quippe magnas peditum equitumque copias Ottho colligit: atque in Bavariam progressus, per Tridentines Alpes in Italiam cum Adeleide conjugem transit. Papiam ergo in primis recuperata, ibi Regiam restaurat. De hinc Mediolanum venit. Quid hac in Urbe porro actum; ipsiusmet Sigonii verbis enarremus. Interim Mediolani (verba sunt ipsius) Archiepiscopus, promissi memor, Principum Episcoporumque de more Concilium advocat: atque ex omnium, qui frequentes convenerant, sententia Regnum, Berengario atque Adelberto abrogatum, ad eum deferit: ipsumque IN ÆDE DIVI AMBROSII URBANA (sine dubio hanc nostram Sigonius designat; tamen si suburbanae potius ea tunc nomen mereretur) magno apparatu, cæremoniaque inungit, consecratumque Ferrea Corona condecorat, solemnem sacramentum presentibus omnibus alligatum, se patrimonium suum pro salute ac dignitate Italiæ profuturum, neque ejus rei gratia se labori periculove ulli parsum. Contra Ottho, ne liberalitate superaretur, Archiepiscopum multis iisque amplis beneficiis ornat: in primis tres illi in Agro Mediolanensi Ditiones subiciens, quæ consueque Regibus fuerant subditæ: Comitatum Parabiagi, Seprii, & Bazariæ: Ducatum Burgariæ, Marchiamque Martesii. Ac Civium alios in Tribubus Urbis quas illi Portas vocabant, & Agri Pagis quas plebes nominabant, Capitaneos, alios Valvasores instituit. Hactenus Sigonius.

CLXXVI. Neque vero foli munificus Archiepiscopo fuit in præsentem Rex Ottho, verum Monasterio huic Ambrosiano: & in tantum, ut inter alia de Valperto Archiepiscopo id quoque in Archipresbyteri Metropolitani Catalogo legatur; tamen si, quo præcisè tendat, explicatum ibidem non videamus. Illic utique hoc legitur: *Hic Ottho, suscepta Corona ab Archiepiscopo, MAGNUM THESAURUM DEDIT MONASTERIO SANCTI AMBROSII*. Certe quidem Chronicon etiam *Flos florum*, fol. 123. pag. 1. de hoc ipso pariter Otthone Primo, per Valpertum Archiepiscopum in Italiæ Re-

A gem coronato, isthæc etiam protinus testatur: **MULTA MONASTERIO BEATI AMBROSII DONAVIT.**

CLXXVII. Sed, cujusnam potissimum ac singulatim rei fuerit ejusmodi donatio, Gualaneus ipse Flamma nos doceat. Tam in Chronico Majori, Cap. 228. quam in Manipulo florum, Cap. 133. intra Valperti hujus Archiepiscopi tempus mentionem ille facit Aldeberti cujusdam Comitum Francorum, ex Henrico pariter Francorum Comite nati, qui Regnum Italiæ sibi vendicans, quinetiam Mediolano excidium minitans, occasionem Valperto dedit, ut Otthonem sibi auxiliatorem ascisceret. Sic etiam se gerit Auctor Chronici *Flos florum*, fol. 122. pag. 1. ubi, citato Datii Chronico, eundem Aldebertum asserit de domo Regum Francorum natum, Comitem Franconiæ, Ducemque Austriæ. Nos quidem ipsum potius arbitramur Berengarii secundi fuisse filium, de quo tam multa jam diximus. Itaque tamquam de ipso dicta sic etiam interpretamur, quæ de suo illo Aldeberto Scriptores ejusmodi recensent. Ecce vero, quid Gualaneus in Chronico Majori verbatim recenseat. Quidam (inquit) Aldebertus, Comes Francorum, ad Imperium aspirans, cum duobus fratribus suis, Henrico & Aldeberto juniore, Italiam intravit cum exercitu magno valde: & misit ad Valpertum Archiepiscopum, qui ex toto in Civitate dominabatur, quod intra muros Civitatis sibi præpararet Palatium grande, quod Imperator Maximilianus construxerat. Cui Archiepiscopus respondit, quod a tempore Beati Ambrosii ex Privilegio Theodosii Imperatoris (hic reperiuntur dicta Num. 132.) Civitas Mediolanensis ab ingressu Imperatoris semper extitisset libera. At tamen extra Urbem, JUXTA ECCLESIAM SANCTI AMBROSII, ARCHIEPISCOPUS JUSSIT PRÆPARARI PALATIUM MAGNUM (in Manipulo florum Gualaneus hoc absolute PALATIUM SANCTI AMBROSII EXTRA URBEM nominat) UBI IMPERATO-

D RES HABITARE CONSUEVERANT. Quo audito, Aldebertus, Imperii usurpator, furia repletus, juravit Civitatem Mediolanensem funditus evertere. Et dicit Chronica de Barzanono, quod Aldebertus simulavit pacem facere cum Mediolanensibus: & sic intravit Civitatem. Et rumor insonuit, quod Imperator vellet in Civitate dominari: & assumptis armis cum Imperatore pugnarent, & Imperatorem turpiter vulnerarent. Ex hoc Franci contra Cives fortiter dimicaverunt, & prævaluerunt. Imperator, obtenta Civitate ipsam destrui jussit: & destructæ sunt aliquæ domus & Turres, & aliqua Palatia. Tunc Archiepiscopus Valpertus, superbo comitatu accinctus, in Alemaniam convolvit: & suis nixus Privilegiis, Otthonem, Ducem Saxonie & Normandiæ, qui contra Berengarium pugnaverat, in servitium Mediolanensem elegit Italiæ Regem, promovendum in Imperatorem &c. Qui, Athelita, Lombardæ uxoris sue, quæ quondam Imperatrix Mediolani fuerat, precibus inductus intravit Italiam cum Archiepiscopo Mediolanensi: qui Aldebertum Imperatorem in campo prostravit. Et statim Archiepiscopus Mediolanensis, convocatis septendecim Episcopis Suffraganeis suis, & Baronibus, & Comitibus universis, Otthonem in Regem Italiæ designavit; Aldebertum, tanquam Imperii invasorem, excommunicavit, & depositum promulgavit. Ex quo ille Aldebertus, quasi fur, ad Insulam Corsicæ fugit. Data itaque tali sententia, AD ECCLESIAM SANCTI AMBROSII cum Episcopis & Baronibus supradictis Otthonem Regem introduxit, & Coronam præparavit. Tunc Ottho omnes regias vestes deposuit, & vestes sacras Subdiaconi induit, scilicet strictum cum Manipulo (at enim postea Stola & Manipulo induitur; erat enim quasi Diaconus, inquit Flamma idem in Manipulo florum) & celebratis divinis Mysteriis, Archiepiscopus ipsum

F Ottho-

Otthonem, laudatum de virtutibus, confirmavit in Imperio Mediolanensi, perunxit oleo, & Coronam capiti ejus imposuit. Completa Coronatione Ottho Rex
 955. **SUPER ALTARE BEATI AMBROSII** clamydem Imperialem posuit, in qua coronatus fuerat, baltheum, ensen & bipennem, ac lanceam, in qua erat unus ē clavis Passionis Christi. Item Coronæ Mediolanensi addidit Ducatum Saxonie, quod erat suum patrimonium, & Ducatum Normandiæ. Valperto Archiepiscopo donavit Ducatum Burgariæ, Marchionatum Marthesanæ, & Comitatum Seprii. **MONASTERIO SANCTI AMBROSII DONAVIT PALATIUM IMPERALE, QUOD ERAT JUXTA ECCLESIAM SANCTI AMBROSII, ET LARGAS POSSESSIONES.** Addamus vero & hoc obiter, qualiscumque sit veritatis & fidei, quod protinus idemmet subdit Gualuaneus: Item fundavit Monasterium Majus, & solemniter dotavit. Qua de re aliquid jam diximus Num. 129. proprioque alias Opusculo, si Deus nobis aspi-ret, differemus. Quod præsentis est instituti, Palatium præsertim hoc videamus Monasterio donatum: atque cum iis, quæ nuperrime dicta sunt, ea conferantur, quæ dudum Num. 132. cum ejusdem Palatii situm inquireremus.

CLXXV (II). Quoniam vero Gualuaneus nuperrime nobis testabatur de ritu in Otthonis Coronatione servato; proferamus, obsecro, Sigonius itidem, post Annum Christi Nongentesimum septuagesimum tertium ex antiquis litterarum Monumentis inter alios multos per ea tempora ritus, perenni usu receptos, cum quoque verbis hujusmodi describentem: *Italiam ingressus* (qui nempe coronandus esset in *Italiæ Regem*) rectâ Mediolanum adibat. Ibi vero condito die **IN AMBROSIANAM ÆDEM PRO-CEDENS**, Archiepiscopo Rem divinam facienti, regis depositis vestibus, ac Subdiaconi sumptis, ministrabat. Qua re rite peracta, Archiepiscopus sacro ipsum oleo inungebat: atque ad reliqua insignia Ferream ei Coronam imponebat, ipsum solemniter adigens sacramento, se *Italiæ jura in perpetuum pro viribus tutaturum*. Quod itaque nobis a Gualuaneo videri poterat in anticipiti relictum: videlicet, Diaconi ne, an Subdiaconi, vestes sumeret novus Rex: hanc nobis hæsitacionem plane Sigonius discussit.

CLXXIX. Proximo deinde Christi Anno post Nongentesimum sexagesimosecundo Romam cum lætissimo exercitu, ipsomet etiam comitante Valperto Mediolani Archiepiscopo, pergit Ottho, ut Coronam Imperii, a Pontifice promissam accipiat: nec non etiam accipit.

CLXXX. Jam pridem Ottho (inquit Sigonius ad Annum Christi Nongentesimum sexagesimumseptimum) ad majestatem Occidentalis Imperii pertinere arbitrat, totam in auctoritate sua esse Italiam; Provincias Apuliam & Calabriam bello petere constituerat; ac, pulsus inde Græcis & Sarracenis, Italiæ Regno adjungere; nisi sibi cum Imperatore Nicephoro convenisset. Itaque, huc spectans, Legatum ad eum Constantinopolim destinavit: per quem Theophaniam, sive filiam, sive sororem (nam utrumque traditur) Otthoni filio posulavit in matrimonium. Hunc ipsum postea Ottho-nem ipsius filium Pontifex Romanus in Festo Christi Natalitio Corona decoratum, Imperii cum Patre consortem declaravit.

CLXXXI. Et hic Annum ingredimur Christi Nongentesimum sexagesimum-octavum: atque præfectum huic Monasterio Abbatem nomine Petrum invenimus, inventumque luci ac posteritati proponimus.

CLXXXII. Sequitur aliquanto post Sigonius. Superiore clade accepta Constantinopolitani a Nicephoro alienati, postero Anno (is fuit Nongentesimus septuagesimus) ipsum per Joannem Zimiscom interfecerunt,

atque Joanni ipsi summam Imperii detulerunt. Et paulo post, ad posterum inde Annum, Valperto (inquit) Archiepiscopo ex humanis rebus erepto, Arnulfum Subdiaconum instituit (Ottho) eumque ad Joannem Imperatorem Constantinopolitanum allegavit; ut Theophaniam, neptem ejus, filio suo iterum in matrimonium postularet. Is, maximo Principum Episcoporumque comitatu assumpto, profectus, comiter ab Imperatore acceptus est. Memorabile verò illud. Cum ab eo, ad thesaurum suum visendum adductus, rogaretur, ut aliquid pro animi sententia sumeret; annulo ingentis pretii sibi detractò, atque ad thesaurum adjecto, **SERPENTEM ÆNEUM SUMPSIT, QUEM GRÆCI EX EO CONFLATUM ÆRE ASSEREBANT, EX QUO OLIM MOYSES SUUM IN DESERTO CONFLAVERAT.** Is deinde Mediolanum delatus, **ATQUE IN ÆDE DIVI AMBROSII COLLOCATUS**, nunc quoque religione sua clarum ejus facti testimonium fama a Majoribus accepta reddit. Quinetiam Joannes Theophaniam 972⁴ Otthoni filio in matrimonium libens permisit: eamque Archiepiscopo, ut secum cum honesto comitatu deduceret, tradidit. Ita postero Anno Romam adducta, effusa obviam universa Civitate recepta est &c. Hæc Sigonius de Arnulfo isto Archiepiscopo, deque Serpente illo æneo, in hanc usque diem apud nos in Ambrosiana ista Basilica supra porphyriticam columnam publice conspicuo. Veruntamen hunc ab altero potius Arnulfo Archiepiscopo, nominis hujus Secundo, plerique rerum Mediolanensium Scriptores Constantinopoli huc allatum, & in hac fuisse Basilica collocatum existimant: quorum potius opinioni ego quoque acquiesco. Theophaniam quidem Ottho uxorem Otthoni filio suo jam ante ab Imperatore Constantinopolitano Nicephoro petierat per Legatum illuc missum. Atqui non hic Archiepiscopus aliquis noster fuerat: sed Luitprandus, Cremonensis Episcopus. Suam ipse Legationem hujusmodi descripsit accuratissime: necnon eam videre licet inter Antiquas Henrici Canisii Lectiones, & inde apud Baronium Anno Christi Nongentesimo sexagesimo-octavo: quem scilicet in Annum illa inciderit, quemadmodum pluribus ibidem argumentis ab eodem Baronio commonstratur. Quocirca nos etiam hinc errasse deprehendimus Blasium Rubeum in Tabula Diptycha Episcoporum Cremonensium, quando Luitprandum istum asseruit Anno Christi obiisse Nongentesimo sexagesimoquinto. Posteaquam vero fuisset Ottho tam turpiter a Nicephoro, quam Sigonius ipse narrat, deceptus: cumque vel etiam inde, tamquam e prima origine, Nicephorus necem a suis reportasset; tum vero in ejus locum subrogatus Joannes Zemiscus protinus. ac nullo penitus expectato Otthonis ad se Nuncio, Theophaniam videtur ad ipsum transmississe; testemque nos in hoc damus Witichindum. Hic enim res gestas Otthonum Imperatorum, quibus extitit cœceus, describens, inter cetera sic loquitur: *Populus Constantinopolitanus, a suis audiens male pugnatum (adversus Otthomanum exercitum, ad ulciscendam Nicephori perfidiam missum) consurrexerunt adversus Imperatorem suum; & machinatione Conjugis propriæ, cujusdam militis insidiis occiderunt loco autem domini militem designantes.* Fuit iste Joannes, cognomento Zemiscus. Constitutus autem Rex, continuo captivos quos Græci per fraudem antehac abduxerant ex Otthonis militibus) absolvit: Puellam (Theophaniam) cum magno exercitu & claris muneribus ad Imperatorem Otthonem destinavit. Quam ipse, statim filio tradidit: celebratisque magnifice nuptiis, omnem Italiam super hoc & Germaniam lætiores reddidit. Quid, quod etiam Historiæ Mediolanensis ab Anno Christi Nongentesimo vigesimotertio Scriptor Arnulfus alter, Archiepiscopi hujus Arnulfi Primi consanguineus, nullam ipsi Constantinopolitanam profectio-

fectionem adscribit? cum alioqui eam Secundo Arnulfo Archiepiscopo adscribat. Manuscripta etiamnum extat, nec unquam typis adhuc impressa, illius Historia: tribus comprehensa Capitibus tam prolixis, ut Librorum potius appellatio ipsis debeatur. Eam nobis humanissime tradidit Carthusiæ Papiensis Monachus, & per aliquot olim annos Prior benemerentissimus, *Mattheus Valerius*, Civis *Mediolanensis*, & *Jacobi*, cujus mentionem Num. 28. faciebamus, frater dignissimus. Eruditissimus vero & ipse est, atque in Historia, & præcipue *Mediolanensi*, versatissimus. Ex ejus etiam colloquio (ingenue siquidem hoc fatendum & profitendum erat) numquam discesimus, quin exquisitum aliquid ab ipso didicerimus. De multis etiam perutiliter ille adhuc nos admonuit, ad hæc ipsa, quæ tractamus, Monumenta spectantibus. In ea igitur *Arnulfus* Historia Libro primo sic habet: *Eodem tempore* (quo captivus in *Suevia* *Berengarius* obierat) obeunte *Valperto*, *Cathedram* suscepit *Arnulfus*, vere *declinans à malo*, & *faciens bonum*. Cujus equivocus existo gestorum Scriptor ego præsentium, fratris vero illius pronepos verus. Et hinc quidem illos corrigamus, qui *Arnulfum* istum Archiepiscopum asseruerunt Historiam sui temporis scripsisse: quo in errore versantur Catalogus Actis Ecclesiæ *Mediolanensis* insertus, & alter *Successores Sancti Barnabæ* inscriptus. Subinde vero profequitur hisce verbis idem Historicus *Arnulfus*: *Hujus in Episcopatu vita fuit triennis, factus nec pro certo meliori dignitate perennis. Cui successit Gothofredus &c.* Vide autem, quam luculenter *Constantinopolitanam* conciliandi gratia matrimonii perfectionem *Arnulfo* postea Secundo adscribat; tametsi *Serpentis* ejus nullam fecerit expressam mentionem: *Tempore autem præterito decreverat Imperator* (*Otho Tertius*) *maternæ gentis sociari conjugio*. Hujus causa consilii præfatus *Arnulfus*, *Venerabilis Archiepiscopus*, regia jussione præmonitus, mare transiens, **CONSTANTINOPOLIM PROFICISCITUR**. Qui ab ipso admirabili Monarcha magna susceptus honorificentia satis episcopaliter conversatus est in Urbe Regia: **ITA CHARUS, UT, QUICQUID POSCERET, FACILE IMPETRARET**. Composito tandem, propter quod venerat, negotio; ab eodem *Basilio* (sive Imperatore *Constantinopolitano*; quem ita nominare moris erat apud Græcos, quemadmodum prædictus etiam testatur *Luitprandus* in suæ Legationis narratione) decenter absolutus, reversionem accelerat. Interea Imperator primo juventutis flore defungitur *Otho*: in quo omnium est *Oththonum* consumpta propago. Has igitur etiam ob causas *Basilica* isthæc *Ambrosiana* æneum ejusmodi *Serpentem* per nos quidem Archiepiscopo potius *Arnulfo* Secundo referet acceptum, quam Primo. Itaque cum ad illius tempora ventum fuerit, de hoc ipso *Serpente* uberius agemus. Innuerit tamen hoc item loco interea præmittere, quæ de suæ Historiæ fide præfatur idem *Arnulfus* ab utroque illo Archiepiscopo diversus. Nihil igitur (inquit) *Charissime*, quisquis es, præter quod polliceor, exigas: videlicet verbis prolata communi bus simplicem gestorum narrationem, quæ nostri Reges nostrique gessere Pontifices, nostri quoque Concives in Urbe *Mediolano*, vel extra, *Compatriotæ* vero nostri in Regno *Italico*: quæ ipse vidi, vel quemadmodum a videntibus, aut paulo ulterius, audiui: prout etiam de thesauris prodeunt memoriæ; cum nihil sit, quod a me ultra sperare debeas. Quocirca Historiam deinceps ab eo exorsus tempore, quo *Hugo* & *Lotharius* ejus filius in *Italia* regnarunt: atque progressus ad illud, quo *Heribertus* ad *Mediolani* Archiepiscopatum promotus fuit (nempe circiter Annum Christi duodevigesimali supra Millesimum) ab hisce verbis Librum, incipit secundum: *Superiori Volumine audita tantum exsufflare tentavimus. Nunc autem ea,*

A quæ ipsi videndo cognovimus, ex abundanti eruere studeamus.

CLXXXIII. Anno Christi Nongentesimo septuagesimo tertio, Nonis Maji, *Otho* Primus Imperator, cognomento vere *Magnus*, expetita (quemadmodum *Witichindus* scribit) *Sacramento divini Corporis & Sanguinis*, & accepto, sine geminitu, cum magna tranquillitate, ultimum spiritum cum divinis Officiis pietatis Creatori omnium tradidit. Deinceps vero filius ejus *Otho* in *Italia* etiam continenter imperavit.

B CLXXXIV. Juxta *Sigonii* supputationem (aliter A. namque alii supputant) Anno Christi Nongentesimo septuagesimo quinto, *Mediolani Arnulfus* (videlicet hujus nominis Primus) *Archiepiscopus* mortuus. *Populus Gothifredum*, *Ecclesiæ Subdiaconum*, licet ipsi vehementer infensus, *Oththoni* gratificatus accepit.

C CLXXXV. Octogesimotertio deinde Anno supra Nongentesimum, Decembri mense, *Otho* Secundus, nullo nobis erga *Basilicam* istam vel *Monasterium* beneficio memorandus, moritur *Romæ*: ipsique *Otho* Tertius subrogatur. Postero Anno (sic enim cum *Sigonio* loquemur) nuntiata *Oththonis* in *Germaniam* morte, in magna animorum dissensione, aliis alio inclinantibus, *Otho* filius, Magni nepos, de manu *Henrici*, *Oththonis* mortui patruelis, qui ad Regnum aspirabat, extorquetur: atque, annos natus octodecim, Rex *Germaniæ* à Regni Proceribus declaratur. Interim vero, dum ille simul ætatis infirmitate præeditur, simul tumultibus *Germaniæ* sedandis occupatur, variis *Italia* de integro seditionum tempestatibus aestuavit. In primis autem *Romæ* & *Mediolani* sacrorum Comitiorum causa certatum &c.

CLXXXVI. *Oldericus* Anno Christi Nongentesimo octogesimoseptimo præsidebat huic *Ambrosiana* no *Monasterio* Abbas: nec aliud præterea quicquam nobis de ipso memorandum se offert.

D CLXXXVI. Nongentesimo deinde nonagesimo Anno, juxta *Sigonium*, *Bonicus Dux*, *Gothifredo* Archiepiscopo mortuo, ab *Othbone* dignitatem eam *Landulfo* filio suo impetravit. Populo vero *Landulfum* repudiante, atque armis ab Episcopi aditu repellente, ipsum tueri commissis certaminibus in Urbe non dubitavit. *Mediolano* tamen ejectus demum ille fuit.

CLXXXVII. Istud interim *Monasterium* Anno Christi Nongentesimo nonagesimoprimum a *Gaidoaldo* regitur Abbate.

E CLXXXIX. *Landulfus* Archiepiscopus, ex Urbe pulsus, comparato exercitu in aciem cum *Mediolanensibus* descendit Anno nonagesimo quarto supra Nongentesimum. Superatur ille tamen; proptereaque ad *Oththonem* accurrens, auxilium ab ipso implorat. Ita *Otho* (subdit *Sigonius*) simul Pontificis (Romani) atque Archiepiscopi voluntate commotus, simul ut Regni Imperiique insignia, quæ illi pollicebantur, patrio avitoque more susciperet, ac Regnum, sævis seditionum procellis agitatum, aut jure dicundo, aut bello gerendo componeret, expeditionem in *Italiam* adornavit. Cum vero *Mediolanum* etiam obsedisset Anno proximo; *Landulfus* Archiepiscopus promissis ingentibus primores adversæ partis illexit, ut se in Urbem reciperent; atque ita obsidioni finem imposuit. Inde in Urbem ingressus OTTHONEM REGIO DIADEMATE DECORAVIT, videlicet in *Ambrosiana* ista *Basilica*. Sicut enim alias monuimus; sic etiam e talibus hisce *Sigonii* verbis absque periculo erroris argumentari licet.

F CXC. Nonagesimo quinto eodem Anno supra Nongentesimum, teste pariter *Sigonio*, *Otho*, re *Mediolanensi* composita, *Ravennam* versus movit: ac *Joannem* Pontificem mortuum audiens, ibi usurpato jure *Brunonem* Saxonem, propinquum suum, ex comitatu suo *Presbyterum*, decimosexto Kalendas *Julii* Pontificem declaravit, ac *Romam* consecrandum misit. Is Gre-

Gregorius Quintus vocatus. Ejusdemque Diploma postmodum a nobis proferetur.

A.C.
896.

CXCI. Sed & Anno subsequente Ottho per eundem Pontificem Romanum coronatur Imperator. Inde Sigonius de ipso: Ravenna decedens, Romam venit: & Coronam Imperatoriam magna pompa quinto Idus Maji, qui dies erat Pentecostes, a Gregorio una cum Maria conjuge sumpsit: ac rebus Romanis ordinatis, in Lombardiam recessit. Prosequitur inde Sigonius causam, propter quam Ottho in Agro Mutinensi hanc ipsam sui conjugem Mariam eodem anno igne cremari jussit: compertam nimirum & mirabiliter convictam, quemadmodum Comitem Mutinensem in amorem sui pellicere conata, postquam libidini suae reluctari eum vidit, ira furens, se ab illo de stupro tentatam insinulasset apud Otthonem; a quo propterea capite plexus ille fuerat. Baronius tamen hoc in Annum conjicit Nongentesimum nonagesimum octavum. Exinde igitur solutus ab uxore mansit Ottho; ut propterea novam sibi sponsam postea e Constantinopoli asciscere potuerit per Arnulfum Mediolani Archiepiscopum, nominis hujus Secundum; sicuti paulo ante tradebamus ex Historici Arnulfi testimonio, & infra suo tempore in memoriam revocabimus.

A.C.
997.

CXCII. Eodem Anno Imperator Ottho, Conven- tu ad Roncalias perfecto, in Germaniam proficiscitur: & octava Februarii die (qui mensis usque ad vigesimam quintam subsequentis Martii diem pertinebat ad Annum Christi Nongentesimum nonagesimum sextum, si ab Incarnatione Domini computetur; secus autem ad septimum, si juxta styllum Romanum) & eo, inquam, die Aquisgrani, rogatus ab Archiepiscopo nostro Landulfo, Monasterium istud Ambrosianum sequenti donat Privilegio:

IN Nomine Sanctæ & individue Trinitatis. OTTHO, Dei gratia Romanorum Imperator Augustus. Nihil commodius ad nostræ Sublimitatis honorem, nostrique regiminis.....facere posse credimus, quam sanctarum Dei Ecclesiarum summa sollicitudine omnes dotes intemeratas conservare, ac vobis Fidelium opportune auditum accommodare. Idcirco omnium Sanctæ Ecclesiæ Christianorum nostrique Fidelium, presentium videlicet ac futurorum.....solertia, Landulfum, Sanctæ Mediolanensis Ecclesiæ Venerabilem Archiepiscopum, nostrum dilectissimum Fidelem, nostræ present.....disse Præceptum, de Cortibus videlicet PAXILIANO, FELICIANO, ET MONTE, CONLATIS COENOBIO SANCTI AMBROSII.....GERVASII ET PROTASII PRETIOSISSIMORUM MARTYRUM, UBI QUOQUE IPSORUM SANCTISSIMA CORPORA HONORIFICE CONDITA REQUIESCUNT, ipsis vero Cortibus oblatis, ut superius dictum est, a Serenissimis Regibus Ugone & Lothario, nostris etiam prædecessoribus: &.....ut ipsorum auctoritati nostram superadderemus auctoritatem. Cujus petitionibus etiam digne.....eidem prædicto Monasterio istas.....Paginam habendas, perpetuoque possidendas confirmando concedimus, quemadmodum.....cum omnibus.....cum servis, ancillis, aldionibus, Cappellis, Castris, vineis, campis, pratis, pascuis, silvis, montibus, alpiis, aquis aquarumque decursibus, molenis, piscationibus, ac cum universis eisdem.....Insuper etiam & intimo cordis præcipimus, ut nullus Archiepiscopus, Episcopus, Dux, Marchio, Comes, Vicecomes, seu alia totius nostri Regni magna parvaque persona.....Cortibus BEATISSIMI AC SANCTISSIMI AMBROSII, ET PRETIOSISSIMORUM MARTYRUM GERVASII ET PROTASII MONASTERIUM VENERABILE inquietare vel molestare præsumat. Si quis

autem, quod fieri non credimus, istius nostri Præcepti temere violaverit.....auri.....libras mille compositurum.....medietatem Kameræ nostræ, & medietatem ipsi Ecclesiæ, cui injuriæ collatæ fuerint.....credatur, diligentiusque ab omnibus perpetuo observetur.....Sigillis nostri impressione.....jussimus insigniri.

Sigum Domni Otthonis, Serenissimi.....Imperatoris Augusti.

Erebertus Cancellarius, vice Petri, Cumani Episcopi, & Archicancellarii, recognovi & subscripsi.

Actum sexto Idus Februarii, Aquisgrani, Anno Tertii Otthonis Inviictissimi Cæsaris Imperii primo, Indictione decima.

De hoc autem Petro, Cumano Episcopo, & Imperatoris Otthonis Tertii, sicut & postea Regis Italiæ Arduini, Archicancellario, videre licet Benedicti Junii Librum Secundum Historiæ Novocomensis, & Chronicorum ejusdem Urbis Compendium, a Francisco Ballarino Italice contextum, Parte Secunda.

CXCIII. Anno Christi Nongentesimo nonagesimo octavo regressus in Italiam Ottho, in hujus Monasterii favorem præcedenti Privilegio alterum istud superaddit:

IN Nomine Sanctæ & individue Trinitatis. OTTHO, Dei gratia Romanorum Imperator Augustus: Universis, presentium videlicet ac futurorum, Ecclesiis notum fore volumus, nostrisque Fidelibus innotescimus, qualiter interventu Ducis nostri Otthonis MONACHOS COENOBII SANCTI AMBROSII per baculum de omnibus rebus ad partem ipsius Cænobii pertinentibus investivimus, & qualiter ad nostri Mondburdi tutelam suscepimus, cum his omnibus, quæ ad partem pertinent Cænobii, seu per Præceptum, seu per Testamentum, sive quocumque jure legationis modo alio scriptum. Insuper etiam per hujusmodi nostrum Mondburdum Montem compascuum, qui dicitur BELASINUS, usque ad coherentias sibi adjunctas GRASEGALLÆ, LENCILI, NES-CINI: BARNASCHI, LEMONTÆ, ejusdem superscripti Cænobii Cortem confirmamus ad partem MONASTERII SANCTI AMBROSII. ea videlicet ratione, ut famuli ejusdem Monasterii Sancti Ambrosii DE LEMONTA ET CIVENNA potestatem per hujus nostri Mondburdi Paginam deinceps habeant in superscripto, Monte per jam dictas sibi coherentias fenum faciendi, ligna incidendi, & cætera, quæ illis sunt necessaria. Confirmamus igitur hæc & omnia, quæ ad partem pertinent Monasterii, per hoc nostrum Mondburdum Sancti Ambrosii in integrum; ita ut nullus Archiepiscopus, Episcopus, nullus Dux, Marchio, Comes, Vicecomes, Gastaldio, nulla- que major mediocris vel minor persona nostri Imperii, contra hujus nostri Mondburdi Paginam agere præsumat. Si quis autem posthac præsumpserit, & infringere voluerit, quod absit; tamquam obnoxius debitor componat centum libras auri optimi, medietatem Kameræ nostræ, & medietatem prædicto Monasterio Sancti Ambrosii. Quod quidem ut verius credatur, diligentiusque nunc & in posterum ab omnibus observetur, Annuli nostri jussimus impressione quodammodo insigniri.

Aribertus Cancellarius, ad vicem Petri Episcopi & Archicancellarii, recognovi, & scripsi.

Data Nonis Januarii, Anno Dominicæ Incarnationis Nongentesimo nonagesimo octavo, Regni vero Domni Otthonis Tertii quarto decimo, Imperii vero ejus secundo, Indictione undecima. Actum Papie feliciter. Amen.

CXCIV. Nec vero contentus Ottho isthæ Privilegia Monasterio huic Ambrosiano indulisse, tertium præterea ipsi donat. Quod profecto nobis authenticum & archetypum suppetit; tametsi tem-

Puricellus.

K

pore

pore, quo datum est, careat. Quacumque id ex causa proveniret; præcedenti nos quidem hoc subteximus, atque ita prorsus se habet:

IN Nomine Sanctæ & individue Trinitatis. OTTHO, divina favente clementia, Romanorum Imperator Augustus. Justam petitionem Famulorum Dei asserentes, eidem assensum præbemus: apud Omnipotentem Deum remunerari nullo modo dubitamus. Quocirca noverit Sancta Dei omnium Ecclesia Fidelium, præsentium scilicet & futurorum, MONACHOS COENOBII SANCTI AMBROSII, lamentantes nos adisse, pro eo quod ex diversis partibus ventilati penuriæ famem atque infortunia multa sustinerent. Unde quia videntes emolumentum nostræ animæ fore, illos adjuvare, & sub tutela nostri Mondburdi defensare, atque per nostri Paginam Præcepti eorum prædia confirmare; suscepimus omnia QUÆ AD PARTEM SANCTI AMBROSII PERTINENT COENOBII, tam prædia, quam & famulos, & universa quæ ad se pertinent, sub tutela & defensione nostri Mondburdi. Confirmamus igitur ad partem ejusdem Monasterii per Præcepti hujus Paginam nostri CORTEM DE PASILIANO cum omni integritate sua & pertinentia, sicut eidem legaliter pertinere videtur MONASTERIO SANCTI AMBROSII. Confirmamus etiam CORTEM DE MONTE cum Castellis, & Cappellis duabus, unam in honorem Sancti Eusebii dicatam, alteram in honorem Sancti Vigili Confessoris, cum rupibus, & vallibus, piscationibus, aquarum decursibus, molendinis, pascuis, pratis, silvis, paludibus, coltibus, campis, & incoltibus, omnibusque rebus, ac familiis ad prædictas pertinentibus in integrum Cortes. Confirmamus insuper CORTEM LEMONTÆ prædicto Monasterio; sicuti divæ memoriæ Lotharius Rex per Præceptum statuit suum. Confirmamus rursus CORTIDELLAM VILLAM, QUÆ DICITUR ALBA, cum omni integritate sua, & duo mansa IN QUARTO. Confirmamus item, quæ in CAVENACO ET IN VEREDERIO omnia pertinent ad partem supradicti Monasterii Sancti Ambrosii. Confirmamus insuper CORTEM DE OLEODUCTO cum omni pertinentia & integritate sua. His itaque prælibatis, & sub nostro constitutis Mondburdo, & per hujus nostri Paginam Præcepti confirmatis, volumus & jubemus, ut ab hac hora in antea quæ a Nobis constituta & firmata sunt vigorem obtineant firmitatis; ita dumtaxat, ut nullus Archiepiscopus, Episcopus, nullus Dux Marchio, Comes, Vicecomes, Gastaldio, Augastaldio, nullaque nostri Imperii major mediocris vel parva vel minor persona irrumpere audeat. Si quis autem contra hujus nostri Præcepti vel etiam Mondburdi Paginam præsumptor infringere aliquid temptaverit; tamquam obnoxius debitor sciat se compositurum libras mille auri obrizi optimi; medietatem Kameræ nostræ, medietatemque prædicto Sancti Ambrosii Monasterio, cui violentiam intulerit. Ut autem hæc nostri Præcepti Pagina nunc & in futurum maneat inconvulsa; nostri Anulo, & impressione Sigilli jussimus insigniri. Signum Domini Otthonis, Serenissimi..... Imperatoris Augusti.

Heribertus Cancellarius, vice Petri Cumani Episcopi, subscripsi.

CXCV. Quod sequitur, Gregorii Papæ Quinti Diploma, eodem Anno Christi Nongentesimo nonagesimo octavo datum, eo lubentius a nobis in medium profertur; quia primum est, quod a Sede Apostolica Monasterio huic concessum inter Archivi nostri membranas invenerimus. Quod si Mediolanensis Ecclesia, ipsiusque Archiepiscopi per hæc tempora schismate illo diuturno & obstinato, quod jam sæpius exagitavimus, laborassent; quis unquam credat fore, ut Monasterium istud de obtinendo hujusmodi Privilegio quicquam curasset? Quocirca nos

A aliquanto etiam inde facti alacriores, en illud offerimus:

GREGORIUS Episcopus, Servus servorum Dei. Postquam Beato Petro, Apostolorum Principi, Dominus ac Redemptor noster, Jesus Christus, ex utero Virginis pro nostra redemptione, ut erat Deus verus ante sæcula, verus homo in fine seculorum apparere dignatus est, ligandi atque solvendi in Cælo & in Terra potestatem tribuit, etiam januas Regni cælestis reſerandas concessit, supra soliditatem fidei suam sanctam stabilire dignatus est Ecclesiam, secundum illius veridicam vocem, dicentis: Tu es Petrus, & super hanc Petram ædificabo Ecclesiam meam, & portæ Inferi non prævalebunt adversus eam, & tibi dabo claves Regni Cælorum: & quodcumque ligaveris super Terram, ligatum erit & in Cælo: & quodcumque solveris super Terram, solutum erit & in Cælo. Postquam & hujus Vicarii, sincerissime Deo famulantes, carentes nebulæ densitatibus, tantam dignius perceperunt potestatem, & universi curam sunt sortiti regiminis: inter quos & nostram parvitatem Dei omnipotentis misericordia commenerare dignata est. Ob hoc Universitati Credentium innotescere volumus, quoniam ABBATIAM, IN HONORE CELEBERRIMI CHRISTI CONFESSORIS AMBROSII NECNON VENERABILIIUM MARTYRUM PROTASII ET GERVASII CONSTITUTAM, UBI EORUM SACRA CORPORA RECONDUNTUR, per hujus nostræ Auctoritatis Privilegium integerrime corroboramus cum omnibus Ecclesiis, Oraculis, Curtibus, massariis, districtis ad ipsam respicientibus: scilicet BASILIANO, MONTE, FELICIANO, LEVENIANO, CERESOLA, LEMONTA, CAPIATE, OLEODUCTO, CAMPILIONI, ANTICIACO, COLONIA, VEREDERIO, CAVENACO, VILLA ALBA, CUGNIANO atque cum universis ad præfatam Abbatiam spectantibus: eo scilicet ordine, ut Monachi ipsius Cænobii simul cum Abbate, qui nunc sunt, vel qui pro tempore fuerint, prætaxatas Ecclesias, Oracula, Curtes, massariis, servos, ancillas, aldiones, & aldianas, sine alicujus majoris minorisve personæ contradictione habeant, teneant, & possideant: atque in eorum usum ac sumptum, prout melius providerint, distribuunt, nostra Apostolica auctoritate concedentes. Si quis vero, quod non credimus, diabólico suasu contra hujus nostræ Apostolicæ Concessionis firmitatem in posterum agere temptaverit, & prælibati Monasterii Cænobitas in aliquo, quod eis concessimus, inquietaverit; sit anathema horrendum a trecentis decem & octo Patribus; & ex consensu fraudis ludæ Annaniæque adæquetur flammis; & a Patre, Filio, Sanctoque Spiritu, necnon a Beato Apostolo Petro maledictus, in præsens & futurum rei crimine ascriptus semper maneat, atque a Catholica Ecclesia sit eliminatus, donec prænominate Abbatiæ Monachos eorumque Patrem digna satisfactione placare studuerit.

Datum quarto Kalendas Majas per manus Joannis, Episcopi Sanctæ Albanensis Ecclesiæ, & Bibliothecarii Sanctæ Apostolicæ Sedis: Anno, Deo propitio, Pontificatus Domini Gregorii, Summi Pontificis, & universalis Quinti Papæ, in sacratissima Sede Beati Petri Apostoli secundo: imperante Domno Otthone Tertio, a Deo coronato magno & pacifico Imperatore, Anno secundo, in Mense, & Indictione suprascripta, undecima. Scriptum per munus Petri Notarii & Scrinarii Sanctæ Romanæ Ecclesiæ, in mense Aprili, & Indictione undecima. ✠ -P- BENE VALETE.

CXCVI. Hactenus Gregorii Privilegium. Cujus archetypum nancisci nobis adhuc non licuit. Tria tamen & perantiqua vidimus exemplaria, ex ipso exscripta: quorum duobus subscripta plurium Judicum & Notariorum testimonia majus in nobis ejus visendi desiderium excitarunt. Fidem namque illi faciunt, ea duo consentire penitus cum authentico,

a se viso & lecto: atque hoc ipsum concordēs asserunt ex *lisca compositum* & factum fuisse: sive, ut interpretamur, e palustri ea contextum herba, quam Italice pariter *lisca* nuncupamus. Quam profecto rem, sicut admiratione, sic etiam observatione memoriaque dignam censuimus.

CXCVII. Anno Domini Nongentesimo nonagesimo nono (ut auctor est Sigonius) *Mediolani Arnulfus Secundus ab Arciago Archiepiscopus Landulfo suffectus*. *Gualuaneus Flamma* in Manipulo florum Cap. 137. hunc ipsum vocat *Arnulfum de Arsago*, de Seprio. Quo scilicet additamento indicare voluit, tale illi cognomentum hæsisse ab Oppido, sive *Arciago*, sive, quod idem est, *Arsago*, quod tribus tantummodo millaribus distat *Gallarato*, perinsigni Municipio, *Sepriensis* adhuc Regionis capite. *Vir magne sanctitatis* ille celebratur in Catalogo tum Archiepysbyteri Metropolitani, tum *Aloysii ab Ecclesia*, præterea vero etiam in Chronico *Flos florum*, fol. 127. pag. 1. & novemdecim annos Archiepiscopalem hanc Sedem tenuisse memoratur. De hujus Legatione ad Imperatorem *Constantinopolitanum* aliquid jam præmisimus Num. 128. e testimonio *Arnulfi Historici*: e quo denique constabat, *Otthonem Tertium Imperatorem* interea temporis obiisse, dum Archiepiscopus ad ipsum e *Constantinopoli* reditum acceleraret. Quoniam igitur *Ottho*, ut bene probat *Baronius*, obiit Anno *Christi* secundo supra Milleimum, quinto scilicet Calendas Februarii; consequens profecto illud est, ut *Constantinopolitanam* ejusmodi profectionem conjiciamus in Annum præcedentem, reditum vero in eumipsum subsequenter.

CIIC. *Arnulfus* igitur Archiepiscopus, Anno Domini Milleesimo secundo e *Constantinopoli* reversus, æneum Serpentem, inde allatum, in *Ambrosiana* ista Basilica collocat. *Gualuaneus* ante alios universam nobis edisserat rei hujus historiam. In Chronico nempe Majori, Cap. 235. sic ille recensuit: *Imperator (Ottho nimirum Tertius) Arnulfum, Archiepiscopum Mediolanensem misit in Constantinopolim, ut filia Imperatoris speciosissima sibi in uxorem daretur. Et dicit Chronica Datii (Datum istum vel hinc colligas ab eo diversum fuisse Datio Mediolani Archiepiscopo, cujus mentionem facit Sanctus Gregorius Magnus Lib. 3. Dialogorum, Cap. 4.) quod, cum ad Imperatorem accederet, equum suum magnum aureis gaponibus, & argenteis clavis ferratum, super pannum aureum in domo Imperatoris collocavit. Ipse in Pontificalibus cum stola ad collum, quam semper portare solitus erat, associatus duobus Ducibus, Prælati diversi gradus, Imperatori causam sui adventus aperuit. Consensit Imperator, & filiam suam Archiepiscopo commendavit. Et ait Archiepiscopo, Intremus Cameram nostri Thesauri, & quidquid vobis gratum fuerit, vobis donabitur. Tunc Archiepiscopus, prout erat vir cordatissimus, Thesauro Imperatoris nihil diminuere, sed addere cupiens; anulum pretiosum, quem digito portabat, in Thesaurum Imperatoris adjecit; PRO RELIQUIIS VERO ACCEPIT SERPENTEM ÆNEUM, QUEM MOYSES IN DESERTO FECERAT; TULIT, ET POSTEA IN ECCLESIA SANCTI AMBROSII COLLOCAVIT. Hic petit ab Imperatore unam gratiam: scilicet, quod in ejus hospitio cœnaret. Imperator concessit. Qui considerans, quod suum..... deformabat, in hospitio comedere; fecit præconizari, quod nullus ligna venderet; credens, quod Archiepiscopus cibum coquere non posset. Tunc Archiepiscopus, liberalior Mundi, porcorum mezenas pro lignis habuit, & mirabilem cœnam paravit. Imperator obstupuit, & dixit: Nullus in Mundo magnificentior Prælatus existit. Interim auditis novis de morte Otthonis Imperatoris, Puella cum Patre in Constantinopoli remansit, & Ar-*

*chiepiscopus Mediolanum rediit. Eadem vero ferme omnia similiter Gualuaneus repetit in Manipulo florum, Cap. 137. nisi quod ita denique paulo expressius concludit: Attamen, antequam illa Puella ad Imperatorem Otthonem pervenisset, Ottho moritur &c. Arnulfus vero Archiepiscopus Mediolanensis, audita morte Imperatoris juxta Portum Barianum, Puellam in Constantinopolim Patri suo remisit; ipse vero ad Civitatem Mediolanensem repedavit. Sed & in Chronici ejusdem Majoris exemplari, quod Ambrosiana Bibliotheca conservat, comperi ego præterea narratum, quemadmodum Arnulfus Archiepiscopus, præter æneum ejusmodi Serpentem, acceperit etiam magnam partem Dominicæ Crucis, eamque hac ipsa in Basilica juxta Serpentem collocavit. Ac de Archiepiscopi quidem reditu sic ibidem legitur: Adveniente opportuno tempore, Archiepiscopus cum Filia Imperatoris recessit: & cum pervenisset ad Portum Barianum, audit, quod Stephania uxor Crescentii, quam Imperator viduam fecerat (illum scilicet Romæ Tyrannum e Turri præcipitem dejici jubens: qua de re legi potest Baronius ad Annum Christi Nongentesimum nonagesimum sextum) ipsum veneno extinxerat (de hoc item videatur idem Baronius ad Annum Milleimum primum) Quo audito, Puellam ad Imperatorem remisit, & Mediolanum ad suam Sedem rediit. Post hæc vero de Serpente ac Dominicæ Crucis parte, in hac Basilica collocatis, sic ibidem Auctor prosequitur: ARNULFUS ARCHIEPISCOPUS CRUCEM MAGNAM EX LIGNO FIERI JUSSIT, ET IN CRUCIS MEDITULLIO LIGNUM DOMINICÆ CRUCIS IMPOSUIT; propter quod, ut fertur, picturam non recepit: EX ADVERSO CRUCIS SUPER PILAM LAPIDEAM SERPENTEM EREXIT: Ecce vero, quid item Chronicon *Flos florum* in rem præsentem recenscat. Folio utique 127. pag. 1. inter alia de *Arnulfo* isto Archiepiscopo sic habetur: SERPENTEM ÆNEUM, quem Moyses exaltavit in deserto, de Constantinopoli Mediolanum exportavit CUM MAGNA PARTE CRUCIS DOMINICÆ: ET IN SANCTO AMBROSIO SUPER COLUMNAS MARMOREAS EREXIT. Quibus profecto verbis Chronologus hic aperte significat, non Serpentem modo, sed etiam partem illam Dominicæ Crucis erectam fuisse supra suam separatim columnam. Ac Serpens quidem supra suam visitur adhuc erectus in Basilicæ latere, ingredientibus per portam maximam sinistro. Dominicæ vero Crucis pars veteri traditione creditur insita prægrandi ei vetustæque Cruci, quæ in ejusdem Basilicæ dextro latere pendet e lapidea pila, quæ Serpentis columnæ paulo minus quam per lineam rectam ex adverso respondet. Itaque prope hanc ipsam pilam ego mihi facile persuaserim alteram olim extitisse columnam, Serpentis columnæ recta oppositam ex adverso, cui Dominica Crux insisteret erecta; itaut recta in latere dextro figuratum, in altero autem figura conspicerentur. *Mosaycum* enim Serpentem fuisse Crucis Dominicæ typum & figuram, sine dubio constat, multisque Patrum testimoniis ex instituto probant *Jacobus Gretserus* De Sancta Cruce, Lib. 1. Cap. 45. & *Jacobus Bosius* in Tractatu a se inscripto *La tronfante Croce*, Lib. 3. Cap. 16. Forte autem ipsiusmet Serpentis columna, sicuti nunc porphyretica est, & prægrandis; sic ex alio lapide, ac longe minor antehac fuerat; qualis nempe congrueret capitulo illi, e quo Serpens ipse, ad medium ventris plumbo insitus, hodieque se attollit.*


CIC. Ejusmodi porro Serpentem, vel ipsummet esse *Mosaycum* (de quo Liber Numerorum, Cap. 21.) ab *Ezechia* postmodum Rege (prout habetur Lib. 4. Regum, Cap. 18.) propterea confractum, quia Israëlitarum incensum ei adolerent; sed postea col-

lectis & ex ordine coagmentatis fragminibus redintegratum: vel ex ipsius saltem ære liquefacto conflatum: atque ab *Arnulfo* Archiepiscopo, nominis hujus Secundo, e *Constantinopoli* translatum, & in hac Basilica collocatum: certe consentiunt etiam plures Archiepiscoporum nostrorum Catalogi, nimirum, & insertus Actis Ecclesiæ *Mediolanensis*, & inscriptus *Successores Sancti Barnabæ*, & ii pariter ambo, quos nobis Archipresbyter *Metropolitanus*, itemque Urbis hujus Secretarius commodarunt: præterea vero etiam *Bernardinus Corius* in *Historia Mediolanensi* ad Annum *Christi* Undemillesimum: *Gaspard Bugattus* in *Historia sua Universalis*, inter Annum *Christi* Nongentesimum nonagesimum sextum & Millesimum secundum: *Paulus Morigia*, *Joannes Franciscus a Basilica Petri*, & *Joannes Baptista Villa*, in *Libris* illis aliquoties in hoc Opere jam citatis de septem Urbis hujus Ecclesiis: sic etiam *Joannes Franciscus Besutius* in sua *Mediolanensium Pontificum Historia*. Sed enim nonnulli etiam ex his Scriptoribus in eo interim errant, quod ejusmodi Serpentem asserunt Archiepiscopo huic nostro datum a *Constantinopolitano* Imperatore *Nicephoro*: quem alioqui aliquot ante annos necatum fuisse satis jam constat ex iis etiam, quæ nos ipsi jam supra produximus Num. 182. Quibus profecto ii etiam turpius errasse convincuntur, qui Serpentem istum retulere acceptum *Arnulfo* Archiepiscopo, non Secundo, sed Primo: quo scilicet tempore *Nicephorus* filiam suam *Theophaniam Otthoni*, non Secundo (sicut affirmantem jam vidimus Num. etiam 180. nedum 182. *Sigonium*) sed Tertio disponisset: quasi vero *Theophania*, quod certissimum est, *Otthoni* Secundo nupta non fuerit.

CC. Placet autem hic etiam separatim recensere quæ de Cruce illa, quæve de Serpente juxta illam posite leguntur in Archiepiscopali Visitatione, qua Sanctus *Carolus Borromeus* hanc Basilicam lustravit Anno *Christi* Millesimo quingentesimo sexagesimo sexto. Ista nempe illic habentur: *Altare, Crucis Ruberæ nuncupatum, secus pilastrum, in medio Ecclesiæ constructum* (ad eam quippe Crucem decursu temporis Altare construxerant) *fuit dotatum a quondam Domino Stephano de Rosate. Possidetur per præfatos Venerabiles Monachos. Hoc Altare, sicut supra, in medio Ecclesiæ constructum, & ornatum Ecclesiæ quodammodo impediens, videretur tollendum* (sicut & re ipsa sublatum fuit) *& ad aliud Altare transferendum. E contra hoc Altare adest quidam Serpens æneus, in summitate cujusdam columnæ marmoreæ impositus: qui vulgo habetur pro illomet, quem Moyses in deserto ex præcepto Dei pro epidemia sedanda fabricare fecit. Est quædam superstitio ibi mulierum pro infantibus morbo vermium laborantibus. De qua quidem superstitione plerique agunt Scriptorum, quos paulo ante memorbamus. Quamquam etiam Bugattus (& ille quidem Ordinis Dominicani Religiosus) acriter contendit, non superstitionis, sed pii cultus fuisse, quod ante Serpentem illum & Crucem infantes sisterentur, prima nimirum die post Dominicæ Resurrectionis celebritatem: quæ tamen consuetudo jam penitus exolevit. Ceterum in veteri Tabella Indulgentiarum, antiquitus huic Basilicæ concessarum, sic etiam scriptum invenimus: Item cuilibet personæ visitanti gloriosissimam Crucem, quæ posita est in medio Ecclesiæ juxta Serpentem æneum, sunt omni die anni quinque: & in die Veneris duplicantur. Illud autem nobis observatu similiter dignum videtur, quod in hac Basilica non alibi, quam juxta eum Serpentem; tamquam utique juxta propriam sui figuram, imago Crucis hodieque conspicitur; cum alioqui ea in reliquis Urbis & Dicecesis hujus Ecclesiis, ac præsertim insignibus, ex antiquo solita fuerit collocari sub ipso Cappellæ Majoris fornicato Arcu, inter Alta-*

A re Majus & populum; sicut etiam postmodum a Sancto *Carolo* inter Ecclesiæ *Mediolanensis* Acta pluries cernimus præscriptum, ut omnibus in Ecclesiis, & præsertim Parochialibus, servetur.

CCI. Quid, quod autem hujusmodi Serpentem nonnulli asserunt ab ipsomet Sancto *Ambrosio* in hac sui Basilica erectum? In hanc sententiam proferre in primis præstat, quæ doctissimus pariter ac humanissimus Pater *Mattheus Valerius*, Num. 182. memoratus, nobis suppeditavit, e *Manuscripto Chronico*, quod *Petri Sorexine* Theologi Opus esse opinatur, a se verbatim deprompta. *Præfatus Divus Ambrosius* (verba sunt Auctoris) *a Theodosio habuit illum pretiosissimum Clavum, qui erat in Constantinopoli, in forma fræni equi factum per Beatissimam Helenam, matrem Magni Constantini Imperatoris: qui fuit unus ex Clavis infixis in corpore Domini nostri Jesu Christi. Item ipse Sanctissimus Ambrosius in ipsa Civitate Constantinopolitana invenit UNUM SERPENTEM ÆNEUM, qui dicebatur & adhuc hodie dicitur SERPENS MOSAYCUS: quem fabricari fecit Moyses in deserto jussu Dei: & iste Serpens figurabat futuram Passionem Jesu Christi. Et ista secum tulit & portavit Mediolanum. Clavum autem, scilicet frænum, cum immensa reverentia, & populi devotione, & lachrymarum effusione, propriis manibus collocavit in Ecclesia Sancti Salvatoris, quæ nunc dicitur Sanctæ Theodolæ: SERPENTEM AUTEM ÆNEUM COLLOCAVIT IN ECCLESIA SANCTORUM MARTYRUM (Protasii & Gervasii) QUÆ NUNC DICITUR SANCTI AMBROSII SUPER UNA COLUMNA LAPIDEA, juxta Crucem, quæ est cooperta panno rubro: quæ Crux in diversis temporibus ostendit multa miracula. Hæc igitur Auctor hujus Chronici loquitur, Sancti *Ambrosii* tempus & acta enarrans. Verumtamen ad *Arnulfi* postea Secundi Archiepiscopatum progressus, eundem Serpentem illimet ipsi asserit ab Imperatore *Constantinopolitano* donatum; sicut idemmet Pater *Valerius* accurate observavit, meque fecit certiorum. *Albertus* porro *Leander* in sua *Universæ Italiæ Descriptione*, qua scilicet parte *Mediolanum* describit, tam de sacro illo Clavo, quam de Serpente hoc *Mosayco*, sic adhæsit Chronologi ejus sententiæ, ut ipsamet ejus verba, nuperrime a nobis recitata, *Italice* reddiderit. Vide autem, quemadmodum *Franciscus Schottus* in suo *Itinerario Italiæ*, Libro primo, eandem sententiam paucioribus hisce verbis expressisse videatur: *Ostenduntur insuper variæ in Sacratio Divorum Reliquiæ sanctæ: atque inter eas ÆNEUS SERPENS, IN MARMOREA COLUMNA POSITUS: munus a Theodosio Augusto quondam allatum Mediolanum, cum uno Clavo ex iis, quibus in Cruce Servator noster fixus. Clavus autem in Divæ Theodolæ Templo servatur: Serpentis hujus imago habetur pro eadem, quam Moyses in deserto Judeis suis fabricavit. Loquitur autem hoc loco Schottus de Ambrosiana ista Basilica: quam tamen perperam (quod extero condonandum est homini) *Ædem Divi Ambrosii in Nemore* appellat; cum hæc alioqui *Ædes* in *Portæ Cumanæ* suburbio existat, & ab hac nostra Basilica circiter unum milliare distet. Legatur vero etiam *Tractatus* ille de variis per *Mediolani* Urbem ac Dicecesim Indulgentiis ac Sanctorum Corporibus, Millesimo quingentesimo decimo quinto Anno typis editus, cujus item alias testimonio usi sumus. In eo nimirum tam Serpentis hujus, quam ejus Crucis erectio, tamquam e priscorum Regestorum auctoritate, non alteri, quam Parenti nostro *Ambrosio* adscribitur. Ibidem vero per visum celitus immisum *Ambrosius* in Urbe *Roma* invenisse affirmatur eam Tabellam, cui *Pilatus* inscripserat *JESUS NAZARENUS, REX JUDÆORUM*, eandemque occulto *Mediolanum* allatam, Cruci juxta Serpentem hic erectæ inseruisse. Quod**



a nobis credi non patitur eamet lignea Tabella, *Roma* adhuc in Templo Sanctæ Crucis adservata: nisi forte partem solummodo aliquam ipsius interpretemur Cruci huic insertam fuisse. Siquidem *Roma* item non integra extat, sed ejus solummodo fragmentum; sicuti *Jacobus* etiam *Gretserus* Libro primo *De Sancta Cruce*, Cap. 28. testatur.

CCII. Sic itaque *Mosaycum* adhuc Serpentem, vel ex parte, vel in totum, Basilicæ huic nostræ vendicavimus, five Sanctus *Ambrosius*, five *Arnulfus* Secundus Archiepiscopus hic illum erexit. Sequitur nunc, ut videamus, quemadmodum Scriptores nonnulli, vel etiam nostrates, pro *Mosayco* nobis profanum æthnicumque Serpentem obtrudant. quos alioqui vel ipsemet Serpentis nostri situs (quippe tam sacra & religiosa in *Æde*; quippe juxta Dominicam Crucem, tamquam figura juxta sui figuratum) saniora docere meditamenta potuerat. Quos quidem ita sensisse, tum vero magis etiam miramur, quando simul in hoc Sancti *Ambrosii* operam nobis æque oggerunt. *Flavius* ante alios *Blondus* ita nobis edisserit e vana pariter ac ridicula *Phœnicum* Theologia, quam coarguere orsus erat: Unde felicem *Dæmona* (*Phœnices*) appellant Serpentem: cui divinissimo, ut dicunt, animali, *Ophioni* appellato, sicut cæteris *Diis*, immolabant. Quam admiratus insaniam BEATUS ECCLESIAE DOCTOR AMBROSIVS, ut sacratissimam Dei nostri *Jesu Christi* Religionem Christianis hominibus redderet gratiorem; hunc OPHIONEM, qui & Latine Serpens dicitur, qualis a Gentilibus Italicis, *Phœnices* imitatis, colebatur, IN SUA MEDIOLANENSI ECCLESIA CONSERVARI VOLUIT: QUI ETIAM NUNC INTEGER CONSPICITUR. Huic autem *Blondi* commento simile pariter illud est, quod in suo Chronico *Mediolanensi* *Donatus Bossius* producit, exortus ab Anno Christi Trecentesimo nonagesimo, ac de Sancti *Ambrosii* obitu locutus. Ita namque ille scribit: *Instauravit* (*Ambrosius*) hoc idem Templum (five *Ambrosianam* istam Basilicam) quod ejus tempore sub *Bacchi* titulo colebatur (nos quidem ista necdum credere potuimus) ærum ante Christi adventum *Æsculapii*, *Medicinæ Inventoris*, fuerat. Sed qualinam, *Bossius* argumento id probabis? Argumento est (subdit) quod adhuc in medio fere Templi, in marmorea columna AENEUS SERPENS ERECTUS EST: in qua forma *Æsculapius* colebatur, quem populus in languorum remedia suppliciter visere solebat; Quæ superstitio usque adeo invaluit, ut nunc quoque prima feria post Dominicam Resurrectionem, quo die Sancti Angeli festum celebratur, per singulos annos pueri eo contra lumbricum infestationes deferri soleant. Atqui, si pueri superstitione illuc deferrebantur; probare *Bossius* debuerat, ejusmodi superstitionem continenter ex ea profectam fuisse, qua *Mediolanenses* olim *Ethnici* *Æsculapium* sub ea Serpentis figura coluerint. Sequitur porro *Bossius*: Nec verum est, quod in *Chronicis Mediolanensibus* scriptum est: a quodam Archiepiscoporum in memoriam ejus, quem *Moses* in deserto divina admonitione ad arcendam serpentum sevitiā a populo *Israel*, quo die eum visitasset, fabricavit, fuisse impositum; cum *fideliore* de hac re *Scripturæ* extant. Quidni vero *Scripturas* istas proferebat? Sed quænam ea fuerint, forte comperiemus e *Francisco Ciceræo*. Hic Antiquorum Monumentorum Urbis *Mediolani*, ab *Alciato* prætermisissorum, binos conscripsit ad *Galeatum Brugoram* Libros: quos *Ambrosiana* Bibliotheca manuscriptos, neque typis hactenus unquam editos, conservat. Libri ergo primi Monumentum duodecimum esse voluit ænei Serpentis in *Ambrosiana* Basilica simulacrum. Itaque hoc præmissio titulo, Serpentem pro *Æsculapio a Veteribus cultum*, & eidem dicatum fuisse, unius *Bernardini Arluni* testimonium tam multis aliorum testimoniis audacter opponit, huncque

A differit in modum: *Admirandum etiam Veterum artificium in hac ipsa Æde* (*Ambrosiana*) ostendat Serpens ille, columnæ impositus, & maxime conspicuus, ex ære perfectus: quem imperiti eum esse opinantur, quem Dei Optimi Maximi jussu mandatore de furcula suspendit *Moses*. Aliiter, & vere (ut opinor) de hoc ipso sentit. *Arlunus* Jurisconsultus in eo Libro, qui de *Originibus Urbis Mediolani* inscriptus est (iptum ego, tametsi vestigatum, videre adhuc & invenire non potui) esse videlicet Serpentis *Epidaurii* simulacrum, pro *Æsculapio a Veteribus cultum*. Novimus ex *Lucii Flori* Libro XI. *Plinio Cæcilio* de *Viris illustribus* Cap. 22. *Plinio Naturalis Historiæ* Libro 29. a laborantibus pestilentia Romanis pro *Æsculapii* simulacro Anguem *Epidaurum* Romam esse advectum: quem *Plinius Senior* loco jam citato refert ideo *Æsculapio* esse dicatum, quod inesse ei remedia multa creduntur. Existimant enim ceteros *Æsculapium* *Medicinæ* potentissimum. Nec plura in hanc sententiam *Ciceræus*. Bene autem se res habet, quod & ipse notam imperitiæ vicissim a *Josepho Ripamontio* recepit. Libro enim Quinto *Historiarum Ecclesiæ Mediolanensis*, de hoc Serpente *Ripamontius* ita exorditur: Est in *Ambrosiana Æde* Anguis æneus: quem, trifurca micantem lingua, & ferociter arrectum, columna vetustissimi operis attollit. VULGUS IMPERITUM Insigne hoc ipsius *Æsculapii* diu credidit esse; cum eam famam acceperint sine capite & auctore. Quæ porro tam hic, quam postmodum etiam Libro Nono de *Arnulfo* Primo Archiepiscopo agens, de hoc Serpente profectur: eadem Lector in ejus primo *Historiarum* Volumine perlegat. Sed multo etiam plura inveniet apud *Tristanum Chalcum*, *Historiæ Patriæ* Libro Tertio non procul ab initio, & Lib. 6. ad Annum Milleimum undevigesimum: quæ nos brevitatibus gratia omittimus; hoc excepto, quo ille pessime accipit opinionem ceteroqui tam multis comprobata. Alterum (inquit Lib. 3.) signum, marmorea columnæ superstat ex ære Serpens, arrecto capite, hianti ore, vibranti lingua, cauda in ventos sinuosa; media vero corporis longitudine penitus in orbem convoluta. Cujus auctorem equidem adhuc non probo: neque admitto fabulas, quæ vulgo circumferuntur; quibusdam dicentibus altarium *Constantinopoli* ab *Arnulfo Mediolanensi Archiepiscopo*, delectum optione facta ex omni Imperatoris gaza, & ejus vice annulum cum prægrandi gemma ab eo depositum. Vanitatis enim argumentum censui; quod alter *Arnulfus*, Archiepiscopi gentilis, & rerum diligens Scriptor, nullam omnino mentionem de eo facit. Vere nullam: non inficiamur: idque jam facti fuimus Num. 182. Atqui luculentam ille mentionem facit saltem de *Constantinopolitana* ejus Archiepiscopi profectio: ipsumque testatur Imperatori *Constantinopolitano* ita charum fuisse, ut, quicquid poposcit, impetraverit. Quo per eum *Historicum* testato; quid vetat quin congruenter ad ejusmodi testimonium Archiepiscopus ille noster regium aliquod ejusmodi munus ab eo receperit Imperatore, tametsi munus illud ab eo ipso *Historico* nullatenus memoretur? Quam multa vero sunt insuper alia, quæ ille idem per ea tempora silentio involvit, penitusque prætermisit? Præ multis aliis, quæ proferri possent, exemplo nobis sit sacri Fratrum *Humiliatorum* Ordinis origo: quam idem ipse *Chalcus* Anno Christi Millefimo decimo nono deducit e quibusdam præsertim *Mediolanensibus* & *Comensibus*, quos *Henricus* Imperator, abductos a se in *Germaniam* exules, ac religiosæ postmodum illic vitæ studio ductos, in patriam redire tandem permiserit. Et tamen de hujusmodi *Humiliatis* muta penitus est *Arnulfi* *Historia*. Denique vero etiam celeberrimum illud apud *Dialecticos* pronunciatum nos quidem hac in re fidenter *Chalco* opponimus: Argumentum, negative desumptum ab alicujus auctoritate ac testimonio, nihil

prorsus concludit. Arnulfus Historicus, & quidem diligens, non meminit, ejusmodi Serpentem Constantinopoli ad hanc Basilicam ab Arnulfo illo Archiepiscopo fuisse allatum; igitur ille re vera non fuit ab ipso huc allatus; allatumque dicere, vanitas est, fabula est. Negamus nos utique conclusionem: ac si non ipse meminit; certe tamen alii Scriptores, & docti & graves, meminere; ut supra jam vidimus. Sed enim de Serpente isto æneo satis hæc sunt. Nunc ab Otthonis Tertii obitu ad ipsius Successorem, atque ad alia nostro consentanea instituto progrediamur.

CCIII. Otthonis morte comperta (inquit Sigonius initio Libri Octavi, ad eundem Annum Christi Millesimum secundum) pristinus repente de recuperando Regno Lombardiæ tumultus, ac vetus seditio renovatur. Ejus initium ab Ardoino (ab aliis Arduinus, vel Harduwigus, Harduwigusve nominatur) Dodonis filio, Eporediensis Marchione, profectum est &c. Itaque Conventu super ea re Papiæ antiquo Longobardorum more indicto, frequenti Concilio, Rex Italiæ ut creetur, omnium consensione decernitur. Nec dubium fuit, quin Ardoinus ipse, Conventus auctor, consentientibus Principum suffragiis legeretur, idemque extemplo regis insignibus ornaretur. Itaque, Ardoino regnante, Tabulæ scriptæ Mutinæ adhuc apud Canonicos, Papiæque apud Monachos Sancti Salvatoris leguntur. Arnulfus Archiepiscopus, quo tempore Ardoinus in ea Synodo creatus fuit Rex, nondum e Constantinopolitana Legatione redierat; sicuti Trifanus etiam Chalvus obtervavit. Cum ergo rediisset, eodem teste Sigonio, cum dignitatis tum animi altitudine nixus, insignem sibi injuriam factam denunciat, quod injussu suo Rex Italiæ lectus & coronatus sit: cujus a Carolo Magno jus nulla interruptum iniquitate temporum fuerit. Ob eam rem Episcoporum Abbatumque Concilium Laude convocat, atque frequenti concione antiquum decretum Divi Gregorii Pontificis recitat: in quo disertè scriptum sit, ut, vacante Italiæ Regno, Archiepiscopus Mediolani intra dies quatuordecim Suffraganeos suos advocet, atque ex illorum sententia Regem Italiæ creet. Inde in Ardoinum conversus, neque recte neque ordine fecisse illum ostendit: qui, se inscio, Conventum Principum advocavit, ad eosque de Rege creando retulerit, ac lectus denique contra omnia vetustatis exempla ab alio, quam a seipso, regium diadema suscepit. Itaque videndum sibi esse, ut jus suum retineat. Proinde, si eis videatur, Ardoinum Regem vitio factum pronunciare, atque Henricum Bavarie Ducem, a Germanis Proceribus Regem Germaniæ subrogatum, more instituto Regem Italiæ destinare. Atque ita, sententia ejus approbata, Conventus dimittitur. Hactenus Sigonius. Certe autem hoc ipso Anno Henricum istum creatum fuisse Italiæ ac Longobardorum Regem, constabit etiam ex ipsius Diplomate, quod paulo post a nobis in medium proferetur.

A.C. 1003. CCIV. Interim Anno Domini supra Millesimum tertio Abbatem Monasterii hujus nomine Joannem habemus: idemque mox in prædicto Henrici quoque Regis Diplomate memoratus nobis occurret.

CCV. Eodem Anno validus Henrici exercitus, ab ipso in Italiam missus, Otthonique Duci ad regendum traditus, in Campo Fabricæ ad Alpes in fugam conjicitur ab Ardoino. Quo audito (subdit Sigonius ad eundem Annum) Henricus, transalpinis bellis prægravantibus, Ardoinum atque Italiam in præsens omittere est coactus. Sed interim tamen nihilominus se tanquam Regem Italiæ gerebat; neque Mediolanenses una cum Archiepiscopo alium admittebant.

A.C. 1005. CCVI. Anno siquidem quinto supra Millesimum Henricus, Trajecti agens, die secunda Maji Monasterium istud sequenti donavit Privilegio, rogatus a Joanne Abbate, hinc ad ipsum profecto:

IN Nomine Sanctæ & individue Trinitatis. HEIN-

A RICUS, divina favente clementia; Rex Francorum, atque Longobardorum. Semper enim justum Nobis esse videtur, quatinus justis petitionibus nostrorum Fidelium aures benignas accommodare non differamus, pro quibus eos fideliores esse nobis nullo modo dubitamus. Unde fore notum volumus omnibus nostris Fidelibus, sub nostro jure & regimine degentibus, JOHANNEM, ABBATEM ABBATIÆ SANCTI AMBROSII SANCTORUMQUE MARTYRUM PROTASII ATQUE GERVASII, UBI EORUM CORPORA REQUIESCUNT NOBILITER TUMULATA, nostram Dorinburg petiisse clementiam: quatinus Cortes supradictæ Abbatie pertinentes cum omni sua integritate per hujus nostri Præcepti Paginam confirmando concederemus. Hanc igitur justam petitionem considerantes & dignam; non ejus petitionis preces turbavimus; sed pro animæ remedio nostræ statim concessimus; & hac Pagina nostri Præcepti confirmare non tardavimus. Quocirca, nullatenus prædicti Abbatis renuntiata petitione, has Cortes, quas Piiissimi Reges Ugo & Lotharius, prædecessores nostri, pro salute animarum suarum supradictæ Abbatie dederunt, ceterique tam Reges quam Imperatores concedendo confirmaverunt, videlicet LEMUNTAM, FELICIANUM, PASILIANUM, ET MONTEM, concedendo confirmamus & corroboramus supradicto Monasterio, cum omnibus ad se pertinentibus, cum superioribus scilicet & inferioribus, cum servis & ancillis, aldionibus & aldiabus, cum Cappellis, castris, vineis, campis, pratis, pascuis, silvis, montibus, alpiibus, aquis, aquarumque decursibus, molendinis, piscationibus, ac cum omnibus eisdem pertinentibus. Insuper concedendo confirmamus per hanc nostri Præcepti Paginam EIDEM MONASTERIO SANCTI AMBROSII, ATQUE SUPRADICTÆ ABBATIÆ SANCTORUM MARTYRUM PROTASII ET GERVASII, Mansos duos, unum IN MELONICO, alium IN VILLA CLEPIATE, quos præcessor noster Karolus prædictæ Abbatie confirmavit. His itaque prælibatis firma ac stabili mentis intentione omnia supradicta confirmamus in integrum: ea videlicet ratione, UT ABBATIA PER OMNIA BEATI AMBROSII ATQUE BEATORUM MARTYRUM PROTASII ATQUE GERVASII SUPRADICTAS CORTES, LEMONTAM, FELICIANUM, PASILIANUM, ET MONTEM, necnon & supra scriptos duos IN MELONICO ET CLEPIATE Mansos habeat; ita ut nullus Dux, Marchio, Comes, Vicecomes, Gastaldio, nullusque Episcopus, nullaque nostri Regni magna parva mediocris vel minima persona, contra hoc nostrum Præceptum de supradictis rebus agere præsumat. Si quis autem infelici animo, quod absit, corruptus contra hoc nostrum Præceptum agere temptaverit, aut quod semel a Nobis præceptum est infringere voluerit; sciat se compositurum auri optimi libras mille; medietatem Camere nostræ, & medietatem prædictæ Abbatie, cui violentiam intulerit. Quod ut verius firmitusque credatur, diligentiusque ab omnibus observetur; manu propria corroborantes, Sigilli nostri impressione subtus jussimus insigniri.

F Signum Domni Heinrici Regis..... Invidiissimi. Egilbertus Cancellarius, vice Vuilligisi Archicappellani, recognovit: Anno Dominicæ Incarnationis Millesimo quinto, Indictione secunda, Anno vero Domni Heinrici secundi Regis tertio. Data sexto Nonas Maji, Actum Trajectum feliciter. Amen.

CCVII. Perhonorificum fuisse olim Custodis nomen in Ecclesia Mediolanensi, satis jam e superioribus liquet, ac nominatim etiam e Num. 18. Ibi Eriberium de Antimiano, qui post Arnulfum Secundum Mediolanensis Archiepiscopus fuit, asseribamus Anno Christi Millesimo septimo Ecclesiæ Metropolitane Subdiaconum, ac simul etiam Vincentianæ apud

apud *Ganturium* Ecclesiæ Custodem fuisse. Tempus ergo jam est, ut hoc ipsum comprobemus. Certe autem lapidea & antiqua Inscriptio ita comprobabimus, ut posteritati non displiceat eam inspexisse qualem nos proferemus. Eandem recitant etiam *Carolus a Basilica Petri*, qua parte inter Fragmenta Historiæ *Mediolanensis* agit *De Corporibus Sanctorum Innocentii, Adeodati, & aliorum, qua sunt Canturii: & Philippus Ferrarius* in Catalogo Sanctorum *Italiae*, sub secunda Julii die, in Sancto *Adeodato* Presbytero *Galliani*. Sed illi non sine mendo aliquo, vel lacuna; sicuti constabit e collatione, quæ fiat cum nostro exemplari, quod mox dabimus hic exscriptum. Idiplum nos accepimus olim descriptum ea ipsa characterum figura, qualis in utroque lapide conspicitur adhuc, sed ægre, sed vetustate admodum exesa. Etenim rogatu nostro recenter etiam per nostrum illic amicum recognita fuit. Ejusmodi vero exemplar ab Hæredibus *Joannis Pauli de Clericis* accepimus. Sacerdotis ejus, Sacrarum præsertim Cæremoniarum ac Rituum peritiam celeberrimi fama etiamnum durat. Tempore autem Sancti Cardinalis & Archiepiscopi *Caroli* summa cum laude Magisterium Cæremoniarum per aliquot annos in Ecclesia ille *Metropolitana* exercuerat: & postquam dilectissimæ *Carolo* Congregationis Oblatorum Sancti Sepulchri Præpositus aliquandiu fuisset, *Nazariane* demum Basilicæ Canonicus fuit: cumque *Antonium de Clericis*, suum ex fratre nepotem, Theologum ac Philosophum Rhetoremque præcellentem, sibi substituisset, interiit. Ipse siquidem inter alias schedas exemplar ejusmodi habebat. Prope *Canturium* igitur, agri *Mediolanensis* Municipium in signe, vetus extat Ecclesia, Sancto *Vincentio* sacra, Plebsque *Galliani* nuncupata: ubi Præpositus demum & Canonici erant, priusquam Sanctus illos *Carolus* inde transfulisset. De hac vero Sancti *Vincentii* Ecclesia sic in ea legitur scheda, quam ego multis ab hinc annis apud me charissimam confervo: In Confessione (sive Scurolo) Sancti *Vincentii*, supra Mensam Altaris.

B. M.

Hic requiescit in pace Sanc. M. Adeodatus Presb. qui vixit in seculo ann. plus minus octoginta quinque. Deposito sub die nono Kalendas Julii, Probo Jun. CConsule per. Indictione tertia. Dehinc vero protinus: Post dictum Altare, in lapide, quem dicunt fuisse in fronte Altaris: ✠ Sexto Nonas Julii Translatio S. Adeodati, & Dedicatio istius Ecclesiæ. Et ibi requiescunt in pace B.M. Ecclesius & Manfredus Presbyteri, seu Savinus Diaconus. Qui fuerunt inventi juxta Sepulchrum ipsius Sancti Adeodati Anno Domini Millesimo septimo, Indictione quinta, tempore Domni *Ariberti de Antimiano*, Subdiaconi Sanctæ Ecclesiæ *Mediolanensis*, & Custodis istius Ecclesiæ, seu tempore *Henrici Regis*. Hæc apud nos in ea scheda: e quibus suppleantur, vel emendentur, quæ desunt, vel diversa sunt, apud *Carolus a Basilica Petri* & *Philippum Ferrarium*, ac si qui forte sunt alii. Sed enim ea Sanctorum Corpora inde tandem in Collegiatam *Canturii* Ecclesiam solemniter translata fuerunt post Annum Domini Millesimum sexcentimum trigessimum primum.

CCVIII. *Baronius* *Henricum* Anno Christi quinto supra Millesimum tradit a *Mediolanensi* Archiepiscopo coronatum *Italiae* Regem in Urbe *Papia* fuisse: testemque profert *Dithmarum* Historicum, *Henrici* hujus Vitæ accuratissimum Scriptorem: cujus tamen Historiam ego hæcenus invenire non potui. Attestante igitur *Baronio*, sic ille scribit Libro Sexto: Post hæc *Papiam* (*Henricus*) visitans Urbem, ab *Archiantistite* hoc, nempe *Mediolanensi*, & a *Primis* illius Regionis susceptus, cum ad mirabili laude ad Ec-

clesiam ducitur, & communi electione sublimatus, in solium regale collocatur. Quid autem vetat, quominus *Papiæ* collocari regio in folio potuerit, ac possimodum *Mediolani* coronari? Summatim porro *Baronius* subinde alia quædam prosequitur a *Dithmaro* narrata, & hoc nominatim: Inde vero (scilicet ex Urbe *Papia*) IDEM REX MEDIO LANUM AMORE SANCTI AMBROSII ACCESSIT. Et hic quidem ipsum tunc ego potius crederem coronatum de more fuisse. *Sigonius* Coronationis hujus locum reticet, atqui tempus asserit fuisse Annum decimum tertium supra Millesimum. *Gualuaneus* enim vero *Flamma* in Manipulo florum Cap. 138. expresse testatur in hæc verba: Hic *Henricus* &c. in *Italiam* venit: & intrans Civitatem *Mediolani*, IN ECCLESIA SANCTI AMBROSII DE MANU ARNULFI ARGHIEPISCOPI, AMICI SUI, IMPERII CORONAM ACCEPIT. Quod ipsum alterius etiam *Chronici* testimonio confirmat in *Chronico* Majori, Cap. 237. Sed & hoc ipsum præcisè affirmatur in Catalogo cum *Archipresbyteri* *Metropolitani*, tum etiam *Secretarii* hujus Urbis, excepto quod pro *Arnulfo* Secundo Archiepiscopo successorem ipsius *Heribertum* perperam nominant. Uterque siquidem sic habent: Istius (*Heriberti*) tempore *Henricus* Primus, Imperator nonagesimus nonus, imperavit annis sexdecim. Ab *Heriberto* Archiepiscopo prædicto IN ECCLESIA BEATI AMBROSII CORONATUR super totam *Italiam*, *Saxoniam*, & *Normandiam*. Sic itaque nos item illum in hac ipsa fuisse Basilica, nedum in Urbe, coronatum existimamus: quodque attinet ad tempus, *Sigonio* potius assentimur.

CCIX. Quemadmodum autem *Sigonio* eidem ad Annum Christi Millesimum septimum, sic etiam nobis in præsentem visum est illud animadversione dignum, cum horum etiam temporum consuetudo ferret, ut omnes ederent, qua quisque Lege vivere vellent, *Romana*, *Longobarda*, an *Salica*; *Bonifacium* (pater hic fuit Comitissæ *Mathildis*) *Longobardam* esse professum, *Mathildem* vero *Salicam*: quod ex eorum Tabulis, quæ plurimæ in Ecclesia *Mutinæ* asservantur, cognoscitur. Vide autem, quemadmodum in aliqua ejusmodi Legum servanda filii non deberent semet accommodare patri, sed certe quidem uxor marito. Sic ergo subdit idem *Sigonius*: Quod in patre & filio (sicut exemplo *Bonifacii* patris ejusque filiæ *Mathildis* nuperrime ostenderat) non idem in viro & conjuge observatum. Unde in eodem Tabulario per hæc tempora sic scriptum invenitur: *Maria*, quæ professa sum Lege vivere *Romana*, sed nunc pro ipso viro meo Lege *Longobardorum* vivere videor, qui professus est ex Natione sua Lege vivere *Longobardorum*. De hac ipsa Legum ejusmodi professione *Chalcus* itidem ad Annum Millesimum decimum nonum in hæc verba differit: Per ea quoque tempora, & in trecentos amplius ab hinc annos, video, invaluisse morem distinguendi homines ex trifaria legis professione. Nam ut olim *Romæ* ex Tribus Civitatis, & nunc ex Porta Parochiaque; ita tunc alius Lege *Romana*, *Longobarda* alius, alius *Salica* se vivere profitebatur, quoties nomen in publicum Monumentum dabant. Duarum primarum nomina satis clara per se sunt; de *Salica* vero diu dubitavi. Demum occurrit *Gallicanarum* rerum Scriptor: qui tradidit, *Faramundum*, *Francorum* Regem, temporibus *Honorii* & *Arcadii* *Cesarum*, ejus Legis auctorem fuisse &c. Talia igitur *Sigonius* & *Chalcus*. Atqui nos talem *Longobardorum* Legis professionem jamdudum legimus etiam in *Ansperti* Archiepiscopi Testamento: quod Num. 129. Annoque Christi Octingentesimo septuagesimo nono proferebamus.

CCX. Annus Christi nobis sequitur supra Millesimum decimus quartus, Imperiali Regis *Henrici* Coronatione insignis. Ut enim optime probavit etiam

A. C.
1013.

A. C.
1014.

Baro-

Baronius ad initium hujus Anni, *Henricus* ejusque conjux *Chunegundis*, ambo deinde separatim a Deo inter Sanctos in Cœlis coronati, una simul *Romæ* a *Benedicto* Papa Octavo Augustali Corona decorantur vigesima quarta mensis Februarii die. Primusne vero an Secundus hujus nominis Imperator sit dicendus: in hoc variant Scriptores: totaque pendet inde varietas, quod alterum quendam *Henricum*, Primi *Otthonis* patrem, nonnulli computant inter Imperatores; alii vero non computant; eam quippe ob causam, quia electus ille quidem, sed a Pontifice *Romano* coronatus non fuerit. Videri potest hac de re Sanctus *Antoninus* Secunda Parte Chronicorum, Tit. 16. Cap. 4. Nos interim, sicut ipsum paulo ante videbamus a semetipso nominatum *Henricum* Regem hujus nominis Secundum; sic *Henricum* Primum Imperatorem appellabimus.

A.C.
1016.

CCXI. Anno Imperii *Henrici* Imperatoris secundo mense Septembris, Indictione quarta decima (qui fuit Annus *Christi* Millesimus decimus sextus) actum in Vico *Anticiaco* (vulgo jam & *Italice Inzago*) & a *Guilhelmo* Sacri Palatii Notario coram *Petro* Judice scriptum se nobis offert publicum Documentum: quo quamplures ejusdem Vici incolæ, quorum ibidem nomina recensentur, sub pœnis ibidem præscriptis ita se obligant Monasterii hujus Abbati, tamquam ejusdem Vici domino, quemadmodum sequentibus hisce verbis continetur: *Habitanter in Vico Anticiaco DOMMI GOTEFREDI, VENERABILIS ABBATIS MONASTERII BEATI CHRISTI CONFESSORIS AMBROSII, UBI EJUS REQUIESCIT CORPUS HUMATUM, fundati foris & prope Civitatem Mediol. itaut a modo in antea non debeant prædicti homines aliam potestatem, aut alium Seniore in prædicto Vico Anticiaco conducere; nec infra Castro de eodem Loco, nec infra Villa, quod aliquam potestatem aut violentiam faciant eidem Domino Gotefredo Abbati Venerabili, nec ejus Misso, nec Scarioni (legendum potius arbitraretur Seniori) ejusdem Loci, quem ipse, vel ejus Successor, in eodem Loco præposuerint; sed per eundem Dominum & Venerabilem Gotefredum, & per ejus Successorem, aut eorum Missum, se distringere & pacificare debeant de omnibus, quæ inter illos acciderint; & omnem legem sequi, & finire, tamquam ante Comitem finita fuissent. Haftenus ibi. Quandonam vero & quomodo Vicus hic *Anticiacum* venerit in hujus Monasterii potestatem, satis ea declarant, quæ Num. 120. nar-
ravimus, a *Garibaldo Bergomeni* Episcopo pie legata. Ecce autem, quemadmodum prædicto *Christi* Anno supra Millesimum decimo sexto Monasterium istud a *Gotefredo* Abbate post *Joannem* regeretur.*

CCXIII. De *Arnulfi* ætate ac fide in scribenda Historia relegi possunt quæ supra collegimus Num. 182. Eo igitur, tamquam Scriptore temporibus istis proximior, qui propterea minus falli aut fallere poterit, nos libentius utemur in describenda Episcopi *Astensis* a nostro Archiepiscopo defectione, itemque poena, quam ille cum fratre suo demum perolvere compulsus fuit, non sine Basilicæ hujus emolumento, ad nominis *Ambrosiani* gloriam perinsigni, perennique. *Tristanus Chalcus* ista conjicit in id temporis spatium, quod, vivente adhuc *Arnulfo* Secundo Archiepiscopo, ab Anno *Christi* supra Millesimum decimo quarto usque ad decimum nonum excurrit. Sic enim deprehendimus in ipsius autographo, quo *Ambrosiana* Bibliotheca jure merito gloriatur: eoque retellimus errorem, typographicæ ipsius editioni præpostere illapsum. In exteriori siquidem margine juxta contentions hujus narrationem adjectus cernitur Annus *Christi* Millesimus vigesimus tertius: & hic quidem dispositus ante Millesimum decimum nonum, quo postea idemmet *Arnulfus* ex hac vita migrasse ab eodem *Chalco* narratur. *Sigonius*

A | autem ista eadem Anno adscribit decimo quinto supra Millesimum. Nos itaque, mediam æque ac indefinitam secuti viam, circiter Annum decimum sextum hæc ipsa contigisse opinabimur. Quæ quidem *Arnulfus* prope finem Libri Primi describit his verbis: *In fortitudine ejus (Imperatoris Henrici) omnis terra contremuit: usque adeo, ut, si qui reperti fuerint Arduini favisse partibus, aut fugerent, aut deditionem facerent. E quibus Astensis Episcopus, relicta propria Sede, Mediolani usque ad libitum latuit. Dederat enim Imperator (Henricus) vivente ipso & abjecto, Episcopatum cuidam Olderico (Ardericum alii nonnulli appellant) fratri Manfredi, Marchionis eximii. Quod factum Archiepiscopus Arnulfus vehementer exhorrens, consecrationem, quæ sibi compete-
B | bat, omnino vetuit. Oldericus autem ille, sua fretus ac fratris potentia, Romam proficiscens, subreptione quadam consecrari se fecit a Romano Pontifice. Quod ubi innotuit Arnulfo, iusta satis accenditur iracundia: non tantum regia institutione, quantum Romana (quod deterius videbatur) indignatus consecratione. Veniens igitur in Conventu Mediolanensis Ecclesiæ, anathematis jaculo Consecrati transfixit audaciam: deinde, collecto undique exercitu copioso, cum Suffraganeis simul Episcopis Civitatem aggressus Astensem, clausis in Urbe Marchione cum Episcopo, densissima obsidione vallavit: nec a populatione belloque destitit, donec, pace composita, illius
C | satisfactum est voluntati. Hæc autem fuit pacis conditio: Quod venientes Mediolanum, tertio ab Urbe miliario, nudis incedendo vestigiis Episcopus codicem, Marchio canem bajulans, ANTE FORES ECCLESIAE SANCTI AMBROSII reatus proprios devotissime sunt confessi. Præterea Episcopus Virgam & Annulum suscepti Pontificatus SUPRA SANCTI CONFESSORIS ALTARE posuit: quæ postea, largiente Archiepiscopo, pie resumpsit. FRATER VERO ILLIUS MANFREDUS MARCHIO DONAVIT ECCLESIAE (nimirum ejusdem Sancti Confessoris Ambrosii) AURI TALENTA QUAMPLURIMA. UNDE PRODUCTA EST CRUX ILLA PULCHERRIMA, QUÆ USQUE HODIE PRÆCIPUIS TANTUM GERITUR IN DIEBUS. Deinde nudis, sicut venerant, pedibus per medium Civitatis ad Ecclesiam Majorem Sanctæ Theotocæ usque deveniunt, ab Archiepiscopo & Clero cunctoque recepti in pace Populo. Hæc igitur *Arnulfus*. Quæ libenter eam quoque ob causam protulimus; quia per hæc alii multi rerum Mediolanensium Scriptores ad veritatis lucem revocantur. Gualuaneus utique Flamma in Chronico Majori, Cap. 238. & in Manipulo Florum, cap. 139. non *Henricum*, sed *Arduinum Italici* Regni usurpatorem asserit Episcopatu illo *Astensi* donasse *Oldericum*: eique suasisse, ut consecrationem a Romano Pontifice acciperet: idque, non *Arnulfi*, sed *Heriberti* Successoris immediati tempore factum esse; quocirca *Heribertum* etiam de ipso eam sumpsisse vindictam. Id ipsum *Heriberto* expresse adscribit etiam Chronicon *Flosforum*, fol. 128. pag. 2. *Sigonius* autem *Arnulfum* quidem fatetur vindicem; atqui, non ab *Henrico*, sed ab *Ardoino* collatum *Arderico* fuisse *Astensem* Episcopatum, & quidem cum decessor ipsius jam obiisset: *Romanque* ab illo præterea missum, ad cape-
D | tendam illic consecrationem. Sed mirum profecto est, quanto longius a vero hac in re *Bernardinus Corius* aberraverit. Etenim, quæ *Sigonius*, immo vero & *Arnulfus* & *Chalcus*, alique inter *Henricum* Primum & *Ardoinum* acta narrant, postquam *Ottho Tertius* Imperator obiisset, cumque Archiepiscopus *Mediolani* esset *Arnulfus* Secundus: eadem *Corius* ad Annum *Christi* Millesimum centesimum decimum nonum eidem tribuit *Ardoino*, & *Henrico* nominis hujus Quarto Imperatori: ac pro *Arnulfo* Secundo Archiepiscopum *Anselmum Pusterlam*, nominis hujus Quintum, male*

male cautus, & tempora pariter ac personas confundens, obtrudit. Veruntamen Arnulfo consentiunt etiam Catalogus Actis Ecclesiæ Mediolanensis insertus, & Joannes Franciscus Besutius in Historia Pontificum Mediolanensium, in Arnulfo Secundo. Ex adverso autem Catalogus Successores Sancti Barnabæ Bernardino potius Corio adhærescit. Sic enim habet in Anselmo illo Quinto: *Hic Archiepiscopus fregit audaciam Episcopi Astensis, qui nolebat inter Suffraganeos Ecclesiæ Mediolanensis numerari.* Quod si forte alii etiam Scriptores in ejusmodi narratione ab Arnulfo dissentiant; ex hoc illos putamus emendandos, & non Arnulfum ex illis.

A.C. 1019. CCXIII. Anno Domini Millesimo decimo nono, quemadmodum Carolus etiam testatur Sigonius, Arnulfo Archiepiscopo Mediolanensi mortuo, Herebertus (aliter Heribertus, vel Eribertus, vel Aribertus) de Arciago locum Henrici beneficio tenuit: qui Ecclesiæ ejus jura virtute ac prudentia sua plurimum auxit, neque Arnulfo in ullo munere obeundo concessit. Gualuanus Flamma in Chronico Majori, Cap. 238. & in Manipulo florum, Cap. 138. sic etiam Chronicon Flos florum fol. 128. pag. 1. ipsum denominant ab Arzago ultra Abduam, velut ad distinctionem ab Arzago Seprii. Nonnulli tamen alii Scriptores eundem non de Arciago Arzagove (qualecumque illud sit) sed de Antimiano prope Canturium appellant, & verius, ut infra constabit. Ipsius autem decessor Arnulfus Archiepiscopus jacet in Basilica Portiana, ubi Monasterium Sancti Victoris ad Corpus fundavit. Sic enim testatum est in tribus prædictis Operibus: primi Cap. 237. secundi Cap. 137. tertii folio 127. pag. 1. Catalogus vero Archipresbyteri Vicecomitis, & alter Aloysii ab Ecclesia sic tantummodo habent: Monasterium Sancti Victoris ad corpus dotavit, ubi ejus corpus requiescit. Quemadmodum igitur Basilicæ Portianæ primam originem in superioribus sæpe, ac præsertim Num. 5. judicavimus; sic etiam ecce jam primum auctorem Monasterii, prope Basilicam illam constructi.

A.C. 1024. CCXIV. Anno Domini Millesimo vigesimo quarto Henricus moritur Imperator. De quo Sigonius ad hunc Annum sic tradit: *Henricus, morbo ingravescens sibi timens, Episcopos & Principes advocavit: ac de Regno consultare, quasi certam mortem oppetiturus, instituit. Ibi, quoniam filios non habebat, de Successore consultus: Conradum, inquit, Franconiæ Ducem, virum consilio manuque promptum, eligit. Idem, cum se morti proximum cerneret, Chunigundem uxorem & propinquos ejus accivit: eosque intuens, Recipite, inquit, quam mihi tradidistis, Virginem vestram. Atque his actis, maxima apud homines castitatis opinione relicta, tertio Idus Julias expiravit.* Quocirca inter Sanctos etiam jure merito relatus ille fuit: atque in Martyrologio itidem Romano id sibi elogium promeruit sub ejusdem Julii die subsequenti, sive decima quarta: *Bambergæ, Sancti Henrici Primi Imperatoris: qui tum uxore sua Chunegunde perpetuam virginitatem servavit &c.* sic etiam de Chunegunde ipsa, quæ postmodum facta Monialis aliquandiu supervixit, legitur sub tertia Martii die: *Bambergæ, Sanctæ Chunegundis Augustæ: quæ Henrico Primo Imperatori nupta, cum virginitatem ipso annuente servasset, bonorum operum meritis cumulata, sancto sine quievit, & post mortem miraculis claruit.* Baronius ergo ibi multa in suis Annotationibus. Ejusdem vero Henrici Vitam legere licet apud Henricum Canisium Tomo Sexto Antiquæ Lectionis, & inde apud Bellarminum Libro Tertio De Officio Principis, ubi etiam nonnulla denique extant collecta e Vitis Sancti Popponis Abbatis ac Sancti Hericerti Colonienfis Episcopi, tum etiam ex Bonifacio De rebus Hungaricis, Decade 2. Lib. 5. sic etiam in Libro inscripto Sancti Augustani, sive Imagines

A Sanctorum Augustanorum Vindelitorum, æneis Tabellis expressæ, Tabella 17. & in Matthæi Raderi Bavaria Sancta. In qua similiter cernere licet Sanctæ Chunegundis Imperatricis Vitam; præterquam quod hæc apud Surium item habetur Tomo Secundo, ab alio veteri gravique Auctore conscripta. Aubertus Miræus in Chronico Belgico de ipsa strictim hæc denique habet: *Post obitum Mariti vitta sacra loco Coronæ sumpta, solenni ceremoni sese rebus humanis omnibus abdicavit: & in Cœnobio Virginum Benedictinarum, Bambergæ a se constructo, totam se Deo mancipavit: ac demum Anno Millesimo quadagesimo sanctissime obdormivit.*

B CCXV. Eodem subinde Anno supra Millesimum vigesimo quarto Conradus, cognomento Salicus, Henrico substituitur. Comitibus inde creando Regi in Germania institutis (hæc utique Sigonii verba sunt ad eundem Christi Annum) nonnullis Principibus in Cononem Ducem animo propendentibus; reliqui, Abbone Moguntino Archiepiscopo contendente, Henrici testimonium auctoritatemque secuti, Conrado Regnum confirmarunt: eumque adversus opes Cononis, omnia regnandi gratia permiscens, sustinuerunt. Qua re audita, Herebertus Mediolanensis Archiepiscopus, antiquo jure revocato, Concilium Episcoporum Principum qui in Roncaliis habuit, atque ad eos de legendo Rege Italiæ retulit. Exquisitis inde singulorum sententiis, cum, aliis alio trabentibus, rem ad exitum perducere non potuisset; relictis Italicis, in Germaniam adiit, & Conradum Regem auctoritate propria salutavit. Vide autem, qualia in eandem sententiam scribat etiam Arnulfus. Etenim non procul ab initio Libri Secundi prosequens ea, quæ post Imperatoris Henrici mortem facta sunt, isthæc quoque scribit: *Factum est autem, ut simul convenientes in commune tractarent de constituendo Rege Primates. Diversis itaque in diversa trabentibus, non omnium idem fuerat animus: interque talia fluctuante Italia, suorum comparium declinans Heribertus consortium, invitis illis ac repugnantibus, adiit Germaniam, solus ipse Regem electurus Theutonicum. Cumque Theutones sibi Conradum eligerent; eundem ipsum laudavit, omniumque in oculis coronavit (legendum ego arbitror salutavit) accipiens ab eo, præter dona quamplurima, Laudensem Episcopatum: ut, sicut consecraverat, similiter investiret Episcopum. Veruntamen, Italici Regis eligendi gratia, multos etiam Italiæ Principes una cum Heriberto Archiepiscopo in Germaniam perrexisse, satis constat e Vuippono Presbytero, & ipsimet Conrado a Sacris, in ejusdem Conradi Vita: in cujus Epistola Nuncupatoria se proficitur ea tantum scripsisse, quæ vel ipse viderat, vel aliorum relatu didicerat. Ejusmodi autem Vuipponis Opus in lucem primitus e Bibliotheca sua edidit Francofurti Anno Millesimo sexcentesimo septimo Joannes Pistorius in Volumine sic inscripto: *Rerum Germanicarum veteres jam primum publicati Scriptores sex.* Sicut igitur Vuippo iste narrat Titulo De Conventu Principum, Italiæ Principes, cum propter temporis ab Henrici obitu brevitate convenire non potuissent ad regiam Conradi electionem, inter Moguntie Vuormatieque confinia factam; in Urbe postmodum Constantienfi eidem Regi occurrerunt una cum Archiepiscopo Mediolanensi; eique fidelitatem libenti animo juraverunt.*

F CCXVI. Conradus eodem pariter Anno, vigesimo quarto supra Millesimum, Moguntie in die Nativitatis Beatissimæ Virginis consecratur in Regem; sicut idemmet Vuippo testatur Titulo De Consecratione Regis. Idemque postea Titulo Qualiter Rex cum Italis placitavit, hæc item subnectit: *Anno primo Regni sui Chuonradus Rex diem sanctum Pentecostes in Constantia Civitate celebravit. Ibi Archiepiscopus Mediolanensis Heribertus cum cæteris Optimatibus*

Puricellus,

I.

Ita-

Italicis Regi occurrebat: & effectus est suus, fidemque sibi fecit per sacramentorum & obsiduum pignus; ut, quando veniret cum exercitu ad subjiciendam Italiam, ipse eum reciperet, & cum omnibus suis ut Dominum & Regem publice laudaret, STATIMQUE CORONARET. Similiterque cæteri Longobardi fecerunt, præter Ticinenses, qui & alio nomine Papienses vocantur &c. Reliqui vero Italici, amplissimis donis a Rege honorati, in pace dimissi sunt.

CCXVII. Prosequitur Arnulfus ea, quæ proxime nos ex ipso recitabamus: atque sic inquit: Rediens vero securus in omnibus (Heribertus) totam suis Legationibus evertit Italiam, alios re alios spe benevolos faciens, donec suum Electum laudare fere omnes suscipiendum. Tali fultus remigio veniens Conradus Italiam, AB EO, UT MORIS EST CORONATUR IN REGNO. Quonam vero præcise Anno venit in Italiam Conradus? Ipsum primo vere Anni Millesimi vigesimi sexti venisse Sigonius ad hunc ipsum Annum affirmat in hæc verba: Conradus autem, simul ut nutantes res Italicas opportune inviseret, simul ut Insignia Regia & Augusta de more acciperet, primo vere expedito cum exercitu in Italiam transit. Ibi ab Hereberto rogatus, Paschate Vercellis æsto, Mottenses (ita nuncupati e loco inter Mediolanum & Laudem munito, in quem illi se contraxerant) qui in armis erant, invasit: atque eis, vixdum inito prælio fuis, veniam pacemque petentibus, haud gravate, ipso permittente Archiepiscopo, gratiam patriamque restituit. His gestis, magno inde honore MEDIO LANUM INTRAVIT, AC REGIUM AB ARCHIEPISCOPO DIADEMA SUSCEPIT. In eundem vero Christi Annum consentit etiam Vuip-
1026. po, Titulo Quod Rex Papienses affligerit. Neque porro discrepat Vuibertus Archidiaconus, ejus ævi Scriptor, in Vita Sancti Leonis Papæ Noni, Leucorum antea Sedis Episcopi, ac nomine Bruno-
nis. De quo ille ita tradit Capite Septimo: Anno igitur ætatis vigesimo tertio, cum jam alteram adolescentiæ hebdomadam fuisset ingressus, & ab incarnato Dei Patris Verbo Millesimus vigesimus quintus excurreret Annus, vice sui Pontificis (nempe Leucorum in Belgio) Herimanni, in expeditione præfati Conradi Imperatoris, Longobardiam (& maxime super Mediolanum) tunc rebellem præclarus Bruno est profectus, Levitico Officio insignitus. Namque, illo suo Antistite annis morbisque prægravato, ipse auxiliares militum copias, Imperatori venientes a Tullo, ducendas & disponendas suscepit, tam ejusdem Episcopi quam Augusti placito; salvo tamen per omnia proprii gradus Sacramento. Et postea Capite Octavo: Denique instantie Anno ab Humanitate Filii Dei Millesimo vigesimo sexto, Leucus Præsul Herimannus abstractus est carnis ab hospitio; cum quadragesimali tempore moraretur Colonie in quodam suo prædio. Extemplo Clerus & Populus, Provisore orbatu, concordii voto eademque sententia confæderatus, diu sibi desideratum & dilectum Brunonem consonis & continuatis expetit vocibus. Agebat vero jam tum in Italia tam Conradus, quam Bruno; sicut ex hujus Operis contextu liquidissime constat. Itaque protinus huc ad ipsos ab eo Clero & Populo litteræ diriguntur. Sed, uti jam vidimus, Vuibertus Annos Christi computat ab ejus Incarnatione: qui proinde singuli ad vigesimam quintam Martii diem protenduntur. Quocirca, sicut aliquoties in superioribus jam monuimus, qui dies a Calendis Januarii usque ad vigesimam quintam Martii diem Romano more pertinent ad Annum Millesimum vigesimum sextum: iidem, juxta Vuibertum aliter computantem, pertinent ad Millesimum vigesimum quintum. Labet autem per hanc opportunitatem commemorare Ditionis hujus Mediolanensis Oppidum, cujus memoria penitus jam intercidit, ut opinor: quod a Conrado

A tunc oppugnabatur, quando Bruno reditum ad Leucos parabat, ut Episcopatum ipsorum susciperet. Nam illis forte diebus (tradit Vuibertus Cap. 10.) regius exercitus Orbam, Mediolanum Oppidum, oppugnabat; quia inibi insidi infidelitatis apostatæ, Imperatori subjectionem abnegantes latitabant. Sed ab his ad Conradi Coronationem revertamur: & quoniam Mediolani, sicuti moris, coronatus ille fuit; eundem propterea concludamus in hac ipsa Basilica coronatum fuisse. Gualuaneus porro Flamma, & Auctor Chronici Flos florum, quos Auctores paulo post proferemus, idipsum expresse testantur: sed & Catalogus Archipresbyteri Metropolitani, alterque Aloysii ab Ecclesia, his præcise verbis: Hic (Conradus) per prædictum Heribertum IN ECCLESIA BEATI AMBROSII CORONATUR. Quam falsum vero, sicut abunde constat e dictis hætenus; tam profecto mirum, ne dicam pudendum, est illud, quod in Catalogo Successores Sancti Barnabæ legitur in hæc verba, de Archiepiscopo isto Heriberto concepta: Primus omnium Archiepiscoporum in Urbe Mediolani coronavit Conradum Imperatorem. Non enim coronavit eum in Urbe, quasi vero intra muros Urbis coronaverit: quo quidem sensu primus fortasse coronasset. Coronavit ergo in Urbe ita, ut Basilica quoque isthæc Ambrosiana velut intra Urbem comprehenderetur. Itaque re vera non ipse primus, sed nonnisi post multos alios Decessores suos, Imperatorem in Urbe Mediolani coronavit.

CCXVIII. Conradus enimvero, Coronatione ista Mediolani peracta non contentus, Modoetiae prætere coronari voluit. Inde Gualuaneus Flamma in Chronico Majori, Cap. 240. His (inquit) visis, Archiepiscopus Heribertus iterum in Alamaniam ivit, & Conradum Imperatorem in Italiam perduxit, per Veronam, faciens transitum, ET IPSUM IN ECCLESIA SANCTI AMBROSII REINCORONAVIT IN IMPERATOREM ITALIAE. Cur autem a Gualuaneo dicatur hic eum reincoronasse: hoc e præcedenti ejus Capite patet, cum scriberet: Quibus (Italiae Primatibus) discordantibus, in Alamaniam (Heribertus) ivit: ubi reperit, quod Conradus Gibellinus esset in Imperatorem electus. Quem ipse de plenitudine potestatis ipsum elegit in Regem Italiae, & ibidem in Alamania in Regem Italiae incoronavit. Et hoc ipsum fortasse significabat Arnulfus iis verbis, omniumque in oculis coronavit: ubi pro coronavit legendum ego ex aliis Scriptoribus quin etiam ex ipso fomet postmodum Arnulfo conjectabam salutavit. Quomodocumque tamen istud se habeat: Gualuaneus eodem Cap. 240. ita protinus sequitur: Imperator tunc ait: In Modoetia volo similiter incoronari. Respondit Archiepiscopus: hoc non oportet. Ait Imperator: MODOETIAM. Ex, tunc illa Terra dicta fuit MODOETIA. Ubi cum fuisset coronatus, rediit Mediolanum. Eadem affirmat Chronicon Flos florum fol. 129. pag. 1. sed ordine inverso. Etenim Conradum Modoetiae prius, quam Mediolani, coronatum hisce scribit verbis: Hic (Conradus Gibellinus, de Villa dicta Gibellina natus) ab Heriberto Archiepiscopo primo IN VILLA DICTA VARENTIA, quæ nunc, quia Imperator dixit MODO ETIAM, dicitur MODOETIA, deinde MEDIO LANI IN SANCTO AMBROSIO CORONATUR super totam Italiam, Normandiam, & Saxoniam. Carolus tamen Sigonius eo loci, quem denique proferebamus, Gualuaneo potius adhæret, hunc in modum narrans: Inde Mediolano) Modoetiam progressus, ibi iterum coronari se, vetere renovata consuetudine, petiit: & cum id necessarium esse Herebertus negaret; se Caroli Magni & Posterorum ejus exemplo permoveri respondit. Conradum inde imitati Posterius ac Successores ejus plerique Modoetiensem quoque Coronam appetiverunt. QUAM CO-

CORONAM Mediolanenses, invidia perciti, ad contemptum PALEAREM vocarunt. Hæc utique Sigonius. Quibuscum ea nunc conferas oportet, quæ tot ante Sigonium annis Blondus Flavius Decadis Secundæ Libro Tertio, descripta Conradi Cæsaris electione, primoque in Italiam adventu, sic traderat: Hoc primum in loco tradi invenimus, quod supra, ubi de Sanctiōne Imperatoris deligendi scripsimus, desideratum a nobis fuisse non dubitamus: voluisse, sive Pontificem Gregorium Quintum, sive Otthonem Primum, sive primos Imperatori deligendo constitutos Electores, ut is, qui Cæsar in Germania declaratus Romanam venisset confirmandus, DUAS MEDIO ITINERE CORONAS ACCIPERET: EX PALEA UNAM MODOETIÆ, EX FERRO ALTERAM MEDIOLANI, AB ARCHIEPISCOPO IMPONENDAM. Quod quidem ad tempora usque nostra servatum videmus. Itaque, Conradus Italiam ingressus Modoetiamne adierit, non invenimus, Mediolanum vero cum venisset; armis est repulsus. Ecce enim, quemadmodum Blondus huic primo Conradi in Italiam ingressui ea perperam immisceat, quæ post octo circiter inde annos atque post secundum ejus adventum contigerunt, ut infra suo tempore ac loco recensēbimus: qua in re similiter aberrat etiam Joannes Nauclerus Volum. Secundo Chronographiæ, Generatione Trigesima quinta. Subdit ergo Blondus: Quamobrem Conradus, agro vastato, Mediolanum obsedit. Cumque Mediolanenses obduratis animis se repellendo obstinatiores cerneret; suburbia incendit; non prius inde moturum se comminatus, quam pariter incensam Urbem solo æquaret. Sed dum in die Pentecostes (quod omnes tradunt Scriptores) Colonienſis Archiepiscopus Missarum solemniam in propinqua Urbi Ecclesia celebraret, per spiritum vidit, Conradoque dixit, Beatum Ambrosium Germanis excidium, nisi abscederent, comminari. Itaque Conradus, motis a Mediolano castris, Romam veniens (hoc utique factum est anno post, quam ille prima vice Mediolanum advenisset) aurea a Joanne Decimo nono Corona & Imperii titulis est ornatus. Hactenus Blondus: & hactenus nos item satis de hac Conradi Coronatione, tam Mediolani quam Modoetiae peracta.

CCXIX. Conrado inter æstivos ardores ad opaca montium & amæna divertente, nos quoque paululum ab instituto nostro digrediamur: testandæque Archiepiscopi nostri Heriberti opulentiae simul ac magnanimitati, e qua plurimum ille commendari solet, proferamus id, quod citra omnem venditionis & exaggerationis suspicionem Vuirgo Germanus Scriptor narrat Titulo Rex propter calorem in montana secessit, quodque non Arnulfus, non alii rerum per hæc tempora Mediolanensium Scriptores, quos ego quidem adhuc legerim, usquam meminere; tamen mentione ceteroqui dignissimum esset. Loquitur de actis Anni supra Millesimum vigesimi sexti, & in hunc loquitur modum: Eo tempore maximus calor Italiam venabat, ita ut animalia multa, & hominum multitudo inde periclitaretur. Rex vero Chuonradus, nemini cedens nisi soli Deo & caloribus æstivis, ultra Athim fluvium (Italice la Tosa, in Lacum influens Verbanum) propter opaca loca & aeris temperiem, in montana secessit: IBIQUE AB ARCHIEPISCOPO MEDIOLANENSI PER DUOS MENSES, ET AMPLIUS, REGALEM VICTUM SUMPTUOSE HABUIT. Hinc decedens tempore autumnali, Italiam planam iterum peragrans &c.

A.C. 1027. CCXX. Titulo Quod Rex Chuonradus Romæ Imperator est effectus, ita narrare pergit idem Vuirgo Historicus: Rex Chuonradus Romam ingressus eodem Anno, ut supra, id est, a Nativitate Salvatoris Millesimo vigesimo septimo, Indictione decima, a Papa Joanne & universis Romanis regio honore mirifice rece-

A ptus est: & in die sancto Paschæ, qui eo Anno septimo Kalendas Aprilis terminabatur (Tabulæ ramen Paschales diem istum, non præsentis, sed subsequenti Anni Paschati adscribunt) a Romanis ad Imperatorem electus, imperialem benedictionem a Papa suscepit, Cæsar & Augustus Romano nomine dictus. Quin etiam Regina Gisela Imperatricis consecrationem & nomen ibidem accepit &c. Sed & Romæ aderat Archiepiscopus noster Heribertus, Conradum illuc ex officio comitatus: cumque Ravennas Archiepiscopus id sibi munus arrogasset, ut eundem Conradum Pontifici coronandum Imperatorem offerret; tunc enim vero celebris orta est ea dissertatio, utri eorum munus ejusmodi deberetur; nostroque deberi Archiepiscopo decretum denique fuit. Qua de re nostri communiter agunt Scriptores, ac nominatim Arnulfus Libro Secundo proxime memorato, Tristanus Chalcus Historiæ Patriæ Libro Sexto, Carolus Sigonius De Regno Italiæ Libro Octavo, ad Annum Christi vigesimum septimum supra Millesimum. Gualuaneum enim Flammam in Chronico Majori & in Manipulo florum, Chronicon item Flos florum, & alios ejusmodi Codices manuscriptos lubens volens prætermitto. Ceterum ex hac ipsa Heriberti ad Urbem Romam profectio, ut Conradum, a se coronatum in Regem, Sancto Petro ejusque Vicario repræsentaret, imperiali Diademate coronandum, ego quidem facere non possum, quin itidem certa ratione concludam, non igitur schismaticum tunc temporis Archiepiscopum nostrum.

CCXXI. Conradus, superiori Anno in Dominicæ Resurrectionis solemnitate coronatus Imperator, secundum jam inde peragebat Imperii sui annum Septembri mense, Annusque propterea Christi vigesimus octavus supra Millesimum agebatur, quando Ecclesia quædam, non multum ab Urbe distans, in honorem Sancti Michaelis Archangeli & Beati Petri Apostoli consecrata, cum aliis quibusdam bonis illi adnexis irrevocabiler huic Ambrosiano Monasterio donantur. Donarunt autem unus ex Presbyteris Officialibus Basilicæ hujus Ambrosianæ (quales nimirum memorati nobis jam fuerunt Num. 145. & 150.) necnon etiam ipsius rogatu Vidua quædam, religiose tandem velata. Utriusque Testamentum apud nos cernitur, eodem tempore atque coram iisdem Judicibus ac Testibus ab eodem Joanne Notario & Judice Sacri Palatii scriptum, & post tradita compilatum & datum. Atque ut ab ipsius Presbyteri Officialis Testamento exordiamur, illud sic incipit: IN Christi nomine. CHUNRADUS, gratia Dei Imperator Augustus, Anno Imperii ejus secundo, mense Septembris, Indictione undecima, MONASTERIO BEATI CHRISTI CONFESSORIS AMBROSII, UBI EJUS SANCTUM HUMATUM QUIESCIT CORPUS, constructo foris in suburbio hujus Mediolanensis Civitatis, UBI NUNC DOMINUS VUIDO VENERABILIS ABBAS ESSE VIDETUR (ecce novum Abbatem Godefredo susceptum) ego in Dei nomine Ottho, qui & Bezo, Presbyter, deinter Decumanos Sanctæ Mediolanensis Ecclesiæ OFFICIALIS BASILICÆ IPSIUS SANCTI AMBROSII, & filius quondam Andrei, qui fuit de Loco Quarto, qui vixit Lege Longobardorum, offertor & donator, in eodem sancto & venerabili Monasterio principibus dixi: Quisquis in sanctis ac venerabilibus Locis ex suis aliquid contulit rebus, juxta Auctoris vocem centuplum accipiet, & insuper vitam æternam possidebit. Et ideo ego, qui supra, Ottho Presbyter volo & judico, ut a præsentis die & hora deveniat in potestatem ipsius Monasterii Sancti Ambrosii in perpetuis temporibus, eo ordine, sicut hic subter statuero: id est, Cappella una cum arca, in qua extat, cum campo in simul tenente juris mei, quam habere visus sum, foris & non multum longe ab hac Civitate Mediolani, Puricellus.

A.C.
1028.

ad locum, ubi SALE ROZONI dicitur: ET EST IPSA ECCLESIA CONSECRATA IN HONORE SANCTI ARCHANGELI MICHAELIS, ET BEATI PETRI APOSTOLI. Cohæret ab ipso campo & ab ipsa Cappella da mane Sanctæ Mariæ, da meridie Petri de Seravia. Et area & ipsa Cappella cum eodem campo insimul per mensuram justam cum cisa sua vigias tres nominative (ne mireris Lector hanc verborum dispositionem incongruam, qua sæculum istud ad pudorem ac tædium abundabat) quas mihi campo ipso ante hos dies per chartam venditionis advenit inter cetera ab Gandulfo Monetario de ista Civitate Mediolani &c. Hanc igitur Cappellam & aream & campum Monasterio huic & Abbati tradit in perpetuam potestatem; cum ea tamen conditione, ut in eadem Cappella Presbyterum ille ordinet (sive Titularem collocet, ut ego interpretor) qui divinum ibidem Officium faciat (sive canat, ut expresse dicitur in altero Testamento) in perpetuum; & hoc ad remedium animæ suæ; tum etiam Gandulfi jam defuncti, a quo illa, ut vidimus, coëmerrat; ac denique Raidrudæ (quæ itidem Rigeza fuit appellata) eidem Gandulfo antehac nuptæ. Quæ quidem Raidruda, sive Rigeza, illa est, quæ altero illo, quod innuebamus, Testamento eandem illam Cappellam & campum & alia quædam bona similiter huic Monasterio & Abbati legavit. In hujus igitur Testamento, præmissis verbatim iis, quæ mox ex altero recitabamus, sic inter cetera legitur: Ego Raidruda, quæ & Rigeza, veste velaminis sanctæ Religionis induta, & filia Quondam Barii, qui & Amizo, & relicta Quondam Gandulfi Monetarii de ista Civitate Mediolani, & rogatis Otthoni, qui & Bezo Presbyter, deinter Decumanos Sanctæ Mediolanensis Ecclesiæ OFFICIALIS BASILICÆ SANCTI AMBROSII &c. Meminit autem subinde, Cappellam ejusmodi noviter a se constructam fuisse, necnon a Domno Eriberto Archiepiscopo consecratam in honorem illorum Sanctorum: seque olim ab Otthone illo Presbytero per suum ipsius Judicatum institutam fuisse Rogatricem. Nec plura opus est ut inde a nobis proferantur. Hoc unum denique addemus: ejusmodi Cappellam non alibi sitam nobis videri, quam in eo suburbii extra Portam Vercellinam tractu, qui SALA hodieque nuncupatur. Indicio nobis est; quod Ottho Bezoque hic Presbyter paulo ante dicebat ad locum, ubi SALE (nisi potius SALA legendum sit) ROZONI dicitur; quodque infra sub Anno Millesimo quadragesimo apertius dicet, ECCLESIA SANCTI MICHAELIS ARCHANGELI &c. ad locum, ubi SALA dicitur. Sic etiam Num. 131. jam legimus a Carolo Crasso Rege donatam huic Monasterio inter alia quamplurima ECCLESIAM UNAM, QUÆ NOMINATUR SANCTUS PETRUS A SALA. Cujus quidem nominis Ecclesia Parochialis in eo certe tractu consistit adhuc: quam nonnisi tempore Cardinalis & Archiepiscopi Caroli Sancti Monasterium istud nostrum a se tandem abdicavit, ut nos quoque suo tempore memorabimus.

A.C.
1032.

CCXXII. Anno Christi Millesimo trigesimo secundo Abbatem istius Monasterii habemus Godefredum Juniorem: scilicet absque dubio, ut per ejusmodi additamentum ab eo discernatur Abbate Godefredo, cujus mentionem jam fecimus Num. 211. Annoque Christi Millesimo decimo sexto. Porro intra regimen Junioris hujus Godefredi factum est, ut Archiepiscopus noster Aribertus (sic enim sua ipsius manu nomen ille suum scribebat, ut in multis legimus archetypis) pro pastoralis sua cura erga Ecclesias sibi subjectas ea perageret ac statueret in hujus nominatim Monasterii favorem, quæ Scripto sequenti continentur. Quamobrem istud, nullo ceteroqui notatum Anno, nos in eundem conjiciemus Annum

A Christi Millesimum trigesimum secundum. Verbatim vero ita prorsus se habet:

IN Nomine Sanctæ & individue Trinitatis. UT DOMNUS ARIBERTUS, SANCTÆ AMBROSIANÆ ECCLESIAE VENERABILIS ARCHIEPISCOPUS, Ecclesiarum sibi commissarum temporalia immo spiritualia negotia diligentissime sub pastoralis cura dirimeret, & adhibitis sibi Senioribus superioris suæ Ecclesiæ, Cardinalibus, Presbyteris, & Diaconibus, sub eorum testimonio universaliter & clementissime consuleret Gregi Ecclesiastico, ex nutu Pastoris, & ex consensu Gregis; ante ejus præsentiam in unum convenit sacer Ordo Monachorum suo regimini subditorum. Sacrosanctum consilium; quod prius illis placuit misereri per auxilium, quos Deus elegit per summæ religionis obsequium; dignam vicissitudinem rependens sacro Ordini: quem sicut Deus computat servitio chariorem; ita spiritalis Juxta salutare censura voluit illum fieri priorem. In unum igitur ante tantum Judicem collectis, Abbatibus scilicet & Monachis, præcepit idem Dominus Archiepiscopus, ut singuli singillatim quæque Monasteriorum suorum necessaria ferrent in medium, & si aliquid molestiæ paterentur injuria persequentium. Inter quos DOMNUS GOTEFREDUS JUNIOR, ABBAS MONASTERII SANCTI AMBROSII, UT INTER RELIQUOS PRIMUS, sic prius suæ Ecclesiæ detrimentum lamentari incæpit coram Seniori & Testibus: & rogare, ut in cunctis, in quibus ejus Monasterium patiebatur diminutionis læsionem, idem Dominus Archiepiscopus dignaretur revocare ad integritatis informationem. Universis itaque necessitatibus pie subveniens, & persecutorum rabiem mordaciter compefcens, quicquid in Monasterio cognovit esse languidum, saluti restituit per suæ defensionis antidotum: & sicut Venerabilis Abbas illi retulit per ordinem; sic Dominus Archiepiscopus traxit omnia ad finem. Cunctis igitur quærimoniis ad incrementum Monasterii legaliter determinatis, & injuste perditis sanctæ Ecclesiæ restituit; Decimam de quibusdam dominicatis ipsius Monasterii ad statum & honorem ipsius Ecclesiæ in æternum colligendam, tenendam, & ad votum Abbatis disponendam, idem Dominus Archiepiscopus laudavit; sicut clementia Regum, & Mediolanensium Pontificum antiquo usu instituit; quorum beneficiis idem Monasterium crevit. Et ne ex hoc error cresceret in sæcula sæculorum; placuit eidem Domino Archiepiscopo, ut nominatim exprimerentur nomina Locorum. In primis DE CURTE SANCTI SYRI, ubi antiquitus fuit Cella: DE CAPIATE, ubi fuit similiter Cella: DE OLEODUCTO, ubi fuit cella ut supra. Sicut proprietario jure istorum Locorum ipsum Monasterium possidet terram; ita debet recipere Decimam. Super hæc omnia, ad signum integritatis, & ad opem defensionis, idem Dominus Archiepiscopus jussit, hoc Scriptum fieri causa confirmationis; ut nemo in æternum cadat in culpam præsumptionis de his omnibus, quæ ad Monasterium pertinent Privilegio antiquæ Concessionis, & hac præsentis institutione piæ defensionis. Quod ut verius credatur, & diligentius ab omnibus observetur, idem Dominus Archiepiscopus hoc Scriptum subscribendo firmavit, & suis Cardinalibus firmandum optulit, & firmatum Abbati perpetuo conservandum tradidit.

✠ Ego Aribertus, Dei gratia Archiepiscopus, subscripsi.

✠ Ego Petrus, Dei gratia humilis Archipresbyter, subscripsi.

✠ Ego Ildegarnus, Archidiaconus, subscripsi.

✠ Ego Vualpertus, Presbyter, subscripsi.

✠ Ego Vuido, Presbyter, subscripsi.

✠ Conradus, Presbyter, subscripsi.

✠ Magisfredus, Presbyter, subscripsi.

✠ Odelricus, Presbyter, subscripsi.

✠ Ego Berengarius, nomine Presbyter, subscripsi.

✠ Vuido, Presbyter, subscripsi.

✠ Ego

- ✠ Ego Anselmus, Presbyter, subscripsi.
- ✠ Antonius, Presbyter & Vicedominus, subscripsi.
- ✠ Gezo, Presbyter, subscripsi.
- ✠ Azzo, Presbyter, subscripsi.
- ✠ Adelmanus, Presbyter, subscripsi.
- ✠ Vuibertus, Presbyter, subscripsi.
- ✠ Ego Vuibertus, Diaconus, subscripsi.
- ✠ Ego Geromus, Diaconus, subscripsi.

CCXXIII. Sed paulo præterea uberior ea nobis venia concedatur, ut hoc item loco recensamus constructionem atque consecrationem Ecclesiæ Sancti Sepulchri prope Villam TRINADE, Italice TERNATO nuncupatam, nec admodum procul ab oppido Besutio: quæ postmodum Ecclesia venit in hujus Monasterii potestatem; sicut etiam constructum ibi Monachorum Monasterium ab hoc ipso Ambrosiano in sui regimine pendit; prout e plurimis apud nos Documentis publicis constat. Archetypa ergo in hanc sententiam Tabula, & ab ipso met Ariberto Archiepiscopo subscripta est hujusmodi:

IN Nomine Sanctæ & individue Trinitatis Tempore DOMNI ARIBERTI, SANCTÆ MEDIOLANENSIS ECCLESIAE VENERABILIS ARCHIEPISCOPI, quidam..... veniens de partibus Gallie, Civis Aurelianensis, nomine Ansegisus, divina inspirante gratia ÆDIFICAVIT ECCLESIAM IN HONORE... SEPULCHRI REDEMPTORIS MUNDI, prope Villam, quæ vocatur TRINADE, in loco qui dicitur CRUSICULA, infra Parœciam Plebis Sancti Petri..... Qua condita, adiit eundem Dominum Archiepiscopum rogando, ut eandem Ecclesiam consecrare dignaretur. Venerabiliter igitur..... quas idem Ansegisus adtulit, & consecratione facta, tanta illic signa Dominus ostendere dignatus est, ut multi Fideles Dei ibi..... dum ei concurrerent, & ut ibidem vota Deo facerent, & suas elemosinas offerrent, quas idem Basilicæ Conditor suscipiebat, & moderamine spiritalis discretionis partem unam pauperibus ibi confluentibus erogabat, alteram ad ejusdem Loci incrementum retinebat. Igitur per misericordiam Dei & devotissimum obsequium ejus Servi in tantum profecit Locus, quod idem Ansegisus velit ibi Officiales ordinare, qui sine intermissione ibi Deo serviant, & pro populo interviant. Quo audito idem Dominus Archiepiscopus accessit eundem Servum Christi..... & pius Pater certam spem ipsum Locum ordinandi secundum voluntatem suam dedit illi. In unum igitur convocatis Venerabilibus suæ Ecclesiæ Cardinalibus, Presbyteris videlicet & Diaconibus, communi eorum consilio laudavit & firmavit, ut ille Locus in perpetuum inviolabiliter permaneat secundum quod..... Ansegisus instituerit, remota omni controversia Archiepiscopi, & Clericorum, & Laicorum. Quod ut certius credatur, & diligentius ab omnibus observetur, idem Dominus Archiepiscopus hoc scriptum fieri jussit; quod, suis manibus inferius subscriptum, eidem Ansegiso conservandum obtulit. Et hoc Capitulum addidit: Si quis Ecclesiam Sancti Sepulchri de potestate Ansegisi, ejusdem fabricatoris, malo ingenio tollere præsumpserit, & eam secundum suam institutionem stare non permiserit, Anathema sit. Dictum est ab omnibus: Anathema sit.

✠ Ego Aribertus, Dei gratia Archiepiscopus, quamquam indignus, subscripsi.

CCXXIV. Verumtamen suo proprie loco ac tempore Testamentum Ariberti Archiepiscopi nunc proferimus, & tanta profecto alacritate ac lætitia, quanta dici vix possit. Ex eo siquidem inter alia multa scitu dignissima datur etiam intelligi, quænam tunc temporis præcipuæ forent Urbis hujus Ecclesiæ, necnon etiam sexus utriusque Monasteria: quorum aliqua ne fama quidem ac nomine apud nos in præsens perseverant. Sed forte nonnihil etiam delectabit in eo, velut in speculo, conspexisse, quanta

A Linguae Latinæ hoc sæculo barbaries, quanta foeditas & corruptela esset apud nostrates Notarios & Instrumentatores, e quibus utique communem aliorum etiam usum abulumque metiri facile licet. Quamquam etiam in hoc, ne forte stomachum alicui moveamus, consilium nobis est ea præsertim errata, majori saltem ex parte, corrigere, quibus passim contra casus & genera in verborum constructione peccatum fuit: sed ita etiam corrigere, ut ex ipsorum sensu ac Testatoris sententia ne tantillum quidem immutemus. Septimo Conradi Imperatoris anno, ac proinde Anno Christi Millesimo trigesimo quarto conditum illud fuit, & in hanc quidem sententiam:

IN Nomine Sanctæ & individue Trinitatis. CHUNRADUS, Dei gratia Imperator Augustus, anno Imperii ejus septimo, mense Martii, Indictione secunda. EGO ARIBERTUS, DEI GRATIA SANCTÆ MEDIOLANENSIS ECCLESIAE ARCHIEPISCOPUS, & filius bonæ memoriæ GARIARDI, qui fuit de Loco Antemiano, & vixit Lege Longobardorum principibus dixi: Dum homo, a Christo Jesu conditus vivit in hoc sæculo, erit felix, si ponit diem exitus sui ante oculos suos: & dum recte loqui potest, sic semper eam cogitet, unde futuram mercedem accipiat; ut cum Dominus eum de hoc sæculo vocari jussit, non de negligentis judicetur, sed de bona dispositione ut pius gratuletur. Et ideo ego, qui supra, Aribertus, Dei gratia Archiepiscopus, volo & judico, semper per hanc Paginam Judicati & Ordinationis meæ confirmo, ut castra, Cappellæ, casæ, atque omnes res territorie illæ juris mei, quas habere visus sum in Locis & fundis, ubi dicitur Fossato alto Casale, Sancto Sebastiano, Sanctus Georgius, Vicopanzoniso, Aiccho, Gambroni, Cerredello, Pozalingo Cascina, Roncode Gandino Sablone, Silva de Paulone, Vico Munari, Campo da Pello, Seria longa, Vagarioli, Garfaniana, Miradolo in Sancto Columbano, seu in Horreo Senna, Vicopizolani, Roboreto, Cozemanno, Scardavaria, Vicocanino, Vicofranconi, Vico Sancti Petri Breconigo, Camariago, Cavacurta: quæ sunt omnes in Comitatu Laudense, seu in Habiate, qui dicitur Crasso, & in Ogialo, ut in eorum Territoriis: quod sunt rebus ipsis, tam infra ipsis Castris, quam & foris, sedimina cum ædificiis, clausuris, hortis, brolis, campis, pratis, vineis, & silvis, castaneis, roboreis, ac stellariis, cum areis earum, pascuis, gerbis, coltis & incoltis, divisis & indivisis, molendinis, & piscationibus, usibus aquarum, aquarumque ductibus, disrictis, & teloneis: omnia & in omnibus quantacumque de meo jure in prænominatis locis omnibus, ut superius habetur, inventa fuerint: vel quod in antea in eis diebus vitæ meæ acquisiturus fuere..... præsentis die & hora post meum decessum deveniant in jus & potestatem Ecclesiarum Sanctorum, AMBROSII UBI EJUS SANCTUM QUIESCIT CORPUS, Victoris quæ vocatur similiter AD CORPUS, Martini, Vincentii, Naboris, Simpliciani, Eustorgii, Laurentii, Celsi, Nazarii, Stephani, Dionysii: seu intus ab hac Civitate ad Ecclesiam Beate Dei Genitricis Mariæ quæ dicitur HYEMALIS, & Sanctarium Tegle & Pelagie quæ dicitur ÆSTIVA, & Sancti Georgii Christi Martyris: seu ad Monasteria Puellarum omnia, quæ sunt posita intra hanc Civitatem quorum nomina vocantur, MONASTERIO MAJORE, aliud Domini Salvatoris quod dicitur VUIDELINDÆ, tertium quod dicitur AURONI, quartum quod vocatur DATHEI, quintum quod nominatur LENTASII, sextum quod vocatur NOVO, septimum quod appellatur DE GHISONE: eo ordine, qualiter hic subter commemoratum legitur; ita ut faciant Presbyteri Diaconi & Subdiaconi Cardinales de ordine Sanctæ Mediolanensis Ecclesiæ de fruge & censu, seu vino, & redditu, quæ ex prædictis Castris, casis, Cappellis, atque omni-

bus rebus territoriis annue Dominus dederit, ad persolvendum, omnique anno, in die Veneris de secunda hebdomada Quadragesimæ, in Presbyterio Sanctæ Mediolanensis Ecclesiæ. Ad Presbyteros & Diaconos de ordine majore argentum denariorum bonorum solidos triginta & unum, ad Subdiaconos de ipso ordine dent solidos duodecim, ad Notarios solidos quinque, ad Presbyteros Decumanorum ordine libras quatuor & dimidiam, ad Lectores solidos quinque, ad Custodes solidos quatuor, ad Veglones denarios quadraginta: ad Scriptanes majores & minores, quod sunt Breves quinque, solidos quinquaginta: ad Magistrum, qui ipsum Brevem detinet, denarios duodecim: Archipresbyter & Archidiaconus seu Primicerii Presbyterorum & Lectorum, habeant in antea per unus denarios duodecim: pro animæ meæ mercede. In tertio vero die Veneris de tertia hebdomada Quadragesimæ persolvant jam dictos Cardinales in prædicto Presbyterio similiter omnique anno ad Archipresbyterum & Archidiaconum, seu ad alios Presbyteros & Diaconos de ipso ordine, libras duas denariorum. Archipresbyter & Archidiaconus habeant in antea per unusquisque denarios duodecim: ad Subdiaconos de ipso ordine solidos viginti: ad Notarios solidos decem: ad Lectores solidos octo: ad Primicerium Lectorum denarios duodecim: ad Veglones solidos quinque: ad Custodes solidos octo: ad Scriptanes majores & minores, quod sunt Breves quinque, libras tres, & solidos quindecim: ad Magistrum, qui ipsos Breves tenet, solidum unum. Ad Presbyteros Decumanorum ordine dent libras novem denariorum. Primicerius eorum habeat in antea denarios duodecim. AD ABBATEM ET MONACHOS IPSIUS SANCTI AMBROSII DENT SOLIDOS TRIGINTA. Ad Abbatem & Monachos ipsius Sancti Victoris dent solidos viginti. Ad Abbatem & Monachos ipsius Sancti Vincentii dent solidos viginti. Ad Abbatem & Monachos ipsius Sancti Simpliciani solidos viginti. Ad Abbatem & Monachos ipsius Sancti Celsi solidos viginti. Ad Abbatem & Monachos de Monasterio Sanctorum Confessorum Dionysii & Aurelii, quod ego noviter pro remedio animæ meæ edificavi, solidos dent triginta. Ad Abbatissam & Monachas de Monasterio Sanctæ Dei Genitricis Mariæ, quod dicitur MAGGIORE, dent solidos decem. Ad Abbatissam & Monachas de Monasterio Domini Salvatoris, quod dicitur VUIDELINDÆ, solidos decem. Ad Abbatissam & Monachas de Monasterio, quod dicitur AURONI, similiter solidos decem. Ad Abbatissam & Monachas de Monasterio, quod dicitur DATHEI, solidos decem. Ad Abbatissam & Monachas de Monasterio, quod dicitur LENTASII, similiter solidos decem. Ad Abbatissam & Monachas de MONASTERIO NOVO solidos decem. Ad Abbatissam & Monachas de Monasterio, quod dicitur DE GHISONE, dent solidos decem. Ad Ecclesiam, quæ dicitur DE RONZONE, quæ est condita in honore Sanctæ Trinitatis, solidos sex denariorum. Et ipsi omnes Presbyteri cum Diaconibus Subdiaconibus, Notarii de eodem ordine majore cum Custodibus & Lectoribus, seu Veglones & cæteri Presbyteri Decumanorum ordine, qui superius legitur, cum Abbatibus & Monachis de prædictis Monasteriis, & duæ Monachæ per unumquodque Monasterium Puellarum, quæ superius leguntur, cum jam dictis Scriptanibus, qui sunt Breves quinque, veniant omnes insimul in eodem die Veneris de prædicta hebdomada Quadragesimæ in prædicto Presbyterio Sanctæ Mediolanensis Ecclesiæ, ad recipiendam prædictam benedictionem, sicut superius legitur, omnique anno. Et statim cum receptam habuerint, cum Processione omnes insimul ambulare debent ibi, ubi ego corpus meum requiescere desidero, canendo, & Dominum nostrum Jesum Christum deprecando: & ibi duos Psalmos & Cantica canant, pro mea & bonæ memoriæ DOMNI HENRICI IMPERATORIS, & quondam GARIARDI qui fuit gentior, meus, & quondam BERLIN-

A DÆ quæ fuit genitrix mea, & GARIARDI nepotis mei, animabus mercede. Item volo & judico, ut quantum exinde superfuerint fruges & census, seu vinum, & reditus de prædictis omnibus casis & rebus territoriis: quæ remanserint ex prædicta benedictione ad persolvendum omnique anno per jamdictas constitutas sicut superius legitur, tunc jamdicti Presbyteri Diaconi & Subdiaconi Cardinales habeant ad reficiendum in Canonica ipsius Sanctæ Dei Genitricis Mariæ, sicut illorum ordo & consuetudo esse debet. Et qualiter indefecerint, Deum omnipotentem habeant retributorem. Jamdicti vero Archipresbyter & Archidiaconus, seu Primicerii Subdiaconorum Notariorum & Presbyterorum Decumanorum ordine & Lectorum, atque ABBAS IPSIUS MONASTERII SANCTI AMBROSII, & Abbatissa de Monasterio Sanctæ Mariæ, quod dicitur MAJORE, jamdictis rasis castris atque omnibus rebus territoriis investire debent sine servitio in ipsis Ordinariis: qui de jamdictis casis castris atque rebus territoriis curam peragere debent ad perficiendum hoc quod supra legitur, omnique anno. Et si servitium tulerint: vel si in prædicta Canonica ipsi Ordinarii non refecerint, sicut supra legitur, illam maledictionem habeant, quæ in centesimo octavo Psalmo legitur, & cum Juda traditore in æterna pœna participant. Itemque volo & statuo, ut nullus Presbyter aut Diaconus vel Subdiaconus de jamdicto ordine majore, seu Abbas & Abbatissa de prædictis Monasteriis, & Presbyter Decumanorum ordine de prædictis Ecclesiis, neque ullus Pontifex hujus Sanctæ Mediolanensis Ecclesiæ Archiepiscopus, habeant licentiam de prædictis casis & rebus territoriis, quod supra legitur, partem, aut super totis, commutandi, nec libellum faciendi, neque per nullum ingenium alicui in beneficium dandi, aut invadendi. Et si fecerit, vacuum & inane permaneat, & illi, qui acceperint, ad proprium non habeant, cum Juda traditore in æterna pœna habeant portionem. Quia omnia sic decrevit mea bona voluntas. Et si propter honorem Pontificatui meo mihi aliquid impetit de Lege Romana: & nec me liceat a modo ullo tempore, nolle quod volui, sed quod a me hic semel factum, vel conscriptum est, sub jus jurandum inviolabiliter conservare promitto cum stipulatione subnexa. Actum ista Civitate Mediolanensi. Unde quatuor Chartulæ Judicati uno tenore scriptæ sunt. EGO ARIBERTUS, DEI GRATIA ARCHIEPISCOPUS, a me facto subscripsi.

Ardericus, Judex Domni Imperatoris, rogatus subscripsi.

Ardonatus, Judex Domni Imperatoris, rogatus subscripsi.

Silo, Notarius, rogatus subscripsi.

Signatum manibus Ambrosii & Vualperti, patris & filii: de ista Civitate Mediolani, Lege viventes Romana, Testes.

Ego Vualdo, qui & Lanzo, Notarius & Judex Sacri Palatii, scriptor hujus Chartulæ Ordinationis, post tradita complevi & dedi.

Sic itaque jam, Lector amice, sine dubio vides, quam multa passim sese nobis in hoc offerant Testamento dignissima notatu. Nonnulla nos cursim præ ceteris indicabimus.

CCXXV. Notissimum vero est in primis, quanti Aribertus fecerit hanc Sancti Ambrosii Basilicam, ejusque Rectores, Abbatem ac Monachos; cum alioqui Officiales illos, de quibus aliquoties jam diximus, ne nominandos quidem seorsim ab ipsis esse censuerit.

CCXXVI. Sic etiam illud constat, extra muros Urbis hoc etiam tempore omnes illas fuisse Ecclesias, quæ ante Metropolitanam Hyemalem ac Æstivam numerabantur. Ex iis autem nonnullæ a Clero regebantur sæculari; a Monachis aliæ; illæ scilicet, quarum Abbati & Monachis certam videmus assignatam stipem. Quocirca penes Clerum sæcularem adhuc

adhuc erant Ecclesiæ Sanctorum, *Martini, Naboris, Eustorgii, Laurentii, Nazarii, ac Stephani*. Et istæ quidem adhuc extra muros Urbis. Nam intra muros ejusdem generis erat non tantum Basilica Metropolitana Hyemalis & Æstiva: verum etiam Sancti *Georgii* Martyris; ea nempe, quæ AD PALATIUM in hanc usque diem nuncupatur: ac demum Ecclesia DE RONZONE.

CCXXVII. Vin autem Lector, aperiamus, quid nobis causæ videatur, cur in tanta ejusmodi Ecclesiarum, quæ a Clero sæculari regebantur, multitudine, solis tamen Ecclesiæ Hyemalis & Æstivæ Ministris, Ecclesiæque DE RONZONE, præstitutam vidimus stipem, qualis cæteroqui reliquis Monachorum ac Monialium Ecclesiis singillatim præfinita fuit? An fortasse suis Ecclesiæ illæ Ministris carebant? Nihil minus. An illarum Ministri convenire quidem ad ejusmodi Supplicationes debebant, sed sine omni stipe? Ne hoc quidem. Alioqui enim *Aribertus* Archiepiscopus non instituisset, ut ea ipsius bona venirent in jus ac potestatem illarum similiter Ecclesiarum. Sic enim consequenter sine dubio fancivit, ut Ecclesiæ propterea ipsæ, sive ipsarum Ministri, venirent in partem proventuum, qui ex iisdem fundis ac bonis annuatim perciperentur. Quidnam igitur causæ nos tandem proferemus? Nos nimirum, hac ipsa etiam ratiocinatione persuasi, censuimus, earum Cleri Sæcularis Ecclesiarum Ministros simul etiam fuisse Metropolitanæ Basilicæ *Decumanos*, stipemque propterea *Decumanis* ejusmodi assignatam, perinde censendam esse, ac si Ecclesiis etiam illis earumque Ministris assignata fuisset. In idipsum nobis documento sit etiam illud, quod e *Nazarianæ* Basilicæ Archivo perhumaniter suppeditatum, nuperime legimus in *Landulfi Carcani* Archiepiscopi nostri Testamento. Imperatoris *Othonis* Tertii anno secundo, ac propterea *Christi* Nongentesimo nonagesimo octavo, conditum illud fuit, atque sic incipit: *In nomine Sanctæ & individue Trinitatis. OTTHO TERTIUS, Dei gratia Imperator Augustus, anno Imperii sui secundo, mense Novembris, Indictione undecima. EGO LANDULFUS, DEI GRATIA ARCHIEPISCOPUS MEDIOLANENSIS ECCLESIAE, filius bonæ memoriæ Ambrosii patris &c.* Assignat ergo Archiepiscopus Abbati Monasterii Sancti *Celsi*, a semetipso constructi (*foris, & prope Mediolanensem Urbem, ad locum, ubi antiquitus TRES MOROS vocabatur*) quædam bona, ibidem commemorata, suisque limitibus descripta; sed cum hac tamen conditione; *ita ut faciat Abbas ipsius Monasterii Sancti Celsi de rebus, seu redditibus, quibus ex ipsis molendinis, seu rebus ipsis, Anniversarium vitæ meæ in festivitate Sancti Celsi, honorifice pascat* PRESBYTEROS ILLOS DECUMANOS, OFFICIALES ECCLESIARUM SANCTORUM NAZARII MARTYRIS ET AMBROSII CONFESSORIS, UBIEORUM SANCTA REQUIESCUNT CORPORA, & det pro unoquoque denarios tres, & cereum unum &c. Vel hinc igitur, nedum ex iis, quæ jam antea nobis dicta sunt, aperte dignoscitur, Ecclesiæ Metropolitanæ *Decumanos* simul etiam fuisse aliarum istius Urbis Ecclesiarum Officiales; prout nimirum certus ipsorum numerus singulis earum erat adscriptus. Quin etiam exinde præterea nos colligimus, in ejusmodi Collegiatis nostræ Urbis Ecclesiis ne hoc quidem tempore in usu fuisse Canonico ac Præpositi nomenclaturam, hodie vulgatissimam. Si enim ea necdum usitabatur in antiqua illa & insigni Basilica *Nazariana*, quam Sanctus ipsemet *Ambrosius* ante Basilicam istam suo e nomine *Ambrosianam* condiderat, conditamque consecravit; quanto minus in aliis, & præsertim ea posterioribus, credi poterit eo jam tem-

pore usitata? Sed attende, obsecro, Lector etiam, quemadmodum in hoc *Landulfi* Testamento Officiales *Nazariani*, ut apparet, honoris gratia nominentur ante *Ambrosianos*: quod quidem ipsum in aliis pariter Documentis posterioribus, super eo *Landulfi* Anniversario confectis, constanter retentum ego etiam observavi. Hoc igitur etiam interea factum interpreter ob causam; quia Officiales isti *Ambrosiani* Metropolitanis *Decumanis* aggregati multo post tempore fuerint, sicut etiam ex iis intelligi potest, quæ nos antehac de ipsis per intervalla ostendimus, quæve jam breviter in anacephaleosin ac recapitulationem redigere placet. Primus omnium *Petrus*, Monasterii hujus Abbas, ejusmodi Sacerdotes paulo ante Octingentesimum sexagesimum sextum Annum *Christi* non ad aliud ministerium, quam ut Missarum solemniam celebrarent, in hac Basilica collocaverat & ordinaverat: cujusmodi Ministros ætas nostra receptissimo vocabulo Cappellanos Titulares appellaret. Deinde autem, ipsiusmet Abbatis *Petri* rogatu, eoque ipso Anno, Archiepiscopus *Thado* illos in suorum Concivium Sacerdotum congregationem atque consortium ita suscepit, quatenus ipse Abbas Successoresque ejus, perpetualiter ipsorum obsequium possidentes, una cum Monachis sibi subiectis pro stabilitate Regni, atque statu hujus Ecclesiæ, omnipotentis Dei misericordiam jugiter valeant exorare. Atque ista jam vidimus Num. 115. & 119. Verumtamen ne propterea quidem ii coeperant *Decumanorum* appellatione clarescere. Itaque Num. 145. Annoque *Christi* Octingentesimo octogesimo septimo vel iidem ipsi semet inscribebant nonnisi Presbyteros Custodes & Officiales Ecclesiæ istius *Ambrosianæ*. *Berengarius* porro Rex Anno *Christi* Octingentesimo nonagesimo quarto (sicut habetur Num. 150.) abstinuit a vocabulo Custodum, ipsosque solummodo nominavit Presbyteros atque Officiales. Primum igitur *Decumanos* cernimus appellatos in prædicto *Landulfi* Testamento, Annoque *Christi* Nongentesimo nonagesimo octavo. Sed & Anno postea Milleesimo vigesimo octavo, Num. 221. *Otho Bezoque* ille Presbyter ne *Decumanum* quidem absolute se inscribebat, sed de inter *Decumanos Sanctæ Mediolanensis Ecclesiæ*, id quod etiam rursus Anno Milleesimo quadagesimo factitavit: perinde ac si hoc loquendi modo expressius significare vellet, se sui que Collegas e peculiari novoque privilegio aliis Basilicæ Metropolitanæ *Decumanis* aggregatos fuisse. Cum igitur hæc ita se habuerint; mirum ne sit, quod hujus Basilicæ *Decumani* olim postponerentur *Nazarianis*: quibus tamen postea, novis cumulati privilegiis, in hanc usque diem antepositi fuerunt. Sed ab his nos tandem ad *Ariberti* Testamentum recipiamus.

CCXXVIII. Quod *Aribertus* a se noviter ædificatum ajebat Monasterium Sanctorum *Dionysii & Aurelii* Confessorum: *Gualuanus Flamma* in Manipulo florum, Cap. 139. sic narrat: *Monasterium Sancti Vincentii phlebotomavit: de cujus sanguine Monasterium Sancti Dionysii construxit*. Chronicon autem *Flos florum*, fol. 128. pag. 2. paulo expressius hæc habet: *De superfluis possessionibus Monasterii Sancti Vincentii, quem phlebotomavit, Monasterium Sancti Dionysii fecit, Christi Anno Milleesimo vigesimo tertio*. *Tristanus* ex adverso *Cbalcus* Monasterii hujus fundationem, tamquam ex ipsiusmet *Ariberti* bonis factam, conjicit in Annum *Christi* Milleimum trigessimum tertium his verbis: *Per quod tempus Heribertus Mediolani suburbanæ Ædi in honorem Dionysii & Aurelii conditæ Porta Orientali Cænobium adiecit: quod paternis fundis, quoniam census Sacerdotii non sufficiebant, locupletissimum fecit: ac perhorrendo Edicto sanxit, ne quis ullo unquam tempore acta a se immutaret*. Ego autem neque phlebotomiam illam venæque incisionis-

cisionem ab illis, neque Annum istum trigesimum tertium a *Chalco* assignatum admitto; sed illum potius vigesimum tertium. Exemplar siquidem apud me habeo Diplomatis, quo *Aribertus* ipse fundationem istius Monasterii sancivit: & in quo Magnus *Henricus* Imperator uti superstes adhuc memorabatur. Quocirca fundatum ad minus jam erat, priusquam ille memoretur. Sed & insuper habeo Diploma, quo successor *Henrici Conradus* Rex idipsum *Mediolani* confirmavit Anno Regni sui secundo, Incarnationis autem Dominicæ Millesimo vigesimo sexto, decimo Kalendas Aprilis, Indictione nona. Certe autem utroque hujusmodi Diplomate phlebotomia illa satis & abunde refellitur.

CCXXIX. Ex iis vero Puellarum, sive Monacharum, Monasteriis, intra Urbem sitis, nec septenarium numerum excedentibus, duo tantum in præfens sibi retinent suum illud vetus cognomen: Monasterium videlicet Majus, ac *Lentassii*, sive potius *Lantassii*. Quamquam etiam Majus eo tempore titulum Sanctæ Dei Genitricis *Mariæ*, cui sacrum esset, præferebat; deinde vero sibi titulum Sancti *Mauritii* Martyris assumpsit, & in hanc usque retinet diem. Sed & *Lantassii* Monasterium ibi olim media in Urbe situm erat, ubi postea Broletum Novum, sive Forum Mercatorum, Anno Christi Millesimo ducentesimo trigesimo tertio constructum fuit, hodieque perseverat. De cujus structura legi possunt *Tristanus Chalco* & *Bernardinus Corius*, ad eum ipsum Christi Annum. Per eam igitur occasionem Monasterium istud translatum inde fuit in Portæ Romanæ sinum: eoque adhuc confovetur. Sic enim sacræ illæ Virgines mihi sæpius affirmarunt, perenni Majorum suarum traditione sic edoctæ. Præterea vero idipsum testatur etiam *Paulus Morigia* in suo Civitatis ac Diocesis *Mediolanensis* Sanctuario, *Italice* conscripto. Ejusmodi vero Monialium traditioni & *Morigie* testimonio adstipulantur itidem publica ipsius Monasterii Documenta: e quibus isthæc ego pauca mihi ad proferendum delegi. Primum est conditum Anno Dominicæ Incarnationis Millesimo ducentesimo vigesimo quarto, die Veneris, nono die ante Kalendas Septembris, Indictione duodecima: in eoque absolute nominatur Monasterium *Lantassii* Civitatis *Mediolani*. Secundum vero sic incipit: Anno Dominicæ Incarnationis Millesimo ducentesimo trigesimo quinto (duobus nempe annis postquam publicum illud Forum fuerat exædificatum) die Martis, quinto decimo die ante Kalendas Augusti, Indictione octava: continetque Venditionem factam in *Domnam Agatham*, Dei gratia Abbatissam Monasterii *Lantassii*, quod translatum est in Burgo Portæ Romanæ Civitatis *Mediolani*. Sic enim etiam tum appellabatur ea Portæ Romanæ portio; tametsi jam intra muros Urbis containeretur ex quo illi denique fuerant ampliore ambitu restituti post miserandam illam stragem, Anno Christi Millesimo centesimo sexagesimo secundo Urbi nostræ ab Imperatore *Federico Ænobarbo* illatam. Tertium continet Commutationem, a Domino *Alghisio Mantegatio*, Præposito Canonice de *Vicoboldo* (erat autem Ordinis Humiliatorum) factam cum *Domna Margarita*, Dei gratia Abbatissa Monasterii *Lantassii*, nuper constructi in Burgo Portæ Romanæ. Ipsiusque initium est hujusmodi: In nomine Domini. Anno Dominicæ Incarnationis Millesimo ducentesimo trigesimo septimo, die Martis, decimo die mensis Martii, Indictione decima. Quamvis autem nullatenus invenire adhuc potuerimus, quonam tempore suo primum in loco extructum fuerit ejusmodi Monasterium, ipsius tamen fundatorem deprehendimus ex ejusdem Necrologio perantiquo, in charta olim pergamena conscripto: quo scilicet defunctæ Moniales ac speciales amici & benefactores ejusdem Monasterii describebantur in unumquemque mensem ad

A hoc; ut statis diebus preces pro ipsis funderentur. Ibi namque intra mensem Januarii trigesimus quartus Obiit Dominus *Lantassius*, Archidiaconus (Ecclesiæ videlicet Metropolitanæ) qui ædificavit hoc Monasterium: quive propterea suo e nomine cognomen tum eidem Monasterio in hæc usque tempora reliquit. Ex Ordine vero illud est Sancti *Benedicti*. Sed quemadmodum Archiepiscopi curæ ac regimini jam inde ab initio subest; sic etiam Preces Horarias Ritu *Ambrosiano* in hanc usque diem concelebrat.

B CCXXX. Quod autem nunc cernimus ab *Ariberto* nominatum WIDELINDÆ Monasterium, certe unum idemque prorsus videtur cum eo, quod nos antehac Num. 120. Annoque Christi Octingentesimo sexagesimo nono appellatum WIGELINDÆ fatebamur a nobis ignorari, qua illud in parte Urbis collocatum esset. *Tristanus* tamen *Chalco* ignorationem istam nobis, ni fallimur, postea discussit. Etenim Libro Quinto ante Annum Christi Nongentesimum decimum nonum sic ille scribit e publico, cum *Berengarius* annum jam decimum quintum in Italia regnaret, Documento: Testatum manet, quemadmodum locupletiore faciebat (sive *Andreas Carcanus* Archiepiscopus, sive *Berengarius* Rex; nec enim *Chalco* mihi satis hoc explicat) Ædem *Raphaëlis Archangeli*, media Urbe a se conditam in confinio, ut ipse describit, Ecclesiæ Æstivæ, quæ nunc Majoris pars est, & VINCLENDÆ (ejusdem *Chalco* autographum, in *Ambrosiana* Bibliotheca conservatum, habet VINNELENDÆ) QUAM POSTERIORES REDEGUNDÆ DIXERE, & *Simpliciani Minoris*. Hodiernum igitur Sanctæ *Redegundæ* Monasterium, jam tandem nos censebimus, olim cognomento etiam *Vuidelindæ* pariter ac *Vuigelindæ* judicatum. Neque vero ab ejusmodi sententia vel illud saltem nos absterrebit; quod *Vuigelindæ* Monasterium Nu. illo 120. a *Garibaldo Bergomensi* Episcopo nominaretur Sanctæ Dei Genitricis *Mariæ*, *Vuidelindæ* autem ab *Ariberto* jam nominetur Domini Salvatoris. Nec enim repugnat, quin a titulo *Deiparæ* ad titulum Salvatoris transitus interea fuerit factus; quemadmodum in similibus sæpenumero contingit; nosque itidem paulo ante de Monasterio Majore asseribamus.

C CCXXXI. Nunc de AURONI Monasterio. Certe autem illius hac in Urbe situm, quinetiam originem ac vetustatem commonstraturos esse nos pollicemur; si tamen id nobis, nec procul a vero (sicut etiam in hujus Operis progressu constabit) concedatur; eidem ad numerum Monasterio inditum primitus fuisse cognomen AURUNÆ, deinde vero AURONI, vel AURONIS, ac tandem ORONI, vel HORONI. Quo dato, nec erit mirum, si *Aurunæ* nomen Scriptores in *Horonæ* tandem converterint. Huc igitur in primis spectat, quod in Chronico *Flos florum* fol. 109. pag. 1. legimus de *Theodoro* Archiepiscopo, hujus nominis Secundo: & in quod nostrates alii communiter Auctores & Archiepiscoporum nostrorum Catalogi consentiunt. Ibi enim sic legimus: jacet IN MONASTERIO HORONO CUM SORORE SUA HORONA: QUÆ IPSUM MONASTERIUM ÆDIFICAVIT Anno Domini septingentesimo quadragesimo: ut dicit *Gothofredus de Bussero*. Sic igitur Condtricem jam habemus. Ceterum Num. 130. simulque Anno Christi Octingentesimo octogesimo e *Caroli Crassi* regnantis in Italia Privilegio deprehendimus, quemadmodum Monasterium infra istam *Mediolani* Urbem constitutum, QUOD NOMINATUR AURUNÆ, *Engilberga* (sive aliter *Angilberga*, vel *Angilberta*) Imperatrix devotissime obtulerit ac donarit huic *Ambrosiano* Monasterio in remedium animæ *Hludovici* Imperatoris, hoc nomine Secundi, maritique sui: & proinde *Carolus* ipse Rex

Rex tum eo Privilegio, tum etiam rursus altero, quod nos Num. 131. proferebamus, idipsum Sancti *Ambrosii* Monasterium in ejus possessione ac regimine confirmavit. Sic etiam *Hiludovicum* istum Imperatorem, Anno *Christi* Octingentesimo septuagesimo quinto defunctum hac in Urbe, atque in *Ambrosiana* ista Basilica cum insigni Elogio, per nosibi recitato, sepultum fuisse, meminimus Num. 125. Sed & Num. 123. recitaveramus ejusdem Imperatoris Privilegium, ipsiusmet Imperatricis *Engilbergæ* rogatu in favorem istius Monasterii concessum Anno *Christi* Octingentesimo septuagesimo tertio. Quemadmodum igitur (teste *Sigonio*, ad Octingentesimum septuagesimum quintum Annum) *Engilberga* religionis causa nobile Monasterium ad *Placentiæ* Urbem construxerat; sic etiam, defuncto suffragatura Marito suo, alterum in hac Urbe *Mediolani*, tunc *AURUNÆ* nominatum, atque etiam fortasse a semet ipsa ditatum saltem atque amplificatum, Monasterio huic *Ambrosiano* devotissime obtulit ac regendum subjecit. *HORONI* porro, sive *HORONUM*, illic erat Monasterium, ubi nunc Cappucinarum Sanctæ *Barbaræ* Monasterium intra Portæ Novæ ambitum extat: idemque cum eo additamento Monasterium Sanctæ *Agathæ* antehac demum appellabatur. Ita videlicet nobis liquido constitit e publicis Tabulis alterius illic propinqui, solaque viæ interjectione divisi Monasterii, quod Monialium Sancti *Augustini* in Porta Nova hodie nuncupatur, & alias Sancti *Augustini* DE VEDANO passim appellabatur. Apostolica vero auctoritate illud isti unitum fuit & in idem corpus redactum Anno *Christi* Millesimo quadringentesimo septuagesimo secundo, die vigesima quinta Januarii per Apostolicum Executorem, *Franciscum de la Cruce*, Metropolitanæ *Mediolanensis* Ecclesiæ Primicerium. Ejusmodi autem *HORONI* Monasterium erat Ordinis Sancti *Benedicti*: & olim habebat redditus ad decentem sustentationem trigintaquinque Monialium, vel circiter, sufficientes; sed incuria negligentia & malo regimine illius *Abbatissæ*, apud graves personas de diversis criminibus excessibus & delictis ac bonorum ipsius Monasterii dilapidatione multipliciter diffamata, adeo deformatum erat, & ad tam miserabilem & dolendum statum devenerat, quod in eo præfata illius *Abbatissa* vitam a Religionis norma penitus ducebat alienam, & tres Moniales dumtaxat tunc inibi degebant, & divinus cultus quodam modo extinctus erat. Cum igitur hæc ita sese illic haberent; *Sixtus* Papa Quartus jam mandaverat, ut *Abbatissalis* dignitas & Ordo prædictus Sancti *Benedicti* in dicto Monasterio *HORONI* supprimeretur, & in illo aliqua ex Monialibus Monasterii Sanctæ *Agnetis*, quæ illud juxta regularia instituta Ordinis Sancti *Augustini* ac earum ritus & mores regerent & gubernarent, introducerentur. Atqui Priorissa & Conventus prædicti Sanctæ *Agnetis* Monasterii Concessionis gratiæ hujusmodi, Litteris Apostolicis super ea re non confectis, sponte & libere cesserunt. Itaque *Galeaz-Maria Mediolani* Dux, ejusque uxor *Bona-Maria* Ducissa, (quorum quidem opera illæ cesserant) itemque Monasterii de *Vedano*, sive Sancti *Augustini*, Moniales eidem Pontifici supplicarunt, ut ejusmodi Monasterium *HORONI* suo uniretur ipsarum Monasterio: quod certe perangustum jam erat, ita ut ne Monialibus quidem jam receptis (erant autem numero sexaginta ultra Conversas) sufficeret, nedum iis puellis, quæ ad vitam illic religiosam recipi magno in numero peroptabant. Et hæc quidem apertissime constant e duabus ejusdem *Sixti* Quarti Bullis. Quarum prima fuerat data Romæ apud Sanctum Petrum de Vincula Anno Incarnationis Dominicæ Millesimo quadringentesimo septuagesimo secundo, quarto Kalendas Novembris, Pontificatus nostri anno secundo, atque ad Executorem illum directæ: cujus Executoris Acta

A subinde ipsi per omnia consentiunt. Secunda vero in ejusmodi Actorum & Unionis jam factæ confirmationem data legitur Anno subsequenti, pridie Idus Octobris. Bullæ hujus posterioris accurata lectio me admonuit, Moniales istas nonnisi post factam ejusmodi Unionem sese perpetua Monasterii sui clausura voluntarias obstrinxisse. Siquidem pro Unionis ejusdem confirmatione Pontifici *Romano* postea supplicarunt, quod in ipso Monasterio de *Vedano* octoginta Moniales, & ultra (quippe vicinæ interim superadditæ fuerant) sub perpetua clausura Altissimo famulantur: cujusmodi clausuræ nulla prorsus in anteriori supplicatione fuerat facta mentio; quæ alioqui ad impetrandum, quod petebant, opportunissima, nec ullatenus omittenda fuisset. Forte autem ipsam illis persuaserat Executor idem Apostolicus, *Franciscus de la Cruce*. Quo quidem adlaborante, jam circiter ante annos viginti quinque factum fuerat, ut Moniales quoque Monasterii Majoris perpetuæ semet subjicerent clausuræ, nec sine magno suimetipsarum & inclytæ hujus Urbis ornamento. Sic enim testatum ego vidi ab ipsomet *Crucejo* in suis ad Ducissam *Mediolani* Litteris, eo ipso Anno Millesimo quadringentesimo septuagesimo tertio, die Decembris septimo, datis; cum ab ipsa interrogatus fuisset super quadam controversia, inter idem Monasterium Majus & Vicinos Sanctæ *Mariæ* ad Circulum excitata. Sed enim usque adeo angustum jam erat istud Sancti *Augustini* Monasterium quo ex tempore, Monialibus illic in duas partes divisus, necesse fuerat ex uno Monasterio constari duo: quorum unum deinceps Sanctæ *Clare* diceretur, alterum vero primævum sibi titulum retineret. Quod utique factum est circiter Annum *Christi* Millesimum quadringentesimum quadragesimum quintum. Monasterii hujus Moniales Anno etiam Millesimo quadringentesimo trigesimo sexto erant Humiliatæ. Sic enim ego e quibusdam Ducis nostri Litteris, eo Anno, die septimo Maji, quartadecima Indictione, in earum favorem datis, deprehendi: atque tunc Monasterium ipsum *Domus Beatissimæ Virginis Mariæ*, nuncupata de *Vedano*, appellabatur. Idemque jam ante, sive Anno Millesimo quadringentesimo vigesimo octavo, favore atque opera *Mariæ Mediolani* Ducissæ, Ducisque *Philippi-Mariæ* uxoris, reformatum fuerat per octo Moniales, in hunc finem huc transmissas e Monasterio *Cantulpi*, sito in Porta *Ticinensi*, quod nunc Sancti *Bernardini* nuncupatur, quodque tunc Humiliatarum pariter Monialium erat; sub Regula tamen Sancti *Augustini* (quam & alia nonnulla ejusdem Ordinis Monasteria sibi tunc temporis assumpserant) viventium. Exinde autem tanta huic Monasterio accrevit regularis observantiæ ac sanctitatis fama, ut inde pariter assumerentur aliquando aliquæ ad alia itidem reformanda Monasteria juxta suæ ipsarum Regulæ præscriptum. Itaque Anno supra Millesimum quadringentesimum quadragesimo Papiense *Josaphati*, quinquagesimo quarto *Mediolanense* Sanctæ *Agnetis* (quod pariter Humiliatarum erat, & *Arcagnagi* vocabatur) septuagesimo autem octavo unum *Casalense*, monasteria reformarunt. Quod vero perinde est, non multo post quinquagesimum quartum primæ itidem incoluerant in Urbe *Crema* Monasterium, a primis tunc extructum fundamentis, & Sanctæ *Monicæ* dicatum; scilicet ut suis illud institutis informarent. Ceterum ex eo tempore, quo idipsum de *Vedano* monasterium fuerat reformatum, in spiritualibus regebatur a *Franciscanis* de Observantia Fratibus, in Sancti *Angeli* Conventu, per ea tempora suburbano, degentibus. Quamvis etiam indumentis Humiliatæ candidis uti solerent; eæ tamen cinerei coloris, Italice *beretino*, indumenta gestabant; & hoc, ut ego quidem opinor, a Rectoribus tunc suis persuasæ; qui fortasse jam tum

illas destinassent ad Regulam Sanctæ *Clare* paulatim traducere, quemadmodum postea totis conati viribus fuerunt. Gravis ergo inde multumque pernicioſa & pertinax inter ejuſmodi Moniales oborta diſſenſio. Quadraginta quatuor earum animo repertæ demum fuerunt in id obfirmato, ut ſibi deinceps Sanctæ *Clare* Regulam vellent: quindecim vero, cæque ſeniores, ſuam ſectatæ Prioriſſam, ſub Sancti *Auguſtini* Regula perſeverare conſtanter maluerunt. Itaque per Litteras tandem Apoſtolicas diſſidium ita compoſitum fuit, ut ejuſdem ipſarum Monasterii pars una junioribus illis, novæ Regulæ ſtudioſis, tribueretur, eademque Monasterium Sanctæ *Clare* poſthac vocaretur, & a *Franciſcanis* illis regeretur, ſicut etiam hodieque vocatur ac regitur; pars vero altera, ſenioribus iſtis dimiſſa, primævum ac vetus Monasterii cognomen tum retineret, ſed Eremitanorum de Obſervantia Fratrum regimini poſtea ſubeſſet. Qui quidem Fratres paulo ante, a Ducifſa *Mediolani Blanca* vocati, venerant ad Inconſonatæ Conventum, quem ipſa illis conſtruxerat. Hæc autem, ſicuti dicebam, geſta ſunt circiter Annum Domini Milieſimum quadringentieſimum quadrageſimum quintum. Nec enim Annum ego præciſe aſſignarim. Quippe in eo Monasterii Libro, in quo iſthæc omnia cum propriis Monialium nominibus continentur, Annus ille proſecto non fuit expreſſus: lacunaque nunc etiam extat, quam ejus adjectione Collector explorare meditabatur; ego vero ceteroqui nec Litteras ſuper ejuſmodi diſiſione Apoſtolicas legi; nec aliunde certum hæcenus habeo Anni ejus indicium. Certe autem eadem iſtæ ſeniores ac Sancti *Auguſtini* Moniales, Litteris pariter Apoſtolicis (mihi tamen necdum inſpectis) innixæ, habitum cinerei coloris in Eremitanum pariter ac nigrum, Rectoribus & ipſæ ſuis conformatæ, poſtea commutarunt. Cum vero eadem ipſæ ad ſexageſimum, eoque amplius, numerum intra limites ob eam diſiſionem anguſtos excreviſſent, multæque præterea cuperent aliæ ipſis aggregari: cumque *Mediolani* Dux & Ducifſa ipſis obnixæ fauerent; una omnes a Romano Pontifice poſtularunt, ut eidem ipſarum Monasterio alterum illud HORONI propinquum, ſolaque via interjecta diſiſum, ita uniretur, ut ambo in unicum apte opportuneque coaleſcerent. Quo quidem impetrato, viæ illi, per Urbem illac communi, qua duo iſthæc Monasteria dividebantur, altera deinde in tranſverſum ſuſſoſſa eſt via ſubterranea, & ſolis in occulto patens Monialibus, ipſarumque uſui. Quocirca libere per eam ultro citroque ad ſua miniſteria commeabant, procul ab extraneorum conſpectu. Verumtamen, cum aliquot jam coeſiſſent ædes, veteri ſuo Monasterio propinquiores, & citra viam illam communem fitas; Anno denique Milieſimo quingentieſimo octogefimo tertio vendiderunt quidquid ædium erat ultra viam, ubi ſitum fuerat HORONI Monasterium: ædeſque iſtæ, intercluſa via illa ſubterranea, ſolis deinceps Monialibus Cappucinis deſervierunt. Ubi ergo (ſicuti initio dicebamus) Cappucinæ iſtæ nunc degunt, ibi olim ſtabat HORONI ORONI AURONI vel AURONIS AURUNÆQUE Monasterium, ab *Engilberga* Imperatrice *Ambroſiano* donatum Monasterio intra temporis intervallum illud, quod ab Anno *Chriſti* Octingentieſimo ſeptuageſimo quinto, quo *Hudovicus* Secundus Imperator obierat, effluxit ad Octuageſimum uſque Annum, quo utrunque illud *Caroli Cræſſi* Privilegium legitur conſeſſum. De quo tamen Monasterio ne illud quidem hoc tandem loco tacuerim, quod inter cetera ipſius Documenta, penes hodiernas Sancti *Auguſtini* Moniales aſſervata, novifſime comperi. Unum enim comperi, Anno Dominicæ Incarnationis Milieſimo ducentieſimo quinquageſimo ſeptimo, die tertia Maji,

A & Indictione decima quinta conſeſſum: in quo illud ipſum Monasterium, ſimiliter ac in *Ariberti* Teſtamento, non HORONI, ſed AURONI nuncupatur. Sed & eadem ipſæ Sancti *Auguſtini* Moniales Archiepiſcopali regimine multos jam annos fruuntur. Etenim ne hoc quidem ullo pacto tacendum nobis erat.

CCXXXII. Atqui ſextum illud Monasterium, quod vocabatur NOVO, non alibi proſecto fuit, quam ubi nunc Benedictinæ Moniales in Porta *Vercellina* inhabitant: in eo nempe Monasterio, quod communi per Urbem ſermone nuncupatur SANCTI VINCENTII; tametſi præterea e publicis ipſius Documentis illud hodieque retentum ex antiquo repererim, ut NOVUM itidem appelletur. Iſtud igitur olim vocatum invenio nonnunquam Monasterium Novum Portæ *Vercellinae* Civitatis *Mediolani*: aliquando autem Monasterium Sancti Vincentii, nuncupatum Novum. Nominatim autem Anno Domini Milieſimo centeſimo quinquageſimo tertio, undecimo Kalendas Decembris, Indictione undecima, illius Abbatifſa vocatur Abbatifſa *Eccleſiarum Sanctæ Mariæ & Sancti Vincentii*: ac Monasterium ipſum dicitur Novum, conſtructum infra Civitatem *Mediolani*, prope Portam *Jovis*: cui ceteroqui Portæ nomen eſt inditum *Vercellinae*; quippe qua *Vercellenſem* ad Urbem recta tendatur. Cum igitur pro certo iſtud ita ſe habeat; nonnihil tamen de ipſius Monasterii origine atque antiquitate controvertitur. *Paulus Morigia* in Sanctuario aſſerit, ejuſdem conditorem Anno *Chriſti* Septingentieſimo ſeptuageſimo fuiſſe *Deſiderium Longobardorum* Regem. Contra vere *Antonius Caſtillionæus*, Antiquitatum *Baſilicæ Vincentianæ* Faſciculo Sexto (cujus loci nos quoque mentionem faciebamus Num. 47.) perſuaſus, non aliud *Mediolani* conſtructum ab eo Rege fuiſſe Monasterium, quam Monachorum & non Monialium, quamque illud, quod ad Carrubium Portæ *Ticinenſis* erat, ubi nunc Sancti *Sixti* Eccleſia conſiſtit, & unde poſtea Monachi ad *Vincentianum* in Pyato Monasterium diſceſerunt: ſic itaque perſuaſus, in eam *Morigia* aliorumque opinionem hiſce verbis invehitur: *En hiſ toto caelo conſtat aberraffe noſtrates non ignobiles Chronographos duos* (quoniam ſint, nec ipſe indicat, nec ego divinare poſſum) *qui obſequendi fortaſſe Virginibus Veſtalibus deſiderio ducti, temere (uti par eſt credere) prodiderunt, Monasterium a Rege Deſiderio conditum fuiſſe illud, quod nunc incolunt Divi Vincentii Moniales in Maynorum via, non longe ab ea poſita, quam Mirabilem vocant. Cum enim Monasterium hoc alio tranſlatum fuiſſe nuſpiam legatur, nec aliunde ſciatur; diverſum illud eſſe ab eo, quod Longobardus Rex condidit, credere neceſſe eſt. Quid, quod Divi illius Vincentii Monasterium NOVUM etiamnum dicitur? ut a noſtro, quod antiquitus a Longobardorum Rege conditum VETUS appellabatur, apertifſime diſtingueretur hac nota. Deuiſſet tamen Caſtillionæus aliquo ſaltem argumento ſuadere, huiuſmodi Monialium Cœnobium appellatum fuiſſe NOVUM per comparationem ad alterum illud *Vincentianum* Monachorum (de quo inſuper nobis non conſtat, an VETUS appellaretur) & non potius ad alia Monialium, vel etiam Monachorum, Monasteria, quæ tunc temporis intra Urbem ante ipſum extitiſſent. Sane quidem illud ab *Ariberto* aliifque jam vidimus ex communi olim uſu NOVUM absolute, ac ſine additamento Sancti Vincentii, appellatum: iſtudque per antonomafiam Italice ita dicebant IL MONASTERO NUOVO; ſicut alterum illud IL MONASTERO MAGGIORE. Utcumque tamen res iſta ſe habeat, quam potius alii diſcutiant, mirabundus in hæc verba pergit *Caſtillionæus*: Et ſane allucinatum hac in re fuiſſe*

fuisse par Scriptorum, alioquin oculatorum, valde miror; cum eos legisse constet *Benuenutum in Chronicis* &c. *Joannem a Monte in Manipulo florum* &c. *Jacobum Gualuaneum Chronicorum Minorum Titulo 10.* &c. & *Chronicorum Majorum Cap. 192.* &c. & alios priscos Auctores omnes, ab iisque sua ferè omnia desumpsisse. *Iti verò omnes una voce testantur, non alibi quam ad Carrubium Ticinensis Portæ Cœnobium a desiderio Longobardorum Rege fuisse conditum: & inde ad Divi Vincentii in Prato planiciem annis labentibus deportatum, Monachis item, non Monialibus, brevi temporis spatio locupletatum.* Hactenus *Castillionæus*, apud quem interfecta legere licet etiam *Beneventi*, & *Joannis a Monte*, nec non etiam *Gualuanci*, quos allegabat, testimonia verbatim exscripta. Quia tamen Auctores absque dubio affirmant, hoc Monachorum Monasterium in Porta *Ticinensi* a Rege constructum *Desiderio* fuisse; at non ipsi negant alterum alibi pro Monialibus hac in Urbe ab eodem constructum. Neque porro ex natura rei hoc sequitur, ut, quia illud pro Monachis tantus alioqui Rex condidit in una hujus Urbis parte, alterum item in altera pro Monialibus non condiderit. Quid ergo vetat, quominus nos utramque Auctorum in hac causa classẽ sine alterutrius injuria æqualiter & amice ita potius sequamur, ut utrumque sic etiam ejusmodi Monasterium ab eodem Rege *Desiderio* fundatum extructumque concedamus? Commemorare vero etiam hic præstat, quid item *Vincentiane* ipsæ Moniales e Majorum suarum traditione (cui non ita facile ac leviter abroganda est fides) nobis recenter affirmarint. Constans est (aiebant) Monialium nostrarum fama & opinio, jam inde a primis ducta originibus, Monasterium istud nostrum a Rege *Longobardorum Desiderio* inchoatum fuisse pro duabus filiis suis, *Ansilberga* & *Ermingarda*: sed eas postea, *Brixienfis* Urbis cælo ac solo magis oblectatas, religiosam illic traducere vitam præoptasse; indeque factum, ut nobilissimum ibidem amplissimumque Sanctæ Julię Monasterium ab eodem Rege contrueretur; quemadmodum in *Historia Monastica Petrus* narrat *Ricordatus*. Nobisque protinus Historiam ejusmodi curiose flagitantibus obtulerunt; quippe sibi familiarem: quæve de illo Sanctæ Julię Monasterio sub Die tertia continerentur, ostenderunt. Consentanea utique illa erant cum iis etiam, quæ *Carolus Sigonius* Libro Tertio *De Regno Italie* narrat ab Anno Christi Septingentesimo quinquagesimo nono, quo *Brixienſe* istud Monasterium *Desiderius* ædificare, uxore *Ansa* & *Adalgiso* filio adjuvante, instituit. Quocirca, si modo verax est ejusmodi Monialium traditio; certe sequitur, ut NOVUM istud ipsarum Monasterium prima sui origine jam præcederet Annum illum septingentesimum quinquagesimum nonum, & aliquanto esset antèrius *Vincentiano* ad Carrubium Monasterio. Istud quippe conditum (sicut ipsemet exscripsit *Castillionæus*) affirmant *Joannes a Monte*, ac *Gualuaneus* Anno Christi Septingentesimo septuagesimo, *Beneventus* autem decimo inde Anno, sive octogesimo.

CCXXXIII. Monasterium porro DE GHISONE illud est, quod nunc SANCTÆ MARGARITÆ appellatur, intra Portæ Novæ fines. In ejus enim Codicis, quem Num. 52. in testimonium proferebamus, Calendario ac Matyrologio sic legitur sub tertio Nonas Septembris: *Passio Sancti Leonis & Marini.* AD SANCTAM MARGARITAM, SIVE AD MONASTERIUM GISONIS: quod absque dubio idem est ac GHISONIS. *Franciscus* sic etiam *Castellus*, Metropolitanæ Canonicus Ordinarius, id ipsum observavit. In eo siquidem Opusculo manuscripto, cui titulus, *Cognomina antiqua certarum Ecclesiarum*, quodque in Capituli Metropolitanæ Bibliotheca asservatur, sic habet: EC-

A CLESIA GHISONIS nunc SANCTÆ MARGARITÆ. Videtur autem familiæ *Mediolanensis* cognomentum: e qua familia fuerit ejus Ecclesiæ ac Monasterii Conditor: qui proinde suum ipsis cognomentum indiderit. *Ghisones* profecto inter nobiles *Mediolani* familias à *Paulo* etiam *Morigia* numerabantur prope finem Historiæ *Mediolanensis*. De Monasterio DATHEI hoc solum interea censemus: ab eo forte *Datheo*, Metropolitanæ Archipresbytero, de quo diximus Num. 23. constructum fuisse: sive quia Xenodochium illud, quod pro Infantulis primo fuerat institutum, progressu temporis transierit in Monialium Monasterium: sive quia non modo Xenodochium illis, sed istis etiam Monasterium ædificavit.

B CCXXXIV. A Puellarum ac Monialium Monasteriis verto me tandem ad Ecclesiam, QUÆ DICITUR DE RONZONE, QUÆ EST CONDITA IN HONORE SANCTÆ TRINITATIS. Ecclesia vero isthæc sine dubio non alia est, quam quæ hodie SANCTI SEPULCHRI appellatur: ubi Præpositus residet inclytæ illius Oblatorum Congregationis, quam ego meritissimè divinum Ecclesiæ *Mediolanensis* Columnen ac Præsidium & Decus, quale scilicet ejus Fundator, Cardinalis & Archiepiscopus noster *Carolus Sanctus*, in votis habuerat, appellandam semper ac prædicandam existimavi. Sicut autem septimo Imperatoris *Conradi* anno, *Christique* Millesimo trigesimo quarto *Aribertus* hoc suum condidit Testamentum; sic Ecclesia ista (utpote quarto ejusdem Imperatoris anno) tribus ante annis condita fuerat. Scite præ ceteris *Tristanus Chalcus* Libro Sexto ita testatur: Anno quarto Imperii *Conradi Benedictus*, qui & *Rocio* vulgo nuncupabatur cum *Ferlenda* uxore *Ædem* proprio solo media Urbe struxere in honorem Divæ Trinitatis, & in memoriam Locorum, quæ *Christus Deus* nascendo moriendoque, & interim baptizatus, excruciatuſque a *Judeis*, & novissime cælos ascendens, sacravit. Singulaque Sacella singulis nominibus distincta diu mansere, donec celebrius vocabulum SANCTI SEPULCHRI invaluit. Ejus cultui quatuor Canonicos & octo Monachos adscriptos fuisse lego; licet posterorum negligentia illos jamdiu desideremus. Durat tamen nobilis structura, subterraneo specu pensilibusque Cellis, marmoreo pavimento & duabus turribus egregia. Et hactenus *Chalcus*. Non igitur apte ad temporis veritatem *Gualuaneus Flamma* (& si qui generis ejusdem sunt alii) hæc scribit in *Chronico Majori*, Cap. 240. Anno Domini Millesimo trigesimo sexto *Rozus de Cortosella*, sive de *Cancellariis*, construxit Ecclesiam Sancti Sepulchri. Ac multo minus verè scribit infra, Cap. 249. Eodem Anno, scilicet in Millesimo centesimo, Ecclesiam Sancti Sepulchri per *Rozum de Cortesellis* construitur. Non enim hoc Anno primum constructa illa fuit, sed restaurata, & in honorem *Dominici Sepulchri* consecrata; posteaquam nimirum ab expeditione *Jerosolymitana* feliciter peracta *Mediolanenses* in patriam rediissent. Qua de re nos quoque tunc temporis aliquid innuimus.

C CCXXXV. Quod vero ad ipsum per se Legatum illud *Ariberti* attinet: dubium esse non potest, quin eidem exequendo reditus admodum copiosi & uberes tam multis ex bonis, quæ hunc ad finem assignabantur, proventuri deinceps in perpetuum supplerentur. Atqui tanta postmodum secuta est rerum ac temporum perversitas: tamque tenues hodie reditus pro ejusmodi Legato colliguntur, ut juxta ipsius contractionem, rite ac legitime demum factam, nonnisi semel unoquoque quadriennio solum Capitulum Metropolitanum die Veneris hebdomadæ primæ quadragesimalis procedere deinceps teneatur ad ejusmodi Supplicationem in Ecclesia Sanctorum *Dionysii* & *Aurelii* peragendum. Ibi quippe sepultus idem

fuit *Aribertus*; quemadmodum etiam nos in tempore dicemus.

CCXXXVI. *Ariberti* Archiepiscopi Testamento curiosè hæcenus a nobis per ejusmodi observationes atque adnotamenta illustrato, *Gualuaneus Flamma* & Auctor Chronici *Flos florum* ab Anno Christi supra Millefimum trigesimo quarto nos ad trigessimum A.C. 1036. evocant sextum. Huic enim Anno iidem adscribunt, quæ proxime sequuntur. *Gualuanei Flammæ* Codex, quem nonnulli autographum credere, in *Ambrosiana* Bibliotheca servatur, aliquatenus nonnunquam diversis ab eo, quem nobis *Aloysius ab Ecclesia*, non sine grati obstrictique animi nostri sensu jam sæpe nominatus, commodavit, quove uti ut plurimum solemus. In ejus ergo Codicis Capite 736. hoc singulariter de *Ariberto* Archiepiscopo perhibetur: *Duos Abbates, scilicet Sancti Ambrosii & Sancti Vincentii, qui dicebant se exemptos, sibi subjecit auctoritate summi Pontificis. In cujus signum Papa donavit Archiepiscopo Corpora Sanctorum Martyrum, Quirini, Nicomedis, & Abundii: quæ in Monasterio Sancti Dionysii (legendum est Vincentii) tumulavit. Eodem tempore, scilicet in Millefimo trigesimo sexto (qua de re nos paulo ante differuimus) Rozus de Cortesella, sive de Canzeliariis, construxit Ecclesiam Sancti Sepulchri, ut dicit Gothofredus de Buffero, die decimaquinta Julii: & die decimasexta Octobris ECCLESIA SANCTISATYRI IN PORTA ROMANA FUIT CONSECRATA: quam videlicet Num. 134. & deinceps videbamus ab *Ansperto* Archiepiscopo constructam, & huic *Ambrosiano* Monasterio subjectam. *Flamma* itaque Abbati etiam huic *Ambrosiano* hanc inurit notam, ut Archiepiscopi *Mediolanensis* jurisdictioni ac regimini sese subtrahere voluerit. Ejusdem opinionis etiam est *Joannes Antonius Castillionæus* Fasciculo illo Sexto jam citato, pag. 186. in eo tantum à *Gualuaneo* discors, quod hoc ipsum *Ariberti* factum, ut ambrosios ejusmodi Abbates in officio contineret, non trigesimo sexto adscribit Anno, sed vigesimo tertio. Præterquam quod autem nobis, Monumenta hucusque nostra computantibus, commentitium & incredibile de Abbate nostro id videtur; certe quidem Chronologos idem habemus, qui soli *Vincentiano* Abbati ejusque Monachis hoc tribuant. Ecce nobis Auctor Chronici *Flos florum*, fol. 238. pag. 2. *Hic a Papa obtinuit Sancti Vincentii subjectionem qui dicebant exemptos: in cujus signum Papa dedit Corpora Sanctorum Quintini (lege Quirini) Nicomedis & Abundii, qui sunt in dicto Monasterio &c.* Ecce itidem novus nobis nec antehac citatus testis, *Petrus Azarius*, in *Heriberto* Archiepiscopo ab Anno Domini Millefimo decimo nono. Inquit enim: *Monasterii Sancti Vincentii subjectionem a Papa obtinuit; quia se exemptum dicebat. In cujus rei testimonium Papa Corpora Sanctorum Quirini Nicomedis & Abundii eidem Archiepiscopo donavit &c.* *Petrus* hic vero *Azarius* fuit Notarius (Novariensisne, an Derthonensis, hoc incertum) atque *Mediolanenses* Annales scripsit ab initio Urbis usque ad Annum Christi Millefimum quadragintefimum secundum. Quibus in Annalibus Anno Millefimo trecentesimo quinquagesimo quinto semetipsum narrat à Magno *Matthæo Vicecomite*, Vicario Imperiali, & *Mediolani* Domino, missum una cum *Leone de Muriculis*, ut Militiam reformarent ad hoc, ut sumptus minuerentur. Nec vero typis editi sunt ejusmodi Annales. Manuscriptus igitur ipsorum Codex tribus circiter ab hinc annis commodatus in pauculos dies mihi fuit ab ultroneo illo studiorum meorum fautore in omne tempus predicando, *Matthæo Valerio Carthusiano*: qui, cujusnam ille foret, adjecit se ignorare; sed certe tamen commodatum sibi pariter fuisse ab Amico suo charissimo, ac per ipsum meo. Defendens videlicet a *Lauda* hic erat (& vivit adhuc vivatque diutissime) Jurisconsultus pe-*

A regregius, antiquitatum peritissimus, & Cathedralis Ecclesiæ *Laudensis* Canonicus, pluribus etiam eruditionis suæ foetibus, in lucem jam editis, de illamet Ecclesia & Urbe benemerentissimus. Sicut igitur ex eo Codice nonnulla tunc ego raptim exscripsi, quæ ad Ecclesiam spectarent *Mediolanensem*; sic etiam in præfenti Auctorem ipsum mihi testem adhibui; & eo quidem lubentius, quia per tales tantosque Viros fortè fortuna mihi datum fuerit, ut illum asciscere possem. Quoniam vero Archiepiscopus noster *Aribertus* non sua tantum sed etiam *Romani* Pontificis auctoritate *Vincentianum* Abbatem ad officium & in ordinem redegit, & ab eodem quidem Pontifice muneratus, uti jam vidimus; quis illud item non videat, quod pluries adhuc ostendimus, Archiepiscopum nostrum, & una cum ipso Ecclesiam *Mediolanensem* universam, per hæc etiam tempora *Romanæ* Sedi Apostolicæ procul ab omni schismate reverenter adhæsisse? Quo enim propius ad ejusmodi schismatis commentitii finem acceditur, eo magis ex propinquo vanitatem ipsius a nobis convinci, dante semet ipsam occasione, oportet. Sancti vero etiam *Satyræ* Ecclesiam dicebamus hoc tempore ab *Ariberto* Archiepiscopo consecratam. Nunc itidem scito Lector, sacras ibi Reliquias magno in numero asservari: quæ olim ex antiqua consuetudine semel tantum in anno, scilicet in Epiphania Domini, publice ad cultum exponebantur; sed Anno postea Millefimo sexcentesimo duodecimo exponi præterea cœperunt in Paschate Resurrectionis & Pentecostes; ita nimirum jubente *Frederico* Cardinali & Archiepiscopo *Borromeo*. Nos autem in tanto earum numero hæc tantum nominabimus, quæ præsertim ad nostrum spectant institutum. Sunt autem unus e Sancti *Protasii*, alter e Sancti *Ambrosii* dentibus: præterea vero Sancti *Gervasii* mentum inferius cum quinque dentibus ipsi etiamnum insertis, ac sexto separatim custodito.

CCXXXVII. Quidam in *Aribertum* Archiepiscopum immoderate paululum dominantem conjuraverant. Contra illos igitur *Conradum* evocat Imperatorem; sicut expresse testatur Libro secundo *Arnulfus*. Inde *Vuippo* in ejusdem Imperatoris Vita, Titulo *Quod Rex Heinricus filium Cunitionis Regis in conjugium duxerit*, hunc in modum tradit: *Eodem Anno, ut dictum est (Millefimo trigesimo sexto) Imperator Cbunradus cum filio Heinrico Rege Italiam intravit cum exercitu: & celebravit Natalem Domini Veronæ Anno Dominicæ Incarnationis Millefimo trigesimo septimo.* INDE AD MEDIOLANUM VENIENS, AB HERIBERTO ARCHIEPISCOPO MAGNIFICERECEPTUS EST IN ECCLESIA SANCTI AMBROSII.

CCXXXVIII. Narrare postmodum pergit *Vuippo* tumultum *Mediolani* mox obortum, generale Colloquium *Papiæ* a *Conrado* propterea inductum, *Aribertum* Archiepiscopum ad Urbem *Placentiam* in carcerem amandatum, nec multo post fuga inde ad suos reversum: sic etiam in exilium actos *Vercellensem*, *Cremonensem* ac *Placentinum*, Episcopos. *Quæ res* (idem *Vuippo* subdit) displicuit multis, Sacerdotes Christi sine judicio damnari. Referebant nobis quidam, piissimum nostrum *Heinricum* Regem, filium Imperatoris, salva reverentia Patris, clam detestari præsumptionem *Cæsaris* in Archiepiscopum *Mediolanensem*, atque in istos tres: & merito. Quia sicut post judicialem sententiam depositionis nullus honor exhibendus est; sic ante judicium magna reverentia Sacerdotibus debetur. Et paulo post: *Eo tempore Imperator Mediolanenses nimium afflixit: & quoniam Urbem, antiquo opere & maxima multitudine munitam, capere non poterat, quod in circuitu fuerat, igne & gladio consumpsit.*

CCXXXIX. Sed Titulo subinde etiam *De miraculo, quod accidit in die Pentecostes*, sic ille itidem nar-

narrat: Eodem tempore, dum Imperator quoddam Castrum Sancti Ambrosii, quod Curbitum dicitur (Scriptores nostri Corbetam vocabulo etiam in praesens usitato dixerunt) juxta Mediolanum obsideret, accidit ibi, quod plures pro miraculo habuerunt. In Dominica sancta Pentecostes, ante horam tertiam, de magna serenitate caeli subito fulmina cum tonitruis eruperunt tantae fortitudinis, ut multa pars hominum & equorum periret in castris. Quidam prae tanto terrore in excessum mentis venerunt, ita ut post aliquos menses vix illis sensus redierit. Venientes autem qui extra castra fuerant, nec vidisse nec audivisse aliquid tale, dicebant. Eo tempore Imperator Archiepiscopatum Mediolanensem Ambrosio Mediolanensi Canonico dedit; licet illi ista donatio parum profuisset. &c. Haecenus Vuippo: neque noster ab ipso dissentit Arnulfus. Cujus haec denique sunt verba, quibus eventum illum, a pluribus pro miraculo habitum, describit. Igitur recedens ab Urbe Caesar jubet cuncta in circuitu prope longeque vastari loca. Cumque flammis universa consumeret; crebris fulminum jactibus & grandinea tempestate correptus, a coepto desistens recessit morens. Quinetiam Bertaldus, Regius a Secretis, cujus cuncta fiebant consilio, insane mox mentis efficitur. De quo cum Rex leniri debuerat, magis intumuit, in tantum, ut Heribertum adjudicaret dignitate propria privandum. Stabilita igitur deliberatione, Praesulatum tradidit Ambrosio, Modiolanensis Ecclesiae Cardinali Presbytero, suoque Cappellano; etsi videntibus, non tamen volentibus Episcopis. Quo Heribertus audito, de Rege similiter tractavit honore privando. &c. Sic itaque videmus, quemadmodum antiquiores illi Scriptores reticuerint, quoniam praesertim pro Mediolanensibus Oratore apud Deum coelestes illae minae iraeque fuerint in affectas Conradi effusae. Atqui non ita se gessere posteriores. Vincentius ante alios, Bellovacensis Episcopus (& hic Anno Christi Millesimo ducentesimo quinquagesimo florebat) in Speculo Historiali, Lib. 25. Cap. 17. sic insuper habet: Die vero Pentecostes cum Imperator in parva Ecclesia secus Urbem coronaretur (sive potius coronatus staret, ut legit Sanctus Antoninus Secunda Parte Chronicorum, Tit. 16. Cap. 4. §. 1.) ad Missam, tam gravia fuerunt tonitrua & fulgura, ut aliqui mente excederent, aliqui spiritum exhalarent. Bruno vero Episcopus, qui Missam celebrabat, & Secretarius Imperatoris, cum aliis tribus, dixerunt, se inter Missarum solennia VIDISSE SANCTUM AMBROSIUM IMPERATORI INDIGNANDO COMMINANTEM. Tunc Imperator ab Italia discessit. De qua quidem Sancti Ambrosii apparitione, atque in parva secus Urbem Ecclesia, Vincentium sequuntur testemque proferunt unanimiter Gualuaneus Flamma in Chronico Majori, Cap. 141. & in Manipulo florum, Cap. 145. tum etiam Chronici Flos florum Auctor, fol. 129. pag. 2. Petrus Azarius in Annalibus Mediolanensibus. Eiusdem vero apparitionis meminit quoque Auctor Magni Chronici Belgici, ab Anno Christi Quinquagesimo quarto usque ad Millesimum quadringentesimum septuagesimum quartum (quo, sicut & trigesimo nono, ille vivebat) deducti, & una cum Historia Vuipponis in lucem editi: praeterea Georgius Merala Libro 2. Antiquitatis Vicecomitum, & Tristanus Chalcus Lib. 6. Hieronymus Rubens Historiarum Ravennatum Libro Quinto, ad Annum Christi Millesimum trigesimum septimum, Gaspar Bugatus in Historia Universalis, quin etiam Blondus Flavius & Joannes Naclerus jam citati Num. 218. necnon etiam alii quam plures.

CCXL. Prae illis Carolum Sigonium proferre praestat, isthaec sub eodem Anno scribentem: Caeterum Ambrosium (illum videlicet Ecclesiae Mediolanensis Cardinalem, quem Conradus in Ariberti a se dejecti locum substituerat) die Pentecostes Bruno Episcopus IN AEDE DIVI AMBROSII SUBURBANA

A consecraturus, cum praesente Imperatore Rem divinam faceret; SANCTUM AMBROSIUM EPISCOPUM, GLADIUM IN COELO VIBRANTEM, ATQUE IMPERATORI MINITANTEM DICITUR CONSPICATUS. Quo facto, statim tonitrua & fulgura adeo sava sunt consequuta; ut Bertrandus, a Secretis Regis, ingenti fragoris magnitudine exanimatus, e potestate decesserit; aliique, qui aderant, plures extincti sint. Quibus rebus permotus Conradus, Mediolani oppugnationem reliquit &c. Quaevisne vero, Lector, quamnam Sancti Ambrosii Aedem Sigonius hoc loco suburbanam vocet. Basilica isthaec Ambrosianam multos etiam hinc annos absque dubio sibi nomen suburbanae promerebat; quippe cum extra muros Urbis confisteret: nec ab ejusmodi nomine Sigonius abhorret Anno Millesimo quadragesimo sexto. Idem tamen Sigonius ipsam (ut etiam nos Num 175. animadvertimus) urbanam vocabat: & hanc fortasse ob causam; quia propinquior aliquanto ipsa esset Urbi, quam ea, quae SANCTI AMBROSII AD NEMUS appellatur. Hanc igitur AD NEMUS (cui re vera nomen etiam Ecclesiae parvae conveniret) quispiam fortasse dixerit a Sigonio suburbanae additamento indicatam: patronumque nostrum e caelo Ambrosium sese ibi conspicuum simul ac minacem obtulisse. Expresse quidem Besutius ita sensit in Historia Pontificali, sive in Ariberto Archiepiscopo Septuagesimo quarto. Gualuaneus tamen eo Chronici Majoris Capite, quod nuper proferebamus, & Auctor Chronici Flos florum, itemque Bernardinus Corius in Historia Mediolanensi, Ecclesiam illam, in qua Sanctus Ambrosius apparuerit, diserte scribunt, Sancti Michaelis Ecclesiam fuisse, quae juxta Basilicam istam sita est. Verum enimvero difficile creditu videtur, Conradum in praesenti nostrae Urbis obsidione tam propinquum ejusdem muris una cum exercitu suo confedisse; cum praesertim Arnulfus eum diserte scribat tertio ab Urbe milliaro fixis tentoriis castra metatum. Etenim confedisset ultra Vallum, sive Fossatum, ipsismet muris non sine aliquanto intervallo circumjectum: ultra quod tam Sancti Michaelis Ecclesia quam Basilica ista sine dubio erant. Sin autem tam propinquus illis confedisset; certe vel ipsam consecrationis ejus Archiepiscopalis celebritas Basilicam potius istam sibi vendicabat: in qua ceteroqui pariter ea peragi, magisque Ariberto legitimo Archiepiscopo dispicere potuisset. Pro suo tamen quisque arbitrato ista dijudicet. Nos interim neque tale quippiam Basilicae huic nostrae praefraete vendicamus, neque parvae invidemus illi Ecclesiae Sancti Michaelis, vel Sancti Ambrosii AD NEMUS. Quod si forte quispiam Sigonium pro hac Basilica nostra interpretari malit; ut quid nos decus ejusmodi sponte oblatum respuamus?

CCXLI. Conradus ex Italia in Germaniam reversus, ibi moritur Anno Domini Millesimo trigesimo nono undecimo Nonas Junii, feria secunda, Indictione septima: dum jam in filio suo Rege Heinricho Regni rem, Imperii autem spem bene locatam consideret. Sic enim loquitur Vuippo Titulo De obitu Imperatoris: cujus etiam obitum, sane quidem pium, accurate describit. Sed & jam ante, Titulo Quod Imperator filium suum Heinricum Regem consecrari fecit, recensuerat, quemadmodum hic ejus filius, magni ingenii & bonae indolis puer, aetate undecim annorum, consecratus apud Aquisgrani Palatium fuisset Germaniae Rex a Colonensi Archiepiscopo, Anno Domini Millesimo vigesimo octavo, Indictione undecima, in Principali Domica Paschae. Sic etiam Titulo Quod Imperator filio suo Regi Burgundiam tradidit, asseruerat hoc illi Regnum tradidisse autumnis Anni supra Millesimum trigesimi octavi: fecisseque, ut fidelitas illi denuo juraretur. Cum igitur vigesimum secundum aetatis annum ageret Henricus, de-

functo Patre, jam solus in paterno Germaniæ Burgundique Regno perseverat. Ceterum Italici de Regni possessione sollicitus (verba sunt Sigonii ad eundem Annum Millesimum trigessimum nonum) Legatos protinus ad Herebertum Archiepiscopum misit, Coronam præfens, amicitiam in perpetuum postulatum. Quorum utrumque cum se daturum Archiepiscopus ostendisset; continuo ab armis discessum est. Hinc item Arnulfus, Defuncto autem (inquit) Conrado, Henricus, adolescens ejus filius Rex vivente Patre creatus, Augustus ab omnibus appellatur: vir Reipublicæ gerendæ satis idoneus: qui paterni animi non imitatus affectum, suorum consilio Fidelium cum Archiepiscopo pacis fœdera stabilivit, ab illo deinde fideliter honoratus. Coronam tamen in præfens postulatam vicissimque promissam Henricus non recepit in præfenti, sed aliquanto post tempore. Quocirca Sigonius hæc ibidem subdit: Bellis tamen Boëmico & Ungarico impeditus Henricus, rebus Italiæ vacare per multos annos non potuit. Eumque propterea nonnisi Anno Millesimo quadragesimo sexto venisse postea scribit in Italiam, ut solennia quoque Italici Regni a Mediolanensi Archiepiscopo insignia susciperet. De qua tamen mora nos paulo post abunde differemus.

A.C. 1040. CCXLII. Annum Christi Millesimum quadragesimum ingressi, Lectorem admonemus, ut ea recollere animo non gravetur, quæ Num. 221. Annoque Christi supra Millesimum vigesimo octavo tradebamus de Otthone illo Presbytero, deinter Decumanos Sanctæ Mediolanensis Ecclesiæ Officiali Basilicæ istius: deque illa Ecclesia, in honorem Sancti Archangeli Michaelis & Beati Petri Apostoli consecrata, & huic Ambrosiano donata Monasterio. Idem igitur Presbyter, ita prorsus hic etiam quemadmodum & illic descriptus, hoc ipso Anno supra Millesimum quadragesimo, mense Decembris, Indictione nona, in Civitate ista Mediolani novum condit Testamentum, aliaque rursus bona irrevocabiliter eidem illi donat Ecclesiæ: quam tamen hic absque Sancti Petri Apostoli titulo nominat solummodo Ecclesiam Sancti Michaelis Archangeli extra Civitatem Mediolani, ad Locum, ubi SALA dicitur, quæ est non multum de longe a Porta, quæ nuncupatur Vercellina. Vivebat vero etiam tum Raidruda illa vidua, sacro postmodum velamine insignita. Ei ergo Ecclesiæ Ottho donat rursus alia quædam sedimina, & petiam unam campi, quæ rejacet foris ab hac Civitate Mediolani in isto Loco SALA, ante Ecclesiam ipsius Sancti Michaelis, tantum via intermedia. Cum hac tamen conditione donat: ut habeat prædicta Raidruda, quæ & Rigeza, diebus vitæ suæ usufructuario nomine, & faciat in ipsis casis & rebus de fruge & censu, quæ Deus dederit diebus vitæ suæ, quod voluerit; post ipsius autem decessum deveniant in jus & potestatem ipsius Ecclesiæ Sancti Michaelis proprietario jure, pro anima (inquit) mea, & ipsius Raidrudæ, & Quondam prædicti Gandulfi, ejus utique mariti; cedantque in usus Presbyteri Teusprandi, ejusque Successorum, qui perpetuis temporibus in eadem Ecclesia Officiales fuerint. Ceteras porro Testamenti ejusdem conditiones & clausulas omitto: satisque sit dicere, idipsum fuisse a Gotefredo Notario scriptum, ac post tradita compilatum & datum.

A.C. 1043. CCXLIII. Dubium profecto nemini debet esse, quin Henricus in Italiæ Regem coronatus a Mediolanensi Archiepiscopo fuerit, quo primum tempore in Lombardiam postea ille venit. Venisse autem Anno Christi Millesimo quadragesimo tertio, Tristanus Chalcus Lib. 6. luculenter in hunc modum testatur & confirmat: Henricus adolescens adhuc paterno Regno suffectus est, & pacem Mediolanensibus dedit: & postea Anno Millesimo quadragesimo tertio cis Alpes profectus, Ticini Conventum habuit, decimoque tertio Kalendas Majas immunitate donavit Cœnobium Sancti Felicis:

A, cui annuerunt Heribertus Mediolanensis, Raynaldus Papiensis, Luitprandus (in Auctoris autographo Riutprandus) Novariensis, & Litigerius Comensis, Episcopi: tum Ricardus Vicecomes, sacri Palatii Judex, subscripsit. Contra tamen Carolus a Basilica Petri, Libro Secundo suæ Novariæ agens de Riprando Novariensi Episcopo, ita sentit: Est ejusdem (Riprandi) mentio apud Tristanum: dum narrat, Henricum, qui Conrado patri mortuo in Regno successerat, Cœnobium Sancti Felicis Papiæ (in quo jus datum Petro Novariensi Episcopo diximus a Conrado) immunitate donasse, cum Papiæ esset, annuente Heriberto Archiepiscopo Mediolanensi, Raynaldo Papiensi Episcopo, & Riutprando Novariensi, ita enim ipse appellat. Quod licet ipse tribuat Anno Millesimo quadragesimo tertio; ex aliorum tamen auctoritate Anno Millesimo quadragesimo sexto est assignandum. Tunc enim demum in Italiam Henricum venisse ad insignia Regni & Imperii accipiendam, Sigonius narrat, & Papiæ conventum habuisse. Qui quidem, mortuo Patre, pacem fecerat cum Archiepiscopo & aliis, exulesque restituerat. Itaque Carolus a Basilica Petri, repudiato Chalco, Sigonium potius affectatur. Videamus autem, quidnam tandem illud sit, quod & Sigonius in hanc sententiam conscribit. Scilicet ad Annum Millesimum quadragesimum sextum sic ab illo traditum videmus: Rebus autem omnibus trans Alpes tandem aliquando ex sententia administratis, statim de expeditione Italica (Henricus) cogitavit. Iter autem ejus accendit cum Vido Archiepiscopo, qui a Populo Mediolanensi respuebatur, tum novi Romæ Comitiorum Pontificiorum causa suscitati tumultus. Quos ubi Sigonius recensuit, hæc statim prosequitur: His de causis Henricus, & ut solennia Regni atque Imperii insignia sumeret; necessariis rebus omnibus comparatis, ineunte autumno, cum exercitu & Agnete uxore Alpes superavit. Et rursus paulo post: Ille autem benigne a Lombardis acceptus, continuo accessit Mediolanum: ac Mediolanensium cum Vidone lite composita, FERREAM ILLIUS MANU DE MORE CORONAM IN ÆDE DIVI AMBROSII SUBURBANA RECEPIT. Papiam inde profectus sexto Kalendas Novembris Conventum egit: atque exules Longobardos, quos superioribus annis propter conjurationes initas Conradus in Germaniam relegarat, restituit. E quibus nimirum exulibus initium sumpsisse Sigonius existimat (sed non sine errore, sicut ex dictis Num. 202. colligi potest) Ordinem Fratrum Humiliatorum. Papia postmodum Henricus Placentiam proficiscitur, Decembrique mense Sutrium, ac Sutrio Romam pridie Nativitatis Dominicæ accedit; sicut idem narrat Sigonius. Cujus hæc item sunt, quæ sequuntur, ab ipso conjecta in Annum Christi Millesimum quadragesimum septimum: Postridie, in ipso Natalitiorum festo, Clemens Pontifex consecratus Henricum Imperatorem cum Agnete conjuge consecravit: atque, perfectis in Vaticano solemnibus, Pontifex Imperator & Imperatrix, maximo totius Populi Romani plausu in Lateranum, Coronis quisque suis redimitti, de more procedentes, oculos in se omnium tanti majestatis spectaculi converterunt. Quocirca e Sigonii testimonio Henricus Anno quadragesimo sexto supra Millesimum, mense Octobri, Coronam Italici Regni a Mediolanensi Archiepiscopo (& quidem Vidone, in Ariberti locum suffecto) accepit; Imperialem vero a Clemente Papa Secundo ipsamet Dominicæ Nativitatis die; a qua Millesimum quadragesimum septimum Annum Sigonius more suo auspiciatur. Alioqui enim juxta supputationem Anni a Kalendis Januarii (qualem sequitur etiam Baronius) vel ab Incarnatione Domini, sive a vigesima quinta Martii die, isthæc Imperatoris Coronatio facta dicitur Anno Domini Millesimo quadragesimo sexto. His igitur per nos e Sigonio etiam exscriptis, aperiendum est tandem, quid in præ-

præsenti controversia sentiamus. *Henricum* in primis ultro fatemur, quin etiam contendimus nonnisi Decembri eo mense, in die Nativitatis Dominicæ, Annoque illo, juxta *Sigonium* Millesimo quadragesimo septimo ineunte, juxta *Baronium* vero & alios quadragesimo sexto exeunte, coronatum Imperiali Diademate fuisse a *Clemente* Papa Secundo. Neque vero *Chalcus* idipsum diffitetur. Immo vero ad Annum *Christi* Millesimum quadragesimum tertium, facta præter ordinem temporis mentione *Clementis* Secundi, ab *Henrico* ad Pontificatum electi, hæc subdit: Tum, sedatis discordiis, coronatur (*Henricus*) atque Imperator hujus nominis Secundus, & Regum Tertius salutatur. Et rursus infra post Acta quadragesimi quinti Anni supra Millesimum idem *Chalcus* in autographo hæc ipsa interserit, quæ in Editione typographica non extant. Anno sequenti, id est, Millesimo quadragesimo sexto, *Henricus* Augustalibus insignibus sumptis, sicut Regum Tertius, Imperatorum sui nominis secundus fuit. Quocirca nos *Henricum* etiam concedimus non ante in Urbe *Roma* fuisse, quo ex tempore *Conradus*, ejusdem genitor, obierat. Ceterum interea temporis eundem nihilominus in *Lombardiam*, & nominatim *Mediolanum* pariter ac *Papiam*, iterato venisse arbitramur: semel ineunte autumno Anni ejus quadragesimi sexti, quemadmodum *Sigonius* narrabat: semel autem ineunte saltem vere superioris anni quadragesimi tertii, quemadmodum nos *Chalcus* eo præsertim edocebat *Henrici* Diplomate, decimotertio Kalendas Majas in Urbe *Papia* dato, cui *Heribertus* etiam noster Archiepiscopus anuisset. Quod quidem ipse facere minime potuit Anno illo quadragesimo sexto. Etenim ejus Anni mense Aprili nec *Henricus* *Papia* erat in Urbe; neque vero tunc inter vivos agebat *Heribertus*. Hic enim decimo sexto mensis Januarii proxime lapsi die vitam cum morte commutatur; ut nos postea docebimus. Quoniam vero *Litigerius* etiam *Comensis* Episcopus ei Diplomati annuerat; non abs re præsentis fortasse fuerit hoc loco exscripsisse, quæ *Benedictus Jovius Novocomensis* Historiæ Patriæ Libro Secundo commemorat, quæve repetit *Franciscus Ballarinus* suorum *Comi* Chronicorum *Italicè* conscriptorum Parte secunda. *Alberico* (inquit *Jovius*) successit *Litigerius*. Cui *Henricus Tertius* Anno Domini quadragesimotertio supra Millesimum, Regni sui quinto, Judicalem Sententiam annuæ præstationis Ecclesiæ *Comensi* vini, suum, & arietum, contra *Nonezani*, ac de *Samerate*, & *Vertemate* Communia latam, confirmavit. Perinde ac si *Jovius* dicat, eam *Comi* ab *Henrico*, vel hic saltem in *Lombardia*, confirmatam. Per eam igitur opportunitatem, qua *Henricus* hoc ipso Anno *Papiam* venit, per eandem nos ipsum credimus *Mediolani* Corona ferrea in *Ambrosiana* ista Basilica coronatum: nec ab alio quidem Archiepiscopo, quam *Heriberto*. Certe autem idipsum eidem *Heriberto* indubitanter multi rerum *Mediolanensium* Scriptores adscribunt. *Gualuaneus Flamma* in Manipulo florum Cap. 146. hæc habet: Interim in *Alamania* *Henricus Gibellinus*, dictus *Henricus Barbanigra*, Imperatoris *Conradi Gibellini* filius, factus est Imperator per *Barones Alamaniæ*. Hic in nullo paternam est imitatus pravitatem. Unde statim misit in *Italiam* Legatos ad *Heribertum Archiepiscopum*: rogans eum, ut secum pacifice viveret, ET CORONAM EI IN ECCLESIA SANCTI AMBROSII DARET. Quod Archiepiscopus facere promisit. Unde hic *Henricus Mediolanum* venit, ET AB ARCHIEPISCOPO IMPERII CORONAM ACCEPIT. Sic etiam in *Chronico Majori* Cap. 244. *Henricus Barbanigra* Imperator (per anticipationem utique nuncupatus) *Italiam* intravit: ET PER HERIBERTUM ARCHIEPISCOPUM IN ECCLE-

A SIA SANGTI AMBROSII CORONATUR. Idipsum disertissime a *Bernardino* etiam *Corio* affirmatur in *Historia Mediolanensi*, & in *Vitis Imperatorum*. In *Chronico* autem *Flos florum*, fol. 130. pag. 2. & in *Catalogo Successores Sancti Barnabæ*, eadem hujus *Henrici* Coronatio, tamquam *Mediolani* ab *Heriberto* celebrata, memoratur. Sed hi tamen omnes Scriptores in eo versantur errore, ut Imperiali etiam Coronationi, qua *Henricus* hic postea *Romæ* insignitus fuit, *Heribertum* pariter affuisse opinentur: quod fieri certe quidem non potuit; ut jam ante disseruimus, utque magis etiam postea constabit. Comperi vero etiam in *Ambrosiana* Bibliotheca Manuscriptum Codicem *Chronicorum Modoetensium*, quæ *Bonincontras Morigia* scribebat Anno *Christi* Millesimo trecentesimo quadragesimo. In cujus Codicis Libro primo, Cap. 35. de hoc ipso *Henrico* sic legitur: Anno Domini Millesimo quadragesimo primo AB HERISPERTO (sic enim Archiepiscopum istum ille nominat) MEDIOLANENSI ARCHIEPISCOPO, PRIMO IN MODOETIA, POSTEA IN MEDIO-LANO CORONATUR. Nos tamen quoad Annum Domini, quo ejusmodi Coronatio celebrata fuerit, *Triflano* potius *Chalco* nihilominus adhuc constanter adhærescimus, *Henricum* asserenti profectum cis *Alpes* fuisse Millesimo quadragesimotertio.

C CCXLIV. Eodem Anno *Christi* Millesimo quadragesimo tertio sese nobis offert *Teusprandi* cujusdam Presbyteri archetypum in pergamena satis ex utroque latere corrosa Testamentum. quo lubet ea rursus confirmare, quæ Num. 227. adstruebamus itidem argumento e *Nazariana* Basilica petito. Illud autem sic incipit: IN nomine Sanctæ & individue Trinitatis. Anno ab Incarnatione Domini nostri Jesu Christi Millesimo quadragesimotertio, mense Aprilis, Indictione undecima. TEUSPRANDUS PRESBYTER DE ORDINE DECUMANORUM SANCTÆ MEDIOLANENSIS ECCLESIAE, OFFICIALIS ECCLESIAE SANCTI GEORGII, constructæ intra Civitatem Mediolanum ad locum, ubi PALATIO dicitur &c. Eidem vero illi *Raidrudæ*, quæ & *Rigeza*, viduæ olim, ac postea veste velaminis sanctæ Religionis indutæ, cujus aliquoties mentionem nos jam fecimus, *Teusprandus* hic Presbyter legat usumfructum quorundam bonorum: quæ tamen post ipsius obitum deveniant in jus & potestatem partim Ecclesiæ & Monasterii Beati Christi Confessoris *Satyri*, constructi foris ab..... (ubinam illud esset, intelligere non potui; supponitur tamen suus illic Abbas extitisse) partim Ecclesiæ Sancti Michaelis, & Beati Petri Apostoli, quæ est ædificata foris Civitatem Mediolani in loco, ubi dicitur SALA. De qua quidem Ecclesia multoties à nobis jam dictum. Paucis tamen ab hinc annis Canonicos videbimus in *Ambrosiana* ista Basilica institutos.

F CCXLV. *Mediolani* efferato Nobilitatem inter ac Plebem diffidio, quin etiam Nobilitate pulsa ex Urbe, mutuis sese invicem cladibus ac cædibus afflictabant: raraque transibat absque sanguine dies, ut inquit *Arnulfus* prope Libri Secundi finem. Cumque triennio (idem Auctor prosequitur) partes sic bacharentur, utraque vicissitudine quadam, quid contra se invicem possent, frequenter experta; veniunt ab Augusto Legati, treguam inviolabilem inducentes: quam totius Regni virtute, & consilio, jurejurando affirmant. Eodem tempore Archiepiscopus (*Heribertus*) *Modoetiæ* degens, graviter infirmatur. Tunc igitur ibidem priori Testamento, quod jam ante considerat Anno Christi Millesimo trigesimoquarto, quodque nos Num. 224. recitabamus, alterum *Heribertus* adjecit Testamentum: & in eum finem, ut animæ suæ suffragium quotannis a Monasterio isto *Ambrosiano* impendeat

A.C.
1045.

penderetur. Erat autem mensis December Anni ab Incarnatione Dominica Millesimi quadragesimi quinti. Atque recens istud Testamentum fuit hujusmodi:

In Christi nomine. Anno ab Incarnatione Domini nostri Ihesu Christi Millesimo quadragesimo quinto, mense Decembris, Indictione tertia decima. Ego in Dei Omnipotentis nomine ARIBERTUS, HUMILIS ARCHIEPISCOPIUS SANCTÆ MEDIOLANENSIS ECCLESIAE & filius Quondam Gariardi de Loco Antimiano, qui vixit Lege Langobardorum principibus dixi. Vita & mors in manu Dei sunt; melius est enim homini cum metu mortis vivere, quam spem vivendi morte subitanea prævenire. Et ideo ego, qui supra, ARIBERTUS ARCHIEPISCOPUS, volo & judico, seu per hanc Paginam Ordinationis & Judicati mei confirmo: ut a præsentis die & hora Cortes una domui collitis juris mei, rejacens in loco & fundo Antimiano, cum casis castro & Cappellis, seu aliis omnibus rebus territorii, cum colloneis & districtis, seu molendinis, vilcanalibus, & inconcellulis locis, omnia & ex omnibus, quæ de ipsa Corte pertinent, in integrum deveniant in manibus & potestatem Gariardi & Lanfranchi, seu Ariberti Clerici, germanorum filiorum quondam item Gariardi, qui fuit nepos meus, eo ordine, sicut hic subter statuerò; si ipsi germani, & eorum heredes, vel eorum Miffi, dederint AD ABBATEM MONASTERII SANCTI AMBROSII, AUT AD MONACHOS, QUI PRO TEMPORE FUERINT IN IPSO MONASTERIO, per omnes festivitates Sancti Ambrosii, omnique anno, argentum, denarios bonos Mediolanenses, libras duas; ita ut faciant ipsi germani de fruge, & censu, qui exinde annue exierit, usufructuario nomine inter eos æqualiter quod voluerint, pro animæ meæ remedio. Item volo & judico, seu per hanc Paginam Judicati mei confirmo: ut, si ipsi Gariardus & Lanfranchus, seu Aribertus Clericus, vel eorum heredes, se subtraxerint jam dictos denarios libras duas ad dandum, sicut superius decernitur; tunc statim, postquam occlaruerit, istam Cortem cum casis & Castro & Cappellis, seu aliis omnibus rebus territorii, sicut superius legitur, cum tolloneis, & districtis, sicut ego germanis usufructuario habere statui, in integrum deveniant in jus & potestatem IPSIUS MONASTERII SANCTI AMBROSII; & faciat Abbas, & Monachi ipsius Monasterii in perpetuis temporibus de omne fruge, & censu, seu redditu, qui exinde annue exierit, quod voluerint pro mercede & remedio animæ meæ; ita tamen, ut ipse Abbas, & Monachi ipsius Monasterii in perpetuis temporibus mihi peccatori divinum Officium faciant; ut mihi proficiat ad salutem animæ, & gaudium sempiternum. Quia sic est mea bona voluntas. Et si propter honorem Sacerdotii & Archiepiscopatus mei mihi impetit Lege Romana: & nec me liceat ullo tempore nolle quod volui; sed quod a me hic semel factum, vel conscriptum est, sub iusiurandum inviolabiliter conservare promitto, cum stipulatione subnexa. Actum castro Madoctiæ feliciter.

Signum..... num isto ARIBERTI ARCHIEPISCOPI, qui propter ægritudinem scribere minime potui, qui hanc chartulam Ordinationis & Judicati, ut supra, fieri rogavi.

Signum..... nibus Alberici & Landefredi, seu Anselmi: Testes.

Signum..... nibus Jobanni & Janiani: Lege viventes Romana, Testes.

Petrus, Notarius & Judex Sacri Palatii, scripsi: pro tradita compleri, & dedi &c.

A.C.
1046.

CCXLVI. Quam gravi ac periculoso Heribertus morbo in præsentis urgeretur, vel ex eo liquet, quod suimetipsum Testamento ne sua quidem ipse manu subscribere potuerit. Inde Arnulfus superioribus illis verbis, quæ proxime nos ex ipso proferebamus, hæc attexit: Cumque ægrotaret ad mortem, disposita domo, ac rebus omnibus, deferri se jubet ad Urbem: ubi, cum

aliquantis langueret diebus, vitæ præsentis subtrahitur. Sepultus est autem ad Sanctum Dionysium, ubi elegans fundaverat ipse Monasterium. Gualuaneus autem Fiamma in Manipulo florum, Cap. 147. Et confessione (inquit) publica facta, Eucharistia quoque devote suscepta, ploranti Clero ait: Nolite contristari; quia ad pedes Beati Ambrosii Patris mei ascendo. Quo dicto, spiritum emisit decima septima die Februarii (verius decima sexta die Januarii) & in Monasterio Sancti Dionysii, quod ipse construxerat, sepelitur. Cujus corpus post decem menses integrum, cum summo vigore Ferulam dextera portante, oculis apertis, secundum Datium, videntibus universis repertum fuit. Cujus Sepulchrum a quatuor partibus ferro & plumbo sigillatum est. Quod autem Gualuaneus hoc loco testem producit Datium, in ejus videlicet Chronicis: revera non Datus ille fuit, sed Landulfus Senior: qui non multo post Heriberti mortem in Ecclesia Mediolanensi floruit, quive Sancto Martyri Arialdo (de quo nos aliquid infra dicemus) infensissimus, contra vero Sacerdotibus uxoris addictissimus fuit. Ejus Chronica Libris quatuor comprehensa, manuscriptaque nos legimus in Bibliotheca, quæ penes Capitulum est Templi Metropolitani: atque præter ipsius Chronica simul in eodem Codice insunt Historia cum Arnulfi (cujus testimonio aliquoties jam usi sumus) tum etiam Landulfi De Sancto Paulo, qui altero illo Landulfo posterior fuit: ac denique Vita Beati Martyris Arialdi, ab ignoto Auctore conscripta. Landulfus igitur ille Senior inter alia multa, quæ Libri secundi Capite antepenultimo ac penultimo habet de obitu ac sepultura Heriberti hujus Archiepiscopi, ea quoque verbatim tradit, quæ Gualuaneus narrabat.

CCXLVII. Sed idem Gualuaneus in Chronico Majori, Cap. 244. hæc insuper habet: Cujus (Heriberti) corpus in Monasterio Sancti Dionysii, quod ipse fundaverat cumulat extra Ecclesiam; QUIA TERRA ERAT INTERDICTA. Post decem menses translatus fuit & sepultus apud sepulchrum Valvassorum de Bussero: & inventus est oculis apertis, corpore integro, Baculum Pastoralem cum summo vigore gerere. In altero autem Codice Bibliothecæ Ambrosianæ, Cap. 762. paulo expressius, & paulum a semetipso diversus: In Monasterio Sancti Dionysii, quod ipse fundaverat, extra ecclesiam sepelitur; eo quod CIVITAS ESSET INTERDICTA. Post septem menses interdicto relaxato, cum vellent Monachi corpus ejus transferre; invenerunt corpus ejus integrum cum oculis apertis, baculum pastorem summo cum vigore regentem. Et tunc fuit sepultus juxta sepulchrum Valvassorum de Bussero. Similiter Auctor Chronici Flos florum, fol. 128. pag. 2. jacet (inquit) extra Ecclesiam Sancti Dionysii; QUIA TERRA ERAT INTERDICTA. Sed & Catalogus Archiepresbyteri Vicecomitis, alterque Aloysii ab Ecclesia, concordēs in eadem prorsus verba, sic habent, postquam de Archiepiscopo Heriberto egerunt: Guido ex Valvassoribus de Velate, Ordinarius Ecclesiæ Mediolanensis, postea fit Archiepiscopus Septuagesimus tertius, Anno Domini Millesimo quadragesimo septimo. Vacavit Sedes annis duobus; QUIA TUNC CIVITAS ERAT INTERDICTA. Sedit annos viginti sex. Eademque prorsus etiam Petrus Azarius habet. Atqui nos nec ejusmodi Interdictum, nec biennem propterea illam Sedis hujus Archiepiscopalis vacationem putamus admittendam. Arnulfus profecto, qui tunc florebat: non procul ab initio Libri Tertii disertissime asserit, Guidonem ab Henrico electum Archiepiscopum, & ab ipsis quoque Mediolanensibus, quamquam invitis, receptum fuisse, priusquam idem met Henricus, in Italiam veniens, Clementem Secundum ad Romanum Pontificatum eveheret, atque vicissim ab ipso Imperialem fusciperet Coronam. Certe

te autem, ut supra dicebamus, in *Italiam* tunc ille venit ineunte Autumno Anni supra Millefimum quadregesimi sexti; cum *Aribertus* decima sexta Januarii proxime transacti die obiisset. Sic etiam nos infra congruenter ad hoc videbimus, Millefimum quinquagesimum tertium *Christi* Annum fuisse Imperatoris *Henrici* septimum, *Guidonis* autem Archiepiscopi octavum. Non igitur Archiepiscopalis hæc Sedes biennio *Heribertum* inter ac *Guidonem* vacavit. Quod si *Heribertus* fuit (verequē fuit) extra illam Ecclesiam sepultus; certe tamen sepultus fuit intra Cœmeterium, ante fores ejusdem Ecclesiæ conficiens, ac pariete circumseptum. Quonam vero suaderi poterit argumento, illud non fuisse rite benedictum, vel consecratum? in quo proinde Fideles, Interdicto durante, sepeliri possent, neque tamen in Ecclesia interim possent. Sed quisnam, obsecro, Præsul Civitatem tunc istam Interdicto subjecerat? Si *Heribertus*; non igitur ipse illi succumbere proptereaque sepultura privari Ecclesiastica debebat. Si Pontifex *Romanus*, sive per se, sive per aliquem sui Administrum (nec enim quisquam esse alius poterat, non igitur schismate tunc *Mediolanensis* Ecclesia laborabat (& hanc in primis conclusionem, alias etiam per nos probatam, nobis avide lucrabimur) immo vero tunc *Romano* Pontifici, tamquam supremo Ecclesiæ *Christiane* Pastori & Capiti, obtemperans, Interdictum ejusmodi servabat. Quisnam vero Pontifex *Romanus* ille fuit? Quam item ob causam interdixit? Numquid hanc illi causam dederat etiam *Heribertus*? Numquid saltem Interdictum ejusmodi antehac ipse non servarat? Vel ipsimet profecto in fimi etiam *Clerici*, dummodo Clericatus beneficio fruuntur, nonne hoc etiam privilegio certissime fruuntur, ut sepeliri possint in Ecclesiis, quando-cumque ipsi servarint Interdictum, nec illi causam præbuerint? Faceßat igitur hæc a nobis opinio Interdicti: & *Heribertum* potius arbitremur in eo Cœmeterio sepultum, quia cum ipse sibi locum vivens delegisset. Cœmeterii ejus parieti, Ecclesiam ingressuris sinistro, nonnullæ adhærebant Cellulæ, sive Cappellulæ, quæ unam, vel binas e filice arcas sepulchrales continebant. Harum prima versus Ecclesiæ frontem, ac prope portam in eodem parietis latere adhuc patentem, monstrabatur ea fuisse, in qua *Heribertus* primum tumultatus fuisset, antequam reliquæ ipsius exuvie, una simul cum arca, necnon etiam Epitaphium intra Ecclesiam tandem locarentur: & hæc quidem quamplures ab hinc annos. Etenim tam Cellulæ illæ, quam reliquæ intra ipsas arcæ, superiori tantum Anno supra Millefimum quadregesimo sublatae fuerunt e medio, nec sine Virorum gravium & antiquitatis amantum indignatione ac fremitu.

CCIII. Epitaphium porro ipsum statim ab Ecclesiæ per portam maximam ingressu obvium est in dextro latere: atque supra subjectam e filice arcam insita parieti marmorea est tabula, in qua *Romanis* insculpta characteribus hæc leguntur:

✠ Hic jaceo pulvis, cui quondam claruit Orbis.
Tunc *Heribertus* eram, nimioque decore vigebam,
Officio placidi fungebar Præsulis Archi:
Nunc tumulus servus servorum, *Christe*, tuorum.
Pro meritis horum, tibi digne complacitorum,
Sanguine, quæso, tuo mihi tu miserere redempto.
Huc veniens Lector, sibi dic: Ignosce Redemptor:
Et vivens vita requiescat semper in ipsa.

Obiit Anno *Dominicæ* Incarnationis Millefimo quadregesimo quinto, decima sexta die mensis Januarii. Indictione decima tertia. Proindeque obiit, ut supra dicebamus, Anno a Nativitate *Christi* Millefimo quadregesimo sexto.

CCIII. Operæ vero pretium insuper hic erit ea recensere, quæ in prædicto *Landulfi* Senioris exem-

plari, ubi de obitu ac sepultura *Heriberti* sermo erat, ceu Notas marginales, adjecta postmodum, & satis antiquo charactere, conspeximus. Sunt autem in primis Versus antescripti: quibus Auctor ejusmodi Notarum ita præfabatur: *Ante sepulchrum Heriberti, in facie parietis, in lapide tales sunt Versus.* Et rursus in margine sequentis paginæ, *Hoc (inquit) sepulchrum Heriberti idu fulminis eversum est die vigesima tertia Augusti, Anno Millefimo quadregentesimo tertio, & rejeratum.* Quod videntes Monachi, ejus Reliquias in Altare Majus transfulerunt. Sicque in illo sepulchro jacuit annis trecentis quinquaginta octo. Postea vero Dominica prima Septembris, Anno Millefimo quadregentesimo tertio Dominus *Matthæus* Cathanensis, Primicerius & Ordinarius, de mandato Domni Petri Archiepiscopi, illius ossa iterato in illius tumulum transfudit. Forte autem tunc etiam temporis tumultus ipse cum Epitaphio translatus in Ecclesiam fuit, ubi etiam in præsentem conspicitur. Ceterum *Joannes Antonius Castillionæus*, Antiquitatum suarum Fasciculo Sexto, pag. 187. affirmat, a se compertum in eo tumulo fuisse proceri hominis cadaver cum Litu, sive Baculo Pastoralis, cui litteræ istæ in ære deaurato essent incisæ: *ALUYSIUS DE CARCANO, ABBAS SANCTI DIONYSII MEDIO-*

LANI ETC. MILLESIMO QUADRINGENTESIMO QUADRAGESIMO, MADII. Quibus permotus verbis, illud ipsum *Heriberti* fuisse sepulchrum, constantissime negat; cum præterea *Heribertus* brevioris staturæ fuisse asseratur. Atqui nos exinde hoc tantum concluderimus: ejusmodi videlicet Abbatem postea in eodem ipso *Heriberti* sarcophago sepultum fuisse. Si quis vero *Heriberti* statueram & effigiem contueri velit; hanc ibidem apud *Castillionæum* inveniet, expressam ex antiquo ære. Quod quidem ipsemet ingenue profitetur indicatum sibi ultro atque commonstratum ab humanissimo illo pariter ac eruditissimo *Matthæo Valerio* Carthusiano, cui nos itidem tam multa debemus, quemve ipse jure merito integerrimum, deque omni Antiquitate litteraria optime meritum appellat.

CCL. *Guido* deinde *Mediolanensis* Antistes Anno *Christi* Millefimo quadregesimo septimo, sicut est apud *Sigonium De Regno Italiæ* tamquam unus e præcipuis Patribus, Concilio interest *Romano*, per *Clementem* Secundum pro Ecclesiæ reformatione congregato. Sic etiam *Leonis* postea Papæ Noni subire judicium non recusat: apud quem de simoniaca fuerat labe accusatus. *Gualuaneus Flamma* in Manipulo florum, Cap. 150. de ipso sic scribit: *Hunc Populares invite receperunt; tum quia non erat de numero illorum quatuor, qui rite fuerant electi; tum quia in favorem Nobilium dari visus est.* Unde, cum primam Missam in Pontificalibus in Ecclesia Majori celebraret, ab universo Clero & Populo juxta Altare solus relinquitur, & tamquam *Simoniacus* ante *Leonis* Papæ præsentiam citatur. Qui comparuit: & facta defensione sua excusatus, per sententiam Papæ, quod esset verus Archiepiscopus, declaratur. Redit *Guido* ad suam Sedem cum gloria magna &c. Ad hæc in Catalogo Successores Sancti *Barnabæ*, itemque in altero Actis Ecclesiæ *Mediolanensis* inserto, testatum videmus, ejusdem *Leonis* Papæ Noni jussu *Guidonem* interfuisse *Vercellensē* contra *Berengarium* Hæresiarcham Concilio, quod Anno Millefimo quinquagesimo celebra-

Ecclesiam *Mediolanensem* cœdabant: quod aliqui nemo, nullus Pontificum saltem *Romanorum* interea tollendum e medio curasset.

CCLI. Eodem Anno Christi supra Milleſimum quinquageſimo *Lanterius de Quinqueniis* una cum *Guida* uxore ſua Teſtamento condito Legatum illud inſtituit, cujus exemplar in ſummam redactum nos infra ex ejuſdem *Lanterii & Guidæ* Epitaphio proferemus. De ipſo tamen lubet interim ea præmittere, quæ *Trifſtanus* inde *Chalcus* abſque dubio deprompſit. Sunt autem huiusmodi: Cum autem jam Annus quinquageſimus ſupra Mille ſubiſſet; *Lanterius*, vir operibus inclytus, cognomento de *Quinqueniis*, & *Guida* uxor **MULTA PRÆDIA TESTAMENTO COENOBIO AMBROSIANO LEGAVERUNT**; quorum redditibus alimenta crevere duodecim Canonicoꝝ, quæ ultra priſcum numerum conſtituta ſunt: oleum lampadi in perpetuum arſuræ; & epulum quotannis quinquaginta egenis præbendum. Hæc utique juxta typographicam Editionem ita ſe habent. Quæ cum ego ſibi met etiam ipſis alicubi parum coherentes eſſe ſuſpicarer; ipſiuſmet *Trifſtani* autographum, necnon & alterum exemplar ab alio conſcriptum, quæ in Bibliotheca cuſtodiantur *Ambroſiana*, inſpexi; atque inde comperi varietatem aliquam, quæ neque diſſimulanda, neque ſilentio tranſigenda viſa fuit. Etenim & Auctoris autographo & altero illo exemplari hæc præciſe verba continentur: Cum autem jam Annus quinquageſimus ſupra Mille ſubiſſet; *Lanterius*, vir opibus inclytus, cognomento de *Quinqueniis*, & *Guida* uxor **MULTA PRÆDIA TESTAMENTO COENOBIO AMBROSIANO LEGAVERUNT**: quorum redditibus alimenta creverunt duodecim Canonicoꝝ ultra priſcum numerum, conſtituta ſunt oleum lampadi in perpetuum arſuræ, & epulum quotannis quinquaginta egenis præbendum. Quemadmodum autem iſthæc pro rei veritate ſe habeant, dignoſcetur ad ſincerum ex eo Epitaphio, cujus exemplar paulo ante pollicebamur. Nec enim Teſtamentum ipſum nobis hæcenus accidit ad manus.

CCLII. In Eccleſiis Chriſtianorum receptiſſima jam erat Exaltatæ Crucis Solemnitas, celebrari ſolita die Septembris decima quarta; nec eam tamen **A.C.** adhuc Eccleſia *Mediolanenſis* in uſum admiſerat. An **1053.** no itaque Chriſti Milleſimo quinquageſimo tertio Baſilicæ in primis Metropolitaneæ Clerus, atque Monafterii huius *Ambroſiani* Abbas & Monachi, communicatiſ inter ſe conſiliis, ex univerſæ Urbis voluntate, Archiepiſcopique auctoritate fanciverunt, ut huiusmodi Solemnitas in poſterum celebraretur: ſed & ad majorem ipſius celebritatem *Tadelbertus* quidam nonnullas domos agroſque huic eidem Monafterio legavit. Utinam vero temporis injuriæ non ita mutilum pluribus in locis & mancum nobis reliquiſſent publicum illud Documentum, quod ſuper hac re archetypum cæteroqui ægre durat in Archivio noſtro. Quale proſecto naſti ſumus, & intelligere potuimus, illud ita ſe habet:

DUM in Dei nomine, Civitate *Mediolani*, in Sacratario Eccleſiæ Sanctæ Dei Genitricis Mariæ... Hyemaliſ congregaverunt ſe Domini Ordinarii ejuſdem Sanctæ *Mediolanenſis* Eccleſiæ Preſbyteri, Diacones, Subdiacones, Notarii, Lectores, cum Primiceriis... Magiſtri Scholarum, ſeu Cuſtodes... & Preſbyteri de ordine Decumanorum Sanctæ *Mediolanenſis* Eccleſiæ: necnon & **DOMNUS LANDULFUS VENERABILIS ABBAS MONASTERII BEATISSIMI CONFESSORIS CHRISTI AMBROSII**, quod eſt... **UBI EJUS SANCTUM CORPUS UNA CUM SANCTORUM MARTYRUM PROTASII ET GERVASII CORPORIBUS REQUIESCIT**, ſimulque cum

A Monachis ſuis, ſeu & reliquis Abbatibus, ac cæteris... Populo... Majores & Minores cœperunt ſe accuſare de negligentia: dicentes, quod filii hominum in die Judicii... a Domino ſint judicandi... auxiliante Deo. Propterea conſtituerunt celebrare ſolemnitatem Exaltationis Sanctæ Crucis, quæ in omnibus aliis Chriſtianorum cum magno ſtudio & vigilantia celebratur locis; ita ut omni & quocumque anno perpetuis temporibus in Vigiliis ejus finiant Pſalterium per ordinem cum ſtudio & vigilantia ipſi Ordinarii, eorumque Succeſſores in eadem Eccleſia Sanctæ Dei Genitricis Mariæ... Vesperum; ac in eadem Solemnitate communiter accedant ad idem venerabile... rium, & ante ejus Altare inchoent pſalle... ſtudio... & Canticis divinis per Portam Ticinenſem uſque ad eandem Eccleſiam Majorem... glorioſæ Genitricis Mariæ, & ibi ſolemne Officium cum magno ſtudio celebrent. Similiter... iidem Domini & Venerabilis Sancti Ambroſii una cum Monachis ſuis, ſucceſſoribus, annualiter uſque in perpetuum in eadem Eccleſia Sancti Ambroſii in Vigiliis ejuſdem Solemnitatis conſtituerunt finire Pſalterium: & ut Ordinarii in Eccleſia Majore, ita ipſi in Monafterio integrum altera die adimplere Officium. Hæc omnia conſtituerunt firmiſſime tenere, & obſervare uſque in ſempiternum pro remedio cunctoꝝ Fidelium Chriſtianorum animarum. Quapropter ego *Tadelbertus*, qui & *Tado*, Notarius de iſta Civitate *Mediolani*, habitans... qui profeſſus ſum Lege Longobardorum vivere: do & offero... judico & ordino, atque habendum conſirmo **EIDEM SANCTO ET VENERABILI MONASTERIO SANCTI AMBROSII**, non propter vanam huius Mundi gloriam, ſed propter divinam pietatis miſericordiam, caſas & res territorias illas juris mei, rejacentes in Locis & fundis **CORNALETŌ, PALATIOLO, MINATE**, vel in eorum territoriis, quantacunque mihi pertinent per hereditatem & ſucceſſionem ſupradicti Genitoris, & Genitricis meæ, vel quovis ingenio acquiſita ſunt: nominative ſedimina cum areis eorum, clauſuris, campis, pratis, paſcuis, vineis, & ſilvis, caſtaneis, & ſtallareis, cum areis earum, omnia, & ex omnibus, quantacunque de meo juro in prædictis Locis... cum ſuperioribus, & inferioribus, ſeu cum finibus, & acceſſionibus earum rerum in integrum; ut a præſenti die & hora Abbas & Monachi, eorumque Succeſſores, habeant & teneant in eorum regimine & poteſtate ad uſufrugendum, & ordinandum, ſicut hic ſubter declaravero. Ita ut ipſe Abbas, ejuſque Succeſſores, vel eorum Miſſi, perpetuis temporibus in omni feſtivitate ejuſdem Exaltationis Sanctæ Crucis faciant exinde fiſtum propter Vigilias ejuſdem Solemnitatis Hebdomadariis ipſius majoris ordinis: Preſbytero denarios ſedecim: Diacono ſimiliter: Subdiacono duodecim: Primicerio Lectoꝝ octo: Magiſtro Scholarum ſimiliter: Lectoꝝ denarios duodecim: Primicerio Notariorum denarios ſex: uni Notario quatuor, propter Reſponſum, quod cantet ad Pſalmos: & uni Lectori ſimiliter, propter aliud Reſponſum. Pro Solemnitate vero ipſa Preſbytero denarios duodecim: Diacono ſimiliter: Subdiacono denarios octo: Primicerio Lectoꝝ ſex: Magiſtro Scholarum ſex: uni Lectori quatuor: alteri ſimiliter. Ei vero, qui cantat Pſalmellum, denarios duos: aliis parvulis Clericis, cantantibus in Choro, panem & vinum ſecundum conſuetudinem aliarum Feſtivitatum. Cuſtodibus ejuſdem Majoris Eccleſiæ, propter eandem Vigiliam & Solemnitatem, denarios ſedecim: & pro Cruce aurea portanda denarios quatuor, pro vino ad Officium denarios duos: propter candelas de Crucibus, Cuſtodibus & Senibus denarios duos: & item Senibus eiſdem denarios duodecim. In Profeſto ad Vesperum fruſtus & vinum ſecundum conſuetudinem aliarum Feſtivitatum. In Solemnitate vero

vero panes coronatos & vinum similiter secundum eandem consuetudinem. Archiepiscopo solidos denarium... piscibus ad reficiendum Abbati cum Monachis charitative in Refectorio cum aliis pulmentis honorabiliter ad sufficientiam. Et quicquid superfuerit de frugibus & seu vino, & reddito, quod inde annue Dominus dederit, faciant Monachi illi, qui nunc & pro tempore in perpetuum ibi ordinati fuerint, ad eorum victum & indumentum, secundum quod melius provide-
runt. Et hoc volo & statuo, atque inviolabiliter judico: ut nullus Abbas ejusdem Monasterii non habeat licentiam vel potestatem per aliquod ingenium jam dictas casas & res territorias, quas ego supra obtuli & dedi, seu judicavi, alicui dare, vel commutare, seu libellare, vel vendicare, aut in beneficium dare, sive per pignus infiduciare, aut ullam traditionem vel invasionem facere; sed semper in eodem Monasterio permaneat dominium, ad hoc opus perficiendum. Si autem abbas ejusdem Monasterii, vel ejus Successor, aliter fecerit: & omnia hæc quæ supra leguntur, non adimpleverit; sit anathema maranatha, cum Juda proditore damnatus; & a Pastore, qui tunc temporis fuerit, in hoc presenti seculo ut sacrilegus judicetur; & insuper jam dictæ casæ & res territoria, omnia in integrum deveniant in jus & potestatem ipsorum Presbyterorum, Diaconorum, Subdiaconorum, Primicerii Notariorum, seu Lectorum, Custodum; & tandiu maneant in potestate eorum, quousque venerit Abbas eidem Monasterio, qui hanc meam Offerfionem, & hoc meum Judicatum, quod supra distribui, jussit & digne adimpleverit. Quæ omnia pro anima mea, & Genitoris mei, seu Genitricis meæ, seu cunctorum parentum meorum, atque omnium Fidelium Christianorum animarum, statui. Quia sic decrevit mea bona voluntas. Unde tria Scripta in uno tenore sunt facta; ut unum in Sacratario ejusdem Sanctæ Mariæ habeatur, ad memoriam & securitatem retinendam; aliud in Monasterio Sancti Ambrosii; tertium in mea potestate; & post meum decessum sit in potestate Otthonis filii bonæ memoriæ Arderici, & Abiatici Lanfranci, quoniam ex parentela ejus sum; & permaneat in suis filiis, vel ejus progenie; ita ut semper habeant providentiam & studium de hac mea Ordinatione observanda. Unde post obitum quidem meum in ipsa Solemnitate charitative cum ipsis Monachis & Abbate ipse Ottho, vel ejus hæredes, comedant in Refectorio: ac insuper Deum omnipotentem habeant retributorem & in Cælis remuneratorem per perfectam charitatem. Factum est hoc, ut supra, in isto Sacratario, Anno ab Incarnatione Domini nostri Jesu Christi Millesimo quinquagesimo tertio, Anno vero Imperii Domni Secundi Henrici Imperatoris septimo, anno octavo Episcopatus Domni Vuidonis, quinto die mensis Septembris, ingrediente Indictione septima.

✠ Ego, qui supra, Tadelbertus, qui & Tado, Notarius Sacri Palatii, a me facta & data subscripsi.

✠ Vuido, Dei gratia Archiepiscopus, laudavi, & subscripsi.

✠ Adelmannus, Archipresbyter, laudavi, & subscripsi.

✠ Ego Vuibertus, in Dei nomine Archidiaconus, laudavi, & subscripsi.

✠ Landulfus, Presbyter, laudavi, & subscripsi. Ardericus, Judex Domni Imperatoris, rogatus subscripsi.

Richardus, Judex sacri Palatii, rogatus subscripsi. Ottho, rogatus subscripsi.

Mediolanus, qui & Ottho, Judex sacri Palatii, rogatus subscripsi.

Ego in Dei nomine Nazarius, Judex sacri Palatii, rogatus interfui, & subscripsi.

Ego Raimbertus, rogatus subscripsi.

Signum Tabellionatus Vuidoni de Landriano & Adelberti germanorum, seu Rogerii & Arderici item germanorum, atque Dumini, qui & Ge-

zo & Aripbrandi, patris & filii, seu Ermerici & Johannis, patris & filii, atque item Johannis de ista Civitate: Testes.

Johannes, Notarius & Judex sacri Palatii, scripsi, post tradidi, complevi, & dedi.

CCLIII. E superiori autem Documento inter cetera constet, hoc eodem Anno Millesimo quinquagesimo tertio Abbatem hujus Monasterii Landulfum nomine fuisse. Hunc ergo interpretamur eum esse, de quo jam diximus Num. 236. eique suffectum Gotifredo, quem Num. 222. Annoque Christi Millesimo trigésimo secundo Gotsfredum Juniores appellavimus.

CCLIV. Quod paulo ante pollicebamur Lanterii A.C. & Guidæ, seu Vuidæ, Epitaphium: ecce nunc illud ¹⁰⁵⁴ damus in Annum supra Millesimum, ab Incarnatione quidem Christi quinquagesimum tertium, sed ab ejusdem Nativitate quinquagesimum quartum. Quæ videlicet e Basilica in Cappellam introitur Corpori Christi dicatam, finistrum latus occupatur ipsorum Sepulchro: quod quadrata est & ingens e filice Arca: supra cujus operculum lapidea similiter consistit Tabula tantæ crassitudinis, ut superstructum sibi parietem adæquet. In utroque igitur ejusmodi Tabulæ latere insculptum legitur hoc ipsum Epitaphium: & in anteriori quidem latere his verbis:

✠ Huc attende, precor: & te cognoscito Lector,

Qui mea verba legis, quam cito pulvis eris.

Clauditur angusto Lanterius ecce Sepulchro,

Nuper clarus homo, corpus inane modo.

Si bene, si recte, si quicquam gessit honeste;

Hoc solo gaudet; hoc sibi latus habet.

Contulit autem cum uxore sua Vuida, quæ hic secum requiescit, huic Ecclesiæ prædia IN BADELLI, MITIRAGO, RIZOLO, COLONIA, SEXTO, ET IN BIXUNI: ita ut nulli unquam Archiepiscopo, aut Abbati, liceat ex eis omnibus alicui aliquid inficere, vel per libellum, aut cambium, seu quovis modo alienare; sed omnia semper in duorum Monachorum, scilicet Prioris & Diaconi majoris, ordinatione persistant; unde ipsi perpetuo super hoc Sepulchrum cicendelum accendant; de reliquo autem Fratres camisas habeant; ut in Annualibus eorum simul Officium omne Mortuorum, sicut in die obitus, celebrent; & pro eis omni tempore orent. Quod si quis aliquando Archiepiscopus, aut Abbas, diabolico instinctu ex his omnibus per beneficium, seu quovis modo, aliorum transferre præsumpserit; judicaverunt, ut in propinquorum suorum, qui pro tempore fuerint, dominium res ipsæ deveniant: ut si quando penitens, quod alienatum fuerat, Ecclesiæ restituerit; in prædicta Ordinatione persistant.

Ceterum in altero ac posteriori ejusdem Tabulæ latere ista item habentur:

✠ Idem vero Lanterius cum eadem Vuida sua uxore contulit ad Canonicam hujus ipsius Ecclesiæ Sancti Ambrosii tota prædia, quæ habuerunt IN COMAZO, JUVATE, VIGUNZUNI, CLARANI, MUIRAGO, QUINTO, BUSTI UGOBALDO, LOIRAGO: ita ut DUODECIM CANONICI gubernent in Canonica de his locis venientia; unde Presbyter & Clericus Hebdomadarii, omni die canentes pro eis Mortuorum Officia, perpetuo vivant in Canonica. In omni autem Anniversario Lanterii omnes simul cantent ad hoc Sepulchrum, ut si tunc sepelirent eum: & cum duobus Custodibus & sex Monachibus de eadem Ecclesia gustent in Canonica: intra quam pascant quinquaginta pauperes, distribuentes unicuique dimidium panem frumenti, tres fialas vini, companaticum juxta modum: & quotidie in Quadragesima Majore, omnibusque Dominicis diebus, & Festis principalibus cicendelum ardere faciant supra hoc Sepulchrum. Quæ autem si quis aut Archiepiscopus, vel Canonici, aliquo modo violare præsumpserint, & non adimpleverint; judicaverunt, ut prædicta prædia deveniant in suos propinquiores parentes;

ita tamen, ut, quandocumque ad ea implenda redire voluerint, restituantur eidem Ecclesiæ. Anno ab Incarnatione Domini nostri Ihesu Christi Millesimo quinquagesimo tertio, Indictione sexta. Obiit nono Kalendas Februarii. & Custos Hebdomadarius edat cum eis die Dominico.

Quæ tamen postrema post diem obitus verba ego quidem interpretor hic denique adjecta; quia intercalandum fuerint omissa, nec suo reposita loco. Hæc igitur ita illis arbitror attextenda: Unde Presbyter & Clericus Hebdomadarii, omni die canentes pro eis Mortuorum Officia, perpetuo vivant in Canonica: & Custos Hebdomadarius edat cum eis die Dominico.

CCLV. Præmissotam fidei testimonio, reliquum est, ut inde separatim colligamus, quæ nobis observatione digniora videntur. Canonice in primis hujus Ecclesiæ jam cernimus, eamque duodenario Canonice numero constantem: penes quos regimen & administratio redituum esse debeat illorum, qui e prædiis per Lanterium & Vuidam Canonice ipsorum legatis provenerint. Præscriptum vero etiam videmus, ut Presbyter (& hic absque dubio unus e Canonice) & Clericus Hebdomadarii, omni die canentes pro eis Mortuorum Officia, perpetuo vivant in Canonica. Non igitur hoc tempore omnes isti Canonici vivebant una simul in Canonica. Quocirca nec etiam Canonici erant Regulares, qui sub certa Regula intra eandem Canonice viverent in communione: multoque minus erant ex eo Canonice Regularium genere, qui tribus ac solitis Religiosorum Votis obstricti essent. Non itaque nobis audiendus est Amicus ceteroqui noster & eruditissimus, duobus ab hinc annis defunctus Gabriel Penottus in Historia Tripartita Sacri Ordinis Canonice Clericorum, Libro Secundo, Capite vigesimo sexto. Ibi siquidem in hæc verba differit: Cum ex multorum probate satis fidei Autorum relatione docuerimus, Canonice institutum, secundum quod Beatissimus Pater Augustinus, factus Hipponensis Episcopus, illius Ecclesiæ Canonice reformavit, illum in Italia, & præsertim apud Insabres in Ecclesia Mediolanensi, didicisse; rem superfluum agere videremur, si Mediolanensem Ecclesiam ab institutione regularem fuisse, pluribus confirmare niteremur. Quod nunc admonendum censemus, solum est, duas olim fuisse Mediolani Majores Ecclesias, quæ pro temporum vicissitudine pro Cathedralibus deserviebant: alteram Sanctæ Teclæ, Sancti Ambrosii alteram. Et quidem posterior nunc etiam superest, proprio nomine retento. Verum prior, solo æquata, in eam magnificentissimam & prope admirabilem formam, quæ nunc cernitur, renovata, quæque nunc sola Ecclesia Metropolitana reputatur. Cæterum in utraque per multa tempora Canonice Regularium instituta viguisse, probatione non indiget. NAM, QUOD AD ECCLESIAM SANCTI AMBROSII SPECTAT, ILLIUS CANONICI USQUE AD TEMPORA JOANNIS ANDREÆ, CLEMENTINARUM GLOSSATORIS, REGULARES ERANT. Vide, quæ ille notat in Clementina prima, in Verbo Monasterii, De electione. Obiit autem Joannes Andreæ Anno Millesimo trecentesimo quadragesimo octavo, ex Cardinali Bellarmino in Libro de Scriptoribus Ecclesiasticis. Postea vero ex Regularibus facti sunt Seculares. Talia Pennottus. Atqui nos in primis negamus, hanc Sancti Ambrosii Basilicam fuisse aliquando Cathedralis ac Metropolitanam: hucque spectant, quæ supra Num. 5. differuimus. Quod vero Pennottus eandem innuebat vel HYEMALEM fuisse, vel ÆSTIVAM: multo minus a nobis hoc admittitur. HYEMALIS namque sacra erat Beatæ Dei Genitrici Mariæ; ÆSTIVA vero Sanctis Virginibus Teclæ ac Pelagiæ; sicut etiam ex Ariberti Archiepiscopi Testamento nobis denique constabat Num. 224. Cuinam vero Monumenta isthæc nostra

A permittant, ut Canonice existimet hujus Basilicæ curam jam inde ab ipsius initio continenter ad hæc usque tempora gessisse? Quod vero Joannes Andreæ testabatur: hoc in aliqua deinceps tempora non omni caret veritate; sicut etiam nos tempore suo explicabimus. Re tamen vera Pennotti sententiæ non favet. Satis interea nobis hoc est, quod e superiori Epitaphio concludebamus: Canonice istos Ambrosianos minime vero in præsentem Regulares Canonice fuisse: quod quidem nimium quantum eidem Pennotto adversatur.

B CCLVI. Ceterum in omni Anniversario Lanterii, a Canonice celebrando, etiam illud præscribatur, ut omnes simul Canonice cum duobus Custodibus ET SEX MONACHABUS DE EADEM ECCLESIA gustarent, sive pranderent, in Canonica. Quidni ergo nos inde illud etiam concludamus? hanc ipsam Basilicam propriam habuisse Monachum Coetum ac Monasterium. Forte autem hoc ipsi etiam propinquum erat, & extra muros itidem Urbis constitutum. Quamobrem, ut opinamur, ab iis etiam septem intra Urbem Monasteriis, de quibus jam diximus Anno Christi Millesimo trigesimo quarto, diversum erat, & nominatim a Monasterio AURONI, quod alioqui Abbatis hujus Ambrosiani subesse ditioni ac regimini narrabamus.

C CCLVII. Ecquænam vero Major erat illa Quadragesima, cujus mentio in eodem illo fiebat Epitaphio? Petrus Damiani, ad Hildebrandum Sanctæ Romanæ Ecclesiæ Archidiaconum scribens Epistolam, quam inscripsit, Actus Mediolani, & De Privilegio Romanæ Ecclesiæ Liber, quo ea complectebatur, quæ Legatus Apostolicus Mediolani egerat Anno Domini Millesimo quinquagesimo nono; sic inter cetera inquit, dum Clero, Simoniacam & Nicolaitarum hæresim poenitenter detestato, salutarem poenam injungeret: Duabus autem anni Quadragesimis, Natalem videlicet & Sanctum Pascha præcedentibus, tres dies per hebdomadam jejurent in pane & aqua. D Hinc igitur Majorem illam Quadragesimam nos interpretamur eam fuisse, quæ Sanctum Pascha præcederet: cujus comparatione Minor Quadragesima vocaretur, quæ Natali Domini præmittebatur, quamque nos nunc Adventum appellamus.

E CCLVIII. Lanterii porro simul ac Vuidæ Anniversarium solemne quotannis etiam in præsentem a Monachis die Octobris vigesima quarta celebratur: quale scilicet peculiari pro eis ritu dispositum antiquitus sub hoc titulo fuit, In Anniversario Nobilium de Colonia. Colonia siquidem, sive Colonia (Italice jam communiter COLOGNO) satis opulentum est prædium, qua Modoetiam itur, sexto distans ab Urbe milliario: atque præ ceteris prædiis, per Lanterium & Vuidam huic Monasterio legatis, hoc forte solum in præsentem usque diem ab ipso possidetur. Tanta vero etiam illius erat penes Monasterium potestas, ut ipsius nomine proprius illic Prætor olim constitueretur: & ad Annum usque Milleimum quingentesimum octogesimum constitui solitus fuerit. Quoniam vero Monachi pariter in mandatis hoc acceperant, ut pro Lanterio & Vuida omni tempore orarent; iccirco etiam in præsens quotidie in aurora pro ipsis Missæ Sacrum De Beatissima Virgine Maria reliquis hujus Basilicæ Missis omnibus præmittitur.

F CCLIX. Anno Christi Millesimo quinquagesimo sexto Prædicationem suam contra Cleri Mediolanensis corruptelas, ac præcipue contra ipsius Simoniam & Matrimonia, exorditur Sanctus Arialdus, Basilicam quidem istam pie admodum ac frequenter adire solitus, ut ad sacrosanctum Ambrosii Præfatis & Patroni Corpus oraret: qua Prædicatione per decennium peracta, martyrium etiam constantissime subiit. Est autem Martyr ille, cujus Vitam nos typis quan-

locus edituros in lucem pollicebamur Num. 109. Eam olim fidelissime conscripsit Beatus *Andreas*, ex ipsius *Arialdi* alumno Monachus deinde *Vallumbrosianus*: ac ipsamet illa est, qua utitur etiam *Baronius* ad Annum Millesimum sexagesimum primum Art. 60. & ad Millesimum sexagesimum sextum Art. 17. tametsi deceptus in eo fuit, ut ipsius Auctorem censuerit fuisse Presbyterum quemdam, nomine *Syrum*. Quam (inquit hoc Art. 17. *Baronius*) antiquitus scriptam accepimus a Domino *Constantino Cajetano*, Monacho *Casinenfi*, qui in huiusmodi antiquitatibus in lucem vindicandis fructuose laborat. Certe autem sicut ille *Baronio* Codicem ipsum antiquum commodaverat; sic etiam postea familiarissimo suo *Matheo Valerio* Carthusiano, cum *Romæ* aliquando esset, eundem obtulit, ut Vitam illam sibi faceret inde transcribi. Transcriptam igitur hic apud se habebat; sicut & alteram minus antiquam, & ab altero Auctore, sed Anonymo, contextam. Cum vero utramque demum solita sua humanitate ipse mihi tradidisset; tum vero Patris etiam *Constantini*, erga me quoque humanissimi, consensus in typographicam Editionem accessit. Quamobrem utraque isthæc *Arialdi* Vita illorum beneficio publicam in lucem me velut administro, unaquæque suo comprehensa Libro, prodibit. Quoniam tamen de Sancto isto Martyre perverse admodum, vel ad minus hæsitanter, plerique senserunt Historici nostrates, scriptis utique decepti eorum, qui *Simoniaci* e Clero *Mediolanensi* ac *Nicolaitis* favebant; propterea nos Secundo illi ac Tertio Libro, Primum præmittimus, plurimorum probatæ fidei Scriptorum Testimonia pro ejusdem *Arialdi* sanctitate, complectentem. Sed & Quarto denique Libro Collectanea insuper & Observationes ejusdem Vitam proferemus. Sic igitur per nos, opitulante Deo, SANCTUS LEVITA ET MARTYR ARIALDUS, MEDIOLANENSIS, VERITATI AC LUCI RESTITUTUS, prodibit.

CCLX. Contra tales præsertim Cleri *Mediolanensis* corruptelas, quibus ipsemet etiam *Vuido* favebat Archiepiscopus, concionante *Arialdo*, prohibere adjuvantibus aliis hominibus, qui se ipsi adjunxerunt; gravis inde ac diuturnus in hac Urbe tumultus fuit. Cumque vera causæ totius series ad Sedem Apostolicam per *Arialdum* delata fuisset; *Nicolaus* denique Papa, hujus nominis Secundus, Clerum istum, sedato tumultu, in ordinem per suos redegit Legatos, huc transmissos. Hi autem fuerunt Beatus *Petrus Damiani* Sanctæ *Romane* Ecclesiæ Cardinalis Episcopus *Ostiensis* atque *Anselmus de Badagio* (nomen est *Pagi*, parum ab Urbe ista distiti, qui vulgo BAGGIO nuncupatur) ex Ecclesiæ *Mediolanensis* Cardinali Ordinario Episcopus *Lucensis*: qui deinde promotus ad supremum Sedis *Romane* Sacerdotium, *Alexander* Secundus dictus fuit. Hæc Anno supra Millesimum quinquagesimo nono gesta fuerunt: eodemque simul tempore *Mediolanensis* Ecclesiæ, deposito tandem illo ducentorum circiter annorum schismate, rediisse ad Ecclesiæ *Romane* obedientiam & auctoritatem (sicut etiam Num. 250. monebamus) iis est visa Scriptoribus, qui tam diuturnum ac perniciosum illi schisma tribuerunt. De ipso nos agere incœpimus Num. 109. Annoque *Christi* Octingentesimo quadagesimo quarto. Sicut autem nobis ex adverso protinus Num. 110. commentitium videri tunc cœpit: sic etiam postea per plures, quam initio destinabamus, occasiones identidem refellere vanitatisque convincere datum fuit; nimirum Num. 121. 139. 140. 141. 142. 143. 151. 153. 160. 195. 220. & 236. Nunc extremo veluti conatu illud ipsum penitus obtinendi cupidus nos incessit: aculeosque (fatemur) incessanter incutit ipsa quoque *Mediolanensium* nostrorum commiseratio.

A Tanti enim adeorum salutem schisma interest huiusmodi, ut eo per tot annos in hac Urbe ac Diocesi admissio, admittere itidem cogamur, omnia interim Ecclesiæ hujus (quæ tamen Synagoga potius Satanae dicenda interim fuisset) membra, omnesque interim ejusdem Archiepiscopos æternis esse ignibus damnatos. Verissimum enim e communi Theologorum sententia fatemur esse illud, quod Sanctus *Fulgentius De Fide ad Petrum*, Cap. 38. & 39. gravissimis admonet his verbis: *Firmissime tene, & nulloatenus dubites, non solum Paganos, sed etiam Judæos, Hereticos, ET SCHISMATICOS, qui extra Ecclesiam Catholicam* (cujusmodi est Romana) *præsentem finiunt vitam IN IGNEM ÆTERNUM ITUROS*. In id consulatur inter alios *Bellarminus* Libro Tertio *De Ecclesia Militante*, Cap. 5.

B CCLXI. Ut vero certis & indubitatis Theologorum pronunciatis eo firmius innixi cognoscamus, strictim hoc tandem loco indicare nos oportet, quid proprie ac vere Schisma sit, Schismaticus: quorum quidem vocabulorum etymologiam taciti adhuc supposuimus. Schisma igitur, e quo deductum est Schismatici nomen, ut bene docet atque confirmat *Antonius Sanctarellus* in Tractatu *De Heresi &c.* Cap. 43. Dubio Primo, *nihil aliud est quam separatio ab unitate Ecclesiæ Universalis, qua Christianus vel subtrahit se ab obedientia Capituli Ecclesiæ, scilicet Romani Pontificis, QUATENUS ECCLESIAE CAPUT EST, vel a communione membrorum Ecclesiæ, nolens esse Ecclesiæ membrum*. Quocirca Schismatici etiam proprie sunt illi, qui subesse renuunt Summo Pontifici, IN QUANTUM EST SUMMUS PONTIFEX: & membris Ecclesiæ, illi subiectis communicare recusant. Inde porro efficitur, ut proprie vereque Schismaticus non sit, qui Romano Pontifici, quem cæteroqui cognoscat Ecclesiæ Catholice Caput, obedire tamen idcirco nolit, quia ipsum sibi existimat infestum. Nam iste (inquiunt Doctores) non diceretur recedere ab obedientia Papæ, UT PAPA EST, UT CAPUT ECCLESIAE: & ita non formaliter & vere recederet a Summi Pontificis obedientia, sed solum materialiter. Atque hac sola profecto ratione *Anspertus* Archiepiscopus aliquando recessit ab obedientia *Joannis* Papæ Octavi. Quamobrem hic illum Epistola 126. rogans, ut cum suis Coëpiscopis ad Synodum *Papie* jam tertio admonitus occurreret, talem illi opinionem hisce verbis adimere nitebatur: *Nulla, Frater charissime, animo vestro dubietas insideat: in mea fide, & in meo Sacerdotio credite. Nil contra vestram decentiam atque honorem vobis aliquatenus opponetur*. Quod si nihilominus *Anspertus* postea etiam obedire detrectavit, atque propterea fuit Excommunicationi subiectus; certe tandem obediens absolutus a Censura fuit, eidemque Pontifici & Ecclesiæ reconciliatus; ut Numero illo 110. dicebamus.

E CCLXII. Sic igitur explicata Schismatis & Schismatici etymologia, maesti animo tandem aliquando vel ipsiismet *Petri Damiani* testimonio comprobeamus, Ecclesiam *Mediolanensem* nullo ejusmodi Schismate laborasse tunc temporis, quando hic eam dicitur ad Ecclesiæ *Romane* unionem communionemque revocasse. Universam Legationis hujus a se peractæ seriem scriptis ipsæ suis testatam posteritati reliquit, cum eam *Hildeprando* Sanctæ *Romane* Ecclesiæ Cardinali Archidiacono, qui postea factus Pontifex *Gregorii* Septimi nomen obtinuit, recenseret: eademque jam Tomi ejus Operum Tertii Opusculo continetur Quinto, & quidem inscripto, *Actus Mediolani, De Privilegio Romane Ecclesiæ*. Nonnulla igitur præfatus de *Romane* Privilegio Ecclesiæ, cum hæc una, per Cathedram Beati *Petri* totius Christianæ Religionis Caput effecta, cunctis in Orbe terrarum principetur Ecclesiis, causam Legationis recenset his verbis:

bis: *Erat enim inter Clerum & Populum propter duas Hæreses, Simoniacam videlicet & Nicolaitarum, satis turbulenta seditio. Et quia satis superque constabat, quænam diceretur Simoniacæ Hæresis; iccirco ad alteram tantum explicandam se protinus obvertit. Nicolaitæ autem (subdit) dicuntur Clerici, qui contra castitatis Ecclesiasticæ regulam fœminis admiscuntur. Qui plane tunc fornicatores fiunt, cum fœdi commercii copulas ineunt: tunc Nicolaitæ jure vocantur, cum hanc lethiferam pestem velut ex auctoritate defendunt. Vitium quippe in Hæresim vertitur, cum perversi dogmatis assertionem firmiter. En igitur duo illa mala, quibus Ecclesia tunc immo vero Clerus Mediolanensis laborabat: quibusve in præsentem medendum per Legatos Apostolicos erat. Non ergo Schismate insuper propterea laborabat; quia Privilegium, sive Præm, Ecclesiæ Romanæ omnium Christi Ecclesiarum Matris ac Magistræ, negaret; atque unionem cum ipsa, vel cum ceteris ejus membris, detrectaret.*

CCLXIII. Attendamus nunc vero diligenter, quemadmodum Legatus idem Apostolicus ita subinde prosequatur: *Quid plura? NOBIS DIGNA SEDIS APOSTOLICÆ VENERATIONE RECEPTIS, ac negotiis, quæ nos attraxerant intimatis; POST DIEM ALTERUM factione Clericorum repente in Populo murmur exoritur, non debere Ambrosianam Ecclesiam Romanis legibus subjacere; nullumque judicandi, vel disponendi, jus Romano Pontifici in illa Sede competere. Nimis indignum (inquiunt) ut quæ sub progenitoribus nostris SEMPER EXTITIT LIBERA, ad nostræ confusionis opprobrium nunc alteri (quod absit) Ecclesiæ sit subjecta. Postremo tumultuatum clamor attollitur, ex diversis partibus ad Episcopale Palatium convenitur: dein tintinnabula perstreperunt: prægrandis æreæ tubæ, quæ illic est, tota Civitas clangoribus intonatur. Intentabant mihi, ut ita loquar, omnia mortem: & ut ab amicis meis mihi sæpe suggestum est, nonnulli meum sanguinem sitiebant. Videmus igitur, quemadmodum ante tumultum illum, a Clero repente in Populo excitatum, Legati Apostolici jam fuerant digna & debita erga Sedem Apostolicam veneratione, ac per eam subjectionis debitæ professione recepti. Quocirca Populus antehac profecto non ea imbutus erat opinione, ut Ambrosiana Ecclesia Romanis subjacere legibus non deberet: nec ullum judicandi, vel disponendi, jus in Ambrosianam istam Sedem Romano Pontifici competeret. Clerus itaque talem illi opinionem recenter post adventum Legatorum iniecerat. Quod si quis nihilominus inveteratum per ducentos retro annos Schisma hinc eruendum putet; quidni potius eruat etiam perpetuum, & una cum Ambrosiana ortum Ecclesia, semperque deinceps cum ipsa propagatum? Non enim per ducentos tantum annos, sed SEMPER liberam extitisse Clerus jam venditabat Ambrosianam Ecclesiam: quam proinde nunc Ecclesiæ Romanæ, subjici nimis esset indignum.*

CCLXIV. *Augebat autem (pergit Petrus Damiani) hujus ignis incendium hoc permaxime; quia congregatis, quasi ad Synodum, totius Ambrosianæ Parochiæ (hoc est, Dioceseos) Clericis, ego in medio residens, sive potius PRÆSIDENTS, Reverentissimum Mediolanensem Archiepiscopum ad sinistram, prudentia quoque ac sanctitate conspicuum Anselmum Lucensem Episcopum posuisse mihi accusabar ad dexteram. Hinc porro quantæ a frementi populo dici potuerint, non necesse est apicibus tradi: quod nimirum per se valet intelligi. Et re vera ipse Dominus Archiepiscopus mox ut nostræ est PRÆSESSIONIS admonitus (quæ nimirum deberetur Legatis, a supremo cunctarum Christi Ecclesiarum Pastore ac Moderatore, Romano Pontifice, missis) impiger obtulit, ultro etiam; ut, si ego præciperem, in scabello, quod nostris suberat pedibus, sine controversia resideret. Dicant, id non simplici factum*

A *intentione, qui volunt. Nos autem non hoc irritationi Populi zelantis, ut fertur adscribimus; sed Apostolicæ Sedis reverentiæ deputamus. Atque vel hinc etiam liquido constat, ipsummet quoque Archiepiscopum, præsentibus hisce Legatis, nihil egisse, quod Schisma saperet, atque separationem ab Ecclesia Romana ejusque Capite, reliquisque membris. Quod si tam inveteratum in hac Ecclesia inolevisset ante hac in præsentem usque diem Schisma, cujus e medio tollendi gratia ii Legati cum potestate huc venissent; quid vetabat, quo minus primo statim congressu Archiepiscopus ipse Vuido ante alios libera constantique voce coram Clero ac Populo suo responderet? nihil*

B *Ecclesiæ suæ sibi que esse cum Ecclesia Romana, ejusque Pontifice ac Legatis: qui tamquam suo jure Præsides ac Dominos agere hic vellent, ubi nihil penitus juris ac potestatis haberent, neque per ducentos ab hinc annos habuissent.*

C *CCLXV.* Restabat igitur in præsentem rerum articulo id unum, ut ejusmodi libertati, nupër a Clero inter Populum venditæ, prudentissimus ille Cardinalis, & in Ecclesiastica Historia versatissimus, occurreret. Cui quidem satis occursum fore duxit; si Ecclesiam Mediolanensem ab initio usque ad Sancti Ambrosii tempora subjectam fuisse concluderet Romanæ, perinde ac discipulam Magistræ, ac filiam Matri, cujus ab uberibus lac Fidei Apostolicæ hauserit. Si enim per illud tempus ea fuerat subjecta; non igitur semper libera fuit, & ab Ecclesiæ Romanæ jure ac legibus immunis; quemadmodum Clerus nuper sparserat in vulgus, vulgusque statim præcipiti & inconsulta credulitate arripuerat. Ut autem ad compendium veniam (verba sunt ejusdem Cardinalis) ascendi pulpitem: ac, sedato vix Populo, hujusmodi sum verbis exorsus. Noverit Charitas vestra (Dilectissimi) non me pro Romanæ Ecclesiæ huc honore venisse; sed vestram gloriam querere; vobis salutem & gratiam, quæ in Christo est, cum ejus auxilio, si permittitis, providere. Quo enim pacto honore indiget parvuli hominis, quæ laudes atque præconia ex ipsius ore sortita est Salvatoris? Quæ autem Provincia per omnia Regna terrarum ab ejus ditione extranea reperitur, cujus arbitrio ipsum quoque Cælum & ligatur & solvitur? Romanam igitur Ecclesiam subinde asserit ab ipso met Christo Domino fundatam fuisse, atque Beato Petro, terreni simul & ecclesiæ Imperii Clavigero, commissam. Quibus in commune assertis, ut autem (inquit) omittis aliis, ad id, quod nunc agitur, veniamus: non debet ignorare sancta vestra Devotio, quia Beati Apostolorum Principes, Petrus & Paulus, sicut per suum sanguinem Romanam Ecclesiam consecrarunt; ita mox inter ipsa nascentis Fidei rudimenta hanc Mediolanensem Ecclesiam per suos Discipulos lucrati sunt Christo. Nazarius quippe, Martyr insignis, sicut Scripturæ testantur, Petri auctoritate Baptisma a Lino ejus Successore suscepit: qui postmodum cum Beato Celso in hac sancta Urbe martyrio coronatus est. Sancti vero Martyres Protasius atque Gervasius Beatum Paulum Apostolum magistrum ac præceptorem habuisse noscuntur; sicut Beato Ambrosio & ipse testatur. Isti sunt (inquit) qui, monita mea secuti, respuentes prædia & divitias, secuti sunt Domini nostri vestigia. Sicut ergo Salvator noster binos ante faciem suam Discipulos misit; ita quodammodo uterque Sanctus Apostolus ex magisterio suo in hanc Urbem Prædicatores sanctæ Fidei geminos destinavit. Cum ergo vestre salutis auctores ex Romanæ Ecclesiæ prodierint disciplina; consequens est, juxta æquitatis ordinem, ut Ecclesia Romana Mater, Ambrosiana sit filia. Ut autem hic ordo inter utramque, Ambrosianam videlicet & Apostolicam Sedem, non noviter oriri, sed antiquitus tenuisse non dubitetur: Beatus Ambrosius cum hanc Nicolaitarum sordem ad multorum fœtere perniciem in hac Urbe doleret: eamque per se solus coercere non posset; Sedis Apostolicæ mox quæ

D

E

F

huit auxilium. Cui videlicet is, qui tunc præerat, Papa Siricius tres personas, Presbyterum, Diaconum, & Subdiaconum, ad correctionem ulciscendi hujus sceleris destinavit. Cum his itaque Beatissimus Pontifex, quos corrigere non potuit, velut scitentem vermibus sentinam ex Urbis hujus sagena projecit. Unde & ipse Sanctus Ambrosius in omnibus sequi se Magistrum Sanctam Romanam profitetur Ecclesiam. Scrutamini itaque Scripturas vestras: & per quod vultis, diligenter inquirete. Et si non potestis apud vosmetipsos invenire, quod loquimur; mendacii arguite. Si autem potestis; nolite veritati resistere, nolite Matrem vestram crudeliter impugnare; sed, ex cujus uberibus lac suxistis Apostolicæ Fidei, ejus semper gaudete solidis doctrinæ celestis dapibus recreari. Talia Petrus Damiani ad Populum Mediolanensem, falsa illa vanaque ac nupera libertatis & immunitatis opinione derepente tumultuatum. Quibus profecto quantum protinus hic Orator profecerit, quamque celeriter tumida illa tempestas detumuerit, idem ipse nobis enarrat. His itaque rationibus (inquit) de Prærogativa & Principatu Sedis Apostolicæ traditis, Populus omnino benevolus redditur: & executurum se, quidquid injungerem, unanimiter pollicetur. Tunc nimirum liquido persensit, in Ecclesiasticis causis, quantum Romanæ Ecclesiæ nosse Privilegium valeat &c. Quid multis moror? Adeest Clericorum plurimus ille conventus: communiter & singillatim quisque perquiritur; vix e tanto numero quispiam promotus ad Ordinem sine pretio reperitur. Itaque mox Petro Damiani sine ullius contradictione id solummodo deliberandum jam incumberebat, quomodo binas illas Hæreses, Simoniacam & Nicolaiticam, tam longe lateque Mediolanensi huic Ecclesiæ antiquitus inhærentes, in præsens & in posterum curaret; de quibus utique solis quæstio præsens instituta erat. Eam igitur utramque in perpetuum solemniter jurati detestantur, execrantur, Archiepiscopus ipse ante alios, ac deinde Clerus item universus: seque prompti unusquisque subjiciunt poenæ, sibi ob ejusmodi noxas injectæ; sicut idemmet Petrus Damiani luculenter enarrat. Quod si Mediolanensis Ecclesiæ, Schismate insuper ducentos per annos inveterato infecta, male itidem sensisset de Romanæ Primatu Ecclesiæ, seque propterea illius potestati ac magisterio & unioni subtraxisset; nonne tantum in primis malum Petro Damiani curandum incumberebat? Itane vero cum Græcis etiam Schismaticis egisset? si missus ad eos Legatus, id ex voto reportasset, ut ad Catholicæ Fidei professionem redire statuerent. De Schismatis profecto gravitate quid ipse hoc eodem Opusculo sentiat, hinc accipe. Non dubium (inquit in eo Sermone ad Populum habito) quia quisquis cuilibet Ecclesiæ jus suum detrahit, injustitiam facit: qui autem Romanæ Ecclesiæ Privilegium, ab ipso Summo omnium Ecclesiarum Capite traditum, auferre conatur; hic procul dubio in Hæresim labitur: & cum ille notetur injustus; hic est dicendus Hereticus. Fidem quippe violat, qui adversus illam agit, quæ Mater est Fidei: & illi contumax invenitur, qui eam cunctis Ecclesiis prætulisse cognoscitur, qui videlicet Christus est Dominus.

CCLXVI. Quid, quod etiam Sanctus Arianus, Apostolicæ sine dubio Sedi tamquam Matri ac Magistræ addictissimus, nusquam tamen legitur aliquod ejusmodi Schisma, pravamque de Primatu Ecclesiæ Romanæ opinionem, Clero Populoque Mediolanensi suis in Concionibus exprobrasse? cum alioqui vehementer exagitarit non modo Simoniacam & Nicolaiticam ipsius Hæresim, sed alia etiam longe minora errata, quibus ab Ecclesiasticis deficere regulis videretur. Recte igitur & catholice Ambrosiana Ecclesiæ hoc tempore sentiebat de Romana, ejusque unioni firmiter adhærebat; tametsi duabus illis irretita Hæresibus (quibus multæ similiter aliæ alibi Eccle-

A siæ citra peculiarem Schismatis notam tenebantur) semet inde nesciret extricare; novisque propterea contra eas Decretis Apostolicis difficulter obtemperaret. Obtentus ille libertatis, in Populum a Clero tunc jactus, nonnisi subitarium fuit commentum: ac sicuti ficta omnia celeriter tamquam flosculi decidunt, nec simulatum potest quicquam esse diuturnum (ajebat Tullius Libro Secundo De Officiis) ita etiam protinus breviculo Petri Damiani Sermone disjectum ex eo Conventu evanuit.

B CCLXVII. Sed enim satis hæc sunt, quibus ejusmodi Schisma, tamquam commentitium, nos ab initio ad extremum differendo persecuti sumus. Qua tamen in re, præter eos Scriptores, quos Num. 109. enumerabamus, adversari præterea nobis non difficemus Sabellicum Anno Millesimo quinquagesimo, & ex ipso Gilbertum Genebrardum Chronographiæ Libro Quarto sub Stephano Papa Decimo, live ab Anno Christi Millesimo quinquagesimo septimo: Alphonsum Ciaconum in ejusdem Stephani Papæ Vita: Hieronymum Rubeum, Historiarum Ravennatum Libro Quinto, ad Annum Millesimum quinquagesimum nonum: Joannem Azorium, Parte Secunda Institutionum Moralium, Libro Quarto Cap. 17. quibus assentiri videtur etiam Baronius ad eundem Annum Millesimum quinquagesimum nonum, Artic. 67. Verum enimvero nihilominus fore confidimus, ut conatus ejusmodi noster arrogantis animi vitio non vertatur. Nam & arrogantia non est, vel querere, vel asserere veritatem (cui scilicet uni nos studemus) ut verissime docet Sanctus Augustinus Lib. 4. contra Cresconium, Cap. 66.

C CCLXVIII. Accipe verò etiam, si placet, hoc item à nobis peculiariter observatum: quoto scilicet Anni Millesimi quinquagesimi noni tempore Petrus Damiani Legationem hanc suam Mediolani obierit. Gilbertus Genebrardus & Baronius ad eundem illum Annum, Art. 44. eam putant ab ipso fuisse obitam post Concilium sub eodem Pontifice Nicolao, Romanum, mense Aprili celebratum, in quo damnatus denuo fuit Hæresiarcha Berengarius. Ego verò ex Historiæ Arnulfi Libro Tertio animadverti oppositum. Arnulfus autem (sicut alias monuimus) hoc tempore vivebat & a se inspecta narrabat: quodque nobis maxime displicet, Simoniacis ac Nicolaitis illis addictissimus, Sancto autem Arianus ipsiusque affectis infensissimus erat. Postquam igitur fremens narrasset, quemadmodum Mediolanenses Apostolicis mandatis ac Petro Damiani ea in Synodo Mediolanensi obtemperassent; tum verò, spiritu pariter inflatus Nicolaitico & ad Schisma pruriente, sic in ipsos invehitur: O insensati Mediolanenses, quis vos fascinauit? Heri clamastis unius Sæclæ Principatum: hodie confunditis totius Ecclesiæ statum: vere culicem liquantes, & camelum glutientes. Nonne sanctius hoc videlicet procuravit Episcopus? Forte dicetis: Veneranda est Roma in Apostolo. Est utique; sed nec spernendum Mediolanum in Ambrosio. Certe certe non absque re scripta hæc sunt in Romanis Annalibus. Dicitur enim in posterum subiectum Romæ Mediolanum. Ecce Metropolitanus vester, præ solito Romanam vocatus ad Synodum, abiit; sed contra nostros affectus prosper fit illi ad cuncta successus. Decibiliter equidem tractatur ab Apostolico Nicolao: CUJUS DEXTRO POSITUS EST IN PRÆSENTI SYNODO LATERE. Quam quidem Vuidonis Archiepiscopi Sessionem in dextera Pontificis ante omnes alios in hoc Romano Concilio Prælatos observavit etiam Gualuaneus Flamma in Codice Bibliothecæ Ambrosianæ, ad Annum Christi Millesimum sexagesimum primum, sub eodem Nicolao Secundo; tametsi Concilium illud re vera celebratum fuerit ut diximus, Anno quinquagesimo nono.

F CCLXIX. Nicolaus Secundus Pontifex Anno A.C. 1061. Do-

Domini supra Milleſimum ſexageſimo primo, menſe Julio exeunte, moritur, poſtquam ſediſſet duos cum dimidio annos: atque poſt tres ferme inde menſes ipſi ſubſtituitur *Anſelmus* ille, *Lucenſis* Epicoſopus, & patria *Mediolanenſis*, cujus etiam paulo ante meminimus. *Alexander* hujus nominis Secundus appellatus fuit. Sicut autem iſte olim etiam, cum Cardinalis eſſet Eccleſiæ hujus Metropolitanæ Ordinarius, veteres illas oderat Cleri *Mediolanenſis* corruptelas; ſic etiam Sanctum *Arialdum* ejuſque aſſectas magnopere diligebat adhuc fovebatque. Sed ne propterea quidem hac in Urbe Clerus a *Simonia* ſeſe penitus abſtinebat: nec ex eo defuere, qui mortuis Monafteriorum Sancti *Celſi* & hujus *Ambroſiani* Abbatibus, Abbatias ipſas pretio ſibi coëmerent circiter Annum Domini Milleſimum ſexageſimum ſecundum. De *Ambroſiana* nominatim, quæ noſtri proprie ſcopi eſt, in ejuſdem *Arialdi* Vita, quam Beatus *Andreas* Vallis Umbroſæ Monachus conſcripſit, Cap. 18. (quippe Capita nos ei adjecimus) hæc verbatim leguntur: In eodem denique tempore, DEFUNCTO MONASTERII SANCTI AMBROSII ABBATE, alius Clericus, Cancellarius, nomine ARIPRANDUS, CLERICALE BIRRUM (indumenti genus hoc eſt) catenus ignominioſe delatum, reliquit, & hujus Monafterii nomen Abbatium ſibi neſande uſurpavit. Qui cum tantæ eſſet celſitudinis pro natura ſuperbi ſanguinis, ut violenter nequaquam poſſet expelli; ait *Arialdus* vir Dei: Si, quod debemus, in hoc improbo explere nequimus; quod valemus, ſaltem faciamus. Protinus igitur ſumptis fratribus ad eum perrexit: Quo coram pervento, dixit: Quid eſt hoc? *Heri* Clericus: hodie Abbas. Magnum feciſti & velocem ſaltum. Et quare non tenuiſti contra ſanctos Canones, & contra juſjurandum, quod nuper in Eccleſia Romana juraſti, hoc uſurpare? Qui reſpondit: Hoc, ut vides, actum eſt: & relinquere id ulterius minime poſſum. Cui *Vir Dei*: Si vis (inquit) potes: & omnino ex Dei parte Sanctæque Romanæ Eccleſiæ deprecorte, ut rem contra Dei voluntatem ſumptam, & contra tuæ animæ ſalutem raptam relinquant. At ille: & ego (inquit) ſub eodem juramento, quo adjuraſti me, adjuro te, ut tuis te veſtibus nunc exuas, & hic coram me te ſcopari facias. Qui protinus cucurrit, virgas acquiſivit, veſtibus ſe exuit & acriter ſe ab uno exſuit ibi coram omnibus ſcopari fecit. Hæc itaque falſus Abbas perpendens, quid ultra diceret neſciens; capite dimiſſo inde ſurrexit; & induratus, ut *Pharao*, aliorum declinavit. Haecenus e. Sancti *Arialdi* Vita. Nos inter Archivi hujus *Ambroſiani* Membranas *Ariprandum* iſtum comperimus Anno etiam Milleſimo ſexageſimo quarto Abbatem hujus Monafterii fuiſſe.

CCLXX. Forte autem hic ipſe *Ariprandus*, ante hac Clericus, munere Cancellarii & generis claritate inſignis, ille ipſe erat, qui Eccleſiæ hujus Metropolitanæ Cardinalis Ordinarius, quarto loco ſubſcripſerat Epistoſe *Vuidonis* Archiepiſcopi, quando coram *Petro Damiani* publice deſtatus *Simoniacam* & *Nicolaitarum* Hæreſes fuit. Ejuſmodi Epistoſam legere licet in prædicto *Petro Damiani* Opusculo Quinto, & apud *Baronium* Art. 52. ad Annum Chriſti Milleſimum quinquageſimum nonum. Cui quidem ſic etiam legimus ſubſcriptum: *Ariprandus*, indignus Diaconus, ſubſcripſi.

CCLXXI. CLERICALE BIRRUM interno-
tabamus indumenti fuiſſe genus. Suum igitur & proprium Clerici etiam birrum *Mediolani* geſtabant. Birrum verò, vel etiam birrus, videtur quoddam fuiſſe brevius ac exterius indumentum, quo brachia tantum & humeri tegerentur. Epicoſopi ſic etiam ſuum, ſed pretioſius, geſtabant. Sic enim conſtat a Sancto *Auguſtino*, Sermone Primo De diverſis, quo ſuorum in *Africa* Clericorum, birro pariter utentium, diſciplinam componebat. Ceterum de

A hoc ipſo indumento in genere videri plura poſſunt apud *Baronium*, ad Annum Chriſti Ducenteliſimum ſexageſimum primum: & apud *Heriberium Roſuveydum* in ſuo illo eruditiffimo rerum & verborum diſſiciliorum Onomaſtico, quod editis a ſe in lucem Vitis Patrum adjecit.

B CCLXXII. SCOPARI porro, ſicut ex ipſomet apparet contextu, erat virgis cædi. Scire *Baronius* ad Annum Chriſti Milleſimum quinquageſimum quintum, Art. xi. Aliud (inquit) erat genus verberum, quod per ſcopas inferebatur. Ita inſtrumentum illud nominabant, quo Pœnitens ſibi ipſi verbera infligebat. De quo redemptionis genere eſt frequens mentio apud eundem *Petrum Damiani*, hujus temporis Scriptorem. Quod ſi Pœnitentes nonnunquam ejuſmodi virgatoris miniſterio erga ſemetipſos in pœnam peccatorumungebantur; certe alios etiam in hoc ipſum aligando aſciſcebant, quemadmodum & *Arialdus* fecit. Neque vero ſcoparum nomine ſolum illud infligendæ pœnæ inſtrumentum intelligebatur; ſed ipſimet etiam iſtus inſiſti. Quo quidem ſenſu *Petrus Damiani*, ad *Alexandrum* Papam ſcribens, ita loquitur: Ut tria ſcoparum millia unum pœnitentiæ annum explerent cum modulatione *Psalmorum*: decem *Psalmorum* modulatio mille ſcopas admittit.

C CCLXXIII. Vuido deinde Archiepiſcopus, eo quod a fide data Eccleſiæ Romanæ jurataque defeciſſet, per Pontificias Litteras excommunicatur. Hinc ille magis exaſperatus, profuſione pecuniarum ſeditionem redintegrat, obſtinato in id animo, ut *Arialdus* pellatur ex Urbe, ac necetur. Quin etiam Urbem ipſam juſſit ac eſſe pronunciavit Interdicto ſubjectam, quamdiu *Arialdus* hic maneret: qui vero contra feciſſent aliquid, fieri ve permiſiſſent, hi bonis fortunæ omnibus vitæque privandi denunciabantur. *Arialdus* ergo, ab unde digreſſus, ut contra hoſtium inſidias & furorem incolumis ſervaretur, ab *Herlembaldo Cotta*, Cive nobiliſſimo, Populi Capitaneo, ac primario ſui fautore, fidei creditus eſt ac tutelæ cujuſdam Presbyteri, qui videbatur in id opportuniffimus eſſe. Atqui protinus ab hoc ipſo ille *Vuidoni* Archiepiſcopo perfide proditur: eidemque traditus in poteſtatem, quam celerrime verſus *Verbanum Lacum* (quem dicimus Majorem) abducitur ad necem. Archiepiſcopi *Neptis*, *Oliva* nomine, ſive *Stationam* (hodie *Angleriam*) ſive *Aronam*, Opida hinc inde in littore *Lacus* inſignia, & juxta ſe poſita, incolebat. Ejus itaque juſſu in conterminam eidem *Lacui* ſolitudinem navi tranſvectus, a duobus denique Clericis per ſummam crudelitatem necatur conſtantiffimus Chriſti Martyr. Aures ei, ac naſum cum labio ſuperiore, dextram quoque manum; ac membrum genitale amputarunt: oculos præterea effoderunt, ac linguam de ſub gutture convulſerunt. Et ſic illa ſancta Anima carne eſt ſoluta: corpus vero ibi quoquomodo terræ traditum eſt: concludit Cap. 29. Beatus *Andreas*, poſtquam in ſuperioribus ex ordine Capitibus cetera illa fuiſſet abunde ſtylo proſecutus. Hæc vero tam impia & nefanda cædes Anno Chriſti peragebatur Milleſimo ſexageſimo ſexto, ſub exitum Junii menſis.

F CCLXXIV. Porro ſequitur idem Beatus *Andreas* Cap. 30. his verbis: Cœperunt denique illic poſt hæc luminaria præclara per noctes Piſcatoribus apparere. Quod ut impia *Jezebel* (*Neptis* Archiepiſcopi) audi-
vit; protinus in aliam Inſulam eum nocte transferri juſſit. Sed cum eadem lux ibidem ſimiliter crebro appareret; in locum tertium eundem aſportari fecit. Videns igitur, quod non poſſet ſanctum occultare corpus, nec ſub terra, neque ſuper terram, quia illud ubique lux eximia comitabatur; irata valde fecit ſaxa ingentia circa ipſum innecti, & in profundum *Laci* dimergi. Verumtamen ibi, ubi eſt projectum, tanta eſt aquæ altitudo (ſicut didici a viris illius Loci) ut vix ſine centum cubi-

cubitorum quisquam possit fundum attingere. Nam idem Lacus pro sui magnitudine Major nuncupatur, & plus quinquaginta miliaribus in longum extenditur. In quo tam innumerabiles procul dubio immanesque sunt pisces, ut per tres menses facile devorarent quot in eadem Parochia sunt pecudes. Sed quid inde tandem sacro huic cadaveri factum, idemmet nobis explicet Beatus Andreas. Sed Deus omnipotens (mox inquit) cuius causam ipse (Arialdus) patefecerat, nec illum passus est a pisce contaminari, nec in Lacu profundo occulte morari. Etenim post decem inde menses

A.C. 1067. (Annoque propterea Christi Millesimo sexagesimo septimo) cadaver illud mirifice candidum, & a piscibus intactum emerfit, atque projectum ex aqua in ripam, indicio aquilæ compertum & agnitum fuit. Re igitur ad Urbem delata, cum Arialdi hostes sponte tradere nollent ipsius corpus; Herembaldus illuc cum exercitu processit, injectoque terrore, quod sponte tradere rogati nolabant, obrinuit. Eo igitur levato in feretrum (Beatus Andreas narrat Cap. 32.) cum tanta gloria & laude reverti cœpimus, ut eas nullo modo exprimere possem; etiamsi vocem linguamque ferream haberem. Et paulo post: At ubi Mediolano propinquavimus, totam pene Urbem obviam habuimus: matronas, nobiles & ignobiles, ceteros innumerabiles deferentes: infantes & senes, omnesque Deo laudem dantes. Etiam ipsos, quos in vita sua habuit æmulos, scilicet Clericos, invenimus paratos, non Officium cantantes Mortuorum; sed, ut decebat, Martyrum. **ET SIC IN SANCTO DIE ASCENSIONIS DOMINI POSUIMUS ILLUM IN ECCLESIAE MEDIO SANCTI AMBROSII.**

CCLXXV. Per decem inde proximos dies in hac illud Basilica expositum mansit. Quid autem interea gestum ibidem fuerit, Beatus Andreas hunc in modum mox enarrat: Tunc nobilis Herlembaldus, in loco eminenti progressus, hæc omnibus audientibus est locutus. Videtis (inquit), Dilectissimi, quantum valet fides, quam inter nos per decem annos docuit Beatus Arialdus. Certe, ut videtis, ipsa eum servavit defunctum incolumem in profundo Laci inter innumerabiles immanesque pisces per decem menses. Hæc autem coram vobis ipsum per decem hos dies æstivos conservet, videlicet usque ad sanctum diem Pentecosten; quatenus de longinquo & proximo sexus diversæ ætatis uterque huc venire, & nostram Fidem, nostrorumque impietatem æmulorum evidenter possit contemplari. Clamabant tunc, nobis audientibus, ad illum Dæmonia, dicentia: Quid contra nos latras? Non potes tantum latrare, ut te non faciamus interimere (ac re quidem vera martyrium & ipse postea subiit) sicut tuum fecimus socium: & ut pingues & iniqui Episcopi, Abbates, & Presbyteri non sint nostri. In his quidem diebus ibidem undique veniebant maxima multitudo, plurima munera offerens Corpori sancto: quibus ad eum intuendum fas erat per dies. Per noctes vero Clericorum Monachorumque veniebat maxima multitudo: easque pervigiles ducebant psallendo. In una autem harum noctium timens valde, ne forte ad opprobrium Christi, Servorumque ipsius, ibi per æstivum tempus diu permanens foeteret; assumpto lumine, paucis admodum vigilantibus, ad ipsum accessi; & reperto foramine, quod ejus germanus ipsi sub ascella fecerat, ut sciret, qualiter illius haberentur interiora, intus prospexi; & ecce ejus exta ut nix erant candida, jecur vero æreum habebat colorem. Quæ cum intromissis duobus digitis tetigissem & confricasssem, eosque retractos naribus apposuissem; testor Veritatem, quæ Deus est; tantam talemque odoris fragrantiam ex ipsis digitis emanare sensi, qualem quantumve nunquam me alibi sensisse reminiscor. Et, sicut mea conscientia tunc testabatur & nunc testatur, si ipsi digiti gladii bis acuti acumen habuissent; nares absque vulnere nullo modo evaderent.

A Quia odoris suavitas tam erat delectabilis, ut nares valentiores essent odoriferos digitos intra se ad trabendum, quam brachii virtus ad retrahendum. Nam quamplures dies, ut diu delectarer tanto odore, eos ab omni custodi-vi liquore. Congregata igitur est iterum in die sancto Pentecosten tanta virorum ac mulierum diversæ ætatis multitudo de proximo & longinquo, ut nunquam se unam tantam vidisse etiam senes dicerent: & sic cum magna gloria laudeque ineffabili ad Monasterium delatus est Sancti Celsi. Ibi namque in locum mirabiliter aptum traditus est sepultura. Siquidem ex una parte habet Ecclesiam, in qua Sancti Celsi venerabile nunc adoratur Corpus: ex altera vero Ecclesiam, ubi quondam (ut fertur) diu Sanctus perlatuit Nazarius. Ex hinc quippe ibi a multis Fidelibus adoratur & colitur; ab Infidelibus autem nec Christus universorum Dominus, nec Arialdus ipsius famulus. Illic igitur Sanctus hic Martyr tumulto datus conquievit usque ad Annum Christi Millesimum nonagesimum sextum: quo per Anselmum Archiepiscopum, nominis hujus Quartum, translatus inde fuit ad Sancti Dionysii Ecclesiam, ubi Sanctus item Martyr Herlembaldus Cotta jacebat. Quibus de rebus abunde nos alibi agemus, hoc est, Primo illo & Quarto in ejusdem Arialdi Vitam Libris, quos Num. 259. polliciti fuimus. Simul vero tunc agemus de nobilissima etiam in præsens Cottarum familia: e qua natus floret Lucius, Juris utriusque Doctor Collegiatus, atque de nobis Lucubrationibusque nostris quam optime meritis; ut in tempore profitebimur, quo par est, animi candore.

A.C. 1071. CCLXXVI. Anno Christi Millesimo septuagesimo primo (sicut etiam paulo post apertius constabit) nostra Civitas miserando conflagravit incendio: quod vulgo vocitatum fuit **IGNIS DE CASTILLIONO**; eo quod prædictus Herlembaldus Cotta, Sanctæ Romanæ Ecclesiæ Vexillifer, Gothofredum, Sedis hujus Archiepiscopalis invasorem, in Oppido gentilitio Castillione tunc temporis inclusum obluderet. De quo quidem incendio breviter admodum Chalcus & Sigonius scripserunt. Ille siquidem de obfidione Castillioni loquens, sic habet: Jamque ab initio veris ejus Anni, qui fuit Millesimus septuagesimus primus ad extremos Magni Jejunii (hoc est, Majoris Quadragesimæ) dies duraverat; cum inopinatæ inexpectatæque calamitatis nuncius universum contere-fecit exercitum. Casu nescio quo suscitatum domi pridie incendium universam prope Urbem absumpserat: & præter privata ædificia, publica quoque opera corrupe-rat. Inter quæ sacra Laurentio Martyri Ædes combusta, nudatæque peristyllo suo sexdecim illæ, quæ adhuc extant, columnæ striatæ. Qua re consternati omnes uno impetu pene recesserunt. Et paulo post: Hic ignis diu a Loco, in quo tum armata plebs confederat, **CASTILLIONEUS** vocatus est. Sigonius autem hisce tantum verbis perstringit: Extremo inde sequentis Quadragesimæ spatio ingens Mediolani est incendium excitatum. Et paucis interjectis: Eo incendio magna pars Urbis ad solum exusta est. Incendium inde **CASTILLIONENSE** apud posteros celebre mansit. Nos igitur hoc ipsum incendium ipsis potius describamus Arnulfi verbis: qui tunc temporis Mediolani vivebat, casumque luculentius exprestit. Libro igitur tertio sic inquit: Hac itaque tempestate cum rarus in Urbe Populus sua frueretur securitate, repentina calamitas improvidam invasit Urbem. Horresco referens. Primo namque Quadragesimæ Sabbato (& hinc quidem corrigamus tempus a Chalco & Sigonio indicatum) magno Civitas conflagravit incendio Cumque vehemens flaret tunc turbo ventorum, arreptis ignium globis longe lateque multas combussit ædes: eousque, ut ligna & lapides vorax flamma consumeret: aurum quoque, argentum, ac metalla cætera nimio calore liquefacta sunt universa. O quæ & qualia domorum ædificia, quamque decora combusta sunt mœnia? de quibus omnibus vix superfuit præter

parietinas quaslibet vel titio minimus. Sed, quod est omni damno deterius, plures Sanctorum crematæ sunt Basilicæ IN URBE, ET EXTRA. Sanctus quoque Laurentius, vivæ carnis olim cruciatus incendio, iterum se flammis permisit exuri. Cujus speciosissima omnium adeo fuit Ecclesia, ut relatu difficile videatur, quæ fuerint lignorum lapidumque sculpturæ, eorumque intrinsecus impaginata juncturæ suis columnis cum basibus, Tribunalia quoque per gyrum, ac desuper tegens musivum universa. O Templum, cui nullum in Mundo simile! Et ò Civitas, cujus comparatione Villæ fuerunt reliquæ! Heu heu Thronæ illæ propheticae inte fere translatæ videntur. Ubi autem rumor tam dirus Castris (ad Castillionum) insonuit; quam plures illico relicta obsidione eunt tenues ab igne reliquias Et miseram visitare familiam. Herlembaldus vero cum aliis; retenta parte Castrorum, perseverat obnoxius, quotidie belligrare non desinens. Hactenus Arnulfus. Quo pariter teste, Vuido Archiepiscopus non multo post interit. Jam enim (verba sunt Arnulfi) emigraverat a sæculo Archiepiscopus ille Vuido sepultus in Loco, qui vocatur vulgo BURGULI, ubi post Urbis incendium in amaritudine animæ diem clausit extremum. Inde porro Chalcus istud etiam sic narravit: Inter hæc Guido Velates, Cœnobio Celsiano dimissus, evaserat ad Transpadanos Populos: Et non procul Derthona defunctus, BERGOGLII, ad Tanarum amnem sito Oppido, sepelitur, anno sexto Et vicesimo, ex quo Mediolanensi præfuit Ecclesiæ. Quem profecto in annum (ab aliis etiam multis Scriptoribus assertum) illud etiam congruit, quod nos Nu. 247. ostendebamus: Guidonem videlicet istum Archiepiscopali hac Sede potitum Anno Christi supra Millesimum quadragesimo sexto. Secundum aliquos ille obiit decimo Kalendas Septembris, secundum alios vero Decembris: & hoc nobis verius videtur. Sicut autem subdit

A.C. 1072. Arnulfus, in Theophaniæ (nobis nunc Epiphaniæ) solemnitate proxima Herlembaldus illi Athonem sublegit; tametsi tumultu mox populari factum est, ut ille sese abdicarit. Et hic quidem Historia claudebatur Arnulfi eo in Exemplari, quo nos hactenus usi sumus. Ecce autem nobis ex insperato alterum e sua Bibliotheca suppeditat Clarissimus pariter ac Humanissimus Comes Octavius Archintus, alibi nobis infra memorandus: quod aliquanto ulterius protenditur. In hoc igitur Exemplari alterum rursus incendium hisce descriptum verbis occurrit. Anno Humanitatis Dominicæ Millesimo septuagesimo quinto, Indictione tertia decima, transactis quatuor a memorato superiori incendio annis, propinquante sanctissimo Paschæ festo, secunda videlicet Hebdomadis Authentice Feria, miseranda iterum Civitas divinam persensit iracundiam: experta, quam sit horrendum incidere in manus Dei viventis. Celebratis itaque Missarum Solemnis, urgente jam Sole, in Urbis apparuit medio densæ fumus caliginis, flante ventorum violentia nimia per aërem volitans: quem sequebatur vapor flammivomus, inter cælum Et terram universa consumens. Siquidem plures, velut fulmina, faces ab illo maximo Et inextinguibili erumpentes igneo globo, totam subito micuerunt per Urbem; ut, quod Civitatis residuum jam dictum illudevaserat incendium, totum pene flammis adureretur presentibus, solo tenuis conqussatum. Nec tamen ex toto illis ardor iste pepercit ædibus, quæ prius incensæ multis jam fuerant reparatæ sudoribus. Quid enim dici valet ulterius? quam, quod ignis hic instar fuit per omnia suprataxati alterius: hoc tamen crudelior, quod multo plures ac majores combussit Ecclesias. Illam scilicet Æstivam ac mirabilem Sanctæ Virginis Tegle, Beati quoque Nazarii, necnon Protomartyris Stephani, cæterasque complures: quarum parietinæ annis apparebunt, ut reor, plus mille. Inter quas aliarum Mater, Sanctæ Dei Genitricis Hyemalis Basilica (ò dolor, iterumque dolor!) exuri

A) permittitur, collapsis funditus parietibus. Cujus sacrosanctum Altare non apparet, quantum fuerit, aut quale: laminæ vero aureæ liquefactæ sunt nimio præ chasmate. Sed mille talenta auri librorum damno nequeunt comparari. Hanc quidem peccata nostra merentur ærumnam; quoniam Sancti Spiritus offendimus in nostro felle Columbam &c. Hactenus de hoc secundo incendio Arnulfus. Sed audire præstat, quemadmodum istius exitum Chalcus ad eundem Annum Millesimum septuagesimum quintum ita describat: Denique tota Civitas adusta: Et illustris Aedes Tegle, quæ primaria habebatur, Et ei propinqua Hyemalis, Et Nazariana, labefactæ. Stephaniana vero penitus absumpta est. Cui quamquam posteritas egregiam hanc, quæ extat, substruxerit; haud tamen priori parem esse, INSCRIPTI IN LIMINE EJUS VERSICULI ADMONENT. Sic enim denique Tristanus eam indicat Inscriptionem, in limine veteri, jam jamque (ut novæ structuræ cedat) diruendo, Basilicæ illius Stephanianæ duabus incisam e marmore tabulis, ad invicem sibi cohærentibus, unamque conflantibus: quæve propterea tanto magis necesse est ut a nobis fidelissime recitata conferretur. Illam profecto hac ipsa die diligenter Et accurate inspeximus; cum aliquandiu nos torfisset ejusdem exemplum ab amico alias transmissum, Et in exprimenda nominatim die Martii mendosum; quippe cum pro tertio Kalendas Aprilis male cautus septimo nobis obtrudisset; & in angustias inde maximas coniecisset. Certissime igitur ita prorsus illa se habet:

Flamma vorax prisca consumpsit culmina Templi,
Quod specie formæ nulli cedebat in Orbe;
Temporibus multis fuerat decus istius Urbis.
Omne manufactum recepit post tempora casum.
Corruit omnino. Collapsum surgit ab imo;
Sed primi cultum nequit æquiperare secundum.
Plebs spectando time: Peccatum causa ruinæ.
Te prius ædifices: tunc materiale reformes.

Sis Templum Domini; placet illi fabrica Templi.

D Anno Dominicæ Incarnationis Millesimo septuagesimo quinto, Indictione decima tertia, tertio Kalendas Aprilis, Feria secunda.

Citra dubium autem Feria hæc secunda non alia est, quam illa, quæ ab Arnulfo nominabatur secunda Hebdomadis Authentice Feria. Quæ quidem Anno illo septuagesimo quinto tam certo cadebat in tertium ante Kalendas Aprilis, hoc est, in trigesimum Martii diem: quam certum e Paschalibus hodieque receptissimis Tabulis est, Dominicæ Resurrectionis diem illo eodem Anno (sicut & trecentesimo nonagesimo septimo, quo Sanctus Ambrosius occubuit, sicuti nobis Num. 87. differebatur) in Aprilis quintam incidisse diem. Quocirca tempus istud iis Versibus subnotatum haud dubie demonstrat, quandonam Basilica illa sic incensa corruerit, non autem quando per restaurationem surrexerit ab imo. Per hæc autem satis superque refelluntur Gualuaneus Flamma in Chronico Majori Cap. 247. & Auctor Chronici Flos florum fol. 133. pag. 2. & si qui forte sunt alii, qui prædicta duo incendia in unicum tantum confuderint.

F CCLXXVII. In multos annos sicut Ecclesia Romana per Antipapas, ita Mediolanensis per Pseudoarchiepiscopos, ab Henrico Germaniæ Rege, Henrici olim Secundi Imperatoris filio, violenter ac simoniace obtrusus, perturbata gravissime fuit. Cum Vuido adhuc esset superstes, accepta Henricus ingenti pecuniæ summa, Gotbifredo Castillionæo Archiepiscopatum tradiderat, contranitante Pontifice Alexandro Secundo: qui propterea eum acri absternuit interdicto, ne honorem hujusmodi susciperet. Sic enim constat e Sigonio ad Annum Christi Millesimum sexagesimum septimum. Sed & postea, mortuo Vuido,

done, *Gothifredum* eundem pertinaciter fovere non destitit; tametsi Sedes Apostolica huic Ecclesiæ Archiepiscopum dedisset *Atthonem*. Quocirca etiam *Gothifredus* paulo post, tamquam *Fidei Catholicæ & Legis Christianæ inimicus*, una cum reliquis omnibus sibi consentientibus excommunicatus in *Romana Synodo* fuit. Et hoc aperte constat, sciteque *Baronius* etiam ostendit Anno *Christi* Millesimo septuagesimo tertio, Art. 45. e Libro Primo Epist. 15. *Gregorii* tunc Papæ Septimi, Kalendis data *Julii* ad omnes *Fideles Sancti Petri* Apostolorum Principis, in *Longobardia* commorantes. Idcirco igitur *Gothifredus* non accipiebatur; ac propterea *Henricus* Archiepiscopum instituit *Theobaldum Castillionem*. Atque ita tres eodem tempore pro Archiepiscopis se gessere, *Theobaldus Mediolani*, *Gothifredus in finibus, Attho Romæ*; sicut Anno Millesimo septuagesimo quinto testatur *Sigonius*. Accipe vero etiam ex eodem *Arnulfo*, quemadmodum in gratiarum actionem ad Basilicam istam convenerint *Herlembaldi* hostes, contra Ecclesiæ *Romanæ* decreta contumaces, statim ac ipsum interfecerunt (& quidem, non directum abstractumque suggestu, ex quo tunc forte concionaretur; sed armatum, & in primo prælii congressu). Anno scilicet supra Millesimum septuagesimo sexto. *Christi* Martyrem interfecerant; ut alibi nos ex instituto commonstrabimus; testimonioque interim sint vel ea tantum, quæ *Baronius* eodem Anno Art. 77. confirmabundus recensuit. Et tamen juxta ejusdem *Christi* prædictionem, *Joannis* Evangelio Cap. 16. consignatam, cæci sacrilegique homines ea cæde obsequium arbitrabantur se præstitisse Deo. In hoc igitur errabant illi quidem; sed errantes etiam nobis veraciter indicarunt, quanti Basilicam istam Sanctumque *Ambrosium* hic sepultum æstimarent; quove præsertim apud Deum Oratore inter ambigua præliorum discrimina victoriam sperarent, & cui acceptam referrent; quod ipsum alias etiam in hujus Operis progressu contuebimur. Eadem hora (testatur *Arnulfus*) post hoc insigne trophæum Civēs omnes (qui scilicet eidem Factioni adhærebant) triumphales personant hymnos DEO AC PATRONO SUO AMBROSIO, ARMATI ADEUNTES IPSIUS ECCLESIAM. In crastinum SIMUL CUM CLERO LAICI IN LITANIIS ET LAUDIBUS AD SANCTUM DENUO PROCEDENTES AMBROSIVM, reatus præteritos consentientur alterutrum. Absolutione vero Sacerdotibus, qui præsto aderant, celebrata, reversus est in pace Populus universus ad propria.

A.C. 1077. CCLXXVIII. Anno *Christi* Millesimo septuagesimo septimo *Ambrosiani* hujus Monasterii Abbatem habemus, cui nomen *Adelardo* erat. Eundem sperare juvat rite ac legitime promotum, contra quam scilicet de *Ariprando* factum narrabamus. Sed & eodem Anno seîe nobis nobilissima offert ad *Mediolanenses* Legatio. De qua *Baronius* Art. 29. e Vita *Sancti Anselmi Lucensis* Episcopi, per quendam Presbyterum ejus Pœnitentiarium conscripta, hæc recitat: *Infra quindecim (ut opinor) dies, post absolutum scilicet Regem (fuerat autem ab excommunicationis vinculo absolutus Henricus vigesima quinta Januarii die, sicut idemmet Baronius Art. 20. bene observat) cum Beatus Episcopus Anselmus Legationem Domini Papæ (Gregorii Septimi) una cum religiosissimo Ostiense Episcopo Geraldo Mediolanum deferret; impediti sunt a militibus illius (Henrici Regis) & captus est Ostiense Episcopus; Sanctum autem Anselmum nequaquam ausi sunt tangere; quoniam INDIGENA FUIT, ET NOBILIS PROSAPIÆ. Ipse autem ultro se capiendum ingerebat: dicens, quod a Socio Legationis non discederet. Aut illum (inquiens) dimittite: aut me captum cum illo tenete. At illis hoc non præsumptibus, tristis abscessit: volens, si posset, pro fratre suam ani-*

A mam ponere. Haftenus ex *Anselmi Vita Baronius*. Quibus ipse mox subjicit: Porro dimissus est tandem *Ostiensis Episcopus*. Et quidem non multo post; sicuti nos ex *Arnulfo* colligimus. Hic enim, descripta *Henrici* ad *Canossam* absolutione, sic Historiam prosequitur: *Repressit (Henricum) a compositis; cum sentiret Mediolanensium Populum, Theodaldi Præfulis societate culpabilem (Divina prohibente Lege communicari excommunicato) missis Domino Papæ legatis, solutionem implorasse. CUI LEGATIONI IPSE EGO INTERFUI, de præteritis satisfaciens, in futuro castigari promittens. Papa vero, sapienti usus consilio, Venerabiles Viros, Lucensem & Ostiensem Episcopos, direxit Mediolanum, daturus veniam quibuscumque poscentibus. Ubi vero ingressi sunt Urbem, lætata est Civitas universa. Qui toto illo triduo confluentibus ad eos Civibus divina prædicantes eloquia, cunctos absolventes, benedicunt universos. Quod Theodaldus indigne satis ac moleste tulit: adeo, ut seditionem in Populo bellumque conaretur inferre; sed minime valuit. Interea præfati Duces Theutonici, Comites, & Episcopi illis in partibus de sua inter se ipsos concordia, ac statu Regni, novi quoque Regis electione quotidie tractare non cessant: afferentes, Henricum multis ex causis Diademate indignum. Ad ultimum vero convenientes, Moguntiae communi consensu Rodulfo Duci Regni jura committunt, jurejurando cuncta corroborantes. Quo audito, Rex vehementer in semetipsum turbatus (degebat enim Papæ) & congregans omnes, quos habere poterat, Longobardos, Veronam proficiscitur. Ibique valesaciens omnibus, reversus est in Patriam, pro tuendo Regno usque ad mortem pugnaturus. Papa vero, diebus aliquot moratus in Italia, Romam rediit, ingenti Romanorum susceptus lætitia. Nec ulterius suam prosequitur in hoc Exemplari *Arnulfus* Historiam. Quod si Pontifex non mense Majo, ut in Vita Comitissæ *Matbildis* Dominico Presbyter canebat, Romam rediit; certe rediit Septembri, sicuti *Baronius* Art. 42 ex ipsismet *Gregorii* Epistolis concludit. Quid si vero *Anselmus* paulo ante INDIGENA iccirco vocabatur, quia Patria illi *Mediolanum* esset, ad quod pergebat? Ita profecto textus ipse subindicabat. Sed hoc ipsum expresse professus nuper fuit *Franciscus Maria Florentinus* in eo Volumine, quod typis hoc ipso *Christi* Anno Millesimo sexcentesimo quadagesimo secundo in Urbe *Luca* edidit, inscriptum: *Memorie di Matilda, la gran Contessa, Propugnacolo della Chiesa*. Quinetiam eum insuper adjecit nepotem fuisse *Alexandri* Papæ Secundi, *Mediolanensis* utique nostri, & ex amplissima *Badagiorum* familia: qui pariter ante Pontificatum *Lucensis* erat Episcopus, & *Anselmus* vocabatur; ut Num. præsertim. 260. & 269. dicebamus. Tanti ergo Nepotis etiam decus omnino par est, ut *Mediolano* Patriæ adscribatur. Ejus porro Vitam typis impressam legere jam licet inter *Vetera Monumenta contra Schismaticos*, jam olim pro *Gregorio Septimo* aliisque nonnullis Pontificibus Romanis conscripta: quæ Vir Clarissimus *Sebastianus Tengenagel*, Cæsareus *Vienne* Bibliothecarius, primum in lucem vendicavit *Ingolstadii* Anno Sæculi hujus duodecimo. Ejusdem insuper Libros duos contra *Guibertum* Antipapam, necnon etiam *Collectanea Henrici* edidit *Canisius*, & in Sextum Antiquæ Lætionis Tomum conjecit. De aliis quoque ipsius *Lucubrationibus* legi possunt inter alios *Johannes Trithemius*, & *Robertus Bellarminus* in Libro de Scripturis Ecclesiasticis: ubi perperam eum (sic enim nos jam concludemus) appellat *Mantuanum*.*

F CCLXXIX. Sigonio pariter ad Annum postea A.C. 1084. Millesimum octogelimum quartum teste, *Theobaldus* circa *Verbanum Lacum* oberrans, prope exul est mortuus. Ei per *Henricum Anselmus a Rhaude* suffectus, pariter a *Gregorio* (Papa Septimo) est improbat. Ceterum Anno deinde octuagesimo septimo supra Mil-

lesimum, mense Majo, Indictione decima, sese nobis inter Archivi Documenta offert Investitura quædam, quam *Heribertus*, *Ambrosiani* hujus Monasterii Abbas, confecit, suæque subscripsit manu. *Arnaldum* vero quendam investivit de quibusdam bonis, quæ *Ambrosius* quidam, filius quondam *Andree* de Loco *Blaffono*, legaverat Ecclesiæ ac Cellæ Sancti *Satyræ*, intra istam Civitatem constructæ: investivit inquam, cum ea etiam conditione, ut quotannis Officiali ejusdem Sancti *Satyræ* Ecclesiæ persolveret denarios sex, quibus ipsemet Officialis emat oleum, & faciat ardere in *Quadragesima* Majoris super Sepulturam ipsius quondam *Andree*, genitoris ipsius *Ambrosii*. Quocirca, dum novum istius *Ambrosiani* Monasterii Abbatem nos proferimus, simul etiam observare licet, quemadmodum ea Sancti *Satyræ* Ecclesia hoc tempore per Officalem, sub ejusdem Abbatis potestate constitutum, regeretur: ac præterea moris apud nostros *Mediolanenses* adhuc esset, ut certo tempore, ac nominatim *Quadragesimæ* Majoris, lampades supra Fidelium Sepulchra pie accenderentur; sicut etiam Num. 254. *Christique* Anno Millesimo quinquagesimo quarto videbamus.

CCLXXX. Sed enim postea sive ab ipsomet *Gregorio*, sive a *Victore* Tertio, vel saltem ab *Urbano* Secundo, proximis *Gregorii* Successoribus, approbatum fuisse *Anselmum* illum Archiepiscopum nostrum, de quo nuper loquebamur, luculentissimus nobis est testis *Bertoldus* Presbyter *Constantiensis* in Appendice ad *Chronicon Hermannii Contracti*: quod ab Anno supra Millesimum quinquagesimo secundo continuavit ad centesimum usque, res utique suo

A.C.
1093.

tempore gestas fidelissime profecutus. Anno namque *Christi* Millesimo nonagesimo tertio sic tradit: In Longobardia Prudentissimi Milites Sancti Petri, *Vuelpho* Dux & uxor ejus *Mathilda*, jam triennio contra Schismaticos viriliter dimicantes, tandem multum contra ipsos, Deo opitulante, confortati sunt. Nam *Cuonradus*, filius *Heinrici* Regis, a Patre discessit: & *Vuelphoni* Duci, reliquisque Fidelibus Sancti Petri, contra Patrem cum suis adjuxit. Civitates quoque de Longobardia, MEDIOLANUM, CREMONA, LAUDA, PLACENTIA, contra *Heinricum* in viginti annos conjuraverunt, qui omnes prædicto Duci fideliter adhaeserunt. Transitus etiam Alpium in Longobardiam obtinuerunt; ut Fautores *Heinrici* ad ipsum non possent proficisci. Et paulo post: In Longobardia *Cuonradus*, filius *Heinrici* Regis, a Patre dolo circumvenitur, & captivatur: sed Dei misericordia inde ereptus, a MEDIOLANENSI ARCHIEPISCOPO, ET RELIQUIS FIDELIBUS SANCTI PETRI, IN REGEM CORONATUR, annuente *Vuelphone* Duce *Italiæ*, & *Mathilda* ejus charissima conjuge. Denique vero in fine omnium, quæ hoc eodem Anno gesta narrat, ita demum concludit: In Longobardia VENERABILIS ANSELMUS, MEDIOLANENSIS ARCHIEPISCOPUS, IN CAUSA SANCTI PETRI STUDIOSSIMUS, ET QUI NUPER CUONRADUM REGEM INCORONAVIT, satis laudabilem fecit finem, magnumque maerorem Fidelibus Sancti Petri reliquit. Cui Venerabilis *Arnoldus* DE PORTA ARGENTEA (legendum est *Arnolfus*) in Episcopatu successit. Poteratne vero luculentius instituto nostro *Bertoldus* adtestari? Quod autem veluti cognomen addebat DE PORTA ARGENTEA, cum Scriptores communiter nostrates dicere soleant DE PORTA ORIENTALI; ne tamen quispiam id adscribat errori. Eadem namque Porta Orientalis a Majoribus nostris per hæc tempora vocabatur itidem Argentea. Cujus rei certissimo nobis est argumento publicum & archetypum Abbatiae apud nos *San-Dionysianæ* Documentum, prope urbanam Sancti *Fidelis* Ecclesiam confectum Anno ab Incar-

natione Domini Millesimo centesimo vigesimo, die Jovis undecimo mensis Martii, Indictione decima tertia. Ibi siquidem Monasterium illud ita verbatim (ut corrupte per ea tempora scribebant Notarii & Instrumentatores nostri) describitur: Constructum foris de prædicta (Mediolani) Civitate, & foris de suburbio, JUXTA PORTA ARGENTEA. Quæ citra dubium non alia esse poterat, quam Orientalis: neque quisquam *Mediolani* versatus hoc negabit. Sic ut igitur ab oriente Sole, cui est obversa, Orientalem appellarunt; sic etiam ea nobis non displicet adhuc etymologiæ conjectura; ut Argenteam quoque nuncuparint ab argenteis primi Diluculi radiis, quibus Cælum albescit, antequam Solem videamus orientem, aureosque radios diffundentem. Ea porro Sancti *Fidelis* Ecclesia illic erat, ubi nunc, retento ejusdem Sancti nomine, Domus est Professæ Patrum Societatis *Jesu*. *San-Dionysianæ* pariter illi Abbatiae subiecta olim erat: itemque Annis *Christi* supra Millesimum vigesimo sexto & quadragesimo quinto vocabatur SANCTA MARIA IN SOLARIOLO. Sic enim nos e publicis ejusdem Abbatiae Documentis deprehendimus. Quæ quidem nobis humanissime, tamquam e Domini sui notissima benignitate bonarumque Artium tutela, suppeditavit Amicus noster jamdudum dilectissimus *Bernardus Bellonus*, Basilicæ istius *Ambrosianæ* Canonicus meritissimus; cum recenter Eminentissimo Cardinali *Antonio Barberino*, Supremi Pontificis *Urbani* Octavi dignissimo Nepoti, Litterarum Parenti, & *San-Dionysianæ* ipsius Abbatiae Commendatario, Procurator ingenuus deserviret. Quocirca sic etiam ipse nobis illa suppeditavit, quæ Num. 228. innuebamus.

CCLXXXI. Attende vero jam insuper, quemadmodum de hac ipsa *Cuonradi* Coronatione loquatur *Landulfus De Sancto Paulo*: quo frui teste nunc primum incipimus. Ejusmodi cognomentum ex eo ille sumpsit, quod ad Titulum Ecclesiæ Sancti *Pauli*, sicut etiamnum vocamus, IN COMPITO initiatus esset. Librum vero Historiarum *Mediolanensis* Urbis ab Anno *Christi* supra Millesimum nonagesimo sexto usque ad centesimum trigessimum sextum, intra quos ipse Annos vivebat, conscripsit; sicuti nos ex ipsomet ejus contextu observavimus. Veruntamen hic Liber typographico necdum prælo commissus fuit. Quocirca manuscripto nos utimur Exemplari: quod humanissime, more suo, suppeditavit *Matthæus Valerius*, toties jam nobis ad grati quoque animi testificationem, nec unquam satis, celebratus. Hoc autem non multis quidem ab hinc annis exscriptum se prodit; atqui per omnia (etiam per lacunas, quæ insunt) concors esse deprehendimus cum perantiquo Exemplari, quo Capituli hac in Urbe Metropolitanæ Bibliotheca gloriari jure merito potest. Itaque sicut ex ipso (cum Cardinalis Archiepiscopusque noster *Fredericus*, Litterarum pariter ac Litteratorum MECÆNAS, in conquirendis undique Libris accuratissimus, ita vellet) sicut, inquam, ex ipso exscriptum fuisse scimus Exemplar illud, quod in *Ambrosiana* Bibliotheca extat; sic etiam istud indidem alias exscriptum conjectamus. *Landulfus* igitur iste Cap. 1. sic habet: Cono quoque Rex (nomen vero *Cononis*, vel *Canonis*, idem est ac *Conradi*, vel *Cuonradi*) qui, dum *Henricus* pater ejus viveret, per contractationem *Matbildis* Comitissæ, ET OFFICIUM HUIUS ANSELMUS DE RHAUDE FUIT CORONATUS MODOETIÆ, ET IN ECCLESIA SANCTI AMBROSII &c. Atque hinc etiam *Cuonradum* constat *Modoetiæ* primum, ac deinde *Mediolani* coronatum. Quæ tamen Coronatio *Bartholomæum* quoque *Zucchium*, *Modoëtensem* ac diligentissimum Scriptorem, ignorata effugit.

CCLXXXII. *Arnulfus* (scilicet hujus nominis Ter-

Tertius) ut paulo ante videbamus, defuncto *Anselmo* in Archiepiscopatum successit: & quidem Anno supra Millefimum nonagesimo tertio, non autem nonagesimo secundo, sicut *Sigonius* affirmat. Juerit tamen nihilominus inspicere, quemadmodum ipse substitutionem istam recenseat. Inquit autem: *Eodem Anno* (Millefimo nempe nonagesimo secundo) *Anselmo Archiepiscopo Mediolanensi vita functa Populus Arnulfum substituit, ex Porta Orientali Capitaneum: quem Henricus, ut consueverat, per Annulum & Virgam instituit.* Et hoc quoque mihi redditur erroris suspectum propter eam conjugationem, quam *Mediolanenses* contra *Henricum* in viginti annos iniierant, & in qua constanter, *Bertoldo* teste, constituerunt. Utcumque tamen istud se habeat, ita sequitur *Sigonius*: *Is inde, cum ab uno tantum Catholico Episcopo esset consecratus, cæteris, quod abstinenti essent, assentientibus, verum manum non imponentibus, eo nomine a Legato Apostolicæ Sedis est abdicatus. Itaque mutato habitu in Cœnobium se inclusit, ibique honestissimam vitam instituit.* Sed & Anno postmodum

A.C. 1095. Millefimo nonagesimo quinto locutus de frequentissima illa Synodo, quam *Urbanus Secundus Placentiæ* habuerat, ita prosequitur: *Inde Mediolanum progressus (Urbanus) Arnulfum Archiepiscopum e Cœnobio evocavit: ac præsidere Ecclesiæ jussit, insuper etiam Pallio decoravit; atque ita Ecclesiam Mediolanensem Romanæ post tot annos restituit. Quo facto, inde ipsos etiam Cives, jamdiu acriter superioris contumaciæ causa inter se decertantes, ad concordiam pacemque redegit. Cæterum Mediolanenses, Urbani auctoritate victi, veteribus positis simultatibus, in gratiam tanta animorum facta mutatione redierunt, ut Nobiles ac Populares oscula inter se per fora ac vias, manantibus præ gaudio lachrymis, darent. Hactenus Sigonius. Quæ si non antea intra Præsulatum Anselmi facta fuerant, non immerito nobis item gratulandum jam est, quod in tempus saltem præsens inciderint; quo præterea idem Arnulfus in Archiepiscopum tandem consecratus rite ac legitime fuit. Ecce testem integræ fidei Bertoldum, quem paulo ante produximus, quemve plurimi æstimamus. Hic similiter Anno Christi Millefimo nonagesimo quinto locutus de Synodo illa Placentina, circa mediam Quadragesimam congregata, & usque adeo Patribus abundante, ut præ multitudine illam necesse fuerit extra Urbem in campo celebrari; sic inter cetera subdit: *Huic Synodo Reverendissimi Antistites interfuerunt: de Bajoaria quidem Domo Saltzburgensis Archiepiscopus, & Udalricus Pataviensis Episcopus, ejus Suffraganeus: de Alemannia vero Gebhardus Constantiensis Episcopus: QUI ET ARNOLFUM MEDIOLANENSEM ARCHIEPISCOPUM, diu quidem electum, sed nondum consecratum, eodem tempore, ex concessione Domini Papæ, MEDIOLANI CONSECRARE.**

CCLXXXIII. Quæ cum ita se habuerint; ego quidem nihil jam dubitandum existimo, quin *Arnulfus* hoc ipso Anno protinus Archiepiscopalis Sedis possessionem inierit: & in eum quidem modum, qui duobus illis apud nos Archiepiscoporum Catalogis manuscriptis per hæc verba describitur: *Hic in festo Sancti Georgii super quodam equo albo una cum Confalonariis Mediolanensibus, numero duodecim, AB ECCLESIA SANCTI DIONYSII IN SEDEM SUAM COLLOCATUR: & unus ex dictis Confalonariis equum prædicti Archiepiscopi ascendens, antiquioribus suis consignavit, ut antiqui juris est. Quamobrem hinc ego Arnulfum istum suspicor recto tramite ab Ecclesia Sancti Dionysii ad Metropolitanam perrexisse, veteri eo more non servato, quo novus Archiepiscopus ex Ambrosiana ista Basilica iter illuc intendere solet, uti pluries jam ostendimus.*

A.C. 1096. CCLXXXIV. Annus inde Christi supra Millefimum nonagesimus sextus Landulfi excipit Archie-

A piscopi obitum, & *Anselmi* hoc nomine Quarti substitutionem. *Sigonius* itaque ad hunc Annum sic habet: *Proximo Arnulfus Mediolanensis Archiepiscopus vita decessit. Locum ejus Anselmus Valvasorius tenuit.* Et paulo post, de *Urbano* Papa Romæ e Gallia reverso, ibique *Clemente* Antipapa in Arcem compulso, recuperatoque Laterano locutus ita prosequitur: *Eo statim Generale Concilium advocavit. In eodem, præter alia Christianæ Reipublicæ salutaria, Jerusalemiana expeditio ingenti omnium consensu, eximia Pontificis adhortatione, decreta est. Et paucis interjectis: Præcipui ex Italia (ei expeditioni) nomen dedere Anselmus Mediolanensis Archiepiscopus, quem quinquaginta Lombardorum millia sunt secuta, ex quibus Mediolanenses septem millium numerum consecrunt &c. Hactenus Sigonius. Sed hanc Anselmi electionem, Anselmumque ipsum paulo melius cognoscere præstat e Landulfi De Sancto Paulo Historia. Hic enim Cap. 1. pauca quædam præfatus de *Armano* quodam, cui cognomen *De Ganardo*, quemve *Joannes Franciscus Florentinus* nonnullos ab hinc annos defunctus, & arctissimo quidem amicitiae mecum vinculo conjunctus, in suo Antistitum *Brixianorum* Indice Chronologico ad Annum Christi Millefimum nonagesimum nonum appellavit *Arimannum*, sive *Hermannum*, sive *Hertimannum*: pauca igitur quædam ibi de hoc *Armano* præfatus, Historiam hæc verbis suam prosequitur: *Armanus enim ille Monachus, quasi Cardinalis Romanus, & a parte Brixienfium Civium atque favore Comitissæ Matildis in Ecclesia Brixienfi electus Episcopus, defuncto Arnulfo Archiepiscopo Mediolanensi, ad alium eligendum venit. Qui ubi sensit, nobilem multitudinem Mediolanensium convenire ad eligendum LANDULFUM DE BADAGIO, SANCTI AMBROSII CANONICÆ PRÆPOSITUM, IN ARCHIEPISCOPUM, virumque moribus & vita quam bene ornatum; substitit, & electioni illi non consensit. Corona inde vulgi gratia Romanæ Ecclesiæ, & Brixienfis, ac Matildis Comitissæ favore, putans, illum fore religionis virum: mox ubi sensit, illum Armanum huic electioni obesse; capit adversus ipsam electionem insanire, & Clericos & Sacerdotes pugnis & fustibus vehementer lacerare; virum quoque de..... civibus, Paganum nomine, & in Porta Orientali..... in ipsa Ecclesia. quæ dicitur HYEMALIS, præsumpsit occidere. Hanc insaniam nobilis Landulfus (ille scilicet Ambrosianæ hujus Basilicæ Præpositus) vitavit: & descendens Secretarium Ecclesiæ ad domesticam suam Ecclesiam, quæ SANCTI JOANNIS AD QUATUOR FACIES dicitur, pervenit. Ibidem sic etiam propinqua extat hodieque Sancti Hilarii Ecclesia, quam Anselmus de Badagio, Lucensis Episcopus, & postea Pontifex Romanus, Alexander Secundus condiderat. Armanus autem ille in tanta perturbatione IN ECCLESIA SANCTI AMBROSII ait Populo suo congregato: Vobis fiet, prout Proverbum dicit: Populo stulto Episcopus surdus. Hoc dicto, statim elegit sibi & illis in Archiepiscopum ANSELMUM DE BUIS, HOMINEM SIMPLICEM, ET CANONICÆ SANCTI LAURENTII PRÆPOSITUM. Hic vero ubi sensit electum a Brixienfi illo Armano, & populo impetuoso collaudatum; illico Cathedram Archiepiscopatus ascendit, & sedit, & deficientibus sibi Suffraganeis Episcopis, omnes Ecclesiasticos Ordines usque ad Presbyteratum, Ordinationem quoque Episcopatus, ab extraneis Episcopis suscepit; Virgæ quoque Pastoralis per munus Comitissæ Matildis adhefit, Stolum vero per Legatum Domini Urbani Papæ sibi delatam induit. Deinde homo iste effectus prudens neglexit Obertum, agnomine Baltricum, qui propter investituram Brixienfis Episcopatus, quam a Rege suo Henrico susceperat, Armano repugnabat: & Armanum, qui se in Archiepiscopum elegit, in Episcopum ordinavit. Accipe vero nunc, quemadmodum idemet**

met *Landulfus* nobis operam edisserat, ab *Anselmo* Archiepiscopo expeditioni *Ierosolymitane* naviter impensam. In fine siquidem Capituli Primi de *Cono*, siue *Conrado*, *Italiae* Rege, sic in primis narrat: *In Thusciam* adire tentavit. Et cum pervenisset *Florentiam*, Rex ipse prudens & sapiens, atque decorus specie (pro dolor!) adolescens, accepta potione ab *Ausano Medico* *Matildis Comitissæ* vitam finivit. Tum vero Caput Secundum sic incipit: Rege igitur in Regno deficiente, supradictus *Anselmus de Buis*, *Mediolanensis Archiepiscopus*, quasi monitus *Apostolica* auctoritate, jamdicto *Presbytero* (scilicet *Liprando*, de quo nos postmodum agemus) nolente, studuit congregare de diversis gentibus exercitum, cum quo caperet *Babylonicum Regnum*: & in hoc studio præmonuit præelectam juventutem *Mediolanensem* Cruces suscipere, & CANTILENAM DE ULTREIA ULTREIA CANTARE. Atque ad vocem hujus prudentis *Viri* plures viri cujuslibet conditionis per Civitates *Longobardorum*, *Villas*, & *Castella* eorum, Cruces susceperunt, & EANDEM CANTILENAM DE ULTREIA ULTREIA CANTAVERUNT. Et rursus initio Capituli Terti: Cum adhuc homo iste simplex (*Anselmus Archiepiscopus*) *Mediolani* viveret, & exercitum congregaret; habuit consilium statuendi sibi *Vicarium*, hominem multarum artium. Unde quidam sagacissimi viri, ab eo ordinati *Sacerdotes*, mandatum eundi *Saonam* susceperunt; ut in ipsa Civitate (quippe tunc temporis huic *Metropoli* subiecta) suo jussu & auctoritate electionem *Episcopi* admonerent, & fieri cogerent. Qui dum iter facerent, venerunt *Ferrariam*: in quo *Nemore* amplexi sunt *Grosulanum*, & ejus consilium. Quorum *Sacerdotum* exercitum intantum valuit, quod quidam ex *Saonensibus* ipsum *Grosulanum*, in vitæ afflictum, in vestitu abjectum, elegerunt sibi *Episcopum*: & Eligentes una cum illo *Electo*, & illis duobus *Sacerdotibus* ab *Archiepiscopo* missis, videlicet *Presbytero Joanne Aculeo*, & *Presbytero Nazario Muricula*, *Mediolanum* pervenerunt. Ibi per jussionem *Archiepiscopi*, QUI JAM ERAT IN EXPEDITIONE POSITUS, *Grosulanus* ab *Armano Brixienfi*, & *Arialdo Januensi* (*Claudius Robertus* in *Secunda Parte Appendicis* ad suam *Galliam Christianam* tacitus hunc *Episcopum* præterit, sicut etiam sequentem) & *Marmardo Taurinensi* ordinatus est *Episcopus*, & *Archiepiscopi* *Vicarius*. Verum quia ipse ordinatus *Sedem Saonensem* nondum ascenderat; ad ipsam Civitatem adire temptavit, & quodammodo pervenit. Sed requies ibi, si quam habuit, paucissima fuit. At citissime inde exiens, *Mediolanum* rediit. Cujus magnæ Civitatis commovit gentem, UT PER SINGULAS HEBDOMADAS IN SECUNDA FERIA AD SANCTI AMBROSII ECCLESIAM CONVENIRENT ET PRO ARCHIEPISCOPO ILLO ANSELMO EJUSQUE EXERCITU LITANIAS FACERENT. Ipse vero *Grosulanus* non solum in ipsis feriis, sed fere per singulas festivitates illi magnæ genti luculenter sermocinabatur: & sermocinando non magis affectabat eam sibi, quam asperitate vestitus & cibi. Hæc igitur sunt, quæ nobis in præsens suppeditat e sua ætate *Arnulfus De Sancto Paulo*. Quo item auctore nobis non multo post innotescet, *Grosulanum* istum Anno *Christi* Millesimo nonagesimo octavo consecratum fuisse *Saonensem* *Episcopum*, factumque *Mediolanensis Archiepiscopi* *Vicarium* *Generalem*: quo nimirum tempore *Anselmus* ipse *Archiepiscopus* in expeditione *Ierosolymitana* jam positus erat.

CCLXXXV. Accipe vero nunc, quid illud sit, quod *Longobardi* passim & communiter hoc tempore servabant, ut Expeditioni *Ierosolymitane* se nomen dare indicarent. Non enim solummodo *Crucem* sibi suscipiebant, quam utique suis de more vestibus assutam gestarent; verum etiam *Cantilenam* illam læti alacresque inclamabant; ULTREIA, UL-

A TREIA; siue *Cantilena* ejusmodi non ultra voces istas iteratas protenderetur, siue solum ab istis initium acciperet. De *Cantilena* porro ista ingeniosissime, sicut etiam cetera solet, *Libro Sexto De Veterum Acclamationibus & Plausu*, Cap. 7. disseruit eruditissimus, mihiq; semper & amandus & admirandus, *Franciscus Bernardinus Ferrarius*, *Ambrosiani Collegii* *Doctor*, *Domi* forisque apud externos etiam celeberrimus. Quinetiam de ista disseruit, iisdem prorsus *Landulfi* permotus verbis, quæ nos item recitabamus. Quorum (inquit ille) mihi copiam non ita pridem fecere *Matthæus* & *Jacobus fratres Valerii*, *Viri humanissimi*, iidemque longe doctissimi: *Carthusiani Ordinis* lumen alter, alter *Jurisconsultorum* decus: uterque *Civitatis Mediolanensis* ornamentum. Nos igitur tam ipsius *Ferrarii*, quam talium ejusmodi fratrum, a quibus pariter moniti fuimus, sententiam lubentissime ita sequimur, ut ULTREIA ULTREIA perinde foret, ac ULTRA EIA ULTRA EIA: quibus nempe vocibus *Milites* sese promptos *Ducibus* ad sequendum testarentur, seque postea etiam vicissim & identidem animarent. Si quis vero conjecturæ præterea nostræ locus detur; ita quidem nos sentimus: *Cantilenam* ejusmodi, non *Longobardis* modo, sed ceteris etiam *Ecclesiæ Latine Nationibus*, quibus *Expositio* illa suadebatur, in commune propositam fuisse: communique illis omnibus idiomate compositam, ut ea veluti *tessera* semet a *Græcis* etiam discernerent: quinetiam *metrice*, unoque tantum vel ad summum altero *Versiculo*, facilius memorie usufque gratia, concinnatam. Quia igitur juxta *Carminum* dimensionem postrema illa vocalis primæ dictionis ULTRA per *Sinæresin* migraret in primam vocalem posterioris dictionis EIA; nos quidem inde factum interpretamur, ut e duabus item ipsis dictionibus ULTRA & EIA vulgo interpronunciandum confecta fuerit unica dictio ULTREIA; utque propterea *Cantilena* illa communiter appellaretur DE ULTREIA, ULTREIA.

D CCLXXXVI. Hoc ipso Anno (utar enim *Baronii* verbis ad *Annum Christi* Millesimum nonagesimum octavum, Art. 18.) *Sedis Apostolicæ* auctoritate jacta sunt prima fundamenta *Cisterciensis Ordinis*: ex quo, tamquam e fonte rivi, universum Occidentalem Orbem donis cælestibus irrigarunt: atque adeo *Monasterium* quoque istud *Ambrosianum*; sicut in tempore ostendimus. Nam de ipsius per se *Ordinis* origine, vel etiam incrementis, uberius agere nostro quidem instituto nequaquam congruit; cum præsertim neque lucem asferre aliquam possimus.

E CCLXXXVII. Christianis militibus *Cruce* signatis, in *Syriam* pro Terræ illius Sanctæ recuperatione profectis, ita *Deus Optimus Maximus* annuit, ut quarto *Nonas Julias* *Anni* a *Christo* nato undecentesimi supra Millesimum potiti denique *Ierosolymis* fuerint. Quemadmodum vero id summa votorum erat & caput; ita etiam, Regno *Christianorum* ibidem firmato, plerique *Principes* ac *Populi* superstities, ad suam quisque *Regionem* domumque reversi, materiem gratulationis gratiarumque *Deo* agendarum ingentem ubique dederunt. Neque enim res accidere *Christianis* potuit, aut ad animi voluptatem incundior, aut ad gloriam posteritatis insignior, ut verissime *Sigonius* aiebat. Quod si, durante bello, *Mediolanenses* auctore *Vicario* suo *Generali Grosulano* unaquaque feria secunda supplicatum ad *Basilicam* istam conveniebant *Ambrosianam*, ut paulo ante narrabamus; quis porro dubitet, quin, accepto primum tantæ nuncio victoriæ, protinus huc pariter ad gratias *Deo* rite persolvendas convenerint? Certe quidem, cum *Anselmus* *Archiepiscopus* multique *Mediolanenses* in *Patriam* una cum ipso rediissent; tum vero in ejusmodi *Ierosolymitane* victoriæ testimonium *Ecclesiæ* DE RONZONE, quæ in honorem Sanctæ Trini-

Trinitatis constructa olim fuerat, reformarunt; & ad veram similitudinem Sepulchri *Ierosolymitani*, siue *Ierosolymitanæ* illius Ecclesiæ, quam illic viderant Dominico Sepulchro dicatam, redegerunt; perfectoque tandem opere, hanc ipsam subsequenti Anno solemniter eidem Sepulchro consecrarunt.

CCLXXXVIII. Ecclesiam vero illam **DERONZONE**, siue **DE ROZONE**, jam Num. 234. teste *Chalco*, primum extructam credidimus Anno quarto Imperatoris *Conradi*, & proinde *Christi* Milleimo trigesimo primo. Eandem pariter Anno inde tertio vidimus in *Ariberti* Archiepiscopi Testamento nominatam. Videamus vero nunc insuper, quid ipsemet illius Fundator Anno postea *Conradi* nono, *Christique* trigesimo sexto supra Milleimum, statuerit. Ut enim nuper ex *Ambrosianæ* illic Oblatorum Congregationis Archivo accepimus, tale condidit Legatum:

IN *Christi nomine*. **CHUNRADUS** gratia Dei Imperator *Augustus*, Anno Imperii ejus nono, quarto die mensis *Aprilis*, Indictione quarta. EGO **BENEDICTUS**, QUI ET **ROZO**, filius bonæ memoriæ *Remedii*, qui fuit Magister *Monetæ*, qui professus sum Lege vivere *Longobardorum*, præsentibus dixi: Dominus omnipotens ac Redemptor noster animam, quam condidit, ad studium salutis semper invitat. Et ideo ego, qui supra, **BENEDICTUS** volo, ut illa mea Ordinatio, quam ego ante hos dies per Chartam Judicati institui, **DE ECCLESIA MEA, QUAM EGO NOVITER ÆDIFICAVI, ET EST CONDITA IN HONOREM SANCTÆ TRINITATIS**, sit firma, & stabilis permaneat, sicut in ipsa Judicati legitur Pagina; sed tantummodo, ut ipsi mei tres parentes propinquiore, in quorum præsentia eadem Ordinatio facta esse debet, volo, ut sint *Aripandus* Subdiaconus de ordine Sanctæ Ecclesiæ *Mediolanensis*, filius *Quondam Petri*: & *Algisius*, filius *Quondam Mauroni*: seu item *Benedictus*, qui & *Rozo*, filius *Quondam Johannis*: nepotes mei. Post autem meum decessum unusquisque eorum in vita sua eligat de suis parentibus propinquiore de paterna parte ad hoc ministerium esse successorem sine ullo precio, quem cognoverint utiliore ad hoc faciendum, perpetuis temporibus. Quia sic decrevit mea bona voluntas. Actum in Civitate *Mediolani*.

CCLXXXIX. Eodem sic etiam Num. 234. deum asseramus, eam ipsam Ecclesiam centesimo deinde supra Milleimum Anno *Christi* restauratam, & in honorem *Dominici* Sepulchri consecratam. Quid si autem præ ceteris *Mediolanensibus* illam ære suo, tamquam gentis suæ propriam, restauravit, & ad similitudinem *Ierosolymitanæ* formavit *Benedictus* ille, qui & *Rozo*, filius *Quondam Joannis*, nepos alterius *Benedicti* Testatoris, a quo primitus olim extructam in honorem Sanctæ Trinitatis hanc ipsam Ecclesiam nuper etiam memorabamus? Vel si forte non ille formavit; quid si forte junior alter quispiam ejusdem nominis, ex eadem familia progenitus, formavit? Quid si etiam inde factum, ut tam multi nostratum Scriptorum tradiderint, hanc Sancti Sepulchri Ecclesiam hoc tempore constructam fuisse a *Benedicto*, siue, *Rocio*, aut *Rozone*, aut *Ronzone*, de *Cortefellis*, aut de *Cancellariis*? Ecquid enim obstat? Quo quidem dato, certe quidem illos frustra & sine fundamento *Tristanus Chalco* vanitatis & erroris hac in parte arguisset; tamen non satis disce-
visse videantur primum illum Ecclesiæ istius sub nomine Sanctæ Trinitatis Fundatorem ab hoc altero ipsius Restauratore sub nomine Sancti Sepulchri. Ceterum eodem illo Num. 234. futurum denique pollicebamur, ut de nova istius Ecclesiæ restauratione ac dedicatione nunc temporis aliquid innueremus. Atqui singularis erga nos *Ambrosianæ* illius Oblatorum Congregationis humanitas eo facile nos

A adegit, ut aliquanto liberalius agere jam velimus in id etiam, ut una simul Historiam *Mediolanensem* nonnihil hac in parte illustremus, & illustratam confirmemus. Ipsammet igitur Archiepiscopalem proferemus *Anselmi* Epistolam, siue potius publicum Documentum, quo Ecclesiæ illius nova restauratio, itemque universa Consecrationis ejus celebritas recensetur. Hoc autem, sicut & superioris Legati testamentarii exemplar, humanissime commodavit amicissimus noster *Joannes Petrus Quadrius*, Theologia simul ac politioribus litteris naviter excultus, præterea vero etiam celeberrimi hac in Urbe Seminarii regimine alias, ac demum ejusdem Sancti Sepulchri & Oblatorum Congregationis Præpositura multos per annos laudabiliter administrata perinsignis. Nos quidem inde unum etiam nanciscimur *Ambrosiani* hujus Monasterii hoc Anno *Christi* Milleimo centesimo Abbatem, nomine *Gulielmum*, cujus alibi mentionem hæcenus nullam inveneramus. Sed indidem profecto lubentissime plura etiam dignoscuntur, quam quæ summam *Chalco* exinde indicavit. Ecquænam enim *Chalco*! His vero (inquit, de victoria nimirum *Ierosolymitana* proxime locutus) *Mediolani* cognitis, *Populus* plurimum lætatus, passim ad *Templa* exire, Deo auctori grates agere; sed una præ cunctis Sancti Sepulchri *Ædes*, jam septuaginta ab hinc annis media Urbe condita, religiosius frequentiusque salutatur. Huc *Anselmus* Archiepiscopus longos Sacerdotum nobiliumque Virorum ordines duxit, & locum in hujus facti memoriam dedicavit: & ut celebriorem faceret, delictorum absolutionem constituit ex tertia parte ejus, quod petentes re ipsa *Ierosolymitanam* Ecclesiam consequerentur: & pace interim perduellionibus data, anniversarium quindecim dierum *Mercatum* constituit. Extant archetypæ *Antistitis*, QUI ETIAM REIPUBLICÆ PRÆSIDERE VIDEBATUR, *Tabule*. Idibus *Julii* consecræ *Anni* sæcularis *Milleimi* & centesimi ab *Ortu Christi Dei*. Accipe vero nunc, ac diligenter expende, quænam ipsemet *Anselmus* in Epistola sua, ex authentico archetypoque fideliter nobis exscripta exemplari, loquatur. Sic enim ea verbatim se habet:

IN Nomine Sanctæ sempiternæque & individue Trinitatis, & Sancti Sepulchri Domini nostri *Jesu Christi*. EGO **ANSELMUS**, MAGNA DEI OPTULANTE CLEMENTIA SANCTÆ MATRIS ECCLESIAE ARCHIEPISCOPUS *Mediolanensis*, ut bonus Pastor animam meam deberem ponere pro meis *Ovibus*. Sed quia hoc facere, mundanis impeditus curis, non valeo: nec immerito doleo: quod boni Pastoris officium non exerceo: ne penitus tamen viderer deditus ignorantiae, inspirante summa Dei Clementia, quæ Civitatem supra montem positam, ECCLESIAM SCILICET SANCTI SEPULCHRI, IN MEDIO HUIUS CIVITATIS SITAM, non est passa diutius abscondi; sed eam quasi exaltare fecit & jubilaré ad signum victoriæ *Ierosolymitani* Sepulchri; ad cujus gloriam nos procedentes cum nostris Fratribus, ALTARE DOMINO CUM ECCLESIA SIMUL INTERIUS DEDICAVIMUS, & super illud Deo nostro *Hostiam* laudis obtulimus. Adunato igitur Clericorum Populorumque conventu, communi consilium omnium ac frequenti hortatu sancitum est a nobis & laudabiliter firmatum: ut unoquoque anno cum gloria & honore celebretur hæc Solemnitas in Sancti Sepulchri commemoratione; ita ut Sanctæ Mariæ Cardinales ibi adveniant reverenter cum Processione. Qui cum fuerint ad Ecclesiæ introitum, TE DEUM LAUDAMUS intonent excelsa voce, tenentes manus invicem ad signum victoriæ habitæ *Ierosolyma*: inter quos etiam accedat Subdiaconus cum lampade, accendens luminaria more consueti mane & vespere. Finito autem Officio, religiose & honorifice suscipiant Majores tres solidos ex obedientia

tiæ munere, duodecim denarios accipiant cum Veglonibus Custodes, duos item denarios habeat qui Crucem bajulaverit auream, duos item accipiant Pueri, qui Misse Officium fecerint. Tunc ante Magistratum præterea sancimus, UT OCTO DIEBUS ANTE SOLEMNITATEM PRÆNARRATAM ET OCTO POSTEA ITA SIT PAX ET TREGUA PER NOSTRUM COMITATUM FIRMA, quod omnes; qui ad hanc Solemnitatem voluerint accedere, possint securi & sine molestia confluere undique. Quicumque vero ad illud Sepulchrum, in quo Christi corpus dormivit, aliquo impedimento detentus accedere non poterit: & AD HOC SEPULCHRUM, AD EJUS VERAM SIMILITUDINEM FACTUM, venerit sana mente & bona intentione; remissionem suorum tertie partis delictorum habeat; & ad laudem Ierosolymitani Sepulchri hoc se retulisse cognoscat. Et si quis alicui venienti ad hanc nostri destinationem molestiam ingesserit aliquam; anathematis gladio percussus incumbat, donec ad eandem Ecclesiam hoc emendare recurrat. Stabilitur quoque & communi institutione a nobis laudatur, QUATENUS IBI SIT MERCATUM ANNUALE omnium rerum fluens & venale, ex quo nullus presumat curaturam querere: & in quo nullus audeat ultra unum stadium obtinere: nec, quod commune est omnibus, tentet alicui vendere, nec sui juris ullo modo dicere; sed, sicut communis est Solemnitas ad omnium animarum utilitatem; ita commune sit Mercatum ad omnium corporalium rerum venditionem. Insuper etiam Parochiam, quam Ilderatus & Deibertus, hujus Ecclesie religiosi Presbyteri, se longe ante possedisse dicebant, eorum precibus commotus, Fratrum nostrorum Majoris Ecclesie Cardinalium aliorumque hujus Civitatis sapienti consilio communicato, concedimus damus & confirmamus, ut prænominati Presbyteri Ecclesie Sancti Sepulchri, & eorum successores de cætero prædictam Parochiam habeant & possideant: scilicet casas Nigronis Martæ & Lafranci Littæ, & inde omnes domos usque ad domum Anselmi Mugeti: ex altera parte viæ casas Ambrosii de la Carzere, & inde omnes casas usque ad domum Romedii Cancellarii, & ipsam domum; ex altera vero parte viæ domos Rozonis & Albrici & Arnaldi Fasoli; & inde omnes domos usque ad casas Benzonis Amblatoris, & Vulfredi fratris ejus, casas Lanfranchi & Marchisii Amblatorum, & inde omnes casas usque ad domos Ottonis de Samblatore & Gratiani Cantoni, & ipsas domos Dionysii Dodonis, & Petri Butelli, & Petri Gulasacca, & Lanterii Patellæ: ex altero latere Ecclesie casas Homobeni de Calgaria, Petri Patricii, & fratrum ejus Rolandi & Alberti, Lanzo Ciogla, Petri Vexa, Alberti Buntaro, Petri Samaruga, Guiredi Binoldi, Landulfi Clerici, Joannis Spata in Zotta. Actum est hoc omnium Mediolanensium testimonio & confirmatione, Anno ab Incarnatione Domini nostri Jesu Christi Millesimo centesimo, Indictione octava, Idus Julii.

✠ EGO ANSELMUS QUARTUS, DEI GRATIA ARCHIEPISCOPUS, FIRMAVI, ET SUBSCRIPSI.

- ✠ Ego Grosulanus, indignus Episcopus, laudavi, & subscripsi.
- ✠ Ego Andreas, Presbyter Primicerius, laudavi, & subscripsi.
- ✠ Ego Landulfus, Dei gratia Nazarianæ Ecclesie licet indignus Præpositus, laudavi, & subscripsi.
- ✠ Ego Landulfus, Notarius, qui & dictus Præpositus, laudavi, & subscripsi.
- ✠ Ego Anselmus, Archipresbyter electus, laudavi, & subscripsi.
- ✠ Ego Henricus, humilis Abbas Padulensis, laudavi, & subscripsi.
- ✠ Ego Aliprandus, Cancellarius, laudavi, & subscripsi.
- ✠ Ego Dionysius, indignus Presbyter, laudavi, & subscripsi.

- A ✠ Ego Presbyter Bonifacius laudavi, & subscripsi.
- ✠ Ego Presbyter Albertus laudavi, & subscripsi.
- ✠ Ego Presbyter Landulfus laudavi, & subscripsi.
- ✠ Ego Presbyter Henricus laudavi, & subscripsi.
- ✠ Ego Archidiaconus Tedaldus laudavi, & subscripsi.
- ✠ Ego Rozo Diaconus laudavi, & subscripsi.
- ✠ Ego Darprandus Diaconus laudavi, & subscripsi.
- ✠ Ego Henricus Vicediaconus laudavi, & subscripsi.
- ✠ Ego Adam, Mortariensis electus, laudavi, & subscripsi.

✠ EGO GULIELMUS, MONASTERII SANCTI AMBROSII ABBAS INDIGNUS. LAUDAVI, ET SUBSCRIPSI.

- B ✠ Ego Joannes, Abbas Monasterii Sancti Simpliciani, laudavi, & subscripsi.
- ✠ Ego Martinus, Monasterii Sancti Celsi indignus Abbas, laudavi, & subscripsi.
- ✠ Ego Arialus, indignus Abbas Monasterii Sancti Dionysii, laudavi, & subscripsi.
- ✠ Ego Petrus, Monasterii Sancti Victoris indignus Abbas, laudavi, & subscripsi.
- ✠ Ego Atko, Monasterii Sancti Vincentii Abbas, laudavi, & subscripsi.
- ✠ Ego Ilderatus Presbyter laudavi & subscripsi.
- ✠ Ego Daibertus Presbyter laudavi, & subscripsi.
- ✠ Ego Gulielmus, Episcopus Ticinensis Ecclesie, laudavi, subscripsi.
- C ✠ Ego Lambertus, Prior Pontius, laudavi, & subscripsi.
- ✠ Ego Adam, Abbas Monasterii Sancti Caloceri, laudavi, & subscripsi.
- ✠ Ego Rusticus, Præpositus Blandranensis, laudavi, & subscripsi.
- ✠ Ego Macarius, Domini Salvatoris Monasterii Abbas licet indignus, cum Grege pusillo laudavi, & subscripsi.

✠ Hoc Vercellarum Clerus, decus Ecclesiarum, Laudat cum Populo laudibus egregio.

✠ Novariæ Clerus, super omnes Urbes amœnus, Afferit hæc scripta, Christi munimine dicta.

D ✠ Sermodicus, Padermensis Monachus, super omnes laudo.

✠ Joannes hoc festum Christi quæ laudat quisque fidelis.

✠ Ego Araldus, Prior Monasterii Sancti Majoli, infra Urbem Papiam siti, laudavi, & subscripsi.

CCXC. Duo Navarchi Ligures, Gulielmus & Prunus, cognomento Embriaci, e Syria venerant in Italiam, ad petendum militare supplementum. Inde Chalchus noster post ea statim verba, quæ nos ex ipso denique recitabamus, Interim ex finitimis (inquit) Provinciis nova in arma multitudo concitatur. Genue sex & viginti triremes, & quatuor onerarie consensæ sunt: & ad littora Syriæ delatæ multa adversa audire. &c. Uberrus autem Folietæ, Genuensis Historiæ Libro Primo, Tertia (inquit) Expeditio præsequentis Anni Millefimi centesimi, sex & triginta triremium, ac sex corbitarum, declaravit religionis ac gloriæ studium in Genuensibus ea tempestate indefessum. Et paulo post: Classis igitur Calendis Augusti Genuæ solvens, octo hominum millia vebens, non minus ad pedestria bella, quam ad navalia ministeria, instructorum, Laudicæ, Urbis Constantinopolitanæ ditionis in Syriæ ora, Portum tenuit: in quo totam insequentem hyemem in hybernis fuit. Et rursus idem Chalchus, paucis interjectis: Cæterum Archiepiscopum Mediolanensem (Anselmum) conscendisse Genuæ Classem, Ligustici Annales habent: & nostri, petiisse Constantinopolim, atque ibi defunctum sepultumque in Divi Nicolai Aedæ perhibent; eique suffectum Grossolanum, jam ante nescio cujus alterius Ecclesie Episcopum (Saonenfis eum fuisse, nos quidem jam scimus, & jam supra e Landulfo De Sancto Paulo didicimus) qui, quod non sine ambitu & largitione affectus honorem, Simoniacus vulgo nuncupa-

cupatus est. *Anselmus* igitur Archiepiscopus e Syria Mediolanum redierat Anno Christi Millefimo nonagesimo nono, nec sine ingenti subiectorum suorum lætitia; sicut e quodam *Mediolanensium* Archiepiscoporum Catalogo, *Romanis* typis edito, *Joannes* etiam *Franciscus* affirmat *Besutius* in sua eorumdem Archiepiscoporum Historia. Mox, illa Sanctæ Trinitatis Ecclesia in honorem Dominici Sepulchri renovata, eandem Idibus Juliis Anni subsequenter Sancto eidem Sepulchro solemniter consecravit. Dein Calendis Augusti *Genua* discessit una cum ea *Genuensi* Classe. Cumque profectus in *Syriam* fuisset; a *Turcis* & *Saracenis* fugatus (teste *Landulfo De Sancto Paulo* Cap. 2.) in gravi luctu *Constantinopoli* expiravit. Expiravit autem pridie Calendas Octobris. Sic enim differtissime asseritur in Catalogo Actis Ecclesiæ *Mediolanensis* inserto, & in duobus illis commodato apud nos extantibus: in quibus etiam duobus expresse Annus Christi notatus est centesimus supra Millefimum. Ex his autem Lector multa Scriptorum de hoc Archiepiscopo facile corrigit errata, & illud in primis, quod alicubi dicitur, *Fidei* nomine in exilium pulsus, *Constantinopolim* venit: alibi vero, *Obiit in exilio pro Fide*. Nisi forte illi hoc utantur loquendi modo; quia e *Turcarum* & *Saracenorum* manibus fuga elapsus, sese *Constantinopolim* receperit, ubi vita functus est.

CCXCI. Ejusdem *Anselmi* obitum & Successoris electionem *Carolus Sigonius* hoc ipso supra Millefimum centesimo Anno in hæc verba describit: *Anselmus Archiepiscopus Mediolanensis Constantinopoli mortuus est. Quo nuncio accepto, dissidium in Ecclesia concitatum est. Nam Henricus Chrysolauum* (quem scilicet nos adhuc *Grosulanum* appellavimus) pars pontificia *Jordanem Clivium* subrogavit. Unde inter eos magna de jure Dignitatis est suborta contentio. Sed longe profecto aliter seriem facti narrat *Landulfus De Sancto Paulo*, qui tunc temporis hac in Urbe vivebat. Etenim Capite Quarto sub finem sic tradit: *Vicarius* (*Grosulanus*) in hac sua commoditate afflictionis, & orationis, atque sermocinationis (ad Populum in singulis ferme festivitibus) per duos annos laboravit (quo nimirum ex tempore factus fuerat *Vicarius Archiepiscopalis*) & laborando, certitudinem de morte prædicti *Anselmi de Buis* accepit. Primicerio ergo ipse *Grosulanus* & Ordinariis Majoris *Mediolanensis* Ecclesiæ inquit, ut, se præsentem, eligerent sibi & populo Archiepiscopum convenientem, priusquam rediret ad Episcopatum *Saonensem*. Mox Capite quinto hunc prosequitur in modum: Tunc *Primicerius*, habito consilio cum nobilibus Clericis & Viris *Mediolani* coram Populo, & ipso alterum de duobus *Landulfis*, *Mediolanensis* Ecclesiæ Ordinariis, videlicet de *Badagio* (legendum sine dubio videtur de *Badagio*) & *Varegate*, a *Jerosolymis* redeuntibus, elegit; sed *Grosulanus* de absenti persona electionem fieri prohibuit. Pars itaque Cleri & Populi ad nutum *Arialdi Abbatis Monasterii Sancti Dionysii* clamavit, & laudavit *Grosulanum* sibi in Archiepiscopum, Ipse vero statim ut vidit, se a quadam magna multitudine Vulgi & Nobilium conclamatum, & ab Abbate illo plaudatum, Archiepiscopalem Sedem ascendit, & sedens illum *Arialdum* Abbatem de *Abbatia* in *Abbatiam* majorem, videlicet *Clarenalensem* transtulit. Pro *Clarenalensem* (sicuti re vera legitur in Capituli *Metropolitani* Codice) *Abbatiam* nobis penitus ignotam & inauditam, legendum ego potius arbitror *Clivatem*. Certe quidem quando post aliquot inde annos *Liprandus* e *Valtelina Valle* ad Monasterium *De Clivate*, hodieque notum ac celebre, se recepit (sicut idem *Landulfus* narrat Cap. 14.) tum vero Abbas illic erat nomine *Arialdus*, idemque *Grosulano* fidelitatem juratus; qui proinde mihi unus idemque vi-

A detur cum isto nunc Sancti *Dionysii* Abbate. Quod autem in Exemplari, quod penes me ipsum est, quodque in *Ambrosiana Bibliotheca* extat, legitur *Clarevallensem*; convictus est error; quippe cum illa necdum esset fundata. Porro sequitur *Landulfus*: Sed ante hujus translationem contigit, quod quidam, qui videbantur in moribus & vita Viri & Clerici *Mediolanenses*, quædam turpia de *Grosulano*, & ejus electione, Presbytero *Liprando* notificaverunt. Quibus Viris Clericis Presbyter ipse consilium præbuit, ut litteras & duos idoneos Clericos mitterent *Romam*, rogando Papam, quatenus *Grosulanum* in Archiepiscopatu non firmaret, donec seipsos mittentes litteras in proximo tempore videret, & audiret. Bernardus autem Abbas *Umbrosæ Vallis* & Cardinalis *Romanus* ad has litteras & nuncios (videlicet *Obizonem*, qui cognominatur *Niger*, & *Heribertum de Bruzano*, contemnentes *Grosulani* causam, ipsiusque Legatorum verba, videlicet *Arderici de Carimate* & *Joannis Presbyteri de Plotelo*) coram Apostolico & ejus Curia non respexit. Sed accepta Stola Curiam Comitissæ *Matbildis* intravit: ibique inito consilio in beneplacito *Arderici de Carimate*, qui pro *Grosulano* & Stola *Romam* iverat, Abbas ille *Bernardus Mediolanum* venire festinavit: & cum procul vidisset *Mediolanum*, *Ardericus* idem in protensi virga usque ad Majorem Ecclesiam Civitatis portavit, clamando HECUM LA STOLA, HECUM LA STOLA. Et in hoc clamore plenitudo vulgi fuit, & acclamavit: MORIATUR QVICUMQUE CONTRADIXERAT. Clamor iste ingens & continuus fuit, donec Abbas ille Cardinalis & *Grosulanus* pulpitum Majoris Ecclesiæ *Mediolani* ascendit, & cum uterque ibi videbantur, in victu afflicti, in vestitu demissi, in sermone præclari; tantum plausum audierunt sibi, veluti si pure forent Angeli Dei. Ibique *Grosulanus* Stola indutus, & Abbas in suo tempore remuneratus quievit, & recessit: & post paucos dies in gratiam prædictæ Comitissæ *Matbildis* idem Abbas *Parmensem* Episcopatum suscepit.

D Qui quidem Abbas *Vallumbrosanus*, Cardinalis & Episcopus *Parmensis*, non alius est, quam Sanctus ille Præful ac Legatus Apostolicus, cujus nos Num. 58. mentionem fecimus, necnon etiam infra tempore suo recolemus. Non itaque *Grosulani* ad Archiepiscopatum promotioni semet immiscuerat *Henricus Imperator*: nec ille propterea pro *Simoniaco* habitus fuit; sed eas quidem ob causas, quæ Presbytero ei *Liprando* innotuerunt; ut infra intelligemus. Errabat igitur hac in parte *Sigonius*: ac multo magis errabat Auctor Catalogi Actis Ecclesiæ *Mediolanensis* inserti, hunc in modum scribens: *Chrysolauus, Henrici primi Imperatoris* opibus adiutus, Ecclesiam *Mediolanensem* occupavit, pulso inde *Anselmo*; eoque nomine apud *Paschalem* Secundum Pontificem accusatus, *Romam* venit. Nihil utique minus.

CCXCII. Nunc indulgere curiositati ac de duobus illis agere lubet *Landulfis*, Ecclesiæ *Mediolanensis* Ordinariis, uno *De Badagio*, altero *De Varegate*: e quibus, cum ab *Jerosolymis Mediolanum* redirent, alterum *Primicerius Archiepiscopali* huic Sedi adjudicabat. Et hic quidem mirari Lector desinet, quod Archiepiscopalis *Anselmi* Litteris, super Ecclesiæ Sancti Sepulchri Dedicatione datis, subscriptum quarto extaret loco: Ego *Landulfus*, Dei gratia *Nazarianæ Ecclesiæ* licet indignus Præpositus, laudavi, & subscripsi. Sed insuper una simul cum voluptate intelliget, quisnam pariter ille fuerit, qui se quinto mox loco subscribebat: Ego *Landulfus* Notarius, qui & dictus Præpositus, laudavi, & subscripsi. Hos enim ego duos illos arbitror fuisse *Landulfos*, quorum alteruter in Archiepiscopi *Anselmi* locum a *Primicerio* eligebatur: quosve propterea consequenter assero comitatos eundem *Anselmum* fuisse, cum rursus in *Syriam* Classe vectus *Genuensi*

rediret. Uterque igitur erat Metropolitanæ Basilicæ Ordinarius, uterque Præpositus: ille *Nazarianæ*, uti jam constat, magisque mox etiam constabit; hic autem alterius profecto Basilicæ, quam Metropolitanæ; quippe quæ Præpositurali titulo ac dignitate caruit usque ad tempora *Joannis Secundi Vicecomitis* Archiepiscopi post Annum *Christi* quadringentesimum supra Millesimum; siquidem hunc assignasse terminum in præsentī sufficiat. Basilicæ igitur *Ambrosianæ* Præpositus hic erat, idemque prorsus cum eo, quem Num. 284. ex Historiæ *Landulfi* Capite Primo videbamus a nobili *Mediolanensium* multitudine ad Sedem Archiepiscopalem destinari; tametsi *Armanus* ille potius eligi voluerit *Anselmum de Buis*, *Laurentianæ* Præpositum; quem tamen opinari fas est simul etiam Metropolitanæ pariter Ordinarium fuisse. Ceterum *Landulfus* idem Historicus Cap. xi. sic habet: *Landulfus vero de Varegate, qui primus in Coritiana fuga fuerat, rediens a Ierosolymis, Romam pervenit: atque in Grosulano jam inde regresso didicit, non solum quod actum fuerat Mediolani propter concertationem Presbyteri (Liprandi) & Grosulani, sed & quam solemniter Romanus Pontifex post talia facta Grosulano suscepit. Quia ipse quidem Papa Paschalis super sedem suam ipsum Grosulano posuit: & per quot dies idem Grosulanus Laterani fuit, eundem supra sedem suam sedere fecit, atque ipsi sedenti cessit, & locum dedit. Suam quoque Curiam, & omnes causas Ecclesiasticas, a se discernendas & judicandas, ipsi Grosulano ad discernendum & judicandum tradidit. Sed tamen Landulfus ille de Varegate veniens Mediolanum, non Presbyterum (Liprandum) nec ejus legem directe contempsit, sed Clero & Populo Mediolanensi promittens deponere Grosulanum ab omni Ecclesiastico officio juxta Canonum rationem, inquit: Cur de lege Presbyteri Liprandi & Grosulano contenditis, & prælia & homicidia in vobis facitis? En vobis certissime dico, & per Joannem Vicomercatensem Grosulano mando, quod ego apud Dominum Papam Paschalem, ejusque Curiam, vel Synodum, certis cum rationibus, & justis & sanctis Canonibus comprobabo, illum non posse subsistere in numero Episcoporum, vel Presbyterorum, aut etiam in aliquo ordine Clericorum. CLERUS VERO ET POPULUS, HUIC AUTHENTICO VIRO, ET SECUNDUM QUANDAM NOVITATEM CANONICÆ SANCTI NAZARII PRÆPOSITO, ET MAJORIS MEDIOLANENSIS ECCLESIE ORDINARIO, CREDULUS, una cum Grosulano ad Romanam Synodum pervenire studuit. Et paulo post: In qua (Synodo) prædictus Landulfus de Varegate; QUI POST SYNODUM FUIT ASTENSIS EPISCOPUS, neque ante Papam, vel ejus Curiam, vel Synodum, adversus Grosulanum verbum ignominiosum protulit. Præterea vero Cap. postea 21. recenset, quemadmodum hic ipse Landulfus, jam Episcopus Astensis, non tamen ut Episcopus, sed ut viator, affuerit Archiepiscopali consecrationi *Jordani de Clivi*, cum Grosulanus adhuc esset superstes.*

CCXCIII. Vel ipsa Paschalis Papæ (nimirum Secundi) mentio nuper facta nos admonet, ipsum fuisse Urbano jam Papæ Secundo suffectum. Scilicet undecentesimo supra Millesimo Anno, vigesima nona Julii die Urbanus obierat; duodecima vero proximi Augusti die subrogatus ei fuit Paschalis. Post Abbatem quoque nomine *Gulielmum*, Anno superiore memoratum, novus offert se nobis Abbas *Heribertus*, qui centesimo primo subinde Anno regimen hujus Monasterii administraret.

CCXCIV. Grosulanus interim Archiepiscopus (*Landulfo* teste Cap. 6.) quoscumque non potuit sibi blandiri (seu blandimentis conciliare) tentavit minis terrore, Presbyterum *Liprandum* præcipue. Siquidem ipse pluribus Clericis aliisque viris cordatis consilium &

A auxilium dederat, ut *Romam* litteras & nuncios mitterent, ad rogandum Pontificem, ne delatum illi Archiepiscopatum confirmaret: præterea vero etiam præ ceteris libere illi publiceque *Simoniam* obiectare constanter perseverabat. Ex iis autem fuerat unus, qui partes *Arialdi* Martyris acerrime contra *Simoniacos* & *Nicolaitas* Clericos defenderant: quive propterea naso & auribus ad contumeliam truncatus ab ipsis fuit Anno *Christi* Millesimo septuagesimo sexto, paucis post diebus, quam *Herlembaldum*, fidelis illius Militiæ Ducem, ac pro Martyre habitum, in acie confodissent. Quocirca Sanctus etiam *Gregorius* Papa Septimus ipsum pariter tamquam *Christi* Martyrem consolatus fuit per Epistolam, quæ Cap. illo 6. ab eodem *Landulfo* recitatur. Talis igitur ac tantus Sacerdos obedientiam *Grosulano* (quippe quem sciebat esse *Simoniacum*) præstare interritus recusabat. Ceterum *Grosulanus* ex adverso, ut ipsum ejusque affectatores ab ejusmodi proposito dimoveret, Provinciam Synodum hac in Urbe congregavit: omnesque sui adversarios habito ad Populum Sermone provocabat in hæc verba: Si quis vult adversum me dicere aliquid; nunc dicat. Quod si modo tacuerit, amplius adversum me audientiam non habebit. Quid vero *Liprandus* ad hæc? *Landulfus* Capite 9. ista narrantem consulamus. C Hoc (inquit) cum Presbytero *Liprando* renunciatum fuit; & ipse principales (aliter plures) Cives ad Ecclesiam Sancti Pauli (nempe IN COMPEDO, live IN COMPITO, cujus utique Sacerdos erat Titularis, quamque præterea reedificando & magnificando ditaverat, ut habetur Cap. 7.) vocavit in die. Quibus dixit: Videtis me abscissum naso & auribus pro nomine Christi. Unde mihi magna retributio est promissa, si in finem perseveravero. Pro amore itaque Christi, vestraque salute & pace, rogo vos, ut ad me, & ea, quæ vobis dixerō, intendatis. Et cum hæc & plura bene dicta beneque sonantia, præsertim adversus *Simoniam*, dixisset; proposuit dicens: Grosulanus, qui pro Archiepiscopo tenetur, est *Simoniacus* de Archiepiscopatu Mediolanensi per munus a manu (sive per pecuniam) per munus a lingua, per munus ab obsequio. Et cum hæc in suo proposito procederet; sæpissime hortabatur omnes, ut convenirent ad veram cognitionem hujus propositi per divinum judicium (erat autem transitus per ignem) approbatam in vita, vel morte sua, manifestata per ipsum. Sed Grosulani turba hoc perturbabat auctoritate Pontificum, qui Mediolanum venerant ad celebrandum Synodum cum Grosulano. Verumtamen Presbyter ipse, adversus Episcopos disputans, rationibus & exemplis suam sententiam sustinuit, nec dimisit. Tunc igitur ad judicium istud ignis ventum non fuit: ad quod tamen postea vetum est; cum Episcopi Suffraganei, qui ad Synodum venerant, nondum ab Urbe discessissent; ut infra constabit.

CCXCV. *Gualuaneus* tamen Flamma, & Auctor Chronici *Flos florum*, non hoc Anno supra centesimum primo peractum istud ignis judicium crediderunt. Ille siquidem in Chronico Majori, juxta Exemplar, quod apud me est, Cap. 250. sic habet: In Anno Millesimo centesimo quarto factum est judicium ignis Presbyteri *Aliprandi* Sancti Pauli in Compito, & eodem Anno *Grosulanus* de Archiepiscopatu deponitur &c. Chronica Calendaria dicit, quod *Ardericus* de *Rhaude* hunc Presbyterum *Aliprandum* per ignem transire coegit: & *Arialdus*, filius fratris supradicti *Arderici* de *Rhaude*, ipsum Presbyterum *Aliprandum* in vinculis posuit, ejus nasum & aures abscidit: & *Arialdus* de *Rhaude*, avus istius *Arialdi*, interfecit *Herlembaldum* Cottam. In Exemplari autem *Ambrosianæ* Bibliothecæ: In Millesimo centesimo tertio, secundum Chronicam *Gothofredi de Bussero*, factum fuit (Mediolani) judicium ignis Presbyteri *Aliprandi* Ecclesie Sancti Pauli in Compito: & tunc *Crysolaus* Archiepiscopus

chiepiscopus depositus fuit, tamquam Simoniacus, de Archiepiscopatu. Quæ prorsus verba similiter leguntur in *Chronico Flos florum*, fol. 135. pag. 2. At enim potior nobis habenda est ratio illius Annorum calculationis, quam ex *Historia Landulfi*, scriptoris rebus istis cœvi, collegimus. Etenim biennio post iudicium istud ignis celebrata fuit *Romana Synodus*, ad quam *Liprandus* etiam ipse perrexit, & in qua *Grosulanus* Sedi suæ restitutus fuit, sed irritò inique decreto; sicut habetur *Cap. xi.* Post ejusmodi vero restitutionem *Liprandus* per septem annos in sua domo ac *Sancti Pauli Ecclesia* perseverat; *Cap. 12.* prope finem. Prævalente postea *Grosulani* factione (quando videlicet *Aronæ Arcam* aliaque ditionis Archiepiscopalis loca invasit; ut infra *Num. 308.*) tam *Landulfus Historicus* a *Liprandi* convictu & contubernio in *Franciam* (*Cap. 13.*) quam *Liprandus* mox ipse in *Valtelinam Vallem* (sic enim nos eam cum eodem *Landulfo* appellabimus) per annum unum cum dimidio secedit: ac tum denique in patriam uterque revertuntur; *Cap. 14.* Certe autem (uti liquet e *Cap. 21.*) uterque jam redierant, priusquam, *Grosulano* demum abdicato, *Jordanum de Clivi Mediolanenses* sibi Archiepiscopum eligerent *Calendis Januariis Anni Millefimi centesimi duodecimi.* Quamobrem nos hinc, & a postremo utique ad primum retrocedentes, certa & evidenti conclusione deprehendimus, iudicium illud ignis, non Anno illo tertio, ac multo minus quarto, sed certe primo peractum fuisse.

CCXCVI. Celeberrimum profecto miraculum est illud, quod *Florentini* sua in Urbe Anno Domini sexagesimo tertio supra Millefimum, feria quarta primæ Quadragesimalis Hebdomadæ, tempore *Sancti Joannis Gualberti*, conspexerunt: quando *Petrus* ille *Monachus Vallumbrosanus*, cognomento propterea *Igneus*, ac deinde *Cardinalis* & *Episcopus Albanensis*, ipsorum *Episcopum*, nomine *Petrum*, patria *Ticinensem*, *Simonie* reum esse, innoxio per ignem transitu demonstravit. Qua de re legi potest *Vita Sancti Joannis Gualberti* apud *Surium*, *Cap. 16.* sub mensis *Julii* die duodecimo: & apud *Baronium* eodem illo Anno Millefimo sexagesimo tertio, ab *Artic. 43.* *Epistola Florentinorum* ad Pontificem *Alexandrum*, nominis hujus Secundum. Simile porro quiddam hoc ipso Anno *Christi* primo supra Millefimum centesimum feria quarta postremæ ac sanctionis Hebdomadæ Quadragesimalis, a *Liprando* Sacerdote, in testimonium ac detestationem *Grosulanicæ Simonie*, *Mediolanensibus* quoque nostris oblatum fuit: & quidem ante atrium ipsum *Basilicæ* istius *Ambrosianæ*, velut etiam in *Sancti Præsulis* nostri *Ambrosii* conspectu. Totius miraculi hujus seriem *Landulfus* *Cap. 10.* luculenter in hæc verba describit, quorum prolixitatem absque dubio *Lector* uberi voluptate compensabit: *Attamen Grosulani turba dimicans adversus Primicerium, Landulfum ejusdem Primicerii Clericum lapide occidit. Deinde quasi in consensu totius Civitatis dictum fuit Presbytero, ut ad faciendum iudicium multa ligna congregaret IN PRATO, QUOD CLAUDITUR IN MURO JUXTA SANCTI AMBROSII MONASTERIUM.* Et *Presbyter* ipse, plenus magno spiritu, annonam & vinum, quæ ad edendum habebat, pauperibus erogavit: suamque lupi tunicam pellem pro lignis pignora vit: cetera vero, quæ possidebat in libris & aliis rebus, statuit, ut conservarentur *Landulfo* nepoti suo & alumno, atque *Ecclesiæ Acolyto* (hic nempe ipsemet *Historicus* est, a quo ista describuntur) qui tunc temporis discebat *Aureliani* ab egregio *Magistro Alfredo*, & nobili *Jacobo*. Statuit etiam, si contingerit illum mori in illo iudicio, si quid corporis ejus residuum fuerit portaretur ad *Ecclesiā Sanctæ Trinitatis*, quam ipse, sicut supra in

A *Privilegio legitur (Cap. 8.) in alodio suo fundavit, & Beato Petro tradidit. His itaque statutis & ordinatis, idem..... AMBROSII ECCLESIAM IVIT, & cum ipse facturus iudicium..... manus Grosulani prævaluit, & ipsa ligna in Prato disposita disperfit, ipsum Presbyterum separavit ab illa dispositione ignominiose. Deinde in domo sua & Sancti Pauli Ecclesia Presbyter ipse siluit & quievit, donec pueri & puellæ, mares & femine, in proximo tempore clamaverunt: Foras, foras Grosulane. Hunc clamorem Grosulanus cupiens compescere, habuit Consilium cum satellitibus suis. Quibus dixit: Ite & vos, & publice eligite viros de populo, qui dicant illi Liprando, aut ad satisfactionem meam veniat, aut de Terra ista exeat, aut iudicium, quod se facturum promissit, faciat. Consilarii itaque de latere ejus venientes ad concionem populi in vespertina hora Dominicæ diei de Ramis Palmarum, seu Olivarum, publicaverunt, quæ audierant a Domino suo Archiepiscopo Grosulano. Quapropter non solum viri in concione electi venerunt ad Presbyterum hanc legationem dicere, sed innumera hominum multitudo venit hanc legationem confirmare. Ad quorum clamorem clamantem, Veniat Presbyter ipse Liprandus, ipse humilis exivit. Et ut legationem audivit & intellexit; manus ad cælos levavit, & Deo gratias egit; & interrogando legatos inquit, Vult & mandat ipse, quod mihi dicitis? Qui omnes respondentes dixerunt: Utrique vult & mandat. Et Presbyter ad eos: Terram non exco; sed in istis duobus diebus jejunium ago, & in quarta feria faciam iudicium, præstante Deo: sed, unde ligna emam, non habeo. Tunc Grosulani & Reipublicæ Ministri quercina ligna, ad flammam & ad calorem aptissima, triginta solidis denariorum emerunt. Quæ IN CAMPO ANTE ATRIUM ECCLESIAE SANCTI AMBROSII in duabus congeriebus respicientibus se composuerunt: longitudo quarum decem cubitorum fuit, & altitudo & latitudo major statura hominis cubitorum quatuor: via vero inter ipsas congeries unius cubiti & semis. Iis itaque dispositis, & quibusdam lignis in via interpositis, in quarta feria Presbyter, indutus cilicio, camiso, atque casula more Sacerdotis, ab Ecclesia Sancti Pauli USQUE AD ECCLESIAM SANCTORUM MARTYRUM PROTASII ET GERVASII ET BEATISSIMI AMBROSII nudis pedibus Crucem portavit. SUPER QUORUM SANCTORUM ALTARE, CETERIS SACERDOTIBUS DEFICIENTIBUS, IPSE SIBI MISSAM CANTAVIT. Et Missa cantata, Grosulanus quoque gerendo Crucem EAMDEM ECCLESIAM INTRAVIT, ET PULPITUM cum Arialdo de Meregnano & Berardo Iudice Astensi ASCENDIT: & facto silentio in Populo, ET PRESBYTERO ASTANTE NUDIS PEDIBUS SUPER LAPIDEM MARMOREUM, QUI IN INTROITU CHORI CONTINET HERCULIS SIMULACHRUM, idem Grosulanus ait ad Populum: Attendite; quia in tribus verbis hunc hominem vincam, & ejus confusionem ostendam. Et ad Presbyterum inquit: Proposuisti, quod ego sum Simoniacus per munus a manu: modo dic, cui dedi. Tunc Presbyter super populum oculos aperuit: & digitum ad tres illos, qui stabant in pulpito, extendit, dicens: Videte tres grandissimos Diabolos, qui per ingenium & pecuniam suam putant me confundere: & nonne Diabolus ille, qui suavit illum fieri Simoniacum per pecuniam, suadere potest, ut adhuc majorem pecuniam daret, & veritatem occultaret, & Testes & Iudices mundanos mihi auferret? Et nonne scitis, quia propter vitandam astutiam Diaboli & pravorum hominum ego elegi Deum Iudicem? qui neque per pecuniam nec aliquo modo potest falli in iudicio. Ad cuius iudicium si vultis venire; paratus sum, quod promissi, facere. Et Grosulanus ad eum: Modo dic, de qua Simonia dicis. Et Presbyter ad illum: Modo dic tu, quæ est*

bona. Et Grosulanus aliquantulum subsiluit, & ait: Est Simonia, quæ Simoniacum non deponit. Et Presbyter ait, Ego dico de illa, quæ deponit Abbatem de Abbatia, Episcopum de Episcopatu, Archiepiscopum de Archiepiscopatu, in quo est. Et cum his verbis satisfecisset omnibus, audit Populum clamantem: Exite foras ad iudicium: Exite foras ad iudicium. Et Presbyter in hoc multiplicato clamore, licet senex, DESUPER LAPIDE CONTINENTE HERCULIS SIMULACHRUM profilivit, & una cum Populo in Campo, in quo erant lignorum congeries, venit. Ibi que, dura ignis lignis accendebatur, Presbyter circumstantibus dixit: Vos præter me non cernitis Sacerdotem, qui hunc ignem mihi benedicat: sed cernitis chartam hanc, quam teneo, in qua sancta verba & Signa Sanctæ Crucis continentur. Et ego Minister hæc verba & Signa inferius dicam & faciam: & Deus, qui est Dominus meus, desuper ignem benedicat. Et audientes & bene intelligentes dixerunt: Amen. Atque cum in circuitu ignis hæc verba dixisset, & signa fecisset, & aquam benedictam & incensum super ignem, astante ibi Grosulano, aspersisset; dubitabat de ordinando sacramento apud Grosulanum, & Ariedum de Meregnano, qui erat quasi potentissimus princeps Grosulani & procurator iudicii, & expectans, Presbyterum per ignem in morte finire, vel per nimium terrorem ad dominum suum Grosulanum converti. Ipse namque Berardo iudici Assensu hanc legem, non solum per mortem, sed & per quamlibet ignitam læsuram in Presbytero factam, condemnanti dixerat: Absit, quod læsuras sed ignem adeo magnificabo, quod procul oculos ignis de capite ejus eruet, & in ipso igne ardens cinis purefiet. Attamen Presbyter cum vidisset, eos de ordinando sacramento dubitare, dixit ad eos: Sinite me, quod ego bene ordinabo: nec faciam sacramentum, donec dixerò tantum, quantum vobis satisfecerit. Et illico in consensu eorum apprehendit cappam Grosulani, ipsamque quassavit, dicens: Iste Grosulanus, qui est sub ista cappa, & non de alio dico, est simoniacus de Archiepiscopatu Mediolani per munus a manu, per munus a lingua, per munus ab obsequio. Et cum illis videbatur sufficere, addidit: Et ego ad fiduciam maleficii, aut incantationis, vel carminis, non intro hoc iudicium: Sic me Deus adjuvet, & ista sancta Evangelia in isto sancto iudicio. Facto hoc sacramento, Grosulanus concorditer equum ascendit, & ad Ecclesiam Sancti Joannis, quæ dicitur AD CONCHAM, venit. Ariedus vero prædictus de Meregnano, inquirens & expectans plenitudinem ignis, Presbyterum tenuit, & tenendo manum suam læsam procul ab ipso calore ignis sensit. Et tamen ad Presbyterum inquit: Presbyter Liprande vide mortem tuam in igne: Convertere ad Dominum meum Archiepiscopum, habita securitate tuæ vitæ: alioquin vade, & arde te cum Dei maledictione. Et Presbyter ad illum: SATANA RETROVADE, Illo retrocedente. Presbyter prostratus a terra levavit: & signo Crucis sibi appposito, ingens flamma ignis in meridiem & septentrionem se divisit, & via apparuit, quam Presbyter intravit: & transiens per ipsos carbonem ignis, ceu arenam calcaret, sensit: & dum per ipsam viam transibat, flamma post ipsum coibat. Et, ut ipse mihi dixit, & bene intellexi, donec in via hujus ignis fuit, hanc Orationem Deo protulit: DEUS IN NOMINE TUO SALVUM ME FAC, ET IN VIRTUTE TUA LIBERA ME: DEUS IN NOMINE TUO SALVUM ME FAC, ET IN VIRTUTE TUA LIBERA ME: DEUS IN NOMINE TUO SALVUM ME FAC, ET IN VIRTUTE TUA LIBERA ME. Et dum tertio proferret hoc verbum FAC, se extra ignem vidit: nec in se, nec in suis sacerdotalibus vestibus lineis ac sericis, quibus erat indutus, sive in citicio, læsionem ullam sensit. Dehinc vero Landulfus Undecimum Caput ita prosequitur: Tunc Populus plene, quasi ex uno ore, laudem Deo & huic Presbyter-

A ro extra & infra Civitatem contulit. Grosulanus vero intrepidus sedem Archiepiscopatus deseruit & Civitatem; quia aperie communi Civitatis ore juratum erat, quod neutri eorum, nec alicui de parte illorum, pro hac actione malum fieret, nisi quod Dominus sibi faceret.

CCXCVII. Secundus porro jam locus hic est, in quo marmorei ejus simulachri, quod in hac Basilica extaret, factam videmus mentionem: cujus præterea etiam usum priore loco, nempe Num. 102. videbamus. Utrobique autem, non Panos, non Bacchi, non alterius cuiuspiam, sed Herculis fuisse simulachrum & statua diserte affirmatur. Libere jam ergo fidenterque hac de re nos satemur a Trifano Chalco & Andrea Alciato dissentire. Chalcus enim non procul ab initio Libri Tertii sic habet: Sunt & due effigies (antiqui scilicet operis in hoc Templo) una marmorea visendæ pulchritudinis: ambiguntque litterati homines, utrum Herculem, an Pana representet; quoniam Leonem cauda in sublime tenens, altera manu minax verberaturus baculo incurvo videtur; & pellis caprina, ab humeris demissa, nudi hominis pudenda brevi nodo tegit. Alterum signum, marmoreæ columnæ superstat ex ære Serpens: de quo nimirum nos abunde jam supra differuimus. Andreas autem Alciatus in Ambrosianæ Bibliothecæ manuscripto Antiquario, patrias antiquorum Inscriptiones veterumque Monumenta complectente, magis etiam præcise de hoc ipso simulachro ita opinatur: In ejusdem Templi peristyleo area est, fere omnis humo oppressa (& in hac quidem Liprandus Presbyter nudis pedibus insistebat) in tegminis ipsius latitudine paucis hisce adjectis notis, D M C TILIAE EUTYCILÆ. Sed omnino illud marmor commendabilius est, quo statua inest peritissimi Artificis manu facta, quam vulgus (& in hoc quidem nos vulgo adnumerari facile patimur) Herculis esse arbitratur. Sunt qui Panos Dei. At nos Bacchi esse sentimus, non solum hircinæ pellis argumeto, sed & vitiginei baculi, quem manu distringit. Nec quicquam nos movet Leo, quem cauda apprehensum tenet; cum & inter Bacchi cognomenta, Epigrammatum Græcorum Libro Primo, eum Poeta appellet nunc nunc Sed & in Quarto similia arma Bacchi & Herculis esse dicuntur Ridetur & apud Aristophanem in Ranis Bacchus, Herculis habitu ad Inferos descendens. Hæc ibi Alciatus. Viventibus igitur Chalco & Alciato (quorum ille ad quingentesimum saltem Annum supra Millefimum, hic autem ad quinquagesimum præterea vixit) ejusmodi simulachrum adhuc in Basilica ista visebatur; quod tamen hodie nusquam hic apparet. Quæ quidem rara est hoc ævo felicitas, Antonius Olgiatus in senectute annis prægravi, velut alter Cato, memoria nihilominus ingenio iudicioque floret, semper operosus, semper agens aliquid & moliens: tale scilicet, quale ipsius studium in superiore vita fuit. Jam inde ab eo tempore, quo Gaspar Vicecomes Archiepiscopus Ecclesiam Mediolanensem regebat, plurimos hic annos tanta cum laude, quanta dici vix possit, Rhetoricæ magisterium in celeberrimo hujus Urbis Seminario exercuit; cum antehac ibidem hanc ipsam Artem pariterque Philosophiam ac Theologiam didicisset. Fredericus deinde Cardinalis & Archiepiscopus Borromæus, statim ac de Ambrosiana Bibliotheca primis a fundamentis erigenda librisque locupletanda cogitare coepit: sicut hunc sibi præcipuum tanti operis administrum animo illo excelso destinavit; sic etiam postmodum fideli semper & accurata ipsius opera, in varias etiam Orbis partes, usus est; ac denique ipsum voluit etiam primum esse Bibliothecæ Præfectum. In hoc ergo munere idem ipse perseverat etiam in præsens, omni deinceps posteritati meritissime commendandus. Triginta & amplius sunt anni, ex quo eundem loco parentis ego vene-

veneror & diligo, de me semper interea meritissimum vel eo etiam titulo; quod ipsius jussu mihi humanissime suppeditentur ex eadem Bibliotheca libri omnes, quibus identidem indigeam; quodque præterea de multis ad studia mea opportunis imple me (quippe versatissimus & eruditissimus) frequenter edoceat. Suppeditatum inde mihi denique fuerat manuscriptum illud *Alciati* Antiquarium; cum ego ad ipsum in *Olgiatum* conversus conqueror de jactura, quam nostri Majores fecerint ejus simulachri, quod *Ambrosianam* istam Basilicam exornabat. Tum vero imple mihi protinus inquit: Hac de re dicam ego, quod memini me olim audisse. Hujusmodi simulachrum sibi alias, sive pretio, sive precibus, vel auctoritate, obtinuit Vir Clarissimus, & veterum ejusmodi Monumentorum studiosissimus, *Prosper Vicecomes*, *Gasparis* Archiepiscopi consanguineus: illudque in *Germaniam* dono transmisit ad primarium quendam Principem: ajebantque, ni memoria me fallit, ad *Serenissimum Bavarie Ducem*. Talia *Olgiatus*. Utinam vero rei veritas ita saltem se habeat. Sed enim eruditissimus alter ille Vir, aliquoties jam nobis memoratus, *Jacobus Valerius*, affabre pictum apud se habet hujusmodi simulachrum: publiceque, ut speramus, luci hoc dabit una cum aliis pluribus, quæ solerter collegit, Urbis hujus Monumentis. Ipso quidem monente, nuper nos legimus *Libellum*, cui titulus in fronte hic est: *Compendio delle Chroniche della gran Città di Milano, nuovamente dato in luce &c. In Milano, appresso Valerio da Meda 1575.* in quo hæc inter alia extarent *Cap. 22. Così scrive Faccio de gli Uberti di questa Città nel Quarto Canto del Terzo Libro Ditta-Mondo:*

*Giunti à Milano, così volse vedere
A Sant' Ambrogio, dove s'incorona
Qual della Magna è Rè; se n' hà 'l podere.
L'Hercules vidi, del qual si ragiona,
Che fin che' giacerà, come fa hora,
L'Imperio non potrà sforzar' persona.*

Nos vero curiosius isthæc inspicere cupientes in ipsiusmet Auctoris Opere (natione autem *Florentinus* est Auctor; Opus vero, quod in *Ambrosiana* Bibliotheca legimus, *Venetis* est impressum Anno Domini 1501.) longe aliter se habere deprehendimus. Quinetiam, quia totidem alii subinde Versus in hac Editione nobis fuerunt emendatiores, quam prout in eodem illo Compendio recitantur; iccirco nos etiam ipsos inde potius proferemus. Sic ergo se habent:

*Giunti en Milan, così volsi vedere
A Santo Ambrosio, dove s'incorona
Quel d' Alemagna il Rè, se n' hà il potere
Reliquie vidi, de qual si ragiona,
Che fin che giaceran come fan' hora,
L'Empero non potrà sforzar' persona;
Poi fu en San' Lorenzo più de un' hora,
Vago de quel lavoro grande & bello;
Perche esser' mi pareo in Roma all' hora.
Et veder' volsi ancora el degno Avello,
Nel qual Gervasio & Protasio ciascuno
Fenno de Ambrosio, come de fratello.
Et fui ancora, dove ensieme funo
Ambrosio Augustino, un luogo antico,
Per disputar' de Quel, che è trè & uno.*

Quæ quidem diversitas cum ita se habeat; numquid ergo Compendii ejus Auctor aliter recitabat, quam legerat? Ne hoc quidem suspicati nos fuimus. Quid ergo? Forte potius in alteram Editionem ipse inciderat, in qua ita prorsus legeretur. Sed quia textus ille manifestam saperet superstitionem; propterea mutatus ille postmodum in eam ipsam formam fuit, quam nos ipsi conspeximus. Sic enim nos potius crederemus. Quod autem *Gervasius* & *Protasius* sese cum *Ambrosio* tamquam fratres cum fratre gessisse

A dicebantur; absque dubio illud ipforum innuitur obsequium, de quo nos *Num. 49.* jam diximus.

CCIC. Sicut homines nodum etiam in scirpo nonnunquam quærunt: quæve nollent, difficile credunt; sic etiam post innocuum illud *Liprandi* transitum per ignem nonnulli e *Populo*, miserati casum *Grosulani*, ambigere cœperunt, an ipsius *Simonia* divino propterea miraculo ac testimonio convicta teneretur; quinetiam instigatione quorundam Sacerdotum sese ad cædes furenter converterunt. Ecce causas, quæ in id obtendebantur, a *Landulfo* narratas *Cap. xi.* Sed quia (inquit) præsentia Episcoporum *Suffraganeorum* (quando scilicet per ignem transit *Liprandus*) huic legi & triumpho favorem integre non præbuit: & ignis manum Presbyteri, in projiciendo aquam & incensum super ignem, læsit: & quia pes equi *Joannis de Rode* (sive *Rhaude*) nudum Presbyteri pedem, de igne exeuntis, dure calcavit; & turba, tristes de casu & ruina *Grosulani*, in Presbyterum, & ejus legem, post paucos dies scandalizavit; & scandalizando, hortatu quorundam Sacerdotum prælia & homicidia multa commisit. Interea *Grosulanus Dominum Papam Paschalem* gratum sibi invenit (Romam enim *Mediolano* perrexerat) *Landulfus* vero de *Varegate*, qui primus in *Coritiana* fuga fuerat, rediens a *Jerolymis*, Romam pervenit &c. sicuti jam supra *Num. 292.* recensebamus.

CCIC. *Heribertum* illum Abbatem regimini hujus Monasterii cessisse cito, sive per obitum, sive per aliam causam, inde cernimus, quod altero mox Anno, sive supra centesimum tertio, alterum rursus Abbatem, nomine *Joannem* invenimus, ac sequenti quidem Privilegio ab eodem *Paschali* Papa donatum:

PASCHALIS EPISCOPUS, Servus servorum Dei, Dilecto in Christo filio JOHANNI, VENERABILI ABBATI, in Christo salutem, suisque Successoribus. Quamvis ex universalitate Sedis, cui deservimus indigni, curam Ecclesiarum omnium adbita dilectione concipimus, & disponendo gerimus; ampliori tamen vigilantia super his sollicitamur, & amore tene-mur, quas Fidelium devotio tutelæ hujus sanctæ universalis Sedis salubri institutione commississe dignoscitur; & si quid, in quo ex nostra constitutione vel consensu sublimati desiderant, cum summa benivolentia concedendum nobis videtur ut impetrent. Unde, te postulante a nobis, ut MONASTERIUM SANCTI AMBROSII, UBI SANCTUM EJUS REQUIESCIT CORPUS SIMULCUM SANCTIS MARTYRIBUS GERVASIO ATQUE PROTASIO, cui divina dispositio te præesse voluit, Apostolicæ auctoritatis serio muniremus, & omnia ejus pertinentia perenni jure inviolabiliter permanenda confirmaremus; tuis inclinatis precibus, per hujus nostræ Sanctionis Privilegium, Antecessorum nostrorum auctoritatem sequentes, decernimus, ET PROPTER AMOREM SANCTI AMBROSII ET SANCTORUM MARTYRUM GERVASII ET PROTASII, QUORUM HONORI DICATUS EST LOCUS, concedimus tibi, tuisque Successoribus, quicquid DE USU DALMATICÆ SANDALIORUM NECNON CHIROTHECARUM, ET LICENTIAM FERENDI TINTINABULUM CAPPELLÆ, ex Apostolica auctoritate Antecessorum nostrorum habere meruisti; Et concedimus tibi DOMINIUM TOTIUS ECCLESIE POST ARCHIEPISCOPUM; & similiter concedimus DOMINIUM HOSPITALIS CUM ECCLESIA INIBI FUNDATA IN HONORE SANCTI MICHAELIS, ET ECCLESIAM SANCTI AUGUSTINI CUM PAROCHIA SIBI PERTINENTE; ET ECCLESIAM SANCTI SATYRI CUM PAROCHIA SIBI PERTINENTE; ET ECCLESIAM SANCTI PETRI, UBI DICITUR A SALA, CUM PARO-

CHIA SUA, cum decimis & primitiis; confirman-
tes Monasterium, infra Urbem ipsam Mediolanum con-
stitutum, quod nominatur AURONÆ, cum omni ho-
nore; & CURTEM DE PASILIANO cum omni-
bus ad se pertinentibus, cum Ecclesiis ædificatis; & CUR-
TEM DE FELICIANO, ET CURTEM DE
MONTE, cum Ecclesiis inibi ædificatis; & CAPIA-
TE cum Ecclesiis cum decimis & primitiis; & OLEO-
DUCTO similiter cum Ecclesiis, cum decimis & primi-
tiis; & CIVENNAM ET LIMONTAM cum
Ecclesiis inibi ædificatis, cum decimis & primitiis; &
GNIGNANUM; ET IN CLAVESO; ET IN
BADELLO; ET IN COLONIA; ET IN BA-
RAZA Ecclesiam unam, quæ vocatur SANCTUS
DAMIANUS, cum decimis & primitiis; & AN-
TIZAGUM cum Ecclesiis inibi fundatis; & CAS-
TERNO cum duabus Ecclesiis; & BALARADE-
GLO; ET VITE ALBA; ET SANCTUS SY-
RUS A BEURA; & in Episcopatu Laudensi Eccle-
siam unam SANCTI SALVATORIS, & aliam
Ecclesiam juxta Codonium, fundatum in honore Sancti
Ambrosii; & in Episcopatu Pariensi villam unam,
quæ nominatur VILLA REGIA; & Monasterium
unum, quod nominatur SANCTUS QUINTINUS,
ut sit in potestate & regimine ipsius Abbatis Sancti Am-
brosii; & Ecclesiam SANCTI SEPULCHRI cum
decimis & primitiis; & DUBINI cum Ecclesia una;
& in Episcopatu Vercellensi QUINTO cum Ecclesia
una; & in Episcopatu Placetiæ Villam unam, quæ
vocatur CERESOLA; & insuper cuncta Loca, ur-
bana vel rustica, culta vel inculta, cum decimis & pri-
mitiis, colonis servis & ancillis & aldionibus, quæ ab
aliquibus fidelissimis Christianis eidem Monasterio con-
cessa sunt, vel quæ etiam per alia iusta munimina ad
eundem religionis Locum pertinere videntur, cum omni
securitate & quiete debeas possidere, tuique Successo-
res in perpetuum; ita ut nullus unquam Successorum
nostrorum Pontificum, nullus & Imperator, Rex, Dux,
vel aliqua persona, ipsum Monasterium de præfatis om-
nibus rebus, quæ inibi pertinere videntur, præsumat
devestire, molestare, inquietare; necnon sub divini Ju-
dicii promulgatione, confirmatione, & anathematis in-
terdictione decernimus. Quod ut nunc, seu in futuris
temporibus, firmum & inviolabile maneat, nostro Pri-
vilegio confirmamus AD HONOREM DEI, ET
SANCTI AMBROSII CONFESSORIS, ET
SANCTORUM MARTYRUM GERVASII
ET PROTASII, QUORUM CORPORA IN
VESTRO MONASTERIO POSITA SUNT.

Si quis autem temerario ausu, quod fieri non credimus,
contra hujus nostræ Apostolicæ Auctoritatis & Confir-
mationis seriem agere temptaverit; sciat, se esse excom-
municatum, & a Beato Petro Apostolorum Principe,
& nostra Apostolica auctoritate. Qui vero custos & ob-
servator hujus nostri Privilegii extiterit; benedictionis
gratiam & vitam æternam a Domino consequi mereatur.
EGO PASCHALIS, CATHOLICÆ ECCLE-
SIÆ EPISCOPUS, SUBSCRIPSI.

Ego Coyo, Prænustinus Episcopus, subscripsi.

Ego Ricardus, Albanensis Episcopus, subscripsi.

Datum Laterani per manum Johannis, Sanctæ Roma-
næ Ecclesiæ Diaconi Cardinalis, sexto decimo Kalen-
das Martii, Indictione decima, Incarnationis Domini-
cæ Anno Millesimo centesimo tertio, Pontificatus autem
Domini Paschalis Secundi Papæ tertio.

Tum vero subest etiam Signum, quo Paschalis idem
Papa Secundus uti consueverat; tametsi nos hoc lo-
co ipsum prætermittimus.

CCC. Quod autem Paschalis Pontifex huic Mo-
nasterio concedebat, siue confirmabat, etiam EC-
CLESIAM SANCTI AUGUSTINI CUM PA-
ROCHIA SIBI PERTINENTE; nos quidem
hactenus ejusmodi Ecclesiæ nusquam facimus men-
tionem. Atqui nihil ambigimus, quin ea sit, in

A qua baptizatum ferunt Augustinum, quæve propte-
rea sibi titulum labentibus annis inde acquisierit.
Huic nempe Monasterio conterminum in hanc us-
que diem visitur mediocre Sacellum ac perantiquum,
Sancto Augustino inscriptum, necnon etiam recenter
a Monachis nonnihil exornatum. Quinquaginta cir-
citer passus a Basilica illud distat: illucque recta via, &
velut in id maxime disposita, itur per ejusdem Ba-
silicæ portam lateralem, porta maxima exeuntibus
sinistram. Communis ergo & a superioribus ducta
temporibus opinio apud Mediolanenses viget adhuc,
eundem Augustinum cum Alipio ac Deodato illic a
Sancto Ambrosio baptizatum fuisse: ipsumque mox
ac Præsulem in Ambrosianam Basilicam inde venien-
tes, alternatim composuisse simul ac cecinisse Hym-
num illum, tota jam passim Ecclesia Latina usitatissi-
mum: TE DEUM LAUDAMUS: TE DOMI-
NUM CONFITEMUR, &c. De hac vero com-
muni & inveterata Mediolanensium opinione unani-
mes itidem contestantur tres ii Scriptores, quos ali-
quoties hactenus in hoc Opere nominavimus: vide-
licet A Basilica Petri, Morigia, & Villa: sed &
ante illos Libellus ille De sacris Indulgentiis & San-
ctorum Reliquiis, extantibus in Urbis & Comitatus
Mediolani Ecclesiis, Anno Domini Millesimo quin-
gentesimo decimo quinto nostra primum in Urbe ty-
pis cusus, necnon etiam postea recusus, ceterum ex
antiquis Regestis & authenticis Privilegiis collectus.
Eidem pariter opinioni adstipulantur perantiquæ il-
lic in pariete supra Altare picturæ, quibus idem ip-
sorum Baptismus oculis subjicitur. Quid, quod
etiam eidem Altari antiquitus consitum perseverat
adhuc lapideum vas, & illud quidem satis amplum,
in quo illis pariter ibi ministratum nostrates credunt
Baptismi Sacramentum? Certe autem isthæc Sancti
Augustini Ecclesia hoc tempore ditioni suberat Ab-
batis Ambrosiani, sicut etiam in præsentī subest;
cum tamen in præsentī Parochialis non sit. Cete-
rum si traditio illa inveterata, & apud Mediolanenses
communiter comprobata, non ex vano falloque hau-
sta est; nos quidem facile credimus, eandem illam
Ecclesiam (siue, quæ antiquitus ibi constructa erat)
vocatam fuisse SANCTI JOANNIS AD FON-
TES. Inter Archiepiscopos nostros unus fuit San-
ctus Datus, cujus honorificentissima mentio habet-
ur apud Sanctum Gregorium Magnum Libro Tertio
Cap. 4. Dialogorum, Historiam Mediolanensem (cui
titulus CHRONICA DATII) ab ipso conscriptam
fuisse, quamplures Viri docti affirmarunt. Ne nos
quidem hoc ipsum inficiamur. Sed omnino consi-
stendum ad minus est intra ea tempora, quorum ip-
se Historiam texere potuerit. Numquid enim po-
tuit etiam temporum ætate sua posteriorum? Et ali-
qui tamen Scriptores non satis idipsum adverterunt:
quos quidem nos tacite Num. 198. monuimus. Ita
quippe illic innuebamur, alterum postea Datum in
posteriora tempora profectum fuisse Historiam,
quam Sanctus ille nominis ejusdem Archiepiscopus
incepisset, ac fortasse in ævum quoque suum pro-
traxisset. Quando igitur Augustini Baptismum nos
vidimus e Chronico Datii verbatim apud varios Hi-
stóricos descriptum, certe Sanctum illum Archie-
piscopum non difficulter credidimus germanum ex-
stitisse narrationis illius auctorem. Atqui Ecclesiam,
ipse, in qua Sanctus Ambrosius Augustinum baptiza-
vit, appellat FONTES, QUI SANCTO JOAN-
NI ADSCRIBUNTUR: quod perinde est ac EC-
CLESIAM SANCTI JOANNIS AD FONTES.
Forte autem aliter appellabatur etiam, eratque illa ip-
sa BAPTISTERII BASILICA, cujus mentionem
facit ipsemet Sanctus Ambrosius in Epistola 13. ad
Marcellinam sororem; maxime vero cum pro singu-
lis Civitatibus unicum antiquitus construi soleret Ba-
ptisterium; sicut eruditissimus docet Josephus Vice-
comes

comes, *Ambrosiani Collegii Doctor*, Libro Primo *De antiquis Baptismi Ritibus*, Cap. 8. Sed hoc altior rem requirit indaginem: qualem nos quidem in aliud tempus ac locum reservavimus.

CCCI. Hoc ipso Anno Christi tertio supra centesimum ac Millesimum multi e Clero & Populo *Mediolanensi* una cum *Grosulano* (cujus causa discutienda erat) ad *Romanam Synodum* pergunt; sicut idem narrat *Landulfus* Cap. xi. Quo item teste, *Presbyter* vero *Liprandus*, cum jam senex esset, ET DUO ANNI POST LEGEM AB IPSO FACTAM TRANSISSENT, provocatus, & quasi compulsus, *Romam* ad *Synodum* venit. Et paulo post: *Presbyter* *Liprandus* causam, quam adversus *Grosulanos* habuit, pure notificavit: & apostolicus non legem per ipsum *Presbyterum* datam, & sacramento & igne notatam, laudavit; sed gratiam & officium *Presbyteratus* in illo firmavit, & dixit: Si hic *Presbyter* juraret, & duodecim *Sacerdotes* cum illo jurando affirmarent, quod *Grosulanus* coëgit ipsum *Presbyterum* ire ad ignem; sustineret *Grosulanus* depositionem. Atque super hoc spatium consulendi per unam noctem dedit. Tum Cap. 12. Nocte autem illa transacta, *Apostolicus* coram *Synodo* a *Grosulano* suscepit sacramentum, in quo sacramento *Grosulanus* sic ait: Ego *Grosulanus*, gratia *Dei Archiepiscopus*, non coëgi dictum *Liprandum Presbyterum* ire ad ignem, & facere judicium. Tunc & *Ardericus Laudensis Episcopus* jurando firmavit id ipsum. *Azoni* vero *Aquensi Episcopo*, proferenti id ipsum jurare ex parte *Grosulani*, ab *Apostolico* fuit condonatum. *Grosulanus* itaque accessit, ut acciperet gratiam restitutionis. Et cum ad accipiendum restitutionem accederet; *Gabuta* & *Postoralis Virga*, quam idem *Grosulanus* sua tenebat manu, coram *Synodo* ad terram corruit. Quod signum quampluribus fuit indicium, quod sacramentum ejus fuit sacramentum mortis. Verumtamen nec *Papa* nec ejus *Synodus* ad hoc tunc respexit; sed ipsum *Grosulanum Azoni Aquensi*, & *Arderico Laudensi*, atque *Jordano de Clivi*, & ceteris *Mediolanensibus*, tam *Clericis*, quam *Laicis* verum etiam *Episcopis* ejusdem *Ecclesie Suffraganeis*, volentibus eum habere in *Archiepiscopum*, LICET OTIOSE RESTITUIT. Qui quidem *Presbyter* ille *Liprandus*, licet occasione hujus restitutionis foret suspectus *Grosulano* restituto, & restitutum suscipientibus; tamen in *Ecclesia Sancti Pauli* suaque domo fuit *Sacerdos idoneus* in suo officio PER SEPTEM ANNOS POST IPSAM RESTITUTIONEM. Accipe nunc vero *Lector*, a quibus praesertim *Grosulanus* nihilominus fuerit rejectus, nec in *Sedem Archiepiscopalem* admissus. *Grosulanus* vero (teste subinde utimur eodem *Landulfo*) GRATIA GULIELMI ABBATIS MONASTERII SANCTI AMBROSII, & *Andreae Mediolanensis Ecclesie Primicerii*, & aliorum multorum prudentum, tam *Clericorum*, quam *Laicorum*, NEC SEDEM NEC ALIQUAM MUNITIONEM ARCHIEPISCOPATUS, POST LEGEM PRIMAM A PRESBYTERO FACTAM, SIVE RESTITUTIONEM A SYNODO CELEBRATAM, HABUIT. E quibus denique verbis nos quidem istud quoque colligimus: *Abbatem* hujus *Monasterii*, si non post *Liprandi* transitum per ignem (quo tempore *Joannes* erat *Abbas*) certe tamen post hanc *Synodicam Grosulani* restitutionem, fuisse *Gulielmum*: cuius alioqui mentionem inter *Archivi* hujus membranas factam quarto supra centesimum ac Millesimum Anno. Quocirca necesse est, ut intra tertii ejusdem Anni ambitum *Joannes* fuerit ex parte *Abbas*, ex altera vero mox parte fuerit etiam *Gulielmus*.

CCCH. Putavi non praetereundum silentio (sic enim ego quoque *Landulfi* nostri Cap. 22. verbis loquar; maxime vero cum propria nobis etiam causa incumbat) quod, durante lite *Grosulani*, scilicet *Millesimo centesimo quinto Anno septimo Idus Maji*, inventae sunt

Reliquiae pretiosae in Ecclesia Sanctae Mariae AD PORTAM. Unde *Ordinarii* cum universo *Clero* statuerunt *Festum* solemne illa die in *Ecclesia praedicta*. In cujus rei testimonium talis extat *Epistola*.

ORDINARII CARDINALES SANCTAE MEDIOLANENSIS ECCLESIAE, NECNON PRIMICERII CUM UNIVERSO SACERDOTIO ET CLERO MEDIOLANENSI, OMNISQUE POPULUS ET OMNIS ORDO LAICORUM, omnibus *Sacerdotibus* & *Clericis* & *Laicis* cujuscumque ordinis in *Diocesi Mediolanensis Ecclesiae* constitutis, pacem & salutem a Domino, & pleni gaudii participationem. Quoniam ratio exposulat, & dignum est, ut, exultante capite, cetera quoque membra exultationi congaudeant; ideo immensae letitiae, quam nobis immeritis & insperantibus *Divina Clementia* contulit, vos exortes esse non volumus. Notum ergo *Universitati nostrae* fieri volumus, quoniam inestimabiles thesauros, & incomparabiles margaritas, Sole splendiores, & omni aromate fragrantiores, divino nutu & munere nuper invenimus: videlicet partem de *Sudario Domini*, & de *Syndone* ejus, & de *Lapide* ubi sederunt *Angeli* nunciantes *Resurrectionem Domini Nostri Jesu Christi*, & de probato *Ligno salutiferæ Crucis Salvatoris nostri*, & de *Veste Sanctae Mariae*. ET DE OSSIBUS SANCTORUM CASTI ET POLIMII, in *Ecclesia Sanctae Mariae*, quae dicitur AD PORTAM. Quapropter, non solum in ea die, sed etiam ab ea die & deinceps, factus est ibi jugis celebris & admirabilis concursus plebis utriusque sexus Deum glorificantium & magnificantium; quod hoc tempore tales nobis thesauros sua benignitate revelare dignatus est, quorum patrocinio non solum nostrae, sed & universae *Diocesi* eius, per *Dei* misericordiam, protectionem & salutem futuram esse speramus. Facta est etiam generalis Processio ad honorem *Dei* & *Salvatoris nostri*, tam ingens, tam solemnis, tam admirabilis, qualem nunquam retro ante tempora vel vidimus, vel meminimus factam. Ad hanc igitur Solemnitatem annuam omnes populi devote concurrite, tam mentium securitate, quam corporum obsequio, nihil haesitantes depromi magnificentissimam remunerationem. Quanta enim virtus *Sanctorum* est, tanta salus occurrenti populo. Titulus autem & nomen ejus eximiae Festivitatis est SANCTI SALVATORIS. Terminus autem hujus celebrationis est septimo Idus Maji. Rogamus etiam vos, & secundum statum *Ecclesiae nostrae* singulis & omnibus precipimus, ut in die hujus Festivitatis, ad honorem *Dei* & *Salvatoris nostri*, ab omni opere servili vacetis, & abstineatis, tamquam in die *Resurrectionis* & *Nativitatis Domini Nostri Jesu Christi*. Quo etiam die ad frequentationem hujus Solemnitatis statutum est ANNUALE MERCATUM: & omnibus venientibus ad hanc Solemnitatem, vel causa orationis, vel causa mercandi, & redeuntibus, stabilita est ab omni *Civitate FIRMA* ET INVIOABILIS TREVIA, OCTO ANTE FESTUM, ET OCTO DIES POST FESTUM. Quod si quis hujus *Treviae* violator extiterit; indignationem non effugiet; & iram totius *Civitatis* super se & super sua bona gravissimam indubitanter incurret. COLONEUM, quod vulgo TURADIA dicitur, sive PORTENATICUM, in his praefatis diebus nulli omni modo tolletur. Ut autem magis sit authenticum, & nulla unquam oblivione deleatur, quod, Deo inspirante, ad honorem *Dei* & *Salvatoris nostri* decrevimus; per singulas Plebes singulas *Epistolas* in audientia omnium habitantium in eis, has Litteras legere & ponere studeant, & *Martyrologio* hoc festum scribeant; quatenus per singulos annos & per singulas generationes istos dies nulla deleat oblivio; sed perpetuo & solemniter honoretur. Hec autem *Epistola* in scripturis diligenter & semper servetur valida. Inveni autem sunt praedicti thesauri, sacrae Reliquiae: pars de *Sudario Domini*, & de *Syndone* ejus, & de *Lapide* isto, & de *Ligno Sancto*,

to, & de Sanctis, Anno Domini Millesimo centesimo quinto, septimo Idus Maji, in Civitate Mediolanensi, in Porta Vercellina, in Ecclesia Sanctæ Mariæ, quæ dicitur AD PORTAM. FUERUNT AUTEM PRÆDICTI SANCTI CONFESSORES, CASTUS ET POLIMIUS, DIACONI SANCTI AMBROSII, QUORUM CORPORA JACENT IN ECCLESIA SANCTI VICTORIS AD COELUM AUREUM, QUÆ NUNC DICITUR ECCLESIA SANCTI SATYRI ET SITAJUXTA ECCLESIAM SANCTI AMBROSII, REQUIESCUNT. In prædicto autem Festo Ecclesia Æstiva usque ad prædictam Ecclesiam Sanctæ Mariæ AD PORTAM Ordinarii hebdomadarii Mediolanensis Ecclesiæ processionaliter vadunt, semper præcedentibus Vicinis & Parochianis ipsius Ecclesiæ Sanctæ Mariæ cum viridibus frondibus, & ramis arborum, candelis accensis alligatis ejusdem, & cantantibus AGIOS, AGIOS; propter quod dicitur istud FESTUM DE AGIOS, quod est nomen Dei. Qui dicti Ordinarii postea celebrant Missam in Ecclesia Sanctæ Mariæ AD PORTAM. Deo gratias. Amen.

CCCIII. Et hæc quidem verbatim hætenus per nos e Landulfo recitata. Eadem summam perfringit Chalcus ad Annum Christi Millesimum centesimum septimum, ac denique ita confirmat: *Extant Litteræ publico nomine Cardinalium Ordinariorum, Primicerii, universique Populi & Cleri, ac cunctorum Ordinum Civitatis Mediolani, ad omnes Sacerdotes Diœcesis suæ, plenæ gratulationis, & novæ denunciationis. Atqui Landulfus ejusmodi Litteras nobis recitat, non Anno illo septimo datas, sed quinto, proptereaque nos illas in hunc ipsum conjecimus Annum. Subdit autem protinus idemmet Chalcus: Credo, absente Episcopo eas sic fuisse inscriptas. Nos vero, non absente tantum, nempe Grosulano, sed etiam velut exulante datas confitemur.*

CCCIV. Ceterum iisdem in Litteris duo sunt, quæ proprie ad Monasterium istud spectant *Ambrosianum*, quæve singillatim tamquam intento digito a nobis indicari oportet. Unum est, quod hinc luculentissime confirmantur, quæ superiori Num. 19. dicebamus de Sancti Satyri Ecclesia: eam videlicet olim SANCTI VICTORIS AD COELUM AUREUM appellatam fuisse. Alterum est, quod hic requiescere corpora Sanctorum Casti & Polimii, Diaconorum Sancti Ambrosii, asseruntur. Hi autem sine dubio illi sunt, quos Paulinus in ejusdem Ambrosii Vita, morti jam proxima, memorat his verbis: *Eodem tempore, cum in extrema parte porticus, in qua jacebat (Ambrosius) in uno positi CASTUS, POLEMIIUS (sive POLIMIUS, uti nos jam ipsum vidimus nominatum) Venerius, & Felix, tunc Diaconi, secum tractarent voce ita pressa, ut vix invicem audirentur, quis post obitum illius Episcopus ordinandus esset: atque cum de nomine Sancti loquerentur Simpliciani, tamquam interesset tractatui, cum longe positis ab ipsis jaceret, approbans exclamavit tertio: SENEX, SED BONUS. Erat enim Simplicianus ævi maturior. Qua voce audita, expavescentes fugerunt. Defuncto tamen eo, non alius illi successit in Sacerdotio, nisi is, quem ille BONUM SENEM trina voce signaverat. Cui Simpliciano Venerius, quem supra memoravimus, successit. Felix vero nuncusque Bononiensem regit Ecclesiam. CASTUS AUTEM ET POLEMIIUS, NUTRITI AB AMBROSIO, BONÆ ARBORIS BONI FRUCTUS, IN ECCLESIA MEDIOLANENSI DIACONI FUNGUNTUR OFFICIO. Sicut autem scite a Baronio fuit observatum in Præfatione De Paulino, qui Ambrosii Vitam conscripsit, hic idem Paulinus eidem Casto fuerat Diacono subjectus, cum ipsimet Ambrosio ministerium amanuensis in sacris scriptionibus præstaret. Itaque, paulo ante verba nuper a nobis recitata, sic*

A etiam scripserat: *Ante paucos vero dies, quam lectulo detineretur (Ambrosius) cum quadragesimum tertium Psalmum dictaret, me & excipiente & vidente; subito, in modum scuti brevis, ignis caput ejus cooperuit, atque paulatim per os ipsius, tamquam in domum habitator, ingressus est; & facta est facies ejus velut nix; postea vero reversus est vultus ad speciem suam. Quod cum fieret; stupore percussus obrigui; nec potui scribere, quæ ab illo dicebantur, nisi postquam visio ipsa transivit. Dicebat enim in eo tempore testimonium Scripturæ divinæ, quod ego optime retinebam. Nam scribendi, vel dictandi, ipso die finem fecit; siquidem ipsum Psalmum explere non potuit. Ego vero id, quod visum a me fuerat, HONORABILI VIRO CASTO DIACONO, SUB CUJUS CURA DEGEbam, statim retuli. At ILLE, REPLETUS GRATIA DEI, Spiritus Sancti adventum me in illo vidisse edocuit ex lectione Actuum Apostolorum. Cum igiturambo isti Diaconi, Castus & Polimius ad Superos ex hac vita evolassent; mortales ipsorum exuviæ non procul a Præfatis Ambrosii exuviis tumulatæ in prædicta Sancti Victoris AD COELUM AUREUM Ecclesia fuerunt; ibidemque quiescebant Anno Christi Millesimo centesimo quinto; sicut etiam in præfenti requiescunt. Sic enim lapidea ibi Tabula, post Altare consita parieti, testatur hisce verbis, quorum partem Num. 19. proferebamus:*

Sub hoc Altari in Arca marmorea jacet gloriosum Corpus Sancti Satyri, fratris Sancti Ambrosii.

Item in alia Capsa lapidea in eodem Altari jacent Corpora Sanctorum Martyrum Casti & Polimii, necnon aliud sanctum Corpus, cujus nomen ignoratur, cum plurimis aliorum Sanctorum ac Sanctarum Reliquiis.

CCCV. Incertusne vero jam hæres, Lector, ad hanc Tabulam cum superiori Epistola comparatam? Illic namque Castus & Polimius CONFESSORES, hic autem MARTYRES appellantur. Ad hæc profecto diu multumque nos etiam hæsimus: quin etiam satis certum adhuc exitum invenire non possumus. Certe quidem congruenter ad eam Epistolam nos item Calendarium habemus *Ambrosianum*, Anno Christi Millesimo trecentesimo octogesimo primo in pergamena charta conscriptum: in quo sub die nona Maji (qua scilicet die memoria ipsorum anniversaria celebrari consuevit) hæc præcise leguntur: SANCTORUM CONFESSORUM CASTI ET POLIMII. JACENT IN SEGREGATA MONACHORUM SANCTI AMBROSII. Quæ Segregata, sive Sacristia, tametsi conjuncta sit huic Sancti Satyri, & alias Victoris, Ecclesiæ; locus est tamen ab hac diversus, ac pariete distinguitur interjecto; sicut etiamnum veterem intuentibus structuram liquidissime constabit. Atque hinc nodus alter nobis incumbit enodandus; qui tamen longe minus nos torquet. Similiter huc accedit Joannes Franciscus (qui postea Carolus) a Basilica Petri in eo de aliquot hujus Urbis Ecclesiis Opusculo, quod Anno Christi Millesimo quingentesimo septuagesimo sexto primitus edidit. Cum enim de hac ille Basilica sermonem instituisset, cumque jam de Monachis ipsis loqueretur; ita etiam inquit: *Vi hanno anco molte sancte Ossæ, trouate muovamente: & nella Sacristia hanno trouati Corpi, che essi tengono esser i Corpi de' Santi Diaconi Casto & Polimio. Hos itaque dum tacite indicat nonnisi Confessores fuisse, simul expresse asserit, in ejusmodi olim jacuisse Sacristia. Joannes autem Baptista Villa in suo pariter ejusdem argumenti Libro ipsos disertissime affirmat, ut Sancti Ambrosii Diaconos, sic etiam Christi Confessores. Quid, quod etiam eo tempore, quo ipsi obierunt, nullam videntur martyrii occasionem habuisse? Non Gentilium furor, non Hæreticorum perfidia, non alius quispiam publicus Fidei Catholicæ hostis Ecclesiam tunc Occidentalem, non Insubricam, non Mediola-*

mentem vexabat. Catholica, etiamtum Fides & pax, per ipsummet *Ambrosium* exterminatis denique *Arianis*, restituta, perenniter hic vigeat. Sic enim ex iis etiam colligi facile potest, quæ *Baronius* in suis observavit ad *Romanum* Martyrologium Adnotationibus sub Aprilis die quarta, qua Sanctus idem *Ambrosius* occubuit. Ex altera vero parte in *Ambrosiana* Bibliotheca Missale satis vetus & in pergamena manuscriptum legimus in hæc verba: *Septimo Idus Maji, SANCTORUM CASTI ET POLIMII. AD SANCTAM MARIAM AD PORTAM*; quia scilicet sacræ illæ ipsorum Reliquiæ ibi extarent. Sic etiam Breviarium pariter satis vetus ac manuscriptum, in hæc tantum verba: *SEPTIMO IDUS MAJI SANCTORUM CASTI ET POLIMII*. Nec in ejusmodi Codicibus expressum fuit, Martyresne, an solummodo Confessores, illi extiterint: quod ipsum in vetustiori hujus Basilicæ Tabula pergamena observavimus; perinde ac si tunc temporis hac de re nihil certi haberetur. Veruntamen silentium istud, si nobis non favet, ne adversatur quidem. Illud ergo molestiam nobis & negotium in præsentī causa facebat; quod in Missali apud nos extante, ac manuscripto jam Anno Domini Millesimo quadringentesimo vigesimo tertio, præterea vero in omnibus deinde tam Missalibus quam Breviariis (loquimur vero semper de *Ambrosianis*) ab Anno supra Millesimum quadringentesimo octuagesimo tertio usque ad quingentesimum nonagesimum quartum, quo mentio ejusmodi Sanctorum intermitti cœpta communiter fuit, impressis; iidem illi Sancti sub eadem illa Maji die MARTYRES semper appellantur. His consentiunt universi etiam Codices manuscripti, quibus ratio continetur & methodus Officii Divini, quo Monasterium istud, a majoribus ac vetustioribus illis Monachis ad præsentēs *Cistercienses* derivato, uti consuevit, quodque MONASTICUM AMBROSIANUM appellatur. Inspice vero præterea Lector, quale nos Scriptum in Archivo invenimus. Fidelissimum verò est exemplar alterius, quod, pergamenæ chartæ consignatum, conservari scimus in illa eadem Arcula, qua Corpora hujusmodi Sanctorum continentur. Est autem hujusmodi. Anno Millesimo quingentesimo septuagesimo tertio Dominus..... SALAMINÆ EPISCOPUS, AC IN DIOECESI MEDIOLANENSI VISITATOR APOSTOLICUS, in ipsa Visitationis functione, pio accensus desiderio Corpora Sanctorum Martyrum Confessorum & Virginum, in eadem Diœcesi consistentium, visitandi: in omnibus Ecclesiis summa diligentia inquirens, propriis oculis ea inspicere ac adorare voluit. PORRO INTER CÆTERA, SUB ALTARI SACRISTIÆ ECCLESIAE SANCTI AMBROSII MAJORIS, EX PARTE MONACHORUM, SANCTORUM MARTYRUM CASTI ET POLIMII CORPORA REPERIT. Quibus vere agnitis, & exinde aliquandiu adoratis, in suis propriis locis ea reliquit. Cæterum cum eorum Cenotaphia pene corrosa essent carie; Anno Millesimo quingentesimo octogesimo octavo, mensis Januarii die..... Admodum Reverendo Domino Juvenali Orabonio, hujus Monasterii & Ecclesiæ Sancti Ambrosii Majoris Abbati, supradictorum Sanctorum veneratione moto, placuit hac in Capsula pie debitoque cultu propriis manibus, cereis accensis Monachis hinc inde flexis genibus astantibus, ea reponere; ut tanto sæpius dignentur pro suis devotis apud Jesum Christum Dominum nostrum veniam implorare in Cælis, quo attentius eorum Corpora venerantur in terris. Atque tunc ejusmodi Sanctorum Corpora fuerunt in proximam Sancti Satyri Ecclesiam restituta: e qua scilicet antea fuerant illuc translata. Hoc enim necessario sequitur e præmissis: & hinc posteriorem illum dissolvimus nodum. Sic etiam tunc temporis confitam

A credimus parieti fuisse Tabulam illam, cujus Epigrammā proferebamus. Tota igitur jam nobis eo redit difficultas, Martyresne, an solummodo Confessores, Castus fuerint ac Polimius. Sicut autem occasionem dubitandi nobis præbuit Ecclesiæ *Mediolanensis* iudicium, per tempora, sicut apparet, variatum; sic etiam ipsius auctoritas hæerere interim nos cogit. Posteriora iudicia (non diffitemur) aliquando sapientiora. Sed & major antiquitas (& in his maxime rebus) majorem sibi honorem ac veracitatis opinionem deposcere videtur. *Galesinus* in Martyrologio nullam facit ejusmodi Sanctorum mentionem. *Philippus Ferrarius* eam solummodo facit in Indice Catalogi Sanctorum *Italiae*: ipsosque similiter MARTYRES appellat. Perquisivimus vero etiam, qualem titulum præferrent eæ ipsorum Reliquiæ, quas hoc Anno dicebamus in Ecclesia Sanctæ Mariæ AD PORTAM inventas. Sed nec earum, nec aliarum, quas Epistola illa recenserebat, ulla prorsus ibi extat memoria. Quamobrem hinc quoque factum arbitramur, ut *Paulus Morigia* in suo Sanctuario tacitus Ecclesiam illam præterierit. Neque vero nescii sumus, quem in sentum antiquitus nomen CONFESSORIS acciperetur: & quemadmodum a Sancto *Ambrosio*; sic etiam in Ecclesia ejus regimini subiecta. Ad *Gratianum* ille *Augustum De Fide*, Lib. 2. Cap. 4. prope finem ita scribit: *Non libet CONFESSORUM NECES, tormenta, exilia, recordari, piorum Sacerdotia, proditorum munera*. Et paulo post: *Sed jam satis superque. Omnipotens Deus, nostro exitio, nostroque sanguine, CONFESSORUM NECES, exilia Sacerdotum, & nefas tantæ impietatis eluimus*. Et rursus Lib. 3. Cap. 7. post medium: *Librum Sacerdotalem quis nostrum resignare audeat, signatum a CONFESSORIBUS, & multorum jam martyrio consecratum? Quem qui resignare coacti sunt; postea tamen damnata fraude signarunt. Qui violare non ausi sunt, CONFESORES ET MARTYRES extiterunt*. Duo igitur hæc *Ambrosii* loca citaverat *Vincentius Lirinensis* in aureo illo suo Libello adversus profanas *Hæresum Novitates*, Cap. 7. Inde autem *Joannes Cofferius*, ejusdem Libelli Scholiastes bene Num. 18. ita observat, & aliorum quoque testimoniis & exemplis confirmat: *Longe aliud veteribus, quam nunc vulgo, significabat CONFESSOR; cum jam Divis fere omnibus id nominis tribuant; quod olim non nisi iis datum fuit, qui ob Christo testimonium publicitus datum publica aliqua calamitate, vel pena, non tamen morte, erant affecti. Quod si Castus & Polimius tale aliquid passi jam fuissent, ac demum etiam morte mulctati; tum vero dubium nobis nullum superesset, quin appellari potuerint & Martyres & Confessores, Confessoris utique vocabulo in eam significationem accepto; facileque tunc etiam Ecclesia *Mediolanensis* videri posset ob ejusmodi causam illos aliquando CONFESORES, aliquando MARTYRES nominasse, seque demum ad posteriorem hunc titulum, quippe nobiliorem, contraxisse. Atqui nos necessariis destituti sumus adhuc indicii, quibus probetur, & illos talia passos, & Ecclesiam *Mediolanensem*, cum de ipsis Anno saltem Millesimo centesimo quinto scriberet, usum fuisse CONFESSORIS vocabulo in eam significationem veteribus illis usitatam; & non potius in eam, quæ per universam Christi Ecclesiam jam dudum receptissima est, quinetiam longe ante Annum illum erat; sicut e Martyrologiis jam ante contextis manifestissime patet. Quocirca nos quidem interea malumus hæerere in incerto, & ex alieno potius iudicio pendere.*

CCCVI. Eodem Anno Christi Millesimo centesimo quinto *Henricus*, *Henrici Quarti* Regis & Tertii Imperatoris filius, hortatu *Germanicorum* Principum a Patre deficit ad *Romanum* Pontificem, ad-

versus quem ille nimium contumax erat. Proximo A.C. inde Anno, ex auctoritate Episcoporum & Principum Moguntiae congregatorum, Insignia Regni detracta Patri, constim Filio traduntur. Hæc autem videri commodè possunt apud Sigonium De Regno Italiae ad eosdem Annos. Breviter Chalcus: Idem Annus insignis habetur creatione Henrici Quinti, Romanorum Regis: qui postea Romæ coronatus, Imperatorum Quartus censetur. Hinc itaque computatos ejus Regni Annos postea videbimus.

CCCVII. Intra Annum Christi septimum a centesimo Millesimo Mediolanenses bellum Laudensibus intulerunt: quod, teste Landulfo Cap. 16. in quatuor annos protractum est: quodque demum in eorum Urbis eversionem desit Anno undecimo; sicuti Donatus Bossius, Chalcus, & Sigonius ad eundem Annum affirmant: itemque Junio mense; sicut Landulfus Cap. 19. Quidnam vero interim de Grosulano? Idem profecto Landulfus eodem illo Cap. 16. hæc tradit: Infinita autem mala, quæ operata sunt per quatuor annos in ipsa guerra (Mediolanensium adversus Laudenses) non numero; sed mortem Anselmi germani mei, & aliorum multorum propinquorum meorum & Civium, per illam guerram manifestatam lugeo; nec tamen ceptum iter penitus desero. Quia dum Civitas illa Laudensis adhuc staret, & resisteret Mediolanensibus conantibus eam destruere, GROSULANUS A MEDIOLANO EXULABAT: & Laudensis ille Ardericus (Episcopus) suam Civitatem per rarum intrabat, sed Mediolanum frequentabat. Presbyter vero Liprandus in sua domo suaque Sancti Pauli Ecclesia consolationem Regni & Ecclesiæ devote expectabat.

CCCVIII. Prosequitur inde Landulfus Cap. 17. his verbis: At quidam, qui dicebantur amici Presbytero expectanti, & Grosulano exulanti, dum hæc præfata guerra agebatur inter Mediolanenses & Laudenses, Papienses quoque & Cremonenses, Laudensem Civitatem defendentes, suggererunt Olrico Mediolanensi Vicedominum, & Anselmo de Pusterla cognominato, ire ad præcipuum Magistrum Anselmum de Monte-Leoduni. Quibus duobus fuit gratum secum ducere me Landulfum, Presbyteri Liprandi Alumnus. Et cum apud ipsum Magistrum & fratrem ejus studeremus; nunciatum est illis, quod GROSULANUS ARONAM ARCEM MUNITISSIMAM ARCHIEPISCOPATUS POSSIDET. Quo audito Vicedominus valde infremuit; quia propter ejus absentiam dicebant quod hic secundus casus Grosulano contigerit. Et ideo, prout dicitur, Mediolanum redire festinaverunt: IPSAMQUE ARCEM, ET CÆTERA AD ARCHIEPISCOPATUM PERTINENTIA, a jure & potestate Grosulani vacua invenit. Et hi, qui in utroque dicebantur amici, quorum hortatu ipse adivit Leodunum, in isto reditu, nescio quo spiritu, ipsum juvenem, & infra ordinem Vicedominum, elegerunt in Archipresbyterum. Et facta ista electione, ipsi, qui magis erant in parte Grosulani, præbuerunt Grosulano consilium, ut huic electioni nec laudem nec vituperationem præstaret; SED JEROSOLYMAM PETERET, ET ARDERICUM LAUDENSEM EPISCOPUM IN ECCLESIA MEDIOLANENSIS SUUM FACERET VICARIUM. In hac manifesta depositione, & alia non pluribus cognita, GROSULANUS JEROSOLYMITANUM ITER INTRAVIT. Subinde vero Vicedominus (electus utique mense Aprili) & alii quatuor Ecclesiæ Metropolitanæ Ordinarii, mense Junio Januam, seu Genuam, perrexerunt ad Arialdum ejus Urbis Episcopum: ibique Ordines ab ipso, prout cuique opus erat, susceperunt: Quo facto cum lætarentur Mediolanenses (subdit Landulfus) etiam in majori gaudio gavisæ sunt; quia in ipso mense susceperunt triumphum de Cremonensibus victis & superatis apud Brixanorii Campum. Tum

A Cap. 18. Cognito (inquit) hoc triumpho per Regna, Rex fortissimus Henricus cum ingenti exercitu venit in Italiam, atque Romæ in Ecclesia Sancti Petri discalceatus stetit ante Paschalem Papam, expectans Coronam imperandi. Sed quia ipsam Coronam sibi dare distulit ipse Papa; ipsius Regis iram sensit; & se suosque Cardinales, quo modo non poscebat, sive nolebat, duci videt. Hic strages multa crevit &c. Anno itaque superiori, quam Henricus in Italiam veniret, Grosulanus Arcem Aronæ occupaverat, nec multo post deseruerat: præterea vero etiam, Jerosolymitano semet itineri tradiderat postquam Olricus Mediolani Vicedominus in Archipresbyterum Aprili mense fuit electus: ejusdemque sic etiam Anni mense Junio Mediolanenses victoriam illam & triumphum de Cremonensibus reportarant. Hæc itaque omnia in Annum inciderunt Christi nonum supra centesimum Millesimum Proximo namque de hinc Anno Italiam venisse constat Henricum; sicut in ejusdem Anni Epiphania Principibus ad Colloquium Ratisponæ congregatis indixerat; hoc est, ut in subsequentem Julii mensem nihil ad ejusmodi processionem deesset; quemadmodum inter alios narrat Sigonius ad eundem Annum.

CCCIX. Henricus (eodem teste Sigonio) ubi dies processionis venit, exercitum triginta milium hominum in duas partes divisit. Earum unam ipse per Montem Jovis duxit, alteram per Vallem Tridentinam immisit: ac demum, superatis Alpibus, Eporediam venit. A qua benigne acceptus processit Novariam: eaque, quia mandata sua facere recusabat, expugnata atque incensa reliquas officii sui admonuit. Venerat autem in Italiam Henricus ineunte Autumno, sicut ex hisce Domnizonis in Mathilde Versibus aperte dignoscitur:

— cum multis galeatus IN ORTU

AUTUMNI VENIT, Longobardosque peremit,
Ardens devastans illorum maxima Castra.

Urbes munitas ejus perterruit ira.

Tum vero subdit de miserabili excidio Novariæ, quæ illi resistere occæperat.

CCCX. Ceterum ibidem Sigonius ita progreditur: Inde exercitu, qui per Tridentinam Vallem transferat, sibi adjuncto, MEDIOLANUM ACCESSIT, ATQUE IBI PER CHRYSOLAUM ARCHIEPISCOPUM REGIUM INSIGNE SUSCEPIT. Eadem recitat etiam Bartholomeus Zucchi in Opere alias citato; sed cum suamet ipsius interpretatione, illis in hunc modum more plerumque suo adjecta: regiuminsigne ferreum suscepit. Præterea vero etiam e Libro Primo Annalium Modoëtiensium Cap. 37. confirmat, ita quippe asserentium: Hic Henricus Quartus a Chrysolano Mediolanensi Archiepiscopo primo Modoëtiæ, postea Mediolani coronatus est. Gualuaneus Flamma in Chronico Majori Cap. 251. & Auctor Chronici Flos florum fol. 136. pag. 1. sic & ipsi concordēs testantur: Hic per Chrysolauum, Mediolani Archiepiscopum, in Mediolano, IN ECCLESIA SANCTI AMBROSII CORONATUR: quem usque Romam associavit, & Papæ præsentavit. Atqui Grosulanus ab hac Urbe interim aberat; Jerosolymam profectus, uti jam diximus Num. 308. nec inde reversus, nisi post Henrici reditum in Germaniam, uti postea videbimus Num. 320. adstipulante nobis Landulfo, synchrono Scriptore, cui potius adhibenda fides. Ex adverso autem Catalogus inscriptus Successores Sancti Barnabæ Coronationem istam non Chrysolao, sed Jordano Clivio adscribit. Quid, quod etiam Gualuaneus Flamma in Manipulo florum Cap. 162. diversus a semetipso in eandem sententiam abiit? Hæc utique habet: Anno Domini Millesimo centesimo decimo, imperante Henrico Quarto, sedente Jordano de Clivi Archiepiscopo, ipse Henricus Imperator Mediolanum venit, ET IN ECCLESIA SANCTI AMBROSII PER ARCHIEPISCOPUM

CORONATUR. Qui inde volens ire Romam pro Corona Imperii, per Jordanum associatur. Atqui Jordanus hoc ipso decimo Anno necdum fuerat in Archiepiscopum subiectus; ut paulo post, sive Num. 315. constabit. Quod si re quidem vera hoc Anno coronatus Mediolani Henricus fuit: atque si, Archiepiscopo absente, Coronatio ad hujus Monasterii ac Basilicæ Abbatem pertinebat, uti jam Num. 102. videbamus affirmatum; videsne vero quid sequatur? Sequitur ergo potius, ut ab hoc ipso Abbate coronatus ille fuerit.

CCCXI. Gulielmus interim Abbas, priusquam Henricus in Italiam veniret, unum e suis Monachis, nomine Joannem, ad ipsum miserat, obsecratum, Privilegia Monasterii confirmaret. Cum ergo Rex Vercellis jam esset, ita sanxisse reperitur die Octobris mensis duodecima:

IN Nomine Sanctæ & individue Trinitatis. HEINRICUS, DIVINA FAVENTE CLEMENTIA, HUMILIS ROMANORUM REX. Semper enim nobis justum esse videtur, quatenus justis petitionibus nostrorum Fidelium **SAPIENTIUM VIDELICET MEDIOLANENSIIUM,** aures benignas accommodare non differamus, pro quibus eos fideliores esse nobis nullo modo dubitamus. Unde fore notum volumus omnibus nostris Fidelibus, sub nostro jure & regimine degentibus, **JOANNEM, MONACHUM ABBATIÆ SANCTI AMBROSII SANCTORUMQUE PROTASII ET GERVASII, UBI EORUM CORPORA REQUIESCUNT NOBILITER TUMULATA,** nostram Dorinburg petisse Clementiam, quatenus Curtes & Castella, supradictæ Abbatie pertinentes cum omni sua integritate, per hujus nostri Præcepti paginam confirmando corroboraremus. Hanc igitur justam petitionem considerantes & dignam; non eorum petitionis preces turbavimus; sed pro animæ remedio nostræ nostrorumque Parentum statim concessimus; & hac Pagina nostri Præcepti confirmare **APUD VERCELLE** non tardavimus. Quocirca, nullatenus prædicti Monasterii renunciata petitione, has Curtes, quas Piiissimi Imperatores Ugo & Lotharius, prædecessores nostri, pro salute animarum suarum supradictæ Abbatie dederunt, cæterique tam Reges quam Imperatores concedendo confirmaverunt, videlicet **LEMONTAM, FELICIANUM, PAXILIANUM, ET MONTEM, SEU LEDEGNANUM;** concedendo confirmamus supradicto Monasterio cum omnibus ad se pertinentibus, cum superioribus & inferioribus: scilicet cum servis & ancillis, aldionibus & aldiabus, cum Cappellis, Castris, Districtis, atque thelonariis, vineis, campis, pratis, pascuis, silvis, montibus, alpihus, aquis, aquarum decursibus, molendinis, piscationibus, ac cum omnibus eisdem pertinentibus. Insuper concedendo confirmamus per hanc nostri Præcepti Paginam eidem Monasterio, in subsidio Monachorum, pro remedio animæ nostræ, & Regni nostri augmento, forum de Castellis ipsius Abbatie; videlicet **DE ANTICIAGO, COLONNIA, OLEODUCTO, CAPLIATE, CARUSCO, PAXILIANO, MONTE, SEU LEMONTE, ATQUE CIVENNA, ET CAVANNACO.** Quod amplius ullis temporibus exigere vel recipere nolumus; sed Monachis ibidem Deo militantibus illud in stipendia concessimus; ita ut nullus Dux, Marchio, Comes, Vicecomes, Gastaldio, nullusque Episcopus, seu Archiepiscopus, nostri Regni, magna parvaque persona, contra hoc nostrum Præceptum de prædictis rebus agere, seu causare præsumat. Si quis autem (quod non credimus) contra hoc nostrum Præceptum agere temptaverit, aut infringere voluerit; sciat, se compositurum auri optimi libras centum, medietatem Cameræ nostræ, & medietatem prædictæ Abbatie, cui violentiam intulerit. Quod ut verius firmitusque credatur, diligentiusque ab omnibus observetur, Signilli nostri impressione jussimus subius insigniri.

A Albertus Cancellarius recognovit.

Data quarto Idus Octubris, Indictione tertia, Anno Dominicæ Incarnationis Millesimo centesimo decimo, regnante Henrico Quinto Rege Romanorum anno quarto, ordinationis ejus decimo. Actum est Vercellis in Christo feliciter. Amen.

CCCXII. Pervenit deinde Romam Henricus Rex ^{A.C. 1117.} Anno Christi undecimo supra centesimum Millesimum, die undecima Februarii. Mox ii erupere tumultus, quos breviter perstringit Landulfus noster Cap. 18. lateque prosequuntur Carolus Sigonius & Cardinalis Baronius ad hunc ipsum Annum. Certe autem in ea Sutrinorum Actorum parte, quam Baronius Art. 7. recitat, dum Regis Henrici colloquium ac tractatus cum suis contra Pontificem describitur, nullus affuisse Mediolanensis Archiepiscopus traditur. Hæc enim tantum habentur: In quo tractatu interfuerunt Episcopi Longobardi tres, Bernardus Parmensis (cujus nos mentionem attigimus Num. 291.) Bonus Senior Reginus, & Aldo Placentinus. Quamobrem hinc quoque nos conjectamus, Grosulanum ibi cum Rege non affuisse: atque adeo nec cum Pontifici de more obtulisse; sicut etiam Sigonius adstruit. Landulfus porro, de cæde loquens Romanos inter ac Regios deinde facta (quod nobis obiter memoratum sit) hoc habet: Ottho autem Mediolanensis Vicecomes, cum multis pugnatoribus ejusdem Regis, in ipsa strage corruit in mortem amarissimam hominibus diligentibus Civitatem Mediolanensem & Ecclesiam. Baronius vero Art. x. e prædictis Actis hæc recitat: Postera die (Romani) egressi Urbem, conserta pugna, plurimos de Imperatoris exercitu obruncant: & eorum captis spoliis, adversus Teutones acriorem ineunt pugnam; adeo ut eos Porticu pene propellerent, ipsumque Imperatorem equo dejicerent, atque in faciem vulnerarent. Hoc ubi Ottho Mediolanensis Comes (sive potius Vicecomes) aspexit; pro Imperatore se obiciens morti, equum illi suum, ut evaderet, tradidit. Qui nec mora a Romanis capitur atque in Urbem inductus, minutatim concisus est, & carnes ejus in platea canibus devorandæ relictæ sunt. Ejusmodi tamen tumultu deinceps utcumque sedato, Henricus a Paschali Pontifice Imperator Idibus tandem Aprilis coronatur.

CCCXIII. Hac re elatus Henricus (e Sigonio siquidem verba quoque isthæc mutuamus ad eundem Annum Christi undecimum supra centesimum Millesimum) tota metu trepidante Italia, recessit in Lombardiam. Bononiam agmine pacato ingressus, ad frænandos hominum impetus, & continendum in fide Populum, Civibus præ circumsedentis exercitus pavore mussantibus, Arcem construxit, eamque prædiis confirmavit. Parmam inde decimo octavo Kalendas Junias prodiit. Inde, postquam per triduum Bibianelli cum Mathilde fuit, in Germaniam abiit: atque Augusto mense Spiræ, Episcopis ac Principibus aliquot evocatis, Patri tum demum sepulto magna cæremonia ex permissione Pontificis parentavit. Inde Conventu Moguntie habito, Adelbertum Archiepiscopum designatum per Annulum Baculumque, ut, ante, instituit. Interim Mediolanenses arma, quæ, Cremonensium audacia vindicata, Henrico in Italiam veniente posuerant, rursus post ejus profectionem sumpserunt, **ET LAUDENSIBUS BELLUM INTULERUNT,** sive potius redintegrarunt jam antea illatum, sicuti nos Num. 207. dicebamus. Et paulo post: Paratis igitur occulte rebus omnibus ad obsidionem Oppidi necessariis, mense Majo ad Urbem ex improvise processerunt: eamque ita ab omni parte clauserunt, ut neque a Cremonensibus neque a Papiensibus sociis possent, aut militibus introducendis, aut com meatibus importandis, juvari. Ita factum, ut, cum rei frumentariæ, cui mature non erat provisum, copiam non haberent, neque aliunde suppeteret, quo famem tollerarent, languentibus inedia membris, fractisque desperatione animis, Laudenses Kalendis Juliis in potestate

Puricellus.

Q 2

fla

statem pervenerint. Urbe capta, asperius in tecta hominesque consultum est: Primum ædificia fere omnia, publica privataque, ita diruta sunt, ut Urbs cæteroqui magna ad sex tantum Vicos redacta sit. Deinde leges & tributa gravissima sunt imposita: quæ subindeidem Autor prolequitur; sicut & *Tristanus Chalcus* adeundem Annum. *Landulfus* Cap. 18. post hanc *Henrici* Coronationem reditumque festinatum in Germaniam ita denique concludit: *Mediolanenses quoque, cum iste Imperator per Veronam a Roma in Germaniam properabat, gladiis & incendiis diversisque instrumentis FUNDITUS DESTRUXERUNT LAUDEM, IN LONGOBARDIA CIVITATEM ALTERAM.*

CCCXIV. *Jordanus* interim de *Clivi*, Subdiaconus a *Grosulano* jam ante ordinatus, cum ipse *Grosulanus* videbatur pacifice tenere Archiepiscopatum (sicut inquit Cap. 19. *Landulfus*) publici Paganorum Auditorum Lectoris munereungebatur in Provincia, quæ dicitur *Sancti Aegidii*. Cum igitur *Ardericus de Carimate*, atque *Olivicus Mediolani* Vicedominus, alique nonnulli Metropolitanæ Basilicæ Ordinarii ipsum inde in Patriam revocassent; hunc quoque (*Landulfo* eodem narrante) *Ardericus prædictus de Carimate* IN MENSE SEPTEMBRI, QUI FUIT QUARTUS A JUNIO, QUOCIVITAS LAUDÆ DESTRUCTA FUIT, jam dicto *Januensi* Episcopo (*Arialdo*) repræsentavit: & ipse Episcopus ipsum *Jordanum* & plures alios de *Mediolanensibus* in Sacerdotes benedixit.

CCCXV. Octobri deinde mense certus eligitur e Clero numerus, qui causam *Grosulani* dijudicaret: eoque tandem abdicato, *Jordanum de Clivi* Archiepiscopum eligunt. *Landulfus* ipse, qui tunc præfens erat, & in partem consilii vocatus, hæc nobis recenseat. Octobri vero (inquit Cap. 20.) mense sequenti flumina per continuam pluviam in tantum creverunt, quod non solum *Villas*, sed ipsam Civitatem, in mirum modum perturbarent. Quidam etiam sibi & Mundo finem timuerunt; quia homo imperabat, qui Patrem suum oppresserat. Sed *Guazo Cuminus* una cum *Amizone de Sala*, & aliis quam pluribus, tam Clericis quam Laicis, tendentes ad alia cœperunt prædicare & dicere, discordiam de *Grosulano* esse malitiam altero Diluvio dignam. Ad quorum voces *Joannes Maneri*, & *Petrus de Carate*, qui erant primi & maximi in parte *Grosulani* pugnatore & defensores, & conscii consilii *Guazonis* atque *Amizonis*, coram Populo responderunt, & illis dixerunt: Dicite, quid nobis vultis fieri ex parte nostra? Qui dixerunt: Volumus, quod *Ardericus de Carimate*, qui *Levita* est Ordinarius, Presbyter *Joannes Ecclesiæ Sancti Naboris* Præpositus, Presbyter *Nazarius Muricula*, Presbyter *Petrus de Sancto Carpophoro*, Presbyter *Lanterius de Sancto Protasio in Campo*, Presbyter *Albricus de Sancto Dalmatio*, Presbyter *Arricus de Sancto Victore ad Theatrum*, Presbyter *Ambrosius de Sancto Joanne ad Concham*, Presbyter quoque *Galdo de Sancto Michaeli*, quos omnes scitis esse defensores *Grosulani*: & ex altera parte volumus, quod *Vicedominus*, *Anselmus de Pusterla*, *Anselmus de Badagio* (nisi malis de *Badagio*) Presbyter *Richelmus Præpositus Ecclesiæ Sancti Nazarii*, PRESBYTER GIRARDUS PRÆPOSITUS CANONICÆ ECCLESIAE SANCTI AMBROSII, Rubricus quoque Ecclesiæ Præpositus Sancti Stephani, Presbyter *Arialdus Amerii*, Presbyter *Lafrancus Propheta*, & nos duo, videlicet *Guazo* & *Amizo*, cum illis jurabimus, quod usque ad istas Calendas proximi Januarii concorditer dabimus justam & rectam sententiam secundum Canones de discordia *Grosulani*, si possit esse Archiepiscopus *Mediolani*, sive non. Et si non poterit esse; de alia persona concorditer faciemus catholicam electionem in eodem die. Volumus etiam, ut *Landulfus Carogna* qui est Presbyter Ordinarius, & *Anricus de Birago* qui est *Levita Ordinarius*, Presbyter *Joannes*

A *Aetileus*, Presbyter *Olivicus de Sancto Martino*, *Joannes etiam Manerius*, *Guazo Tastaguadum*, & alii Clerici & Sacerdotes, Milites & Cives, quos nos vocabimus, veniant, & jurent tenere sententiam, quam nos decem & octo dabimus, sine discordia & schismate, de *Grosulano* tenendo, sive dimittendo; sive de alia persona, quam nos concorditer eligemus. In hæc igitur verba, tamen *Landulfus Historicus* adversaretur, sicuti condixerant, juratum est tamen, & e licentia Episcopi *Laudensis Arderici*; quippe qui Vicarium interim *Grosulani* agebat. Sed cum in ultimo die Decembris (verba sunt ejusdem *Landulfi* Cap. 21.) *Ardericus* ille & decem septem alii essent in concordia eligendi *Jordanum*; ego jussu *Andree Primicerii* Presbyterorum & Clericorum *Decumanorum Mediolanensium* adeos veni: & ut ipse *Primicerius* mihi præcepit, eis dixi, quod male consiliati erant. Veruntamen ipsi consilium non mutaverunt; sed mane facta, videlicet *Calendis Januarii*, *Ardericus* idem cum *Vicedomino* & cæteris sibi conjuratis in abjiciendo *Grosulanum*, vel in suscipiendo, aut in alium eligendo Archiepiscopum, catholice pulpitem ascendit; & facta silentio in Populo, coram illa maxima multitudine loquens dixit: Nos, salva reverentia *Papæ*, secundum auctoritatem & justitiam, Canonum dicimus, quod *Grosulanus* non potest esse Archiepiscopus *Mediolani*. Isto dicto & confirmato, illico Presbyterum *Jordanum de Clivi* elegit in Archiepiscopum. Hoc cum Presbyter *Liprandus* (de quo tam multa in superioribus dicta sunt; jam enim e *Valtelina* Valle ad Ecclesiam suam redierat, priusquam *Henricus* in *Italiam* veniret, sicut habetur e Cap. 14.) audivit; ægrotus e lecto surrexit; & in altera die illi Eleto piscem obtulit, dicens: Gratias Deo, quod nunc mihi testimonium perhibetis. Sed hi, qui te elegerunt in Archiepiscopum, male fecerunt, & Deus illis misereatur; quia tu posses esse unus bonus Presbyter de *Clauistro*. Nunc autem masculus est. *Liprandus* ergo illum est osculatus: ac denique *Arialdus Januensis* & *Mamardus Taurinensis* Episcopi, præfente *Landulfo Astensi*, non ut Episcopo, sed ut viatore, Archiepiscopum consecrarunt; tamen non sine aliquorum obtreptione, & murmure. In quo murmure, (subdit *Landulfus*) Episcopi supranominati, videlicet *Azo Aqueus* & *Ardericus Laudensis* videntur fuisse. Vigilante itaque hoc murmure, *Mamardus Taurinensis* illico *Romam* adivit, & *Stolam* petiit: & rediens inde, *Stolam* & chartam continentem sacramentum, quod *Papa* poscebat a *Jordano*, attulit; alioquin *Stolam* dari *Jordano* *Papa* prohibuit, sicut idem *Mamardus* notavit. At *Jordanus* per sex menses jejunos fuit, & *Stolam* non habuit. Sed infra hoc spatium sex mensium, *Bernardo Episcopo Papiensi* (erat hic ergo jam Episcopus hoc Anno supra Millesimum centesimum duodecimo; & non tantum incœpit vigesimo, sicut aliqui censuerunt) & *Jordano Mediolanensi* consentientibus, *Papienses* & *Mediolanenses* statuerunt & juraverunt sibi fœdera, quæ nimium quibusdam videntur fuisse Imperatoriæ majestati & Apostolicæ auctoritati contraria; cum isti Cives jurarent sibi servare se & sua contra quemlibet mortalem hominem natum, vel nasciturum. Hactenus *Landulfus*. E quibus, sicut etiam e sequentibus, *Tristanum Chalcum* refellas, isthæc scribentem: Cum vero elapsis octavo & nono Annis subisset decimus a Millesimo & centesimo, *Jordanus Clivius Grosulano defuncto in Archiepiscopatu* sufficitur.

CCCXVI. Tam celebris & frequens Presbyteri *Liprandi* mentio istud a nobis tandem requirit, ut nunc de ipsius secessu ab Urbe, sicut etiam postea de obitu, dicamus. Celeberrimum adhuc durat in Agro *Bergomensis* Monasterium, ultra flumen *Abduam* situm, & a *Brippio Mediolanensis* Agri cis *Abduam* Oppido duobus circiter milliaribus distans, quod *Pontidense*, sive *Pontidiense*, appellatur. Primus illius fundator & Abbas fuisse dicitur *Beatus* quidam Al-

Albertus: qui, cum antea sub Sancti *Hugonis* Abbat-
is Cluniacensis disciplina vixisset, Anno tandem
Christi nonagesimo quinto supra Millefimum Calen-
dis Septembribus illic occubuit; tametsi memoria
ipsius celebretur mensis ejusdem die quinta; sicut
observat etiam *Philippus Ferrarius* ea die in Catalogo
Sanctorum, qui non sunt in Martyrologio Romano.
De ipsius vero Sancti Abbatis Vita, tum etiam de
istius Monasterii origine videri possunt *Marci Anto-*
nii Benalii & *Joannis Antonii Guarnerii* Commenta-
ria De Vita & rebus gestis Sanctorum Bergomatum, &
ejusdem argumenti Liber Italicus, a Mario Mutio
conscriptus. Multum desidero (sic enim *Landulfus*
Cap. 23. *Liprandus*, in summa jam positus senectute,
alloquebatur) hujus Mundi vitam meam finire in mani-
bus eorum, quorum protectione corpus & anima, præ-
stante divina gratia, protegatur a manibus eorum, qui
protegero Grosulanum, voluntatem Dei occultare vo-
luerunt, & volunt. Itaque (sicut idem *Landulfus* at-
texit Cap. 24.) delatus est ipse Presbyter ad Pontidii
Monasterium, me nesciente. In quo Monasterio coram
Monachis & Fratribus a festo Sancti Nicolai (Myren-
sis nimirum Episcopi die sexta Decembris; nec enim
Tolentinas adhuc in lucem prodierat) usque ad festum
Epiphaniæ Domini splendide vixit.

CCCXVII. Spargitur interea rumor, Grosulanum
ab Jerosolymis redire: Jordanusque Archiepiscopali
Stola insignitur. Igitur, Presbytero *Liprando* posito
in Pontidii Monasterio (prosequitur *Landulfus* Cap. 25.)
fama de GROSULANO REDEUNTE AB JE-
ROSOLYMIS aures Jordani & Ordinariorum ejus
implevit. Et Mamardus Taurinensis Episcopus iterum
Mediolanum venit: atque Stola, quam in præcedenti
Anno sine sacramento Jordano dare noluit, neque dedit,
nunc, videlicet in festo Sancti Nicolai, quando Presby-
ter *Liprandus* Pontidium intravit, SUPER ALTA-
RE SANCTI AMBROSII POSUIT, ET JOR-
DANUS OSCULANS EAM DE IPSO ALTA-
RI ASSUMPSIT. Quæ positio & assumptio, absen-
tibus Ordinariis & Primiceriis, facta fuit. Uno igitur
eodemque Christi Anno, juxta nostram e Calen-
dis Januarii supputationem duodecimo, Mamardus
Jordano Stola injurato dare noluit, atque etiam
postea jurato denique dedit: sicut e contextu liqui-
dissime jam constat. Verum tamen a *Landulfo* mox
dicebatur eam illi dare noluisse in præcedenti Anno,
quam utique tandem dederit in subsequenti. Quid
ita? Nimirum eam illi Mamardus dare injurato no-
luerat ante Incarnationis Dominicæ diem, Martii
demum exacti vegeſimam quintam: e qua scilicet
die Annum ipsum Christi duodecimum *Landulfus*
computabat. Nec enim aliter ipse nobis videtur in-
terpretandus, ne forte in Anno illo indicando lap-
sus memoria, vel calamo saltem, admittatur.

CCCXVIII. Anno Christi decimo tertio supra
centesimum Millefimum in Pontidii Monasterio Pres-
byter *Liprandus* moritur in Festo Epiphaniæ Domini.
Atque in ejusdem Festivitatís nocte (*Landulfus* narrat
Cap. 24.) quando spiritum emisit, magnus & suavis
splendor domum, in qua jacebat, admirantibus circum-
stantibus illustravit & illuminavit: & sic ipse prædi-
caverat Fratribus. In illa hora, quando corpus ejus fe-
rebatur ad sepulchrum, Solis splendor aërem illumina-
vit, & nubes cum nive cessavit. Ipso quoque Presbytero
existente in vita, cum Jordanus & cæteri Grosulanistæ
calumniabantur eum, & suam legem, nobilis miles Pla-
centinus de faucibus mortis ad laudem ejus ereptus est.
Quia cum miles ille esset quasi in somno, sensit hunc
Presbyterum palpare guttur suum; & statim evomuit os
piscis, quod suffocabat eum. Eodem etiam tempore,
cum domus cujusdam sui affinis & sibi attrahentis arde-
ret, repente imber fuit, & paleam & domum ipsius
Presbyteri integre servavit. Quod si currerem per sin-
gula, quæ fecit; ad laudem ejus deficeret quidem spiri-

tus meus. Hæc *Landulfus* ibi: qui Cap. item 14.
mirabile quiddam de hoc eodem *Liprando* narraverat.

CCCXIX. Sicuti vero fama velocior Euro jam
sparserat; sic etiam re ipsa Mediolanum Grosulanus ab
Jerosolymis redibat. Quocirca jam enses & lanceæ
acuebantur; ut, cum ipse advenisset, Jordanus ab
Sede Archiepiscopali ejiceretur. Sed & Jordanus vi-
cissim homines ad se tuendum colligebat, vel etiam
promptos manu, & bello satis opportunos. Sic enim
Landulfus Cap. 25. testatur; sic etiam inde factum
scribit, ut Monasterii hujus Abbas disceſſerit. Prout
quibusdam placet (inquit ille) non debet esse absurdum,
QUOD GULIELMUS VENERABILIS AB-
BAS HOC IN TEMPORE, subridens & condo-
lens de his casibus Clericorum Pontificum Militum &
Civium, DESERVIT SANCTI AMBROSII
MONASTERIUM, & rexit & regit Abbatiam
Monasterii Sancti Solutoris, constructam in Episcopatu
Taurinensium.

CCCXX. Grosulanus ergo Mediolanum tandem in-
greditur. IN AUGUSTO (inquit *Landulfus* Cap.
26.) qui fuit octavus mensis ab illo, in quo Presbyter
Liprandus obiit. IN ISTO ENIM MENSE ET
GROSULANUS JEROSOLYMIS REDIIIT,
ET PRIUS POST LEGEM FACTAM DE EO
IGNITAM (quando scilicet *Liprandus* per ignem
transiit illæsus) INTRAVIT MEDIOLANUM
(quid apertius, ut probemus, ipsum Henrici Coro-
nationi non affuisse) ibique tunc ad locum, UBISAN-
CTUS VICTOR CARCERATUS FUIT, suos
labores, suosque thesauros Sacerdotibus & viris quos si-
bi putabat fideles, explicavit: & explicando induxit be-
nignitatem, qua pavit & induit Jordanum, quem fe-
cerat Subdiaconum. Videbant etiam instare adversus
Jordanum; eo quod dicebat, eum sibi jurasse & de-
jerasse. Quod fortis & valida turba Jordani non
sustinuit: sed assumptis armis maximum insultum in
Grosulanum, fecit ipsius autem Grosulani caterva un-
dique concurrens, ferendo & inferendo vulneratio-
nes, orbitationes, & occisiones multas in equis & in
hominibus, fortiter & prudenter ipsum Grosulanum
per quindecim dies in Turribus de Porta Romana
(quam pariter ad Portam carceri olim mancipatus
dicitur Sanctus Victor) servavit. Plurima igitur
utrinque strages. *Anselmus de Pusterla* suadet, ut le-
gitima Synodus dirimendæ liti congregetur; sed in
hujus consilii mercedem a Jordano excommunica-
tionem reportat, ut habetur *Landulfi* Cap. 26. & 27.

CCCXXI. Sicuti ex eodem Cap. 27. habetur,
Grosulanus a Jordano accepta ingenti pecuniæ sum-
ma, neque tantum cum suis, sed etiam cum Jorda-
nistis communicata, Mediolanum exiit, atque Pla-
centiam adivit: ibique in Monasterio Sancti Marci,
quod est de Congregatione Vallis Umbrosæ, hospitatus
invenit Ardericum Laudensem, quem fecerat sibi Vica-
rium, in victu & vestitu ejusdem Congregationis Mona-
chorum &c. Quocirca vel hinc etiam tu videas, Lector,
hujus Episcopi exitum. Quid si vero Vallumbrosanus
pariter Monachus fuerat Grosulanus, antequam
in Episcopum Saonensem eligeretur? Talis utique no-
bis ille videbatur Num. 284. & 291. ac præterea e
Landulfi Cap. 4.

CCCXXII. Baronius ad Annum Christi Millefi-
mum centesimum decimum sextum e *Conradi* Ab-
batis *Urspergensis* Chronico (floruit autem hic Au-
ctor post Millefimum ducentesimum Christi Annum)
exscribit Acta Concilii Romani ac Lateranensis, quod
a Paschali Secundo Papa pridie Nonas Martii Feria
secunda hoc ipso Anno congregatum fuit ad hoc
etiam, ut controversia de Archiepiscopatu Mediola-
nensi Grosulanum inter ac Jordanum tandem aliquan-
do dirimeretur. Quoniam igitur exinde jam (sicut
& apud Sigonium eodem ipso Anno) in promptu sunt
ejusmodi Acta; eadem hic nobis potius, publicæ lu-

luci nunc primum data, recenseat *Landulfus* noster *De Sancto Paulo*, qui Concilio ipsi præsens interfuit; prout idemmet ipse narrat Cap. 29. Ego itaque (inquit) *mœrens de hac intrusione* (quippe *Nazarius Muricula*, jam factus *Primicerius*, alterum sui loco intruserat in Ecclesiam Sancti Pauli IN COMPITO, quam juris esse sui *Landulfus* contendebat) & omnis Ecclesiastici Beneficii & officii in me facta expoliatione, ivi ad Synodum, quam Papa Paschalis pro causa *Grosulani* & *Jordani Romæ* celebravit. In qua supradictus *Anselmus de Pusterla* secundum suam dignitatem honestum locum habuit, & sedit; sed neque pro *Grosulano*, neque adversus *Jordanum*, verbum bonum aut malum protulit. *Jordanus* vero a principio Synodi usque in finem sedens & silens a dextera Apostolici, nullo mediante. in ipsa Synodo fuit. At *Grosulanus*, ibi stando & sedendo inter Archiepiscopos & Episcopos, ceu vir prudens intendebat ad destruendam *Jordani* impositionem, & conversionem eorum, qui ipsam fecerant impositionem: & intendendo ad ista, egregie loquebatur de positione & restitutione sua, qua positus & restitutus fuit in *Mediolanensi Ecclesia*. Cui viro, homo, qui in ista Synodo sive in *Lateranensi Palatio* contradixerit, certum locum non habuit. Sed Dominus Papa Paschalis, quasi affectans reddere illum placabilem Deo & sibi, ejus scientiam ejusque facundiam commendabat: atque labores, quos ipse Papa per se suosque Legatos Romæ & per *Longobardorum Provinciam* pro ipso *Grosulano* sustinuerat, coram Synodo referebat: & ad leniendam duritiam & asperitatem eorum, qui nec positionem nec restitutionem *Grosulani* susceperant vel suscipiebant, non solum de *Presbytero Liprando* ejusque lege mentionem faciebat, sed ruinam *Gabutæ* (de qua nos jam Num. 301.) introducebat. Quæ ruina tunc apparuit, quando ipse *Grosulanus* juravit, & ad accipiendam restitutionem ascendit. Insuper inferebat, quod *Grosulani* translatio de *Episcopatu Saonenfi* ad *Archiepiscopatum Mediolanensem* utilitatem non contulerat. Quos casus *Grosulanus* clypeo Ecclesiasticæ consuetudinis & legis a se quodammodo repellebat. Veruntamen Dominus Papa, nec Synodus, neque in prima, neque in secunda, neque in tertia, sive in quarta die Synodi, *Grosulano*, per singulos dies pro se suaque causa in *Palatio* & Synodo agenti, non satisfecit. Sed *Grosulanus* in quinta die (Sabbati vero dies erat, eo quod Feria quinta Pontifex in Concilio non sedisset, uti narrat *Urspergensis*) qui fuit ultimus illius Synodi, Apostolico instanti suis cum prædictis objectionibus flendo inquit: Domine, Domine, veniam ad Vos; quamvis ii, quibus dedisti potestatem judicandi causam meam, me non diligant. Tunc *Portuensis Petrus Episcopus* se & cæteros habentes hanc potestatem de malevolentia habita in *Grosulanum* honeste & sufficienter excusavit. Et cum excusasset, in communi concordi illius excusantis & cæterorum habentium potestatem istam prolata fuit Sententia: quæ prohibuit *Grosulanum Mediolanensem Ecclesiam* inquietare: & ad *Episcopatum* dixit ei redire. Hactenus e *Landulfo Acta* hujus Synodi, quantum quidem ad nostratam controversiam spectant: a quibus ne Abbas quidem *Urspergensis* quippiam dissentit, reliquas item persecutus itylo causas in Concilio agitas.

CCCXXIII. *Jordanus* vero (hinc enim *Landulfi* Caput 30. incipit) audita & publicata illa Sententia de redeundo *Grosulano* ad *Episcopatum* (Saonensem) coram ipsa Synodo theatrum ascendit, & ibi ad pedes Apostolici stratus grates illi reddidit: & elevatus ab ipso Apostolico gratiam & Virgam Pontificalem in ipso theatro suscepit. Altera vero die ipse *Jordanus Archiepiscopus*, monitus a *Landulfo Ateni Episcopo* & quibusdam aliis Episcopis, in quadam Ecclesia *Lateranensi*, vivo & deposito quondam Episcopo *Armano Brixienfi*, ordinavit *Brixensem Electum* in Episcopum, nomine *Villanum*. In qua Ordinatione secundum Ordinis mei officium legi Lectionem de Libro *Exodi*: atque Mitram,

A de capite illius *Villani* casu ruentem, in ipsius capite firmavi. Quæ quidem a nobis in gratiam *Brixiensum* superaddita sint. Forte siquidem ipsis nullatenus displicebit hinc etiam suorum Antistitem Indicem Chronologicum vel emendare, vel ad minus illustrare.

CCCXXIV. Eodem Anno Millesimo centesimo decimo sexto *Jordanus*, *Mediolanum* reversus, *Henricum Imperatorem*, *Joanne Cremonense Cardinali Romano* præcipiente, e suggestu Basilicæ Metropolitanæ Sanctæ Theclæ denunciavit excommunicatum. Ita siquidem affirmat *Landulfus* Cap. 31. Tametsi vero causam reticeat; nos tamen nihil ambigimus, quin eadem illa fuerit, propter quam in multis alibi Conciliis ac nuper in *Romano* (sicut ex *Urspergensis* constat) excommunicatus ille fuerat; quia scilicet, quando Romæ demum fuerat pro capeffenda Imperiali Corona, tam indigne Pontificem Cardinales ac Romanos tractasset.

CCCXXV. Sequenti Anno in *Longobardia* guttæ sanguinis ad modum pluvie de cælo descenderunt, monstrosi partus & alia multa prodigia in aëre, in aquis, in montibus, in planitiis, filvisque visa, & subterranea tonitrua ingenti cum pavore audita fuerunt; sicuti narrat Cap. 31. *Landulfus*. Quibus de rebus pariter hoc Anno *Sigonius* agit. Quo pariter Anno *Bossius* in Chronico *Mediolanensi* asserit die tertio Januarii terræ motum per universam Italiam fuisse, Provinciale sic etiam Concilium *Mediolani* convocatum. *Longobardorum* autem Civitates (eodem Cap. 31. subdit *Landulfus*) & earum Pontifices, audita Legatione *Jordani Archiepiscopi* & Consulum ejusdem Urbis, in statuta die convenerunt *Mediolanum* IN PRATO SANCTO, QUOD DICITUR BROLIUM, ubi Archiepiscopus & Consules duo theatra constituerunt. In uno Archiepiscopus cum Episcopis & Abbatibus & Ecclesiarum Prælatibus stetit & sedit: in altero Consules cum Juris Legum & Morum peritis. Atque in circuitu eorum affuit innumera multitudo Clericorum & Laicorum, mulierum quoque & virginum, expectantium sepelitionem vitiorum, & suscitationem virtutum. Hæc autem atque hujusmodi alia hoc ipso terræ motus tempore agebantur *Mediolani* non ultra decem menses ac dimidium, antequam Paschalis *Landulfi* Cap. 32. Mortuus autem ille fuit Anno decimo octavo supra Millesimum centesimum, medio mense Januario. Quamobrem Concilium illud ac terræ motus in superiorem Annum inciderunt decimum septimum, circa finem Februarii. De quo quidem terræ motu nequitiam nobis tacendum est illud, quod neque tacuit hoc Anno *Baronius* Art. XI. e *Rogero de Hoveden* hoc ipso Anno in *Annalibus Anglorum*. Apud *Longobardiam* (inquit) magno terræ motu facto, &, ut testati sunt qui novere, quadraginta dierum spatio durante, plurima domorum edificia corruerunt. Et, quod visu dictaque constat mirabile, Villa quædam prægrandis mota est repente de statu proprio, jamque ab omnibus in loco longe remoto consistere cernitur. Præterea vero etiam: Viri *Mediolani*, Patriæ dignitatis, dum de Republica tractantes sub una residerent Turri; auribus omnium vox foris insonuit, unum ex illis nomine vocans, & festinato exire rogans. Quo tardante, persona quædam apparuit: quæ vocatum virum. ut egrederetur, prece obtinuit. Exeunte illo, Turris repente cecidit: & omnes, qui ibidem erant, casu miserabili oppressi.

CCCXXVI. Superiore Anno Romana Synodus *Grosulano* mandaverat, ut ad *Episcopatum* suum Saonensem rediret; uti Num. 322. dicebamus. Ipse autem (sic enim protinus Cap. illo 29. narrare pergit *Landulfus*) non ad Saonam ivit; sed in ipsa Urbe (Romæ) apud Monasterium, quod dicitur SANCTI SABOTH, per annum unum & menses quatuor ut Episcopus



Episcopus vixit; atque ibi sepultus est octavo Idus Augusti. Quamobrem hoc ille obiit Anno Millesimo centesimo decimo septimo. Passim tamen nostrates alii Scriptores *Grosulanum* asserunt *Romæ* sepultum fuisse ad Sanctum *Sebastianum*. In his est *Gualuanus Flamma* in *Chronico Majori* Cap. 251. ubi etiam procul a vero addit obiisse Anno Domini nono supra Millesimum centesimum: *Donatus Bossius* in *Catalogo Archiepiscoporum*: *Catalogus* item ipse *Actis Ecclesiæ Mediolanensis* innexus: *Catalogus* item, cui nomen *Successores Sancti Barnabæ*: sic etiam duo illi, quorum unum nobis *Archipresbyter Metropolitani*, alterum vero *Civitatis Secretarius* commoda-
vit. In quo quidem postremo præterea legitur ejusdem *Grosulani* Epitaphium, a *Fontana*, superad-
ditarum ibi *Notationum* auctore, adjectum tamquam ex *Appiani* Libro Epitaphiorum, & tamquam *Romæ* in Sancto *Sebastiano* existens. Ut nostris etiam *Lectoribus* innotescat, en illud:

Insubrius patria Chrysolaus gentis alumnus

Ambrosiæ Præsul Religionis eram.

Romana lassio pro te, non Itala tantum,

Lustrata est omnis Parrhasis ora mihi.

Invida mors meritum, nihil est, quod tollis honorem;

Pensata æternis sunt mea damna bonis.

Hic idem *Grosulanus*, *Joanni Trithemio Grosolanus*, ab ipso mirifice in Libro de *Scriptoribus Ecclesiasticis* commendatur eo etiam titulo, quod adversus *Græcos* eruditissime Librum scripserit *De Spiritu Sancto*. Forte fortuna *Baronius* hunc ipsum, tametsi truncatum, nactus edidit inter *Acta* Millesimi centesimi decimi sexti Anni, multaue subinde in ejus laudem contraxit. Ceterum Art. 7. censuerat, hæc de *Spiritu Sancto* (sive de ipsius processione a *Patre Filioque*) a *Chrysolano* in Oriente disputata, & quidem coram Imperatore *Alexio Commeno*, ad quem fuisset a *Romano* Pontifice legatus; tametsi Legationis ejusmodi causam se nescire fateatur. Atqui nos adhuc, non aliquam Legationem Apostolicam, sed potius ab Urbe *Medialano* secessionem, ac velut exilium (sicuti supra dictum est) agnoscimus occasionem illi fuisse, qua illic talia contra *Græcos* disse-
ruerit.

CCCXXVII. Cum *Paschalis* Papa Secundus Anno Domini Millesimo centesimo decimo octavo, die quinto decimo *Calendas Februarii* mortuus fuisset; *Cardinales* illico in ejus locum substituerunt *Joannem Cajetanum*, atque *Gelasium* Secundum appellarunt. Contra vero *Henricus* Imperator die post *Gelasii* electionem quadragesimo quarto alium quendam, e primævo *Burdini* nomine *Mauritium* Episcopum *Bracharensem*, indito *Gregorii* Papæ Octavi nomine in Apostolicam Sedem intrusit. Et hæc quidem satis abunde *Landulfus* quoque noster Cap. 32. recenset. Quo denique ibidem teste, *Imperator* iterum ad *Germaniam* rediens, ipsum *Gregorium* suum Papam in *Sutrina* Civitate quasi securum duxit. Priusquam tamen in *Germaniam* rediret, ibi propterea denunciatus jam fuerat excommunicatus in duobus Conciliis, uno *Colonienfi*, altero *Fritslariensi*, congregatis per Apostolicæ Sedis Legatum, illuc a *Gelasio* celeriter directum, *Cononem* videlicet *Prænestinum* Episcopum. Videatur hoc ipso Anno *Baronius* Art. 20. *Abbat* *Urspergensis* testimonio utus.

CCCXXVIII. Sequitur Cap. 34. *Landulfus*: Ubi *Imperator* a *Roma* exiit, & se a prædicto Papa *Gregorio*, sive *Burdino*, prolongavit; mox manus *Guidonis Comensis* Episcopi, ejusque *Militum* & *Civium* violenter apprehendit *Landulfum Carcanensem*, *Mediolanensis Ecclesiæ Clericum Ordinarium* & *Ministram*: & in ipsa apprehensione interfecit *Otthonem*, ejusdem *Landulfi* nepotem, & *Urbis Mediolanensis* egregium *Capitaneum*. Hinc *Jordanus Pontifex Mediolanensem Concionem Militum* & *Civium clamantium in Cumanos intra-*

A vit: ibique connumerando, & lamentando quam plura mala, quæ *umani* fecerant in rebus etiam *Mediolanensis Archiepiscopatus*, ipsam turbam *Concionis* ad faciendam vindictam inflammavit. Eodem quoque tempore *Pontifex Jordanus* obsecratis januis *Ecclesiarum* suo *Populo* negavit introitum, nisi materiali gladio vindicaret *malitiam Cumanorum*. Demum ad sonitum vocis & jussu hujus Pontificis *Mediolanensis Populus* cepit facere *guerram Cumanis*: atque in primo exercitu, quo *Mediolanenses castrametati sunt* in *Canneto*, *Civitatem ipsam Cumanam* occupaverunt: ipsumque *Landulfum*, qui *Investituram Cumanæ Episcopatus* a Rege, & *Ordinationem* a *Patriarcha Aquileiensi* suo *Metropolitano* susceperat, de *captione* liberaverunt. Hoc igitur Anno supra Millesimum centesimum decimo octavo coeptum est a *Mediolanensibus Comense* bellum; non autem vigesimo; sicut *Sigonius* scribebat. Certe verò atrox illud & sævum ac diuturnum fuit.

CCCXXIX. *Marchiones* vero & *Comites Longobardiæ* (subdit paulo post *Landulfus* eodem Cap. 34.) in hac tempestate convenerant *Mediolani*, ut ibi coram *Episcopis Suffraganeis* & *Comprovincialibus* explicarent *Imperatoris innocentiam*, & ipsum *Imperatorem* perducerent in *Archiepiscopi* & *Episcoporum* benevolentiam. *Episcopi* itaque confedentes in *Palatio Mediolanensi* una cum *Archiepiscopo* attente audierunt *Marchiones* & *Comites* fideliter loquentes de *Domino* suo: propter quorum verba quam plures arbitrati sunt, *Imperatorem* esse alienum ab *excommunicationis* culpa. Sed cum *Archiepiscopus* & *Episcopi* contentiose adversus *Marchiones* & *Comites* *Duces* & *Reges* disputarent; *Milites* & *Cives Mediolani* in *atrio Ecclesiæ* jurabant facere *guerram Cumanis*, donec *Vicum* & *Coloniolam* destruerent, *Civitatem* quoque ipsam dissiparent.

CCCXXX. Sequitur *Annus Christi* supra Mille-
simum centesimum decimus nonus: quo *Gelasius* Secundus Papa mense moritur *Januario*, & post paucos inde dies *Callistus* illi Secundus substituitur. De
cujus Concilio *Rhemensi*, atque Colloquio cum *Imperatore Landulfus* noster in extremo *Capitis* 33. suam exprimens, quando hæc scribebat, ætatem, plura (inquit) scribere *digitum meæ sexagenariæ ætatis* non constringo. Congregatum autem illud fuit decimo tertio *Kalendas Novembris*. De quo *Baronius* hoc eodem Anno ab Art. 8.

CCCXXXI. De hoc eodem loquens Anno *Tristanus Chalcus* hæc scribit: *Sequenti Anno Mediolanum* venerunt tres religione insignes *Viri*, *Thebaldus* Prior, *BERNARDUS* Monachus (sic enim grandioribus etiam, præcellentis gratia, rubrisque characteribus solius *Bernardi* nomen in Auctoris autographo vidimus efformatum) & *Landulfus* eorundem socius: qui *Populum* in *Theatro* sedentem præstolati (durabat enim adhuc antiquissimi operis usus) prodierunt in medium: & gratis actis, quod eorum omnium consensu & impensa fundatum extractumque foret in *Bergomatium Vico* Pontida Cænobium in honorem *Divi Jacobi*, idque jam commodum & habitatorum capax; rogarunt, ut in super vellent juberentque immune & liberum servari ab ipsis oneribus & vectigalibus, quibus prægravari interdum prædia solent. Id quod exaudientes universi, una voce juciamarunt: FIAT, FIAT. Inibique publicæ *Tabulæ* traditæ fuerunt: jussique omnes sive *Cives*, seu *Capitanei*, seu *Valvassores*, nihil omnino ex *sacrat*is *Deo* dicatisque Cænobio opibus attingere. *Subscribere* *Diplomati* (ut qui mos foret tunc *Tabulas* conficiendi) quinque & viginti *Viri* &c. quos ipse videlicet fingillatim enumerat; sicut & *Bernardinus Corius* ad eundem Annum. Sed quisnam, obsecro, *Bernardus* ille Monachus erat? Vel ea profecto characterum amplitudine videri poterat *Chalcus* non alium indicasse *Bernardum*, quam *Clarævallensem* Abbatem, velut hoc jam tempore apud *Mediolanenses* quoque celeberrimum. Sed omnem postea dubitationem ille etiam
fustu-

fulsit, qui marginales Notas Indicemque totius Operis concinnavit. Utrobique siquidem aperte hunc esse Sanctum illum Abbatem significavit. *Corius* porro tam luculenter & expresse id ipsum, ut nullo præterea possit egere Interprete. Post factam enim Anni Millefimi centesimi decimi quinti mentionem, vide, obsecro, quid loquatur juxta versionem hodiernam e Lombardo illo sui temporis Idiomate. *In Milano* (sic enim habet) *giugnendo al fine de' suoi giorni Giordano da Clivio Arcivescovo, fu eletto Bernardo Monacho: il quale tal' dignità non vol se accettare, come diremo di sotto. Persuase ben' à volere conceder' à Milanese l'essentione della Chiesa di San' Giacomo in Pontida nella Diocesi Milanese, edificata da loro; come si vede per l'antiche Tavole, date nel Theatro di Milano, & sottoscritte da trentacinque Nobili Milanese l'Anno Mille cento diecinove &c.* Multa porro de hoc Sancto Abbate profectus, ita etiam subdit: *Bernardo non volendo dunque accettar' l' Arcivescovado; fu posto à tanta dignità Anselmo da Pusterla &c.* *Gaspar Bugatus* Historiæ suæ Universalis Lib. 3. liberius adhuc eo usque progreditur, ut de hoc Sancto Abbate disertis verbis ita pronunciet: *Glifù dato ancora il Monastero di San' Giacomo di Pontida nel Bergamasco: nel cui favore sottoscrissero Eriprando & Marchesio Visconti.* Atqui nos ex adverso negamus in primis, *Jordanum* Archiepiscopum Anno isto supra Millefimum centesimum decimo nono obiisse. *Jordano* præterea defuncto sublectum negamus ejusmodi Sanctum Abbatem. Similiter eundem negamus *Mediolanum* venisse, non modo antequam *Innocentius Secundus* Anno trigesimo Pontificatum iniret *Romanum*, sed & ante Annum trigessimum quartum. *Cisterciensi* Monasterium ille videlicet inierat Anno *Christi* supra Millefimum centesimum decimo tertio, annos natus circiter duos & viginti; ex ipsius Vita, ejusdem Operibus adjecta, Lib. 1. Cap. 4. Quinto decimo mox Anno fundatur *Clarevallense* Monasterium, & Abbas eidem præficitur Sanctus *Bernardus*; Cap. 5. & ex *Auriberti Miræi* Chronico *Cisterciensi*, præterea vero e *Claudii Roberti* *Gallia Christiana*, in *Abbatiarum Gallie* Nomenclatura. Postquam vero aliquantos ibi expleffet annos, primum edidit mundo celebre miraculum; Cap. 9. Ad hæc non ille ccepit, seu communibus Ecclesiæ necessitatibus, seu charitate Fratrum, seu obedientia Majorum, ad remotas protrahi Regiones; nisi postquam multis jam florebat miraculis in *Clarevalle*, vicinisque Civitatibus ac Regionibus; Cap. 13. Interest deinde Concilio *Pisano* (ex ejusdem Vita, Lib. & Cap. 2.) quod Anno trigesimo quarto celebratum fuit. Eodemque soluto Concilio, *Mediolanum* prima vice venit; eodem Lib. 2. Cap. 2. & 3. Sic etiam rursus hoc ipso Anno huc redit. Quamobrem Cap. 4. sic legitur: *Cum SECUNDO per Mediolanum eodem Anno Pater Sanctus transfret; oblata est ei Dæmoniaca mulier. Nam eo tempore aberat, quo PRIMUM Vir Dei Civitatem prædictam sua illustravit presentia.* Sed hæc manifestius etiam e sequentibus constabunt. Quid, quod etiam (uti jam diximus Num. 316.) non *Cisterciensis*, sed *Cluniacensis* jam Ordinis erat durabatque *Pontidense* illud Monasterium; e quo *Bernardus* ille Monachus teste *Chalco*, *Mediolanum* venit? Quod si *Thebaldus* ille non alterius Monasterii, quam ejus *Pontidensis*, intelligendus est tunc fuisse Prior; quidni etiam ejusdem Monasterii Monachus, atque adeo *Cluniacensis* etiam Monachus tunc fuisse censeatur comes ejus *Bernardus*? Per hæc igitur, & ejusmodi alia, quibus interim superfedemus, argumenta nos quidem concludimus, non Sanctum *Bernardum* Abbatem *Clarevallensem*, sed alterum *Bernardum* ex Ordine *Cluniacensi* Monachum ipsiusmet Monasterii *Pontidensis* eum fuisse, qui Privilegium ejusmodi hoc Anno decimo nono supra Millefimum centesi-

A | mum a *Mediolanensibus* pro suo illo Monasterio impetravit.

CCCXXXII. Anno *Christi* supra Millefimum A.C. centesimum vigesimo *Callistus* Papa, sicut ex *Histo-* 1120.
ria Pandulfi recitat *Baronius* Art. 3. e *Gallia Roman* tendens, iter suum versus *Italiam* direxit. Et veniens (inquit) ad *Montem Pessulanum*, processit ad Sanctum *Ægidium*: peragratisque *Provinciae* partibus, & *Alpium* difficultate transensa, AD SANCTUM AMBROSIIUM CUM JUCUNDITATE PERVENIT. Quid autem *Pandulfus* per SANCTUM AMBROSIIUM intellexerit: hoc infra nobis intelligi dabitur commodius. Oppidum scilicet illud est prope *Susam*, eo nomine appellatum, sicut & primaria ejusdem Oppidi Ecclesia. Sequitur *Pandulfus*: Undique igitur ad eundem Pontificem conflente multitudo *Populorum*, eum tamquam *Christi Vicarium* eximio prosequabantur affectu, ad ejus vestigia certatim se devotissime prosternebant. Descendens autem ad populosas *Longobardiæ* Civitates, in quibus non minus honorifice recipiebatur, & perquam devotissima veneratione tractabatur, per *Montem Bardonis* transiit in *Tusciam*. &c. Accipe vero nunc, quid hic noster *Landulfus* Cap. 35. *Guerra* (inquit) *Cumanorum* & *Mediolanensium* durante, atque eorum Pontificum & Consulum vidi Domnum Papam *Callistum* & *Jordanum* Archiepiscopum cum pluribus Ecclesiasticis & Sæcularibus Viris illustribus confedere in *Terdonensi* Palatio: in quorum præsentia querelæ meæ causam protuli, scilicet de Domno *Jordano* &c. *Jordanus* quippe Pontifici occurrerat propter eos, qui infidiabantur gratiam Imperatoris: Pontifexque ipse cum eo invenire cupiebat, quemadmodum propere ac prospere *Roman* adire, sedemque ibi Apostolicam obtinere valeret; uti narrat idem *Landulfus*. Erant autem *Quadragesimales* dies ac proximi *Dominicæ Palmarum*. *Jordanus* itaque (verba sunt ejusdem *Landulfi*) ejusque cæcis locutus de sua opulentiâ in illa vespertina hora, & die altera Palatium descendit: atque in tertia, quæ dies fuit *Dominica de Ramis Palmarum*, in Ecclesia Sancti *Martiani* cum suis Suffraganeis *Petrum Terdonensem* Electum, licet modo abjectum, in Episcopum ordinavit. Et paulo post: In die autem altera, quæ fuit secunda *Feria*, Domnus ipse Electus Papa *Terdonem* exiit: cum quo *Olricus Vicedominus Mediolanensis*, *Jordano* Archiepiscopo revertente *Mediolanum*, usque *Placentiam* ivit. Et in fine Capituli ejusdem: Post hoc *Paschalis Festum Romani* propere & solemniter susceperunt ipsum Papam *Callistum*: & ipse cum Romanis comprehendit *Burdinum* Papam (sive Antipapam) deinde & in loco, qui dicitur *Cana*, posuit comprehensum. Comprehensus ille tamen & in carcerem trusus fuit Anno tantum sequenti, ut docet *Baronius*.

CCCXXXIII. Nostratum Scriptorum communis opinio est, *Jordanum* Archiepiscopum sedisse annos octo, totidemque menses, vel etiam novem, vel etiam præterea tres dies: ipsumque similiter obiisse mense *Octobri*, sive quarta, sive sexta mensis ejusdem die: necnon etiam in *Ambrosiana* ista Basilica sepultum. His ergo per nos item admissis, *Jordanum*, ineunte Anno *Dominicæ Nativitatis* Millefimo centesimo duodecimo electum, sicuti Num. 315. jam vidimus, facile itidem obiisse arbitramur hujus Anni supra Millefimum centesimum vigesimi mense *Octobri*, nec multo post suffectum ei fuisse *Olricum*. Quem alii communiter nominant *Henricum*; Catalogus autem *Successores Sancti Barnabæ Honorium*; sicut & *Honorium* *Carolus Sigonius* Anno supra Millefimum centesimum decimo septimo & vigesimo tertio, itemque *Claudius Robertus* in *Secunda Parte Appendicis* ad suam *Galliam Christianam*. De *Jordani* obitu, deque *Olrici* electione in ejus locum, *Landulfus* noster hæc solummodo habet Cap. 36. *Deus omnipotens neque per Litteras Domini Gelasii* (quas

(quas non procul ab initio superioris Capitis recitaverat) neque per Legatum Callisti (Olricum nempe Vicedominum, de quo prope finem proxime dixerat) Jordanum mihi suavem sive benignum fecit. Sed de Mundo illum tulit; & gratia Presbyteri Nazarii Primicerii, & ceterorum, quos suspectos habebam & habeo, Orlicus Vicedominus Jordano successit; qui fere simili modo me gravavit, ut Jordanus.

A.C.
1122.

CCCXXXIII. Callistus Papa Millesimo centesimo vigesimo secundo Anno intra Quadragesimam Concilium Lateranense celebrat: cui trecentos & amplius Episcopos interfuisse testatur, qui pariter intererat, Sugerius Sancti Dionysii Parisiensis Abbas, in Vita Ludovici Regis. Tam frequens vero nobilisque Patrum Conventus in eo multus fuit, ut Ecclesiam Dei, diuturnis schismaticorum factionibus labefactam, in pristinam restitueret disciplinam; sicuti loquitur in hunc ipsum Annum Baronius; apud quem ipsius Acta cernere licet. Concilio eidem affuit etiam Orlicus noster Archiepiscopus: & quomodo contra Ravennatem Archiepiscopum, itemque pro Henrico Imperatore ibi se gesserit, e Landulfo nostro, ibidem similiter tunc praesente, sic accipe; videlicet ex eodem ipsius Capite 36. Verumtamen illo Orlrico Archiepiscopo sedente in Roma tunc, cum Papa Callistus Synodum Romae celebravit, ego, ab Ecclesia mea exturbatus, & propriis meis rebus & alodiis expoliatus, coram Domino Papa Callisto, ejusque Curia, con-sedente in Lateranensi Palatio, causam meam notavi: & ut eam explicarem in Synodo, Synodum intravi. In qua Synodo, gratia antiquae honestatis Mediolanensis Ecclesiae & condiscipulatus Orlrici, valde condolui de perturbatione, quam Ravennas Archiepiscopus faciebat sibi. Poscebat enim Ravennas locum sedendi in Synodo ad dexteram Apostolici, nullo mediante. Quem locum Grosulanus possedit, quando restitutus fuit. Jordanus quoque, qui Grosulano successit, eundem locum habuit tunc, quando idem Grosulanus eundem Jordanum deponere studuit. Hac itaque ratione, & multis aliis, quae tunc in memoria non habebantur, Dominus Orlicus Mediolanensis Archiepiscopus locum illum obtinere non dubitavit. Sed tamen ipse Mediolanensis Orlicus in secunda Feria, qua incepta & celebrata fuit Synodus, loco vacante, neque in Palatio neque in Synodo apparuit. Synodus vero tunc in tertia Feria non fuit, & idem Mediolanensis Palatium non intravit. Sed in quarta Feria, dum Synodus celebrata fuit, OLRICUS IDEM MEDIOLANENSIS ARCHIEPISCOPUS AD DEXTERAM APOSTOLICI CALLISTI, NULLO MEDIANTE, SEDIT. Sed & Capite mox 37. idem Landulfus ita prosequitur: Ego expectans alteram diem, convenientem meae causae meaeque querelae, ex improvise vidi & audiui, quod Dominus Papa gratia consecrandi Altare dissolvit Synodum in ipsa die Mercurii, nec ultra ab eo Synodum celebrari audiui nec vidi; sed sperans in Domino praesenti, quod DOMNUS OLRICUS MEDIOLANENSIS ARCHIEPISCOPUS, PROUT MORIS ET LEGIS CONSUETUDO EXIGIT, PRO REGE HENRICO ORAVIT, ET EI RAMOS PALMARUM per Landrianensem Thealdum, Mediolanensis Ecclesiae egregium Notarium, IN GERMANIAM MISIT. Ejusmodi ergo Synodi Actis haec item, quae ad Ecclesiae Mediolanensis splendorem proprie pertinebant, teste Landulfo, attexantur.

A.C.
1123.

CCCXXXV. Annum in praesenti aggredimur Millesimum centesimum vigesimum tertium: & hoc ipso multa nobis se offerunt. Abbatem in primis habemus Joannem, Gulielmo jam (de quo dictum est Num. 319.) successum. Orlrici pariter Archiepiscopi obitum cernimus, & ipsius loco Anselmum de Pusterla electum, nominis quidem hujus inter Archiepiscopos Quintum. Denique vero lites & contro-

versas hoc primum Anno nanciscimur inter hujus Basilicae Monachos & Canonicos antehac etiam obortas, sed & amice rursus compositas per Judices, quos vivente adhuc & consentiente Orlrico ambae partes mutuo consensu delegerant. Orlicum porro Scriptores nostrates communiter asserunt vita functum quarto die ante Junii Kalendas, nonnullique hoc ipso etiam disertissime Anno. A quibus tamen Scriptores nos in eo dissentimus, quod ejus Archiepiscopale regimen protrahunt aliqui ad quartum, alii ad quintum, vel etiam sextum annum. Nos utique contrahendum illud putamus, hinc quidem una cum ipsis intra mensem Majum Anni vigesimi tertii, inde vero una cum Landulfo intra vigesimi Octobrem; sicuti Num. denique 233. differebamus. At ne illud quidem nos admittimus, quod plerique asserunt, Pastoralem hujus Ecclesiae curam post Orlrici mortem hoc ipso Anno a Mediolanensibus demandatam Sancto Bernardo Claravallensi Abbati; sed ab ipso recusatam; proptereaque ab illis Anselmo denique traditam. Qua quidem in opinione fuerunt Collectores illorum quatuor Catalogorum, quos adhuc saepius produximus: Gualuanus Flamma in Manipulo florum, Cap. 165. qui tamen in Chronico Majori Cap. 255. hoc asserit factum nonnisi post ejusdem Anselmi mortem: Donatus Bossius in Chronico; qui tamen etiam ipse in suo Archiepiscoporum Catalogo electionem Sancti hujus Abbatis praemittit electioni Henrici, seu Orlrici; quemadmodum & Georgius Merula Lib. 3. Antiquitatis Vicecomitum praemittebat: Bernardinus Corius, a nobis Num. jam 331. productus; quamquam hic Jordano mortuo Anselmum, quia Sanctus Bernardus recusasset, immediate substitutum, nulla interim facta Orlrici mentione, comminiscitur: Sigonius De Regno Italiae, Anno Christi Millesimo centesimo vigesimo tertio: Gaspar Bugatus Lib. 3. Historiae suae Universalis: Joannis Franciscus Besutius in Historia sua Pontificali: Claudius Robertus in sua Gallia Christiana: & alii. Cur autem tot ejusmodi Scriptoribus hac in parte nos adversemur, & aliquid jam diximus Num. illo 331. & infra rursus differemus in Annum Christi Millesimum centesimum trigessimum quartum: cui quidem Anno talem Sancti Bernardi electionem adjudicamus.

CCCXXXVI. Unde nam vero lites illae Monachos inter & Canonicos fuerint obortae, quove tandem modo sopitae, ipsamet Judicum in id electorum Sententia, ex archetypo exemplari deprompta, & sequentibus concepta verbis, nos abunde docebit:

Die Sabbati, qui est primus dies mensis Septembris, Civitate Mediolani, in Curte Cardinalium Majoris Ecclesiae, juxta Tribunam Sancti Stephani, qui dicitur AD FONTES. Tempore DOMNI OLRICI ARCHIEPISCOPI SANCTAE MEDIO-LANENSIS ECCLESIAE, in praesentia Cardinalium praedictae Sanctae Mediolanensis Ecclesiae, & Abbatum Monasteriorum istius Civitatis, & aliorum bonorum Hominum, quorum nomina subius leguntur, venerunt Amizo Archidiaconus, & Alberius Primicerius Notarium praedictae Sanctae Mediolanensis Ecclesiae, atque Nazarius Primicerius Presbyterorum Decumanorum, Lanterius Presbyter ac Praepositus Ecclesiae Sancti Georgii, quae dicitur IN PALATIO, & Orlicus Presbyter Ecclesiae Sancti Victoris, quae dicitur AD THEATRUM, & Johannes, qui dicitur Mantegacius: electi Judices consensu praedicti Archiepiscopi AB DOMNO JOHANNE ABBATE MONASTERII SANCTI AMBROSII, ET GIRARDO PRESBYTERO ET PRAEPOSITO CANONICAE IPSIUS ECCLESIAE SANCTI AMBROSII: ad diffiniendam, & pacificandam magnam litem & discordiam, quae erat inter eos de oblatione Altaris & totius Ecclesiae ipsius Sancti Ambrosii. Discordia enim talis erat. Di-

Paricellus.

R

cebat

cebat prædictus Girardus Præpositus, quod prædictus Abbas & Monachi injuste tenebant medietatem oblationis Altaris, seu ipsius Ecclesiæ Sancti Ambrosii. Ad hæc prædictus Dominus Johannes Abbas respondit: Nequaquam illam medietatem oblationis injuste tenebat, neque injuste habebat; sed rationabiliter habere & tenere deberet; & non solum ipsam medietatem, sed etiam totam oblationem totius Ecclesiæ in integrum habere & tenere deberet SECUNDUM INSTITUTIONEM ET ORDINATIONEM CATHOLICORUM MEDIOLANENSIVM ARCHIEPISCOPORUM. Sed quia DOMNUS WILIELMUS, ABBAS IPSIVS MONASTERII, qui fuit ejus antecessor, propter magnam discordiam, quæ suo tempore fuit de ipsa oblatione inter Monachos & Canonicos, & ne amplius inde adveniret, pactum & convenientiam fecit cum Canonicis ipsius Ecclesiæ, ut tota oblatio ipsius Ecclesiæ per medietatem in perpetuum dividatur inter eos æqualiter, sine fraude. Ad hæc Præpositus respondit, ipsum pactum & convenientiam nunquam fuisse. His ita auditis, tunc prædicti electi Judices interrogaverunt prædictum Dominum Johannem Abbatem, si ipse testes ex hoc pacto & convenientia haberet. Qui respondit: Habeo. Et præsentavit duos testes: Johannem scilicet, qui dicitur de Oldani: & Fradencionum, qui dicitur Bombelli. Et ipsi Judices electi per consensum ipsius Domni Archiepiscopi separatim interrogaverunt & inquisierunt ipsos testes. Et inquisitione facta, tunc ipsi testes ad sancta Dei Evangelia juraverunt, quod ipsi ibi fuerunt & audierunt, quod ipse Dominus Vuilielmus Abbas pactum & convenientiam fecit cum Amizone Presbytero, qui dicebatur Darmondi, & Presbytero Johanne Gambaro, & Johanne Gripo, Canonicis ipsius Ecclesiæ, cum aliis scilicet Canonicis, quorum nomina ignorabant: & hoc dicebant ipsi Sacerdotes, quod hoc faciebant per consensum Presbyteri Girardi, qui nunc Præpositus est, & aliorum Canonicorum: quod oblationem Altaris Sancti Ambrosii a modo in antea æqualiter per medietatem dividant, excepto quod offeretur in manibus Presbyterorum Monachorum & Canonicorum. Hoc sacramento facto, statim orta est intentio de oblatione de aliis Altaribus, & de Cruce. Quæ discordia ab utraque parte missa est in prædictis electis Judicibus. Tunc Amizo Archidiaconus, per consensum & parabolam superscriptorum Alberti Primicerii Notariorum, & Nazarii Presbyteri & Primicerii Presbyterorum Decumanorum, & Lanterii Presbyteri & Præpositi Ecclesiæ Sancti Georgii, & Olrici Presbyteri Sancti Victoris, & Johannis Mantegacii, omnibus rationibus ab utraque parte auditis, & diligenter inquisitis, dixit & laudavit atque præcepit: Ut quicquid a modo in antea infra Ecclesiam Sancti Ambrosii ab aliqua persona oblatum fuerit in Cruce vel ante Crucem, in Altaribus vel ante Altaria, vel in aliis Oraculis, quæ nunc sunt, vel a modo in eadem Ecclesia erunt, communiter per medietatem dividatur; ita ut Abbas & Monachi habeant totam medietatem, & Canonici alteram totam medietatem, a modo in antea usque in perpetuum; excepto quod offeratur sine fraude & malo ingenio in manibus Presbyterorum Monachorum & Presbyterorum Canonicorum & si malo ingenio vel fraude eis offeretur; commune sit) & excepto quod determinate sine fraude & malo ingenio fuerit oblatum ad partem Monasterii, vel ad partem Canonicæ, vel per conversionem, vel per orationem (id est, suscipiendo aliquem in suis orationibus) aut per Testamentum. Illæ vero oblationes, quæ offerentur in manibus Sacerdotum extraneorum, qui in Psalmis veniunt, sine malo ingenio, eorum sint, cui dare voluerint sine malo ingenio. Si vero malo ingenio, vel aliqua fraude, ipsæ oblationes offerentur in manibus Sacerdotum extraneorum; communes sint Oblationes autem illæ, quæ offerentur IN ECCLESIA SANCTI BARTHOLOMÆI, ET SANCTI GEORGII, ET

A SANCTI SATYRI: quia Cappelle Monasterii sunt; a modo in perpetuum totæ illæ oblationes in integrum usque in perpetuum Monasterii sint. Oblationes vero, quæ offerentur AD ALTARE SANCTI PANTELEMONIS semper Canonicorum sint. Et quicquid in vigilia & in festo Beati Andreae offeratur AD IPSUM ALTARE SANCTI ANDREÆ (præter id quod oblatum fuerit ad tertiam Missam, quod debet esse Abbatis & Monachorum) deveniat in potestatem Canonicorum. Transacto festo deinde in antea per totum annum oblationes omnes, quæ sunt ad ipsum Altare Sancti Andreae, sint communes Monachorum & Canonicorum. De sepelitione mortuorum, unde magnum scandalum erat: si Canonici tantum invitati fuerint; faciant ipsam sepelitionem, & divinum Officium sine contradictione Monachorum. Si autem tintinabula sonari petiit fuerit ab aliquo ad sepeliendum ipsum mortuum; requirat Abbatem vel Monachos; & in voluntate & potestate Abbatis & Monachorum sit. Et si Monachi tantum invitati fuerint; similiter faciant ipsam sepelitionem & divinum Officium sine contradictione Canonicorum. Et si Canonici & Monachi invitati fuerint, omnes, vel pars eorum; Monachi legant Evangelium & Orationes; & Canonici legant Passionem & reliquum Officium. Et si aliquis de familia Monasterii mortuus fuerit; totum Officium sepelitionis sit in potestate Abbatis & Monachorum, quomodo & qualiter voluerint. SKella vero, quæ a Monachis fracta est, ejusdem ponderis & quantitatis in eodem loco infra claustrum Canonicæ restituatur & ponatur: & nullam aliam SKellam, vel tintinabulum, habeant, nisi illam, quæ superius dicta est. His ita dictis, & laudatis & a prædictis Judicibus electis confirmatis & diffinitis, palam omnibus astantibus præceperunt Domino Johanni Abbati, & prædicto Girardo Presbytero & Præposito, ut ipsi invicem inter se finem & refutationem palam facerent de attendere & adimplere, ipsi & eorum successores, Monachi & Canonici, usque in perpetuum ea omnia, sicut superius dicta & terminata sunt. Tunc ibi statim ipse Dominus Johannes Abbas, & Girardus Presbyter & Præpositus cum fustibus & pergamenis, quæ suis tenebant manibus, invicem finem & refutationem inter se fecerunt de attendere & adimplere omnia, quæ superius dicta & terminata sunt, ipsi & Monachi & Canonici, & eorum successores. Et insuper promiserunt & sponponderunt invicem unus alteri: ut, si ipse Abbas vel Monachi, vel si ipse Girardus Presbyter & Præpositus vel Canonici, & eorum successores de prædictis omnibus, sicut superius dicta & terminata sunt, vel de aliqua eorum parte, per quodvis ingenium agere aut causari præsumpserint, & non permanserint in his omnibus, qualiter superius legitur in integrum; tunc componat illa pars, quæ hoc non conservaverit parti fidem servantis poena nomine argenti ex mero libras duocentas: & insuper adimplere ea omnia, quæ superius dicta sunt. Et inde accepit unaquæque pars ab altera Laimechild manstrucam unam, quia sic inter eos convenit. Actum superscripta Civitate in jam dicta Curte Cardinalium, Anno Dominicæ Incarnationis Millesimo centesimo vigesimo tertio, primo die mensis Septembris, Indictione secunda. Unde duæ Chartulæ Promissionis & Refutationis atque Convenientiæ uno tenore scribi rogatæ sunt:

EGO ANSELMUS, GRATIA DEI ARCHIEPISCOPUS, LAUDO ET CONFIRMO.

Ego Amizo, Archidiaconus, jussione, & consensu jam dicti Archiepiscopi communiter Judex electus ad hanc litem diffiniendam, laudavi & confirmavi & præcepi, ut supra, & subscripsi.

Ego Albertus, Primicerius Notariorum, ex consensu prædicti Archiepiscopi pro sedanda lite Judex electus, laudavi & confirmavi atque præcepi, ut supra, & subscripsi.

Ego Nazarius, Presbyter ac Primicerius, ex consensu prædicti Archiepiscopi pro sedanda lite Judex electus, lau-

laudavi & confirmavi atque præcepi, ut supra, & subscripsi.

Ego Lanterius, Presbyter & Præpositus, ex consensu prædicti Archiepiscopi pro sedanda lite Judex electus, laudavi confirmavi atque præcepi, ut supra & subscripsi.

Ego Henricus, Presbyter, ex consensu prædicti Archiepiscopi pro sedanda lite Judex electus, laudavi confirmavi atque præcepi, ut supra, & subscripsi.

Signum manus Johannis Mantegacii: qui, pro pacificanda lite ex consensu prædicti Archiepiscopi Judex electus, hoc laudavit & confirmavit atque præcepit, ut supra, & in hanc Chartam ad confirmandam manum posuit.

Ego Landulfus, Presbyter indignus, subscripsi.

Ego Guido, Presbyter, subscripsi.

Ego Vulfredus, Presbyter, subscripsi.

Ego Anselmus, Diaconus, interfui, & subscripsi.

Ego Otto, Diaconus, subscripsi.

Ego Ardericus, Diaconus, subscripsi.

Ego Obizo, indignus Subdiaconus, subscripsi.

Ego Ubertus, Subdiaconus, subscripsi.

Ego Anselmus, Subdiaconus, interfui & subscripsi.

Signum manuum Anselmi de Pusterla, Arialdi Grassi, Lanfranci Ferrarii, Arderici de Palatio, Malastrevæ, Amizonis della Cruce, Vuitoni, & Lanfranci qui dicuntur Stampi, Johannis de Porta Vercellina, Benno- nis & Uberti qui dicuntur Curti, Gotsfredi della Porta, Pagani Borcietus, Rogerii de Palatio, Vuilielmi Butraffi, Ungari de Curte Ducis, Petri de Concorezo, Johannis Mainerii, Arduini della Pergola, Johannis de Abbiate, Petri de Carate, Rigizonis de Valle, Gezonis & Vuilicioni germanorum qui dicuntur Stampi, Ugonis Truxoli, Anselmi Colderarii, Bellixii de Sancto Georgio, Gezonis de Boteda, Landulfi de Oldanis, Tarussi Varecio & aliorum plurium Testium.

Ego Petrus, Abbas Sancti Simpliciani, interfui, & subscripsi.

Ego Vivianus, Abbas Sancti Vincentii, interfui, & subscripsi.

Ego Vuilielmus, Abbas Sancti Celsi subscripsi.

Ego Gaudentius, Abbas Sancti Victoris, interfui, & subscripsi.

Ego Arialduus, Sancti Dionysii indignus Abbas, interfui, & subscripsi.

Albertus, Judex & Missus Domni Regis, interfui, & rogatus subscripsi.

Ego Girardus, Judex & Missus Domni Regis, interfui & rogatus subscripsi.

Ego Anselmus, Judex, interfui, & subscripsi.

Ego Otto, Judex Sacri Palatii, rogatus subscripsi.

Ego Mascarus, Judex, rogatus subscripsi.

Ego Ugo, Judex Sacri Palatii, interfui, & rogatus subscripsi.

Ego Vualderius, Missus Domni Regis, rogatus subscripsi.

Ego Obertus, Judex ac Missus, rogatus subscripsi.

Ego Anselmus, Notarius Domni Tertii Henrici Imperatoris, rogatus subscripsi.

Ego Erlembaldus, Judex, subscripsi.

Ego Normannus, Judex, subscripsi.

Ego Ugo, Notarius Sacri Palatii, interfui, & subscripsi.

Ego Anselmus, Notarius Sacri Palatii, scripsi, post traditam complevi, & dedi.

Sic igitur iudicium istud, vivente jam & consentiente Olrico Archiepiscopo ad prædictos Judices delatum, nonnisi tamen eo postea defuncto, & in ejus locum suffecto Anselmo de Pusterla, terminatum fuit. Quocirca etiam, non Olricus, sed Anselmus huic ipsi Sententiæ subscripsit. Cæterum Anselmus hoc ipso tempore nondum Archiepiscopalis Sedis possessionem inierat, sed electionem solummodo suscepit; ut infra videbimus indicatum.

CCCXXXVII. Vigessimiquarti supra Millesimum centesimum Anni mense Decembri Callistus Papa Se-

cundus moritur: eodemque mox mense Honorius illi Secundus substituitur; ut abunde Sigonius & Baronius hoc ipso Anno recensent.

CCCXXXVIII. Sequenti Anno Anselmus Archiepiscopus Romam ad Honorium Secundum proficiscitur, contra quam illi Landulfus ipse Historicus suadebat. Sed cum idem Archiepiscopus (inquit ipse Cap. 38.) secutus consilium quorundam Cappellanorum & Primicerii, Petri vero Terdonensis Episcopi, contra publicum interdictum Cleri & Populi Mediolanensis, Romam ivit; mihi quidem non sedit. Verum tamen ipse, ceu vir prudens & sapiens, cum Papa Honorio & Cardinalibus ejus multa contulit, & conferendo Ecclesiasticas consuetudines Ambrosianæ Ecclesiæ, & honores ejus Archiepiscopatus & Urbis, vivis & bonis rationibus defendit. Unde ipse Papa huic prudenti viro dixit: Frater, meditatus & Episcopus venisti. Sed si vis frui auctoritate Archiepiscopi in temporibus meis; necesse est, ut Stolum suscipias e manibus meis; aut, sicut ego suscepi, ad Altare Sancti Petri. Hinc Dominus iste Mediolanensis Robaldus Alensem (ab Alba scilicet Pompeja, Liguriæ ac Montisferati Urbe, Mediolanensi etiamnum Metropoli subiecta) adjuravit, ut sibi consuleret. Tunc Robaldus ille Alensis sic ait, quod prius sustineret nasum suum scindi usque ad oculos, quam daret sibi consilium, ut susciperet Romæ Stolum, & Ecclesiæ Mediolanensi præpararet hanc novam & gravissimam, quam Honorius Papa dicebat sibi imponere, mensuram. Mediolanum igitur iste Anselmus Archiepiscopus sine Stola rediit, & eundem Alensem Episcopum secum reduxit. Verum Archiepiscopalem Sedem non ascendit (hanc igitur ne antehac quidem ipse ascenderat, proindeque nec hujus possessionem acceperat, ut supra innuebamus) donec Ubertus de Meregnano, ejus Scriba, non juravit, quod ipse Dominus suus Anselmus nulli minimento honoris Ecclesiæ Mediolanensis consensit: & quod ipsum Alensis ille Episcopus Robaldus auctoritate sua confirmavit. Deinde Pontifex iste Anselmus Sedem & Castellam Archiepiscopatus in beneficio Cleri & Populi recuperavit. Atque tunc etiam illud ego factum crediderim, quod in Catalogo tam Metropolitani Archipresbyteri, quam Urbis hujus Secretarii, legitur de hoc Archiepiscopo his verbis: Hic, cum magna comitiva Nobilium Mediolanensium in festo Sancti Michaelis PER PORTAM TICINENSEM INTRANS, in Sede sua collocatur; ut mos est in talibus.

CCCXXXIX. Eodem Anno Millesimo centesimo vigesimoquinto Henricus Imperator decimo Kalendas Junii moritur, nulla relicta prole mascula, quæ illi succederet in Germaniæ Regnum. Sicque Dei justo judicio (verba sunt Baronii ad eundem Annum, Art. 10.) defecit Occidentale Imperium à Germanis, cum eo ad impugnandam Ecclesiam sunt abusi: & translatus est ad Saxones, Romanæ propugnatores Ecclesiæ. Opera enim Alberti Archiepiscopi Moguntini Lotharius Dux Saxonum Regnum accepit, postea vero (ut loco dicitur) Imperium. Et Art. sequenti: Hoc autem Anno (inquit) tertio Kalendas Septembris, Moguntia Rex Lotharius constituitur, præsentibus atque faventibus Legatis Apostolicæ Sedis (ut Robertus affirmat) & Idibus Septembris coronatur Aquigrani à Friderico Colonienfi Archiepiscopo. Ita Dodechinus: qui & asserit, Legatos Romam esse missos ad Honorium Papam pro confirmatione novi Regis Lotharii. Hæc Baronius.

CCCXL. Ibidem verò mox etiam recitat partem Capituli 17. è Libro septimo Ottonis Episcopi Frisingensis in Chronico. Sed illud ipsum Caput recitare nobis placet integrum, & in hæc præcisè verba conscriptum: Anno ab Incarnatione Domini Millesimo centesimo vigesimo quinto, defuncto absque hærede Henrico Quinto, Principes Moguntia conveniunt: ibique habito de

Successore consilio, quatuor Regni Optimates, Lotharius Dux Saxonum, Fridericus Dux Suevorum, Leopaldus Marchio Orientalis, Carolus Comes Flandriæ, ad Regnum designantur. Tandem Lotharius, natione Saxo, patre Gebehardo, voto omnium, renitens valde ac reclamans, ad Regnum tractus, sub præsentia Sedis Apostolicæ Legati Nongentesimus tertius ab Augusto regnavit. Hic per omnia progeniem Imperatoris Henrici humiliavit; ut plane Dei iudicio iusto, sicut in Libro Regum habes, ex peccatis ac prevaricatione patrum semen ipsum affligi videretur. Unde gravis dissensio Regni, in multos annos protracta, plurimos in anima & corpore periclitari fecit. Prædicti enim Fridericus & Conradus juvenes, sororii Henrici Imperatoris, dum se viderent opprimi; in quantum poterant, reniti conabantur. Ob quam causam a Summo Pontifice Honorio, qui Callisto successerat, excommunicantur. Porro Conradus, a fratre ac quibusdam aliis Rex creatus, Pyrenæum per jugum Septimi montis, qua Rhenus & Aenus fluvii oriuntur, transcendit: ubi a Mediolanensibus, qui tunc Cumanum bellum, per decem annos pro afflictione Populi utriusque Civitatis miserrime protractum, capta ac deleta Urbe prospere consummarunt, honorifice suscipitur:

A.C. II 28. AC AB EORUM ARCHIEPISCOPO ANSELMO MODOYCI (sive MODOETIÆ) SEDE ITALICI REGNI, IN REGEM UNGITUR.

Pro his aliisque præfatus Episcopus a Summo Pontifice deponitur, & alter in locum ejus subrogatur. Recenter igitur ab excidio Cumanæ civitatis Conradus venit in Lombardiam, & ab Anselmo Archiepiscopo Regiam Italiæ Coronam accepit. Mediolanenses vero eam Urbem denique captam deleverunt Anno Christi supra Millefimum centesimum vigesimo septimo, aut vigesimo octavo. Ac de vigesimo quidem septimo concordēs tradunt Gualuanus Flamma in Chronico Majori, Cap. 254. Bernardinus Corius, Tristanus Chalcus (in Historia uterque sua Mediolanensi) Carolus Sigonius De Regno Italiæ, Benedictus Jovius in Historia Novocomensi, Franciscus Ballarinus in Compendio Chronicorum ejusdem Urbis, Parte Prima, Cap. xi. & Parte Secunda in Arditio Episcopo, nominis ejus Primo, & alii. Variant illi tamen in excidii hujus mense assignando: quæ quidem varietas nonnihil & ipsa interest ad dignoscendum Annum, quo Conradus Italiæ Coronam Regni suscepit. Hanc siquidem, teste mox Landulfo, Modoetiæ suscepit in die festo Sancti Petri, atque adeo die Junii vigesima nona. Flamma igitur & Sigonius excidii (seu deditiois, e qua secutum proxime fuit excidium) diem fuisse ajunt Martii, Jovius vero & Ballarinus Julii vigesimam octavam. Quocirca, retento Landulfi testimonio, Coronatio Conradi juxta Jovium & Ballarinum necessario incidit in Annum Christi ad minus vigesimum octavum supra Millefimum centesimum: juxta Flammam vero & Sigonium incidisse potuit in eundem illum vigesimum septimum, quo Mediolanenses Urbem Comum excidio dederant mense Martio, & Comensibus (quemadmodum & olim Laudensibus) grave jugum imposuerant. Ceterum per decem annos protractum asferebat Ottho Frisingensis Cumanum istud bellum: idemque nos item Num. 328. inchoatum jam diximus Anno Christi supra Millefimum centesimum decimo octavo. Quod si ab ejusdem belli consummatione tam recens itidem fuit Conradi adventus in Italiam & Coronatio, ut in eundem annum inciderint; certe nobis non displicet, quin etiam Otthoni Frisingensi magis consentaneum existimamus, quod Auctor Chronici Flos florum fol. 137. pag. 2. de hoc ipso Anselmo loquens Archiepiscopo sic habet: Convocans exercitum, Civitatem Cumanam invasit, & obtinuit: & multi capti sunt, qui dederunt pro sua redemptione Altare aureum Sancti Abundii, & quæcumque pretiosa. Quam violenter obtentam funditus evertit Anno Domini Millefimo centesimo vigesimo octavo, die quin-

ta, vel septima, ante Kalendas Aprilis.

CCCXLI. Sane quidem Sigonius etiam ejusmodi Coronationem in Annum Christi conjicit Millefimum centesimum vigesimum octavum, & in hunc modum scribit: Conradus inde, cedente Friderico fratre, Principibus aliquot suffragantibus, contra Lotharium sese Regem asseruit: quam rem Lotharius Natalitia Herbipoli agens audivit. Insolenti inde arridentis fortunæ elatus obsequio, in Italiam cum exercitu maturavit: atque Anselmum Archiepiscopum & Populum Mediolanensem amicos nactus, **MODOETIÆ ITALICI REGNI CORONAM ACCEPIT:** atque inde perlustrata Lombardia, Civitates ad se plerasque omnes traduxit. Ea de causa Archiepiscopi Moguntinus Magdeburgensis & Trevirensis jussu Lotharii ipsum communionem piorum exterminarunt. Honorius autem non eum solum, sed etiam Anselmum qui Coronam imposuerat, & Populum qui receperat, anathemate perculit.

CCCXLII. Sed, quemadmodum Anselmus noster Archiepiscopus Conradum istum tam Modoetiæ quam Mediolani coronaverit, proptereaque fuerit anathemate percussus, ex ipsomet accipiamus Landulfo: qui tunc Modoetiæ saltem oculatus testis quinetiam Coronationis administer affuit. Capite siquidem 39. hæc ille nobis suppeditat: *Anselmus in Castellis (Archiepiscopatus nimirum, de quibus Capite superiori denique dixerat; sicut etiam nos Num. 338. recitabamus) habitans intellexit, quod Clerus & Populus Mediolanensis nobilem Principem Conradum cum Ecclesiastica pompa, & civili triumpho, conveniente Regi naturali, suscepit. Cum autem Clerus & Populus idem de coronando Rege ipso tractaret: Pontifex idem Anselmus a Leuco descendit **AD MODOETIAM, QUI EST PRIMUS LOCUS CORONÆ REGIS ITALIÆ:** ibique pernoctavit, & consilium redeundi ad montana suscepit: & post trium dierum interpositionem Castellum, quod dicitur **PLEBIA**, ascendit. Ibi plures sonos sonoros de coronando Rege Conrado audivit: & ego non in amaritudine ab ipso Pontifice audiui, ut citissime Mediolanum adirem, & affectum Civium omnium super hujusmodi regale negotium sibi renunciarem. Tunc Ulfredus Aboriti, & Armiger ejus, a vespera hora diei usque ad Solis ortum, mecum & cum puero meo requiem non habuit; sed ad plenitudinem Concionis Cleri & populi, convocatam & congregatam Mediolani, quasi in hora tertia perveni; ubi Clerus & Populus quasi homo unus amplissime & mirifice collaudavit & conclamavit, ut Episcopus veniret, & Principem illum coronaret. Ad hæc quoque Rogerius Clivellus, nobilis Miles & potens, Populo circumstante, ait: Per Corpus Domini, nisi voluntas Dei esset, ut hic nobilis Dominus coronaretur; iste benedictus Populus nequaquam ad laudem ejus ita concorditer clamaret. Causa itaque ista sic plaudata & statuta, Anselmus de Badaglo Subdiaconus Ordinarius, Guido de Landriano electus Capitaneus, Guerenzo de Puzobonello Vavassor strenuus, Robacastellus Civis & Eques nominatissimus, ex parte totius Cleri & Populi Legationem de plaudato & coronando Rege Conrado Pontifici Anselmo contulerunt. Qui cum esset in Castro Plebiæ, & intendisset super horum & meam relationem; festinavit ad Urbem. De cætero ipse, quasi consentiens communi omnium gentium voto, **IN ECCLESIA SANCTI MICHAELIS, QUÆ EST MODOETIÆ, BENEDIXIT, ET UNXIT, ET CORONAM ELECTO CONRADO IN FESTO SANCTI PETRI POSUIT,** altero Episcopo astante Regi coronando. In quo facto ego quippe piger non fui; sed ante ipsum Pontificem ipsumque Coronatum ab Ecclesia Sancti Michaelis Pontificalem Virgam in admirabili pompa, per Dei voluntatem congregata ad honorem illius Regis, **USQUE AD ECCLESIAM SANCTI JOANNIS BONA CUM VOLUNTATE PORTAVI, ET IN SANCTI JOANNIS ECCLESIA***

SIA SOLEMNITER CUM REGE ISTO QUAMOPTIMO MISSAM AUDIVI, EANDEM QUOQUE SOLEMNITATEM CORONATIONIS IDEM PONTIFEX IN ECCLESIA SANCTI AMBROSII, ME ALIBI NON MEO VITIO DETENTO, CELEBRAVIT.

Verumtamen, quicquid directe est actum in illo Domino meo Rege, dilexi & diligo. Hunc namque, gradientem per Comitatus & Marchias Lombardie & Thuscie, Comites & Marchiones, cujuscumque nobilitatis Viri, potentes & humiles, cum gaudio susceperunt & amaverunt. Qui vero rebelles fuerunt, ejus acutissimi gladii fortitudinem senserunt, atque mortem & confusionem (ceu Anselmus Marchio del Busco, & illustris Comes) susceperunt. Alter quorum Anselmus vitam & absolutionem suscepit per gratiam Mediolanensem, quibus in angustissimis praeliis campestris ceu Miles fortissimus profuit. Alter vero, scilicet Comes, vel mortem sustinuit. Ac sic benigne & fortiter agendo Romæ appropinquavit, sed fortis manus Honorii Papæ ipsum repulnavit; atque in Germaniam, quasi ad sua propria loca, redire fecit. Joannes igitur Cremenfis, Cardinalis Romanus, Episcopos Suffraganeos & Comprovinciales Mediolanensis Ecclesiæ, ut excommunicaret Mediolanensem Archiepiscopum, convocavit Papiæ. Quibus convocatis & Cardinali per plures Viros & Sacerdotes ipse Pontifex Mediolanensis mandavit, ne præsumerent, sed ipsum per unius diei spatium expectarent. At Papienses, Cremonenses, Novarienses, quoque, & eorum Episcopi & aliarum Civitatum, prædicantes hoc regium opus Anselmi contrarium Deo & magno Regi Lothario, nequaquam illius Pontificis Legationem susceperunt; sed ipsum, præstante Cardinali illo Joanne, excommunicaverunt; & Mediolanensibus, protegentibus Castrum Cremæ, bellum facere statuerunt. Attamen in maxima parte Mediolanenses catholicam reverentiam, vivente Papa Honorio, huic Pontifici (Anselmo) præbuerunt. Vixit autem Honorius ad sextum decimum Kalendas Martias Anni Millesimi centesimi trigesimali. Sed nos ad Italico-regiam Conradii Terti, quinetiam Primi Coronationem, a nostro Archiepiscopo peractam, revertamur. De qua quidem Conradi Primi Coronatione jam egimus Num. 216. & 217. Annoque Christi vigesimo sexto supra Millesimum.

CCCXLIII. Ad hæc autem in præsentem nos revocat doctissimus, jamque nobis aliquoties ac novi semper occasione beneficii memoratus, Jacobus Valerius. Cum enim superius Otthonis Frisingensis testimonium potiori jam ex parte typis esset impressum; forte fortuna ipse nos admonuit, ut ea legeremus, nec sine debita censura transigeremus, quæ ab Onuphrio Panvinio in Libro De Comitibus Imperatoriis differuntur Capite XI. De ea Corona Imperiali, quæ Ferrea dicitur. Ipsemet ergo e sua mox bibliotheca, quam satis habet libris bonis refertam, exemplar quoque ipsum Panvinianum ad nos transmisit. In eo autem ita deprehendimus: Postquam vero Rex Romanorum primo Aquisgrani ab Archiepiscopo Colonienfi coronatus est Diademate Regni Germanici, quod CORONA ARGENTEA dicitur; postea se præparat ad suscipiendam Imperialem unctionem a Romano Pontifice. Nam Coronam secundam, quam FERREAM vocant, Mediolani a posterioribus Imperatoribus assumi solitam, ante Friderici Secundi tempora in usu nequaquam fuisse crediderim. Post cujus obitum usus hic (ut existimo) inolevit, ut Imperator designatus, antequam Imperii Romani Diadema a Pontifice Maximo suscipiat, Mediolanum primo proficiscatur: ubi in Basilica Sancti Ambrosii, vel Modotie in Basilica Sancti Joannis Baptistæ, iterum consecratur, & coronetur alia Corona, quam FERREAM vocant, ab Archiepiscopo Mediolanensi in Regem Longobardorum, vel Italiæ: quod ante Henrici Septimi Lucemburgensis tempora nunquam (quod sciam) factum legi. Ipsum enim Henricum Septimum

A primam fuisse existimo, qui Mediolani ea ratione coronatus sit: quæ consuetudo cum cæteris quoque ejusmodi novis ritibus inventa est post Fridericum Secundum Imperatorem. Rodolphum enim, Adolphum, & Albertum, qui proxime ante Henricum Imperatores designati fuerunt, hanc Coronam non suscepisse, satis liquet; quia nunquam in Italiam venerunt; nec etiam Romæ Pontificiam unctionem habuerunt. Idem dici potest de Chunrado Quarto filio Friderici Secundi, Henrico Langravio Thuringiæ, Guilhelmo Comite Hollandiæ, Ricardo & Alphonso, qui post Friderici Secundi mortem in Schismate Reges creati sunt. Neminem præterea superiorum Imperatorum, ab Otthone Primo ad Fridericum Secundum, hoc Diademate coronatos fuisse, unquam memini, apud, veteres Auctores me legisse. Quamobrem hoc institutum novum esse existimavi, & ex aliqua obscura Majorum relatione acceptum. Siquidem legimus, Pipinum, Imperatoris Caroli Magni filium, ab Hadriano Papa Primo, & Ludovicum Secundum Imperatorem, Lotharii Augusti filium, a Sergio Papa Secundo Coronas Italici Regni, vel Longobardorum, Romæ tamen ad Sanctum Petrum, & non Mediolani, suscepisse. Per hæc igitur hæctenus opinionem suam explicat & adstruit Panvinus: de quorum veritate, vel falsitate, partim jam constat (scilicet jam inde a Carolo Magno ad præsentem usque Imperatorem Conradum Tertium, qualiscumque interea ille fuerit) partim vero, five in reliquum temporis, ex hisce Monumentis nostris constabit. Hæctenus profecto Reges isti, vel etiam Imperatores, nobis occurrant velut a Mediolanensibus Archiepiscopis coronati: videlicet Carolus Magnus Num. 9. Pipinus ejus filius Num. 12. Bernardus, ejusdem Pipini filius, Num. 26. & 33. Lotharius, Ludovici Pii filius, Num. 41. Carolus Calvus Num. 127. Carolus Crassus Num. 129. Hugo Num. 159. & 162. Lotharius ejusdem filius, Num. 161. Ottho Primus Num. 174. 175. 178. Ottho Tertius Num. 189. Henricus Primus Num. 208. Conradus Primus, five Salicus, Num. 216. 217. 218. Henricus Secundus Num. 243. Conradus Secundus, Henrici Regis filius, Num. 280. & 281. Henricus, Henrici Quarti Regis & Tertii Imperatoris filius, Num. 309. denique vero Conradus ille, de quo nuperrime egimus. De ipsa vero Corona Ferrea legi potest Num. 101. De ritu autem illam in Ambrosiana Basilica tradendi legatur Num. 102.

CCCXLIII. Sequitur porro Panvinus: & a duobus illico exemplis, e Conrado Primo ac Secundo petitis quæ sibi viderat objici posse, sese pro viribus extricat. Sic enim primo subdit: In Sieberto vero Gemblacensi hæc verba de Chunrado Primo Imperatore leguntur: Anno Domini Millesimo trigesimo nono Chunradus Imperator Italiam adiit, ut rebellionem meditantem debellaret. Et quia omnes Longobardi conjuraverant, ut non paterentur quemlibet Dominum, qui aliud, quam ipsi vellent, contra se ageret; quosdam Episcopos in vincula conjecit. Et quia Episcopus Mediolanensis fuga lapsus est; Imperator Suburbia Mediolani incendit. Die vero Pentecostes, CUM IMPERATOR IN PARVA ECCLESIA SECUSURBEM CORONARETUR AD MISSAM, tam gravia fuerunt tonitrua & fulgura, ut aliqui mente excederent, aliqui exhalarent. Bruno vero Episcopus, qui Missam canebat, & Secretarius Imperatoris, cum aliis tribus, dixerunt, se inter Missarum solemnias vidisse Sanctum Ambrosium Imperatori indignando comminantem. Tunc Imperator Italia discessit. Quæ ideo addidi, ut Lectori diligentia mea spectata sit. Nihil enim prætermisi, quo ad hujus Operis editionem mihi opus esse existimarem. Hæctenus e Sieberto Panvinus. Tum vero sic e suo ipsemet differit: Ex hoc autem Sieberti loco Coronationem illam secundam intelligi non posse existimo; tum quod Archiepiscopus Mediolanensis fugatus esset; tum quod non in Sancti Ambrosii Basilica celebra-

lebrata sit, nec Modoëtiae; tum etiam quod eo tempore Chunradus jam diu ante coronatus fuerat a Romano Pontifice Romanus Imperator; ante cujus benedictionem, quæ novissima est, suscipi debet Coronatio Mediolanensis. Illud vero verbum, CORONARI, ita intelligi debere existimo, quod Missam Imperatoris vestibus indutus audierit; ut mos erat fieri his temporibus in magnis Solemnitatibus, perinde ac est dies festus Pentecostes. Vera profecto Panvini conclusio; sed eadem nihil nobis contraria; sicuti satis superque constat ex iis, quæ nos jam supra differuimus eodem illo Anno Milleesimo trigesimo septimo, ac Num. 238. & deinceps, ubi factum illud Imperatoris Conradi, ac terribile illud Sancti Ambrosii e cælo visum accurate perpendimus, postquam noster Archiepiscopus Aribertus, fuga e carcere lapsus, ad suos Mediolanenses rediisset: ad quos illum rediisse, Panvinius in prima illa ratione non advertit. Non igitur eo Anno Conradum, sed certe quidem Milleesimo vigesimo sexto coronatum Mediolani ac Modoëtiae fuisse ostendebamus Num. 216. 217. 218. sicut etiam postea Romæ Num. 220. & Anno subsequenti.

CCCVL. Quod vero attinet ad Conradi Secundi Coronationem, de qua nos proxime juxta ordinem temporum differebamus, ita Panvinius sibi met obijcit ipsi: Legitur etiam Libro Septimo Historiæ Otthonis Frisingensis, Cap. 17. Chunradum Suevum, postea Regem Romanorum, qui post mortem Henrici Quarti Imperatoris in Schismate contra Lotharium Secundum Saxonem, a majore eligentium parte creatum, Rex Germaniæ factus fuerat, in Italiam venisse, Imperiumque sibi contra Lotharium Augustum Longobardorum auxilio parasse: atque, cum Mediolanum venisset, a Mediolanensibus honorifice susceptum, ab eorum Archiepiscopo Anselmo Modoëtici Italici Regni Regem unctum & consecratum esse: ob quam rem ipsum etiam Archiepiscopum a Papa exautoratum fuisse. Hæc summam ex Otthone, Panvinius. Sed quid his tandem respondet? Quo tamen (ita respondet) testimonio (quod solum de hac re, quamvis curiose investigaverim, invenire potui) Coronationem ipsam Imperatorum, quæ Mediolani fit, antiquam fuisse, minime affirmari posse crediderim: præsertim cum ex ceteris Auctoribus non solum non habeatur, veteres Imperatores hoc Diademate coronatos fuisse; sed ne id quidem ex eorum scriptis elici potest. Immo contrarium dicere videntur, qui itinera sigillatim describentes, quæ inter primam & novissimam Coronationem fieri contigerant, ipsos nunquam nec Mediolanum modo divertisse scribunt. Quæ res nulla ratione silentio prætereunda tam constanti omnium consensu fuisset: ab eis præsertim Historicis, qui rebus gestis interfuerunt, omniaque adeo accurate perscribunt, ut fastidium aliquando Lectoribus nimia eorum diligentia parturiat. Verum enimvero tam multa generis ejusmodi testimonia Monumentis hætenus nostris passim obvia cernuntur, ut nobis supervacaneum penitus videatur alios in præsentem Testes conquirere, quibus Coronationis ejus antiquitatem confirmemus.

CCCXLVI. Bernardinus autem Corius (verba sunt ejusdem Panvini, quibus opinionis suæ defensionem prosequitur Scriptor Historiæ Mediolanensis, nescio cujus Historici auctoritate ductus (nullum enim hujus rei testimonium citat) affirmare videtur, Chunradum Imperatorem Primum (quem inepte Tertio Otthoni, transmissio Primo Henrico, subjicit) primum hac Corona Mediolani redimitum fuisse in Templo Sancti Ambrosii. Nos itidem profecto istud jam confutavimus Num. 217. Henricum quoque Tertium, quem Secundum appellat, item Lotharium Secundum Saxonem, ac Otthone Quartum Mediolani in Basilica Sancti Ambrosii ab Archiepiscopo Mediolanensi coronatos fuisse scribit. Verum, unde id acceperit, non ponit. Atqui nos non ita egimus de Henrico, sive Secundo, sive Tertio: nec ita profecto suis in locis agemus de Lothario Se-

A cundo, atque Otthone Quarto. Sed & paulo post Panvinius, nec immerito, eundem Corium in eo etiam carpit, quod Lotharium quoque Saxonem ab Anselmo Archiepiscopo coronatum fuisse refert: qui per ea tempora a Romano Pontifice Episcopatu multatus fuerat, suffecto alio, quod Chunradum Tertium Suevum, Lotharii ipsius acerrimum hostem, in ejus odium & contemptum coronasset Regem Italiæ; ut eorum temporum Scriptor Ottho Frisingensis memoriæ mandavit; cui magis, quam Corio, credendum esse opinor. Quem quidem Corii errorem nos Num. 374. in aliquot etiam aliis Scriptoribus infra observabimus. Nunc ad intermissam temporum seriem progredimur.

B CCCXLVII. Honorius Papa Secundus, quemadmodum Num. 342. tandem dicebamus, Anno Christi Milleesimo centesimo trigesimo ex hac vita sexto-^{A.C.} decimo Kalendas Martias decessit. Eodem mox die^{III^o} sublektus illico ei fuit ab una Romanorum parte Gregorius, Joannis Vidonis filius, Sancti Angeli Diaconus Cardinalis, appellatusque fuit Innocentius Secundus; ab altera vero Petrus, Petri-Leonis filius, Presbyter Cardinalis Tituli Sanctæ Mariæ trans Tiberim, atque Anacletus Secundus est nominatus.

C CCCXLVIII. Hinc Ottho Frisingensis, Num. 340. a nobis in testem prolatus, Cap. subinde 18. in hæc statim verba prosequitur: Non multo post, Honorio mortuo, gravissimum Schisma in Ecclesia Dei oritur; Innocentio canonice electo, sed Petro, Petri-Leonis filio, violentia amicorum suorum, qui fortissimi in Urbe erant, favente sibi Rogerio Siculo, intruso. Cui dum Innocentius resistere non valeret; Urbe cedit; transiensque Alpibus, Gallias ingreditur. Cum tamen ab Urbe Roma Pisas profectus esset; Nuncios inde præmiserat in Gallias (sicut habetur etiam in Vita Sancti Bernardi Clarevalensis Abbatis, Lib. 2. Cap. 1.) qui Gallicanæ Ecclesiæ intimarent negotii veritatem: & hortarentur Episcopos, ut in Ultionem præsumptionis accingerentur, & damnata parte Schismatica subscriberent unitati. Et paulo post: Convocato igitur apud Stampas Concilio, Abbas Sanctus Clarevalensis Bernardus, specialiter ab ipso Francorum Rege & principibus quibusque Pontificibus accersitus, sicut postea fatebatur, non mediocriter pavidus & tremebundus advenit; periculum quippe & pondus negotii non ignorans. In itinere tamen consolatus est eum Deus, ostendens ei in visu noctis Ecclesiam magnam concorditer in Dei laudibus continentem; unde speravit, pacem sine dubio proventuram. Ubi vero ad Locum ventum est: celebrato prius jejunio, & precibus ad Deum fuis, cum de eodem verbo tractaturi Rex & Episcopi cum Principibus consedisent; unum omnium consilium fuit, una sententia, ut negotium Dei, Dei Famulo imponeretur, & ex ore ejus causa tota penderet. Quod ille, timens licet & tremens, monitis tamen Virorum fidelium acquiescens, suscepit: & diligenter prosecutus electionis ordinem, Electorum merita, vitam & famam prioris Electi; aperuit os suum, & Spiritus Sanctus implevit illud. Unus ergo omnium ore locutus, suscipiendum ab omnibus Summum Pontificem Innocentium nominavit; & ratum esse omnes acclamarunt; & decantatis ex more laudibus Deo, obedientiam deinceps polliciti, electioni Innocentii omnes pariter subscripserunt. Interea Dominus Papa, multis in Pisis & in Thuscia & in aliis Provinciis potestative dispositis, valefaciens Pisanis & gratias agens, in Provinciam navigio delatus est; & Burgundiam transiens, Aurelianum pervenit. Ubi occurrentibus Episcopis, a Rege piissimo Francorum Ludovico alacriter & honorifice susceptus est. Inde a Gaufrido Carnotensi Episcopo, magnarum virtutum Viro, Carnotum deducitur: ubi etiam gloriosus Anglorum Rex Henricus ei cum maximo Episcoporum & Procerum comitatu occurrit. Hunc quoque Regem Venerabilis Abbas, ad eum præmissus, adduxit: quem vix persuasit Innocentium recipere, ab Episcopis Angliæ penitus dissuasum. Cum enim omni-

modis

modis recalcitraret, & detrectaret: Quid times? ait. Times peccatum incurrere, si obedias Innocentio? Cogita, inquit, quomodo de aliis peccatis tuis respondeas Deo: istud mihi relinque: in me sit hoc peccatum. Ad quod verbum persuasus Rex ille tam potens, extra Terram suam Domino Papæ occurrit usque Carnotum. Reversi interim de Germania Legati Domini Papæ, tam Episcoporum quam Regis (Lotharii) assensum & litteras detulerunt, & deprecationem publicam, ut ad eos transiens suam eis desideratam exhiberet presentiam. Et hæc quidem hætenus e Libro illo Secundo, quo pariter ac reliquis Bernardus Bonævallensis Abbas profectus est Sancti Bernardi Clarævallensis Abbatis Vitam, Libro jam primo a Gulielmo similiter Abbate inchoatam. Quæ porro Innocentius in Gallia deinceps, ac præsertim Sancto Bernardo adjutore, in Anacleti ejusque fautorum execrationem egerit, eodem illo Capite primo satis superque descripta recensentur.

CCCL. Hæc ipsa Sigonius De Regno Italiæ recensuerat hoc ipso Anno supra Milleimum centesimum trigesimo, cum ita insuper prosequitur: Dum hæc ab Innocentio administrantur; Anacletus, qui solus in Urbe remanserat, & ipse partem adversam infligendis anathematis institit premere, & ad causam suam amicos, quam plurimos potuit, aggregare. **PRÆCIPUE AUTEM ANSELMUS MEDIOLANENSIS ARCHIEPISCOPUS**, ab Honorio Conradi causa devotus, ei se tradidit, atque una secum Populum Mediolanensem ac plerosque Lombardiæ Episcopos traxit.

CCCL. Videlicet (sicut a Landulfo nostro traditum Cap. 40. accepimus) Honorio defuncto, Anacletus Papa Romanorum Secundus huic Mediolanensi Stolum (quam ex Honorii manu accipere detrectaverat, uti jam vidimus Num. 338.) per suos idoneos Nuncios, videlicet Joannem Palestinæ Episcopum & Beltramum Subdiaconum Romanum, mandavit. Quam Stolum ipse Anselmus Pontifex, Clero & Populo Mediolanensi circumstante, & collaudante Anacletum Papam ejusque Legatos & Legationem, reverenter suscepit. Pars vero sibi adversa inde magis detrabere cepit. At plenitudo Cleri & Populi ad eum concurrebat: timorem quoque & reverentiam Regi Conrado & Papæ Anacletico ex dilectione portabat. Et dum hic spes fuit in plenitudine Ecclesiæ & Civitatis Mediolani, & Venditiones & Privilegia, quæ Egregii Capitanei de Besana & de Porta Orientali atque Lomagna, & Gregorius Papa Septimus & Urbanus Papa Secundus Presbytero Li-prando fecerunt, vim suam obtinuerunt, & oculos omnium latuerunt; nulla guerra Mediolanenses ignominia-vit, sed Papiensibus, Cremonensibus, Novariensibus, cunctisque suis inimicis late & splendide ipsi Mediolanenses præstiterunt. Itaque Sigonius Eodem Anno, inquit, bellum Cremense in Lombardia est ortum tantæ magnitudinis, ut post multos annos ne ipsius quidem Cremæ excidio potuerit expiari. Cremenses, Cremonensi Ecclesiæ contributi, illud indigne fecerant, quod, Cremonensibus relictis, sese Mediolanensibus applicuerant. Injuria Cremonensibus non negligenda est visa. Itaque paratis copiis Cremam aggressi sunt. Sed, accurrentibus celeriter auxilio Mediolanensibus, re infecta domum plus irarum, quam attulerant, retulerunt. Eodem quoque pertinet bellum, quod & proximo & altero rursus Anno feliciter a Mediolanensibus contra Papienses pugnatum idem Sigonius narrando prosequitur.

CCCLI. At ubi Anselmus Archiepiscopus (sicenim Cap. 41. pergit noster Landulfus) contra ipsas Venditiones & Privilegia facere voluit & fecit, & multitudo Cleri & Populi atque Consulium ipsas Venditiones & Privilegia legere voluit; contigit, quod quidam manipulus militum Mediolanensium captus est a Cremonensibus; & plures de Ordinariis ac Decumanis Sacerdotibus ceperunt, nescio quo spiritu, super causa Regis Conradi ridere, & causam Anacleti latenter spernere. Hinc Anselmus Archiepiscopus, multos sustinens stimulos, tan-

A dem Presbyterum Azonem, Magistrum Puerorum carentium principaliter in Missa Sacerdotum celebrantium Corporis & Sanguinis Christi Sacrificia, & quosdam alios, qui fuerunt doli in celebratione Coronæ Regis Conradi, excommunicavit. Ex cujus Excommunicationis radice Circumcisi Christum filium Virginis ignorant, & maxima pars Quiritum & Longobardorum Auctorem divinæ & humanæ legis minime amant: sine quibus Auctoribus cæli vel terræ pace frui non possumus. En etiam nunc dissensio multa & perniciofa nimirum orta est in Mediolanensi Populo sub Excommunicationis titulo. Quia si Archiepiscopus excommunicavit hunc Presbyterum & alios in Pulpito Sanctæ Theolæ; & Episcopi Comprovinciales & Suffraganei, sicut supra dictum est (ac nos etiam Num. 342. vidimus) excommunicaverunt illum Papæ, Ordinarii itaque & Decumani Sacerdotes, & cæteri faventes Papæ Innocentio Secundo, & insidias preparantes hujusmodi Archiepiscopo, suas pecunias effuderunt, & ipsas Legis & Morum Peritis atque bellatoribus Viris tribuerunt. Unde ipse Archiepiscopus compulsus est intrare popularem Concionem, ut ibi decertaret cum suis Excommunicatis de Excommunicatione. Cumque ipse expectaret sagittas de justa aut de injusta Excommunicatione; Nazarius Primicerius, miræ calliditatis homo, per prolixum sermonem cunctæ Concioni fastidium induxit. Archipresbyter autem Stephanus, qui cognominatur de Guandeca, videns, Primicerium suum fastidiose fore locutum; vocem suam exaltavit, & contra Archiepiscopum sic ait: Tu es hæreticus, perjurus, sacrilegus: & aliis criminibus, quæ non sunt hic notanda, es reus. His auditis ex improviso, Archiepiscopus obstupuit. Archipresbyter vero ille, habens Textum Evangeliorum ad manum, continuo juravit, quod ipse de istis rebus, quas dixerat esse in isto Anselmo, qui dicitur de Pusterla, in judicio Episcopi Novariensis & Albensis, **QUI SUNT DE SUFFRAGANEIS ECCLESIAE MEDIOLANENSIS**, staret. Consules itaque Mediolani in concordia utriusque partis statuerunt, ut ipsi & alii Suffraganei venirent. In statuta itaque die non solum Suffraganei, **SED QUAMPLURES PURE INDUTI RUDI ET INCULTALANA, ET RASI INSOLITA RASURA** concurrerunt. Cumque Archiepiscopus iste Anselmus vidisset, **EOS CONSTARE ET POPULO, QUASI SI ESSENT ANGELI DE COELIS**; ad ipsum Populum ait: Omnes illi, quos hic videtis **CUM ILLIS CAPPIS ALBIS ET GRISIIS**, hæretici: inde, simplices & compositi ad expellendum & deponendum, bellum commoverunt. Verum tamen gladio Anselmi in die illa resistere non potuerunt. Sed mediante nocte per expansam pecuniam manus Primicerij & Archipresbyteri Stephani fortissima in summo diluculo ipsum Anselmum a Sede compulit. Qui cum non inveniret, quo declinaret; paternam suam domum intravit; factoque mane die altera idem Anselmus coram humili sua plebe. **IN ECCLESIA SANCTI AMBROSII CONGREGATA**, se præsentem jurare fecit Camerarium suum, ne iste Dominus suus effugeret judicium Suffraganeorum: & coram eis responderet Stephano Guandeca, dicto Archipresbytero, de iis rebus, quæ sibi objecerat, remota causa Regis Conradi. Joannes autem de Rhode, unus ex Consulibus Mediolani, reversus ad alteram partem, quæ eum miserat, de juramento isto Anselmi nihil retulit; sed ait: Dominus ille, ad quem me misistis, ad nullam rationem faciendam nobis venire promittit. Tunc, qui in Concione illa aderant, clamaverunt: Et ipse deinceps sit remotus a nobis. Ac sic quisque Suffraganeus ad Sedem suam rediit; **NISI ROBALDUS ALBENSIS, QUI IN CHRISMATE ET CÆTERIS EPISCOPALIBUS OFFICIIS ECCLESIAE SUBVENIT**. Anselmus autem ille, quasi a cuncto Clero & Populo abjectus & expulsus, ad solita Castella Archiepiscopatus exivit: in quibus qualemcumque requiem suscepit. Hæc

igitur *Landulfus* noster *De Sancto Paulo*. Quorum quidem postrema, sicut e contextu postmodum a nobis recitando constabit, usque ad trigessimum quartum Annum pertingunt. Sed nos paulo propius ad Annum circiter trigessimum indistincte retrocedamus.

CCCLII. Sancti Præfulis ac Patroni nostri, *Ambrosii* Reliquias, in hac Basilica sub Ara maxima venerabiliter humatas, Num. 58. præpropere commonstrabamus a Sancto *Bernardo* Cardinali Episcopoque *Parmensi*, nec sine ingenti miraculo, conspectas. Idem vero præsentiebamus etiam factum Anno Domini circiter trigesimo supra centesimum Millefimum. Nunc igitur, tanquam commodiore in loco, probationem paulo etiam uberiores reteximus. In ea igitur Sancti *Bernardi* Vita hæc in fine Capituli 38. leguntur: *Nimirum servire Domino regnare est: & non solum regnare; verum etiam Regibus imperare; quia, ubi Spiritus Domini, ibi libertas*. Inde Capite mox 39. *Cujus certe (inquit) charismatis Christi repletus Antistes (Bernardus) non solum quibuslibet Nobilibus, sed etiam Regibus & Principibus, Ecclesiæ Dei adversantibus, constantissime resistebat, multa pro Apostolicæ Sedis (cujus utique Legatus erat) honore adversa nihilominus suslinendo, & Ecclesiæ libertate*. De hinc Protinus Cap. 40. UNDE, CUM MEDIOLANENSES CONTRA ROMANÆ ECCLESIAE INHIBITIONEM CORRADUM IN REGEM CUM SUIS FAUTORIBUS ELEGISSENT; VIR DEI, NON FORMIDANS TERRENI IMPERII PRINCIPATUM, PRÆFATUM CORRADUM EJUSQUE SEQUACES EXCOMMUNICATOS PUBLICE NUNCIAVIT. Sicut autem Num. 340. probabilius esse discerebamus, *Mediolanenses* *Conradum* sibi elegerunt in Regem Anno Christi supra Millefimum centesimum vigesimo octavo. Præterea vero etiam ne *Bernardus* quidem iste Cardinalis videtur fuisse primus, qui eos propterea denunciaverit excommunicatos; sed certe quidem Cardinalis ille *Cremensis* in Synodo *Ticinesi*, cujus mentionem Num. 342. faciebamus. Sed & Capite mox 41. subditur: *Et cum per Lombardiam de mandato Apostolicæ Sedis ad id pergeret exquendum, a prædicti Corradi militibus captus, & multis contumeliis est affectus, &c.* Et Cap. 45. *Super pace vero & concordia ubique reformanda* (quam videilcet *Conradus* Antirex, vel etiam Pseudopontifex *Anacletus* deformabat) *tantus ejus animi fervor accenderat, quod, cum per se hoc aliquoties implere non posset, Episcoporum aliorumque animos Prælatorum, NON SOLUM PER ITALIAM, VERUM ETIAM PER ALAMANIAM, ut super his attentissime vigilarent, litteris & nunciis sollicitare curabat*. Denique vero Cap. 46. (placeant enim hæc præsertim repetita denuo) *Aliquando CUM MEDIOLANI PRO HUIUSMODI NEGOTIIS (sive pro pace atque concordia hic item reformanda) PER DIES ALIQUOT MORARETUR; ARCHIEPISCOPUM ROGAVIT, UT SIBI BEATI AMBROSII RELIQUIAS VIDERE PERMITTERET*. Quod cum in die propter Populi frequentiam fieri non valeret; noctis medio paucis secum junctis, accenso lumine, quia locus erat obscurus; CUM AD CORPUS SANCTISSIMUM PROPINQUASSENT, repente lumen extinctum est. Cumque Vir Dei hoc evenisse suis delictis cum lachrymis quereretur; SUBITO IBISUFFICIENS LUMEN APPARUIT; SICQUE VOTUM SUUM, DOMINO AUXILIANTE, COMPLEVIT. Relegantur vero cetera etiam, quæ Num. illo 58. conjectabamus. Quod si chronologica isthæc nostra supputatio minime nos fallit; Sanctus igitur hic Cardinalis Archiepiscopum *Anselmum*, tamen si publice jam excommunicatum (quo-

A cum alioqui eum agere pro concordia & pace reformanda oportebat) rogavit, ut Sancti *Ambrosii* Corpus videre sibi permitteret. Quamquam etiam fortasse tunc non usque adeo contabatur, *Innocentiusne*, an potius *Anacletus*, esset legitimus Pontifex. Certe autem, sicut eodem illo Numero præmonebamus, Sanctus hic *Bernardus* obiit Anno Domini Millefimo centesimo trigesimo tertio. Ejus autem obitus celebratur pridie Nonas Decembris. Sic enim habetur in ejusdem Vita, Cap. 49.

B CCCLIII. Ut autem ordine chronologico summatim jam tandem perstringamus quæ *Sigonius* & *Baronius* in singulos Annos, ad nostrum pertinentia institutum, narrant; ea præsertim sunt hujusmodi. Trigesimo secundo supra Millefimum centesimum Anno *Innocentius* *Leodium* prodiit: ibique *Lotharius* ei cum omnibus sacris & profanis Regni sui Proceribus & universa Germaniæ Nobilitate occurrit. Ibidem igitur celeberrimus habitus fuit Conventus, in quo sacrae adversus *Anacletum* ejusque fautores redintegratae fuerunt detestationes. *Innocentius* inde *Genuam* revertitur: cum nuper *Conradus* etiam ex Italia in Germaniam rediisset. Trigesimo tertio mox Anno *Lotharius* cum exercitu in Italiam venit: & *Innocentius* *Genua* *Placentiam* profectus, novo illic Concilio & anathemate *Anacletum* & assecclas jugulat. Sic etiam *Innocentio* postea *Pisani* agenti *Lotharius* supervenit: cumque *Romam* ipsum deduxisset, atque *Anacletum* præ terrore cum suis fautoribus in editas sese Turres abdere coëgisset: Imperiali Diademate pridie Nonas Junias ab eodem *Innocentio* coronatur. Urbe postea cedens *Lotharius*, *Mantuum*, & inde in Germaniam transit. Erumpente mox etiam e Turribus *Anacleti* Factione, novisque omnia tumultibus permiscente, *Innocentius* inde *Pisas* repetens, eo novum Concilium ex toto indicit Occidentem. Sed & *Conradus*, Sancti *Bernardi* *Clarævallis* Abbatis auctoritate operaque apud *Lotharium* usus, ad eum trigesimo quarto Anno Conventum *Bambergæ* in Quadragesima habentem accedit: ac, titulo regio deposita, ut in ejusdem gratiam recipiatur, exorat.

E CCCLIV. Sub Concilii hoc Anno *Pisani* celebrationem quo in statu se res *Mediolanensium* haberent, quidve illi tandem consilii salubriter ceperint, *Carolus Sigonius* hoc ipso Anno sic enarrat: *Interim Mediolanenses, cum se Sacrorum communione spoliati, & Metropolitana dignitate nudatos cernerent, eo quod, Anselmum secuti, Conrado & Anacleto hæsisent; actorum poenitentia ducti, auctore Ribaldo (nobis autem Robaldo) quem Anselmo repudiato sublegerant, Innocentii & Lotharii recuperare gratiam studuerunt; atque ea de re litteras item ad Bernardum (Clarævallis Abbatem) cujus maximam esse norant auctoritatem, scripserunt*. Eadem porro nos etiam *Sigonio* ipsi consentimus; eo tantum excepto, quod *Robaldus* nobis jam tum *Anselmo* sublectus non videtur. Non enim postea Sanctum *Bernardum*, e *Pisano* jam Concilio huc profectum, sublegissent: quo demum electionem respiciente, ipsummet *Robaldum* sublegerunt. Præterquam quod etiam *Landulfus*, ante Concilium istud solam repudiationem *Anselmi* denique commemorat; sicuti jam vidimus Num. 351. Neque vero tantum Litteras, sed etiam Nuncios ad Sanctum *Bernardum* *Mediolanenses* miserunt.

F CCCLV. Narrationem *Sigonius* ibidem prosequitur in hæc verba: *Bernardus* autem ad Concilium *Pisanum* ab *Innocentio* accersitus, cum per Lombardiam eo festinans transfret, litteris rescriptis gratulatus est, quod errorem deposuissent: & se votis eorum obsecutorum, atque in reditu ad eos accessurum promisit. Ejusmodi autem Litteræ sine dubio tres illæ sunt, quæ inter ipsius Epistolas hodieque numerantur centesima trigesima secunda *Ad Clerum Mediolanensem*, centesima trige-

trigesima quarta *Ad Novitios apud Mediolanum conversos*. Quas quidem Litteras operæ pretium est integras hoc a nobis loco recitari.

CCCLVI. *Ad Clerum igitur Mediolanensem in hæc ille verba scribit:*

Benedicti vos a Domino: quorum studio & industria Civitas vestra liberata est ab errore, & relicto Schismate, ad Catholicam rediit Unitatem. Exiit sermo iste inter Catholicos: audivit & letata est Syon, & est vobis gloria coram Deo & omni Populo. Quam lætis amplexibus Mater Ecclesia colligit tot & tantorum multitudinem filiorum, quos se amisisse dolebat? Quam læto & sereno vultu Deus Pater recipit hoc sacrificium de manibus vestris? Quod autem & paci terræ intenditis; facitis quod filii pacis. Et ego, Fratres, particeps & socius gaudii vestri fieri cupiens, juxta petitionem vestram ad vos CUM DILECTIS FRATRIBUS NOSTRIS, NUNCIIS VESTRIS, veniebam, de quibus mihi scripsistis, plenius secundum rationem in beneplacito Dei satisfaturus. SED QUIA TEMPUS BREVE EST, QUO AD CONCILIUM FESTINAMUS; non gravet vos usque ad reditum nostrum sustinere.

CCCLVII. *Ad universos autem Cives Mediolanensem ecce qualem Sanctus Abbas Epistolam (quæ 133. numeratur) scripserit:*

Ut ex scriptis vestris percipio, nonnullus mihi locus gratiæ apud vos est. Et quoniam meum non invenio meritum; divinitus credo datum. NON RECUSO FAVOREM INGENTIS INSIGNISQUE POPULI. Amplector oblatam gratiam: & obviis manibus gloriøse Civitatis devotionem devotus excipio: præsertim hoc tempore, quo, abjecto errore Schismaticorum, ad sinum Matris Ecclesiæ cum gaudio totius Orbis reversa est. Arbitror tamen, non solum mihi gloriantum; quod invitator ad pacem querendam; & A FAMOSISSIMA URBE, cum sim pauper ignobilisque persona, tanti boni mediator atque minister assumor: sed vobis quoque per talem nihilominus honor est flecti ad pacem & concordiam Vicinorum vestrorum: QUOS NEC MULTARUM CIVITATUM HOSTILIS IMPETUS (UT BENE NOTUM EST MUNDO) CEDERE ALIQUANDO COMPULIT. Itaque festinans ad Concilium spero, me rediturum per vos, & probaturum de gratia, quam promittitis. Qui autem gratiam dedit, faciat, ne in me vacua sit.

CCCLVIII. Tertia sequitur, & in aliarum ordine 134. ejusdem Sancti Bernardi ad Novitios, apud Mediolanum conversos, Epistola:

CHARISSIMIS FRATRIBUS DE MEDIOLANO, NUPER CONVERSIS AD DEUM, Bernardus dictus de Clarevalle: *In spiritu consilii & fortitudinis, quod bene ceptum est, digno exitu consummare. Benedictus Deus: qui fecit vobis vilescere Mundi gloriam, largiturus suam. O quam vani filii hominum, quam mendaces filii hominum institeris! qui (secundum illud Evangelii) gloriam ab invicem querunt; & gloriam, quæ a solo Deo est, nolum: plane in hoc ipsi decipientes de vanitate in idipsum. Vos autem non sic. Ab hoc vos opprobrio liberavit nunc Divina Misericordia, ut essetis Christi bonus odor Deo in omni loco: ipsi ad gloriam, Angelis ad letitiam, hominibus ad exemplum. Siquidem gaudium est in Cælo super uno peccatore penitentiam agente; QUANTO MAGIS SUPER TOT ET TALIBUS VIRIS, ET DE TALI URBE CONVERSIS? Et ego, Fratres, tanta letitia provocatus, sed & vocatus a vobis PER CHARISSIMOS FRATRES OTTHONEM ET AMBROSIUM, QUOS AD HOC IPSUM DIREXISTIS, decreveram simul cum ipsis venire ad vos. Cæterum melius existimans, non in articulo temporis, ne-*

que in transitu vos videre; distuli usque ad reditum nostrum. PROPERAMUS QUIPPE AD CONCILIUM, per vos, Deo auxiliante, reveruri: consilium & auxilium, quod secundum rationem poterimus, vestro sancto proposito præbituri.

Ceterum ejusmodi Novitios Baronius hoc ipso Anno, Art. 5. interpretatur eos fuisse Mediolanenses, qui sese recenter hac in Urbe Ordini Cisterciensium adscribi voluerant. Itaque de hac ipsa loquens Epistola sic scribit: *Jam autem Mediolani plantata erat Religio Cisterciensis, & foetu fecundo propagata. Ad quorum sanctam sobolem tunc temporis coalescere incipientem Sanctus Bernardus aliam dedit Epistolam; hoc est centesimam trigesimam quartam; sicut est in ora marginali adnotatum. Erant autem illi satis magno in numero, & e præcipua Urbis Nobilitate. Quocirca Sanctus Bernardus ipsos alloquens, Gaudium (ajebat) est in Cælo super uno peccatore penitentiam agente; QUANTO MAGIS SUPER TOT ET TALIBUS VIRIS, ET DE TALI URBE CONVERSIS? Nobis itaque concedere item par videtur, aliquos e Monachis Cisterciensibus ad hanc Urbem præmissos fuisse, antequam Sanctus ipse Abbas huc adveniret: quorum scilicet exemplo sanctisque documentis Nobiles illi Viri sese ad Deum religiose converterint. Ex eorum autem numero facile illos arbitramur fuisse Nuncios, quos Clerus ipse Mediolanensis, quosve ipsimet Novitii recenter conversi ad eum miserant rogandum, ut veniret: quos utique respondens Sanctus Abbas nominat DILECTOS FRATRES NOSTROS, ET CHARISSIMOS FRATRES, OTTHONEM ET AMBROSIUM. Forte autem similiter ex ejusmodi Cisterciensium numero illi erant, quos Num. 351. Landulfo tradente legebamus una cum Episcopis Suffraganeis congregatos: pure scilicet rudi & inculta lana, sive cappis albis & griseis, indutos, & rasura insolita rasos, atque Populo acceptos perinde ac Angelos e Cælo delapsos: quos alioqui Anselmus ipse Archiepiscopus, Schismatis nutritor, tantopere averfabatur, tamquam præcipuos suæmetipsius dejectionis auctores. Certe quidem paulo post Landulfus ipse noster de iisdem Cisterciensibus post Sancti Bernardi ab Urbe profectionem ita nobis expresse luculenterque testabitur: Sed quidam de Discipulis ejus, qui remanserunt, per Civitatem euntes, collectam multam de auro & argento & rebus multis sibi fecerunt, & faciunt. His porro constructum subinde fuit extra Portam Urbis Romanam Charavallense Monasterium; sicuti suo tempore memorabimus. Fortasse vero etiam in ea Suburbii parte domicilium habere suum & aliquale Monasterium jam incoeperant. Cum Sanctus enim Pater suam ad ipsos Epistolam inscribat *Ad Novitios apud Mediolanum* (non autem *Mediolani*) conversos: hoc utique certissimo nobis est indicio, eos jam tunc, non in Urbe, sed in Suburbio potius aliquo, domicilium aliquod speciemque Monasterii, quod incolerent, habuisse.*

CCCLIX. Ceterum fallitur sine dubio quisquis inter ejusmodi Epistolas, quas Mediolanensibus Sanctus Bernardus rescripserit ex itinere, quo ad Concilium istud Pisanum festinabat, non modo connumerat, sed etiam primam prædicat eam, quæ inter ejusdem Sancti Epistolas centesima est trigesima prima, quæve titulum præfert AD MEDIOLANENSES, atque sic incipit: SUIS MEDIOLANENSIBUS, UNIVERSO VIDELICET CLERO ET POPULO, Bernardus Abbas dictus de Clarevalle in Domino Salutem. Quod ergo pastoralis velut inscriptione tituloque paterno Mediolanenses statim appellet SUOS: libenter nos item, accipimus, quod sponte offertur; ac, si renueretur, contenderemus: videlicet, hoc inde factum, quia Ecclesiæ hujus Pontificatus eidem Bernardo fuisset jam ante delatus.

Atqui delatus hic ei non ante fuit, quam e Concilio *Pisano* huc venisset; ut paulo post constabit. Non igitur hanc ipse Epistolam scripserat prius, quam inde huc veniret. Sequitur porro Sanctus Abbas: *Bene vobiscum facit Deus: bene vobiscum facit Romana Eccle. Facit ille, quod Pater: facit illa, quod Mater. Et re vera quid vobis debuit facere, & non fecit? Si postulastis mitti vobis de Curia honorabiles personas ad honorem Dei & vestrum; factum est.* Quandonam vero id factum est? Tunc utique (quis enim neget?) quando non ab Urbe *Roma*, e qua *Innocentius* Pontifex Anno superiore sese furori *Petri-Leonis*, seu Antipapæ *Anacleti*, subduxerat; sed a *Pisana* (ad quam interim una secum transfulerat Curiam) post Concilium hoc Anno celebratum missi cum Sancto *Bernardo* fuerunt *Guido Pisanus* & *Matthæus Albanensis* Episcopi, Sanctæ *Romanæ* Ecclesiæ Cardinales, & Apostolici a Latere Legati. Si postulastis confirmari (subdit Sanctus *Bernardus*) quod Unanimitas vestra de Venerabilis Patris vestri electione firmaverat; factum est. Si voluistis licuisse vobis, quod illicitum, nisi pro magna quidem necessitate, sacri Canonis iudicant, translationem Episcopi scilicet in Archiepiscopum; concessum est. Ecquando vero factum istud item ac concessum fuit? Impermissa nimirum & vetita data esse Populi huius magnitudini, solutæque leges in eorum gratiam, ut alterius Urbis Episcopus ad Metropolim obtinendam ascisceretur. Hæc utique nos fatemur his Epistolæ verbis significata; sed non illud; *Chrysolaum*, cum alteri cuiquam Ecclesiæ præfideret, ad huius Ecclesiæ gubernacula studiis Populi fuisse ascitum; idque Pontifice maximo aliquandiu vel concedente, vel non prohibente. Ac de *Chrysolaio*, quidem (nobis *Grosulano*) jam diximus Num. 291. & 322. ipsiusque sine dubio exemplum epistolari huic Sancti Abbatis instituto potius obfuisse; quam profuisse; quippe quem Apostolica Sedes ab eum tandem *Saonensem* Episcopatum ab hoc *Mediolanensem* Archiepiscopatu deiecerat. Nobis igitur de ipso ne cogitasse quidem in hac Epistola videtur Sanctus *Bernardus*; sed certe quidem *Robaldum* Episcopum *Albensensem* indicasse; cui repudiatum a semetipso Archiepiscopatum *Mediolanensem* addixerant, additumque *Romana* mox Ecclesia confirmarat, & quidem Pallio etiam denique dato, sive potius transmissio. Itaque paulo post sic etiam interrogat subditque Sanctus Abbas: *In quo postremo quæcumque rationabilis petitio Filie (scilicet Ecclesiæ Mediolanensis) non dico repulsam, sed vel moram passa est apud piam Matrem? En ad complementum Pallium præsto est, plenitudo honoris.* Certe autem Archiepiscopatum *Robaldo* addixerant *Mediolanenses*, *Romana* vero Ecclesia in eum denique modum confirmaverat nonnisi postquam Sanctus *Bernardus* ceterique Legati Apostolici, *Guido* & *Matthæus*, Legatione sua functi, ab Urbe *Mediolano* discessissent. Legatur vero reliquus etiam istius Epistolæ contextus. Universus profecto semet aperitissime prodit conscriptum ex eo tantum tempore, quo *Mediolanensis* Ecclesia, Schismate hoc tandem absoluta, redierat in Ecclesiæ *Romanæ* gratiam, sibi que primævum Metropoleos splendorem recuperaverat; quove propterea celebratum jam fuerat Concilium istud *Pisanum*, ad quod Sanctus ceteroqui properabat *Bernardus* cum Epistolas ejusmodi *Mediolanensibus* rescriberet. Quam optime vero res habet, quod observationis huius nostræ patrum habemus *Sigonium* Anno Millesimo centesimo trigésimo sexto, præterea vero etiam *Baronium* hoc ipso Anno Millesimo centesimo trigésimo quarto. Qui proinde *Baronius* loquens de Sancto *Bernardo*, post hanc *Mediolanensem* alteramque sequenti Anno ad *Genuenses* Legationem jam in *Gallias* reverso, ita subdit Art. 8. Cum autem idem Sanctus Abbas audisset (nescimus, qua ex causa) eundem Populum *Mediolanen-*

A *sis Civitatis labantem titubantemque, neque firmiter in proposito permanentem; occurrit quam citissime opportuno remedio; scribens ad eos præsentem Epistolam (videlicet centesimam trigésimam primam, quam protinus quoque integram exscribit) qua illi summa sunt fidei constantia roborati.* Hactenus *Baronius*. Nos tamen infra conjectare saltem audebimus, quam ob causam Populus *Mediolanensis* ita titubaret postea, nec in proposito permaneret; ut proinde per hanc Sancti Abbatis Epistolam confirmandus opportune fuerit. Jam enim tandem par est, ut nos ipsi quoque *Pisanum* ad Concilium festinemus.

B CCCLX. *Bernardus Bonævallensis* Abbas in Sancti *Bernardi Clarævallenensis* Vita, Libro & Cap. 2. convenienter ad ea, quæ nos prope finem Numeri 353. strictim narrabamus, de *Pisano* huiusmodi Concilio hæc tradit: *Relicto igitur Romæ Innocentio, alias Imperator (Lotharius) digreditur. Petrus vero (sive Leonis, & Antipontifex) post ejus discessum crebros motus per Urbem excursus, Fidelium cædibus inhiabat. Intellegens ergo Innocentius Romæ sibi infructuosam eo tempore moram, ne præsentia sua illius Bestiæ rabiem efficeret, rursus Pisas reveritur: IBIQUE AGGREGATIS TOTIUS OCCIDENTIS EPISCOPIS ALIISQUE RELIGIOSIS VIRIS, MAGNÆ GLORIÆ SYNODUS CELEBRATUR.* Affuit per omnia & consiliis & judiciis & definitionibus omnibus Sanctus Abbas: impendebaturque ei reverenti ab omnibus: & excubabant ante ejus limina Sacerdotes; non quod fastus, sed multitudo communem prohiberet accessum: & aliis egredientibus alii introibant, ita ut videretur Vir humilis, & nihil sibi de his honoribus arrogans, non esse in parte solitudinis, sed in plenitudine potestatis. Actiones Concilii longum est prosequi. Summa tamen in excommunicatione *Petri* (qui *Anacletus* jam dicebatur) & irregressibili fautorum ejus dejectione consistit, & usque hodie hæc Sententia perseverat. Nec plura de hoc Concilio Abbas hic *Bonævallensis*. *Landulfus* porro notiter, post illa verba, quæ nos Num. 351. denique recitabamus ex ipsius Capite 41. hæc protinus addit: *Interim Innocentius Papa Pisis Synodum celebravit. In quæ, Robaldo Episcopo Albeni representante, Thealdus de Landriano Archiepiscopus Ecclesiæ Mediolanensis, Amizo della Sala Archidiaconus, Anselmus de Rhode Levita, & alii plures ejusdem Ecclesiæ Oratores, & cum Primicerio Decumani Sacerdotes, contra solitum decus Mediolani & Ecclesiæ (sic enim persuasum erat) Innocentio Papæ fidelitatem juraverunt. Cremonenses vero propter hanc fidelitatem nequaquam milites Mediolanenses, quos captos habebant, dimiserunt. SED PAPA INNOCENTIUS DEPOSITIONEM ET EXPULSIONEM SÆPE-DICTI ANSELMII DE PUSTERLA FIRMAVIT.* Attamen prænominati, qui fidelitatem juraverant, timentes hos casus Urbis & Ecclesiæ *Mediolanensis*, differebant redire *Mediolanum*; nisi haberent Protectorem, qui coram Populo *Mediolani* confirmaret *Anselmi* expulsionem, & ad nihilum reduceret *Conradi* Coronationem; & Populum tantæ Urbis convocaret & confirmaret ad *Lotharii* Imperatoris amorem, & ad ipsius *Innocentii* Papæ unitatem. AD HÆC PERAGENDA PAPA ADEO IDONEUM ANGELUM HABUIT, SICUT BERNARDUS ABBAS CLARÆVALLENSIS FUIT. Quidnam vero *Sigonius* de hoc ipso Concilio? Ejus (inquit & ipse) Concilii actiones fuere multæ. Summa tamen in *Anacleto* cum fautoribus execrando versata est. Tum vero: *Mediolanensibus*, qui ad auctoritatem *Innocentii*, *Ribaldo* auctore, redierant, honoris causa multa tributa: Ut *Ribaldus*, quem ipsi delegerant (hoc utique nos adhuc negavimus, ac rursus negamus) dignitatem (Archiepiscopalem) teneret: Ut ea Sedes *Metropolitana*, sicut ante

ante, esset, ac Pallio dignaretur: Ut Legatio ad eos expiandos honestissima mitteretur. Missi vero sunt Guido Pisanus & Matthæus Albanus Episcopus, Legati a Latere: atque eis socius est adjunctus ipse, quem in primis requirebant, Bernardus; ut dissidium ab Anselmo Archiepiscopo excitatum extinguerent, ac Populum religione contactum scelere liberarent.

CCCLXI. Sed ad Bernardum Bonævallensem revertamur. Ille igitur in hæc verba illico pergit: Soluta Concilio, ad reconciliandos Mediolanenses Dominus Papa Abbatem Clarævallis, quem multi supplicationibus expetierant, & Guidonem Pisanum, & Matthæum Albanensem Episcopum, a Latere suo direxit: qui Schisma per Anselmum in eadem Urbe factum abluerent, & ad unitatem Ecclesiæ devios revocarent. Abbas igitur cum prædictis Viris, quos a Domino Papa collegas acceperat, addidit consortio & communi consilio Virum Venerabilem Gaufridum Carnotensem Episcopum, cujus innocentiam & sinceritatem in multis probaverat. Et visum est Cardinalibus bonum, ut tanto adjutore negotium tanti ponderis fulciretur. Transcens itaque Apennino, ubi audierunt Mediolanenses, Abbatem desideratum suis finibus propinquare; longe a Civitate miliaribus septem omnis ei Populus obviat. Nobiles, ignobiles, equites, pedites, mediocres, pauperes, quasi de Civitate migrarent, proprios lares deserunt, & distinctis agminibus incredibili reverentia Virum Dei suscipiunt. Omnes pariter delectantur aspectu: sælices se judicant, qui possunt frui auditu. Deosculantur pedes ejus universi: & licet hoc ille moleste acciperet, nulla potuit pronos & devotos ratione compescere, nulla interdictione repellere. Vellicabant etiam pilos, quos poterant, de indumentis ejus: & ad morborum remedia de pannorum laciniis aliquid detrahebant, omnia sancta judicantes, quæ ille tetigisset, & se sanctificari tactu eorum, vel usu. Præcedentes itaque & subsequentes lætabundis acclamationibus applaudebant Abbati: & diu intra agminum spissamenta detentum, TANDEM SOLEMNI REDDIDERE HOSPITIO. Quod nimirum paulo post ad Laurentianam fuisse Basilicam nos quidem ostendimus; proptereaque nos in hanc velut obsequii partem venire tanto magis oportebat, exscribendo saltem; tametsi paulo prolixiora hæc essent.

CCCLXII. Quanquam etiam longe brevior est ejusdem Bonævallensis Abbatis narratio, qua gestum prosequitur negotium, propter quod Viri tam insignes huc venerant. Subdit enim: Et cum tractatum esset in publico de negotio, propter quod tam Vir Dei quam Cardinales advenerant; OBLITA FOR- TITUDINIS SUÆ CIVITAS, OMNIA FEROCITATE DEPOSITA, se ita Abbati substravit, ut obedientiæ eorum non incongrue ille posset aptari Poëtæ Versiculus:

Jussa sequi tam velle mihi, quam posse, necesse est. Quæ quidem pressior narratio perinde significat ac illa Sigonii paulo fusior, hisce verbis comprehensa: Die inde constituto Consilium est habitum. Ibi primum, Anacleto rejecto, Innocentium ut verum & catholicum Pontificem approbarunt: deinde, Conrado repudiato, palam Lotharium Regem & Dominum acceperunt, & Romanorum Imperatorem Augustum una cum toto terrarum Orbe confessi sunt: & de contumacia adhibita se ex consilio & mandato Innocentii satisfacturos esse, tacto sacrosancto Evangelio sponponderunt: ac mox Bernardi judicio se subicientes, piaculum, quod ille imposuit, receperunt. Non defuit autem qui disertissime scripserit, hæc omnia Mediolani a Legatis illis peracta in Ecclesia Metropolitana: quod & nos facile credimus. Absit autem, ut credamus, quod ille addidit, Ecclesiam eo tempore Metropolitanam fuisse hanc Sancti Ambrosii Majoris Ecclesiam. Hoc enim commentum est vanissimum, nec ulla jam confutatione dignum.

A CCCLXIII. Certe quidem convenienter ad hæc ipsa Legatorum acta hoc suademus, ut ejusdem Sancti Abbatis legatur Epistola centesima trigesima septima, quæ est Ad Imperatricem Romanorum, quæve ipsi Mediolanenses commendat in illud tempus, quo gratiam ejusdem requirerint per Dominum Papam, utique mediatorem suæ reconciliationis; sicut in eadem habetur Epistola, quam nos infra recitabimus Num. 372.

B CCCLXIV. Ecce vero jam tandem, quid Landulfus item noster scriptum nobis reliquerit de hac ipsa Romani Pontificis ad Mediolanenses Legatione. Interea (inquit ille Cap. 42.) Princeps Conradus, altiori consilio potitus (ex quo scilicet Regnum abdicavit, & in gratiam Lotharii rediit) Imperatoris Lotharii Vexillifer est factus: & prænominatus Abbas iste (Clarævallensis) nil moratus, cum Carnotensi Episcopo & Robaldo Albeni Mediolanum intravit: quam Civitatem nimirum, prout voluit, formavit. Ad nutum quidem hujus Abbatis omnia ornamenta Ecclesiastica, quæ auro & argento pallisque in Ecclesia ipsius Civitatis videbantur, quasi ab ipso Abbate despecta, in scriniis reclusa sunt: & non solum masculi, sed etiam mulieres tonsæ sunt: & ciliciis & lanis vilissimis induti ad quælibet religiosa convertuntur. Aqua in vinum mutatur, Dæmones fugantur, contracti eriguntur, etiam a quacunque infirmitate infirmi similiter sanantur: & quoscunque captivos infirmos Mediolanenses habebant de inimicis suis in custodia, Abbas ipse solvit, & liberos dimisit: & tantum Populum ad amorem Imperatoris Lotharii, atque ad obedientiam Innocentii Pape per Sacramentum Pacis, quod Abbas ipse porrexit, confirmavit.

C CCCLXV. Mentionem ingressi miraculorum, quæ Sanctus hic Abbas larga manu effusaque Mediolani operatus est; nos tamen, paucis tantum in commune prælibatis, ea solum miracula narrando prosequemur, quorum particeps consciaque fuit Basilica isthæc Ambrosiana, quinetiam hoc ipsum Altare, sub quo Sanctorum Ambrosii ac Protasii Gervasique sacra Corpora quiescunt. Divino judicio (sic enim Bonævallis Abbas nobis in fine Capituli ejus secundi testatur, nosque lubenter istud ad publicum ac perpetuum nostræ Urbis documentum prælibamus) ea tempestate in Medialano (juxta illud Isaïæ verbum) pilosi clamabant alter ad alterum, & occurrerant onocentauris Dæmonia, & effrænatis decursibus plurimos infestabant, nec erat qui insolentiæ eorum resisteret; cum diu sub Anselmi Schismate, qui Petri (Antipapæ Anacleti) fautor Mediolanensem occupaverat Cathedram, Sacerdotes gementes, Virgines squalidæ, Sanctificationes maledictæ, Altare pollutum, iram Dei in populum provocassent. At vero in adventu Viri Dei, abdicatis Anselmi præstigiis, & in Sedis Apostolicæ obedientiam sub Innocentio revocata Ecclesia, impedita est illa Dæmonum licentia: & quotidie dabat locum, & ad preces Viri Dei diffugebat Diabolus: & si quando resistere conabatur; in ipso conflictu succumbens, gloriosius vincebatur. Sed & illud hic præmittamus oportet, quod idem Scriptor paulo ante narraverat. Pacatis (inquit) omnibus, reconciliata Ecclesia, firmitatis inter Plebes concordie pactionibus (hæc autem peracta jam fuerant prima post adventum ad Urbem die; vel etiam secunda, saltem ex parte; sicuti mox constabit) alia cæperunt nasci negotia: & insaniente Diabolo, & in quibusdam obsessis corporibus debacchanti, oppositum est Christi Vexillum: & increpante Viro Dei, de possessis atriis, superveniente eminentiori virtute, territa & tremebunda diffugere Dæmonia. Ecce nova Legatio, non Romanum Pragma circumferens, sed divinis legibus Fidei Pragma allegans, prolatis in medium Litteris sanguine Christi conscriptis, & Bulla Crucis impressis, quæ figura auctoritate sua Terrestria

Et Inferna sibi subdit Et curvat. INAUDITA EST NOSTRIS TEMPORIBUS TANTA POPULI FIDES, TANTA IN HOMINE VIRTUS: inter quos religiosa erat contentio; cum signorum gloriam Abbates credulitati illorum, illi vero sanctitati Abbatis adscriberent; Et hoc de eo indubitanter sentirent, ut, quicquid a Domino peteret, impetraret. Adducunt igitur ad eum nihil hesitantes mulierem omnibus notam, quam annis septem Immundus vexaverat Spiritus: Et postulant supplices, ut in nomine Domini Dæmoni imperer fugam, Et mulieri restituat hospitalem. Quæ Populi fides non minimam verecundiam Viro Dei ingerebat: Et, humilitate magistra, INCONSUETA EXPERIRI NON PRÆSUMEBAT: Et instanti petitione Populi, erubescere, si charitati postulantium obstinatius resisteret: Et videbatur ei, quod offenderet Deum, Et omnipotentiam ejus diffidentia obnubilare videretur; si a fide Populi fides propria dissentiret. Æstuabat igitur secum: Et licet Signa non Fidelibus, sed infidelibus, fieri oportere assereret; ausus suos Spiritui Sancto committit; Et orationi incumbens, cœlitus illapsa virtute Satanam in spiritu fortitudinis increpat Et fugat; mulieremque reddit incolumem Et quietam. Latantur qui aderant: Et levantes manus ad Sydera, Deo, qui de excelso eos visitavit, gratias agunt. Auditum est hoc verbum, Et percrebuit fama, Et repente totam perculit Urbem. Per Ecclesias, per Prætoria, per Compita omnia conveniunt undique: de Viro Dei sermo ubique habetur: dicunt publice, nihil ei impossibile, quod a Domino postulet: Et ad preces ejus apertas Dei aures dicunt Et credunt, Et prædicant Et affirmant. Nec possunt aspectu ejus, vel auditu, ullo modo satari. Irruunt alii in præsentiam ejus: alii, donec exeat, præ foribus præstolantur. (essatum est ab officiis Et artibus: tota Civitas in hoc spectaculum suspensa manet: concurrunt, postulant benedici: Et tetigisse eum singulis salutare videtur. Et hæc quidem acta intra secundam diem postquam Sanctus Pater in Urbem advenisset.

CCCLXVI. Hospitabatur, uti jam diximus ac dicemus, ad Ecclesiam Sancti Laurentii Sanctus Bernardus: tertiaque post adventum die ad Basilicam istam processit Ambrosianam. Tertia die (inquit ejus Vitæ Auctor eodem Cap. 2.) AD ECCLESIAM SANCTI AMBROSII, DIVINA CELEBRATURUS MYSTERIA, SERVUS DEI PRO-CEDIT. Ubi, expectante innumera Populi multitudine, inter ipsa Missarum solemnia, DUM, CLERICIS CANENTIBUS, IPSE SECUS ALTARE SEDERET, puellam ei parvulam offerentes, quam vehementi impetu vexabat Diabolus, orant, ut misellæ subveniat, Et Diabolum in ea debacchantem elidat. Audita supplicatione adstantium, Et intuitus personam frendentem dentibus Et stridentem, ut etiam intuentibus esset horrori, compassus est ætatis Et vehementiæ anxietatis illius condoluit. Patenam igitur Calicis, in quo divina celebraturus erat Mysteria, accipit: Et digitis latice superfuso orans intra se, Et de Domini virtute confidens, ori puellæ salutem potum applicat, Et corpori ejus stillam medicinam infundit. Nec mora: quasi ureretur Satan, infusionis illius virtutem ferre non potuit; sed, urgente intrinsecus Crucis antidoto, festinanter egrediens, vomitu sordidissimo tremebundus erupit. Sic purgata persona, Diabolo profugo Et confuso, laudes debitas Deo canit Ecclesia: Et post acclamationes lætabundas ala er Populus ibidem, donec divina compleantur Mysteria, immo ilis perseverat. Sub aspectu itaque omnium incolumis puella a suis domum reducit: Et vix tandem a Populo dimissus, AD HOSPITIUM VIR DEI REVERTITUR

CCCLXVII. Accipe vero nunc alterum item miraculum, longe majori dignum admiratione, quod Sanctus Abbas alia die in eadem Ambrosiana Basilica edidit. Habetur autem in ejus Vita, Lib.

A 2. Cap. 3. his verbis: Inter eos igitur, qui vexabantur (a Dæmone) mulier grandæva, Civis Mediolanensis, Et honorata quondam Matrona, USQUE AD ECCLESIAM BEATI AMBROSII POST BEATUM VIRUM A MULTIS TRACTA EST: in cujus pectore pluribus annis Diabolus federat, Et jam ita suffocaverat eam, ut visu Et auditu Et verbo privata, frendens dentibus, Et linguam in modum promuscidis elephantinæ protendens, monstrum, non famina, videretur. Sordida ei facies, vultus terribilis, flatus foetidus, inhabitatoris Satanae colluvia testabatur. Hanc cum aspexisset Vir Dei, novit inhaerentem ei Et inviscatum Diabolum, nec facile egressurum de domo, quam tanto possederat tempore. Conversus ad Populum (cujus innumera aderat multitudo) orare jubet attentius: ET CLERICIS ET MONACHIS SECUM JUXTA ALTARE CONSISTENTIBUS, mulierem ibidem jubet constitui, Et teneri. Illa vero reluctans, Et vi diabolica, non naturali virtute, recalcitrans, non sine aliorum injuria, ipsum Abbatem pedem percussit. Quem Diaboli ausum mansuete ille contempsit: Et ad expulsionem, non indignatione iræ, sed pacifica Et humili supplicatione Deum invocavit adjutorem. Et ad immolationem Hostiæ salutaris accedit. Quotiens tamen eandem sacram Hostiam signat, totiens ad mulierem quoque conversus, eodem Signo Crucis edito Spiritum nequam Athleta fortis impugnat. Nam Et ille Malignus, quotiens adversus eum Signum Crucis intenditur, percussus se indicans, acrius sævit: Et recalcitrans contra stimulum, quidnam toleret, prodit invitus. Expleta autem Oratione Dominica, efficacius Hostem aggreditur VIR BEATUS. Patenæ Calicis sacrum Domini Corpus imponens, Et mulieris capiti superponens, talia loquebatur: Adest, inique Spiritus, Judex tuus: adest summa Potestas; jam resiste, si potes. Adest ille, qui pro nostra salute passurus, Nunc, inquit, Princeps hujus Mundi ejicietur foras. Hoc illud Corpus est, quod de corpore Virginis sumptum est, quod in stipite Crucis extensum est, quod in tumultu jacuit, quod de morte surrexit, quod videntibus Discipulis ascendit in Cælum. In hujus ergo Majestatis terribili potestate tibi, Spiritus maligne, præcipio, ut, ab hac ancilla ejus egrediens, contingere eam deinceps non præsumas. Cumque eam invitus deserens, Et manere ultra non valens, atrocius affligeret, tam magnam iram quam modicum tempus habens; rediens Pater Sanctus ad Altare, fractionem Hostiæ salutaris rite complevit; diffundendamque in Populum pacem Ministro dedit (en, ut solemniter ille Missam celebrabat) Et confessim pax Et salus integra reddita est mulieri. Sic ille Nequam, divina Mysteria quantæ sint efficientiæ Et virtutis, non confessione, sed fuga coactus ostendit. Fugato Diabolo, mulier, quam in tantorum sartagine tormentorum Carnifex pestilens tanto tempore frixerat, mentis suæ compos effecta, redditus sensibus Et ratione, revoluta intra fauces lingua Deum confessa, gratias egit: Et intuita Curatorem suum, pedibus ejus advoluta est. Ingens per Ecclesiam attollitur clamor, omnis ætas jubilat Deo, personant æramenta, benedicitur ab omnibus Deus: excedit veneratio modum, Et Servum Dei supra hominem (si dici fas est) liquefacta charitate Civitas veneratur. Hactenus de miraculis a Sancto Bernardo in Ambrosiana ista Basilica perpetratis. Innumera vero sunt alia, quæ ipse tota passim Urbe, atque præsertim ubi hospitabatur, operatus fuit. In hæc consulatur ipsius Vita, Lib. 2. Cap. 3. & 4.

CCCLXVIII. Sequitur jam tandem, ut ad ejusdem hospitium, & electionem Archiepiscopalem, sed recusatam, veniamus. Landulfus ergo noster Cap. 42. post ea denique verba, quæ nos Num. 360. proferebamus, suam ipse Historiam in hunc modum profequitur: TANDEM IDEM POPULUS, UT HABERET ABBATEM ILLUM IN ARCHIEPISCOPUM, AD ECCLESIAM SAN-





S BERNARDUS,

Abbas Clariavallensis.

SANCTI LAURENTII, IN QUA ERAT HOSPITATUS, CUM HYMNIS ET LAUDIBUS ET SOLITO SUO KYRIE ELEISON (quod perinde est, atque cum solemni juxta Ritus Ambrosianum Processione) CONCURRIT. Quod Abbas ille non tulit; sed ait: EGO IN CRASTINO ASCENDAM PALAFRETUM MEUM: ET SI ME EXTRA VOS PORTAVERIT; NON ERO VOBIS QUOD PETITIS. Ac sic

Mediolano recessit. Perinde ac si etiam ceteroqui diceret: Ero autem vobis quod petitis; si me extra vos non portaverit. Quo quidem responso Sanctus Abbas, Papiam & ipse Ticinumque tendere tunc cupiens, nobis ad illud non obscure videtur alluisse, quod Sancto Ambrosio contigerat, cum, regimen Ecclesiæ Mediolanensis sibi oblatum recusans, ab ipsamet etiam Urbe tandem aufugit: Egressusque noctis medio Civitatem (sicut in ejus Vita Paulinus narrat) cum Ticinum se pergere putaret; mane ad Portam Civitatis Mediolanensis, quæ Romana dicitur, invenitur. Mediolanenses igitur hoc tantum Anno supra Millesimum centesimum trigesimo quarto ad Archiepiscopale fuimetipsorum regimen elegerunt Sanctum istum Abbatem. Cumque tam luculenter hoc nobis Landulfus noster, oculatus tunc ac præsens jamque per alia item omnia probatæ nobis fidei testis, affirmet; quidni ceteris omnibus ætate posterioribus, & aliter opinantibus, hic unus jure omni meritoque anteponatur, ejusque testimonium apud nos illorum testimoniis hac in parte præponderet? Quod si etiam in Ecclesia, hoc est, in Canonica, Sancti Laurentii hospitatus interea temporis fuit Sanctus Bernardus: & a Mediolanensibus ad hoc solemne (sicut Bonævallis Abbas Cap. 2. appellat) hospitium deductus est; non igitur ipse sibi elegerat intra pauperima Claustra apud sui similes hospitium; nec in aliquo interim Monasterio habitavit, per cujus omnia diverticula invicem elideretur contipata & coarctata multitudo, quæ ad ipsum confluebat.

CCCLXIX. Quam festiva vero ac modesta divini Hominis responsio: nec ab eo diversa more, quo dignitates hujusmodi sibi oblatas recusare consuevit. Qua de re Gulielmus Abbas in ejus Vita, Lib. 1. Cap. 14. sic habet: Summos honores Ecclesiasticos, quasi dignum eum jugiter persequentes, non jactanter respuendo, sed religiose & rationabiliter declinando, quid in omni operatione sua semper quaesierit, quo ambierit, manifeste declarat. Cumque dignus esset, ut cogeretur; nescio quo judicio Dei, & singularis reverentia sanctitatis, jam olim apud omnes obtinuit, ne aliquando ad aliquid contra voluntatem suam cogatur. Sed cum hoc modo Mundi hujus fugit honorem, omnium honorum non effugit auctoritatem, dignus in conscientis omnium, qui in timore & amore Dei timeatur & ametur: quo præsentem, ubicumque fuerit, nil contra justitiam audiat: cui, ubicumque aliquid loquitur vel agit, pro justitia obediatur. Vide autem, quid Bernardus pariter Bonævallis Abbas mox Lib. 2. Cap. 4. differat in eandem sententiam. Quot (inquit) Ecclesiæ destitutæ Pastoribus eum sibi in Episcopum elegerunt? Elegit eum domestica Lingonensis Ecclesia, elegit Cathalaunensis. Intra Italiam Civitas Januensis, ET MEDIOLANUM METROPOLIS LIGURUM, hunc optaverunt Pastorem & Magistrum. Rhemi, nobilissima Franciæ Civitas secundæ Belgicæ Provinciæ caput, ejus dominationem ambivit. Omnibus his vocationibus postpositis, non sollicitavit animam ejus honor oblatum: nec motus est pes ejus, ut inclinaret se ad gloriam: nec magis eum delectabat tiara & annulus, quam rastrum & sarculus. Petentibus se, nec annuens aliquando, nec insolenter aut improbe renuens, dicebat, se non esse suum, sed aliorum servitio deputatum. Quæ res cum referretur ad Fratres; respondebant: Nos omnibus, quæ possidebamus venditis, inventam pretiosam

A margaritam comparavimus. Ad patrimonia distracta redire non possumus. Quod si & pretium & appretiatum nobis perierit, & substantiis & margarita privati fuerimus; expectationi nostræ male provisum est; si oleo nostro effuso, clausis januis, sicut fatui mendicemus. Providerant etiam sibi ex consilio sanctissimi Fratres, ET DOMINI PAPÆ AUCTORITATE MONITI ERANT, ne quis gaudium suum tollere posset ab eis, & aliorum consolatio eis fieret tribulatio, & eorum inopia aliorum plenitudinem cumlaret. His aliisque rationibus Servi Dei expugnaverant petitores: & jam divulgatum erat ubique, Abbatem sic statutum in Ecclesia a Deo, sicut in Hebræorum Populo Moyses fuit: qui, cum non esset Pontifex, Aaron tamen unxit & sacra- vit Pontificem, & dispositionibus ejus tota Levitica omni tempore successio paruit. Quæ quidem cum ita se habuerint; eo certe minus credibile nobis illud nominatum relinquunt, quod in Catalogo Successores Sancti Barnabæ in Anselmo Quinto asseritur, ab Honorio Secundo Pontifice confirmatam fuisse Archiepiscopatus Mediolanensis administrationem, ad quam Sanctus Bernardus fuerat a Populo Mediolanensi electus: videlicet antequam ipsemet Anselmus eligeretur. Siquidem in hoc etiam Catalogus ille nobis falsus videtur; ut antea observavimus.

CCCLXX. Quando autem, recusato Mediolanensi Archiepiscopatu, Sanctus Bernardus Mediolano discedit, Archiepiscopalia nihilominus erga Urbem istam viscera secum adportans; nos vicissim grati memorisque animi gratia inferendam hoc ipso loco curavimus ejus effigiem. Satis vero fideliter incisa æri hæc est ex altera paris mensuræ, quam superioribus annis ad suos in hoc Ambrosiano Monasterio Monachos, jam Cistercienses Pater Generalis e Gallia transmisit; hoc elogio commendatam, quod ex omnibus æri hactenus incisis non alia unquam magis ad veram & nativam Sancti Abbatis effigiem congruerit.

CCCLXXI. Cum Sanctus Bernardus Mediolano discederet; Papiam, dein Cremonam profectus est. Cumque suam in utraque illa Civitate miraculorum virtutem aliquatenus exercuisset, Mediolanum revertit. Et hæc quidem liquido constant ex ipsius Vita, Lib. 2. Cap. 4. De quo reditu sic etiam ibidem subtextum habetur: Cum SECUNDO per Mediolanum eodem Anno (scilicet Millesimo centesimo trigesimo quarto) Pater Sanctus transiret, oblata est ei demoniaca mulier. Nam eo tempore aberat, quo PRIMUM Vir Dei Civitatem prædictam sua illustravit præsentia. Sed quænam potissimum ad negotia Sanctus Abbas iter illud suscepit, muta penitus est ejusdem Historia. Nos quidem illuc profectum commentabamur, ut eos Cives ad concordiam cum Mediolanensibus redigeret, belloque tandem jam cæpto unanimes hinc inde abstinerent. Ad pacem quippe jam propendebant Mediolanenses; sicut ipsemet Sanctus Abbas testabatur Num. 356. & 357. si- ve suis Epistolis centesima trigesima secunda & trigesima tertia. Quia tamen hoc ipsum bellum paulo post ex Historia Landulfi comperiebamus nihilominus continuatum; propterea tantum istum pacis Conciliatorem nihil apud Papienses & Cremonenses profecisse conjectabamus quidem; at ne affirmare quidem ausi unquam fuisset; ne forte irrogatam propterea sibi a nobis injuriam quererentur. Dicat ergo, suisque potius eloquatur hoc ipsum verbis Ludovicus Canitellus in suis Cremonensium Annalibus ad hunc ipsum Christi Annum Millesimum centesimum trigessimum quartum. Ibi enim sic habet: Divus Bernardus Mediolanensibus, dum eis, quia adhæssent Corrado Suevo, interdicta essent Sacra per Summum Pontificem, & mox, dimisso Corrado, Lothario adhæssent, absolutionem & veniam impetravit: & Cremonam profectus & Papiam, UT IBI INCOLAS ET CONFOEDERATOS

CUM MEDIOLANENSIBUS COMPONERET; RE INFECTA, EX CREMONA REDIIIT MEDIOLANUM. Quamquam etiam ne id quidem tacuerat Sigonius. Hoc ipso siquidem Anno Millesimo centesimo trigesimo quarto, post indicata denique Sancti Bernardi miracula, quæ nostra in Urbe patrauerat, ita subdit: Inde iussu Innocentii ad pacificandas ipsas inter se Lombardiæ Civitates profectus, Papiam & Cremonam se contulit. CUM AUTEM APUD CREMONENSES NIHIL PROFECESSET; eorum Innocentio pertinaciam significavit his verbis: Cremonenses induruerunt, & prosperitas eorum perdit eos. Mediolanenses contemnunt, & confidentia ipsorum seducit eos. Hi in curribus & equis spem suam ponentes, meam frustraverunt, & laborem meum exinanierunt. Quæ nimirum Sanctus Bernardus ad Innocentium postea scripsit, ut nos infra recensebimus: quæve continentur in ejusdem ad ipsum Epistola 318. quam postmodum recitabimus.

CCCLXXII. Mediolanum inde regressus (hæc nempe sunt ex ejusdem Sigonii contextu, mox ibidem continuato) ad Richizam Augustam diligenter de recipiendis in gratiam suam Mediolanensibus scripsit. Hæc autem illa est Ad Imperatricem Romanorum Epistola 137. quam Num. 363. innuebamus, quæve in hanc sententiam est conscripta:

IN reconciliatione Mediolanensium non oblitus sumus unde a Vestra Excellentia præmoniti fueramus. Quod etsi non monuissetis; nihilominus honori vestro & Regni utilitatibus intenderemus; sicut ubique & semper fideliter, quantum possumus, facimus. Non ante sane Mediolanenses in gratiam Domini Papæ, & Ecclesiæ unitatem recepti sunt, quousque palam, Conrado refutato & abnegato, Dominum nostrum Lotharium in suum Regem & Dominum receperunt, & Romanorum Imperatorem Augustum una cum toto Orbe confessi sunt, & de injuria transacta, juxta consilium & mandatum Domini Papæ, digne vobis se satisfacturos esse tacto sacrosancto Evangelio spoponderunt. Unde magnas agentes gratias Divine Bonitati, quæ absque bellorum periculis absque humani sanguinis effusione, inimicos sic humiliavit: rogamus Vestram satis nobis expertam Clementiam, ut tempore suo, CUM REQUISIERINT PRÆDICTI MEDIOLANENSES PER DOMINUM PAPAM, UTIQUE MEDIATOREM SUÆ RECONCILIATIONIS, gratiam vestram, benignos Vos atque placabiles inveniamus; quatenus nec eos peniteat sanis paruisse consiliis, & vos de eis debitum habeatis servitium & honorem. Non enim decet, ut Fideles vestri, qui pro honore vestro laborant, apud Vos confundantur. Confundentur autem, si, quibus de bonignitate vestra spem indulgentiæ promiserunt eum pro ipsis intervenerint, invenerint Vos (quod absit) inexorabiles.

CCCLXXIII. Porro sequitur eodem Cap. 42. Landulfus: Sed quidam de Discipulis ejus (Sancti Bernardi, qui mox Archiepiscopatu recusato discesserat) qui remanserunt, per Civitatem euntes, collectam multam de auro & argento & rebus multis sibi fecerunt & faciunt. His autem Cisterciensibus nos altero ab hinc Anno exædificatum extra Portam Urbis hujus Romanam Charevallense Monasterium narrabimus. Et rursus, electionem Archiepiscopi prosequens, inquit: Mediolanenses vero Ordinarii & Decumani, qui Papæ Innocentio fidelitatem juraverant, confortati de hac Mediolanensium conversione, fecerunt Litifredum Novariensem (de quo Carolus a Basilica Petri in sua Novaria) Vidonem Iporiensem & alios Suffraganeos venire Mediolanum: qui in Consilio suo sublimaverunt Robaldum Albensium Episcopum in Mediolanensem Archiepiscopum, habita securitate retinendi, prout dicitur, Albensium Episcopatum. Isto sublimato (jam enim, pace incassum tentata, Sanctus Bernardus Papiam Cremonaque Mediolanum redierat) Mediolanum super

A Cremonenses exercitum suum admovit. De quo exercitu ipsi Cremonenses apprehenderunt centum triginta milites, in nocte errantes. Anselmus autem de Pusterla, audiens & intelligens horum militum captionem, nullam suscepit consolationem contra Robaldi sublimationem: neque secundum consilium Alberti de Landriano & amicorum ejus ambulavit; sed credulus Hugoni suo Naso voluit cognoscere, qualiter cum Anacleto Papa Romanorum posset procedere. Attamen ipse, cum ipso suo Capellano ambulans Romam, in flumine Padi juxta Ferrariam a Goyzo de Martinengo captus est, & ad Innocentium Papam transmissus. Qui Papa in mense Augusti a Pisis illum captum Romam misit: ibique, prout B Latri, qui Procurator est Innocentii, vitam finivit. Sperare juvat, ipsum ejurato Schismate Pisis coram Innocentio respuisse, atque etiam illius iussu Romam inde transmissum in eum fortasse finem, ut Amicum suum Anacletum ad catholicam pariter unionem revocaret. Joannes Franciscus Besutius in Historia Pontificum Mediolanensium ex vano comminiscitur, cum sponte Romam profectum, ut absolutionem ibi ab Innocentio (hic autem Pisis tunc erat) obtineret. Eundem ceteroqui Anselmum communis opinio est vitam Romæ finivisse die mensis Augusti decima quarta. Sed & uterque Archiepiscoporum nostrorum C Catalogus, Archipresbyteri nempe Metropolitani unus, alter vero Secretarii Urbani, expresse obitus Annum insuper habent annotatum, videlicet Christi Millesimum centesimum trigessimum quartum: cui utique nos etiam ipsum adscribimus. Quin etiam eundem Archiepiscopum asserunt Romæ sepultum ad Sanctum Joannem Lateranum.

CCCLXXIV. Ex his autem, quæ de Anselmo isto Archiepiscopo narrata sunt hætenus, refellere cursum ac notanter nobis placet historica quædam errata, quæ passim apud varios Scriptores circumferuntur. Plerique nimirum asserunt, Lotharium ab ipso Mediolani exceptum, & tam hic quam Modontia Corona Regia insignitum. Præ ceteris miramur, quomodo Bartholomæus Zucchi idipsum liquido constare asseruerit e Chronico etiam Ottonis Frisingensis, Lib. 7. Cap. 17. cujus testimonium nos jam supra recitavimus Num. 340. & 345. quove, non D Lotharium, sed certe quidem Conradum disertissime ab ipso coronatum affirmat. Ex quo nimirum imperare desierat Henricus, Conradum ille solum coronavit Italiæ Regem: huic ille uni, sicut & Antipapæ Anacleto, adhæsit, antequam e Sede pelleretur. Quocirca nec aliquando illi videmus exprobratum, quod a Rege Lothario defecerit. Sic etiam vel inter Acta Ecclesiæ Mediolanensis procul a vero scriptum, & inde ab Auberto Miræo in Chronico Cisterciensi sub Anno Millesimo centesimo trigesimo tertio mutuatum, de hoc Anselmo invenies: Sanctum Bernardum hospitio sæpenumero accepit: cujus causa Monasterium Clarevallense (verius Charavallense) extra Portam Romanam ab Anselmo Archinto edificandum curavit: quod ipsum iisdem ferme verbis in Catalogo Successores Sancti Barnabæ recensetur; & cum eo quidem additamento, ut Romæ sepultus ille sit in Ecclesia Sancti Sebastiani. Sed longe adhuc deterius erravit Claudius Robertus in Secunda Parte Appendicis ad suam Galliam Christianam. In Catalogo nempe Mediolanensium Archiepiscoporum, F Num 84. de hoc Anselmo ita scripsit: Conditur in Monasterio Clarevallensi in hac Urbe, quod edificavit. Quam multa quam paucis verbis errata! Quippe Anselmus in primis iste Archiepiscopus, cognomento De Pusterla, perperam in unum commiscetur cum Anselmo Archinto. Præterea Charevallense hoc Monasterium non in hac Urbe, sed in Suburbio, quatuor circiter miliaribus ab Urbe disjuncto, constructum fuit. Adhæc ne satis quidem adhuc sci-

mus, an illud *Anselmus* aliquis *Archintus* re quidem vera construxerit, ibidemque sepultus sit. Quinetiam nonnihil suspicamur ab his Auctoribus *Anselmo Archinto*, tamquam conditori, adscriptum fuisse illud, quod ante Portam illius Ecclesiæ cernitur adhuc obvia sepulchrali Tabula testatum his verbis:

Millesimo ducentesimo vigesimo

Octavo Kalendas Majas

Manfredus Archintus, Patritius Mediolanensis, erogatis illustri Cœnobio latifundiis,

Monumentum sibi & Posteritati P.

De *Anselmo* certe illo nihil tale hætenus invenire potuimus inter ejus Monasterii origines, de quibus etiam paulo post agemus.

CCCLXXV. Per id tempus, quo Sanctus Bernardus intra hunc Annum iterato *Mediolani* fuit, certam quoque vivendi Normam Tertio Humiliatorum Ordini tradidit. Il autem jam inde a prima origine vocabantur FRATRES DE CONVENIO; non autem DE CONVENTO, sicut in editione typographica *Tristani Chalci* erratum est contra fidem autographi Codicis; Anno videlicet Millesimo decimo nono; quo idem Ordo initium habuisse ipsimet *Chalco* visus est (sicuti Num. 202. prope finem memorabatur) nec procul a vero, sicut ego cumulatissime in alio Volumine ostendam. Post acceptam igitur eam vivendi Normam vocari etiam cœperunt alicubi FRATRES SANCTI BERNARDI: necnon etiam primus eorum Fundator fuisse Sanctus ipsemet Abbas nonnullis creditus est. Ejusmodi Fratrum DE CONVENIO residuum sine dubio est Locus ille Pius *Modoërie* qui DE CONVENIO in hanc usque diem appellatur, quive in suomet ipsius stemmate tutelarem gestat hunc Sanctum Abbatem. Capituli Metropolitani Bibliotheca manuscriptum habet e communi charta Codicem, quo Privilegia continentur Ordinis Humiliatorum, & quidem paulo uberius, quam in altero pergamento, qui pariter ibidem asservatur. In ejus igitur Codicis initio inter alia quædam prænotamenta istud etiam extat: *Notandum est, quod Anno Domini nostri Jesu Christi Millesimo centesimo trigésimo quinto* (nobis autem trigésimo quarto) Sanctus Bernardus venit *Mediolanum*, & ibi multis miraculis claruit, & Monasterium (Anno nempe sequenti) construxit. A quo quidam Magnates & Nobiles Cives *Mediolani*, spiritu divino inebriati, Formam vivendi in Habitu religioso, cum suis familiis habitando (tale siquidem ipsorum erat institutum) sumperunt. Fuit ergo Sanctus Bernardus Ordinis hujus primus Fundator. Unde Fratres Tertii Ordinis hujus vocantur hodie alicubi FRATRES SANCTI BERNARDI. Manserunt autem sic Fratres Ordinis hujus per se in Habitu religioso per annos quinquaginta quatuor, priusquam concessa eis esset Regula ab Ecclesia Romana. Anno autem Millesimo centesimo nonagesimo nono, penultimo die Maji, data fuit eis Regula (& hæc quidem paulo post in eodem illo Codice legitur) a Domino Papa Innocentio Tertio. Quare sciendum, quod Fratres Tertii Ordinis hujus fuerunt Fundatores Primi & Secundi Ordinis Humiliatorum. *Gualuaneus* autem *Flamma* in Chronico Majori, Cap. 255. mixtum hæc habet: Mortuo *Anselmo de Pusterla* Archiepiscopo (minime vero mortuo, sed e Sede tantum Archiepiscopali dejecto) Beatus Bernardus fuit electus in Archiepiscopum *Mediolanensem*. Quod renuit. Et postea fuit electus *Robaldus*, qui tunc erat Episcopus *Albensis*. Isto tempore Nobilis Vir Guido ex Capitaneis Portæ Orientalis fuit specialis adjutor Beati Bernardi in fundando Monasterio de *Charevalle* juxta *Mediolanum* de divitiis ejus Anno Domini Millesimo centesimo trigésimo quinto. Glossa: In Millesimo centesimo trigésimo octavo, die decima quarta Julii, fuit maximus ignis in *Mediolano*. Et iste Guido Tertium Ordinem Fratrum DE CONVENIO

A SANCTI BERNARDI in Porta Orientali (ubi nempe nunc extat Clericorum Seminarium) construxit in die Sancti Vincentii: quem Innocentius Tertius confirmavit: & ab Innocentio Tertio dictus est Ordo Tertius. Isti Fratres DE CONVENIO FUNDARUNT ORDINEM FRATRUM HUMILIATORUM, & ipsos visitabant. Sed hoc ipsum præterea confirmemus ejusdem *Gualuaneus* Manipulo *Florum* Cap. 171. in Annum Christi Millesimum centesimum trigésimum quintum, immo vero etiam Petri testimonio *Azarii*, qualem Scriptorem jam supra descripsimus Num. 236. Hic siquidem Anno Domini Millesimo centesimo trigésimo nono mutatis per omnia *Gualuaneus* Manipuli verbis sic habet: *Sequenti Anno Beatus Bernardus rediit Mediolanum, Claravalle* (sive *Charavalle*) construxit, ORDINEM SANCTI BERNARDI ORDINAVIT, qui modo dicuntur FRATRES DE CONVENIO. Prima Domus istorum Fratrum fuit Conventus Portæ Orientalis, quam Guido ex Capitaneis Portæ Orientalis construxit. Hic autem Guido, Vir Illustris, Romam ivit, & ab Innocentio Tertio in quodam prædio aquam ad manus recepit: & istum Ordinem confirmavit. Et quia iste Papa dicebatur Innocentius Tertius; ideo iste Ordo (aliter tamen & melius alii sentiunt) Ordo Tertius appellatus est. Et est exemptus ab omnibus gravaminibus Communitatis *Mediolani*. Hi Fratres fundaverunt Primum & Secundum Ordinem Humiliatorum: & visitabant ipsos Fratres Humiliatos die..... Julii. *Georgius Merula* Lib. 3. Antiquitatis *Viccomitum* suboscure id ipsum, nec sine aliqua erroris admistione, talibus innuit verbis: *Frequentavit hic homo* (Sanctus Bernardus *Claravallen*sis) *Mediolanum*, cum ob Urbis magnitudinem & Civium opes, tum quia in regione, quam ORIENTALEM PORTAM vocant, religiose educatus (quo id sensu, qua veritate?) fundamenta inibi SOCIETATIS INSEPARABILIS jecit. Ecquid enim aliud hoc nomine SOCIETATIS INSEPARABILIS intelligere *Merula* potuit, quam Domum illam DE CONVENIO, a Guidone illius Portæ Capitaneo constructam? Quid hac porro de re *Donatus Bossius*? Anno (inquit) Domini Millesimo centesimo trigésimo quinto (non autem quadragesimo quinto, sicuti haud dubie Typographus erravit) Beatus Bernardus *Mediolanum* reversus (de hoc infra etiam dicemus) *Clarevallem*, ORDINEMQUE SUI NOMINIS (quippequi ORDO SANCTI BERNARDI nuncupatus fuit) qui postea CONVENARUM dictus est, condidit. Huic Ordini prima Domus a Guidone Capitaneo in Porta Orientali fundata est: qui Romam profectus, ut ab Innocentio Tertio appellavit, ab omnibus quoque vestigalibus tributisque Communitatis reddidit immunem. Ab his Fratribus Primus & Secundus Humiliatorum Ordo institutus est. Hæc autem tam multa Scriptorum testimonia eo præsertim spectant, ut intelligamus, quemadmodum & Sanctus Bernardus & hic ipse Guido vocati fuerint hujus Humiliatorum Ordinis Fundatores; cum alioqui Ordo ipse initium habuisset ante vigésimum Millesimum Christi Annum; sicuti præter *Chalcum* alii etiam multi testantur. Testantur autem nominatim Sanctus Antoninus Secundæ Parte Chroniconum Tit. 15. Cap. 23. *Raphaël Volaterranus*, Commentariorum Urbanorum Lib. 21. *Bartholomæus Cassaneus* in Catalogo Gloriæ Mundi, parte quarta, Consideratione 60. *Franciscus Modius* eo in Libro, quo cujusque Ordinis Ecclesiastici originem progressum & vestitus rationem delineavit, quive Liber legi potest in Chronico Chroniconum Ecclesiastico-politico Joannis Gualterii: *Andreas Hojus* in Annotationibus ad Historiam Orientalem & Occidentalem Jacobi a Vitriaco: præterea vero etiam duo, quæ penes me sunt, ejusdem Ordinis Humiliatorum Chronica manuscripta: quorum

rum unum contextum fuit Anno Domini supra Millesimum quadringentesimum decimo nono, alterum autem nonagesimo tertio. *Benedictus* tamen *Jovius Historiæ Novocomensis* Libro Secundo, & *Franciscus Ballarinus* Compendii *Chronicorum Comensum* Parte Tertia, primam hujus Humiliatorum Ordinis originem conjiciunt in Annum *Christi* trigefimum tertium supra Millesimum: *Sigonius* autem *De Regno Italiæ* in quadragessimum sextum. Veruntamen hi quoque Auctores nobis in rem præsentem sufficiunt. E prædictis porro nos satis pariter discernimus, quinam fuerit *Guido* ille, quem Humiliati postea tamquam Beatum & Ordinis sui Fundatorem venerati fuerunt. De quo quidem in eo Chronico, quod nuper dicebamus Anno Domini Millesimo quadringentesimo decimo nono elaboratum, sic habetur Cap. 39. quo Sancti & Beati hujus Ordinis numerantur: *Beatus Guido Domus Portæ Orientalis Mediolani: qui hujus Religionis Fundator extitit.* Sic etiam in fine Missalis Humiliati, Anno Domini Millesimo quingentesimo quarto typis *Mediolanensibus* impressi: *beatus Guido de Mediolano, qui hujus Religionis Fundator extitit.* Et apud *Arnoldum Wion* in *Ligno Vitæ*, Lib. 1. Cap. 63. *Beatus Guido Mediolanensis, Ordinis Fundator, antequam Regule Divi Benedicti subiceretur.* In eandem porro sententiam loquitur etiam *Sylvester Maurolicus* in *Historia Sacra*, quam inscripsit, *Mare Oceano di tutte le Religioni del Mondo*, qua parte originem Ordinis Humiliatorum edisserit. Quod autem Conventus ille Portæ Orientalis, quem *Guido* iste construxit, prima dicebatur esse Domus istorum Fratrum de Convenio: nos quidem primam fuisse concedimus quo ex tempore Sanctus *Bernardus* huic Ordini Normam vivendi tradidit. Alioqui enim absolute prima jam fuerat Domus *Breræ*, sive *Braydæ*, ubi nunc celeberrimum extat Societatis *Jesu* Collegium. Ea siquidem jam extabat Anno Domini Millesimo trigefimo sexto. Sed hæc alteri promisso Volumini reservata sunt.

CCCLXXVI. Consequenter ad ea, quæ nos Num. 373. e *Landulfi* Capite 42. recitabamus, idemmet Historiographus Cap. 43. paululum progressus, in hunc subinde modum concludit: *Instantibus igitur iis infortuniis Mediolano, & Anselmo (prout dictum est) mortuo, Robaldus, ejusdem Civitatis Archiepiscopus, Papis Innocentio Papæ juravit (nempe fidelitatem) ET JURANDO LIBERTATEM ECCLESIE MEDIOLANENSI IN CONTRARIUM CONVERTIT.* Sicut enim Num. 360. contra solitum decus Urbis & Ecclesiæ *Mediolanensis* ab ejus Clero juratam opinabantur *Mediolanenses* *Innocentio* Papæ fidelitatem in Concilio *Pisano*; sic etiam hoc ipso fidelitatis juramento, quo se *Robaldus* in Urbe *Pisana* eidem Pontifici nunc obstrinxit, derogatum censuerunt ejusdem Urbis & Ecclesiæ suæ libertati. Ego vero similiter etiam crediderim (& hæc quidem illa est conjectura, quam in fine Num. 359. pollicebar) Pontificem hoc tempore ab Archiepiscopo nostro contendisse, ut Archiepiscopalem quoque Stolam, sive Pallium, ex ipsius manu ibidem susciperet; sed eum renuisse; quippe memorem pariter ac in propria nunc causa tenacem consilii, quod *Anselmo* decessori suo antehac *Romæ* tradidisset. Ut enim Num. 338. vidimus, ab illo super hac re consultus respondit, *Quod prius sustineret, nasum suum scindi usque ad oculos, quam daret sibi consilium, UT SUSCIPERET ROMÆ STOLAM, ET ECCLESIE MEDIOLANENSI PRÆPARARET HANC NOVAM ET GRAVISSIMAM, QUAM HONORIUS PAPA DICEBAT SIBI IMPONERE, MENSURAM.* Quemadmodum igitur persuasus ejusmodi consilio tunc *Anselmus*, ab Urbe *Roma Mediolanum* sine Sto-

A la redire maluerat; sic etiam nunc *Robaldus* a *Pisana* rediisse mihi quidem videtur; neque temere, sicut infra dilucidius ostendam.

B CCCLXXVII. *Mediolanensibus* videlicet persuasissimum erat, Ecclesiæ *Ambrosianæ* veterem honoris gratia consuetudinem hanc esse, ut Pallium archiepiscopale non ipsemet Archiepiscopus e manu *Romani* Pontificis immediate ac præsens, sed ut absens mediate per alium, a quo deferretur, susciperet. Ejusmodi vero consuetudinem vivis & bonis rationibus *Anselmus* ipse afferrebat eo Num. 338. defendisse coram *Honorio* Papa, ejusque Cardinalibus. Quocirca etiam demum *Anacletus* illud per suos Nuncios ad eundem *Anselmum* miserat; uti jam vidimus Num. 350. Quod si quis nobis objiciat, Pseudopontificem fuisse *Anacletum*; ecce alios Pontifices sane quidem legitimos, qui jam diu sic etiam ipsi se gesserant. *Paschalem* in primis Secundum habemus Num. 201. Annoque *Christi* Millesimo centesimo: qui per Sanctum *Bernardum* Cardinalem ac postea Episcopum *Parmensem* illud ad *Grosulanum* transmisit. Sed & *Joannes* Papa Duodecimus Num. 160. atque Nongentesimo trigefimo *Christi* Anno nobis memorabatur illud ad *Hilduinum* transmisisse, usus opera *Rattherii*, qui postea *Veronensis*, ac denique *Leodiensis* Episcopus fuit. Quid, quod etiam tempore Sancti *Gregorii* Magni recepta jam usu erat hæc ipsa consuetudo? Itaque tantus etiam talisque hic Pontifex luculentissimam ipsius mentionem facit Lib. 3. Registri, Epist. 1. *Constantio Episcopo Mediolanensi*: quæ data fuit Indictione duodecima, & quarto post ejusdem *Gregorii* Ordinationem anno, qui fuit Annus *Christi* Quingentesimus nonagesimus quartus. Scripta (sic incipit) *Fraternitatis vestræ suscipiens, magnas Omnipotenti Deo gratias retuli; quia Ordinationis vestræ merui celebratione relevari. Quod vero superno munere in electionem vestram concorditer omnium convenit assensus: hoc Fraternitas tua cum summa debet consideratione pensare; quia post Deum valde est debitor eis, qui sibi vos præferri tam subdita mente voluerunt.* Et paulo post: **PRÆTEREA PALLIUM, AD SACRA MISSARUM SOLEMNIA UTENDUM, EX MORE TRANSMISSIMUS.** Sed peto, ut, dum hoc suscipitis ejus honorem ac genium ex humilitate vendicemus. Relegantur vero illa etiam, quæ nosmetipsi Num. 198. Annoque *Christi* secundo supra Millesimum recitabamus de *Arnulfo* Secundo Archiepiscopo, *Constantinopolim* ad Imperatorem profecto. Tunc utique tantus erat Archiepiscopi nostri honos, ut Stolam, sive Pallium, non modo inter sacra Missarum Solemnia, sed etiam semper ad collum gestare solitus esset.

E CCCLXXVIII. Cum igitur *Robaldus*, ejusmodi consuetudinis tenacissimus, Pallium e manu Pontificis *Innocentii Papis* accipere detrectasset, indeque *Mediolanum* rediisset; hinc ego factum interpretor, ut idem *Innocentius* & contra *Mediolanenses* propterea tumultuantes, & in *Robaldum* ipsis hac in parte adversari non audentem, vehementer excanduerit, quinetiam trimestri dehinc elapso graviter animadversurus in ipsos jam esset, nisi deprecatores officiosissimum habuissent Sanctum *Bernardum*. Quippe a Pontifice per litteras his de rebus admonitus; hanc illi rescripsit Epistolam, quæ inter ceteras numeratur 318. titulumque præfert *Ad Dominum Papam Innocentium*, quave benignius quicquam erga *Mediolanenses* cogitari, nedum expectari, vix poterat.

F AMANTISSIMO PATRI ET DOMINO INNOCENTIO, SUMMO PONTIFICI, *Frater Bernardus* modicum id, quod est. *Cremonenses* induruerunt, & prosperitas eorum perdit eos. *Mediolanenses* contemnunt, & confidentia ipsorum seducit eos. Hi in curribus & equis spem suam ponentes, meam frustraverunt, & laborem meum exinanierunt. ABIBAM TRI-

TRISTIS; cum ecce non mediocris a vestra parte consolatio; ut, & si abundant tribulationes pro Christo, abundant & consolationes per ipsum. Accepi optatas literas, ferentes delicias cordis mei, certitudinem de vestra incolumitate, hostium infortuniis, successibus amicorum. Cæterum perlegenti rursus tristior finis letitiam temperavit. QUEM ENIM NON TERREAT VESTRA INDIGNATIO? FATEOR JUSTAM, ET EO PLUSTERREOR. Dico tamen: Quod factum nondum est, faciendum est, sed tempore, quo præviderit Deus. Si quo minus? erit vobis æque in promptu quicquid intentatis inferre, & non æque forsan periculosum. Alioquin quod tantis Dei miserationibus, tantis vestris & vestrorum laboribus in Populo isto (Mediolanensi) NOVITER ÆDIFICATUM EST, heu quam leviter destrui potest! Mirum, si ei, qui misericordiam legitur superexaltare iudicio, placere potest. Sed ô faticem illum Episcopum (Robaldus hic indicatur) qui in Urbe Chaldeorum de quodam quasi paradiso translatus, frater factus est draconum, & socius struthionum? Quid faciet? OBEDIRE VULT; & ecce bestię Ephefi frendent in eum dentibus. DISSIMULARE VULT PRUDENTER PRO TEMPORE; & omni feritate formidolosior vestram indignationem incurrit. ANGUSTIÆ SUNT EI UNDIQUE; NISI QUOD TOLERABILIVS JUDICAT SIBI ESSE SINE POPULO, QUAM SINE DOMINO; PLURIS HABENS, UT DIGNUM EST APOSTOLICAM GRATIAM, QUAM MEDIOLANENSEM CATHEDRAM. An Vos DE EJUS FIDELITATE dubitatis? Si quis vobis aliud de eo maligna persuadere suggestionem tentavit: se magis prodidit infidelem, qui VIRUM TAM BONI TESTIMONII lingua perfida in suo livore persequitur. Parce Pater benigne, parce FIDELI TUO, parce adhuc recenti structuræ, parce novellæ plantationi, parce denique Populo acquisitionis tuæ, hisque ipsis beneficiis tuis, quæ te eidem veracissime contulisse commemoras. Memento pie Domine sermonis Domini tui, quem (Lucæ Cap. 13.) dixit. Ecce anni tres sunt (inquit) ex quo venio querens fructum in ficulnea hac, & non invenio. TU VERO VIX TRES EXPECTASTI MENSES; & jam securim paras? Si tres annos sustinisset, quantum adhuc a fidei Servo dominici jure exigeremus exempli. Dicimus ergo & nos: Dimitte & hoc anno; si quod modo forte circumfossa humo ligone penitentia, adhibitoque fimo lachrymarum suarum, sterilitati Mediolanensium IS, CUI ETIAM CRÉDIDISTI, consulere, & fructum elicere queat.

Quibus quidem postremis verbis Sanctus Bernardus Innocentio suasisse videtur, ut exitum potius expectaret operæ, quam Robaldus impenderet: cui utique non tantum crediderat juranti sibi fidelitatem, sed ipsummet etiam regimen Ecclesiæ Mediolanensis crediderat. Sic itaque benignissimus Pater pro suis Mediolanensibus Innocentium Pontificem obsecrabat.

CCCLXXIX. Ejus autem rogatu Pontifex mihi postea videtur hoc Mediolanensibus indulxisse, ut Pallium transmitteret huc ad Robaldum, neque Pisas eundem ire ad illud ex ipsius manu capeffendum compelleret. Per eandem vero simul etiam occasionem Sanctus Bernardus mihi videtur ad Mediolanenses eam Epistolam scripsisse, quam supra Num. 359. contendebarus scriptam non fuisse, cum ad Synodum ille Pisanam festinaret. Quod ut clarius adhuc illucescat: utque tam superiori tractata Numero, quam itidem præfenti, conjectamenta nostra magis adhuc confirmantur; en eandem verbatim Epistolam, omni quaque integram & perfectam. Numeratur autem 131. atque Ad Mediolanenses inscripta, ita prorsus se habet:

SUIS MEDIOLANENSIBUS, UNIVERSO

A VIDELICET CLERO ET POPULO, Bernardus, Abbas dictus de Claravalle, in Domino Salutem. Bene vobiscum facit Deus, bene vobiscum facit Romana Ecclesia. Facit ille, quod Pater: facit illa, quod Mater. Et re vera quid vobis debuit facere, & non fecit? Si postulastis mitti vobis de Curia honorabiles Personas ad honorem Dei & vestrum; factum est. Si postulastis, confirmari quod unanimitas vestra de Venerabilis vestri (Robaldi nimirum) electione firmaverat; factum est. Si voluistis, licuisse vobis, quod illicitum, nisi pro magna quidem necessitate, sacri Canonum judicant, translationem Episcopi scilicet in Archiepiscopum (Robaldus enim erat Episcopus Albenfis) concessum est. Si rogastis, erui Cives vestros de vinculis Placentinorum, quod utique ego prætermittere nec volo, nec valeo; & hoc factum est. In quo postremo quæcumque rationabilis petitio Filia, non dico repulsam, sed vel moram passa est apud piam Matrem? EN AD COMPLEMENTUM PALLII PRÆSTO EST, PLENITUDO HONORIS. Nunc vero audi me INCLYTA PLEBS, GENS NOBILIS, CIVITAS GLORIOSA. Audi, inquam, me (veritatem dico, non mentior) dilectorem tui, zelatorem salutis tuæ: Romana Ecclesia valde clemens est, sed nihilo minus potens. Fidele consilium, & omni acceptione dignum: Noli abuti clementia, ne potentia opprimaris. Sed dicit aliquis: DEBITAM EI REVERENTIAM EXHIBEBO, ET NIHIL AMPLIUS. Esto. Fac quod dicis: quia si exhibeas debitam; & omnimodam (scilicet exhibebis, ut subintelligendum bene monet etiam Baronius ad Annum Christi Millesimum centesimum trigessimum quartum, Art. 9. PLENITUDO SIQUIDEM POTESTATIS SUPER UNIVERSAS ORBIS ECCLESIAS SINGULARI PRÆROGATIVA APOSTOLICÆ SEDI DONATA EST. Qui igitur huic potestati resistit, Dei ordinationi resistit. Potest, si utile judicaverit, novos ordinare Episcopatus, ubi hætenus non fuerunt (Bobiensem videtur Episcopatum innuere, recenter institutum, & Genuensem Archiepiscopatum recenter instituto subjectum) Potest eos, qui sunt, alios deprimere, alios sublimare, prout ratio sibi dictaverit; ita ut de Episcopis creare Archiepiscopos liceat, & e converso; si necesse visum fuerit. Potest a finibus terræ sublimes quascumque Personas Ecclesiasticas evocare, & cogere ad suam præsentiam, non semel, aut bis, sed quotiens expedire videbit (Ut quid ista sapientissimus ac prudentissimus hic Doctor? si Robaldum reluctantem Innocentius ad se non evocaverat, & nominatim ad Pallium ex ipsius manu suscipiendum) Porro in promptu est ei omnem ulcisci inobedientiam; si quis forte eluctari conatus fuerit. Denique probasti & Tu. Quid enim contulit Tibi Vetus tua rebellio & recalcitratio male suasa a Pseudopropheta tuis? Quem fructum habuisti in quibus nunc erubescis? Agnosce potius, in qua potestate gloria & honore Suffraganeorum tuorum tamdiu privata exististi. Quis pro Te valuit obviare Apostolicæ auctoritatis justissimæ severitati? cum, provocata tuis excessibus, decrevit Te tuis illis antiquis ac præclaris ornamentis nudare, mutilare membris. Et hodie confusa & truncata jaces; si non benignius, quam potentius, Tecum actum fuisset. Quis eam prohibere valebit etiam a gravioribus; si rursus (quod absit) adjeceris provocare? Vide, ne patiaris recidivum; quia pro certo (nisi fallor) non tam facile denuo poterit inveniri remedium. Si quis itaque dixerit Tibi, PARTIM OPORTET OBEDIRE, PARTIM NON OPORTET: cum Tu in Te experta sis plenitudinem Apostolicæ potestatis, auctoritatis integritatem; nonne hujusmodi aut seductus es, aut seducere vult? Sed fac quod dico; nam ego Te non seduco: Convertere magis ad humilitatem, ad mansuetudinem. Siquidem & humilibus dat gratiam, & mansueti hereditabunt Terram. Esto cauta Domine

Puricellus,

T

&

Et Matris tuæ recuperatam servare gratiam. Et sic ei placere studeas de reliquo, quatenus placeat ei non solum servare tibi quæ reddidit, sed etiam adjicere quæ nondum dedit.

CCCLXXX. En igitur, quàm graviter & amanter Bernardus reverentiam Sedi Apostolicæ debitam suos edoceat Mediolanenses, pro quibus cæteroqui tam obnixè Innocentium ipsum nuper ac demum exoraverat. Per ejusmodi porro Epistolam Mediolanenses Baronius Anni proxime nominati Art. 8. affirmabat summa fidei constantia roboratos esse, cum antehac labarent titubarentque, neque firmiter in proposito permanerent. Unde nam verò tanta isthæc mutatio provenisset: hoc se Baronius nescire fatebatur. Sigonius autem de hac ipsa Epistola sic habet: *Postero Anno* (erat autem ipsius opinione trigessimus sextus supra centesimum Millesimum) cum Mediolanenses Innocentio reconciliati, tamen titubare in officio & obedientia viderentur; Bernardus Litteras ad eos scripsit, ad retinendam constantiam incitans, & recentia Romanæ Ecclesiæ erga illos beneficia memorans. Nos tamen hæc literas non Anno

A.C.
1135.

illo trigesimo sexto, sed potius circiter initium trigesimi quinti scriptas esse conjectamus ex iis, quæ narrata sunt hæctenus. Sic etiam non multo post eodem Innocentio Papa mediatore Mediolanenses in gratiam Imperatoris Lotharii admissos fuisse arbitramur; quemadmodum Bernardus etiam ipse contradixerat; quinetiam datis ad Imperatricem litteris eam in tempus postea opportunum rogaverat.

CCCLXXXI. Lotharium Imperatorem cum majori, quam antea, exercitu in Italiam rediisse trigesimo sexto Anno supra Millesimum centesimum, ineunte autumno, testis est Sigonius de Regno Italiæ. Nos tamen eum trigesimo potius quinto rediisse credimus Baronio, id ipsum Art. 13. confirmanti duobus e Chronicis, Beneventano & Cassinensi. Quocirca in hunc pariter Annum ea contrahimus, quibus Ottho Frisingensis Lib. 7. Cap. 19. eundem ipsum reditum describit, & his etiam nominatim: *Ad Padum usque progrediens, Garistallum cepit. Ibi Mediolanenses & Cremonenses, diuturnum inter se bellum habentes, obvios habuit: discussaque utriusque Urbis causa, Cremonenses à Principibus Italiæ hostes judicantur, proscriptique discedunt. Quos Imperator subsequutus, Territoria eorum ac Villas seu Castella destruxit: indeque Papiam veniens, Cives illos pactione pecuniæ in gratiam suscepit.* Similiter ad eundem quoque Annum ea pertinere arbitramur, quæ Landulfus noster Cap. 43. a nobis denique in medium producto hunc in modum prosequitur: *Addito quoque isto infortunio (quod utique Mediolanensibus accidisset, eo quod Robaldus, Innocentio Papis jurans fidelitatem, libertati Mediolanensis Ecclesiæ derogasse visus erat) Imperator Lotharius cum Principibus cujuscumque dignitatis venit in Longobardiam. In cujus castris iste Mediolani (Archiepiscopus) cum suis Suffraganeis ad nutum Imperatoris circumferebatur: & circumferendo excommunicavit Cremonensium quia non reddiderant Imperatori Mediolanenses, Cremonensium vincula & captionem sustinentes.*

CCCLXXXII. Sicut autem intra trigesimi quinti hujus Anni tempus, quo Lotharius in Italia fuit, eum credibile est Mediolani, quo primum tempore potuit, ac Modoëtiæ fuisse; sic etiam eundem utrobique a Robaldo fuisse nos credimus Archiepiscopo solemniter coronatum; tametsi e manu Pontificis Innocentii Diadema Imperatorium in Urbe Roma jam ante suscepisset pridie Nonas Iunias Anni trigesimi tertii supra centesimum Millesimum; sicuti Num. 353. dicebamus. Quod ergo Scriptores nostrates passim asserunt, Lotharium, tam Mediolani (& in hac ipsa Sancti Ambrosii Basilica) quam Modoëtiæ a Mediolanensi Archiepiscopo fuisse coronatum: istud uti-

que nos etiam ultro libenterque consentimus. Quod autem addunt, ab Anselmo: nos quidem in hoc eos falli ostendimus Num. 374. propterea a Robaldo potius coronatum arbitramur.

CCCLXXXIII. Trigessimus sextus sine dubio nunc Annum à Christi Nativitate supra centesimum Millesimum ingressi narrando in primis prosequimur originem Charevallis apud Urbem nostram Monasterii, quod jamdiu in hanc usque diem vulgo Clarevallense nuncupatur. De ipso Triflanus Chalcus intra trigessimum quartum ac trigessimum octavum Christi Annum supra centesimum Millesimum hæc scribit: Bernardus quoque Monachus, peragrata Gallia atque Germania, ad Italos reversus, Mediolani Cænobium quarto ab Urbe milliario fundavit, Civibus opes offerentibus, QUOD CARÆ VALLIS DICITUR. Sigonius autem trigesimoquarto præcise Anno. Mediolanum inde (scilicet ab Urbe Cremona) regressus (Bernardus) ad Richizam Augustam diligenter de recipiendis in gratiam suam Mediolanensibus scripsit: ac Monasterium Clarevallis prope Mediolanum ope Vidonis ex Porta Orientali Capitanei (ejus nempe, quem Num. 375. videbamus usque adeo commendatum) instituit. De quo quidem Vidone hoc ipsum affirmat etiam Joannes Franciscus Besutius in Anselmo Quinto Archiepiscopo. Verum enimvero, quo præcise tempore constructum, & a primis (ut ex ipsomet die adnotato interpretatur) fundamentis fuerit ejusmodi Monasterium, marmorea illic Tabula certius nos edocet. Qua enim e Claustro in Ecclesiam itur, ea dextrum ad latus insita parieti conspicitur perantiquo charactere hisce notis insculpta:

Anno Dominicæ Incarnationis Millesimo centesimo trigesimo quinto constructum est Monasterium Sanctæ Mariæ Carevallis, tempore Sancti Bernardi Abbatis Clarevallis, undecimo Kalendas Februarii.

Undecimus vero ante Kalendas Februarii dies, Anno ab Incarnatione Domini Millesimo centesimo trigesimo quinto inclusus, quis dubitet, quin ad Annum pertineat Millesimum centesimum trigessimum sextum, ab ejusdem Domini Nativitate computatum? cujusmodi profecto supputationem in præfenti nos sequimur.

CCCLXXXIV. Attende vero Lector, quale Scriptum de illius Monasterii constructione, ac satis quidem antiquum, in Ambrosiani hujus Monasterii Archivo conservetur. Tale siquidem illud est:

Mediolanenses cum vidissent, Beatum Bernardum tum sermone & verbo Dei potentem, tum signis coruscantem; ultro polliciti sunt Cænobium de Ordine illius in Territorio suo à fundamentis erigere. Quæ de re missi ab eo ad eandem Urbem nonnulli ex ejus Monachis, & ibidem per aliquot dies moram facientes IN MONASTERIO SANCTI AMBROSII (& id quidem salvis iis, quæ jam supra Num. 358. disseruimus, tanquam verum admittatur) SE LOCAVERUNT. Cernentes autem, quod Mediolanenses frigescente Charitate à promissis deficiebant; arripuerunt iter ad propria. Quod ut Primatibus Mediolani in Broleto existentibus factum innotuit; hoc in suam vergere infamiam minime dubitantes, celerrime missis nunciis prædictos Monachos qui jam Novariam versus advolarant, revocare. Iisdem Mediolanum reversis, certatim, se illis enixe auxilium præstituros, sponponderunt: emeruntque quædam Mapalia, quæ nostri vocant Cassinas: quod tunc RAVAGIANUM appellabatur. UBI CONSTRUCTUM EST MONASTERIUM QUOD CARÆVALLIS NUNCUPAVERE. Paulatim postea Fratres possessiones quatuor solidis tertiorum comparando fines extenderunt suos. Quidam miles, nomine Ottho Marzus, Portæ, quæ Romana dicitur, inter alios Capitaneus deputatus, prin-

principum & fundamentum VICI MAJORIS Monasterio libere applicuit. Bellebonus, de Tritio dictus, possessionem, quam DE GESSATE vocant, & ipse largitus est. Hanc inde Monachi in Granciam VILLIONI permutarunt. VALERAM, quæ in forma Cassine unius aspiciebatur, Fratres Militiæ Sancti Johannis (Jerusalemiani) additi pro commutatione Loci DE INVERNO, cujus possessio Monachorum erat, eis tradiderunt. Actum sunt hæc Redemtionis nostræ Anno Millesimo centesimo trigesimo quinto.

Eadem vero ferme omnia, & iisdem narrata verbis, comperimus etiam in Charevallensis ejusdem Monasterii Codice, quo ipsius origo, progressus, & Abates, & ejusmodi alia recensentur. Sed hæc quoque insuper insunt, quæ nobis prætermittenda non videntur: Guidonus de Capitaneis Portæ Orientalis (de quo nos item jam diximus) largitus est multa bona Monasterio. Manfredus Archiepiscopus (Anselmi ejus, quem nonnulli Conditorum hujus Monasterii fecerunt, nulla prorsus hic mentio) Patritius Mediolanensis, erogatis latifundiis Cœnobio nostro, sepultus est ante Portam Ecclesiæ dicti Monasterii Millesimo ducentesimo vigesimo. Cujus quidem Sepulchralem Inscriptionem nos jam ante recitavimus Num. 374.

CCCLXXXV. Quæ porro sequuntur, hæc nos Anno pariter huic trigesimo sexto adscribimus. Præterquam quod enim Sigonius ita tradit, nec aliunde nobis de opposito constat; Bartholomæus certe Zuchius, de hoc Imperatore Lothario locutus, ejusdem subinde Privilegium recitat, quo Canonicos Modocienses & eorum Ecclesiam in suam tuitionem ac defensionem suscepit: datum Anno Incarnationis Dominiæ Millesimo centesimo trigesimo sexto, Indictione decima tertia, Anno vero Regis Lotharii undecimo, Imperii quarto: & actum apud Castrum Sancti Bassani: quod utique Castrum mox nobis Landulfus destructum narrabit. Sic enim ille subdit Cap. 43. Mediolanensium igitur exercitus, confortatus præsentia Imperatoris & vinculo excommunicationis, Soncinum, SANCTUMQUE BASSANUM, & alia multa Castella Cremonensium destruxerunt. Quibus destructis multitudo Mediolanensium ad Civitatem rediit. Archiepiscopus, & quædam pars inclita Militiæ Mediolanensium, cum Imperatore in Roncalia supra Padum castrametati sunt. Ibique per plures dies & hebdomadas Imperator Curiam potestative habuit. Quocirca idemet Landulfus Historicus, ibidem per tres dies præfens, suam ipsius de Sancti Pauli IN COMPITO Ecclesia causam peroravit; sed non eo exitu, quem speraverat. Sic enim Cap. 44. ipsemet accurate recenset. Capite autem mox 45. narrare ita pergit: Lotharius postmodum Imperator in quarta die, quæ fuit dies Sabbati, post meam querelam, secus Papiam est castrametatus ad Locum, qui dicitur LARDIRACUS, super flumen ORONAM positus. Cumque Imperator ibi pernoctasset, & diem Dominicam quasi dimidiasset; Militia ejus cucurrit ad Papienses, qui armati exierant. In prælio illo fortissima manus Principis Conradi (hic ille est, qui se Regno Italiæ abdicaverat, quive Lotharii Vexillifer nunc erat; ut nos etiam supra dicebamus) quamplures de Papiensibus eiecit, & apprehendit: neque a prælio se subtraxit, donec Papienses fere ad muros Civitatis conculcarit, & appropinquavit. Tunc Papienses valde conterriti, & metuentes hostilem exercitum Mediolanensium concurrentium ad Imperatoris triumphum, in primo diluculo secundæ Ferie cum maxima devotione reddiderunt Imperatori quotquot habebant de Mediolanensibus in sua captione. Imperator, commotus maxima pietate, Papienses eadem die a sua custodia solvit, & liberos dimisit: & die altera sua Castra amovit, & ad Locum, qui dicitur ABBIATECRASSUM, pervenit: & omnis multitudo Mediolanensium, cum suis militibus e captione Papiensium liberatis, rediit Mediolanum. De cætero Im-

A perator Ticinum atque Padum ad suum commodum transiit. Prosequitur subinde Landulfus Caput 46. & Historiæ suæ postremum. Quo quia tam nostrorum Archiepiscoporum, quam Episcoporum Cremonensium Historia nonnihil ditari & illustrari potest; propterea ecce nos illud verbatim proferimus. At Innocentius Papa (sic enim exorditur) Cremonenses ab excommunicatione Robaldi Archiepiscopi solvit. Verumtamen Mediolanensis exercitus Cremonensibus nec eorum Episcopo pepercit; quia post absolutionem JUVENALEM Castellum eorum & alia apprehendit; atque Episcopum eorum loricatum, & hortantem suos ad pugnam proficientem homicidium, de ipso Castello pertraxit; ET PLURES MENSES IN CUSTODIA TENUIT; donec Herlembaldus de Bresorio, Custos illius custodiæ, contamatus veneno, prout dicitur, subito in mortem corruit. Et in ipsa nocte, qua ipse Custos subito occidit, Episcopus de ipsa domo, qua claudelatur, effugit: & liberatus Papiam, deinde Cremonam pervenit. Hic fortassis Episcopus iste reminiscitur amaritudinis, qua potatus fuit Mediolani in die suæ Ordinationis. Sed, prout quibusdam placet, non bene. Quia si Jordanus Archiepiscopus (de cujus Archiepiscopatu nos Numero 315. Annoque Christi undecimo supra centesimum Millesimum dicere orsi sumus) ejusque Ecclesiæ amovit Ugonem de Noceto, nobilem Virum, & Parmensis Ecclesiæ quasi Archidiaconum, ab Episcopatu Cremonensi, in quo Cremonenses per suam electionem & Henricus Rex eorum per investituram suæ laudationis & confirmationis ipsum posuerant, & susceperant per plures annos reverenter, & diu intus & foris tenebant; quid mirum, si Populus Mediolanensis compulit istum Ubertum, egregium Virum, jurare fidelitatem Ecclesiæ Mediolanensi & Archiepiscopo Jordano, quando ipsum Ubertum Episcopum consecravit? Ugonem porro illum Blasius Rubeus in Tabula Diptycha Episcoporum Ecclesiæ Cremonensis Quadragesimum quartum, mox Ubertum istum numerat Quadragesimum quintum. Sequitur Landulfus: Quod si forte quis dixerit: Amotio Ugonis fuit justa, sed compulsio Uberti fuit iniqua: nec dicat, cujus mortalis auctoritate principaliter est regenda Cremona, ejusque Ecclesiæ; si non dixerit, Utrumque fuit malum & iniquum. Surgat igitur Deus Exercituum: qui Mediolanum & Cremonam corrigit: ET ME ACOLYTUM OPPRESSUM ET EXPOLIATUM, quemadmodum in hac mea Copia continente probos & pravos legitur, jure gubernet & protegat. Deo gratias. Amen. Et hæcenus quidem Historia Landulfi: quem Numero 330. observabamus ætate sexagenarium jam esse, quando trigessimum tertium Caput conscribebat. Ceterum hæc illi deinde fuerunt adjecta: Explicit Liber Historiarum Landulfi de Sancto Paulo. DE GESTIS MEDIOLANI, ab Anno Christi Millesimo nonagesimo quarto, usque ad Annum Christi Millesimum centesimum trigessimum tertium, tempore Robaldi Archiepiscopi &c. Atqui nos, universam hujus Libri seriem ab Anno potius Millesimo nonagesimo sexto, sicuti jam constat e Num. 284. usque ad præsentem saltem Annum trigessimum sextum deductam esse, certo deprehendimus. Etenim ex iis, quæ denique ab ipso narrabantur, ea præsertim Episcopi Cremonensis (qui quidem prædicto Lotharii Privilegio Modociensibus concessio liber & ipse subscripserat) captivitas, in plures menses protracta, nobis profecto videtur in Annum etiam subsequenter ac trigessimum ad minus septimum protendi.

CCCLXXXVI. Sanctum Bernardum multoties ad Urbem Mediolanum venisse, nonnulli e nostratibus Scriptoribus, jam in medium a nobis producti affirmabant. Nos vero bis tantum venisse illum arbitramur: & hinc rursus varia etiam ipsorum effata, quæ Lector ipse per otium animo recolat, refellimus. Porro ter contigit (testimonium est Baronii ad

Annum *Christi* Milleſimum centeſimum trigeſimum quartum, Art. x cui adhæret etiam *Miræus* in Chronico *Ciſterciendi* ad Annum *Christi* ſuperiorem) eundem Sanctum Bernardum venire in Italiam ad Innocentium Papam. Primo, hoc Anno, cum Piſas ad Concilium venit. Secundo, paulo poſt eodem Anno, ut teſtatur ejus *Vitæ Auctor* (Lib. 2. Cap. 4. his verbis: Cum ſecunda per Mediolanum eodem Anno Pater Sanctus tranſiret &c. Tertius vero fuit adventus, quando Lotharius Imperator ſe contulit in Italiam cum exercitu, & finis eſt impoſitus ſchiſmati obitu Petri Leonis. Teſtatur id ipſe in Canticis Sermone 24. Bernardus igitur tandem in Italiam rediit Anno *Christi* Milleſimo centeſimo trigeſimo ſeptimo; ſicut eodem Anno narrat idem Baronius. Quo quidem teſte locupletiffimo hic ejus adventus, tum etiam mora, ac demum diſceſſio, in hunc modum ſe habuit. Cum enim perveniſſet e ſuo *Clarevallis* Monasterio in *Tuſciam*, ratus, Innocentium, a quo fuerat vocatus, Piſis adhuc morari; *Viterbium* progreſſus, eum ibi convenit. Inde porro legatus ab ipſo fuit Romam, ut eos converteret, qui adhuc in ſchiſmate permanebant. Sicut ergo diuturnam, ſic etiam cum magno Catholicorum proſectu, moram ibi traxit. Ab eodem Innocentio Legatus inde mittitur ad Rogerium *Siciliæ* Regem, *Anacleto* pertinaciter addictum ac faventem: deinde vero in *Apuliam* quoque miſus eſt. Romam inde redierat Sanctus Abbas, cum Plendopontifex *Anacletus* Anno *Christi* Milleſimo centeſimo trigeſimo octavo, die ſeptima Januarii miſere obiit impœnitens (ſicut hoc ipſo narrat Anno Baronius) medioque poſtea menſe Martio ab *Anacleti* Afſectis eligitur in ejus locum Gregorius Presbyter Cardinalis, *Victorque* Tertius appellatur. Electus eſt autem non tam pertinacia ſchiſmatis (inquit Auctor *Vitæ Sancti Bernardi* Lib. 2. Cap. 7.) quam ut opportunius per aliquam temporis moram Papæ Innocentio reconciliarentur. Quod ſine mora per manum Servi ſui (Sancti Bernardi *Christus* effecit. Nam & ipſe ridiculus Pontifex, Petri Leonis hæres, ad eundem Virum Dei nocte ſe contulit: & ille eum, nudatum quidem uſurpatis inſignibus, ad Domini Innocentii pedes adduxit. Quo factò Civitas gratulabunda letatur: Innocentio Eccleſia redditur, Romanus Populus ut Paſtorem & Dominum Innocentium veneratur: Abbas *Clarevallis* in mira reverentia habetur, ab omnibus AUCTOR PACIS ET PATER PATRIÆ prædicatur. Procedentem Viri Nobiles proſequentur, acclamat Populus, Matronæ ſequuntur, & omnes ei prompto animo obſequuntur. Sed quam diu ille gloriam toleravit? Quam diu pace fruitus eſt poſt tantum laborem? Nec diem pro anno recipere acquievit. Sedatis omnibus & compoſitis, vix quinque dies teneri potuit, qui ſeptem annis & ultra pro reſarcienda eadem ſciſſione ſudavit. Exeuntem Roma proſequitur, deducit Cierus, accurrit Populus, univerſa Nobilitas comitatur. Nec poterat ſive communi mœrore dimitti, qui colebatur amore communi. Igitur, firmata pace, Vir Dei regreditur (in Galliam & ad ſuum *Clarevallis* Monasterium) & duplex exhibens gaudium, cum exultatione univerſæ Terræ ſuſcipitur. Hactenus Scriptor *Vitæ Sancti Bernardi*. Ceterum Bernardus ipſe Epist. 320. Godefredo *Lingoniensi* Episcopo de hac tandem unitate ac pace Eccleſiæ, priuſquam Roma diſcederet, in hæc verba ſcripſit: In Octavis Pontecoſtes ipſa die complevit Deus deſiderium noſtram, Eccleſiæ unitatem & Urbi dando pacem. Nam illa die filii Petri Leonis omnes ſimul humiliaverunt ſe ad pedes Domini Papæ: & facti homines ejus ligii, juraverunt ei ligiam fidelitatem &c. Et paulo poſt: De cætero jam nihil eſt, quod nos hic detineat. Facio quod imperaſtis: Veniam vertimus in Venio. Ecce enim venio cito: etiam & merces mea mecum eſt, victoria *Christi*, & pax Eccleſiæ. Sexta feria poſt diem illum egreſſus eſt noſter de

A Civitate. Sanctus itaque Bernardus. in Italiam tertio proſectus, ſic ex illa in Galliam diſceſſit, ut Mediolanum tertio pariter veniſſe nobis quidem nullatenus videri poſſit.

CCCLXXXVII. Hoc eodem Anno in fine ipſius (teſte Baronio Art. 12.) nempe tertio Nonas Decembris, moritur Lotharius Imperator. Et paulo poſt: Fuit in terregnum quatuor menſibus. Quod enim prole maſcula careret; quinam aſſumendus in Imperium eſſet, Comitibus Generalibus fuit decernendum. Eadem Sigonius, & alii.

CCCLXXXVIII. Circa mediam ergo ſequentis Anni Quadrageſimam Conventus in Oppido *Gallie* Confluentia celebratus fuit, quemadmodum narrat Ottho *Friſingenſis* in Chronico, Lib. 7. Cap. 22. ibique Conradum, Imperatoris Henrici ſororium, de quo ſupra diximus (Cap. 17. & 18. ejuſdem Libri ſeptimi) præſente Theodwino Episcopo Cardinali ac Sanctæ Romanæ Eccleſiæ Legato, Summi Pontificis, ac totius Romani Populi, Urbiumque Italiæ aſſenſum promittente, Nonageſimum quartum ab Auguſto Regem creant. Quocirca nunc e Sedis Apoſtolicæ conſenſu Rex creatus ille fuit Conradus, cujus antea electio & per Archiepiſcopum noſtrum Coronatio (de quibus agere nos inceperimus Num. 340.) fuerat anathemate damnata.

CCCLXXXIX. Anno ab Incarnatione Domini Milleſimo centeſimo quadrageſimo primo, residente in Archiepiſcopali Cathedra Kobaldo Archiepiſcopo, & Monasterium Beati Ambroſii regente Abbate Vulfredo, Eribertus de Paſilvano, præſati Monasterii Monachus, hanc Eccleſiam ad honorem Apoſtolorum Petri & Pauli reædificavit.

Ita tiquidem Tabulæ marmoreæ inſculptum erat ſupra Portam huiusmodi Eccleſiæ. Hæc ipſa vero Eccleſia Suburbii erat illius, cui nomen LA TURBIDA (ſcilicet a torrente illac præterfluente, ac limoſam & turbidam vehente aquam) quingentis circiter paſſibus ab Urbe diſtantis, extra Portam *Vercellinam*. Eadem vero ſuberat etiam ditioni ac regimini Abbatis hujus *Ambroſiani*: quinetiam membrum fuit Parochialis Eccleſiæ Sancti Bartholomæi parvi, hac ipſa in Baſilica extantis, & ſuperiori Num. 336. memoratæ. Quocirca cum Ludovicus Moneta, ſpecialiter ad hæc a Sancto Cardinali & Archiepiſcopo Carolo delegatus, Anno *Christi* Milleſimo quingenteſimo ſexageſimo ſeptimo, die Martii vigesima, luſtrare ac viſitare de more cœpiſſet Eccleſias ei Parochiali ſubjectas; hanc item Sanctorum Petri & Pauli, tamquam ejus membrum, luſtravit. Ut autem Sacerdos erat prudentiſſimus ſic etiam inter ejuſmodi Viſitationis Acta eam ipſam Inſcriptionem nobis exſcriptam reliquit. Exinde vero nobis etiam conſtat, quiſnam hoc tempore præſeſſet huic *Ambroſiano* Monasterio. Præerat enim Vulfredus: quem aliter ſecundo ab hinc Anno appellatum invenimus Guifredum de Ogiono.

CCCXC. Monachos inter & Canonicos controverſiæ veteres revireſcunt, tum etiam novæ quædam primitus excitantur. Eas itaque communi juratoque conſenſu partes ambæ judicio Conſulum *Mediolanenſium* ſubjiciunt. Verum enimvero fatiſ manca (& in eo præſertim latere, unde ſcriptio ipſa incipit) ea eſt membrana, cui tota hujus judicii ſeries inerat inſcripta. Sed ea nihilominus ita etiam ſatiſfaciet, ut germanus ſenſus per omnes ſui partes intelligi commode poſſit, & a ſincera rei veritate ne tantillum quidem declinetur. Certe autem juverit etiam obſervare, qualem judicii formam Conſules in hac cauſa ſervaverint; cum tam Vulfredus Abbas & Monachi, quam Martinus Præpoſitus & Canonici, per Advocatos ſuos juraviſſent, rata ſibi & inviolata fore, quæcumque in ejuſmodi cauſa Conſules ipſi præciperent. Publicum igitur ejuſmodi Documentum ita verbatim ſe habet:

..... futuris temporibus ad memoriam retinendam. Qualiter discordia, quæ erat INTER DOMNUM VUIFREDUM, DEI GRATIA ABBATEM MONASTERII SANCTI AMBROSII, UBI EJUS SANCTUM REQUIESCIT CORPUS, ET MONACHOS IPSIUS MONASTERII, & ex altera.....

ATQUE PRÆPOSITUM SEU CANONICOS EJUSDEM ECCLESIE, fuit missa & deposita ab utraque parte, jurejurando per eorum Advocatos ex utraque parte facto in Consulibus Mediolanensibus, sicut ipsi Consules eis per Convenientiam (five Conventionem) præciperent. Quæ discordia..... ipse Præpositus & Canonici (subintelligendum absque dubio hic est dicebant) Quod tota oblatio Altaris Majoris ipsius Sancti Ambrosii, & cæterorum Altarum, seu Oraculorum, quæ sunt infra ambitum ipsius Ecclesie, ad ipsam Canonicam pertinere debeat. Item dicebant, QUOD CLOCARIUM NOVUM AD IPSAM CANONICAM PERTINEBAT, ET CLOCAS PONERE ET HABERE VOLEBANT.

Iterum dicebant, Quod debebant ferre incensum ad illas domos, quæ sunt ultra Muscetam, & ad Hospitale. Ad hæc ipse Abbas & Monachi respondebant. Quod tota oblatio ipsorum Altarium, seu Oraculorum, sicut superius legitur, ad ipsum Monasterium pertinere debeat. Sed quia quondam discordia fuit inter ipsum Monasterium & ipsam Canonicam de jam dictis oblationibus, & aliis quampluribus Capitulis; dicebat ipse Abbas, quod, sicut terminata & finita fuit, adtendere & adimplere volebat: & de ipsa Concordia Instrumentum unum ostendebat. DE CLOCARIO VERO, SEU CLOCIS (hoc est, de Turri campanaria, vel aliter Campanili, seu Campanis) ita respondebant: QUOD IPSUM CLOCARIUM AD IPSAM CANONICAM NON PERTINEAT, NEQUE CLOCAS PONERE SEU HABERE LICEAT.

Ad incensum vero portandum ad casas ultra Muscetam (proprium fuisse loci nomen hoc videtur) & ad Hospitale, ita respondebant: Quod ad Ecclesiam Sancti Michaelis, quæ est Cappella ipsius Monasterii, deferri debeat. His ita auditis ab utraque parte; tunc alia die sequenti, IPSI CONSULES, scilicet Joannes Mantegacius, Ardericus Sacco qui dicitur Cotta, Vasconus de Mariola, Ambrosius qui dicitur Calcamolus, Azzo Cixeranus, Gregorius Caga in Arca, VENERUNT CUM AMBABUS PARTIBUS IN PALATIO DOMNI ROBALDI MEDIOLANENSIS ARCHIEPISCOPI CORAM EJUS PRÆSENTIA. Dixit prædictus Vasconus in Concordia ipsorum Consulium, & Ottonis de Rhaude, Sociorum ejus, atque..... eis Abbati & Præposito sub nomine sacramenti, quod fecerant ipsis Consulibus, ut vicissim unus versus alterum..... facerent, sicut ipsi Consules ibi statim palam per Convenientiam laudarent: & insuper securitatem per fidejussores de ipso fine adtendere..... se facerent. Tunc ipse Abbas cum ligno, quod sua tenebat manu, sic finem fecit eidem Præposito, & vadium ei dedit: & posuit fidejussores Landulfum Capellum, & Villanum qui dicitur Marcellinus, sub pena librarum ducentum. Etiam dictus Præpositus similiter..... & securitatem fecit eidem Abbati: & posuit ei fidejussorem Azonem de Niguarda usque in ista pena. Item jam dictus Vasconus una cum eisdem Consulibus rogaverunt eundem Dominum Archiepiscopum, ut ipse præciperet per suam obedientiam eisdem Abbati & Monachis, atque Præposito & Canonici, ut ita adtenderent & adimplerent, sicut ipsi Consules eis præciperent. TUNC IBI STATIM IPSE DOMNUS ROBALDUS ARCHIEPISCOPUS JUSSIT ET PRÆCEPIT PRÆDICTO ABBATI ET MONACHIS, ATQUE PRÆPOSITO ET CANONICIS, UT ITA ADTENDERENT ET ADIMPLERENT,

A SICUT IPSI CONSULES EIS PRÆCIPERENT. His omnibus factis & jussis, tunc Anselmus Judex pro eo, quod Consules fecerunt cum inbreviare ipsam Convenientiam in chartula una, quam sua tenebat manu, per jussionem & parabolam ipsorum Consulium jussit: atque præcepit eisdem Abbati & Monachis, atque Præposito & Canonici, ut ambæ partes sic adtendant, & tacite & contentæ sint, sicut legitur de oblatione & sepelitione in chartula, quam ante hos dies & annos fecerunt Amizo Archidiaconus, Albertus Primicerius Notariorum, Nazarius Primicerius Presbyterorum Decumanorum, Lanterius Presbyter ac Præpositus de Sancto Georgio, Olricus Presbyter de Sancto Vitore, Joannes Mantegacius. In qua chartula sic continebatur: Ut quicquid a modo in antea &c. (prout scilicet nos quoque jam supra verbatim recitavimus Numero 336. Annoque Christi vigesimo tertio supra Millesimum centesimum) DE CLOCARIO VERO ITA DIXIT JAMDICTUS ANSELMUS JUDEX JUSSIONE PRÆDICTORUM CONSULUM: UT PRÆDICTUS PRÆPOSITUS ET CANONICI AMODO IN ANTEA PERMANEANT TACITI ET CONTENTI. DE CLOCIS VERO ITA DIXIT: UT PRÆDICTUS ABBAS DET EIDEM PRÆPOSITO ET CANONICIS UNAM CLOCAM IN CLOCARIO NOVO, SEU VETERI, QUO VOLUERIT IPSE ABBAS, DE ILLIS MEDIOCRIBUS, QUÆ MODO SUNT IN CLOCARIO, id est, neque de majoribus, neque de minoribus. Et si Abbas noluerit eis dare unam de suis Clocis; Præpositus emat unam de eadem mensura; & Abbas faciat eam mittere in ipso Clocario, ut supra legitur. ET FACIAT IPSE ABBAS EAM SONARE SUUM CUSTODEM, si requisitus fuerit ipse, vel Monachi per Miffum de ipsis Canonici, seu per signum, quod ipsi Canonici fecerint cum Skella eorum ad illud tempus, quo ipsi Canonici soliti sunt celebrare Vesperas. ET HOC FIAT PER OMNES DOMINICAS TOTIUS ANNI, ET PER OMNIA COMPLETORIA QUADRAGESIMÆ MAJORIS (quænam hæc sit, nos jam diximus Num. 257.) ET PER SEPTEM FESTIVITATES, QUAS IPSE PRÆPOSITUS ELEGERIT. Et hoc fiat ter ad Vesperas & semel ad Completorium. In reliquis autem diebus, seu Officiis, vel ad Corpus (hoc est, ad mortuorum funus) ipsa Canonica penitus nihil amplius habeat ad requirendum. De Incenso vero deferendo ad domos, quæ sunt ultra Muscetam, & ad Hospitale per Cappellanum Ecclesie Sancti Michaelis deferri debeat. In aliis vero partibus, ab ipsa Ecclesia Sancti Michaelis in intus versus Ecclesiam Sancti Ambrosii, sicut cernitur: a medietate ipsius Ecclesie Sancti Ambrosii versus Canonicam deferatur Incensum per ipsum Præpositum & Canonicos. Et sic confirmaverunt jam dicti Consules, & laudaverunt hoc totum, sicut supra legitur; sicut per prædictum Anselmum Judicem supra per eorum parabolam dictum est. Et sic finita est hæc causa. FACTUM EST HOC, UT SUPRA, IN DOMO JAMDICTI ARCHIEPISCOPI CORAM EJUS PRÆSENTIA. Anno Dominice Incarnationis Millesimo centesimo quadragesimo tertio, medio mense Junii, Indictione sexta.

Manus Martini & Arderici, qui dicuntur de la Cruce: Gotefridi de la Porta: Petri Cixerani: Johannis, qui dicitur Canis: Ambrosii de Lomacio: Bellixii de Sancto Georgio: Goslini, qui dicitur Pagani: Vulfredi Corvo: Frogerii de Calbuciano: Adelardi de Lampuniano: Johannis Berlandi: Ferracanis de Sancto Raphaële: Erinzonis, qui dicitur Canis: Bezonis de Sobladore: Azonis, qui dicitur Turrianus: Vulfelmi Monetarii: Manzioli Mirani: Petri de Calvenzana: Lafranci, qui dicitur Cua: Amici, qui dicitur Camolus de Servitoribus: Rustici, qui dicitur Mangietus: Arnaldi

de Sancto Ambrosio: Bombelli de Sancto Georgio: Mai-fredi de Cadorago: Rustici Diluvio: Iohannis Guitone: Petri de Liscate: Arderici de Solario: Petri da la Clu-sa: Iohannis Arpadore: Petri Cubatoris: Bellaboni: Pagani Leccamissoltum: Andreæ Ballosum: & reli-quorum plurium Testium.

Ego Girardus, Iudex & Missus Domni Tertii Lotha-rii Imperatoris, interfui, & subscripsi.

Ego Azo, Iudex & Missus Domni Secundi Chunradi Regis, interfui, & subscripsi.

Ego Gregorius, Iudex & Missus Domni Secundi Chun-radi Regis, interfui, & subscripsi.

Ego Anselmus, Iudex, per ammonitionem ipsorum Con-sulum hanc Chartam scripsi.

Hactenus ab hujus Urbis Consulibus ex Archiepisco-pi consensu deliberatum super controversiis, quas Abbati ac Monachis Præpositus & Canonici demum intenterant.

CCCXCI. Clocarum (e quibus Clocaria dicta sunt) mentio nuper facta sermonem jam nostrum ad ipsamet advocat. Erant autem Vasa ænea, quorum sonitu Clerus, aut etiam Populus, ad Ecclesiam convocabatur: quæve aliter appellata fuerunt Cam-panæ, Nolæ, Signa, Tintinnabula, Squillæ, vel etiam ut nos supra videbamus, SKellæ. Ac de ip-sorum quidem etymologia, origine, usu, legi pos-sunt Gulielmus Durandus in Rationali Divinorum Of-ficiorum Lib. I Cap. 4. Joannes Stephanus Durantus De Ritibus Ecclesiæ Catholicæ Lib. I. Cap. 22. Heri-bertus Rosweydeus in Onomastico super Vitis Patrum a se in lucem datis, Verbo Signum: Iosephus Vicecom-es, Ambrosiani Collegii Doctor, De Missæ Riti-bus Lib. I. Cap. 25. alique multi Scriptores, qui ab ipsis proferuntur. Ejusmodi ergo Vasa, ut bene Durantus observavit, appellantur item Clocæ, voca-bulo (inquit ipse) Germanico, ut in Capitulari Caroli Magni UT CLOCAS NON BAPTIZENT. Gal-lice dicimus Clocbes. Sed & Lombardo adhuc Idio-mate vocabulum istud absque dubio videtur a qui-busdam e rudiori vulgo hominibus expressum: qui Campanam hodieque nominant la Ciocha, Campa-nariam vero Turrim, seu Campanile, il Cicché. Quod tamen attinet ad tempus, quo ejusmodi Clo-carum atque adeo Clocariorum usus fuerit Christia-norum Ecclesiis receptus, varia & anceps Scripto-rum est opinio. Baronius ad Annum Christi Quin-quagesimum octavum censet, post redditam Eccle-siæ pacem ex edito loco Tintinnabulorum sonitu, quæ postea a Provincia, ubi primo grandiora fieri coeperunt, Campanæ sunt appellata, Populum ad Ecclesiam convocari consuevisse. Quo tamen id fieri coeptum sit Anno, sibi fatetur incompertum. Durantus item disertissime loco citato sic fatetur: Quo tempore coeptum fuerit Campanis uti in Ecclesia Christiana, mihi nondum compertum est. Et paulo post: Vulgo fertur, Paulinum, Episcopum Nolanum, Nolarum usum in Ecclesiam invexisse. Hic autem Sancto fuit Ambrosio intima familiaritate conjunctus; sed, ipso vivente, Presbyter tantum erat, non au-tem Nolanus Episcopus. Sic enim accurate Baro-nius observavit, cum in eum inquireret Paulinum, qui ejusdem Sancti Ambrosii Vitam conscripsit. Vi-cecomes porro Capite illo 25. quærens, Quando Ære campano ceperint Fideles ad Missam cæteraque Eccle-siastici cultus Officia congregari: præcise respondet, hoc accidisse Anno Salutis humanæ circiter Sexcen-tesimo, cum Auctor Ordinis Romani vitam degeret. Nullus enim (inquit) quem ego sciam, ipso antiquior, Æris campani meminit. Qua tamen de re nos aliquid Numero sequenti pro parte adversa differemus.

CCCXCII. Basilicæ profecto istius Ambrosianæ bina hoc Anno jam erant Clocaria, sive Campanila, & pluribus quidem Campanis referta: VETUS vi-delicet unum, alterum NOVUM. Ac VETUS

A fine dubio vel ex ipso aspectu (præterquam quod etiam paulo post aliunde constabit) illud est, quod Porta maxima Basilicam ingredientibus hodieque dexterum & e latere Monasterii conspicitur; NO-VUM autem sinistrum est illud, atque Canonica obversum. Ambo siquidem Basilicæ frontem grata hinc inde proportionem ac proceritate Turrium instar muniunt & exornant. VETUS porro quispiam fortasse diceret ab ipsomet olim Sancto Ambrosio una simul cum Basilica constructum: ipsaque posset etiam molis vetustas primo statim obtutu nonnihil adstipu-lari. Quod si quis ceteroqui permotus iis, quæ in superiori Numero dicta sunt, saltem ambigit, an eo jam tempore inventus Ecclesiis Christianorum nostra-tum esset, sicuti Clocarum atque Campanarum, sic etiam Clocariorum & Campanilium usus; attendat ille, obsecro, quid Gualuaneus Flamma, & Auctor Chronici Flos florum, alique tradiderint, Vicecomiti forte nostro ignoratum; remque simul admiratione dignam, & hujus etiam Basilicæ propriam observet: quam suo nos loco propterea prætermisimus; quia tunc ambo Codices isti non suppetebant. Flamma namque in Chronico Majori Cap. 124. de Sancto Simpliciano, Sancti Ambrosii Successore per quatuor annos immediato, scribens, hæc habet: *Iste Beatus Simplicianus, congregata universali Synodo suorum Suffraganeorum, ordinavit, omnibus Episcopis consentien-tibus, UT QUILIBET EPISCOPUS SUFFRA-GANEUS PER UNAM SEPTIMANAM HEB-DOMADARIAM FACERET IN ECCLESIA SANCTI AMBROSII. Et fuit factum unum Pa-larium juxta NOXETAM per tria milliaria longe ab Urbe: ubi Episcopus hebdomadarius excubaret. Ibi fa-cta fuit Ecclesia Sancti Georgii cum Turri altissima: & quoriscumque Civitas destruebatur, Episcopus cum Cle-ricis ibi habitabat. Episcopus autem AUDITA CAM-PANA ECCLESIAE MAJORIS, ascendens equum fortiter equitabat. ILLA AUTEM CAMPANA TAMDIU PLUSABATUR, DONEC ADVE-NIRET. Cujus consuetudinis molesta pulsatio durat. SED QUIA FUIT VISUM GRAVE, UT EPISCOPUS AUGUSTANUS, AUT CU-RIENSIS, VEL CÆTERI, VENIRENT PRO HAC RE; ipsi Episcopi, suam redimentes ve-xationem, aliqua Beneficia Ecclesiastica ementes, Ec-clesiæ Mediolanensi donaverunt; quibus aliqui sustentati onera Episcoporum supportaverunt. Et Cap. 149. in-quit: Reædificata Civitate (Mediolani) Beatus Hono-ratus Archiepiscopus ad suam Sedem rediit, & juxta NOXETAM habitavit cum aliis Cardinalibus Eccle-siæ Mediolanensis, qui ibi habitabant instante Urbis de-struptione: ubi & mortuus est. Jacet in Ecclesia San-cti Georgii. Similiter auctor ille Chronoflorilegus fol. 86. pag. 2. Ipse Beatus Simplicianus vigintiquatuor Ca-nonicos Decimianos (aliter Decumanos) in Ecclesia Ma-jori ordinavit: Ecclesiam Sancti Georgii AD NOXE-TAM ædificavit; UT IBI HABITARENT EPIS-COPI HEBDOMADARII, QUI IN ECCLE-SIA BEATI AMBROSII, ET SUPER COR-PUS EJUSDEM BEATI AMBROSII SOLEM-NIA CELEBRABANT, ET TUNC INOLE-VIT IPSA DIUTURNA AC TOEDIOSA PUL-SATIO CAMPANÆ EJUSDEM ECCLESIAE (Majoris) QUÆ USQUE NUNC DURAT. Cum incipiebat pulsare, Episcopus hebdomadarius sur-gebat: & tamdiu ipsa Campana pulsabat, donec Epis-copus in ipsa Ecclesia (Beati Ambrosii) Officium inci-peret. Et fol. 96. pag. 2. Hic Honoratus (Mediolani Archiepiscopus) a timore Longobardorum Januam fu-git ad Januensem Episcopum, Suffraganeum suum, qui ultimum locum in dextra Archiepiscopi Mediolani possi-debat in Consilio. Obiit Honoratus Anno Domini Quingentesimo septuagesimo quarto. Jacet ad Sanctum Georgium AD NOXETAM extra Portam Romanam, ubi*

ubi Cardinales Mediolanensis Ecclesie habitare consueverant: & ideo involuit consuetudo quod Campana Ecclesie Mediolanensis diutissime in Matutinis pulsabatur. & adhuc pulsatur; quia duo ex Cardinalibus per vices suas, audito primo signo Campanæ, surgentes Mediolanum veniebant per viam trium milliariorum; & nunquam Campana cessabat, donec pervenissent. Quæ diutina pulsatio usque hodie perseverat. Hic autem Auctor (ut alibi nos monuimus, & ipsemet aperte significat infra fol. 147. pag. 2.) ejusmodi Chronicon scribebat Anno Christi Millesimo trecentesimo nonagesimo nono. Vide autem, quid in Archiepiscoporum Catalogo, cum Archipresbyteri Metropolitani, tum etiam Urbani Secretarii, ad hoc ferme ipsum indicandum legatur. Legitur autem: *Obiit autem Beatus Honoratus* (inter Archiepiscopos Trigesimus primus) *Januæ Anno Domini Quingentesimo septuagesimo. Jacet ad Sanctum Georgium AD NOXETAM, quam dicimus NOXEA, prope Mediolanum, ubi habitabant Domini Cardinales Ecclesie Mediolanensis.* ET IDEO EST CONSUETUDO, QUOD CAMPANA PRÆDICTÆ ECCLESIAE MANE PRIMA HORA MATUTINI ET VESPERARUM PULSARE DEBET TAMDIU, QUOD PRÆDICTI CARDINALES, SIVE ORDINARI, INTERESSE POSSINT MATUTINO, SIVE ALIIS OFFICIIS, PROUT MORIS ESSE DEBET. Ex his ergo Scriptorum testimoniis ante alia, quo tempore Sanctus Simplicianus Ecclesiam regebat Mediolanensem, colligi potest Campanæ usus, & quidem usque adeo prægrandis ac sonoræ, quin etiam e Turri usque adeo præalta, ut ejusdem sonitus, longe lateque diffusus, perungere commodè posset (quancumque in partem venti flarent) usque ad NOXETAM, tribus ab Urbe milliaribus distantem. Quia insuper hic idem Campanæ atque Campanariæ Turris usus ab iisdem Scriptoribus memoratur, non tamquam novum aliquod inventum tunc temporis introductum, sed ut antehac itidem receptum; quid ergo vetat, quominus etiam Sancti Ambrosii tempore pariter vigeret? Quamobrem nihil ex hoc capite ob stare jam videtur, quominus VETUS istud Ambrosianæ Basilicæ Clocarium ab ipso Sancto Ambrosio, sicut & ipsamet Basilica, constructum esse potuerit. Illud potius nos quidem ob stare posse suspicamur, quod ab ingressu (per Portam scilicet primariam, binasque hinc inde ipsi proximas & laterales) Basilicæ usque ad quartum hinc inde intercolumnium certissimis indiciis demum animadvertimus, Basilicæ structuram in multis esse diversam ab ea parte, quæ ab ejusdem intercolumnii quarti pila grandiore versus Altare primarium similiter huic inde protenditur. Huic in primis grandiori pilæ, qua vergit ad Altare, consistit visitur columna minus procera, quam ea sit, qua parte vergit ad Ecclesiæ ingressum. Sed hæc tamen & illa similes & pares item sunt ceteris, quæ intra prædictam cujusque partem continentur. Binis etiam hinc inde pilis minoribus, inter majores interjectis, quæ versus ingressum dispositæ sunt, totidem columnellæ lapideæ parieti consistæ superstant, ex eodem pariete mediocriter prominentes: nec ex iis ullus deducitur amplioris ac medii fornici arcus. Non sic autem minores illæ pilæ se habent, quæ sunt in altera parte Altari propinquiore. Sic etiam in porticu superiori cernere licet artis ac structuræ diversitatem: ubi scilicet in utraque partium e pilis minoribus assurgit terminus, superiorem illac porticum in duas veluti fenestras discriminans, e quibus patet in Basilicæ sinum prospectus. Quocirca diverso sic etiam tempore, multosque etiam post annos, partem hanc situ ingredientibus anteriorem nos quidem arbitramur superadditam alteri posteriori, qua ip-

A summet Altare primarium includitur, quæve certo credi debet ab ipso Sancto Ambrosio constructa; iis tantum exceptis, quæ Numero 21. dicebamus huic etiam parti deinceps superaddita. Sicut autem propter hoc ipsum ejusmodi additamentum, tunc a nobis in utraque parte observatum, conjectabamus, tunc quoque Basilicam istam eo dignatam titulo, ut in honorem quoque Sancti Confessoris Ambrosii constructa nominaretur; ita nunc eundem illi titulum tanto magis adjudicamus ob anteriorem illam partem, posteriori vetustiorique postea decursu vel aliquot etiam annorum superadditam. Hinc autem illud etiam profecto credibilius efficitur; ut Vetus item Clocarium tunc potius & ipsum fuerit constructum, quando non pars illa posterior ac vetustior constructa fuit, a qua plurimos illud cubitos distat; sed quando anterior, cui proxime quinetiam intime cohæret. Quod si vera hæc sint; certe multo certius ac verius etiam sequitur, ut ipsamet quoque Basilicæ frons, atriumque porticibus omniquaque circumseptum, non Sancto Ambrosio debeatur auctori, sed piis potius deinde Fidelibus, qui Basilicam ipsius, ad Superos jam delati, amplificare magis & ornare voluerint.

B Ut autem ad Clocarium Vetus revertamur: sicut illud in præfenti conspicitur dispositis in ligneo tecto lateritiis tegulis superne contextum; ita olim (quippe nos ipsius imaginem vidimus in pergamina olim charta delineatam, sicut etiam hic ruditer exprimendam curavimus) coctili per gyrum lapide opertum, paulatim e medio in acutum definebat; in quatuor vero supremis sui angulis Turriculas totidem quadratas attollebat. Atqui cum tandem talis ejusdem vertex vetustate fatiscens ruinam minaretur; provide sublatus inde fuit; & in eam Campanile formam redactum, ferreisque clavibus firmatum est, quam in præfenti præfert; ut etiam nos suo tempore nar-

C
D
E
F CCCXCIII. Ceterum auratus ex ære Gallus, vetus utique symbolum, vertici ejusdem hodieque insidet, quocumque ventus afflet, versatilis: de quo par itidem fuerit, ut aliquid dicamus. Porro supra pinnaulum Turris (de campanaria loquitur prædicto Cap. 22. Durantus) Gallus effingi solet, ad Prælatorum & Curionum alliciendam atque excitandam vigiliantiam. Quod ipsum doctissimi Andreae Alciati Mediolanen-



lanensis nostri decimo quinto, *De Vigilantia & Custodia*, Emblemate confirmat. Inde (subdit) *Alciatus in Emblemate*:

*Instantis quod signa canens det Gallus Eoi,
Et revocet famulas ad nova pensa manus;
Turribus in sacris effingitur; ærea mentem
Ad Superos Pelvis quod revocet vigilem.*

Quibus quidem Versibus per nos addantur etiam bini postremi, velut in gratiam Basilicæ præsertim Metropolitanæ: ante primariam cujus Portam duo excubant ingentes e marmore Leones. Sequitur ergo *Alciatus*.

*Est Leo: sed custos oculis quia dormit apertis;
Templorum idcirco ponitur ante fores.*

Scite autem *Franciscus Sanctius Brocensis*, hoc item *Alciati* Emblema suis illustrans Commentariis, ita explicat, ut ea verba *Instantis Eoi* perinde significant ac *Matutini temporis*; ærea vero *Pelvis* non aliud sit, quam Campana. Præterea vero etiam sic tradit: *Apud nos Salmantica multis in Nobilium Turibus visitur hujusmodi effictus Gallus; ut possimus facile inspicere, qua regione ventus inslet. Interroganti mihi, cur potissimum Gallus huic inserviret negotio, aliqui dicere, proprium esse Gallinaceorum rostrum ad ventum dirigere. Sive autem Sancti Ambrosii sive Posteritatis fuerit hoc inventum, ut in hoc Veteri Clorario Gallus effingeretur; ei profecto quammaxime vel eam congruebat ob causam; quia Ritus noster Ambrosianus hoc exigat, ut Matutinæ Preces Canonicae ab eo semper Hymno incipiantur, *Æterne rerum Conditor &c.* in quo tam multa de Gallo concinuntur, quemve a Sancto Ambrosio compositum fuisse constat etiam e Sancti Augustini Libro Primo Retractionum, Cap. 21. Ibi namque sic ille scribit: *In hoc Libro (contra Epistolam Donati) dixi in quodam loco de Apostolo Petro, quod in illo, tamquam in Petra, fundata sit Ecclesia. QUI SENSUS ETIAM CANTATUR ORÉ MULTORUM IN VERSIBUS BEATISSIMI AMBROSII, UBI DE GALLO GALLINACEO AIT: HOC, IPSA PETRA ECCLESIAE, CANENTE, CULPAM DILUIT.**

CCCXCIV. Nobis oblata prædicti Veteris Clorarii occasione, paulo ante meminimus, quemadmodum Sancti *Simpliciani* Archiepiscopi nostri tempore Comprovinciales & Suffraganei ejus Episcopi ex condito coeperint sua quisque hebdomada tanto cum incommodo ad Basilicam istam ventitare *Ambrosianam* (tanta infederat eorum animis erga ipsam, & Sanctissimum ejus Conditorum ibidem sepultum, veneratio & amor) ut supra ipsius Corpus Solemnia celebrarent. Placeat ergo nunc hoc itidem loco ritum istum, sane quidem admiratione dignum, simili quodam exemplo confirmatum inspicere, quod *Carolus Sigonius De Regno Italiae*, & *Hieronymus Rubeus in Historiis Ravennatibus* recensent ad Annum Christi Octingentesimum sexagesimum primum. Siquidem Romæ in Concilio *Lateranensi* cum data fuisset accusandi Joannis Archiepiscopi *Ravennatis* facultas; Episcopi *Æmilie* inter alia conquesti de ipso fuerunt, quod eos adigeret (utor enim recitatis a *Rubeo* verbis) UT ECCLESIIIS SUIS DESERTIS, MORE PRESBYTERORUM, SINGULIS MENSIBUS RAVENNÆ MINISTRARENT: & se viginti aut triginta diebus per vim *Ravennæ* teneri: neque ulli Clerico suo equo vehi per Urbem, injussu ipsius, sine magno discrimine licere. QUOD QUAMQUAM SUPERIORES ARCHIEPISCOPI FACERE CONSUEVISSENT, AC POSTERIORES ETIAM FECERINT, certis cuique Episcopo assignatis *Ravennæ* Aedibus, quas incolerent &c. tamen id acerbius aliquanto, quam res aut dignitas ferret, ab Joanne fieri videbatur. Neque tamen Concilium

A quicquam statuit, quominus iidem illi Episcopi deinceps tale obsequium Archiepiscopo Ecclesiæque *Ravennati* præstarent. Quod vero attinet ad Episcopos Archiepiscopi *Mediolanensis* Suffraganeos: jam ipsos legimus tantum à se postea onus & incommodum in Ecclesiæ *Mediolanensis* Cardinales, assignatis in idipsum Beneficiis quibuldam Ecclesiasticis, exonerasse. Quonam ex tempore hoc nescimus. Certe autem iidem Cardinales ministerium istud exequabantur Anno circiter septuagesimo supra Quingentesimum, sicuti paulò ante recitabamus. Quamdiu vero postea isti pariter perseveraverint: hoc nobis pariter ignotum. Per ea profecto tempora, quibus hanc Basilicam vidimus potestati ac regimini subjectam unius Diaconi Custodis, *Aunemundi* nimirum, ac denique *Fortis*, nihil usquam tale comperimus eorumdem Cardinalium usu retentum; tametsi postea, velut in ejus memoriam, tot per annos perseveraverit e Campanili Metropolitano diuturna illa Campanæ maximæ pulsatio, de qua jam diximus, nec non etiam postea forsitan dicemus.

B CCCVC. Nunc ad Clorarium Novum & sinistram in partem obversipaululum immoramur. Hoc idem vero sub hæc tempora primis e fundamentis constructum videtur. Sed & primario eorundem fundamentorum lapidi de more solemniter jaciundo ascitos tantummodo Abbatem ac Monachos fuisse, tam luculenter a Veteribus olim testatum nos interim credimus, quam fidenter assertum vidimus in quodam Jurium istius Monasterii Compendio, typis quondam impresso. In eo siquidem inter cetera sic habetur: *Constat ex Testibus antiquitus examinatis (de quibus in Rotulis pariter Romæ transmissis ad effectum ut producerentur, & suis loco & tempore producendis) QUOD IN FABRICATIONE CAMPANILIS DICTORUM CANONICORUM* (his quippe Novum istud postea, sive proximo ab hinc Anno, concessum fuit) *FUERUNT TANTUM ABBAS ET MONACHI REQUISITI AD PONENDUM PRIMARIUM LAPIDEM, UTI SOLI DOMINI DICTÆ ECCLESIAE.* Certe quidem, inspecta superiori Consulum Sententia, dubitare nobis nefas videtur, quin hoc tempore utrum istud Campanile, Novum pariter ac Vetus, in potestate solummodo foret Abbatis ac Monachorum, nec ad præpositi & Canonicorum jura ullatenus pertineret. His utique antehac deservierat unica illa *SKella*, sive Campanula, infra Claustrum Canonicae collocata: cujus factam vidimus mentionem Num. 336. Annoque Christi vigesimo tertio supra censum Millesimum. Quemadmodum vero nunc alterius Campanæ postmodum ex alterutro eorum Campanilium pulsandæ usus concedatur, satis jam dictum: satisque sic etiam inde conclusum, quod nuper nobis assumebamus. Ceterum Campanilis hujus Portæ transversus inhæret quadratus ingensque lapis, insculptos vindemiatores ac pendulas e vitibus uvas repræsentans. Hinc ergo nonnulli, argutantur, ejusmodi Basilicam *Baccho* antea in Templum deservisse. Quos profecto manifesta non minus ejusdem Portæ, quam Campanilis, novitas tenet manifesti convictos erroris. Neque tamen nos illud negaverimus: multos etiam in hujus Basilicæ molem congestos fuisse lapides, qui tunc e profanis Idolorum Templis aliisque dirutis Aedibus aut Palatiis superessent. Hujusmodi autem videntur ii præsertim, quos alicubi, ac præcipue in vestibulo & ingressu Basilicæ, videmus variis belluarum ac monstrorum figuris insculptos ac nonnumquam præpostero etiam ordine pene contemptim, velut in signum triumphatæ tandem absurdæ Gentilitatis dispositos.

F CCCXCVI. Eodem hoc Anno Millesimo centesimo quadagesimo tertio *Innocentius* Papa Secundus

ac. dus octavo Kalendas Octobris moritur. Cumque ipsi postridie substitutus *Cælestinus* Secundus ad octavam solummodo proximi mensis Martii diem supervixisset; eidem pariter altera post obitum die *Lucius* sufficitur Secundus.

CCCXCVII. Anno ab Incarnatione Domini nostri Jesu Christi Millesimo centesimo quadragesimo quarto, Kalendis Aprilis, Indictione septima. Præsentia bonorum hominum, quorum nomina subius leguntur, steterunt & convenerunt inter se: id sunt, *Johannes* Presbyter Officialis Ecclesiæ Sanctæ Valeriæ (cujus Ecclesiæ mentionem Num. 78. faciebamus) & *Petrus* qui dicitur de *Roxate*, & *Johannes* qui dicitur de *Cinello*, & item *Johannes* qui dicitur de *Scagnio*, & *Vitalis* qui dicitur de *Nova*, & *Ambrosius* qui dicitur *Anfildi*, & *Malfactus* & *Magnifredus* qui dicitur *Machetto*, & *Ubertus* qui dicitur de *Golzano*, omnes habitatores prope ipsam Ecclesiam: necnon ex altera parte inter DOMNUM GUIFREDUM, VENERABILEM ABBATEM MONASTERII SANCTI AMBROSII, UBI EJUS SANCTUM QUIESCIT CORPUS: eo tenore, sicut hic subius legitur: ita ut a modo in antea non debeant ipsi *Johannes* Presbyter, & *Petrus* &c. nec eorum hæredes, vel successores, habere virtutem neque potestatem faciendi fenestras, neque pertusos, neque cognilios, neque ullam transforamentum in muros, qui sunt inter ipsos, *Johannem* Presbyterum, & *Petrum* &c. & inter ipsum Dominum Guifredum, Venerabilem Abbatem, in Claudenda ex parte Montis & Meridie: & ejusdem generis alia, quæ brevitatis gratia prætermittimus. Ejusmodi vero Convenientiæ (vel, sicut hodierni Notarii loquuntur, Conventionis) Instrumentum actum fuit in superscripto Monasterio. Cumque, non *Joannes* quidem Presbyter, sed ceteri tamen omnes una cum ipso nominati, tresque præterea Testes subscripsissent; ita demum illud concluditur: Ego *Vassallus*, *Judex* ac *Missus* Domni Secundi Chunradi Regis, hanc Chartam Convenientiæ scripsi, post traditam complevi & dedi. Hæc autem libenter nos recitavimus eo præsertim consilio, ut hinc etiam intelligeretur, quam constanter per hæc tempora Monasterium istud sola Corporis Sancti *Ambrosii*, non autem Sanctorum *Protasii* & *Gervasii*, præsentia, sive sepultura, describi solet: necnon etiam *Chunradus* hoc tempore *Romanorum* Rex, non *Tertius*, sed *Secundus* appellaretur; cum alioqui duo *Chunradi* Reges ante ipsum a nobis numerati supra fuerint; ac *Primus* quidem Num. 216. 217. 218. *Secundus* autem Num. 280. & 281.

CCCXCVIII. Tametsi superiore Anno Consules *Mediolani* Sententiam, ex Archiepiscopi *Robaldi* quietiam e Canonorum non minus quam Monachorum consensu, pronunciaverant super Capitibus inter ipsos controversis; non tamen Canonici propterea contenti conquieverunt. Quamobrem necesse fuit, ut ipsemet rursus Archiepiscopus eisdem ad Concordiam revocare niteretur. Hoc igitur tandem Anno revocavit: & ad Concordiam quidem multo erga Canonicos liberaliorem, quam superior unquam ulla extitisset. Ipsius exemplar hunc in modum se habet:

IN Nomine sanctæ & individue Trinitatis. Omnium, maxime autem spiritualium est Potestatum, uti Filiis suis paterno providentes affectu, si qua inter eos emergerit discordia; vel si qua excreverint jurgia; ad ea omni modo extirpanda, tanquam pacis amatores, ut ejus pacis, quæ exuperat sensum omnem, munere gloriantur, cura invigilando solerti totis desudent viribus. Proinde EGO ROBALDUS, DEI GRATIA SANCTÆ MEDIOLANENSIS ECCLESIAE VENERABILIS ARCHIEPISCOPUS, communicato cum Fratribus nostris consilio, discordiam inter Venerabiles Fratres nostros, GUIFREDUM

A MONASTERII BEATI AMBROSII ABBATEM ET EJUS FRATRES, necnon MARTINUM CANONICÆ BEATI AMBROSII PRÆPOSITUM ET EJUS FRATRES, diutius agitatam decidere, eorumque animos ad pacem revocare cupiens, ut eum, qui scissuras mentium refugit, habitatorem habeant; in utriusque partis beneplacito, inter eosdem pacis ligando federe, Divina adjuvante Clementia, hanc, quæ inferius legitur, Concordiam, manifeste ab eis ante præcognitam, una cum Fratribus nostris posuimus; atque, ut omnis altercandi seu rixandi in posterum succidatur occasio, prædictis Abbatibus & Præposito & eorum Fratribus, ante nostram evocatis præsentiam, sub juramenti debito, quo omnis Abbas & Monachi, Præpositus & Canonici nobiserant astricti (juraverant siquidem supra sancta Dei Evangelia, quod super discordia præfata sine fraude & malo ingenio nostro obedirent præcepto) uti de cetero Concordiam inviolabiliter observarent; auctoritate Dei, & Beati *Ambrosii*, & Sanctæ *Mediolanensis* Ecclesiæ, & nostra firmiter præcepimus. Quæ est hujusmodi. Oblationes omnes, quæ INFRA ECCLESIAM BEATI AMBROSII ALTARIBUS VEL ANTE CRUCEM offeruntur, per medium sine fraude dividantur: quarum una medietas Canonici, altera vero medietas Monachis absque contradictione vel diminutione tribuatur; his tamen exceptis, quæ sequuntur. Quia illæ oblationes, quæ in manibus Presbyterorum Monachorum venerint, ad Monachos pertinent: quæ autem in manibus Sacerdotum Canonorum venerint, Canonorum sint. Notandum vero est, quod oblationes, quæ offeruntur ALTARIBUS BEATI SATYRI, ET BEATI BARTHOLOMÆI, NECNON SANCTI GEORGII, ad Monachos tantum pertinere debent. Illas autem oblationes, quæ ALTARI BEATI PANTALEMONIS offeruntur, omnes prorsus: atque illas, quæ ALTARI BEATI ANDRÆ, tam in ejus Vigilia, quam in ejusdem Festivitate offeruntur (his exceptis, quæ in tertia Missa oblata fuerint, quam Abbatis esse constat) has, inquam, omnes Canonici quiete habeant & possideant. Alias vero per totum annum quicquid EIDEM ALTARI BEATI ANDRÆ oblatum fuerit, commune sine fraude Canonorum & Monachorum sint. Insuper illæ oblationes, quæ in manibus extraneorum Sacerdotum tempore Psalmorum venerint, eorum sint, quibus dare voluerint, alias dantes sine fraude quibus soliti sunt dare. Præterea si forte aliquid ANTE VEL SUPER ALTARE BEATI AMBROSII causa conversionis alicujus, seu causa susceptionis infra Orationes suas, ad partem Monachorum seu Canonorum oblatum fuerit; ad ipsos tantummodo jure pertineat, ad quorum partem datum esse consiterit. Hactenus de oblationibus. CÆTERUM NOVUM CAMPANILE ECCLESIAE EJUSDEM IN LIBERA PRÆPOSITI ET CANONICORUM POTESTATE JURE PERPETUO STATUENDO DONAVIMUS: TRES QUOQUE CAMPANAS SOLUMMODO IN EODEM CAMPANILI PONERE, ET SECUNDUM PROPRIUM ARBITRIUM CANONICORUM, QUOTIENS EXPEDIERIT, SONARE EISDEM ABSOLUTE CONCESIMUS. Verumtamen si pro sepeliendis Corporibus defunctorum Abbas vel Præpositus a defunctorum propinquis, QUI AD SCHOLAS SUAS PERTINEANT, ad sonandum Tintinabulum invitati fuerint; illa pars, AD QUAM PRÆDICTA SCHOLA PERTINUERIT, pulsandi Tintinabulum liberam potestatem habebit. Quod si defunctorum parentes communem vel generalem pro charis suis sepeliendis invitationem fecerint: atque eisdem defunctorum propinquis tam Veteris quam Novi Campanilis singulas

las Campanas sonare placuerit: & hoc ab utraque parte petierint; dignum & æquum esse duximus, ut tam Canonici quam Monachi singula Tintinabula similiter sonare faciant. Sin autem forte contigerit, quod defunctorum propinqui pro jam dicta communi & generali invitatione sepeliendorum corporum unam tantummodo Campanam, & nullatenus duas, sonare postulaverint; IN CASU HUIJUSMODI MONACHIS SOLUMMODO, ET NON CANONICIS, CAMPANAM SUAM PULSARE LICEBIT. Præterea unum fuit, quod Canonici observare specialiter præcepimus: uti videlicet ante Matutinas Laudes Monachorum, sed tantummodo post ipsas Laudes inceptas, ad Matutinale Officium Canoniorum nullatenus sua Tintinabula sonare faciant. Alias vero, quacumque hora Tintinabula pulsare utile & honestum duxerint, secundum eorum beneplacitum, sicut jam diximus, honeste & utiliter Campanas suas ipsis Canonici libere sonare licebit. Et hæc ita diligenti peragant providentia, quatenus, sua nullatenus confundentes Officia, IN ECCLESIA BEATORUM MARTYRUM PROTASII ET GERVASII ET SANCTISSIMI PATRONI NOSTRI AMBROSII DEO GRATUM EXHIBEANT FAMULATUM, ET PACIS CONCORDIÆQUE, QUÆ HOMINIBUS BONÆ VOLUNTATIS ANGELICA LAUDE PROMITTITUR, VENTURO JUDICI MANIPULOS REPORTANTES, PRÆMIUM CAPIANT SEMPTERNUM. Si quis, quod absit, hanc nostræ Constitutionis Paginam infringere temptaverit; a Sacratissimo Corpore & Sanguine Domini alienus existat; & maledictionem Centesimi & octavi Psalmi incurrens, nisi resipuerit, æterno puniatur supplicio. Observantibus autem pax multiplicetur & gratia: & in Regno cœlesti præmiis ditentur æternis. Data est hæc Sententia Pactionis Anno Domini Incarnationis Millesimo centesimo quadragesimo quarto in Palatio Mediolanensi, mense Novembris, Indictione octava (superiori videlicet Septembri mense inchoata) Præcepimus siquidem tres Chartulas uno tenore fieri: quarum unam Abbati & Monachis, alteram Præposito & Canoniciis dedimus: tertiam vero in Secretario Beate Mariæ servavimus.

✠ EGO ROBALDUS, DEI GRATIA MEDIOLANENSIS ARCHIEPISCOPUS, HANC CONCORDIAM FIERI JUSSI, ET OBSERVARI SUB JURAMENTO PRÆCEPI, & propria manu subscripsi.

✠ Ego Guilielmus, Terdonensis Episcopus, subscripsi.
✠ Ego Ubertus, Archidiaconus, subscripsi.
✠ Ego Anselmus, indignus Diaconus, subscripsi.
✠ Ego Adeldardus, Diaconus, subscripsi.
✠ Ego Jordanus, Diaconus, subscripsi.
✠ Ego Landulfus, Presbyter, interfui & subscripsi.
✠ Ego Vuido, Presbyter, subscripsi.
✠ Ego Vualterius, Subdiaconus, interfui & subscripsi.
✠ Ego Obitus, Subdiaconus & Cimiliarcha, subscripsi & interfui.

✠ Ego Nazarius, Presbyter ac Primicerius, subscripsi.
✠ EGO VUIFREDUS, ABBAS, subscripsi.
✠ Ego Johannes, Monachus & Sacerdos, subscripsi.
✠ Ego Otto, Monachus, subscripsi.
✠ Ego Lafrancus, Monachus, subscripsi.
✠ Ego Thedaldus, Monachus, subscripsi.
✠ Ego Amizo, Monachus, subscripsi.
✠ Ego Johannes, Monachus, subscripsi.
✠ Ego Suzo, Monachus, subscripsi.
✠ Ego Romanus, Monachus & Sacerdos, subscripsi.
✠ Ego Petrus, Monachus, subscripsi.
✠ Ego Petrus, Monachus, subscripsi.
✠ Ego Gregorius, Monachus, subscripsi.
✠ Ego Aribertus, Monachus, subscripsi.

A ✠ Ego Vuido, Monachus, subscripsi.

✠ Ego Farutella, Monachus, subscripsi.

✠ EGO GALDINUS, SUBDIACONUS ET CANCELLARIUS, a me dictata subscripsi.

Hic autem Galdinus, Archiepiscopalis nunc Cancellarius, ille est, qui post aliquot ab hinc annos Oberto Archiepiscopo, Robaldi successor, suffectus est: quive præterea Sanctæ Romanæ Ecclesiæ Cardinalis & Legatus Apostolicus, quinetiam Sanctorum Catalogo adscriptus fuit; ut suo nos tempore agemus.

CCCIC. Proximo inde mense Decembri exeunte, Robaldus Archiepiscopus ex hac vita discessit. Clarissimi Viri Aleysii ab Ecclesia Catalogus expresse sic habet: Obiit prædictus Robaldus (five Robaldus) secundo die ante Kalendas Januarii, Anno Domini Millesimo centesimo quadragesimo quarto. Jacet in Ecclesia Hyemali (five Sanctæ Mariæ) juxta Pulpitum. Mox vero de ipsius Successore sic inquit: Ubertus (a nobis appellabitur Obertus, quemadmodum ipse sum subscribebat nomen) ex Capitaneis de Pirovano, Mediolanensis Archiepiscopus Octogessimus tertius, venit ad Sedem secunda Februarii die, Anno Domini Millesimo centesimo quadragesimo quarto. Catalogus vero alter Metropolitani Archipresbyteri post obitum Robaldi, quem ipse nominat Tibaldum, addit: Vacat tum Sedes diebus viginti tribus. Sibique concors mox etiam de Oberto subdit: Venit ad Sedem vigesimo primo Januarii, Anno Domini Millesimo centesimo quadragesimo quinto. Nimirum, si Annus Domini ex ejus Incarnatione supputetur; tam Robaldus obiit, quam Obertus ei successit Anno supra Millesimum centesimum quadragesimo quarto; quippe qui Annus usque ad vigesimam quintam subsequenter Martii diem protrahitur. Computato autem a Kalendis Januarii, Robaldus obiit quadragesimo quarto; sed Obertus ei successit quadragesimo quinto. Quod si computetur a vigesima quinta Decembris die, quo præcise die Christus Dominus ex utero Virginis in hanc lucem processit; tum verotam Robaldus occubuisse, quam Obertus in ejus locum successisse dicetur Anno quadragesimo quinto. Quem quidem nos Annum, saltem propter Oberti successionem, hic in ora marginali disponimus.

CD. Quærimus hoc tandem loco, an Conradus Rex, quo ex tempore rite ac legitime fuit electus, a Robaldo, vel saltem ab Oberto, coronatus aliquando fuerit. Catalogus ille uterque nuper a nobis nominatus hoc disertissime affirmant: Conradus Secundus per prædictum Archiepiscopum (Robaldum) primo in Modoetia, deinde in Mediolano coronatur. Gualuaneus item Flamma in Chronico Majore, Cap. 256. Conradus perveniens Mediolanum, per Robaldum Archiepiscopum fuit in Mediolano coronatus in Ecclesia Sancti Ambrosii extra Civitatem: postea in Modoetia iterum voluit coronari. In Manipulo autem Florum, Cap. 171. non expressio Archiepiscopi nomine, sic etiam tradit, quinetiam innominati cujusdam Poëtæ versibus confirmat: Mortuo Lothario Imperatore, Conradus Dux Sueviæ, Sororis Henrici filius, factus est Rex Alamanie. Septimo autem Regni sui anno venit Modoetiam, & per Archiepiscopum Mediolanensem coronatus fuit, postea in Mediolano. Unde isti Versus:

Consilio Seneca, specie Paris, Hector in armis,
Lothario moriente, venit Conradus honestus:

Est Mediolani Diadema potenter adeptus.

F Indefinite sic etiam Chronicon Flos florum fol. 139. pag. 1. Conradus Imperator, de Alamania exiens, venit in Italiam: & per Archiepiscopum Mediolanensem fuit coronatus in Mediolano. Atqui Tristanus Chalcus ad Annum Millesimum centesimum trigelimum octavum, commemorata Lotharii Imperatoris morte sic prosequitur: Deinde Conradus Secundus, ex Henrici Sorore & Frederico Scophio (ut quidem opinantur)

cognomento Sæuorum Duce genitus, Imperium excipit: & Mediolani, præbente Diadema Robaldo Archiepiscopo, coronatur. Hæc Auctores isti. Verum enimvero Conradum interea temporis nec a Robaldo nec ab Oberto, nostris Archiepiscopis, coronatum fuisse, nos aliis potius assentimur Scriptoribus, qui magis ex instituto Vitam & acta ejusdem Conradi Regis descripserunt. Ex iis enim aperte constat ipsum interim aliis alibi distentum implicitumque curis, Mediolanum ac Modoetiam venire non potuisse: cumque Coronæ item hujus accipiendæ studio inflammatus Anno Christi supra Millesimum centesimum quinquagesimo primo jurasset, se propediem cum exercitu in Italiam trajecturum; Anno sequenti occubuit repentino morbo oppressus; quemadmodum inter alios eo narrat Anno Sigonius.

CDI. Satis quidem constat (inquit idem Sigonius, sed Anno Millesimo centesimo quadragesimo quinto) Lucium (Papam) hoc Anno, quinto Kalendas Martii, alienissima Reipublicæ morte esse extinctum. Eo vero sepulto Cardinales in Aede Sancti Casarii convenerunt: & cum neminem ex Collegio approbarent; extrinsecus asciverunt. Hic fuit Bernardus (ex ordine Cisterciensi) Sancti Anastasii Abbas: homo, ut Bernardi Claravallensis discipulus, simplicis quidem ac rectæ mentis; sed animi parum, ut judicabatur, in gerendis rebus prompti atque constantis. Et paulo post: Tertio igitur Kalendas Martii Cardinales maximo animorum consensu Bernardum Pontificem sublegerunt, ac Populo renunciatum Eugenium Tertium appellarunt. Is, ubi primum est designatus, contra opinionem omnium ingentem animi indolem præ se tulit.

CDII. Guifredum, istius Abbatem Monasterii, Martinus Anno Christi Millesimo centesimo quadragesimo sexto excipit: & hunc aliquoties etiam postea nominatum nos videbimus.

CDIII. Anno Christi supra Millesimum centesimum quadragesimo octavo amplissimum se nobis offert Oberti Archiepiscopi Privilegium, idemque archetypum, & omniquaque integrum: e quo ingentem Abbatis ac Monasterii hujus Ambrosiani ditionem dignitatemque continuatam discernere licet. Illud vero est hujusmodi:

OBERTUS, DEI GRATIA SANCTÆ MEDIOLANENSIS ECCLESIAE ARCHIEPISCOPUS, DILECTO IN CHRISTO FRATRI, MARTINO, MONASTERII BEATI CONFESSORIS AMBROSII ABBATI, ejusque Fratribus, tam præsentibus, quam futuris in perpetuum. Sacra testante Scriptura, ex officio nobis injuncto interest Ecclesias & Ecclesiasticas personas, nostro commissas regimini, paterno affectu diligere, & eas earumque bona pia protectione munire. Dignum namque & honestati conveniens esse aperte cognoscitur, ut qui ad Ecclesiarum regimen, sub Mediolanensis Ecclesiæ obedientia commorantium, sumus assumpti, eas & a pravorum hominum nequitia tuamur, & Sanctæ Mediolanensis Ecclesiæ patrocinio foveamus. Proinde, Dilecti in Domino Filii, vestris justis petitionibus clementer annuentes, præfatum Beati Ambrosii Monasterium, in quo divino mancipati estis obsequio, & ejus bona, sub nostra & Sanctæ Mediolanensis Ecclesiæ protectione atque defensione suscipimus, & præsentis Pagina Privilegii communimus. Statuimus itaque, ut quascumque possessiones quæcunque bona prædicta Beati Ambrosii Ecclesiæ in præsentiarum juste & canonice possidet, aut in futurum concessione Pontificum, largitione Regum vel Principum, oblatione Fidelium, seu aliis justis modis, Deo propitio poterit adipisci, firma vobis vestrisque Successoribus & illibata permaneant. In quibus hæc propriis nominibus duximus exprimenda: in primis ECCLESIAM BEATI SATYRI, QUÆ EST JUXTA IPSUM MONASTERIUM: ECCLESIAM

A SANCTI PETRI, JUXTA ECCLESIAM SANCTI VITALIS ÆDIFICATAM: ECCLESIAM SANCTI AUGUSTINI: ECCLESIAM SANCTI MICHAELIS, ET HOSPITALE IBI PROPE ÆDIFICATUM: ECCLESIA BEATI PETRI UBI DICITUR AD SALA, ECCLESIAM SANCTI SYRI AD VEPERAM, CUM EARUM PAROCHIIIS: ECCLESIAM SANCTI SATYRI IN CIVITATE SIMILITER CUM SUA PAROCHIA, & cum omnibus ad eam pertinentibus: OLEODUCTUM (Italice jam communiter B ORIGGIO appellatur) cum duabus Cappellis, scilicet ECCLESIAM SYRI, ET ECCLESIAM BEATÆ MARIÆ, cum famulis & cum Decima: ECCLESIAM SANCTI SEPULCHRI, ET ECCLESIAM SANCTÆ TRINITATIS DE TRINATE cum earum possessionibus: CAMPILIONEM cum tribus Cappellis, videlicet ECCLESIAM SANCTI ZENONIS, ECCLESIAM SANCTI PETRI, ET ECCLESIAM SANCTÆ MARIÆ, cum Parochiis, & omnibus ad eam pertinentibus: ECCLESIAM SANCTI SYRI, quam habetis in Canobio, cum aliis possessionibus: TERTIAM PARTEM LOCI DE DUBINO cum duabus Cappellis, scilicet CAPPELLAM SANCTI PETRI, ET CAPPELLAM SANCTI BENEDICTI, cum famulis: LEMONTAM CUM ECCLESIA SANCTI GENESSII, cum famulis: CURTEM DE BISSONO CUM ECCLESIA SANCTI CARPOPHORI, cum Primitiis atque cum famulis: ANTICIACUM cum duabus Ecclesiis, ECCLESIAM SCILICET SANCTI AMBROSII, ET ECCLESIAM SANCTÆ MARIÆ, cum famulis: ECCLESIAM SANCTI DAMIANI DE BARAZIA cum omnibus, quæ ad eam pertinent: CURTEM DE PASCILIANO cum tribus Cappellis, videlicet ECCLESIAM BEATI PETRI, ATQUE ECCLESIAM SANCTI SALVATORIS, ET ECCLESIAM SANCTI GEORGH: IN CASTANETO ECCLESIAM SANCTI MICHAELIS: IN TURRICULA ECCLESIAM SANCTI MARTINI cum Decimis, & famulis: CURTEM DE MONTE CUM ECCLESIA SANCTI VIGILII, ET ECCLESIA SANCTI EUXEBII, cum decimis: ECCLESIAM SANCTI AMBROSII cum Decimis, & famulis, aliasque possessiones, quas habetis IN CIRIXOLA: IN QUINTO ECCLESIAM SANCTI AMBROSII cum aliis possessionibus: ECCLESIAM SANCTÆ MARIÆ, ET ECCLESIAM SANCTI MARTINI, & alias possessiones, quas habetis in CASTERNO: atque jus illud, quod antiquitus habetis IN MONASTERIO ORONIS (quod antehac nominatum vidimus AURUNÆ, vel AURONI, ORONIQUE) atque possessiones, quas habetis in DOMENEGASCO. PRÆTEREA DIGNITATEM ILLAM, QUÆ, UT IN VESTRIS CONTINETUR PRIVILEGIIS, VOBIS EX LONGO ET ANTIQUO TEMPORE CONCESSA EST, VIDELICET, QUOD ABBAS IN DOMINICIS, ET SOLEMNIBUS DIEBUS CUM INFULA ET ALIIS ORNAMENTIS EPISCOPALIBUS IN ECCLESIA BEATI AMBROSII MISSAS CANTAT, VOBIS CONFIRMAMUS. Decernimus ergo, ut nulli omnino hominum liceat prænominatam Beati Ambrosii Ecclesiam temere perturbare, vel ejus bona auferre, vel ablata retinere, minuire, seu aliquibus molestiis fatigare; sed omnia integra conserventur, eorum, pro quorum gubernatione & sustentatione concessa sunt, usibus omnimodis profuturæ.

futura. Si quis igitur noster Parochianus in futurum contra hanc nostræ Constitutionis Paginam sciens venire temptaverit; secundo tertiove commonitus, nisi reatum suum digna emendatione correxerit, Centesimi octavi Psalmi maledictionibus repleatur; & à Sacratissimo Corpore & Sanguine Domini nostri Jesu Christi fiat alienus. Cunctis autem, eidem Loco servantibus iusta pax Domini nostri multiplicetur & gratia; quatenus hic fructus bonæ actionis percipiant, & in futuro eternam vitam sibi paratam inveniant. Actum est hoc Anno Dominicæ Incarnationis Millesimo centesimo quadragesimo octavo, quarto Nonas Aprilis, Indictione undecima.

✠ EGO OBERTUS, ARCHIEPISCOPUS, SUBSCRIPSI.

- ✠ Ego Tedaldus, Archipresbyter subscripsi.
- ✠ Ego Obitius, Diaconus & Cimiliarcha, subscripsi.
- ✠ Ego Joannes Rhodensis, subscripsi.
- ✠ Ego Anselmus indignus Diaconus, subscripsi.
- ✠ Ego Vuilielmus, Diaconus, subscripsi.
- ✠ Ego Adelardus, Diaconus, subscripsi.
- ✠ Ego Enricus, Subdiaconus, subscripsi.
- ✠ Ego Nazarius, Presbyter ac Primicerius, subscripsi.
- ✠ Ego Julius, Presbyter, subscripsi.

Subtus autem integrum adhuc pergamenæ adnexum est Archiepiscopale Sigillum e cera rubra, cum suis e serico ligaculis, Sancti Ambrosii effigie impressum.

CDIV. Sicut hodie, sic etiam olim moris erat, ut anniversariam Sancti Satyri festivitatem Monachi pro suo jure celebrarent in Urbana ejusdem Sancti Confessoris Ecclesia, de qua in superioribus dictum est; Canonici vero, velut in sociale subsidium, eandem celebrarent in Cappella domestica, ubi sacrum ipsius Corpus a nobis creditur asservatum. Quocirca etiam vicissim à Monachis prandio satis lauto excipiebantur. Hinc ergo nova inter ipsos contentio suborta: cujus qualitatem licet e proxima ipsius judicatione dignoscere; unde pariter ferculorum condituram, per ea tempora non ingratam, nos etiam ipsi cum voluptate contuebimur. Exemplar tamen illud, quod ad manus nobis accidit, nonnullis in locis mancum est, immò verò nec archetypum & autenticum. Quocirca minus etiam mirum erit; si quid fortè alicubi erroris in ipsam irrepsit.

A.C. 1149. IN Nomine Sanctæ & individue Trinitatis. Recordatio Sententiæ quam DOMNUS TEDALDUS, SANCTÆ MEDIOLANENSIS ECCLESIAE ARCHIPRESBYTER, JUSSIONE VENERABILIS DOMNI OBERTI IPSIUS ECCLESIAE ARCHIEPISCOPI..... super discordia, inter MARTINUM CANONICÆ ECCLESIAE SANCTI AMBROSII PRÆPOSITUM ET EJUS FRATRES, & ex altera parte MARTINUM MONASTERII SANCTI AMBROSII ABBATEM diutius agitata. Discordia enim sic erat. Conquerebantur siquidem prædicti Canonici, quod ipse Abbas convivium unum, in quo debebat habere novem diversa fercula, de istis scilicet tribus: in prima appositione PULLOS FRIGIDOS, GAMBAS DE VINO, ET CARNEM PORCINAM FRIGIDAM: in secunda PULLOS PLENOS, CARNEM VACCINAM CUM PIPE-RATA, ET TURTELLAM DE LAVEZOLO: in tertia PULLOS ROSTIDOS, LOMBOLOS CUM PANITIO, ET PORCELLOS PLENOS: in festivitate Sancti Satyri: & denarios viginti quatuor: & candelas duodecim ipsius Ecclesiæ Canonici dare debebat. E contra Abbas respondebat: In festivitate Beati Satyri Canonici de Sancto Ambrosio refectionem secundum nostram voluntatem, honorifice tamen, & non secundum hoc quod eorum indicat querimonia, dare debemus: denarios verò, & candelas, quas exigunt nullo modo. Ad quod manutenendum idem

A Abbas quoddam ostendit Instrumentum: in quo quidem de refectiōe, sed non cujusmodi esse debeat, continetur: de denariis & candelis in eo nihil continetur. Sed præ-nominati Canonici refectiōem, quæ superius determinata est, ita se per triginta annos habuisse asserere intellexerunt..... ad quod probandum duos induxerunt Testes, videlicet Joannem Aripandum de Sancto Vitale, atque Presbyterum Ottonem de Sancto Paulo in Compito. Visis itaque utriusque partis prædictis rationibus: atque Instrumento, quod ipse Abbas in hoc negotio attulerat, diligenter inspecto; communicato cum aliis Fratribus consilio, DOMNUS TEDALDUS, ut dictum est, ex jussione atque præcepto ejusdem DOMNI OBERTI ARCHIEPISCOPI hanc promulgavit Sententiam, inquit: Si prædicti Testes hoc, quod de refectiōe testati sunt, præstito juramento affirmare volunt, Dominus Abbas in festivitate Beati Satyri secundum Testium testationem superscriptis Canonici refectiōem de cætero honorifice tribuat. Denarios verò & candelas, quoniam de his Instrumento nihil continetur, Canonici, vel eorum Missis..... (supplenda videtur hæc lacuna his verbis, non tribuat, vel certe similibus) Supradicti igitur Testes ibi in præsentia ipsius Domini Archiepiscopi id, quod de refectiōe testati fuerint, verum esse juramento præstito affirmaverunt. Testium autem testimonium hoc est. Presbyter Aripandus dixit: Ego fui tempore Johannis Abbatis ad prandium, quod in festivitate Sancti Satyri, cum Præposito Girardo de Sancto Ambrosio, & cum suis Fratribus: & habuerunt refectiōem de novem diversis cibis: in primis PULLOS FRIGIDOS, ET GAMBAS DE VINO, ET CARNEM PORCINAM FRIGIDAM: in secundo PULLOS PLENOS, ET CARNEM VACCINAM CUM PIPE-RATA, ET TURTELLAM DE LAVEZOLO: in tertio loco PUELOS ROSTIDOS, ET LUMBOLOS CUM PANITIO, ATQUE PORCELLOS PLENOS; porcellos vero plenos quandoque in prima appositione, & carnem porcina frigidam in tertia appositione habebant; & è converso: & hoc vidi infra quadraginta annos, & postea infra triginta. Presbyter Otto dixit idem: & adjunxit, quod hoc vidit per septem vices.....

Anno Dominicæ Incarnationis Millesimo centesimo quadragesimo octavo, in Palatio Mediolani, mense Februarii, Indictione undecima.

EGO OBERTUS, ARCHIEPISCOPUS, SUBSCRIPSI.

EGO TEDALDUS, ARCHIPRESBYTER, SUBSCRIPSI.

Ego Anselmus, indignus Diaconus, interfui, & subscripsi.

Ego Adelardus, Diaconus, interfui, & subscripsi.

Ego Jordanus, Diaconus, interfui, & subscripsi.

Ego Obitius, Diaconus & Cimiliarcha interfui, & subscripsi.

EGO GALDINUS, CANCELLARIUS, INTERFUI SUBSCRIPSI.

Ceterum Februarius ille mensis, Anno ab Incarnatione Domini Millesimo centesimo quadragesimo octavo inclusus, citra controversiam continetur Anno ab ejusdem Domini Nativitate quadragesimo nono; proptereaque nos ei Sententiam istam subjecimus. Præterea vero etiam ipsius Indictionem re vera non undecimam, sed duodecimam esse, superiore Septembri mense inchoatam, nos colligimus cum e præcedenti Oberti Archiepiscopi Privilegio, tum etiam e publico pariter & archetypo Documento, cujus initium ecce proferimus verbatim hanc item ob causam.

CDV. Sic enim hoc se habet: Anno ab Incarnatione Domini nostri Jesu Christi Millesimo centesimo quadragesimo nono, secundo die mensis Octubris, INDICITIONE TERTIADECIMA (proximo nimirum

mirum Septembre inchoata) *præsentia nonnullorum, quorum nomina subtus leguntur: per lignum & chartam, quæ sua tenebat manu, DOMINUS JOANNES, DEI GRATIA ABBAS ECCLESIAE ET MONASTERII BEATICOMFESSORIS AMBROSII, UBI EJUS SANCTUM REQUIESCIT CORPUS, constructi foris non multum longe ab hac Civitate Mediolani, ibi astante & laudante Landulfo, qui dicitur Grasso, Advocato ipsius Monasterii, investivit Johannem Mariam, & aliquot alios subinde nominatos incolas Loci VILLÆ ALBÆ, de mansis septem terræ, deque ceteris; quæ eodem continentur Instrumento: cui denique subscriptum, Ego Carlevarius, Notarius Sacri Palatii, hanc Chartam scripsi & tradidi. Jam vero Martino Abbati certe quidem suffectum cernimus Johannem: cui cognomen Arzago fuisse, nobis item aliunde constat.*

CDVI. Quod supra Num. 400. testatum a Sigonio nos asseribamus: nunc suis ipse verbis confirmet. Ad finem igitur Anni supra Millesimum centesimum quinquagesimiprimi sic ille inquit: *Conradus Coronæ accipiendæ, Apuliæ recuperandæ, & Lombardiæ non tam componendæ quàm comprimendæ studio inflammatus, juravit, se propediem cum exercitu in Italiam trajecturum. Verum sequenti Anno, repentino morbo oppressus, non sine veneni suspitione, à Medicis inductu Rogerii dati, decimo quinto Kalendas Martii vita cessit; cum Insignia Regalia Friderico fratris filio tradidisset, eidemque filium suum parvulum commendasset. Et paulo post: Mortuo Conrado, tertio Nonas Martii Principes atque Episcopi Francfordiæ convenere; ac concordibus animis Fridericum, Ducem Sæviæ, ut ætate sic virtute ad famam hominum florentem, Regem Germaniæ delegere. De quo Tristanus Chalcus, ipsum Conradi fuisse fratrem opinatus, initio Libri Octavi sic item habet: Conrado in Romano Regno Procerum suffragiis suffectus est Fridericus frater, ejus nominis Primus: quem, de capilli colore insignem, vulgus Barbarussam, paulo eruditores Rubrobarbum; nos æquiore, ut arbitramur & ex aliqua antiquitate Romana petito vocabulo Ænobarbum nuncupabimus. Quod item non displicet. Et rursus paulo post idem Sigonius: Angebant ingentis spiritus juvenem (Fridericum) primum res Germaniæ, quas componere ante omnia cupiebat, deinde Italiæ. Nam præter Coronam, quam Conradus patruus assequi morte præventus nequiverat, exitum quoddam frænandorum Mediolanensium ceterorumque Italicorum, qui libertatem instituerant, studium, & incredibilis Apuliæ de Rogerii manibus extorquendæ cupiditas, ipsum assidue stimulabant.*

CDVII. De bello ac tandem excidio, Urbi Laudensi a Mediolanensibus illato, aliquid nos jam diximus Num. 307. 313. & 314. pluraquæ multò alii Rerum Mediolanensium Scriptores & in ea tempora & in posteriora tradidere. Forte accidit, ut hoc Anno supra Millesimum centesimum quinquagesimo tertio duo Viri Laudenses apud Fridericum (qui Constantiæ tunc convocato Conventu jus dicebat) conquesti de Mediolanensibus fuerint, a quibus dure admodum & graviter opprimerentur. Hæc & alia in Rerum Laudensium Historia enarrant Ottho Morena, ejusque filius Acerbus, coævi utique Scriptores: & ab ipsis mutati Tristanus Chalcus, Bernardinus Corius, & Carolus Sigonius, alique ab eodem Anno. Quæ quidem querimonix per varia deinceps hinc inde irarum irritamenta excidium nostræ pariter Urbi ab Ænobarbo tandem rependerunt: Anno scilicet sexagesimo secundo. In hunc usque Annum iidem consulantur Scriptores. Nobis enim tam multa, luculenter ab ipsis jam descripta, ne innuere quidem vacat, dum propria hujus Basilicæ ac Monasterii ex instituto consecramur.

CDVIII. Eodem Anno Eugenius Papa Tertius o-

ctavo Idus Julii vitæ modum imposuit: atque post biduum ipsi substituitur Anastasius hujus nominis Quartus. Sic etiam Sanctissimus ille Pater, Urbique nostræ addictissimus, Bernardus, Clarevallensis Abbas, hinc ad Superos emigravit. Tristanus inde Chalcus hunc in modum scribit: *Annus deinde quinquagesimus tertius habetur insignis obitu duorum summorum in Ecclesia Virorum: Eugenii Pontificis, cui Anastasius Quartus suffectus est: & Bernardi Abbatis. Qui sacrarum Scripturarum studio, virtute, & peregrinationibus, ad exterarum quoque Nationes in Fide instruendas, obitis clarus, multa ampla & opulenta Cœnobîa edificavit: plurimosque statim sectatores habuit. Quorum vitaque postea per manus tradita, quoniam tuto celestes ad sedes ducat, nunc quoque observatur. &c*

CDIX. Carolus Rex Crassus Anno Christi Octingentesimo octuagesimo, atque Num. 131. a nobis memorabatur donasse Monasterio huic Ambrosiano TERRAM JUXTA ECCLESIAM SANCTI MICHAELIS, AD ÆDIFICANDUM HOSPITALE, ADRECIPIENDUM PAUPERES: moxque Num. 132. ejusmodi Hospitale absque dubio esse asseribamus illud, quod nunc ibidem constructum SANCTI AMBROSII HOSPITALE nuncupatur. Sic etiam Num. 299. Annoque Christi tertio supra centesimum Millesimum Paschalis Papa Secundus eidem Monasterio concedebat, sive confirmabat, DOMINIUM HOSPITALIS CUM ECCLESIA INIBI FUNDATA IN HONORE SANCTI MICHAELIS. Præterea vero, sicut hanc Sancti Michaelis Ecclesiam, ita etiam Hospitale istud eidem Monasterio adjudicabant e Robaldi Archiepiscopi consensu Consules Mediolani Num. 390. Annoque Christi Millesimo centesimo quadagesimo tertio: quin etiam quinto pariter inde Anno ac Num. 403. Obertus ipse Archiepiscopus, Robaldi successor. Tamen si vero res ita se haberet; non defuere tamen qui se illi hoc tempore opposuerint. Quamobrem, ad ejusdem Oberti judicium ac tribunal delata controversia, eam ipse hoc Anno, ab Incarnatione quidem Domini quinquagesimo tertio supra centesimum Millesimum, sed ab ejusdem Nativitate quinquagesimo quarto, sic diremit:

RECORDATIO SENTENTIÆ, QUÆ DATA EST A DOMNO OBERTO, SANCTÆ MEDIO LANENSIS ECCLESIAE VENERABILI ARCHIEPISCOPO, SUPER CONTROVERSIA, QUÆ INTER JOHANNEM MONASTERII SANCTI AMBROSII ABBATEM, ET FRATRES HOSPITALIS, QUOD HOSPITALE SANCTI AMBROSII DICITUR, AGITABATUR. Controversia autem hæc erat. Prædictus siquidem Abbas dicebat, ipsum Hospitale esse de Parochia Ecclesiæ Sancti Michaelis, & per ipsam Ecclesiam, quæ Cappella est Monasterii Beati Ambrosii, ad se pertinere: atque in ipso Hospitali, tamquam in sua Parochia, per quadraginta annos & ultra jus parochiale libere exercuisse, visitando, sepeliendo, & post exequias mortuorum Aquam benedictam, & in Vigiliis Natalis Domini Aquam benedictam & Incensum in eodem Hospitali portando, & alia quæ ad jus spectant parochiale exercendo. Ad quæ vera esse monstranda plures Testes idem Abbas produxit. E contra præscripti Fratres respondebant, dicentes, præfatum Hospitale nec esse de Parochia Ecclesiæ Sancti Michaelis, nec ad Abbatem Monasterii Sancti Ambrosii pertinere, ita quod in eo per se, vel per suum Cappellanum, aliquod debeat divinum exercere Officium: sed affirmabant, se liberam habere potestatem requirendi Sacerdotem undecunque vellent, qui in celebrandis divinis Officiis eis serviret. Ad quod probandum quosdam adduxerunt Testes. Quibus ita auditis,

Et diligenter inquisitis, Dominus Obertus Archiepiscopus, communicato cum Fratribus suis Et aliis sapientibus Viris consilio, hanc promulgavit Sententiam, inquiring: Si quinque ex Testibus, qui a parte sepediti Abbatis producti sunt, videlicet Philippus Monachus Monasterii Sancti Laurentii Novariensis, Et Landus Et Henricus de Magezate, Et Milo Et Rogerius de Fabrica, præstito juramento, quod testati sunt, verum esse affirmaverint: Et ipse Abbas per suum Advocatum juraverit, quod memoratum Hospitale est de Parochia Ecclesie Sancti Michaelis; jus parochiale ejusdem Hospitalis eidem Ecclesie Sancti Michaelis adjudicamus. Ibi autem statim in præsentiarum Et Abbate Et Testibus juramenta, sicut in Sententia dictum fuerat, facere paratis; a Fratribus ipsius Hospitalis fuerunt remissa; Et sic finita est Causa. Testium autem testimonium hoc est. Philippus Monachus dixit: Ego steti in Monasterio Sancti Ambrosii tempore Abbatis Johannis, scilicet Guazina: Et vidi Domnum Albertum de Incino, qui serviebat Cappellam Sancti Michaelis, servire Hospitale Sancti Ambrosii, per visitationem, Et sepelitionem, Et Incensum in Vigiliis Nativitatis Domini, Et sepelitionem, Et Aquam benedictam post sepelitionem: Et quando non aderat, serviebat pro eo, aut Domnus Ubertus aut Domnus Petrus de Cistellago, vel Presbyter Aripandus de Sancto Vitali, vel Presbyter Michignus de Sancto Martino, per invitationem Monachorum Sancti Ambrosii: Et hoc vidi per annos octo Et plus a terremoto in zâ, Et a decem annis in là. Milo dixit: Ego scio, quod ego eram Major in Schola Sancte Cecilie, Et quidam homo de Hospitali nobiscum erat in ea Schola. Quo mortuo, diximus Guilielmo de Moneta, qui erat Major in Hospitali: Si vultis sepelire eum ad Sanctum Michaellem; dabimus vobis cilicium, Et candelas Monachis Sancti Victoris. Et ipse dixit: Sepelite eum apud Sanctum Victorem. Et nos ivimus, Et invitavimus Monachos Sancti Victoris: Et ipsi dixerunt, quod non venirent sine Cappellano Hospitalis: Et affuit Cappellanus Presbyter Petrus Incino: Et hoc fuit ab undecim annis in zâ, Et a mense in là: Et mecum erat Rogerius de Fabrica. Rogerius de Fabrica dixit idem, excepto quod non dixit, quod prius ivissent ad Domnum Hospitalis; Et requisissent ab eo, si vellet sepelire apud Sanctum Michaellem; Et quod promississent ei cilicium, Et alia. Hec non dixit, sed dixit, quod invitaverunt Abbatem Et Monachos, Et post quæsierunt Cappellanium, Et habuerunt Presbyterum Petrum, Et cætera, sicut Milo. Landus dixit: Ego vidi, Domnum Nazarium Tembado bis Et plus portare Incensum in Hospitali in Vigiliis Nativitatis: Et Domnum Aribertum de Bargatio similiter ter portare Incensum: Et Domnum Albertum de Incino quater idem facere. Et hoc faciebant ex parte Monasterii. Et vidi, eosdem Sacerdotes sepelire mortuos Hospitalis apud Sanctum Michaellem. Sed nescivit dicere, quos. Et hoc fuit a quadraginta annis in zâ, Et a viginti quinque in là. Henricus de Magezate dixit idem. Laudo a quinquaginta annis in zâ Et a triginta in là.

Data est hæc Sententia Anno Dominice Incarnationis Millesimo centesimo quinquagesimo tertio, mense Februarii, Indictione prima.

✠ EGO OBERTUS, ARCHIEPISCOPUS, SUBSCRIPSI.

✠ Ego Obertus, Archipresbyter, subscripsi.

✠ Ego Guifredus, Presbyter, subscripsi.

✠ Ego Milo, Presbyter, subscripsi Et interfui.

✠ Ego Johannes, Presbyter, subscripsi.

✠ Ego Stephanus, Primicerius, subscripsi Et interfui.

✠ Ego Ardericus, Primicerius Notariorum, interfui Et subscripsi.

✠ EGO GALDUINUS, ARCHIDIACONUS, SUBSCRIPSI.

✠ Ego Anselmus, indignus Diaconus, interfui Et subscripsi.

✠ Ego Adelardus, Diaconus, subscripsi.

A ✠ Ego Algifius, Diaconus, interfui Et subscripsi.

✠ Ego Jordanus, Diaconus, interfui Et subscripsi.

✠ Ego Vuilielmus, Diaconus, subscripsi.

✠ Ego Guaterius, Subdiaconus, subscripsi.

✠ Ego Presbyter, Subdiaconus, subscripsi.

Hactenus Oberti Archiepiscopi Sententia: cujus pariter archetypum est exemplar, propria singulorum manu subscriptum, Et Archiepiscopali de more Sigillo, quale supra describebamus, firmatum. Interim porro Sanctum Galdinum ex Archiepiscopali Cancellario Et Basilicæ Metropolitanæ Subdiacono (qualem supra vidimus Num. 398.) Archidiaconum habemus.

B Observare sic etiam hic placet, quemadmodum per hæc tempora Parochi subditorum suorum domos in Vigiliis Dominicæ Nativitatis non tantum Aqua benedicta adspargere (quemadmodum in præfenti quoque usitatur) sed insuper etiam Thure sacro suffumigare soliti essent.

CDX. Eodem hoc Anno quinquagesimo quarto supra Millesimum centesimum Fridericus in Ambrosiana Basilica coronatur. Qua de re Carolus in primis Sigonius sic habet: In Mediolanensibus continetur Annalibus, ipsum (Fridericum) per Taurinos montes transgressum, accessisse Mediolanum: ibique extra Urbem per Ubertum Archiepiscopum coronatum. Indeterminatio Kalendas Decembris Castellonum progressum, a Laudensibus promissi obsequii iurandum exegisse, idque Laudenses, Mediolanensibus conviventibus præstittisse. Gualuaneus vero Flamma primum istum Friderici adventum in Lombardiam, moxque Mediolanensem Coronationem, in Chronico Majori, Cap. 258. in hunc modum recenset: Interim Guilielmus Marchio Montis-ferrati Et Papienses Et Cremonenses iverunt in Alamaniam: Et Imperatori omnia mala de superbia Mediolanensium dixerunt. Imperator dissimulabat omnia talia verba propter Coronam, quam Civitate Mediolani recipere eum oportebat. Imperator, per Taurinum transiens, Mediolanum pervenit in Millesimo centesimo quinquagesimo quarto; attamen Civitatem intrare non potuit. Archiepiscopus Ubertus de Pirovano, dominandi ambitione succensus, cogitavit privatim cum Imperatore tractare, quomodo posset dominium Comitum Englerie (quam hodie nos communiter Angleriam nuncupamus) de Civitate Mediolani extirpare. Unde convocans Fulchum de Landriano, Andream de Scaccabarotiis, Simonem de Curte, Albertum de Gambaris, dixit Imperatori, quod Comes Gualuaneus de Engleria prohibuerat, ne intraret Civitatem: Et, si volebat facere Archiepiscopum Dominum Civitatis, quod illum Comitem traderet in manus ejus. Placuit Imperatori: Et Rampinus Sironus, Notarius, scripsit pacta. Et propter istam prodicionem finaliter Civitas Mediolani destructa fuit. Tunc extra Civitatem

E IN ECCLESIA SANCTI AMBROSII FUIT IMPERATOR PER UBERTUM DE PIROVANO CORONATUS per manus Comitum Gualuanei. Hæc alter ille Gualuaneus: quocum etiam consentit Auctor Chronici Flos florum, fol. 141. pag. 2. Et ambo quidem congruenter ad ea, quæ mox Sigonius, tamquam ex Annalibus collecta Mediolanensibus, paulo strictius narrabat de primo pariter hujus Imperatoris in Lombardiam ingressu. Quod vero attinet ad eam prodicionem, quæ nostro adscribebatur Archiepiscopo: fides interim penes eundem Gualuaneum esto. Nec enim satis ei nos adhuc ipsam credidimus; quinetiam ne fide quidem dignam opinamur; ut infra opportuniore in loco differemus.

F CDXI. Maxima profecto nobis renovatur lætitia, statimque nobis adoratum rursus accurrere videmur, quoties novam cernimus mentionem, qua denuo monemur, sacrosanctas Patroni ac Tutelaris nostri Ambrosii exuvias in hac ipsius Basilica perenniter custoditas extare. Quocirca sic etiam facere non possumus, quin ejusmodi mentionem hisce nostris interferamus Monumentis; quemadmodum Et hactenus feci-

fecimus. Hujus ergo generis duæ pariter se nobis in præsens offerunt Commutationes, quas una eademque die hujus Abbas Monasterii hæc in Urbe contraxit: & unam quidem cum *Arialdo* quodam, filio Quondam *Oldonis*: alteram vero cum quadam *Farica*, relicta Quondam *Landulfi*, qui fuit dictus *Capellus*. Publica enim harum Commutationum Documenta iisdem prorsus verbis hunc in modum inci-

^{A.C. 1155.} piunt: Anno Dominicæ Incarnationis Millesimo centesimo quinquagesimo quarto, quinto die Mensis Januarii (& hinc nos quidem indubitanter dignoscimus, quinquagesimum quintum fuisse Nativitatis Dominicæ Annum, recenter inchoatum) Indictione Secunda. Commutatio bonæ fidei noscitur esse contractus, & ad invicem emptionis obtinet firmitatem eodemque nexu obligat contrahentes. Placuit itaque, bona convenit voluntate, INTER DOMNUM JOHANNEM, HUMILEM ABBATEM ECCLESIAE ET MONASTERII SANCTI AMBROSII, UBI EJUS SANCTUM REQUIESCIT CORPUS, & quod est constructum foris prope Civitatem Mediolani, ibi astante & confirmante *Azone*, qui dicitur *Grassus*, Advocato ejusdem Ecclesiæ & Monasterii: nec non inter &c. Primæ autem Commutationis Documento sic denique subest: Ego *Martinus*, Notarius Sacri Palatii, scripsi. Secundæ vero: Ego *Musso*, Judex ac Missus Domini Regis, interfui, & rogatus scripsi.

CDXII. *Fridericus* Imperator Junio ejusdem Anni mense ab *Hadriano* Papa in Urbe *Roma* coronatur. Qua de re legatur etiam *Baronius* in eundem Annum, Art. 17. De ipsa vero *Gualuaneus* item noster in Chronico Majori, Cap. 260. & 261. agit. *Roma* deinde digressus *Fridericus*, & in Germaniam reversus, *Ratisponæ* jam Idibus erat Octobris.

^{A.C. 1156.} CDXIII. Inde *Sigonius* sub ejusdem Anni finem sic scribit: *Mediolanenses*, quantum *Friderici* in Italiam adventus exterruit, tantum discessio confirmavit. Itaque, illo profecto, ingentem armorum apparatus fecerunt: ac primum *Derthonenses*, uorum sua causa eversum Oppidum erat, sibi sublevandos: deinde *Papienses* & *Laudenses*, qui *Fridericum* in se accenderant, opprimendos decreverunt. Quæ quidem sequenti mox Anno re quoque ipsa peregerunt; sicut idem *Sigonius* luculenter prosequitur.

CDXIV. Hoc ipso Anno se novus nobis offert & Abbas & Præpositus *Ambrosianus*, dum sua uterque nomina subscribunt Donationi ab *Oberto* Archiepiscopo factæ Præposito & Fratribus (hoc est, Canonici) Ecclesiæ Sancti *Eustorgii*: de qua quidem Donatione mentionem postea rursus faciemus. Actum est hoc (sic enim archetypum Donationis ejus exemplum concluditur) Anno Dominicæ Incarnationis Millesimo centesimo quinquagesimo sexto, mense Julii, Indictione quarta. Mox autem post *Obertum* Archiepiscopum aliosque nonnullos ita etiam legitur subscriptum: ✠ EGO AMIZO, ABBAS SANCTI AMBROSII, SUBSCRIPSI. Deinde vero, post *Johannem* Sancti *Victoris* & *Guillelmum* Sancti *Vincenzii* Abbates, sic item: ✠ EGO LANTERIUS, CANONICUS SANCTI AMBROSII PRÆPOSITUS, SUBSCRIPSI. Ceterum eidem *Amizoni* aliunde scimus cognomentum fuisse *De la Cruce*.

^{A.C. 1157.} CDXV. *Fridericus* interea vishementem ira incensus, expeditionem contra *Mediolanenses* juravit, & in Annum sequentem indixit; tamen eam postea distulerit, ut adversus *Polonos* procederet. Inde vero, re bene gesta, cum revertisset; idem *Sigonius* interim vehementius adversus *Mediolanenses* incensus, expeditionem Italianam maturavit, ac *Mediolanenses* internecino persequi bello constituit. Itaque ex *Saxonia*, ubi Domini *Natalitia* celebrarat, *Ratisponam* atque inde *Augustam* cum venisset, *Rinaldum* Cancellarium & *Othtonem* Palatinum in Italiam, ad sacramenta Civi-

^A tatum de more exigenda, præmisit, &c. Et rursus aliquanto post: Interea *Fridericus* Conventum *Augustæ* peregerat, atque omnes ad se Germaniæ Principes convocarat, & innumerabiles ex omnibus Regionibus copias accersiverat. Quæ cum mature convenissent; in diversas partes divisas diversis Ducibus ac diversis itineribus in Italiam adducendas attribuit; atque ipse, circa *Pentecosten* motis castris, prospere superatis Alpibus in campos Italiæ extremo mense Majo descendit. Præcedebat Rex *Bohemiæ* cum copiis suis &c. Et paulo post: Interim advenerunt ex Italia *Marchiones Montis-ferrati*, *Astensis*, *Salutiarum*, *Carreli*, *Malaspinæ*, & *Capitii*: præterea *Ferrarienses*, *Bononienses*, *Patavini*, *Veronenses*, *Vicetini*, *Tarvisini*, *Ravennates*, *Mutineses*, *Regienses*, *Parmenses*, *Mantuan*, *Cremonenses*, *Papienses*, *Laudenses*, *Comenses*, *Novarienses*, *Vercellenses*, *Hastenses*, *Bergomates*, *Blanderatenses*, *Etruscique*, & *Umbri*. Narratis vero, quæ deinceps ante cœptam *Mediolani* obsidionem gesta fuerunt, *Fridericum* tradit cum centum millibus armatorum ad Urbem accessisse, ac castra locavisse, *Mediolanensibus* tacitis super valum stantibus, ac nihil omnino moventibus. Deinceps autem sicut nobilissima clarissimæ Urbis obsidio in obsessioribus fortissimum ac militaris laudis studiosissimum quemque ad præcipuum decus petendum, & nomen suum insigni aliquo facinore illustrandum, stimulabat; sic etiam oblessi *Mediolanenses*, eodem laudis studio tracti, suam præstare operam Patriæ per omnem occasionem omni ope nitebantur.

^C CDXVI. Expugnare tandem *Fridericus* Urbem cum decrevisset; ab *Arcus Romani* oppugnatione incœpit. Qualisnam esset hic *Arcus*, & quemadmodum a *Friderico* fuerit in potestatem redactus: nos quidem non *Tristani Chalcii* non *Caroli Sigonii* verbis hoc loco describemus. Hæc siquidem in eorum Historiis, typographiæ beneficio in lucem jam datis, lectitari commodissime possunt. Quo minus igitur ^D obvium est *Gualuane* *Flammæ* Chronicon (quippe nonnisi manuscriptum) sic etiam eo curiosius ex ipso depromi a nobis oportet, quæ pariter in rem præsentem ille tradit; præterquam quod ipse aliquid etiam superaddit hujus Basilicæ proprium. Etenim Cap. 270. sic narrat: Imperator, habito Consilio Principum, dixit Duci *Bohemensi*: Si poteris Arcum triumphalem expugnare; ego faciam te ex Duce Regem; & feuda Imperialia, quibus obligaris, relaxabo. Erat autem *Arcus* triumphalis quædam Turris ex lapidibus vivis, politis opere mirifico: in cujus pede erant quatuor arcus: & erat situata in loco, ubi est *Hospitale Leproforum*, ante Portam Romanam. Dux *Bohemiæ* ^E inanimatus totam suam gentem in quatuor partes divisit. Prima cohors pugnabat contra Arcum triumphalem a prima usque ad nonam: alia cohors a nona usque ad noctem: tertia cohors a sero usque ad noctem mediam: quarta cohors a nocte media usque ad diem. Cumque continuatis bellis nostros Cives usque ad mortem die nocteque expugnaret; Arcum obtinuit; & tota Civitas obriguit. ET TUNC IMPERATOR IPSUM DUCEM BOHEMIÆ IN REGEM EJUSDEM REGNI CORONAVIT IN ECCLESIA SANCTI AMBROSII EXTRA Civitatem: & omnia ^F gravia onera, quibus Imperio erat obligatus, relaxavit. Hæc porro a *Gualuaneo* repetuntur etiam in Manipulo florum, Cap. 189. cum hac tamen exceptione, quod ibi conjiciuntur in Annum *Cbristi* Millesimum centesimum sexagesimum secundum, quo *Fridericus* postea nostram Urbem, rursus obsessam, demum evertit. Nonnulli tamen alii *Fridericum* tradunt Arcu Romano aliter potitum. Nec vero etiam defunt, qui scripserint, eum *Bohemiæ* Ducem prius a *Friderico* creatum fuisse Regem, quam e *Germania* cum ipso ad ejusmodi expeditionem veniret. *Aeneas* quidem

dem *Sylvius* (qui postea creatus Pontifex *Romanus Pii Secundi* nomen assumpsit, quive jam ante fuerat *Laurentianæ Mediolani Basilicæ Præpositus*) in *Historia Bohemica* Cap. 22. prosequutus, quemadmodum *Uratislaus Dux* ab *Henrico Imperatore Anno Christi Millesimo octogesimo sexto* factus fuerit primus *Bobemorum* e Duce Rex: Cap. postea 24. hæc subdit: *Inveni in Historia Bobemorum, post Uratislaum primum Regem pluribus annis interregnum fuisse. Nam Conradum fratrem ejus, ac deinde Uratislai filios, non Regis nomine, sed Ducis tantum usos; tamquam Regni decus homini, non Provincie, datum fuisset. Uladislaum vero* (hic nimirum est ille, de quo nobis institutus est sermo) *quarto loco Uratislao natum, a Friderico Primo sibi & posteris regiam dignitatem obtinuisse: & cum in expugnatione Mediolanensi egregiam operam navasset, Imperatori mirifice gratum, Leonem rubeum bifurcatæ candæ in clypeo albi coloris Insigne regium accepisse: CANDELABRUM QUOQUE SALOMONIS* (vide, quid hic Auctor insuper addat) *EX MEDIOLANO ASPORTATUM, in Ecclesia Sancti Viti Pragensis recondidisse. In eandem vero sententiam luculentius aliquanto & expressius hæc ipsa describuntur a Joanne Dubravio, Olomulzensi Episcopo, in Historia Bohemica (aliter Bojemica) Libro duodecimo: e cujus narratione nos aliquid infra verbatim proferemus.*

CDXVII. Post amissum Arcum Romanum, multisque aliis afflictati malis *Mediolanenses* deditionem cum *Friderico* paciscuntur. Inde *Otho Morena* in sua *Rerum Laudensium Historia* sic scribit: *Mediolanenses itaque videntes, totam eorum terram destrui: scientes etiam, se non posse defendere: timentesque insuper, ne Imperator ab obsidione discederet, donec ipsos caperet; cum ipso Imperatore pepigerunt; ac se in ejus manibus ponentes, ei de suis præceptis observandis plures ducentis obsidibus tradiderunt. Post hæc itaque ab obsidione discedens: ibique de suis relinquens, qui fidelitatem a Mediolanensibus exigerent & reciperent; Modoetiam perrexit; ibique militibus de Martesana & de Serprio convenientibus, & pactum cum ipso ineuntibus omnibusque sibi fidelitatem facientibus, eos in sua tuitione accepit. Aliquanto uberius hæc ipsa prosequitur Sigonius hoc eodem Anno supra Millesimum centesimum quinquagesimo octavo. Nos tamen inde tantum hæc pauca decerpemus: Meliorum tamen sententia vicit: ut decreto facto Consules & Principes Civitatis Legati ad Regem Bohemie Ducemque Austrie mitterentur: qui eos, ut a Friderico pacem sibi impetrarent, orarent. Missi Legationem exposuerunt: neque Principes Mediolanensium voluntati aliquid abnuerunt. Fridericus, ut Mediolanenses pacem petere audiret, magnum lætitiæ fructum cepit: & quod Urbem Civibus, Cives Urbi conservare discuperet; Consilio habito, pacem se daturum ostendit; atque has ejus condiciones dixit: Ut Mediolanenses Comum & Laudam restitui paterentur &c. His conditionibus acceptis, Mediolanenses hoc ordine in gratiam a Friderico recepti. Conventu instituto, Civitas duobus agminibus factis supplex ad Fridericum processit, atque ad ejus pedes doloris ac tristiæ plena procubuit. Primum agmen Clericorum fuit: qui, prælatis Crucibus, pedibus nudis, humili habitu Archiepiscopum sequebantur. Alterum Primorum Civitatis: quos vestibus abjectis, nudis pedibus, strictos super colla ferentes gladios, Consules præcesserunt. Et paulo post: Recitata inde superscriptæ conditiones sunt. Quibus acceptis, pax confirmata est, Vexillumque Imperatorium victoriæ argumento in Urbe erectum est &c. Is dies sexto Idus Septembris fuit, quo Beate Dei Matris celebratur Natalis. Motis inde Mediolano castris, Modoetiam, sedem olim Italici Regni perrexit, & CORONAM INDUIT. Hactenus Sigonius.*

CDXVIII. Tunc igitur *Modoetiæ Fridericum* Ferreo coronatum Diademate, testis est etiam Ra-

A *devicus, Frisingensis* Canonicus, & Continuator *Historiæ de Friderici Rebus* ab *Othone Frisingensi* Episcopo inchoatæ, quin etiam binos usque ad Libros protrahat. Ille siquidem Libro 1. Cap. 44. postquam seriem totius obsidionis ac demum deditionis in proximis Capitibus recensuisset, hæc subdit, quæ per errorem a *Bartholomeo Zucchio* in sui *De Corona Ferrea* Operis ora marginali adscribuntur *Othoni Frisingensi: Princeps Romanus (Fridericus) a Mediolano castra movens, apud Modoicum (nobis Modoetiam) sedem Regni Italiæ, coronatur. Eadem Sigonius. Gualaneus autem Flamma in Chronico Majori* Cap. 268. tamquam e *Chronico Danielis* recitat, Imperatricem ibi quoque *Beatricem* una simul cum *Friderico* fuisse coronatam. Sic itaque *Modoetiensem Friderici* Coronationem cernimus *Romana* etiam posteriorem fuisse: contra quam scilicet Auctor *Chronici Flos florum*, fol. 141. pag. 2. hisce verbis, ex altero quodam Scriptore desumptis, scribebat: *Fridericus per Archiepiscopum Mediolani extra Civitatem IN ECCLÉSIA SANCTI AMBROSII coronatus est: deinde per ipsum Archiepiscopum fuit coronatus IN MO-DOETIA: postea perrexit ROMAM, ubi per Hadrianum Papam fuit coronatus. Quamquam etiam tacendum nobis non est, quod ipsemet etiam Gualaneus idem prorsus sentit in Exemplari Bibliothecæ Ambrosianæ, Cap. 141. Quocirca post victoriam istam de Mediolanensibus reportam Fridericus etiam fortasse Coronam cum sua Coniuge, tamquam in triumpho potius signum, gestavit *Modoetiæ*; sicut etiam postea *Papæ* gestavit, posteaquam *Mediolanum* ipsum evertisset; ut suo loco recensebimus. Nec enim uspiam nobis quicquam occurrat impedimenti, quo minus ille coronari *Modoetiæ* pariter ab Archiepiscopo potuerit circiter illud ipsum tempus, quo *Mediolani* coronatus indubitanter supponitur.*

CDXIX. Anni a Dominica Nativitate Millefimi A.C. centesimi quinquagesimi noni mense Januario *Fridericus* binos e suis Proceribus *Mediolanum* mittit Legatos, qui novos ei Consules creent; sed iidem furenter a *Mediolanensibus* repelluntur. Hæc *Otho Morena*, præterea etiam *Radevicus* Lib. 2. Cap. 21. *Sigonius De Regno Italiæ* in hunc ipsum Annum, & alii: præ quibus nobis placet *Trifanum* potius *Chalcum* producere, propterea quod insuper affirmet, eos *Friderici* Legatos in hoc *Ambrosiano* Monasterio hospitatos fuisse. Ipsi verba sunt hujusmodi: *Eodem tempore Mediolanum venere Rainaldus Colonienfis Archiepiscopus & Otho Comes Palatii. Qui, HOSPITIUM IN COENOBIO AMBROSIANO HONORIFICE SORTITI, vocatis Præsidibus Consilii Civitatis, suadere eis nixi sunt, ut ipsi quoque Potestatem Cæsaream, quemadmodum aliæ Urbes fecerant, acciperent. Id vero novum erat, & manifeste contra conventa proximæ pacis apparebat, Quare studiosi libertatis, Aëtius Bultrasius, Castellinus Ermenulfus, & Martinus Malopera, ingenti animo sese opposcentes, multitudini suaserunt, ne omnino huic jugo colla submitterent, manifestæque servituti sese addicerent. Quorum oratione adeo incensi inflammatique sunt odio peregrini Magistratus Civium animi, ut ad ejiciendos ab Urbe Legatos concurrerint, & tumultu ipso illi pene obtriti fuerint. Hi, ad Fridericum reversi, illatam injuriam retulerunt; nec mediocriter conceptam in Mediolanenses indignationem auxerunt. Eodem vero sic etiam mense Januario *Cremensibus* per Legatos suos imperaverat (*Othone Morena* nominatim teste) ut muros & fossata *Castrî Cremæ* ab eo die usque ad Sanctam Mariam, quæ dicitur *CEREALIS*, destruerent. Ipsi vero *Cremenses*, hoc audientes, & in magnum dedecus accipientes, super ipsos Legatos fortiter irruerunt, & interficere volebant; sed ipsi fugientes, & se abscondentes, vix evadere potuerunt. Quod cum evenisset; valde tristes ad Imperatorem redie-*

redierunt, renunciantes ea, quæ sibi Cremenses fecerant.

CDXX. Iratus inde *Fridericus*, novo adversus *Mediolanenses* destinato bello (sicut in hunc Annum *Sigonius* testatur) *Beatricem* conjugem, & *Henricum* Duce[m] *Bajoariæ*, aliosque Principes Germanos, in *Italiam* novis cum delectibus revocavit. Ipse, arma speclans, *Regionem* cum paucis perlustrare instituit. Et aliquanto post: Interim *Mediolanenses*, libertatis detrimentum magno dolore ferentes, nihil sibi præmittendum rati, quod ad eam recuperandam pertineret; bellum omnibus viribus, non tam propulsandum, quam, si fortuna permetteret, inferendum, IPSO AUCTORE ARCHIEPISCOPO, decreverunt. Et quod *Fridericum* haud dubie ad oppugnandam aut obsidendam Urbem rediturum putabant; SUBURBANA OMNIA ÆDIFICIA, SACRA ÆQUE ATQUE PROFANA, ne quid afferre aut hostibus utilitatis aut sibi incommodi possent, DIRUERUNT. Ea de causa vetustum Monasterium & Sanctorum multorum Reliquiis augustissimum SANCTI EUSTORGII everterunt a fundamentis: & quidquid in eo sacrati erat, transtulerunt in Urbem. In primis autem TRIUM MAGORUM CORPORA, qui ad Christum infantem adorandum & mysticis muneribus colendum venerant, SUNT INVENTA. Hec olim in adito Templi ejus recondita ipsorum quoque Aedituorum notionem fugiebant. Verum manifestis tum indiciis patefacta: quibus declarabatur, Viros eos, adorato Salvatore puero, in Regionem suam reversos, illi in Crucem acto supervivisse: & ab Apostolis sacro Fonte ablutos, inde ad eum, quem in cunabulis honoraverant, ad dextram Patris sedentem, vita functos migrasse. Erant autem Corpora ossibus & nervis compacta, & cute adhuc arida convestita: vi, ut existimatum est, balsami, quo Gentilium more fuerint delibuta. Sed circulus aureus ea ambiebat, & inter se constricta tenebat; ut *Gulielmus Neubrigensis*, eorum temporum æqualis, memorie prodidit. Talia utique *Sigonius* ex hoc Auctore: nimirum Libro Secundo Rerum Anglicarum, Cap. 8. quidem natum se scribit Anno Domini Millesimo centesimo trigesimo quinto: & ab hoc ipso Anno copiose describit Historiam Gentis suæ usque ad Millesimum centesimum nonagesimum septimum; sicut in Libro De Scriptoribus Ecclesiasticis observavit etiam eruditissimus æternæque dignus memoria Cardinalis *Bellarminus*. Sed hæc saltem ipsiusmet *Neubrigensis* verba ex ejusmodi narratione nos quidem proferamus: nec eadem Lector attente perlegere gravetur: Cumque SUBURBANA (*Mediolanenses*) DEMOLIRENTUR ATQUE DIRUERENT, ne tam obsessis nociva quam obsidentibus usui forent; ea de re Monasterium quoque antiquum & nobile, & Sanctorum insigne Reliquiis, extra mœnia destruentes, quidquid in eo sacrum reverendumque inventum est, in Urbem transtulerunt: TRIUM PRÆCIPUE MAGORUM CORPORA: qui Salvatoris infantiam mysticis honorando muneribus facti sunt ex Gentibus primitiæ Deo & Agno. Et quidem *Thesaurus* iste olim in ejusdem Ecclesiæ secreto repositus IPSOS QUOQUE MONACHOS CLERICOSQUE IBIDEM MINISTRANTES latebat. Sed cum usque ad fundamentum destrueretur ipsa Ecclesia, repertus & revelatus est cum manifestis indiciis &c. Et paulo post: Nec notum est, a quibus personis sacræ illorum Reliquiæ illuc delatæ, ibique repositæ fuerint. Et hæc nobis e *Neubrigensi* verbatim recitasse sufficiat. In quibus tamen aliqua extant, quæ satis adhuc nobis nota non sunt, vel etiam nullatenus probantur.

CDXXI. Quod enim *Mediolanenses* tunc ignorasse dicebantur, an sacra ibi Magorum Corpora & ubinam extarent, itemque an illuc a Sancto *Eustorgio* Archiepiscopo e *Constantinopoli* fuissent olim al-

lata: hæc profecto nobis dura creditu videntur; cum præsertim tantæ molis esset, quantam hodieque illic ad veterem ipsorum Regum Cappellam conspiciamus, necnon etiam ex humo muroque superstructo promineret, lapidea illa Arca, in qua necesse est ut deprehensa eadem Corpora concedantur; cumque præterea translationem illam passim ab Historicis non alteri, quam ei Præsuli nostro, adscriptam legamus. Sic etiam ne illud quidem ita facile credimus, quod addebatur: sacram illam *Eustorgii* Ædem tunc ab imis destructam fundamentis fuisse. Nihil enim tale Scriptores nostri tradunt; tametsi nonnulli etiam scribant, eadem Corpora in Urbem translata, Turrique campanaria Sancti *Georgii* AD PALATIUM inclusa fuisse. Sic enim *Chronico Leonis* expresse testatur *Gualuaneus Flamma* in *Chronico Majori* Cap. 266. & 289. idemque traditioni Majorum apud nos in hanc usque diem creditur. Bene vero se res habet, quod *Neubrigensis*, & *Sigonius Eustorgianum* tunc Ædem inde inferebant hoc tempore dirutam fuisse; quia *Mediolanenses* (ut expressius loquitur *Sigonius*) SUBURBANA OMNIA ÆDIFICIA, SACRA ÆQUE ATQUE PROFANA, diruerint; ne quid afferre aut hostibus utilitatis aut sibi incommodi possent. Atqui falsum est istud. Quidni ergo & illud? Certe quidem *Morena*, de prima *Mediolani* obsidione loquens, sic scribit: Postea sequenti die *Mercurii*, quæ fuit Anno Millesimo centesimo quinquagesimo octavo, Indictione sexta, & quæ fuit tunc sexta die mensis *Augusti*, equitavit Dominus *Fredericus Imperator* una cum Rege *Bohemiæ*, & *Cremonesibus*, atque *Papiensibus*, necnon & *Laudensibus*, aliorumque Principum maxima multitudine, ac super *Mediolanum* castrametatus fuit. Itaque ipso die *Mercurii* ipsemet Dominus Imperator APUD ECCLESIAM, QUÆ DICITUR OMNES SANCTI, quæ est Ecclesia Templi, & extat ipsa Ecclesia in capite *Brolii*, juxta ipsum *Brolium*: Rex vero *Bohemiæ* INTRA MONASTERIUM SANCTI DIONYSII HOSPITATUS EST: cæteri autem Principes AB IPSO SANCTO DIONYSIO usque ad *Pusterlam Sanctæ Euphemiæ* juxta *Mediolanum* hospitati sunt. Postea vero, ad Annum Christi Millesimum centesimum sexagesimum primum, de hac secunda obsidione sic etiam rursus scriptum videmus: Imperator itaque die *Lunæ*, quæ fuit tertio *Calendas* sequentis mensis *Junii*, in festo Sancti *Maximi*, cum dictis Principibus & maxima quantitate *Lombardorum*, supra *Mediolanum* tendit, ad eorum segetes devastandas. Et devastaverunt ipsas segetes USQUE AD SANCTUM CAREMOLUM (sive, sicuti nos e populari etiamnum Sancti ejus vocabulo interpretamur, CALIMERIUM, cujus Ecclesia intra suburbium Portæ Romanæ sita est) ET AD ECCLESIAM OMNIUM SANCTORUM, quæ est in capiti *Brolii*, ET ECCLESIAM SANCTI BARNABÆ, ET MONASTERIUM SANCTI DIONYSII: fixeruntque Castra ea die a *Cassina Guazinæ* de *Aliete* usque *Morsengiam*: ibique per biduum stantes, omnes segetes ac partem *Mediolani* devastaverunt. In sequenti vero die *Mercurii* castrametantes, AD SANCTUM DIONYSIUM HOSPITATI SUNT. Ecce igitur, quemadmodum stabant adhuc omnes istæ sacræ Ædes; & eæ tamen suburbanæ erant. Non igitur omnes suburbanas, tam facras quam profanas, demoliti jam fuerant *Mediolanenses*, antequam secunda vice ab Imperatore obfiderentur. Quid igitur vetat, quominus incolumbia pariter a *Mediolanensibus* adhuc conservata censeamus reliqua item suburbana Monasteria, Sancti *Simpliciani*, Sancti *Victoris*, Sancti *Vincentii*, Sancti *Celsi*? quorum mentio Monumentis etiam hisce nostris aliquando semet obiter adhuc immiscuit.

Non igitur abs re fuerit hoc idem credere de suburbana Sancti *Eustorgii* Basilica; tametsi vel etiam inde Corpora trium Magorum *Mediolanenses* in Urbem adportarint. Quod si verum est; ob eam fortasse causam id egerunt; quia regias præsertim ejusmodi Reliquias sibi met a *Germanis*, penes quos *Italiæ* Regnum & Imperium erat, invideri præfensissent. Alioqui enim cetera quoque Sanctorum Corpora, quorum dives erat non modo Basilica illa, sed etiam ceteræ Monasteriorum illorum Basilicæ, quidni pariter intra Urbis mœnia comportassent? id quod tamen a nullo Scriptorum affirmatur. Sed ne placere quidem nobis hæcenus potuit Monasterii nomen, quod *Neubrigensis* & *Sigonius* *Ædi* adscribebant *Eustorgianæ*; sive quia Monachi soli, sive quia saltem una cum Clericis, nempe Sæcularibus (ut *Neubrigensis* indicabat) ibidem ministrarent. Relegatur in primis *Ariberti Mediolanensis* Archiepiscopi Testamentum, Num. 224. & Anno *Christi* Millesimo trigesimo quarto verbatim a nobis recitatum. Ibi profecto ea Sancti *Eustorgii* Ecclesia, non Monachorum (sive soli, sive etiam una simul cum Sæculari Clero ibi essent, quemadmodum tunc temporis in hac erant *Ambrosiana* Basilica) sed Sæcularis Cleri Ecclesiis connumerata recognoscitur. Idipsum etiam constat ex ea *Oberti* Archiepiscopi Donatione, cujus mentionem faciebamus Num. 414. Annoque *Christi* quinquagesimo sexto supra centesimum Millesimum: qua ille *Guifredo* ejusdem Sancti *Eustorgii* Ecclesiæ Præposito, ejusque Fratribus (hoc est, Canonicis) jure perpetuo donando concessit, & concedendo donavit ordinationem, dispositionem, regimen, dominium & investituram superstantiæ ipsorum Ecclesiæ: cui auctore Domino præesse dignoscerit; sic enim Præpositum etiam ipsum singillatim *Obertus* alloquitur. Præterea vero ejusdem quoque rei documento esse potest authentica pariter ejusdem *Oberti* Sententia super quadam controversia, inter ejus Ecclesiæ Præpositum & Præpositum Ecclesiæ Sancti *Laurentii* (cujus item in Archivo ea, sicut & superior Donatio, conservatur) agitata. Cujus in extremo ante subscriptiones sic legitur: *Data est hæc Sententia in Palatio Mediolanensi Anno Dominicæ Incarnationis Millesimo centesimo quinquagesimo secundo, mense Januarii, Indictione quinta decima.* Sed & *Eustorgianam* ejusmodi Ecclesiam non alii, quam Præpositus & quatuor Canonici, tunc temporis obtinebant, quando, ipsis denique *Laurentianæ* Basilicæ aggregatis, ea fuit Fratribus Ordinis Prædicatorum (a quibus in hanc usque diem retinetur) attributa. Sic enim *Tristanus* etiam *Chalcus* observavit in Annum *Christi* Millesimum ducentesium decimum octavum; præterquam quod sic etiam nos ipsi publicis e Tabulis, super ea translatione confectis, & in Archivo similiter *Laurentiano* asservatis, didicimus. Quocirca cursum etiam & obiter hoc loco refellimus *Erhardi Vuinheim* errorem. In suo namque Libro, *Sacrarium Agrippinæ* inscripto, de Cathedrali Ecclesia, deque trium jam in ea Magorum Corporibus, olim a Sancto *Eustorgio* e *Constantinopoli Mediolanum* translatis, loquens, sic inquit: *Ea ibidem in Ecclesia Monialium Ordinis Sancti Dominici reverenter collocavit.* Quasi vero vel Sancti *Eustorgii* tempore Moniales hujus Ordinis in Orbe extiterint: vel eis saltem post ejusdem Ordinis originem tradita unquam fuerit ejusmodi Ecclesia: quod utrumque falso falsius esse, quis nostrum ignorat?

CCCCXXII. Expedit autem hoc item loco ea recitare, quæ de tribus hisce Magorum Corporibus a Sancto *Eustorgio Mediolanum* alportatis *Boninus* scribit *Mombritius*, qua Sanctuarii sui Parte Vitam ejusdem Sancti Archiepiscopi describit. Postquam enim veniam ille *Constantinopoli* ab Imperatore sibi

A) opportunam obtinuisset: *Confortatus itaque* (verba sunt *Mombritii*) & discedens *Eustorgius*, prælegit Arcam marmoream sanctam & sacratissimam, Sanctorum trium Magorum & Regum Corpora continentem, accipere: qui tria munera, aurum ibus & mirram, nato in terris Dei Filio Christo Domino obtulerunt. Quæ siquidem de diversis terrarum partibus olim a Beata Regina Helena, genitrice Constantini Imperatoris, in unum studiose collecta sunt, & in eadem Arca cum devotione recondita. Hanc autem superelevatam divino auxilio, comitiva adjutus, tanto proficiens itinere, terra marique, multisque laborans vigiliis & orationibus, fidei plenus, ad memoratam Urbem (Mediolanum) usque deduxit. Itaque in celebri loco, UBI IN DIEBUS SUIS IN HONORE DEI ET IPSORUM HONORABILIS EST FABRICATA ECCLESIA, eandem Arcam cum Sanctorum trium Regum Corporibus honestissime collocavit. Ubi videlicet est Fons celeberrimus & sanctissimus (etiam in præfens SANCTI BARNABÆ FONS appellatur) in quo baptizabantur Sancti ad Christi Fidem venientes. Cujus aqua salubris, pro meritis in ea baptizatorum & magna fide credentium, tantam fertur olim divinitus accepisse virtutem, ut nonnulli febricitantes, cum ex ea biberent, a suis cito liberarentur febribus, & pristinam reciperent sanitatem. Illic vero sancta illa Arca composita, SANCTI REGES simul, major medius & minor, quorum nomina Gaspar Balthasar & Melchior, MEDIOLANI DIE NOCTUQUE VENERARI ET GLORIFICARI ET DIGNÉ LAUDARI SOLEBANT; per totius utique Mundi Christianum cultum ab omnibus honorandi & devotissime venerandi; quos misericors Deus infundendo lumen splendidum ineffabiliter ut primitias Gentium illustravit, & ab æterno dilexit. Cum tantis igitur sanctarum Reliquiarum thesauris, tantaque hujus insignis miraculi gloria, Electus Dei *Eustorgius* in suæ promotionis introitu Mediolanum profectus est. Et hæc quidem *Mombritius*. De quibus legi etiam possunt non modo nostrorum Archiepiscoporum Catalogi, sed etiam Sanctus *Antoninus* Parte Chronicorum Secunda, Tit. 16. Cap. 9. Petrus Natalis in Catalogo Sanctorum, Lib. 4. Cap. 46. *Hilarion* Monachus *Mediolanensis* in Supplémento Legendarii Sanctorum *Jacobi de Voragine*, scilicet in Vita Sancti *Eustorgii*: Petrus *Galesinius* in suis Notationibus ad Martyrologium, sub octavo Idus Januarii: quinetiam *Ægidius Aureæ Vallis Religiosus* in Gestis Pontificum *Leodiensium* Cap. 45. apud *Joannem Chapeauvillam* De ipsorum Gestis Tomo Secundo. Qui tamen *Ægidius* in eo nonnihil fallitur, quod addit: Porro Arca ipsa posita fuit IN ECCLESIA BEATI PETRI APOSTOLORUM PRINCIPIS (hoc utique jam constat esse falsum) prope Civitatem *Mediolanensem*: quæ postea in honorem Sancti *Eustorgii* consecrata est: & in eadem jacuerunt cum iisdem SANCTI FÆLIX ET NABOR (& hoc item falsum) MARTYRES: item Sancti *Eustorgius*, Magnus, Beatus *Eugenius*, & *Victor*. Ille scilicet *Victor* (sicut etiam Scriptores nostri tradunt) qui Sanctæ Coronæ connumeratur, & quorum mentio junctim habetur in Martyrologio Romano die Maji decima quarta. Certe quidem citra omnem apud nos controversiam Sancti Nabor & Felix Martyres non ibi unquam jacuerunt, sed in Basilica *Philippi*: quæ postmodum propter eorundem Martyrum Corpora, per Sanctam *Savinam Laudensem* Matronam illuc translata (sicut etiam paucis ab hinc annis late persecutus est in eorum trium Vita *Gaspar Trissinus* e *Somaschen*si Congregatione) ipsorum etiam nomen obtinuit: quæve post *Franciscanos* Fratres ibi collocatos decursu temporis *Franciscana* demum Ecclesia vocitata fuit, & in hodiernum usque diem voca-

vocatur. Ibidem vero illos adhuc jacere: ipsismet profecto Fratribus ædituis indubitatum hæret, neque nos quicquam discrepamus. Dubitandi tamen occasionem aliunde datam prosequemur infra.

CCCCXXIII. Eodem hoc Anno, post Dominicæ Resurrectionis Pascha die primo Dominico Mediolanenses Castrum Treccii armata manu sibi e manibus Fridericianorum recuperant: ingentique pecuniæ summa, quam Fridericus illuc contraxerat, potiuntur. Pluries vero deinceps tam hoc Anno quam sequenti Laudensibus arma intulerunt. Et hæc latis ex Otthonis Morenæ Historia dignosci possunt.

CCCCXXIV. Calendis interea Septembribus ejusdem Anni Millefimi centesimi quinquagesimi noni moritur Hadrianus Papa: eique mox legitime substituitur Alexander hujus nominis Tertius; ex adverso autem subintruditur Octavianus Presbyter Cardinalis Tituli Sanctæ Cecilie, novoque Victoris (sive Tertii, sive Quarti, variant enim Scriptores) nomine insignitur. Perniciosissimum ergo Schisma inde obortum, diuque propagatum, auctore præsertim Friderico Imperatore, Victoris intrusi & schismatici partes tuente. Præ ceteris hac de re Scripturibus legi potest Baronius in hunc ipsum Annum, Artic. 28. multique aliis deinceps. Ibi vero ex Codice Vaticano ille profert ejusdem Alexandri Papæ Acta, per ejus temporis Auctorem fatis fideliter conscripta, quæ hunc in modum incipiunt: Alexander Tertius, natione Tuscius, patria Senensis, ex patre Rainutio, qui antea dictus fuit Rolandus, Presbyter Cardinalis Tituli Sancti Marci, & Apostolicæ Sedis Cancellarius, sedit annos decem & octo. QUI CUM ESSET IN ECCLESIA PISANA CANONICUS, CLERICUS MAGNI NOMINIS, & charus haberetur ab omnibus, ad hanc Sanctam Romanam Ecclesiam a Beato Eugenio (Papa nimirum, & ex Ordine Cisterciensi, uti jam diximus) est vocatus. Pisanus ergo Canonicus ille fuerat. Hoc utique concedit etiam eruditissimus Chrysothomus Henriquez in suis ad Menologium Cisterciense Notationibus, in diem Augusti vigesimam septimam. Sed enim postea illum asserit, variisque probat Monumentis antiquis, factum fuisse Cisterciensem Monachum: non quidem (inquit ipse) in Cænobio Clarævallis, quod in Gallia situm est, & cui præerat Sanctus Pater Bernardus; SED IN MONASTERIO CLARÆVALLIS IN LOMBARDIA, PROPE MEDIOLANUM CONSTRUCTO. Quod quidem nos jam supra diximus appellatum primitus fuisse CHARÆVALLIS MONASTERIUM. Tantus igitur Pontifex, de hoc Ambrosiano ceteroque Monasterio nostrisque Mediolanensibus benemerentissimus, ad hæc nostra Monumenta eo quoque peculiariter titulo pertinebit, quod in ejusmodi Monasterio Monachus vixerit. Menologium eo loci de ipso sic habet: Romæ depositio Sanctissimi Patris nostri Alexandri Tertii, Pontificis Maximi. Qui in Ordine Cisterciensi, quem amplexus fuit, sanctis se operibus exercens, ad magnam perfectionem devenit: & ex eo ad majores dignitates evectus, ac tandem summi Pastoratus apicem consecutus, præclara sanctitatis & humilitatis exempla dedit. Cujus post obitum gloria divinitus cuidam Christi Famulo fuit revelata. Et hæc quidem ipsius præconia mox in Annotationibus abunde comprobantur.

CCCCXXV. Crema, post diuturnam gravemque oppugnationem fortiter toleratam, Friderico tandem se tradit in potestatem, ab eoque direptioni data convertitur Anno Christi Millefimo centesimo sexagesimo, mense Januario. Nec multo post ab eodem Conciliabulo in Urbe Papia congregatur in id, ut decernatur, uter Electorum ad Sedem Apostolicam censendus sit legitimus Pontifex. Ambo fuerant huc vocati; sed solus affuit Victor Antipapa, Imperatoris ejusque affectuum favore fretus; idem-

A que demum ab universo Conciliabulo acclamatus ac denunciatus fuit legitimus Sancti Petri Successor; in Alexandrum vero, tamquam in schismaticum & Deo rebellem, generali decreto sententiam tulerunt. De quo quidem Conciliabulo legi possunt Morena in Historia Laudensi, Radevicus Lib. 2. Cap. 54. & deinceps, Gulielmus Neubrigensis Lib. 2. Cap. 9. Carolus Sigonius & Cardinalis Baronius in hunc ipsum Annum & in præteritum. Exinde mox Sigonius in præsentem Annum hæc subdit: His igitur cognitis, Alexander Anagninæ sacra detestatione Victorem & Fridericum execratus, litteras & ipse ad Principes & Civitates dedit: ac, quibus rationibus id fecisset, exposuit: simulque, ut se causamque suam susciperent, obsecravit: & ad id Episcoporum Concilium suorum induxit: præcipue vero ad Mediolanenses Joannem Anagninum Cardinalem legavit. Is fodere cum Mediolanensibus isto, quinto Kalendas Aprilis suggestum Majoris Edis ascendit: ac, Concione advocata, Victorem, Fridericum, quique sectam eorum sequerentur, Cremonensem, Laudensem, Comensem, Papiensem & Mantuanum Episcopos, Sacris abdicatos pronunciavit: ac Civitates Cremonam, Papiam, Laudem, Comum, Novariam, Vercellas, Marchionem Montis-ferrati, Comites Blanderati, Seprii & Marthesii, Sacris arcuit: & Archiepiscopum ac Consules Mediolanenses sacramento fidelitatis obstrinxit. Quibus rebus ingens iterum vulnus Ecclesia Dei accepit: bellumque novum inter Pontificatum Imperiumque susceptum, quo Civitates Italiae, in primisque Lombardiæ, in diversas partes diductæ, parvis inter se certaminibus initis, ad extremum prope exitium sunt redactæ. Hujus autem belli principes fuere Mediolanenses: qui, cum veteribus odiis, tum recentibus Alexandri adversus Fridericum & socios ejus execrationibus incitati, bellum ardentiore animo gerere perrexerunt. &c.

CCCCXXVI. Circa initium porro mensis Junii Fridericus, eodem teste Morena, cum Cremonensibus & Papiensibus aliisque Civitatibus Lombardiæ ad Comitatum Mediolanensem devastandum perrexit: & ibi multa devastavit. Quod vero Mediolanensibus nostris perniciosius accidit, tertia deinde pars Urbis fortuito incendio conflagravit. Ipso quoque die (Sancti Bartholomæi Apostoli, ut idem inquit Morena) maximum detrimentum accidit Mediolanensibus, & maxime illis de Porta Romana, scilicet quod BENE TERTIA PARS MEDIOLANI TOTIUS COMBUSTA EST: nec fuit aliqua Porta in toto Mediolano, quæ ex aliquo latere non combureretur. Et, magna aura tunc ventilante, multæ domus optimæ, in quibus valde confidebant, combustæ sunt. Et idcirco ad inopiam & summam necessitatem pervenerunt, amissis in igne omnibus victualibus, tam hominum quam jumentorum, & vestibus. Ejusdem incendii meminit etiam Sigonius, & alii.

CCCCXXVII. Interea (narrat idem Sigonius in Annum Christi Millefimum centesimum sexagesimum A.C. primum) Germani Principes, qui post Conventum Papiensem a Friderico dimissi fuerant, sive ab eo acciti, sive vicem ejus solliciti, cum maximis in Italiam auxiliis redierunt. Quorum adventu Fridericus erectus, ac simul promptis Italicarum Civitatum, quæ in fide erant, auxiliis nixus, quod adhuc facere prætermiserat, Urbem ipsam Mediolani sibi tentandam decrevit; ratus, dum ea Urbs incolumis staret, se haudquaquam quietam Italiam habiturum. Atque ita, rebus omnibus necessariis apparatis, quarto Kalendas Junii cum universo exercitu in Agrum Mediolanensem procedit; ac segetes vineasque toto late percursu Agro corrumpit. Inde, castris propius Urbem admotis, in multas partes copias dividit, atque Urbem undique septam intentiore cura obsidere instituit: Et paulo post: Clausa undique Urbe, omnium rerum pretiis auctis, magna Civitatem caritas primum, deinde impedita cibariorum invectione inopia cepit. Nec multo post: Fridericus Puricellus. X 2 in-

interea, Agro ad quindecim millia passuum circumquaque vastato, Germanos in suburbana divisit: ac Cremonenses & Papienses in Civitates suas dimisit. Ipseque cum ala equitum Laudem se recepit, quo Victor cum aliquot Cardinalibus decimo quinto Kalendas Junii venerat. Perlegi vero eadem quoque possunt apud Morenam: e quo nobis in præsentem lubet eos tantum nominare Principes, qui recenter in Friderici auxilium e Germania venerunt. Interim (narrat ille) Gens Theutonica maxime fremens, quod Imperator adeo cum paucis Theutonicis relictus erat in Lombardia, quod plenarie non valebat expugnare Mediolanum; ad ejus auxilium obnixè se præparavit. Inter quos fuit Lantgravius, cognatus Imperatoris: & Conradus Comes Palatinus de Rheno, frater Imperatoris: atque Fredericus, frater Regis Conradi, qui fuit patruus Imperatoris: Dux de Rotemburgo, qui duxerat secum ultra sexcentum milites bene armatos. Raynaldus quoque Cancellarius, & tunc electus Archiepiscopus Coloniae, duxit secum ultra quingentos milites. Filius quoque Regis Bohemie una cum Duce Bohemie patruo suo ultra tercentos equites secum duxit. Alii etiam multi Episcopi, Marchiones, Comites, & alii Nobiles, in Lombardiam ad Imperatoris auxilium venerunt.

CCCCXXVIII. Victore Antipapa cum aliquot Cardinalibus itemque Imperatore Laudam profectis; Ibi (subdit idem Sigonius) Conventu altero Episcoporum atque Abbatum habito, iterum ex eorum sententia Victorem verum justumque Pontificem esse pronuntiavit; & Archiepiscopum cum Consulibus Mediolanensibus, & fautores eorum, Episcopos Placentinum Brixianumque cum Consulibus, a Sacris amovendos curavit. In hoc autem Conventu recitatae fuerunt excusatoriae litteræ Regis etiam Bohemie, tamquam absentis, moramque suo in Regno trahentis. Hoc enim Morena & Chalcus testantur.

CCCCXXIX. Ineunte Augusto Imperator obfisione rursus Mediolanum premere aggreditur: omni-que contendit ope, ne commeatus in Urbem importentur. Quocirca Mediolanenses, fame jam urgente permoti, Legatum miserunt ad Lantgravium, & ad Ducem Bohemie, atque ad Palatinum Comitem ac fratrem Imperatoris: qui eis denunciaret, Mediolani Consules velle cum ipsis Principibus colloquium de pace habere. Jamque securi etiam fide accepta ibant, cum a militibus Raynaldi Colonienfis Archiepiscopi electi intercipiuntur, nec ad propositum cum ipsis colloquium perveniunt. Morena nobis & Sigonius hæc ipsa, sicut & alia subinde multa, testabantur. Idem pariter nobis edisserent supplicium, quo Brixiani ac Placentini puniebantur, quantumque deprehenderentur ad Urbem nostram cibaria deferentes; vel etiam nostri, ex Urbe ipsa lignatum egressi. Præcis namque manibus, aut effossis oculis, aut truncatis naribus, domum quisque suam dimittebantur; ut hac supplicii foeditate ceteri quoque ab ejusmodi conatu absterrentur. Nonnullos etiam, die noctuque imbris objectos, ac frigore maceratos, ad paciscendam pro redemptione pecuniam compellebant, quantamcumque vellent.

A.C. 1162. CCCCXXX. Ineunte inde Januario (Millesimi scilicet centesimi sexagesimi secundi Anni: verbaque sunt ejusdem Sigonii) cum nulla ex parte res ad vitum necessariae acri diligentia hostium supportari Mediolanum possent; eo inopie necessitatisque redacti sunt, ut canes equosque comederent. Qua de re graves in Urbe tumultus atque acerba passim jurgia audiebantur; cum alter alterum, omnes vero Archiepiscopum increparent; quasi ille aut bello temere tanto causam dedisset, aut paci moram atque impedimentum afferret. QUA RE AUDITA PERMOTUS ARCHIEPISCOPUS, AD ALEXANDRUM GENUAM SE RECEPIT. Illuc enim Alexander jam pervenerat festo Sanctæ Agnetis die mensis Januarii vigesimo primo;

A sicut ex ejusdem Papæ Actis constat apud Baronium, in præsentem Annum, Artic. 2.

CCCCXXXI. Cum ipsomet autem Oberto Archiepiscopo erat etiam Sanctus Galdinus, alique nonnulli. Quocirca in ejusdem Sancti Vita cum apud Mombrinium, tum apud Hilarionem Monachum Mediolanensem in superioribus nominatum, hæc leguntur: Beatus Galdinus, Mediolanensis Civis egregius, nobilium Valvassorum de Sala stirpe progenitus, sacris ab infantia litteris eruditus, Mediolanensis primo Ecclesiæ Archidiaconus, necnon & Cancellarius, ordinatus est. Postea vero tempore schismatis, sub Alexandro Tertio & Frederico Imperatore facti, CUM SUO PRÆDECESSORE (Oberto Archiepiscopo) AC ALIIS QUIBUSDAM URBEM SUAM RELINQUENS, AB EODEM ALEXANDRO, SCHISMATIS RABIEM SIMILITER FUGIENTE, GRATANTER ET OFFICIOSISSIME SUSCEPTUS EST. Sed hinc præmature ad proxima progrediamur (obsecro) verba, quibus ipsemet Oberti narratur interitus. Hac enim prima data occasione facere non possumus, quin quanto fieri potest efficacius, tantum Archiepiscopum ab ea vendicare conemur prodicionis nota, quam Num. 410. ex opinione quorundam innuebamus. Ea verò verba sic se habent: Exilium igitur Beatus Galdinus & labores non modicos SUO CUM PONTIFICE præfatoque Papa ac aliis quibusdam pariter perpeffus: cum per quadriennium circiter in Gallicana exulassent Ecclesia; demum navigio Palermum, postea Beneventum pervenerunt. Non autem multum post temporis a præfato Summo Pontifice Romam evocatus; ibi suis suffragantibus meritis, Sanctæ Sabine Cardinalis Presbyter ordinatur. Cumque ibi aliquantulum moraretur; contigit, UT UBERTUS MEDIOLANENSIS EPISCOPUS, PRÆDECESSOR SUUS, AD DOMINUM IN PACE MIGRARET; OMNIBUS RELINQUENS EXEMPLUM, PRO FIDE ET UNITATE ECCLESIAE SE MORTI AC PERICULIS DARE, AC PRO DOMINO CADUCAM HANC ET MORTALEM VITAM PONERE. Beatus itaque Galdinus, TANTO PATRE ORBATUS, TANTOQUE DESTITUTUS SOLATIO. multas PRO CHARISSIMO PATRE ET DOMINO lachrymas fudit: Etc. Tam Obertum igitur quam Galdinum eadem pariter impulit causa, ut ab Urbe sua profugis sese Genuam reciperent, totumque illud temporis spatium procul a Patria velut in exilio transigerent. Certe autem Galdino Ambrosiana etiam Ecclesia in ejus Missa non aliam adscribit causam, quam Dei gratiam, quam zelum Fidei Catholicæ, quam Ecclesiasticæ defensionem unitatis. Deus (inquit in Oratione super Sindonem) qui Beato Galdino tantam fidei constantiam contulisti, ut peregrinari potius elegerit, quam Schismaticis, hostibus Ecclesiasticæ unitatis, consentire, &c. Et in Præfatione item: Hic namque ardens zelator Fidei adeo extitit, & pugil Ecclesiasticæ unitatis; ut, Patriæ relictis liminibus, maluerit exul vivere; quam Schismaticis, inconsutilem Domini tunicam scindentibus, obedire. Tanta igitur sic etiam procul a nobis absit perversitas, ut aliam fugiendi exulandique causam Oberto ipsi Archiepiscopo, quem Galdinus sequebatur, affingamus, vel ab aliis temere afflictam comprobemus.

F CCCCXXXII. Ceterum, Sigonio teste, Obertas Genuam confugit, priusquam Mediolanenses ad Fridericum rursus Legatos pro pace ac deditioe mitti decernerent. Nec ultra profecto cunctandum ei erat; si Schismatis ac Schismaticorum rabiem fugere vellet. Cujus etiam tunc fugæ indicio illud esse potest; quoniam in præsentem, quam mox dicemus, deditioe nunquam Obertus coram Imperatore (quippe jam vere schismatico justique execrato) comparuerit una cum

cum aliis Proceribus dedititiis: quorum tamen primus, comitante Clero, ipse fuerat in superiori deditione, quam Num. 417. Annoque Christi quinquagesimo octavo supra Millesimum centesimum e Sigonio pariter describebamus. *Tristano* autem *Chalco* fugisse videtur post pauculos inde dies, dum Legati ab Imperatore missi iusjurandum jam viritim ab universo Populo exigent: quod nimirum exegerunt decem circiter ante dies, quam *Enobarbus*, *Papia* veniens, victor ac mox everfor *Mediolanum* ingrederetur. Socios autem *Oberti* fuisse *Tristanus* asserit, non modo *Galdinum* (quem ipse *CALDINUM* perperam nominat) *Archidiaconum*, sed etiam *Milone* *Cardanum* ejusdem Basilicæ Metropolitanæ *Archipresbyterum* & *Algisum Pirovenenum* *Cimiliarcham*: quos itidem quatuor jam supra dixerat exercitui præfuisse, cum *Carcani* Castrum denique fuisset a *Mediolanensibus* obsessum. Tunc ergo isti (sicut loquitur *Tristanus*) seu manifestam Patriæ desolationem ruinamque imminentem cernentes, seu iratiorem sibi fore *Cæsarem* ominati, Urbe cedunt: seque *Geniam*, quo superioribus mensibus adnavigasse *Alexandrum* constabat, conferunt: seque unam cum eo fortunam habituros ostendunt. Longe vero aliter *Gualuaneus* *Flamma* in *Chronico Majori*. Etenim Cap. 277. sic scribit: *Comes Gualuagnus Englerie, Dominus Civitatis, convocatis duodecim Consulibus, & Credentie* (publici Magistratus hoc erat nomen) *Judicibus, ait: Ego habeo plusquam quinque millia modia bladi: & sum paratus ponere in Verzario die crastino. Et fecit impleri plusquam mille saccos de sabulo, & ad Verzarium portari. Custodes Imperatoris, qui erant supra Arcum triumphalem (scilicet Romanum, de quo jam supra diximus) ut viderunt Mercatum blado, ovis, pullis & leguminibus plenum, dixerunt: O Domine, tota Civitas plena est blado. Imperator stupefactus Arcum conscendit: & videns victualium copiam; quasi desperans, de obsidione recessit. Mox Cap. 278. Tunc Archiepiscopus cum suis Complicibus proditoribus (scilicet *Andrea de Schacabarotiis, Fulcro de Landriano, Simone de Cruce, Alberto de Gambaris*) prætendentes, quod vellent inter Comitem *Gualuagnum* & Imperatorem componere; petierunt, ut possent extra Civitatem ad Imperatorem exire. Et dicit *Chronica Danielis*, quod *Archiepiscopus* dixit Imperatori: O Imperator nolite de obsidione recedere. Jam comedunt equos & canes: & quicquid in *Verzario* vidistis expositum venditioni, non est bladum, sed sabulum. Tunc inter Imperatorem & *Archiepiscopum* pacta facta de novo sunt: videlicet, Quod, extirpato dominio Comitum *Englerie, Archiepiscopus* esset Dominus Civitatis, & ipse daret ei omni anno sex mille libras tertiorum: item, Quod Imperator per Portas Civitatis nunquam intraret, dummodo Comites *Englerie* de Civitatis dominio extirpare posset. Et fuerunt in ista conjuratione sive tradimento multi &c. Quos ubi multis ex familiis enumeravit, tum rursus ita profequitur: *Archiepiscopus Mediolanum* rediit, Imperatorem de misericordia & clementia commendavit: & firmiter Populo promisit, quod Imperator non intraret *Mediolanum*, nec Civitatem destrueret. Quo audito, Populus gavisus est valde: & data est potestas, ut de pace tractarent: scilicet *Ossa de Ossis, & Alberto filio ejus, & Anselmo de Horto*. Isti venerunt ad Imperatorem, postulantes: nec aliquod pactum petierunt: nisi quod Imperator ivit *Laude*, ubi dominium Civitatis sibi dare volebant. De hinc ergo *Gualuaneus* recenset, quæ *Fridericum* inter & ipsos deditionis ergo acta fuerunt: *Fridericum* vero tandem, non sine dolo, nec sine *Pseudopontifice* suo *Victore*, nostram intrasse Civitatem, ab ipsomet *Oberto Archiepiscopo* aliisque Civibus sociatum: mox vero etiam favitum esse in Comites *Englerie*, tum etiam expoliatas Ecclesias, destructas Abbatis, duos librorum currus ex Urbe extractos, Reliquias insuper Sanctorum deperditas*

A Tunc omnes (subdit) clamaverunt contra Archiepiscopum: Moriatur proditor, qui nos ad talem portum conduxit. Quomodo autem *Fridericus* tandem cum *Archiepiscopo* item ipso se gesserit: ecce nobis idem *Gualuaneus* Cap. 280. his verbis: Imperator Archiepiscopi proditoris palatium expoliari jussit; & usque Beneventum in exilium misit. Et jussu Dei factum fuit judicio, ut, qui proditor semper fuerat, proditoris ultionem reciperet. Qui ex hoc desperatus adjudicavit se ipsum, quod in hora mortis suæ præcideretur ei lingua, manus, & pedes: recognoscens, se fuisse proditorem. Quod & factum est, cum in Benevento discessit. Talia in *Obertum* *Archiepiscopum* probra & dedecora a *Gualuaneo* narrata in *Chronico*, & credita nec ab his dissentit Auctor *Chronici Flos florum* fol. 146. & 147. Verumtamen ea idem *Flamma* nusquam narrat in *Manipulo Florum*: ac solum Cap. 190. descripta jam Urbis excidione, sic habet: *Obertus autem Archiepiscopus Mediolanensis fugit: & in Benevento per Imperatorem exul fuit: ubi vitam suam finivit*. Forte siquidem falsa penitus esse jam cognoverat probrosa illa, & tanto cæteroqui *Archiepiscopo* indigna. Quæ nos quidem nihilo minus esse ficta & commentitia censuimus, quam si Sancto ipsimet *Galdino* adscripta fuissent. Nihil profecto tale traditum extat in *Morenarum Historia Laudensi*: non *Tristanus Chalco*, non *Bernardinus Corius*, non *Carolus Sigonius* ejusmodi contumeliis, quin etiam calumniis, fidem ullam habuerunt. Quod item inter alia tam præcise ac luculenter asserbatur, *Mediolani* dominium per hæc tempora fuisse penes *Gualuaneum Englerie* Comitem: istius profecto (quod tamquam unicum struendæ proditoris fundamentum supponebatur) *Otho* & *Acerbus Morenæ* non potuissent non expressam facere mentionem: apud quos tamen ne gry quidem unquam indicatum extat. Mitto enim, quod *Tristanus Chalco* in hunc ipsum Annum contendit, parum aut etiam nihil deberi credulitatis ejusmodi prærogativis, quas de illis *Englerie* Comitibus, ac nominatim etiam de *Gualuagno* illo & *Viviano*, aliqui Scriptores magnifice tradiderunt. Quicquid enim de ceteris sit nec enim de ipsis differere nobis vacat) certe quidem, *Gualuagnum* illum per hæc tempora *Mediolani* Dominum fuisse, constanter una cum eodem *Chalco* inficiamur. Cujus tamen autographum, immo vero & alterum in *Ambrosiana* pariter Bibliotheca manuscriptum exemplar, observavimus longe aliter quo ad hanc de Comitibus *Anglerie* dissertationem se habere (ibi namque multo nervosior & accuratior ea est) quam in editione typographica legatur. Quocirca etiam exinde sine dubio emendanda erit hæc ipsa editio: hincque nominatim expungendum erit testimonium illud, quod a *Tristano* dicebatur ex *Germania* non ita pridem allatum. Etenim hoc in iis Codicibus ne dignum quidem mentione visum est. Quis verò etiam neget, ipso, sicut editum fuit, errorem contineri manifestum? quascilicet parte *Fridericus Romanorum* Imperator fuisse Anno *Dominicæ Incarnationis Millesimo quingentesimo* asseritur.

CCCCXXXIII. Sed hinc tandem ad incceptam cum *Sigonio* seriem pacis ac deditionis revertamur. Sic ergo ille statim profequitur: Civitas ut Legati iterum de pace ad *Fridericum* mitterentur, decrevit. Missi tres cum liberis mandatis, *Ossa Ossius* & *Albertus filius* & *Anselmus Ortus*, ipsum *Laude*, quo recesserat, convenerunt: ac, potestate dicendi impetrata, pacem petierunt, pollicentes, se in honorem ejus sex locis muros Urbis dejecturos, fossas completuros, ipsique demum dicto audientes futuros. *Fridericus*, Germanicis Principibus sociarumque Civitatum Consulibus in Consilium advocatis; sui se, non eorum; arbitrii deditionem velle respondit. Quam conditionem Legati, etsi gravissimam, acceperunt. Itaque deditio quinto Nonas Mar-

tii hac ratione perfecta est. &c. Perlegat ergo Lector eundem Sigonium, sic etiam Acerbum Morenam, & ex ipso Chalcum & Corium. Sed insuper jam extat etiam Burchardi cujusdam ad Nicolaum Sigebergensem Abbatem, *De victoria Friderici Imperatoris, & excidio Mediolanensi*, Epistola: in qua fideliter ac dilucide narrantur quæ conventa gestaue Laudæ hoc tempore fuerunt inter Fridericum ac Mediolanenses, priusquam ipse Mediolanum victor veniret, ac direptioni traderet. Burchardus hic autem Imperatoris Notarius erat: professusque fuit, a se non alia narrari, quam quæ suis ipse viderat oculis, cum intra folium Imperatoris tunc esset. Epistola vero in est Tomo, cui titulus, *Germanicarum rerum Scriptores aliquot insignes, hæcenus incogniti*: quive primum typis editus fuit Francoforti apud Hæredes Andreae Wecheli, Anno Domini Millesimo sexcentesimo.

CCCCXXXIV. Sicut igitur ex iisdem Acerbo Morena & Burchardo, testibus oculatis, manifeste constat, deditio ista summam hunc in modum se habuit. Calendis Martiis Consules Mediolani suo & Civitatis nomine sese Friderico in ejus Palatio Laudensi dederunt jurantes, quod parerent omnibus præceptis ejus, & quod facerent similiter jurare omnes Cives Mediolani. Quarta vero subinde die trecenti milites eodem profecti sunt: e quibus triginta sex Vexilliferi totidem vexilla, Vir autem quidam ingeniosissimus, nomine Quintelinus, claves Urbis Imperatori tradiderunt. Sed & sexta mox die mille circiter pedites acciti Carrocium illuc suum, tamquam Victori trophæum, advexerunt, prægrandi conspicuum vexillo, cui nonaginta quatuor alia minora circum erecta stabant, binæque insuper aderant æneæ tubæ, universi Populi supremum indicantes consensum. Carrocium porro istud videre licet à Georgio Merula, Tristano Chalco, Carolo Sigonio, Latine pariter ac egregie descriptum, in Annum Christi Millesimum trigessimum octavum. Iidem hoc nominatim meminere: proceram in ejus medio constituisse perticam, in cujus fastigio Crux esset aurea, e qua vexillum album, rubra Cruce intersectum, penderet. Ecce vero Lectori nunc aliquid amplius, quod nos è prædicta Burchardi Epistola didicimus. Etenim de hoc Mediolanensium Carrocio, Laudam tunc adducto, sic ille inter cetera scripsit: Stabat autem Currus multiplici robore conspectus, ad pugnandum desuper satis aptatus, ferro fortissime ligatus: de cujus medio surrexit arbor proceræ, ab imo usque ad summum ferro, nervis & funibus tenacissime circumtectæ. In hujus summitate supereminebat Crucis effigies; IN CUJUS ANTERIORI PARTE BEATUS DEPINGEBATUR AMBROSIVS, ANTE PROSPICIENS, ET BENEDICTIONEM INTENDENS, QUOCUMQUE CURSUS VERTERETUR. Post tridie Fridericus, Edicto Imperiali adversus Mediolanenses sublato, alios rursus ex ipsis obsides ad numerum quadringentorum exegit. Omnibus autem peditibus (verba sunt Acerbi Morenæ) tribuit licentiam redeundi domum: præcepitque eis, ut tantum de fossato & muro Mediolani demolirentur per unamquamque Portam, quod cum exercitu suo possit largiter Civitatem introire. Elegit quoque Imperator sex Lombardos, & sex Theutonicos, qui Mediolanum irent, & universos Mediolanenses præfato modo jurare facerent. Et ego Acerbus Morena, filius Otthonis Morenæ, qui deinceps hanc Historiam dictavi (scilicet ab Anno Christi supra Millesimum centesimum sexagesimo secundo usque ad sexagesimum septimum) qui tunc eram Potestas Laudæ, fui unus de prædictis duodecim. Et usque ad Sabbatum proximum (decimus hic erat Martii dies) fecimus jurare quasi omnes Mediolanenses quos invenimus.

CCCCXXXV. Sequenti autem die, inter ejusmodi gravissimas Urbis, nostræ angustias & disci-

A mina, sese nobis authentica ex Archivo nostro Membrana offert, hisce primum verbis inscripta: Anno Dominicæ Incarnationis Millesimo centesimo sexagesimo primo, undecimo die mensis Martii (atque adeo, sicut multoties jam monuimus, Dominicæ Nativitatis sexagesimo secundo) Indictione nona. Placuit atque convenit inter Lanfrancum, qui dicitur Gattarus, de Civitate Mediolani, NEC NON INTER DOMNUM AMIZONEM, ABBATEM DEI GRATIA ECCLESIAE ET MONASTERII SANCTI AMBROSII constructi foris prope prædictam Civitatem, UBI EJUS SANCTUM REQUIESCIT CORPUS: ut in Dei nomine debeat dare, sicut à præsentem dedit, ipse Lanfrancus eidem Domino Amizoni Abbati ad partem ipsius Monasterii, ad habendum & tenendum sine fisco redditus libellario nomine usque in perpetuum: hoc est, omnes casas & res territorias ejus libellarias, quas habere videtur in Loco VILLA ALBA, & in ejus territorio &c.

CCCCXXXVI. Martis proxima dies & Martii decima tertia jam erat, cum Imperator una cum Beatrice conjuge, & cum omni ferme suppellectili sua, itemque cum Duce Bobemie, cumque aliis Proceribus, & omnibus fere militibus, quos Laudæ habebat, Papiam inde processit: eodemque duxit etiam omnes Mediolanenses, quos sibi obsides retinuerat, sicut idem narrat Morena.

C CCCCCXXXVII. Ecce vero nobis alterum pariter archetypum Archivi nostri Documentum, sequenti die confectum. Cujus initium est hujusmodi: Anno Dominicæ Incarnationis Millesimo centesimo sexagesimo primo (quippe qui Annus ad vigesimam quintam usque protenditur ejusdem Martii diem) quarto decimo die mensis Martii, Indictione nona. Placuit atque convenit inter Guidotum, qui dicitur, Cassina, de Civitate Mediolani, & Alegrantiam uxorem ipsius Guidoti, ipsi Alegrantie consentiente ipso Guidoto viro suo &c. nec non ex altera parte INTER DOMNUM AMIZONEM, ABBATEM ECCLESIAE ET MONASTERII SANCTI AMBROSII, SITÆ INFRA FOSSATA CIVITATIS MEDIOLANI, UBI EJUS SANCTUM REQUIESCIT CORPUS, ad partem & utilitatem ipsius Monasterii: ut Dei nomine debeant dare, sicut à præsentem dederunt, ipsi jugales eidem Abbati, ad partem & utilitatem ipsius Monasterii, ad habendum & tenendum, sine ullo fisco reddendo. libellario nomine usque in perpetuum: hoc est, omnes casas & res territorias quas habere & tenere visi sunt in Loco & fundo UDULUCTO, IN VILLA, ET CASTRO, & ejus territorio &c.

CCCCXXXVIII. Sequitur protinus idem Morena, & funestum deditiois hujus exitum hisce verbis perstringit: Sequenti deinde die Lunæ (mensis ejusdem Martii undevigesima) præcepit Imperator Consulibus Mediolani, ut usque ad octo dies facerent omnes personas, tam masculos quam foeminas, exire Civitatem Mediolani. Quod equidem, licet luctuose, plenarie adimpleverunt Mediolanenses: euntes Papiam, Laudam, Bergomum, atque Cumas, & per alias Civitates & Loca Lombardiæ. Maxima pars tamen ipsorum stetit circa Civitatem, circa fossatum, Imperatoris misericordiam expectantes: atque putantes, quod Imperator Civitatem intrare subito eis concederet, & in ipsa solito amore habitare. Verum ipse Imperator die Lunæ, quæ fuit sexta dies ante Calendas Aprilis, Mediolanum venit cum Principibus suis, & cum Cremonensibus, Papiensibus, Novariensibus, Comensibus, & Laudensibus, & cum illis de Seprio & Martesana. Qui illuc cum pervenisset, præcepit Laudensibus, ut Portam Orientalem, quæ vulgo RENTIA dicitur, totam destruerent; Cremonensibus vero Portam Romanam demolendam commisit; Papiensibus Portam Ticinensem; Novariensibus Portam Vercellinam; Cumanis Portam Cumanam; illis

illis vero de Seprio & Martesana Portam Novam. Qui omnes ad destructionem sic conati sunt, quod usque ad proximam diem Olivarum tantum de muro (in binis Bibliothecæ Ambrosianæ manuscriptis exemplaribus legitur de mœnibus Civitatis consternaverant, quod ab initio à nemine credebatur in duobus posse mensibus dissipari. Et vere, ut opinio est, quinquagesima pars Mediolani non remansit destruenda. Remansit tamen totus murus Civitatem circumdans (excepto scilicet, ubi ad unamquamque Portam diuturnus ille jam fuerat, priusquam Imperator huc veniret) qui adeo bonis & magnis lapidibus confectus fuerat, & quasi centum turribus decoratus, quod, ut existimo, nunquam tam bonus fuit visus in Italia, nec deinceps videbitur, præter fortem murum Romanum. Remansit etiam Campanile Majoris Ecclesiæ, miræ pulchritudinis, & magnæ latitudinis, atque mirandæ altitudinis, quale nunquam dicitur fuisse in Italia: quod post paucas dies Imperator in terra deponific: quod tunc super Majorem Ecclesiam ruens, magnam ipsius Ecclesiæ partem dissipavit. Laudenses autem, præteritorum & innumerabilium dolorum memores, quos a Mediolanensibus olim sustinuerant: non solum Portam Orientalem, eis commissam ad destruendum, plenariæ demoliti sunt, verum etiam de Porta Romana magnam partem ad terram prostraverunt. Ipso die Dominico Olivarum reversus est Imperator Papiam: & quicumque cum Imperatore Mediolani fuerat, domum reversus est. His igitur Morena excidium istud Mediolanensis Urbis concludit: quæ tamen par est ut à nobis aliquanto uberius, & hisce Monumentis quin etiam historicæ veritati commodius, expromantur.

CCCCXXXIX. Nos ergo quærimus in primis, quem ad locum primo statim Urbis ingressu Ænobarbus perrexerit: & ubinam sibi delegerit hospitium in id tempus, quo tantæ Urbis excidione, tam furenter & avide celeriterque ab efferatis ejus hostibus perpetrata, longe lateque omnia perstrepebant. Joannes quidem ille Dubravius, cujus mentionem Num. 416. faciebamus, eodem Historiæ suæ Boemiciæ Libro duodecimo versus finem, posteaquam posteriorem istam Mediolani obsidionem ac demum deditiōnem descripsisset: tum vero narrare pergit his verbis: *Postridie ejus diei (quo pacta fuerat deditio) Cæsar, insigni equo paludatus, assumptaque Corona, auro & gemmis resplendente, quam ei Rex Angliæ dono miserat; Templum, in quo Archiepiscopus Urbis Sacra solemnia obibat, introiit. Quo peracto, Senatores cum magna Civium multitudine, quæ præsto erat, jurare fidei sacramentum adacti sunt: Se fideliter omnia facturos, quæ Cæsar imperaverit: nec unquam defecturos ab Imperio illius. Post hæc, capite deposita Corona, illam ad Regem Boemiciæ transfert, inquit: AD TE, ULADISLAE, CORONÆ HUIUS DECUS DONUMQUE JURE PERTINET; QUI PRÆSENTIS VICTORIÆ ET CAPUT ET PES FUERIS. Sed & cæteros Principes, pro merito quemque suo, laute remuneravit. Archiepiscopo vero Coloniensi permisit, ut trium Magorum Corpora inde Coloniæ Agrippinam deportaret. Ex eodem Templo Uladislæus CANDELABRUM ÆREUM, AD FABRÆ FACTUM, QUOD SALOMONIS FUISSE FERTUR, largitione Mediolanensium, cum decies præterea mille nummis aureis, Pragæ ad Ædem Sancti Viti asportavit, &c. Talia Dubravius hic Olo-muzensis Episcopus. Bohemiæ vero Regem, tum etiam nostrum Archiepiscopum supposuit hoc ipso die Mediolani affuisse: quorum nos quidem utrumque inficiamur. Ac de Archiepiscopo quidem satis jam diximus Numero 430. & deinceps. Quod si revera ipse juxta Sigonii testimonium, a nobiscodem Num. 430. recitatum, Genuam pervenit, priusquam inde Pontifex Alexander in Galliam discederet; ecce nobis alterum item non exigui momenti argumentum. Alexander siquidem (sicut in ejus Actis habetur apud*

A Baronium eodem hoc Anno Christi Millesimo centesimo sexagesimo secundo, Art. 2.) inde navigans discessit in Quadragesimali Dominica, quæ dicitur *Dē Passione*, quæve Dominicam *Palmarum & Olivarum* proxime antecedit. *Ænobarbus* autem hac vice *Mediolanum* venit non nisi die *Lunæ*, quæ Dominicam ipsam *Passionis* subsecuta proxime fuerat, quæve Dominicam *Olivarum* antecedeat; quemadmodum paulo ante nobis *Acerbus Morena* testabatur. Quod si præterea non modo Sanctus *Galdinus*, sed etiam *Obertus* Archiepiscopus patriam deseruit, ne Schismaticis hujusmodi consentiret unitatis Ecclesiasticæ hostibus, & anathemate propterea pontificio percussis; quomodo igitur idem Archiepiscopus iisdem hoc consensit, ut Missarum solemnities coram ipsis celebraret? Quod autem *Bohemiæ* pariter Regem hoc tempore *Mediolani* cum *Ænobarbo* non affuisse dicebamus: hoc utique satis constare potest è contentis Num. 427. prope finem, ac Num. 428. Certe autem consentit etiam *Morenarum Historia Laudensis*. In hac enim post primam *Mediolani* deditiōnem nusquam nominatum videas *Bohemiæ* Regem tamquam *Mediolani* vel etiam in *Lombardia* existentem; sed solummodo ejus Filium una cum Duce *Bohemiæ* ipsius patruo, ac proinde Regis ejusdem fratrem. Quocirca nos hinc etiam observamus, *Uladislæum* è *Bohemiæ* Duce sic a *Friderico* fuisse titulo Regis insignitum, ut nihilominus Ducis nomen infra Regem ipsum alteri, scilicet ejus fratri, fuerit inditum. Quo quidem observato, consequenter animadvertimus, male apud *Baronium* Anno superiore, Art. 16. in margine fuisse emendatum *Rex Bohemiæ* pro *Dux Bohemiæ*; sicuti *Morenæ* verba è regione illic recitata se habent; quibus ii nominantur, qui secundæ Pseudosynodo in favorem Antipapæ *Victoris* habitæ (habita vero hæc est in Urbe *Laudensi*) affuerant. Mendosa profecto emendatio, eoque minus tolerabilis; quia post paucas inde lineas ipsemet *Bohemiæ* Rex iis connumeratur absentibus, quorum in eadem Pseudosynodo recitatae fuerunt excusatoriæ litteræ. *Fuerunt autem (inquit) in ipso Concilio recitatae litteræ excusatoriæ Regis Daciæ, Regis Norvegiæ, Regis Ungariæ, ET REGIS BOHEMIÆ, & sex Archiepiscoporum, & viginti Episcoporum, multorumque Abbatum, TAM CLARÆVALLENSIS* (hoc est, *CHARÆVALLENSIS* apud *Mediolanum*, qui quidem Abbas cum suis Monachis hac in re a suis *Cisterciensibus* decerravit, ut infra memorabimus) *quam aliarum Congregationum, atque Præpositorum. In quibus omnibus litteris continebatur, ipsos Reges cum universis eorum Provinciis, & prædictos Archiepiscopos, Episcopos, Abbates, & Præpositos, velle se tenere præfatum Dominum Victorem pro Papa & Domino: & se velle ratum habere totum, quod Dominus Victor statuit in ipso Concilio cum aliis ibi præsentibus. Quæ cum ita se habeant; non igitur *Fridericus Uladislæus Bohemiæ* Regi Coronam illam tradidit, quam ipse tunc suo mox capite gestasset. Sed ne ullam quidem ipse tunc gestavit; quippe cujus gestationem sibi tunc reservabat in id tempus, quo *Papiam* revertisset; ut infra ostendemus. De *Candelabro* autem illo æreo, quod *Mediolanenses* eidem *Bohemiæ* Regi donaverint, *Joannes Naclerus* idem narrat secundo *Chronographiæ Volumine*, Generatione 39. versus finem: quinetiam *Æneas* quoque *Sylvius* idipsum nobis supra testabatur Num. 416. Annoque Christi Millesimo centesimo quinquagesimo octavo. Quo quidem potius Anno illud ei nos donatum crediderimus: & eam maxime ob causam; quia ipse una cum *Austriæ* Duce pacem tunc a *Friderico Mediolanensibus* impetrasset; ut Num. 417. *Sigonium* vidimus affirmantem.*

CCCCXL. Cum igitur *Dubravius* in hac sua narratione tam multa erret; ne fidem quidem videretur in eo

eo mereri, quod assererat, *Fridericum* intrasse Templum illud *Mediolanense*: quo citra dubium Basilicam indicabat Metropolitanam: & hanc (sicut nos interpretamur) Sanctæ Mariæ Virgini consecratam, quæ vocabatur *HYEMALIS*, quæve ceteras amplitudine ac maiestate superabat. Sed nos tamen illuc recta *Fridericum* pervenisse concedamus. Quid si vero protinus inde saltem sese ad *Ambrosianam* istam Basilicam recepit, quinetiam prope ipsam deinde habitavit? Millesimo ducentesimo atque etiam subsequente *Christi* Anno super aliquot capitibus, inter Monachos & Canonicos controversis, examinati auctoritate Apostolica (sicut etiam Num. 171. meminimus) fuerunt hinc inde multi Testes: viginti nempe pro Monachis, undecim vero pro Canonicis. Ex eorum vero responsis aliqua profecto nobis lux veritatis in aliquantum etiam tempus, hoc excido *Mediolanensi* antea, emicat. Quod ad rem attinet præsentem: secundus Testis a Monachis productus, *Guifredus de Oggiono*, hoc ipso tempore, quo dirutum fuit *Mediolanum*, Canonicus erat hujus *Ambrosianæ* Basilicæ; tamen postea Monachus ejusdem hujus Monasterii sit effectus. Inter cetera vero sic etiam verbatim testatur: Quod illi Canonici per se, vel eorum nuncios, consueverunt adornare *ECCLESIAM BEATI AMBROSII* cortinis & palliis in festiuitate Beati *Ambrosii*, & Beatorum *Protasii* & *Gervasii*, & Beati *Laurentii*. ET MAXIME QUANDO IMPERATOR FREDERICUS VENIT IN MEDIOLANUM CAUSA DESTRUENDI ILLUD: & ipsemet (*Guifredus*) TUNC, & per alias vices plures, adornavit, & adjuvit adornare. Ut quid autem tunc temporis Basilicam istam credamus eum in modum adornatam; nisi quia tunc ibi *Fridericum*, quanto poterant apparatu, excepturi essent? Certe autem, sicut è dictis jam constat, propinquum etiam hic erat Palatium Imperiale, in quo Imperatores, ad Coronam in hac Basilica suscipiendam huc profecti, habitare consueverant: ipseque *Fridericus* etiam hic deinde habitavit, posteaquam, restaurata jam Urbe, pacem rursus cum *Mediolanensibus* ad ipsam reversis iniisset; ut suo nos tempore videbimus. Quod si Palatium etiam in Urbe aliquod interea sibi ad habitandum deligere voluisset; ne commode quidem poterat, tali tantoque Urbis excidio durante.

CCCCXLI. Numquid vero *Fridericus* affeclas suos ab *Ædibus* saltem sacris abstinere manus iussit? Qui ne ipsi quidem pepercit Ecclesiæ Majori, sicuti *Morrena* mox narrabat; quomodo ceteris pepercisse credendus videatur? *Sigonius* tamen hac de re in hunc Annum sic tradit: *Negotio vicinis Civitatibus, id muneri sibi præcipue deposcentibus, dato, Urbem, PAUCIS TEMPLIS SERVATIS, excidit. Et paulo post: Tempa spoliata, Abbatie populatæ. Gualuaneus Flamma* longe mitius ac religiosius de *Friderico* sensit. In *Chronico* namque Majori, Cap. 285. sic scribit: Mandavit insuper (*Fridericus*) quod *Suburbia Civitatis* manerent illæsa; quia semper sibi fuerant obedientia. Similiter præcepit, quod domus Nobilium proditorum, quæ erant in Civitate, illæse remanerent, ET ECCLESIAE. Attamen Turres & campanilia dejecit. Et paulo post: Monasterium Majus, ubi erat Porta *Vercellina*, septem Turribus communitum, voluit Imperator præservari propter reverentiam *Otthonis Imperatoris* (nimirum *Primi*) qui illud Monasterium fundaverat (vel saltem amplificatum ingentibus ditaverat prædiis) de cujus stirpe descenderat. Dehinc vero Capite sequenti, Tandem data (subdit) licentia de destructione Civitatis, *Laudenses* destruxerunt Portam Romanam, *Cremonenses* Portam Orientalem, *Pergamenses* Portam Novam, *Cumani* Portam Cumanam, *Novarienses* Portam *Vercellinam*, & *Papienses* Portam *Ticinensem*. Tunc unus ex *Papiensibus*, nomine *Obizo*,

A accepit super se dejicere Campanile Ecclesiæ Majoris, cujus altitudo fuit ducentorum quadragintaquinque brachiorum, latitudo cujusque, in cujus casu malitiose fecit ipsum descendere super Ecclesiam: & destructa fuit Ecclesia per majorem partem. Tunc iste *Obizo Papiensis* exportavit Baculum Pastoralem, qui erat in summitate Turris, & Mortarium cum Pistono. Ex hoc postea Communitas *Papiensis* solvit decem & octo mille libras illius grossæ monetæ, cujus libra valebat florenum. Et rursus Cap. 294. in Annum *Christi* Millesimum centesimum septuagesimum quintum: Tunc (sive postquam in die sancto Paschæ *Mediolanenses* castrametati versus *Papiam* essent juxta Imperatoris exercitum)

B *Papienses* restituerunt decem & octo millia florenorum pro destructione Campanilis. Sed Communitas illam pecuniam ab Ordinariis (Ecclesiæ Majoris) abstulit sub nomine mutui: & nunquam restituit fere per ducentos annos, quando illa Turris fuit reedificata. Eadem tamen Turris, teste pariter *Gualuaneo* in *Ambrosianæ* Bibliothecæ Codice Cap. 875. reedificata fuit tempore *Azi* (sive *Azonis*, vel *Actii*) *Viccomitis*: & ut *Bernardinus Corius* in suo *Chronico* præcise affirmat, Anno Domini Millesimo trecentesimo trigésimo tertio. Ceterum, quæ nostri præcipue sunt instituti, eadem affirmat itidem Auctor *Chronici Flos florum* fol. 148. pag. 1. Qui pariter in Annum *Christi* Millesimum centesimum sexagesimum octavum folio deinde 150. pag. 1. sic etiam tradit: Ipso Anno Beatus *Galdinus* fecit fieri Palatium Archiepiscopatus a fundamentis: & in quantum Legatus Ecclesiæ (videlicet Romanæ) Civitatem *Papiæ* Interdicto supposuit Ecclesiastico, donec satisfaceret de Turri Ecclesiæ Majoris *Mediolani*, quam *Papienses* dejecerant. Quod ipse fecerunt. Quia restituerunt decem & septem (in hoc enim Auctor iste discrepat a *Flamma*; nisi potius arbitremur esse calami errorem) mille libras grossæ monetæ. Præstat autem hic etiam recitare, quæ *Tristanus Chalcus* in hunc ipsum Annum sexagesimum secundum de Campanilis hujus excidione scribit his verbis: Turrim Major *Ædes* habebat, quadrato siliçi substructam, omnium, quas Italia respectaret, nobilissimam. Hanc invidere maligni in invisa Urbe stare. Quare sic eam suffoderunt, ut ejus casus duplicem ruinam faceret. Cadens namque supra Aedem, illam quoque confregit. Jacuerunt diu immania saxa, donec centesimo post anno, eruto subterraneo specu, in proxima Area, quam tunc quoque ARENGHI nuncupabant, congesta fuerunt. Hactenus *Chalcus*. Ubinam vero situm & quale foret ARENGUM, *Gualuaneus Flamma* in *Chronico* Majori, Cap. 43. nobis hunc in modum describit: Inter Ecclesiam Majorem & Ecclesiam Sanctæ Theclæ fuit quoddam ædificium, dictum ARENA, nunc dicitur ARENGUM. Et erat rotundum & magnum, cujus muri erant alti, nigro & albo marmore vestiti: & erat locus atrocitatis magis, quam consolationis; quia rei ibi puniebantur. Et dicit *Datus* in *Chronica*, quod habuit iste murus tot cameras per aliquot occultos meatus, quot sunt dies in anno, scilicet trecentos sexaginta quinque. Et fuerunt tantæ capacitatis, quod Italie milites omnes ibi poterant sedere, & quicquid ab uno præcone dicebatur faciliter audire, & sine impedimento videre. Hæc *Datus*. Ibi fuit Palatium, & cathedra facta ex leonibus marmoreis. Sed nos insuper inter alia *Beroldi* adnotamenta hoc item (sive sit ipse, sive alterius cujuscumque) invenimus: In nomine Domini, Millesimo ducentesimo septuagesimo secundo, locus, sive platea, quæ est ante atrium *Hyemalis* Ecclesiæ Sanctæ Mariæ Majoris *Mediolanensis*, qui vel quæ dicitur ARENGUS, locus Communitatis, in quo est multitudo lapidum quadratorum vivorum, fuit repletus terra, & prædicti lapides omnes fuerunt dicta terra operiti & subterrati. Qui quidem lapides fuerunt de muro Campanilis prædictæ Ecclesiæ ut Campanile novum constructum ab occidentali parte Ecclesiæ & latere aqua-

aquilonari, via media inter ipsum & Canonicam Decumanorum. Quod quidem Campanile destructum fuit per Fredericum Imperatorem Millesimo centesimo sexagesimo tertio (sic enim ibi legitur) quando destructa fuit Civitas Mediolanensis. Et eo tempore, quo fuerunt operi, aestimabantur dicti lapides valere libris quadringentis: & sunt dictæ Ecclesiæ. De quibus lapidibus fuerunt factæ sedes post dictam destructionem, ut in eis sederent convenientes ad Arengum. Sic igitur olim Arengum erat, ubi nunc perampla extat Area, quam communiter Idiomate nostro LA PIAZZA DEL DUOMO nuncupamus; quia nimirum Basilicæ Metropolitanæ fronti ea præjacet: tum etiam ex parte ubi nunc Curia Ducalis conspicitur; sic enim affirmat Paulus Jovius in *Actio Vic comite, Mediolani* jam Domino, cujus paulo ante mentionem faciebamus. Sed ut ad propositam quæstionem revertamur: nobis quidem non displicet Gualvani ejusque Assellæ opinio: quinetiam eidem aliquatenus aditipulari arbitramur, quod pro reparandis postea Ecclesiis Sanctus Galdinus in ejus Vita laborasse non traditur. Sic enim solummodo legimus: *Suscepta autem Vir Sanctus Ecclesiæ cura, illam intrepidus guberna vit: PRÆDIAQUE ET PATRIMONIUM ECCLESIAE, QUOD IN PRÆDAM RAPINAMQUE MULTORUM DATUM FUERAT, DE FAUCIBUS EORUM QUANTOCYUS ERIPUIT.* Sed & Palatium (Archiepiscopale, ab inimicis funditus diruptum, longe excellentius miroque decore & ornatu reparavit. De reparatione autem Marianæ illius ac Majoris Ecclesiæ Gualvanus Flamma Cap. 293. sic habet: *In Millesimo centesimo sexagesimo nono nobiles Matronæ ex devotione ad Beatam Virginem, quæ ipsas in suam Civitatem reducerat. Ecclesiam Beatæ Mariæ Vir. inis Majorem venditis annulis & ornamentis reædificari fecerunt.*

Muneribusque datis, collectis undique turbis,

Emicat Aula Dei Genitricis, janua celi.

Auctor autem Chronici *Flos florum*, fol. 150. pag. 2. Anno Domini Millesimo centesimo septuagesimo nobiles Domine de Mediolano venditis annulis, corrigis, & aliis monilibus, Ecclesiam Sanctæ Mariæ Virginis, videlicet Ecclesiam Majorem, fabricari fecerunt. Id ipsum vero similiter e Petro accipe Azario: cujus mentionem jam fecimus Num. 236. & 375. Ad Annum enim Millesimum centesimum septuagesimum quintum sic habet: *Beatus Galdinus, Mediolani Archiepiscopus, Palatium Archiepiscopale a fundamentis erexit. Sed & Domine de Mediolano contribuentes, & omnia sua jocalia vendentes, Ecclesiam Majorem in honorem Beatæ Virginis reædificaverunt. Dux Turres erant in Mediolano, in sua altitudine omnia ædificia Lombardiæ superantes. Scilicet Turris, quæ dicitur modo Campanile Beatæ Mariæ (perperam hic primævo textui facta fuit hæc interlinearis additio, AD CIRCULUM) hæc erat Turris Archiepiscopatus, in summitate habens unum Baculum Pastoralem in signum domini Archiepiscopi. Alia Turris erat Campanile Sancti Georgii. Perperam vero factam ingeminamus ejusmodi additionem. Certissimum enim est, Metropolitanam & Majorem Sanctæ Mariæ Ecclesiam (quæ scilicet ad Arengum erat) longe diversam fuisse ab Ecclesia Sanctæ Mariæ AD CIRCULUM; sicut etiam hodie, non procul a Carubio Portæ Ticinensis sita, nuncupatur, antiquo celebrique Circi (unde Ludi Circenses) vocabulo in Circulum corrupto. Quæ quidem Ecclesia, non in præsentem tantum, sed per ea etiam tempora potestati suberat & dominio Monasterii Majoris, paulo etiam ante a nobis memorati, atque tunc etiam Sancto Mauritio sacri. Sic enim nobis constat ex archetypis ejus Monasterii Documentis: ac nomi-*

A natim ex Adelardi Ecclesiæ Mediolanensis Diaconi Sententia, data in Palatio Mediolanensi Anno Domini Incarnationis Millesimo centesimo quadragesimo octavo, pridie Kalendarum Junii. Indictione undecima, & quidem subscripta quoque ab ipsomet Oberto Archiepiscopo, nec non a Galdino Cancellario & Diacono; quippe Diaconi etiam titulum in Ecclesia Metropolitana hic obtinuit, antequam crearetur Archidiaconus: tum etiam ex altera ejusdem Oberti Archiepiscopi Sententia, ejusdem Anni mense Julio data: denique vero etiam ex Eugenii Papæ Tertii Privilegio, *Brixie* dato per manum Guidonis Diaconi Cardinalis & Cancellarii, eodem Anno, die quarto Kalendas Augusti. Ceterum si forte alicui prædicta de Mediolanensium Ecclesiarum incolumitate opinio non placet; placeat illa saltem, quam nonnulli Rerum Germanicarum Scriptores tradidere. Quos utique nos adhuc legimus, in eadem plane verba conveniunt. Sed ea tamen lubentius e Magno Chronico Belgico proferemus, primoribus typis evulgato in eo Volumine, quod Num. 215. indicavimus. Illic ergo pag. 183. in Annum Salutis Millesimum centesimum sexagesimum secundum, postquam Mediolanenses, ab Urbe migrare jussi fuerant, sic protinus legitur: *Deinde jussit (Imperator) suos Civitatem ingredi, & muros & Turres alta & superba fastigia & ædificia destrui. TRIBUS TAMEN PEPERCIT ECCLESIIIS* (perinde ac si expresse dicatur ceteris non pepercisse) *SANCTÆ MARIÆ* (sicuti de ipsa jam diximus) *SANCTI MAURITII* (sive Monasterii Majoris) *ET SANCTI AMBROSII*, cum Officiis Clericorum, Officialibus ipsorum, domibus etiam indemnitate rerum concessa. Aerarium publicum sibi reservat &c. Eadem vero ad eundem Annum habentur etiam in Chronico Emondi de *Dijnter*: & in Auctario *ffligemense*, quod Aubertus Miræu una cum suo denique Chronico edidit. Ignotum porro nomen est ejus Auctoris, a quo Belgicum ejusmodi Chronicon fuit collectum. Sed certe quidem unus fuit e Canonicis Regularibus Augustianis apud Nussiam: vivebatque Anno Christi Millesimo quadringentesimo trigesimo nono; sicut e pag. 373. constat: quinetiam Concilio affuit Florentino per Eugenium Papam Quartum celebrato: sic etiam vivebat Anno postea Millesimo quadringentesimo septuagesimo quarto (sicut e pag. 414.) ad quem usque Annum idipsum Chronicon ab Anno Domini Quingagesimo quarto protenditur. Sed jam melius cognoscatur etiam Emundus ille cognomento de *Dijnter*. Ipsemet igitur in Chronici sui Proemio se vixisse indicat Anno Domini Millesimo quadringentesimo quadragesimo quinto. Fuit autem Secretarius Antonii Primi, Joannis Quarti, Philippi Primi, ac denique alterius Philippi, qui prædicto Anno dominabatur, Lotharingiæ, Brabantiae ac Lymburgiæ Ducum: quorum scilicet in primis gesta commemorat. Quinetiam typis quondam editum videtur hoc ipsius Chronicon. In secundo enim variorum Germanicarum Rerum Scriptorum Tomo, *Frankfurti Wechelianis* edito typis apud Claudium Marnium & Hæredes Joannis Aubrii Anno Domini Millesimo sexcentesimo secundo, sive in Auctorum Catalogo illic post Nuncupatoriam Epistolam collocata, recensetur etiam Philippi a Burgundia, Boni Philippi Burgundi filii, clarissimi Principis, Vita (in qua etiam origo belli inter Episcopum Ultrajectinum & Carolum Gelbriorum Principem inseritur) Auctore Emondo Dyntero, Viro prudentissimo, qui Bono illi Philippo Duci a secretis fuit: excusa Argentorati apud Christianum Egenolphum Millesimo quingentesimo vigesimo nono. Nos tamen ejusmodi Chronicon minime vero vidimus typis excusum; sed certe quidem manuscriptum, at-

Puricellus,

Y

que

que nobis commodatum ab officiosissimo illo *Mattheo Valerio Carthusiano*, cujus jam toties gratam (nec unquam satis) fecimus mentionem. Quippe illud pariter ipse commodatum simul cum *Petri Azarii Chronico* (sicut jam supra diximus Num. 236.) acceperat ab altero illo genii ejusdem Viro Clarissimo, & erga nos item humanissimo, Defendente *Laudensi*.

CCCCXLII. Descripto *Tristanus Chalcus* tam luctuoso nostræ Urbis excidio hæc subdit: *Cessationis quietisque concedendæ instans Dies Palmarum Olivæ* varumque cærimonia religiosus admonuit: qui eo Anno *Kalendis Aprilis* contigit. TULITQUE SACROS RAMOS FRIDERICUS E TEMPLO AMBROSIANO: a quo sacrilegam manum abstinuisse hostes, indicio est *Angilberti Archiepiscopi* lamina aurea argenteaque, multis ante sæculis *Altari* circumdata. Quæ quidem in hanc usque diem perenniter illi circumdata & asservata conspicitur: quæve præterea nobis argumento est, ne tunc quidem inde amota & alio translata fuisset *Sanctorum Ambrosii Protasii & Gervasii Corpora*, quorum in honorem lamina ista fuit huic *Altari* circumdata. Sed hac de re suo postea loco abunde differemus. Nunc, quod agimus: atque tum *Tristani* testimonio, tum aliis etiam argumentis, quæ præsertim desumi possent e præmatura illa nostri *Archiepiscopi* ad *Alexandrum* Papam fuga, illud refellamus, quod *Gualuaneus Flamma* in *Chronico Majori*, Cap. 285. in hæc verba scribit: *In Kalendis Aprilis fuit Festum Olivæ. Tunc in Ecclesia Sancti Laurentii Archiepiscopus in equo albo fecit Festum Olivæ: & Imperator ibidem accepit Olivæ.* Perinde scilicet, ac solita quotannis celebritas hoc etiam die servata tunc fuisset; tametsi vel etiam ipsæmet Urbis viæ non possent non esse recentibus passim ædium ruinis impeditæ.

CCCCXLIII. Quænam post hanc *Mediolani* deditionem Statuta *Anobardus* condiderit, *Gualuaneus* idem *Flamma* commemorat Cap. 284. & istud quidem inter cetera: *Quarto ordinavit, quod Sepulchrum Comitum (Englerie) QUOD ERAT IN SANCTO AMBROSIO, ex marmore & leunculis miro opere fabricatum, destrueretur: & omnia ossa septem Regum Englerie dispergerentur, qui fuerunt Reges Italie, ut dicit Chronica Danielis: ubi postea Comites, Regum successores, tumulati sunt. De isto Sepulchro habetur supra Cap. 165. Quo quidem in Capite sic etiam ille jam scripserat: Istis temporibus (proxime autem Annum Christi nominaverat Sexcentimum vigesimum septimum) IN ECCLESIA SANCTI AMBROSII jacebant & erant sepulti septem Reges de Corona: qui dicti fuerunt Reges Englerie, & maximi Domini super totam Italiam: inter quos ultimus dictus est Rex Milo: qui genuit Alionum, de quo plura dicturi sumus. Isti Reges, dum viverent, stabant in uno Palatio magno inter Ecclesiam Majorem Sanctæ Mariæ & Canonicam Decumanorum: ubi erant multe stantiae. Inter alias erat una sala, quæ continebat decem millia personarum, & plus. In isto Palatio superius erat una cathedra marmorea, situata super duos leones marmoreos, qui tenebant duas Cruces in branchis suis: & ibi sedebat Rex, quando super Populum volebat arregare. Extra Palatium erat in platea unus leo ex marmore, qui tenebat unam Crucem in brancha. Vexillum istorum Regum erat figura Herculis, tenentis unum leonem per caudam cum una manu: in altera manu tenebat baculum. Cum autem morerentur, sepeliabantur IN ECCLESIA SANCTI AMBROSII, in navello marmoreo rubeo, quod erat positum super duos leones marmoreos rubri coloris. ET ERAT IBI FIGURA HERCULIS, tenentis baculum cum una manu, & cum alia leonem per caudam: QUOD ERAT VEXILLUM REGUM, ut dictum est. Sed & Capite rursus 286. idem *Gualuaneus*, descripta *Medio-**

lani everfione, historiam prosequitur his verbis: *Isto tempore Alico Comes Italie* (scilicet a *Friderico* recen- ter constitutus, ac natione *Germanus*) moritur. Cujus corpus jussit Imperator sepeliri IN ECCLESIA SANCTI AMBROSII, in loco, ubi quondam fuerat tumulus Comitum Englerie. Et in illo navello, deleta imagine Herculis, tenentis leonem per caudam quod erat vexillum istorum Comitum, fecit sculpi imaginem istius Comitum Alico, & desuper deaurari. Et super navellum est UNA AQUILA, UBI CANTATUR EVANGELIUM ET EPISTOLA IN ECCLESIA SANCTI AMBROSII. Et hoc factum est, ut de illis Comitibus nulla extaret memoria. Ex adverso autem *Mediolanenses* postquam in Patriam rediissent, quinetiam *Sanctus Galdinus Archiepiscopus* ac *Legatus Apostolicus* jam hic adesset; eodem *Gualuaneo* teste Cap. 292. Annoque Christi Millesimo centesimo sexagesimo octavo, tunc *Lissa de Lampugnano* Consul Civitatis *Jurisperitus*, alique *Consules & Sapientes*, plura fecerunt Statuta: videlicet *Friderici* Statutis opposita. Inter quæ hoc item fuit: Quod ossa septem Regum de Corona & aliorum Comitum Englerie in suo sepulchro reponerentur. Hactenus e *Gualuaneo* *Flamma*. Sed profecto juvabit *Chronico* etiam *Flos florum* eadem confirmasse. Folio in primis 147. pag. 2. post hanc *Mediolani* deditionem sic habet: Tunc (Imperator) constituit in Civitate *Mediolani* unum Ducem, genere *Theutonicum*, qui dictus est *Alico*: qui post paucos dies obiit, & fuit sepultus in navello Comitum Englerie IN SANCTO AMBROSIO. Et paulo post: Insuper omnes Comites Anglerie, numero octoginta quinque, misit in exilium: aliquos *Fontegium*, aliquos ad *Sanctum Petrum AD SALAM*. Unus solus, scilicet *Comes Vivianus*, evasit, & *Bononiam* perrexit: QUI POSTEA SCRIPSIT CHRONICAM COMITUM ANGLERIE. De *Comite Viviano* nati sunt illi DE VIVIANIS de *Barzanore*. Omisso nomine Comitum de Angleria dicti sunt DE VIVIANIS: qui, per Civitates *Lombardie* discurrentes, *Notarios Comites Judices Ordinarios* faciunt. Quorum unus in Civitate *Cumarum*, nomine *Beltramolus*, moram trahit: qui & ipse *Notarios* facit isto Anno, Millesimo trecentesimo nonagesimo nono (quippe hoc ipso Anno Auctor hujus *Chronici* hæc scribebat, ut alibi jam notavimus) ut patet ex *Privilegiis ipsius Beltramoli Viviani*, & per *Instrumenta publica* de publica fide, per *Testes fide dignos* facta coram *Abbate Sancti Petri de Clivate* Anno Domini Millesimo trecentesimo sexagesimo quinto, subscripta per plures *Notarios fide dignos*: ubi etiam continetur, QUOD IPSE VIVIANUS COMES ANGLERIE FUIT NATUS DE DOMO DESIDERII REGIS LOMBARDIE: QUI ET IPSE ERAT EX COMITIBUS ANGLERIE. Quæ quidem attende *Lector*, obsecro: & diligenter examina, num forte prævaleant ei etiam nostræ conjecturæ, quam Num. 432. opponebamus ei dominio, quod hac in Urbe *Gualuagnus* ille Englerie Comes habuisse dicebatur a nonnullis rerum *Scriptoribus*. Sequitur idem *Chronicon*: Insuper Imperator, timens potentiam Comitum Anglerie, omnes subito capi fecit: & fuerunt interfecti ex eis sexaginta tres; & viginti duo missi in *Allamaniam*, de quibus nunquam fuit auditus nuncius bonus, nec malus &c.. Item fecit dirui sepulchrum, in quo erant septem Reges de domo Comitum, & plures ipsorum Comitum: & ossa fecit dispergi. Quocirca etiam postea fol. 150. pag. 1. in Annum Christi Millesimum centesimum sexagesimum octavum, sic etiam *Consules Mediolani* ex adverso sanxisse traduntur: Quod ossa Regum Anglerie, quæ dispersa erant, recolligerentur, & in tumulo suo reponerentur. In hæc igitur tempora sic habet *Chronicon Flos florum*. At in superiora tumulum ipsum ejus-

ejusmodi Regum & Comitum Anglerie nobis ita describerat, ut hodieque nos eundem monstrare possimus. Ecce enim quid folio 91. pag. 1. jam extaret: *Maximiani, Regis Anglerie, vexillum patrimoniale fuit figura Herculis, tenentis leonem per caudam, habens in alia manu clavam elevatam.* Et paulo post: *Cum autem mortuus fuit, SEPULTUS FUIT IN ECCLESIA SANCTI AMBROSII SUB PULPITO, UBI CANTATUR EVANGELIUM, IN SEPULCHRO PLENO IMAGINIBUS ET FIGURIS IN CIRCUITU.* Videtur autem vixisse tempore Theodori Mediolani Archiepiscopi: qui hanc Ecclesiam regere cepit Anno Domini Quadringentesimo nonagesimo octavo. Et rursus fol. 93. pag. 1. Deinde Maximianus Rex, cum regnasset annis triginta quinque, mortuus est: ET SEPULTUS FUIT IN SANCTO AMBROSIO, IN SEPULCHRO PLENO IMAGINIBUS, UBI CANTATUR EVANGELIUM: ubi postea sepulti fuerunt septem Reges de domo Comitum de Angleria. Utinam igitur tam veracia sint, quam expressa nobis etiamnum apparent, sepulchri ejus indicia.

CCCCXLIV. Marmoreum & singulare in Ambrosiana ista Basilica Pulpitum, sive Suggestum, adhuc extat, columellis item marmoreis superstructum: e quo Evangelium & Epistola inter Missarum solemnities canuntur, vel etiam Conciones aliquando musicique concentus haberi jam solent. E regione ipsius olim stabat illud Herculis simulachrum, de quo jam diximus Num. 102. 296. & 297. Ad hoc igitur Pulpitum duo adhuc extant sepulchra, ex Ecclesiae pavimento eminentia. Unum est ad medium ejusdem lateris, medio pariter Basilicae finui obversum. Est autem unica solummodo, nec valde capax, e silice arca, paululum etiam humi depressa: cujus tegmen unica & plana est e marmore tabula: cujus extremitati, Pulpito in longum conterminae, binae inniuntur ejusdem Pulpiti columellae, ceteris paulo breviores. In ejusdem porro tabulae quasi medio discissa forte fuit in transversum aliquanta pars: quae quidem ceteris ita cohaeret, ut arcam commode nihilominus contegat; sed ea tamen suo amoveri loco facile potest; ac si amoveatur, oculis protinus se offert quidquid intus ibidem continetur. Hinc igitur compertum est, nosque ipsi nuper etiam conspeximus, unius cadaveris ossa, valde quidem jam comminuta, & cum his praegrande viri cranium ibidem contineri: nec aliud praeterea quidquam, praeter aliquot osses rubri coloris orbiculos: e quibus forte olim filo de more insertis precatoria Corona, Christiano huic homini gestari solita, eidemque contumulata, constabat. Sed cujus aut qualis illa sint viri, hoc nobis indidem constare non potuit. Joannes Franciscus a Basilica Petri, tunc temporis Ordinarius Metropolitanae Canonici, qui postea Caroli nomen una cum religioso Barbanitarum indumento sibi assumpsit: in suo illo Italico de nonnullis Mediolani Ecclesiis Libro, cujus aliquoties jam fecimus mentionem: vide, obsecro, quid hac de re scripserit, cum de Basilicae istius memorabilibus loqueretur. Sic enim scribebat: *Sotto il Pulpito, innanzi ad un' magnifico & antico Sepolcro, che dicono essere d'uno Imperatore* (hoc nobis esse Regum & Comitum Angleriae Chronicum illud *Flos florum* expresse testabatur; sicut infra e nostra ejusdem Sepulchride descriptione constabit) *e un' altro Sepolcro* (scilicet illud, quod nos nuper describebamus) *NEL QUALE SI TIENE ESSERE IL BEATO MANSUETO, ARCIVESCOVO NOSTRO: IL QUALE TUTTE LE NOSTRO SCRITTURE AFFERMANO CHE E IN QUESTA CHIESA.* Ac Sancti quidem Archiepiscopi hujus nostri Corpus in hac Basilica conditum extare: nos item tali scripturarum traditioni consensimus jam

A Numero 27. Sic enim communi consensu tradidere omnes Archiepiscoporum nostrorum Catalogi, quos hactenus inter haec Monumenta nominavimus, vel etiam ceteroqui aliquando legimus. Sic etiam *Gualuaneus Flamma* in Chronico Majori Cap. 174. & in Manipulo Florum Cap. 108. nec non etiam Chronicon *Flos florum* fol. 106. pag. 2. Sic etiam Breviarium nostrum *Ambrosianum*, postremo recognitum. Secunda enim Septembris die in matutina Sancti ejusdem *Manfueti* Lectione perrenniter adhuc recitamus haec verba: *Sancte constanterque administrata Ecclesia* (Mediolanensi) *moriens, IN BASILICA AMBROSIANA SEPULTUS EST MAGNO POPULI CONCURSU: EJUSQUE RELIQUIAE IBI REVERENTER ET PIE SEMPER CELEBRATAE FUERUNT.* Sic etiam *Philippus Ferrarius* in Catalogo Sanctorum Italiae, in ejusdem Sancti Vita sub die decima nona Februarii. Sed hic tamen postea in ejusdem Catalogi Indice mutasse videtur sententiam: ejusdemque Sancti Corpus asseruit in Ecclesia Sancti Stephani conditum jacere. Forte siquidem illum ad hoc denique adegit ea illic Inscriptio, quam nos infra verbatim recitabimus: quae testatum legitur, ipsius etiam Sancti Archiepiscopi Corpus ibidem tumulatum esse. Nobis tamen adhuc in hac re ne propterea quidem a tot illis Testibus dissentendum videtur. Quid si enim nomine illo Corporis, in *Stephaniana* Basilica extantis, pars tantum aliqua, vel etiam insignis, intelligi debeat? *Ferrarius* profecto ipsum, quin etiam *Baronium* & *Bellarminum* Cardinales, & alios, alio infra loco nos proferemus ejusmodi doctrinae adstipulantes, eandemque praeterea veterum Ecclesiae Patrum testimoniis confirmantes. Quod si cui forte durum creditu hoc videtur; praelegat ipse interim, quae illi docuerunt: *Bellarminus* utique *De Reliquiis Sanctorum* Lib. 2. Cap. 4. in fine: *Baronius* ad Annos Christi Quinquagesimum quintum Art. 15. & Septingentesimum sexagesimum quartum: *Ferrarius* autem in fine Indicis, quem Catalogo Sanctorum Italiae adjecit. Ceterum in hoc *Ambrosiano* praecise Sepulchro illud ipsum Sancti *Manfueti* Corpus extare, solus adhuc nobis testatur *Joannes* ille *Franciscus a Basilica Petri*: ac ne nos quidem satis hactenus credimus. Sic etiam multo minus illud credimus, quod hoc ipso de Corpore affirmat *Joannes Baptista Villa* (quippe qui longe minoris est apud nos auctoritatis) in Libro de septem Urbis nostrae Stationibus Ecclesiis, dum de *Ambrosiana* ista Basilica sic loquitur: *A mezza la Chiesa vi e un' Pulpito, o sia Lettorile, di marmo, fatto all' antica: sotto al quale stauvi un' Arca mortoria, simil mente di marmo. QUIVI VOGLIONO CHE VI SIA SEPOLTO IL CORPO DI SAN' MANSUETO SAVELLO ROMANO, ET ARCIVESCOVO: & altri vogliono vi sia sepolto uno di quegli Imperadori, che in questa Basilica sono sepolti: & altri vogliono vi siano sepolti i duo Diaconi di San' Ambrogio, cio e, San' Casto e San' Polimio* (quos quidem nos Numero 302. ac deinceps ostendimus in proxima Sancti Satyri Ecclesia conquiscentes) *in fine quivi bisogna vi sia sepolto qualche gran' Personaggio.* Hactenus *Villa*. Cujus verba si conferantur cum superioribus *Joannis Francisci a Basilica Petri* verbis; inuenimus, eos duobus ac inter se diversis Sepulchris unum idemque Sancti *Manfueti* Corpus adjudicasse. Quippe *Joannes Franciscus* hoc illi adjudicabat, quod nos proxime descripsimus; *Villa* vero ei potius alteri, quod jam nobis describendum incumbit, quodque Regum & Comitum Angleriae fuisse *Gualuaneus Flamma* & Auctor Chronici *Flos florum* asserbant; & hic quidem aliquanto expressius, quam ille. Hic siquidem hujusmodi Sepulchrum insuper asserit fuisse PLENUM IMAGI-

NIBUS ET FIGURIS IN CIRCUITU: quale profecto etiam in præsens sub eodem Pulpito conspicitur. Perampla illud est arca, e candido molis ingentis marmore excavata: eademque pariter e marmoris mole deforis eminent circumquaque imagines plurimæ, ac satis etiam eleganter scalptæ, multumque spirantes antiquitatis. Ac versus quidem Aram maximam expressa nobis apparuit *Elie* Prophetæ historia, quando curru equisque igneis in altum sublatu*s* *Eliseo* suum dimisit pallium; sicuti narratur Libro Quarto Regum Cap. 2. Qua vero latus inde alterum vergit ad medium Basilicæ sinum, cernere licet *Christum* Dominum in Templo, cum duodenis tantum esset, in medio Doctorum disputantem: atque etiam velut ad pedes ipsi adscalptum hinc *Josephum*, inde vero *Mariam*: perinde ac si eum alloquatur in ea verba, quæ *Lucas* in Evangelio recitat Cap. 2. *Fili, quid fecisti nobis sic? Ecce Pater tuus & ego dolentes quærebamus te.* Neque vero tantum in hoc latere sed etiam in ceteris continuatas cernimus talium imagines Doctorum. Eadem porro arca candido pariter contegitur marmore, variis item imaginibus insculpto. In primo namque illo latere infantulus extat fascia involutus, ac velut in cuna reclinatus: cui duo jumenta, unum hinc, alterum inde (unumque bos absque dubio videtur, alterum vero vel equus vel asinus) aggeniculata consistunt. *Christus* ipse nobis visus est, statim ab ortu reclinatus in præsepio. Conjecturam quoque huiusmodi nostram illud etiam confirmavit; quod in cornu statim alterius lateris Deipara occurrat sedens, ac *Christum* infantem gremio gestans, cui tres Viri (Pastores potius, quam Reges, videntur) munera offerunt. Ceterum in hoc ipso tegumentum latere aliquot aliæ visuntur imagines: quæ quorum sint, nos quidem adhuc ignoramus. *Christianus* certe quispiam hic quoque cernitur tractus ante Idolum, columnæ insistent: qui de cultu ipsi exhibendo quæsitus, vel ipso corporis habitu, ad speciem recusantis bene composito, constanter tantum nefas aversetur ac detrectet. Sequitur jam tertium latus, atrio Basilicæ obversum. In cuius quidem medio sculptum est *Christi* nomen, in Græcam litteram X, cui media intercedat littera P, contractum: quale scilicet *Constantinus Magnus* (*Eusebio* teste Lib. 1. de ipsius Vita Cap. 24. sicut etiam *Baronius* ad Annum *Christi* Trecentessimum duodecesimum observat) in Labaro, quin etiam in galea sua gestare consuevit: eique pariter laterales hinc inde sunt Græcæ litteræ alphabetales, prima & ultima, A & Ω juxta illud Apocalypseos Cap. 1. *Ego sum A & Ω, Principium & Finis, dicit Dominus Deus: qui est, & qui erat, & qui venturus est omnipotens.* Sed & hinc inde tandem binæ adsunt aviculæ, rostro ad cibum inferne acclinato. Quarti porro lateris imagines vel ita conspectum effugiunt, vel ita sunt ad intelligendum obscuræ, ut de ipsis nihil nobis dicendum supersit. Quod vero tacendum non est: ejusmodi quidem arcæ operimentum superstructo usque ad suppedaneum Pulpiti fornicem opere ita prorsus jam impeditur, ut suo e loco dimoveri non possit; ac ne quidem, quid intus lateat, introspecti. Quoniam igitur fide potius opus hic est; hoc utique sepulchrum congruenter ad indicia, quæ nobis protulit Auctor præcipue Chronici *Flos florum*, sine dubio illud est, e quo *Fridericus* everso Regum & Comitum *Angliæ* ossa exturbavit. Tametsi vero illa postmodum a *Mediolanensibus*, ad Urbem reversis, restituta illuc sive in eandem fuerint arcam; credibile tamen nobis videtur, ipsummet etiam sepulchrum ab ipsis ad pristinam non fuisse restitutum majestatem, quam nobis *Gualuaneus* ipse *Flamma* describebat. Vel ipsamet arca jam videatur, quemadmodum eo nunc loci sine ulla congruenti substructione sita sit; nemo profe-

cto nobis id negabit; quin etiam quisque præterea nobis assentietur, tanti operis sepulchrum antehac extitisse alibi, & in loco magis conspicuo, atque altitudini debitæ necessario; ut proinde tunc etiam ei leones marmorei substarent, præterea vero superstaret illa etiam *Herculis* figura, in cuius locum *Fridericus* sculpi fecerit ac deaurari Comitum illius *Alico* imaginem. Quid si vero ad dexteram illud quoque in Chori erat introitu? Quid si pariter huic ipsi lapidi marmoreo superstabat illic illud ipsum *Herculis* simulachrum, de quo nos jam Num. 102. 296. ac 297. diximus? Quid si non aliud hoc itidem erat, quam quod in præsentem *Fridericus* ex ejusmodi sepulchro detraxi jussit? Quod autem *Gualuaneus* idem *Flamma* rubeum appellabat navellum illud hujus sepulchri marmoreum, in quo Reges isti *Anglierum* sepelirentur; hoc ille fortasse dixit, vel quia ipsimet arcæ subesset aliquod e rubro marmore ornamentum, vel quia ipsamet arca ei propter pulverem rubricare visa esset. Certe quidem non aliud ipse hujus sepulchri navellum (sive sepulchralem arcam) designavit, quam illud, supra quod ipsius ætate, qua *Chronicon* scribebat, erat UNA AQUILA: **UBI CANTATUR** (ajebat tunc ipse, sicut etiam in præsens cantatur) **EVANGELIUM ET EPISTOLA.** Sine dubio autem hoc non erat navellum illud, quod primo nos loco descripsimus, quodque nec rubrum, sed ne marmoreum quidem est; uti jam diximus. Reliquum est igitur, ut hoc tantummodo secundum indicare voluerit. Quidni enim supra istud quoque dicatur Aquila esse illa ænea: cujus dorso, tamquam lectorili, etiamnum inter *Missarum* solemniam superimponitur *Epistolarum* & *Evangeliorum Liber*? Cui quidem Aquilæ vetustissima pariter ex ære nunc etiam subest hominis effigies, eidem Pulpito antrorsum affixa: & hanc opinamur ob causam, ut per hæc duo symbola duo Sancti Evangelistæ *Joannes* & *Matthæus* de more juxta *Ezechielis* Cap. 1. prophetiam indicarentur. Sed enim de duabus hisce arcis sepulchralibus binæ nos item suspensiones adhuc sollicitant. Si enim grandior & augustior hæc arca Regum erat & Comitum *Angliæ*: quorum propterea *Ænobarbus* inde ossa extrahi dispergique jussit, ibique postea Comitum suum *Alico* sepeliri; certe quidem nos identidem hoc suspicari compellimur; ut nostri postea *Mediolanenses* inde vicissim extractum Comitum *Alico* cadaver in hac viliori ac demissiore arca collocarint, velut ad pedes suorum *Angliæ* Regum & Comitum, quos in primorem sui arcam nuperrime restituerant; utque tunc etiam istam, qualis qualis jam erat, sine primoribus aliis ornamentis sub Pulpitum contraxerint, ubi nunc etiam conspicitur, atque prædictum in modum occluserint. Sed per nos quidem ista probent alii, vel improbent, prout cuique videbitur. Eadem profecto tamen recitari saltem a nobis, & utcumque ad rei veritatem consequenter expendi oportebat; quippe cum a Scriptoribus prædictis, non modo narrata, verum etiam credita fuerint.

CCCCXLV. Kalendis Aprilis, in Dominica Palmarum, matutino videlicet tempore, *Fridericus* sacros ramos e Basilica tulit *Ambrosiana*; sicuti Num. 442. narrabamus. Eodem postea die *Papian* revertit: proximoque Dominica Resurrectionis die splendidum Proceribus epulum dedit. Sed hæc ipsa nobis recenscat *Acerbus Morena*, qui tunc ibi præsens aderat: maturumque jam erit tempus, ut Lector hinc ea discutiat, quæ Num. 418. & 439. discutienda reservabamus hunc in locum. Ipso die Dominico *Olivarum* hæc *Morena* verba sunt) reversus est Imperator *Papian*: & quicumque cum Imperatore *Mediolani* fuerat, domum reversus est. *Fridericum*, *Bernardinus Corius* insuper asserit, hoc reditu secum advexisse sacra Magorum, quin etiam Sanctorum

etorum Protasii ac Gervasii, Naboris ac Felicis Martyrum Corpora: quæ deinde in Germaniam transtulerit. Qua de re nos infra. Sequitur Morena: Proximo die vero Paschæ fuerunt Papiæ fere omnes Lombardiæ Potestates (quos aliter nos jam nominamus Prætores) & quamplures Episcopi, & Marchiones, & Comites, alique multi Nobiles Italiæ. FUITQUE EA DIE IMPERATOR INCORONATUS PAPIÆ AD MISSAM IN ECCLESIA MAIORI, UNA CUM SERENISSIMA AUGUSTA, cum magnis solemnitatibus, maximaque lætitia: QUOD IMPERATOR IPSE ANNIS RETRO MINIME FECERAT. PROPOSUERAT ENIM, QUOD IPSE NUMQUAM CORONAM SUMERET IN CAPITIS, DONEC MEDIOLANUM SUPERASSET. Post Missam vero Imperator dulcissimus fecit invitare ad prandium suum omnes Italiæ Episcopos, Marchiones, Comites, & Civitatum Consules, qui ibi aderant. INTER QUOS FUI EGO ACERBUS MORENA, QUI HUNC LIBRUM COMPOSUI: QUI TUNC ERAM POTESTAS LAUDÆ. Comederuntque Imperator & Imperatrix cum Coronis in capite: cum quibusdam Episcopis, qui erant in mensa sua a dextris & a sinistris, cum Mitris in capite, & aliis ornamentis Episcopalibus. Et fuit ipsum convivium in Curia Episcopi Papiensis, ubi Papienses faciunt Concionem. Hactenus Morena: quem concordēs Tristanus Chalcus & Bernardinus Corius secuti fuere.

CCCCXLVI. Friderico interea perterrefacti sese dedunt Brixienſes, & Placentini: nimirum illi die Dominico post Octavam Paschæ, isti autem die Veneris duodecima mensis Maii; quemadmodum idem Morena subinde narrare perigit. Cujus itidem sunt ista, quæ sequuntur: Quibus omnibus feliciter actis, dedit Imperator nobilissimus Brixienſibus & Pergamenſibus in Potestatem Marcoaldum de Grumbach, MEDIOLANENSIBUS VERO DOMINUM EPISCOPUM DE LEGIO (Civitas est in Belgio celeberrima, quæ Leodium aliter ac Leodicum, vel etiam Legia nuncupatur) Placentinis autem primo dedit Agnulfum, deinde Arnaldum Barbavariam. Comitum Conradum de Balamite præposuit Ferrariæ, Cumenſi Comitatu Magistrum Paganum: & sic in multis aliis Civitatibus & Castris alios præposuit. Cremonenſibus, & Parmenſibus, atque Laudensibus, & quibusdam aliis, permisit se sub propriis de ipsis Civitatibus regi Consulibus. Eadem habet etiam Chalcus: ac de prædicto quidem Protestate Mediolanenſibus dato isthæc habet expreſſius: MEDIOLANO AUTEM PRÆFECTUS FUIT HENRICUS LEODIENSIS EPISCOPUS. Qui sparsam vicatim multitudinem quatuor veluti in ergastula coegit: pauloque remotius ab Urbe, quam sibi ipsi elegerant, sedes constituit; his Vigentini, illis Nocetæ (quæ non longe a Caravalle est) aliis Lambrati, aliis ad Canariam, aliis ad Syri Vepram designatis. Terminabaturque ejus jurisdictio Seveso fluvio, Legano & Busto Garulpho Oppidis. Corius autem insuper addit, Comitatum Mediolanenſem a Friderico sex in partes divisum: quarum singulis Procerem Theutonicum præfecerit: & quarum sextam esse voluerit Mediolanum, ex Urbe videlicet jam in Villas distractum. DOVE POSE (Lombardica sunt ipsiusmet Corii verba) ALICO EPISCOPO DI LEGIO. Questo come Imperiale Vicario volse che governasse: e che anche de auctoritate fusse superiore a gli altri (quos nempe ceteris ejusmodi partibus præfecerat) &c. Alicum proinde Corius Leodiensem hunc Episcopum nominat: quem tamen paulo ante nominaverat Henricum; quippe tunc præsentem, quando quinta Junii die proxima Januenses Friderico fidelitatem prope Papiam juraverunt. Ceterum Gualvanus Flamma eundem hunc Episcopum Mediolanenſium Potestatem atque Vicarium Imperatoris ap-

pellat in Chronico Majori Cap. 285. Berrutium, & Cap. 288. Beruzium: in Manipulo autem florum Cap. 195. Beruzum. Hoc etiam denique loco ipsum affirmat a Friderico fuisse factum Mediolanenſem Archiepiscopum; quippe cum perpetuo jam exilio damnatus ab eodem Imperatore fuisset Archiepiscopus Obertus. Sed procul a nobis esto, ut credamus, ea Fridericum fuisse mente ac voluntate, ut Archiepiscopum mox daret Mediolano: quod nuper ita diruerat, ut ne speciem quidem ac nomen Oppidi reliquum ei unquam esse vellet; proptereaque incolas inde omnes facessere jussisset; atque vel ab ipso Leodiensi Episcopo ne habitare quidem prope dirutam Urbem sinerentur. Re quidem vera Leodiensis hujus Episcopi ac Mediolanenſium Prætoris nomen Henricus fuit: nec alium per hæc tempora sui Episcopum agnoscunt Tabulæ ac Monumenta Episcopalis illius Ecclesiæ. Testis instar omnium sit nobis Agidius, Auræ Vallis Religiosus, apud Joannem Chapeavillum (mentionem utriusque jam fecimus Num. 160. & Num. 422.) Tomo Secundo inter Episcoporum Leodiensium Gesta, quæ ipse conscripsit, quæve Chapeavillus etiam ipse suis notis locupletavit. Cap. siquidem 40. in fine narrat, Episcopum Alberonem, hujus nominis Secundum, obiisse Anno Dominicæ Incarnationis Millesimo centesimo quinquagesimo quinto, die sexto Kalendas Aprilis (vel, ut Chapeavillus ibidem observavit, undecimo Aprilis) Cap. autem 41. eidem mox canonice subelectum fuisse quarto Idus Maii, & a Metropolitano Colonie Agrippinensis Archiepiscopo Arnulfo Primo consecratum octavo Kalendas Julii Henricum nominis item hujus Secundum: & hunc Cap. 43. Papiæ tandem occubuisse pridie Nonas Octobris Anno Domini Millesimo centesimo sexagesimo quarto: qua de re nonnihil etiam infra nobis agendum erit, cum de trium Magorum Corporibus Coloniam translatis differemus. Ecce vero tibi, Lector, quid eodem Cap. 41. Agidius in præsentem quoque Annum de hoc Episcopo affirmet Henrico. Is in prima expeditione Italica (inquit ille) qua Fredericus Imperator Mediolanum obsedit (Anno vero Christi tunc erat quinquagesimus octavus supra Millesimum centesimum) strenue se gessit, in omni negotio & consilio Imperatori assistens. In tantum autem familiaritate & amicitia ei complacuit; UT, MEDIOLANO DESTRUCTO, OMNES REDITUS EPISCOPATUS CIVITATIS DIRUTÆ EI COMMITTERET; ut in restitutione (ut ita dicam) Troiæ in relocandis aliis mœnibus, agrisque indigenis terræ ad placitum suum secundum statum novæ Villæ distribuendis, jam fieret alter Æneas. Ipsum quippe Fridericus sui Vicarium & Mediolanenſium Potestatem constituit; uti jam diximus. Sin autem videre præterea cupis plurima & ingentia miracula, quæ Sanctus Bernardus Clarevallensis Abbas Leodii patravit, cum profectus iterum illuc esset; hæc Capite 42. ejusdem Agidii continentur. Quamquam etiam non satis adhuc nos discernimus, quemadmodum illa ibi dici possint patrata tempore quineriam in conspectu Henrici hujus Episcopi: quæ ipse admiratus, ejusdem Sancti Abbatis suasu Ainenſem fundaverit sub Regula Sancti Benedicti Abbatiam. Sanctus enim Bernardus, sicut etiam Papa Eugenius (de cujus mandato illuc cum tunc ad prædicandam ivisse Crucem Chapeavillus e Chronico Gemblacensi ostendit) jam obierant Anno Christi supra Millesimum centesimum quinquagesimo tertio; uti nos quoque Num. 408. meminimus. An ideo fortasse sic assertum, quia Henricus hic eo miraculorum tempore Præpositus & Archidiaconus Majoris Ecclesiæ Leodiensis esset, factusque postea Episcopus Abbatiam illam fundaverit? Præpositus enim & Archidiaconus tunc fuisse videtur eodem teste Agidio Cap. 1. Verumtamen hoc alii potius discutiant: nosque interim ad ulteriora festinemus.

CCCCXLVII. Post hæc, & alia ejusmodi multa, *Fridericus* (ut *Tristani Chalcii* verbis utamur) *iturus in Flaminium*, ex obsidibus *Mediolanensibus*, qui *Papæ* custodiebantur, cæteris dimissis, centum tantum retineri jussit, & eos subinde per singulos menses demutari.

CCCCXLVIII. *Alexander* interim una cum Archiepiscopo *Mediolanensi Oberto*, ceterisque ipsius sociis, *Genua* in *Galliam* profectus, *Claromonte* tandem congregato Concilio, *Victorem* ac *Fridericum*, eorumque Factionem sacro rursus anathemate perculit. Qua *Fridericus* re offensus, ut *Francorum* obsequio *Alexandrum* spoliaret; compositis *Italiæ* rebus, *Vesontionem* in *Burgundiam*, dotalem Uxoris regionem, iter una cum *Victore* instituit; ut ibi Concilium congregaretur pro redintegrandâ (sic enim obtendebat) veteri Ecclesiæ concordia: in quo ipsemet etiam *Galorum Rex Ludovicus* una cum suis Episcopis ac Prælati adesset. Fraude tandem ipsius comperta, noluit adesse *Ludovicus*. Quare iratus (*Fridericus*: & ista sunt *Sigonii* verba, e quo pariter proxima indicavimus) ex *Burgundia* in *Germaniam* transit: atque in *Italiam Victor* & *Rinaldum Archiepiscopum Coloniensem* Legatum ad resmoderandas dimisit. Priusquam tamen ille in *Germaniam* transfret, in mensem Augustum *Acerbus Morena* narrat magnum Colloquium apud *Berenzonam* in *Lombardia* (notissimum est apud nos Oppidum, *Helvetiis* nunc subiectum) statutum fuisse: cujus judicio, quale describitur ibidem, *Alexander Pontifex*, *Raynaldus* ante hac vocatus, se subdere recusaverit. Ita disrupto (subdit *Morena*) Colloquio, Dominus Papa *Victor* *Cremonam* ivit; Imperator vero cum *Serenissima* conjuge ejus *Augusta*, & aliis Principibus, & immenso exercitu proficiscitur in *Theutonicam*. *Tristanus* enimvero *Chalcus* non aliud, quam *Vesontionense* (idque non ab Oppido aliquo, sed ab Urbe, in qua congregatum est) Concilium fuisse istud interpretatur. *Bernardinus Corius* in prima sibi que contemporanea suæ Historiæ impressione paulo expressius sic scribit: IN BESENZONO DI LOMBARDIA fu celebrato uno Concilio &c. Atque sic etiam profecto nos legimus in duobus *Ambrosianæ* Bibliothecæ Manuscriptis, quibus *Morenæ* Historia *Laudensis* continetur, in hac præcisè verba: *Æstatis vero prædictæ mense Augusto* statutum est maximum Colloquium IN LOMBARDIA APUD BESENZONUM; cum alioqui exemplar *Venetius* impressum habeat, IN LOMBARDIA APUD BERENZONAM. Sicut igitur nos pro rei veritate legendum censemus, non *BERENZONAM*, sed *BESENZONUM*, quod idem est ac *VESONTIONUM*, aut *VESONTIUM*, aut *VESONTIO*; sic etiam consequenter legendum concludimus, non IN LOMBBRDIA, sed in *BURGUNDIA*; in qua utique Regione Civitas ac Metropolis illa sine dubio sita est. De hoc igitur Concilio idem *Chalcus* ita prosequitur: Ita sine effectu dimisso Concilio, *Aenobarbus* cum *Beatrice Germaniam*, *Victor Italiam* repetiit, *Cremonæ* que hyemavit. Sed præterea etiam sic addit: *Henricus* quoque *Leodiensis*, *Præses Rerum Mediolanensium*, *Cæsarem* trans *Alpes* secutus, curam Urbis (an potius *Suburbiorum*?) reliquit *Petro Cuvin*, avarissimo homini, & in emungendis pecuniis nulla non arte abutenti. Nulla fides, nulla pietas illi erat. Quæ quidem *Tristanus* ipse singillatim mox explicat.

CCCCXLIX. Sequitur porro protinus *Morena*: Post paucos vero dies remisit Dominus Imperator in *Italiam* *Raynaldum Archicancellarium* & electum Archiepiscopum *Coloniæ*; ut vice sua, quæ forent ordinanda in *Italia*, statueret ipse. Sed quid mox in *Italia* *Raynaldus*? Ex eodem similiter constat illico *Morena*, hunc in modum prosequente: *Archicancellarius* aliquantulum IN LOMBARDIA, & in *Marchia*,

A deinde *Thuscia* & *Romania*, singulas Civitates perambulans, sua solertia eximia omnes Civitates & Principes *Marchiæ* & *Tusciæ* atque *Romaniæ* ad Imperatoris amorem & obsequium mirabiliter provocavit: ET AD HONOREM DOMINI PAPÆ VICTORIS QUOSDAM EPISCOPOS, REBELLES EI, DEPOSUIT, ALIIS IN LOCUM EORUM SUBROGATIS. Quod ipsum *Chalcus* noster his explicat verbis: DEMUM NONNULLOS SACERDOTUM, QUI VICTORI REFRAGABANTUR, SACERDOTIIS ET OPIBUS MULTAVIT. Interea igitur sic etiam omni *Raynaldus* nobis videtur curasse ope, ut ad schismaticam *Victoris* Factionem nostros abduceret *Mediolanenses*, ac nominatim sacros Basilicæ hujus *Ambrosianæ* Administratos: quos utique *Fridericus* ab omni molestia immunes hic morari permiserat. Ac profecto, si non Præpositum & Canonicos, certe tamen Abbatem ac Monachos abduxisse videtur. In sæculari hujus Urbis Clero bini erant Græco *Cimiliarchæ* (qui videlicet sacræ suppellectili custodiendæ præessent) titulo insignes: in *Metropolitana Sanctæ Mariæ* Majoris Basilica unus, alter autem in hac ipsa *Ambrosiana*. Et hic quidem unus erat e Canonicis: quem Præpositus cum ipsis in unumquemque annum deligebat. Unus illis erat locus, REFECTORIUM CANONICORUM appellatus: in quo etiam fortasse tunc aliqui eorum (sicuti jam diximus Numero 255.) vel etiam omnes una simul aliquando reficerentur. In eum certe convenire soliti ad Capitulum erant: ibidemque communi consensu, sicut Ecclesiæ Custodes, sic etiam *Cimiliarcham* instituebant. Et hunc quidem instituebant servata hujusmodi formula verborum: Tollite claves: & Dominus permittat vos bene regere ad honorem Dei, & hujus Domus, & Beatorum *Ambrosii* & *Protasii* & *Gervasii*. Officium siquidem istius *Cimiliarchæ* hoc erat: Tenere claves ornamentorum & Palliorum Ecclesiæ Sancti *Ambrosii*, & librorum, & Planetarum, & ornamentorum, maxime Canoniorum: & imperare Custodibus, ut occludant & aperiant Ecclesiam: & recipere ducentas libras olei, quas dat Dominus Archiepiscopus, & libras viginti quatuor cereæ, & libras duas incensi, quam ceram & incensum dat similiter in anno Dominus Archiepiscopus: & facere ornare Ecclesiam & Altaria Sancti *Ambrosii* diebus congruentibus: & aperire, vel facere aperiri Altare (scilicet Majus & aureum, quod ad cautiorem custodiam tunc etiam erat asseribus circumseptum) vel per se, vel per nuncium suum: & recipere (prout nimirum infra explicabimus) oblationes, quæ fiunt in Ecclesia, & dividere per Canonicos, & assignare, sicut tenetur. Talibus enim verbis tam institutionem, quam munus ipsum *Ambrosiani* *Cimiliarchæ*, nobis descriptum reliquit *Secundus Testis* per Canonicos in eo processu, de quo supra dictum est (præterquam quod toto passim Processu eadem constant) productus: *Manfredus* videlicet *Oculi blanci*, Anno Millesimo ducentesimo primo, die *Mercurii* tertia decima mensis *Decembris* examinatus. Priusquam tamen ipsius testimonium recitare progrediamur; explicemus, obsecro, quem ad finem Archiepiscopus oleum illud ceram & incensum quotannis huic *Ambrosianæ* Basilicæ dare solitus esset; sed & præterea recenscamus, quomodo reciperentur oblationes illæ ac dividerentur. Oleum nempe deserviebat cicindilibus (usitatissimum apud nostrates vocabulum erat) hoc est, lampadibus, quæ, ad illuminandum Beati *Ambrosii* Chorum, in eo pensiles perenniter ardebant. E singulis autem octo illius cereæ libris conflabantur cerei quatuor, qui eodem in Altari accenderentur singulis trium festivitatum, ad quas hic celebrandas idem Archiepiscopus cum Capitulo suo *Metropolitano* quotannis veniebat. Erant autem duæ Sancti *Ambrosii* (una Ordinationis, altera

Obitus, five Transitus ad aeternam beatamque vitam: quarum illa in mensem Decembris, hæc in Ferias incidit Paschales) tertia vero Sanctorum *Protasii* simul & *Gervasii*. In iisdem porro festivitibus, atque illo præterea triduanarum Litaniarum die, quo ad Basilicam istam de more procedebat cum reliquo Clero & Populo Archiepiscopus, incensum item illud adolebatur. Quod attinet ad oblationes: ita nobis comperta res est. Ea nocte, quæ singulas Sanctorum *Ambrosii* ac *Protasii* simul & *Gervasii* festiuitates præcederet, Abbas Monasterii faciebat, ut arca in id opportuna deferretur ac sisteretur juxta Sancti *Ambrosii* Altare, sed a tergo. Adstabant ibi postea Nuncii five Ministri duo, Monachorum unus, alter Canonicorum: quæve offerentur, eadem in arca collocabant. Hæc denique occlusa clavi, quæ penes Monasterii Ministrum erat ac remanebat, deferrebat inde in CIMILIARCHIAM, post idem Altare sitam: ibique sic occlusa remanebat & ipsa sub custodia Cimiliarchæ, quoadusque coram ipso per Monasterii Ministrum aperiretur, atque Monachos inter & Canonicos fieret præscripta earumdem oblationum divisio. CIMILIARCHIA porro illa ibi erat, ubi nunc Chorus & Odæum extat: eademque per hæc tempora vocabatur etiam TRIBUNAL, ac SEDES EPISCOPORUM, & EPISCOPALE. In hoc siquidem loco marmoreæ adhuc extabant Episcoporum Sedes illæ, de quibus nos jam diximus Numero 20. Quocirca etiam ibidem aliquando interea conspecti sunt Episcopi sedisse, ad Basilicam profecti. Sic etiam ipse pariter Archiepiscopus sua illic in Sede, inter Episcopales media (quæ superest adhuc) toties tapeto instrata sedebat, quoties in hac Basilica Missam in tribus prædictis festiuitatibus celebraturus esset. Ceterum in eodem loco scrinia nihilominus erant & arcæ, quibus Basilicæ thesaurus (sic enim vocabant) sub Cimiliarchæ custodia continebatur: eidemque propterea loco CIMILIARCHIÆ cognomentum fuerat inditum. Et hæc quidem omnia nos fideliter e prædicto Processu identidem testata deprompsimus. Nunc ad promissum *Manfredi* testimonium. Qui quidem juratus ante omnia sic incipit: *Quadraginta & duo anni & plures sunt, quod utor & usus sum in Canonica Beati Ambrosii: & viginti & septem anni sunt, quod sum Canonicus Ecclesiæ Beati Ambrosii.* Atque per hoc etiam tempus aliquando Cimiliarchæ ministerium obierat, quinto nimirum ante anno. Ejusmodi ergo Testes super hoc præcise inter alia interrogabantur: *Si alteri Clerici, vel Sacerdotes, habuerunt claves Paramentorum & Altaris, quam Cimiliarcha & Canonici.* Cui quidem interrogationi Primus Testis (jam loquimur de productis per Canonicos) *Honestus de Cosenigo*, pariter Canonicus, ita respondit: *Non, quod sciam; nisi quod Monachi habuerunt PER THEUTONICOS TEMPORE SCHISMATIS ET DESTRUCTIONIS MEDIOLANI claves; & quas claves ipsi tradiderunt Canonicis SECUNDUM PRÆCEPTUM BEATI GALDINI ARCHIEPISCOPI, ut credo.* Sed & postea rursus hunc in modum interrogatus fuit: *Si scit, vel credit, quod aliquis Archiepiscopus, & præsertim Beatus Galdinus Archiepiscopus, dedisset claves Paramentorum & Altaris quondam Satrapo (ex Canonico Præpositus hic fuerat) vel alii de Canonicis.* Ipse vero respondit: *Nescio. Sed audiui, & credo, quod Monachi habuerunt claves Altaris & ornamentorum Ecclesiæ TEMPORE SCHISMATIS: & quod, PRIUSQUAM DOMINUS GALDINUS VENIT ROMA MEDIOLANUM, fecit reddere Præposito & Canonicis ipsas claves, & etiam ornamenta.* Ceterum Secundus ille Testis, *Manfredus*, ad primam interrogationem ita respondit: *Non, quod recorder; NISI TEMPORE DESTRUCTIONIS MEDIOLA-*

NI, quo Monachi ipsas habuerunt injuste A QUODAM CARDINALI TENIOSO, ut credo, & audiui. Forte autem Cardinalis ejus vocabulo *Raynaldum* ipsum *Coloniensem* designabat, *Victoris* Antipapæ fautorem acerrimum: qua in re decipi tunc erat facilius; quia purpureus necdum color indumentorum Cardinales a ceteris Prælatibus distinguebat; sicut eos postea distinguere a pileo cœpit ex decreto Concilii *Lugdunensis*, Anno Millesimo ducentesimo quadragesimo quinto celebrati. TENIOSUM vero etiam illum appellavit; quia fortasse caput illi erat eo infectum morbo, quem Italice TEGNA nuncupamus, vel saltem simile quippiam ostentabat. Quod si hoc non placet, quippe cum non ita illum *Morena* in fine suæ Historiæ describat; forte etiam ita dixit, quia ei, utpote Schismatico, morbosum erat mysticum Caput, Antipapa, cui pertinaciter adhærebat. Ad secundum vero interrogationem idem ipse *Manfredus* sic respondit *Nescio: & nescio, quid inde credam; quia non interfui.* Tertius vero Testis, itidem Canonicus, quinetiam in præsens Cimiliarcha, nomine *Guitfredus*, ad primam luculentius præ ceteris Testibus ista respondit: TEMPORE DESTRUCTIONIS MEDIOLANI ET SCHISMATIS, quia nec Præpositus, qui tunc erat (scilicet Satrapus) & neque aliquis Canonicus voluit CONTRA ROMANAM ET MEDIOLANENSEM ECCLESIAM (quippe quæ fidelitatem *Alexandro* Papæ jam juraverat) JURARE; Canoniam & Ecclesiam Beati *Ambrosii* & omnia sua Canonici tunc reliquerunt: & Monachi jurantes sacramentum illud, ibi steterunt: & claves ipsas, sicut audiui, habuerunt PER RAYNALDUM CANCELLARIUM IMPERATORIS. Quod si hæc ita se habent; Canonici ergo in fide *Alexandro* data constantiores Monachis fuerunt; proptereaque tantum inde detrimenti retulerunt. Atque hoc etiam illud erat, quod Sanctum *Galdinum* postea graviter metuere cogebat, ne *Mediolanensis* periclitaretur Ecclesia, quemadmodum in ejus Vita legimus. In qua protinus & ista: *Præsertim cum eo tempore Civitas dirupta jaceret, & Populus, sub jugo captivitatis duræque servitutis detineretur. SEDET SACERDOTES ET CLERICI, QUI FIDEM ET UNITATEM SERVANTES PRÆFATUM SUMMUM PONTIFICEM (Alexandrum) INVOCARE AUDEBANT, VARIIS A SCHISMATICIS AFFICIEBANTUR SUPPLICIIS.*

CCCCCL. Mirarisne vero Lector, quod Monachi isti tunc temporis *Ambrosiani* ad *Victorem* Antipapam, impellente *Raynaldo* *Colonienfi*, nec non etiam stimulos fortasse acriores adjiciente studio Basilicæ ac Monasterii hujus conservandi, ne Schismaticis obstinatissimis in potestatem vel etiam prædam & direptionem daretur, defecerint? Sed profecto magis etiam mirandum esset; si jamtum *Cistercienses* fuissent; quales alioqui erant, qui non procul ab Urbe ad *Charavalle*m habitabant (Numero 383.) cujus etiam Monasterii Monachus olim fuerat *Alexander* (Numero 424.) & quorum Schisma nos jam Num. 439. observavimus. Quamvis enim omnibus expositis jam essent Imperatoris injuriis; colligere tamen illi magis animos idcirco etiam debuissent, ne ab Ordine suo *Cisterciensi* hac in parte quicquam desciscerent. Scite *Baronius* ad Annum Millesimum centesimum sexagesimum primum Art. 4. e Sancti *Anselmi* Episcopi *Bellicensis* Vita apud *Surium* Tomo Tertio, die 26. Junii, hæc recitat: ORDO CARTHUSIANUS PRIMUS ANTE OMNES in Ecclesia Occidentali, quemadmodum satis constat, *Alexandrum* pro Catholico & vero Pontifice habendum, eique præstandam obedientiam, confirmavit. &c. Et paulo post: Interim vero, PRÆEUNTI BUS CARTHUSIANIS AC CISTERCIENSIBUS, *Alexander*

der Pontifex a Gallis, Hispanis, Britannis brevi receptus est. Poteratne vero Sigonius talem ob causam Cistercienses ad eundem Annum elogio celebrare nobiliori, quam istud sit, quod proxime sequitur? FLOREBAT TUM (inquit) ORDO CISTERCIENSIS, Archiepiscopis Episcopisque multis, & Abbatibus plusquam septingentis, & Monachorum multitudine innumerabili præditus. Hi quotannis Concilium apud Cistercium celebrabant: & quæ e Republica erant, decernebant. Itaque, proposita præsentis pontificia causa, publico decreto Alexandro se ad junxerunt, atque maximas ei parti vires addiderunt. Quibus rebus Fridericus incensus, Edictum proposuit: Ut omnes Cisterciensis Ordinis Monachi, qui in Regnis suis agerent, aut Victori subscriberent, aut Regnis suis excederent. QUARE NUMERUS EORUM INGENS, RELICTIS SEDIBUS SUIS, IN FRANCIAM COMMIGRAVIT. Quinetiam Episcopos multos, licet sanctitate insignes, quia Alexandro dediti erant, Sedibus suis eiecit, atque alios in eis imposuit. Veraciter propterea Gulielmus etiam Neubrigensis Lib. 2. Cap. 9. scribebat in hæc verba: Parebatque ei (Alexandro) in eis, quæ ad curam spectant pastorem totus Orbis Latinus, EXCEPTIS PROVINCIIS ALEMANNICÆ DITIONIS. Imperator enim ex privata similitudine semel in reprobum sensum datus, & vel a ratione vinci indecorum Imperatorie reputans Majestati, multo tempore distulit palmam dare perspicuæ veritati. Sed ad Monachos tunc temporis Ambrosianos revertamur. De ipsis profecto tacendum saltem non est, quod subinde tamen a celebratione Missarum abstinuerint: terrore videlicet ac reverentia, sicuti nos interpretamur, Censurarum (quid enim causæ poterat aliud esse?) quas ab Alexandro Papa promulgatas ipsi propterea perjurio illo suo, tametsi per vim ac metum sibi extorto, incurrissent. Testimonio nobis est ex eodem Processu Domnus Ubertus, ejusdem Monasterii Monachus & Sacerdos, in ipsius Monasterii favorem quarto loco testatus in hæc item verba: Et recordatur, quod Canonici illius Ecclesiæ tempore Præpositi Martini, & Præpositi Alberti de Sancto Georgio, & Præpositi Lanterii de Castillione, ac Præpositi Satrapi, consueverunt (scilicet illi, qui pro temporibus illis erant) facere qualibet die hebdomada celebrare tantum unam Missam valde tempestive; EXCEPTIS DIEBUS LUNÆ, IN QUIBUS, PROPTER COPIAM GENTIUM VENIENTIUM AD ILLAM ECCLESIAM, QUALIBET DIE LUNÆ PERMISSUM FUIT EIS CELEBRARE DUAS MISSAS. Et illas duas vidit eos ipsis diebus Lunæ multum tempestive & valde expedite celebrare, quod non præstabant impedimentum Monachis ad eorum Officia celebranda. Sed etiam tam festinanter eas finiebant, quod ipse (Domnus Ubertus) & alii Monachi illius Monasterii Primam eorum habebant cantatam antequam Sol oriretur quandoque; EXTRACTO TAMEN TEMPORE, PER QUOD MEDIOLANUM STETIT DESTRUCTUM, IN QUO NON FIEBANT ALIQUÆ MISSÆ IN ILLA ECCLESIA. Quod quidem Secundus etiam Testis proxime innuerat, sicut & deinde Quintus.

CCCCLI. Jam sequitur Annus Christi supra Millesimum centesimum sexagesimus tertius, ac Turonensi præsertim Alexandri Papæ Concilio insignis. Plura de ipso videri possunt apud Baronium. Sigonius hæc breviter ad nostrum institutum: Alexander, Parisios profectus, Concilium Turonum in Pentecosten indixit. Et paulo post: Octo inde post Pentecosten diebus frequentissimum in Turonibus Episcoporum Abbatumque Concilium habuit. Ibi vero & Acta Concilii Papiensis rescidit, & sacras adversus Victorem & Fridericum detestationes redingravavit. &c.

CCCCLII. Tristanus item Chalcus in hunc An-

num hæc nobis suppeditat: Interea Leodiensis Episcopus, cognito, Vicarium suum, Petrum Curvin, avare nimis se gessisse; incunte jam Septembri mense Anni sexagesimi tertii, cum abrogavit; alterumque dedit, nomine Fridericum, Clericum a ludo litterario Grammaticesque professione petitem. Qui, & præsentis inopia & recenti dignitate impulsus, brevi ditescere nixus, nihilo melior Petro fuit. Quæ ille residua fecerat, quæ Tertie Quartæque nomine miseris relinqui solita erant, nova Charybdis integra absorbit.

CCCCLIII. Octobri postea mense Fridericus una cum sua Coniuge, atque Raynaldo Colonie Archiepiscopo, multisque aliis (quos Acerbus Morena enumerat) e Germania Laudam Urbem accessit: eodemque mox ab Urbe Cremona sese Victor Antipontifex recepit. Circa medium postea Novembris Papiam fuit: cumque Modoetiam inde tendens, atque per Viglentium nostræ Urbis Suburbium tertio Nonas Decembris transiens, a miseris ibi Mediolanensibus fuisset obsecratus præsertim, ut obsides et carceribus dimitteret; annuit ille quidem, sed ab ipsis extorta pecunia; sicuti Chalcus initio Libri undecimi recenset.

CCCCLIV. Proximi Anni Februario mense in Picentes Fanum profectus, Kalendis deinde Aprilis revertitur Laudam, & paulo post Papiam. Interea vero, Venetis pecunias suppeditantibus, Veronenses & Paduani ac Vicentini, ceterique de illa Marchia (ut loquitur Morena) præter paucos Imperatoris fideles sese ipsi opposuerant; quia scilicet ab ejus ministris enormiter gravarentur; quorum inhumanitas plusquam barbara, inexplebilis avaritia, sævitia intolerabilis erat. Legantur etiam Chalcus, Corius, & Sigonius. Proximo vero mense Junio (subdit Morena) profectus est Imperator cum militibus Civitatum Lombardiæ & cum paucis Theutonicis usque prope Veronam: & multa Veronensium Castra & Villas dissipavit. E contra Veronenses cum multo majori peditum & equitum agmine se Imperatori opposuerunt. At Imperator considerans, paucos Theutonicos secum fore, ET LOMBARDOS TEPEDE AD EJUS AUXILIUM VENISSE: bellumque, si tunc committeretur, damnosum sibi futurum pavescens; cum toto suo exercitu reversus est. Quo dolore commotus, in Alemanniam, causa congregandi maximum Theutonicorum exercitum, ire disposuit. Vide, obsecro, quid in rem præsentem interea in Angliam scripserit ad Sanctum Thomam Cantuariensem Archiepiscopum ejus apud Alexandrum Papam Nuncius, cujus Epistolam recitat Art. 30. Baronius. URBES ITALIÆ (scribebat) MINUS SOLITO PROMPTÆ SUNT IN OBSEQUIUM EJUS: adeo quod Papienses & Cremonenses, per quos Italiam domuit & contrivit, ei in facie resistent: denunciaverintque ei, quod ab eo recedent omnino, nisi deponat tyrannidem, & civiles induat mores; ut liberi esse possint, sicut in diebus aliorum Imperatorum: Idem igitur Morena paulo post narrando sic prosequitur: Sequenti vero mense Septembri Imperator cum Imperatrice, causa colligendi exercitum, ut superius dictum est, in Terram Theutonicam cum omnibus fere, qui secum erant ex Theutonicis, perrexit: suosque Missos & Procuratores per omnes fere Lombardiæ Civitates, qui sua jura, suasque rationes, quas in Lombardia habere debebat, colligerent, dimisit.

CCCCLV. Ceterum iis, quæ nuperrime nos ex Acerbo Morena recitavimus, isthæc ille præmiserat: Dominus vero Papa Victor die Lunæ primo mensis Aprilis in Civitate Lucæ Fati munus implevit. Cuius sanctis meritis (credite posteris) dicitur, Deum multa fecisse ibi miracula. Quod quidem impudens figmentum Baronius acerrime refellit ab Art. 27. usque ad 31. quo denique talibus in ipsum verbis invehitur: At cum a tot nobilibus ejus temporis scriptoribus Octaviani (hoc est, Victoris Antipapæ) obitus miserandus,



randus, sepultura infamis, redempta minis describatur; tamen qui inhærebat Frederico Imperatori Otto Morena Laudensis (non ipse, sed Acerbus ejus filius re vera fuit) in gratiam schismatici Domini, & ad consolationem consortium Schismatis, schismaticus ipse mendaci stylo asseruit, eundem Octavianum Antipapam clariuisse miraculis. Quem & non Schisma tantum, sed & publica etiam latrocinia oportuit ad Inferos demersisse, toto id Orbe Catholico conclamante. Subsequitur illico Morena: Deinde in locum ipsius (Victoris) Dominus Guido Cremensis substituitur a Cardinalibus tunc ibi existentibus, & a Domino Raynaldo Archicancellario, ac Episcopo Laudensi (nos Leodiensi potius legendum conjicimus ex iis, quæ mox dicemus) & aliis quibusdam Episcopis, in Apostolica Sedis honorem sublimatus est. Huic autem Paschalis Tertii nomen indiderunt: nec non etiam ipsius electioni monitus consensit Imperator, qui jam profectus in Germaniam erat; sicut ex Alexandri Papæ Actis, apud Baronium Articulo 28. recitatis, liquido constat. Illa quidem sic habent: Ne in malo proposito suo (Fridericus) superari videretur & vinci; tantæ iniquitati; Dei timore postposito, absque dilatione consensit; & extinctum Schisma, quantum potuit, resuscitare omnino studuit. Ad majorem vero suæ damnationis cumulum, ut Catholicos forte detineret, & complices suos in malitiæ haberet fortiores, addens peccatum peccato, juravit ore proprio super sancta Dei Evangelia, quod dictum Guidonem ejusque Successores haberet Catholicos Papas, Alexandrum vero ac Successores ejus semper Schismaticos teneret. IDIPSUM QUOQUE VIROS ECCLESIASTICOS, QUOUSQUE FACERE POTUIT, NIHILO MINUS JURARE COEGIT. Novus vero hic Antipontifex ab Henrico Leodiensi Episcopo, Mediolanensium Prætor, qui tantum illud honoris fastigium recusaverat, consecratus, five potius execratus fuit. Quocirca Lectorem hic nostrum nos monemus, ut caute legat,

quæ Religiosus Aureæ Vallis Ægidius incaute (ne quid deterius suspicemur) hac de re in hæc verba conscripsit Cap. 44. quæ profecto miratur, quomodo eruditissimi censuram Chapeavilli effugerint. Inquit enim: Cum ad hanc secundam (Frederici) expeditionem se contulisset Henricus Episcopus; accidit, ut Victor Papa Quartus in Civitate Italiae Luca migraret ad Dominum (quanto verius in prædictis Alexandri Papæ Actis apud Baronium Art. 27. de ipso legitur? IMPOENITENS ET EXCOMMUNICATUS DE HOC MUNDO MIGRAVIT AD INFEROS) & omnium vota in eum tenderent, eumque Apostolica (nos Apostolica dicamus) Cathedra dignum a minimo usque ad maximum (nempe Schismaticorum: egregia profecto laus!) acclamarent. Sed ille multa reluctatione multisque precibus (utinam ex virtute zeloque Catholicæ unitatis) honorem declinavit. Electedum deinde Papam Paschalem (a quo Pallii dignitatem invitus lachrymansque accepit) nec non & Regem Sardinie, nomine Burazam (aliter Barisonem, de quo Chalcus & Sigonius in hunc ipsum Annum) ab Imperatore coronatum, consecravit. Dignum scilicet patella operculum.

CCCCLVI. Interea Mediolani novis vexationibus novisque tributis Populus exagitati: Chalcus inquit, atque mox singillatim enarrat. Tum vero sic etiam concludit: Auxit temporum calamitatem rei sacræ longe omnium eminentissime jactura. Erant TRIUM MAGORUM, qui Christum Deum recens natum adoraverunt, CORPORA in suburbana Divi Eustorgii Aede, prægrandi sepulchro, quod & extat, clausa. Quorum excellentiæ admonitus Raynaldus Præsul, EA SIMUL ET OSSA NABORIS ET FÆLICIS quarto Idus Junii sustulit, & in suæ Diocesis Metropolim transtulit: ubi adhuc summa Populorum veneratione coluntur. Sed præstat etiam hic attexere, quod ille mox addit: Augusto mox mense Henricus Leodiensis Episcopus Papiæ moritur. Cui in Præfectura Mediolani

Hanc, Trium Magorum sepulchri figuram, & qua ratione eorum corpora Mediolanum delata sint, ad historiæ hujus elucidationem hic inferi curavimus.



Legitur in quadam Chronica, quod B. Eustorgius in fine sui Archiepiscopatus Sanctorum trium Magorum corpora Mediolanum deduci fecit: Cum enim (ut ibi dicitur) tunc temperis Patriam suam Constantinopolim revisisset, Archam magnam marmoream, quam juga Bouum sexaginta, ut inuentibus liquido patet, vix trahere possent, cum dictorum Regum pretiosis corporibus Navi imposuit, & per Mare usque Venetias prospero gressu; exinde vero usque Placentiam contra Padi fluente navigio feliciter deduci fecit: In Placentia autem dictam Archam cum ipso pretioso thesauro in curru cujusdam Aurigæ, qui Boz dicebatur posuit, super cujus Arcæ summitatem Angelus Domini de cælo descendit, cujus admi-

niculo superscriptus eam cum duabus parvis Vaccis de Placentia usque ad tria milliaria prope Mediolanum feliciter conduxit. Nocte autem illa qua ipse Boz auriga prædicto in loco prope Mediolanum pernoctavit cum pretioso thesauro, quidam lupus superveniens unam ex ipsis Vaccis interfecit, quam jam mortuam comedere cepit: Tunc jam supervenit B. Eustorgius, qui negotium cernens, eidem lupo præcepit in virtute spiritus sancti, ut Vaccæ Mortuæ offitium ipsemet supplere deberet, qui statim Beati Viri iussa complens jugo colla submisit & currum taliter onustum per optime cum alia superstiti Vacca Angelo Domini Duce usque prope Mediolanum conduxit; propter quod miraculum illo in loco ubi interfecta fuit prædicta Vacca, ædificata fuit quædam solemnitas Ecclesia, quæ nuncupata fuit Ecclesia de Bacchivacca, quæ etiam prima fuit Ecclesia, quæ in Comitatu Mediolani unquam ædificata fuerit. Cum vero B. Eustorgius ubi tantum recondere deberet thesaurum ignoraret, se devote in oratione posuit, ut ad locum magis Deo gratum deduceretur; & statim Angelus Domini super ipsam Archam apparuit, cujus nutu sine alio regimine prædicti lupus, & Vacca ad transversum per sepes & fossata usque ad magnum lutum, ubi nunc Ecclesia ipsius Beati Eustorgii habetur, Archam cum corporibus conduxerunt, & in medio luto, in quo multorum erant Martirum corpora ab infidelibus turpiter projecta, ipse Angelus Archam superscriptam cum ipsis prætiosis Sanctorum Regum corporibus solemniter collocavit, & dimisit. Beatus autem Eustorgius volens ipsa veneranda Sanctorum Regum corpora honorare. In ipso luto circum ipsam Archam, quandam ædificari fecit Ecclesiam, quam vocari voluit Ecclesia trium Regum, sed modo dicitur Ecclesia Sancti Eustorgii pro eo quod ipse ibi honorifice sepultus fuit; In qua quidem Ecclesia prædicta Sanctorum trium Regum corpora amplius Octingentis Annis in magna populi veneratione sunt habita usque ad tempus FEDERICI Imperatoris, qui Anno Domini M. C. LXII. de mense Martii Mediolani civitatem destruxit, & prædicta SS. Regum corpora Coloniam transportari fecit, ubi usque hodie in magna veneratione habentur. HEC in præfata Chronica. B. autem Eustorgio successit Sanctus Dionisius. & post ipsum eximius præsul, & Doctor Ambrosius: Cui &c.

Mediolanensi sufficitur Marchoaldus Grumbach, & illi Ruynus in Iricana. Tempus igitur jam est, ut de Sanctorum ejusmodi Magorum in Germaniam translatione disseramus: nec non etiam una simul perquiramus, an illuc itidem translata hoc tempore hinc fuerint aliorum Corpora Sanctorum, ac præsertim nostratum *Protasii & Gervasii* Martyrum: quibus sub Ara maxima simul cum Sancto *Ambrosio* conditis perenniterque custoditis Basilica ista in hodiernum usque diem gloriatur, atque majori cum religione a *Mediolanensibus* hoc etiam titulo frequentatur & colitur.

CCCCLVII. Quoniam vero *Leodienses* dolenter hoc sibi saltem gratulantur, quod ejusmodi Magorum Corpora sibi prius ab Imperatore promissa fuissent; videamus in primis, quid hac de rescribat Religiosus Aureæ Vallis *Ægidius*, paulo ante a nobis notatus: cujus etiam mentionem huc pertinentem faciebamur Num. 422. & 446. Sic igitur ille scribit Cap. 44. *Contigit quoque illis diebus (secundæ Frederici in Italiam expeditionis) ut, Domino revelante, in quadam Ecclesia juxta Mediolanum Corpora trium Magorum (qui, ut in Evangelio legitur, Domino in cunabulis pretiosa munera obtulerunt, Aurum scilicet Thus & Mirram) reperta fuerint. Henricus, qui valde charus erat Imperatori, rogavit Regem, ut ad honorem suæ Ecclesiæ prædicta Corpora ab illo loco, in quo inventa erant, ad Urbem Leodiensem permetteret transferre. Qui cum annuisset, & ei tantum thesaurum dedisset, sicut a Majoribus nostris audivimus; in reditu Italie apud Papiam defunctus est pridie Nonas Octobris, Anno Dominicæ Incarnationis Millesimo centesimo sexagesimo quarto, Indictione duodecima. Cujus ossa relata sunt Leodium, & in Majori Ecclesia decenter humata tertio Kalendas Octobris (nos tertio Kalendas Novembris legendum arbitramur, nisi forte de subsequenti saltem Anni Octobre loquatur *Ægidius*) Et sic Leodiensis Ecclesia pretiosa Corpora trium Magorum perdidit usque in hodiernum diem. Hactenus *Ægidius*: cui etiam Scriptores alii consentiunt, quos ibidem *Chapeavillus* mox in Annotationibus enumerat. Iisdem nos addimus Joannem Placentium Trudonensem in Catalogo Antistitum Leodiensium, inserto Volumini *De Leodiensi Reipublica Auctores præcipui*: quod Anno Millesimo sexcentesimo trigesimo tertio *Amstelodami* editum legimus in *Ambrosiana Bibliotheca*. In hoc igitur *Henrico Secundo*, quem Anno Christi Millesimo centesimo quinquagesimo electum ille computat trigessimum primum Antistitem, sic habet: *Deinde in Italiam contendens, Frederico Imperatori comes effectus, trium Magorum inventis corporibus, Leodium transferre cogitavit. Sed huic voto obstitere Fata. Obiit Papiæ (legendum est Papiæ) Anno administrationis decimo nono. Pridie Nonas Octobris sepultus in Collegio Divi Lamberti, videlicet Leodiensis. Quamobrem juxta hunc Auctorem obiisset Henricus Anno supra Millesimum centesimum, non sexagesimo quarto (sicut assererat *Ægidius*) sed sexagesimo nono. Verum enimvero ejusmodi donationi, cujus executio dicebatur per Episcopi *Henrici* mortem impedita, *Chalcus* etiam in primis adversatur, superiori a nobis Numero productus. Sed insuper adversatur item Auctor Magni Chronici Belgici. Ejus namque testimonio *Reynaldus Coloniensis* Archiepiscopus cum venerandis ejusmodi trium Regum, necnon (sicut ipse putat) duorum Martyrum *Naboris & Felicis*, Corporibus in Vigilia Beati Jacobi Apostoli (quæ in vigesimam quartam incidit Julii diem) sub Anno Domini Millesimo centesimo sexagesimo quarto, Pontificatus sui anno sexto, Imperii vero *Frederici* duodecimo, cum gaudio & exultatione omnium gloriose *Coloniam* advenit, dictas ibidem Reliquias ad honorem & exaltationem ipsius Civitatis *Coloniensis* usque in hodiernum ibidem relinquendo. Sed quæstionem istam Co-**

lonienses hinc, inde vero *Leodienses* dijudicent: nolque potius de tanta nostræ Urbis jactura jure merito conqueri permittant.

CCCCLVIII. Quid causæ fuerit, cur e suburbana Sancti *Eustorgii* Ecclesia *Mediolanenses* in Sancti *Georgii* urbanam transfulerint (si tamen transfulerunt; nec enim usque adeo id constat, etiamsi a nonnullis affirmetur) Sanctorum Magorum Corpora: nos quidem Num. 421. aliqua conabamur assequi conjectura. Credamus nunc *Gualuaneo Flammæ*, cui pariter credidit Auctor Chronici *Flos florum* fol. 142. pag. 1. ipseque nobis causam edisseret, propter quam ejusmodi Corpora *Mediolanenses* timore in Urbem, *Raynaldus* autem amore *Coloniam* transfulerint. Ille igitur in Exemplari Basilicæ *Ambrosianæ* (commodatum siquidem nobis talem causam non exprimit) Cap. 847. quod est *De Fortilitiis*, hunc in modum narrat: *Intra Civitatem erant aliæ magnæ Fortilitiæ. Quia juxta Ecclesiam Majorem erat Turris alta brachia ducenta quadraginta quinque: quæ respiciebat totum planum Lombardiæ, & specialiter Civitatis Papiensis etiam secreta rimabatur.* Et hanc fortassis etiam ob causam *Papienses* illam diruerunt, uti jam diximus. Sequitur *Flamma*: *Erat aliud magnum Campanile in Ecclesia Sancti Georgii IN PARAZO (sive IN PALATIO) ubi Cives, antequam fieret obsidio (loquitur autem de prima, qua Fredericus Mediolanum pressit) portaverunt Corpora trium Regum de Ecclesia Sancti Eustorgii, ubi steterant octingentis annis TUM QUIA VALEBANT CONTRA GRANDINES ET TEMPESTATES, TUM QUIA SUCCURREBANT MORBO CADUCO; IDEO CUM DILIGENTIA FUERUNT IN CAMPANILI SANCTI GEORGII ABSCONDITI, PAUCIS HOC SCIENTIBUS. Quod si non fuissent moti; non fuissent exportati. Quia Burgi semper obediebant Imperatori: nec quicquam mali delatum est Burgis; sicut patet DE BEATO AMBROSIO (attende interim hoc Lector: & hinc *Gualuanei* saltem opinionem observa) & aliis Ecclesiis, quæ erant extra Civitatem. Negari tamen etiam non potest, quin *Ambrosianæ* Basilicæ conditio admodum esset peculiaris. Etenim, si non intra muros Urbis, certe tamen intra fossatum, sive vallum, continebatur. Præterea vero etiam Basilica erat Imperialis: quam propterea Imperatores, ob Coronam saltem ibi solitam suscipi, singulariter tueri ac favore prosequi meritissime deberent. Sed fortasse ne illa quidem displicebit causa, quam *Donatus Bossius* assignat, cur ejusmodi Corpora *Mediolanenses* in Urbem contulerint. Hoc Anno (inquit, ac de Millesimo centesimo quinquagesimo octavo loquitur) *Mediolanenses* quoque, audientes *Fredericum* in Italiam reversurum: veriti, ne Corpora trium Magorum, quæ in Templo Sancti *Eustorgii* jacebant (UT ALIAS FUERAT COMMINATUS) asportaret; ea in Campanili, ut ita loquar, Sancti *Georgii*, quod id Templum intra mœnia esset, abdiderunt. Itaque postea etiam, in Annum sexagesimum quartum, de *Rodulfo* (sic enim eum ipse nominat) *Coloniensi* Archiepiscopo subdit: *Mediolanum accedens, Corpora trium Magorum, olim ex Perside Mediolanum translata, quæ diu in Campanili Sancti Georgii latuerant, Coloniam undecimo Julii transtulit.* Videamus nunc, quid item *Flamma* de hujusmodi translatione conscripserit. Capite nimirum postea 886. sic inquit: *Anno Millesimo centesimo sexagesimo quinto Imperator de Laude exiens pervenit ad quatuor Burgos Civitatis Mediolani: ubi, auditis quærimoniis suorum Vicariorum (sive de suis Vicariis, de quibus Mediolanenses eidem Imperatori supplices conquerebantur) compassus fuit eis. Unde præcepit, quod omnes captivi relaxarentur: & instituit suum Vicarium *Rodulfum* (melius a nobis & a plerisque aliis *Raynaldus* appellatur) Archie-**

Archiepiscopum Coloniensem. Hic Rodulfus totis viribus cepit perquirere Corpora trium Magorum. Quæ cum non invenirentur in Ecclesia Sancti Eustorgii, eo quod jam dudum fuissent absconsa sub terra sub Campanili Sancti Georgii IN PARAZO; revelante QUADAM VETULA reperta sunt, & in Coloniam asportata per Archiepiscopum Coloniensem. Qui cum recederet cum istis tribus Regibus; dimisit in Mediolano, loco sui, suum Vicarium Marchual de Cubab. Sic enim hunc cognominat Gualuanus. Qui quidem superiori jam Cap. 339. cum de Sancti Eustorgii Vita, deque Regibus istis Coloniam denique adsportatis ageret, CATULLAM nominaverat eam vetulam, qua prodente illi a Raynaldo comperti fuisse dicuntur.

CCCCCLIX. Venditatum tamen istud ac vulgo plausibile indicium aniculæ neutiquam probatur a disertissimo Mediolanensis Historiæ Scriptore, Josepho Ripamontio: a quo propterea in dubium vocatur cuiusdam fides Scripti, quod Bernardinus Corius, ad se missum ex Germania, in publicum edidit, quodque nos item postea ex ipso depromemus. Quis enim credat (instat urgetque Ripamontius, Partis Secundæ Historiarum Ecclesiæ Mediolanensis Libro Secundo) aut potuisse mulierculam scire, quod Populus ignoraret universus? aut; cum ea consensu paucorum occultarentur, tantam fuisse vecordiam, ut muliebri ingenio rem permitterent? Id, sicuti tunc in ipso discrimine videretur anceps & infidum; ita deinceps in temporum illorum Annalibus prudentia nostrorum hominum esse mendosum putavit. Quocirca prudentior hac in parte videri fortasse posset Joannes Geebrandus, Leydensis, Carmelita, in Chronico Hollandiæ Comitum, & Episcoporum Ultrajectensium &c. a Christo scilicet nato usque ad Annum Milleimum quadringentesimum septimum, quo ipse vivebat: qui quidem Chronologus passim vocitatur Joannes a Leydis. Hic enim Lib. 18. Cap. 4. tale Magorum indicium ac proditorem, non aniculæ adscribit, sed ditissimo Civi. Capta (inquit: nec te pigeat, Lector, lepidum istud figmentum & fabellam contueri) Civitate, quidam ditissimus Civis Reynaldum Archiepiscopum Coloniensem secreto convenit: ut vita sibi & res sue hoc pacto conservarentur, ut idem Civis eidem Episcopo tres Magos Sanctos Reges in manus suas resignaret: & quomodo adducerentur, nullo Civium vel extraneorum sciente, consilium daret. Promisit Episcopus, & suscepit Magos tres. Qui quia integri erant, nec facile abdi vel abscondi poterant; a Datore eorum hoc accepit consilium: ut, factis tribus feretris, simularet, tres amicissimos suos cognatos pestilentia mortuos: & se conjuratum ab eis, ut per seipsum adducerentur ad Patriam suam. Dispersa est igitur hæc fama de mortuis cognatis Episcopi in Populo. Qui, accepta Imperatoris licentia, & equis velocibus læticas trahentibus, & aromatibus mirrhæ & thuris aerem circum circa permulcentibus, Coloniam pervenit: & appropinquans Civitati, Clericis & Civibus, quid afferret, mandavit &c. His itaque completis, festinus Episcopus Mediolanum ad Imperatorem rediit. Hactenus Joannes a Leydis.

CCCCCLX. Quomocumque tamen narretur modus, quo sacra Magorum Corpora Reynaldo Archiepiscopo innotuerint: sic etiam num ab ipso per se, vel per alium: qua pariter ex Basilica, Eustorgiana ne, an Georgiana: tum etiam ex qua tandem Urbe, Papiæ ne, an Mediolano, translata Coloniam fuerint: de his quidem (in quibus variant Scriptores) nos parum, vel etiam nihil laboramus. Illa certe (quod satis superque nostram remoratur operam) nostrates quoque Scriptores communi consensu fatentur, quin etiam vacua ipforum apud nos Arca, communisque Mediolanensium dolor, attestantur, hinc re vera illuc translata fuisse. De illo igitur potius laborandum jam est; quod aliqui, non e Germanis tantum sed

etiam e nostratibus scripserint, ablata insuper hinc fuisse non modo Sanctorum Martyrum Naboris & Felicis Corpora Coloniam, sed etiam Protasii ac Gervasii Brisacum. Ac trium quidem solummodo Magorum mentionem fecerunt etiam Emandus Deinter in Chronico, Joannes Nauclerus Volumine secundo Chronographiæ, Generat. 39. & alii, quorum aliquot nos obiter infra nominabimus. Ceterum his alii adiecere præterea Sanctos Naborem ac Felicem; sicuti jam constat e Magno Chronico Belgico; cui nunc adnumeramus etiam Petrum Merseum Cratopolium in Catalogo Electorum Imperii Ecclesiasticorum, in Reynoldo Colonienfi Archiepiscopo Quadragésimo quarto; & e nostratibus ante alios omnes (quos quidem hactenus nos legerimus) Donatum Boffium Anno Millefimo centesimo sexagesimo quinto, ac Tristanum Chalcum, cujus verba jam supra recitavimus. Bernardinus enimvero Corius, his non contentus, hinc itidem translatos Brisacum credidit Protasium ac Gervasium Martyres, sub Ambrosiano Altari antehac conditos. De quibus Ludovicus etiam Vives, in Sancti Augustini Caput Octavum Libri vigésimi secundi De Civitate Dei, sic habet: Corpora eorum Mediolano translata sunt Brisacum Germaniæ a Friderico Primo. In eo autem Volumine Francofurti Anno Millefimo sexcentesimo septimo per Joannem Pistorium edito, & inscripto Rerum Germanicarum veteres jam primum publicati Scriptores sex, Quarta etiam extat ad Constantiense Chronicon Appendix, quæ Catalogus est Sanctorum indigenarum & advenarum Diocesis Vindonensis & Constantiensis. In hac igitur Appendice sic etiam legimus nostrates hujusmodi Sanctos, tamquam ex indigenis nostris factos illic advenas, in hæc verba ceteris ibi connumeratos: Sancti Gervasius & Protasius (quorum parentes Sanctus Vitalis & Sancta Valeria Martyres) in bello Friderici Primi Barbarossæ, post captum Mediolanum, ab Electore Colonienfi Reynoldo, beneficio Cæsaris exportati, & Brisacensibus post magnum miraculum in transitu concessi: ubi summo honore coluntur. Ut autem intelligeremus, quandonam contexta fuerit hæc Appendix; eadem in fine clauditur his verbis: Finis Libri. Quem Author Brigantiæ absolvit Anno Millefimo quingentesimo decimo nono, decima septima die Augusti. Quo circa non modo Ludovicus Vives, verum etiam hæc Appendix Coriano fuit posterior Chronico: quod utique jam primum in lucem prodierat Anno Domini Millefimo quingentesimo tertio. Ceterum in eandem sententiam nobis ad manus accidit Germanus alter Scriptor, Felix Fabri, seu Faber, ex Ordine Fratrum Prædicatorum, & ex Ulmensi Conventu. Hic, Antonio Possevin teste in Apparatu Sacro, vivebat Anno Domini Millefimo quadringentesimo octogésimo tertio, eidemque propterea Corio contemporaneus erat. De ipsius autem scriptis multaque iporum levitate non leve iudicium ille tulit, qui Suevicam ejus Historiam primitus imprimendam typis curavit in Volumine inscripto: Suevicarum Rerum Scriptores aliquot veteres &c. Quocirca legatur illic in fronte Præfatio ipsius. Quæ vero Fabri hujus verba sunt præsentis instituti, hæc in prædicta ejus Historia sic se habent Lib. 1. Cap. 12. Porro in destructione Civitatis Mediolanensis donavit Imperator Principibus & Episcopis Corpora Sanctorum, & Reliquias inventas per Ecclesias. Inter quos Reginaldus Archiepiscopus Colonienfis accepit CORPORA SANCTORUM TRIUM REGUM de loco, ubi nunc est Conventus noster (Eustorgianus utique, Domini canis jamdudum Fratribus attributus) eaque Coloniam transportavit, ubi hodie clarent. CORPORA AUTEM SANCTORUM GERVASII ET PROTASII ACCEPIT, ET IN CIVITATEM BRISACUM TRANSTULIT. Et sic de aliis. Hæc

ille. Talibus igitur testimoniis hunc in modum præmissis; nunc de Sanctis *Nabore* ac *Felice* agemus; deinde vero de Sanctis *Protasio* & *Gervasio*; denique vero rursus etiam inquiremus, an per hanc excidii *Mediolanensis* occasionem translata in *Germaniam* hinc fuerint alia Corpora Sanctorum.

CCCCXXI. Agite vero: proferamus in primis, quæ Religiosus *Auræ Vallis Ægidius* Cap. 47. de ipsis tam Regibus quam Martyribus scripsit *Coloniam* translatis: quos utique gratissimum nobis est debito coli honore, ubicumque terrarum illi sint. Postmodum (inquit) Anno Domini Millesimo centesimo sexagesimo quarto, cum *Fridericus Romanorum Imperator Mediolanenses* sibi rebelles subjugisset, & esset Civitas in ejus potestate; mortuo in partibus illis, ut supra diximus, *Henrico Leodiensium Episcopo*, cui Imperator TRIUM MAGORUM CORPORA contulerat (qua de re nos item supra disseruimus) *Raynaldus Colonienfis Archiepiscopus* sæpe dictos BEATOS REGES sibi dari petiit, & obtinuit. SUSTULIT ETIAM INDE DUOS PRETIOSISSIMOS MARTYRES FÆLICEM ET NABORIUM: qui in eadem Urbe *Mediolanensi* passi fuerant pro Christo. Vere tamen illi passi fuerant ad Urbem *Laudensem*: indeque postmodum *Sancta Savina* ipsos ad *Mediolanensem* advexit, ut bene docet etiam *Gaspar Trissinus* Cap. 4. præterquam quod Ecclesia quoque *Mediolanensis* in eorum Lectionibus matutinis idem attestatur. *Ægidius* porro sic pergit: Qui nimium exultans, TAM REGES QUAM MARTYRES per honestas personas *Coloniam* transmisit. Quibus appropinquantibus tota Civitas obviam ruit, tam Clerus quam Populus, uterque sexus, omnis ætas, cum hymnis & canticis. Et thesaurum sibi cœlitus missum in Ecclesia Sancti Petri deposuerunt. Instituit vero idem *Raynaldus* in *Diecepsi Colonienfi* agi Festum Translationis eorumdem, legans ad hoc decem marchas singulis annis. Temporibus deinde Domini *Philippi Archiepiscopi*, qui successit *Raynaldo*, fabricata est capsula miræ pulchritudinis ex auro & gemmis pretiosis: in qua reposita sunt Corpora eorum: inferius quidem REGUM, SUPERIUS SUPRADICTIONUM MARTYRUM. Porro cum Corpora eorum levarentur de locellis tanta suis, fuit fragrantia, ut omnes, qui aderant, ejus suavitate reficerentur. Singula Corpora singulos dederunt odores, differebatque odor ab odore; ut merito dicere possent illud apostolicum, CHRISTI BONUS ODOR SUMUS IN OMNI LOCO. Adhuc eorum, ut fertur, integra perdurant Corpora, pellibus suis & nervis coherentia: eisdem vestibus involuti, in quibus cum mirra & aromatibus fuerant sepulti. Hactenus *Ægidius*. Quoniam vero *Philippi* ejus Archiepiscopi mentio nobis hic incidit; iccirco ne illa quidem displicent, quæ *Petrus Merseus Cratopolis* in eodem *Philippo*, immediato *Raynaldi* successore, sic enarrat: Jam recenter TRIUM MAGORUM CORPORA *Coloniam* translata fuerant: & multi erant Principes, qui illi hanc gloriam inuidebant, & ei insidiari non desistebant. Quare necesse erat Civitatem munire, & adversus hostes defendere. Quare hic Clarissimus Princeps eam ampliavit, confirmavitque muro validissimo, Turribus multis per circuitum cinxit, includens multa Monasteria & Collegia mœnibus, Anno Domini Millesimo centesimo nonagesimo secundo. Talia *Cratopolis*. Atqui Sanctos ejusmodi Martyres Populus *Mediolanensis* in hanc usque diem, tamquam in *Basilica Franciscana* etiamnum extantes, veneratur; sicut indicabamus Num. 422. In cujus rei confirmationem recitare hoc præstat loco, quæ *Carolus a Basilica Petri* narrando disseruit in *Historia Mediolanensi*, sive in Sancto Materno, *Mediolani Archiepiscopo* Septimo. Descripto enim Sanctorum *Naboris* ac *Felices* martyrio apud *Laudem Pompejam* consummato, ita prosequitur: Eorum deinde sancta Cor-

A pora a pia sanctaque Matrona *Savina Mediolanum* paulo post asportata traduntur. Eos certe tempore Sancti *Ambrosii* intra cancellos quosdam summa celebritate cultos fuisse, *Ambrosius* ipse in *Epistolis* (vide supra Num. 2. & *Paulinus* in ejus *Vita* commemorat, in *Basilica*, quæ nunc *Franciscana*, prius autem horum Martyrum nomine appellata est: IN QUA HODIE QUOQUE ASSERVANTUR. Sed non est silentio prætereundum, quod ea nobis ablata, ut de Sancto *Gervasio* & *Protasio* dictum est (in Sancto *Cajo*, *Archiepiscopo* Tertio: quem locum nos intra exscribemus) Corius noster testificatur. QUAE IN RE, UT IN ALIIS QUIBUSDAM, NON SATIS CONSIDERATE ILLUM SCRIPSISSE, FATERI NECESSE EST. In *Additamentis* quoque *Martyrologii Usuardi* de eorumdem translatione una cum *Magis* facta mentio est. Sed apud illum *Bisfaci*, in his vero *Coloniae* posita dicuntur; ut vel ex hac varietate appareat, quæ fides illis habenda sit. Præterquam quod de his quoque inquisivi, cum de Sanctis *Gervasio* & *Protasio Bisfaci* inquisivisse me superius commemoravi. Sed neque *Crantzius*, cum de *Magis* ablatis loquitur, hos nominat, neque horum Festum in *Germania* celebrari aliquis dicit. Verum, quod caput est (& hoc nobis item sit caput) cum ejus *Basilicæ Reliquias* Anno Millesimo quingentesimo septuagesimo primo, quarto decimo Septembris, *Carolus Archiepiscopus* (Sanctorum postea *Catalogo* adscriptus) reconderet; horum quoque Martyrum Corpora recognovit, & transtulit a loco, ubi prius erat Altare *Majus* (antequam ii Fratres Chorum a gremio *Basilicæ* in posteriorem partem reducerent) ad novum Altare *Majus*, quod tunc constitutum est. Invenit autem ea in arca silicea in terram defossa, operimento laminis ferreis arcæ adstricto: & in ea præter Corpora invenit vasa quædam vitrea, quæ visa sunt liquorem quendam tunc exsiccatum continuisse. Inventi etiam sunt baculi & fragmenta chartæ viridis, foliorum palmarum speciem exhibentis: ex quibus quidem baculis & charta Martyrum palmas Veteres illos effingere voluisse dubium non est. Et hæc quidem *Carolus a Basilica Petri* suo tempore gesta, & publicis consentanea Documentis, quæ tunc confici prudentissimus *Archiepiscopus* jussit: quorum mentionem facit etiam *Gaspar Trissinus* Cap. undecimo. Qui quidem *Trissinus* verissime ibidem talibus *Caroli* verbis, a semetipso pariter e *Vita Sancti Materni* recitatis, hæc subdit: At vero Martyrum Capita seorsim posita baud voluit in novum, quem sub *Ara Maxima Sanctus Antistes Carolus* tumulum paraverat, inferri; sed thecis oclusa argenteis (hoc est, duobus argenteis capitibus, & antiquitatis quidem multum spirantibus) in *Lavario* asservari. Ea-que statim tantum diebus in Templo publicitus exponi videmus. Fallitur ibidem in eo tamen *Trissinus*, quod *Genebrardus* in primis pro *Sigeberto* allegat, tum etiam quod *Sigeberti* sententiam minus fideliter recenset. Non enim *Sigebertus* in *Chronico* asserit: Sanctorum *Naboris* & *Felices* Corpora fuisse in *Galliam* translata; sicut illi sub falso *Genebrardi* nomine *Trissinus* adscribit in Annum Christi Septingentesimum sexagesimum quartum. Hæc tantum ipse illic habet: *Chrodegangus Episcopus* Corpora Martyrum *Gorgonii*, NABORIS, ET NAZARII (hoc est, eorum Corporum partem, sicut ad eundem Annum *Baronius* bene interpretatur, & ex ipso etiam *Trissinus*) ROMA IN GALLIAS transtulit. Sed lapsu etiam graviore *Philippus Ferrarius* in *Catalogo Sanctorum Italiae* decerravit. Etenim sub die duodecima Julii, descripta Sanctorum *Naboris* & *Felices* Martyrum Vita, mox in Annotatione sic subdit: Horum Corpora *Coloniam Agrippinam* una cum Corporibus trium Magorum translata fuisse circa Annum Salutis Sep-

tingentesimum sexagesimum quartum, Sigebertus in Chronico ad eum Annum auctor est, & Surius loco memorato, nimirum Tomo Quarto. Verum enimvero illa ne Anno quidem Duodecimi hujus Sæculi sexagesimo quarto translata Coloniam fuisse: probeamus id sane denuo quibusdam Versibus, quos in eadem Franciscana Basilica nobis offert marmorea Tabula, sub Organo parieti confita. In qua quidem illi jussu Fratris Gabrielis de Barlassina insculpti fuerunt ex altera longe vetustiori: quæ in claustralibus ejusdem Basilicæ foribus collocata quondam fuerat: nec multo post, quam Franciscani Fratres, hic habitare inceperant. Etenim nudis etiam pedibus juxta primoris disciplinæ rigorem incedebant, ac NUDIPEDES propterea tunc vocabantur ii, qui nunc CONVENTUALES appellantur. Hic autem habitare inceperunt Anno Domini Millesimo ducentesimo trigesimo tertio; sicut etiam Trislanus Chalcus in eum Annum affirmat. Per ejusmodi vero Versus simul etiam ostendemus, quemadmodum unaquaque FERIA secunda conveniret huc ad Concionem Populus frequens, posteaquam pias in Æde Ambrosiana preces fudisset; sicuti nos Num. 450. meminimus. Tabula porro illa hunc prorsus in modum se habet; excepto quod orthographiæ præcepta nos paulo accuratius servavimus:

*Verjus, vetustissimis litteris exarati præ foribus
Claustralibus Ecclesiæ Fratrum Minorum
de Mediolano.*

*Alma nitet, renovata piis Cultoribus, Aula.
Tempore quam modico Fratres statuere Minores.
Hortus erat quondam locus iste Domusque Philippi,
Corpora martyrium pro Christo passa recondens:
Hortus fecundus dictis (an dictæ) Domus unde repletur
Fructibus immensis totus generaliter Orbis.
Barnabam huc perhibent translatum scripta vetusta,
Fama refert, usque cineres, & plumbea tumba.
HIC NABOR, HIC FÆLIX, hic Fortunatus
habetur.*

*Et cum Materno Gayus, dictusque Philippus,
Necnon Savinæ Sanctæ venerabile Corpus.
AMBROSIO PAULUS COELOS HINC MEN-
TE PETENTE
PROTASII CUM GERVASIO PANDEN-
DO REVELAT.*

*Sanguine Sanctorum totus locus iste sacratus,
Multipotens factus delere piacula Plebis:
Atque unum ex Pueris Sanctis, quos dira necavit
Ambitio Herodis pro Christo, continet hujus
Sacristia Aedis, quo tota hæc Patria gaudet.
Quam bene NUDIPEDES loca hæc sanctissima servant.
Cernere cum Moyse Josueque Hierarchica digni.
PERPETUO RITU, FERIA REDEUNTE
SECUNDA,
PLEBS PRIUS AMBROSI MERITUM TEM-
PLUMQUE REQUIRENS
HUC VENIT: ET DOMINI VERBIS IM-
PLETA RECEDENS,
LÆTA DEUM LAUDAT, TANTIS DOTA-
TA PATRONIS.*

*Frater Gabriel de Barlassina,
Provincialis Terræ Sanctæ Minister, fieri fecit
Millesimo quadringentesimo sexagesimo quarto.*

Ceterum apud me Calendarium etiam extat Ambrosianum, in pergamena charta manuscriptum Anno Domini Millesimo trecentesimo octuagesimo primo: in quo passim Ecclesiæ nominantur, in quibus festa Sanctorum celebrarentur, vel etiam ipsorum Corpora tumulata conquiescerent. In eo autem sub duodecimo Julii die sic legitur: SANCTORUM MARTYRUM NABORIS ET FÆLII-
CIS, JACENT AD SANCTUM FRANCISCUM. Similiter vero etiam sub undevigesima die Junii opportune ad ea, quæ proxime differemus,

A sic habetur: TRANSLATIO SANCTORUM MARTYRUM PROTASII ET GERVASII JACENT AD SANCTUM AMBROSIIUM.

CCCCXLII. Sequitur enim nunc, ut de Corporibus Sanctorum Protasii & Gervasii differamus. Hæc igitur in Germaniam fuisse translata, primus e nostratibus Scriptoribus credidit Bernardinus Corius. Quo motus argumento, liquidissime constat e prima ejus Chronici editione. In hac enim verbatim recensuit Scriptum illud, quod ea de re transmissum sibi fuerat e Germania: quodque non immerito quiritari nos possumus omissum in posteriori ac Veneta editione, quam Thomas Poraccius, e Lombardico illo rudique temporis illius Idiomate reformatam in sui temporis Italicum, Anno Millesimo quingentesimo sexagesimo quinto evulgavit. Quoniam vero Fato nos factum dicemus, ut non modo apud Chalcum, sicuti Num. 432. tandem observabamus, sed apud Corium quoque, quinetiam sub ipsius oculis, dum typographicam suæ Historiæ texturam corrigeret, error gravissimus irrepperit in ejusdem Scripti principium? An forte, ut illud vel inde commentitium & erroneum esse totum primo statim aspectu judicaremus, vel ad minus suspicaremur? Apud Trislanum quidem sic illud incipiebat: Fredericus Romanorum Imperator Primus, filius Hermanii generosi Ducis Sueviæ, ANNO DOMINICÆ INCARNATIONIS MILLESIMO QUINGENTESIMO: & hic manifestissimus erat error chronologicus. Apud Corium vero sic: Fredericus Romanorum Imperator Primus, filius Hermanii generosi Ducis Sueviæ, ANNO DOMINICÆ INCARNATIONIS MILLESIMO CENTESIMO QUINQUAGESIMO. Quem quidem nos Annum statim ac vidimus adnotatum; certe quidem gestientes ac pene triumphantes mirari etiam cœpimus, quomodo Corius vel ex eo saltem Anno convictum erroris mordicus non tenuerit illud idem Scriptum. Fridericum enim constat non quinquagesimo illo, sed quinquagesimo secundo Anno a Germanis fuisse Proceribus electum Germaniæ ac Romanorum Regem: sic etiam eundem postea coronatum fuisse, Mediolani quidem Anno quinquagesimo quarto, quinquagesimi autem quinti mense Junio in Urbe Roma: quibus de rebus nos jam egimus Num. 406. 410. & 412. Cum igitur nos ei Scripto talia quoque meditaremur opponere; forte fortuna cupido repente nos item incessit inspicendi, num forte Corius jam tandem impressam Historiam suam relegens (semet autem profitetur diligenter universam relegisse) inter graviora errata, quæ solita typographorum negligentia & incuria in eam irrepperissent, taliquid in eodem Scripto emendandum esse deprehendisset, Lectorique indicasset. Ecce autem indicabat, eo loci pro Anno quinquagesimo legendum esse quinquagesimo secundo. Quocirca nos etiam illud pro solita nostra ingenuitate ac solius veritatis studio ecce tandem ita emendatum recitamus: & una quidem cum verbis, quæ Corius ipse sua præmisit. Sic enim habet: Finalmente l'insensissimo Imperatore nel solenne giorno de l'Oliiva, non imitando il nostro Salvatore (che in Jerosolima, cantandosi Beneditto sei quale veni nel nome dil Signore, gloriosamente fu riceunto) si parti da la destrutta Sita con infinite execrationi: e ritorno a Pavia, SECO TRANSFERENDO LI GLORIOSI CORPI DE LI TRI MAGI: li quali Sancto Eustorgio, milite e Vicario de Constantio Imperatore, circa al fine dil suo Episcopato seco condurre a Milano; ma a lui dal memorato Cesare furono concessi in dono l'Anno de Christo undecimo sopra trecento. Questi li Milanesi per paura di lo acerrimo Imperatore havevano nascosti nel Campanile dil Templo dedicato a Sancto Giorgio, nuncupato IN PALAZO. DRETO ANCORA SI FECE POR-

TARE LI CORPI DE SANCTO GERVASIO E PROTASIO, NABORE ET FELICE: ET INDE QUEGLI TRANSFERI IN ALAMANIA. *Per justificatione dil che poneremo IL TESTO D'UNA SCRIPTURA AUTENTICA, a me transferita da Alamania: la quale dice in questo modo: Fredericus Romanorum Imperator, Primus, FILIUS HERMANII GENEROSI DUCIS SUEVIÆ, Anno Dominicæ Incarnationis Millesimo centesimo (ecce enim, sicut præmonuimus, emendatum nunc recitamus) quinquagesimo secundo, IMPERAVIT TRIGINTA SEX ANNOS. Anno IMPERII SUI decimo destruxit Mediolanum. In qua destructione SOROR UNIUS VICECOMITIS, qui erat in potestate Frederici, propter liberationem Fratris iuit ad Reverendum Patrem, NOMINE RODULFUM, & Dominum Archiepiscopum Coloniensem: ET OSTENDIT CORPORA TRIUM MAGORUM, videlicet Gaspar Melchior & Baldesar: CORPORA SANCTORUM GERVASII ET PROTASII: ET CORPORA SANCTORUM NABORIS ET FÆLICIS. Unde PRÆDICTUS RODULFUS CORPORA SANCTORUM GERVASII ET PROTASII IN OPPIDO BRISACH juxta Renum, in Ecclesia Sancti Stephani Protomartyris, in Choro ejusdem Ecclesiæ, in sublimi loco, latere sinistro, ferro circumdato & firmissimis clausuris COLLOCAVIT, cum duabus lampadibus, die nocteque lucentibus. Requiescunt gloriosi: in quibus Sanctis Dominus quotidie operatur miracula. Hactenus ergo Scriptum, tanti a Corio æstimatum; quippe pro authentico ac per omnia verissimo habitum. Longe tamen aliter alii de ipso postea senserunt, ac nominatim Carolus a Basilica Petri: cujus sensum paulo ante innuebamus, cum de Sanctis Nabore ac Felice ageretur. Ipse siquidem in Sancto Cajo, Mediolani Archiepiscopo Tertio, postquam de Sanctorum Protasii & Gervasii translatione, per Sanctum Ambrosium ad hanc suam Basilicam peracta, egisset; illico in hæc verba concludit: Condidit igitur Sanctus Vir (Ambrosius) sancta Corpora sub Altari Basilicæ Ambrosianæ: UBI: ADHUC, DEO GRATIA, ILLA ESSE NON DUBITAMUS; LICET VIVES in Librum 22. Cap. 8. De Civitate Dei (quo loco item illud cæci miraculum Augustinus narrat) EA SCRIBAT FRIDERICI JUSSU BRISACUM GERMANIÆ TRANSLATA; quod ex Corio nostro, opinor, sumpsit. SED ADHUC SUB ALTARI AMBROSIANÆ ECCLESIAE ILLA VENERAMUR; licet memoria eorum, qui vivunt, non aperta: ET UNA CUM EIS EODEM LOCO SANCTISSIMI MAGNIQUE NOSTRI PATRIS AMBROSII CORPUS; quod, si Martyres asportati essent, certe non retineremus. Neque, qui de Magis eventis scribunt, Auctores graves & Germani, de his Martyribus aliquid dicunt: dicturi certe, si ita res se habuisset. Crantzius certe, & Tritheimus in Historia Hirsaugiensi, ubi de multis translationibus ex Italia, præsertim Magorum, nihil dicunt. Quin & ipse cum tribus ab hinc annis ea de re primarium ejus Regionis Virum per amicum percunctatus essem; ignota penitus audire visus est. Talia ergo Carolus a Basilica Petri: quibus (ut breviter ac libere dicamus) Scriptum illud a Corio recitatum expresse pernegat authenticum esse: nec ullam ipsi fidem adhibendam censet.*

CCCCXLIII. Idipsum profecto nos itidem sentimus: nec iis tantum permoti argumentis, quæ ille proferebat; sed aliis præterea multis, quæ nos deinceps prosequemur. Quomodo autem in primis authenticum vere meritoque vocari possit Scriptum illud, de cujus Auctore atque adeo autoritate (unde scilicet authentici nomenclatura processit) non constat? Numquid vero saltem constat de tempore, quo fuerit exaratum? Minime gentium. Solummodo enim

A dignoscitur exaratum postquam *Fridericus* continuato per triginta sex annos Imperio vitæque functus esset; non autem quoto præcise tempore postea fuerit exaratum. Quocirca illud iisdem prorsus verbis a tenebrione pariter aliquo sub illud concipi tempus potuisset, quo ad *Corium* e *Germania* transmissum fuit. Sane vero nos, proxima *Corii* verba prælegentes, inspecta Scripti authentici mentione per ipsum facta, statim aliquod expectabamus Scriptum, quod auctoritate publica, nec sine testibus tanto congruis Monumento, posteritati ad perpetuam memoriam relinquendo, confectum fuisset eodem ipso Anno quo Corpora ipsa *Mediolano* dicuntur in *Germaniam*, & nominatim *Brisachum*, adsporta. Sed ne in computandis quidem *Friderici* annis servatam videmus hic formulam, Scriptis ceteroqui authenticis usitatam: scilicet, ut Regni ejus anni seorsim ab Imperii annis numerarentur: illique a *Germanica*, isti vero a *Romano* per Pontificem Coronatione deducerentur. Exemplo nobis interea sit ejusdem *Friderici* Privilegium, *Henrico* jam sæpius nominato *Leodienfi* Episcopo concessum, & a *Chapeovillo* recitatum in Annotationibus ad Caput 41. *Ægidii*. Actum (sic enim denique legitur) Anno Dominicæ Incarnationis Millesimo centesimo quinquagesimo quinto, Indictione tertia, regnante Domino *Frederico Romanorum Imperatore glorioso*, anno Regni sui quarto, Imperii primo. Data apud Civitatem *Tridentinam* septimo Idus Septembris. Sequitur subinde sigillum ejusdem Imperatoris, ac denique isthæc etiam subscriptio: Ego *Arnoldus* (idem est, ac *Raynaldus*, vel *Reynoldus*) *Coloniensis Archiepiscopus*, & *Italici Regni Archicancellarius*, recognovi. Quam quidem annorum distinctionem videre postea sic etiam licet in altero ejusdem Imperatoris Privilegio, in Annotationibus ad Caput. 48. producto. Datum vero postea id fuit Anno Dominicæ Incarnationis Millesimo centesimo septuagesimo primo. Quocirca secundum authenticam ejusmodi formulam *Fridericus* male ac perperam in eo Scripto dicebatur jam esse Imperator Anno illo Dominicæ Incarnationis Millesimo centesimo quinquagesimo secundo: male ac perperam dicebatur anno Imperii sui decimo destruxisse *Mediolanum*, ac triginta sex annos imperasse.

CCCCXLIV. Quomodo vero etiam hic Imperator *HERMANII FILIUS* appellabatur? Nonne communi Scriptorum consensu testatum est, ipsius pariter Patrem nomine *Fridericum* fuisse? Super hoc vel unus instar omnium consulatur *Otto Frisingensis* Episcopus, ejusdem *Friderici* patruus, in *Chronici* Libro 7. Cap. 17. quod a nobis etiam Num. 340. recitabatur, & Cap. ultimo: præterea vero etiam pluries Libro 1. De ipsius Gestis, & expeditius Libro 2. Cap. 1. An enim dubium esse cuiquam poterit, quin tantus hic *Friderici* Patruus optime noverit, suisque Monumentis fidelissime consignarit, quinam esset tanti Nepotis sui Pater? Sed ecce nobis ex adverso forte opponitur *Dominicanus* ille *Felix*, cognomento *Faber*, cujus paulo ante fecimus mentionem. Historiæ siquidem *Suevorum* Libro 1. Cap. 11. narrata Imperatoris *Lotharii* morte, sic ille historiam prosequitur: Mox congregatis Principibus Electoribus, ad *Suevorum* Duces animos inclinaverunt: & præfatum *Conradum*, FILIUM *HERMANNI DUCIS SUEVORUM*, FRATREM *FRIDERICI PRIMI* & nepotem *Heinrici Quinti*, elegerunt in *Romanorum Imperatorem* Anno Domini Millesimo centesimo trigésimo octavo. Et regnavit quindecim annis, &c. Ecquid vero vobis, *Brisacenses*, ad hæc verba videtur? Respiratis, opinor: immo vero spiritus etiam fortasse ingentes contra nos ex una parte colligitis; ex altera vero gratias refertis, quod hunc vobis patronum ac defensorem in tanto discrimine asciverimus. An vero

tam infelicitur vos hanc vestri causam defenderis, ut *Ottobonem Felicem* istum, tot annis posteriorem, auctoritate fide prudentia tanto inferiorem, mulcam scilicet Elephanti, pygmaeum Giganti, opponere audeatis? Vos utique protinus quilibet virsanæ mentis ac vel mediocriter prudens irridebit: vos sanis protinus & cachinnis ex hominum litteratorum cætu explodendos exterminandos pronunciabit. Audere vos tamen, ut lubet: ac si pro parte vestra *Felix* pugnat; vos una cum ipso contra quemlibet vestri adversarium viriliter pugnat. Per nos quidem vobis hoc liceat. Illud etiam, si vobis placet, nos facile credemus: vel ex ipsius, vel e simili saltem alterius cujuscumque Scriptoris testimonio, desumpta fuisse talia Scripti verba, quibus *Aenobarbus* enunciabatur **FILIUS HERMANII** (quod idem est ac **HERMANNI**) **GENEROSI DUCIS SUEVIÆ**. Verumtamen hoc nobis interim vos amice commonendi estis: Cavete vobis diligenter, ne contra vos potius *Felix* ille *Faber* pugnet, vos oppugnet, vos expugnet. At certe quidem ita prorsus se res habet. Ibi siquidem ille loquitur de *Friderico* nominis hujus Primo, non Imperatore, sed *Sueviæ* tantum Duce, qui quidem Imperatoris *Friderici* Primi pater extiterit. Quocirca, ne vos tergiversari, ne talem ipsius sensum dissimulare possitis; ecce vobis, quid ille postea Cap. 12. eloquatur. Describens enim *Aenobarbi* promotionem ad Imperium, sic inquit: *Post Conradum* (quem utique superioribus illis e Cap. 11. verbis dixerat *Friderici* Primi fratrem) *sublimatus est ad Imperium Fridericus Primus hujus nominis, Dux Suevorum*, **PRÆFATI CONRADI** (quid clarius?) **EX FRATRE NEPOS**. *Hic vocatus est Barbarus-sa*. Sed ne frustra vobis hoc saltem blandiamini, quod *Aenobarbi*, si non Patri, certe tamen Avo nomen fuit **HERMANII**, seu **HERMANNI**; ecce nos insuper hoc addimus, ac præfracte tuemur, in eo videlicet *Fabrum* errasse, quod asserbat, *Hermannum* nomine fuisse Patrem *Conradi* ejus Imperatoris & *Friderici* ejus *Suevorum* Ducis. Etenim ex eodem *Ottbone Frisingensi* Episcopo (cujus absque dubio auctoritate *Felix* ille, si reniti voluerit, frangatur & obteratur necesse est) identidem Libro Primo de Gestis ejusdem Imperatoris *Friderici* constat, non *Hermani*, sed *Friderici* pariter nomen eorum Patri fuisse: quin etiam hunc ipsum fuisse nominis hujus Primum, qui *Sueviæ* Ducatum obtinuerit. Quocirca nos etiam hinc alterum quoque *Fabri* refellimus errorem: cum *Fridericum* illum Imperatoris *Conradi* fratrem appellaret Primum, eo scilicet sensu, quem nos explicabamus (nec aliter profecto poterat explicari, nisi contradicere præterea sibi turpissime vellet) hoc est *Suevorum* Ducem. Non enim vere Primus hic fuit hujus nominis Dux, sed Secundus; sicuti tam inclytus ille, tamque conscius ejusmodi veritatis, *Otto* Chronologus enarrat. Ex his autem illud etiam denique consequitur, ut ne ab iis quidem Scriptoribus *Aenobarbus* appellari pro rei veritate possit **HERMANII** (vel **HERMANNI**) **SUEVIÆ DUCIS FILIUS**, qui eundem censuerant Imperatoris *Conradi*, non nepotem (sicuti re quidem vera ex fratre fuit) sed fratrem. Qua quidem in re nonnulli procul a vero aberrarunt: ac nominatim e nostratibus *Bernardinus* ipse *Corius*, præterea vero etiam *Chalcus*, Num. jam 406. obiter a nobis notatus. Sic igitur tam certi erroris convicto ejusmodi Scripto, nonnulla etiam ejus reliqua deinceps discutiamus.

CCCCCLXV. Quisnam (precamur) fuit etiam Reverendus ille Pater, nomine **RODULFUS**, qui Corpora nostratum ejusmodi Martyrum in Oppido *Brisach* collocavit? Nusquam profecto ipsius mentio nobis adhuc inter *Aenobarbi* affeclas occurrit apud probatos ejus ævi Scriptores. sed ipsemet etiam

A Scripti contextus sicuti nobis videtur in affirmativam & negativam partes facile versatilis; sic etiam nos ambigere cogit, num ex germana ipsius sententia unus idemque Vir ille fuerit cum Domino illo *Coloniensi* Archiepiscopo, cujus mentio subtextitur; an potius ab eo fuerit diversus. Unus idemque cum eo fuisse sane quidem doctissimo vitus est *Kipamontio*, qui tamen a *Rodulfi* nomine prudenter abstinuit, in Parte videlicet Altera Historiarum Ecclesiæ *Mediolanensis*, Libro Secundo: idemque sic etiam constantissime responderent *Gualuaneus Flamma* & *Dominatus Bossius*, a nobis Num. 458. jam producti, atque *Coloniensi* tunc temporis Archiepiscopo nomen expresse *Rodulfi* adscribentes. Atqui, dum textus ipse ambiguus est, diversum potius illum fuisse, nobis argumento sunt *Coloniensis* Ecclesiæ Monumenta: quæ suo per id tempus Archiepiscopo non alterum fuisse nomen significant, quam *Raynaldi*, *Reynaldi*, ac *Arnoldi*: quæ tandem in unicum recidunt Præfulis nomen, a *Rodulfi* penitus nomine diversum. Quod si diversus ille fuit, ecce quemadmodum ejusmodi Scriptum ab ea discrepet ad *Constantiense* Chronicon Appendice, in qua paulo ante legebamus, horum Martyrum Corpora *Mediolano* fuisse ab Electore *Coloniensi Reynoldo* exportata, & *Brisacensibus* concessa; & quidem propter inclytum aliquod miraculum, ab ipsis, dum illac transeherentur, perpetratum; scilicet ut inde intelligamus, Exportatori consilium ac voluntatem ceteroqui fuisse, non ut ea illic dimitteret, sed ut ad ulteriorem locum, nempe *Coloniam*, adportaret. Ecce pariter, quemadmodum a *Felicis Fabri* discrepat Historia. Per hæc profecto Scriptum illud & Appendix *Fabrique* Historia fidem sibi quoque vicissim apud nos derogant. De *Ludovico* autem *Vive* par item nobis iudicium; quando etiam ipse scribit, non a *Raynaldo*, non a *Rodulfo*, sed a *Friderico* ipso Corpora ejusmodi Martyrum fuisse *Brisacum Germaniæ* translata. Ex iis pariter, quæ modo dicta sunt, hoc saltem ad extremum nos colligimus: ejusmodi Scriptum neutiquam fuisse temporibus Imperio *Aenobarbi* propinquis, vel ab homine aliquo bene in *Germanica*, vel *Coloniensium* saltem Præfulum Historia versato, concinnatum.

CCCCCLXVI. De illa vero *Vicecomitis* Sorore quid nos tandem arbitrabimur? Liberaliter agamus. Noverit etiam illa sane, ubinam Corpora trium Regum fuissent ad *Georgianam* Basilicam collocata: maxime vero cum *Mediolanenses* illa ibi collocasse (si tamen collocarunt) nobis videantur, non tam ut occultarent, Populique universi notitiæ subducerent, quam ut intra muros, tutiori, quam extra, in loco custodirent; sicut etiam *Bossius* Num. 458. indicabat. Sed esto: ita etiam illic occultarint: sed nihilominus illa (utpote primaria foemina) hoc scierit, eademque Regum Corpora cupidine Fratris in libertatem vindicandi ostenderit ei *Rodulfo* atque *Coloniensi* Archiepiscopo. Nos igitur isthæc omnia ultro concedamus. Numquid vero fortasse illuc etiam reliquorum ejusmodi Martyrum Corpora fuerant suis e locis comportata? Ecquis unquam hoc asseruit? Suis igitur ac primoribus in locis etiam tum illa perseverabant. Quomodo igitur *Raynaldo* saltem opus erat, ut ab ea Muliere sibi locus indicaretur, quo tunc *Protasii* nominatim ac *Gervasii* Corpora continebantur? Necdum scilicet ille aureum Basilicæ *Ambrosianæ* Altare viderat unquam: nec unquam vel curiose requisierat, vel etiam irrequiens forte ab aliis audierat, quænam Sanctorum Corpora sub eo Altari delitescerent. Atqui Canonicis ablatis Altaris claves Monachis ille jam tradiderat; ut supra jam diximus Num. 449. Præterea vero etiam ipse *Mediolanum* (sicut aperte colligitur e *Morenæ* contextu) venerat una cum Imperatore, quando venit ad

ad illud excidio tradendum. Quocirca tunc ipse pariter ad Basilicam venisse, ac præ ceteris etiam ipsius ornamentis, tunc præsertim expositis, aureum vidisse Altare (congruenter ad ea nimirum quæ Num. 440. dicebamus) atque hic etiam domicilium habuisse credendus videtur. Quo credito, quidni etiam credamus, cum tunc saltem scivisse, quale foret hoc Altare, quem ad finem tanta impensa constructum esset, ac quorum Corpora Sanctorum sub ipso condita extarent? Sed illud etiam huc accedit, quod idem Altare jam fuerat in aperto tunc expositum, quando *Fridericus* Anno Millesimo centesimo quinquagesimo quarto Regiam de more Coronam hic e manu Archiepiscopi suscepit. Quis enim de hoc dubitet in tantæ celebritatis apparatu? tametsi nusquam hoc expresse testatum inveniamus. Octavus quidem Testis, *Zan* (sive *Joannes*) *Chartabia*, per Monachos in Processu jam sæpius memorato productus, de Sancta *Ambrosiana* *Enobarbi* Coronatione verbatim hæc solum testabatur: **QUOD TEMPORE, QUO IMPERATOR FREDERICUS FUIT CORONATUS, erat servitor Magistri Petri, qui modo est Præpositus, & qui tunc erat Cimiliarcha: & tempore illo fuit revestita Ecclesia, & ipsemet adjuvit eam ad revestendum Palliis & Cortinis.** De Altari autem aureo tunc item adaptato, & palam in conspectum exposito, tametsi expresse non meminit; meminerat ille tamen paulo ante, tunc temporis adaptatum postea fuisse, cum Processio quædam (de qua nos item suo tempore agemus) hic fieret in honorem *Friderici*, ejusque filii *Henrici*. Sed tertius quoque ante ipsum Testis, *Domnus Petrus Sapa*, Monachus & Diaconus istius Monasterii, hoc idem die illa factum affirmabat, qua nuptiæ Regis ejusdem ac filii *Henrici* celebratæ hic fuerunt. Quocirca dubium certe nullum esse debet, quin eo similiter adaptatum fuerit die, quo *Fridericus* Regiam hic Coronam suscepit. Quod si tunc *Raynaldus* forte non aderat; certe tamen *Italici* Regni Archicancellarius jam erat Anno supra Millesimum centesimum quinquagesimo quinto, sicut hoc ipso Numero videbamus; certe tamen ad minus in *Lombardiam* venerat Anno postea sexagesimo primo; & hoc jam constat Num. 427. Quidni ergo saltem potuerat hoc e tam multis aliis *Friderici* asseclis tunc præsentibus quamoptime intellexisse, priusquam veniretur ad Urbis hujus non modo excidium, sed etiam deditionem denique factam? Quod igitur saltem attinet ad Sanctorum *Protasii* ac *Gervasii* Corpora: sicuti *Raynaldus* eo Mulieris indicio nullatenus indigebat; sic etiam ne illo quidem inductus videri nobis ad hoc potest, ut illa suo e loco sibi arriperet, in *Germaniam* transferenda. Ex hac igitur saltem parte tam fictitium, quam superfium, illud est; totaque proinde vacillat, immo vero ruina continenti corrui totius & indicii & Scripti ejusdem autoritas.

CCCCLXVII. Et hæcenus quidem nostrum Scripti ejus, tam cæca præcipitique fide a *Corio* recepti, a nobis autem per tam multas sui partes tentati ac rejecti, examen & censura. Nunc obstructus ostendatur a nobis cuniculus ille, quem olim adstructum indicabamus, & ita pervium, ut illac introiri posset in tumulum Altari subjectum Maximo; ibidemque, sicut *Ambrosii*, sic etiam *Protasii* ac *Gervasii* sacra Corpora, residueque illarum celestium Animarum exuviæ conspici possent. Circiter Annum ergo *Christo* Millesimum centesimum trigessimum Sanctus ille Cardinalis *Bernardus* Episcopus *Parmensis*, cum bona *Mediolanensis* Archiepiscopi venia illuc ingressus, Sancti nominatim *Ambrosii* Corpus conspexit non sine insigni eo miraculo, quod nos Num. 58. & 352. recensuimus. Lectorem obnixè nunc etiam rogamus, ut eisdem comprehensa Numeris dignetur in præsentem rursum recolere. Ibi-

A dem porro nos fidenter conjectabamus, cuniculum postea illum tanti occasione miraculi, tamquam e coelesti denunciatione præceptoque, oclclusum ita fuisse muro, ut nulli postea mortalium ingressus pateret. Atque ita profecto, sicut ipsamet ejus miraculi qualitas portendere videbatur, sic etiam nostrorum *Mediolanensium* prudentia deposcebat. An enim quispiam deinceps illuc ingrederetur sine iusto timore, ne, sicuti Sancto *Bernardo* lumen, quod intulerant, repente fuit divinitus extinctum, sic etiam simile aliquid sibi quoque portentosum accideret? Ille quidem id sibi ob sua delicta evenisse causatus la-chrymatufque fuit. Quis vero deinceps ita se crederet a peccatis immunem, ut ab omni generis ejus eventu securus ingredi posse sibi videretur? Quod si divinitus ille mox, per alterum ex improvviso miraculum immisso cœlitus lumine, liberatus ab eo animi angore tenebrisque illis, votum suum complevit; nemo tamen prudens tale quippiam sibi pariter postmodum promittere auderet. Arrogantis quippe hominis hoc esset, ac Deum temere ad miracula provocantis. Sicut ergo dubitandum non videtur, quin toto passim Urbe vulgatum fuerit illud omne, quod Sancto Cardinali mox contigerat; sic etiam creditu dignum nos censuimus, Archiepiscopum nostrum illico mandasse, ut cuniculus & ingressus ille posteris omnibus in perpetuum clauderetur. Ille profecto, qui tunc extabat, jam non extat; quippe cum nullus omnino jam extet. Necesse igitur est, ut ex eo tempore in præsens aliquando fuerit interea oclclusus. Quis hoc neget? Atqui neque nostra neque Patrum nostrorum memoria fuit oclclusus: immo vero ne superiorum quidem spatio temporum interjectorum alicubi legitur oclclusus: ac si forte quispiam hoc alicubi unquam legerit; depromat. Quidni ergo credere nobis liceat, ea miraculi occasione oclclusum fuisse? Novus utique hic effectus, juxta commune ac receptum in Scholis pronunciatum, ex nova pariter ac rationabili provenisse causa censendus est. Tale profecto miraculum suapte natura sibi cum deposcebat: ac, si noster Archiepiscopus ei obsecundarit, prudenter etiam se gessit. Quamdiu igitur de alia nobis causa non constat; reliquum est, ut ex eodem interim miraculo, tamquam e causa sufficienti æque ac congruenti, effectum istum, cuniculi scilicet illius oclclusionem, nos quoque non imprudenter ac temere deduxerimus, atque jamdudum ita deduxisse ne nos quidem in præsentem pœniteat. Quid, quod in ejusmodi conjectura mirifice nos Processus ille confirmat, quem aliquoties jam produximus, Anno Millesimo ducentesimo ac ducentesimo primo confectum? Ille siquidem reflectitur in aliquantum etiam temporis, antequam *Enobarbus* ad *Mediolani* excidionem veniret: neque tamen intra tantam temporis intercapedinem, in tanta Testium ac testimoniorum multitudine, aliquod unquam indicium apparet alicujus viæ, per quam in Sanctorum *Ambrosii* ac *Protasii* & *Gervasii* tumulum introiri posset. Plurima ibi frequentissimaque mentio cum Altaris aurei, tum etiam ejus Clavium, quæ Cimiliarchæ tradi solerent. Quod si qua forte via in subjectum ei sepulchrum introiri potuisset; quis dubitet, quin eam foribus item ac clavibus quam optime firmatam oclclusamque tenuissent? Nonne vero congruum etiam fuisset, ut ex iisdem clavibus (quidni enim plures esse debuissent?) una saltem a Cimiliarcha, vel Præposito, vel Abbate, vel ab eorum singulis singulæ custodirentur? Sed eas etiam concedamus omnes ab Archiepiscopo solo custodiri solitas fuisse. Undenam, obsecro, tam altum de ipsis silentium, ut neque absente Archiepiscopo (& eo præsertim tempore, quo Civitas jacuit destructa, *Obertusque* Archiepiscopus exulabat) neque præsentem, ne semel qui-

dem tantulam viderimus unquam mentionem? Pluries itidem adaperitum interea fuisse Altare illic memoratur. Absit autem, ut quispiam unus interim sepulchrum ei subjectum ingressus, vel sacra ibi Corpora conspicatus dicatur. Ipsas etiam Sanctorum *Ambrosii Protasii*que ac *Gervasii* festivitates animadvertimus tam ante quam post *Mediolani* destructionem similiter memoratas, eodemque similiter apparatu celebratas fuisse. Quod si qua interim eorum Corpora hinc aliam in Urbem ac Provinciam, sive in *Germaniam*, translata fuissent; miraculi profecto instar nobis esset, quod ne obiter quidem unquam tot Testibus vel unicum exciderit verbum de tanta interim hujus Basilicæ jactura. Sic itaque hoc etiam ex Processu nos colligimus, nec ante proximam Civitatis hujus *Ænobarbicam* everisionem introire sub Altare Maximum ad Corpora Sanctorum Tutelarium potuisse per ullam viam, quæ tunc daretur: neque postea ullum eorum Corporum inde fuisse adsportatum. Cum vero satis nos adhuc ostendisse videamur, tanti occasione miraculi protinus oclusam pariete continuato fuisse viam illam, per quam ingressus ad Corpora Sanctorum sub Altari Maximo, sive sub ipsius etiam Basilicæ pavimento, condita dabatur; reliquum profecto jam est, ut in hoc peculiarem illam Divini Numinis erga *Mediolanenses* providentiam gratis semper animis agnoscamus, recolamus, ac veneremur, qualem quantamve Num. 58. ex hypothese tandem observabamus, nunc securius ac liberius prædicamus. Quotidianis etiam experimentis notissimum est, atque communi tritum sermone abiit etiam in proverbium, quemadmodum prompta & obvia furandi facilitas furem sæpenumero efficiat. Excidium nostræ Urbi post duos circiter ac triginta annos ab *Ænobarbo* imminens Majores nostri prævidere non poterant. Prævidebat, optime, jamque ab æterno præviderat Omnifaciens Deus. Quocirca etiam præmature tot ante illud excidium annis per miraculum tam insigne præmonuit effecitque, ut ingressus ille ad sacra Corpora in perpetuum clauderetur, eoque securius illa suo in loco perenniter intra Basilicam istam conservarentur; sicut in hodiernum conservari diem hilares credimus.

CCCCCLXVIII. Hoc ipso ingressu ita præcluso, antequam *Ænobarbus* Urbem nostram dirueret, vel aliqua tunc Sanctorum Corpora suis e latebris in longinquas Regiones transferenda per *Germanos* dimoverentur; vires jam sibi sumit argumentum illud, quo *Casillioneus* contendebat, nostrorum *Protasii* & *Gervasii* Tutelarium Corpora hoc *Ænobarbi* tempore neutiquam fuisse suo e tumulo ablata; quodque nos, ipsius præcise verbis Numero 58. recitatum, nullius ceteroqui roboris esse monstrabamus. Nos igitur, supposito item Altaris situ, qualem Num. 57. descripsimus, eodem prorsus contra *Brisacenses* jam utimur argumento. Nec enim extrahi Corpora inde potuissent; nisi prius dirutum & eversum, aut suo saltem amotum e loco fuisset Altare; nisi prius amota fuisset prægrandis ac prægravis illa Tabula porphiretica: quæ sicut instar pavimenti subest eidem Altari, sic etiam operimenti vicem subiecto præbet puteo, sive tumulo, quo sacra ejusmodi Corpora continebantur. Et tamen vetustissima istorum omnium structura & dispositio apertissime in hodiernam usque diem intacta discernitur, nec ulla tenus innovata. Dicamus etiam, in prædicto Processu nullum penitus extare alicujus ejusmodi mutationis indicium. Quod tamen sine dubio non posset non extare; si forte illa tunc facta fuisset; tanta est ipsius colligatio cum aliis rebus multis, quæ ibidem vel etiam obiter commemoratæ conspiciuntur. Quod ad ipsam per se Basilicam pertinet: in eo quidem processu non aliter agitur, quam si conser-

A vator ipsius venisset *Ænobarbus*, qui Civitatis alioqui venerat everfor. Ac ne credibile quidem videtur, ipsum tam suo quam Successorum Imperio tam male ominari voluisse, ut Sanctis Tutelaribus eam privari fineret Basilicam, in qua Regiam ipse Coronam ritu institutoque Majorum suscepisset, nec non etiam suscepturi supponerentur Successores. Quidni enim supponebantur? tametsi everfa Civitas esset. Hanc ille nimirum everterat eo maxime prætextu, quod certum sibi numquam Imperium in *Longobardis* futurum esset (nec dispar erat Successorum condicio) donec potentissima Civitas staret. Itaque nihil interea causæ obtendebatur, quo minus Regium Diadema deinceps in hac item Basilica suscipiendum esset: nimisque propterea erat absonum, eam talium præsertim Sanctorum Corporibus spoliari.

CCCCCLXIX. Sed illud etiam huc accedit, quod, si ejusmodi Corporum adportatio vere facta fuisset; certe quidem a nostris *Mediolanensibus* ignorari non poterat; quomodocumque facta congruenter ad veritatem supponatur. Si enim vetustus ille cuniculus etiam tum extabat (demus enim hoc idem, quod paulo ante negavimus) quis dubitet, quin portis & clavibus quam optime oclusus teneretur? Vel ipsum Altare aureum asseribus erat circumseptum, ejusmodique sepimentum clavibus a Cimiliarcha custodiri solitis oclusum tenebatur; uti jam vidimus. Quanto magis ergo custoditus interea quoque censendus est pretiosissimus ille Sanctorum Corporum thesaurus, ad quem ingressus per eum cuniculum primariis Viris (& quidem nonnisi consulto Archiepiscopo) daretur? Sin vero novum aliquem tunc temporis effoderunt cuniculum: vel amotis omnibus iis rebus, quæ ingressum per os putei sive tumuli impediabant, illac introierunt; quanto minus ab ipsis met ignorari *Ædituis* hoc potuit? Annon enim tam Canonici quam Monachi Basilicam istam obtinebant, priusquam *Fridericus*, Urbe diruta, *Papiam* reverteretur, secumque Corpora istorum quoque Martyrum (sicut aiebat *Corius*) adportaret? Sed esto: non illa tunc temporis, sed posteaquam Canonici propter sacrilegium illud juramentum *Pseudopontifici Victori* iustissime negatum abire coacti fuerunt, adportarunt. Nonne tamen Monachi continenter in Basilicæ custodia perseverarunt? Itane vero interim omnes dormitabant, ut non adverterent, quid in eo Basilicæ loco tam conspicuo ageretur? quid inde, ac quo tandem adportaretur? An forte *Fridericianis*, an *Coloniensi* Archiepiscopo, an ipsimet etiam Imperatori *Friderico*, in tam soluto liberoque per omnia debacchante dominatu, in tanta *Mediolanensium* clade, curandum erat, ut latenter hæc fierent, nec ullo pacto ad eorum notitiam pervenirent? Nil minus. Et tamen, ablata hinc fuisse Martyrum ejusmodi Corpora, neque tunc, neque tot postea per annos scivere *Mediolanenses*. Quod eo etiam magis mirum est; cum *Brisaci* dimissa propter insigne miraculum, illic ab ipsis in transitu perpetratum dicantur; cumque postea ibidem quotidianis claruisse miraculis prædicentur. Hæc utique Sancti etiam ipsi Martyres *Protasius* & *Gervasius*, ex hac Basilica illuc translati operabantur, perinde ac si talem sui translationem, ab Urbe *Mediolano* illuc factam, longe lateque per Orbem *Christianum*, nedum per *Germaniam*, innotescere, quin etiam cœlestibus comprobata miraculis celebrari vellent; neque tamen *Mediolanenses* hoc audiebant; neque saltem credebant? Certe quidem si talia illi vel vidissent, vel ex ore famæ audissent, vel etiam credidissent; quis unquam credat futurum apud ipsos postea fuisse tantum ejusmodi translationis silentium, quin immo tantum etiam errorem, ut eadem nihilominus Corpora suo in tumulo sub Ara hujus Basilicæ Maxima conquiescere, pro certo haberent, publiceque tum

Historiis Urbis, tum etiam Ecclesiasticis Tabulis consignarent? Siccine vero illi se gesserunt erga sacra Magorum Corpora? Minime vero. Cur ita? Quia hæc *Coloniæ* sciebant adsportata fuisse. Quidni pariter scituri erant & de Sanctorum ejusmodi Martyrum Corporibus (quorum celebre non minus erat nomen, ac veneratio) si ea *Brisachum* vere translata fuissent? Hinc ergo neque quispiam e nostratibus ante *Corium* Chronologis talem aliquam eorum translationem commemoravit; quin potius omnes eadem perenniter in hac Basilica conservari ad suam quisque ætatem censuerunt. Quid, quod etiam post *Corium* nemo tamen unus hac in re contra communem Civitatis & Ecclesiæ *Mediolanensis* sententiam consentire illi ausus est; nisi forte *Ripamontium* excipias. Qui tamen & ipse iis non adversatur, quibus ambiguum obscuramque habuisse fidem, ac mendosum esse visum est Scriptum illud a *Corio* recitatum. Qua de re nos quidem ipsius verba jam supra in medium Num. 459. protulimus. Sic etiam inde factum est, ut (quemadmodum argumentabatur etiam *Castillionæus* Fasciculo illo sexto pluries alibi jam citato) in Rubricis, Calendariis, Breviariis, & Missalibus *Ambrosianis*, undevigesima Junii die in ejusmodi Sanctorum Martyrum festivitate, **PROCESSIO ET MISSA PONTIFICALIS AD SANCTUM AMBROSIUM CUM OBLATIONE CIVITATIS**, hodieque præscripta legatur. *Quæ notæ* (sic enim *Castillionæus* ibidem observat) *tum in Rubricis Diariorum Mediolanensis Ecclesiæ collocantur, cum iisdem diebus recolitur eorum Sanctorum memoria, quorum Corpora in Sacris illis Aedibus re ipsa obdormiunt & quiescunt. Nec aliam ob causam solent Magistratus publici commodi, & Universitates, sive Collegia Opificum Mediolanensis Urbis, statas & anniversarias Oblationes quasdam peragere ad Sanctorum Aedes, nisi ob Urbis ipsius vota publica, vel peculiarem ejusdem cultum, Divorum illorum Corporibus impendendum, quæ illis in Templis esse pro comperto habent.*

CCCCLXX. Sed accipe præterea Lector, quemadmodum hac de re semet habeant publicæ Tabulæ pergamænæ, per Monachos in hanc usque diem asservatæ, quibus Reliquiæ recensentur, & Corpora Sanctorum, quæ in hac Basilica extarent: tum etiam Indulgentiæ, huc adventantibus concessæ. Quæ ceterarum ejusmodi Tabularum vetustissima nobis est, sic incipit: *Reperitur in antiquis Romanorum Sanctorum Pontificum Registris, quod visitantes Ecclesiam Beatissimi Patris Ambrosii, IN QUA EJUSDEM CORPUS, NECNON CORPORA SANCTORUM MARTYRUM PROTASII ET GERVASII, Sanctæ Marcellinæ Virginis & sororis Sancti Ambrosii, & Sancti Satyri, QUIESCUNT, & cum eis gloriosa Sanctorum Corpora Casti & Polimii, & multa alia Sanctorum Corpora, omnium peccatorum suorum bene confessi & contriti veniam consequantur.* Sed & verbatim eadem prorsus præleguntur in altera Tabula minus vetusta, & recentior conscripta quo ex tempore Monasterium istud Cisterciensi fuerat Ordini concessum. In ea igitur post enarratas Indulgentias istius Basilicæ proprias, sicut etiam in prædicta fuerant Tabula enarratæ, sic insuper legitur: *Alexander Sextus, Pontifex modernus, confirmavit supradictas has omnes Indulgentias, interventu Illustrissimi & Reverendissimi Cardinalis Ascanii* (a quo scilicet Monasterium istud nuper fuerat huic Ordini concessum) *quinto Idus Aprilis, Millesimo quadringentesimo nonagesimo septimo.* De hinc vero adjectæ sunt etiam Indulgentiæ generales, omnibus Ecclesiis & Cappellis Monasteriorum Ordinis Cisterciensis a Summis Pontificibus concessæ. Tertia denique Tabula, sacras omnes enumerans Reliquias in hac Basilica contentas, sic & ipsa exordi-

A tur: *Corpora quinque Sanctorum, AMBROSII ARCHIEPISCOPI MEDIOLANI ATQUE DOCTORIS ECCLESIE, NECNON GERVASII ET PROTASII MARTYRUM FRATRUM, & Chrysanti & Durie Martyrum: ET SUNT SUB ALTARI MAGNO IPSIUSMET DIVI AMBROSII.* Eadem vero tandem definit in *Gregorii* Papæ Decimi tertii Diploma, datum *Rome* die decima quinta Februarii, Anno *Christi* Milleesimo quingentesimo octogesimo secundo, Pontificatus sui duodecimo: quo ille graviter cavebat, ne quis sacras in Provincia *Mediolanensi* Reliquas suis e locis ad alia transferret, vel earum particulam ulli traderet. Hæc igitur in propriis hujus Basilicæ Tabulis: quæ semper in publico expositæ Fidelibus huc advenientibus indicarent, quænam Sanctorum Corpora hic quiescentia venerari possent. Nonnumquam vero etiam supra meminimus Libelli cujusdam, quo recensentur Indulgentiæ ac Sanctorum Corpora, quæ tunc in hujus Urbis Ecclesiis extarent: quive Milleesimo quingentesimo decimo quinto *Christi* Anno, atque rursus etiam postea, *Mediolanensibus* typis impressus fuit. Certe autem Sanctorum ejusmodi Martyrum, sicut etiam Sancti Doctoris *Ambrosii*, Corpora hic jacere Libellus ille verbis affirmat disertissimis. Quin etiam de Indulgentiis illis, quas paulo ante memorabamus ab *Alexandro* Papa Sexto confirmatas, sic etiam ipse juxta popularem illius temporis sermonem habet: *Si trova in li antiqui Registri de li Sancti Papi, che in la Chiesa de Sancto Ambrosio sono otto mille anni & altretante quarantene de Indulgentie ogni Lunedì per tutto l'anno. Ancora in li altri di ottocento anni & altretante quarantene de Indulgentie. Le quali novamente il Summo Pontifico Alessandro Sexto ha confermato, & altretante ne ha aggiunto, a petitione del Reverendissimo Cardinali Monsignor' Ascanio: visitando la dicta Chiesa, & tuti li nove Altari: cioè, lo Altare de Sancta Marcellina, che e in lo Schurolo: SANCTO ANDREA, DA*

D *MANE SINISTRA DAL SCHUROLO: Sancto Clemente, d'onde è Sancta Maria dale sette lampade: Sancto Benedicto, cioè, Sancta Justina, da destra mane: SANCTO GIORGIO, ONDE E L'ARCA DE MARMORE* (qua scilicet Arca conditus jacebat *Rex Lotharius*, uti jam diximus Numero 171.) *Sancto Bartholomeo, apresso à lo Campanilo de li Monachi: Sancto Sathiro: Sancto Johanne Baptista, apresso à la porta de li Monachi: Sancto Pietro & Paulo IN INFIRMARIA: de qua quidem Ecclesia nos egimus Numero 78. 115. 118. Ceterum Alexander ille Papa Sextus ex hac vita migravit Anno Domini Milleesimo quingentesimo tertio. Ut autem ad Sanctos Martyres ac Tutelares nostros redeamus: illos itidem in hac Basilica extare, affirmarunt etiam *Paulus Morigia* in suo *Mediolani* Sanctuario, & *Johannes Baptista Villa*, pluries a nobis jam producti. Ergone *Mediolanensis* Ecclesia in hoc hæctenus procul a vero aberravit, secumque ceteros item Fideles aberrare voluit? Quis ignorat, *Brisacensem* potius Ecclesiam in hoc falli potuisse?*

CCCCLXXI. Forte autem traditis ei aliorum duorum Martyrum, & quidem similiter fratrum, vel aliqua saltem alia cognatione inter se junctorum, Corporibus indita fuerunt Sanctorum *Protasii* ac *Gervasi* nomina; sive quia Donator ipse ita finxerit, quo donum pluris æstimaretur; sive per errorem ipsimet etiam Donatori a nostratibus obtrusum; sive alia quapiam ex causa. Sane quidem *Philippus Ferrarius* in fine Indicis, quem Catalogo Sanctorum *Italiæ* adjecit, causas proferens, cur aliquando Corpora Sanctorum diversis in locis reperiri dicantur, hanc quoque connumerat; quod aliquando acciderit, ut alicujus Sancti Corpus potentiores petierint: pro quo inferiores, denegare non ausi, aliud sup-

posuc-

posuerint. Quamquam etiam ne ista quidem causa nobis in re præsenti verisimilis videtur; nisi forte supponamus, duo aliqua Sanctorum ejusmodi Corpora tunc temporis jacuisse intra illum Aræ Maximaë sinum, intra quem binos etiamnum lapides illos contineri Numero 57. dicebamus; ea igitur Raynaldum inde vel sibi fustulisse, vel ab Ædituis accepisse, opinantem, Sanctorum esse Protasii ac Gervasii Corpora; quæ proinde *Brisacensibus* postmodum hac ipsa opinione tradiderit. Persuasissimum enim ceteroqui nobis est, nullum tunc temporis datum fuisse ingressum in puteum ac tumulum ejusdem Altaris pavimento subjectum, intra quem Corpora Sanctorum ejusmodi Tutelarium re quidem vera continebantur, atque nunc etiam (sicuti credimus) continentur, qualitercumque *Brisacenses* illa sibi vendicent. Sed ne simile quidem vero videri nobis potest, Raynaldum sibi voluisse aliquod Sanctorum Basilicæ istius Imperatoriæ Tutelarium Corpus; uti paulo ante differebamus. Aliquo igitur alio potius errore nos factum crederemus, ut istorum Martyrum nomina a *Brisacensibus* illis Corporibus indita fuerint. Ceterum, si non ad præsens institutum, certe tamen ad ejusdem generis alia facile pertinebit causas scire, quas paulo ante innuebamus a *Ferrario* collectas, propter quas eadem Sanctorum Corpora nonnumquam pluribus dicantur in locis reperiri. Verbatim ergo sic ille differebat: *Fieri nulla ratione potest (sive non convenit) ut idem Corpus, quantalibet sanctitate præditum, in pluribus reperiatur locis. Hoc enim, ut in pluribus ac innumeris (si darentur) & quantumvis distantibus locis sit eodem temporis momento, soli Corpori Dominico in Sacramento Altaris convenit. Quod vero aliquot Sanctorum Corpora in diversis locis quiescere passim affirmatur; vel aliquos ex iis, qui se illa habere gloriantur, decipi; vel totum pro parte, in loquendo figura usitatissima, usurpari oportet. USUS ENIM EX PIA QUADAM EXTENSIONE OBTINUIT, UT QUI SANCTI ALICUJUS CORPORIS RELIQUIAS, SIVE OSSA, SIVE CINCERES HABENT, CORPUS IPSUM HABERE DICANTUR.* Et in hac quidem sententia fuerunt etiam duo illa Ecclesiæ Catholicæ lumina, *Bellarminus* & *Baronius*, Cardinales: & ambo testimoniis præterea Patrum eandem illustrarunt, comprobant: ille *De Reliquiis Sanctorum* Lib. 2. Cap. 4. in fine; hic ad Annos *Christi* Quinquagesimum quintum Art. 15. & Septingentesimum sexagesimum quartum. Illam secuti sunt etiam *Trissinus*, a nobis Num. 461. laudatus: & *Castillionæus*, Antiquitatum Basilicæ *Vincentianæ* Fasciculo 4. Eandemque doctrinam nos item Num. 444. sequebamur, quatenus Sancti *Manfueti* Corpus in *Stephaniana* Basilica conditum esse diceretur. Jam prosequitur *Ferrarius*: *Sæpe etiam Corpora Sanctorum ex uno loco in alium transferri contingit: & dum alius prioris, alius posterioris loci meminit scribendo; plura videntur loca eidem Corpori assignari. Illud quoque potissima deceptionis causa est (quæ tamen in casu nostro nullum penitus habuisse locum videtur) QUOD CLAM FURTIVVE SUBLATIS SANCTORUM CORPORIBUS ET ALIO TRANSLATIS, MANENTIBUS TABULIS ET INSCRIPTIONIBUS IN PRIORI LOCO, IBI ESSE CREDUNTUR, QUO AD FURTUM NON DETEGITUR.* Accidit, & titulum inscriptionemque cassam alicujus Sancti juxta Corpus ignotum reperiri, quod idcirco Sancti illius esse putatur: QUEMADMODUM ET CORPUS SANCTI ALICUJUS A POTENTIORIBUS PETI (quam utique causam nos innuebamus, neque tamen satis admittebamus; cum alioqui magis, quam ceteræ, ad præsens congruat institutum) PRO QUO H, QUI APERTE ILLUD TAMQUAM INFERIORES DENEGARE NON AU-

A DENT, NEC TAMEN VOLUNT SUO PRIVARI THESAURO, ALIUD SUPPONUNT: quo pacto idem Corpus duo obtinet loca, unum re ipsa, alterum opinione. Quibus omnibus causis *Ferrarius* in medium allatis, ita denique concludit: *Hæc, quæ diximus, exemplis confirmare potuissimus. Sed ab iis abstinendum duximus; ne quis id gravate ferat. Cum itaque ejusdem Sancti Corpus in duobus, vel etiam pluribus, esse locis audieris, vel legeris; partem pro toto, vel e contra sumi; sive causam deceptionis aliquam ex dictis intercedere putabis.* Hæc ille.

B CCCCLXXII. Quod autem ad sacra illa Corpora, quæ *Brisacenses* ipsi jam possident, quæve Sanctorum *Protasii* & *Gervasii* esse putant, miracula etiam dicebantur edita: hæc utique nos etiam concedamus. An vero proterea Deus illa edebat in hunc finem, ut eadem vere illorum esse Martyrum Corpora, & veracem *Brisacensium* & aliorum esse opinionem testaretur? Testimonium enim Domini fidele; quippe qui nec falli nec fallere potest. Quocirca tunc etiam ita nobis absque dubio credendum esset. Atqui necesse propterea non est, ut in hunc illa finem facta credamus: satisque propterea fuerit, si sacra tantum esse Corpora fateamur. Quoniam vero contra *Germanos* præsertim suscepta nobis hæc quæstio est; unicum illis opponemus argumentum, ab exemplo Sancti *Uldarici Augustanorum Vindelicorum* Episcopi depromptum. Ecclesia *Mediolanensis* quarto Nonas Julii e perantiqua consuetudine anniversarium celebrat diem Sancti *Uldarici* Episcopi & Confessoris: & hunc quidem certissimum jam est non alium esse, quam prædictum *Augustæ Vindelicorum* Episcopum; tametsi creditus aliquando *Mediolanensis* Archiepiscopus fuerit. Testatur hoc prædictus ipsemet Julii dies; quippe quo die mentio ejusdem *Augustani* Episcopi, nec alterius cujuscumque *Uldarici* Episcopi, communiter in Martyrologiis habetur. Certius autem, atque ad omnem arcendam dubitationem aptius adtestatur *Ambrosianum* Breviarium in ejus Vita, quæ Matutinas inter Preces recitari consuevit. Codicem apud me habeo, a Clarissimo Viro, quem infra etiam nominabo, acceptum, & pergamenta in charta manuscriptum, quo Matutinae solummodo continentur Lectiones (tunc tres in uniuscujusque Sancti diem erant, sicut hodie unica ut plurimum ea est) propriæ Sanctorum, de quibus Officium in Ecclesia *Mediolanensi* celebraretur. Ibi ergo in tribus de Sancto *Olderico* (etenim sic ibidem nominatur) Lectionibus nihil extat, quod non item in Sancti *Uldarici* (quemadmodum *Germani* eum communiter appellant) Actis & Vita traditum sit. Sed illud etiam in secunda Lectione verbatim habetur: *Rex Henricus, comperiens illum (Oldericum) esse bonum; secundum prædestinationem Dei regio more in manus suas eum accepit, ET SEDEM AUGUSTENSIS EPISCOPATUS SIBI DONAVIT.* In Breviario autem, quod Sanctus Cardinalis & Archiepiscopus noster *Carolus Borromæus* reformatum edidit, tam luculenter unica Lectione describitur istius Sancti *Augustani* Episcopi Vita, ut ipsimet *Augustani* eandem inde totam verbatim exscriptam inferuerint ei Libro, quem Anno Millesimo sexcentesimo primo ediderunt, sic inscriptum: *Sancti Augustani: sive, Imagines Sanctorum Augustanorum Vindelicorum, æreis tabellis expresse.* Legatur ibi pagina, quæ tabellæ respondet decimæ quartæ, *Uldarici* eorum Episcopi effigiem continenti. In eandem vero sententiam legantur etiam *Petri Galefinii* ad prædictam Julii quartam diem Martyrologium ac Notæ: quæ cum prædicta Breviarii *Ambrosiani* Lectione, in hanc usque diem nobis usitata, per omnia consentiunt. Cum igitur hoc jam certissimum sit, & citra contro-

verfiam omnem in concessis fupponendum; quæftio tantum agitur, ubinam feptultus conquiefcat tantus *Auguftanorum* Epifcopus. Populus utique *Mediolanenfis* hunc fibi vendicat: & in *Bafilica* hujus Urbis *Nazariana* (quæ prius dicebatur *APOSTOLORUM*) tumultum credit. Certe quidem in *Calendario* illo *Ambrofiano*, quod aliquoties adhuc produximus, & quod Anno *Millefimo* trecentefimo octuagesimo primo confcriptum efle dicebamus, fub quarta fimiliter *Julii* die fic legitur: **SANCTI OLDERICI, EPISCOPI ET CONFESSORIS. JACET AD SANCTUM NAZARIUM.** Idipfum eadem die indicat etiam *Miffalis Ambrofiani*, Anno *Millefimo* quingentefimo fexagesimo typis editi, *Calendarium* his verbis: **SANCTI OLDERICI, EPISCOPI MEDIOLANI ET CONFESSORIS. AD SANCTUM NAZARIUM.** Ubi tamen *Oldericus* perperam **EPISCOPUS MEDIOLANI** appellatur. Quo quidem errore (ficuri dicebamus, jam convicto) peccat etiam ipfifmet *Bafilicæ Nazariæ* Tabula pergamena, qua ipfius *Indulgentiæ* facræque *Reliquiæ* numerantur, quæve illic ad *inftitutionem* adventantium penfili e pariete lectuque commoda confpicitur. *Uldarici* porro nominatim Epifcopi *Auguftani* Corpus jacere *Mediolani*, affirmat etiam *Philippus Ferrarius* in *Indiæ fui Sanctorum Italiæ Catalogi*; cum alioqui nullam in *Catalogo* ipfo fecerit ejus mentionem. *Paulus* vero *Morigia* in *Sanctuario* illud infuper fignate addit in prædicta *Sancti Nazarii* *Bafilica* jacere. Quod pariter affirmavit etiam *Joannes Petrus Gluffianus* in *Sancti Caroli Vita*, Libro 5. Cap. 9. cum folam defcriberet ejufdem *Sancti Uldarici* translationem, ab eodem *Sancto Carolo* peractam *Chrifti* Anno *Millefimo* quingentefimo feptuagesimo nono: nec non etiam *Joannes Baptifta Villa* in fuo illo de *Mediolani Ecclefiis* Libro, pluries adhuc memorato. *Joannes* enimvero *Francifcus* (qui poftea *Caroli* nomen una cum habitu religiofo induit) a *Bafilica Petri* hoc idem præcife affirmaverat in fuo de aliquot *Mediolani Ecclefiis* Libello; ufque adeo inter *Mediolanenfes* vulgata erat hæc opinio. Atqui cum *Sancti Caroli* Vitam fcriberet (fcripfit autem ante *Gluffionum*) *Sanctique Uldarici*, cujus Corpore *Bafilica Nazariana* gloriatur, translationem Lib. 5. Cap. 6. recenferet; in hæc verba jam dubius (tamenfi Corpus ipfum, quæve cum ipfo erant, diligenter & accurate, ficur ipfemet narrat, confpexiffet) erupit: *Quifnam Epifcopus ille fuerit, Mediolanenfis ne, AN AUGUSTANUS, UT QUIDAM PUTANT, an vero alius; adhuc equidem ignoro.* Denique vero, re maturius confiderata, illum efle *Auguftanum* Epifcopum difertiffime negavit in *Fragmentis* *Historiæ Mediolanenfis*, Titulo *De Corpore Sancti Henrici Bafilicæ Apoftolorum*. De ipfomet igitur *Auguftano* loquens Epifcopo fic differit hoc denique loco: *Hujus Corpus hic feptultum, bucce allatum fuiffe, nullum extat (quod fciam) indicium.* Contra autem *Berno Abbas*, ejus *Vitæ* fcriptor, & alii graves *Scriptores*, *Auguftæ* eum fuiffe feptultum affirmant. Immo etiam a *Viris* fide admodum dignis accepimus, ejus *Sancti Epifcopi* Corpus adhuc ibi cum veneratione afferuari, & coli. Et paulo poft de Corpore illo in *Bafilica Nazariana* condito hæc narrat: *Cum ad Arcam infpiciendam jufu Beati Caroli eo veniffemus Anno Millefimo quingentefimo feptuagesimo octavo; invenimus Corpus cum Epifcopalibus indumentis, quæ tamen fere subito evanuerunt. Circulis æneis, quibus Baculus Paftoralis ligneus cingebatur, hæc litteræ infulptæ erant, HENRICO HIGUDSTANNO DILECTO FILIO: quas tunc in libellis noftris notavimus, quos ad Sancti Caroli Vitam confcribendam parabamus &c. Corpus dein de tranf tulit una cum aliis ejus Bafilicæ idem Beatus*

A *Præful* Anno proximo cum Epifcopis *Provinciæ*, qui ad *Concilium* convenerant: & in extremo brachio ipfius *Ecclefiæ* janua, quæ ibi erat, claufa, *Altari*que ibi conftituto, recondidit. *Quifnam* hic Epifcopus fuerit, neque fcio, neque habeo conjecturas, quas proferam. Omnino *Transalpinum* fuiffe, ET SANCTUM VIRUM, IMMO MIRACULIS CLARUM, affirmare poffumus: cui & *Statua* & *Altare* erectum fit, & *fanctitatis* laus veneratioque non mediocris a *Populo Mediolanenfis* tributa. Quæ veneratio pene extincta, proximis annis renovata eft, NONNULLIS PRÆDICANTIBUS, SE ÆGROTOS EJUS OPE INVOCATA SANATOS ESSE. Poft hæc igitur hic Auctor eum potius *Anglicum* fuiffe conjectat: quin etiam potius *Abbatem* quam Epifcopum fuiffe illis colligit ex verbis, DILECTO FILIO; quippe quæ *Papæ* verba fuiffe videantur, cum *Baculum* ei *Paftoralem* traderet. Hæc utique in eo tandem libro *Carolus a Bafilica Petri*. Eundem vero fcripfit, cum Epifcopus jam eflet *Novarienfis*; quemadmodum ex ipfius *Præfatiuncula* conftat. Quam conftanter autem in eadem fententia permanferit, vel ex hoc intelligi poteft, quod mihi nuperime narrarunt duo integerrimæ fidei *Sacerdotes* & *Ambrofiani Collegii Doctores*, *Antonius Olgiatus* & *Francifcus Bernardinus Ferrarius*: de quibus aliquantulum fupra dictum eft Num. 285. & 297. *Millefimo* nimirum fexcentefimo nono Anno *Mediolanum* venerat *Carolus*, ut *Concilio* intereffet *Provinciali*, quod *Fredericus* Cardinalis & *Archiepifcopus* nofter in quartam *Maji* diem indixerat. Sicut autem utriufque illorum ingenium & eruditionem plurimi æftimabat; fic eofdem interim femel una fimul accerfitos, tamquam de re graviffima, quæve maxime ad *Ecclefiam Mediolanenfem* fpectaret, de fagro tantum illo Corpore, quod *Mediolanenfes Auguftanorum* Epifcopi efle *Uldarici* hætenus exiftimarent, allocutus fuit; & in eandem prorfus fententiam, quæ prædictis ejus *Fragmentis* continentur. Itaque præ ceteris argumentis illud maxime omnique contentione inculcabat **HENRICI HIGUDSTANNI** nomen: quod ita certiffime fe haberet; tamenfi quidam illiteratus homo in ejufdem *Auguftani* Epifcopi Vita, temere olim a fe compacta, litteras alias falfo fuppoferit; falfoque item affirmarit, ita prorfus in *Actis* quoque *Archiepifcopalibus* haberi. Ambos igitur holce *Viros* denique rogavit, quin etiam obteftatus eft, ut fi quando ipfis hac de re fcribendum eflet, *Mediolanenfes* pro parte virili tanto errore liberarent. Talia tunc ad ipfos *Carolus Novarienfis* Epifcopus. E Ecquis autem curiofe hoc loco non inquirat, quifnam fuerit illiteratus ille *Scriptor*, quem tacito ipfius nomine modetiffimus hic Epifcopus talibus indiciis designabat? Præftat enim eum agnofcere, ne quis aliquando in re tam gravi decipiatur. *Joannes* abfque dubio *Francifcus* eft *Befutius*, hac in Urbe olim *Bibliopola*: qui per *Francifcum Paganellum* Anno *Millefimo* quingentefimo nonagesimo nono typis hac in Urbe *Libellum* hoc titulo edidit: *Vita del Confessore di Chrifto, SANTO ARDERICO, Vescovo di Augufta*. Ecce vero, quemadmodum eam quoque *Baculi Paftoralis* corruperit infcriptionem. *Nella fummita di effo* (inquit ipfe) *era una lammetta d'argento, che cingeva detto Bafione con quefte lettere intagliate in effo: DILECTO FILIO, ARDERICO, EPISCOPO AUGUSTENSI.* Tanta fuit hominis ejus licentia. Ejufmodi *Libellum* nos quidem in *Ambrofiana Bibliotheca* legimus: & per omnia, qualem *Carolus* ipfe defcribebat, invenimus. Ceterum his, quæ denique *Carolus* hic ipfe differuit, nunc ex adverfo pro *inftituti* nofteri ratione lubet attexere quæ *Paulus Morigia* loco proxime indicato fcribebat. Inter alia igitur de *Sancti*

Sancti Nazarii Basilica hæc item: *Ancora VI GIACE IL CORPO DI SANTO ULDERICO, VESCOVO DI AGOSTA. E LA SUA IMAGINE, pinta nel muro fuori della Chiesa* (juxta scilicet interius Altare, in quo Corpus ipsius conditum quiescit) **COMINCIO A FAR' MIRACOLI l'Anno Mille cinque cento novant' otto, il giorno de' Santi Gervasio e Protasio** (vel hinc faustum nobis omen, qui pro iisdem Martyribus exinde argumentaturi essemus) *alli diecinove di Giugno, con gran concorso del Popolo, e con offerte de gran voti: e tuttavia va perseverando.* Certe autem in multos deinceps annos perseveravit: ac nostra etiam memoria multitudo illuc hominum maxima confluebat: crebraque illic miracula ejus Sancti precibus & patrociniis adscribebantur, quorum pleraque illustriora intelligo publicis etiam tabulis rite consignata hodieque ibidem conservari; præterquam quod eorundem indices adhuc illic supersunt votivæ magno numero, nec lignæ tantum, sed etiam argenteæ tabellæ. Quid, quod etiam in dies adhuc ejusdem Sancti Annulus, quem putant Episcopalem, ad febricitantes vel aliter ægrotos delatus, salutem sæpenumero divinitus contactu tuo afferre creditur; totaque passim Urbe propterea exposcitur. Pro iis etiam profecto nominatim exposcitur, qui morbilis (communiter VARIOLAS nuncupamus) laborare incipiunt: scilicet, ut eo contingantur oculi; quos utique propterea sperant incolumies & immunes ab eo malo, & ab omni visus detrimento, quod inde frequenter alioqui contingit, evaluos. Et in hoc quidem mirifica simul & admirabilis eventu ipso prædicatur ejus Annuli virtus. Non igitur jam nobis quispiam negarit, Deum ad ejus Sancti Viri Corpus & Reliquias in Basilica Nazariana custoditas mirabilia fuisse operatum, quin etiam in dies operari. Sed ne illud quidem negabit, eundem Sanctum Virum a Populo interea *Mediolanensi* creditum communiter fuisse, credique quin etiam in præsens, *Uldaricum* sive *Uldericum Augustanum* Episcopum. Ergone vero propterea Deus ejusmodi miraculis confirmasse credendus erit talem illam nostrorum *Mediolanensium* credulitatem atque opinionem? Sic etiam contraria illa tandem *Caroli a Basilica Petri* opinio ergone miraculis eisdem confutata? Ergone similiter confutati *Augustani Vindelici*? Quis illos jam nescit ex adverso credere, Sancti hujus Episcopi sui Corpus non alibi quam sua in Urbe conditum asservari? Certe autem maximi ad hujus rei probationem momenti ea nobis videntur Veterum Monumenta, quæ doctissimus *Marcus Vellserus*, tacito sui nomine, collegit, & *Augustæ Vindelicorum* Anno Millesimo quingentesimo nonagesimo quinto typis edidit hoc titulo: *De Vita Sancti Udalrici, Augustanorum Vindelicorum Episcopi, quæ extant. Pleraque antehac nunquam edita.* Nec vero quicquam dubitamus, quin eadem Monumenta unice a *Germanis* in universum, nedum ab *Augustanis*, in eandem sententiam comprobentur. Sed quid illi tandem nobis ad prædicta miracula, *Mediolani* peracta, & a nostris *Mediolanensibus* eidem Sancto *Uldarico* adscripta, respondebunt? Ad hæc igitur illi, ac nominatim *Brisacenses*, respondeant; tum vero nos etiam ipsis ad Sanctorum *Protasii* & *Gervasii* miracula, quæ obtundunt, respondebimus. Interim profecto non aliter utrinque respondendum arbitramur fore, quam quod Numeri hujus initio nos ipsi dicebamus. Et hætenus quidem satis a nobis probatum sit, sacrosancta Martyrum *Protasii* ac *Gervasii* Corpora etiamnum in *Ambrosiana* ista Basilica conquirere. Quæ porro deinceps veritatis ejusdem indicia occurrerint, hæc suis in tempore locis inferemus.

CCCCLXXIII. Tertio denique loco nobis Num.

460. proponebamus inquirendum, an forte per hanc excidii *Mediolanensis* occasionem alia Sanctorum Corpora hinc in *Germaniam* vel alio fuerint adsporcata. Multa sine dubio alia diceret *Felix ille Faber*, cujus verba eodem Num. 460. recitabamus: qualibus profecto utitur etiam *Joannes Nauclerus* Volumine secundo *Chronographiæ*, Generatione 39. perinde ac si ab illo, vel uterque ab aliquo tertio Scriptore mutuatus esset. Nobis tamen longe aliter perluadet ingens sacrorum ejusmodi Corporum ac Reliquiarum numerus, quem nostris in Ecclesiis ex eo quin etiam e longe superiori tempore in præsentem usque diem tota passim Urbe superesse notissimum est, atque vel e *Pauli Morigiæ* Sanctuario satis superque colligitur. Quod si ne sacras quidem dirui *Ænobarbus* permisit *Ædes*, quemadmodum Num. 441. credibilis videbatur; eo minus profecto nos credimus, in Sanctorum tunc Reliquias debacchatam fuisse Barbarorum licentiam; ita ut, auro vel argento, quo tegebantur, abrepto, sterneantur humi, ruinis accumularentur Coelitum ossa, & quantum ex divina illa mortalitate per tot sæcula servare potuerat Urbs avida talium & foecunda. Sic enim descripsit *Ripamontius*; e moribus videlicet hodiernorum e *Germania* Hæreticorum; qui Sanctorum Reliquias & venerationem nimium quantum averfantur, & omnibus immoderate modis oppugnant, odioque implacabili persequuntur. A quibus tamen monitis *Germania* hoc *Ænobarbi* tempore libera erat & immunis; tametsi ceteroqui tum ipse, tum etiam ipsius exercitus, repudiato legitimo Pontifice Romano, *Alexandro Tertio*, Factionem Antipapæ sectantes, sædo interea schismate atque anathemate laborarent.

CCCCLXXIV. Verum enimvero tam liberali & effusæ illi sacrarum Reliquiarum donationi ac distributioni, suis Principibus & Prælatibus ab *Ænobarbo* factæ, qualem *Faber* & *Nauclerus* narrabant, adversatur etiam *Cratopolius* in *Reynoldo Colonienfi* Archiepiscopo. De ipso enim sic tradit: *Imperator obsedit Mediolanum, cepit, & expugnavit. Hic, CUM OMNES SUIS STUDERENT COMMODIS; REYNOLDUS SUMMIS APUD IMPERATOREM INSTITIT PRECIBUS, ut pro sui labore trium Magorum posset pignora habere. Inductus igitur, LICET ÆGERRIME, concessit tandem pretiosissima Regum & Naboris & Felicitis Martyrum Corpora. Quæ Reynoldus cautissime Anno Domini Millesimo centesimo sexagesimo quarto transmisit Coloniam &c.* Ecce vero nunc, quænam insuper alia Corpora *Reynoldus* *Coloniam* ex hac Urbe transtulerit. Paulo post enim *Cratopolius* hæc subdit: **IDEM QUOQUE SANCTORUM MACHABÆORUM CORPORA EX ITALIA COLONIAM TRANSTULIT:** quorum nempe martyrium luculenter narratum extat. Lib. 2. Machabæorum, Cap. 7. Hæc vero Corpora hætenus jacuerant in suburbana Sanctorum *Dionysii* & *Aurelii* Ecclesia: quam Numero 228. *Aribertus* Archiepiscopus Monasterio auferat. Sed eadem ne vere quidem *Raynaldus* hinc transtulit; si tamen ei apud nos Calendario credimus, quod Nu. 461. conscriptum Anno *Christi* Millesimo trecentesimo octogesimo primo dicebamus. Etenim Kalendis Augusti sic in eo legitur: **SANCTORUM MACHABÆORUM MARTYRUM. JACENT AD SANCTUM DIONYSIUM.** *Paulus* autem *Morigia* in Sanctuario de hac ipsa Sancti *Dionysii* Ecclesia, ceteris intra Portæ Novæ ambitum Ecclesiis connumerata, loquens: in eadem olim jacuisse Sanctorum quoque septem istorum fratrum *Machabæorum* Corpora, confirmat e veteri quodam Chronico manuscripto, & ex altero quodam Libro typis impresso. Quem quidem Librum nos illum esse

cenſemus, quem de Indulgentiis ac Sanctorum *Mediolani* Reliquiis Num. 470. proferebamus, typis *Mediolanensibus* impreſſum Anno Domini Milieſimo quingentefimo decimo quinto: quo in Libro tunc etiam iſta *Machabæorum* Corpora cum Sancta *Felicitate* ipſorum matre ibidem jacuiſſe affirmantur. Ceterum ejuſmodi Martyrum Reliquias olim *Antiochia Romam* tranſlatas, ibidemque in Eccleſia Sancti *Petri* ad Vincula conditas fuiſſe affirmat *Romanum* Martyrologium Kalendis itidem Auguſti: ubi multa collegit etiam *Baronius*, & illud etiam nominatim e *Joſepho Judeo*, quod *SALOMONA* vocaretur eorumdem mater. Liber igitur ille perperam confuſiſſe nobis videtur Matrem iſtorum ſeptem *Machabæorum* cum Matre illorum ſeptem Fratrum, quorum mentio die Julii decima in Martyrologio habetur.

CCCCLXXV. Negotium nobis nunc faceſſit Auctor Chronici *Flos ſorum* fol. 96. pag. 1. e quo tamen facile nos expediemus. *Beatus Arſatius* (verba ſunt ejus Auctoris) *Mediolani Archiepiſcopus Trigeſimus*, Anno Domini Quingentefimo ſexageſimo ſexto, videlicet ſub dominio *Narſetis Eunuchi*, *Vicarii Imperii ſuper Italiam*, ut dicit *Chronica Leonis*, fuit factus Archiepiſcopus *Mediolani*, & ſedit annis duobus: & fuit ſepultus ad Sanctum *Stephanum* ad *Rotam*. De cujus officiis oleum emanavit inceſſanter. CUJUS CORPUS *FREDERICUS BARBARUBEA UNA CUM TRIBUS MAGIS, ET CORPORA SANCTORUM NABORIS ET FÆLICIS* EXPORTARI FECIT IN *ALLAMANIAM*. Hæc ibi ille: qui tamen poſtea ſuo tempore mentionem faciens tranſlationis eorum Regum & Martyrum ab *Æno-barbo* factæ, hunc ipſum Archiepiſcopum minime vero eis affociat. *Gualuaneus* enimvero *Flamma* in Chronico Majori Cap. 144. illi per omnia de hoc Archiepiſcopo conſentit, præter ejuſmodi tranſlationem: quam ipſe mox aliter narrat. Etenim Cap. 145. narratione proſecutus (ſicut etiam nos Num. 101. memorabamus) quemadmodum Rex quidam *Lambertus Mediolanum* evertiſſet Anno *Chriſti* Quingentefimo ſeptuageſimo; ita demum concludit: *THEUTONICI TUNC*, ut dicit *Chronica Leonis* (quo pariter teſte utebatur Auctor Chronici *Flos ſorum*) *CORPUS BEATI ARSATII ARCHIEPISCOPI MEDIOLANENSIS*, de quo oleum medicabile emanabat, IN *BAVARIAM* EXPORTAVERUNT. Eademque repetit etiam in Manipulo ſorum Cap. 61. Nos tamen utrumque horum Scriptorum ea facile refellimus Inſcriptione, quam e Sancti *Stephani* Baſilica nos Num. 444. pollicebamur deprompturos. Illic igitur in Odæi pariete laterali, & ingredientibus ſiniſtro, marmorea proſtat Tabula, hiſce notis inſculpta:

Corpora Sanctorum

Martiniani, Auxani, & Manſueti,
Mediolani Archiepiſcoporum:

Protasii Martyris, Martianiſque Eremitæ: ſub veteri hujus Eccleſiæ Choro quondam ſepulta: & propter novam Templi ſtructuram inde amota, diligenterque ex antiquis Monumentis, picturis traditionibusque recognita Fredericus Cardinalis & Mediol. Archiepiſcopus poſt eorumdem celeberrimam Tranſlationem, in Septima Provinciali frequentiffima Synodo a ſe celebratam,

una cum Corporibus Sanctorum,
Arſatii Mediol. Archiepiſcopi,
Marini Martyris, ac Leonis Eremitæ,
qua in Arca jam olim a B. Carolo Card. & Mediol. Archiepiſcopo condita fuerant, incluſis,
ſub hoc Altari decentius collocavit pridie
Kal. Junii,

Milieſimo ſexcentefimo nono.

Quod ergo tumultatum in hac Baſilica dicatur San-

A *cti Manſueti* Corpus: hac de re nos jam diſſerui-mus Num. 444. & 471. ac ſi noſtra non placent; eorum protinus, quorum intereſt, judicio acquieſcemus. Quod item in hac Inſcriptione tamquam duo Archiepiſcopi nominentur *Auxanus* & *Arſatius* (contra quam multi fecerunt Scriptores) in hoc quidem conſentit etiam *Gualuaneus Flamma* Cap. 144. & 147. in Chronico Majori, Capite autem 60. & 61. in Manipulo ſorum: nec non etiam Auctor Chronici *Flos ſorum*, folio illo & pagina denique notatis. Quod tandem in *Bavariam* exportatum dicebatur Sancti *Arſatii* Corpus: de hoc (ſicut etiam mox de Sancti *Ambroſii* Corpore dicemus)

B *Bavari* proſecto ipſi ne ſomniaſſe quidem unquam videntur.

CCCCCLXXVI. *Joannes Antonius Caſtellioneus* Faſciculo illo ſuo ſexto rem auditu foedam, nobiſque pudendam relatu, in hæc verba pronunciat: *A plerisque ætatis noſtræ hominibus dubitatur, num hæc præclariffima Divorum Patriæ noſtræ Tutelarium pignora* (ſive Sanctorum *Ambroſii Protasii* ac *Ger-vaſii* Corpora) *in Baſilica Ambroſiana nunc etiam reperiuntur; contra ſentientibus aliis, ea reperi in Baſilica Sancti Victoris Martii &c.* (de quorum vanitate nos tunc dicemus, cum ad Sancti Cardinalis & Archiepiſcopi *Caroli* tempora ventum fuerit) aliis *Colonie Agrippinæ; aliis Bavarie, unde & Cenobitæ quidam ſacras Divi Patroni noſtri (Ambroſii) Reliquias ſe accepiſſe contendunt; a Frederico Barbarubro una cum tribus Sanctorum Magorum Corporibus, eo poſt acerbiſſimam illam Urbis noſtræ everſionem, eodem imperante, delatis.* Vide vero, quid ille ad hæc (quod ad *Bavariam* nominatim ſpectat) poſtmodum reſponderit. *Bavarie* (inquit) *Corpus eſſe Sancti Ambroſii, ſatis idonee non probatur ex eo, quod inde aliquot ejus Reliquiæ ad nos aliquando fuerint aſportatæ. Tum quia nullas ea de re publicas aſſertiones habemus. Tum quia Reliquiæ, quæ hoc nomine apud Divi Ambroſii Cenobitas* (ecce nunc ſingillatim, quos ſuperius in commune indicabat) *extant, ac ob id dubiæ & ſuſpectæ* (quis talia effutientem blaterantemque non miretur?) *egentesque potius rationum, quibus fulciantur, ponderibus & momentis, quam aptæ per ſe ad Divi Ambroſii Corpus alienis Provinciis vel Urbibus adſtruendum.* Hætenus *Caſtellionei* reſponſio. Sed ille proſecto nobis hac in re plurimum hallucinatus videtur. Nec enim apud Sancti *Ambroſianos* iſtos *Cenobitas* extabant extantque ullæ Sancti *Ambroſii* Reliquiæ ad ipſos aliquando e *Bavaria* adſportatæ. Sed ne *Bavari* quidem, aut ipſi *Colonienses* nobis unquam viſi ſunt ea ſibi Sanctorum Corpora vendicare. Nec enim ullum hætenus Scriptorem legimus, qui tale quiddam de ipſis tradiderit; mirumque proſecto eſſet, quod *Matthæus* ſaltem *Raderus* in tribus *Bavarie* ſuæ Sanctæ Voluminibus, quæ nuper edidit, tacere penitus illud voluiſſet. Nos ergo fideliter aperiemus, undenam ſine dubio ſuum iſtum *Caſtellioneus* traxerit errorem. Audierat enim, ſacras quaſdam e *Bavaria* Reliquias huc allatas: quod utique veriſimum eſt. Inter eas vero aliquas item Sancti *Ambroſii* eſſe, quod a vero longiſſime abeſt: hoc ſi forte ab aliis non audierat; ipſe proſecto ſomniavit. *Robertus Ruſca*, Monafterii hujus *Ambroſiani* *Monachus*, inter alia multa ingenii ſui Monumenta *Italice* conſcripta, Opusculum etiam Milieſimo ſexcentefimo vigefimo ſexto *Chriſti* Anno *Pergamenſibus* typis hoc titulo edidit: *Breve Deſcrizione del Monaftero di Sant' Ambroſio Maggiore di Milano, & ſua Chieſa &c.* Cujus quidem Opusculi tunc impreſſi exemplar in eodem Monafterio conſervatur etiamnum illud, quo Auctor utebatur, quodque plurimis poſtea marginalibus additamentis locupletavit. Inter aliquot igitur inſigniores hujus Monafterii Monachos ſatis prolixam ille facit mentionem

Roberti Fugini, Mediolanensis: qui curandis Energumenis celeberrimus & admirabilis esset: de quo nos item suo postea tempore agemus. Illud tantum in presenti exinde recitare lubet, quod ad præsens pertinet institutum; quamquam etiam hoc ipso plurimum illustrabitur illud etiam, quod Numero 297. narrabatur ab inclyto illo fidelique Bibliothecæ *Ambrosianæ* Præfeto *Antonio Olgiato*: re quidem vera dignissimo, quem Divinus ille *Carolus* Cardinalis & Archiepiscopus noster adolescentem adhuc peculiari delectu (quo quidem ipsum ego aliquoties audivi summa cum voluptate pie sancteque gloriantem) cooptaret inter Seminarii sui charissimi & a se instituti Alumnos, quemve postea paterno singulariter amore prosequeretur. *Rusca* ergo de *Alberto* ipso sic inquit: *La sua fama volò sino in Baviera. Onde, dubitando quel Duca di esser' maleficiato; lo mandò a pregare da FROSPERO VISCONTE, PRINCIPAL' CAVALIERE DI MILANO, che si volesse trasferire colà; & fece pregare il Padre Abbate di Sant' Ambrosio, che le concedesse licenza; come fece. Et fù* (Millesimum vero quingentesimum nonagesimum secundum Auctor ad hæc Annum in ora marginali adnotavit) *dal sodetto Cavaliere condotto alla presenza di quell' Altezza: che subito dal Padre Alberto veduto, dissegli, che dovesse star' di buen' animo; perche non era ammagliato, ne fatturato. Lo tratenne alcuni giorni presso di se quel Duca, per vedere, se il Padre il vero gli haveva detto. Et ritrovato & sperimentato, che nissun' male era nella sua persona; honoratamente lo rimandò à Milano; havendo ricusato un' Abbatia, che dell' Ordine Cisterciense le haveva offerto, & molti doni; HAVENDO PER DIVOTIONE ACCETTATO SOLAMENTE UN' RELIQUIARIO, CHE POI DONO ALLA SACRESTIA DI SANT' AMBROSIO.* Hæc ille. Reliquiaria vero ejusmodi Theca multis est referta Sanctorum Reliquiis: & affabre ad stuporem flosculis, aviculis, & ejusmodi aliis ornamentis, manu supra modum industria elaboratis variata. Superne vero solitum præfert Societatis *Jesu* Symbolum & Insigne, *Christi Jesu* nomen, duorum Anglorum manibus hinc inde tentum; ut proinde nobis ab aliquo ex eadem Societate videatur cum elaboratum, tum ipsi etiam *Bavariæ* Duci olim donatum. Sed quænam demum ibidem Reliquiæ continentur? Et hinc apertissime dignosces Lector, an Cœnobitas isti *Ambrosiani* aliquando contenderint, se sacras Divi Patroni nostri *Ambrosii* Reliquias e *Bavaria* (sicut ajebat *Castillionæus*) accepisse. Suas ille quidem *Mediolanenses*, sive Basilicæ Parœciæque *Vincentianæ*, Antiquitates in lucem primum edidit Anno *Christi* Millesimo sexcentesimo vigesimo quinto. Atqui Frater *Thomas Pirola*, ejusdem *Ambrosiani* Monasterii Profacellanus, superiore Anno vigesimo conscripserat justi Voluminis Librum, in præsens conservatum, & in quotidianos usus identidem ad manus, & lectitatum: cujus inscriptio hæc est: *Calendario volgare misto, Ambrosiano, Romano, e Cisterciense: nelli quali si contengono tutti li avvisamenti, che appartengono alli Reverendi Padri Sacristani delli Monaci di Sant' Ambrosio Maggiore di Milano &c.* Huic autem Calendario sacras item accensuit Basilicæ ac Monasterii hujus Reliquias. Ac Numero quidem XIX. prædictam quoque Thecam hisce verbis describebat: *Un' Reliquiario: nel quale vi è una parte della testa di Santo Christofforo Martire: & altre Reliquie di Santo Giovanni Battista, di Santa Orsola, & di altri Santi. ET FU DONATO DAL DUCA DI BAVIERA AL PADRE DON ALBERTO, ESSOR CISTA ET MONACO NOSTRO; havendolo liberato da maligni Spiriti. Et di nuovo lo tengono li Monaci.* Quod si Sancti quoque *Ambrosii* Reliquiæ in eadem Theca extitissent, easque Monachi esse ipsius contendis-

sent; quis unquam futurum fuisse credat, ut expressam earundem in hoc etiam Libro mentionem non facerent? Sed ne fecerunt in ea quidem Tabula pergamena, quam nos Num. 470. postremam numerabamus. Etenim per prædicta Fratris *Thomæ* verba nobis etiam illic Theca pariter ista innoscit, cum Numero illic XVII. sic legitur: *Reliquiarium unum: in quo reposita est pars capitis Sancti Christophori Martyris, necnon aliquæ Reliquiæ Sancti Joannis Baptiste, & Sanctæ Ursule Virginis, & etiam aliorum plurimorum Sanctorum: quod Monachi possident.* Ex his autem nobis obiter corrigatur *Paulus Morigia* in suo Sanctuario. Ibi enim meminit ille quidem hujusce Reliquiarii sacrarumque ipsius Reliquiarum, neque quicquam in his recensendis dissentit; atqui postea non hoc, sed alterum comminiscitur esse Reliquiarium a Duce *Bavariæ* donatum. Sed profecto nonnullos etiam interrogavimus Monachos adhuc superstites, qui cum eodem Patre *Alberto* familiariter aliquandiu vixerunt ex eo tempore, quo reversus e *Bavaria* sacras illas Reliquias huc attulit: præciseque unanimes respondent, non modo *Morigiam* in eo sine dubio errasse, verum etiam novum penitus & inauditum sibi esse, aliquas Sancti Patroni nostri Reliquias vel a Domino *Alberto* tunc temporis, vel ab alio unquam homine, sive inde, sive aliunde, ad Cœnobium istud adportatas fuisse. Itaque pro meo vanoque figmento illud item habent, quod hæc de re *Castillionæus* affirmabat. Ceterum *Ambrosii* suo adhuc in tumulto apud nos cubantis indicium & argumentum esse debet certissimum vel ipsummet aureum Altare, in ejus honorem (sicuti Num. 57. jam vidimus) olim constructum, ejusdemque tumulto impositum: quod utique pariter apud nos immotum ibidem in hodiernum usque diem perseverat. An enim suo ejusmodi honore sanctum Corpus fraudassent unquam *Germani*, relictoque *Mediolanensibus* hoc ipso Altari, nudum ac velut inglorium Corpus in *Germaniam* secum transtulissent? Immo vero cultus etiam & honoris tanto Sancto debiti prætextu secum etiam illud comportassent; cum præsertim nemo interea ipsis obsistere ullo modo posset. Principale (sic etiam facile ratiocinati fuissent) trahit secum accessorium. Quidni ergo Sancti *Ambrosii* Corpus hanc ipsam secum per nos trahat Aram, sui met unius gratia elaboratam, & hoc ipso in loco collocatam? Jam Corpus ad alterum transfertur locum; illuc igitur Ara simul transferatur. Talia forte illi. Nos vero constanter ex adverso ita concludamus: Cum igitur alio Aram nullus transtulerit; ne alio quidem transtulisse quisquam censendus est Corpus ipsum. Argumenta porro illa, quæ pro Corporibus Sanctorum *Protasii* ac *Gervasii* proferebamus, quis non videt, quantopere præsentem quoque juvent causam? Cujus quidem causæ potior inde præterea & melior existimari debet condicio; quod neminem adhuc nec nostratem nec exterum Scriptorem unquam legerimus, qui tanti hujus *Mediolanensium* Patroni Corpus e sua Basilica in *Bavariam*, vel *Brisacum*, vel *Coloniam*, vel alio, translatum esse tradiderit. Calendarium quidem illud in pergamena charta manuscriptum sic habet septima die Decembris: *ORDINATIO SANCTI AMBROSII, EPISCOPI MEDIOLANI. JACET IN SUA ECCLESIA.* Ibidemque pariter jacere affirmabatur in iis Libris, quibus charissimum etiam illud *Protasii* ac *Gervasii* sub Ara Maxima contubernium tutabamur. Nec vero dubium esse potest, quin propter eandem ipsorum illic, ac præsertim Sancti *Ambrosii*, præsentiam *Mediolanensis* Archiepiscopus ducentas quotannis daret illas olei libras, quibus accensæ jugiter in *Ambrosianæ* Basilicæ Choro ad Altare Majus nutrentur lampades illæ, de quibus Num. 449. dicebamus. Etenim eo Processu,

sæpius adhuc nominato, testatissimum est, & oleum illud datum, & lampades illas eo nutritas fuisse ad illud usque tempus, quo primum ille conscriptus fuit, sive ad Annum usque Millesimum ducentesium, ac ducentesium primum. Nimirum, sicut hodie, sic etiam olim, hoc erat in Ecclesiæ Catholicæ more positum, ut non tantum die sed etiam nocte in honorem sacrarum Reliquiarum cerei & lampades coram ipsis accenderentur. Qua de re inter alios multos legi potest *Bellarminus De Reliquiis Sanctorum* Libro 2. Cap. 3. Argumento nono. Quam optime vero causa isthæc nostra sese insuper habet; quod, velut ejusmodi probationum coronidem, pluries annorum succedentium decursu varia proferemus Documenta publica, quibus hæc ipsa Sancti *Ambrosii* Basilica de more jam dudum recepto ea nihilominus affirmanter enunciatur esse, **UBI EJUS SANCTUM REQUIESCIT CORPUS**: quali testificatione quænam luculentior & expressior expectari potest? An enim expectamus, ut articulatis hoc ipsum vocibus bestiarum per Urbes & compita loquantur?

CCCCCLXXVII. Neque tamen quispiam propterea hæsitet, quod in publicis hujusmodi Documentis sacrosancto *Ambrosii* Corpori connumerata deinceps non item cernentur *Protasii* & *Gervasii* Corpora, tamquam una simul cum ipso ibidem sepulta. Non enim tacere aliquid negare est. Ac si forte semel in re præsentis hoc admittatur; fateri profecto similiter oportebit, eadem ipsorum Corpora nunc suo e loco in alium translata, nunc ex alio in suum restituta; prout illa nimirum in ejusmodi Documentis vel silentio transacta, vel expresse nominata videbimus. Sed illud etiam, hoc dato, sequeretur, ut multos ante annos, quam *Ænobarbus* nostram Urbem dirueret, Corpora nominatim Sanctorum *Protasii* & *Gervasii* fatenda forent alio translata. Nos profecto ea ipsa cum Sancti *Ambrosii* Corpore numerata denique vidimus Num. 311. Annoque *Christi* Millesimo centesimo decimo: multoties vero postea solum Sancti *Ambrosii* Corpus nominatum conspeximus. Quippe non unica quoad hoc, sed multiplex servata est formula loquendi; quemadmodum vel e præsentibus Monumentis certissime colligi potest. Lectorem nosmetipsi nostrum hac perquirendi cura liberabimus: eaque tantum recognoscat ipse loca, quæ nos velut in tres classes distributa mox colligimus. Cum enim *Ambrosiana* ista Basilica, vel etiam Monasterium, in publicis, quæ nos hucusque recitavimus, Scriptis nominaretur; nonnunquam hoc præcise indicium adjecerunt: quod ibidem Corpora Sanctorum *Ambrosii* Confessoris & Martyrum *Protasii* ac *Gervasii* venerabiliter humata requiescerent. Atque hoc idem servatum Lector videbit Anno *Christi* 790. Num. 17. Anno 791. Num. 24. Anno 806. Num. 29. Anno 893. Num. 147. Anno 942. Num. 164. Anno 997. Num. 192. Anno 998. Num. 195. Anno 1005. Num. 206. Anno 1053. Num. 252. Anno 1103. Num. 299. Anno denique 1110. Num. 311. Et tamen interim aliquando memorata non fuerunt Sanctorum *Protasii* ac *Gervasii* Corpora, sed Sancti solummodo Corpus *Ambrosii*: videlicet Anno 781. Num. 11. Anno 784. Num. 14. Anno 832. Num. 44. Anno 841. Num. 104. & 106. Anno 866. Num. 115. Anno 869. Num. 120. Anno 873. Num. 123. Anno 880. Num. 130. & 131. Anno 887. Num. 145. Anno 894. Num. 149. 150. Anno 998. Num. 227. Anno 1016. Num. 211. Anno 1028. Num. 221. Anno 1034. Num. 224. Anno 1143. Num. 390. Anno 1144. Num. 397. Anno 1149. Num. 405. Anno 1155. Num. 411. Anno 1162. Num. 435. & 437. Atqui multoties etiam interim solam Sancti *Ambrosii* Ecclesiam, vel Monasterium, sine ulla sacri ejus-

A dem Corporis ibidem sepulti mentione nominari contigit. En hoc ipsum Anno 835. Num. 60. Anno 880. Num. 133. Anno 951. Num. 172. Anno 998. Num. 193. & 194. Anno 1032. Num. 222. Anno 1123. Num. 336. Anno 1144. Num. 398. Anno 1148. Num. 403. Anno 1149. Num. 404. ac tandem Anno 1154. Num. 409. Quocirca eam multis retro temporibus ac Documentis regulam pariter in subsequencia constitui a nobis hanc oportet: ut Sanctorum *Ambrosii* *Protasii* ac *Gervasii* Corpora perenniter in hac Basilica conquiescere non ideo negentur; quia talis eorum mentio in publicis deinceps Documentis non fiat; cuiusmodi profecto pleraque nobis in posterum occurrent. Per hæc autem similiter a nobis responsum intelligatur; si quis aliquando cavillari fortasse vellet in eo, quod Num. 58. & 352. Annoque circiter trigesimo supra centesimum Millesimum nobis narrabatur de Sancti *Ambrosii* Corpore, quod Sanctus ille Cardinalis & Episcopus *Parmensis* conspexisset, neque tamen in eodem tumulto Corpora pariter Sanctorum *Protasii* ac *Gervasii* conspexisse memoraretur. Ibi profecto illa pariter tunc extabant, vel etiam dato, quod inde post eversum *Mediolanum* adportata *Brisacum* vel alio fuissent: eademque profecto visu non minus quam veneratu dignissima erant. Quid ergo vetat, quo minus illa pariter Sanctus ille *Bernardus* videre optaverit, ac proinde re ipsa etiam viderit? In ejus tamen Vita prætermisum id fuit ob eam fortasse causam; quia Sanctus ille Præsul Præsulem præsertim & *Ambrosianæ* Parentem Ecclesiæ *Ambrosium* illic videre peroptasset. Sic etiam ne Basilicæ quidem, in qua sacrum illud Corpus jaceret, ulla mentio facta fuit, hanc opinamur ob causam; quia in sua ipsum Basilica tumultum conquiescere notissimum esset, satisque foret Urbem *Mediolani* nominasse. Sed satis hæcenus pro sacris Tutelarium nostrorum *Ambrosii* *Protasii* ac *Gervasii* Corporibus pugnatum. Et hic item Millesimi centesimi sexagesimi quarti Anni concludamus acta.

CCCCCLXXVIII. Ceterum inter subsequentiſ ^{A.C.} ¹¹⁶¹ Anni Millesimi centesimi sexagesimi quinti acta hoc in primis computemus, quod in eundem Annum a *Sigonio* traditur his verbis: *Et hoc Anno Lombardia absente in Germania Cesare, ab armis vacua, immodicis Germanorum Præfeſtorum imperiis tetrisque rapinis fœde est lacerata.* De quibus legi potest *Morenarum* Historia *Laudensis* in fine. De *Mediolanensibus* autem hoc præsertim circa Julium istius Anni mensem *Chalcus* narrat: tunc *Marchoaldus* duodenos ex singulis *Mediolani* Suburbii viros *Moguntiam* (sive *Mo-*
E *doetiam* evocat: & coactos in Concionem docet, oportere intra viginti dies quadringentas nummorum libras expendant. A quibus etsi difficultates allegarentur; mox tamen traditæ sunt. Reliquorum tributorum viriles portiones qui in tempore non pendebant; in duplum damnati: alii totis prædiolis mulctati sunt. Propter has igitur *Lombardiæ* oppressiones ceptum est inter ejusdem Civitates agitari de fœdere contra Imperatorem ineundo: quod & paulo post initum fuit. *Alexander* interim legitimus Pontifex a *Romanis* obnixè rogitatur, ut ad Urbem pergat: quinetiam rogantes minabantur, excepturos se fore *Guidonem* *Cremensem* (sive *Paschalem* Tertium Antipapam, de cuius intrusione nos jam diximus Num. 455.) nisi hoc ipso Anno *Romam* rediret ante festum Sancti *Michælis* Archangeli diem. Hinc ergo, sicut eodem hoc Anno apud *Baronium* Art. 10. habetur, *Otho* Cardinalis ad Sanctum *Thomam Cantuariensem* Archiepiscopum hæc inter alia scribebat: *Dominus Papa mandaverat Januæ pro galeis* (quibus utique veteres *Romam* tenderet) *Et quidem Januenses ipsi fideles & devoti sunt Domino Papæ & Curie.* Sed quia

putant & timent, Imperatorem cum Pisanis pro receptione Guidonis Cremonensis magnas conventiones & promissiones fecisse; dubitant adhuc. Unde (quod vobis solis confitemur) hoc ex litteris (Janua missis) perpendimus: quod, SI CIVITATES LOMBARDIÆ CONFOEDERATÆ FUERINT CONTRA IMPERATOREM, & galeas & alia obsequia exhibebant. Sin autem; subsistere videntur. CONFOEDERATIONEM AUTEM, SI FUTURA EST, IN PROXIMO AUDIEMUS. Aliis ergo navibus utendum ratus Alexander, e Senonensi Galliarum Urbe post celebratum Dominicæ Resurrectionis Pascha discessit, atque post Apostolorum Petri & Pauli festum ad Montem Pessulanum pervenit: cumque moratus ibi fuisset usque ad Beatissimæ Virginis Assumptionem; infra ejus Octavam conscendens navibus una cum suis sociis ad Civitatem Messanam prosperis ventis applicuit. November jam erat mensis, cum inde profectus est. Navigavit autem Salernum: dimissisque ibi nonnullis e tuo comitatu, ipse Cajetam tandemque Osliam navigio pervenit. Inde porro a Romanis summa cum gloria & exultatione receptus in Urbem fuit undecimo Kalendas Decembris. Et hæc quidem omnia luculenter ejusdem Alexandri Papæ Actis narrata videri possunt apud Baronium Art. 11. & 12. Quod si paululum inde, scilicet ad Articulum 15. progrediamur; initum itidem inveniemus interea fœdus illud, quod paulo ante dicebamus agitari jam cœptum. Etenim e Romualdo Salernitano Archiepiscopo idem Baronius gesta prosequens post Alexandri reditum in Urbem, inter alia sic narrat: Catholici vero, licet a Friderico Imperatore multas tribulationes toleraverint pro justitia; lætabantur tamen de prosperis Ecclesiæ successibus ex nimia confusione Schismaticorum. LOMBARDORUM QUOQUE SOCIETAS CONTRA ECCLESIE ADVERSARIOS ET LIBERTATIS SUÆ IMPUGNATORES INTREPIDA PERSISTEBAT. disponens universa, quæ ad retentionem sui utiliora esse prospiciebat: & ut Imperatoris calliditates & machinamenta, quæ in Lombardorum confusionem juraverat, destruere possent, operam & studium pro viribus impendebant. Ceterum inter eos, qui Pontificem Alexandrum Salerno Romam versus navigantem persecuti tum fuerant, unus fuit Obertus noster Archiepiscopus cum suis exilii confortibus, ac nominatim cum Sancto Galdino Archidiacono. Quocirca Trifstanus Chalcus, de Alexandri ad Urbem Romam profectione locutus, sic inquit: Interim magna pars peregrinorum, & in primis Mediolanenses Sacerdotes, maritimum iter pertæsi, ab Salerno Beneventum transiverant. Hic Obertus Archiepiscopus, senio morboque solutus, naturæ concessit: ibidemque in Sophiæ Templo tumulatus. Ei Alexander decimo tertio Kalendas Majas rogatu omnium, qui aderant, successorem dedit Galdinum Salam Archidiaconum, multis virtutibus & doctrina præditum, & quem paulo ante Ordine Cardinalium sub Titulo Sanctæ Sabine donaverat. Ita exiguo intervallo duos amplissimos honores, calamitatis & exilii solatia, Galdinus accepit. Hactenus Chalcus in Annum Millesimum centesimum sexagesimum sextum; cum alioqui non hæc omnia in eum Annum inciderint; ut mox patebit. Sed Lectori nostro in præsentī placeat ea recolere, quæ nos de Galdini promotione ad Cardinalatum, deque Oberti ad Dominum transitu recitavimus Num. 431. e Mombrizio & Hilarione Monacho.

CCCCLXXIX. Obertus videlicet Novembri mense jam inchoato (sicut jam diximus) Beneventum profectus. ibidem substitit. Alexander vero Pontifex vigesima prima mensis ejusdem die receptus in Urbe Roma, non multo post ad se illuc evocavit Galdinum, ac proximo Decembri mense Cardinalem creavit. Hinc Sigonius hoc ipso Anno sexagesimo

A mo quinto sic habet: Alexander, Laterano recepto, DECEMBRIMENSE ipsum, cum Cardinalem Sanctæ Sabine creavit. Quocirca placere nobis nullo pacto potest, quod in Vitis Pontificum & Cardinalium Alphonsus Ciaconus scribebat: Galdinum Senonis in Gallia creatum ab eodem Alexandro fuisse Cardinalem Anno Domini Millesimo centesimo sexagesimo quarto.

CCCCLXXX. Cum ergo Galdinus jam Cardinalis aliquantulum Romæ moraretur; contigit, ut Beneventi Obertus Archiepiscopus ad Dominum in pace migraret; OMNIBUS RELINQUENS EXEMPLUM (nam contra tanti Archiepiscopi calumniatores hoc in præsentī repetendum est ex ejusdem Sancti Galdini Vita, per Mombrizium & per Hilarionem Monachum narrata) PRO FIDE ET UNITATE ECCLESIE SE MORTI AC PERICULIS DARE, AC PRO DOMINO CADUCAM HANC ET MORTALEM VITAM PONERE. Sicut autem in Archipresbyteri Metropolitani Catalogo asseritur, obiit Obertus quinto Kalendas Aprilis. Quocirca vere obiit Anno Christi supra Millesimum centesimum sexagesimo sexto. Sed mortis ejus nuncio Romam allato, quid tandem Galdinus? BEATUS ITAQUE GALDINUS, TANTO PATRE ORBATUS, TANTOQUE DESTITUTUS SOLATIO, MULTAS PRO CHARISSIMO PATRE ET DOMINO LACHRYMAS FUDIT, compluribus pietatis suæ præbens exemplum: metuens nimirum, ut Mediolanensis periclitaretur Ecclesia: præsertim cum eo tempore Civitas dirupta jaceret, & Populus sub iugo captivitatis duræque servitutis detineretur &c. prout jam Num. 449. recitavimus. Per hæc autem refellendus ex instituto nobis est Gualuaneus Flamma, cum in Chronico Majori, Cap. 258. & 280. Obertum ipsum proditoris insinuat, Ac ipsius quidem verba priori Capite contenta nos jam Num. 410. recitavimus. Quæ autem posteriori continentur, ecce quam contumeliosa & tanto Archiepiscopo indigna. Inquit enim: Imperator Archiepiscopi proditoris Palatium expoliari jussit, & usque Beneventum (vide, quam temere hoc item loquatur: quasi vero illuc Obertus non perrexerit ex itinere cum Alexandro Pontifice) in exilium misit. Et iusto Dei factum fuit iudicio, ut, qui proditor semper fuerat, proditoris ultionem reciperet. Qui ex hoc desperatus adjudicavit seipsum, quod in hora mortis suæ præcideretur ei lingua, manus, & pedes: recognoscens se fuisse proditorem. Quod & factum est, cum in Benevento discessit. Talia Gualuaneus. Quæ tamen ipse non aliunde se mutuatum significat, quam e Chronica (sicut ipsemet loquitur) Danielis. Forte autem fortuna nuper nobis hæc inventa fuit; cum flagrantissimis illam votis expeteremus. Nobilissimæ Gentis suæ digna soboles hodie Mediolani apprime floret (atque utinam diutissime floreat) Carolus Andreas Septalius, celeberrimi Jurisperitorum hac in Urbe Collegii decus, ac politioris etiam Litteraturæ ornamentum: erga omnes autem, sed præsertim erga bonarum Artium Studiosos humanissimus, & ad favendum pariter ac fovendum per omnes occasiones promptissimus. Bibliotheca illi est plurimis referta libris, & impressis & manuscriptis: quam utique a suis demum Patre ac Patruo, Ludovico ac Hieronymo, accepit, acceptamque studiose rursus & ipse amplificavit. Ludovicus enimvero Medicorum facile Princeps & Coriphæus ætate nostra fuit: qualem scilicet multa etiam Philosophica, nedum Medica, ejus ingenii Monumenta, typis evulgata, facile testantur. Hieronymum autem, Juris utriusque ac divinæ humanæque Philosophiæ nec non etiam sacrorum Rituum &

Historiæ præsertim Ecclesiasticæ peritia præcellentem, ac demum ex Archipresbytero *Modoëtiensi* Pœnitentiarium in Basilica Metropolitana (ut nimirum Civitas ipsa magis ex propinquo tot ac tantis ejus dotibus frui posset optatissimis) supremum, Ecclesia *Mediolanensis* inter præcipua sui decora hodieque prædicabunda commemorat. Idem igitur *Carolus Andreas* sicuti nos quoque plurimum amat; ita etiam nos manuscriptis aliquot e sua Bibliotheca Codicibus ultro dignatus est. Ex his autem unus erat ille, quo Matutinas de Sanctis ab Ecclesia *Mediolanensi* olim celebratis Lectiones contineri, Num. 472. dicebamus. Alterum ei nunc adnominamus, quo prædictum *Danielis* Chronicon inter alia continetur. Hic namque Codex ab Historia incipit inscripta: *Chronica de Antiquitatibus & factis Civitatis Mediolani, & totius sui Comitatus, & quamplurimum Civitatum.* Sequitur inde Catalogus unus aliquot Sanctorum *Mediolani* Archiepiscoporum, mox & alter omnium Prætorum: de hinc aliquot alia diversorum annorum accidentia. His illud succedit Chronicon, quod nos *Danielis* esse deprehendimus ex iis, quæ *Gualuaneus Flamma* tamquam e *Danielis* Chronico allegat, quæve hoc ipso in Chronico verbatim leguntur. Incipit autem ab Anno Dominicæ Incarnationis Sexcentesimo sexto, & ad Millesimum ducentesium octogesium pertingit: prolixumque præsertim est in rebus *Angliæ* Regum & Comitum recensendis: nec aliunde profecto *Gualuaneus* ipse *Flamma* illas in suum Chronicum congeffit. Ceterum Exscriptor hæc illi verba præmisit: *Exemplum hoc vetustissimi cujusdam Annalis, in antiqua quadam Bibliotheca reperti, ne nimia vetustate corrosus in nihilum abiret, Gabriel Cusanus fidelissime transcripsit Idibus Aprilis, a Partu Virginis Millesimo quingentesimo decimo tertio.* Quod igitur attinet ad proditiōis notam *Oberto* Archiepiscopo impactam, & ad infelicem ipsius mortem, qualem *Gualuaneus* item *Flamma*, hinc absque dubio mutuatus, describebat: ecce tibi, Lector, quid hic itidem haberetur: quove proprius ad erroris ac figmenti fontem accesseris, eo certius & facilius errorem unum ex alterius adjectione confutabis. Descripta enim *Mediolani* everione ab *Ænobarbo* imperata, sic habetur: *Illi vero, qui debeant esse boni & fideles, videntes destructionem, quam faciebat Imperator, fuerunt mœsti & dolentes, & Imperatori non poterant vetare. Et tunc Dominus Obertus de Pirovano, qui erat Archiepiscopus, fuit derobatus, sicut fuerunt alii, & Ecclesiæ, & Hospitalia. Et dictus Imperator fecit accipere CORPORA SANCTORUM MAGNORUM, QUI ERANT AD SANCTUM EUSTORGIUM.* Prædictus vero Archiepiscopus quando ipse hoc vidit: & vidit etiam ducere trecentos viros de melioribus Populi *Mediolani*, & viginti duos de Comitibus de *Inglefio*, qui erant Vasalli & obedientes dictæ Ecclesiæ *Romanæ* & Sancti Petri Apostoli: qui postmodum inceperunt clamare, **MORIATUR TRADITOR, QUI NOS DUXIT AD TALEM PORTUM;** tunc dictus Archiepiscopus fuit mœstus, & se desperavit, & dixit, *Ego non valeo amplius, quia feci destruere Terram meam;* **ET JUDICAVIT SE AD FACIENDUM SIBI INCIDERE MANUS ET PEDES ET LINGUAM; ET POSTEA VIXIT PER MENSES DUOS, ET DIES SEX; ET POSTEA MORITUR.** Quam procul a vero? Vel e tanto isto errore quidni alterum quoque illum dignoscimus, & ablegandum putamus? Sicut autem nullum fere mendacium est, quod alicui non innitatur veritati; sic etiam mendacem hujusmodi contumeliam nos quidem suspicamur *Oberto* fuisse Archiepiscopo propterea affictam; quia, cum postremam *Ænobarbo* deditionem *Mediolanenses* inter se decrevisset; atque etiam for-

A tasse jam cum ipso agitent, ille fugerit ad *Alexandrum* Papam; proindeque (sicut Num. 417. Annoque octavo supra Millesimum centesimum quinquagesimum jam fecerat) nec ille nec Clerus ad Imperatorem supplex processerit. Quod si processisset: atque, quod erat consequens, si una cum Clero suo *Victorem* Antipapam, ejurato *Alexandro*, tamquam Pontificem legitimum admisisset; sperari poterat futurum, ne, pulsus ab Urbe Civibus, Urbem ipsam Imperator excidioni permetteret. Fortasse etiam ipsimet Imperatoris affectu, ad majus odium Archiepiscopo conflandum, Populumque magis ab eo & a Pontifice *Alexandro* alienandum, eam fuisse unam Civitatis evertendæ causam, schismatico illo spiritu suo postea venditarunt. Certe quidem *Joannes Nauclerus* Chronographiæ suæ Volumine Secundo, Generatione 39. *Raphaëlem Volaterranum* secutus hæc scripsit: *Obsidendæ Urbis Mediolanensis loquitur autem de postrema illa obsidione) hæc fuerat causa; quoniam, ut refert Volaterranus, Alexander ad Gualfagum Angliæ Comitem (aliis Gualuagnum, vel Gualuaneum) ac Mediolanensem Principem sese receperat. Quam ob rem ira percitus Imperator, in Italiam veniens, post factam & latam in se execrationis sententiam Mediolanum obsedit: ac Terras, quæ cum eo conspiraverant, desolavit.* C Quod si hæc ita se habuerint; nos quidem *Obertum* ipsum in eo jam prædicabimus beatiorē, quod non exilium modo voluntarium ceterasque ipsius ærumnas, sed eam quoque calumniam passus idcirco fuerit, quia justitiam sectari, quia vero legitimoque Catholicæ Ecclesiæ Capiti adhærere, quia pro fide atque unitate Ecclesiæ sese morti ac periculis dare, quia caducam & mortalem hanc vitam pro Domino exponere maluerit, quam Schismaticis, Ecclesiasticæ unitatis hostibus, & inconsutilem Domini tunicam scindentibus, consentire, obedire; sicuti nos de ipsomet *Oberto* pariter ac de Sancto *Galdino* differuimus Num. 431.

CCCCCLXXXI. Eundem porro Archiepiscopum nos inde præterea commendandum arbitramur, quod pro Concivibus suis in Patriam restituendis, tantaque Urbe reparanda, viribus suis omnibus saltem curasset, ut Colloquium illud haberetur *Pontidenſe*, de quo infra dicemus. Sane quidem in Catalogo Actis Ecclesiæ *Mediolanensis* conferto sic legitur: *Is summa prudentia Vir Conventum habuit de Urbe instauranda; sed rem non perfecit, morte ereptus.* Sed expressius in Catalogo, *Successores Sancti Barnabæ* inscripto: *Hic Archiepiscopus summa prudentia Conventu habito in Ecclesia Sancti Jacobi DE PUNTIDA, Agri Bergomensis, de instauranda iterum Urbe Mediolani cum finitimis Civitatibus, votum sui desiderii feliciter implevit; sed morte præventus non potuit perfrui desiderii optatis.* Nec minus luculenter eadem *Petrus Franciscus Besutius* in sua *Mediolanensium* Pontificum Historia, patrio sermone conscripta, affirmavit; sed non sine alterius erroris admistione; cum scriberet, *Obertum* habito ejusmodi Colloquio, spe ceteroqui sua fraudatum, abiisse *Beneventum*, quo relegatus ab Imperatore jam fuisset. Nos igitur non hoc tantum negamus, sed etiam Colloquium illud ab *Oberto* habitum fuisse, sicut infra constabit; cum alioqui ejus habendi voluntatem curamque ac sollicitudinem ipsi non defuisse libenter admittamus.

CCCCCLXXXII. *Obertus*, ut dictum est, ex hac vita migraverat quinto Kalendas Aprilis. Testibus autem *Trifano Chalco* (cujus jam verba recitavimus) & *Carolo Sigonio*, *Alexander* Pontifex decimo tertio Kalendas Majas ei successorem dedit *Galdinum*, ex Archidiacono *Mediolanensis* Ecclesiæ paulo ante creatum Ecclesiæ *Romanæ* Presbyterum Cardinalem. Quemadmodum vero illis adtestetur ejusdem *Galdini* Vita, talibus ex ipsius verbis intelligi da-

datur: Deus autem omnipotens, qui quos diligit castigat, tam sanctam & nobilem perire Ecclesiam nolens (nimirum Mediolanensem) dignum illi Pastorem providit; & Civitatem in virtute brachii sui post aliquantum tempus restauravit. Nam memoratus Summus Pontifex (Alexander) Ecclesiae desolatae providere volens; Beatum Galdinum, multis praeclitum virtutibus, ipsi in Episcopum consecravit. Qui, licet propter exilium laboresque perpeffos corporis debilitate laboraret, nec tantum onus voluntarie susceperat; animo tamen constans, & charitate fervens, assiduis precibus & crebris Dominum exorabat suspiriis, ut Civitas lapsa aliquando surgeret, Ecclesia restauraretur, & tam Clerus quam Populus secum pariter proprias remicaret ad sedes. Haecenus e Sancti Galdini Vita, multoties adhuc in testimonium adducta.

CCCCCLXXXIII. Pacificè interim Romae sedebat Alexander Pontifex: totaque jam Italia, in spem fortunae melioris excitata, sese illi adjungebat. Quo Fridericus audito; veritus, ne brevi tempore totius Italici Regni possessionem amitteret; novam expeditionem in Italiam decrevit; statimque Raynaldum Colonensem ac Christianum Moguntinum Archiepiscopos cum ingentibus copiis huc maturare iussit; quemadmodum Sigonius hoc ipso Anno sexagesimo sexto recenset. Dum vero novum sibi quoque contraheret exercitum, in Italiam pariter postea deducendum; Concilii etiam praesidio sibi opus esse ratus est, quo res Antipapae sui Paschalis adversus Alexandrum confirmaret. Illud igitur Herbipoli (aliter Vuirzburgi) proximam in Pentecosten indicit, cui scilicet ipse cum suis Episcopis & Principibus interfuit: statoque sic etiam tempore illuc conveniunt. De nefandis ac sacrilegis Conciliabuli hujus Decretis in promptu est ad eundem hunc Annum Baronius. Idem ipse consulatur. Sed & Novembri denique mense Fridericus ipse cum suo exercitu in Italiam transgressus, primum in Roncalias venit (sicuti narrat Sigonius) ut jus Populis diceret: deinde, bello anteverso, Laudem, ut sedatius de illo inferendo consilium caperet, adiit: atque ibi Convantum habere instituit. Cum vero Civitates Italiae Legatos illuc suos singulae misissent conquestum indigna servitute, qua per Germanos ipsius Administros ac Praefectos opprimerentur; eos ipse auditos superbe repudiavit; & uni praesertim Alexandro Papae infensus, e communi suorum sententia bellum adversus eum decrevit. Eo enim (ut ajunt) proposito in Italiam profecti sunt, ut Cremenensem Haereticarcham (Pseudopontificem Paschalem) intrudant in Sedem Petri, & Vicarium Christi (Alexandrum) aut comprehendant, aut ejiciant, aut occidant: veraciter scribebat Epistola 169. Joannes Saresberienfis; quemadmodum Baronius item Art. 13. sapienter observavit. De praedicto autem Laudensi Colloquio legi potest etiam Acerbus Morena.

CCCCCLXXXIV. Finito itaque Colloquio (verba sunt ejusdem Morenae) & transacta sanctissimae Dominicae Nativitatis festivitate, Imperator cum Coniuge sua & cum toto Exercitu suo, die Mercurii, decimo sexto mensis Januarii, in Anno Millesimo centesimo sexagesimo septimo, Indictione quinta decima, Romam versus profectus est. Qui cum Bononiam pervenisset, a Bononiensibus obsides petiit &c. A Bononia vero discedens, cum apud Imolam pervenisset; ab Imolensibus (quia eos destruere minabatur) & a Faventibus, & ab illis de Forlini, & a Forli Populo multas pecunias exegit; & ibi circumquaque usque ad Quadragesimam & usque ad festum Sancti Petri permansit. Deinde ad Civitatem Anconae perrexit: & eam capere volens, fortiter expugnavit. Sed quia ipsa Civitas fortis erat valde, & etiam bene murata; Cives ipsius eam viriliter defenderunt. Sed tamen quampluribus ex eis vulneratis, multisque mortuis, & etiam captis, cum Imperatore foedus interunt, magnam sibi pecuniam promittentes: pro qua

A sibi solvenda ei quindecim obsides tradiderunt. Hoc vero foedere inito Imperator inde recedens, versus Romam cepit iter. Haecenus Acerbus Morena. Cui pariter adstipulantur etiam Tristarus Chalcus & Carolus Sigonius in hunc ipsum Annum.

CCCCCLXXXV. Ceterum ex adverso item Alexander Lateranense interim Concilium illud congregavit, cujus mentionem Baronius facit Anno postea Sexagesimo octavo, Art. 53. & 54. e Joannis Saresberienfis Libro 2. Epistola 84. ad Cameracensem Subpriorem: quam scilicet Epistolam eo ipso scriptam Anno idemet Baronius affirmat. De Concilio igitur illo Lateranensi Saresberienfis inter alia sic scribit: Cum Romanus Pontifex (Alexander) per patientiam Theutonici Tyranni (Friderici) diutius expectasset, ut vel sic provocaretur ad poenitentiam: & Schismaticus, abutens patientia ejus, peccata peccatis adderet jugiter, ut error in amentiam verteretur; Vicarius Petri, a Domino constitutus super Gentes & super Regna, Italos & omnes, qui ei ex causa Imperii religione iurjurandi tenebantur astricti, a fidelitate ejus absolvit, & Italiam fere totam a facie furentis & praesentis tanta felicitate & celeritate excussit, ut in ea nihil habere videatur, nisi tortores, quos evitat, interdum & angustiarum, quas evitare non potest, iuge supplicium. Abstulit ei etiam Regiam Dignitatem, ipsumque anathemate condemnavit: & inhibuit auctoritate Dei, ne vires ullas a modo in bellicis congressionibus habeat, aut de Christiano aliquo victoriam consequatur, aut alicubi quiete & pace gaudeat, donec fructus poenitentiae condignos operetur. In quo secutus est exemplum Gregorii Septimi, decessoris sui: qui nostra aetate Henricum Imperatorem, Ecclesiae Privilegia convellentem, deponens, in Concilio Romano simili Sententia condemnavit. Et quidem illa Sententia effectum sortita est: & hanc, de Privilegio Petri latam, videtur ipse Dominus confirmasse. HOC ENIM ITALI AUDITO, AB EO DISCEDENTES, REAEDIFICAVERUNT MEDIOLANUM, SCHISMATICOS REPULERUNT, CATHOLICOS REDUXERUNT EPISCOPOS, ET APOSTOLICAE SEDI UNANIMITER ADHAESERUNT. Sed quid nota recenset? Hoc ubique locorum fama, quasi praekonis voce, concelebrat: nec aliquibus dubium puto, ne forte lateat illos, qui soli tempestate hac exulant domo sua. Haecenus Saresberienfis de hujusmodi Concilio Lateranensi. E quo quidem Baronius ibidem non immerito existimat, creditam Galdino Mediolanensi Archiepiscopo fuisse Legationem: qua Catholicos Episcopos, ab Ecclesiis suis pulsos, restitueret; Schismaticos vero, Sedi- bus intrusos, expelleret: quemadmodum de Laudensi nominatim Episcopo ille fecit; sicuti & nos tempore suo memorabimus. Nunc ad Acerbum revertamur Morenam.

CCCCCLXXXVI. Ille igitur post superiora, quae nos ex ipso recitabamus, verba sic illico profectus: Dum haec autem Thusciae & Romanae ab Imperatore agerentur, Procuratores ipsius, quos in Lombardia reliquerat, super ipsos Lombardos iniquius solito servientes, ipsos tantis & tam gravibus contumeliis & injuriis affligebant, quod nullo modo sic gravatos se posse vivere existimabant. Quare Mediolanenses qui durius aliis opprimebantur, cum Cremonensibus, Pergamensibus, Brixianis, Mantuanis & Ferrariensibus Colloquium statuerunt. In quo cum omnes insimul congregati mala a Nunciis Imperatoris illata adinvicem retulissent; magis mori cum honore, quam miserabiliter vivere, eligentes, hoc pactum ibidem cum juramento inter se firmaverunt; videlicet, Unaquaeque Civitas alteram adjuvaret, si Imperator, aut Procuratores ejus, de cetero eis, vel alicui earum, aliquam malitiam inferrent, vel eos contra rationem in aliquo molestant; salva tamen Imperatoris omni fidelitate, quam per hoc pactum infringere nullatenus intendebant. In ipso etiam Colloquio certum

terminum statuerunt: in quo omnes Mediolanum pergerent, & ipsos Mediolanenses in sua Civitate ponerent: & cum eis in ipsa tamdiu manerent, & eos ad Fossata eorum relevanda adjuvarent, quamdiu ipsi Mediolanenses, se solos ibi manere securiter posse, minime dubitarent. Quibus sic peractis, omnes ab ipso Colloquio recedentes, ad suas Civitates cum ingenti gaudio redierunt. Hæc Acerbus Morena, Curia tunc Imperialis Dux, atque Friderici Romam tendentis affectator. Alexandri porro Papæ Acta sic apud Baronium Anno superiori, Art. 15. tradunt: In illis diebus, cum adhuc Fridericus Imperator obsideret Anconam; Societas Lombardorum, in libertatis suæ soliditate fortius roborata, dignum duxit, ut Mediolanum Civitatem suam, Domino auxiliante, & diruta mœnia, SUFRAGANTIBUS BEATI AMBROSII MERITIS, studiosius repararet. Ad maiorem quoque operationis stabilitatem Laudem, quam ipse Imperator in oppressionem aliarum Civitatum noviter transfulerat in loco munitissimo, eisdem Mediolanensibus amicabiliter fœdere sociavit, & arctioris vinculi amore astrinxit. De quo tamen fœdere cum Laudensibus inito nos infra suo tempore agemus. Interea Lectorem insuper hortamur, ut ad uberiorem intelligentiam eorum, quæ ad ejusmodi Colloquium atque Mediolanensium restitutionem in Urbem spectant, Historias consulat Bernardini Corii, Tristani Chalci, & Caroli Sigonii, ad hunc ipsum Annum. Corius profecto & Chalcus Colloquium istud disertissime affirmant habitum in Pontidensi fuisse Monasterio inter Mediolanum ac Bergomum: cujus utique Monasterii mentionem nos jam fecimus Num. 316. & 331. Ac sine dubio Colloquium illud est, quod paulo ante Oberto Archiepiscopo adscriptum a quibusdam videbamus; cum alioqui jam ille obiisset. Sicut autem illum præcise nos dicebamus obiisse vigesima octava Martii die; ita Corius vicissim & Sigonius expresse nobis affirmant, ejusmodi Colloquium fuisse habitum die septima proximi Aprilis.

CCCCCLXXXVII. Jam vero pauculis etiam hinc Sigonii verbis in præfens utamur: Ibi (hoc est, in eo Pontidensi Colloquio) constituta die singulæ Civitates Præfectos Friderici per tumultum Urbibus exegerunt. Remque publicam creatis Consulibus veterem retulerunt. Inde, ubi constituta inter eos dies venit (ea vero ante quintum Kalendas Majas fuit) omnes armati præsto Mediolanensibus affuerunt: eosque veterem in Patriam, quamquam desertam atque deletam, restituerunt: ipsomet nimirum die quinto Kalendas Majas; non autem quarto, sicut Corius erravit.

CCCCCLXXXVIII. Silicea etiamnum Tabulavitur in fronte Portæ illius Romanæ, quam postea quarto tantum deinde anno videbimus extructam: quæve Tabula clavis tantum illic est ipsimet parieti, & in latere quidem ingredientibus sinistro, affixa. His igitur ea primum est notis insculpta:

✠ Anno Dominicæ Incarnationis Millesimo centesimo sexagesimo septimo, die Jovis, quinto Kalendas Magii, Mediolanenses intraverunt Civitatem. Et ad hanc profecto tam solemnis testimonii vocem subita nosmetipsos insilit lætitia, perinde ferme ac si nos quoque in charissimam istam Urbem ac Patriam cum Civibus illis nostris jam tandem reverteremur. Igitur, quod faustum utileque fuit (ut cum Tristano loquamur) quinto Kalendas Majas, diutino magis quam longo postliminio, iis adiuti copiis Cives nostri in Urbem revertuntur. Notos quisque lares repetunt: quamvis informes squalidos muscosos subeunt: rudera moluntur: tectis obducunt. Dumque privata reficiunt, minime negligentes in publicis se præbent. Siquidem Fossas repurgant, Vallum erigunt: ac cetera gnaviter peragunt, quæ præsentī necessitati conducere videntur. Sed proferamus insuper, quomodo reditum istum describat Acerbus Merena post illa protinus verba, quæ de-

A mum ex ipso recitavimus. Appropinquante vero (inquit) ipso termino, prædictæ Civitates, Mediolanum venientes cum vexillis & armis, ipsos Mediolanenses in Civitatem Mediolani cum magna letitia mense Aprilis introduxerunt: & eis omnia, quæ promiserant, impleverunt. Quando vero Mediolanenses putaverunt, se ibi posse manere secure; prædictas Civitates, maximas gratias referentes, omnes redire domos suas concesserunt, Quidnam vero ad ejusmodi nuncium Enobarbus? Hæc autem omnia (subdit idem Morena) cum ad Imperatorem pervenissent; palam, se habere pro nihilo, & quasi de hoc non curare, monstravit. B Tamen, hæc clam graviter accipiens, doluit vehementer. Sed plusculum adhuc aliquid e Sancti Galdini apud Mombritium & Hilarionem Vitæ lætanter in præfens addiscamus. Siquidem illa pariter ex ordine hunc in modum se habet. Modico igitur tempore (posteaquam Galdinus ad Archiepiscopalem hanc Sedem promotus fuisset) elapso, Lombardi similem ob casum sibi providentes: memores roboris & fortitudinis memoratæ Civitatis (Mediolani) clam iniere Consilium, eam in munimentum ac aliarum Civitatum defensionem instaurare statuentes. C Ad ipsam autem armata manu accesserunt; ut Cives, qui in quatuor partes dispersi fuerant, ad Civitatis introitum hortarentur, & confirmarent. Primitusque Pergamenses milites decem, cum vexillis decem (sub quibus nimirum totidem turmae militabant) venerunt. Brixienſesque & Cremonenses Mantuani quoque cum Veronensibus, cum his qui Marchiam Tarvisinam incolunt, Mediolanenses introduxerunt in Civitatem Anno Domini Millesimo centesimo sexagesimo septimo, quinto Kalendas Maji. Tunc fuit videre Populum de Babylonica captivitate redeuntem, viros præ gaudio flentes, parvulos & mulieres præ lætitia clamantes. Ferebantur voces in cælum: festinabat quisque ad propria. Hæc ibi verbatim usque ad itineris descriptionem, quo Galdinus etiam ipse non multo post ad Patriam revertit: ut paulo post dicemus.

CCCCCLXXXIX. Restitutis in Urbem Mediolanensibus, Cremonenses illico per suos Legatos curarunt, ut Laudenses eodem sibi contra Fridericum fœdere sociarent. Cum vero pluries id frustra tentassent; quam poterant maximum exercitum collegerunt una cum Mediolanensibus, Pergamensibus, Brixienſibus ac Mantuanis: eoque Laudam duodecima Maji die hostiliter adorti, obsidendo pugnandoque cives illos tandem adegerunt, ut vigesima secunda mensis ejusdem die consentirent. Et hæc quidem prolixè narrat Acerbus Morena. Quo pariter teste Mediolanenses ac Pergamenses die subsequenti alacres inde perrexerunt ab obsidendum Treccii Castrum: in quo, quamoptime muris altissimaque Turri munito, multas Imperator opes ac Ruinum collocaverat Præfectum. Die igitur Sancto Laurentio sacra, & mensis Augusti decima, Castrum in deditionem acceperunt: illudque ingressi spoliaverunt, combusserunt, murosque ac Turrim funditus everterunt. Hæc autem omnia (concludit Morena) cum Imperatori fuissent relata; quamvis inde se multum dolere non monstrasset, tamen graviter nimis suscepit.

CCCCXC. Quæ interea Fridericus ejusque Proceres, Romam versus profecti, variisq; impliciti bellis, egerint: hæc intelligi maxime possunt ex Acerbo Morena, quem Chalcus quoque ac Sigonius secuti fuerunt. Nos illud singillatim exscribemus, quod idem Morena his enarrat verbis: Interea Dominus Guido Cremensis, qui Viterbii morans, ab Imperatore & a multis Archiepiscopis, Abbatibus, Prioribus aliisque quampluribus Mundi hominibus tunc pro Papa habebatur, Imperatoris adventum diu expectans & affectu nimio desiderans: ad eum, quamvis sæpe alias memisset, novissime Legatos suos quamplures destinavit: mandans,

dans, ut, quam citius posset, absque dilatione Romam veniret, hostes debellaret, & Raynaldum Cancellarium, qui tunc pro Papa in Roma & in quibusdam aliis partibus multis tenebatur, qui tunc Romæ morabatur, de Roma expelleret; & ipsum Romæ in possessione Papatus poneret, & manuteneret. Imperator vero, voluntati & consilio dicti Domini Guidonis (qui dicebatur Papa Paschalis) annuens, Romamque cum magno gaudio veniens, in Anno Millesimo centesimo sexagesimo septimo, die Lunæ, nono Kalendas Augusti, Indictione decima quinta, in Monte (adde Malo) prope Romam cum suo Exercitu castrametatus est. De hinc ergo Fridericus cum contra Romanos pugnasset, atque ipsimet etiam Sancti Petri Basilicæ ignem iniecit; ea quidem potitus est; atqui de Pontifice Alexandro facere non valuit, quod volebat. Ille siquidem protinus e Laterano se recepit in ædes Frangipani, acerrimorum pariter ac fidelissimorum sui defensorum: deinde autem nocte intempesta cum sua familia excessit Urbe: atque Circejos primum, deinde Tarracinam, tum Cajetam delatus, postremo Beneventum accessit.

CCCCXCI. Sequenti igitur proximo die Dominico (prosequitur Morena) prædictus Papa Paschalis cum suis Cardinalibus in ipsa Ecclesia Sancti Petri Missam honorifice & cum magno gaudio celebravit. Ipsoque die in capite Imperatoris circulum aureum tantummodo imposuit. Sequenti vero die Martis, in quo fuit festum Sancti Petri ad Vincula, prædictus Dominus Papa Paschalis Dominum Fredericum Imperatorem & Serenissimam Augustam Beatricem conjugem suam Coronis, ex auro purissimo & multis pretiosissimis gemmis decoratis, coronavit in ipsa Ecclesia Sancti Petri. Quod videntes Romani, foedus plerique cum Imperatore inierunt, atque Paschalem se pro Pontifice legitimo habituros juraverunt; sicut idem narrare pergens Morena, suam Historiam concludit. Morte siquidem correptus ultra progredi scribendo non potuit. Quocirca nescio quis alius illam prosequitur.

CCCCXCII. Novus hic ergo Laudensis hujus Historiæ Continuator suis etiam ipse verbis jam nobis edisserat, quam cito ultor insteterit a tergo Deus. Interea (incipit ille) dum hæc Romæ agerentur, quædam maxima ac miserabilis & mortalis pestilentia super Imperatorem ejusque totum Exercitum divinitus accidit. Sequenti namque die Mercurii proxima, cum maxima cæli serenitas esset, statim quasi in ictu oculi mirabiliter pluere cepit. Deinde post aquam serenitas magna & clara nimis facta est: statimque infirmitas super Imperatoris Exercitum talis excrevit, quod equites & pedites atque scutiferi corruerant & moriebantur. Ob quam rem Episcopi, Archiepiscopi, Comites, Marchiones & Duces aliique multi nobiles & ignobiles, qui in ipso Exercitu erant, corruerant. Inter alios autem Proceres ea tunc tabe mortuos enumerat etiam Raynaldum Colonie Archiepiscopum electum (nec enim consecrationem ille unquam acceperat: qua de re legatur etiam Baronius Anno Millesimo centesimo sexagesimo sexto, Art. 9. & 10.) & Episcopum de Lexo, sive Leodiensem. Hunc Tristanus Chalcus Henricum nominat, sicut & alterum illum ipsius decessorem, quem tertio ante anno Papiæ mortuum asseverat, ac de quo nos item plura in superioribus diximus. Sed hic re vera, non Henricus, sed Alexander, inter eos hujus nominis Episcopos Secundus, appellatus fuit. Quamobrem de ipso Ægidius Aureæ Vallis Religiosus Cap. 46. sic scribebat: Secundo anno Episcopatus sui in tertia expeditione, qua ipse Fridericus Imperator Romam Leonianam obsedit & incendit, cum multis Primoribus & Magnatibus Imperii gravi aëris pestilentia morte repentina ibidem occubuit quinto Idus Augusti, Anno Domini Millesimo centesimo sexagesimo septimo. Corpus ejus Leodium relatum, & in Majori Ecclesia sepultum est. Legatur ibidem quoque in Annotatio-

nibus Chapeavillus. Qui tamen pestilentiam istam prædictæ Laudensis Historiæ verbis enarrans, uni tribuit Otthoni Morenæ totum illud, quod partim Acerbo ejus filio, partim autem ipsius Continuatore quidem vera debetur. Ceterum idem Continuator Acerbum quoque Morenam tunc temporis in Urbe Roma febricitare cœpisse narrat: & ab Imperatore accepta redeundi domum suam facultate vectum Senas, ibi decimo quarto Kalendas proximi Novembris obiisse, posteaquam ibidem per duodecim & amplius hebdomadas æger jacuisset.

CCCCXCIII. Jam vero nos ad Urbem nostram revertamur: eodemque Sanctum Galdinum, Archiepiscopum nostrum, Cardinalem ac Legatum in Lombardia Apostolicum, intrantem, ac solemni pompa ingredientem comitemur. Statim ac vero Mediolanenses huc rediisse nunciatum Romæ fuit; tum profecto Galdinus, tanta fruendum ratus opportunitate, nobis (e consilio scilicet Alexandri etiam Papæ) deliberasse videtur de capeffendo, quantocyus posset, ejusmodi itinere; sicut etiam mox ex ipsius Vita constabit. Mombritijs enim, descripto Mediolanensium reditu, quemadmodum ipsius verbis nos item illum Num. 488. describebamus, ita protinus sequitur: His ita peractis, Galdinus, CIVITATIS SUÆ RESTITUTIONEM AUDIENS, proinde suscepta Apostolicæ Sedis Legatione, iter ad Patriam arripuit: & præcavens inimicorum insidias, quæ in plerisque locis sibi tendebantur, mare navigans, in peregrini habitu Venetias ingentibus periculis tamen incolumis pervenit. Ac deinde Lombardiam attingens, suscepto Episcopali habitu Insignibusque Pontificalibus, Mediolano factus est propinquior. Occurrerunt summa exultatione universi cum toto Clero Cives: eumque digna veneratione, ut par erat, suscipientes, USQUE AD BEATI AMBROSII BASILICAM CUM HYMNIS DEDUXERUNT Anno Natalis Dominici Millesimo centesimo sexagesimo septimo, quinto die Septembris. Facta est igitur in Civitate de tanti Pastoris adventu ingens lætitia: & exultaverunt omnes, videntes, omnia sibi cooperari in bonum. Cessaverunt autem universi Ecclesiæ (sive Alexandri Papæ) impugnatores: & alii quidem veniam postulantes, alii vero post abeuntes, omnes a persecutione destiterunt. Suscepit itaque Vir ille piissimus Ecclesiam &c. Hæc Mombritijs. Quod si præterea noscere cupimus locum, in quo Mediolanenses illi occurrerint, & quemadmodum inde ipsum ad Basilicam non modo Ambrosianam verum etiam Metropolitanam deduxerint; hæc utique nobis in Catalogo cum Archipresbyteri Metropolitanani tum etiam Urbani Secretarii talibus verbis indicantur: Mediolanum venit: ET IN MONASTERIO CHARÆVALLIS MORAM TRAXIT (quidni ergo illud a Schismate jam ante resipuisse fateamur? Ubi a Mediolanensibus paratum equum sandalio coopertum ascendit. ET INDE AD ECCLESIAM BEATI AMBROSII, POSTEA AD ECCLESIAM MAJOREM (qualis qualis illa post prædictam Campanilis ruinam tunc erat) pallium super caput habens auratum, quod cum quatuor hastis a Confanoneriis portabatur, pervenit. Hactenus in commune ambo illi Archiepiscoporum nostrorum Catalogi. Sed insuper in eo, quem urbanissimus ille Secretarius nobis commodavit, tempus additur, quo præcise Galdinus fuit in Urbem ingressus: ac Mombritijs concors asserit, non modo Christi Annum fuisse Millesimum centesimum sexagesimum septimum, sed etiam diem Septembris fuisse quintam: quod ipsum etiam in Catalogo Actis Ecclesiæ Mediolanensis conferto affirmatur. Quocirca nos quidem in hoc Tristano Chalco dissentimus, cum Galdinum Nonis huc venisse Decembribus in hæc verba scribit: Interea ad confirmandos amicorum animos, & novos conciliandos, erigendumque statum Re-

ligionis, ab Alexandro Pontifice Galdinus Mediolanensem Archiepiscopus dimittitur. Is navigio Venetias delatus, inde mutato habitu ab Urbem venit. Cujus in ingressu sumptis insignibus amplissimi Sacerdotii, summa omnium letitia & gratulatione accipitur. Nonis Decembribus IN ÆDES AMBROSIANAS DUCTUS EST. Ubi admissis Reipublicæ Præsidibus, & quo in statu res forent, & quæ agenda superessent, dixit: immo vero discit, quemadmodum in ejusdem Tristani legitur autographo Codice. Ceterum in hoc Sancti Galdini ad capeffendam Sedis Archiepiscopalis possessionem ingressu in Urbem mos ille retentus observetur ut a nobilissima hodieque Confanoneriorum familia comitatus ingrederetur, utque ad Basilicam recta veniret Ambrosianam prius, quam Sedem in Metropolitana capefferet.

CCCCXCIV. Ut autem Galdinum pariter ac Obertum ipsius decessorem intelligamus vel e longinquo terrarum tractu adlaborasse, ut prædicta Lombardorum Societas, utque Colloquium etiam illud Pontidense coalesceret; hoc proferre loco præstat etiam elogium illud, quod eidem Galdino Catalogus Successores Sancti Barnabæ inscriptus adscribit in hæc verba: Hic primus post dirutum Mediolanum, INHÆRENDO VESTIGIIS SUI PRÆDECESSORIS, Mediolanum felicissimis auspiciis instauravit, UNDIQUE COLLECTIS CIVIBUS DISPERSIS, ET IN PATRIAM REDUCTIS.

CCCCXCV. Jam vero, quæ ad primum Sancti Galdini Archiepiscopi pertinent ingressum in Urbem nos eo tandem concludamus, quod in Processu jam sæpius memorato recensetur. Etenim decimus sextus Testis pro Monachis examinatus, Petrus de Garlate, Majoris Ecclesiæ Lector, sic inter alia verbatim testabatur: Quando Dominus Galdinus, Archiepiscopus & Cardinalis, primo Roma venerat, vidi DOMNUM SATRAPUM, TUNC PRÆPOSITUM CANONICÆ SANCTI AMBROSII, sedentem in Choro Ecclesiæ Sancti Ambrosii, in loco & sede Abbatis. Unde DOMNUS AMIZO DE CRUCE, TUNC ABBAS IPSIUS MONASTERII, intravit Chorum revestitus cum Aqua sancta: & me vidente, fecit de sede sua ipsum Præpositum removere: & ibi sedit coram multitudine Clericorum ibi collecta adreceptionem Archiepiscopi. Et hinc quidem Sancti Ambrosianos etiam illos Monachos una cum suo Abbate, priusquam Galdinus ad Urbem veniret, rediisse dignoscamus ad legitimi Pontificis Alexandri partes, & ad catholicam unionem: a qua sine dubio nonnisi per vim ac metum antea desciverant; quemadmodum Num. 449. & 450. dicebamus.

CCCCXCVI. Galdinus Archiepiscopus, ut jam supra dictum est; Mediolanum venerat die quinta Septembris: mox & Imperator ab Urbe Roma Papiam die undecima pervenit. Qua de re Continuator Acerbi Morenæ sic tradit: Imperator vero videns, gentem suam strage corrucere; relictis multis infirmis Romanam deseruit, & versus Tusciam ire cepit. Deinde, jamdicto Papa Paschali relictò (Viterbii) quam citius potuit, Lombardiam intravit. Sed tamen, antequam Lombardiam attingeret, plures duobus millibus ex his, qui secum fuerant, id ipso itinere gladio solummodo Dei perierunt. Hi autem, qui tunc mortem vincere potuerunt, omnes infirmati usque ad necem, tandem tonsò capite vix evadere potuerunt; tamen qui evaserunt, per totam hyemem, omni colore perduto, passi sunt. Pontremolo Anobarbus transire meditabatur. Sed a Pontremolensibus non permissus, cum ad oram maritimam tetendisset, per Obizonis Malaspina Marchionis Ditionem (sicut idem Continuator subdit) ipso Marchione eum ducente, iter arripuit; & in die Martis, undecima Septembris, eadem Indictione (nimirum prima, hoc ipso mense inchoata) Papiam intravit.

CCCCXCVII. Sequitur idem Continuator:

A Postea vero eodem mense Septembris, eadem Indictione, quadam die Jovis, quæ fuit decimo die ante Kalendas Octobris, in festo Sancti Matthei Apostoli, in Anno Millesimo centesimo sexagesimo octavo (sed manifestus absque dubio est error, in quem alioqui Bernardinus etiam Corius impegit: ac legendum est sexagesimo septimo) posuit dictus Imperator palam in Concione omnes Civitates Lombardiæ, quæ sibi erant contrariæ & adversus eum juraverant, in banno, projecto ibi coram omnibus quanto; exceptis Laude & Cremona: scilicet ut illas sibi demulceret. Ex eadem igitur Papiæ Urbe deinceps Imperator cum suo Exercitu prædabundus excurrit in Agrum primo Mediolanensem, B mox Placentinum; sed accursu Lombardorum fœdere contra junctorum sese illico recipere ad eandem Urbem coactus est. Sic etiam hostilia tentavit alia; sed irritò conatu. Nominatim vero etiam undecima Novembris ac Sancto Martino sacra die fugatus a Mediolanensibus, quinetiam postea Papiæ obsessus fuit. Sic enim Saresberiensis Lib. 2. Epist. 26. testatum reliquit, ac Baronius recenset Anno sequenti, Art. 57. his verbis: Eadem die (Sancti Martini) congressus Fridericus Ex angustii cum Mediolanensibus, amissis viginti quinque millibus (nos militibus legendum potius arbitramur; nec enim tanta illi militum copia in præsentia suppetebat) in fugam conversus est. C Et paulo post: Fridericum intra Papiam clausum tenuimus & obsessum &c.

CCCCXCVIII. Quomodo autem Papiam tandem fugiens, se contulerit in Germaniam Anobarbus (semet autem illuc contulit Anni Millesimi centesimi sexagesimi octavi mense Martio) ex ejusdem Saresberiensis Epist. 62. similiter ibidem hoc ipso Anno apud Baronium dignoscere licet. Pauca isthæc nos inde damus. Cum enim Theutonicus Tyrannus (verba sunt Saresberiensis) sentiret se militum præsidio destitutum, & Italiæ Civitates in ipsum irruere properarent: & ipse temeritate suorum, qui nobilem quandam Papiensem excæcaverant, Papiæ minime tutus esset: neque Mauricenses, sed nec Lombardorum manus ulla ratione posse evadere videretur; ipse, Comitis Blandracensis & Marchionis Montisferrati fretus auxilio, divertit in Terram Marchionis, relictis triginta obsidibus Lombardorum apud Blandratum; alios autem obsides, quos acceperat, per castra Marchionis divisit custodiendos. Et ipse cum præfato Comite & Marchione (quia cum Lombardi congregato Exercitu viginti millium militum persequantur, & obsidere decreverant) per Castella, quasi in umbra mortis latitans, fugitabat; ut vix (sicut ajunt probi viri, pleni fide & auctoritate, qui interfuerunt) duobus diebus aut tribus auderet in eodem hospitio pernoctare. Et paulo post: Dum itaque in tantis versaretur Imperator angustii, & omnino desperaret de exitu; tractatum habuit cum Viris Religiosis, quos constabat esse fideles Domini Papæ (Alexandri) simulans, se cum Ecclesia Dei pacem esse facturum. Nec multo post: Omnes, qui hæc verba audierunt, exhilarati sunt: & Lombardi jam cœperunt mitius agere, sperantes, hominem esse conversum. Interea sæpe dictus Marchio egit cum cognato suo Comite Mauriensi, ut Imperatorem permetteret egredi: promittens ei non modo restitutionem ablatorum, sed montes aureos, & cum honore & gloria Imperii gratiam sempiternam. Imperator ergo frustratis ea conversionis suæ spe omnibus, quid tandem? Collectis obsidibus, quos disperferat (subdit idem Saresberiensis) ad reditum properans, VENIT AD SANCTUM AMBROSIUM (cum descriptione hujus Loci conferas, obsecro, Lector, quam nos Num. 332. Annoque Christi Millesimo centesimo vigesimo recitabamus) habens circiter triginta milites in comitatu suo: & inde mane festinanter egrediens, prope SECUTIAM in eminentia cujusdam montis suspendit obsidem quandam nobilem Brixensem: imponens ei, quod conjurationis Italicorum conscius fuerat, &

Et (quod plus est) artifex congregati Exercitus, quicum ab Italia expellebat. Alios vero obsides secum duxit IN SECUTIAM. Quos tamen Incolæ Loci huius inde abduci neutiquam permiserunt; sicut idem narrat Saresberiensis. Sed & insuper sic addit: Imperator autem, assumpto habitu servientis, quasi ut alicujus magni viri procuraret hospitium, cum aliis quinque servientibus noctu egressus est: lætus, quod ei concesserant Italiam perdere, quam demeruerat diutius retinere. Inde transiens Chrysopolim, suam turbavit Burgundiam, Proceribus intentans minas: Et progrediens, Alemanniam Et Saxoniam supra modum turbatas reperit, Et fratrem suum præ ceteris inimicum, cum tamen ei plurimi adversarentur. Hactenus Saresberiensis de Friderici fuga in Germaniam. Prædictum porro SECUTIÆ Locum nos quidem arbitramur cum esse, quem Philippus Ferrarius in Lexico Geographico appellat SEGUSIUM, & aliter SEGUSIONEM, aut SUSAM: Urbem scilicet Gallie Subalpinae, in Pedemontana Regione, ad Alpium Cottiarum radices, quibus in Allobroges transitus est. Inde igitur non valde distat Locus ille, SANCTUS AMBROSIVS appellatus.

CCCCXCIX. Ecce vero, quemadmodum eandem Friderici fugam describat Acerbi Morena Continuator. Inquit enim: Imperator itaque in Lombardia quandoque in partibus Papiæ, quandoque Novariæ Et Vercellarum, aut Montisferrati, vel Astensibus, ferre per totam hyemen stetit. SEQUENTI VERO MENSE MARTII privatim (ita quod nec ipsi Lombardi, qui cum eo fuerant, nisi forte paucissimi, sciverunt) per Terram Comitis Uberti de Saxonia, filii quondam Comitis Amodi, qui dicitur COMES DE MORIENA (eum Saresberiensis COMITEM MAURIENSEM appellabat, Chalcus autem SABAUDIÆ COMITEM appellavit) iter arripens, in Alemanniam est profectus.

D. Sed quid item Alexandri Papæ Acta? In his quidem apud Baronium Anno Millesimo centesimo sexagesimo septimo, Art. 7. post descriptum Friderici ad Urbem Papiam reditum ab Urbe Roma, sic habetur: Sed, quod valde erat mirabile in oculis omnium, neque recordatio tantorum malorum, quæ ab infantia sua crudeliter exercuerat, neque recentia flagella sibi a Deo Et Beato Petro illata, duritiam Et feritatem cordis illius emolliwerant, nec ad bonum faciendum converterant; quippe quod ipsius natura, ad malum ab adolescentia sua prona, semper in id ipsum proclivior est inventa. Unde TRES CIVITATES LOMBARDIÆ, QUÆ JAMDUDUM IPSIUS ATROCITATEM ET SÆVITIAM EXPERTÆ FUERANT (quibus quidem verbis hic Auctor indicasse nobis videtur Derthonam, Cremam, & Mediolanum, excisas olim & dirutas ab Ænobarbo Civitates) videntes propositum Et voluntatem ejus ferventius excescere contra se; communi deliberatione firmarunt, ut de tota Lombardia cum deberent expellere, qui totam Italiam in probrosam servitutem nitebatur inducere. Ideo, congregata fortium virorum militia, eundem Fridericum de Papiæ exeuntem aggressi sunt: Et tamquam violatorem Et destructorem legum Et constitutionum orthodoxorum imperatorum, necnon a Romana Ecclesia excommunicatum, persequi non destiterunt, donec de cunctis Lombardiæ finibus violenter ejicerent, Et transalpina compellerent. Hæc in prædictis Alexandri Papæ Actis. O quantum vero nos etiam ipsos recreat tam certis e Testibus audisse, tantam Italiæ ac nostræ nominatim Urbis Pestem in Germanicas jam tandem Oras exturbatam!

DI. Nunc aliqua prosequimur, quæ post Ænobarbi profectionem hoc ipso facta sunt Anno. Quorum primum sit illud, quod Acerbi Morena Continuator ita protinus subdit: Post cujus recessum supra dictæ Civitates (Cremona, Brixia, Pergamum, Par-

A ma, Placentia, Mediolanum, Laus Pompeja, live Lauda) quæ insimul juraverant, in primis cum Novariensibus Et Vercellensibus, postea cum Cremonensibus (legatur Comensibus: & ita sine dubio legendum est, ne pugnantia dicantur: præterquam quod ita etiam legerunt Corius, Chalcus, & Sigonius: quin etiam nos ita legimus in duobus Ambrosianæ Bibliothecæ manuscriptis ejusdem Historiæ Laudensis Codicibus) Et illis de Belforte, Et cum Sepriensibus convenerunt: Et pacem omnes inter se facientes, unum corpus sunt effecti.

DII. Sic etiam non multo post Sanctus Galdinus B Laudensibus denunciavit, ut ad Alexandrum verum Pontificem se conferrent, ac novum, qui Catholicus esset, Episcopum designarent; nisi a Sacris arceri & Beneficiis exui vellent. Scilicet obstinatissimum etiam in præsens Ænobarbi Schisma contra Pontificem Alexandrum, sicuti nos Num. 424. indicavimus, Millesimo centesimo quinquagesimo nono, ac Septembri mense, jam incœperat a Pseudopontifice Victore Tertio. Idem igitur Ænobarbus in locum Episcopi Laudensis defuncti Albericum (aliter Albertum) cognomento Merlinum, interea sublektum instituerat: qui quidem, cum Anno superiore sexagesimo murus Urbis Laudæ Novæ die tertia mensis Augusti inciperetur, primum lapidem in fossatum ipsius muri sua manu projecit; sicut in eundem Annum affirmat Ottho Morena. Quidnam igitur jam tandem Sancti Galdini jussu, nec non Ambrosiani quoque Abbatis ministerio, factum fuerit de schismatico illo Episcopo, ipsemet Acerbi Morena Continuator suis verbis recenscat. Sic autem ille statim post eadem illa, quæ nos proxime recitabamus, inquit: Interea Dominus Galdinus de la Sala, Mediolanensis Civis Et Clericus, Et qui quondam Cancellarius Domini Ribaldi Et Domini Uberti de Pirovano (nobis Robaldi Et Oberti) Mediolanensium Archiepiscoporum per annos multos fuerat, Et in locum jam dicti Uberti ad Archiepiscopatum Mediolani fuerat sublimatus a Domino Alexandro Papa, in Lombardia ipsius Papæ tunc Legatus constitutus, SUOS NUNCIOS, scilicet ABBATEM SANCTI AMBROSII ET ABBATEM SANCTI VINCENTII DE MEDIOLANO, misit Domino Alberto de Cazano, Majoris Ecclesiæ Laudensis tunc Præposito, cæterisque Præpositis, Abbatibus, Presbyteris, Et Clericis, Et etiam Consulibus de Laude: dicendo atque monendo, quod ipsi Partem Papæ Paschalis Et Domini Friderici Imperatoris omnino relinquerent, Et Parti Papæ Alexandri faverent, Et ipsi Papæ de injuria sibi facta satisfacerent, atque Episcopum Catholicum eligerent; Et, nisi hoc facerent, ab Officio Et Beneficio Ecclesiastico abstinerent. Sicut autem idem Continuator narrando prosequitur, cum ad hæc Galdini mandata Laudenses aliquantum inter obediendi repugnandique consilium hæsitassent; per omnia tandem obedire decreverunt. Itaque sic etiam Feria Sanctioris Hebdomadæ quinta, quæ hoc Anno fuit quarto Kalendas Aprilis, ejurato Alberico substituerunt Albertum Ripaltæ Siccæ Præpositum, tunc Bergomi agentem. Proximo autem die Mercurii post Pascha multi eorum illuc profecti sunt. Et ipsum in sequenti die Jovis proximo Laudem cum inefabili gaudio conduxerunt. Qui ibi honorifice nimis ab omnibus tam Clericis quam Laicis est susceptus. Sic enim Continuator hic loquitur, & Historiam Laudensem in Exemplari typis impresso concludit. Sed in utroque tamen Ambrosianæ Bibliothecæ Manuscripto pauca quædam superadduntur alia, ex quibus ipsummet quoque Continuatorem hoc tempore vixisse dignoscamus. Ita enim se habent: Atque in sequenti proximo die Jovis Episcopum electum conduxere. Qui cum tanto gaudio Et alacritate a Clericis Et Laicis, tam majoribus quam minoribus, honorifice susceptus est, quod NUNQUAM VIDI NEC ETIAM AUDIVI A-

LIQUEM ELECTUM IN SUA CIVITATE MAIORI GAUDIO UNQUAM SUSCEPTUM FUISSE.

DIII. Sed præterea Joannes Saresberienſis Episto-
la proxime nominata hoc ipſo Anno apud Baronium
Art. 61. ſic proſequitur poſt illa, quæ demum inde
recitavimus: Porro Lombardi poſt egreſſum ejus (Fri-
derici ex Italia) Blandratum diruerunt, extractis inde
Obſidibus, qui ibi relictæ erant, & interfectis Theuto-
nicis fere omnibus, quos ad cuſtodiam Caſtri deſeruerat
Imperator. Decem autem nobiliſſimos & ditiffimos Ale-
manos dederunt in ſolatum Uxori Mariti illius Bri-
xienſis, quem ſupra prope Secutiam ſuſpenſum retuli; ut
illa, prout libuerit, eos aut ſuſpendat, aut perpetuæ
ſubjiciat ſervituti, vel redemptionem accipiat. Exinde
damna multa Marchioni (Montiſferrati) dicuntur intu-
liſſe: & nunc rumor eſt, eos obſidere Papiam. Et cer-
tum eſt, quod Papienſes jam in Alemanniam Nuncios
miſerunt Imperatori: denuncianteſ, quod, niſi redierit
& opem tulerit, nulla ratione poterunt diutius reſiſtere
Civitatiſ. Qua de re nos aliquid poſtea dicemus.
Interim proſecto monendum illud eſt: quod, ta-
menſi Lombardi Blandratum diruerint poſt Ænobarbi
ex Italia egreſſum; illud tamen jam ante obſidere
incoeperant. Quocirca eundem Chalcus & Sigonius
vere tradunt exceſſiſſe poſt incoeptam Blandrati ob-
ſidionem: ac pudibundum propterea exceſſiſſe; quia
ſe nullam ei opem ferre poſſe videret; nolletque
diutius ſua dedecora ſpectare, ac ludibrio Longobar-
diſ eſſe. Eodemque ſic etiam pertinent, præter-
quam quod in aliis etiam lucem nobis opatiffimam
illa afferunt, quæ in prædicto Danieliſ Chronico
(ſi tamen totum ipſius eſt, quantum nos Num. 480.
deſcribebamus) recitantur hiſ verbis: Anno Domini
Milleſimo centeſimo ſexageſimo octavo, de menſe Martii,
Imperator Fredericus fecit ſuſpendi ZILIUM DE
PRANDO, obſidem Briſſiæ, apud SAUSIAM
(quam nos SUSAM vocabamus, ſicut hodieque po-
pulari ſermone vocitatur) dolore, quia Mediolanenſes,
Briſſienſes, Laudenſes, Novarienſes & Vercellenſes OB-
SIDEBANT BLANDRATE: & inde abiit in Ala-
maniam. Ejusmodi obſidionem Gualuaneus Flamma
in Chronico Majori, Cap. 293. aſſerit incoeptam
octava menſis Martii die.

DIV. Sed ne tacendum quidem hoc loco eſt,
quod apud eundem Baronium Art. 65. ex Alexandri
Papæ Geſtiſ narratur in hæc verba: Anno Dominicæ
Incarnationiſ Milleſimo centeſimo ſexageſimo octavo, ip-
ſiſ Kalendiſ Maji, Pontificatuſ Domini Alexandri an-
no nono, Cremonenſes cum Mediolanenſibus & Placen-
tinis in manu valida pariter convenerunt contra rebellio-
nem Papienſium & Marchioniſ Montifierrati, ad Vil-
lam, quæ dicitur Rovereta: ubi ad honorem Dei &
Beati Petri & totius Lombardiæ conſtruendæ Civitatiſ
ambitum designarunt, & locum ipſum ſpacioſo foſſato
clauſerunt. Et paulo poſt: Ut autem glorioſior ubi-
que haberetur atque famoſior; placuit omnibus, ut ipſa
Civitas pro reverentia Beati Petri & Papæ Alexandri
in perpetuum nominaretur ALEXANDRIA. Legan-
tur vero Chalcus etiam & Sigonius.

DV. Henricuſ Secunduſ, Angliæ Rex, per hæc
tempora graviter infectabatur Sanctum Thomam Can-
tuarienſem Archiepiſcopum: illudque præfertim jam
contendebat, ut ipſe vel e Sede ſua deſiceretur, vel
ad alteram ſaltem transferretur. In hunc ergo finem
quid Rex Mediolanenſibuſ nominatim promiſe-
rit, ex ea nobiſ liquet ad ipſummet Sanctum Ar-
chiepiſcopum Episto-
la, quam Baroniuſ Anno ſupra
Milleſimum centeſimum ſexageſimo nono, Artic. I.
recitat in hæc etiam verba: Transmiſſa Legatione
(Rex) conſugit ad Italiæ Civitateſ, PROMITTENS
MEDIOLANENſIBUS TRIA MILLIA MAR-
CHARUM AD MURORUM SUORUM VALI-
DISSIMAM REPARATIONEM (cui ſcilicet da-

bant operam) ut cum aliis Civitatibuſ, quas corruppe-
re moliebatur, impetrarent a Papa & Eccleſia Roma-
na deſectionem vel translationem Cantuarienſiſ Archie-
piſcopi. Nam ob eandem cauſam CREMONENſI-
BUS duo millia marcharum promiſerat, PARMENſI-
BUS mille, & totidem BONONIENſIBUS. Hinc
etiam Sanctuſ ipſe Thomas in Episto-
la ad Humbal-
dum Cardinalem Epico-
pum Oſtienſem, ab eodem
mox Baronio Art. 2. recitata, hæc item de Rege
Angliæ ſcribebat: Quia vero vocantem ad iniquitatiſ
conſortium ſequi nolumuſ; petit noſ vocari a vobiſ; ut
in tranſitu poſſit noſtri ſanguiniſ cum iniquitatiſ ſue
conſortibuſ qualecumque exercere commercium. Quid
enim aliud ſibi vult, QUOD MEDIOLANEN-
SES CREMONENſES ET PARMENſES IN
EXTERMINIUM NOSTRUM MERCEDE
CORRUPTOS SOLLICITAT? Quid PAPIEN-
SIBUS, aut ALIIS ITALIÆ CIVITATIBUS,
nocuimus unquam, ut noſtrum exiliu-
m procurarent? In
quo læſimuſ SAPIENTES BONONIÆ, qui, ſol-
licitati precibuſ & promiſſiſ, perniciæ cauſæ noſtræ,
quam audierant, voluerunt dare conſenſum? Certe ta-
men Rex votum ſuum non impetravit; ſicut ex eo-
dem Baronio deinceps liquidiffime conſtat.

DVI. Ceterum reparandiſ itidem muris Urbi cir-
cumjectiſ, vel aliis etiam denuo conſtruendiſ, qui-
buſ novuſ & ampli-
or ejuſdem Urbis ambituſ conti-
neretur, pecunias ſuppeditaſſe traditur Manueletiam
Comnenuſ, Imperator Conſtantinopolitanuſ, Fridericu-
admodum inſenſuſ. Quamobrem Nicetaſ Choniata
non procul ab initio Septimi ſuorum Annaliu-
m Libri ſic ſcribit: Quodam tempore MEDIOLANI
MOENIA ſunt ab Alemanniſ diruta. Sed Civeſ, ju-
rejurando adacti ſe nunquam ea inſtauratu-
roſ, ita vi-
ctoreſ eluſerunt, ut Urbem principio profunda foſſa mu-
nirent; ſe pacta & conventa violare neganteſ. Deinde,
IMPERATORIS (Manueliſ Comneni) AUXILIO
FRETI, IPSA MOENIA REPOSUERUNT.
Cujus quidem Græcoru-
m Annaliu-
m Scriptoriſ ſen-
tentiam hiſce Sigoniuſ verbis recentuit ſexageſimo
ſeptimo huiuſ item Sæculi Anno: Quoniam (ut in-
quit Choniata) muris eam nunquam ſe munituroſ jura-
rant; foſſiſ aggeribuſque ingentibuſ confirmarunt; ita
ut egregie defendi adverſuſ quemcumque impetu-
m hoſtium poſſet. Addit idem Choniata, hæc omnia pecu-
nia a Manuele Imperatore ſuppeditata eſſe conſecta: qui
Fridericuſ potentia inuidebat, atque Italicoru-
m adverſuſ eum animoſ irritare non deſinebat. Hæc Sigoniuſ. Qui
tamen nullam mœnium, ſive muroru-
m Manueliſ
ſumptu repoſitoru-
m, facit mentionem, quam cete-
roqui fecerat Choniata. Quod autem jurejurando illo
adacti Mediolanenſeſ dicebantur: id nobiſ quidem
non ita verum videtur. Ut enim Num. 434. Mo-
rena teſte, quin etiam juramenti tunc a Mediolanen-
ſibuſ editi exceptore (cui Sigoniuſ etiam ipſe adhæ-
ſit, ut Num. 433. dictu-
m fuit) narrabamus, non
aliud ab ipſiſ Ænobarbuſ exegit juramentu-
m, quam,
QUOD PARERENT OMNIBUS PRÆCEP-
TIſ EJUſ. Ut autem curſim ad Choniata-
m rever-
tamur, ſic item ille ſubdit: Nec ulla fuit Urbiſ Ita-
liæ, aut etiam ab Italia remotior, in qua Imperator
(Comnenuſ) non unum conjuratu-
m & hominem ſibi fi-
delem haberet. Quam humaniter vero & effuſe ſe
geſſerit etiam cum Alexandro Papa ejuſque Legatiſ
contra Ænobarbu-
m, pluribuſ hæc lociſ Baroniuſ in
hæc tempora proſequitur. Quæ porro Gualuaneuſ
Flamma ſcribit de pecunia Mediolanenſibuſ ab Impe-
ratore Conſtantinopolitano partim data, partim pro-
miſſa, noſ infra proferemus.

DVII. Quemadmodum præſenti etiam Anno, vel
certe ſubſequenti, Matronæ Mediolanenſeſ Metro-
politana-
m Sanctæ Mariæ Baſilicam ſuiſmet monili-
buſ & aliis ejuſmodi ornamentis reſtaurarint: hoc
jam diximuſ Num. 441.

DVIII.

DVIII. Ut vero aliquid de Basilica quoque *Ambrosiana* commemoremus, circiter hoc etiam tempus in eam, quæ nunc conspicitur, formam redactum nobis videtur marmoreum illud pulpitum ac Suggestum, de quo jam egimus Num. 444. & cuius in latere ad maximam Basilicæ portam obverso (qua Pulpitum ipsum superne cingitur) marmorea stat tabula hisce litteris insculpta, sine aliqua temporis mentione:

✠ GULIELMUS DE POMO, SUPERSTES HUIUS ECCLESIAE, HOC OPUS MULTAQUE ALIA FIERI FECIT.

Qui vero tunc SUPERSTES, & aliter SUPERSTANTIARIUS, dicebatur: hic neque Monachus tunc, neque Canonicus, sed homo laycus & sæcularis erat. Qualisnam vero tunc ad ipsum Ecclesiæ cura pertineret: hoc infra commodius intelligetur. Nunc illud solum indicemus: quam ob causam hoc circiter tempore Pulpitum illud restauratum arbitremur. In eo utique *Danielis* Chronico, cuius mentionem Num. 480. faciebamus, ceteris *Mediolanensibus*, Patriæ suæ proditoribus cum *Ænobarbo* conjuratis, connumeratum legimus eum quoque Superstitem his præcisè verbis: GULIELMUS DE POMO, SUPERSTES HUIUS ECCLESIAE, HOC OPUS ET MULTA ALIA FIERI FECIT: hoc est scriptum super Lavello, sive Monumento, ubi legitur & cantatur Evangelium & Epistola in Ecclesia Sancti Ambrosii. Et rursus aliquanto post, locutus de Comite illo *Alico*, *Ænobarbi* Vicario (cujus mentio nobis incidit Num. 443.) deque ipsius obitu, hæc adjicit: SEPULTUS EST IN ECCLESIA SANCTI AMBROSII, in uno Lavello, quod erat dictorum Comitum de Inglexio: & illa Corpora dictorum Comitum, seu Regum, extra dictum Lavellum fuerunt posita: & nescitur, quid sit factum de eis. Et quidam *Guilielminus* de Pomo transmutavit dictum Lavellum, & multa alia removit: & etiam sculpsit dictum Comitem *Alicum* in eodem Lavello: & super dictum Lavellum cantabatur Evangelium & Epistola.

A.C. 170. DIX. Septuagesimum nunc Annum supra centesimum Millesimum aggredimur: & hoc quidem Anno sese nobis ante alia offert Antipapæ *Paschalis* obitus. De quo *Alexandri* Papæ Acta sic apud *Baronium* Art. 56. habent: Cum apud Beati Petri Ecclesiam incubaret, & in cœpta sui erroris pertinacia moraretur; ab eodem Apostolo immixtus cancri morbus in renibus ejus apparuit; cum pulmonis anhelitu tamdiu emisit saniem fetidam, donec infelicem spiritum impœnitens exhalavit, & pessima morte occubuit. Nec multo post, sicut ibidem adjicitur, Schismatici quendam substituerunt Joannem, Abbatem *Strumensem*, virum apostatam, lubricum, voracem, atque gyrovagum: quem ipse quoque *Fridericus* cum ipsis approbavit; tametsi post aliquantum temporis bonam voluntatem ac pium desiderium de formanda Ecclesiæ atque Imperii pace habere se simulans, ad *Alexandrum* Papam miserit Legatos, ac nominatim Episcopum *Bambergensem*. Sed revera *Fridericus* id fraudulenter unum moliebatur, ut *Alexandrum* Papam & *Longobardos* ab invicem distraheret. Quod præsentiens *Alexander*, litteras & nuncios ad ipsos direxit, ut ex unaquaque ipsorum Civitate mitterent ad se unam discretam & idoneam personam, quæ vicem generalitatis haberet: cum quibus verbum pacis & concordia, quod Episcopus ille deferbat, tractaret, quidve factu opus esset, decerneret. Quibus quidem Legatis ad ipsum missis, & ab ipso in consilium adhibitis, Episcopus ille dimissus fuit non sine fraudum ac versutiarum exprobratione, quas *Fridericus* per suam ejusmodi Legationem obtrudere tentasset. Talia, sicuti dicebamus, in *Alexandri* Actis ac pene verbatim narrata legi possunt.

A Hanc ipsam porro Legationem *Sigonius* affirmat a *Friderico* decretam fuisse in Conventu, quem *Norimbergæ* hoc Anno habuit quo die Purificatio Virginis Immaculatæ celebrabatur, hoc est, quarto Nonas Februarii.

B DX. Jam vero post longum velut exilium nos item ad Archivum domesticum redeunt, certe quidem pleni lætitia, & ad Sanctum Tutelarem nostrum *Ambrosium* conversi, exclamare possumus: Ecce nos quidem Corpus tuum etiamnum habemus apud nos custoditum, nec alias in Regiones ab hostibus nostris adsportatum. Scilicet hoc ipso Anno publicum & archetypum (congruenter ad illud, quod Num. 476. in fine pollicebamur) in hæc ab initio verba sese nobis offert Documentum: Anno *Dominicæ* Incarnationis Millesimo centesimo septuagesimo, undecimo die mensis Novembris, Indictione quarta. Præsentia bonorum hominum, quorum nomina subius leguntur, ligno & charta, quæ sua tenebat manu, investivit per massaritum DOMNUS AMIZO, DEI GRATIA ABBAS ECCLESIAE ET MONASTERII BEATI CONFESSORIS CHRISTI AMBROSII, UBI EJUS SANCTUM REQUIESCIT CORPUS, constructi foris non multum longe ab hac Civitate *Mediolani*, ad partem & utilitatem ipsius Monasterii

C Consules Loci de *Campillione*, & *Albertum* de *Pino*, omnes de Loco *Campillione*..... de vineis, quas prædictum Monasterium habet & possidet in supra dicto loco *Campillione* & in ejus territorio &c. Sic autem illud concluditur: Actum prædicto Monasterio. Manu *Pedri Zochi Camarlengo*, & *Guifredi de Bixono*, & *Joannis Mali-ingabati*, Testium.

D Ego *Carlevarius*, Notarius Sacri Palatii, qui dicor *Piteto*, hanc Chartam scripsi & tradidi. Et hic quidem notatu insuperdignum est, prædictum *Amizonem* huic *Ambrosiano* Abbatem præfuisse Monasterio jam inde ab Anno saltem Millesimo centesimo quinquagesimo sexto, sicuti nos Num. 414. observavimus. Quocirca vel ex hoc etiam capite certius multo nobis videtur Documenti hujus testimonium, cum Sancti *Ambrosii* Corpus requiescere hic nihilominus adhuc asseveranter & præcisè, quam olim, affirmatur.

E DXI. Eodem hoc Anno Sanctus *Thomas Cantuariensis* Archiepiscopus, pace tandem cum Rege inita, e diuturno exilio suam reversus ad Ecclesiam: cum ibi per mensem fuisset, a regis satellitibus quarto Kalendas Januarii confossus Martyr occubuit. Præ ceteris hac de re legatur *Baronius* Art. 46. ac deinceps. Nos quidem hanc tanti Martyris mentionem facere debuimus vel eam ob causam; quod per id tempus, quo ab Ecclesia sua exulabat, cum *Roma Pontigniacum* profectus esset, habitum ibi *Cisterciensem* assumpsit, & piissime inter eos Monachos aliquandiu vixit. Quocirca etiam *Chrysostomus Henriquez* meritissime illum Menologio *Cisterciensi* conscriuit quarto pariter Kalendas Januarii.

F DXII. Circiter hunc ipsum septuagesimum Annum sequentes Sanctus *Galdinus* dedisse Litteras nobis videtur: quibus antiquos Capituli Metropolitani honores confirmabat. Eas vero ad *Milonem* præsertim Archipresbyterum & ad *Ubertum* Archidiaconum direxit: priusquam videlicet *Milo* fieret Episcopus *Taurinensis*: qualis, quidem factus traditur Anno proximo septuagesimo primo. Sic enim habetur in ejusmodi Episcoporum ac deinde Archiepiscoporum Catalogo, quem *Claudius Robertus Gallianæ* Codiculo nos accepimus: quo nonnulla generis hujusmodi Scripta continentur, a *Francisco Castello*, Metropolitana Basilicæ jam ante Annum *Christi* Millesimum quingentesimum quinquagesimum

mun Canonico Ordinario, collecta. Multa porro scitu digna dignoscemus inde: atque illud in primis, quemadmodum *Mediolani* per hæc tempora solis Basilicæ Metropolitanæ Ordinariis & Monachorum Congregationibus liceret Missam cum Diacono & Subdiacono celebrare. Sed ipsismet *Galdini* Litteras videamus. Eæ siquidem sese verbatim sic habent:

GALDINUS, DEI GRATIA MEDIOLANENSIS ECCLESIAE ARCHIEPISCOPUS, APOSTOLICÆ SEDIS LEGATUS, Dilectissimis Fratribus, M Archipresbytero, V Archidiacono, & universis Mediolanensis Ecclesiæ Presbyteris, Diaconibus, & Subdiaconibus, atque Notariis, tam presentibus quam futuris, in perpetuum. Suscepti cura regiminis, quam divina favente gratia, licet indigni, gerimus, nos admonet & compellit justis honestis petitionibus vestris gratum præstare assensum: & cum aliquid a nobis postulatis, quod rationi & æquitati concordare videtur, ita nostram impendere auctoritatem, ut desiderium vestrum effectu prosequente compleatur. Ea propter, Dilectissimi Fratres, jura & honores vestros in omnibus servare cupientes: præcaventes etiam, ne quorumlibet æmulorum temeritate vel importunitate juri & dignitati vestræ in posterum possit in aliquo derogari, aut aliquid ab aliquo in injuriam & contemptum vestrum ullo unquam in tempore præsumi; antiquas consuetudines, seu Patrum traditiones, quas Mediolanensis Ecclesia ab antiquis retro temporibus servavit, secundum quod nostris vidimus diebus in eadem servari Ecclesia, nostra comprobamus auctoritate; & presentis Scripti Pagina confirmamus. Statuentes videlicet, UT VOBIS SOLIS, EXCEPTIS MONACHORUM CONGREGATIONIBUS, IN CIVITATE CUM DIACONO ET SUBDIACONO MISSAM CELEBRARE LICEAT. Primam vero, Tertiam, Sextam, vel Horam Nonam, & Completorium nullis, nisi Vobis, in Hyemali Ecclesia ullo unquam in tempore publice cantare. A Dedicatione quoque usque ad Parasceven Matutinas Vigiliarum in eadem Ecclesia Vos soli cum Lectoribus & cæteris Clericis cantetis. Matutinas vero Mortuorum soli Lectores eodem tempore cantent; nisi forte in Anniversariis, Vobis illisque communibus. Ecclesiam per Vos solos, vel per Nuncios & Custodes vestros, aperire & firmare, Cruces portare, Campanas & Campanile Vobis tantum habere licet. Sedes autem & stadia Sacerdotum, vel Diaconorum, ad Vos solos spectare decernimus: adeo ut in ipsis sedibus, Vobis presentibus, nulli Decumanorum sine vestra iussione sedere liceat. Nec ad stadia, cum Missam cantant, iidem Decumani ascendere præsumant: nec similiter, cum Missam cantant, per medium Chorum antefacies vestras transeant; sed more solito post sedes vestras ad Altare ascendant. Cantata vero Missa, Officia Mortuorum in Majori Choro nec celebrent, nec cum Psallenda ad aliquod Altare, NISI SANCTI AMBROSII, eis unquam processioniter ire liceat. Hæc igitur firma & illibata in perpetuum servari præcepimus: & ad majoris robur firmitatis & omnium in posterum memoriam Scripti presentis patrocinio communimus. Decernentes, ut nulli nostræ jurisdictionis clerico vel laico contra hujus nostræ Sanctionis & Confirmationis Paginam temere liceat venire. Si qua igitur Ecclesiastica Sæcularisve persona, in nostro manens Archiepiscopatu, contra ea, quæ diximus, venire, aut hujusmodi nostri Decreti Paginam infringere, conata fuerit, & commonita non resipuerit, iram & indignationem Omnipotentis Dei & Beati Ambrosii Patroni nostri sentiat; ac totius sui honoris incurrat periculum; & nisi a suo destiterit proposito, in laqueum cadat Anathematis, & cum Juda proditore penam sentiat æterni Judicii. Omnibus vero hæc eadem servantibus sit pax & gratia Domini nostri Jesu Christi, Amen. Ego Adobaldus, Domini Galdini Me-

A diolanensis Archiepiscopi Apostolicæ Sedis Legati Scriba, ex mandato & vice ipsius subscripsi.

Dat. per manum Domni Algisi Cimitarchæ & Cancellarii.

Ego Adobadus, Lector, ex mandato ejus scripsi.

Et hætenus quidem prædictum *Galdini* Privilegium.

DXIII. Septuagesimo autem primo supra millo & A.C. 1171.

centum a Christi dinumeratione Anno (ita Chalcus scribebat) idem Urbi Mediolano, quod olim Athenis, Græciæ Urbi clarissimæ, accidit: quæ, a Persarum Rege Xerse diruta & incensa, cum mox reficeretur, longe pulchrior & prolatis mœnibus amplior facta est. Nam publicis Tabulis constat, eas Aedes, quæ nunc intramurane sunt, ante tempora Friderici extra Urbem fuisse:

B QUÆ CELEBRANTUR TITULIS AMBROSII, LAURENTII, NAZARII, EUSEBII. Tantum enim animi viriumque accessisse sibi hoc spatio Civis existimavere, ut, antiquo termino neglecto, novam Fossam novaque mœnia, quibus suburbana ædificia includerentur, condiderint. Extat novi operis memoria, prægrandibus litteris saxo in limine Portæ Romanæ incisa, cum versiculo, ut illa ferebant tempora, neque inepto, neque inauspicati hominis:

C Fata vetant ultra procedere. Stabimus ergo. Habentur & nomina decem Consulium, qui tunc Reipublicæ præerant, & opus fieri fecerunt. Quibus Consulibus ibidem mox Chalcus enumeratis, ita subdit: Qui propria impensa Emissarium ejusdem Fossæ cum Turri protegente (CLUSIAM vulgus vocat) extruxere.

DXIV. Eadem, sed paulo brevius, describit etiam Sigonius his verbis: Mediolanenses, optato pacis bono fruentes, muros Urbis latius protulerunt, TEMPLA SANCTORUM AMBROSII LAURENTII NAZARII ET EUSEBII COMPREHENDENTES, quæ ante Urbis excidium vetere murorum ambitu excludebantur. Consules propriis impensis Fossæ Emissarium cum Turri, Archiepiscopus (nam isthæc quoque ibidem a Sigonio superadduntur) Episcopatum magnificentiore, quam antea fuerat, opere (sicut etiam nos argumentabundi nobis assumebamus Num. 441.) ædificavit. Quibus rebus elata Civitas, poena lingue proposita sanxit, ne quis Friderici nomen in sermonibus usurparet: & Comites sustulit, quos ille in Castris proximis constituerat. Hætenus Sigonius. Nec vero Corrius discrepat.

DXV. Nos ipsammet proferemus ante alia Inscriptionem, quam Chalcus ei saxo in limine Portæ Romanæ collocato incisam innuebat. Est autem filicea illa Tabula, cujus mentionem nos Num. 488. faciebamus. Post illa igitur verba illic exinde a nobis recitata, hæc protinus succedunt:

E ✠ Anno Dominice Incarnationis Millesimo centesimo septuagesimo primo, mense Martii, hoc opus Turrium & Portarum habuit initium. Consules Reipublicæ, qui tunc erant, & hoc opus fieri fecerunt, fuerunt, Passagnadus Setara, Ardericus de la Torre, Pinamonte de Vimerato, Obertus de Orto, Malconventus Cotta, Arnaldus de Mariola, Adosadus Butraffus, Malagallia de Alliate, Malfilliocius de Ermenulfis, Rogerius Marcellinus: & ipsimet opus de la Clusa fieri fecerunt. Cujus quidem Inscriptionis, ut Lector intelligas, quanta sit fides, quamve securus hinc ea Consulium nomina emendare possis, quandocumque apud alios Scriptores, ac nominatim apud Chalcum & Corium, aliter recitata inveneris; hoc scito, quod verissime tibi profiteamur. Non contenti Tabulam illam e via perlegisse, inscensa etiam scala propinqui conspeximus accuratissime, parique fidelitate Inscriptionem ipsam nostra illico manu exscripsimus, exscriptamque rursus recognovimus. Sic etiam non minore cura inscens scabello, repurgataque litterarum scalpura, quam pulvis adhærens obfuscabat, sequentia verba exploravimus, ipsismet ejusdem Portæ filicibus procul ab humo quatuor circiter cu-

cubitos insculpta. Itaque præter eum versiculum, quem *Chalcus* proferebat, quatuor item alios, itemque alia illic a nobis accurate observata scitoque digna hic habebis.

DXVI. *Romanæ* hujus Portæ ingressum binæ dabant portæ, sibi cohærentes, ac vivis e lapidibus compactæ; sed earum tamen illa, quæ Urbem ingredientibus læva erat, muro postmodum clausa fuit, additisque pariter antrorsum ædibus occultata, Itaque per dextram tantum transitus illac nunc patet: illaque ipsa est, quam conspiciari nos potuimus, si quid haberet memoratu nostrisque Monumentis dignum. Binis ejusmodi portis laterales adjectæ fuerunt binæ Turres; quarum tamen structura tunc parum alte crevit. Eam enim, quæ nunc in sinistro latere admodum prominet, *Azzo* postea *Vicecomes* prosequendam sustollendamque curavit; quemadmodum diserte *Corius* hoc ipso Anno affirmat. Ex his ergo satis jam intelligi datur, quodnam esset illud OPUS TURRIUM ET PORTARUM, quod hoc Anno initium habuisse dicebatur. Moles utique ipsa fuit, hoc Anno illic construi cœpta, quam recto Portæ *Romanæ* vocabulo nuncuparunt. Quamquam etiam nihil vetat, quo minus indicatas intelligamus etiam reliquas Urbis Portas, quarum singulæ deinceps conditæ, binisque sic etiam Turribus ad minus inchoatis communitæ fuerunt; sicut idem *Corius* testatur; & ad Portam profecto *Ticinensem* hodieque conspicitur.

DXVII. Ceterum in ejusdem Portæ *Romanæ* sinistro latere insculpta parieti cernitur hominis effigies: de qua nos infra disceremus, *Ænobarbino* sit, an alterius cujusdam, quem *Constantinopolitanus* Imperator gravissime detestatus fuisset; nec enim unica & concors est Scriptorum sententia. Sub ejusmodi effigie Inscriptio illa extat, quam paulo ante protulimus: sub Inscriptio autem versus ille a *Chalco* recitatus,

Fata vetant ultra procedere. Stabimus ergo.

Sequuntur deinde recta linea, in angulum sub portæ fornicem mox flexa, quatuor itidem alii versus. In quibus tamen duo desunt verba: quorum primum e lapide penitus evanuit; alterum vero extat quidem adhuc, sed a nobis intelligi nullatenus potuit. Ii ergo sunt hujusmodi:

Hii Mediolano lapsi, dum forte resurgit,

Supposuere..... Factum declarat amicos.

Dans Deus, aut viduens (legendum potius viduans videtur) reddens esto benedictus.

Psallimus ecce tibi..... Deus Urbe recepta.

Sub quorum quidem quinque versuum primo scalpti substant equites armati: sub secundo pedites cum his præterea litterarum notis; CREMONA, itemque BRIXIA; quibus utique notis indicatum nobis videtur, earum Civitatum Cives præcipuo saltem præsidio *Mediolanensibus* nostris fuisse, ut in Patriam redirent. Sequuntur alii porro pedites usque ad quarti carminis extremum: ac tum quarto quintoque carmini dictio MEDIOLANENSES cum duobus inferne militibus interjecta cernitur. Sub quinto denique carmine signifer extat expansum gestans vexillum, ac binæ denique portæ sibi conterminæ, cum hac quidem dictione MEDIOLANO, perinde ac si *Mediolanenses* designati essent per Portam *Romanam* ingredientibus. Sed ne Opifex quidem hujus Portæ suum in hoc latere nomen prætermisit. Quippe supra tertii ac quarti carminis partem legitur hoc item:

Hoc opus Anselmus formavit Dedalus Ale.

Talia igitur visuntur in ejus Portæ latere ingredientibus sinistro. Quænam porro sint etiam in dextro, nunc accipe. Ibi longum velut ex Urbe procedit agmen hominum, varia onera capite vel humeris vel etiam crumenas manibus gestantium. Subsequi-

tur illud vero Sacerdos, Crucem dextra manu gestans: ac denique Vir capite Coronam, dextraque Sceptum. Supra binos autem ipsos legitur SANCTUS AMBROSIUS; supra ceteros vero A R R I A N I. Ac rursum paulo superius hic itidem versus ruditer exaratus habetur:

✠ *Ambrosius celebs Judeis abstulit Edes.*

Sic enim *Ambrosius* indicabatur Imperatoris auxilio fultus expulisse ab Urbe nostra non *Arrianos* modo, sed etiam *Judeos*, usurariis questibus foede addictos.

DXVIII. Quod vero facias illas *Ædes Chalcus* & *Sigonius* asseriebant extra muros Urbis antehac fuisse, istud quidem verissimum est. Ac de *Ambrosiana* quidem pluries hætenus hoc vidimus inter hæc nostra Monumenta publicis testatum Documentis. De *Laurentiana* sic etiam Num. 53. *Morena* teste congruenter ad ea, quæ proximè narrata fuerant, ostendimus. De *Nazariana* *Gualuaneus Flamma* in Chronico Majori, Cap. 291. locutus de nova ista murorum constructione sic addit: *Fit imago Civitatis novæ, introclusa imagine Civitatis veteris; ita quod murus sit obductus versus Ecclesiam Sancti Nazarii, quæ cadebat directe in Fossato, Unde illi Canonici solverunt murum ab Ecclesia sua usque ad Sanctum Celsum. Alium murum Clerus fecit.* Ea vero Sancti *Eusebii* Ecclesia nobis quidem non alibi sita fuisse videtur, quam ubi etiam in præsens sub eodem titulo conspicitur juxta Braydense Societatis *Jesu* Collegium.

DXIX. Fossæ porro Emissarium illud (vulgo CLUSIA, cujus etiam mentio fit in ea Inscriptio) cum Turri protegente illic erat intra Portæ *Ticinensis* fines, ubi nunc ad Molendinum Armorum (sic enim communiter appellamus) firmissima durat adhuc ea moles ac domicilium, quod veteri vocabulo etiam in præsens TURRIS IMPERATORIS nuncupatur. Indeque duabus proximis in eo tractu Ecclesiis, una Sancto *Michaeli* Archangelo altera Sanctæ *Catherinæ* Virgini ac Martyri dicatis, vetus adhuc nomenclatura illæ hæret, ut omnium ore AD CLUSIAM vocitentur.

DXX. Quoniam vero nobilissimæ Gentis *Septaliæ* (aliter de SETARA) gratam non ita pridem (hoc est, Num. 480.) fecimus mentionem; non immerito illa quidem inter veteres sui Heroas *Passaguum* commemorat, quem paulo ante cum aliis hoc Anno *Mediolani* Consulibus primo nominatum loco videbamus. Egregius hic etiam bello Vir Anno superiori quinquagesimo nono, mense Junio, postquam una cum suis *Mediolanensibus* egregie contra *Papienses* dimicasset: cumque mox tellis prædaque onustis ex improvviso cum suis supervenisset *Ænobarbus*; ab eo tam ipse quam trecenti circiter alii *Mediolanenses* capti fuerant, & *Laudam* primo deinde *Papiam* in carcerem abducti; quemadmodum *Otho Morena*, & ab ipso mutuati *Corius* & *Chalcus* in eum Annum enarrant.

DXXI. Recentium ejusmodi murorum ambitum peraccurate describit in Annum præsentem *Corius*: cujus profecto ætate superstites illi stabant adhuc; cum nostra non stent, quo nimirum ex tempore vastior Urbi situs aliis rursum muris circumdatus denique fuit. Idem sic etiam diligenter prosequitur, quot numero publicæ cum Portæ tum Pusterlæ Urbis essent, quidve inter Portas & Pusterlas (illæ majores, hæc minores erant) interesset. Portis Turres asserit adstructas fuisse binas: unamquamque vero Pusterlam sub una tantum Turri constructam fuisse, præter eam tantum, quæ SANCT-AMBROSIANA vocabatur; hæc enim sub nulla. Huic etiam Pusterlæ Sanct-*Ambrosianæ* versus Australem plagam, nec non etiam Pusterlæ JOVIS versus Aquilonarem (ubi nunc Castrum situm est, ARX JOVIS appellatum) interjectam fuisse scribit Portam VERCELLINAM: & ab hac quidem Porta Sanct-*Ambrosia-*

nam Pusterlam trecentos cubitos distantem fuisse. Sanct-Ambrosiana itaque Pusterla citra dubium illa erat, qua nunc etiam ultro citroque inter Ambrosianam & Portianam (sive Sancti Victoris ADCORPUS) Basilicam recta commeat: & inter quam ceteroqui & Portam Ticinensem Pusterla etiamnum FABRICA intercedit. Quod si Portis (quæ numero sex fuere) primæva tunc etiam nomina hæserunt, quemadmodum etiam nos una cum eodem Corio indubitatum esse debere arbitramur; certe quidem placere nobis non potest, quod Ripamontius Historiarum Ecclesiæ Mediolanensis Libro Primo asserit, Ticinensem Portam, cum veteribus dirutis, novi muri (per hæc utique tempora) reficerentur, AMBROSIANAM fuisse appellatam. Ea siquidem in posterum etiam retinuit Portæ Ticinensis appellationem: folique illi, quam dicebamus, Australi Pusterlæ inditum invenimus SANCT-AMBROSIANÆ cognomentum.

DXXII. Post Anobarbicum diramque illam Mediolani excidionem, cujus occasione tamquam de re postmodum controversa quærendum fuit, an Tutelarium nostrorum Ambrosii Protasii ac Gervasii Corpora suo fuerint e tumulo in Germaniam vel alio translata, hoc fatemur: nihil jam nobis accidere jucundius posse, quam si mentio forte incidat, aliquod ejusmodi Corporum perrenniter apud nos nihilominus deinceps custoditum esse. Publicum generis hujus Documentum superiore Anno ex Archivo nostro protulimus unum: cujus auctoritatem quoque pensitabamus propterea majorem; quia Dominus Amizo, per tot retro annos Abbas, in illud consensisset. Sed ecce nunc alterum, in quod non ipse modo sed etiam Sanctus Galdinus Archiepiscopus consensit. Sic autem illud se habet:

Anno Dominicæ Incarnationis Millesimo centesimo septuagesimo primo, duodecimo Kalendas Octubris, Indictione quinta. Placuit atque convenit inter Gilbertum, filium quondam Ugonis, qui dicebatur de Melegnano, de Civitate Mediolani, IBI PRÆSENTE ET CONSENTIENTE DOMINO GALDINO, DEI GRATIA SANCTÆ MEDIOLANENSIS ECCLESIAE ARCHIEPISCOPO, ATQUE APOSTOLICÆ ROMANÆ SEDIS LEGATO: NECNON ET INTER DOMNUM AMIZONEM, ABBATEM ECCLESIAE ET MONASTERII BEATISSIMI AMBROSII, UBI EJUS SANCTUM REQUIESCIT CORPUS, siti prope hanc Civitatem Mediolani: ut in Dei nomine debeat dare, sicut a præsentis dedit, ipse Gilbertus eidem Domino Amizoni Abbati, in vice & ad partem ipsius Ecclesiæ & Monasterii Beatissimi Ambrosii, ad habendum & tenendum libellario nomine usque imperpetuum: id est, omnes illas condiciones & restrictum, quod eidem Gilberto pertinebat beneficiario nomine ex parte prædicti Domini Archiepiscopi super mansos duos terræ ipsius Monasterii, rejacentes in loco & fundo CLAVESE, vel in ejus territorio & pertinentia in integrum: & quæ Conditiones sunt attracta sex, medietas facta ad Mediolanum, & alia medietas ad Melegnanum: & pullos sex, & fugatiam quatuor, & de fœnocentennaria quatuor: data omnia omni anno. Omnes illæ res, quantæ sunt, & inveniri potuerint pertinere aliquo modo vel jure eidem Gilberto supra prædictos duos mansos, per restrictum sive per conditionem, in præsentis maneat libello in integrum: eo tenore; ita quod a modo in antea omni tempore habere & tenere debeat ipse prænominatus Dominus Amizo Abbas, & ejus Successores, ad partem & utilitatem ipsius Monasterii, & cui ipsi dederint, prænominatas res, quas superius legimus, in integrum; & facere exinde de omnibus in integrum secundum morem libellarem quicquid eis fuerit utile. Et promisit ipse Gilbertus una cum suis heredibus prædictas res omnes, quas superius

A legimus, in integrum ab omni contradicente persona defensare jure & ratione secundum modum libellarum eidem Domino Abbati, & suis Successoribus; & cui ipsi dederint, in pœnam dupli infra scripti pretii; quia sic inter se convenit. Et pro isto libello accepit ipse Gilbertus ab isto Domino Abbate argenti denarii boni tertiorum Mediolanensium libras decem. Actum ista Civitate. Et de isto pretio fuerunt libræ novem acceptæ ab Episcopo Pergamensi pro Feudo de Suardis. Signum manus istius Gilberti, qui hanc libelli chartam, ut supra, fieri rogavit.

Ego Vuifredus EX MANDATO DOMINI MEI GALDINI, MEDIOLANENSIS ARCHIEPISCOPI pro eo subscripsi.

B Signum manuum Gaspari & Churadi, qui dicuntur Menclocii: Bariani de Pusterla, Guidrici de Ugiono, Arderici Spata: Testium.

Ibique statim præsentibus ipsis Testibus dedit quadium ipse Gilbertus eidem Domino Abbati ad partem prædicti Monasterii, quod a modo in antea omni tempore stare debet ei in defensione de istis omnibus rebus, quas superius legimus, in integrum ab omni contradicente persona, jure & ratione, ut venditor emptori. Et de hoc adimplendo posuit ei exinde fidejussorem Guidonem, filium quondam item Guidonis de Melegnano, de ista Civitate: qui exinde fidejussit de omnibus illis discordiis, quæ infra annos quinque apparuerint omni tempore, in pœnam dupli.

C Ego Ambrosius, qui dicor de Capite muri, Notarius Sacri Palatii, tradidi & scripsi.

Hactenus publicum ejusmodi Documentum.

DXXIII. Favente autem Deo Superisque, tam feliciter & ad voluntatem nobis hoc fuit, quod de Sancti nominatim Ambrosii Corpore apud nos adhuc tumultato confirmare intendimus, ut Anno item juxta nostram e Dominica Nativitate supputationem septuagesimo tertio, sed ab Incarnatione septuagesimo secundo, tale nobis ex Archivo suppetat publicum & archetypum Testimonium, a Consulibus Mediolani pronunciatum: in quo etiam diversam computandæ Indictionis rationem ab ipsis servatam dignoscere nobis licebit. Illud enim sic se habet:

Die Martis, nono Kalendas Martii. IN CONSULATU MEDIOLANENSIS SENTENTIAM PROTULIT GUERTIUS JUDEX, CONSUL MEDIOLANI, ET CUM EO PETRUS VICECOMES, ET JOHANNES DE BUSINATE, ET ALBERTUS, QUI DICITUR DE CARATE, SOCII EJUS, de discordia, quæ erat inter DOMNUM AMIZONEM, ABBATEM MONASTERII SANCTI AMBROSII, UBI EJUS SANCTUM REQUIESCIT CORPUS, nomine ipsius Monasterii per suum Missum, Dominum Guifredum, Monachum & Diaconum ipsius Monasterii: & ex altera parte Mancafaxam & Asclerium fratres, qui dicuntur de Concorezo, de Civitate Mediolani. Lis talis erat. Postulabat Abbas, quatenus isti germani, vel eorum massarii, præstarent sibi singulis annis trigessimam sextam partem illius albergariæ, quam ipse Abbas annuatim habere debet, decem & octo hominibus, & decem & octo equis, & coco, & gastaldio suo, super novem mansis rejacentibus in territorio de Loco COLOGNIA, ex quibus novem mansi isti fratres quartam partem unius mansi possidere videntur: asserens, præfatos novem mansos a suis Antecessoribus per feudum VASSALLIS IPSIUS MONASTERII fuisse eo tenore datos, ut eorum possessores ipsam albergariam ut supra legitur, singulis annis Abbati ejusdem Monasterii præberent: ipsosque Abbates, qui pro tempore in ipso Monasterio fuerunt, prædictam albergariam, tam super quartam partem prædicti mansi, quam super alios mansos sæpenumero habuisse. E contra prædicti germani se aliquam partem istæ albergariæ pro quarta parte prædicti mansi præstare

stare recusabant: allegantes, licet forte eorum massarii aliquam partem præfatæ albergariæ præstitissent; non pro sua terra eos præstitisse dicebant. Et super his Abbate postulante, ipsi germani publicum Instrumentum ostenderunt: in quo continebatur, auctorem suum, ut dicebant, a quodam Gunzone, filio Pagani, prædictam quartam partem mansi emisse, & juris Sancti Ambrosii esse. Quare Abbas dicebat, fore verisimile, se partem albergariæ in ea quarta mansi habere; cum pro aliis mansis, qui fuerunt DE IPSIUS MONASTERII VASSALLIS, ipsa albergaria procul dubio præstatur. Et insuper Abbas Testes super præstatione albergariæ ex ipsa quarta mansi date produxit: qui una cum isto Instrumento CONSULIBUS fidem fecerunt. His & aliis auditis, prædictus Guertius ipsos fratres, vel eorum massarios, ipsam quartam partem mansi colentes, ad præstationem trigessimæ sextæ partis sepe dictæ albergariæ pro ista quarta parte mansi Abbati condempnavit, communerato coco in istis decem & octo hominibus si præfatus Abbas per suum Advocatum juraverit, quod trigessimam sextam partem in ista quarta parte mansi nomine istius Monasterii habet. Altera die sacramentum Abbati ipsi fratres remiserunt; & sic finita est Causa. Anno Dominicæ Incarnationis Millesimo centesimo septuagesimo secundo, isto die, Indictione secunda. Interfuerunt Guifredus Corbus, Oltachinus de Cruce, Petrus de Marliano, Heriprandus Judex de Servitoribus, Buffalardus Guarnierius de Carate, & Cigniamaccus.

Ego Guertius Judex prædictam sententiam dedi, & subscripsi.

Ego Girardus Causidicus, qui dicor Pistus, subscripsi.

Ego Croto, subscripsi.

Ego Ugo, qui dicor de Castegnianega, Sacri Palatii Notarius, subscripsi.

Ego Rogerius Bonafides, Judex, ac Missus Domni Secundi Chunradi Regis, scripsi.

DXXIV. Pro construendis Mediolani muris pecuniam per Imperatorem quoque Constantinopolitanum suppeditatam fuisse, partim etiam promissam, nos jam diximus Nu. 506. ibique nos in eandem sententiam nonnihil postmodum Gualuaneo Flamma producturos pollicebamur. Sic etiam Nu. 516. in Portæ Romanæ fronte peculiarem quandam hominis effigiem faxo exsculptam conspici præmonebamus, de qua nobis item postea differendum esset. Nunc igitur isthæc tandem ambo exequimur. Effigies vero illa, quam optime pariter a nobis e proximo conspecta, hunc prorsus in modum se habet. Nudo capite illa est, at satis capillato; sicut etiam genis ac mento proluxa circum barba convestitis. Palliolum ex humeris, antrorsum hinc inde sine flexu aliquo pendulum, gestat. Sedet autem, sed cruribus ad genua in modum crucis complicatis. Medium iplis etiam cruribus subest monstrum, faciem referens aliquatenus humanæ similem, sed torvi re vera horrendique serpentis, os habentis minaciter adaperit, truncas aures, squamosum pectus, alatum tergum, caudam Sirenis instar in duas hinc inde fissam partes, in altum ita inflexas, ut earum summitati pedes hominis ejus innitantur. Hic idem homo sceptrum ex ipso similiter lapide efformatum dextra gestabat manu: sed hoc illi e parte superiori excussum est (certaque durant excussionis indicia in eodem ipso lapide, ubi pars illa fuit effracta) cum alioqui pars inferior, manu comprehensa, in hodiernum usque diem quamoptime discernatur. Talis est igitur lapidea ejus hominis imago. Cujusnam vero sit hominis: hoc opus, hic labor: atque duas hac de re opiniones nos adhuc invenimus.

DXXV. Paulus Jovius in Elogiis Virorum bellica virtute illustrium, sub effigie Friderici Primi Imperatoris, effigiem hanc nostram non alterius, quam ejusdem Friderici esse censuit his verbis: Effigiem

A Enobarbi Cæsaris Mediolanenses, in eversam Patriam remigrantes, marmoreo in arcu supra Romanam Portam sculperunt, dracone stantis cruribus involuto; ut virosi dirique hominis simulachrum perpetuo spectaretur. Ad eundem quoque oris & barbæ habitum altera ipsius effigies plurimum arridet, quæ in aurea bulla scite expressa, appensaque membranis Privilegiorum Pisane Civitatis conspicitur: ea fide collata, ut tertiam quoque ejus statuam ad Volturri pontem proximo Lotrechii bello base dejectam viderimus; cum sumptuosissimi operis turritus pons a Friderico Juniore, bujus Enobarbi nepote, Suevæ Gentis Regum imaginibus ornaretur. Talia Jovius, & satis probabiliter.

B DXXVI. Vide autem, quam longe aliter Gualuaneus Flamma fenserit. Siquidem in Chronico Majori Cap. 291. descripto Mediolanensium reditu ad Urbem, sic inquit: Mittentes Legatus in Constantinopolim, ad Emmanuelem Imperatorem direxerunt, qui eos adjuvaret. Qui dedit eis magnos thesauros, & promisit etiam dare majores. Imperatrix, dicta Leobissa, tristis de thesauris datis, & tristior de promissis, malitiose volens hoc impedire; vocavit Ambasciatores de Mediolano, & ait illis: Ego scio cor Imperatoris. Ipse enim desiderat, quod super Portam Civitatis fiat imago lapidea, tenens crura in modum crucis. Hoc au-

C dito, Ambasciatores domum redeuntes ita fecerunt in Porta Romana: & cum crederent se benefacere, pessime fecerunt; quia Imperator illius imagines effigiem, quæ fuerat in quadam Ecclesia, dirui in Constantinopoli fecerat. Hec Chronica Pauli de la Sala. Tali siquidem in hoc utebatur Gualuaneus Auctore. Rursus autem Cap. 293. sic addit: Isto Anno, videlicet Millesimo centesimo septuagesimo tertio, Cives de Mediolano iterum in Constantinopolim miserunt ad Emmanuelem Imperatorem, narrantes, quomodo Portas Civitatis & Turres construxerant: addentes, quod, ad ejus memoriam perpetuam, imaginem lapideam, tenentem crura in modum Crucis, fabricaverant.

D Quo audito, credens, quod despectivè factum fuit; turpiter eos expulit. Intelligentes Ambasciatores Imperatricis Leobissæ insidias; in ejus vituperium imaginem lapideam fabricari jusserunt; quæ tenens manus monaclam (hoc est, forficem) tonderet sibi membra generationi deservientia. Quæ a tali tonsione PORTA TONSA dicta est. Talia Gualuaneus. Quibus quidem similia item narrat in Ambrosianæ Bibliothecæ Codice, Cap. 892. & 893. nec non etiam innuit in Manipulo florum Cap. 203. sicut & Auctor Chronici Flos florum fol. 149. pag. 2.

E DXXVII. Gaspar Bugatus in Tertio suæ Historiæ Universalis Libro muliebrem hanc imaginem affirmat suo etiam tempore supra Portam Tonsam constituisse: atqui non in Leobissæ Imperatricis contemptum eam ibi fuisse collocatam, sed in honorem cujusdam Meretricis, quæ actionem illam nuda palam ex alta domus suæ specula eo de industria consilio exercuerit, ut Theutonicos, eam Urbis partem, tunc forte defensoribus destitutam, impetu validissimo aggressuros, paululum remoraretur, quoadusque defensores accurrerent. Al quale spettacolo rimirando inimici (verba sunt ejusdem Bugati) con grande spasso & riso, tanto in ciò si trattennero, che giunse soccorso alla Porta, efuron forzatili Alemanni à ritirarsi. Dall' hora in poi quella Pusterla i è chiamata, & anchor' si chiama PORTA TOSA: sopra la quale hoggi ancora vi si vede quella statua. Suam vero hanc Historiam Bugatus ipse vivens typis primum edidit Anno supra Millesimum quingentesimum septuagesimum primo. Illud autem Meretricis facinus in Annum conjicit sexagesimum supra Millesimum centesimum: quo videlicet Anno Enobarbus Mediolanum prima vice obsideret: quod alioqui re vera non eo Anno, sed biennio ante (sicut etiam nos abunde jam supra meminimus) obsedit prima vice, obsessumque sibi subegit.

DXXVIII. Quod quidem attinet ad TONSÆ cognomentum ei Pusterlæ inditum: nos istud eo arbitramur vetustius fuisse tempore, quo muliebris ea effigies ibi collocata dicebatur non a *Gualuaneo* tantum, sed a *Bugato* etiam; tametsi *Gualuaneum* certius erroris convictum teneamus hoc argumento, quod ex *Otthonis Morenæ* Historia depromimus. Hic siquidem *Ottho* jam obierat circiter initium Anni supra centesimum Millesimum sexagesimi secundi; sicut ex eo colligi potest, quod nos Num. 434. una cum *Acerbo* ejus filio meminimus. Et tamen in Annum superiorem quinquagesimum octavum, quo primitus *Mediolanum* *Enobarbus* a sexta mensis Augusti die obsidebat, sic etiam inter ea, quæ post paucos inde dies gesta fuerunt, jam scripserat: *Post ea alio die quodam Mediolanenses PER PUSTERLAM, QUÆ DICITUR PORTA TONSA* (ecce, quamadmodum jam tum communiter ita dicebatur, neque tunc cognomen istud recentè introductum videtur) *ad præliandum exierunt. Quibus Theutonici una cum Cremonensibus & Laudensibus obviam iverunt. Maximo igitur prælio incepto, multisque ab utraque parte interfectis, pluribusque etiam captis, tandem Mediolanenses, resistere non valentes, terga verterunt. Super quos Theutonici & Cremonenses atque Laudenses acriter irruentes, magnamque multitudinem ipsorum capientes, magno robore USQUE INTRA DICTAM PUSTERLAM DE PORTA TONSA omnes reliquos fugaverunt. Plerique etiam ex ipsis etiam ultra Fossatum intus per ipsam Portam pugnando maxima vi intravere; sed ibi stare non valentes, foras redierunt. Mediolanenses itaque tunc fugientes, cum præ multitudine fugientium per ipsam Portam redire non possent; ipsorum plurimi in Fossatum ab utraque parte pontis, uno super alium cadente, præcipitaverunt; quorum plures, in aquam ipsius Fossati usque ad colla repentes, ab his, qui supra ipsum Fossatum erant, adjuvabantur, & intro trahabantur. Talis utique fuit pugna inter Theutonicos & Mediolanenses ad Portam Tonsam tempore illius obsidionis commissa. Quam exscribendo fufius narrare placuit hanc quoque ob causam: ut apertius intelligeretur, quemadmodum etiam extra illam Portam Fossatum esset Urbi circumfossam; sicut & Num. 53. de Porta *Ticinensi* ex eodem *Morena* tradebamus.*

DXXIX. Certe tamen veraciter *Bugatus* asserabat, lapideam illam Mulieris effigiem suo quoque tempore supra Portam Tonsam, Portæ *Romanæ* Pusterlam, extitisse. Quid si vero nos insuper jam ostendamus, ubinam hoc tempore illa extet, quin etiam quomodo & quando inde fuerit illuc translata? Celebrissima *Mediolani* hodieque claret *Archintorum* familia. Mentionem ipsius nos etiam fecimus Num. 374. recitato illic *Manfredi Archinti* Epitaphio, quo suburbanum *Charavallis* Monasterium gloriatur. Qui vero plura voluerit, *Philippi* legat *Archinti Mediolanensis* Archiepiscopi Vitam primo Libri primi Capite: quam, duobus distinctam Libris, Italice recensuit *Joannes Petrus Glusianus*, *Mediolanensis* Patritius, typisque *Comensibus* Anno Millesimo sexcentesimo undecimo edidit. Ex eadem familia notissimus est hodieque totaque passim Urbe commendatus *Comes Octavius*, prudentia humanitate morumque integritate perinsignis, sed colligendorum etiam venerandæ Vetustatis Monumentorum studiosissimus, nec irritò sane studio. Tam multa siquidem adhuc collegit, & in amplissima sua intra Portæ Novæ fines domo circumquaque ita disposuit, ut antiquæ simul Eruditionis ea domicilium ac Musæum videatur. Illic ergo talem nosmetipsi effigiem hoc ipso mane conspeximus. Marmorea est Tabula, parieti sic insita, ut ab utroque latere spectabilis sit. Latus illud ad curiam obversum, &

A omnibus portam ingredientibus palam expositum, *Romanam* pariter ac vetustissimam exhibet hanc Inscriptionem, ab una parte mancā:

P. TUTILIUS P.F. C.....
VETERANUS SIG.....
AQUILIFER LEG.....
CURATOR VET.....
ACCEPIT AB IMPE.....
PRÆMIA DUP.....
NATUS EST A HIRTIO
VIBIO. PANSÆ. COS. DI....
C.FUFIO GEMINO. L. RU.
GEMINO. COS. SI....
P. ATECINGI. F.
DEMINCÆ.
AN DOBLATONI P. F.
GNATÆ P. F.

T F

Alterum vero latus a publico sepositum est conspectu, & interioribus cellæ penariæ post culinæ tergum sitæ respondet, solisque conspicuum est illuc ingressis. Hic ergo effigies illa visitur nuda; sed situ præpostero, sive capite ad terram verso, pedibus autem in altum sublati. Etenim situs Inscriptioni directus, ei est imagini inversus: quive imagini directus esset, vicissim etiam Inscriptioni esset inversus. Credibile profecto nonnullis visum est, eam Tabulam Inscriptioni primum illi defuisse, deinde autem imaginem inde illam in altero latere fuisse sculptam. Certe quidem directo situ in fronte illius Portæ collocata mansit. Sed quoniam obscurum aspectu hoc Sancto Cardinali & Archiepiscopo nostro *Carolo Borromæo* videbatur; propterea etiam Proceres Urbis, ad quos ea cura spectabat, rogavit, ut eam inde figuram detrahi juberent. Vix autem illi annuerant; cum Regius Extraordinarii Magistratus Quæstor *Horatius Archintus*, *Comitis Octavii* genitor (quem singularis pariter morum sanctitas, teste *Glusiano*, commendabat non absimili colligendorum Vetustatis Monumentorum studio eam sibi obtinuit, suasque transtulit in aedes. Sic enim *Comes* ipse *Octavius* quæsitissima illa sua & admirabili comitate nobis semel ac iterum e Patris sui ore asseveranter & quam optime memor narravit. Hæc autem cum ita se habuerint; nos quidem non ita difficulter concedemus, TONSÆ cognomentum ei Portæ inditum fuisse ab ea Mulieris imagine, sive ab aliqua ejusmodi Muliere, quam illa vel ad ludibrium vel ad decus insignite representaret. Hoc interim negamus, quod *Gualuaneus* & *Bugatus* affirmabant: scilicet ex eo tantum fuisse inditum tempore, quod illi eorumque affectatores assignarunt.

DXXX. Eodem sæculi hujus Anno septuagesimo tertio *Cantuariensem* Archiepiscopum *Thomam*, *Cisterciensibus* connumeratum, superiore Anno septuagesimo a regis necatum satellitibus, jamque miraculis clarissimum, *Alexander* Pontifex Sanctorum Martyrum Catalogo adscripsit. In die namque Purificationis *Beatæ Mariæ* (sive secunda Februarii die: verbaque sunt ex ejusdem *Alexandri* Papæ Actis apud *Baronium* Art. 5. deprompta) convocatis Episcopis & Abbatibus *Campaniæ* APUD SIGNIAM, ad honorem ipsius specialiter Missarum Solemnia celebravit, & Passionis ejusdem quarto Kalendas Januarii memoriam perpetuo agi debere constituit. Deinde vero ab Urbe *Signia* scie contulit *Anagniam*; sicut etiam *Sigonius* in hunc ipsum Annum bene observavit.

DXXXI. Variæ inter hujus Basilicæ Monachos & Canonicos controversiæ, antehac diu agitatæ, *Milonis*, e *Metropolitanæ Mediolani* Basilicæ Archipresbytero Episcopo *Taurinensis*, judicio nobis discussæ videntur eodem hoc Anno, aut saltem non multo ante; cum *Amizoni* Abbati necdum Abbas successit *Joannes de Arzago*; cumque *Satrapus* (ali-

(aliter *Satropus*) esset hujus Canonicae Praepositus. Et haec quidem satis aperte dignoscuntur e publicis duabus Tabulis, quas Anno sequenti proferemus, ac praesertim e secunda.

DXXXII. Sanctum Bernardum, primum Abbatem Claravallensem, nostrisque Mediolanensibus adiectissimum, ab Alexandro Papa Tertio Sanctis adscriptum fuisse, communis est Scriptorum sententia. Sed quoto fuerit adscriptus Anno, anceps nobis opinio videtur. Baronius in Martyrologii Romani Annotationibus ad vigesimam mensis Augusti diem sic de ipso docet: *Migravit ex hac vita Anno a Christo Domino Millesimo centesimo quinquagesimo tertio. Quem Alexander Papa Tertius inter Sanctos censuit adnumerandum. Extant de ea re Litterae Apostolicae, datae Agniae decimo quinto Kalendas Februarii, anno sexto Pontificatus ejus, Christi autem Millesimo centesimo sexagesimo quinto.* Et haec quidem in re Baronio consentit etiam in Chronico Cisterciensi Aubertus Miraeus. Ex adverso tamen Alexander Pontifex praedicto Anno ac die decimo quinto Kalendas Februarii certe quidem Agniae non fuit. Haec utique Latii est Civitas, ab Urbe Roma distans septem ac triginta mille passus, ut in Lexico Geographico bene tradit Philippus Ferrarius. Ex ipsomet autem Baronio in Annalibus, ad eum ipsum Annum Art. XI. manifeste constat, Alexandrum eo Anno non ante Dominicæ Resurrectionis Pascha Senonis in Gallia (in quam triennio ante profugus & exul sese receperat) celebratum discessisse inde Romam versus, quemadmodum etiam nos Num. 478. cursum narrabamus. Non igitur eo illius Anni mense Litteras illas Agniae dare potuit Alexander: quas tamen ibi dare potuit Anno, quem nos recenter attigimus, septuagesimo quarto. Sic enim mox ex altero ipsius Diplomate, post paucos inde dies ibi dato, & a nobis recitando, constabit. Praeterea vero etiam Sigonius Anno superiore Alexandrum ab Urbe Signia illuc venisse circiter initium mensis Octobris vere tradiderat. Merito itaque, sibi que saltem bene constans idem Sigonius Anno postero, sive Millesimo isto centesimo septuagesimo quarto, subtexuit: *Alexander Bernardum Abbatem Claravallensem, Monachorum Claravallensium precibus fatigatus, ac Bernardi sanctitatis pia recordatione compulsus, in numerum Sanctorum ascripsit. Atque hac de re Litteras Agnia decimo quinto Kalendas Februarias dedit ad Proceres Gallicanae Ecclesiae, Regem Franciae, Abbates Cisterciensis Ordinis & Claravallensis: quae extant.* Quidni vero pariter istas credamus ab ipso conspectas nec in iis deprehensum fuisse non modo sextum illum Pontificatus annum, quem Baronius nominabat, sed ne alterum quidem ullum? Sic enim nos etiam mox videbimus in altero Pontificis ejusdem Diplomate illic dato decima sequentis Februarii die. Teste itaque Sigonio Alexander in hunc usque distulit Annum Sancti hujus Abbatis Canonizationem, de qua sexagesimo tertio superiore Anno rogatus jam fuerat; sicut idemmet Sigonius eodem illo Anno affirmaverat his verbis: *Alexander, Parisios profectus, Concilium Turonum in Pentecosten indixit. Rogatusque a multis, ut Bernardum Claravallensem in proximo Concilio in numerum Sanctorum referret; eorum se voluntati obsecuturum ostendit. Verum litteris aliorum, eandem rem in aliis Provinciis celebrari postulantium, obrutus: cum videret, omnium, se studiis servare non posse; rem in aliud tempus distulit; videlicet in hunc, quem diximus, Annum septuagesimum quartum.* Tam vero haec, quam superiora, Sigonius depromptit ex Alexandri Litteris hac de re ad Praelatos Ecclesiae Gallicanae datis. Haec siquidem, sicut & aliae hujus argumenti Litterae ad alios datae (quae numero sunt quatuor) habentur in extremo Vitae Sancti Bernardi, quam Gulielmus Abbas incoe-

pit, quamve deinde Bernardus alter Abbas absolvit, quaeve Sancti ejusdem Bernardi Libris adiecta circumfertur. ad eos vero praelatos Alexander inter cetera sic scribebat: *Contigit olim, dum essemus Parisiis constituti, ut magni quidam ac Venerabiles Viri de canonizando sanctae recordationis Bernardo, quondam Claravallensi Abbate, facerent mentionem: optantes utique, & piis nobis precibus suggerentes, ut in Concilio, quod de proximo erat Turonis celebrandum, digno huic & laudabili voto celerem daremus effectum. Cumque nos eidem negotio favorabili satis intenderemus affectu; supervenit multitudo & frequentia petitorum, qui in diversis Provinciis rem similem postulabant. Unde, cum videremus, non posse congruenter omnibus satisfacere; statutum fuit, pro scandalo devitando, etiam in hoc differri, quod oportebat pro tempore ceteris denegari. Nuper autem ex instantia & devotione Claravallis Fratrum & aliarum sublimium Personarum eisdem apud nos precibus innovatis, reduximus ad memoriam nostram ejusdem Beati Viri sanctam ac venerabilem vitam &c. Ceterum iisdem quatuor ibidem Litteris praemissa cernitur haec inscriptio: Canonizatio Sancti Bernardi Abbatis per Alexandrum Papam Tertium, Anno Christi Millesimo centesimo sexagesimo quarto: cujus quidem Anni supputatio si forte ab Incarnatione Domini ducta est; in praedictam Baronii sententiam sine dubio recidit. Et ex tamen omnes ac singulae Litterae simpliciter ac sine alio addito datae dicuntur Agniae decimo quinto Kalendas Februarii. Itaque cum sextus ille Pontificatus Alexandri annus, tum etiam quartus hic aut quintus & sexagesimus Christi supra Millesimum centesimum Annum, merum sunt aliorum Scriptorum additamentum: quod argumento superiore satis ex aequo superque confutatur. Non enim tunc temporis Alexander Agniae fuit; uti jam diximus. Sed ecce nunc alterum item argumentum, ex ea defumptum Epistola, quam super ejusmodi Canonizatione Alexander ad Claravallenses similiter Agniae decimo quinto Kalendas Februarii tunc dedit. Ea quippe sic incipit: ALEXANDER EPISCOPUS, Servus Servorum Dei, Dilectis Filiis GERARDO ABBATI, ET UNIVERSO CONVENTUI CLARÆVALLIS, Salutem & Apostolicam Benedictionem. Tunc itaque Claravallensis jam erat Abbas nomine GERARDUS: id quod Claudius etiam Robertus in Abbatiarum Galliae Nomenclatura erudite observavit, cum Claravallenses Abbates recenseret. Sicut autem Sanctus Bernardus fuerat primus Abbas; sic etiam sextus absque dubio fuit hic GERARDUS, & quidem Pontio suffectus. Pontium vero idem Claudius Robertus ibidem tradit ad hanc promotum fuisse Abbatiam Millesimo centesimo sexagesimo octavo Christi Anno. Quocirca quarto illo aut quinto Christi Anno supra Millesimum centesimum sexagesimum ne Claravallensis quidem Abbas adhuc erat GERARDUS, cui Alexander de peracta ejusmodi Canonizatione Litteras illas dare protinus potuerit. Idem porro Claudius Robertus Pontium illum Abbatem numero Quintum affirmat creatum postea fuisse Claromontensem Episcopum: atque illum in eorum Episcoporum Catalogo Quinquagesimum nonum enumerans, Millesimo centesimo septuagesimo Christi Anno creatum asserit, atque Baronii etiam testimonio confirmat: quin etiam ejus Urbis Episcopum tertio quarto & quinto inde Anno in aliquot publicis Documentis nominatum addit. Quocirca sic etiam nihil vetat, quo minus eo septuagesimo quarto Anno GERARDUS item Claravallensis re vera esset Abbas. Attende vero insuper, quemadmodum hoc idem nobis ex altero confirmetur Claravallensium Abbatum Catalogo, quem Chrysostomus Henriquez in Fasciculo Sanctorum Ordinis Cisterciensis, Libro I. Distinctione 4. Capite 50. produxit e Codice Dunensis*

Cœnobii manuscripto. In hoc enim Catalogo post Sanctum Bernardum, primum Abbatem, atque quinquagesimo tertio Sæculi hujus Anno defunctum, secundo mox Abbati Beato Roberto, in eo regimine tres cum dimidio adscribuntur anni: tum tertio, Beato Fastredo (aliter Fastrado, vel Vastrado) sex anni: de hinc quarto, Gaufrido, anni quatuor: quinto autem, Beato Pontio, anni quinque: sexto vero, Beato Gerardo, anni sex. Quocirca, deducta hinc itidem calculatione, Beatum Gerardum invenimus ad Clarevallensis Abbatiae regimen fuisse promotum Anno circiter septuagesimo primo, non autem ante non modo sexagesimum quartum, aut sexagesimum quintum Annum, sed ne ante septuagesimum quidem. Talibus ergo nos argumentis adacti, Sigoniam potius supputationem de Sancti Bernardi Canonizatione consecrati sumus. Quod autem obiter dictum sit: ejusdem Beati Gerardi Vitam Henriquez idem prolixè descripsit in prædicti Sanctorum Fasciculi Lib. 2. Distinctione 35. summam vero in Menologio Cisterciensi sub die septima Decembris. Jam vero Pontificium illud alterum Alexandri Diploma inspicimus, quod sequenti mense similiter Anagninæ datum, & a nobis hoc loco recitandum inuebamur.

DXXXIII. Authenticum Diploma nos habemus, quo Pontifex ipse Alexander prædictum Milonis Episcopi Taurinensis judicium ac Sententiam comprobavit. Illud vero mensem solummodo ac diem locumque continet adnotatos, quibus datum fuit. Sed nihilominus partim ex ipso, partim etiam aliunde nobis videtur certum præterea ejus Annum investigasse, videlicet hujus item Sæculi septuagesimum quartum. Sicut enim ex hoc Diplomate constat, Joannes ipse Monasterii hujus Ambrosiani novus jam erat Abbas, post Amazonem absque dubio creatus; & tamen Amazonem superiori etiam Anno vivigesima prima Februarii die Abbatem adhuc videbamus. Præterea vero etiam Pontifex ipse Diploma istud dedit, cum Anagninæ jam esset; & tamen quarto Idus Martias ejusdem Anni septuagesimi tertii morabatur adhuc Signinæ; ac Baronius proinde Art. 6. & 7. binas ipsius recitat Epistolas eo die ibi datas. Quocirca nonnisi post ejusmodi tempus Alexander hoc Diploma dedit. Cum autem istud quarto Idus Februarii dederit; certe, non superioris Anni, sed præsentis septuagesimi quarti Februario mense istud dedit. Ex altera siquidem parte Documentum alterum postea proferemus, eodem hoc Anno ac decimo Aprilis die confectum, posteaquam Diploma istud jam datum fuisset. His igitur ita præmunitis, ad ipsummet Diploma veniamus: indeque simul etiam intelligamus, qualem Sententiam Milo jam ante protulisset. Illud enim sic se habet:

ALEXANDER EPISCOPUS, Servus Servorum Dei, DILECTIS FILIIS, JOHANNI ABBATI, ET MONACHIS SANCTI AMBROSII MEDIOLANENSIS, Salutem, & Apostolicam Benedictionem. Significante nobis Venerabili Fratrem nostro M. (Milone) TAURINENSI EPISCOPO, manifestius intelleximus, quod, cum inter vos & DILECTOS FILIOS NOSTROS, S. (Satrapum) PRÆPOSITUM ET CANONICOS ECCLESIAE VESTRAE super diversis & variis capitulis diutina quæstio agitata fuisset, tandem utraque pars super eadem quæstione ipsius Episcopi se commisit arbitrio, hinc inde præstito juramento, quod Pactionem illam tam vos quam prædicti Canonici inviolabiliter servaretis, quam idem Episcopus de Sapientum consilio traderet vobis, in scriptis redactam. Unde prædictus Episcopus, prudentium Virorum tam Clericorum quam Laycorum communicato consilio, DE MANDATO VENERABILIS FRATRIS NOSTRI G. (Galdini) MEDIOLANENSIS ARCHIEPISCOPI, APOS-

A TOLICÆ SEDIS LEGATI, inter vos & jam dictos Canonicos Transactionem super ipsis capitulis fecit: quam de verbo ad verbum ad memoriam futurorum duximus exprimendam: IN NOMINE DOMINI NOSTRI JESU CHRISTI AMEN. Præcipimus, ut Concordia, sive Pactum, quod DOMINUS ROBARDUS, BONÆ MEMORIÆ ARCHIEPISCOPUS, composuit INTER ABBATEM GUFREDUM ET MONACHOS COENOBII SANCTI AMBROSII, & ex altera parte MARTINUM PRÆPOSITUM ET CANONICOS EJUSDEM BEATISSIMI CONFESSORIS AMBROSII, per omnia, sicut scriptum est, firmum & illibatum perpetuo inter eos permaneat, nulla quæstione de cætero movenda; quod post rem judicatam factum fuisset. Et amplius præcipimus ut Cimiteria, quæ sunt eidem Ecclesiæ versus Aquilonem USQUE AD SANCTUM VITALEM, vel in Claustro Canonico-
B rum, aut ANTE SANCTAM MARIAM, QUÆ DICITUR GRÆCA, omnifariam sint Canonico-
C rum absque impedimento seu contradictione Abbatibus vel Monachorum: ea vero, quæ sunt ejusdem Ecclesiæ versus Meridiem, sint Abbatibus & Monachorum in solidum, sive sint in Claustro sive extra Claustrum, sine contradictione vel impedimento Præpositi & Canonico-
D rum. Illud vero Cimiterium, quod est ante jam dictam Ecclesiam versus Occidentem inter utramque portam circumseptum muris, ubi dicitur IN CORTINA, ita distinguimus, ut Monachi habeant in omne magisterium & amministrationem & omne Officium divinum in exequiis unius mortui, undecumque fuerit; alterius vero funeris omne magisterium & amministrationem & omne divinum Officium in exequiis mortuorum Canonici habeant; eo tamen salvo, ut, si Abbas præsens fuerit, ad eum pertineat Orationem, scilicet OBSECRAMUS dicere, & Evangelium cui vult legendum committere. Præpositus vero, si præsens est & Sacerdos est, debet Aquam benedictam dare, & hanc Orationem TIBI DOMINE COMMENDAMUS dicere. Quod si
E Sacerdos non est, aut præsens non est, Abbas etiam illam Orationem dicat, & Aquam benedictam faciat. Hæc autem locum habeant, cum nec Dominus Archiepiscopus, nec Ordinarii, seu Presbyterium affuerint; eo tamen salvo, ut ad Canonicos dumtaxat pertineat jus & potestas in ante dicto toto Cimiterio, quod dicitur CORTINA, & dandi & assignandi sepulturas, undecumque sit funerandus. Et in obsequio illius funeris, cujus magisterium debet ad Canonicos pertinere, cum Abbas præsens fuerit, in electione Canonico-
F rum sit, utrum velint Abbati suum Librum offerre, an velint, Abbatem proprium Librum habere. Hospitale vero, quod ad jus omne Parochiæ & funeris Abbati & Monachis attribui-
G mus; ita ut liceat Monachis sepelire eos tam in Cortina quam extra, libere; in sepulturis tamen jam olim Hospitali consignatis. DOMUM AUTEM LABORIS quoad jura Parochiæ Canonicis in integrum assignamus (ita tamen, ut jus funerandi ad Abbatem & Monachos tantum pertineat; eo excepto, ut Responsoria & Passio a Canonicis dicantur. In Cimiterio vero, quod est extra Cortinam versus Occidentem, idem jus servetur, quod dictum est de Cimiterio Cortinæ. Item dicimus, ut Præpositus, seu Canonici, vel eorum Successores, de fructibus, seu oblationibus, de aliis rebus, quas dicebant ex parte Monachorum sibi oblatas esse, nullam de cætero moveant quæstionem. Præterea dicimus, ut Abbas & Monachi eligant unum ex Canonicis, quem voluerint, qui bona fide oblationes communes per dimidium annum colligat, & eas inter Monachos & Canonicos bona fide & æqualiter dividat. Deinde Præpositus & Canonici eligant unum ex Monachis, quem voluerint, qui per alium dimidium anni similiter faciat. Et ita deinceps observetur per singulos annos. Item dicimus, ut si quis Canonicorum, sive Conversus, vel Conversa, vel aliquis de familia eorum, sepeliendus sit; omne

omne magisterium pertineat ad Canonicos. Idem e converso dicimus de Monachis. Et ut hæc omnia supra dicta perpetuo observentur & firma teneantur, dicimus, ut omnia Instrumenta, & Sententiæ, & Privilegia, seu Conventiones, quæ antecedunt hanc Transactionem, quatinus contra hanc Conventionem faciunt, irrita sint, & viribus careant. Præterea præcepimus præfato Abbati, ut pro..... pacis centum quinquaginta libras de denariis novæ monetæ jam dicto Præposito & ejus Fratribus infra triginta dies post hujus Transactionis Confirmationem daret. Nihilominus etiam Pactum, sive Concordiam, quam piæ memoriæ Robaldus Mediolanensis Archiepiscopus inter vos & jam dictos Canonicos super præfatis capitulis fecisse dinoscitur, præfenti pagina annotamus. **IN NOMINE SANCTÆ ET INDIVIDUÆ TRINITATIS.** Omnium, maxime autem spiritualium est Potestatum, vi Filiis suis paterno providentes affectu: & reliqua verbatim, prout a nobis jam recitata fuerunt Num. 398. ad ea scilicet usque verba: *Data est hæc Sententia Pactionis Anno Dominicæ Incarnationis Millesimo centesimo quadragesimo quarto, in Palatio Mediolanensi, mense Novembris, Indictione octava.* Post ista siquidem verba protinus Alexander Pontifex sic e suo proseguitur: *Ne igitur præscripta Transactio per supra dictum Episcopum, aut Concordia per eundem Robaldum Archiepiscopum facta, temeritate qualibet rescindi valeat, vel turbari; præscriptam Transactionem & Concordiam, sicut superius annotata est, & in Scripto autentico continetur, ratam habemus & firmam; eamque auctoritate Apostolica confirmantes, præsentis Scripti patrocinio communivimus; statuentes, ut nulli omni hominum liceat hanc Paginam nostræ Confirmationis infringere, vel ei aliquatenus contraire. Si quis autem hoc attemptare præsumpserit, indignationem Omnipotentis Dei, & Beatorum Petri & Pauli Apostolorum ejus, se noverit incursum. Datum Anagninæ quarto Idus Februarii.*

Ceterum in præfenti Pontificis Diplomate, qua parte continet Milonis tunc Episcopi Taurinensis Sententiam, duo nobis ad observandum sese primum nunc offerunt: Ecclesia videlicet illa Sanctæ Mariæ, quæ dicebatur GRÆCA: nec non etiam illa DOMUS LABORIS.

DXXXIV. Ac de illa quidem Ecclesia recitare verbatim ea nobis lubet, quæ Carolus a Basilica Petri, cum Canonicus adhuc Metropolitanæ Ordinarius esset ac Joannis Francisci nomen adhuc gereret, posteritati tradita reliquit in Libello, de aliquot Mediolani Ecclesiis conscripto. Inquit enim: *Nella Canonica (nimirum Ambrosiana) e una Chiesetta, che volgarmente si dice DI SANTA MARIA FAVAGRECA. Alcune scritture antiche la chiamano DI SANTA MARIA GRECA. Må pare, che si sia trovato, che il diritto nome è SANCTÆ MARIÆ FAVENTIS ÆGRIS; si come è scolpito in un marmo nel muro di fuori di essa Chiesa. E di molta & antica divotione: & si trova, che hà Indulgenza specialmente alle Calende di Maggio. Quivi sono due Corpi Santi: l'uno del Re Sigismundo, l'altro di Desiderio Vescovo e Martire. De his tamen Sanctorum Corporibus nihil nos in præfenti: fidesque interea sit penes ejusmodi Scriptorem. Marmorea profecto Tabula illa, quinimmo Tabella, in hodiernum usque diem ita cernitur insculpta:*

**ECCLESIA SANCTÆ MARIÆ
FAVENTIS ÆGRIS
SANCTIQUE MARTYRIS SIGISMUNDI
ET DESIDERII EPISCOPI.**

Subtus vero majuscula legitur altera hunc in modum Tabella: qua simul etiam videtur indicatum, quando superior illa, continens antiquum istius Ecclesiæ nomen, fuerit inyenta, ibidemque collocata:

A DEO OPT. MAX.
**ET MARIÆ MATRI INCOMPARABILI
CASU REPERTUM
ANTIQUI NOMINIS ELOGIUM
DELUBRI HUIUS CURATORES
PIENTISS. RESTITUERUNT
MILLESIMO QUINGENTESIMO
VIGESIMO NONO.**

Eadem nunc Ecclesiola communiter SANCTI SIGISMUNDI nuncupatur.

B **DXXXV.** Nunc de illa DOMO LABORIS. Eadem vero nobis videtur fuisse Domus, in qua Monachi olim sese nonnunquam labore manuum exercebant juxta Regulæ sibi a Sancto Benedicto traditæ præscriptum Cap. 48. De quibus quidem manuum laboribus, laborumque Domibus legi potest Sanctus Bernardus eo in Opusculo, quo situm Clarævallis in Gallia Monasterii descripsit: cui profecto per simile illud est, quod apud Urbem nostram situm CHARÆVALLIS appellatur. In ea igitur LABORIS DOMO, non Monachi nunc, sed alii ac sæculares habitabant: in quos proinde Canonici Parochiale jus ita exercerent, quemadmodum jam vidimus expressum. Sic etiam illa nobis videtur in latere, non Monasterii, sed Canonicalium Aedium constituisse.

C **DXXXVI.** Quod autem idem Milo Episcopus Abbati præcipiebat, ut post Pontificiam ejusmodi Transactionis a se sancitæ Confirmationem centum quinquaginta libras propterea persolveret infra triginta dies; ecce nunc publicum pariter & archetypum Documentum, super ejusmodi pecuniarum solutione per Abbatem facta confectum; & hinc tempus item illud expresse indicatum recognoscatur, quo nos superius Alexandri Papæ Diploma fuisse datum præmonebamus. Documentum siquidem istud ita prorsus se habet:

D **ANNO** Dominicæ Incarnationis Millesimo centesimo septuagesimo quarto, decimo die mensis Aprilis, Indictione septima. Præsentia honorum hominum, quorum nomina infra leguntur. **CORAM DOMINO GALDINO DEI GRATIA SANCTÆ MEDIOLANENSIS ECCLESIAE ARCHIEPISCOPO ET APOSTOLICÆ SEDIS LEGATO, & præsentibus Fratribus suis ORDINARIIS SANCTÆ PRÆFATÆ MEDIOLANENSIS ECCLESIAE, scilicet Ugone de Ozano, Presbytero de Curiis Gualterio de Uglono, Magistro Rolando: manifestavit, & confessus fuit DOMNUS SATROPUS PRÆPOSITUS ECCLESIAE ET CANONICÆ SANCTI AMBROSII, UBI EJUS SANCTUM REQUIESCIT CORPUS, recepisse ad partem istæ Canonice, ibi præsentibus Burro Presbytero ipsius Ecclesiæ Sancti Ambrosii, Arialdo de Corbeta, Guilielmo Colderario, ipsius Ecclesiæ Sancti Ambrosii Canonicis, & renunciantem exceptioni non numeratæ pecuniæ, A DOMNO JOHANNE, IPSIUS MONASTERII SANCTI AMBROSII ABBA TE, solvente ex parte ipsius Monasterii, Argenti denarios bonos Mediolanensis novæ monetæ, libras centum quinquaginta, proptor Transactionem, quam Dominus Milo Taurinensis Episcopus fecit, INTER DOMNUM AMIZONEM, QUONDAM ABBA TEM PRÆNOMINATI MONASTERII, ET PRÆFATUM PRÆPOSITUM: & quæ confirmata est a Domino Alexandro Sanctissimo Apostolico, sicut legitur in Instrumento publico, ab eo bullato; quia sic inter eos convenit. Actum in Civitate Mediolani, in Palatio isti Domini Galdini, Archiepiscopi. Interfuerunt Ardericus Cassina, Johannes Predebonus, Lanfrancus Camius, Vincemonte Cuminus, Otto Platatus, & Lantelmus ejus filius, Testes. Ego Rogerius Salarius, Sacri Palatii Notarius, hanc Chartam tradidi, & scripsi.**

DXXXVII. Vidistine vero, Lector, quemadmodum
Puricellus. Dd dum

dum ex hoc item Documento luculentissime confet, Sancti Ambrosii sacrum Corpus in hac etiamnum sui Basilica tumultum perseverare? Accipe vero nunc duo pariter alia Documenta, hoc ipso Anno condita, quibus idipsum similiter affirmatur. Condita vero fuerunt uno eodemque die, ab uno eodemque Notario: quin etiam in una nobis eademque membrana continentur. Nos initium utriusque profereamus. Ac primum quidem sic incipit: *ANNO Dominice Incarnationis Millesimo centesimo septuagesimo quarto, sexto Kalendas Magii, Indictione septima. Finem fecit Florinus, qui dicitur Armanigra, de Loco VILLA-ALBA, IN DOMNO JOANNE, QUI DICITUR DE ARZAGO, ABBATE MONASTERII SANCTI AMBROSII, UBI EJUS SANCTUM REQUIESCIT CORPUS, siti infra Fossata* (nec enim muri adhuc in eo tractu conditi fuerant) *Mediolani, ad partem utilitatem ipsius Monasterii: nominatim de medietate pro indiviso camporum trium, & sediminis unius, & busci unius, jacentium in Loco & Territorio de VILLA-ALBA &c.* Mox vero sic item incipit alterum: *ANNO Dominice Incarnationis Millesimocentesimo septuagesimo quarto, sexto Kalendas Magii, Indictione septima. Investivit nomine massaricii, ad beneficiendum, DOMNUS JOANNES, QUI DICITUR DE ARZAGO, ABBAS MONASTERII SANCTI AMBROSII, UBI EJUS SANCTUM REQUIESCIT CORPUS, siti infra FOSSATA Mediolani, ex parte ipsius Monasterii, Florinum, qui dicitur de Armanigra, de Loco VILLA-ALBA, nominatim de medietate pro indiviso sediminis unius, & camporum trium, & busci unius præfati Monasterii. Quorum rerum altera medietas est ejusdem Florini, & jacet in Loco & Territorio VILLA-ALBA. Quæ vero medietas præfato Monasterio evenit ex parte quondam Arderici, socii ipsius Florini, & CONVERSI jam dicti Monasterii &c.* Quinam vero confecerit utrumque hujusmodi Documentum, ex hac demum utriusque subscriptione patet: *Ego Petrus, sacri Palatii Notarius, qui dicor Abbas, tradidi & scripsi.*

DXXXVIII. Septembri deinde mense, vel (ut alii tradunt) Octobri, Anobarchus in Italiam cum ingenti Exercitu revertitur. De quo quidem reditu sic habent Alexandri Papæ Acta apud Baronium hoc Anno, Art. 1. Eodem tempore, Anno quintodecimo Pontificatus Alexandri Papæ, Fridericus, Imperator dictus, AD SUGGESTIONEM PAPIENSIUM ET MARCHIONIS DE MONTEFERRATO, quinta vice in Lombardiam hostiliter remeavit. Transiit per MONTEM SINISIUM (Sigonio CINISIUM) & in multitudine grandi descendens in planitiem, castrametatus est juxta SICUSAM (SUSAM, vel SEGUSIUM, aut SEGUSIONEM jam vidimus ceteroqui nominatam) altera autem die, conceptum furorem occultare non valens, in primo detestabili operum suorum Civitatem ipsam combussit: & exinde acies suas versus Astensem Civitatem, ad exercenda reliqua mala, direxit. Et paulo post: Qua in suam potestatem redacta Fridericus sese extollens, ad destructionem Alexandriæ, quam noviter Lombardi construxerant ad honorem Beati Petri, cum Marchione Montisferrati & Papiensibus conatus est festinare. Chalcus autem sic inquit: Octobri deinde mense Anobarchus quinto in Italiam venit. Per Taurinos saltus iter fuit: subitaneoque adventu Segusionem & Astam oppressit, & octavo die ad officium redegit. Inde ad nuper conditam Urbem (Alexandriam) ducit: cujus Coloni, cum sponte libertatis cupidi, tum crebris Sociorum litteris nunciisque admoniti, portas claudunt: & sine intermissione auxilia expeditabantur. Addamus vero etiam ista, quæ Sigonius commemorat. Segusio (inquit) primam impressionem

A excepit. Ea, cum imperium Ecclesiæ studio detrectaret, eversa est. Hasta inde, metu expugnationis exterrita, baud ægre concessit in ditionem. Cremonenses Derthonenses & Comenses conspectum inimici ferre Imperatoris non potuerunt: ac, fœderatis Civitatibus relictis, ad eum extemplo se retulerunt.

B DXXXIX. Anobarchus Alexandriam oppugnare mox incæpit, deinde vero etiam obsidere circumfuso Exercitu: cui proinde in proximam hyemem tabernacula locavit. Neque vero fœderati (subdit Sigonius) durissimis Alexandrinorum temporibus defuere. Quippe Mediolanenses, copiis Sociorum assumptis, Carrocium Alexandrinorum auxilio eduxere, ac castra adversus Fridericum inter Clastidium & Vocheriam posuerunt. Hoc Fridericus ferre non potuit. Itaque iracundia elatus adversus eos processit, ac prælio extemplo conflixit. Verum acie pulsus, vix incolumis Clastidium se recepit. Ei prælio Mediolanenses, Placentini, Brixiani, & Veronenses, cum suis quisque Carrocis affuerunt. Interim res necessariae Alexandriam ad sustinendam hyemem supportatae.

C DXL. Sequitur idem Sigonius, Annumque ingreditur Millesimum centesimum septuagesimum quintum: Fœderatis inde domos suas quoque profectis, Fridericus per hyemem in Alexandriæ obsidione prope obstinate perseveravit, Alexandrinis omnia incommoda non minore constantia perferentibus. Incunte inde vere Mediolanenses & Fridericus occulta consilia, illi liberandæ, hic occupandæ Alexandriæ, inierunt. Mediolanenses, ut Fridericum ab obsidione Alexandriæ dimoverent, advocatis Fœderatorum auxiliis Papiam sunt aggressi, eamque acriter oppugnare cœperunt. Ex altera vero parte Fridericus per cuniculum, summo silentio pariter ac labore Alexandrinis nihil tale advertentibus actum, armatos in Urbem introducere conatus est, sed irritum conatu. Quippe milites introductos, cum e cuniculo in Urbem noctu evassent, Oppidani fœde protinus contrucidarunt: obstructoque cuniculo e Portis sub lucem effusi, castra Friderici repente, ipso nec opinante, invaserunt: ipsumque fuga sibi consulere cœgerunt. Et hæc quidem fufius narrata legi possunt apud eundem Sigonium, tum etiam Chalcum, ac præterea Baronium in hunc ipsum Christi Annum septuagesimum quintum.

D DXLI. Soluta Alexandriæ obsidione, Fridericus Papiam se recepit: atque fraudulenter de pace cum Alexandro Pontifice ac Lombardis agitare cœpit, quoadusque nimirum sibi novas e Germania copias compararet. Iidem consulantur Auctores, quos nuperime nominavimus.

E DXLII. Apud eundem Baronium eodem hoc Anno, Art. 12. ex Alexandri Papæ Actis hæc nobis scitu digna recitantur: Eodem tempore Alexander Papa in Ecclesia Alexandriæ AD POSTULATIONEM MEDIOLANENSIS ARCHIEPISCOPI, ET COMPROVINCIALIUM EPISCOPORUM, ATQUE RECTORUM CIVITATUM LOMBARDIÆ, Episcopatum constituit. In qua fecit in Episcopum eligi Arduinum, Romanæ Ecclesiæ Subdiaconum, A MEDIOLANENSI METROPOLITANO TAMQUAM SUUM SUFFRAGANEUM CONSECRANDUM. Præterea PAPIENSEM EPISCOPUM CRUCIS ET PALLII DIGNITATE PRIVAVIT; eo quod Civitas diu Octaviano Hæresiarchæ (sive Victori Antipapæ; de cujus intrusione nos jam diximus Num. 424. de obitu autem Num. 455.) & Friderico Imperatore excommunicato adhæserit; ET POST PRÆSTITAM SATISFACTIONEM eundem Fridericum in gravem jacturam Ecclesiæ & Lombardorum præsumpsit in Italiam revocare. Papienses igitur jam ante ab Antipapæ ac Anobarchi Factione, ad Alexandrum ceterosque Lombardos, ei tum etiam inter se fœdere junctos, transferant:

lierant: ac tunc quidem nos facile credimus ab ipsis, ut *Mediolanensibus* etiam satisfacerent, persolutas fuisse illas decem & octo mille grossæ monetæ libras, quarum mentionem Num. 441. faciebamus. Sed tamen postea, sicut etiam vidimus Anno superiore, ad eundem *Fridericum* defecerunt. Exinde vero illud etiam fortasse invaluit, quod in Catalogo *Aloysii ab Ecclesia*, in Sancto *Galdino* Archiepiscopo, superadditum legitur:

*In Lombardia Meretrix est dicta Papia,
Theutonica subiecta iugo.....*

A.C. 1176. DXLIII. Jam subierat Millefimus centesimus septuagesimus sextus *Christi* Annus, cum Sanctus *Galdinus* decennium Archiepiscopalis sui regiminis decimo quarto Kalendas Majas moriens absolvit: quo videlicet olim die consecratus Archiepiscopus illud inceperat. Non itaque superiore Anno *Galdinus* obiit, quemadmodum *Sigonio* visum est: ac ne posteriori quidem, quemadmodum *Baronio* ad eum ipsum Annum, Art. 94. Ceterum ipsius mortem mortique adnexa non alius in præsentem nobis enarret, quam qui Vitam ejusdem a *Mombritio* recitatam contexuit, quive tempore satis conjunctum eidem Sancto semet ostendit. Sic autem ille narrabat: *Igitur cum omnes fere Suffraganeos suos suis consecrasset temporibus: jamque Civitas & Ecclesia sua, Domino faciente, ad pristinum statum esset restituta; COEPIT HÆRESIS CATHARORUM IN CIVITATE PULLULARE, DISTRACTIONIS ET SCHISMATIS PRÆCEDENTIS CAUSA, quæ usque adeo, peccatis exigentibus, creverat, ut multi ipsam hæresim aliosque errores ausu temerario publice prædicarent, & multæ simplicium animæ laqueis diabolicæ fraudis caperentur. Huic igitur sævissimæ pesti Vir Sanctus se opponens, multis Sermonibus Prædicationibusque Populum suum ab ipso stulto errore & vāsaniaretraheret: atque eruditentis Catholicæ Fidei, quantum poterat, instruens, verbo proficiebat & exemplo. CUM AUTEM DECENNIIUM IN SUO EXPLESSET PONTIFICATU; EODEM DIE, QUO CONSECRATIONEM ACCEPIT, celebrata Dominicæ Resurrectionis solemnitatem, SECUNDA POST PASCHA DIE DOMINICA, in Hereticos zelo Dei accensus, Sanctæ Theclæ Ecclesiam petit, de more Divina in ea Officia peracturus. At quia corporis multa debilitate laborabat; Missarum Solemnia a supra memorato Cimiterio (Algiio Pirovano) qui postea successit, Missam celebrari præcepit. Ipse vero Confessione cum Fratribus facta, PRIUSQUAM EVANGELII LECTIO POPULO RECITARETUR, Pulpitum ascendens, contra prænominatos CATHAROS eorumque Complices præclarissimam habuit Orationem: eorum errorem multis argumentis & rationibus apertissime, & quantum oportebat, confutans, Fidemque Catholicam multis Sanctorum Patrum exemplis & Evangelicis comprobans Scripturis. Posteaquam vero finem dicendi fecit, consummato suæ certaminis cursu, eam corporis cepit sentire molestiam, quæ anima separatur a corpore. Mutationem itaque vultus ipsius Fratres tenebant, considerantes, eum paulatim deficere. Eum itaque ibidem levi motu deposuerunt. Perlecto autem Evangelio, & peractis Missarum Solemniis, cum ipse, in eodem Pulpito jacens, nutibus, quibus poterat, Fratribus, qui astabant, animam suam commendasset; multo astante Clero & Populo, spiritum Deo reddidit. Quo factum est, ut & Fratribus & Ecclesiæ non modicam relinqueret tristitiam. Ipse vero assumptus in Cælum pro Populo suo, ut pie credendum est, non cessat ad Dominum interpellare. Quod multis ac manifestis signis & indiciis declaratur. Nam ejus ad tumbam veniunt egroti vota promittunt, referunt salutem: curvus erectus redit, & retorti membra sanatis membris mirantur: Dæmon expulsus fugit, & corpus obsequium meritis Beati Viri derelinquit, atque tor-*

A mentum sibi monstrat esse defuncti Præsulis honorem. Tanta *Galdini* meritis clarescunt miracula, ut NUNC (attende Lector, quemadmodum Scriptor hujus Vitæ per ea tempora floreret) *seculum Petri Apostoli redisse videatur ac Sociorum. Ergo nos Sanctum veneremur Pastorem: quem nobis Dominus Patronum dedit, ne Fidem ledant CATHARI, serentes dogma nequam, & a Catholica Ecclesia explosum: sequentes Curaverunt autem sepulturam ejus Fratres ipsius Ecclesiæ: & corpus ejus sub eodem Pulpito in lapideo mausoleo, multo & cultu, sepelierunt. Porro divina providentia factum est, ut post aliquantum temporis consilio Fratrum ad altiorem locum ex alia Pulpiti parte transferretur: ibique sanctissimum corpus ejus, in pretioso conditum sarcophago, usque in præsentem celebretur diem. Obiit autem Beatus *Galdinus* Anno Natalis Domini Millefimo centesimo septuagesimo sexto (quod enim vigesimo sexto legitur in Codice impresso *Mombritii*, manifestus est Typographi error) Aprilis decimo nono.*

DXLIV. Et hic quidem alter est error, sed non ita evidens ut superior; quo circa par est ut magis a nobis indicetur. Non enim decimo nono, sed decimo octavo Aprilis die Sanctus hic Archiepiscopus obiit; sicut etiam olim fuerat eodem die consecratus. Ut enim jam vidimus, ille obiit Dominica secunda post Dominicæ Resurrectionis Pascha. Quocirca etiam deinceps in Ecclesia *Mediolanensi* usque ad Sancti Cardinalis & Archiepiscopi *Caroli* tempora inviolabiliter hoc servatum fuit, ut anniversaria Sancti *Galdini* celebritas non alio die, quam ea ipsa Dominica secunda (in quemcumque illa diem incidisset) ageretur. Cumque nos in omnibus tam manuscriptis quam impressis Missalibus, quæ nobis ad manus acciderunt, hoc viderimus adnotatum; certe quidem in eo, quod Anno Domini Millefimo quingentesimo sexagesimo ediderunt, sub decima nona die Aprilis, quæ dies est decima tertia ante Kalendas Majas (juxta scilicet errorem, quem in præsentem commonstramus) hæc præcise legimus: D Sancti *Galdini*, Episcopi *Mediolani* & Confessoris, semper celebratur secunda Dominica post Pascha: quod idem postea etiam suo in loco repetitur. Cujus quidem consuetudini vestigium etiam in præsens cernitur, quod primis ejusdem Dominicæ Vesperis *Clerus Urbanus* quotannis a *Metropolitana Basilica Plenariam* in sequentem usque diem Indulgentiam etiam nunc defert ad Carceratorum Aedes, in *Aurificum Vico* sitas, quas communiter idiomate populari *MALA STALLA* nuncupamus, ejusdem Sancti *Galdini* patrocinio devotas. Jam vero consulantur etiam Tabulæ Paschales. Protinus profecto inveniemus, Anno Millefimo centesimo septuagesimo sexto Pascha incidisse in diem Aprilis quartam, proindeque secundam inde Dominicam incidisse in octodecimam ejusdem Aprilis diem, sive in quartam decimam diem ante Kalendas Majas. Cum vero *Galdinus* eodem obierit die, quo decem ante annos jam fuerat *Romæ* ab *Alexandro* Papa in Archiepiscopum consecratus; non igitur consecratus ille fuit decimo tertio Kalendas Majas, quemadmodum Num. 482. *Tristanus Chalcus* & *Carolus Sigonius* nobis testabantur; sed certe quidem decimo quarto. Idemmet postea *Chalcus* in præsentem profecto Annum sic tradidit: *Decessit autem Galdinus sui Archiepiscopatus Anno decimo, die anniversaria, quarto decimo Kalendas Majas.* Sic etiam Sanctus *Carolus* cum *Breviarium Ambrosianum* octuagesimo secundo supra Millefimum quingentesimum Anno ederet in lucem, a se reformatum: cumque anniversariam Sancti *Galdini* celebritatem a secunda illa Dominica traduceret ad certum illum diem, quo ex hac ipse vita ad Superos evolaverat; non alteri eam diei Aprilis, quam decimæ octavæ, adstrinxit. Consentit vero etiam *Romanum Martyrologium*, itemque alterum *Galesinii*,

pariterque *Philippus Ferrarius* in Catalogo Sanctorum *Italiæ*: neque quicquam opus est, ut aliorum Scriptorum testimonia in ejusdem rei confirmationem congeramus.

DXLV. Quanam ex causa & quando Hæresis & Secta CATHARORUM pullulare nostra cœperit in Urbe, satis jam liquet e Sancti *Galdini Vita*, verbisque proxime per nos ex ea recitatis. Consequens jam est, ut aliquid de ipsis, eorumque nomine, ac hæresibus dicamus. *Josephus Ripamontius*, Historiarum Ecclesiæ *Mediolanensis* Parte Secunda, Libro Secundo, inter aliquot alia minutiora, in quibus a superioribus e Sancti *Galdini Vita* verbis discrepat (quæ Lector ipse per otium expendat) ejusmodi Hæreticos, tacito CATHARORUM nomine, sic describit, ut non alios fuisse indicet, quam *Tolosates*, sive *Albigenes* (communiter *Albigenses*) illos, de quibus agit *Baronius* hoc ipso Anno septuagesimo sexto, Art. 3. ac deinceps, e *Rogierianis Angliæ* Annalibus. In quibus *Rogierius* sic incipit: *Eodem Anno damnata est Ariana (aliter Manichæa) Hæresis, quæ fere totam Provinciam Tolosanam sedaverat, coram Archiepiscopis, & Episcopis, & aliis religiosi Viris & honestis, subscriptis. Erant itaque in Provincia Tolosana quidam Hæretici: qui se appellari faciebant BONOS HOMINES, &c.* Quorum quidem subinde protinus errores connumerat. Hi ergo tunc in eo Concilio damnati fuerunt; sicut etiam postea in *Lateranensi*, quod *Alexander Pontifex* Anno septuagesimo nono celebravit. Etenim Can. 27. (sicut etiam *Baronius* eodem Anno, Art. 3. recitat) sic legitur in eo decretum: *Quia in Guasconia, Allegatio (sive Albigeſio) & Partibus Tolosanis, Hæreticorum, quos alii CATHAROS alii PATRINOS (aliter PATARINOS, aut PATARENOS) alii PUBLICANOS, alii aliis nominibus vocant, invaluit damnata perversitas, ut jam, non in occulto, sicut aliqui, nequitiam suam exerceant, sed suum errorem publice manifestent, & ad suum consensum simplices attrahant & infirmes; eos, & defensores eorum, & receptatores anathemati decernimus subiacere &c.* Tales igitur nomine BONOS HOMINES, at re vera pessimos, nos quidem fatemur CATHAROS etiam fuisse ab aliquibus appellatos. Atqui non contra eorum, sed aliorum, qui communiter CATHARI vocarentur, Sectam invecum fuisse Sanctum *Galdinum* existimamus. CATHAROS ergo nobis in Veteres ac Novos distinguere lubet. Ac de primis quidem *Gabriel Prateolus* in Elencho Hæresum Lib. 3. Num. 11. sic tradit: CATHARI Novatiani sunt, a Novato Romanæ Ecclesiæ Presbytero ortum ducentes: & qui Gallieni Imperatoris & Stephani Primi Papæ temporibus circa Annum Domini Ducentimum quinquagesimum sextum emerſerunt. CATHARI autem appellari voluerunt, id est, SANCTULI & PURI (tantundem enim sonat Græca dictio ΚΑΘΑΡΟΣ) propter munditiam, quam superbissime & arrogantissime jactabant: utpote qui sese dicerent sine peccato esse, contra illud Joannis, Si dixerimus, quod peccatum non habemus; nos ipsos seducimus, & veritas in nobis non est. Ideoque, teste *Lindano* & *Bullingero*, omittebant illud Orationis Dominicæ, Dimitte nobis debita nostra; eo quod nulla peccatorum venia opus haberent. Prosequitur inde *Prateolus* reliquos eorum errores: quos utique nos omittimus; quia de Novis potius CATHARIS sermo ad nos spectat. Certe autem de istis *Dominicus Gravina*, Catholicarum Præscriptionum adversus Hæreticos Libro Quarto, enumerans duodecimi Sæculi veteres Hæreticos, hæc prope finem scribit: NOVI CATHARI circa Annum Domini Millesimum centesimum sexagesimum sub *Frederico Imperatore* orti sunt, Apostolorum vitam agere simulant. Nuptias reprobabant: ad suam Sectam transseunt rebaptizabant: Pædobaptismum negabant, item

A Purgatorium, & Suffragia: in igne baptizabant: Sacerdotium apud Catholicos defecisse asseriebant: Christum non habuisse veram carnem, nec vere substantialiter in Eucharistia esse, dogmatizabant. Hæc *Gravina* de his CATHARIS: quos quidem ab *Albigensibus* illis BONISQUE HOMINIBUS diverſos fuisse arbitrat: de quibus etiam separatim proxime subdit. Scite autem in exteriori margine addit, Novorum ejusmodi CATHARORUM errores egregiis fuisse confutatos *Erberti* (sic enim eum ipse nominat) Sermonibus, qui Auctario Bibliothecæ Patrum continentur. Nos quidem in ejusmodi Bibliotheca, demum & uberius *Coloniæ* Anno Millesimo sexcentesimo decimo octavo recusa, Tomo Duodecimo, Duodecimi Sæculi Scriptores complectente, legimus eos Sermones, ac numero tredecim. Eorum Auctor ibi nominatur *Eckbertus*, *Schenaugiensis* Cœnobii Monachus, ac deinde Abbas: qui juxta *Trithemium* in Libro De Scriptoribus Ecclesiasticis, ibidem præmissum, claruit sub *Friderico* pariter Primo Imperatore Anno Millesimo centesimo sexagesimo. Bene autem se res habet, quod tales ille Sermones adversus CATHAROS dicabat Archiepiscopo *Coloniensi* *Reginaldo* (nobis *Raynaldo*, de quo toties in superioribus locuti sumus) & in Epistola ipsa Nuncupatoria sic exorsus fuit: In vestra Diœcesi frequenter contingit deprehendi quosdam Hæreticos, qui diebus istis plurimum notabiles sunt in erroribus suis. Hi sunt, quos vulgo CATHAROS vocant: gens pernicioſa nimis Catholicæ Fidei, quam velut tineæ demoluntur & corrumpunt, ambulantes in astutia sua. De hinc autem Sermone Primo, de hujusmodi CATHARORUM agens origine, sic habet: Sciendum vero est, & non celandum ab auribus vulgi, quoniam indubitanter Secta eorum, de quibus agimus, originem accepit a *Manichæo* Hæresiarcha: cujus doctrina maledicta erat & tota venenosa, & radicata est in Populo isto perverso. Multa tamen permixta habent doctrinæ Magistri sui, quæ inter hæreses illius non inveniuntur. Divisi sunt etiam contra semetipsos; quia nonnulla, quæ ab aliquibus eorum dicuntur, ab aliis negantur. Talia *Eckbertus* dignus profecto, qui doctis ab hominibus accurate perlegatur. Præterea vero etiam in ejusdem Bibliothecæ Tomo Decimo tertio multa extant *Lucæ Tudenſis* Episcopi adversus *Albigensium* errores: ac deinde Scriptores aliquot succedanei contra Sectam *Vualdensium*, ab eo collecti. His porro Scriptoribus eruditissima, more suo, Prolegomena præmisit *Jacobus Greſerus*: quorum Capite secundo sic denique concludit: DE CATHARIS refert *Godefridus* in Annalibus hujusmodi historiam: Hoc etiam Anno Millesimo centesimo sexagesimo tertio quidam Hæretici de Secta eorum, qui CATHARI nuncupantur, de *Flandriæ* Partibus *Coloniam* advenientes, prope Civitatem in quodam horreo occulte mansitare cœperunt. Sed, dum neque *Dominico* die Ecclesiam intrarent; a circum manentibus comprehensi & detecti sunt, &c. CATHAROS igitur, qui nostram Urbem infecerunt, e *Germania* potius, & nominatim e *Diœcesi Coloniensi* huc venisse, nos quidem credibilis arbitramur: & occasione Schismatis, cui *Reynaldus* ipse Archiepiscopus acerrime favebat, tametsi talibus ceteroqui hæresibus (uti constat ex eodem *Eckberto*) non faveret, invaluisse tandem ita, quemadmodum e Sancti *Galdini Vita* perspeximus. Quocirca sic etiam declamasse Sanctum *Galdinum* arbitramur, non adversus eas BONORUM HOMINUM hæreses, quas *Ripamontius* recenserebat; sed potius adversus istas, quas *Gravina* commemorat, immo potius *Eckbertus*, qui easdem a se profitetur & diligenter investigatas, & fideliter enarratas.

DXLVI. Verum enimvero neque Sancti *Galdini* Concionibus, ac deinde frequentibus etiam evidenti-

tissimisque miraculis, nec alia ope potuit in multos deinde annos Patria hæc nostra prorsus ab ejusmodi CATHARORUM hæresibus (qualescumque illæ fuerint) liberari. Quamobrem Anno etiam postea trigesimo tertio supra Millesimum ducentesium Majores nostri *Oldrado Trissino* vetere nobilique *Laudensium* familia orto, nostræque Urbis Prætori, elogium quoque istud publice adscripserunt, quod *CATHAROS, UT DEBUI, USSIT*. Sic enim videre licet apud *Corium* & *Chalcum* in eum Annum, quinetiam in marmorea Tabula, quæ, sicut ab ipsis olim, sic a nobis etiam in præsentem usque diem sub equestri ejus Statua conspicitur in ea Urbis parte, quam nunc communiter MERCATORUM PLATEAM vocitamus. Quid, quod etiam deinde Anno quinquagesimo secundo Sanctus Petrus, Patria *Veronensis*, Religione *Dominicanus*, nostra in Urbe contra hæreticam pravitatem Inquisitor, ab ejusmodi Hæreticis crudeliter vulneratus, martyrii palmam reportavit? Quocirca (ut aliorum testimonia omittamus) Doctor ille Angelicus, ac Theologorum Coriphæus, Sanctus Thomas Aquinas, cum in Galliam proficiscens Anno postea sexagesimo quinto in *Euforgiana* hujus Urbis Basilica sepulchrum tanti Martyris reverenter invissit; admiratus, Epigramma concinit illud, quod eadem in Æde juxta sepulchrum ipsum in hanc usque diem cernitur marmoreæ Tabulæ incisum: in quo quartus hic etiam versiculus inest:

Et verbi gladius gladio cecidit Catharorum.

Sed jam satis superque de hac nostræ Urbis peste, per *Fridericianos* Schismaticos illata.

DXLVII. Defuncto Sancto Galdino Archiepiscopo substituitur *Algisius Pirovanus*, Basilicæ Metropolitanæ Cimiliarcha, & *Oberti* pariter Archiepiscopi, qui *Galdinum* antecesserat, consanguineus. Inde *Chalcus* non immerito sic monet: Ita *Caldinus* inter duos *Piroveneos* summa in dignitate cum intercesserit: & interim alterius eorum alumnus, alterius in omni fortuna æqualis, & negotiorum particeps, peregrinationumque socius fuerit; ex eo natum errorem apud posteror arbitror, qui *Caldinum*, non *SALA* familia, ut etiam *Murena* locuples testis est (tale ipsius testimonium nos jam supra recitavimus Num. 502.) sed *PIROVENEAE* ortum perhibent. Vere igitur, judicio etiam nostro, e *SALA* ille familia fuit.

DXLVIII. Eundem *Algisium Galdino* intra mensem *Chalcus* ibidem affirmat fuisse fuisse. Catalogus tamen Archiepiscoporum ille, quem post *Be- roldi* Adnotamenta in eodem Codice manuscriptum nos habemus, præcise asserit, ab ejus obitu ad hujus electionem intercessisse denas hebdomadas, ac dies quatuor. Magis indefinite *Gualuaneus* loquitur *Flamma* in Chronico Majori, Cap. 294. his verbis: Tunc Clerus divisus fuit in duas partes. Una pars elegit Archipresbyterum (hic erat *Milo*, jam Episcopus *Taurinensis*, sed interea nihilominus Basilicæ hujus Metropolitanæ Archipresbyter Commendatarius) alia pars Archidiaconem (hoc est, *Ubertum Cribellum*, qui postea non modo *Mediolanensis* Archiepiscopus, sed etiam *Romanus* Pontifex fuit) ac duravit istud schisma multis diebus. Finaliter Electores & Episcopi communiter elegerunt *Algisium de Pirovano*, Cimiliarcham: QUO FERE NULLUS ECCLESIAE MEDIO- LANENSI FUIT UTILIOR. Vide autem, quemadmodum istud quoque diffidium in Catalogo Successores Sancti Barnabæ describatur. *Algisius* (hæc ibi verbatim leguntur) *Pirovanus*, Civis, Ecclesie Majoris *Mediolanensis* Cimiliarcha. Orto schismate inter Clerum *Mediolanensem* de eligendo Archiepiscopo, una pars Archipresbyterum, altera Archidiaconem Ecclesie Majoris *Mediolani* in Archiepiscopum elegerat. Quibus discordiis commotus *Alexander Tertius* Pontifex, motu proprio *Algisium* Archiepiscopum creavit. Qui tanta

A animi fortitudine rexit Ecclesiam & Populum sibi commissum, ut armata manu ausus fuerit concurrere & dimicare contra *Fredericum Barbarossam*, iterum vastantem Agrum *Mediolanensem*: quem cum suis copiis fudit & fugavit. Et hoc ipsum fortitudinis elogium iisdem prorsus verbis eidem *Algiseo* adscribitur itidem in Catalogo Actis Ecclesie *Mediolanensis* inserto. De tanta profecto victoria proxime nobis jam incumbit ut agamus.

B DXLIX. Dum *Fridericus* sub fallaci pacis obtentu novas sibi copias e *Germania* comparare satagit, ne *Fœderati* quidem *Lombardi* bellum legniter apparabant, ac præcipue *Mediolanenses*. Hi enim (quippe quibus ab Hoste prima ipsius belli tempestas imminere videbatur) inusitados etiam sibi adhibendos putarunt apparatus. De quibus legi possunt, *Georgius Merula*, *Bernardinus Corius*, *Tristanus Chalcus*, & *Carolus Sigonius*.

C DL. Exercitus inde *Friderici* (mox prosequitur *Sigonius*) omnibus rebus instructissimus, mense Majo in Italiam transit. Atque ei *Fridericus* ex *Papiensi Agro*, solis *Papiensibus* & *Comensibus* septus, occurrit: eoque recepto, ad Vicum Agri *Sepriensis*, nomine *LIGNANUM* processit eo animo, ut, si posset, *Mediolanum* iterum expugnaret. Quod ubi *Mediolanenses* cognoverunt; occurrendum ante, quam castra propius admove- ret, rati; nono Kalendas Junias cum Carroccio, eo quo dixi ordine, Sociis adjuvantibus, exierunt: atque inde ad *Fridericum* progressi, tertio Kalendas prælium fortissime commiserunt. Is erat dies, quo Sanctorum Martyrum *Sisinnii* Martyrii & *Alexandri* Natalitia colebantur. Cæterum ante congressum Exercitus TRES COLUMBÆ AB IPSORUM MARTYRUM ALTARI AVOLAVERE: AC MIRIFICO VISU IN MALO IPSIUS CARROCCII CONSEDERE. Quo augurio accepto *Mediolanenses* victoriam in certis animis ominati, majore studio atque alacritate prælium inierunt. Repulsi igitur *Germanorum* acie, ac *Signifero* Imperatoris occiso, Vexillum Aquilæ suam in potestatem adduxerunt: mox ipsum etiam Imperatorem, & Ducis & militis officio strenue fungentem, suffosso equo dejecerunt. Quocirca *Germani* protinus in fugam præcipientes, non solum campum, in quo pugnabatur, sed etiam castra, quibus se tueri magna ex parte poterant, opulentissima reliquerunt: cumque ignorance locorum ad Oppida inimicorum deferrentur; partim capti, partim occisi sunt. Multi etiam *Ticinum* tranare amnem volentes, cæcis ejus gurgitibus hausti. Et hocquidem prælio desiderati ex *Germanis* & capti multi, sed ex *Papiensibus* & *Comensibus* plurimi. Consulantur, quos proxime dicebam, Historici. E quibus mox idem *Sigonius*: *Mediolanenses* castris captis prædam ingentem reppererunt: ac clarissimo cum triumpho in Urbem se retulerunt. Victoria omnibus rebus, quibus effusa significari letitia solet, celebrata: & cum se præsentis trium Martyrum auxilio ex propitio trium *Columbarum* augurio vicisse opinarentur; is dies in perpetuum Civitatis festus decretus. Quod porro de tribus illis *Columbis* affirmavit *Sigonius*, id ipsum jam ante legimus affirmatum, tamquam e Chronico *Leonis*, a *Gualuaneo Flamma* in Chronico Majori Cap. 295. & in Manipulo florum Cap. 207. ac similiter ab Auctore Chronici *Flos florum* fol. 151. pag. 2. Sic etiam *Donatus Bossius* in Chronico, & *Georgius Merula* Libro 3. Antiquitatis *Vicecomitum* asseveranter hoc idem tradiderunt. Quod si victoriæ hujus die Archiepiscopus jam erat *Algisius*: cui proinde tanta ejus pars, quantam paulo ante videbamus, non ex vano fuerit adscripta; certe sequitur, ut a Sancti *Galdini* obitu ad ipsius electionem denæ illæ non effluerint hebdomadæ. *Galdinus* siquidem jam obierat decima octava die Aprilis; die autem Maji proxime subsecuti vigesima nona *Mediolanenses* hanc ipsam de *Friderico*

derico victoriam reportarunt. Ceterum ejusmodi trium Martyrum Altare in hodiernum usque diem Majus perseverat in San-Simpliciana hujus Urbis Basilica: in qua Sanctus ipse *Simplicianus* Archiepiscopus ea olim collocavit, ad se *Tridento* allata. Eorundem annua celebritas ab Ecclesia *Mediolanensi* colitur eo ipso die Maji vigesimo nono. Veruntamen e publico Politici Magistratus decreto, & in ejus itidem victoriæ memoriam, postrema semper ejusdem mensis Dominica die colitur: ejusdemque diei matutino tempore Decuriones Urbis, subsequenti- bus de more in ejusmodi celebritatibus usitato Arti- ficibus, ad eam Basilicam solemnī pompa longoque ordine procedunt, Missæque solemnīs inter sunt, quæ de Sanctis iisdem Martyribus decantatur.

DLI. Cum vero tam *Romualdus* Archiepiscopus *Salernitanus*, ejus temporis Chronologus integerri- mus, quam ipsius *Alexandri* Papæ Tertiī Acta victoriam istam concelebrent; ex his profecto Actis eandem nobis describere lubet. Hinc utique insu- per apparebit, quantam inter præliorum suorum dis- crimina fiduciam *Mediolanenses* in Sancti *Ambrosii* patrocinio collocarent: cujus etiam effigiem Carro- cii vexillo insistentem, ac sibi circumquaque be- nedicentem contuebantur; uti Num. 434. jam diximus. Paucis ergo de hoc prælio præmissis, ea- dem Acta sic habent: *Nec mora: hostes vehementer in hostes insiliant, & se se adinvicem strictis mucro- nibus conerunt. Sed ubi gravioris multitudo Principis (Friderici) supervenit, Lombardorum milites inviti ter- ga dederunt, & ad CARROCIIUM Mediolanensem facere confugium exoptantes, non potuerunt a facie per- sequentis ibidem remanere; sed cum reliqua fugientium multitudine ultra CARROCIIUM Mediolanensem face- re confugium exoptantes, non potuerunt a facie per- sequentis ibidem remanere; sed cum reliqua fugientium multitudine ultra CARROCIIUM per dimidium millia- re coacti sunt fugere. Tunc electa Mediolanensium bel- latorum militia, quæ in posteriori acie tamquam murus impenetrabilis firmiter consistebat, PRÆMISSA O- RATIONE AD DEUM, ET AD APOSTOLUM EJUS PETRUM, ATQUE BEATUM AMBRO- SIUM, erectis vexillis confidenter obviavit Friderico in virtute magna. Et in primo quidem congressu Ve- xillifer ipsius Friderici transfossus lancea corruit in ter- ra, & sub equorum pedibus trucidatus remansit. Ipse quoque Imperator inter ceteros loricatus, ubi coruscanti- bus armis propriis insignitus apparuit, ab eisdem Lom- bardis fortiter percussus, de sella cecidit, & ab omnium oculis statim evanuit. Urgentibus ergo ipsis Lombardis, tota Theutonicorum expeditio in fugam conversa, per octo milliaria fugit in timore mortis. De quorum multitu- dine paucis evadentibus, alii gladio interfecti, alii fue- runt in Ticino submersi, & residua turba in diversas Civitates in captivitatem fuit divisa. Sed Cumanorum perfidus Populus, qui ab Ecclesiæ unitate, & a Lom- bardorum confederatione (quemadmodum & quando hanc inierit, atque etiam postea deseruerit, nos Num. 501. & 538. narravimus) animo irreverenti & infrunito discesserat, totus fere prostratus in campo re- mansit, aut gladio interemptus, aut in captivam capti- vitationem contumeliose deductus. Spolia universa post op- tate victoriæ famosum triumphum victrix Lombardo- rum Societas libenter collegit: & in pace singuli habue- runt, quod fortuna unicuique donavit. In quibus, præ- ter armorum & equorum multitudinem copiosam, in- æstimabiles divitiæ & quæque optima terræ præter spem fuerunt inventa. De Imperatoris vero persona, utrum evaserit, an cum ceteris interfectis in campo remanse- rit, diu apud omnes dubitatio maxima fuit, in tantum, quod ejus Uxor (hæc interim Comi morabatur) in luctu & maestitia posita, etiam lugubrem vestem induerit. Cum autem super hoc tota Italia plurimum vacillaret; ecce subito PAPIÆ (non autem COMI, quemad-*

modum *Chalcus* aberrabat) apparuit, atque immenso apparatu & strenua militia desolatus. In hoc autem manifeste ostendit Dominus, quod per *Isaiam* locutus fuerat, dicens: OCULI SUBLIMIS HOMINIS HUMILIATI SUNT, ET INCURVATA EST ALTITUDO VIRORUM FORTIUM. Hactenus ex *Alexandri* Papæ Actis.

DLII. Ad *Gualuani* Flammæ Chronicum Ma- jus, ejusque Cap. 295. nunc revertimur, in quo post memoratam ejusmodi victoriam sic profecquitur: *Alexander* Papa, audita Imperatoris confusione, ga- visus est valde, & multas exhortatorias litteras *Medio- lanum* scripsit: quod potius erat paratus mori, quam Civitatem *Mediolanensem* derelinquere. Hoc idem *Bernardinus* etiam *Corius* affirmat. Auctor autem *Chronici* *Flos* *florum* fol. 151. pag. 2. idipsum repe- tens sic præterea inquit: Papa *Alexander*, audito, quod *Mediolanenses* bis in campo prostraverunt Imperato- rem (sic enim hoc tempore factum hic Auctor pro- xime narraverat) exultavit gaudio magno, & promisit dare Civitati *Mediolani* magnum auxilium. Et audi- to, quod *Beatus* *Galdinus* Legatus *Italiae* obierat; sta- tim instituit alium Legatum Cardinalem; quem misit in *Lombardiam*, & pervenit *Venetias*.

DLIII. Ceterum in *Alexandri* Papæ Actis, post verba illa per nos proxime recitata, continuato te- nore ista protinus succedunt: *Quamvis autem causa ejus (Friderici) ab eo tempore, quo cepit Dei Ecclesiam persequi, semper, ultore Domino, in deterius laberet- ur: & nulla eum adversitas, seu difficultas laboris, a suo incepto retraheret; modo tamen ita vehementer a Supremo Judice percussus atque contritus est, quod ad pacem Ecclesiæ, quam hactenus in duplicitate quaesierat, inclinari humiliter videretur, & eam per majores per- sonas Imperii a Domino Alexandro Papa & ejus fra- tribus (Cardinalibus) suppliciter postularet. Quippe omnes Ecclesiastici & Sæculares Principes Regni, qui prædictum Fridericum in errore suo hucusque sequuti fuerant, dixerunt ei, quod, nisi cum Ecclesia pacem faceret, eum ulterius non sequerentur, nec sibi auxilium ferrent. Præterea Societatem Lombardorum contra Theutonicos ita Dominus fortem & audacem reddide- rat, ut, quoties cum illa barbarie in prælio decertaret, in primo congressu victrix existeret, & ante faciem suam tamquam volatiles paleas dispergeret, atque fugaret. Misit ergo Imperator Fridericus ad præsentiam Domini Alexandri Papæ V. *Magdeburgensem* Episcopum, *Chri- stianum* *Moguntinum* Archiepiscopum, *P. Vuormatiensem* Electum, & *R. Protonotarium* Regni, majores Imperii Principes, cum potestate plenaria complendæ pa- cis inter Ecclesiam & Imperium. Qui venientes usque Tybur, nuntiaverunt ipsi Pontifici RESIDENTI APUD ANAGNIAM, sui adventus causam: & impetrato securo ducatu, recepti sunt a duobus Cardina- libus & Capitaneis Campaniæ, atque honorifice deducti IN CIVITATEM ANAGNIAM. Sed hac de re audiamus etiam *Romualdum* Archiepiscopum *Salernitanum* in *Chronico*. Imperator autem (inquit ille) cum in prænominata pugna viriliter dimicasset, & fu- gientium pene ultimus extitisset; superveniente nocte de- lituit: & cum aliquantis diebus fuisset absconditus: & quo divertisset, esset incognitum; nocte cum paucis PA- PIAM intravit. Tunc vere manifeste noscens, Deire- pugnare potentiam, cujus Ecclesiam & Ministros per- sequi non cessabat; ad cor rediens, habito saniori consi- lio *Magdeburgensem* Archiepiscopum, Electum *Vuorma- tiensem*, & *Protonotarium* suum, cum *Christiano* Can- cellario, QUI IN PARTIBUS ILLIS ERAT (vi- delicet in Agro Bononienfi) ad *Alexandrum* Papam & ejus Curiam pro consequenda pace ANAGNIAM direxit.*

DLIV. Quæ quidem cum nos a tantis Auctori- bus & adeo luculenter testata videamus; plane pro- fecto consequenter assentimur etiam *Chalco* & *Sigonio*, dum

dum pacem *Italiæ* ac quietem, quæ postmodum fequuta fuit, huic præfertim *Mediolanensium* & *Lombardorum* victoriæ adscribunt. *Chalcus* hunc in modum locutus: *Hæc illius (Ænobarbi) clades finem tandem malis attulit. Nam & magnitudine detrimenti accepti deterritus, & inopia rei pecuniariæ affectus, quæ nunc ex Germania suppeditabatur, & Papiensem prægravabat: & Hostium desperatione (qui extrema omnia prius pati, quam pristinam servitutem amplius subire decreverant) perspecta: & accedentibus dissuasoribus magnis Viris, quibus jamdiu nec bellum ipsum nec belli causa probabatur, quod non jam adversus homines sed Deum ipsum geri videbatur; animum composuit, cogitationesque omnes ad pacis consilia contulit. Nec minus diserte graviterque Sigonius iisdem ferme verbis.*

DLV. Legati porro illi ad *Alexandrum* missi, atque ab eo peramanter ac per honorifice suscepti, hoc ad Imperatorem responsum in primis reportarunt: *Si vult integram pacem suam nobis tribuere, & Ecclesiæ Romanæ; oportet ut eam universis Auxiliatoribus nostris, maxime Regi Siciliæ & Lombardis & Imperatori Constantinopolitano, qui nobis contra eum in Ecclesiæ necessitatibus firmiter astiterunt, pariter tribuat. Sic enim habetur in Alexandri Papæ Actis. In quibus etiam subinde traditur concordibus animis constitutum, ut, Lombardorum causa usque ad commune Colloquium remanente in eo statu, in quo erat, quantocyus Pontifex cum suis Cardinalibus in Lombardiam veniret; quoniam sine Imperatoris & Lombardorum corporali præsentia pax ipsa fieri non debebat. Interim autem data est firma securitas (hoc item verbatim sequitur in Actis) ex parte Imperatoris omnibus Ecclesiæ Romanæ personis & rebus eorum, & Terris Beati Petri, & Siciliæ Regis, cunctisque Viatoribus, usque ad consummationem ipsius pacis.*

DLVI. Priusquam tamen *Alexander* ab Urbe *Anagnina* discederet, ante proximam Domini Nativitatem duos ad *Fridericum* præmisit Cardinales, ut securitatem, quam *Magdeburgensis* Episcopus cum sociis suis compromiserat, ab eodem Imperatore per exhibitionem juramenti manifeste reciperent. Quod perabunde præstitum a *Friderico*, circa *Mutinam* reperto. Legantur eadem Acta, nec non etiam *Chronicon Romualdi Salernitani Archiepiscopi*: e quo præterea constat, ibi tunc utriusque partis assensu ordinatum ac dispositum esse, UT COLLOQUIUM TRACTANDÆ PACIS APUD BONONIAM FIERET.

DLVII. Sequuntur inde Acta his verbis: *In illis diebus CREMONA, respiciens retro, absque gravamine turpiter dejerandi a confederatione aliarum Civitatum impudenter recessit, & ad Imperatorem non sine magna infamia se convertit. Unde indignationem Ecclesiæ, & aliorum Lombardorum odium & inimicitiam iuste incurrit. TERDONA quoque non post multum temporis id ipsum reprehensibiliter fecit, & eadem infamia contumeliose se involvit. Audiens autem hæc apud Vestam Summus Pontifex, valde miratus est; sed de aliarum Civitatum (quidni vero *Mediolani* præfertim?) stabilitate dubitare non potuit. Accipe vero simul etiam ex Archiepiscopo *Salernitano*, quamnam ob illecebram Civitates illæ tam turpiter & indecore se gesserint. CREMONENSES autem (inquit) ET TERDONENSES. audito, quod Papa venturus esset in Lombardiam, ut inter Imperatorem & Lombardos pacem componeret; credentes anticipare alios, ET OB HOC MAJOREM IMPERATORIS GRATIAM IMPETRARE, obliti promissionis & juramenti, quod aliis Civitatibus fecerant, eis nolentibus & contradicentibus, cum Imperatore sunt concordati. Unde postmodum a Papa & ab omnibus, qui hoc audierunt, viles & proditores sunt habiti. Cremonenses porro Num. 538. narrabamus sese rursus Imperatori adjunxisse, postquam ille quintum in Lombardiam ve-*

nisset. Consequens igitur est, ut ex hoc novo ipsorum ab *Alexandro* Papa & reliquis Civitatibus cum eo fœderatis dejeramento dignoscamus, ipsos postea rursus in illud ipsum fœdus, *Frederico* rursus deserto, convenisse: a quo quidem fœdere tunc tandem rursus alternante inconstantia tam turpiter desciverint.

DLVIII. Papa vero, antequam iter arriperet (verba sunt ejusdem *Salernitani Archiepiscopi*) Nuncios suos ad Regem *Vuilelmum* in *Siciliam* misit, ut aliquot de Magnatibus suis a latere suo ad eum transmitteret, qui cum illo & pro parte ejus tractandæ pacis colloquio interessent. Papa enim firmiter in suo habebat proposito, nequaquam cum Imperatore sine Rege *Vuilelmo* pacem facere; ut, qui adjutor Ecclesiæ & defensor in tribulatione fuerat, in compositione pacis Ecclesiasticæ socius & particeps fieret. Rex vero *Vuilelmus Romualdo Secundo Salernitano Archiepiscopo* (quo videlicet nos *Chronologo* etiam utimur in præfenti) & *Rogero Comiti Hadriæ* & *Magistro Connestabili* & *Magno Justitiario totius Apuliæ & Terræ Laboris*, per litteras suas dedit in mandatis, & honorifice preparati simul cum Papa in Lombardiam pergerent, & pro parte regia componendæ pacis cum Imperatore tractatui interessent. Id quod etiam fecerunt.

DLIX. Septimus supra Millesimum centesimum A.C. septuagesimum subierat a Christi Nativitate Annus; cum *Alexander* Papa, perhonorifice a multis Cardinalibus & a *Siculi* Regis Legatis plurimisque aliis comitatus (undecim galeis omnes vehabantur) mense Martio ad Portum *Venetia*, aura flante secunda, pervenit; & ibidem (sicuti verbatim narrat *Archiepiscopus* idem *Salernitanus*, ac testis oculatus) cum omnibus suis de galea descendens, in Monasterio Sancti *Nicolai*, quod dicitur AD LITUS, ipso die quievit. Altera autem die Dux *Venetia* cum magna navium & Populi multitudine, & *Patriarcha Venetia*, simul cum *Patriarcha Aquileiæ*, & omnibus suis Suffraganeis, ad pedes *Alexandri* Papæ humiliter accedentes, ipsum processionaliter cum summo honore & gloria usque ad Sancti *Marci* Ecclesiam deduxerunt. In qua, facta oratione, Populum benedixit. De hinc navem Ducis cum ipso simul ingressus, usque ad Palatium *Patriarchæ* veniens, in ipso hospitio se recepit. Episcopi autem & Abbates vicinarum Partium, adventu Papæ cognito, omnes cum suis Clericis ad ejus vestigia devote & humiliter acceperunt.

DLX. Non multo post *Salernitanus* Archiepiscopus (nec ab ipso diffident *Alexandri* Acta) hunc in modum prosequitur: *Fridericus* autem Imperator, qui apud *CÆSENAS* morabatur, cum adventum Papæ in *Venetis* cognovisset; *Magdeburgensem* Archiepiscopum, & *Electum Vuormatiensem*, & *Protonotarium* suum ad eum transmisit: affectuose postulans, ut, si ei placeret, locum futuri Colloquii a *Bonomia* transmutaret. Non enim sibi tutum fore arbitratur, *Christianum Cancellarium* suum cum aliis Nunciis illuc dirigere; eo quod ejusdem Loci Civibus odiosus esset pariter & offensus; quia eos in bello devicerat, & injurias plurimas & damna intulerat. Quibus Papa respondit: Imperator, Legatorum nostrorum & Lombardorum consilio communi pariter & assensu, tractatum pacis apud *Bonomiam* habere disposuit. Quod ergo de communi voluntate est dispositum, non debet sine communi consilio immutari. Qua de causa *Alexander* Papa Cardinalibus, qui erant *Ravennæ*, Archiepiscopis, Episcopis, & Abbatibus, Potestatibus Consulibus & Rectoribus *Lombardiæ* mandavit, ut ei *Ferrariam* occurrerent, quatenus communicato eorum consilio Imperatori de loco, in quo habendum esset pacis Colloquium, & de aliis suis petitionibus responderet. Ipse vero, cum *Venetis* diebus esset quindecim demoratus, per mare *Lauretum* venit. Dehinc per *Padum* *Ferrariam* cum galeis undecim in *Dominica Passionis* ascendit: ubi ab Episcopis multis,

tis, & ejusdem Urbis Civibus, & magna Populi multitudine, quæ illuc propter feriam, quæ illic celebrabatur, convenerat, satis est magnifice & honeste susceptus. Proxima vero Septimana Ravennas Archiepiscopus cum suis Suffraganeis, **MEDIOLANENSIS ARCHIEPISCOPUS** (Algisus nempe Pirovanus) **CUM EPISCOPIS ET ABBATIBUS LOMBARDIÆ**, Potestates, Rectores, Consules & multi Prudentes **DE CIVITATIBUS LOMBARDIÆ**, Ferrariam ad Alexandrum Papam festino gressu lætabundi venerunt: quos Papa paterno affectu, prout decuit, benigne satis & jucunde suscepit.

DLXI. Sed rursus adhuc cum eodem Chronologo progrediamur. Altera vero (subdit) die cum eis in Majori Ecclesia Sancti Georgii, congregata Populi multitudine magna convenit. Quos, facto silentio, tamquam filios taliter est alloquutus. Cum igitur apud eos multa differuisset de malis Ecclesiæ a Friderico per Schisma illatis, ac de mutata demum ipsius voluntate, qua nunc pacem atque concordiam Ecclesiæ depoſcebat; in hæc denique flexit: *Et licet Imperator nos de pace Ecclesiæ & Dilecti in Christo Filii & Illustris Regis Sicilia apud Anagninam per suos Nuncios requisierit, & eam, vobis absentibus (Lombardos singillatim alloquitur) perpetrare voluerit; Nos tamen, ARDOREM VESTRÆ FIDEI ET DEVOTIONIS* firmiter recolentes; considerantes etiam, *QUALITER VOS MURUM PRO DOMO JERUSALEM OPPONERE STUDUISTIS, ET QUALITER PRO STATU ECCLESIAE ET LIBERTATE ITALIÆ VIRILITER DECERTASTIS*, oblatam nobis Imperatoris pacem recipere sine vobis nolumus; ut, sicut fuistis socii tribulationis, participes sitis gaudii. Inde est, quod, non attendentes honoris proprii dignitatem, nec causati corporis fatiscantis ætatem, nec Maris veriti tempestatem, Nos & Fratres nostros labori & periculo exponere non timuimus; sed ad vos per ignem & aquam indubitanter accessimus; ut, vestro communicato consilio, oblatam Imperatoris pacem (si Ecclesiæ & illustri Regi Sicilia & vobis conveniens fuerit & idonea) suscipere debeamus. Hæc Alexander ad Lombardos nominatim. Quæ nos quidem, sicut & sequentem responſionem, nec procul a vero, neque quem alicujus injuria, de nostris Mediolanensibus in primis & ante alios intelligi posse ac debere, fidenter arbitramur.

DLXII. Audi vero, quid Lombardi protinus ad hæc ipsa responderint. Postquam Alexander Papa (prosequitur illico Romualdus) suo sermoni finem imposuit, Lombardi, in utraque Militia diligenter instructi (**SUNT ENIM IN BELLO STRENUI, ET AD CONCIONANDUM POPULO MIRABILITER ERUDITI**) per Sapientes suos taliter Apostolico responderunt: Venerande Pater & Domine, universa Italia pedibus se Vestræ Dominationis inclinat, & suæ devotionis obsequia cum gratiarum actione multiplici Vestræ Beatitudinis representat. Letatur autem plurimum & exultat, quod Pater ad filios, Prælati ad subditos, Dominus ad subiectos est dignatus accedere; ut errantes oves a luporum morſibus potenter eripere, & ad caulas Ecclesiæ prudenter valeat revocare. Persecutionem, quam Vobis & Ecclesiæ Imperator intulit, magis opere quam sermone cognoscimus: & persecutionis ejus molestias, quas Mundus auditu didicit, nos in nostris tribulationibus experimento sentimus. Primo enim nos ejus impetum sustinuimus: primo nos illius furori objecimus: & ne ad destruendam Italiam, & libertatem Ecclesiæ opprimendam propius posset accedere, nostrorum corporum & armorum obice prohibuimus. **NOS PRO HONORE ET LIBERTATE ITALIÆ, ET ROMANÆ ECCLESIAE DIGNITATE SERVANDA IMPERATOREM CUM SUIS SCHISMATICIS NEC RECIPERE NEC AUDIRE VOLUIMUS:** & ob hoc expensas non modi-

A cas, labores plurimos & angustias, damna rerum, pericula mortis & corporum subire non refutavimus. Et inde (Reverende Pater) satis est conveniens, & rationi plurimum consentaneum, ut oblatam Vobis Imperatoris pacem non solum sine nobis non recipere, sed nec etiam audire debeatis. Ipse namque sæpe nobis pacem sine Ecclesia obtulit, nec recepimus: concordiam nobiscum sine Vobis facere voluit, nec admisimus. **MAGIS ENIM VOLUMUS GUERRAM ILLIUS CUM ECCLESIAE UNITATE INCURRERE, QUAM PACEM EJUS CUM ECCLESIAE DIVISIONE SERVARE.** Quod autem Personam Vestram & **B** statum vestrorum exposuistis periculo & labori; Paternitati Vestræ super hoc de abundanti respondemus. **NAM PRO PAUCIS LABORIBUS MULTOS REPENDIMUS, PRO PAUCIS PERICULIS MAJORA RECEPIMUS, DUM PRO HONORIS VESTRI ET ECCLESIAE GLORIA INDIFFERENTER EXPENDIMUS, ET PRO LIBERANDA ECCLESIA NOS ET NOSTROS FILIOS MORTI EXPONERE NON RENUIMUS.** Sciat autem Vestra Sanctitas, & Imperialis Potentia evidenter agnoscat, quod nos grater Imperatoris pacem salvo Italiae honore recipimus, & ejus gratiam libertate nostra remanente præoptamus. Quod ei de antiquo debet Italia, libenter exsolvimus, & **C** veteres illi iustitias non negamus. Libertatem autem nostram, quam a patribus nostris, avis & proavis hæreditario jure contraximus, nequaquam relinquimus: quam amittere nisi cum vita timemus. **MAGIS ENIM VOLUMUS GLORIOSAM MORTEM CUM LIBERTATE INCURRERE, QUAM VITAM MISERAM CUM SERVITUTE SERVARE.** Quod autem Illustrē Regem Siciliae ad consortium nostræ pacis adſciscitis; gratum nobis residet plurimum & acceptum; quia cum amatorem pacis & cultorem iustitiæ recognoscimus. &c. Talia Lombardorum Sapientes ad Alexandrum Papam. E cujus & quorum sermone satis quidem jam liquet, minime postea perseveratum in ea fuisse pacis conditione, quam Num. 555. Pontifex initio exegerat: videlicet, ut *Ænobarbus* pacem cum Imperatore itidem Constantinopolitano iniret. Quod ideo fortasse factum fuit, quia non modo pax sed etiam induciæ inter eos, longe minus essent possibiles, multoque plures paterentur difficultates: atque componi nullatenus possent, nisi cum longinqua temporis diuturnitate, quæ nimium esset obſutura unitati Ecclesiasticæ, quam summopere intererat ejurato Schismate quantocyus reintegrari. Sic ego jam conjectaram; cum *Blondum Flavium*, Decadis Secundæ Libro 6. non procul ab initio, hac de re ita scribentem animadverti: Satis memores sumus, supra a nobis scriptum esse, Alexandrum Pontificem pro *Hemanuele* Constantinopolitano Imperatore pacem æque ac pro Rege Siculo semper antea postulasse; ut mirari cogamur, Imperatorem ipsum in conclusione Venetiis facta (de qua nos suo loco) fuisse præteritum. Sed quod Scriptores non tradunt, e quibus hæc sumimus; nostra fert opinio, ipsum Imperatorem, tunc a *Turcorum Soldano*, sicut ostendimus, interceptum, a Pontifice pro mortuo fuisse omis-

E sum. Talia *Blondus*. Inter hæc profecto pacis molimina contigit ea *Manuëlis* clades; sicut etiam e *Romualdi Chronico* & *Alexandri Papæ Actis* constat. Quod si propterea *Manuelem* Alexander pro mortuo non habuit; distentum certe illum talibus creditur curis; quæ, locorum longinquitati superadditæ, plurimum Ecclesiæ cum *Ænobarbo* pacem retardare, interimque Schisma prorogare perniciosissimum pos-

F sent.

DLXIII. Inter illa, quæ ad pacem ineundam spectarent, primum omnium constitui rursus jam oportebat, quem in locum ambæ Partes conventuræ essent; quippe cum *Fridericus*, mutato consilio, Bo-

Bonomiam coire detrectaret; sicuti Num. 560. videbamus. Nunc autem per suos Legatos Ferrariam missos sibi potius ille deposcebat Papiam, vel Ravennam; vel Venetias: Lombardi vero Bononiam, vel Placentiam, vel Ferrariam, vel Paduam præoptabant; sicut in *Alexandri Actis* continetur. Cumque ceteris etiam iis Urbibus Imperator anteponeret Venetias, ubi utraque Partes (sic enim apud Archiepiscopum legitur Romualdum) possent sine timore pergere, & cum securitate manere; Venetos ex adverso Lombardi suspectos habebant; præciseque illos asseriebant pacis cum eis initæ fœdera violasse, & sæpe Imperatoris Nuncios contra hoc, quod statutum inter eos fuerat, recepisse. Dies aliquot hæc ibi altercatio eodem teste Archiepiscopo duraverat; cum iidem Lombardi, suadentibus Regis Siciliæ Nunciis, voluntati Pontificis obsecuti, se Venetias ituros promiserunt; si tamen Dux cum Populo Veneto juratoriam cautionem præstaret (hæc utique sunt ex *Alexandri Actis*) quod, antequam pax confirmata firmiter esset, sine consensu Papæ Imperatorem Venetias nullatenus intrare permitterent, & venientes illuc, seu redeuntes, nullo modo impedirent. Quod quidem Veneti postea cum iuramento promiserunt. Quocirca Venetias subinde ventum fuit.

DLXIV. Septem Cardinales Alexander pro parte sua pacis arbitros ac mediatores delegerat. Sic etiam Lombardi pro parte sua totidem hosce Viros primarios delegerunt: Taurinensem videlicet, Bergomensem, & Comanum Episcopos; & Astensem Electum: GERARDUM DE PESTA MEDIOLANENSEM, & Godo Veronensem, Judices: & Albertum de Gambarara Brixensem Civem. Hæc autem in Chronico Romualdi verbatim leguntur. Ceterum Taurinensis ille Episcopus erat Milo, Mediolanensis antehac Ecclesiæ Archipresbyter, de quo alibi jam diximus. Comanus vero sive Comensis Episcopus & Astensis Electus, absque dubio contra suos quisque Cives, Friderici nunc & Antipapæ asseclas, Fœderatis adhærebant Lombardis: a quibus alioqui pro parte sua non fuissent in Arbitros & Conciliatores pacis electi. GERARDUS quoque PESTA (aliter DE PISTIS, vel PISCIS, vel DE PISCIS) officio Judex erat Mediolanensis; sicut etiam ipsum infra videbimus appellatum. Hunc utique Mediolanenses ad pacis Colloquium pro parte sua direxerunt una cum Rogerio Marcellino, e Consulibus uno: quem nos Num. etiam 515. connumeratum videbamus ejus Anni Consulibus. Et hinc quidem corrigenda est Actorum Alexandri Papæ lectio apud Baronium hoc Anno septuagesimo septimo, Art. 27. ubi inter eos, qui conductæ paci cum iuramento Kalendis Augusti subscripserunt, hi quoque ante alios Lombardos leguntur: Ex parte vero Lombardorum jurarunt, qui præsentibus erant, scilicet DE MEDIOLANO GERARDUS PISCIS, ROGERIUS ET MARCELLINUS CONSULES. Melius in Parisiensi eorundem Actorum editione, per Felicem Cantelorum, Bibliothecæ Vaticanæ Custodem, curata. In qua sic habetur: DE MEDIOLANO GERARDUS PISTIS, ET ROGERIUS MARCELLINUS CONSUL.

DLXV. Cumque a Cardinalibus (ita quippe cum eodem Romualdo nos item progredimur) quos Venetias miserat (Alexander) de securitate a Duce & Populo præstita responsum idoneum accepisset; nono die mensis Maji cum Regis Nunciis galeas ingressus, sequentibus eum Cardinalibus & Lombardis, eo die per Padum Lauretum descendit. Altera vero die per mare Sanctum Nicolaum, qui dicitur AD LITUS, applicuit. Tertia autem die a Duce & Populo Venetiæ, Patriarcha & universo Clero, primo ad Sanctum Marcum, de hinc ad Patriarchæ Palatium cum magna gloria est & honore deductus. Postquam autem Cardina-

A les & Lombardi, qui Papam fuerunt subsecuti, Venetias applicuerunt; Papa Mediatoribus pacis injunxit, ut in Cappella, quæ erat in Palatio Patriarchæ, convenientes, primo de pace Lombardorum, quæ prolixiori indigebat tractatu, haberent colloquium: de pace Regis & Ecclesiæ, quæ quasi una est, postmodum tractaturi.

DLXVI. Sequitur Romualdus: Cum hoc autem factum esset, & rationes multiplices fuissent hinc inde prolatae; tandem Christianus Cancellarius pro parte Imperatoris distincte rem triplicem proposuit, dicens: Petit a vobis Imperator & postulat, ut aut de Regalibus & his quæ ad eum pertinent, quæ vos detinetis, illi justitiam faciatis: aut Sententiam, a Judicibus Bononiæ apud Roncaliam contra vos pronunciata, executioni mandetis: vel ea, quæ antecessores vestri Seniori Henrico reddere consueverunt, illi faciatis. Talis utique pro Imperatore fuit Archiepiscopi Moguntini a Lombardis postulatio.

DLXVII. Audi nunc, quemadmodum ei protinus responderit Mediolanensis ille noster unus e septem pacis Moderatoribus, quos Lombardi delegerant, ut suo nomine tractatui pacis interessent. Ita quippe Romualdus illico subdit: Quo audito, GERARDUS PESTA, MEDIOLANENSIS JUDEX, pro parte Lombardorum respondit: Nos quidem Imperatori, undecumque nos appellaverit, parati sumus sicut Domino justitiam facere. Sed quia hæc instantia non est unius hominis sed multorum, non unius Civitatis sed plurium; secundum causarum merita inducias postulamus; ut deliberantes plenius super his, quæ nobis objecta fuerunt, competenti loco & termino apud communem Judicem responsuri veniamus. Quod autem dixisti, apud Roncaliam a Bononiensibus Judicibus contra nos Sententiam fuisse prolatam; plane inficiamur; eam non fuisse Sententiam, sed Imperatoriam jussionem. CUM ENIM PLURES EX NOBIS, NEC PER CONTUMACIAM, FUISSEMUS ABSENTES; quicquid tunc contra nos dictum fuit, nobis nocere non debet, nec pro Sententia reputari. Secundum D Leges enim in absentes prolata Sententia nullius est roboris vel valoris. Quod vero postulasti, ut ea Imperatori reddere deberemus, quæ Seniori Henrico a nostris antecessoribus sunt soluta; respondemus, quod prænominati Imperatoris Dispositiones pariter & Statuta propter antiquitatem temporis jam pene perdidere memoriam: nec vivit aliquis nostrum vel vestrum, qui bene possit illius temporis dicta vel facta recolare. Item Imperator Henricus (salva auctoritate Imperii) non debet Dominus sed Tyrannus vocari. Cum enim misisset manum in Sanctum Domini, & Paschalem Papam super Altare cepisset: & cum multas Ecclesias destruxisset, & Episcopos excæcasset; ejus facta, velut crudelia & tyrannica, non sunt trahenda ad consequentiam, vel ad memoriam revocanda. Sed si Imperatori placuerit ea, quæ antecessores nostri Juniori Henrico, Conrado, & Lothario, & ei usque ad hæc tempora reddiderunt, recipere; parati sumus in pace persolvere. Quod si hoc Imperatori grave residet & videtur; pacem, quæ inter nos & eum per Cremonenses tractata fuit, & in scriptis redacta, volumus firmiter observare: QUÆ EO TEMPORE COMPLETA FUISSET, NISI QUIA IMPERATOR VOLEBAT, NOS AB ECCLESIAE UNITATE RECEDERE, ET ALEXANDRI PAPÆ PONTIFICIUM DENEGARE. Provideat ergo super hoc vestra discretio, si, QUIA SCHISMATI CONSENTIRE NOLUIMUS, debeamus nostræ pacis conditionem deteriore effecere. Hactenus Gerardus ille Pesta. Cui quidem Responsioni dum nemo unus, nisi quoad tertium tantummodo caput, contradixit; vel ex hoc intelligi posse videtur, duo priora capita sese ita prorsus pro rei veritate habuisse, quemadmodum Mediolanensis hic noster in Adversariorum conspectu tanta fiducia dicendique libertate peroraverat. Vel

hinc ergo nobis jam liceat etiam tanto minus admirari, quod Majores nostri, priusquam septem inde menses elaberentur, ab iis desciverint, quæ tunc apud *Roncaliam* promiserant. De quibus in promptu est *Othonis Morenæ Historia Laudensis* in Annum Millesimum centesimum quinquagesimum octavum, Novembri mense, postquam prima obsidione *Fridericus Mediolanum* sibi subegisset, ac plures ducentis obsidibus accepisset. *Hoc autem sic peracto* (ajebat *Otho Morena*, deque judicio illo apud *Roncaliam* tunc peracto loquebatur) *Dominus Ubertus Mediolanensis Archiepiscopus una cum Consulibus Mediolani, omnesque alii præsentis Lombardiæ Episcopi, Comites, Marchiones, Duces, cæterique Italiæ Principes, ac omnium Lombardiæ Civitatum Consules, ibi astantes, publice in Colloquio ipso surgentes, in manu ipsius Imperatoris omnia, quæ prædicti Judices JURAREGALIA, esse dixerant, refutaverunt, & ei fidem de ipsis omnibus fecerunt: statimque Imperatore eis omnibus sub nomine fidelitatis firmiter præcipiente, ne ipsi amplius se de ipsis rebus intromitterent; omnes, unusquisque tamen per se, amplius se de ipsis rebus non intromissuros, unanimiter sponderunt. Insuper etiam veram & perpetuam pacem ibi omnes inter se & cum omnibus aliis personis deinceps se firmiter tenere juraverunt: & promiserunt PONERE SIGNUM AQUILÆ SUPER CAMPANILE ECCLESIAE MAJORIS, in signum fidelitatis: ac etiam, quod Mediolanenses liberarent centum nonaginta Papienses, quos habebant carceratos. Ultra hoc Mediolanenses privare se de multis rationibus & dignitatibus, obtentis a diversis Pontificibus & Imperatoribus: ac etiam præcepit eis Imperator, ut servarent pacem perpetuam suis vicinis. Hæc igitur ibi tunc Mediolanensibus non jure, sed per vim extorta, nec ullius vere roboris ac valoris; uti *Pesta* differebat. Ceterum *Henricus* ille Senior, cujus mentio proxime fiebat, *Henricus Tertius* Imperator fuit, ac verius Tyrannus: cui, quia nimium fuisset adversus Pontificem contumax, nos quoque Num. 306. Annoque Christi Millesimo centesimo sexto dicebamus) detracta fuisse Insignia Regni, ejusque Filio, pariter *Henrico* (hic autem Patris sui comparatione Junior fuit appellatus) concessim tradita.*

DLXVIII. Quidnam vero Sectatores *Friderici* responderunt iis, quæ *Pesta* noster super tertio illo capite differuerat? Cum autem Scriptura (pergimus enim adhuc una cum *Salernitano* ejusmodi Chronologo, his tunc omnibus præsentibus) de tractatu pacis habita, & per *Cremonenses Lombardis* aliis delegata, producta fuisset in medium; coeperunt *Theutonici* quibusdam scripturæ capitulis diligenter opponere, & eorum sensum ad suæ partis commodum retorquere, quædam vero capitula denegare. Econtra *Lombardi* coeperunt illorum responsiones suis responsionibus confutare: & his, quæ objecta fuerant, satis studiose resistere. Ad comprobanda vero capitula, quæ ipsi negaverant, coeperunt *Cremonensem*, licet essent inimici, testimonium invocare. Cumque super his capitulis diebus esset plurimis disputatum, & nihil penitus definitum; ex utriusque partis convenientia, quæcumque hinc & inde dicta fuerant, ad Papæ audientiam sunt relata. *Alexander* autem Papa, utpote vir eruditus & sapiens, considerans Imperatoris & Lombardorum pacem multis esse controversiis & quæstionibus involutam, nec eam posse brevi spatio temporis consummari; tractatu pacis postposito, coepit cum eis de treguis sex annorum (alicubi legitur septem) agere; sperans, per treguas ad consummationem pacis facilius posse perveniri. Tunc etiam *Theutonici* de pace Regis *Siciliæ* verbum proposuit: affectuose postulans, ut Imperator cum eo aut pacem perpetuam, aut temporalem usque ad annos quindecim faceret: in veritate sciturus, quod nullatenus pacem ejus & Ecclesiæ posset habere, Rege *Siciliæ* in discordia remanente. Hoc

A quidem temperamento *Alexander* optatæ pacis & unionis Ecclesiasticæ moras abrumpi posse omnes, ac simul etiam *Siculi* Regis ac *Lombardorum* sibi fœdere junctorum curam & rationem haberi existimavit. Cumque consilium ipsius Imperatori nunciatum esset; ipse quoque ad extremum eidem acquievit; sicuti late *Romualdus* in suo Chronico profequitur.

DLXIX. *Glozam* interea progressus fuerat Imperator. Inde igitur a *Venetis* per honorifice cum sex galeis ad Sanctum Nicolaum AD LITUS deductus, ibidem postera die per Nuncios Pontificios ab excommunicatione rite absolutus fuit. Dux autem *Venetia* (verba sunt ejusdem *Romualdi*) cognito, quod Imperator ab excommunicationis esset nexibus absolutus; cum Patriarcha & magna Cleri ac Populi & navium multitudine usque ad Ecclesiam Sancti Nicolai illi obviam venit: quem in navi sua recipiens, usque ad litus Sancti Marci satis honorifice & pompose deduxit. Imperator autem de navi descendens, simul cum Duce, Patriarcha, & Episcopis suis, & Clero & Populo *Venetia*, ipsum cum Vexillis & Crucibus processionaliter præcedente, usque ad Ecclesiam Sancti Marci, ante cujus atrium *Alexander* Papa cum Episcopis suis & Cardinalibus, cum Patriarcha *Aquilejæ*, Archiepiscopis & Episcopis *Lombardiæ* (ac proinde cum nostro etiam *Mediolani* Archiepiscopo, *Algisio* ecclesiastico more ornatis, honorifice residebat, pedes accessit. Cumque ad Papam appropinquasset; tactus divino spiritu, Deum in *Alexandro* venerans, Imperiali dignitate postposita, rejecto pallio, ad pedes Papæ totum se extenso corpore inclinavit. QUEM ALEXANDER PAPA CUM LACHRYMIS BENIGNE ELEVANS, RECEPIT IN OSCULO, ET BENEDIXIT: moxque a *Theutonicis* TE DEUM LAUDAMUSE est excelsa voce cantatum. Imperator autem, apprehensa Papæ dextera, ipsum in Ecclesiam introduxit: & accepta ab illo benedictione, ad Palatium Ducis cum suis rediit. Papa vero, cum Cardinalibus & Nunciis Regis iterum galeas ingressus, ad suum hospitium rediit. Quæ vero deinceps *Venetis* gesta fuerint per id tempus, quo Pontifex & Imperator ibidem manserunt: super his tam *Romualdi* Chronicon, quam ejusdem Pontificis Acta consulantur. Quibus quidem Actis hæc similiter descripta insunt, quæ demum recitavimus.

DLXX. Imperator inde discessit tertio decimo Septembris die: ac *Ravennam* perrexit, per *Spoletinam* Vallem in *Thusciam* descensurus. Pontifex autem in mense mox Octobri cum quibusdam Cardinalibus abiit, quatuor *Venetorum* galeis vectus, ac *Sipontum* applicuit: tum exinde per *Trojam* & *Beneventum* festinus *Anagniam* revertit. Sic etiam de nostro Archiepiscopo ceterisque *Mediolanensibus*, qui *Venetias* pro pace componenda concesserant, dubium nobis non videtur, quin circiter hoc idem tempus ad Patriam redierint.

DLXXI. Octavum & septuagesimum Sæculi hujus Annum narrando ingressus *Romualdus* Archiepiscopus *Salernitanus*, ita profequitur: Papa *Alexander*, ALIQUANTIS DIEBUS APUD ANAGNIAM DEMORATUS, invitantibus eum Romanis, cum summo honore & gloria in festo Beati Gregorii (mensis est Martii duodecima dies) Urbem feliciter est ingressus. In qua, juxta morem Romanorum Pontificum, in diversis Ecclesiis secundum studia ab antiquo dispositis, processionaliter & pompose procedens, *Missarum* Officia solemniter celebravit. Imperator vero, a *Ravenna* usque in *Vallem Spoletinam* descendens, per *Thusciam* & *Fannam*, usque in *Lombardiam* rediit, *Moguntino* Archiepiscopo circa partes Urbis ad Papæ *Alexandri* obsequium derelicto. Cum autem prænominatus Imperator in partibus *Taurini* in æstate aliquanto fuisset tempore demoratus: ET CUM LOMBARDIS PACEM PRO VELLE SUO COMPONERE NON

POTUISSET; cum suis in Alemaniam rediit. Hæc Romualdus. Quibus a nobis superaddi par est, quæ Sigonius hoc ipso Anno sic scribit: *Fridericus Parma Genuam cum Beatrice uxore & Henrico filio secutulus: ac per aliquot ibi dies moratus, & pro eximia Civitatis liberalitate donis amplissime cultus, MEDIOLANUM PERREXIT. Adventus ejus a Mediolanensibus, omnibus in speciem oblitteratis injuriis, incredibili honore concelebratus est. Inde Comensi itinere in Germaniam transit, Christiano Archiepiscopo ad res Italie moderandas & Populos in fide continendos relicto. Atqui Gualuaneus sic etiam Flamma in Chronico Majori Cap. 296. hac de re ita scriptum reliquerat: Qui (Fridericus) vadens in Alamaniam, per quinque annos ibi moram contraxit: ET TRANSIVIT PER CIVITATEM MEDIO-LANENSEM, HONORIFICE SUSCEPTUS: Auctor vero Chronici *Flos florum*, fol. 152. pag. 1. insuper addidit, ET TREGUAM REFORMAVIT: illam utique sexennem, quæ Venetiis Anno superiore sancita jam fuerat, ex Augusti tunc Kalendis inchoanda. Quod si *Friderici* hoc tempore ad Urbem Mediolanum adventus tanto fuit cum honore ac pompa concelebratus; quidni etiam nobis in præsentem videatur ad Basilicam & Monasterium istud hospitatus? Hic quidem postea nobis memorabitur tunc temporis hospitatus, quando post pacem demum *Constantiæ* decretam & juratam Mediolanum revertit.*

DLXXII. Satis profecto testatum jam videri debet, quam clementer ac benigne Pontifex *Alexander* se gesserit erga *Fridericum* Imperatorem, ad faniora consilia reversum, pedibusque jam suis reverenter advolutum. Absit a nobis, ut credamus, illum talibus huic insultasse modis, quales a nonnullis Scriptoribus, etiam nostratibus, venditantur: adeo ut Imperialem quoque ipsius capiti Coronam pede restituerit, manu scilicet restituere dedignatus. Sic enim scribere ausi sunt *Gualuaneus* noster in Chronico Majori Cap. 296. & Auctor Chronici *Flos florum* fol. 152. pag. 1. Quibus quidem in præsentem latis sit ea opponere, quæ Cardinalis *Baronius* in Annum superiore Art. 86. sapienter observavit. Ceterum si quis adhuc fortasse aliquid ambigit; attendat ille obsecro, quanta cum humanitate idem Pontifex Pseudo pontificem illum, de cujus electione nos Num. 509. dicebamus, exceperit pœnitentem, jamque ab Imperatore ceterisque fautoribus destitutum, destitutum, nec habentem, ubi tutus confisteret. Sic enim de ipso *Romualdus* inquit: neque nos pigeat in hoc enarrando paululum immorari: Anno Domini cæ Incarnationis Millesimo centesimo septuagesimo octavo, mense Augusti, undecima Indictione, quarta die stante ejusdem mensis, videlicet in festo Decollationis Beati Joannis Baptiste, Joannes de Struma, qui & a suis *Callixtus* appellatus est, reatum suum cognoscens, Montem Albanum deseruit, & apud Tusculanum ad pedes Papæ *Alexandri* cum quibusdam de suis Clericis humilis & devotus accessit. In conspectu Cardinalium & multorum, se peccasse, publice confessus est, dicens: Domine Venerande Pater, peccatum meum manifeste confiteor: & auctoritate Imperiali contra Deum & sanctam Ecclesiam & Vos egisse cognosco. Sed nunc, reversus ad cor, delictum meum recolo & veniam a vestra pietate deosco. Omnem hæresim & schisma abjuro, & Vos in Dominum & Universalem Patrem totius Ecclesiæ devote recipio. Quem *Alexander* Papa, UT ERAT PIUS ET HUMILIS, non objurgavit & reprehendit, SED SECUNDUM SIBI INNATAM MANSUETUDINEM BENIGNE RECEPIT, DICENS: Frater, gaudium est Angelis Dei super uno peccatore pœnitentiam agente, Quod suggestionem diabolica unitatem Ecclesiæ scindere voluisti, multum doluimus: &, quod inspirante Domino ad ejus

A unitatem redire voluisti, plurimum congaudemus. Romana Ecclesia, quæ juxta Jesu Christi magisterium inimicos diligere consuevit, te hodie pœnitentem in filium recipit, & pro malis bona tibi retribuere procurabit. DIE CRASTINA ALEXANDER PAPA EUM ET IN CURIA ET MENSA SUA HONORIFICE HABUIT. Quanto igitur & benignius & honorificentius erga Imperatorem ille sese gessisse credendus est?

B DLXXIII. In hunc ipsum Annum bina nobis ex Archivo domestico suppetunt Documenta, quibus multa scitu digna continentur; sed eorum primo illud in primis, quod super omnia nobis jam fatebatur ac rursus fatemur optatissimum pariter ac charissimum esse; clausulam nempe illam de hoc Sancti Ambrosii Monasterio perenniter adhuc pronunciatam UBI EJUS SANCTUM REQUIESCIT CORPUS. Primum igitur ejusmodi Documentum verbatim sic se habet:

C IN Domine Domini. Veniens ad Nos Rectores Lombardiæ, Marchiæ, Romagnolæ, qui convenimus ad Colloquium parmæ (scilicet *Guilielmum* de Offa de Mediolano, *Ardizonem* Confanonerium Brixie, *Amabeum* Veronæ, *Obertum* de Bonifacio Placentinum, *Guilielmum* de Mapello Pergamensem, *Eleazarum* Laudensem, *Guidotum* Reginum, *Malvetium* de Mantua, *Pium* *Mainfredi* Mutinæ, *Albericum* de Padua, *Astulfum* de Tarvisio, *Rodulfum* Bononiensem, *Mainfredum* Parmæ) *Ardericus* de Bonate, vir industrius de Civitate Mediolani: significavit Nobis, quod **ABBAS MONASTERII SANCTI AMBROSII, UBI EJUS SANCTUM CORPUS REQUIESCIT**, cum in judicio Consulum Cumanorum cum Comuni de Bellasio per Millionem Monachum juum & Procuratorem diutius contendisset, petens a prædicto Comuni restitutionem viarum, per quas **HOMINES DE CIVENA ET LEMONTE** soliti sunt ire ad prærata & ad buschum & ad montes ipsius Monasterii: & ut restituerent ipsas possessiones sibi: scilicet prærata **DE POLLADRO, & VARIOLO, & VOLERMNO, & BUNANTO, & DE MOLIA, & DE INGINA, & de pratis DE GEASCA:** & ne impediant **HOMINES IPSIUS ECCLESIE DE LEMONTE ET CIVENA** pascolare, buscare, fœnare, & quod utile est facere in **MONTE BELLASINO**, sicuti cernitur per coherentias, scilicet *Grosegatta, & Lucinum, & de Nesti, & de Pernascho;* Consules de Bellasio a petitione ejus Sententia Cumanorum Consulum fuerunt absoluti; a qua Sententia **Abbas Beati Ambrosii** per suum Procuratorem legitime appellavit. Cumque Nos Rectores idem **Abbas** sepius super causa appellationis interpellasset; Litteras nostras ad Consules de Bellasio, terminum tam Mantuæ quam Parmæ pro eadem causa statuendo, transmisimus; in quibus etiam, Nos cognituros & pronuntiaturus, si apud Nos suam copiam non facerent, continebatur. Cum itaque ad Nos venire, seu aliquam excusationem prætereendere despexissent; Nos, licet amplius in causa ipsa procedere possemus, & penitus eam definire; consilio multorum Sapientium, qui Nobiscumerant; **IPSUM ABBATEM, SCILICET JOHANNEM REVERENDUM, QUI MODO ILLI MONASTERIO PRÆEST,** in possessionem omnium prædictarum rerum de quibus contentio erat, mittimus, & possessorem constituimus; ita videlicet, ut a modo in antea Monasterium Beatiissimi Confessoris Ambrosii commodo possessionis fruatur, & Commune de Bellasio onere petitionis gravetur. Si vera sunt quæ in Precibus continentur; item quod legitime appellatum fuit; & Consules de Bellasio ex parte nostra & semel convicti fuerunt; sicut in Litteris nostris, quas recognovimus, continentur. Et hoc dicimus, salvo jure principalis causæ: & ipsi Abbati in possessionem prædictarum rerum ingrediendi per se & suos Procuratores potestatem concedimus: & etiam *Ongarum*, ad inducendum

eum in possessionem, nostrum Procuratorem facimus. Actum in Palatio Episcopi Parmæ feliciter Anno Dominicæ Incarnationis Millesimo centesimo septuagesimo octavo, quinto decimo die mensis Septembris, Indictione undecima. Interfuerunt Albertus de Regio, Ardericus Misso, Gerardus Pistus, Rossionatus de Lampuniano, Oldenrandinus Notarius, & plures alii. Ego Mainfredus, qui vocor Benbonus; Judex ac Notarius, ex præcepto prædictorum Rectorum hanc Chartam Possessionis scripsi, & interfui.

DLXXIV. Alterum nunc sequitur hujus Anni Documentum, cui sua ipse manu Algisius Archiepiscopus subscripsit: quodque ad plenioram sui notitiam requirit, ut hoc item loco ea recolantur, quæ nos Num. 223. præmisimus. Authenticum vero istud est, atque hujusmodi:

ANNO Dominicæ Incarnationis Millesimo centesimo septuagesimo octavo, primo die Novembris, Indictione duodecima. Cum CORAM VENERABILI ALGISIO, SANCTÆ MEDIOLANENSIS ECCLESIAE DEI GRATIA ARCHIEPISCOPO, ventilaretur quæstio inter Marchisium Sighisfredi, Consulem loci TRINATE, & Miranum de Sabloncto, ejusdem Loci vicinum, ex parte Communis ipsius Loci: & ex altera parte Johannem de Busuzo, MONACHUM MONASTERII SANCTI AMBROSII, QUI MODO CONCESSIONE SUI ABBATIS PRÆEST ECCLESIAE SANCTI SEPULCHRI DE IPSO LOCO, ex parte ipsius Ecclesiæ: quæ talis erat. Dicebant namque prædicti Consul & Miranus, quatenus præfatus Johannes reddat eis, quod de pasculo seu vigano istius Loci accepit: & de cætero de ipso vigano seu Comuni nullo modo utatur: affirmantes, hoc nonnisi rusticos ipsius Loci habitatores, & onera vicinorum sustinentes, facere licere. Ipsum vero Johannem, prædicti Loci habitatorem, & sedimen, in quo inhabitat, esse territorii ipsius Loci, prædicti Consul & vicinus penitus inficiabantur. E contra ipse Johannes respondebat, dicens; sedimen, in quo inhabitat, & in quo ista Ecclesia fundata est, territorii istius Loci esse, & ad suam manum in eodem territorio terram colere, & magnam partem territorii istius Loci ad prædictam Ecclesiam pertinere: & insuper per Sententiam super simili quæstione obtinuisse proponebat. Cumque ipse Dominus Archiepiscopus per Sententiam hanc causam finire foret paratus; ibi ipsi Marchisius & Miranus dederunt guadiam in manu istius Johannis: Quod stabunt, & stare facient omnes vicinos suos Mandato, quod ipse Dominus Archiepiscopus, vel ejus Nuncius, fecerit per Transactionem de hac causa, in pena librarum quinquaginta. Et insuper omnia eorum bona pignori obligaverunt. Versa vice ipse Dominus Johannes dedit guadiam prædictis hominibus: Quod adtendere faciet ABBATEM BEATI AMBROSII EJUSQUE FRATRES prædictum Mandatum. Et sic posuit ejus fidejussorem Semorinum. Ibi Johannes Causidicus, Assessor superscripti Domini Archiepiscopi, præcepit per ejus parabolam, ut de cætero ipse Johannes, ejusque successores, utatur de vigano seu Comuni prænominati Loci, sive sit tensatum, sive non; sicut alius vicinus de ipso loco utitur ipso Comuni & vigano sine fraude: & in hoc sit contentus. Actum in Civitate Mediolani, in Camera ipsius Domini Archiepiscopi.

✠ EGO ALGISIUS, MEDIOLANI ARCHIEPISCOPUS, SUBSCRIPSI.

Ego Johannes, Causidicus, præceti, ut supra, & subscripsi.

Interfuerunt Dominus Algisius Cimiliarcha, Magister Rolandus, Girardus Marcellinus, Guilielmus Cainara, Arnaldus de la Porta, Ardericus Spata, Nuxante & Prevedus Cifxendili, & Anselmus.

Ego Laurentius de Concorezo, Judex, interfui, & prædictas Cautiones scribere rogavi, & scripsi.

A.C. 1179. DLXXV. Quales ad sexennium inducias Aeno-

A barbus in Urbe Veneta cum Lombardis, ac nominatim Mediolanensibus, Anno superiore pepigisset, aliquatenus etiam constare poterit e proximo Privilegio, quod Anno jam insequente septuagesimo nono concessit huic Ambrosiano Monasterio ANTIZAGUM vero (sicut hic appellatur) Mediolanensis Agri est Oppidum: cujus mentio nobis pluries jam supra incidit: quodque populari nunc Lingua communiter INZAGO vocitari dicebamus. Nec ab ipso valde distat BIRIZIACUM, quod a nobis in præfenti BELINZAGO nuncupatur. Inspice vero nunc, quale sit ejusmodi Privilegium. Hinc etiam metire, qualemnam interea nihilominus in Mediolanenses jurisdictionem Fridericus exerceret, nec ita invisum ac detestabile Mediolani tunc foret hoc modo ad ipsius patrocinium ac præsidium confugisse.

FRIDERICUS, DEI GRATIA ROMANORUM IMPERATOR, AC SEMPER AUGUSTUS, ABBATI SANCTI AMBROSII MEDIOLANENSIS gratiam suam, & bonam voluntatem. Quoniam Imperialis Mansuetudo justis ac rationabilibus Subjectorum, & præcipue Ecclesiasticorum Prelatorum, petitionibus placidam exauditionem, & dignam effectuum adimpletionem præstare tenetur; Nos, attendentes injuriam, quam homines de ANTIZAGO, CURIA TUA, recedentes, & in BIRIZIACUM se contrahentes, Ecclesiæ tuæ intulerunt, dum occasionem libertatis de loci commutatione sibi usurpantes, tuo subesse districto recusaverunt; Imperiali nostra auctoritate concedimus & damus tibi, ac tuis Successoribus hanc potestatem, ut eos, qui de prænominata Curia tua transmigrarunt, & in BIRIZIACUM seu alias fugientes, debitum tibi & Ecclesiæ tuæ servitium subtraxerunt, vel si qui in posterum simile facere præsumpserint, ubicumque locorum, tam in BIRIZIACO quam alibi, inventi fuerint, liceat tibi distringere, ac tuis Successoribus, & omne jus, quod in personis eorum aut rebus, si in Curia tua ANTIZAGO manerent, haberes, omni prorsus plenitudine, quocumque devenerint, habere, nullo Consule aut Loci cujusquam consuetudine huic nostræ Concessioni, ac tuo juri, ullo unquam tempore obstante. In cujus justitiæ tuæ & nostri instituti argumentum præsentem Paginam, Majestatis nostræ Sigillo roboratam TUÆ DILECTIONI ET ECCLESIAE SANCTI AMBROSII donamus. Dat. Constantiæ Anno Domini Millesimo centesimo septuagesimo nono, Indictione duodecima, sexto Kalendas Junii mensis.

DLXXVI. Gualuaneus Flamma, & Auctor Chronici Flos florum, iis in locis, quæ paulo ante produximus, nec non etiam Bernardinus Corius, hoc item affirmabant in septimum ac septuagesimum hujus Sæculi Annum: Inceptum fuit Navigium DE CAZANO. Trifanus vero Chalcus & Carolus Sigonius hoc idem opus in præsentem conjiciunt Annum septuagesimum nonum. An fortasse, quia tunc inchoatum, nunc absolutum? Mirum profecto; quod per hæc tempora Mediolanenses nostri tot ac tanta moliri opera potuerint. Sigonium audiamus. In Italia Mediolanenses, Urbi per otium excolendæ intenti, EMISSARIUM ex Ticino amne jam multo ante derivatum, ac TICINELLI nomine Papiensium agros irrigans, novo alveo juxta ALBIATUM (lege ABBIATUM, sicut & mox GAZANUM) effosso, GOZANUM & CORSICUM (notissima nobis hæc sunt Oppidorum in eo tractu nomina) deduxere: ac mox ad Urbem usque navigabile reddidere. Quo facto, duo maxima commoda consecuti sunt: unum, quod agros suos ubiores fecerunt: alterum, quod rationem opum ex Verbano Alpibusque debeendarum inierunt. Hæc Sigonius, citra dubium e Chalco (sicut & alia multa) pene verbatim mutuatus. Cujus quidem Historiam, tunc solummodo manuscriptam, ipse a se lectam fatetur in Indice Scriptorum, e quibus suam

suam De Regno Italiae Historiam excerptit.

DLXXVII. Octuagesimus supra Millefimum centesimum Annus nobis avolat, nulla re memorabilis. Proximo autem Anno archetypa lectuque digna se offert *Algisi* Archiepiscopi Sententia, quam ecce hic sine mora proferimus:

IN Nomine Domini nostri. CORAM DOMINO ALGISIO, DEI GRATIA SANCTÆ MEDIOLANENSIS ECCLESIAE ARCHIEPISCOPO. Conquerebatur *Johannes de Bosotio*, MONACHUS MONASTERII SANCTI AMBROXII, nomine ipsius Monasterii, de *Petro*, CLERICO DE LIXIA, quatenus dimitteret ei campum unum, reja centem IN TERRITORIO DE LIXIA, ad locum, ubi dicitur AD VOVELLUM: cui cohæret a *Mane Manfredus de Silva*, a *Meridie Sadini*, a *Sero Ambroxius Gualperti* & nepotum, a *Monte via*: dicens, prædictum campum esse de jure & proprietate *Beati Ambroxii*: quem *Guilicionus Biniti*, massarius ipsius Monasterii, fraudolenter & illicite cum ipso *Petro* commutaverat; præsertim quia hoc sine consensu Abbatis, vel sui Missi, prædictam fecerat commutationem. Unde, prædictum campum jure ad ipsum Monasterium debere devenire, dicebat. Contra prædictus *Petrus*, prædictum campum de jure & proprietate ipsius Monasterii esse, & ex commutatione prædicta ad se venisse, non diffitebatur; sed dicebat, id esse de longissima consuetudine Terræ; videlicet, quod licebat massariis commutare absque consensu vel licentia Dominorum, dum tamen Domini fictum non amittant. Quod fictum vice massarii se paratum præstare, cum cambium datum rustico exemptione possideat, agebat. His & aliis visis & auditis, *Johannes* Judex, Assessor ipsius Domini Archiepiscopi de mandato ejus per Sententiam ipsum *Petrum* condemnavit, ut campum prædictum Monasterio absolute dimitteret. Ibi que statim ipse *Petrus* Clericus refutavit ipsum campum in manum dicti *Johannis* Monachi ad partem prædicti Monasterii. Et sic finita est Causa. ACTUM IN PALATIO STATIONÆ.

✠ EGO ALGISIUS, MEDIOLANI ARCHIEPISCOPUS, SUBSCRIPSI

✠ Ego *Otto*, Diaconus & Vicedominus, subscripsi. Anno Domini Millefimo centesimo octuagesimo primo, duodecimo die Magii, Indictione decima quarta. Interfuerunt *Fraßus de Caronno*, *Boto de Massenago*, *Domnus Albertus de Osa*, & *Guido* ejus filius, *Guilhelmus de Ispira*, ABBAS DE LIXIA, *Johannes Durantus*, & *Arditionus* ejus filius, *Ubertus Caxarius*: de familia Domini (videlicet Archiepiscopi) *Ardericus Spata*, *Laurentius Prealonus*, & *Quitacus*, & plures alii. Ego *Johannes*, Judex, hanc Sententiam dedi, ut supra, & subscripsi.

DLXXVIII. Nunc de LIXIA, tum etiam STATIONA, nuper in superiori Documento nominatis. Ambo sunt Oppida, quæ in *Verbani* lacus ripa & intra Ditionem *Mediolanensem* consistunt. Primum illud LESIAM, hoc vero secundum ANGLERIAM nunc vocamus. Hæc Archiepiscopo *Mediolanensi*, quoad regimen spirituale, nunc etiam subest; illa vero *Novariensi* Episcopo. Quamobrem de ipsa quoque, tamquam sua, *Carolus* agit a *Basilica Petri*, Episcopus, Libro Primo suæ *Novariæ*, sub Titulo, *Terminatio Vergantis*, seu *Baveni*. Sed e præsentī tamen Archiepiscopi nostri Sententia (quam in subditum solummodo citra controversiam poterat pronunciare) fatis, ut opinamur, constat, eam tunc similiter ipsius potestati ac regimini spirituali simul ac temporali, vel alterutri, vel temporali saltem subjectam fuisse. Ibidem vero tunc, sicut e subscriptione Testium dignoscitur, extabat Abbas, ac proinde Monachorum Monasterium. Certe vero nos etiam Num. 131. in uno e *Caroli* Regis *Craffi* Privilegiis, huic *Ambrosiano* Monasterio concessis, hæc item verba legebamus: ET dono

A similiter tres mansos A LEXA cum omnibus suis adjacentiis & pertinentiis. Quocirca super iis etiam fortasse prædictis pronunciata fuit hujusmodi Sententia. Ceterum STATIONA, (sicut etiam ARONA, de qua jam diximus Num. 308. quæve in altero ejusdem Lacus litore juxta ipsam posita est) temporali quoque dominio Archiepiscopi subdita tunc fuisse videtur: indicioque nobis Palatium etiam est illud, nimirum Archiepiscopale, in quo lata dicebatur ejusmodi Sententia. Ejusdem Oppidi sub STATIONÆ itidem nomine mentio habetur in ea Sancti *Arialdi* Vita, quam nos Num. 259. dicebamus a Beato *Andrea* Monacho *Vallumbrosano* conscriptam: hoc est, Cap. 29. Quæ quidem ab ipso conscripta fuit Anno circiter Septuagesimo septimo supra Millefimum; sicut e Cap. 33. manifeste apparet. Sic etiam ita nominatur in Sancti *Julii Hortensis* Vita apud *Mombritium*: ibique CIVITAS etiam his verbis nuncupatur: Postea venerunt (Sanctus *Julius* & *Julianus*) ad Insulam modicam, quæ sita est in Lacu, QUI SUBJACET CIVITATI, QUÆ DICTUR STATIONA. Ejusmodi vero Vitam *Carolus* a *Basilica Petri* sub ea conscriptam fuisse tempora, quibus necatus fuerat idem Sanctus *Arialdus*, non inscite conjectat in ea Terminatione, quam nos paulo ante produximus. Idemque jam ante sub Titulo *Terminatio Invorii* multa differuerat de hoc Oppido ANGLERIA, sive potius, ut ipse loquendum putat, ANGERA. De qua nem sic scripserat: Quod autem plures scribunt, STATIONAM, seu STAZONAM, quandoque nominatam esse: verisimile est, a Statione Militari Romanorum evenisse (nam & *Alciatus* multa collegit ex Loco Romana Monumenta) seu etiam a Statione & Conventu juridico, qui hoc Loco pro *Verbani* Accolis haberetur. Nam etiam *Ducum* *Mediolani* tempore Magistratus hic erat, appellatus CAPITANEUS ANGLERIE, qui omnibus *Verbani* Populis præerat. Fortasse etiam a Statione navium, quibus huc variæ merces potissimum adveherentur. Nam & Regionis Lingua STAZONÆ dictæ sunt officinæ quædam. Hæc ille. Sed profecto placuerit etiam huc contraxisse, quæ in *Chronico Flos* florum, fol. 43. pag. 2. hunc in modum leguntur: Quidam Princeps, dictus STATIONUS, qui cum *Belloveso* Italiam intraverat, Angleriam destruatam reedificavit, & ex suo nomine STATIONAM appellavit. Ubi & Rex *Bellovesus* Sedem Regni primo posuit. Certe autem *Gualuaneus* etiam *Flamma* in *Chronico Majori*, Cap. 230. sic & ipse tradit: *Chronica Leonis* dicit, quod *Obizo* erat Comes CIVITATIS STATIONÆ, id est, ENGLERIE: & fuit Dux exercitus *Constantini Sexti*: & combussit Porticum *Beati Pauli* in Roma, & Princeps exercitus Imperatoris. Et quia in congressu Porticum Sancti Pauli combusserrat in Roma; conscientia ductus, volens satisfacere, Monasterium de Arona edificavit Anno Domini Nonagesimo sexagesimo tertio, & per maximis possessionibus dotavit. Et quia erat per maximus in Curia Imperatoris, & fegerat quandam pacem inter Imperatorem & Episcopum *Perusinum*; ipse Episcopus donavit Monasterio de Arona Corpora Sanctorum Martyrum *Sinini* (sive *Felini*) & *Gratiani*. Ceterum de Anglerie Oppido legantur insuper *Gaudentius Merula* De *Galorum Cisalpinorum Antiquitate ac Origine*, Lib. 2. Cap. 15. & *Bonarventura Castillioneus* in Libro, *Galorum Insulæ Antiquæ Sedes*: & alii.

DLXXIX. Ejusdem hujus Anni supra Millefimum centesimum octogesimi primi mense sive Augusto sive Septembre (siquidem Historici variant) moritur *Alexander* Papa Tertius: Vir acer in primis (sic enim eum par est *Sigonii* verbis commendamus) & in suscepta Ecclesiæ defensione constans: inimicitiis *Friderici*, quas non tam moderate exercuit quam fortiter superavit, virtutis memoriæque insignis. Eidem-

Ec 3 . que

que mox a Cardinalibus substituitur *Lucius Tertius*, cui nomen antehac fuerat *Hubaldus*, Episcopus *Ostiensis*.

A.C.
1133.

DLXXX. In Annum secundum supra octogesium nihil nos memorabile habemus. Subsequens tertius tria nobis hæc dabit: *Friderici* pacem cum *Lombardis*, testimonium adhuc repetitum pro Sancti *Ambrosii* Corpore in hac sua Basilica etiamnum quiescente, primamque *Morimundensis Cisterciensium* apud nos Monasterii originem. *Henricus* utique, *Friderici* filius, Coronam *Italici* Regni summopere appetebat: eamque consequi se posse diffidebat, nisi pax cum *Lombardis*, atque adeo *Mediolanensibus*, inita fuisset. Cum igitur *Fridericus* Martio mense Conventum ageret in Urbe *Constantiæ*, ipsum exoravit, ut Legatos in *Italiam* cum liberis de pace mandatis transmitteret. Hos *Placentiam* eo nomine *Fridericus* transmissit. Quod postquam cederet Civitates cognoverunt; illuc protinus & ipsæ Legatos Prætoresque suos direxerunt. Cumque *Fridericani* Legati exposuissent, qualia de pace mandata secum attulissent, *Lombardi* vero qualibuscum conditionibus postularent; unanimes protinus omnes *Constantiam* perrexere; remque ibi cum *Friderico* atque *Henrico* presentibus hoc ipso Anno tertio & octuagesimo supra Millesimum centesimum, septimo Kalendas Julias, Indictione prima confecerunt. Hæc inter alios abunde narrat *Sigonius*: ipsasque Pacis etiam Tabulas exscribit: quæ præterea Jurisconsultissimi *Baldi* Commentariis illustratæ legi possunt in Appendice ad Authenticorum Collationes, sub hoc præcise titulo, *Liber de Pace Constantiæ* &c. Nobis in præsentis satis erit eos nominatim recensere *Mediolanensium* Legatos, qui *Constantiam* profecti Tabulis ejusdem Pacis cum juramento subscripserunt. Erant autem, sicut ibidem nominantur, *Guido de Landriano*, *Pinamonte de Vicomercato*, *Adobatus Bultrafus*, *Guilielmus Burrus*, *Guercius de Saxolla* (*Tristano Chalco Guercius Buffola*) *Aldericus de Bonate*, *Rogerus Marcellinus*, *Loterius* (*Chalco Lanterius*) *Medicus*: quorum aliquot nobis itidem jam nominati Num. 515. videntur. Præ ceteris tamen *Adobatus* postea *Mediolani* nomine Investituram Consulatus a *Friderico* accepit; quemadmodum in eodem Pacis Libro recensetur. Hæc igitur hoc Anno acta fuerunt *Constantiæ* septimo Kalendas Julii.

DLXXXI. Sequitur nunc testimonium illud, quod secundo loco pollicebamur, archetypo hujusmodi Documento consignatum: IN NOMINE DOMINI. Anno Dominicæ Incarnationis Millesimo centesimo octuagesimo tertio, quinto Kalendas Julii, Indictione prima. Venditionem ad proprium de proprietate, & finem & datum de Feudo fecerunt Guido filius quondam Petri Canis, QUI PROFESSUS EST LEGE VIVERE LONGOBARDORUM, & Guilielmus & Petrus filii ejus emancipati, Civitatis Mediolanensis, DOMNO JOHANNI, SACERDOTI ET MONACHO MONASTERII BEATI AMBROSII, UBI EJUS SANCTUM REQUIESCIT CORPUS, ad partem & permissum DOMNI BELTRAMI, GRATIA DEI IPSIUS MONASTERII VENERABILIS ABBATIS (atque hic ecce nobis etiam novum Abbatem, Joanni antehac demum Abbati substitutum) ad partem jam dicti Monasterii: nominatius de omnibus..... ædificiis, & sediminibus, & rebus territoriis, quas prædictus Pater & Filii habere visi sunt in Loco COLOGNIA, & in ejus territorio & pertinentia; sicut in concordia utriusque partis sunt mensurate. De quibus rebus sunt posite in Feudo tantæ, quæ valeant libras centum tertiorum, secundum computum..... solidorum duodecim. Et quæ libræ centum debent consultari & dari in alia terra ipsi Monasterio, cujus fundum erat. Prima petia est sedimen &c. Sin-

gillatum ergo subinde omnes cum suis coherentibus enumerantur, tum ceteræ item clausulæ juxta præsentis Contractus opportunitatem adtexuntur. Ac denique: Et pro pretio prædictarum rerum ipso Guido Canis & Filii ejus confessi sunt accepisse ab eodem Domino Abbate, ex parte ipsius Monasterii, libras trecentas denariorum tertiorum, minus libras novem, & solidos tredecim; quia sic inter eos convenit. Actum in prædicto Loco, COLOGNIA. Subsequuntur subscriptiones Venditorum, & aliorum quorundam, qui Venditionem istam confirmarunt de hinc etiam Testium nomina: ac tandem horum subscriptiones Notariorum cum propriis cujusque Signis tabellionaticis: Ego Ambrosius de Valnexio, Sacri Palatii Notarius, hanc Chartam tradidi, interfui, & subscripsi: & Ego Ambrosius de Valnexio, Notarius Sacri Palatii, parabola Ambrosii patris mei hanc Chartam scripsi.

DLXXXII. Jam vero tertium illud ac postremum non aliis, quam *Tristani Chalci* hunc in Annum, verbis eloquatur. Eodem tempore (inquit ille) *Cistercienses Religiosi*, jam quinquaginta annos ante (atque hoc ille verius, quam *Sigonius*, qui quadraginta solummodo dixit) ad *Insubres* traducti, sortitique agros, in *Ticini* ripa Templum formatum, adjuncto Cenobio: cuide Vici appellatione MORIMUNDI nomen est. Id à posteris subinde locupletatum, omnium opulentissimum Sacerdotium est. Nos tamen ex adverso Vicum potius ipsum credimus appellationem istam e Monasterio accepisse: quod sub ejusmodi nomine conditum fuerit ad imitationem MORIMUNDI *Cisterciensium* pariter Monasterii, *Lingonensem* intra Diocesim jam antea constructi, celeberrimique. De hoc legi potest *Chrysostomus Henriquez* in Fasciculo Sanctorum Ordinis *Cisterciensis*, Lib. 1. Dist. 3. Cap. 6. & in Menologio die septima Septembris: præterea vero etiam *Claudius Robertus* in Abbatiarum *Galliæ* Nomenclatura. Credibile vero nobis itidem videtur, talem utrique hujus nominis Monasterio appellationem fuisse propterea inditam; quia per vitam religiosam homines Mundo moriantur. Præclare *Hieronymus Platus De Bono Status religiosi* Lib. 1. Cap. 13. Morimur (inquit) Mundo, ejusque operibus, & nobis insuper ipsis, ac voluntati nostræ: & ita morimur, ut non magis liceat nobis Mundo ejusque præmiis vel voluntate nostra uti, quam si plane sepulti essemus. Quod idem alibi multoties in hoc suo Volumine certe quidem aureo repetit, religiosissimus hic e Societate *Jesu* Theologus.

DLXXXIII. Cardinalis ille ac Legatus Apostolicus, cujus Sententiam nos proxime recitabimus, sua se illi manu subscripsit UBERTUM, atque TITULI SANCTI LAURENTII IN DAMASO PRESBYTERUM CARDINALEM. Hic autem sine dubio est ille, qui postea Romanum ad Pontificatum evectus, Urbani Tertii nomen assumpsit: atque adeo ille est, qui ante Pontificatum fuerat *Mediolanensis* Archiepiscopus (de quo nos item paulo post agemus) quive jam ante fuerat Archidiaconus. Idem vero Archiepiscopum etiam *Cantuariensem* Sanctum Thomam per illud temporis spatium affectatus fuerat, quo ille Patria extorris exilium in *Galliis* tolerabat. Quamobrem *Baronius* in Annum Millesimum centesimum septuagesimum secundum, Art. 13. e quibusdam elogiis, post Historiam Quadripartitam in Codice Vaticano collocatis, Ubertum quoque istum connumerat inter celebres & insignes plane Viros, gloriosa confessione decoros, qui Sanctum illum Archiepiscopum interea sunt secuti. Nos igitur hoc loco primum addiscemus, quodnam præcise huic Cardinali nomen proprium, quive Titulus etiam Cardinalitius fuerit: quæ quidem *Alphonsus Ciaconius* in Vitis Pontificum Romanorum & Sanctæ Romanæ Ecclesiæ Cardinalium ignoravit. Simul etiam eundem Cardinalem intelligemus necdum

A.C.
1134.

dum fuisse *Mediolanensem* Archiepiscopum ad eam usque diem, qua hoc Anno quarto & octuagesimo talem ille Sententiam pronunciavit: & hinc quidem *Corium Sigonium* & alios nonnullos refellemus, qui eum superiore Anno primo & octuagesimo creatum Archiepiscopum crediderunt, & *Algisio* vita functo subrogatum. *Ciacconius*, de tertia loquens Cardinalium creatione per *Alexandrum* Papam Tertium superiore Anno septuagesimo tertio *Anagnine* facta in Quatuor Temporibus mensis Septembris, hunc quoque tunc creatum connumerabat his verbis: **LAMBERTUS Cribellus** nobis jam verius nominabitur **UBERTUS** *Mediolanensis*, ex *Archidiacono Ecclesie Mediolanensis*, Presbyter Cardinalis Tituli S. postea Archiepiscopus *Mediolanensis*, in locum *Algisii* vita functi creatus, demum *Urbanus Tertius* Papa. His porro mox addit in postrema *Ciacconiani* ejus Operis editione *Andreas Victorellus*: Antequam *Mediolanensi* Ecclesie praeferetur, *Vercellarum* Episcopus fuerat, ex *Libello Successorum Sancti Barnabae*. Quo quidem in *Libello* re vera sic traditur. Sed *Joannes* quoque *Stephanus Ferrerius*, de suis Episcopis *Vercellensibus* eorumque Septuagesimo scribens, sic inquit: **LAMBERTUS**, sive **UBERTUS**, *Cribellius*, *Mediolanensis*, ex *Archidiacono Ecclesie Metropolitanae* Episcopus *Vercellensis* factus, Anno Millesimo centesimo septuagesimo tertio ab *Alexandro* Tertio mense Septembris Cardinalis creatur, Anno vero Millesimo centesimo octuagesimo primo Archiepiscopus *Mediolanensis*. Demum Millesimo centesimo octuagesimo quinto, cum *Veronam* ad Concilium, quod *Lucius Tertius* indixerat, accessisset; *Lucio* mortuo, Pontifex eligitur die Sanctae *Catherinae*; & *Urbanus Tertius* dictus est. Talia *Ciacconius*, *Victorellus*, Auctor *Catalogi Successores Sancti Barnabae*, & *Ferrerius*. Atqui nobis ne illo quidem Anno septuagesimo tertio *Ubertus* hic videtur creatus Cardinalis, neque jam ante *Vercellensis* Episcopus fuisse. Movetque nos publicum istud & authenticum Documentum, quod e *Monasterio Monialium Sanctae Mariae IN VALLIS* (aliter *IN VALLE*) intra Portae *Ticinensis* fines sitae, ubi solus olim Sacerdos *Titularis* habitabat, nuper accepimus ANNO *Dominicae Incarnationis* (sic enim legitur) Millesimo centesimo septuagesimo octavo, decimo *Kalendas Madii*, *Indictione undecima*. Placuit atque convenit inter *Ottonem* & *Petrum* Presbyteros Ecclesie *Beati Apollinaris*, sitae foris *Civitate Mediolani* (*Moniales* hic pariter nunc degunt, sed *Franciscanae*; illic vero *Benedictinae*) ex parte ipsius Ecclesie, **PRÆSENTE ET CONFIRMANTE DOMNO ALGISIO, DEI GRATIA MEDIOLANENSIS ECCLESIAE ARCHIEPISCOPO**, nec non & inter *Joannem*, qui dicitur de *Limidi*, Sacerdotem Ecclesie *Virginis Mariae*, quae dicitur *IN VALLIS*, sitae in ista *Civitate*, ad partem & utilitatem ipsius suae Ecclesie Sanctae Mariae: ut in Dei nomine debeant dare, sicut ad praesens dederunt, praedicti Presbyteri *Otto* & *Petrus*, ex parte eorum Ecclesie Sancti *Apollinaris*, praefato *Joanni* Presbytero, ad partem ejusdem Ecclesie Sanctae Mariae, ad habendum & tenendum absque ullo ficto praestando libellario nomine, usque in perpetuum: hoc est, vineam unam cum area ejus, quam ipsa Ecclesia Sancti *Apollinaris* habere videbatur in Territorio de Loco *Limidi*, ubi dicitur *Post casam* &c. Proxime sequuntur multae clausulae ad ejusmodi Contractum attinentes. Post quas etiam sic denique concluditur: Actum in ista *Civitate*, **IN PALATIO EJUSDEM DOMNI ARCHIEPISCOPI**. Tum vero sic etiam est subscriptum: Signum subscriptionis manuum: *Panis de Millio Stampa*; *Boso de Abiate*, *Bonabellus de Domo*, *Testium*, & ipsius *Prevedi fidejussoris Testium*. Interfuerunt Domni, **UBERTUS CRIVELLUS**, **IPSIUS ECCLESIAE ARCHIDIACONUS** (hic igitur ne hoc quidem Anno septuagesimo octavo jam

A erat *Vercellensis* Episcopus, vel etiam Ecclesiae *Romanae* Cardinalis) Magister *Philippus*, *Guiscardus Vesconte*, ipsius Ecclesiae Sacerdotes: item **ALGIXIUS**, **CIMILIARCHA**, ET **PRÆFATI DOMNI ARCHIEPISCOPI NEPOS** (nam istud quoque notatu dignum) & alii quam plures. Ego *Laurentius de Concorezo*, *Judex*, tradidi, & scripsi. Haec ibi. Quod si quis fortasse *Ubertum* istum *Crivellum* & *Archidiaconum* dicat ab eo diversum esse, qui *Vercellensis* postea Episcopus, tum etiam Sanctae *Romanae* Cardinalis Ecclesiae, de hinc Archiepiscopus *Mediolanensis*, ac denique *Romanus* Pontifex fuit; dummodo gratis hoc & sine fundamento non dicatur, nos quidem libenter admittemus.

B **DLXXXIV.** Sed, his utcumque hunc in modum praejactis, Sententiam nunc ipsam istius *Uberti*, hoc tempore citra dubium Cardinalis, adjiciamus. Talibus concepta verbis archetypo ea exemplari pergamento continetur:

C **IN NOMINE DOMINI.** Die *Mercurii*, octavo mensis *Februarii*, in *Civitate Mediolani*, in *Palatio Domni Cardinalis*. **EX MANDATO DOMNI UBERTI CARDINALIS, PRESBYTERI TITULI SANCTI LAURENTII IN DAMASO, ET APOSTOLICAE SEDIS LEGATI**, Sententiam protulit *Rogerus* *Judex*, qui dicitur de *Landriano*, consilio *Domnorum Ottonis de Sexto*, & *Oldonis Crivelli*, & *Jacobi de la Turre*, & aliorum, qui omnes erant *Assessores praedicti Domni Cardinalis*, super controversia, quae vertebatur inter **DOMNUM BELTRAMUM, GRATIA DEI ABBATEM MONASTERII SANCTI AMBROSII CIVITATIS MEDIOLANI** chem, amice *Lector*, hic item nobiscum gratulare) **UBI EJUS SANCTUM REQUIESCIT CORPUS**, per suum *Missum*, *Arnoldum*, *Monachum* ipsius *Monasterii*, & ex altera parte *Sacerdotes* & *Clericos* Ecclesie Sancti *Joannis de Bellaxio*, quae Ecclesia est in *Episcopatu Cumano*, per suum *Procuratorem* & *Missum*, *Anselmum*, Sacerdotem jam dictae Ecclesiae. *Lis* enim talis erat. Petebat siquidem ipse *Abbas*, quatenus praefati *Sacerdotes* & *Clerici* de *Bellaxio* redderent & restituerent sextaria decem & septem baccarum olivae *Rusticis* suis **DE LEMONTE & CIVENNA**, quibus ipse *Abbas* vendiderat illas baccas: & quas baccas praefati *Sacerdotes* & *Clerici* abstulerant, vel auferre fecerant, manu armata praedictis *Rusticis* de quodam **OLIVETO SANCTI AMBROSII**, quod est **IN LOCO LEMONTE JUXTA ECCLESIAM SANCTI GENE-SII**, quae *Curtis* est, quam Ecclesiam & *Curtem* cum mansis sex terrae, & triginta quatuor inter servos & ancillas **DOMNUS IMPERATOR LOTHARIUS** ex vetustissimo tempore **ECCLESIAE SANCTI AMBROSII DONAVIT** cum omnibus pertinentiis ejusdem *Curtis*, casis videlicet, & vineis, olivetis, campis, silvis, pascuis, aquis, aquarumve decursibus, vel omnibus adjacentiis, seu pertinentiis suis; sicut in pluribus *Instrumentis Donationum* ipsius Domni *Lotharii* (vide supra Num. 60. 61. 104. & 106.) continetur. Et quam *Donationem* **DOMNUS KARULUS REX PISSIMUS** postea confirmavit; sicut in quodam alio *Instrumento* (*Carolus* hic est *Crassus*: cujus hac etiam de re duo extant *Privilegia* Num. 130. & 131.) continetur: necnon **DOMNUS OTTO REX** (tam *Primus* Num. 172. quam *Tertius* Num. 193. & 194.) in quodam *Instrumento* postea confirmavit. E contra praedictus Presbyter *Anselmus* ex parte jam dictae Ecclesiae de *Bellaxio* se ad restitutionem praefatarum baccarum non teneri dicebat: & hoc tribus rationibus. Immo vice mutua conquerebatur apud jam dictum Cardinalem, ut super principali quaestione, scilicet super jure decimationis ipsius Oliveti, quod in solidum ad praefatam Ecclesiam Sancti *Joannis de Bellaxio* pertinere proponebat, pronunciaret: & ut ipsum *Abbatem*,
Cis-

Clericos ipsius Ecclesiæ Sancti Joannis colligere decimam prædicti Oliveti, deinceps inquietare non permetteret; tum quia Dominus Anselmus Cumanus Episcopus, apud quem quondam Joannes Abbas præfati Monasterii Sancti Ambrosii prædictos Sacerdotes & Clericos de aliis bac-
cis, alio tempore sibi ablatis, conveniebat, statuerat, ut ipse Johannes Abbas de jure decimationis ipsius Oliveti, quod ipsi Clerici Ecclesiæ suæ fore dicebant, apud se responderet, & Sententiam ejus definitivam audiret. Allegabant enim prædicti Clerici, quendam Monachum ipsius Monasterii jurisdictioni ipsius Episcopi se sponte subposuisse, & cum Nunciis & Vasallis ipsius Monasterii sæpius apud ipsum Episcopum causam egisse. Tandem cum ipse Abbas apud jam dictum Episcopum neque iret, neque nuntium mitteret; ille Episcopus tanquam per contumaciam, præfato Abbate absente, prædictos Clericos in possessionem ipsius Oliveti misisse affirmabat. Ad quæ omnia præfatus Arnaldus Monachus ita respondebat: In primis Ecclesiam Sancti Joannis esse Plebem, & eam habere universitatem decimationis ipsius Territorii de Lemonte: & ipsum Dominum Abbatem Johannem, vel ejus Monachum, se subposuisse jurisdictioni ipsius Monasterii (legendum est Episcopi) inficiabatur. Quæ omnia si constarent; prædicta Ecclesia Sancti Ambrosii nihilominus deberet optinere; & hoc pluribus rationibus. Primo, propter prædictas Donationes Imperatoris, cujus erant omnia jura ipsius Loci; **QUIA OMNIA, QUÆ IBI HABEBAT, PRÆFATÆ BASILICÆ SANCTI AMBROSII DONAVIT.** Secundo, quia Curis est ipsa Ecclesia Sancti Genesii. Tertio, quia nunquam habuerunt decimam ex ipso Oliveto, nisi ab annis septem infra: & hoc per vim, sicut ipse Anselmus sæpius confessus est. Quarto, quia domiciltile est illud Olivetum, & semper ad suum donicatum ipse Abbas & sui Antecessores detinuerunt. Quinta ratio est, quod Monachi non debent decimas dare de laboribus & nutrimentis suis. Ultima, quia **LOCUS DE LEMONTE EST IN EPISCOPATU MEDIOLANI.** Et quia ipse Anselmus decimam grani, quod seminabatur in ipso Oliveto, semper habuisse dicebat, licet non baccarum; propterea decimam baccarum se habere asseverarat: quod adversa pars prorsus diffitebatur. Super longissima possessione ipsius Oliveti, & baccis Rusticis suis ablatis, prædictus Abbas sufficientes Testes produxit. Prædictus vero Anselmus ex parte jam dictæ Ecclesiæ Testes produxit, minus tamen sufficientes. Et tunc ibi ipse Arnaldus Monachus, Procurator ipsius Abbatis, cavuit jamdicto Anselmo Presbytero, Procuratori Ecclesiæ de Bellaxio, ipsum Abbatem, qui aberat, & prædictos Rusticos rem ratam habituros, sub pœna librarum centum. Et ipse Anselmus Presbyter similiter cavuit eidem Arnaldo, prædictos Sacerdotes & Clericos de Bellaxio rem ratam habituros, sub eadem pœna. His ita auditis, & diligenter inquisitis, & ex parte prædicti Abbatis multis visis Instrumentis Donationum & Confirmationum, quæ in hac Notitia non continentur; prædictus Rogerius Judex præfatum Anselmum ex parte Sacerdotum & Clericorum de Bellaxio, ut ad triginta dies supradictos decem & septem sextarios baccarum præfato Abbati Sancti Ambrosii ad partem ipsorum Rusticorum restituat, condemnavit; deinde super principali quæstione, id est, super jure decimationis, detulit jurandum prædicto Abbati; ut juraret per suum Advocatum, jus decimationis prædicti Oliveti neque in toto neque in parte ad præfatam Ecclesiam Sancti Joannis de Bellaxio pertinere; aut referret ipsi Anselmo Sacerdoti; & ipse Anselmus juraret, jus decimationis præfati Oliveti ad Ecclesiam Sancti Joannis de Bellaxio in solidum pertinere. Postea vero alia die proximo sequenti, coram Domino Ottone de Sexto, Assessore prædicti Domini Cardinalis, ipse Abbas Beltramus ipsius Monasterii, ut supra, juravit. Et tunc ipse Dominus Otto super principali quæstione, de jure decimationis, a

A) petitione facta ex parte jam dictæ Ecclesiæ Sancti Joannis de Bellaxio memoratum Dominum Beltramum Abbatem ipsius Monasterii Sancti Ambrosii, absolvit. Et sic finita est Causa. Anno Dominicæ Incarnationis Milleximo Centesimo octuagesimo quarto, prædicto die, Indictione secunda. Interfuerunt Dominus Obertus Modoetienfis Archipresbyter, Dominus Girardus Canonicus Ecclesiæ de Modoëtia, Montenarius Judex, Albertus Cacalancia, Anricus Mainerius, Ardericus Cassina, Onricus de Cimiliano, Anricus de Marliano, atque Guillelmus Capellus.

✠ EGO UBERTUS, TIT. SANCTI LAURENTII IN DAMASO PRESBYTER CARDINALIS, ET APOSTOLICÆ SEDIS LEGATUS, SUBSCRIPSI.

B) Ego Ambrosius de Valnexio, Notarius Sacri Palatii, scripsi.

DLXXXV. Fallimur profecto, longèque fallimur; si quisquam e Lectoribus nostris jam erit, quem maxime non pudeat vel etiam tantillum debitare, an sacrosanctum Patroni nostri Ambrosii Corpus etiamnum in hac sua Basilica quiescat, nec alio fuerit hætenus translatus. Atqui nos ne propterea quidem abstinemus in posterum ab eorum commemoratione Documentorum, quibus ejusmodi tantum pudor adaugeri adhuc possit, quæve ceteroqui silentio transigeremus. Hoc igitur etiam Anno in eundem præcisè finem tale istud ex parte nunc proferimus: **ANNO Dominicæ Incarnationis Millesimo centesimo octuagesimo quarto, tertio decimo Kalendas Martii, Indictione secunda, investivit per mercatum, ac intrandi in possessionem parabolam dedit Lafrancus, qui dicitur Polvare, de Civitate Mediolani, DOMINUM BELTRAMUM, DEI GRATIA MONASTERII SANCTI AMBROSII, UBI EJUS SANCTUM REQUIESCIT CORPUS, AB- BATEM, ad utilitatem ipsius Monasterii, nominatim de sedimine uno cum terra, quam ipse Lafrancus habere visus est in Loco & Territorio COROGNA, veluti continetur & legitur in Imbreviatura una ibi visa & lecta, pro pretio denariorum bonorum Mediolanensium novorum libris octoginta duabus &c. Actum in isto Monasterio. Et huic quidem authentico Documento subscriptum ita denique post aliquot Testium nomina legimus: Ego Petrus, Abbas, Sacri Palatii Notarius, tradidi, & scripsi.**

DLXXXVI. Quod bene profit: hoc tandem Anno quadam nos in posterum saltem absolvimus cura, quæ multo jam ex tempore nos satis anxios ac sollicitos habuit. Etenim tamquam ex alta specula, in omnem intenti occasionem, cunctabundi circumspectabamus, quonam ex tempore apud nostros Mediolanenses Annus Incarnationis Dominicæ inchoaretur, hoc est, an a die Martii mensis vigesima quinta. Ecce igitur hoc tandem Anno cum deprehendimus ante illam diem inchoari solitum per hæc saltem fuisse tempora. Etenim superiora duo præsentis Anni Documenta æqualiter asseruntur data Dominicæ Incarnationis Anno Millesimo centesimo octuagesimo quarto, Indictione secunda; cum alioqui prima Indictione viderimus data, quæ superiore Anno in mensem Junium recitabamus. Et tamen isthæc ambo data fuerunt ante vigesimam quintam Martii diem. Primum quippe illud jam vidimus datum die octavo mensis Februarii: secundum vero istud tertio decimo Kalendas Martii, sive decima septima ejusdem Februarii die. Consequens est igitur, ut hic ipse Dominicæ Incarnationis Annus jam fuisset inchoatus ante certum illum ac solemnem Dominicæ Incarnationis diem, ac Martii mensis vigesimum quintum. E quanam vero præcisè die fuisset antehac inchoatus: istud quidem nos hætenus latet. Quod si non modo per hæc tempora servatum apud Majores nostros id fuit, sed etiam pariter ab eo primum ini-

initio, quo Annos ab Incarnatione Christi computare incœperunt; tum vero nobis etiam reliquum esset, ut in superioribus aliquando Annorum seriem a nobis servatam emendaremus; quæve juxta usum Romanum conjecta sunt aliquando in Annum subsequenter, retrahenda forent in eum, qui proxime fuerat exactus. Quod quidem interea monuisse sit satis.

A.C. 1185. DLXXXVII. Octuagesimum quintum Christi hoc Sæculo Annum nunc aggredimur, amplissimis Friderici erga Patriam nostram & Ambrosianum istud Monasterium Privilegiis quam maxime insignem. Subsequenti hyeme (Tristani Chalci textus est) Fridericus ad Italos sexto profectus est: & undecimo Kalendas Februarias Anni octogesimi quinti Placentiæ Longobardorum Civitatum Legationem audiuit. Coiverant ad eum frequentes, affirmandæ Pacis Constantianæ gratia. Et paulo post: Ex Placentia Parmam Regiumque progreditur Fridericus. Hic affectui quatuor Consules Mediolanenses &c. & cum his sex alii honesti Cives &c. (horum quippe Consulum & Civium nomina nos in ipsomet mox Privilegio conspiciemus) novam gratiam ab eo retulerunt: Ut, salva PARATICA, id est, iis, quæ Cæsaribus præstari solita sunt, quotiens Mediolani vel Moguntiae (sive Modoetiæ) coronantur, redintegrentur jurisdictione totius tractus sui ad Adduam cum statione Leucensi (& hic errorem mox corriges Tristani nostri vocabulum Statione, de qua nos paulo ante differebamus, cum statione perperam confundentis) & Transadduanis Oppidis ad Ollium pertinentibus. Nonnulla ergo Chalci Privilegii hujus capita summam perstringit. Plura Sigonius; at nonnihil etiam incertus. Abunde omnia Gualuanens Flamma in Chronico Majori Cap. 229. quippe cum exemplar ejusdem Privilegii haberet ac legisset in suo Sanct-Eustorgiani Conventus Archivo; sicut ipse attestatur. Idipsum nos verbatim ad certiorrem fideliorumque tantæ rei memoriam ex Archivo pariter Ambrosiano depromere (quando forte fortuna nobis illud hic invenire datum est) deque nostra Urbe nonnihil hac in parte mereri constituimus; tamen si satis illud oblongum sit, quantum videlicet subsequitur:

IN NOMINE DOMINI, ET INDIVIDUÆ TRINITATIS. FEDERICUS, DIVINA FAVENTE CLEMENTIA, ROMANORUM AUGUSTUS. Præclaræ Serenitatis nostræ liberalis benignitas ea virtutum gratia pollet, ut, cum universos Fideles suos abundantis clementiæ favore completatus, illos tamen arctius & specialius suæ familiaritati conciliet, quos fidelitatis perseverantia & devotionis fervore erga Sacram Imperii Majestatem cæteris præpollere perpendit. Circumspectæ itaque discretionis oculo DIRECTORUM FIDELIUM NOSTRORUM CIVIUM MEDIOLANENSIVM ATTENDENTES STRENUITATEM, FIDEM, AC DEVOTIONEM: QUO FERVENTIORI CÆTERIS AFFECTU NOSTRÆ IN DIES DIGNATIONI GRATIORES SE EXHIBENT, tanto honori & promotioni ipsorum ac Civitatis suæ accuratius volumus intendere, QUANTO NOBIS DATUM EST DE IPSORUM SINCERITATE PERFECTIOREM FIDUCIAM HABERE. Ea propter Imperiali placuit Clementiæ nostræ, prædictorum Fidelium nostrorum desideriis, nostræ mansuetudinis animum ad commoditatem eorum & laudabilem Civitatis statum applicare; ut Concessionem & Permissionem, quas eis in Pace (nimirum Constantiæ) sine censu fecimus pro Nobis & Illustri Filio nostro Henrico Romanorum Rege Augusto, confirmaremus; & insuper Regalia illa Imperii, quæ illis sine censu non concessimus, secundum infra scriptum modum in subscriptis Terris pro censu concederemus; & Pactum, quod subsequitur, cum eis iniremus. Concedimus itaque Mediolanensibus omnia Regalia, quæ Impe-

A rium habet IN ARCHIEPISCOPATU MEDIO-LANENSI; sive IN COMITATIBUS SEPRII, MARTESANNÆ, BURGARIÆ, LEUCENSI, STATIONÆ, vel in aliis Comitatus & Locis extra Comitatus, ubicumque sint, in aqua & terra. Si qua etiam Regalia habemus in Locis, quæ Mediolanenses concesserunt Cremonensibus ultra Abduam; similiter, cum ea recuperaverint, eis concedimus. Comitatum autem Seprii, in quo superius & Regalia eis concessimus, sic intelligimus sicut in..... nostro distinctum est, scilicet per hos fines: a Lacu Majori sicut pergit flumen Ticini usque ad Padrinianum, & a Padriniano usque Cerrum de Parabiago, & a Parabiago usque ad Caronnum, & a Caronno usque ad flumen Sevifi, & a Sevifo usque ad flumen Tresa, & sicut Tresa refuit in prædicto Lacu Majori. Eo addito, quod de omnibus illis Locis, in quibus Commune Mediolani habet jurisdictionem, quam eis concessimus, vel nunc concedimus, non obsit Mediolanensibus, si quis a tempore Regni nostri, vel ab eo qui a nobis habuit aliquod datum vel scriptum, habeat in supradictis Locis de Regalibus Imperii, unde ille qui datum suscepit, publice non est in possessione. Ab hac concessione Regalium excipimus omnia Feuda & Beneficia antiqua, ab Antecessoribus nostris de Regalibus concessa Ecclesiis vel quibuscumque personis, & etiam..... a Nobis concessa sunt de Regalibus, de quibus possessor manifestam habet possessionem. Et reservata paratica Nobis, quæ debet præstari Filio nostro Illustri Regi Henrico, & omnibus Successoribus ejus, CUM PRIMO CORONAM REGNI MEDIOLANI AUT MODOETIÆ SUSCIPIENT, præstanda ab iis, qui ipsam paraticam soliti sunt præstare. Et reservato Modoetiæ, quod Marascalco nostro vel Regis liceat ibi hospitia assignare. Excepto quoque jure appella..... in forma Pacis est comprehensum. Pro iis autem Regalibus, quæ eis nunc concedimus, & in Pace nunc concessimus, debent Mediolanenses præstare Nobis, vel nostro Nuncio, & Successoribus nostris, in Civitate Mediolani a Kal. instantis Martii ad annum pro censu singul. Kal. Martii libras trecentas Imperiales. Ad majorem quoque cautelam & eorum securitatem, talem pro Nobis & Filio nostro Rege Henrico cum Mediolanensibus conventionem fecimus, quæ hinc inde juramento firmata est. Juravit Rudolfus Camerarius noster parabola & in anima nostra, quod Nos bona fide manutenebimus Civitatem Mediolanensem, & quod jurabimus Ecclesiam Mediolanensem & Mediolanenses manutene omnes possessiones, quas habent & possident, & jura omnia, justitias & rationes, quas habent. Si quas etiam possessiones, jura, justitias & rationes amiserint; adjuvabimus eos bona fide recuperare. Eas autem possessiones, jura, justitias & rationes intelligimus, quas habent in Archiepiscopatu Mediolanensi, sive in Comitatus prædictis, & in Locis extra Comitatus, ubicumque sint, contra omnes homines & Civitates & Loca Lombardiæ, Marchiæ, & Romaniolæ. Eo tamen tenore, ut Nos pro speciali negotio Papiensium non faciamus guerram Mediolanensibus, nec pro speciali negotio Mediolanensium teneamur facere guerram Papiensibus. Sed si aliqua lis inter eos orta fuerit; Nos bona fide partes nostras interponemus ad componendum, vel ad justitiam faciendam. Si vero Papienses adjungent se alicui Civitati vel personæ ad guerram faciendam Mediolanensibus; Nos teneamur Mediolanenses adjuvare, sicut supra continetur. Et omnes Concessionem seu Permissionem illas, quæ factæ sunt in tenore Pacis sine censu, & quas modo facimus pro censu, cum justitia & ratione eis manutenebimus. Et quod Nos non faciemus specialem societatem cum aliqua Civitate, Loco, vel persona, quæ sit in Lombardia, Marchia, vel Romaniola, absque consensu Consulium Mediolanensium, vel majoris partis, vel omnium.

Puricellus.

Ff

Idem

Idem etiam sacramentum faciemus præstare Regem Henricum, filium nostrum, in anima sua & parabola sua faciendum ad terminum, quem Consules Mediolani CUM CONSILIO CREDENTIÆ nobis dixerint. Item idem Rudolfus suprascripto modo parabola nostra juravit, quod Nos bona fide & sine fraude dabimus operam, UT CREMA INTEGRÆ RE-ÆDIFICETUR ad terminum, quem Consules Mediolani CUM CONSILIO CREDENTIÆ SUÆ Nobis dixerint, cum ea virtute, quam habemus in Lombardia, Marchia, & Romaniola. Dabimus autem operam hoc modo: commendando, exhortando, præcipiendo personis, Civitatibus, & Locis Lombardiæ, & Marchiæ, & Romaniolæ, sub debito sacramenti & fidelitatis, publice & privatim, bona fide, ut Nobis ad hoc perficiendum & efficax consilium & auxilium præbeant. Si autem infra terminum constitutum aliam fortiam, quam modo habemus, in Lombardia, Marchia, & Romaniola habuerimus; eam ad hoc perficiendum bona fide adhibebimus. Et si infra terminum constitutum id facere nequiverimus; ad idem perficiendum secundum prædictum modum teneamur cum primum poterimus, quousque reædificetur. Siqua autem persona, Civitas, vel Locus, ad hoc perficiendum aliquod impedimentum, ne id fiat, præstare præsumpserit; eum, eosve; vel eas, per districtum sacramenti & fidelitatis, qua nobis tenentur, prohibemus. Et si propter hoc non acquieverint; eos casve in banno publice mittemus, quousque digne satisfecerint. Et si satisfacere distulerint; per sacramentum & fidelitatem proximis Civitatibus Locis & personis præcipientur, ut eis guerram faciant. Similiter faciemus jurare Regem Henricum filium nostrum ad terminum, quem Consules Mediolani constituent CONSILIO CREDENTIÆ SUÆ, quod Cremam manutenebit bona fide, sicut & Nos de ea bona fide manutenebimus iurari fecimus. Manutenebimus autem Cremam hoc modo, & ea ope, sicut dictum est de reædificatione facienda. Eo addito, si fuerimus ultra Montes, quod bonum nuncium & litteras mittimus pro simili adiutorio præstando, & impedimento inhibendo, cum inde fuerimus requisiti. Patet quoque & iuramenti formam, quod Mediolanenses Nobis & Filio nostro Romanorum Regi facere debent, præsentis Paginæ duximus inserendam. Curabunt, quod bona fide & sine fraude adjuvabunt Nos & prædictum Filium nostrum manutenebimus Imperium in Lombardia, Marchia, & Romaniola: & manutenebimus omnes possessiones, iustitias, iura, & rationes, quas habemus in Lombardia, Marchia, & Romaniola: ET SPECIALITER TERRAM QUONDAM COMITIS SÆ MATILDIS. Si quas etiam possessiones, iustitias, iura, & rationes in prædictis Terris, scilicet Lombardia, Marchia, & Romaniola, ET NOMINATIM DE TERRA QUONDAM COMITIS SÆ MATILDIS, amiserimus, adjuvabunt Nos bona fide recuperare; & hoc contra omnes Civitates, Loca, & personam quamlibet Lombardiæ, Marchiæ, & Romaniolæ. Eo tenore, ut si Nos aut Filius noster Rex Henricus aliquando (quod Nobis licere nolumus) contra Concessionem seu Permissionem factas personis, Civitatibus, seu Locis Societatis, sicut in tenore Pacis continetur, venire voluerimus; Mediolanenses non teneantur hoc sacramento nos adjuvare. Et si aliqua persona, Civitas, vel Locus Societatis contra hoc fecerit, quod Nobis & Filio nostro Regi Henrico in Pace convenerunt; teneantur Mediolanenses Nos adjuvare & Filium nostrum Regem, usque quo venerint ad congruam satisfactionem. Item jurare debent, quod non facient specialem societatem cum Civitate, Loco, vel persona, de Lombardia, Marchia, & Romaniola, absque consensu nostro, vel Regis Henrici Filii nostri. Item Consules ET CREDENTIA jurabunt, quod bona fide & sine fraude dabunt Nobis & Filio nostro Henrico Regi rectum consilium de illis negotiis, de quibus ab eis postulabitur a No-

A bis, vel a Filio nostro Rege Henrico, per Nos, aut certum Nuncium nostrum, aut nostras litteras: nec per fraudem se subtrahent, quin illud dent. Et hoc sacramentum facere debent Mediolanenses a decem & octo annis supra, & a septuaginta infra, bona fide & sine fraude, qui consueverunt sacramenta generalia facere. Et eos, qui non jurabunt propter minorem ætatem, facient jurare cum fuerint maiores in quinto anno, si requisitum fuerit. Et renovabunt in singulis decenniis hæc sacramenta etiam illi, qui fecerint, cum requisiti fuerint a Nobis, vel a certo Nuncio nostro. Et ibi statim in conspectu nostro Consules Mediolani, quos Commune ad hoc destinavit, juraverunt, ut supra de eorum sacramento continetur: hi videlicet: Pinamons de Vicomercato, Heriprandus Judex, Adobadus Bultrafus, Ugo de Camerario. Hoc amplius facient Socios suos ET CREDENTIAM intra octo dies postquam Mediolani fuerint, jurare, ut supra, & alios Cives Mediolanenses, cum inde a Nobis vel nostro Nuncio fuerint requisiti. Alii quoque Legati, qui cum eis erant, supradictum iuramentum juraverunt sine prædicto additamento. Hi videlicet: Rugerius Vicecomes, Arnaldus de Mariola, Guillelmus de Ossa, Ardericus Judex de Bonate, Otto Cendararius, Alchierius Bonusvicinus. Interfuerunt huic factio Guillelmus Astensis Episcopus, Vala Pergamensis Episcopus, Conradus Lubiciniensis Electus, Obertus Modoetienensis Archipresbyter, Fredericus Præpositus Argentine, Frater Tidericus de Silva Benedicta, Chunradus Dux Spoleti, Chunradus Marchio Anconitanus, Gerardus Comes de Los, Conradus Castellanus de Nürimberch, Simon Comes de Spanheim, Dipoldus Comes de Leisgemide, Bertoldus Italiæ Legatus, Vamerus de Bonlaude, Henricus Dapifer, Conradus Fincerna, Henricus Marschacus de Luitra, Domertus Bentzonis, Rogerius de Ofio, Benso Boni senioris, Consules Cremensium. Signum Domini Federici, Romanorum Imperatoris Invidiissimi.

Ego Godfredus, Imperialis Aule Cancellarius, vice Domini Philippi Colonienensis Archiepiscopi, & Italiæ Archicancellarii, recognovi.

Anno Regni ejus trigesimo tertio, Imperii vero trigesimo primo.

Actum Anno Dominice Incarnationis Millesimo centesimo octuagesimo quinto (non autem octuagesimo quarto, sicut hallucinatus est Bernardinus Corius) Indictione tertia, regnante Domino Frederico, Gloriosissimo Romanorum Imperatore Augusto.

Datum apud Regium per manum Rudolphi, Imperialis Aule Protonotarii, tertio Idus Februarii feliciter. Amen.

DLXXXVIII. Hactenus Privilegium Friderici, erga Mediolanenses jam tandem ex infensissimo humanissimi. Quoniam vero in ipso CONSILIO CREDENTIÆ atque CREDENTIAM nominari conspeximus; nosse præstat, quid ea significant. Congeries Artistarum (inquit Gualuanus Flamma in Chronico Majori, Cap. 82.) dicta CREDENTIA, sibi ex Nobilibus præfecerunt Tribunal, quem CAPUT POPULI appellaverunt. Publicus itaque fuit in Urbe Magistratus. De quo legi etiam commode potest Carolus Sigonius De Regno Italiæ Anno Christi Nongentesimo septuagesimo tertio, Millesimo quadragésimo primo, tum etiam centesimo postea sexto, prope initium Libri Decimi.

DLXXXIX. Superioris fecerat Privilegii mentionem Trifstanus Chalcus, cum ita prosequitur: Per idem tempus Algisius Pirovoneus, Archiepiscopus Mediolani, tertio Kalendas Aprilis moritur: sepultoque in Majori Aede, ut moris est, sufficitur Ubertus, nobili & vetusta Cribellorum familia Mediolanensi oriundus. Qua quidem in re Chalco etiam ii multum suffragantur Scriptores, quorum testimonio Algisius octo annos ac totidem vel etiam novem menses Archiepiscopalem hanc Sedem obtinuisse asseritur. Ejusmodi sunt qua-



quatuor illi nostrorum Archiepiscoporum Catalogi, quos pluries adhuc in testimonium adduximus: primus videlicet insertus Actis Ecclesiae Mediolanensis: secundus a Metropolitano Archipresbytero, tertius ab Urbis Secretario nobis commodatus: quartus autem qui post Beroldi Adnotamenta subsequitur. Sic etiam Chronicon Flos florum fol. 152. pag. 1. Donatus item Bossius in suo Archiepiscoporum Catalogo, Joannes Franciscus Besutius in sua Historia Pontificalli. Paulus vero Morigia sicut etiam forte sensit, cum novennem Algisio Archiepiscopatum adscribebat. Anno igitur supra Milleimum centesimum septuagesimo sexto, decima octava die Aprilis obiit sanctus Galdinus, quemadmodum Num. 543 ac 544. videbamus. Fortasse vero Algisius etiam intra mensem postea subiectus illi fuerat, ut Num. 548. & 550. innuimus. Quod si praesenti quoque Anno octuagesimo quinto, trigesima die Martii, ut Chalchus scribebat, occubuit, jam profecto satis liquet, quam prope ad hanc ejusdem Chalci sententiam Scriptores illi accesserint. Hanc utique nos etiam deinceps sequemur.

DXC. Antequam tamen ulterius progrediamur, operæ pretium erit subsequentem Algisii querimoniam, & Mediolanensis Ecclesiae per hæc tempora consuetudinem recentere. Quod enim primus ac secundus testis (Honestus videlicet de Cosenigo, & Manfredus Oculi Blanci) pro Canonicis in eo Processu, quem, Anno Milleimo ducentesimo ac ducentesimo primo confectum, aliquoties jam nominavimus, examinati, attestabantur quidem, at non ita expresse: hoc ipsum decimus sextus Testis pro Monachis examinatus, Petrus de Garlate, Metropolitanæ Lector, his præcise verbis jam fuerat testatus: Item dixit, quod consuetudo talis est Mediolanensis Ecclesiae: Quod Decumani omnes, aut pars major, QUI SUNT DE NUMERO CENTUM (intra quorum consortium Ambrosianos Officiales rogatu Petri Abbatis receperat Thado Archiepiscopus Num. 115. & 119) veniunt ad Ecclesiam Majorem, antequam Missa Major ibi incipiat, in Dominicis diebus & præcipuis Festivitatibus, ET AD PORTANDAM ARCAM ET IDÆAM. Interrogatus, quomodo scit; respondit: Quia vidi illuc venire multoties PRÆPOSITUM SANCTI AMBROSII, Præpositum Sancti Nazarii, & Sancti Naboris, & Sancti Stephani, & aliarum Canoniarum Mediolani cum Fratribus suis (seu Canonicis) aut cum magna parte eorum, a decem annis supra; sed modo raro veniunt. Unde, sicut credo, vidi DOMINUM ALGISIUM ARCHIEPISCOPUM in Presbyterio admodum corrigere illos, QUIERANT DE NUMERO CENTUM, & alios; quia non veniebant in Dominicis diebus & solemnibus Festis ad Majorem Ecclesiam, & ad Annualia Mortuorum; sicut debebant. Hæc ille. Quippe tunc in Ecclesia Metropolitana non ea refidebat Ministrorum copia, quæ talium dierum celebrati sufficeret. Ejusmodi vero etiam consuetudo nobis ex eo deducta videtur, quod olim Ecclesiae Metropolitanæ Decumani simul essent talium aliarum Urbis Ecclesiarum Officiales; uti Num. 227. differuimus. Ea vero IDÆA erat Beatissimæ Virginis imago, quam gestatoriae Arcæ super positam Ministri suppositis humeris deferebant ab Ecclesia Hyemali ad Aestivam: cujus Arcæ simul & Idææ lapideam effigiem videre nunc etiam datur in fronte Ecclesiae Sanctæ Mariæ BELTRADIS.

DXCI. Fridericum, ab Urbe Regiensi, ubi tertio Idus Februarii superius dederat Privilegium, non multo post Mediolanum venisse, luculenter e proximo constabit Privilegio, quod ille quarto Nonas Maji Ambrosiano Monasterio indulgit; cum apud hoc ipsum esset hospitatus. Archetypum ejus exemplar nos quidem nullum adhuc invenire potuimus.

A Sed ex eo tamen rite autenticata nobis suppetunt duo: & unum quidem Anno Christi supra Milleimum trecentimum undecimo, alterum vero decimo nono: illud octavo & vigesimo Januarii die, hoc autem vigesimo tertio Februarii. Quanta vero Fridericus huc veniens fuerit ad purum ac sincerum exceptus animorum alacritate, quam effusa prodigaque benevolentia, quantoque apparatu, nobis quidem vel e superiore ipsius Privilegio satis intelligi datur: cui gratis & ingentibus absque dubio animis respondere Mediolanenses voluisse, quo quis prætextu inficiari ausit?

B DXCII. Quod autem in præsens pollicemur Privilegium, ita prorsus se habet:

C IN NOMINE SANCTÆ ET INDIVIDUÆ TRINITATIS. FEDERICUS, DIVINA FAVENTE CLAMENTIA, ROMANORUM IMPERATOR AUGUSTUS. Circumspecto sane deliberationis Imperatoriae Majestatis nostræ inter varia Christianæ professionis vota & opera ex officio a Deo nobis credito potissimum proficere judicat ad salutem animarum, Ecclesiarum Dei reverentiam bonorumque suorum diligentem observantiam, & prosperitatem utrorumque felici statu juris sui liberaliter promulgatam, quatenus dum ad pedes Domini vitam æternam Maria contemplantur, Martha exteriorum administratione valeat illam opulentiùs adjuvare. Ea propter cognoscat tam præsens ætas Fidelium Imperii, quam successura posteritas quod NOS, PRUDENTER ET PIE CONSIDERANTES HONESTATEM MODESTIAM ATQUE RELIGIONEM COENOBII BEATI CONFESSORIS ET DOCTORIS AMBROSII BEATORUMQUE MARTYRUM GERVASII ET PROTASII, AC INTUITU DIVINÆ RETRIBUTIONIS PRO SALUTE ANIMÆ NOSTRÆ DIVA PRÆDECESSORUM NOSTRORUM REGUM ET IMPERATORUM VESTIGIA DIRECTO TRAMITE SEQUENTES, & autenticis eorum Largitionibus auctoritatem Majestatis nostræ perempniter adhibentes, AMBROSIUM VENERABILEM ABBATEM EJUSDEM LOCI (Beltramo videlicet jam substitutum) & personas ibidem divino cultui mancipatas & in futurum mancipandas, ET IPSUM MONASTERIUM MEDIOLANENSE, juxta Murum situm, Cum Claustro, PALATIIS, domibus, officinis, & cum omnibus castis & terris usque ad Muros Civitatis, sicut murorum ambitu circumdatum esse videtur, & ECCLESIAM SANCTI MICHAELIS CUM PAROCHIA ET HOSPITALI, & insuper omnia, quæ præfatum Monasterium ad jura nostræ Dominationis pertinentia, nunc & antea de nostræ largitione liberalitatis obtinuit, vel aliunde juste & rationabiliter acquisivit, vel in posterum quibuscunque locis mobilia seu immobilia justo adeptionis titulo obtinere poterit, sub protectione Imperatoriae Majestatis nostræ suscepimus: & tantummodo ad usum atque sumptum Deo servientium inviolabiliter corroboranda confirmamus. Quæ ad lucidioris evidentie certitudinem suis censemus exprimenda vocabulis: ECCLESIAM videlicet SANCTI SATYRI INTRA CIVITATEM CUM PAROCHIA & possessionibus suis: item MONASTERIUM AURONÆ cum omni providentia & regimine, quod Engelberga olim Imperatrix devotissime obtulit in ipsum Monasterium: CURTEMQUE DE PASILIANO cum suis pertinentiis, cum tribus Ecclesiis in ipso Loco, & una in Castaneto de ipsa Curia, cum omni honore, cum districtis, & teloneo, & fodro, cum servis & ancillis ac famulis, cum egressibus & ingressibus, silvis, pascuis, vineis, pratis, ripis, ripaticis, omnia in integrum cum omni subjectione: item possessiones DE TURIGLA cum Ecclesia, & tertia parte decimæ, & quicquid juris habet in villa de Ledegiano: CURTEM DE MONTE cum duabus Ecclesiis, cum servis, ancillis,

vineis, pratis, campis, silvis, atque molendinis, piscationibus, ripis, ripaticis, paludibus, montibus, collibus, vallibus, planitiis, & omnia in integrum cum districto & fodro, & cum omni subjectione: CURTEM DE FELICIANO cum omnibus ad se pertinentibus. Quas duas Curtes prædecessores nostri felicitis memorie LOTHARIUS ET UGO REGES de propria hereditate sua pro anima Matris eorum PERTHA eidem Monasterio contulerunt: item possessiones IN SARMAZA: CURTEM DE CIRAXOLA cum octuaginta tribus mansis, cum omni honore, silvis, pratis, pascuis, cum Ecclesia una in honore Sancti Ambrosii, cultis & incultis, ingressibus & egressibus, aquis aquarumque conductibus, omnia in integrum: IN EPISCOPATU VERCELLARUM ECCLESIAM DE QUINTO cum suis possessionibus, ET IN CASTRO IPSIUS LOCI ECCLESIAM SANCTI PETRI cum decimis, primitiis, possessionibus suis: IN CIVITATE PAPIÆ DUAS ECCLESIAS, unam in honorem SANCTI SYRI, alteram in honorem SANCTI PETRI, cum omni providentia & regimine, terram quoque & casas in ipsa Civitate: item IN IGNIANUM cum omni honore & districto, cum ripis & molendinis: IN BADELLO mansos quatuor, cum quarta parte honoris de castro villa territorio: IN CLAVEIS mansos quatuor; item possessiones IN BARADEGLO ET DOMINICASCHO: CELLAM DE CASTERNO cum possessionibus suis, districto, & molendinis: CELLAM SANCTI SEPULCHRI cum omni honore, cum servis, ancillis, famulis, cum possessionibus, piscationibus, districto, & cum omnibus ad eam pertinentibus: item possessiones IN SAMARAGO cum honore, districto: IN LEXIA mansos octo: CURTEM DE CAMPILIONE cum tribus Ecclesiis, & una in Canobio, cum omni honore, cum servis, ancillis, famulis, rupibus, alpibus, piscationibus, districtis, albergariis, pratavia, & omnibus ad se pertinentibus in integrum: CURTEM DE DUBINO cum Cella, & cum mansis de Valcellino, qui ad eandem Curtem pertinere dignoscuntur, cum omni honore, cum servis, ancillis, famulis, possessionibus, piscariis, venationibus cum districto, & albergariis: CURTEM DE LEMONTA cum Cella una, cum omni honore, servis, ancillis, pascuis, & piscationibus, albergariis, cum districto, fodro, & omnibus ad eam pertinentibus in integrum, & quicquid juris habet in pescaria pescali: DISTRICTUM ETIAM DE CAPIATE, & quicquid iuste possident in ea Curte: Item CELLAM SANCTI DAMIANI cum possessionibus suis, molendinis, ripis, insulis: Item COLLONIAM cum omni honore, districto, fodro, albergariis, molendinis: Item ANTIZIAGO cum omni honore, servis, ancillis, famulis, districto, fodro, albergariis, cum Ecclesia, & decimis: Item terram de PASCARIOLO: ECCLESIAM SANCTI PETRI AD SALAM cum terris suis, Parochia, & decimis: CELLAM SANCTI SYRI AD VEPRAM, cum Parochia, decimis & possessionibus suis, molendinis, ripis, pratis, pascuis, aquis, aquarumque decursibus, cum omnibus ad se pertinentibus: OLEODUCTUM cum Ecclesiis duabus, cum omni honore, servis, ancillis, famulis, cum fodro, districto, tertia parte decimæ: Item VILLAM ALBAM cum possessionibus suis, cum districto, & cum omni honore. Statuimus quoque, & Imperiali auctoritate sancimus, ut nullus omnino in posterum Abbas, vel Prior, vel etiam totus ejusdem Cœnobii Conventus, aut aliquis publicæ seu private functionis Missus, vel quæcunque extranea seu domestica persona, ex prædicti Cœnobii possessionibus, mobilibus aut immobilibus, fictum, censum, seu fundum, parvum vel magnum, aliqua occasione alicui dare, præstare, vel solvere, aut aliquo modo a Fratrum & pauperum usibus aliquod alienare præsumat. Et quicquid de jam dictis incommunitatibus ante nostra tempora intro-

A ductum fuerit, nostra Imperiali auctoritate tamquam rem, quæ contra omnem honestatem irrepperit, execramur, & in irritum revocamus, & perpetuo interdicto condemnamus. Sed liceat Abbati, ac Dei Servis sub ipso degentibus, ad suam & pauperum sustentationem, omnibus in integrum ejusdem Cœnobii justis possessionibus libere frui & quiete, sine omnium hominum contradictione; ita quod nullus præter nostram Imperialem Majestatem, magna vel parva seu mediocris persona, Episcopus, aut Archiepiscopus, Dux, sive Marchio, Comes, vel Vicecomes, Castaldio, seu Advocatus, vel Civitas, seu quilibet publicæ vel private functionis Missus, fodrum, vel datum, sive viaticum, censum, vel aliquod, sine Imperiali auctoritate jus albergariæ, vel convivii, vel cujuscumque servitutis, vel aliquod omnium, quæ ad ejus Cœnobii gravamen & injurias aliquo modo spectare videantur, in ipso Cœnobio, ejusve possessionibus, parvis vel magnis, mobilibus sive immobilibus, intrinsicis sive extrinsecis, de cætero requirere, petere, aut exigere, vel etiam ullam in ipsis parvam seu magnam ulla occasione aliquid consirvendi ordinandi disponendive potestatem usurpare præsumat. Nos enim ipsum Cœnobium cum ejus Cœnobijs ac possessionibus universis, quas de nostræ Concessionis largitate nunc habeat, aut in posterum acquirat, nostræ tantummodo Serenitatis regimini, nostræque Clementiæ dispositioni per omnia subiacere decernimus; ut noster tantummodo Missus, ad hoc specialiter directus, in quibuscumque sibi a nobis injunctis nostra ibi vice fungatur. Abbati vero, Fratribusque religiosis sub ipso degentibus, omnino religiose ibi sub nostræ protectionis munimine vivere, & possessiones, remoto omni alienationis modo, ad usus Deo ibi servientium, & egenorum sustentamentum, utiliter ordinare & disponere concessimus: confirmantes prædicto Cœnobio quicquid per emptionem, vel donationem, seu commutationem, per libellum aludii legaliter possidere videntur. Si quis itaque, quod absit, temerario ausu contra hujus nostri Imperialis Edicti Paginam aliquid agere, aut, quod semel a Nobis statutum est, & corroboratum, infringere attemptaverit, mille libras auri puri pro pœna componat; quarum medietatem Cameræ nostræ, & medietatem injuriam passis. Ceterum supra dicta omnia, quæ Venerabilis Ecclesia Sancti Ambrosii in præsentiarum tenet, vel de cætero per successiones temporum liberalitate Imperatorum & Regum, Largitione Pontificum, oblatione Fidelium iuste & rationabiliter poterit adipisci, præsentis Privilegii auctoritate confirmamus; salva in omnibus Imperiali iustitia, quam Nos solummodo & Romani Imperatores IN IMPERIALI COENOBIO SANCTI AMBROSII perenni jure tenere, vel possidere debemus. Quod ut verius credatur, & perpetua stabilitate ab omnibus observetur, præsentem inde Chartam conscribi, & Sigilli nostri impressione jussimus insigniri. Hujus rei testes sunt Martinus Milnensis Episcopus, Vuilielmus Astensis Episcopus, Albriginus Regius (aliter Reginus) Episcopus, Hildebrandinus Volterranus Episcopus, Ubertus Archipresbyter Modoetiæ, Lupoldus Dux Austriæ, Comes Gerardus de Los, Comes Simon Spanheim, Albertus Abbas Sancti Benedicti super Padum, Vinsfredus Abbas Sancti Salvatoris, Martinus de Castello, Diapoldus Comes de Leesgemnde.

E Signum Domini Frederici Romanorum Imperatoris Invisibilissimi.

Ego Gotefredus, Imperialis Aula Cancellarius, vice Philippi Colonienfis Archiepiscopi & Italiæ Archicancellarii, recognovi.

F Acta sunt hæc Anno Dominicæ Incarnationis Millesimo centesimo octuagesimo quinto, Indictione tertia, Regnante Domino Frederico Romanorum Imperatore Gloriosissimo, anno Regni ejus trigesimo quarto, Imperii vero trigesimo. Datum Mediolani apud idem Monasterium quarto Nonas Maji. Feliciter. Amen.

DXCIII. Hactenus hoc item alterum Friderici Pri-

Privilegium. Cujus in extremo si quis fortasse dubius haret, quia datum istud dicatur anno Regni ejus trigesimo quarto; cum superius alterum diceretur datum trigesimo tertio: & tamen utrumque pariter asseratur datum Imperii anno trigesimo primo; meminerit ille, *Fridericum* mense Martio creatum fuisse Regem, atqui Junio coronatum a Romano Pontifice Imperatorem; uti jam vidimus Num. 406. 410. 412. & 462. Hoc igitur posterius Privilegium, sicuti quarto Nonas Maji datum, sic etiam vere datum fuit inchoato jam trigesimo quarto Regni ejus anno, sed adhuc perdurante Imperii trigesimo primo. Quamobrem nulla sine dubio hic extat contradictio.

DXCIV. Quod si *Fridericus* olim *Ambrosianum* istud Cœnobium & Basilicam Corporibus Sanctorum *Protasii* & *Gervasii*, vel etiam *Ambrosii*, tanto nimirum thesauro, spoliasset; nobis quidem dubium non videtur, quin longe aliter de Cœnobio ipso ac Basilica locuturus nunc fuisset, aliterque divinæ retributionis intuitu pro salute animæ suæ se gesturus, ut diva prædecessorum suorum Regum & Imperatorum vestigia recto secutus tramite re vera dici posset.

DXCV. Ecce vero duplex jam nobis hoc Anno suppetit ex Archivo domestico exemplum, duobus non impar illis, quæ Num. 463. e *Chapevillo*, proferebantur: quibus utique Scriptum illud e *Germania Corio* transmissum contendebamus indignum penitus esse, ut authenticum censeretur; quippe quod ea etiam formula careret, authenticis ejusmodi Scriptis usitata, qua videlicet anni Regni seorsim ab Imperii annis numerari consuevissent; præterquam quod nihil profecto illud authenticum habebat. Congruenter ad ea, quæ tunc nos innuebamus, vide Lector hic tandem, quid initio Voluminis Authenticarum *Justiniani* Legum tradatur de nominis hujus etymologia. AUTHENTICON Græce (sic ibi traditur) Latine AUTHORATUM possis interpretari: hoc est id, cui vel ipsi fides habeatur, quasi accersitis aliunde probationibus haud quaquam indigeat, vel quod a seipso non ab alio dependeat, quasi dicas ORIGINALE. Quemadmodum & Author is dicitur, qui ipse facit, non ab alio accipit: & in quo jus est potestas ac dignitas, nec ab alio pendet. Scite propterea sapienterque *Dominicus* etiam *Gravina* Catholicarum adversus Hæreses Præscriptionum Libro 3. Art. 5. in Conclusionem Catholica sic disserit: Quamvis aliquis, quem non videmus, testificatio ob personæ dignitatem secundum se fidem adstruere possit; tamen quoad nos fidem non habet, nisi talis testificatio sit per testes authenticata. UNDE AUTHENTICUM SECUNDUM OMNEM LATINORUM USUM non accipitur pro eo, quod se ipsum probat, vel ex se habet auctoritatem; SED PRO EO, QUOD MULTORUM ATTESTATIONE COMPROBATUR. Unde testificationes, juramenta, ultimæ voluntates, etiam Regum, eorumque Decreta in Parliamentis, in tantum secundum nos digna fide sunt, in quantum authentica sunt & multorum testium, aut sigillo authentico comprobata; etsi ratione personarum tam sublimium summam in se habeant auctoritatem.

DXCVI. Concilium, five potius Colloquium illud, cui Pontificem simul & Imperatorem Anno superiore *Sigonius* existimavit *Veronæ* interfuisse, cujus gratia Imperator illuc pridie Kalendas Augusti accesserit: id ipsum merito *Baronius*, *Albertum Krantzium* Lib. 6. (non Metropolis, sicut apud ipsum in ora marginali male citatur, sed *Saxonie*) cap. 46. in fine & 47. secutus, affirmat hoc ipso Anno quinto & octuagesimo habitum fuisse. Quocirca hæc, quæ *Sigonius* in superiorem illum Annum subinde conjiciebat, nos constanter in præsentem transferimus: *Fridericus* tertio Nonas Novembris adhuc in *Villa San-*

cti Zenonis prope *Veronam* fuit. *Verona* inde digressus *Mediolanum* accessit: atque ibi magno rerum apparatu *Henricum* filium, qui se subsecutus advenerat, per *Lambertum Archiepiscopum* (nobis *Ubertum*) Regem *Italiæ*, faventibus *Mediolanensibus*, coronavit. Qua de re *Gualuaneus* item *Flamma* in *Chronico* Majore Cap. 298. sic tradit: *Fridericus Barbarubea* Imperator, de *Alemania* exiens, intravit *Italiam*. Et perveniens ad *Civitatem Mediolani*, cum mirabili honore receptus est. Et post aliquot dies venit *Henricus* filius ejus Rex *Alemanie*: & petiit coronari per *Archiepiscopum Mediolanensem*. ARCHIEPISCOPUS

UBERTUS DE CRIVELLIS IPSUM INCORONAVIT IN ECCLESIA SANCTI AMBROSII. Hæc ibi *Gualuaneus*. At in *Manipulo Florum* Cap. 210. & 212. eadem refert. *Henricum* ceteroqui narrat ab *Algiso Pirovano* coronatum: nec aliter *Donatus Bossius* in *Chronico Mediolanensi*, & *Ludovicus Cavatellius* in *Annalibus Cremonensibus* ad Annum superiorem octuagesimum quartum (ubi eum appellat *Aloysium*) arbitrantur. Catalogus vero Actis Ecclesiæ *Mediolanensis* insertus, itemque alter *Successores Sancti Barnabæ* inscriptus, id ipsum *Miloni*, qui postea *Uberto* successit, adscribere videntur; ut suo postea loco recitabimus. De *Algiso* nulla quidem jam nobis haret ambiguitas. At neque *Uberto* potius, quam *Miloni*, adjudicare audemus; tanta brevitatis temporis ab eo effluxit, quo *Fridericus Mediolanum* ab *Urbe Verona* venisse potuit, ad illud usque tempus, quo *Ubertus* ad *Romani* Pontificatus fastigium evectus est. Etenim si tertia Novembris die *Fridericus* adhuc apud *Veronam* morabatur; certe *Ubertus* sub ejusdem mensis finem *Lucio* Papæ Tertio *Veronæ* defuncto ac tumulato suffectus statim fuit, cum ipse jam ibidem consisteret. Consulatur inter alios *Baronius* hoc Anno Art. 11. & rursus Anno subsequente Art. 1. & 2. Quid, quod etiam juxta ea, quæ mox ibidem Art. 3. recitantur, *Fridericus* ne interim quidem ab *Urbe Verona Mediolanum* venisse videtur? *Veronæ* sic etiam *Lucius* Papa Imperatori responderat, se nolle Imperialem Coronam *Henrico* imponere, nisi eam *Fridericus* ipse prius deposuisset; sicut idem *Baronius* Articulo mox 4. recitat ex *Arnoldo Lubecensi*. Eandem pariter ob causam *Ubertus* ipse postea factus Pontifex (sicut ex eodem *Arnoldo* legitur apud *Baronium* altero subsequenti Art. 3.) talem illam Coronationem detrectabat. Dicebat enim, UT A SUO PRÆDECESSORE INSTRUCTUS ERAT, quod minime Imperatoris Filium Imperialibus insigniret, nisi ea Pater primum deposuisset. Fortasse igitur (tanquam e Pontificis *Romani* voluntate) ne interea quidem temporis, quo demum *Archiepiscopus* erat, *Regiam Mediolani* Coronam *Henricus* ab *Uberto* accepit.

DXCVII. Inter alios hujus *Ævi* Chronologos *Gotfridus* celebratur *Viterbiensis*: qui, cum Regis olim *Conradi* Tertii, ac deinde *Friderici* Primi Imperatoris, & filii ejus *Henrici* Sexti Notarius esset, *Chronicon*, titulo PANTHEON, conscripserit, ac *Domino* Papæ *Urbano* Tertio, *Mediolanensi* nostro nuncupavit. In fine autem Partis Decimæ septimæ sic ille scribebat: Anno ab Incarnatione Domini Millefimo centesimo octuagesimo sexto, Indictione sexta, sexto Calendas Februarii, REX HENRICUS sextus CUM REGINA CONSTANTIA, FILIA ROGERII REGIS SICILIÆ, NUPTIAS GLORIOSAS CELEBRAVIT MEDIOLANI APUD SANCTUM AMBROSII, ANNO ÆTATIS SUÆ VIGESIMO PRIMO, ANNO AUTEM REGNI SUI DECIMO SEPTIMO. De quibus nuptiis *Gualuaneus* item *Flamma* superioribus illis verbis, per nos proxime recitatis, hæc at-
A.C. 1186
F f 3 ET

ET IN BROLIO SANCTI AMBROSII NUPTIÆ FACTÆ SUNT MIRABILES, die vigesima sexta Januarii: & interfuerunt Prælati & Barones multi. Cremonenses istis nuptiis interesse noluerunt. Ex hoc turbatus Imperator iussit in odium Cremonensium, quod CREMA reedificaretur, & FRIXORIUM CREMONENSIMUM nominaretur. Quo audito, Cremonenses arma paraverunt, omnino impedire volentes, ne Castrum Cremense erigeretur. Imperator præcepit, quod Carrocerum de Mediolano extraheretur: & equitans versus Cremonam, Soncinum consumpsit incendiis, Castrum Manfredi funditus evertit: & ad petitionem Sicardi Episcopi Cremonensis Imperator cum Cremonensibus pacem fecit, & Mediolanum rediit. Hæc ibi Gualuanus. Accipe vero quæ Chronico itidem Flos florum de his nuptiis hunc in modum fol. 153. pag. 2. narrantur: Eodem Anno, in præsentia Frederici Imperatoris tunc morantis Mediolani, Henricus Quintus (aliis Sextus) Romanorum Rex, duxit in uxorem Constantiam, filiam Rogerii Regis Siciliæ: ET FECIT NUPTIAS IN MONASTERIO SANCTI AMBROSII in Calendis Februarii, vel die vigesima sexta Januarii. Et inter alia detulit centum quinquaginta somarios, oneratos pannis aureis, sericis, & barmelinis. ET AMBO, SCILICET SPONSUS ET SPONSA, FUERUNT CORONATI IN SANCTO AMBROSIO, ET IN MO-DOETIA. Et hæc quidem Coronatio videtur ea esse, quam prædicti denique duo Archiepiscoporum nostrorum Catalogi Archiepiscopo Miloni adscribebant, his utique verbis: Henricum Imperatorem una cum Constantia Corona Ferrea decoravit. Qua tamen de re nos aliter sentimus. Persuasum quippe nobis est, Milonem istum ne hoc quidem Anno fuisse Mediolani Archiepiscopum, sed solummodo fuisse postquam Ubertus ipse Cribellus, jamque Papa Urbanus Tertius, e vivis excessisset; sicuti paulo infra ostendimus.

DXCVIII. Quicquid igitur hoc Anno de Coronatione ista sit, ejusmodi saltem nuptias certe credimus hic Mediolani magnificentissime celebratas. Quocirca neque quicquam nos remorantur Arnoldus Abbas Lubecensis in Chronico Slavorum Lib. 3. Cap. 14. & ex ipso Albertus Krantzius Libro 6. Saxonie Cap. 49. vel etiam si fortasse a nobis dissiderent, cum de iisdem nuptiis sic tradunt: Rex, Imperatoris filius, in Italia duxit uxorem, amitam Vuilhelmi Siculi: celebravitque nuptias in confinio Papiensium & Mantuanorum. Quas cum juxta regalem magnificentiam magnifice exhibere voluisset, omnes Nobiliores, non solum de Italia, verum etiam de Theutonicis partibus adesse rogavit. Nobiscum profecto consentiunt etiam Ottho de Sancto Blasio in Appendice ad Otthonis Frisingensis Chronicon, Cap. 28. Gualuanus Flamma in Chronico Majori, Cap. 300. Donatus Bossius, Bernardinus Corius, Tristanus Chalcus (quamquam hi tres in assignando ejusmodi nuptiarum Anno erraverint) præterea Carolus Sigonius, & Cardinalis Baronius in hunc ipsum Annum. Apud quem Baronium ab Artic. 25. pluribus convictum fabulæ invenies argumentis, quod apud plerosque neotericos Rerum Scriptores pervagatum jam est, Constantiam istam olim fuisse Monialem.

DXCIX. Sed profecto nuptias istas hic celebratas fuisse domesticis etiam testatum Tabulis habemus: ac eo nominatim Processu, cujus etiam mentionem paulo ante faciebamus. Tertius enim Testis pro Monachis interrogatus, Dominus Petrus Sapa, Monachus & Diaconus ejusdem Monasterii, enumerans, quemadmodum multoties aureum in hac Basilica Altare vidisset a Canonicis ex voluntate Abbatis ad-aptum, sic etiam traditur testatus: Illud item totum vidit similiter in tempore Abbatis Ambrosii (qui quidem hoc tempore Abbas erat, ut jam vidimus, ac rursus

A) postea videbimus) & tantum plus, quod vidit illud Altare ab eodem Burro Presbytero aperiri ILLA DIE, QUAM NUPTIÆ REGIS ANRICI FACTÆ FUERUNT. Et paulo post: Item testatur, quod, antequam factus fuisset Monachus, cum esset puer, & venisset ad festum Beati Ambrosii, sicut faciunt pueri, inveniebat Ecclesiam Beati Ambrosii revestitam & ornatam palliis & cortinis: & postquam factus fuit Monachus, non vidit eam revestitam ANTE (subintellige quam) FUIT TEMPUS FACIENDI NUPTIAS DOMINI ANRICI; REGIS; quia Ecclesia illa desuper erat impedita blasæ Communis. TEMPORE VERO NUPTIARUM ILLARUM Presbyter Burrus cum aliis Canonicis eam revestierunt & ornaverunt cortinis & palliis, sicut vidit. Hæc ipsa vero confirmat etiam postmodum Quartus Testis, Dominus Ubertus ejusdem Monasterii Monachus & Sacerdos. De quo præterea sic legitur: De apertione Altaris idem per omnia de testimonio, quod Dominus Petrus Sapa; excepto, quod non vidit illud aperiri pro aliquo extraneo (quod sciat) nisi semel cuidam Archiepiscopo Ultramontano ad petitionem Abbatis Ambrosii TEMPORE NUPTIARUM DOMINI ANRICI REGIS; quia nempe Archiepiscopus iste post primam & celebriorem illam nuptiarum diem supervenisset. Denique vero duodecimus Testis, Dominus Guido Monachus, inter cetera sic etiam respondit: Non vidi, quod aliquis requireret Canonicis revestire Ecclesiam; sed ipsi Canonici revestiverunt per se, vel nuncios suos, Ecclesiam Beati Ambrosii, QUANDO IMPERATOR ANRICUS FECIT NUPTIAS IN MONASTERIO, SEU IN BROLIO (Corius etiam sic loquitur) BEATI AMBROSII. Porro BROLIUM nobis idem est ac VIRIDARIUM: & quia Nazariana & Stephaniana Basilicæ intra publicum sitæ stabant Civitatis Viridarium; iccirco in præsentem usque diem Sanctorum Nazarii & Stephani IN BROLIO nuncupantur. Suum igitur ac peramplum Ambrosiano quoque Monasterio cohærebat Brolium, quod Sigonius hoc ipso Anno SANCTI AMBROSII HORTOS, Donatus Bossius POMARIUM appellat: nuptiæque illic itæ sexto Kalendas Februarias celebratæ fuerunt; neque tamen sub aperto cælo (vel ipsa enim temporis hyberni vetabat asperitas) sed in Palatio inibi citra omnem dubitationem opportuno; nec enim nobis aliter opinandum videtur.

DC. Otthonis porro Frisingensis Chronicon ad finem Libri Septimi Caput denique habet, in quo hæc etiam leguntur: His etiam diebus prædictus Imperator Fridericus Henricum filium suum regia dignitate sublimavit: eique Puellam nobili genere procreatam, Rogerii scilicet & Vuilhelmi Apulensium Principum filiam, copulavit: NUPTIASQUE IPSIUS MEDIOLANI REGALI GLORIA MULTAQUE POTENTIA PERPETRAVIT. Hoc utique Caput nobis favet, cujuscumque Chronologi sit. Etenim, Otthonis non esse, compertissimum est, tum ex Capite superiori, tum etiam ex eo, quod multos ante annos ille procul dubio jam obierat. Baronius illum Anno Millesimo centesimo quinquagesimo nono obiisse tradit Art. 74. Sic etiam Bellarminus in Libro De Scriptoribus Ecclesiasticis, & Claudius Robertus in Abbatiarum Gallie Nomenclatura, Verbo Morimundum, cujus Abbatiae Tertius olim Abbas ipse fuerat: præterea vero etiam Matthæus Raderus in sua Bavaria Pia, quam Tertio Bavariæ Sanctæ Volumini adjecit; ubi scilicet ipsius Vitam, sane quidem admirabilem, descripsit: nec ab ejusmodi sententia dissentit Chrysostomus Henriquez in Menologio Cisterciensi, suis in Notis ad septimam Septembris diem, qua eum diserte BEATUM nominat, & ADMIRANDÆ SANCTITATIS VIRUM. Tametsi vero nobis hoc ad præsens institutum sufficiat;

ciat; non tamen sufficit compertæ a nobis veritati; quæ proinde placeat, obsecramus, hic a nobis in aperto collocata; cum præsertim de Beato *Cisterciensis* Instituti Præsule agatur. *Otthonem* quippe superiore mortuum esse Anno quinquagesimo octavo, nos quidem pro certo arbitramur. Timueramus vero etiam, ne singularis ac propterea etiam magis errore suspecta esset nostra hæc opinio, nec ullum ante nos haberet assertorem; cum ecce *Matthæo Radero* indice primum invenimus *Vuigelcum Hundium* in Metropoli *Salisburgensi*; deinde vero ex ipsomet *Hundio Joannem* quoque deprehendimus *Aventinum*, damnatæ quidem lectionis Auctorem, at historica ceteroqui eruditione perinsignem. Ipsemet ergo legatur *Hundius*, dum de *Otthone* isto, inter Episcopos *Frisingenses* vigesimo tertio, agit. Nos argumentis præterea idipsum evidenter concludere intendimus. Quoniam vero quæstio hæc e *Radevici* præsertim testimonio tota pendet; nos illud præsertim expendendum proferemus; sed cum ea insuper præmonitione, ut quæ deinceps argumenta nos depromemus e rerum serie quam *Radevicus* in sua Historia servavit, eadem pariter e *Guntheri* Poëmate *Ligurino* (cujus eadem prorsus est series) tacite deprompta censeantur. *Radevicus* igitur Libro Primo demum egerat de prima *Mediolani* oblidione, qua denique *Fridericus* illud in potestatem suam redegerat Anno hujus Sæculi quinquagesimo octavo, ac die Septembris octava; sicut etiam nos Num. 417. meminimus. Post hæc tam exitu ejus Libri, quam initio Secundi, aliquot Capitibus comprehenderat, quæ sæliciter & ex ipsius voluntate gesta fuerant in Curia, sive in Colloquio, quod apud *Roncalias* in proximum Sancti *Martini* festum indixerat, & de quo nonnihil etiam nos diximus Num. 566. & 567. Hæc igitur & alia nonnulla prospere illo Anno per *Fridericum* gesta *Radevicus* ad Caput usque decimum executus, undecimum sic incipit: *Romanus Imperator, etsi in aliis omnibus secunda fortuna usus fuerit; in morte tamen nonnullorum Principum PER IDEM TEMPUS* (de quo videlicet mox dixerat) *ejus sevitiam & cæcitatem expertus est: quorum ut apud posteros nulla celebretur memoria, nobilitas generis, mentis prudentia, & egregie tam animi quam corporis virtutes non permittunt. In numero quorum PRIMUS FUIT OTTHO, FRISINGENSIS ECCLESIE VENERABILIS PRÆSUL, hujus Historiæ* (quam duobus ab eo jam libris elaboratam ipsemet tunc continuabat *Radevicus*) *Auctor: & feliciori sine futuris consummator; nisi, ut quidam incusant, fata virtutibus invidissent. Talia Radevicus. Quæ pariter Guntherus, Poëta contemporaneus, in sui Ligurini, sive de Gestis ejusdem Friderici, Libro Nono sic concinit:*

*Inter successus lætos, & prospera rerum,
Magna repentino Regem jactura dolore
Perculit, & placide turbavit gaudia mentis.
Nam Procerum multi, seu qui sub Principe claro
Castra sequebantur, seu qui sub pace quiescent.
Teutonicas Urbes nataliaque arva tenebant,
Extremum clausere diem. Quo tempore PRÆSUL
ILLE FRISINGUS OTTHO majoris causa doloris
Exitit, ingenio comperta morte Nepoti.
Hic patruus Regis, studiis in utrisque peritus,
Regia signa sequi semper consueverat. At nunc,
Credo equidem revocante Deo, languore gravatus
Manferat, ut medius Fratrum Clerique gementis
Inter lætificos Psalmis modulantibus Hymnos,
Non in Castrorum strepitu ferrique fragore,
Exspirare sacram divini muneris auram
Posset, & Aethereo tandem sua reddere Regi.*

Subsequitur ibidem *Radevicus* paulo post (& hic ulcus, quod ajunt, attingimus) Anno ergo ab *Incarnatione Domini* (nos enim numericis notis, quæ in Co-

A dice impresso extant, errori nempe nimium obnoxiiis, abstinemus) *Millesimo centesimo quinquagesimo nono, Indictione Septima, regnante Serenissimo Imperatore Friderico, anno Imperii ejus tertio, Regni quinto, memoratus Antistes ab hac luce, Deo vocante, migravit &c.* Et initio Capituli duodecimi: *Otthone Episcopo, decimo Kalendas Octobris, quod est circa Solstitium Brumale, defuncto &c.* Sic igitur *Ottho* Anno illo quinquagesimo nono, & vigesima secunda, non autem septima (sicut est in *Menologio Cisterciensis*) Septembris die obiisset. Quid, si vero manifestus error notis illis numeralibus insit? Inest autem profecto; sicuti postea demonstrabimus. Sed rationem istam in universum præmittere lubet. Quæ proximis deinceps Capitibus a *Radevico* narrantur, ea sine dubio post mortem *Otthonis* acciderunt. Quis enim hoc negare ausit? quod meridiano sole clarius est. Atqui eadem sine dubio acciderunt quinquagesimo nono tantum Anno. Igitur ante hunc Annum mortuus jam erat *Ottho*. Vide autem nunc in primis, quid Capite 15. prosequatur. *Friderico* (inquit) *in hybernis agente* (de quibus dixerat Cap. x.) *Adrianus, Romanæ Urbis Antistes, quorundam instinctu ea, quæ jam inter ipsum & Imperatorem apud Augustam sopita fuerant, refricare cæpit, & denuo meminisse, modo Nunciorum suorum injuriam, modo eorum, qui pro colligendo fodro directi fuerant, insolentiam: & Castellanos suorum gravamen incusans, se pro bonis mala suscepisse, Imperatorem beneficiis suis ingratum existere: & cetera, de quibus idem Radevicus agere pergit usque ad Caput vigesimum. Nonne vero isthæc omnia, eodem Baronio teste, in Annum quinquagesimum nonum inciderunt? Sequitur Radevicus, & Capite mox vigesimo primo ita rursus exorditur: Interea cum de Curia Optimatum (sicut eodem Cap. x. jam dixerat) ad singulas Civitates bini vel plures pro constituendis Potestatibus & Consulibus a Principe (Friderico) destinati fuissent; contigit Reinaldum Cancellarium & Otthonem Palatinum Comitem de Bajoaria, sæpe jam memoratas, Comitemque Cozuvinum, Mediolanum devenisse; id negotium in ea Civitate, sicut & in cæteris, jussos promovere. Itaque seditionem illam Mediolanensem commemorat, de qua nos item Num. 419. agebamus, quamque *Ottho* ipse *Morena* excitatam testabatur ejusdem Anni quinquagesimi noni mense Januario. Sed quid inde *Fridericus*? Audiamus itidem *Radevicum* Cap. 23. *Fridericus* (inquit) *in Villa, quæ vocatur ANTIMIACUM, Festivitatem luminum* (hæc a nobis Purificatio Beate Mariæ Virginis communiter appellatur, ac secunda Februarii die celebrari consuevit) *celebrans, cum multi ad eum Hesperiae Proceres confluxissent, dolos atque crudam Mediolanensem superbiam, omnibus notissimam, in medium commemorat, exhibens vultum justis doloris simul & regalis indignationis indicem. Exclamare* (inquit) *cogimur, o Proceres, in auribus vestris &c.* Et prope Capituli ejusdem finem subdit *Radevicus*: *Erant ibi absque Laicis Optimatibus Episcopi, Eberhardus Babenbergensis, ALBERTUS FRISINGENSIS &c.* An certius adhuc argumentum expectamus? Nonne igitur *Albertus* hic ipse nunc coram Imperatore consistens *Otthoni* jam defuncto successerat? Sed adhuc tamen confirmando progrediamur. Imperator auxilia Ultramontanorum sibi asciscit Cap. 26. illicque alacri animo se ad novam in proximo Vere accingunt expeditionem. Sic etiam Cap. 27. Novam Laudam toto tempore Quadragesimæ summo studio communit, vallum immensum extruit, portas & propugnacula disponit. De hinc vero etiam Cap. 29. Anno Dominicæ Incarnationis (& hæc quidem verissima est computatio) *Millesimo centesimo quinquagesimo nono Fridericus Pascha apud Mutinam celebravit: Festoque terminato, in Territorium Bononiense, ubi tunc manebat exercitus, demigrans, adventu suo universos lætificavit. Nempe a**

die,

die, quo Cinis super capita Fidelium poni solet (est autem Feria quarta ante primam Quadragesimæ Domini-
cam) usque tunc, semel tantum ad exercitum venerat, supradictis negotiis occupatus. Reliqua porro multa jam prosequi pudet æque ac toedet. De solo *Adriani* Papæ obitu dicemus. De quo nos Num. 424. *Radevicus* autem Cap. 43. sic habet: *Ea tempestate* (nimirum Anno supra Millesimum centesimum quinquagesimo nono, sicut etiam fatetur Art. 18. *Baronius*) *Adrianus Papa in Kalendis Septembris apud Anagninam diem clausit extremum* &c. Ergone vero postea decimo Kalendas Octobris *Ottho* quoque *Frisingensis* hoc ipso Anno defunctus est? ut proinde quæ *Radevicus* de ipso scripserat Cap. XI. & XII. postponenda sint etiam tempori, quo Pontifex *Adrianus* obiisse hoc ipso Cap. 43. narratur. Nihil minus. Nec enim tam præposterus & perversus narrator erat *Radevicus*. Quocirca reliquum profecto est, ut *Ottho* non quinquagesimi noni, sed quinquagesimi octavi Anni mense Septembri occubuerit: utque propterea fateamur, errorem Capite illo XI. irrepsisse in eum Anni Dominici numerum, & pro quinquagesimo nono legendum esse quinquagesimo octavo. Sed ne ipsa quidem Indictio, nec ipsemet Imperii Regnique *Fridericiani* annus quinquagesimo nono illi Anno ac vigesimæ secundæ Septembris diei cohærere possunt. Septima namque Indictio jam erat inchoata Septembri mense Anni octuagesimi octavi; sicut etiam tunc *Baronius* Art. 8. *Otthonem Morenam* interpretans, disertissime fatetur. Itaque vigesima secunda sequentis intra quinquagesimum nonum Annum Septembris die Indictio pariter octava jam coeperat. Quod si quis de Indictione ambiguus forsan hæret, quia non ita certus sit, quæ præcise Septembris die Indictio inchoaretur; de Regni certe Imperiique anno nihil prorsus erit causæ, cur hæreat. Ut enim pluries adhuc, ac denique Numero 593. monuimus, *Fridericiani* Regni annos ex Anni Dominici supra Millesimum centesimum quinquagesimi secundi mense Martio computari oportet; Imperii vero annos e quinquagesimi quinti mense Junio: idque luculenter utrumque Libro Secundo, Cap. 1. & 22. ab ipsomet traditum fuerat *Otthone Frisingensi*, a quo citra omnem controversiam *Radevicus* ipse nusquam postea dissenfit. Quocirca quinquagesimi noni Anni mense Septembri jam excurrebat Regni octavus, Imperii vero quintus: superiore videlicet ille Martio, hic autem Junio inchoatus. Per hæc itaque convictus aperte itidem tenetur alter etiam hic error, in verum *Radevici* textum illapsus. Vere igitur verax ipsius sententia hæc est: ut *Ottho* mortuus fuerit Anno ab Incarnatione Domini Millesimo centesimo quinquagesimo octavo, Indictione septima (recenter inchoata) regnante Serenissimo Imperatore *Friderico*, anno Imperii ejus quarto, Regni septimo, nec non etiam decimo Kalendas Octobris. Atqui suam ille de *Friderici* Gestis Historiam non ultra Millesimum centesimum quinquagesimum sextum *Christi* Annum profecutus est. *Radevicus* postea, tam ipsius quam *Friderici* jussu, eandem inde prosequi adorsus: cum explicuisset Acta Conciliabuli *Papiensis*, quod pro *Victore* Antipapa celebratum fuit paulo post Januarium Anni Sexagesimi mensē (ut nos jam diximus Num. 425.) tunc intra tempus illud absoluto Libro Secundo continuit: pluraque peritionibus (ut ipsemet in Operis Epilogo loquitur) & magis domesticis ad scribendum relinquens, sese historico huic oneri subtraxit. Quæ quidem cum ita se habuerint; causa profecto, cur *Ottho Frisingensis* & *Radevicus* Chronica sua non perduxerint in Annum postea septuagesimum septimum, quo *Fridericus Alexandro* Papæ *Venetis* tandem reconciliatus fuit, longe alia est, quam quæ *Ripamontio* visa fuit Partis Secundæ Libro Tertio. Certe

A tamen *Ottho* ille *San-Blasianus*, cujus paulo ante facta nobis est mentio, Appendicem suam, *Otthonis Frisingensis* Chronico superadjecit, produxit non ad eum modo Annum, sed ad Millesimum quoque ducentesimum decimum: suoque præterea loco ac tempore (nimirum Cap. 23.) *Fridericum* narravit a *Mediolanensibus* prælio denique superatum, ac subinde *Venetis Alexandro* Papæ reconciliatum; neque tamen uspiam, *Otthonem Friderici* filium navali tunc certamine contra *Venetos* dimicasse, indicavit. Anno autem Millesimo centesimo nonagesimo Chronologus hic florebat, quemadmodum *Christianus* ostendit *Urfutius*, dum in eandem Appendicem, typis a se primum editam præfatur. Hanc utique inter Illustres Germaniæ Historicos primum edidit *Francofurdi* Anno Domini Millesimo quingentesimo octuagesimo quinto. Quæ quidem obiter per hanc occasionem observasse Lectori non displiceat. Nunc ad propositas præsentis Anni octuagesimi sexti nuptias redimus.

DCI. Eas igitur (uti *Gotfridus Viterbiensis*, & ex ipso tot alii Rerum Scriptores affirmabant) *Henricus* Rex anno ætatis suæ vigesimo primo celebravit: quod quidem ipsum *Joannes* quoque *Naucerus* disertissime in eundem Annum fatetur. Superiore igitur tantum Anno sexagesimo quinto editus in lucem ille fuerat; cum alioqui sterilis antehac fuisset Augustalis thorus quo ex tempore primas matrimonii ipse inter se congressi *Ænobarbus* & *Beatrix* tentavere; hoc est, jam inde ab Anno superiore quinquagesimo sexto. Sapienter propterea sibi bene constans *Sigonius* Anno supra Millesimum centesimum septuagesimo jam scripserat: *Paschate inde in Alsatia celebrato* (*Fridericus*) *Henricum filium*, ANNO RUM QUINQUE PUERUM, Regem Germaniæ legi, eundemque per *Philippum Colonensem Archiepiscopum* coronari *Aquis* curavit. Et Anno rursus postea septuagesimo sexto: *Cæterum Filius Friderici*, de quo loquuntur (in superiore Juramento *Lombardi*, contra *Fridericum* fœderati) *Henricus fuit*, Rex Germaniæ, ut supra diximus, designatus. QUI CUM ANNOS UNDECIM ESSET NATUS; facile, quam ætatem agere FRIDERICUS ET OTTHO, POST EUM NATI, potuerint, id est, QUAM MINIME REBUS GERENDIS IDONEAM, viderint ii, qui *Otthonem* ante hæc tempora prælio navali cum *Venetis* conflixisse scripserunt. Itaque viderit hoc etiam *Ripamontius* Libro illo, quem paulo ante nominavimus, Tertio: ubi tempore illius prælii *Otthonem* contendit, non octennem fuisse puerum, sed juvenem annorum fere novendecim: quin etiam tantæ ipsius ætati demonstrandæ testimonia nominatim *Joannis Nauceri*, *Guntheri Poëtæ*, ac *Joannis Saxonis* obtendit. Certe quidem *Naucerus* *Otthonem* censuit armata classe contra *Venetos* tunc pugnasse, victumque tunc etiam fuisse. Sic etiam qui nos *Friderici* e *Beatrice* filios paulo post enumeravit. Sed quoto tunc *Ottho* esset ætatis anno, nusquam explicuit; immo vero, sicuti nuper dicebamus, *Henricum* postea diserte confessus est vigesimo tantum primo ætatis anno tunc fuisse, cum Millesimus centesimus octuagesimus sextus *Christi* Annus excurreret. *Guntherus* autem in sui Poëmatibus *Ligurini*, five *De Gestis Friderici* Libro Quinto, describens illius cum *Beatrice* nuptias, obortos tantum inde filios hunc in modum ex ordine recenset:

Hoc rerum splendore sacros Regina Mariti
Venit in amplexus, Comites Regesque Ducesque
Fœlici paritura thoro: Te maxime, qui nunc
Fortiter Ausonias Urbes HENRICE regendo
Grande Tibi nomen primo nancisceris ævo:
Et Te, Suevorum Duxor FRIDERICE, paterni,
Quod tua facta probant, dignissime nominis hæres:
Te quoque cum magno præclaræ laudis OTHONE

*Insignis CHUNRADE puer: cunctisque minorem,
Sed non dissimilem morum probitate, PHILIPPUM.
Hos equidem partu felici Femina Princeps
Edidit. Et plures generosa forsitan alvo
Terrarum Dominos, longe lateque potentes,
Progenitura fuit; si non florente iuventa
Invida fallaces rupissent flamina Parca.*

Cum igitur Imperatori Friderico e Beatrice statim quique suis mensibus, ut supponitur, nati fuerint *Henricus* primo foetu, secundo *Fridericus*, tertio autem *Ortho*, & sic de reliquis; vel ex ipsa profecto *Henrici* ætate facile potest istorum quoque posteriorum ætas æstimari; dato maxime, quod ejusmodi soboles nullis irritis mensium spatiis provenerit, quemadmodum sibi *Ripamontius* assumit. Sed hæc, ut dicebamus, ille ipse discutiat. *Guntherus* porro ille *Ligurinus* ejusmodi Poëma, sicuti vidimus, conscribat post *Beatricis* obitum (quæ juxta *Ottobonem San-Blasianum* Cap. 27. obierat Anno superiore octuagesimo quinto) sed supersit adhuc *Friderico*, sicut ex ejusdem Operis initio præsertim ac fine liquidiſſime constat. Conscripsit autem illud intra quimestre spatium, posteaquam Poëma item primitus alterum, nomine *Solymarium*, sive De Sacra *Solymorum* Sede, confecisset, atque *Chunrado* quartogenito nuncupasset. Quocirca non procul ab initio Libri Primi sic ipsum alloquebatur:

*Nec Tu, regifico CHUNRADI nomine clarus,
Ac verus virtute nepos, cui federe certo
Nominis & juris succedens, Francona Rura
Herbipolimque regis, PRIMÆ CUI MUNERA
MUSÆ*

*Obtulimus, scriptos SACRA DE SEDE Libellos,
Prætereundus eris; sed & hic quoque nomen habere
Te volumus, partemque novi sacramus honoris.*

In fine autem Libri Decimi, ad ipsummet sui *Ligurinum* conversus, ita etiam cecinit:

*Mox, ubi sit noster SOLYMARIUS ille, requires,
Quem prius INGENUO dedimus leve munus
ALUMNO:*

*Qui sibi te, QUINTO POST SE VIX MENSE
CREATUM,*

*Ac veluti medio projectum ventris aborsu,
Acceſſiſſe novo mirabitur ordine fratrem.*

Ceterum hic ipse *Ligurinus* non ultra excidium *Cremae*, ac dimissos subinde a *Friderico* paululum milites (quoadusque *Mediolani* rursus obsidendi opportunitas adesset) processit; cum alioqui Auctor deinceps etiam reliqua prosequi meditaretur. Hinc ergo paulo ante sic etiam scripserat:

*Et nunc pauca quidem, Sacrae quæ sanximus Aula,
Carmina sufficiant: & respirare Poëtam
Ad tempus liceat, dum bellica signa quiescant,
Grataque dimissus bello fovet otia miles.*

*Mox, ubi sollicitè revocatus in arma redibit,
Nos quoque, belligeras acies & castra petentes,
Interrupta novo repetemus cæpta labore:*

*Cunctaque summatim, SUPERET MODO VITA,
sequentes,*

Continuo quodam suscepta negotia filo

*Propositi memores AD TEMPORA NOSTRA
trahemus.*

An vero ad hæc re ipsa traxerit: hoc quidem hætenus incertum: neque nos alia ipsius Opera præter *Ligurinum* in lucem adhuc prodiiſſe cognovimus. Quod vero *Joannem* quoque *Saxonem Ripamontius* sibi testem asciverat: nos quidem hætenus nihil ejusmodi apud ipsum, sicut neque apud *Saxonem Grammaticum* in *Historia Danica*, invenimus.

DCII. Quam ob causam *Ænobarbus Cremonensis* iratus *Manfredi* Castrum everterit, paulo ante nos diximus. Inde *Chalcus* in hunc ipsum Annum: *Junio* deinde mense Castrum *Manfredum Cremonensis Agri* Caesar adiit: atque ibi jurisdictionem *Mediolanen-*

*sibus ampliavit, integra auctoritate concessa Oppidorum omnium, quæ ab Abdua ad Ollium pertinent. Mox abiens in Germaniam, Henricum filium Italie præfecit. Quibus insuper Sigonius addit: Et Filiam Gulielmo Marchioni Montisferrati in matrimonium collocavit: quæ proinde ceteris quinque filiis supra nominatis connumeranda est. Ejusmodi vero Privilegii luculentam facit mentionem Gualvanus Flamma in Chronico Majori Cap. 300. sed paulo etiam luculentiusculam in Manipulo Florum Cap. 214. ubi verbatim sic narrat: Anno Domini Milleſimo centesimo octuagesimo sexto Imperator Federicus in destructionem Caſtri Manfredi, in Territorio Cremonensium, concessit Civitati Mediolani & Potestati & Consulibus, EX MERA IMPERIALI LIBERALITATE, Rivoltam, Casirate, Agiranelum, Pandinum, Misanum, Verate, Calmenzanum, Arziagum, Paradinum, Turnium, Comazanum, Gardellam, Doveram, Roncadellam, Pradam, Vidalengum, Pagazanum, Carravazium, Potenzo, Bregnanum & omnia alia Loca posita inter Abduam & Lollium. Et tenentur Communitati Mediolani in fodris, coltis & in munitionibus, aliisque rationibus & oneribus Dat. quinto Idus Junii, Anno Regni ejus trigesimo quarto, Imperii vero trigesimo primo (qui quidem Imperii annus postea complebatur decima octava mensis ejusdem die, qua *Fridericus* olim Diademate Imperiali fuerat a Romano Pontifice redimitus) & aurea Bulla communivit. Hætenus Flamma. Conditor autem Chronici Flos florum fol. 153. pag. 2. sic insuper addit: Hæc omnia habentur bullata auro in Sancto Eustorgio Mediolani: ubi scilicet idem Flamma religiosam vitam sub Sancti Dominici disciplina traduxit.*

DCIII. Campanile Novum, ad hanc Sancti *Ambrosii* Basilicam consistens, novo per hæc tempora incremento, & in eam, quæ nunc quoque nobis conspicua est, altitudinis mediocritatem augetur. Debueramus hoc autem superiori potius Anno circiter octuagesimo primo memorare; sed Amanuensis error nos fefellit. Qui enim Processus illos, pluries adhuc a nobis nominatos, ex authentico chartæ pergamenæ exemplari transcripsit in alterum illud, quo nos primum usi sumus, alicubi pro anno vigesimo quintum decimum falso reposuit; neque nos hunc errorem, nisi nunc, urgente jam prælo, animadvertimus; cum prius exemplar ipsum authenticum more nostro inspicere jam tandem voluissimus. Testes igitur per Canonicos producti de hoc etiam præcise interrogabantur: Si ab annis viginti infra fecerunt (Canonici) pro maxima parte extolli ipsum Campanile. Tres autem in hanc sententiam responderunt: Sic, sicut novum opus a veteri discernitur: & hi quidem fuerunt Secundus, Quartus & Quintus. Certe autem non modo tunc temporis, quando ejusmodi Testes de hoc interrogati fuerunt, novum istud ac super extructum ædificium discerni poterat a veteri & olim substructo; sed etiam in præſenti commodissime potest; quippe cum novum istud a plano incipiat circumcirca æquali, & ad cubitos circiter duodenos extollatur. Sub tecto tamen, ubi Campanæ dispositæ sunt, quatuor hujus molis angulos videre licet alte ad sustinendum tectum sic extructos, ut apertissime indicent, molem ipsam nondum esse, quantum destinabatur, absolutam, sed adhuc altius esse attollendam. Quippe aliquanto illic inter se diffiti spatium, e quo sonitus circumquaque audiri possit, sibi porrigunt invicem alternos lateres, continuandi deinceps illic operis indices & hinc inde exceptores, quos Italice MORSA, MORSE, IMMORSATU-RE, RIPRESE, nuncupamus. Hinc vero manifesti convictus erroris tenetur *Joannes Baptista Villa*, multoties adhuc a nobis alibi nominatus, cum de Basilica ista sic scriberet: *Hæc due Torri per Campanili. La piu bella, & meglio fabricata, & piu*

Purcellus.

Gg

gran-

grande, serve per le Campane de Signori Canonici: & delli Reverendi Monaci Paltra. Queste Torri erano altissime; ma per causa del Castello (loquitur de Castro Jovis, quod in eo tractu propinquum est) furono atterrate; si come ancora furono atterrate le Torri delle Campane di Santo Simpliciano, San' Francesco, & San' Marco. Hæc ille. Nos vero de Sanct-Ambrosiani etiam Monachorum Campanilis statu, quo nunc est, aliquid jam diximus Num. 392. pluraque suo etiam tempore dicemus, quibus idem Villa refellatur. De ceteris vero Turribus illis Campanariis, quas Villa tunc dejectas (nimirum ex parte) assererat: ecce tibi, Lector, Testem contemporaneum, cui potius fidem adhibeas. Frater hic est Marius Pizius, ex Ordine olim Humiliatorum Præpositus: de quo inter ejusdem Ordinis Monumenta, necdum typis edita, mihi frequens est mentio ex ipsius apud me Codice manuscripto, versibus Italicis exarato. Cujus in fine nonnulla etiam sui temporis memorabilia sermone soluto, & nostra in Patria tunc temporis usitato, adjecit. Inter alia igitur hoc item: L'Anno del Mille cinquecento cinquanta due, lo ditto Signor' Don Ferrando (loquitur de Gonzaga, tunc temporis Governatore Mediolanensi) fece fare quelle due Fortezze al Castello de Milano, qual' sono appellate TANAGLIE. L'una verso Porta Cumana, l'altra verso Porta Vercellina (quæ tamen duo propugnacula postmodum ætate nostra vidimus a fundamentis dirui, quia Castro potius jam obessent, quam prodesse) Et perche li Campanili de Santo Simpliciano & de Santo Francesco li signorezavano; volse fussero ambidue abbassati piu de brazza quaranta per Campanile. Era quello de Santo Francesco una mirabil cosa, alto, & forte, & bellissimo. Hactenus Pizius: nec ille quicquam prorsus de Campanili Sancti Marci. Quod quidem aliquanto magis, quam illa duo, distat inde, nec ita Castro dominatur & imminet. Quocirca nec ullum in culmine nunc præfert dejectionis ac novitatis judicium: quale tamen illa duo manifestissimum spectatoribus exhibent.

DCIV. Hoc ipso circiter Anno Christi octuagesimo sexto investa primitus in hanc Basilicam ea videtur consuetudo, ut in honorem Friderici simul & Henrici ejus filii quotannis unus dies festus celebraretur. Testes ipsos pro Monachis in Processu jam toties memorato examinatos audiamus. De tertio in primis Teste sic ibidem legitur: Item testatur, se vidisse Zaninum Scartabiam, qui tunc erat Custos Canonorum, portare Crucem ante Abbatem Ambrosium & Fratres suos * IN DIE FESTI, QUOD CELEBRATUR PRO IMPERATORE FEDERICO ET FILIO EJUS ANRICO: ab Ecclesia videlicet Sancti Ambrosii usque ad Sanctum Michaellem prope Portas. Et ibi incepto Psallentio redierunt in Ecclesiam Beati Ambrosii. Et ipse cum fuit ad introitum Chori, gubernavit Crucem: & Dominus Abbas tunc cantavit suam Missam cum suis Monachis. Et cantata Missa, iovit Custos ille cum Abbate & Monachis in Refectorio, ad comedendum cum eis. Deinde vero sextus Testis, Ongarinus Clericus & Lector, inter cetera dicit, se vidisse illud Altare (Sancti Ambrosii) apertum IN QUODAM DIE ARCHITRICLINI, aut bis, aut ter: IN QUO CELEBRABATUR ANNUATIM FESTUM ILLUD IN HONORE DOMNI ANRICI REGIS ET PATRIS; sed ignorat, quis vel qui illud aperuerunt. Et paulo post: Item credit, quod idem Scartabia portavit similiter Crucem ante Monachos, Canonicos semper absentibus, a Sancto Michaelle ad Sanctum Ambrosium PRO FESTO, QUOD CELEBRABANT PRO IMPERATORE FEDERICO. Sed & octavus Testis, Zan de Cartabia (qui paulo ante Zaninus Scartabia nomina-

* Adverte Lector, Festum istud hoc Num. 604. memoratum, fuisse Ecclesiasticum, & ad gratias Deo referendas, atque ad obtinendam Friderico & Henrico prosperitatem.

A batur) Clericus de Gizano, atque per septem & amplius annos olim Canonorum hujus Basilicæ Custos, sic etiam testatur: Se vidisse, quod idem Abbas (Ambrosius) IN DIE PROCESSIONIS QUÆ FIEBAT AD HONOREM DOMNI IMPERATORIS FEDERICI ET FILII ab illo Abbate & Monachis, misit duos ex Monachis suis, de quorum nominibus non est memor, ad prædictum Cimiliarcham, ut aperiret, vel aperiri faceret Domino Abbati Altare; quia volebat celebrare Missam, & facere prædictam Processionem. Hoc audito ab illo Cimiliarcha, iovit ille Cimiliarcha ad Præpositum & Canonicos, narrando eis: Quid vobis videtur super hoc, quod Dominus Abbas per nuncios suos mandavit mihi, ut aperirem ei Altare in Processione prædicta? Dixit, quod quidam ex eis dixerunt: Non nobis bene videtur, ut aperiat in tali die; quia forte vellet dicere, quod in tali die ei semper deberet aperiri. Et Dominus Præpositus & alii quidam ex Canonicis dixerunt: De nostro consilio est, & bene nobis videtur (ex quo ad honorem Domini Imperatoris vult ut aperiat) non ei prohibeatur aperiri. Unde præceperunt ipsimet Testi, ut illud ei aperiret. Et tunc illud ei aperuit. Et paulo post: Item testatur, quod, cum esset Custos Canonorum, multotiens portavit Crucem ante Monachos, AD TURRICELLAM (sicuti nos etiam infra narrabimus) obviam Archiepiscopo, & ad Sanctum Michaellem, die Ramolivæ, ET AD PROCESSIONEM, QUAM FACIT ABBAS PRO IMPERATORE: & ipsi Monachi dabant ei semper refectionem illa die, qua illam portabat. Et infra rursus dixit, quod Abbates per se, vel eorum nuncios, rogaverunt Præpositum, vel Cimiliarcham, ut faceret eis aperiri Altare in illis diebus, in quibus Altare non consuevit aperiri: & eis apertum fuit IN PROCESSIONE FACTA IN HONORE DOMNI IMPERATORIS, ut supra dixit. Quæ cum ita se habuerint; hanc ergo festivitatem solus Abbas cum suis Monachis (non autem Præpositus cum suis Canonicis, ac multo minus Civitas universa) celebrabat; & (sicut interpretari fas videtur) ob singularia Friderici simul & Henrici pignora beneficentiæ ac benignitatis erga suum ipsorum Monasterium. Ille porro Architrilini dies, quo festivitas ejusmodi annuatim celebratur, absque dubio Secunda est post Epiphaniam Dominica, in qua e Sancti Joannis Evangelio Cap. 2. Nuptias in Cana Galilææ factas Ambrosiana Ecclesia inter Missarum Solemnia recitare consuevit. Forte autem sequenti Anno octuagesimo septimo diem singulariter istum ejusmodi festivitati delegerunt in memoriam quoque nuptiarum, quas Anno superiore Rex Henricus fecerat in hoc ipso Monasterio, sive in Brollo ipsius, nempe Sexto Kalendas Februarii. Qui dies absque dubio post secundam Epiphaniæ Dominicam effluxerat; cum ipsamet Epiphaniæ Solemnitas in sextam semper incidat Januarii diem. Quamdiu autem postea ejusmodi festivitatis obsequium perseveraverat, ex his colligi facile potest verbis, quæ de primo Teste recitantur in hunc modum: Vidit enim, quod, VI-
VENTIBUS IMPERATORE FEDERICO ET FILIO EJUS, in Festo Architrilini Custos Canonorum, Jacobus nomine, ad petitionem Domni Ambrosii, tunc Abbatis, portavit Crucem.

DCV. Urbanus Papa Tertius, antehac Ubertus Cribellus, hoc ipso certe Anno octuagesimo septimo Ferrariæ moritur decimo tertio Kalendas Novembris: ac legatur Art. 12. Baronius, Algisium ille Archiepiscopum, tertio Kalendas Apriles Anni octuagesimi quinti defunctum, subsecutus erat: deinde autem post Lucium Tertium Papam, septimo Kalendas Decembris eodem Anno defunctum, ac postea tumulatum Papa fuerat illico creatus; sicut a nobis indicatum jam fuit Num. 589. & 596. Quid, si ve-

si vero *Mediolanensem* quoque Archiepiscopatum sibi retinuit una cum Pontificatu Romano? sicuti nos Num. 597. pollicebamur ostensuros. Archipresbyteri profecto Metropolitani Catalogus luculentissimis hoc testatur his verbis: *Ubertus de Crivellis, antea Archidiaconus, postea Mediolanensis Archiepiscopus Octogimus sextus, sedit annis quinque (quod tamen a nobis non admittitur) mensibus duobus. Istius tempore sedit Lucius Tertius, Papa Centesimus octuagesimus secundus, annis quatuor, mensibus duobus. Postea sedit Ubertus iste, qui dictus fuit Urbanus Tertius, annis duobus, RETENTO ARCHIEPISCOPATUS MEDIOLANI TITULO.* Sic etiam in idipsum tacite consentiunt Catalogus Actis Ecclesiae *Mediolanensis* insertus, & alter *Successores Sancti Barnabae* inscriptus, cum *Milonem, Uberti* Successorem, afferunt a *Clemente* Papa Tertio creatum fuisse *Mediolanensem* Archiepiscopum. *Clemens* quippe Tertius non modo *Uberto* & *Urbano* nostro, verum etiam *Gregorio* Octavo ipsius successori successit, posteaquam ille, necdum binis mensibus in Pontificatu expletis, ex hac vita migrasset hoc ipso Anno, decima sexta Decembris die, ut nominatim est apud *Baronium* Art. 20. Sed eidem prætera opinioni adtipulatur ipsamet *Milonis* Sententia, quam nos deinde recitabimus, Anno Domini Millesimo centesimo nonagesimo die tertia Martii pronunciata: quæ tamen simul etiam data dicitur anno Pontificatus ejus *Mediolanensis* tertio. Quod utique verum esse non posset, si *Milo* successisset *Uberto* ex quo primum tempore creatus ille fuerat Pontifex Romanus. Adde vero, quod eandem opinionem nonnihil nos etiam confirmabimus ex eo errore, quem idem ipse *Milonis* Cancellarius incurrit, cum alteram ipsius Sententiam, suo similiter tempore a nobis recitandam, scripsit datam Anno Domini Millesimo centesimo nonagesimo tertio, die sexta Aprilis; & tamen una simul adjecit fuisse datam Pontificatus ejus anno quinto. Quippe tunc sextus absque dubio jam erat inchoatus, & superioris saltem Martii die tertia; sicut uncuque, vel etiam mediocriter computandi gnaro, certissimum esse debet. Hunc utique illi errorem arbitrabimur propterea condonandum; quia quintus ille annus, cui antehac notando assueverat, non ita multo ante illam diem Aprilis sextam expletus fuisset; nec id ab ipso fuisset animadversum, quando posteriorem illam Sententiam scribebat.

DCVI. Post *Urbani* Papæ Tertii obitum sequenti die Pontifex Romanus sublegitur *Albertus* Cardinalis Cancellarius, Presbyter Tituli Sancti *Laurentii* in *Lucina*: & *Gregorius* Octavus nominatur. Eodem vero mensem solummodo unum ac dies præterea viginti septem supervivente, *Adelardus* interea *Veronensis* & *Rodulphus Nigellus Pisanus*, Cardinales, ille Presbyter, hic Diaconus, sequentem Sententiam, ex archetypo adhuc exemplari apud nos asservatam, ex ipsius etiam mandato in favorem hujus *Ambrosiani* Monasterii protulerunt:

A. SANCTÆ ROMANÆ ECCLESIAE PRESBYTER TITULO SANCTI MARCELLI, & R. SANCTI GEORGHII AD VELUM AUREUM DIACONUS, DEI GRATIA CARDINALES: omnibus, ad quos Litteræ istæ pervenerint, Salutem in Domino. Notum vobis facimus, quod cum Causa, quæ vertebatur INTER ANSELMUM CUMANUM EPISCOPUM, & AMBROSIIUM ABBATEM MONASTERII SANCTI AMBROSII MEDIOLANI, super Districto HOMINUM BEATI AMBROSII, in his octo Locis, scilicet GUIDINO, CADDOLO, CANOBIO, CADAMPINO, BETLANO, in Valle-Luani, ROBORETO, COSO, ET ALEBIO, in Valle-Telina, SUPER TERRAM EJUSDEM

A BEATI AMBROSII HABITANTIUM, Nobis primo fuisset A DOMINO URBANO TERTIO FÆLICIS RECORDATIONIS, postmodum vero A DOMINO GREGORIO OCTAVO SUCCESSORE EJUS, examinanda determinandaque commissa: asserente Abbate, Districtum illud ad se de jure spectare, & quibusdam rationibus suam intentionem fundante. Introducebat enim pro se Romani Pontificis *Gregorii Quinti* & quorundam Imperatorum & Regum (scilicet *Lotarii, Lodoici, Arnulfi, Berengarii, Conradi Secundi, atque Frederici*) Privilegia: longissimique temporis, id est, triginta quinque & quadraginta annorum, quasi possessionem: insuper quandam Sententiam, per quam CAMPILIONIS CURIA videbatur cum omnibus pertinentiis suis ab omni conditione Cumanæ Episcopatus, ex confessione *Heliberti* Episcopi prædicti Episcopatus, liberata. Introducebat etiam & alias quamplurimas quidem rationes. Episcopus vero e contra, sexaginta annis se possedisse Districtum, quam plurimis Testibus assererat; causam possessionis nec Testibus nec Instrumentis asseruens. Nos, consideratis eis, quæ apud alios Delegatos fuerant actitata, & receptis attestationibus utriusque Partis sub Sigillo eorundem Delegatorum, & Allegationibus sub nostra præsentia, & Instrumentis publicis sufficienter inductis; omnia diligenter examinavimus; habitoque consilio cum quampluribus Sapientibus, BEATI AMBROSII HOMINUM, in supradictis octo Locis SUPER TERRAM EJUSDEM SANCTI AMBROSII habitantium, Districtum Monasterii Sancti Ambrosii Mediolani Abbati & ejus Ecclesiæ adjudicavimus auctoritate, qua fungebamur; jam dicto Episcopo super Districto sepedictorum Locorum hominum, Terram prædicti Monasterii colentium, perpetuum silentium imponentes. Et ut ea, quæ a Nobis mandata sunt, tractu temporis non valeant immutari, præsentem Paginam nostrorum Sigillorum munimine fecit insigniri.

Acta Ferrariæ Anno ab Incarnatione Domini Millesimo centesimo octuagesimo septimo, Indictione sexta.

DCVII. Decimo septimo Kalendas Januarii Gre-A.C. 1189, gorius Octavus Pisis occubuerat; cum *Paulinus* (aliter *Paulus*) Cardinalis Episcopus Prænестinus, octavo deinde Idus Januarias Anni subsequents consecratur Pontifex, & *Clemens* Tertius nuncupatur; ut bene *Baronius* Anno superiori Art. 20. & Anno præfenti Art. I nec non etiam hoc ipso Anno *Sigonius*.

DCVIII. Altera mox inde die, ac deinde tertia decima, proferendum se nobis offert subsequens fidelitatis Juramentum, *Ambrosiano* præstitum Abbati a suis subditis, *Paxilliani* & *Montis* accolis: de quibus Curtibus pluries adhuc Privilegiis expressa mentio continetur:

IN NOMINE DOMINI. Anno Dominicæ Incarnationis Millesimo centesimo octuagesimo octavo, septimo die mensis Januarii, Indictione sexta, IN CASTRO DE PAXILLIANO. Nomina illorum hominum, qui juraverunt fidelitatem DOMNO AMBROSIO DEI GRATIA ABBATI MONASTERII SANCTI AMBROSII, SITI IN CIVITATE MEDIOLANI. In primis *Domnus* *Ubertus* Advocatus juravit fidelitatem per manum: & *Joannes* *Canis* sine manu idcirco, quod per manum fecerat antea *Domno* Episcopo *Aslensi*: *Rufinus* de *Monte-urdengo* sine manu: *Aribaldus* *Ottobelli* sine manu: *Simon* de *Turrigio*, de *Loco Turrigio*, sine manu: *Amedeus*, frater illius *Simonis*, sine manu: *Guala* *Paganus* de *Paxilliano* per manum: *Anselmus* de *Puteo*, de *Loco Casate*, Sancti *Evassii*, sine manu: *Jordanus* de *Furno* de *Paxilliano*, sine manu: *Leonardus* *Dens*, de *Paxilliano*, sine manu: *Otto* *Mussonis*, de *Paxilliano*, sine manu: *Guala* *Binellus*, de *Casate*, sine manu: *Ubertus* *Turricus*, de *Paxilliano*, sine manu: *Anricus* *Picinus*, de *Paxilliano*, sine manu: *Germanus* de *Erba*, de *Paxilliano*, sine manu. *Guazo* de *Ponte* per manum:

Puricellus.

G g 2

Ja-

Jacobus Scarcaramarella, de Cella, sine manu: Albricus Plantavinea, de Casate, sine manu: Petrus filius quondam Ottonis Lupi, de Casate, per manum: Guilielmus Monachus, de Ocimiano, sine manu: Anricus filius Rufini, de Conzano, sine manu: Rolandus Cornarellus sine manu. Item tertio decimo die mensis Januarii homines de Monte, qui juraverunt fidelitatem eidem Domino Abbati: in primis Guido Anibaldi, & Petrus Guisca frater ejus: Rolandus Bessa: Guilielmus Clericus: Albertus Lotterus: Bernardus Guisca: Ogerius Passabelli: Ubertus de Castello: Zoanus Passabelli: Mainfredus Muranus: Anselmus Cava: Petrus Molinus: Guilielmus Balbus: Zermanus Merces: Rolandus Galberius: Lugarus Groniardus: Rufinus de Castello: Adam Molinus: Dona de Piovara: Rubeus de Piovara: Petrus Calvus, qui habitat ad Varenziam. Interfuerunt Tesses, Ardericus Nasus, Benno Curtus, Benno Curtus, Montenarius Judex, Rogerius Regizonus, Otto Plattus, & Aripandus Bonafides, & quamplures alii de Civitate Mediolani. Ego Ambrosius de Valnexio, Notarius Sacri Palatii, interfui, & rogatus scripsi.

DCIX. Milonem si forte Clemens ipse Tertius ad Mediolani Archiepiscopatum promovit, ut nobis paulo ante affirmabatur, ecce igitur, quemadmodum primus Miloniani Archiepiscopatus annus non multo ante diem Martii tertiam hoc Anno inchoatus fuisset. Milonis hujus cognomentum plerique fuisse tradunt de Cardano, alii de Castellione Seprii: nonnulli quoque Candianum appellarunt. Catalogus Archiepysbyteri Metropolitanus, nec non item alter Secretarii urbani, de ipso verbatim hæc habent: *Hic primo fuit Archiepysbyter Ecclesiæ Mediolanensis, deinde Episcopus Taurinensis & dicti Archiepysbyteratus Commendatarius, postea Mediolanensis Archiepiscopus. Catalogus autem Successores Sancti Barnabæ ipsum insuper asserit ab Urbano Tertio creatum primo Ecclesiæ Mediolanensis Archiepysbyterum, deinde Taurini Episcopum. Sed profecto, quam procul hoc sit a veritate, satis jam constat ex dictis Num. 431. 531. 533. 548. 564. Quippe Milo jam erat Archiepysbyter, priusquam una cum Archiepiscopo Oberto fugeret & Schismaticorum manibus Anno superiori sexagesimo secundo; sic etiam Episcopus jam erat Taurinensis Anno circiter septuagesimo tertio. Apud Claudium Robertum in Secunda Parte Appendicis ad Galliam Christianam, Titulo Taurinenses Archiepiscopi (etenim ea Sedes a Leone postea Decimo Metropoleos jure donata fuit Anno Millesimo quingentesimo decimo quinto) dicitur Episcopus jam fuisse anno septuagesimo primo; sed nos ipso etiam septuagesimo fuisse comperimus & subsequenti & archetypo Documento, quod nuper e Monasterio Sanctæ Mariæ in Valle (hoc Num. 583. memoratum jam est) nobis accidit ad manus, quodque ad aliarum item rerum notitiam (quam curiosus & prudens Lector inde sibi facile colliget) placuit hoc loco producere. Est autem hujusmodi:*

IN NOMINE DOMINI NOSTRI JESU CHRISTI. Coram DOMNO GALDINO, SANCTÆ MEDIOLANENSIS ECCLESIAE ARCHIEPISCOPO, APOSTOLICÆ SEDIS LEGATO, Domna Cecilia, ABBATISSA MAJORIS MONASTERII, quod est in Civitate Mediolani, conquerebatur de Domna Columba, ABBATISSA MONASTERII SANCTÆ MARIÆ DE MONTANO: proponens, ipsam Ecclesiam de Montano cum omnibus suis veteribus possessionibus ad Majus Monasterium pertinere: ipsamque Ecclesiam, & veteres ejus possessiones sibi restitui postulabat. E contra vero eadem Abbatisa de Montano respondebat, prædictam Ecclesiam & ejus possessiones se ei restituere non debere: ipsamque Abbatisam Majoris Monasterii nihil aliud juris ibi habere dicebat, nisi quod singulis annis solidos

A *quinque & duos cereos duarum librarum pro censu habere debebat: possessionemque triginta annorum super hoc allegabat. Super quibus omnibus publicum induxit Instrumentum (nos utique istud etiam vidimus authenticum, ac datum Anno Millesimo centesimo trigésimo septimo, mense Julii, Indictione quinta decima: & in eo Monasterium Majus appellabatur SANCTORUM MARIÆ ET MAURITII) quo continebatur, Margaritam Monasterii Majoris quondam Abbatisam, investisse Gualdradam & Truitam ad vicem & utilitatem aliarum fœminarum, ad Societatem Religionis earum venientium, de Ecclesia Sanctæ Mariæ de Montano, & rebus ad eandem Ecclesiam tunc pertinentibus, ad supra dictum censum, singulis annis persolvendum. Dum autem hæc agerentur, utraque Pars hanc litem per Transactionem dirimendam IN DOMNUM MILONEM, MEDIOLANENSEM ARCHIPRESBYTERUM ET TAURINENSEM EPISCOPUM, deposuerunt: &, quod ipse laudaret, firmum & ratum habere pro se & Partibus suis promiserunt, datis utrinque fidejussoribus sub pœna quinquaginta librarum: ex parte Abbatisæ Monasterii Majoris Teito de Fagnano, fratre ejusdem Abbatisæ: & ex altera parte Pagano Borro. Super hoc prædictus Archiepysbyter & Episcopus, EX MANDATO DOMNI ARCHIEPISCOPI, & consilio Fratrum ac Sapientum suorum, per Transactionem laudavit, ut præfata Abbatisa Monasterii Majoris faceret finem eidem Abbatisæ de Moniano de jam dicta Ecclesia & ejus possessionibus; ita ut nihil habeat ibi ad requirendum, nisi pro censu singulis annis solidos septem, & libras quatuor cereæ, in Vigilia Sancti Mauricii persolvendas. Et statim sæpe memorata Abbatisa Monasterii Majoris sic finem fecit. Et sic finita est Causa. Actum IN DOMO SUPRADICTI DOMNI EPISCOPI Anno a Nativitate Domini Millesimo centesimo septuagesimo, duodecimo Kalendas Novembris, Indictione quarta. Interfuerunt Gregorius Cagnarca, Obertus & Anselmus de Orto, Aripandus Judex, Arialduus & Rogerius Vicecomites, Guercius de Hostiolo, Paganus & Guilielmus Borri, Boso de Sancta Maria ad Circulum, & Vuilielmus Presbyter de Sancto Quirico, & alii plures.*

✠ Ego Vuifredus, EX MANDATO DOMNI MEI GALDINI, MEDIOLANENSIS ARCHIEPISCOPI, subscripsi.

✠ EGO MILO, TAURINENSIS EPISCOPUS ET MEDIOLANENSIS ARCHIPRESBYTER, a me facto subscripsi.

✠ Ego Robertus, ex mandato Domni Ugonis Diaconi, subscripsi.

E ✠ Ego Philippus, indignus Diaconus, subscripsi. Datum per manum Domni Algisii Cimiliarchæ & Cancellarii.

Ego Adobadus, ex mandato ejus, hanc Chartam Transactionis scripsi.

Monasterium vero illud DE MONTANO situm erat prope Viganum quod Mediolano denis circiter milliariis distat: ejusque postea Moniales in Urbem translatae habitaverunt ubi nunc SANCTÆ MARIÆ IN VALLE Monasterium appellatur.

DCX. Iidem bini Catalogi, quos una simul paulo ante proferebamus, sic etiam protinus de ipsomet addunt Milone: Pontificatus istius anno primo Mediolanenses, dempto dominio ab Ecclesia, quæ semper Civitatem per Consules a se datos gubernaverat, nunc primo Commune Mediolani Potestates sibi fecit. Quorum omnium primus fuit Ubertus Vicecomes, qui per annum rexit &c. Hoc autem Imperatoris privilegio concessum fuisse Mediolanensi Communitati Gualuaneus affirmat in Chronico Majori, Cap. 301. & in Manipulo florum Cap. 219. Sigonius tamen Henrico Regi hoc adscribit. Etenim Anno supra Millesimum centesimum octuagesimo sexto sic narrat: Profecto Ita-

Italia Patre (Friderico) Henricus Regnum administra-
re pro suo iudicio institit. Et paulo post: Mediola-
nensibus autem jus Prætoris pro arbitrio creandi conce-
sit: qui Comes esset, & jus vitæ necisque haberet. Quo
facto apud eos antiquum jus Vicecomitis exolevit. Pri-
mus hoc honore Ubertus, ex Vicecomitum familia Pla-
centinus, affectus est.

DCXI. Satagente interea Clemente Tertio Ponti-
fice, Crucemque pro recuperatione Terræ Sanctæ
per Ecclesiam Occidentalem denunciante, maximus
excitatur animorum & armorum ardor, nec operam
desiderari suam passi fuerunt Mediolanenses, quin-
etiam ne ipse quidem Fridericus Imperator. Inde
Rogerius de Houveden in suis Angliæ Annalibus, sicut
a Baronio etiam Art. 17. recitatur, hæc habet: Eo-
dem Anno Fridericus Romanorum Imperator, accepta
Cruce de manu Henrici Albanensis Episcopi Cardinalis,
sicut prudentem & circumspexit decebat, satis provide
sibi & itineri suo necessaria providebat. IN PRIMIS
ENIM RECONCILIAVIT SE DEO, ET
SANCTÆ ECCLESIAE, ET CLEMENTI
ROMANO PONTIFICI. Tristanus porro Chal-
cus Henricum quoque (inquit) filium ex Italia revoca-
tum, rebus Imperii præcivit. Is autem jam prole au-
ctus ex Constantia erat. Puero Avi Avunculique no-
men inditum: isque Fridericus Rogerius vocatus est.
Sigonius etiam indicato ejusmodi Expeditionis appa-
ratu, sic subdit: Quæ dum eximio studio pietateque
constituuntur, Henricus a Patre, protectionem paran-
te, in Germaniam evocatus, Italia cessit, ac Trusar-
dum in ea Legatum reliquit.

A.C. 1189. DCXII. Fridericus tamen Anno tantum subse-
quenti suum in Syriam iter suscepit, Friderico filio
Suevorum Duce comitatus: atque nono Kalendas
Maji, in festo Sancti Georgii, e Germania per Un-
gariam discessit. Legantur inter alios Rerum Scri-
ptores Sigonius & Baronius.

A.C. 1190. DCXIII. Monachos interea & Canonicos Am-
brosianos nonnullæ ad invicem lites exercuerunt: quas
proximo subinde Anno hunc in modum Milo Ar-
chiepiscopus pro virili parte diremit, prout in duo-
bus Archivi domestici archetypis Exemplaribus con-
tinetur:

IN NOMINE DOMINI NOSTRI JESU
CHRISTI AMEN. CORAM DOMINO MI-
LONE, DEI GRATIA VENERABILI ME-
DIOLANENSI ARCHIEPISCOPO, ET EJUS
FRATRIBUS, inter DOMNUM AMBRO-
SIUM, MONASTERII SANCTI AMBROSII
MEDIOLANENSIS ABBATEM nomine ipsius
Monasterii, ex una parte, & NAZARIUM PRÆ-
POSITUM CANONICÆ EJUSDEM ECCLE-
SIÆ SANCTI AMBROSII, ET MAGIS-
TRUM PETRUM LONGUM CIMILIAR-
CHAM ET CANONICUM EJUS EX ALTE-
RA, libellis hinc inde porrectis, talis Causa & Con-
troversia vertebatur. Petebat siquidem prædictus Ab-
bas a jam dicto Magistro Petro Cimiliarcha, ut face-
ret, vel fieri faceret ea, quæ ipse Cimiliarcha & Præ-
decessores sui Antecessoribus suis facere consueverunt:
scilicet vestire sive ornare Pulpitum, quando Monachi
illius Monasterii volunt Pulpitum ascendere ad celebra-
nda divina Mysteria: & ut expoliet vel faciat expoliari
Altare in die Veneris Sancti, cum Diaconus legit in Pul-
pito, DIVISERUNT VESTIMENTA EJUS,
SORTEM MITTENTES: & ignem extinguat vel
extingui faciat, cum Diaconus legit, DOMINUS EMISIT
SPIRITUM: & in die Sabbati Sancti vestiat vel ve-
stiri faciat Altare, cum Diaconus legit, ECCLE-
SIAM IGNIS COLUMPNA RESPLENDET:
& Cruces faciat deferri ad Mortuorum
Cadavera, licet Canonici non intersint, cum requisitus
fuerit ab Abbate, vel Monachis. Et hæc ideo postu-
labat; quia jam dictus Cimiliarcha claves paramento-

A rum ipsius Ecclesiæ habet; & quia de illo officio se in-
tromisit. Postulabat insuper idem Abbas ab Præposito
nominato Canonice Sancti Ambrosii, ut non impediat
ipsum Cimiliarcham, vel alium ad hoc constitutum,
prædicta officia facere. Petebat iridem, ut prædictus
Cimiliarcha Sancti Ambrosii ponat aut poni faciat Pal-
lium ante Altare Beati Ambrosii, quando celebrat Vi-
giliis Sancti Ambrosii, & Sanctorum Martyrum Pro-
tasii & Gervasii, cum Fratribus suis; ut super illud
prostrat se in oratione cum Litanie fiunt: & ne Præ-
positus jam dictum Cimiliarcham, vel alium habentem
claves paramentorum, hoc facere impediat. E contra
B præfatus Petrus Cimiliarcha postulabat, quatinus jam
dictus Abbas in diebus statutis, in quibus ei refectionem
præstat propter aperturam Altaris Sancti Ambrosii quam
illi fieri facit, in mensa juxta eum faciat sedere ex par-
te dextera: & ut quinque refectiones, quas se non habuisse
dicebat, ei præstet. Insuper postulabat, ut ipse Abbas de
cætero ab injuria, quam nuper facere cepit, abstineat,
spoliando Altare palla & brosto, & ponendo sub genibus
& pedibus suis, dum orando prostratus jacet ante Al-
tare. Similiter Præpositus jam dictæ Canonice Sancti
C Ambrosii conquerebatur de prædicto Abbate & Mona-
chis, eo quod perturbarent divina Officia, inchoando
sua antequam Canonici suum Officium finirent: quod fie-
ri dicebat contra præceptum quondam Domini Robaldi
Venerabilis Archiepiscopi. Insuper prænominatus Præ-
positus suo & Fratrum suorum nomine petebat, quati-
nus supra dictus Abbas præstet refectionem in festivitate
Sancti Satyri sibi & Fratribus suis, sicut continetur in
Instrumento Sententiæ late super hoc negotio. Et quia
ipsam refectionem in hoc anno non præstitit; petit, ut
eam præstet. Super quibus omnibus petitionibus Testes
& Instrumenta & Privilegia multa hinc inde producta
sunt. Quibus omnibus inspectis, & Allegationibus
utriusque Partis diligenter intellectis, prænominatus Do-
minus Milo Archiepiscopus de consilio Fratrum suorum,
ex officio suo tantum; & non ratione vel jure domina-
tionis ipsius Abbatis, sed divini cultus sive officii, quo
D Abbas ejusque Fratres Sanctæ Ecclesiæ Beati Ambrosii
obsecundant seu deservunt; & non jure dominationis
ipsius Abbatis, sed exequiorum, quæ in jam dicta Ec-
clesia faciunt; quia infrascripta annexa sive appendicia
sunt jam dictis divinis Officiis, & in eis fieri consueve-
runt; & quia ad officium Cimiliarchæ cura infra di-
ctorum pertinet jam dicto Petro Cimiliarchæ, ut jam
dicto Abbati & ejus Fratribus infra scripta in divinis
Officiis, seu Mortuorum Exequiis exhibeat, vel exhi-
beri faciat, per se vel per Ecclesiæ suæ Sancti Ambrosii
Custodes, præcepit; scilicet, ut vestiat vel vestiri fa-
ciat seu ornet vel ornari faciat Pulpitum, quando Mo-
nachi debent Pulpitum ascendere ad celebranda divina
E Ministeria; & expoliet vel expoliari faciat Altare in
die Veneris Sancti, cum Diaconus legit in Pulpito, DI-
VISERUNT VESTIMENTA, SORTEM
MITTENTES; & ignem extinguat, vel extingui
faciat, cum Diaconus legit, DOMINUS EMISIT
SPIRITUM; & in die Sabbati Sancti vestiat vel ve-
stiri faciat Altare, cum Diaconus legit, ECCLE-
SIAM IGNIS COLUMPNA RESPLENDET;
& ut Cruces deferri faciat ad Mortuorum Cadavera,
licet Canonici non intersint, cum requisitus fuerit, ut
Cruces deferri faciat, ab Abbate vel Monachis. Et
prædictis rationibus jam dicto Præposito præcepit, ut
F supra scriptum Cimiliarcham, vel alium ad hoc constitu-
tum, non impediat præscripta Officia facere. Jam di-
ctum vero Cimiliarcham absolvit, ne pallium ante Al-
tare Beati Ambrosii ponat vel poni faciat, ut super il-
lud Abbas se prostrat in oratione, cum Litanie fiunt
in Vigiliis Sancti Ambrosii, & Sanctorum Protasii &
Gervasii; sed ipse Abbas concessione nostra pallium per
suos ministros apponi faciat quod est super Lectorile (ali-
ter desuper Lectorile) si ei placuit, supra quod proster-
nat se in oratione; & Præpositum super hoc similiter

absolvit. *Abbatem vero a petitione Magistri Petri absolvit, ut teneatur in refectioe ipsum ad dexteram partem ponere; sed in mensa sua, a quacunque parte velit, honeste habeat, sive a dextris, sive a sinistris. Abbatem vero condempnavit, ut in refectioe pro festo Sancti Satyri præset Canonicis Sancti Ambrosii; si ipsi Canonici interfuerint divinis Officiis illius festi: alioquin illam refectioem Abbas illis præstare non teneatur. De præteritis refectioibus non præstitis Abbatem absolvit. Item Abbatem & Monachos condempnavit, ut non perturbent divinum Officium Canonicorum: & Canonicis præcepit, ne in fraudem suum Officium sive Ministerium protrahant. Item condempnavit Abbatem, ne de cætero pallium, quod est supra Altare, auferat, vel auferri faciat, ut ponat sub genibus suis, ut prostratus jaceat orando ante Altare cum Litanie fiunt. Et sic finita est Causa.*

Actum in Palatio Domini Archiepiscopi, Millesimo centesimo nonagesimo, die Sabbati tertia die Martii, Indictione octava.

Interfuerunt Rogerius de Sedriano, Azo Crivellus, Ugucionus Grasellus, Aripandus Murigia, Guido Menclocius, Arnoldus de Bombellis, Aripandus Bonafides, Otto Zendadarius, & Passaguerra, & alii quamplures Clerici & Laici.

✠ EGO MILO, DEI GRATIA SANCTÆ MEDIOLANENSIS ECCLESIE ARCHIEPISCOPUS, SUBSCRIPSI.

✠ Ego Philippus, Dei gratia Sanctæ Mediolanensis Ecclesie Archipresbyter, subscripsi.

✠ Ego Viscardus, Presbyter, subscripsi.

✠ Ego Albericus, Presbyter, subscripsi.

✠ Ego Ugo, Presbyter, subscripsi.

✠ Ego Guiscardus de Arzago, Sanctæ Mediolanensis Ecclesie Presbyter, subscripsi.

✠ Ego Obertus, Mediolanensis Archidiaconus, subscripsi.

✠ Ego Otto, Diaconus, subscripsi.

✠ Ego Otto, Diaconus & Vicedominus, subscripsi.

✠ Ego Oldo, Mediolanensis Ecclesie Diaconus, subscripsi.

✠ Ego Rolandus, Sanctæ Mediolanensis Ecclesie Diaconus & Cancellarius, subscripsi.

✠ Ego Jacobus, Subdiaconus, subscripsi.

✠ Ego Petrus de Arcizate ex mandato Domini Lanterii Subdiaconi subscripsi. Sed in altero tamen Exemplari pariter archetypo deest hic ipse Petrus, ac implet sefe Lanterius subscripsit.

Datum per manum Domini Rolandi, Dei gratia Mediolanensis Ecclesie Diaconi & Cancellarii, apud Mediolanum, PONTIFICATUS DOMINI MILONIS ANNO TERTIO.

DCXIV. Hoc eodem nonagesimo Anno Fridericus post immensos labores in ea Expeditione superatos, post devictum in prælio Soldanum Iconii, peragrans partes Armeniæ inferioris, dum rapido flumini Caleph (aliter Saleph) innatans se refrigerat & abluat, ex improvise absorptus immoritur. Sic enim præcise testatum videmus ab eo, qui tunc ibi aderat, Scriptore illius Epistolæ, quæ in Appendice ad Radevicum legitur prima, cuiusve testimonium Baronius quoque Artic. 6. & deinceps non immerito ceteris anteferebatum putavit. Ejus igitur in extremo talia ille narrabat: Cum inde procederemus, ivimus Caleph: ubi tantam asperitatem & difficultatem in transitu montium invenimus, quod summa jactura rerum vix pervenimus Caleph in Dominica die, quæ fuit Vigilia Barnabæ Apostoli. Eodem die cum Dominus Imperator per quoddam compendium transfret in convallibus montium quandam rapidissimam aquam; salvumque eum recepit (sive salvum se recepit, ut Baronio etiam placet Artic. xi.) in aliam partem. Facto autem ibi prandio, post infinitos & intolerabiles labores, quos per mensem jam erat passus: ET VELLE BALNEARI

A IN EADEM AQUA, ET ITA SE REFRIGERARE VELLE NATANDO; DEI JUDICIO, CASU LACHRYMABILI ET INOPINATO SUBMERSUS EST. Cujus reliquias debita veneratione nobiscum portamus &c. Inde porro temporis illius Historicus exclamat Rerum Anglicarum Lib. 4. Cap. 13. Gulielmus Neubrigensis, & Baronius itidem acclamat Art. 12. O abyssus multa judiciorum Dei! Vir tantus, & qui divino quodam fervore, relictis deliciis opibusque Imperii, mille se exposuerat propter Christum periculis, tam subito miseroque casu absimitur. PECCATUM TAMEN EJUS TANTUM ET TALE ELUCET, QUOD FORTE IN IMPERIALIBUS NON POTUERIT DELICIIS EXPIARI: ATQUE ADEO OPORTUERIT, NE ÆTERNALITER PLECTERETUR, PIA DIVINITATIS PROVISIONE IN HAC VITA SEVERIUS CASTIGARI. Siquidem nefarii Schismatis sub Venerabili Papa Alexandro principalis fautor extiterat, & pacis Ecclesiasticæ per Imperialem potentiam multo tempore perturbator. Tandem vero perspicuè dans palmam veritati, minus tamen in deliciis Palatii piacularè malum deflexerat. PORRO, NE PROPTER HOC GRAVIA POST MORTEM SUPPLICIA LUERET, SED POTIUS TAM GRANDE MALUM MOMENTANEÆ MORTIS CASUS ACERBUS PERFECTE DILUERET; ILLA INSIGNI DEVOTIONE, QUÆ PROPTER CHRISTUM RELICTO IMPERIO TANTIS SE IMMERSIT PERICULIS, ACTUM CREDO Sane Exercitus Christianus ita stupuit doluitque de raptu Principis, ut collapsis animis matura immanissimorum præda hostium fore videretur. Verum resumpto paulisper spiritu, loco extincti Patris præsentis Suevorum Duci adhæsit & paruit. Qui paterni corporis (quod post casus infelicissimi dies aliquot ægre inventum ereptumque aquis dicitur) ossibus assumptis, in multo laborum & periculorum experimento cum Exercitu progressus est. Et paulo post: Qui, paternis ossibus apud Tyrum cum decenti honore sepultis, militiæ Christianæ, quæ Acram obsidebat, cum omni comitatu adjunctus, ibidem post modicum morbo defecit. Hunc finem occulto Dei judicio habuisse noscitur famosa illa Teutonici Imperatoris Expeditio. Hactenus Neubrigensis. Ceterum Sigonius de tanti hujus Imperatoris præstantia sic etiam denique conclusit: Fridericus Germanos Imperatores omnes virtute ac gloria superasset; si Otthones potius in tuenda, quam Henricos in oppugnanda Ecclesia, sibi æmulandos putasset.

DCXV. Sicut autem aliquoties mentionem jam fecimus, Fridericus jam fuerat in Regem coronatus Anno superiore quinquagesimo secundo, & quinto Martii die: in Imperatorem autem Anno quinquagesimo quinto, & Junii mensis die decima octava. Quoniam ergo inde Regni, sed hinc Imperii annos satis superque constat computandos esse; certe sequitur, ut Fridericus occubuerit anno jam inchoato Regni sui trigesimo nono, sed Imperii nondum expleto trigesimo quinto. Siquidem ille, ut nuper dicebamus, occubuit hoc Anno nonagesimo, ac decima Junii die; trigessimus quintus vero Imperii annus nonnisi decima octava ejusdem mensis die completurus erat, sicut & inde trigessimus sextus inchoaturus. Quocirca nobis hoc item loco suadendum est, ut quisque prudens veritatis æstimator paulo adhuc minutius & accuratius examinet, quam scite quantave maturitate contextum fuerit illud Scriptum: cui Corius noster ad se transmissio e Germania tantopere credidit, ut authentici nomine commendandum esse arbitraretur, quemadmodum nos Num. 462. ostendebamus. In eo siquidem Scripto Fridericus afferebatur Anno Dominicæ Incarnationis Millesimo centesimo quinquagesimo secundo Imperator,

rator, indeque triginta sex annos imperasse, ac decimo Imperii sui anno *Mediolanum* destruxisse. Quidnam igitur hoc Imperatoris Imperii & imperandi vocabulo a nobis intelligi oportebit? Si non aliud, quam quod Regis Regni & regnandi vocabulo exprimitur; primum quidem illud ac tertium assertum vera erunt; atqui non secundum; quippe cum *Fridericus* undequadragesimum etiam inierit Regni sui annum. Sin autem tale quid diversum intelligitur, quale sine dubio intelligendum est, quando Regni annus sejunctim ab Imperii anno in eodem sermonis contextu numeratur; tum vero quis jam neget tria pariter illa esse falsa? Quod si forte primo ac tertio loco accipi volunt in uno eodemque sensu, sed secundo in diverso; ecce in primis, quam pudenda pauculis inest illis verbis æquivocatio; ecce præterea, quemadmodum *Fridericus* ne annum quidem Imperii trigessimum sextum morte præventus inchoare potuerit. Faceffat igitur a nobis illud Scriptum: ac nobiscum suo in tumulto Corpora Sanctorum *Protasii* & *Gervasii*, sicut & *Ambrosii*, Tutelarium nostrorum perseverent.

A.C.
1191.

DCXVI. Subeunte postmodum Anno supra Millefimum centesimum nonagesimo primo *Henricus* Rex *Mediolanum* revertitur, hinc *Romam* quoque profecturus ad Coronam e manu Pontificis Imperialem capeffendam. Inde *Chalcus* hoc ipso Anno: *Henricus* Rex animo ad res *Siculas* adjuncto, ex *Germania* cis *Alpes* venit: *Constantiam* Reginam & infantem *Filium* adduxit. Dum *Mediolani* diversatur, *Privilegia* a *Patre* *Papiensibus* olim data affirmavit. Forte vero nunc etiam peractum est illud, quod alias innuimus de *Milone* in præfens Archiepiscopo affirmatum tam in Catalogo Actis Ecclesiæ *Mediolanensis* inserto, quam in altero *Succeffores Sancti Barnabæ*, his verbis: *Henricum Quintum Imperatorem* una cum *Constantia Augusta* uxore in *Urbe Mediolani* *Corona Ferrea* decoravit. Cujus utique Coronæ jam tandem suscipiendæ tempus erat maturum, antequam Imperialem a *Romano* Pontifice acciperet, ut paulo post indicabimus.

DCXVII. Cum superiori *Milonis* Archiepiscopi Sententiæ neutro Partium acquievisset, ad *Romanum* ambæ Pontificem appellarunt. Ille Causæ denovo dijudicandæ munus Abbati *Monasterii Sancti Petri ad Laudem Veterem* fuit, & *Præposito Cathedralis Ecclesiæ Pergamensis* injunxit. Isti vero Sententiam denique subiequentem pronunciarunt:

ANNO ab Incarnatione Domini nostri *Jesu Christi* Millefimo centesimo nonagesimo primo, sexto decimo *Kalendas Aprilis*, *Indictione nona*. Cognoscentibus ex causa *Delegationis* seu *Commissionis* factæ A DOMINO CLEMENTE TERTIO SUMMO PONTIFICE, sicut in *Litteris Commissionis* sigillatis continetur. Videlicet: DOMNO PAULO ABBATI MONASTERII SANCTI PETRI DE LAUDE VETERI, & OBERTO PRÆPOSITO PERGAMENSIS ECCLESIAE. Super *Controversiis*, quæ vertebantur inter *AMBROSIUM ABBATEM MONASTERII SANCTI AMBROSII DE MEDIOLANO* nomine ipsius *Monasterii* ex una parte, & ex altera *PRESBYTERUM PETRUM LONGUM CANONICUM ET CIMILIARCHAM SANCTI AMBROSII DE MEDIOLANO*, ET DOMNUM *NAZARIUM PRÆPOSITUM EJUSDEM CANONICÆ BEATI AMBROSII*: & quæ *Controversiæ diffinitæ* fuerant PER DOMNUM *MILONEM MEDIOLANI ARCHIEPISCOPUM*, sicut in *Charta* ejus proprio *Sigillo* sigillata continetur: & a qua *Diffinitione* seu *Sententia* utraque Pars ad præfatum *Summum Pontificem* libellis hinc inde porrectis appellaverant. Quæ quidem *Controversiæ* tales erant. Petebat siquidem prædictus *Ambrosius Abbas* a jam dicto *Petro Cimiliarcha*, ut faceret vel fieri faceret ea,

A quæ ipse *Cimiliarcha* & *Prædecessores* sui sibi & *Antecessoribus* suis facere consueverant: & reliqua, quæ Num. 613. ex ipsius *Milonis* sententia recitavimus ad illa ulque verba *Super quibus omnibus petitionibus* &c. In quorum quidem locum ista in præfenti succedunt. Et visis *Allegationibus*, *Testibus*, *Instrumentis*..... & argumentis hinc inde productis, & a Nobis nostrisque *Assessoribus* diligenter inspectis & examinatis; talem Nos præfati *Obertus Præpositus Pergamensis* & *Domnus Paulus Abbas Monasterii Sancti Petri de Laude Veteri*, consilio *Alberti de Summaripa de Laude* & *Lafranci Ottonis Veteris de Pergamo*, *Assessorum* nostrorum proferimus Sententiam. Condempnamus enim prædictum *Petrum Canonicum*, ut vestiatur vel vestiri faciat, seu ornet vel ornari faciat prædictum *Pulpitum*, quando *Monachi* illius *Monasterii Sancti Ambrosii* voluerint ascendere *Pulpitum* illud ad celebranda divina *Mysteria*. Similiter solempnibus diebus (quando solempniter celebratur, solempnes intelligemus dies) quibus *Monachi* consueverunt ascendere, dum tamen non ascendant fraudulenter citra consuetudinem. Et ut faciat expoliari *Altare* in die *Veneris Sancti cum Diaconus* legit in *Pulpito*, DIVISERUNT VESTIMENTA, SORTEM MITTENTES. Et ut extingui faciat ignem cum *Diaconus* legit, DOMINUS EMISIT SPIRITUM. Et ut in die *Sabbati Sancti* vestiri faciat *Altare* prædictum, quando *Diaconus* dicit, ECCE JAM IGNIS COLUMNARES PLENDET. Et prædicta omnia, de quibus condempnavimus, sicut dictum est, faciat ipse *Petrus Cimiliarcha* per *Custodes* ipsius præfate *Canonicæ*. Insuper condempnamus præfatum *Præpositum Nazarium*, ne impediat nec prohibeat jam dictum *Cimiliarcham*, vel alium habentem *claves paramentorum*, seu *Custodes* illius *Canonicæ*, facere prædicta, de quibus, ut dictum est supra condempnavimus. Et absolvimus jam dictum *Petrum Cimiliarcham*, ne deferri faciat *Cruces* ad *Cadavera Mortuorum*, cum requisitus fuerit ab *Abbate* vel *Monachis Sancti Ambrosii*: & ne ponat *pallium* ante *Altare Beati Ambrosii*, quando *Abbas* cum *Fratribus* suis celebrat *Vigilias Sancti Ambrosii* & *Sanctorum Martyrum Protasii & Gervasii*, supra quod *Abbas* prosternat se in oratione, cum *Litanie* fiunt; sed liceat ipsi *Abbati* per suos ministros facere apponi illud, quod fuerit supra *Lectorile*, si ei placuerit; supra quod prosternat se in oratione. Et similiter prædictum *Nazarium Præpositum* absolvimus a petitione, quam *Ambrosius Abbas* faciebat ab eo in prædictis duobus capitulis, in quibus absolvimus prædictum *Cimiliarcham*, sicut dictum est superius. Præterea condempnavimus jam dictum *Ambrosium Abbatem*, quatenus faciat, prædictum *Cimiliarcham* sedere juxta se a dextera parte in mensa *Abbatis* in diebus statutis, in quibus ipse *Abbas* eidem *Cimiliarchæ* refectiorem præstat propter aperituram *Altaris Sancti Ambrosii*, quam ipsi *Abbati* fieri facit: & ut præstet ipse *Abbas* eidem *Cimiliarchæ* infra dies triginta estimationem quinque refectiorem, quæ remanserunt ad dandum temporibus aperturarum *Altaris*, taxatione nostra in ipsa estimatione refectiorem adhibita, scilicet in solidos septem & medium, denarios novæ monetæ. Et insuper condempnamus *Abbatem*, ut de cætero absteineat se ab injuria spoliandi supra dictum *Altare* pallio & broffo, & auferendi & ponendi illud sub genibus & pedibus suis, dum orando prostratus jacet ante *Altare*. Et condempnamus *Abbatem* prædictum *Sancti Ambrosii* & *Monachos* ejus, ne perturbent divinum *Officium* *Canonicorum Sancti Ambrosii*. Præterea condempnavimus eundem *Abbatem*, ut deinceps præstet ipsi *Præposito* & *Canonicis Sancti Ambrosii* refectiorem IN FESTIVITATE SANCTI SATYRI, sicut continetur in *Charta* sigillata *Sententiæ* (hanc ipsam nos recitavimus Num. 404.) quondam latæ super hoc negotio per *Teutaldum* quondam *Sanctæ Mediolanensis Ecclesiæ Archipresbyterum*, jussione *Domni Oberti* ipsius

ipſius Eccleſiæ quondam Archiepiſcopi, ſive Præpoſitus & Canonici interſint divinis Officiis feſti Sancti Satyri, ſive non interſint. Et condemnamus eundem Ambroſium Abbatem, ut præſtet Nazario Præpoſito & Canonicis Sancti Ambroſii infra triginta dies æſtimationem unius reſectionis, quæ quondam Canonicis in feſto Sancti Satyri, taxatione in ipſa æſtimatione a nobis adhibita, videlicet duodecim ſolidorum novæ monetæ. Prædictas autem condemnationes, quas ſuperius fecimus..... Cimiliarcham & Præpoſitum Nazarium Sancti Ambroſii, ideo fecimus; quia per plures Teſtes probatum invenimus & cognovimus, ea, de quibus ſic ſupra eos condemnavimus, per longa & longiſſima tempora per Cuſtodes Canonice Sancti Ambroſii facta fuiſſe; & quia ſimiliter per Teſtes probatum invenimus & cognovimus, ea facta fuiſſe per plura & diverſa tempora per jam dictæ Canonice Cuſtodes, juratione & præcepto Cimiliarchæ, qui pro temporibus fuit; & ideo jus præſumit, ea de jure facta fuiſſe, & in futurum de jure fieri debere; & ideo illas condemnationes fecimus. Nec illas eaſdem condemnationes fecimus propter hoc, quod cognoviſſemus per Inſtrumenta vel Privilegia, ſeu per aliquas alias rationes, quod Monasterium Sancti Ambroſii, vel Abbas ſeu Monachi ejuſdem Monasterii habeant vel habuiſſent aliquod jus dominationis ſuper jam dicta Canonica Sancti Ambroſii, nec ſuper Præpoſitum neque Canonicos ejuſdem Canonice, neque aliquam dominationem. Et ſic Cauſa finita eſt, & plures exinde Sententiæ eodem tenore ſimul ſunt rogatæ. Et ſic ambæ Partes in concordia dederunt parabolam iſtis Domino Oberto Præpoſito, & Domino Paulo Abbati iſtam ferre Sententiam: & renunciaverunt ambæ Partes omni juri, quo defendere ſe poſſent, dicendo, quod tali die Sententia non eſſet danda vel ſerenda. Actum eſt hoc in Laude, in Canonica Majoris Eccleſiæ. Adſuerunt ibi Magiſter Vivianus, Presbyter Petrus, & Darius, & Guigontio Laudenſes Canonici: & Magiſter Gerardus Pergamenſis Canonicus, & Baldizonus Stampa de Mediolano, & Coradus Judex, & Petrus Scarpa, & Enricus de Somaripa, & Joannes Cimiarca, & Ambroſius Cuſtos, & Evurardus, & Rogerius Clericus Sancti Storgii (ſive Eustorgii) rogati Teſtes.

✠ Ego Paulus, Abbas Sancti Petri, ſubſcripſi.

✠ Ego Obertus, Pergameſis Præpoſitus, hanc Sententiam protuli, ut ſupra, & ſubſcripſi.

✠ Ego Albertus de Summaripa, Judex, & Aſſeſſor prædictorum Abbatis & Præpoſiti, interfui, ut ſupra, & ſubſcripſi.

✠ Ego Lafrancus Ottonis Venteris, Judex, & Aſſeſſor prædictorum Abbatis & Præpoſiti, interfui, ut ſupra, & ſubſcripſi.

Ego Anſelmus Regalis, Notarius, jūſſu ipſorum Domini Pauli Abbatis Monasterii Sancti Petri, & Oberti Præpoſiti Pergamenſis, ſcripſi.

DCXVIII. Ejusmodi vero Sententiam Canonicis potiusquam Monachis placuiſſe, nos quidem inde colligimus, quod ex iſſdem protinus Canonicis duo Romam perrexerunt, ut ipſius Confirmationem a Cæleſtino Papa obtinerent; ſicut etiam re quidem ipſa obtentam Mediolanum adſportarunt. Sic enim aperte plures poſtea in Proceſſu Teſtes affirmarunt; ac nominatim octavus Monachorum Teſtis Zande Cartabia; itemque Canonicorum Teſtes, primus, ſecundus, tertius & quintus; ſive Honeſtus de Coſenigo, Manfredus Oculi Bianci, Guifredus, & Bertramus Corbus. Atqui nullum ipſius Exemplar nos quidem haſtenus in Archivum Monachorum invenimus.

DCXIX. Ceterum, quod attinet ad memoratam Sancti Satyri feſtivitatem, certe placebit etiam nonnullos audire Teſtes, a Monachis poſtea productos in eo Proceſſu, quem pluries jam diximus Anno poſtea ducentefimo conſectum. Ibi ſiquidem de Tertio in primis Teſte, Domino Petro Sapa, Monacho, ſic etiam ſcriptum invenimus: Item teſtatur,

A quod Canonici Sancti Ambroſii conſueverunt & debent eſſe cum Ordinariis Eccleſiæ Majoris ad Feſtivitatem & Vigiliam Beati Satyri pro Officiis divinis celebrandis: & eos Canonicos vidit cum illis Ordinariis ad illud Feſtum & Vigiliam, videlicet Guilielmum Bruxatum, & Guilicionem, & alios, de quorum nominibus non eſt memor. Et ad hoc ſcit, quod, ſinitis Veſperis illius Vigiliæ, Ordinarii cum illis Canonicis conſueti ſunt intrare in Capitulum: & pluries fuit adminiſtrator cum aliis de Monachis, prodandis fructibus eis: & ipſemet dedit tam eis Canonicis quam Ordinariis de illis fructibus. Sed & quartus ſubinde Teſtis, Dominus B Ubertus, Sacerdos & Monachus, hæc eadem affirmavit a decem annis infra; excepto, quod non eſt memor, ſi viderit Guilicionem in Reſectorio in ipſo Feſto cum Ordinariis, pro fructibus accipiendis; ſed bene recordatur, quod vidit Presbyterum Burrum, & Guilielmum Bruxatum, ut credit, in illo die poſt Veſperas. Accipe vero, quemadmodum aliquanto etiam luculentius iſſdem adteſtetur quintus Teſtis, Dominus Arnoldus Sacerdos itidem ac Monachus. Tale ſiquidem ipſius fuit aſſertum: Item teſtatur, ſe viſiſſe, quod Canonici ante deſtructionem Mediolani, & poſt, USQUE AD TEMPUS ABBATIS AMBROSII, conſueverunt venire cum Ordinariis ad Feſtivitatem Beati Satyri pro divinis Officiis celebrandis, ſcilicet, ut credit, Mainfredus Oculi bianci, & Presbyter Burrus, & Guifredus Longus, & de aliis: & ETIAM C TEMPORE ABBATIS AMBROSII vidit eos venire in Capitulum cum Ordinariis in Vigilia illius Feſti pro accipiendis de fructibus, qui dabantur Ordinariis. Et pro ipſo Feſto dabantur eis ſolidi duodecim tertiolorum pro benedictione, aut paſtum unum. Et TEMPORE ILLIUS ABBATIS AMBROSII item talem vidit inter Abbatem & Monachos, & Canonicos. Quia pauci de Canonicis veniebant ad illud Feſtum; dicebant Abbas & Monachi, quod volebant dare paſtum illud omnibus Canonicis; niſi illis qui interfueraſſent illi Feſtivitati. Et pro hac tali lite miſerunt ſe in placitum, NOLENTES POSTEA AD ILLUD FE- D STUM VENIRE. Quamobrem hac in parte ne ſuperior quidem Sententia videtur executioni data in poſterum. Placetne vero inſuper audire, quemadmodum ad valvas Eccleſiæ tunc Ordinarii a Monachis exciperentur? Simul autem illos contuebimur venire quotannis conſueviſſe ad Eccleſiam quoque Sancti Auguſtini (ubi ſcilicet ipſum traditio adhuc viget baptizatum fuiſſe) tum in ejus, tum etiam in Sancti Luxoli, ſive Luxorii feſtivate. Cum enim decimus tertius Teſtis, Ambroſius de Sancto Ambroſio, fuiſſet ſecundo examini ſubjectus; inter cetera interrogatur, Si Abbas & Monachi recipiunt Ordinarios ad Regias Sancti Satyri cum Incenſo & Aqua ſancta. Sic autem ille reſpondit: Neſcio, nec vidi. Sed ad Eccleſiam Beati Auguſtini vidi Dominum Martinum reveſtitum recipere Ordinarios cum Incenſo IN FESTO SANCTI AUGUSTINI, ET SANCTI LUXOLI. Similiter etiam Petrus de Garlate, Teſtis decimus ſextus interrogabatur: Si ſcit, vel credit, QUANDO ORDINARII VADUNT AD FESTIVITATES SANCTI SATYRI, ET SANCTI AUGUSTINI, ET SANCTI LUXORII, quod Monachi Sancti Ambroſii recipiant Ordinarios ad januas illarum Eccleſiarum cum Incenſo: & ſi illi Monachi tenent Librum Ordinariis, dicentibus F Orationes illarum Feſtivitatum. Ipſe vero verbatim hæc reſpondit: Sic, ut credo, per ſe, vel per ſuos Cappellanos, vel Nuncios ſuos. Neque vero prætereundus ſilentio nobis eſt Guifredus, hujus Baſilicæ Canonicus & Cimiliarcha, per Canonicos tertio loco in teſtimonium productus. Inter cetera ſiquidem ille reſpondens ſic etiam dixit: Se credere, quod Monachi Sancti Ambroſii, CUM ORDINARII VADUNT AD FESTIVITATES, QUÆ FIUNT

FIUNT IN ECCLESIIS SANCTI SATYRI ET SANCTI AUGUSTINI, recipiant eos cum Incenso & Aqua sancta: & teneant eis Librum, cum Sacerdotes dicunt ibidem Orationes. Et vidi ipsos Monachos, scilicet Dominum Martinum & Dominum Uberum, portantes Librum, CUM ORDINARIIS VENIUNT CUM PSALLEND A SANCTO AUGUSTINO AD SANCTUM AMBROSIIUM: & ante Altare Beati Ambrosii Librum tenentes, cum dicunt Ordinarii Orationes.

DCXX. Henricus Rex jam Romæ appropinquabat, Augustalia suscepturus Insignia, cum Clemens Papa Tertius quarto Idus Aprilis ex hac vita migravit. Eidem subinde substituitur Hyacinthus, Diaconus Cardinalis Sanctæ Mariæ in Cosmedin. Qui die ipso Paschatis, decimo octavo Kalendas Majas, consecratus Pontifex Cælestinus hujus nominis Tertius, postridie Henricum & Constantiam ejus conjugem Imperiali Diademate coronavit. Baronius eodem hoc Anno de his abunde agit Art. 1. ac 10. Ab Urbe deinde Roma Henricus in Apuliam proficiscitur, accepturus totam Terram Vuilhelmi Siculi, quæ ipsum simul cum Imperatrice uxore sua contingebat. Cumque Neapolim quoque pervenisset, quin etiam circumfuso exercitu acriter obsideret; morbo correptus (præterquam quod sæva exercitum pestilentia fuerat adorta, & plerosque militum absumpserat) satis habuit inde abire. Rediit ergo Mediolanum: & hinc Epistolam scripsit ad Cælestinum Papam, ut pro liberatione suæ ageret Conjugis; quæ interim per prodicionem a Salernitanis capta fuerat, & ad regnantem in Sicilia Tancredum missa, ibi ab eo detinebatur. Sic enim deinceps narrat idem Baronius Art. 13. & 14. Ceterum Henricus non multo post in Germaniam transivit; ut Chalvus & Sigonius affimant.

A.C. 1193. DCXXI. Anno Domini nonagesimo tertio supra Millesimum centesimum insigne hoc habemus Milonis Archiepiscopi Privilegium, hoc archetypo quidem contentum exemplari. Haud dubie vero datum asseritur die sexta mensis Aprilis; & ejusdem Miloniani Pontificatus anno quinto; cum alioqui sexto potius anno saltem inchoato nobis vere datum videatur; sicuti jam Num. 605. computabamus. Verbatim vero ita prorsus se habet:

MILO, DEI GRATIA SANCTÆ MEDIOLANENSIS ECCLESIAE ARCHIEPISCOPUS, Dilectis in Christo Filiis, AMBROSIO ABBATI MONASTERII SANCTI AMBROSII MEDIOLANENSIS, EJUSQUE FRATRIBUS, tam presentibus quam substituendis, in perpetuum. Sacra testante Scriptura, ex officio Nobis injuncto interest Ecclesias & Ecclesiasticas personas, nostro commissas regimini, paterno affectu diligere, & eas earumque bona protectione munire. Dignum namque & honestati conveniens esse aperte cognoscitur, ut qui ad Ecclesiarum regimen, sub Mediolanensis Ecclesiae obedientia commorantium, sumus Domino disponente vocati, eas & a pravorum hominum nequitia tueamur, & nostræ Mediolanensis Ecclesiae patrocinio foveamus. Proinde, Dilecti in Domino Filii, vestris iustis petitionibus clementer annuentes, præfatum BEATI AMBROSII MONASTERIUM, in quo divino estis mancipati obsequio, & ejus bona sub nostræ Sanctæ Mediolanensis Ecclesiae protectione & defensione suscipimus, & præsentis Privilegii Pagina communimus. Statuimus itaque, ut quascumque possessiones, quas cumque bona, prædicta Beati Ambrosii Ecclesia in præsentiarum iuste & canonice possidet, aut in futurum concessione Pontificum, largitione Regum vel Principum, oblatione Fidelium, seu aliis iustis modis Deo propitio poterit adipisci, firma vobis vestrisque successoribus & illibata permaneant. In quibus hæc propriis duximus exprimenda vocabulis: Monasterium cum Claustro, PALATIIS, domibus, Officiis, & cum omnibus casis

A & terris usque ad muros Civitatis, sicut murorum ambitu circumdatum esse cognoscitur: ECCLESIAM BEATI PETRI, juxta Ecclesiam Sancti Vitalis ædificatam: ECCLESIAM SANCTI AUGUSTINI cum suis possessionibus: ECCLESIAM SANCTI MICHAELIS cum Parochia & suis possessionibus, & cum Parochia HOSPITALIS ibi prope ædificati: ECCLESIAM BEATI PETRI AD SALAM cum Parochia de Cassinis de Bessis, & de domibus DE BAINIANA, & decima: ECCLESIAM SANCTI SYRI AD VEPRAM cum Parochia & decima: ECCLESIAM SANCTI SATYRI INFRA CIVITATEM cum Parochia illa, quæ est ab Ecclesia Sancti Satyri usque ad domum Lanfranci Boccardi, & ex altera parte viæ usque ad domum Amizonis Montenarii, sicut determinatum est in Sententia bonæ memoriæ Domini Oberti Mediolanensis Archiepiscopi, cum omnibus possessionibus suis: CURTEM OLEODUCTI cum duabus Capellis, scilicet Ecclesiam Sancti Syri, & Ecclesiam Beate Mariæ, cum famulis & decima: ECCLESIAM SANCTI SEPULCHRI ET ECCLESIAM SANCTÆ TRINITATIS DE TRINITATE, cum Parochia & decima, & earum possessionibus: CURTEM CAMPILIONIS cum tribus Capellis, videlicet Ecclesia Sancti Zenonis, & Ecclesia Sancti Petri, & Ecclesia Sanctæ Mariæ, cum Parochia & decima, & omnibus ad eam pertinentibus: ECCLESIAM SANCTI SYRI DE CANOBIO cum possessionibus ad prædictam Curtem pertinentibus: CURTEM DE DUBINO cum duabus Capellis, scilicet Ecclesia Sancti Petri & Ecclesia Sancti Benedicti, cum Parochia, & decima, & famulis CURTEM DE LEMONTIS cum Ecclesia Sancti Genesii, & decima totius Oliveti, & Parochia, & famulis: CURTEM DE CAPIATE cum Ecclesia Sancti Nazarii, cum Parochia & decimis, & primitiis, atque famulis: CURTEM DE ANTICIACO cum Ecclesia Sancti Ambrosii, & Advocatia Ecclesiae Sanctæ Mariæ, cum decima, & famulis: ECCLESIAM BEATI AMBROSII DE GLOXIATE cum omnibus ad eam pertinentibus. ECCLESIAM SANCTI DAMIANI IN BARAZA cum Parochia, decima, & omnibus, quæ ad eam pertinent: CURTEM DE PASILIANO cum tribus Capellis, videlicet Ecclesia Beati Petri cum Parochia & decima, atque Ecclesia Sancti Salvatoris & Beati Ambrosii, & Ecclesia Sancti Georgii: cum suis possessionibus: IN CASTANETO Ecclesiam Sancti Michaelis: in TURRICULA Ecclesiam Sancti Martini cum decimis & famulis: CURTEM DE MONTE cum Ecclesia Sancti Vigili, & Ecclesia Sancti Eusebii, cum decimis: CURTEM DE CIRIXOLA cum Ecclesia Sancti Ambrosii, cum decimis & famulis, aliisque possessionibus: ECCLESIAM SANCTI AMBROSII DE QUINTO cum suis & aliis possessionibus, & in Castro prædicti Loci Ecclesiam Sancti Petri cum decimis, primitiis, & possessionibus: ECCLESIAM SANCTÆ MARIÆ ET ECCLESIAM SANCTI MARTINI DE CASTERNO cum suis aliisque possessionibus: ATQUE JUS ILLUD, QUOD ANTIQUITUS HABETIS IN MONASTERIO AURONIS: & possessiones, quas habetis IN DOMREGASCO: Monasterium de Rocello cum omnibus suis possessionibus: præterea DIGNITATEM ILLAM, quæ, ut in vestris continetur Privilegiis, vobis ex longo & antiquo tempore concessa est, videlicet, QUOD ABBAS IN DOMINICIS ET SOLEMNIBUS DIEBUS CUM INFULA ET ANNULO ALIISQUE ORNAMENTIS EPISCOPALIBUS. IN ECCLESIA BEATI AMBROSII MISSAS CANTET, vobis confirmamus. Universas insuper consuetudines antiquas, quas in Ecclesia sæpe dicta Beati Ambrosii habere consuevistis, ET SPECIALITER CONSUETUDI-

Puricellus.

Hh

NEM

NEM ASCENDENDI PULPITUM, VOBIS SOLUMMODO, VESTRISQUE SUCCESSORIBUS, ET NULLI ALII, CONFIRMAMUS; ITA QUOD NULLI ALII, EXCEPTIS ORDINARIIS MEDIOLANENSIS ECCLESIAE, LICEAT OCCASIONE ALIQUA SUADENTE PULPITUM ILLUD, VEL ALIUD IN IPSA ECCLESIA ALIQUANDO CONSTRUCTUM, AD DIVINA MINISTERIA VEL ALIQUA ECCLESIASTICA OFFICIA CELEBRANDA ASCENDERE SINE VESTRA VEL SUCCESSORUM VESTRORUM LICENTIA ET VOLUNTATE. Decernimus ergo, ut nulli omnino hominum, in nostra commoranti Ditione, liceat contra hujus nostri Privilegii Paginam venire, vel ei ausu temerario contraire. Si quis autem id attemptare praesumpserit: & commonitus, si satisfactione debita suam non correxerit temeritatem; iram Dei Omnipotentis, & nostram, ac sui Ordinis & Officii periculum se noverit incursum. Cunctis autem hæc eadem vobis servantibus pax sit & gratia Domini Nostri Jesu Christi. Amen. Amen. Amen.

✠ EGO MILO, DEI GRATIA MEDIOLANENSIS ARCHIEPISCOPUS, SUBSCRIPSI.

✠ Ego Philippus Mediolanensis Archipresbyter, subscripsi.

✠ Ego Petrus, Presbyter, subscripsi.

✠ Ego Viscardus, Presbyter, subscripsi.

✠ Ego Guiscardus de Arzago, Sanctæ Mediolanensis Ecclesiæ Presbyter, subscripsi.

✠ Ego Albericus, Presbyter, subscripsi.

✠ Ego Ugo, Presbyter, subscripsi.

✠ Ego Obertus, Mediolanensis Archidiaconus, subscripsi.

✠ Ego Otto, Diaconus, subscripsi.

✠ Ego Oldo, Diaconus, subscripsi.

✠ Ego Rolandus, Mediolanensis Cancellarius, subscripsi.

✠ Ego Otto, Diaconus & Vicedominus, subscripsi.

✠ Ego Obertus, Diaconus Mediolanensis Ecclesiæ, subscripsi.

✠ Ego Albertus, Subdiaconus Mediolanensis Ecclesiæ, subscripsi.

Datum Mediolani per manum Domini Rolandi, Dei gratia Mediolanensis Ecclesiæ Diaconi & Cancellarii, Anno Domini Millesimo centesimo nonagesimo tertio, die Martis, sexto mensis Aprilis, Pontificatus Domini Milonis Anno Quinto.

A.C. 1194. DCXXII. Henricus, jam valetudine confirmatus, Neapolitanam expeditionem iterum suscipit, ineunte Anno Sæculi hujus nonagesimo quarto: atque per Julium mensem in Italiam reversus, Genuam proficiscitur: indeque, quo destinabat proventus, votis potitur; sicuti commode legi potest apud Chalcum & Sigonium, Panormus (ejusdem Sigonii verba sunt) integræ præmiæ victoriæ fuit. Siquidem, ea recepta, & Constantiam uxorem e custodia liberavit, & Regem se Siciliæ cum ea coronari maximo totius Regni concursu iussit. Hæc pridie Kalendas Decembris administrata. Itaque, quod ex ejus Diplomatis liquet, IS ANNOS REGNI SICILIÆ AB HAC DIE INSTITUIT.

A.C. 1195. DCXXIII. Henricus inde cum thesauris in Longobardos revertitur sub Annos quinque & nonaginta: inquit Chalcus. Atqui, Sigonio teste, prius in Germaniam deinde autem mense Majo in Lombardiam trajecit. Sic etiam juxta Chalcum eodem Anno trans Alpes in Germaniam discessit. Sigonio tamen visus est usque ad mensem Martium Anni subsequæ moram in Italia traxisse. Certe autem Augusto præterea ejusdem Anni mense Mediolani erat; quemadmodum e proximo dignoscitur Diplomate, quod ibidem Ambrosiano huic Monasterio concessit, quodque in hodiernam usque diem archetypum ac bene sanum conservatur.

A IN NOMINE SANCTÆ ET INDIVIDUÆ TRINITATIS. HENRICUS SEXTUS, DIVINA FAVENTE CLEMENTIA, ROMANORUM IMPERATOR SEMPER, AUGUSTUS, ET REX SICILIÆ. Ad æterni Regni meritum, & temporalis Imperii incrementum, apud Regem Regum nobis potissimum proficere non ambigimus; si Ecclesiis Dei & Ecclesiasticis Personis auxilium & munificentia nostræ piam impendimus defensionem. Quapropter notum facimus universis nostri Imperii Fidelibus, presentibus & futuris, quod Nos ad imitationem Antecessorum nostrorum, Imperatorum seu Regum Romanorum, & specialiter Otthonis Tertii, Romanorum Imperatoris Divi Augusti, MONASTERIUM SANCTI AMBROSII APUD MEDIOLANUM cum Personis ibidem Deo servientibus, & universis bonis, quæ nunc habet, vel in posterum concedente Domino justè poterit obtinere, in specialem Magestatis nostræ protectionem atque mundiburdium recepimus: ipsique ab Antecessoribus nostris, & specialiter ab ipso Otthone Imperatore, concessa & confirmata, Imperiali auctoritate concedimus & confirmamus. Videlicet Districum & Curtes DE PASILIANO, CAPIATE, COLONIA, ANTICIACO: & mansos DE VALLE TELLINA, sicut ad nostrum jus pertinent: AC DOMINIUM, UT ABBAS PRÆDICTI MONASTERII PRÆDICTA LOCA IN OMNI JURE ET SERVITIO TENEAT ET DISTRINGAT SECUNDUM JUS NOSTRUM, sine alicujus personæ contradictione. Insuper concedimus & confirmamus ei Curtem DE MONTE cum Castellis & Capellis, Curtem DE LEMONTA, Curticellam quæ dicitur VILLA ALBA, Curtem de OLEODUCTO, cum universis eorum pertinentiis & familiis: & omnia, quæ IN CAVANAGO ET VAREDIO tenet & possidet. Stauentes, & Imperiali sancientes auctoritate, ut nullus Archiepiscopus, Episcopus, Dux, Marchio, Comes, Vicecomes, nullus Consul, nulla Civitas, nullum Commune, nullaque omnino persona, humilis vel alta, secularis vel Ecclesiastica, prædictum Monasterium Sancti Ambrosii, Abbatem & Personas, & qui ibi nunc sunt, vel pro tempore fuerint, in prædictis omnibus aliquatenus impedire audeat, distringere, vel molestare. Quod si quis attemptaverit; centum libras auri puri pro pena componat; dimidium Camere nostræ, & reliquum passis injuriam. Ad cuius rei certam evidentiam præsentem Paginam inde conscribi iussimus, & Magestatis nostræ Sigillo communiri. Hujus rei testes sunt, Vuilielmus Ravennas Archiepiscopus, Angelus Tarentinus Archiepiscopus, Albertus Vercellensis Episcopus, Nazarius Apsensis Episcopus, Bonifacius Marchio de Monte Ferrato, Raynerius & Ubertus Comes de Blandrate, Ottho Zendadarius & Passaguerra Imperialis Aulæ Judices, & alii quamplures.

Signum Domini Heinrici Sexti, Romanorum Imperatoris Inviçissimi, & Regis Siciliæ.

E Ego Conradus Ildenes Hemensis Electus, Imperialis Aulæ Cancellarius vice Adolphi Coloniensis Archiepiscopi, & totius Italiæ Archicancellarii, recognovi.

Acta sunt hæc Anno Dominice Incarnationis Millesimo centesimo nonagesimo sexto, Indictione quartadecima, Regnante Domino Heinricho Sexto, Romanorum Imperatore gloriosissimo, & Rege Siciliæ potentissimo, Anno Regni ejus decimo septimo, Imperii vero sexto, & Regni secundo.

F Datum apud Mediolanum per manum Alberti, Imperialis Aulæ Protonotarii, secundo Idus Augusti.

DCXXIV. Milonem Archiepiscopum Anno Millesimo centesimo nonagesimo tertio fuisse mortuum, eique suffectum Ubertum cognomento Terciagum (aliter Tertiagum, aut Terzagum) Sigonius scribebat. Chalco nos potius assentimur, hoc ipsum adjudicanti Anno supra nonagesimum sexto. Eidem sen-

sententiæ adstipulantur Chronicon *Flos florum* fol. 155. pag. 2. & Catalogus *Aloysii ab Ecclesia*. Ulterius vero progressus alter Archipresbyteri Metropolitanus Catalogus, diem quoque, qua obierit intra eundem hunc Annum *Milo*, sextam decimam esse mensis Augusti enunciat. Tacite vero favent etiam ii omnes, quorum testimonio sedisse traditur *Milo* septem annos, & octo menses. Ceterum Catalogus ille Adnotamenti *Beroldi* superadditus vacasse dehinc Sedem asserit viginti sex dies, priusquam *Ubertus* ille (aliter *Obertus*) in eam substitueretur. Hic porro fuerat *Modoëtiensis* Archipresbyter: & ille quidem ipse (sicuti nos arbitramur) quem Num. 587. & 592. cernebamus Testem binis illis *Friderici* Privilegiis subscriptum. An vero fuisset etiam Metropolitanæ *Mediolani* Ecclesiæ Canonicus Ordinarius, quemadmodum in Catalogo Actis ejusdem Ecclesiæ inserto, & a *Joanne Francisco Besutio* in sua Historia Pontificali affirmatur: hoc quidem nobis hætenus non videtur satis compertum. Certe autem videri nobis non potest ab *Innocentio* Papa Tertio creatus Archiepiscopus; quemadmodum tam Catalogus ille, quam *Successores Sancti Barnabæ* testantur. Longe vero minus ab ipso creatus jam fuerat Sanctæ Romanæ Ecclesiæ Presbyter Cardinalis, Tituli Sancti *Stephani* in *Cœlio Monte*, sicut in eodem illo priori Catalogo habetur. Tempore siquidem *Celestini* Papæ Tertii (qui etiamnum vivebat) ac deinde *Innocentii* (ad multos saltem annos) non alius fuit ejus Tituli Cardinalis, quam *Joannes Salernitanus, Campanus*, ejusdem *Celestini* Legatus in *Germania*, tum *Innocentii* Legatus in *Sicilia*, deinde vero in *Anglia* & *Hibernia*. Sic enim vere *Giaconus* etiam observavit. Sed nos idipsum satis etiam dignoscemus infra; cum Episcopi *Vercellensis* & Abbatis *Locediensis* Sententiam recitabimus, Anno datam Millesimo ducentesimo primo, & in ea confertas *Innocentii* Litteras, nono Kalendas Junii Annoque Pontificatus ejus secundo datas.

DCXXV. Quantum vero temporis *Obertus* iste Archiepiscopalem hanc sedem obtinuerit, discors est Scriptorum sententia. Sedit annos quatuor, menses tres: Catalogus habet insitus Actis Ecclesiæ *Mediolanensis*, *Donatus*, autem *Bossius* in suo: Anno Domini Millesimo centesimo nonagesimo septimo creatus, sedit annos duos, menses novem. *Claudius Robertus* in Catalogo multoties jam producto, Num. 91. *Valbertus Secundus*, vel *Ubertus*, *Terciatus*, Millesimo centesimo nonagesimo tertio, annos duos, menses novem. Simile vero quiddam diceret etiam *Signonius*: quo teste *Ubertus* hic *Miloni* suffectus est Anno Millesimo centesimo nonagesimo tertio; ei vero postea successit *Philippus Lampugnani* Anno nonagesimo sexto. Atqui Chronicon *Flos florum*, nec non etiam tres illi Catalogi Manuscripti, quos nuperrime nominabam, in id consentiunt: Sedit mensibus novem, & diebus quinque. Nos ergo interim postremæ potius huic opinioni adhærescimus; atque propterea hoc potius Anno narrare lubet, quæ proxime sequuntur.

DCXXVI. Sicut enim hoc circiter tempore *Basilica* isthæc *Ambrosiana* corruerat ex parte; sic etiam ejus restaurationem *Obertus* iste Archiepiscopus (non multo nempe post, ut credendum videtur) incepit; eoque vita functo priusquam opus absolveretur, *Philippus* ejusdem Successor absolvit. Hæc autem omnia Lectori nostro successe abunde innotuerint, cum Testes illos protulerimus, quos Processus ille, toties jam nobis ad tam multa scitu digna memoratus, forte fortuna suppeditat. Quod vero plures illi sint; ne pigeat. Unusquisque siquidem suo testimonio aliquid singulare nobis interferet. A duodecimo Teste incipiam. De quo sic habetur: Dominus *Guido*, Monachus Monasterii *Beati Ambrosii*, die

A Mercurii, tertio decimo Kalendas Januarii (Millesimo scilicet ducentesimo Anno) juratus dixit: Viginti anni sunt & plures, quod sum Monachus Monasterii *Beati Ambrosii*. Et ab ipso tempore infra multoties audi-vi (& credo fore verum) a Monachis hujus Monasterii, quod DOMNUS ARIBERTUS DE PAXILIANO FECIT SEDILIA, QUÆ SUNT IN CHORO BEATI AMBROSII: Quæ Sedilia ab ipso tempore infra vidi refici sine contradictione alicujus per Monachos, vel eorum nuncios &c. ET QUANDO ECCLESIA BEATI AMBROSII CECIDIT IN PARTE, tunc Monachi vel nuncii ipsius Monasterii, tulerunt sine contradictione alicujus partem Sedilium in Ecclesiam Sancti *Satyri*, & alteram partem tulerunt juxta Altare. Et facta labore (hoc est, Ecclesiæ in ea parte lapsæ reparatione) restituerunt & reportaverunt ipsa Sedilia in pristina loca, SECUNDUM QUOD IN LOCA PRISTINA SUA POTUERUNT RESTITUI. Quæ vero tertius decimus Testis dixerit, hunc in modum narratur: *Ambrosius* de Sancto *Ambrosio*, qui stat in Monasterio Sancti *Ambrosii*, die Jovis, duodecimo Kalendas Januarii, juratus dixit: Duodecim anni sunt & plures, quod utor in Monasterio *Beati Ambrosii*. In quibus temporibus multoties audiui ab antiquioribus Monachis ipsius Monasterii, quod DOMNUS ARIBERTUS DE PAXILIANO FECIT SEDILIA, QUÆ SUNT IN ECCLESIA BEATI AMBROSII &c. Et tunc QUANDO APTABATUR TIBURIUS ECCLESIAE, vidi eadem Sedilia, sive Stadia, sine alicujus contradictione in parte portari in Ecclesiam Sancti *Satyri*, & in parte juxta Altare *Beati Ambrosii*, per nuncios Monachorum &c. In eandem sententiam decimus quartus hisce verbis succedit Testis: *Joannes* de Sancto *Syro*, Conversus Monasterii *Beati Ambrosii*, die Sabbati, undecimo Kalendas Januarii, juratus dixit: Quadraginta anni & plures sunt, quod sum Conversus Monasterii *Beati Ambrosii*: quibus temporibus hætenus usus fui & steti in ipso Monasterio. Et scio, quod Sedilia, quæ sunt in Choro *Beati Ambrosii*, sunt Monachorum tantum, & non Canonicorum. Interrogatus, quomodo scit, respondit: Ego vidi DOMNUM ARIBERTUM DE PAXILIANO, Monachum hujus Monasterii, DICENTEM, QUOD IPSA SEDILIA FECERAT AD UTILITATEM MONACHORUM. Et hoc audiui similiter confiteri ipsi Domino *Ariberto* Monachos Monasterii *Beati Ambrosii*, qui tunc erant. Interrogatus, si vidit, ipsa Sedilia fieri, respondit: Non. Sed ab illo tempore quadraginta annorum & plurium infra vidi ipsa Sedilia & formas retineri quiete sine alicujus contradictione per Monachos, & eorum nuncios, aptando ea Sedilia & formas &c. Item vidi, & egomet adjuvi portare partem ipsorum Sedilium in Ecclesiam Sancti *Satyri* PRO-TER RUINAM ET LABOREM ECCLESIAE. Et, facta labore ipso, vidi eandem partem Sedilium per nuncios ipsius Monasterii reportari quiete & sine alicujus contradictione in pristina loca: & egomet ad hoc subsidium præstiti &c. Ejusmodi porro Testes, per Monachos producti, de hoc etiam verbatim interrogabantur: Si Dominus Archiepiscopus ponit ibi Superstantem (aliter Superstitem) & si non potest rescire Superstans ille Ecclesiam, si Dominus Archiepiscopus refecit eam & refecit. Vide autem, quid ad hæc responderint nonnulli; quibus nemo certe alius contradixit. Primus profecto sic respondit: Superstans refecit de habere (hoc est, e facultatibus) Domini Archiepiscopi; quia Ecclesia, & quantum habet Superstans, est Archiepiscopi. Undecimus autem: Ego credo, quod sit ibi Superstes per Dominum Archiepiscopum: & quod reficiat Ecclesiam, sicut potest. Et si non potest; Dominus Archiepiscopus refecit eandem Ecclesiam. Et vidi, QUOD ARCHIEPISCOPUS OBERTUS IPSAM ECCLESIAM FECIT AP-

TARE, ET QUOD DOMINUS PHILIPPUS FECIT OPUS INCOEPTUM PERFICI. Paucioribus vero verbis decimus octavus ac decimus nonus Testes responderunt: QUONDAM DOMINUS OBERTUS ARCHIEPISCOPUS IPSAM REFECIT. Hinc ergo sic etiam interrogabantur: *Si multi lapides Ecclesiæ Beati Ambrosii sunt & fuerunt portati in Ecclesiam Sancti Satyri, QUANDO REÆDIFICATA FUIT ECCLESIA BEATI AMBROSII.* Cui quidem interrogationi Testis ille undecimus respondit: *Sic, de voluntate Superstitis.* Duodecimus vero nude respondit affirmativum *Sic, hoc est, Ita prorsus.* Atqui decimus tertius: *Sic, Lapides Pulpiti.* Decimus vero quartus: *Nescio, nisi de lapidibus Pulpiti, qui fuerunt portati in Ecclesiam Sancti Satyri.* Hactenus Testium dicta, præiens ad institutum pertinentia. Lectorem nunc rogamus, ut inde nobiscum hæc observet. Monachus in primis ille, quem nunc Testes ARIBERTUM DE PAXILIANO appellarunt, unus idemque nobis videtur cum eo, cujus mentio nobis Num. 389. Annoque Christi Millesimo centesimo quadragésimo primo fiebat sub nomine ARIBERTI DE PASILVANO. Sicut igitur AD TURBIDAM ille tunc Sanctorum Petri & Pauli Apostolorum Ecclesiam reædificaverat; sic etiam deinde ante Annum Christi Millesimum centesimum sexagesimum Chori hujus Sedilia construxit; quæ tamen Canonicis etiam in commune deservirent, sicut ex universo passim Processu liquidissime constat. Chorus porro & Odæum per hæc tempora situm erat ante primum Altare, quemadmodum Num. 20. describebamus. Quoniam ergo interea temporis, quo ea Basilicæ pars, quæ conciderat, reficeretur, necesse fuit, ut translata inde Sedilia fervarentur alibi; propterea nos quidem arbitramur, superiorem illic Basilicæ partem concameratam concidisse; atque sic etiam fortasse illam, ex qua olim ea conciderat tabula, quæ subjectis (ut Num. 21. narrabamus Sanctorum Protasii & Gervasii capitibus illisa, tantum inde sanguinis elicuit. Ceterum ejusmodi partem ita tunc resectam existimamus, ut ejus loco Culmen ac Fastigium seu Pinnaculum illud extruxerint, quod tertius decimus Testis Idiomate nostrati hodieque usitato TIBURIUM appellabat tunc APTATUM. Idipsum profecto Culmen, Num. 21. asserabamus non tantæ nobis visum esse antiquitatis, quantæ reliquam ejusdem Basilicæ molem, sive quæ Altari primario, sive quæ vestibulo est obversa. Siquidem hanc ipsam partem Num. 392. variis indiciis ostendimus esse minus altera vetustam. Quod autem Num. pariter illo 21. quatuor semicolumnæ ingentibus illis totidem pilis postea superadditæ describebantur: has quidem nunc credimus in eum præcipue finem superadditas, ut, suffultis fornicibus, qui adhuc salvi stabant, quive Pinnaculum vetus (quale scilicet in Odæo cernimus adhuc opere musivo elaboratum, atque Num. 74. protulimus inde incisum æri, & chartæ impressum) sustinerant, Pinnaculum sustineretur ipsum, quod in præsentī construxerunt. Hoc igitur etiam constructo, Sedilia illa primorem in locum restituta utcumque fuerunt. Sed quia duabus illis semicolumnis, quæ interim superadditæ fuerant, aliquantum magis impediabantur; earum propterea latus exterius alicubi scalpro nonnihil excindi, ac rotunditatem deformari (quemadmodum hactenus etiam cernere licet) oportuit. Et ejusmodi profecto excisione continentur ea indicia, quæ nos eodem illo Num. 21. innuebamus. Cur vero Pulpiti lapides inde pariter tunc alio fuerint translati, hæc forte causa fuit; quia Ecclesiæ illic collapsæ succubisset Pulpitum, atque superior saltem ipsius pars, compage lapidum soluta, una simul corruisset.

A DCXXVIII. Testes per Monachos producti sic etiam interrogabantur: *Si MURUS, QUI EST SUB TIBURIO, QUEM FECIT FIERI DOMINUS ARCHIEPISCOPUS, est inter Chorum & illam fenestram* (quæ tunc ibi circiter videtur fuisse, ubi nunc est Porta lateralis obversa Canonica) *ita quod ille murus removet lumen totum, quod consuevit venire in ipsum Chorum ab illa fenestra.* Sic autem vicissim responderunt infra scripti Testes. Ac primus quidem, Dominus Johannes: *Non: immo Lobia, seu tectum illud* (de quibus nos alibi dicemus) *removet lumen illud.* Septimus vero, Burghettus: *MURUS, QUI FACTUS EST SUB TIBURIO, præstat obscuracionem in Choro, & Lobia ad Pulpitum.* Octavus item, Zan de Cartabia: *MURUS, QUI EST SUB TIBURIO, magis impedimentum præstat lumini, quam Lobia, ut credit.* Undecimus vero, Dominus Martinus: *Multum obscurat visum legentium & canentium in Choro: & non est quasi in meditullio, ut credo. Immo ipsam fenestram credo esse per medium sedilis Abbatis. Sed MURUS, QUI EST SUB TIBURIO, non removet totum lumen fenestræ obturatæ, sed partem, ut credo.* Duodecimus autem, Dominus Guido: *Non removet totum lumen: sed PARS IPSIUS MURI DE TIBURIO est inter fenestram & Chorum, & non in totum.* Talia Testes isti. Ut autem sensum hic quoque nostrum aperiamus: ante omnia DOMINUS ARCHIEPISCOPUS, absolute hoc loco nominatus, nobis quidem non alius videtur, quam Philippus ipse tunc Archiepiscopus, quando Processus iste condebatur. Quocirca sicut ipse restaurationem ab Oberto sui decessore ceptam perfecit, sic etiam illum sub Tiburio murum construxit. Ejusmodi vero murus a nobis item non alius fuisse conjectatur, quam ille, quo certe superaddito cernimus adhuc occlusum illud intercolumnium, quod simul est Canonica obversa, & Altari primario dexterum: e quo scilicet muro præsens inter Monachos & Canonicos altercatio pendebat. Utrumque siquidem illud intercolumnium, eidem hinc inde Altari laterale, sine dubio patebat ab initio: ac prospectus inde liber, atque etiam fortasse ingressus, ad Altare primum dabatur. Ferrea ergo tantum crate (cui etiam ostium inesset) illud deinde septum fuisse credimus: ac eo præsertim ex tempore, quo laminas aureas Angilbertus Archiepiscopus interjecto eidem Altari circumdedit. Denique vero Philippus Archiepiscopus pro crate illa parietem, sicut uni, sic etiam alteri adstruxit: quo videlicet utrumque oppletum intercolumnium ambo itidem illa Basilicæ latera redderet firmiora, Culminique sive Tiburio suffulciendo magis idonea.

E DCXXIX. Sicut autem Obertus Archiepiscopus hoc ipso Anno restaurationem hujus Basilicæ aggressus opinione nostra fuit; ita profecto Codex ille Charévallensis Monasterii manuscriptus, cujus mentio nobis Num. 384. incidit, hæc præcise verba de ipso habet in Anselmo, intra nonagesimum secundum & nonagesimum octavum supra Millesimum centesimum Annum ejus Monasterii Abbate: *Tempore hujus, Anno Millesimo centesimo nonagesimo sexto, facta est Consecratio Altarium a Reverendissimo Domino Oberto de Terzaghis, Archiepiscopo Mediolani.* Nec plura nobis in præsentem Annum.

F DCXXX. Dum Henricus (hæc utique sunt e Chalci contextu) in Germania moram trahit, Fridericum Rogerium, Constantia genitum, Cæsarem dici, consortemque Imperii decerni ab Heroibus curavit. Mox eundem in Italiam adducit. Neapolimque & inde in Siciliam profectus, ibi eum veluti legitimum Avunculi heredem successoremque coronat, & Populis imperare jubet. Ipse Messanam reversus, pridie Kalendas Octobris moritur, ætatis tempore florentissimo, quippe quartum & trigesimum annum non excedens. Quorum duos &

Et viginti cum Patre, septem solus regnaverat. Hactenus Chalcus. Erat autem adhuc Henricus a Pontifice Romano excommunicatus. Qua de re idem Chalcus jam egerat Anno nonagesimo quarto, legique potest etiam Baronius Anno nonagesimo tertio Art. 18. & Anno nonagesimo quinto Art. 5. Hinc ergo Rogerius de Hovueden, sicut etiam recitatur apud eundem Baronium Anni nonagesimi septimi Art. 5. inter alia sic scribebat: *Prædictus Romanorum Imperator obiit in Sicilia apud Messanam, in Vigilia Sancti Michaelis, EXCOMMUNICATUS A COELESTINO PAPA propter captionem & redemptionem Richardi Regis Angliæ. ET IDEOPROHIBUIT IDEM PAPA, NE CORPUS ILLIUS SEPELIRETUR; licet Archiepiscopus Messanæ pro eo multum orasset.* Legantur vero reliqua etiam, quæ Baronius ibidem prolequitur: illudque etiam nominatum, quod Art. 10. recitat e Mattheo Paris in hæc verba: *Henricus Imperator LEGAVIT CAPITULO CISTERCIENSIVM tria millia marcharum argenti de redemptione Regis Richardi, AD THURIBULA PER TOTUM ORDINEM FACIENDA ARGENTEA. SED ABBATES, tam ipsum Imperatorem quam donum ejus detestantes, RENUERUNT DE TURPI QUÆSTU ACQUISITUM DONUM EJUS RECIPERE.* Ceterum Fridericus Rogerius, Henrici filius, ei deinceps minime potuit in Imperium succedere. Philippus ipse Sueviæ Dux, & demortui Henrici ex Æno-barbo frater, id sibi vindicare coepit, & aliquandiu contendit. Sed Otthoni tandem Pictaviæ Comitatu delatum est; ut suo nos tempore dicturos in altero Volumine speramus.

DCXXXI. Si verum est, quod paulo ante nobis videri similis fatebamur, de temporis spatio, quo Archiepiscopalem hanc Sedem rexerit Obertus; hoc igitur Anno vitam ille cum morte commutavit. Sin autem Philippus quoque Lampugnani ei successit, postquam Sedes viginti novem solummodo dies vacasset (ut expresse Catalogus affirmat ille post Beroldi Adnotamenta conscriptus) hoc igitur item Anno ei successit; & quidem post Quadragesimalem Olivarum Dominicam; qua tamen Anni subsequen-tis Dominica nos illum certo credimus Archiepiscopum fuisse. Quocirca, quintus etiam in Processu Testis Domnus Arnoldus, Anni Millesimi ducentissimi mense Novembri examinatus, cum dixisse scriptus a Notario fuisset, sese annuæ Olivarum a Sancti Laurentii ad Sancti Ambrosii Basilicam Processioni eo die Dominico interfuisse a tempore Oberti Pirovani usque ad Milonis Archiepiscopi tempus; tum vero sic etiam ista dixisse traditur: *Item, existente illo Abbate Ambrosio, vidit idem IN TEMPORE DOMINI PHILIPPI, QUI MODO EST ARCHIEPISCOPUS, Item IN TEMPORE EJUSDEM DOMINI PHILIPPI ARCHIEPISCOPI, & tempore Domni Aioldi (aliter Aivaldi) qui modo est Abbas, idem vidit ETIAM PER DUAS VICES.* Quod si tempore Aioldi hujus Abbatis (qui Ambrosio successit) ejusmodi Processionem a Philippo celebratam viderat per duas vices; igitur & per duos annos, ducentessimum videlicet ac nonagesimum novum, Philippus jam erat Archiepiscopus. Sin autem viderat illam pariter ab eodem Philippo celebratam, cum Ambrosius adhuc esset Abbas; igitur Anno saltem nonagesimo octavo Philippus eam pariter celebraverat; proindeque Archiepiscopus antehac jam erat. Hæc igitur, tali nixa testimonio, satis quidem certa nobis videntur. Illud vero satisetiam probabile: Philippum Augusto circiter mense præsentis Anni nonagesimi septimi electum fuisse Mediolanensem Archiepiscopum. Auctor Chronici Flosforum fol. 157. pag. 2. sic de ipso habet: *Philippus de Prandebonis de Lampugnano, natus Mediolani Ar-*

A *chiepiscopus Mediolani Octuagesimus octavus, Anno Domini Millesimo centesimo nonagesimo septimo. Sedit annis decem.* Sicut autem intra nobis testimonio constabit Honesti de Cosenigo, quem in suo Processu Canonici ante alios omnes examini subjecerunt, idem hic Philippus tempore Milonis Archiepiscopi fuerat Metropolitanæ Archipresbyter. Quocirca sic etiam Num. 613. Annoque Christi supra Millesimum centesimum nonagesimo, & rursus tertio inde Anno ac Nu. 621. eidem Miloni subscribebat. Congruenter autem ad hæc, quæ de Oberti obitu deque Philippi substitutione censuimus, nullas extare dicemus Litteras, quas Innocentius Papa Tertius (de cujus promotione reliquum est ut proxime agatur) ad Obertum istum Archiepiscopum scripserit. In hoc enim nos constanter a Catalogo Successores Sancti Barnabæ dissentimus: atque Litteras illas non ad ipsum, sed ad Philippum, successorem ipsius immediatum, Milonis vero mediatum (& hinc respondebimus argumento, quod, ex una ejusmodi Litterarum forte depromptum, ei dedit occasionem opinioni, ne dicamus error) scriptas fuisse, mordicus tenemus. Certe autem miramur, cur ejusmodi Philippum in aliquot Catalogis omisum videamus: videlicet in eo, quem Donatus Bossius collegit: in altero Metropolitan Archipresbyteri: tum etiam in tertio Secretarii Urbani.

C DCXXXII. Nonagesimus octavus supra Millefi-^{A.C. 1198.} mum centesimum jam sequitur Christi Annus: ejusque sexto Idus Januariæ Coelestinus Pontifex moritur: eademque protinus die, post ipsius exequias honorifice celebratas, Lotharius, Sanctorum Sergii & Bacchi Diaconus Cardinalis, in ejus locum sufficitur, doctrina simul & pietate animique magnitudine per- insignis: atque mutato nomine Innocentius Tertius appellatur.

D DCXXXIII. Hoc ipso Anno Innocentius varias dedit Litteras, ad Ecclesiam Mediolanensem pertinentes: quarum nonnullas nos hoc loco indicabimus. Ac primæ quidem nobis illæ sint, quarum preces, TANQUAM PRIMITIAS, ille nostro Archiepiscopo direxit: Subdiaconum suum, non Hugonem (sicut in Catalogo Successores Sancti Barnabæ perperam legitur) sed Henricum (& quidem de Settara, qui postea noster itidem Archiepiscopus fuit) ei commendans, ut Archiepiscopalem ipsi Cancellariam conferret: *quatenus eidem Subdiacono (sic enim Pontifex Archiepiscopum verbatim alloquitur) QUI TAM PER SE QUAM PER CONSANGUINEOS SUOS TIBI ET ECCLESIAE TUAE PLURIMUM ESSE POTERIT FRUCTUOSUS, & ad ipsius executionem officii probatur idoneus, quem Nos etiam quadam prærogativa speciali diligimus, dictam Cancellariam sine cujuslibet difficultatis obstaculo, tam nostrarum precum intuitu, quam ipsius meritorum & probitatis obtentu, non differas assignare.* Et hæc quidem Libro Primo Epistolarum ejusdem Innocentii Decretalium continentur Epistola 120. cui deinde alteram ille adjecit ejusdem argumenti (quæ numero est 366.) lectu profecto dignissimam. Sic etiam eidem scripsit Archiepiscopo Epistolam 22. Laterani duodecimo Kalendas Martii datam: qua ei concessit, ut Ordinatos a Summo Pontifice ipse posset ad Diaconatum ac Sacerdotium promovere; quippe cum Ecclesia Mediolanensis tam in Metropolitana quam in ceteris Basilicis magna Ministrorum penuria laboraret. *Sicut ex tenore (inquit) tuarum litterarum accepimus, Mediolanensis Ecclesia, TAM IN CAPIT, QUAM IN MEMBRIS, occasione Clericorum illorum, qui ab ipso Romano Pontifice Ordinem receperunt, adeo est Ministrorum solatio destituta, ut paucos Clericos in eadem Ecclesia valeas invenire, quos ad Diaconatus & Presbyteratus possis officium promovere.* Sed præter a paucis post diebus eidem scripsit super

quæstione quadam, jam inde a *Milonis* Archiepiscopi tempore controversa inter ipsum & Monasterium Sancti *Donati* de *Scozula*, five de *Sexto* (quod nos hodie **SEXTUM KALENDAS**, in *Ticini* & *Urba-*
no Lacu effluentis ripa situm, appellamus) cujus controversiæ causa Procuratorem suum *Philippus* Archiepiscopus *Romæ* miserat Causidicum quemdam *Passaguerram*; sicut habetur in Epist. 37. data *Laterani sexto Nonas Martii*. Hic autem *Passaguer-*
ra nobis idem ille videtur, quem Num. denique 613. vidimus Testem Sententiæ *Milonis* Archiepiscopi, & Num. 623. Imperatoris *Henrici Sexti* Privilegio subscriptum. Certe autem postea, quia *In-*
nocentio Papæ oblocutus fuerat; propterea fuit etiam Pontificio tandem anathemate percussus. Sic enim constat ex Epistola 85. *Mediolanensi* Archiepiscopo data *Romæ apud Sanctum Petrum Idibus Aprilis*, Pontificatus nostri Anno primo: tum etiam ex Epist. 358. Consulibus *Mediolanensibus* postmodum scripta. Ceterum de controversiæ pariter illius exitu multisque aliis scitu dignis, quæ præsertim ad ejus Monasterii originem ac Privilegia pertinent, legatur in ejusdem *Innocentii* Epistolarum Libro Secundo Epistola 37. ad eundem *Philippum* Archiepiscopum. Nos quidem inde isthæc tantum in præsentī memorabimus, quibus *Joannis Anagnini* Cardinalis & Apostolici Legati (de quo aliquid diximus Num. 425. Annoque Christi supra Millesimum centesimum sexagesimo) & *Alexandri* Papæ Tertii pro *Mediolanensibus* contra *Ænobarbum* gesta illustrantur. *Innocentius* namque sic etiam tradit: Porro ad exceptionem permissam se-

pedictus Procurator tuus taliter replicabat: Quod bonæ memoriæ **JOANNES ANAGNINUS** Sanctæ Mariæ in Porticu Diaconus Cardinalis, postea Sancti Marci Presbyter, & tandem Episcopus *Prænестinus*, **TUNC APOSTOLICÆ SEDIS LEGATUS**, attendens, **QUAM BARBARICA FERITATE ET INSA-**
TIABILI ODIO ECCLESIAM ET CIVITATEM MEDIOLANENSEM FEDERICUS IMPERATOR FUNDITUS VELLE
TERE, ATQUE IN SUPREMAM REDIGERE SERVITUTEM; quicquid ipse, vel aliquis *Judex* seu *Ministerialis* ejus, in Ecclesias, Clericos vel *Cives* *Mediolanenses* statuerat tempore illo in irritum revocavit. Cujus factum felicitis recordationis **ALEXANDER PAPA** prædecessor noster approbans confirmavit. Quid, quod etiam octavo Calendas Junii, Pontificatus itidem sui anno primo ad Capitulum scripsit *Mediolanense*? Cui quidem mandabat, ut Præbendam & domum Canonicalem restitueret *O. Terdonensi* Episcopo, sed interim Concanonico nihilominus suo.

DCXXXIV. Basilicam porro istam proprie attingit Epistola 314. *Mediolanensi* Archiepiscopo his conscripta verbis: Cum pro his tibi preces Apostolicæ porriguntur, qui apud Romanam Ecclesiam obsequiis tuis & Ecclesiæ *Mediolanensis* insistent; miramur non modicum, si eos differas effectui mancipare; & ex hoc Nos a te pro alienis minus audiendos præsumimus, a quo pro tuis familiaribus & domesticis non audimur. Meminimus, quod olim tibi preces porrexerimus & mandatum, **UT DILECTUM FILIUM BONACOSAM, CLERICUM ET NUNCIUM TUUM**, qui apud Sedem Apostolicam pro tuis diutius obsequiis laboravit, **IN CANONICUM ECCLESIAE BEATI AMBROSII RECIPI FACERES**: & Beneficium, quod in ea vacare dicebatur, ipsi ob reverentiam Sedis Apostolicæ assignari. Verum (sicut rerum demonstrat effectus) te id minus solícite procurante Canonici ejusdem Ecclesiæ, cum ad te dictæ litteræ pervenissent, post appellationem ad Nos interpositam, tres in suos Canonicos recepere, mandato Apostolico, quod pro eodem *Bonacosa* tibi porrectum fuerat, non admissa. Quocirca Fraternitati tuæ per Apostolica Scripta mandamus,

A quatenus, revocato in irritum quicquid post appellationem ad nos interpositam super Beneficio ipso in ipsius præjudicium inveneris attentatum ei Beneficium, si quod vacat, appellatione remota, non differas assignare. Datum *Romæ apud Sanctum Petrum*, octavo Idus Julii. Pontificatus nostri Anno primo. Hactenus *Innocentius*.

DCXXXV. In eundem Annum *Tristanus Chalcus* ita etiam tradit: Interea *Mediolani* locus publici Consilii (quoniam hactenus certus non fuerat) constituitur: in quem magnis de negotiis tractaturi convenirent. **CREDENTIAM DIVI AMBROSII** nuncupavere. Spectatur adhuc media Urbe Turris eo titulo celebris: & diu pro Curia habita fuit. Eadem affirmat etiam *Corius*, qui eodem florebat tempore, quo *Chalcus*. Atqui nos, ubinam Turris illa esset, vel etiam fortasse nunc sit, ne adhuc quidem post accuratam inquisitionem invenire potuimus. Ceterum de ipsomet **CREDENTIAE** publico Magistratu nonnihil Num. 588. diximus. Nunc de ipsius etymologia. *Gualuanus Flamma* in Manipulo Florum Cap. 225. de Consulibus loquens, quos ille sibi Magistratus quotannis diligebat, sic habet: *Dicti vero sunt CONSULES DE CREDENTIA*, quasi **DIGNI CREDULITATE ET FIDE**. Hinc igitur universum etiam ipsum Magistratum **CREDENTIAM** fuisse appellatum, nos quidem haud difficulter credidimus; quippe qui nonnisi delectis constare deberet Viris, qui credulitate ac fide digni essent. Alteram porro etymologiam nobis indicat Auctor Chronici *Flos florum* fol. 157. pag. 1. cum de Artistarum congerie, quæ **SANCTI AMBROSII CREDENTIA** vocabatur, sic narrare pergit: In processu temporis isti Artifices divisi sunt in duas partes; quia illi, qui vivunt de emptionibus & venditionibus absque opere manuali, dicti sunt *Populares* & *Mercatores*, & homines medio se habentes inter divitias & paupertatem; illi autem, qui vivunt opere manuum suarum, dicti sunt **CREDENTIAE**, eo quod **CREDENDO MULTA DAMNA SUSTINUERUNT A NOBILIBUS**. Et isti tales sunt *Becharii*, *Farinarii*, *Calcifices*, *Sutores*, & his similes homines.

DCXXXVI. Decembri ejusdem Anni mense Monachi Canonicos arcuerunt ab ingressu Chori, ac divina ipsorum Officia non sine magno tumultu interturbaverunt. Audiamus hac de re tertium Canonorum Testem, *Guilfredum*, ita verbatim post duos inde annos testantem: In Vigiliis Sancti *Ambrosii* proxime præteritis fuerunt anni duo, & quibusdam Vigiliis Beati Apostoli *Thomæ* (quibus Vigiliis Beati *Thomæ* proxime præteritis similiter fuerunt duo anni) & tunc Abbas & Monachi, obviantes Canonis, prohibuerunt ingressum Chori ipsis Canonis, volentibus intrare Chorum Sancti *Ambrosii* cum Psallenda, & cantare ibi Responsum & Orationem Vigiliarum Sancti *Thomæ*, sicut consueverant, quas Vigiliis Canonici incoperant apud Altare Sancti *Andree*, ubi festum Sancti *Thomæ* celebratur &c. Idipsum contestati subinde fuerunt etiam sextus Testis *Guilielmus Marinonus*, septimus *Petrus Taberna*, nonus *Prævostus Glocarius* (cujus quidem testimonio incidenter indicatur Palatium tunc unum prope Sanctæ Mariæ Græcæ Ecclesiam, de qua nos jam Num. 533. & 534. diximus, extitisse) decimus *Petrus de Bonaventis*, & undecimus *Nazarius de Caravate*.

DCXXXVII. Millesimo centesimo nonagesimo nono Christi Anno, in Dominica *Palmarum*, jam erat Monasterii hujus Abbas post *Ambrosium Arial-*
du (aliter *Aivoldus*) sicuti Num. 631. præmonebamus. De ipso autem, Processus ille jam toties memoratus, in tertio Teste pro Monachis examinato, Domno nimirum *Petro Sapa*, sic verbatim habet: Item testatur, se vidisse eundem Presbyterum *Burrum* aperire illud Altare (Sancti *Ambrosii*) **QUANDO**
DOM-

DOMNUS AIROLDUS, QUI MODO EST ABBAS, CANTAVIT MISSAM NOVELLAM, ad ejus petitionem. Sed dicit, quod, cum Canonici illud tunc nollent ei facere aperiri, ex mandato Domini Archiepiscopi ei apertum fuit: ET QUOD ETIAM ILLI CANONICI TUNC EXCOMMUNICATI FUERUNT, QUIA NOLEBANT ILLUD APERIRE. Quod ipsum Dominus etiam Martinus, Testis undecimus, aperte significavit.

DCXXXVIII. At enim quintus Canonorum Testis itemque Canonicus, Bertramus Corbus, in hunc ipsum quoque Annum ita testabatur: Bene credo firmiter, quod Canonici recipiant Archiepiscopum & Ordinarios ad omnes Processiones, quæ veniunt ad Sanctum Ambrosium: & numquam vidi aliquem Monachorum recipere Archiepiscopum vel Ordinarios cum Incenso ad Portam Ecclesiæ Sancti Ambrosii. Sin vero Ordinarii veniunt aliquando ad Ecclesiam Beati Ambrosii pro Annuali vel Psalmis faciendis; tunc eis tenetur Liber a Canonici. Et hoc scio; quia egomet pluries tenui Librum eis in Psalmis & Vesperis Beati Ambrosii & Sanctorum Martyrum Protasii & Gervasii. ET AB ANNIS DUBUS INFRA venerunt Ordinarii Ecclesiæ Majoris ad Sanctum Ambrosium pro faciendo Annuale uno (sed cujus annuale fuerit, non recordor) ET QUIA EIS LIBRUM NON TENUERUNT CANONICI, ut audivi & credo; quod hoc ex relatione quorundam scivit Archiepiscopus, OB HOC NOBIS INTERDIXIT. Atque hoc etiam fortasse illud est Interdictum, cujus mentionem hoc ipso fecit Anno, Pontificatus sui secundo, Innocentius Papa Tertius in suis ad Episcopum Vercellensem atque Abbatem Locediensem Litteris, nono Kalendas Junii datis, quas eorumdem postea Sententiæ insitas nos infra recitabimus.

DCXXXIX. Variis de rebus, ac nominatim etiam de quodam Interdicto, quæstiones inter Monachos hoc tempore vertebantur & Canonicos. Cumque communi Partium consensu earum cognitio a Supremo Pontifice demandata fuisset Archidiacono Mediolanensis Basilicæ Metropolitanæ, ac Præpositis Ecclesiarum Sancti Joannis de Papia & de Treno: nec illi Partes componere potuissent; tum vero Monachi, quantumvis Canonici renuerent, ab eodem Pontifice impetrarunt, ut aliis rursus Judicibus eadem pariter lites ad discutiendum demandarentur. Demandatæ igitur eæ fuerunt Episcopo Vercellensi, & Abbati Locediensi; quemadmodum infra constabit. De Locediensis autem Monasterii origine Carolus abunde scribit Sigonius in Libro De Episcopis Bononiensibus, in Episcopo videlicet Frugerio, qui Episcopatum illum inivit circiter Annum Domini Millesimum decimum quintum, quive Anno etiam postea vigesimo sexto eundem regebat. Interim Bonifacius, Montisferrati Marchio (verba sunt ipsius Sigonii) MONASTERIUM AD LOCEDUM IN AGRO VERCELLENSI construxit: atque ei Bononium, Civem Bononiensem, insignem ex ipso Divi Stephani Monasterio Monachum, ob singularem sanctitatis famam, Petri Vercellensis Episcopi commendatione præfecit. Qui per multos annos cum Monasterium omni edito virtutis moderationis & sanctitatis exemplo rexisset; demum Anno Millesimo vicesimo sexto (Libro Octavo De Regno Italiæ viciesimum septimum fuisse tradit) diem suum obiit, ingenti sui relicto Monachis Locediensibus desiderio: ac sanctitatis suæ opinionem insignibus post mortem editis miraculis comprobavit. Unde postea Aram ab Arderico Episcopo Vercellensi, cum esset a Pontifice numero Sanctorum ascriptus, accepit. Dies ejus celebratur tertio Kalendas Septembris. Vita apud Monachos Sancti Stephani scripta extat. Hæc ibi Sigonius. Eandem porro ipsius Vitam Surius inde acceptam recitat Tomo Septimo: ex eaque quintum constat, Bononium alteri fuisse illic Abbati suffectum. Atqui Chryzostomus Henriquez in Menolo-

gio Cisterciensi, sub quarto Idus Septembris, de Beato locutus Olgero, illius Monasterii Abbate, ita mox ad vocem LOCEDII adnotat: Cænobium est Ordinis Cisterciensis, constructum Anno Domini Millesimo centesimo vigesimo tertio, duodecimo Kalendas Augusti, in Lombardia, & Diocesi Vercellensi (hoc est, Vercellensi) Monachis e Firmitate eo missis. Quo quidem tempore, non tam primitus constructum, quam Cisterciensibus traditum fuisse Monasterium illud, nos quidem tamquam ex Henriquez sententia interpretamur; ne forte a Sigonio diffideat. Ex Ordine igitur Cisterciensi erat hic Abbas (& quidem nomine Petrus) cui pariter ac Alberto Vercellensi Episcopo Innocentius dijudicationem Ambrosianarum ejusmodi controversiarum demandavit. Quanti vero illos faceret, vel ex eo nos etiam comperimus, quod iisdem pariter hoc Anno mandavit, ut Primi & Secundi Humiliatorum Ordinis Regulas, ad confirmandum sibi oblatas, corrigerent, & unam e duabus componerent; sicut etiam re vera peregerunt; peractumque sic etiam Innocentius ipse sua Pontifice e Cathedra docentis auctoritate confirmavit. Sic enim suo tempore suoque separatim Volumine monstrabimus inter universi ejusdem Ordinis Monumenta, per nos jam collecta: quæ prælo typographico destinavimus, ad Urbis etiam nostræ splendorem; quippe cum e primaria ipsius Nobilitate feliciter Ordo ille prodierit. Utinam vero primores etiam spiritus perenniter conservasset illos, qui per hæc præsertim tempora vigeant! Non enim solæ nunc Moniales tanto ex Ordine superessent.

DCXL. Dum lites odimus ac discordias, inter hæc duo Ambrosiana, Monachorum unum, alterum Canonorum, Collegia recenter excitatas; facere profecto tamen non possumus, quin confectos earum gratia Processus, e quibus ceteroqui tam multa nobis illuxerunt, vehementer diligamus. Idem vero Processus intra Millesimum ducentessimum ac ducentessimum primum Christi Annum confecti fuerunt: & quidem pro Monachis a Novembri mense usque ad proximum inclusive Martium; pro Canonicis autem ab undecima Decembris die usque ad octavam subsequens Januarii. Sic enim ex iisdem liquidissime constat. Quoniam vero Num. 586. animadvertimus, Incarnationis Dominicæ Annos per hæc tempora computari apud Lombardos nostros non consuevisse a vigesima quinta Martii die; id ipsum præstat etiam in præsentii rursus indicare. In Processu ergo Monachorum, posteaquam undecim jam Testes fuissent examinati, sic legitur interfertum: Prædictos vero Testes omnes recepit Nicolaus Vercellensis Tabellio Anno Dominicæ Incarnationis Millesimo ducentesimo, mense Novembris, Indictione quarta. Sed infra scriptos Testes cunctos recepi ego Lanfrancus de Concorezo postmodum, & prædictos Testes iterum interrogavi. Cum vero ipsos iterum interrogare aggreditur, ita protinus incipit: Dominus Joannes, Presbyter & Prior Monasterii Beati Ambrosii, reversus Anno Dominicæ Incarnationis Millesimo ducentesimo primo, octavo die Martii, interrogatus per me Lanfrancum de Concorezo Mediolani Tabellionem &c. En igitur apparet, quemadmodum die Martii octava ducentessimus primus a Dominica Incarnatione Annus jam successisset ducentesimo, qui superiori mense Novembri ducerebat. Quoniam insuper plurimum interest observasse, quanta sit amborum ejusmodi Processuum fides; ita profecto iis denique subscriptum, & quidem propria cujusque subscribentium manu (loquimur autem de conscriptis in charta pergamenæ) conspeximus:

✠ Ego Alberius, Vercellensis Ecclesiæ humilis Minister, mandatum supra dictum, factum ab Abbate Locediensi suo & meo nomine, ratum habeo, & subscripsi.

✠ Ego Petrus, Locediensis Abbas, mandavi, ut dicta supra

A.C.
1206.
1201.

supra dictorum Testium publicarentur, & subscripsi.
 ✠ Ego Lanfrancus de Concorezo, Domini Henrici Imperatoris Notarius, præscriptos Testes, in parte a me receptos, & in parte a Nicolao Vercellensi Tabellione receptos, mandato dicti Domini Locediensi Abbatis autenticavi, & in formam publicam, perpetuo valituram, efficaciter redegi.

Sic utique subscriptum extat Monachorum Processibus. Iis vero, qui pro Canonicis confecti fuerunt, hoc solum:

✠ Ego Lanfrancus de Concorezo, prædictos Testes omnes recepi.

DCXLI. Post confectos ejusmodi Processus suam Judices Sententiam sub finem præsentis Anni ducentissimi primi pronunciarunt. Interea vero nos alia quædam inde, scitu digna, Monumentisque præsentibus necessaria, depromemus. Quorum primum ea fit pompa & apparatus, quo Mediolanensis Archiepiscopus in Dominica Palmarum & Olivarum, posteaquam in Basilica Laurentiana munere suo perfectus esset, per Abbatem deinde Ambrosianum excipiebatur, & ad Basilicam ipsam deducebatur Ambrosianam. Qua de re satis jam multa nos in superiora tempora differuimus Num. 51. ac deinceps. Quæ igitur in præsentem proferemus, ad posteriora potius spectabunt tempora, jam inde saltem ab Oberto Pirovano Archiepiscopo, Sancti Galdini decessore: in cujus etiam ætatem, priusquam nostra Civitas ab Anobarbo everteretur, ejusmodi Processus inquisierunt. Quocirca decursu temporis aliquid etiam videre licebit in hac ipsa celebritate immutatum. Ut autem a Testibus per Canonicos productis ordiamur; inter alia sic illi verbatim interrogabantur: Si DOMINUS ABBAS cum Fratribus suis, & Cappellanis, & Crucibus Ecclesiæ, & CUM OMNIBUS SUIS ORNAMENTIS, & INFULA, & BASTONO PASTORALI, & SCEPTRO REGALI, & CUM VASSALISSUIS, vadit in Dominica Olivarum obviam Archiepiscopo USQUE AD ECCLESIAM PARVAM, QUÆ EST JUXTA CARRUBIUM PORTÆ TICINENSIS: & ibi honorifice Dominus Abbas recipit Archiepiscopum: & ipse Dominus Archiepiscopus dat Abbati MAXIMAM TRUITAM, & PALMORERIUM: & sic Dominus Abbas venit cum Archiepiscopo cum Processionibus usque ad Altare Beati Ambrosii: & si Dominus Archiepiscopus ibi ad ipsum Altare cum Abbate & Monachis tantum celebrat divinum Officium, Canonicis absentibus. Ad hæc igitur primus Testis, Honestus de Cosenigo, sic respondit: Per omnia ita esse credo; præter quod non credo (quis ad hanc exceptionem non rideat?) Truitam esse maximam. Idem tamen jam ante ad aliam interrogationem sic etiam responderat: Canonici Ecclesiæ Beati Ambrosii recipiunt Archiepiscopum & Ardinarios ad omnes Processiones, quæ ad ipsam Ecclesiam Beati Ambrosii veniunt, præter in Ramis Olivarum. Quæ Processio Rami Olivarum specialis est, & non generalis; quia sine Ordinariis ipse Archiepiscopus cum Abbate & Monachis ad ipsam Ecclesiam Sancti Ambrosii venit; Ordinarii vero, relicto Archiepiscopo AD CARRUBIUM PORTÆ TICINENSIS, cum omni Processione ad Ecclesiam Majorem vadunt. Tertius vero Testis, Guitfredus, ad superiorem illam interrogationem sic inquit: Credo, quod sic. Quartus autem, Ambrosius: Sic, ut credo. Quintus item, Beltramus: Bene credo, quod ipsa sic fiant, dimissis Ordinariis & Clero Clericorum Mediolani ab Archiepiscopo ad Carrubium Porte Ticinensis; præter quod ignoro, quid credam, si vadat cum Crucibus Ecclesiæ. Sed & sextus, Guilielmus Marinonus: Credo prædicta ita esse. Septimus itidem, Petrus Taberna: Bene vadit Dominus Abbas obviam Archiepiscopo, ut supra dictum est, cum Fratribus suis, & Cappellanis, facta maxima collectione hominum. Sed, si vadat cum Crucibus Eccle-

A siæ, ignoro. Et bene tunc celebrat Archiepiscopus Officium divinum ad Altare Beati Ambrosii cum Abbate & Monachis, Canonicis absentibus. Nonus vero, Prævostus Clocarius: Nescio. Sed audiui, quod sic. Decimus denique, Petrarius de Bonaventis, hunc & ipse in modum respondit: Sic, ut credo; quia Cruces sunt in potestate Canonicorum. Et unde datur comessio a Domino Abbate Custodibus Canonicorum, deferentibus ipsas Cruces. Hactenus e Canonicorum Processu. Nunc e Monachorum. Tertius igitur ipsorum Testis, Dominus Petrus Sapa, sic & ipse testatus fuit: Si Archiepiscopus ad est; dicit, quod ipsa die Ramolivæ (ita enim Dominicam illam vocitabant) Abbas cum Monachis cantat Missam suam Olivarum ad Altare Beati Ambrosii, & Archiepiscopus cantat suam Missam ad Ecclesiam Sancti Laurentii. Et celebrata Missa ab Abbate & Monachis, dicit, quod Abbas cum Monachis vadit in Processionem, habendo quolibet rammum unum Olivarum in manu, & deferente Custode Canonicorum ante eos Crucem USQUE AD PORTAM ISNESEM (hoc est TICINENSEM; sicut etiam corrupto nunc vocabulo Italice PORTA SNESE vulgo nuncupatur) ibi, ubi dicitur AD TURRICELLAM MALSANORUM: & ibi morantur, quousque Archiepiscopus cum Ordinariis & Fratribus suis ad eos accesserit. Et ibi Dominus Archiepiscopus, eo recepto ibi ab Abbate & Fratribus, offert eidem Abbati TRUITAM UNAM: & osculatus est eidem Abbati (legendum potius videtur idem Abbas) manum suam, existente tamen ipso Archiepiscopo supra equum, & Abbate in pede: & insuper dat ei PALMORERIUM UNUM idem Dominus Archiepiscopus. Et ibidem sic omnibus congregatis, incipitur ibi Processio: & vadit Dominus Archiepiscopus supra equum revestitus, & Abbas similiter revestitus ad pedem cum Fratribus suis, usque ad Ecclesiam Beati Ambrosii; Canonicis vero redeuntibus (scilicet Ordinariis) ad Ecclesiam Majorem, & non ad Ecclesiam Beati Ambrosii. Et dicit, quod Custodes Canonicorum Sancti Ambrosii, quousque sunt ad Ecclesiam Beati Ambrosii, deferunt Cruces: & ibi in ipsa Ecclesia Archiepiscopus revestitur & celebrat ad Altare Beati Ambrosii cum Abbate & Monachis Missam (sive quia Sacrificio tunc per unum e Monachis Sacerdotibus oblato Archiepiscopus una cum illis assisteret; five quia secundam hoc die Missam ipse, ministrantibus illis, celebraret; ut infra ipsismet Ambrosianis Canonicis per hæc tempora certis licuisse diebus suspicabimur) & celebrata illa Missa, vadit postea Custos cum Abbate & Monachis in Refectorium, & ibi recipit refectionem. Et hæc omnia vidit; quia interfuit his omnibus pluries. De Domino pariter Arnolando, quinto Teste, sic legitur: Item dicit, se interfuisse Processioni Ramolivæ tempore Domini Uberti de Pirovano Archiepiscopi, & tempore Domni Amizonis Abbatis: & ad illam Processionem vidit Custodem Canonicorum deferre Crucem USQUE AD ECCLESIAM MALSANORUM, & ab illa Ecclesia usque ad Ecclesiam Beati Ambrosii, ante illam Processionem. Et hoc vidit per quatuor annos & plus. Item dixit, quod tempore Domini Galdini Archiepiscopi, & tempore ejusdem Amizonis Abbatis, idem vidit facere per multas vices. Item postea tempore Domni Joannis de Arzago, & Prædicti Domini Galdini Archiepiscopi idem vidit facere. Item, existente adhuc Abbate illo Domino Johanne de Arzago, tempore Domini Algisii de Pirovano, vidit idem facere, ut supra. Item tempore ejusdem Algisii Archiepiscopi, & Domni Abbatis Beltrami, idem similiter vidit. Item postea tempore Domini Milonis de Gardano (nos illum de Cardano appellavimus) Archiepiscopi, & Abbatis Ambrosii, idem vidit. Item, existente illo Abbate Ambrosio, vidit idem in tempore Domini Philippi, qui modo est Archiepiscopus. Item in tempore ejusdem Domini Philippi Archiepiscopi, & tempore Dom-

Domni Airoldi, qui modo est Abbas, idem vidit etiam per duas vices. His addimus Petrum de Garlate, sextum decimum Testem, qui sic etiam testabatur: Item vidi, ab introitu Mediolani infra, Dominum Abbatem Sancti Ambrosii & Monachos multotiens in festiuitatibus suis ire ad Sanctum Naborem cum Psallentio, cum Crucibus Ecclesiae, quae portabantur per Custodes Canoniorum: & ire similiter cum Crucibus Ecclesiae, quae portabantur per eosdem Custodes, obviam Archiepiscopo in Dominica Olivarum, Canonici Sancti Ambrosii tunc absentibus. Et tunc Dominus Abbas vadit obviam Archiepiscopo revestitus, & habens in capite INFULAM, & ALIA INSIGNIA EPISCOPALIA secum ferens, & etiam SCEPTUM REGALE. Et recipit Archiepiscopum AD PORTAM TICINENSEM, relictum ibi ab Ordinariis, inde Domum redeuntibus. Ex his ergo tot ac talium Testium dictis, in unum coacervatis, intelligi facile jam tandem datur, qualis & quam palmaris hoc tempore apud Ambrosianos etiam monachos istos esset ejusmodi Palmarum & Olivarum celebritas. Nunc ad Feriam sextam & ad Sabbatum subsequens Hebdomadae Sanctioris progrediamur.

DCXLII. Ac de Feria quidem sexta Dominus Martinus, Monachus, & Monachorum Testis undecimus, item dixit, Quod Dominus Abbas cum Fratribus suis IN DIE VENERIS SANCTI celebrat divina Officia, ad diem pertinentia, in Choro & Ecclesia Beati Ambrosii: & Canonici non. Interrogatus, quomodo scit; respondit: Quia ego, postquam fui Monachus, multotiens ipsa Officia vidi celebrari a Domino Abbate & Fratribus suis die ipsa: & egomet celebravi. & Canonici non. Interrogatus, si possent Canonici in Ecclesia illa die ipsa celebrare divina Officia, vobis insciente & ignorante; respondit: Possent forsitan privatim aliqua Officia ibi celebrare; sed non Officium, quod spectat ad diem. Quia hoc ei prohiberemus; si nos sciremus. Immo faciunt Canonici Officium illius diei AD SANCTAM MARIAM GRÆCAM, secundum quod audivi de Canonici ipsa die in illa Ecclesia Officia diei celebrare. Similiter Ambrosius de Sancto Ambrosio, tertius decimus Testis, Item ab annis duodecim infra (inquit) omni anno IN DIE VENERIS SANCTI, me praesente, in Ecclesia Sancti Ambrosii vidi Dominum Ambrosium quondam Abbatem, & praesentem Abbatem, cum Fratribus suis quiete divina celebrare Officia, ad diem ipsam pertinentia, in Choro Beati Ambrosii: & Canonicos audiebam sua Officia celebrare IN ECCLESIA SANCTAE MARIAE GRÆCAE. Talia sic etiam praeter ceteris testabantur duodecimus ac decimus quartus Testes, Dominus Guido, & Joannes de Sancto Syro: quos brevitatis gratia omittimus. Certe quidem in hujus Basilicae Visitatione, quae per Sanctum Archiepiscopum & Cardinalem Carolum Borromeum facta fuit Anno Domini Millesimo quingentesimo septuagesimo octavo, qua parte agitur de Visitatione Ecclesiae Sanctae Mariae Græcae & Sancti Sigismundi, sic etiam verbatim scriptum, sicut etiam tunc temporis usu servatum, invenimus: IN DIE VENERIS SANCTI celebrant (Canonici) in hac Ecclesia omnes Horas Canonicas, ex consuetudine antiqua, & conventionem item cum Monachis. Quas quidem Horas illi pariter in praesentem quoque celebraverunt Annum, Millesimum sexcentessimum quadragesimum secundum, quo nos typis isthaec mandamus.

DCXLIII. Priusquam nunc de Sabbato Sancto per Monachos celebrato differamus; repetat animo Lector, quae Num. 449. dicta sunt de loco illo, post Altare primum sito (ubi nunc Chorus est & Odæum) qui per ea tempora, in quibus nunc versamur, CIMILIARCHIA, TRIBUNAL, SEDES EPISCOPORUM, & EPISCOPALE nominabatur. Sic enim facilius intelligentur sequen-

tia Testium pronunciata. Idem igitur Dominus Martinus ita protinus adjecisse traditur: IN DIE SABBATI SANCTI Dominus Abbas facit cantare benedictionem Ceræ & Ignis per Diaconum suum, Subdiacono sibi tenente Librum, IN TRIBUNALI, QUOD EST POST ALTARE SANCTI AMBROSII. IN QUO SUNT SEDES EPISCOPORUM. Interrogatus quomodo scit; respondit: Quia semper fere omni anno, postquam fui Monachus, si eram in Urbe, aut si sanus eram, vidi ibi benedictionem Ceræ & Ignis celebrari sine alicujus contradictione, posito Cereis & Candelabro: & post benedictionem ipse Cereus accenditur, cum dicimus, ECCE JAM IGNIS COLUMPNA RESPLENDET. Ecce vero ipsum etiam Domni Guidonis testimonium: & quidem paulo petito altius, ut ea magis ob oculos ponantur, quae Num. illo 449. perfringebamus. Interrogatus, si locus, in quo dicunt Monachi. SEDEM EPISCOPORUM, vocatur, CIMILIARCHIA; respondit: Sic vocatur ab eis (Canonici) ut credo; a nobis vero minime. Interrogatus, si ibi sunt Arcae & Scrinia CIMILIARCHIAE, quae sunt tantum Canoniorum; respondit: Arcae & Scrinia sunt Canoniorum tantum, ut credo: quae sunt IN EPISCOPALI, & in quibus ornamenta Ecclesiae reponuntur. Interrogatus, si vidit umquam aliquem Episcopum vel aliquos ibi sedere, & convenire; respondit: Sic: scilicet EPISCOPUM NOVARIENSEM, & DOMINUM OBERTUM CRIVELLUM, QUANDO ERAT CARDINALIS, ut credo. ET VIDI TAPETUM PONI IN SEDE ARCHIEPISCOPI, QUANDO ARCHIEPISCOPUS MISSAM DEBET CELEBRARE IN ECCLESIA BEATI AMBROSII, IN FESTIVITATIBUS SANCTI AMBROSII, ET SANCTORUM MARTYRUM PROTASII ET GERVASII. Item vidi multotiens per praedicta tempora, quod IN DIE SABBATI SANCTI Dominus Abbas facit cantare benedictionem Ceræ & Ignis, sine alicujus contradictione, per Diaconum suum, Subdiacono ei tenente Librum, IN TRIBUNALI, QUOD EST POST ALTARE BEATI AMBROSII, IN QUO SUNT SEDES EPISCOPORUM: & egomet pro Subdiacono ipsum Librum tenui, Diacono benedictionem Ceræ & Ignis faciente, seu celebrante. In idipsum suppetunt etiam nobis Ambrosii de Sancto Ambrosio (alios enim multos taciti praeterimus) responsa: e quibus hoc unum proferre lubet, cum ille itidem interrogaretur, Si umquam vidit aliquem Episcopum ibi sedere, & convenire. Sic enim respondit: Non, nisi ARCHIEPISCOPUM IN FESTO SANCTI AMBROSII, QUOD EST IN FERIIS PASCHÆ. Quo nimirum etiam festo Archiepiscopus & Capitulum Metropolitanum venire quotannis ad hanc Basilicam solebant; tamen si hoc tempore non soleant. Ad eandem porro interrogationem sic etiam Testis anterior, Dominus Martinus, responderat: Non. SED IBI VIDI EPISCOPOS DE ULTRAMONTES REVESTITI PRO FACIENDA MISSA AD ALTARE BEATI AMBROSII. Quamquam etiam primus Canoniorum Testis cum fuisset interrogatus, Si scit vel credit, locum, quem dicunt CIMILIARCHIAM, esse locum Episcoporum, sic respondit: Nescio; TER IN ANNO SEDIT IBI ARCHIEPISCOPUS CUM FRATRIBUS SUIS (hoc est, Canonici Ordinarii) CUM VENIT IBI AD FESTA.

DCXLIV. Sed huc, ad praedictam quoque Sabbati Sancti diem Missae Sacro celebrandam, veniebat aliquando ipse sine Capitulo Archiepiscopus: quinetiam vel Canonici vel Monachi pro arbitrato suo ministris utebatur. Quem quidem usum ille nobis unus testetur, quem ipsimet Canonici suo in Processu primum produxerunt. Honestus namque

de Cosenigo de hoc item interrogabatur: Si scit, vel credit, quod QUADAM DIE SABBATI SANC-TI venisset quondam Milo Archiepiscopus ad ipsam Ec-clesiam pro Missa celebranda; & Canonici (scilicet Mainfredus Oculi Blanci, & Mainfredus Longus) induerent se Dalmatica & Alba: & ad postulationem Abbatis fecit eos disvestire, & ab officio cessare; & Missam il-lam celebravit cum Abbate & Monachis ipse Dominus Archiepiscopus. Sic autem ille respondit: Sic credo fuisse: & in terram, sicut credo. Sed audiui, & credo, ipsam Missam fore celebratam per Canonicos fe-re semper, ANTEQUAM CANONICI HABUISSENT CAUSAM (five LITEM) CUM QUONDAM DOMINO ARCHIEPISCOPO ALGISIO DE DALMATICIS. Item propter discordiam ortam inter Canonicos & Monachos ex ipsa Missa tempore Domini Oberti de Arzago Archiepisco-pi vidi venire ad Ecclesiam Beati Ambrosii Dominum Oldum Crivellum, Ordinarium Majoris Ecclesiæ: & ibi in Ecclesia convocantem Canonicos & Monachos dixisse, ut scirent, ipsam Missam ad Archiepiscopum pertinere, & de jure Archiepiscopi esse, quos velit, eli-gere ad celebrationem ipsius Missæ. Algisius porro Archiepiscopus Sanctum Galdinum subsecutus est Anno superiori septuagesimo sexto, atque ad octuagesi-mum quintum pervenit; sicuti nos Num. 547. & 589. differuimus. Dalmaticarum vero causam litem-que illam nos eandem credidimus fuisse cum lite, quæ tunc contra Canonicos excitata iccirco fuerit, quia Missam cum Diacono & Subdiacono, atque adeo cum Dalmaticis, contra veteres Ecclesiæ Me-diolanensis consuetudines celebrare ipsi quoque occæ-pissent; ut infra ostendemus. Ad cujus litis uberio-rem intelligentiam proferre præterea nunc lubet quinti Monachorum Testis, Domni Arnoldi, testi-monium (ad alia etiam non importunum, ac præ-ferim ad cognoscendos aliquot ex ordine Præposi-tos hujus Basilicæ) cum generis ejus litem innueret. In Processu sic habetur: Dominus Arnoldus, Presby-ter & Monachus prædicti Monasterii, juratus testatur, se recordari PRESBYTERUM MARTINUM, PRÆPOSITUM ECCLESIAE BEATI AM-BROSII. Et suo tempore vidit in illis diebus, in qui-bus ipse debebat celebrare Missam, quod nemo ante eum celebrabat Missam: & cum ipse Præpositus eam celebrabat, eam valde mane celebrabat. Et mortuo il-lo Præposito, factus fuit Præpositus PRESBYTER ALEBERTUS DE SANCTO GEORGIO: quem idem & in hunc modum vidit facere, & Missam cele-brare, ut supra. Et, mortuo illo Præposito Alberto, factus fuit Præpositus LANTERIUS DE CAS-TELLIONO: quem in hunc modum, ut supra, vi-dit celebrare Missam. Prædicti vero Præpositi omnes fuerunt Præpositi ante destructionem Mediolani: Et cum prædictus Lanterius Præpositus desereret Præposituram, ET IRET AD MURIMUNDUM (scilicet, ut Monachus ibi fieret) factus fuit Præpositus SATRA-PUS: quem vidit, postquam Mediolanum reversum fuit in statum, simili modo celebrare Missam, ut supra. Et mortuo Satrapo, factus fuit NAZARIUS COR-VUS Præpositus: IN TEMPORE CUJUS OR-TA FUIT DISCORDIA DALMATICARUM. Et usque ad illam ortam discordiam non consueverunt Præpositi prædicti celebrare Missam ante, & AL-LELUIAM, ut supra dixit, cum melodiis. Ab illa vero discordia infra aliter incoeperunt facere, & cele-brare Missam prædictus Præpositus Nazarius, & alii Præpositi, qui post eum fuerunt, & Canonici: videli-cet, quod si Præpositus vult modo cantare Missam; pri-mo quidam ex Canonicis Presbyter ante cantat suam, & Præpositus postea suam. Et bene asserit, se audisse, ab illa discordia infra præpositum & Canonicos aliquan-do celebrare Missam & ALLELUJAM cum melo-diis in solempnibus diebus. Sed dicit, quod sæpius au-

divit, quod dimittebant illas melodias in AL-LELUJA, quam eas memorarent in eorum Missis. Hæc ille.

DCXLV. Verum enimvero Abbas idem Ambro-sianus auctoritate propria in id usque tempus tam Clericos quam Monachos facere consuevit. Ecce Testes, quos e Monachorum Processu delegimus. Dominus in primis Martinus, undecimus, item di-xit, quod DOMNUS ABBAS BEATI AMBRO-SII FACIT PER SE, VEL PER NUNCIUM SUUM, JUXTA ALTARE BEATI AMBRO-SII CLERICOS LIBERE, sine alicujus requisitio-ne, vel contradictione. Interrogatus, qualiter scit hoc; respondit: Quia Dominum Ambrosium, quondam Abba-tem, vidi facere Clericos juxta Altare Beati Ambrosii, sine alicujus requisitione, vel contradictione: & postea fecit eos Monachos: scilicet Dominum Mainfredum, & Dominum Frogerinum, & Dominum Vivianum, & Dominum Ambrosium, & plures alios. Similiter vidi Dominum Airolam Abbatem facere Clericos ibi juxta Altare, & postea Monachos: filium Cicii de Modoetia, & Burrinum filium Burri Dionysii, & Guidinum Boc-conum, & nepotem Prioris. Insuper audiui, & credo ve-rum esse, quod Dominus Ambrosius tempore suæ Abbatie fecit juxta Altare Beati Ambrosii Clericum illum, qui modo est Sacerdos Ecclesiæ de Dubino: de cujus nomine non recordor. Et audiui, quod Abbates, qui pro tem-poribus fuerunt in ipso Monasterio, fecerunt Clericos jux-ta ipsum Altare, & qui habent Beneficia vel habuerunt in Capellis, Monasterio Sancti Ambrosii subpositis, vel in Monasterio. Item vidi Anrichetum quendam stare in Monasterio Beati Ambrosii, & portare titulum Cle-rici in Capite: & qui factus erat Clericus ibi per Ab-batem ipsius Monasterii, secundum quod audiui. Ta-men non vidi ipsum titulari; sed ipsum vidi ibi stare tamquam Clericum, & habere ibi Præbendam, sicut & Monachum. Testi huic undecimo duodecimus suc-cedit, Dominus Guido. Qui pariter dixit, QUOD DOMNUS ABBAS FACIT CLERICOS ET MONACHOS AD ALTARE BEATI AM-BROSII. Interrogatus, qualiter scit; respondit: Quia vidi Dominum Johannem de Arzago Abbatem, & Dominum Bertramum Abbatem, & Dominum Ambro-sium Abbatem, & Dominum Airolam, qui modo est Abbas, per se vel per suos Nuncios diversis temporibus facere Clericos & Monachos ad Altare Beati Ambrosii, sine contradictione alicujus. Interrogatus, quos vidit fieri Clericos per dictos Abbates, vel Nuncios eorum; respondit: Me existente in Sedilibus Chori, vidi Dom-num Johannem de Arzago per se, vel per Nuncium suum, Clericum facere Petrum de Zibidia: & egomet Clericus factus fui & Monachus ibi per Dominum Johannem Plat-tum, de mandato Domni Johannis de Arzago, quon-dam Abbatis. Similiter vidi Dominum Bertramum, vel ejus Nuncium facere Dominum Lanfrancum Sichizo-num. Similiter vidi Dominum Ambrosium Abbatem Clericos & Monachos facere, Dominum Petrum de Pi-rovano, Dominum Johannem Cuminum, Dominum Vi-vianum, Dominum Mainfredum, & Dominum Arden-gum, & Dominum Frogerinum. Et audiui Dominum Airolam, modo Abbatem, fecisse Clericos & Monachos Burrinum & Guidinum: & me vidente, fecit Cle-ricos & Monachos Jacominum & Petrinum. Item vidi Dominum Ambrosium, quondam Abbatem, face-re Clericum similiter Alcherium, qui modo est Sacer-dos Ecclesiæ DE DUBINO. Interrogatus, ubi habent vel habuerunt prædicti Clerici & Monachi Præben-das; respondit: In ipso Monasterio, & alibi, ubi pla-cebat Abbati. Sic etiam Testis decimus tertius, Am-brosius de Sancto Ambrosio, hæc inquit: Ab annis duodecim infra vidi quondam DOMNUM AM-BROSIUM ABBATEM SINE ALICUJUS CONTRADICTIONE CLERICOS FACERE AD ALTARE BEATI AMBROSII, & postea in-

*incontinenter Monachos: Dominum Petrum de Pirovano, & Dominum Johannem Guminum, & Dominum Mainfredum Cigniardum, & Frogerinum Palium, & Arden-
gum Vicecomitem, & Dominum Vivianum. Præsentem
vero Abbatem scilicet Dominum Aioldum, vidi facere
Clericos & Monachos: Burrinum, & Petrinum nepo-
tem Prioris, & Guidinum Bocconum. Interrogatus, ubi
habent vel habuerunt Præbendas; respondit. In Mona-
sterio Beati Ambrosii. Sed his addamus etiam Joan-
nem de Sancto Syro, qui Testium fuit decimus quar-
tus. Aiebat enim: Item vidi ab annis quadraginta in-
fra DOMNUM ABBATEM FACERE CLERI-
COS EX IPSIS QUI NON FIUNT MONA-
CHI, ET EX IPSIS QUI FIUNT MONACHI,
quiete, nullo contradicente, juxta Altare Beati Ambro-
sii. Et rursus interrogatus, Quem Abbatem vidit
facere Clericos ita; sic etiam respondit: Quondam
Dominum Ambrosium Abbatem vidi titolare tantum &
Monachum facere quendam, qui modo est Officialis Ec-
clesiæ DE DUBINO, subjectæ Monasterio Beati Am-
brosii. Eandem vero Abbatem Ambrosium, & etiam
præsentem Abbatem Dominum Aioldum, & alios Ab-
bates vidi similiter titolare quamplures, de quorum no-
minibus non sum memor, & in continenti eos facere
Monachos juxta ipsum Altare: & qui Præbendas ha-
bent in hoc Cænobio. Et hæc quidem nobis in præsentem
sufficiant, ut intelligamus, antiqui moris adhuc in hac
Basilica fuisse, ut Abbas auctoritate propria Primam
Tonsuram conferret, atque Monachos ad Habitum,
vel etiam Professionem, admitteret.*

DCXLVI. An vero Basilicæ pariter istius Præpo-
sito Clericos facere liceret: de hoc quidem nihil nobis
dubitatum videtur; sed de illo tantum, an e prop-
ria ipsius, vel ex Archiepiscopi facultate liceret.
Audiamus in primis Testes ipsos proxime nominatos.
Illi de hoc pariter interrogati fuerunt: Si Præposi-
tus facit suos Clericos, qui vocentur CLERICI SAN-
CTI AMBROSII, & qui postea efficiuntur Canonici.
Quid hic ergo Testis ille undecimus? Non (respon-
dit) quod vidissem unquam. Sed credo, quod faciat Cle-
ricos de consensu Domini Archiepiscopi. Duodecimus
porro dixit: Credo, quod faciat Clericos de licentia Ar-
chiepiscopi, qui postea efficiuntur Canonici. Et ita au-
divi. Tertius decimus: Nescio. Quartus decimus:
Sic, ut credo. Atqui Petrus postea de Garlate, sex-
tus decimus Testis, sic insuper responsum suum
confirmavit: Credo, quod fecit Clericos; & tamen de
mandato Domini Archiepiscopi. Quia TEMPORE
BEATI GALDINI ARCHIEPISCOPI venit
quondam Satrapus, Præpositus Canonice Sancti Am-
brosii, ad Dominum Galdinum, volens licentiam ab
eo faciendi Clericos impetrare: quam habere nequivit,
nisi ad preces DOMINI OBERTI CRIVELLI,
TUNC ARCHIDIACONI: qui, me præsentem, ip-
si Domino Satrapo licentiam faciendi Clericos, & vix
tamen, acquisivit. Sic igitur Testes per Monachos
producti sentiebant. Ex adverso autem producti
per Canonicos oppositum unanimes asseruerunt.
Quoniam vero nimis longum esset omnia ipsorum
dicta recensere; nos aliqua tantum & aliorum ex-
scribemus; ea videlicet, quibus aliquid nobis cete-
roqui curiosius digniusque scitu indicetur. *Honestus
de Cosenigo, primus omnium ita testatus narratur:
Item dicit, quod DOMINUS PRÆPOSITUS
SANCTI AMBROSII FACIT CLERICOS
IN ECCLESIA BEATI AMBROSII LIBE-
RE, SUA AUCTORITATE, ET NON DE
LICENTIA ARCHIEPISCOPI. Interrogatus,
quomodo scit; respondit: Quia vidi Dominum Petrum
Longum Præpositum tempore suæ Præposituræ Cleri-
cos facere ad Altare Beati Ambrosii, per se, vel per
suum Nuncium, præsentibus Canonicis, & aliis pluri-
bus personis, de quibus non recordor: scilicet filium Ol-
deurandi Canavisi, & filium Alberti Tabernæ, &*

A quendam nepotem Johannis Zavatarii, & alios quam-
plures; sed non recordor de Nuncio ejus, qui Clericos fe-
cerit per eum. Interrogatus, quomodo scit, quod Præ-
positus faciat Clericos sine licentia Archiepiscopi; re-
spondit: Quia tempore, quo DOMINUS PHILIP-
PUS (in præsentem Archiepiscopus) ERAT ARCHI-
PRESBYTER MAJORIS ECCLESIAE (hunc
utique locum nos Nu. 631. innuebamus) rogavit ipse
attente pro Anselmo suo Propositum & Canonicos San-
cti Ambrosii, ut titularent ipsum Anselmum in Ecclesia
memorata Sancti Ambrosii TEMPORE, QUO DO-
MINUS MILO ERAT ARCHIEPISCOPUS: &
B quem Anselmum ipse Dominus Milo volens titolare fa-
cere licentia sua in illa Ecclesia Sancti Ambrosii, no-
luerunt ejus licentia titolare Præpositus & Canonici,
nec ibi titularis fuit. Et quia interfui ibi, ubi Domi-
nus Archiepiscopus, qui modo est, Canonicis Sancti Am-
brosii dixit, ut Præpositus Sancti Ambrosii titularet &
titulari faceret de licentia sua: & ipsi nolentes hoc fa-
cere; demum Præpositus Petrus sua auctoritate, & non
de licentia Archiepiscopi, sed ad preces ejus, quosdam
titulavit. Idem aliquanto post in ejusdem consuetu-
dinis confirmationem multa itidem respondit. Nec
minus luculenter in eandem sententiam testative fue-
runt secundus ac tertius, nec non etiam quartus ac
quintus: hoc est Mainfredus Oculi Blanci, Guisfredus,
C Ambrosius Præpositus de Soma, & Bertramus Cor-
bus. Ceterum decimus, Petracius de Bonaventis,
hoc insuper adjecit: Et insuper vidi quendam litte-
ram precatoriam, a quondam Domino Urbano Papa
impetratam: in qua continebatur, ut Rolandus Schola-
ris titularetur in ipsa Canonica a Præposito & Canoni-
cis. Sed attendi profecto par est hoc itidem loco,
quemadmodum nonnulli ad has interrogationes res-
ponderint: Si alii Præpositi Mediolani audent facere
Clericos sine licentia Archiepiscopi: & Quare ergo Præ-
positus Sancti Ambrosii habet jus illud? cum alii Cano-
nici non audeant hoc facere. Ita siquidem isti respon-
derunt. Secundus: De Clericis non credo; sed Custo-
des credo quod faciat Præpositus Sancti Nazarii: &
Nescio; nisi quod credo, IPSUM PRÆPOSI-
TUM (Sancti Ambrosii) ESSE MAJOREM OM-
NIBUS PRÆPOSITIS HUIUS CIVITATIS.
Quartus item: De Custodibus nescio; sed audiui,
quod nullus Præpositus Mediolani audeat facere Clericos
& Custodes, præterquam Præpositus Sancti Ambrosii:
& Nescio; NISI FORSAN PRO MAGNI-
TUDINE SUA. Quintus vero: Nescio; sed be-
ne credo, quod faciant Custodes sine licentia Archiepis-
copi; sed Clericos non: & Nescio quare; sed credo,
quod hoc habeat ab Antecessoribus suis. Sextus itidem:
E Non, ut credo: & Quia EST MAJOR PRÆPOSI-
TUS MEDIOLANI, secundum quod audiui. Deci-
mus denique: Non: & Nescio quare: nisi quia ita sem-
per consueverunt, ut credo. Quocirca Capitulum istud
Ambrosianum multo jam ex tempore ceteris hu-
jus Urbis Capitulis ante habitum videtur, contra-
quam olim se haberet; sicuti Num. 227. observa-
bamus.

DCXLVII. Quemadmodum Num. 512. memini-
mus, circiter Annum Christi Millesimum centesimum
septuagesimum Sanctus Galdinus Archiepiscopus in-
ter antiquas Ecclesiæ Mediolanensis consuetudines, e
traditione Patrum acceptas, & usu perenniter cu-
stoditas, hanc quoque confirmabat: Ut Mediolani,
exceptis Monachorum Congregationibus, in Basili-
ca solummodo Metropolitana Missam cum Diacono
& Subdiacono celebrare liceret. Exinde tamen ejus-
modi consuetudo non ita rigide servata fuit, quin cer-
tis saltem diebus Capitulum Ambrosianum ea pridem
usum inveniat Anno ducentesimo supra Millesi-
mum. Quocirca tertius itidem Canonicorum ille tes-
tis Guisfredus, interrogatus, Cum quibus solemnitatibus
siebant ipsæ Missæ (de quibus proxime dictum fuerat)

respondit: Cum illis solemnitatibus, cum quibus faciunt alii Præpositi & Canonici Mediolani. Et multotiens vidi Præpositos & Canonicos Beati Ambrosii Missas celebrantes cum Diacono & Subdiacono, revestitis Alba & Dalmatica, in Natale Domini, & Epiphania, & Pascha Resurrectionis, & Dominicis diebus Quadragesimæ Majoris, & in Missis novorum Sacerdotum. Et egomet pluries revestitus Alba, cum eram Subdiaconus, cantavi Epistolam: & vidi Mainfredum Oculi Blanci, revestitum Dalmatica, multotiens, quando Diaconus erat, cantare Euangelium, & facere in Dominicis diebus Quadragesimæ Majoris Litanias. Et quod dixi de Mainfredo, idem dico vidisse de Rogerio de Bocio, quando Diaconus erat. Similia porro disertissime ceterorum testatos itidem legimus Bertramum Corbum, Guilielmum Marinonum, ac Prævostum Clocarium, Testes utique, quintum, sextum, ac nonum.

DCXLVIII. Suspiciatos paulo ante nos fatebamur, an per hæc tempora Canonicis aliquando liceret duas eodem die Missas celebrare. Hanc vero suspicionem nobis iniecit eorundem Canonicorum Processus. Inter alios Testes Mainfredus Oculi Blanci, ordine secundus, sic etiam testabatur: Item per prædicta tempora, scilicet quadraginta duorum annorum & plurium, vidi centies & amplius, quod Canonici Sancti Ambrosii faciunt decenter Matutinum omni die, & post Matutinum incipiunt Primam, & expleta Prima incipiunt Ingressum & faciunt Missam & Missas, cum GLORIA IN EXCELSIS DEO, & aliis solemnitatibus ad diem congruentibus. Similiter vidi eos facere Dominicis diebus Missas duas, & in die Lunæ Missas duas & tres interdum, & in Vigiliis Natalis Domini Missas duas, unam scilicet cum Alba & Dalmatica & Diacono: & in Nativitate Domini similiter Missas duas, unam cum Alba & Dalmatica & Diacono: & in Vigiliis Epiphaniæ, & in Epiphania similiter Missas duas, unam scilicet cum Alba & Dalmatica & Diacono: & in Octava Domini similiter Missas duas: & in festivitate Beati Ambrosii, & Sancti Andreæ, & Sanctæ Marcellinæ, & die Jovis sanctæ, & Pentecosten, similiter Missas duas. Scilicet in die Jovis sanctæ vidi eos celebrare Missam unam cum Alba & Dalmatica & Diacono. Et egomet, qui eram Diaconus, ipsa die Jovis sanctæ revestitus sum Diaconus, & cantavi Euangelium pluries. Et in quatuor Dominicis diebus Quadragesimæ Majoris, scilicet in Dominica Samaritanæ, & in Dominica Abraham, & Dominica Cæci, & Dominica de Lazaro, vidi eos celebrantes unam ex ipsis duabus Missis cum Alba & Dalmatica & Diacono, & Litanis ad diem pertinentibus. Nec multo post interrogatus, A quibus Sacerdotibus fiebant illæ Missæ; sic respondit: Ego vidi ex ipsis Missis celebrari a Domino Lanterio Præposito hujus Ecclesiæ, & Domino Nazario Præposito hujus Ecclesiæ, & Presbytero Alberto Colderario, & Presbytero Burro, & fortasse ab aliis, de quibus non recordor. Hæc igitur Mainfredus Oculi Blanci: quibus similia nonnulli quoque alii Testes attigerunt. Vidi autem, quemadmodum tam ipse quam illi subinde protinus fuerint super ejusmodi Missis interrogati. Si quidem interrogati fuerunt: Si unus Sacerdos celebrabat omnes Missas, an plures: quas quidem Missas uno eodemque die binas vel etiam ternas nuper dixerant celebratas. Quod si uni Sacerdoti plures uno die Missas celebrare non licebat; ut quid ergo ista interrogatio? Idem profecto Mainfredus huic etiam sic respondit: Immo plures, scilicet prædicti: ET BENE VIDI UNA DIE PRESBYTERUM BURRUM FACERE DUAS MISSAS. Hæc igitur nostra est suspicio: quam ceteri dijudicent, ad quos præfertim ea spectat. Quoniam vero solemnes ejusmodi Missas in præsentī commemoravimus; operæ pretium erit etiam hic addere, quid Petrus Taberna, se-

ptimus Testis, interrogatus, Cum quibus solemnitatibus fiebant ipsæ Missæ; responderit. Quippe ita respondit. Cum his solemnitatibus honeste & devote, cum quibus fiunt Missæ; nisi quod prima Missa sit celerius secunda. Sed ab annis sexdecim infra audio primo dicere Canonicos MELODIAS FRANCIGENAS ante Euangelium in Natale, & Epiphania, & Pascha Resurrectionis. Quarum quidem melodiarum multas etiam hodie videmus Libris intermixtas Choralibus, quibus ad Cantum firmum Mediolanenses Canonici utuntur.

DCXLIX. Quemadmodum vero per hæc etiam tempora Monachi Vigiliis Sanctorum Ambrosii ac Protasii Gervasiique celebrarent, quintus certe ipsorum Testis, Dominus Arnoldus, ita nobis indicabit, ut aliorum recitare verba non oporteat. De ipso igitur in Processu sic habemus: Item testatur, se multotiens per longum tempus interfuisse ad Processionem, quæ fit in Psalmi (hoc est, Vigiliis) Sancti Ambrosii & Sanctorum Protasii & Gervasii circa Vesperas, quando vadunt Abbas & Monachi ad Sanctum Andream, & a Sancto Andrea usque ad Sanctum Vitalem, & Sanctum Naborem (hodie Sanctum Franciscum) Non vidit, quod aliæ Cruces portarentur ante eos, nisi Cruces Beati Ambrosii. Quas vidit portari a Custodibus Canonicorum &c. Eadem porro sic etiam tertius septimus & octavus Testes affirmarunt. Sed ex quo tamen tempore destructa fuit Sancti Vitalis Ecclesia (sicuti Num. 78. recensuimus) ad Cappellam Sancti Michaelis, quæ sita est intra eandem Ambrosianam Basilicam, procedere consueverunt. Quamobrem hodiernus etiam ipse Pontifex (quem diu nobis Deus incolumen conservet) Urbanus Octavus, in suo Brevi Apostolico, super hujus Basilicæ Concordia dato Romæ Anno Christi Millesimo sexcentesimo trigesimo, sic etiam decernit: In Vigiliis Sancti Ambrosii ac Sanctorum Gervasii & Protasii Abbas celebrans cum Monachis ad Altare Sancti Michaelis, a latere Canonicorum existentis, antelatis Insignibus Abbatialibus, procedat: ibique pro solita Statione immoretur: & inde discedens, Portamque Majorem Ecclesiæ egrediens, per plateam proximam ad Ecclesiam Divi Francisci pergat: & redeundo per Portam Canonicalem ingrediatur Ecclesiam Sancti Ambrosii: & omnes easdem Ecclesiasticas caeremonias, præcedenti die per Capitulum Canonicorum factas, ipse Abbas cum suis proportionaliter adimpleat. In Ecclesia porro Sancti Francisci Stationem suam Monachi peragunt ad Cappellam Sanctorum Protasii ac Gervasii: ubi nimirum, vel ad minus prope quem locum, ipsorum Corpora olim per Sanctum Ambrosium inventa fuisse creduntur.

DCL. Ut vero Basilicæ ipsius per hæc tempora condicio & status magis expresse dignoscatur; commemorare juvat, quot in ea tunc Altaria inessent; quamquam etiam simul alia quædam nobis optatissime dignoscuntur. Primus Monachorum Testis, inter alia interrogatus, Si Monachi vel Canonici faciunt Aquam Sanctam IN ECCLESIA SANCTI SATYRI; sic respondit: Canonici non faciunt in Ecclesia Sancti Satyri Aquam sanctam: nec consuetudo est Canonicorum ibi facere Aquam sanctam. Sed ille Presbyter, qui habet septimanam ex illis Monachis, qualibet die Dominica vadit revestitus in Chorum Beati Ambrosii, & ibi facit Aquam sanctam: & dat de illa & projicit AD ALTARE BEATI AMBROSII in circuitu: & postea dat ex illa Abbati, & illis, qui tunc in illo Choro sunt. Et exeunte de illo Choro, vadit AD ALTARE SANCTI ANDRÆ, & projicit ex illa ibi, UBI POSITUS EST DOMINUS PETRUS ARCHIEPISCOPUS (quidni vero placeat hoc saltem indicium? quale Num. 27. non habebamus) & postea AD ALTARE SANCTI GEORGII, ET SUPER DOMINUM LOTE RIUM (sive LOTHARIUM, sicuti mentionem Num.

Num. 171. & 470. jam fecimus) REGEM. Et postea Aqua illa sancta portatur in Ecclesiam. Sic etiam quintus Testis, Borghettus, cum secundo semet examini subiecisset: cumque interrogaretur, Si Monachi Sancti Ambrosii faciunt Aquam benedictam IN ECCLESIA SANCTI AUGUSTINI, ET SANCTI MICHAELIS. Sed aqua, quæ ponitur in Lavello Sancti Satyri, benedicitur in Choro Beati Ambrosii ante Altare Sacerdote revestito: & ex ea Aqua aspergitur AD ALTARE SANCTI ANDREÆ, ET SANCTI PANTALEONIS, ET SANCTÆ MARCELLINÆ, ET SANCTÆ JUSTINÆ, ET SANCTI GEORGII. Et quod superabundat ex ipsa aqua, deicitur in Lavello Sancti Satyri. Similiter interrogatus denuo Dominus Arnoldus, septimus Testis, ad eandem interrogationem sic respondit: Ille Sacerdos Monachorum, qui Officia Divina facit in Ecclesiis Sancti Augustini & Sancti Michaelis. Sed quidam Sacerdos Monachorum revestitus in Dominicis diebus Aquam benedictam facit ANTE ALTARE BEATI AMBROSII: & ex ipsa Aqua aspergitur Abbati, & Monachis, & aliis hominibus, qui in ipso Choro sunt: & postea AD ALTARE SANCTI PANTALEONIS ET AD ARCHIEPISCOPOS QUI IBI SEPULTI (quod item scitu dignum est nobis pariter ac novum) ET AD ALTARE SANCTI ANDREÆ, ET SANCTÆ MARCELLINÆ, ET SANCTÆ JUSTINÆ, ET SANCTI GEORGII ET IBI UBI SEPULTUS EST REX LOTHARIUS. Et quod ab ipsa aspergione superabundat, in Lavello Sancti Satyri reponitur: unde Monachi mane & sero se aspergunt. Et his quidem testimoniis facile videri posset indicatum, eamque Altaria intra istius Basilicæ complexum & ambitum sita fuisse, nisi aliorum testimonia obstarent. Cum enim Canonorum Testibus quæreretur, Quot Altaria sunt in Ecclesia Beati Ambrosii; primus quidem ita respondet: quatuor Altaria sunt infra muros Ecclesiæ: scilicet ALTARE BEATI AMBROSII, ALTARE BEATI ANDREÆ, ALTARE BEATÆ MARCELLINÆ, ET ALTARE BEATÆ JUSTINÆ. Quid expressius? Nec minus luculenter secundus: Prædicta quatuor Altaria sunt infra muros Ecclesiæ. Paulo vero ante numeraverat illa eadem, quæ primus. Audiamus & quartum. In Ecclesia (inquit) Sancti Ambrosii est ALTARE SANCTI AMBROSII, ET ALTARE SANCTÆ ANDREÆ ET ALTARE SANCTÆ MARCELLINÆ, ET ALTARE SANCTÆ JUSTINÆ. Ibi vero JUXTA MURUM FORIS EST ALTARE SANCTI PANTALIMONIS: hoc est PANTALEONIS. Eadem vero quatuor connumerat quintus itidem Testis, Bertramus Corbus: ac de Sancti Pantaleonis Altari nullam facit mentionem. Hoc igitur Altare tunc temporis extitisse videtur extra muros Basilicæ, in aliqua scilicet Cappella juxta ipsos foris constructa, in qua multi etiam nostrorum Archiepiscoporum tumulati fuissent. Idipsum pariter de Sancti Georgiano Altari affirmare ausim; præterquam quod non modo jam supra Num. 336. sed a binis etiam Canonorum Testibus indicatum videtur. Tertius quippe sic agebat: Et vidi Monachos Sancti Ambrosii ornare vel facere ornare multotiens ECCLESIAM ET ALTARE SANCTI BARTHOLOMÆI cortinis & palliis pro festo ipso Sancti Bartholomæi, ET ALTARE SANCTI GEORGII. Et credo, quod adornent vel adornari faciant ALTARIA, QUÆ SUNT IN ECCLESIA SANCTI SATYRI. Et multotiens vidi Custodes Monachorum, & non alios, accendere & extinguere cincinnilia (sive lampades) quæ IN ECCLESIA SANCTI GEORGII, SANCTI BARTHOLOMÆI, ET SANCTI SATY-

RI: & portare Aquam in Labello, qui est in Ecclesia Sancti Satyri. Ecce nobis, quid item Ambrosius, Somæ Præpositus & hujus Basilicæ Canonicus, Testium quartus. Item, Canonicis (inquit) cantantibus Missam in Choro Sancti Ambrosii, audiui bis aut amplius Monachos cantantes officia sua IN ECCLESIA SANCTI BARTHOLOMÆI, ET SANCTI GEORGII (perinde ac si dixisset expressius, ET IN ECCLESIA SANCTI GEORGII) quod eis facere non licet, scilicet præstare impedimentum Canonice celebrantibus Officia sua. Quamobrem hoc tempore Sancti Georgianam illam & Cappellam non minus ab ipsamet Ambrosiana Basilica diversam fuisse conjectamus, quam fuerint adjacentes Sanctorum Satyri ac Bartholomæi Ecclesiæ. Quod autem nuper videbamus affirmatum, plura quoque Altaria eodem hoc tempore in Ecclesia Sancti Satyri extitisse: idipsum alii quoque confirmarunt: primus nempe, undecimus, duodecimus, ac decimus tertius, Monachorum Testes. Sed, quibus illa Sanctis nuncupata essent, nusquam profecto adhuc invenimus. Ut autem hinc ad Basilicam revertamur Ambrosianam: certe quidem Crucis, quæ in ea extaret (nimirum juxta æneum Serpentem, uti jam diximus Num. 198. ac deinceps) aliqualem invenimus mentionem. Hanc nobis solus reliquit Mainfredus Oculi blanci, secundus Canonorum testis, cum diceret: Insuper Canonici habent ANTE CRUCEM scrinium unum: in quo reponuntur candelæ, quæ offeruntur AD CRUCEM, quæ est in Ecclesia. Quarum tamen oblationum medietas Monachis nihilominus debebatur; uti jam vidimus Num. 336. & 398.

DCLI. Quid, quod ipsummet Monasterium suas etiam Conversas hoc tempore habebat? quæ videlicet in aliqua Monasterii parte sejunctim a viris habitarent. Sic enim nos interpretamur vel ex ipso etiam usu per hæc tempora frequentissimo, quo plurimæ Humiliatorum Domus tam Fratres quam Sorores, sed has sejunctim ab illis ibidem habitantes, habebant & Mediolani & alibi; sicut aliunde nobis compertissimum est. Hinc igitur de Domino Petro Sapa, Monachorum tertio Teste, sic legimus: Et vidit, quod Custodes (Canonorum) similiter deferunt Cruces ad Corpora (hoc est, ad Funera) ILLORUM QUI SUNT DE MONASTERIO (tam Abbatis & Monachorum seu Clericorum, quam Conversorum VEL CONVERSARUM) ad petitionem Abbatis. Et illas Cruces specialiter vidit deferri ad Corpus Domini Amizonis Abbatis, & Domini Sozi Monachi, & Domini Gregorii, & Domini Petri Vegli, & Domini Milonis, & Domini Joannis de Marliano, & Azonis Sclavi Conversi, ET DOMNÆ TALIE CONVERSÆ, ET DOMNÆ ADELAXIÆ CONVERSÆ & Joannis Portenarii Conversi, & Domini Johannis Abbatis, & Abbatis Beltrami, & Abbatis Ambrosii, & aliorum multorum, tam feminarum quam masculorum. Earundem similiter Conversarum meminit etiam quintus mox Testis, Dominus Arnoldus: & paulo nobis opportunius Testis item sextus. Ongarinus. Siquidem ipsius testimonium hisce verbis continetur: Item dixit, se vidisse Custodes Canonorum portare Crucem INTRA MONASTERIUM (in quo scilicet ipsumet habitabant sepeliendi) ad Corpus Abbatis vel Monachi, vel Conversi VEL CONVERSÆ, de quorum nominibus non est bene memor &c.

DCLII. Sola rei singularitas hoc nobis nunc eblanditur & elicit, quod alioquin ad Basilicam & Monasterium istud non pertinet, quodque propterea silentio facile transgessimus. Ad Metropolitanam enim & ad Sancti Georgii IN PALATIO Basilicas pertinet. Cum igitur Monachorum Testes fuissent de ducentis olei libris interrogati, quas Archiepiscopus quotannis in usum Chori Ambrosiani suppeditabat; ecce, quemadmodum singillatim subinde

interrogarentur: *Si scit vel credit, quod PRÆPOSITUS ET CANONICI SANCTI GEORGII DANT LAMPADES ILLAS, QUÆ PONUNTUR IN PLAUSTRO, SIVE CARRO, QUOD EST IN CHORO BEATÆ Mariæ.* Ejusmodi autem interrogationi hunc satisfecit in modum decimus quintus Testis, *Jacobus Magister*; qui dicitur *de Rbaude: Nescio, nec credo. Sed credo, quod Archiepiscopus dat ipsas lampades & oleum: & Canonici Sancti Georgii accendant vel accendere faciant ipsas lampades, ET VOLVANT ET VOLVERE FACIANT IPSUM CARRUM.* Quocirca tunc in Basilicæ Metropolitanæ Choro multæ simul lampades in mystico veluti curru versatili dispositæ ardebant: quarum cura penes San-Georgianum Capitulum erat; sed cur esset, nobis adhuc ignoratur. Paulo tamen aliter respondit *Risus*, Custos ejusdem Ecclesiæ Majoris, ac decimus septimus Testis. Interrogatus enim, *Si Dominus Archiepiscopus dat oleum, quo illuminatur Chorus Beatæ Mariæ*; respondit: *Sic: illud, quod ardet per totum annum in tribus cicindilibus.* Dehinc vero ad alteram illam interrogationem, proxime a nobis recitatam, ita respondit: *Dant lampades, & oleum, quod in eis ponitur*; itaut, non Archiepiscopus, sed Præpositus & Canonici San-Georgiani oleum istud, nedum curam & operam, subministrarent. Et rursus interrogatus, *Si Dominus Archiepiscopus dat alias lampades* (vide, quam multæ inibi essent) *que sunt in Choro Sanctæ Mariæ*; respondit: *Non: immo Cimiliarcha.* Et in hanc quidem per omnia sententiam respondit etiam *Petrus, PRIMICERIVS VEGLOÑORUM* (ut hinc etiam intelligamus, eam SANCTI AMBROSII SCHOLAM, cujus mentio nobis incidit Num. 52. suum habuisse Primicerium) testis decimus nonus.

DCLIII. His interim per nos privatim ex utroque Processu collectis, quæ quidem selectiora videbantur, & curioso Lectori appetenda, progredimur nunc tandem ad Episcopi *Vercellensis* & Abbatis *Locediensis* Sententiam: quam inde illi auctoritate, qua pollebant, Apostolica conceperunt, conceptamque pronunciarunt Anni præsentis Millefimi ducentefimi primi mense Novembri. Sicut autem in archetypo Monasterii hujus exemplari verbatim legitur, ita prorsus se habet:

IN NOMINE DOMINI NOSTRI JESU CHRISTI. Incumbit nobis ex mandato Apostolicæ Sedis, ALBERTO scilicet vocato EPISCOPO VERCELLENSI, & PETRO dicto ABBATI LOCEDIENSI, ut controversias MONACHORUM ET CANONICORUM SANCTI AMBROSII MEDIOLANENSIS, quæ jamdiu sub nostro sunt examine ventilatæ, perducamus ad finem: & quos non revocat Christi amor & fraterna charitas ad concordie unitatem, compescat saltem justitiæ vigor, & Sententiæ diffinitivæ premat auctoritas. Ut autem ordine suo cuncta procedant; a Litteris Commissionis sumamus exordium. Quarum hic tenor est: INNOCENTIUS EPISCOPUS, Servus Servorum Dei, Venerabili Fratri VERCELLENSI EPISCOPO, & dilecto Filio ABBATI DE LUCEDIO, Salutem & Apostolicam Benedictionem. Cum Causam, quæ inter Dilectos Filios, ABBATEM ET MONACHOS ex una parte, & PRÆPOSITUM ET CANONICOS SANCTI AMBROSII MEDIOLANENSIS ex altera, super Interdicto & quibusdam aliis vertitur, Procuratoribus Partium apud Sedem Apostolicam constitutis, de voluntate ipsorum Dilectis Filiis I. Archidiacono Mediolanensi, Sancti Johannis Papiensis, & Sancti Johannis de Trenno Præpositis commiserimus terminandam; ipsi, quemadmodum Nobis suis litteris intimarunt, cum non possent ad invicem concordare Partes, ab observatione sui judicii absolventes, ad Nos negotium integrum remiserunt. Quod ab

A Abbate & Monachis memoratis coram Dilecto Filio nostro I. Tituli S. Stephani Caelio Monte Presbytero Cardinali, cui Partes commissimus audiendas, sub forma, qua fuerat primis Judicibus delegatum, committi personis aliis petebatur, Parte altera contrarium postulante. Quia vero nihil est rationabiliter allegatum, quare circa præmissam Commissionem, de communi Partium voluntate impetratam, mutare aliquid deberemus: cum circa negotium ipsum nihil fuerit immutatum; volentes, ut finis litibus imponatur, Causam ipsam vobis duximus committendam; per Apostolica Scripta mandantes, quatenus juxta tenorem prioris Commissionis in negotio ratione prævia procedatis. Datum Laterani nono Kalendarum Junii, Pontificatus nostri Anno secundo. In Litteris vero prioris Commissionis, quarum istæ faciunt mentionem, sic habetur: Discretionem vestræ per Apostolica Scripta mandamus, quatinus, vocatis ad præsentiam vestram qui fuerint vocandi, de omnibus, quæ utrinque proposita fuerint, ex integro cognoscentes, quod justum fuerit, appellatione postposita, statuatis: facientes, quod statueritis, per Censuram Ecclesiasticam firmiter observari. Constitutis igitur in præsentia nostra Domno Arialdo Abbate, & Johanne Presbytero ac Monacho Sancti Ambrosii, Monasterii ipsius nomine, ex una parte, qui etiam Johannes, sicut per Instrumentum publicum apparebat, Syndicus Monasterii fuerat constitutus: & ex alia parte Otrico qui dicitur Cameraarius, atque Ambrosio, Canonicis Sancti Ambrosii, nomine sue Ecclesiæ, qui similiter Sindici fuerant a suis Fratribus ordinati, quemadmodum ex Instrumento itidem publico monstrabatur; Monachi Libellum hujusmodi Canonicis obtulerunt: Ego Domnus Arialdus, Abbas Monasterii Beati Ambrosii, nomine illius Monasterii peto, quatinus Petrus, Sancti Ambrosii Præpositus, nomine Canonice, & Canonici illius Ecclesiæ Missas suas incipiant tam tempestive & eas expediant & finiant, seu Officia Missarum, sicut Sacerdotes & Capellani Mediolani, & præcipue sicut CANONICI

D DECUMANORUM faciant; ita quod nullum nobis ad Primam & ad Missas nostras tempore competenti celebrandas præstent impedimentum; & quod possimus sonare Primam omni tempore, sicut Ordinarii Majoris Ecclesiæ in Quadragesima faciunt sonare ad Primam post Missam prædictorum Canonicorum celebratam; & possimus Missam nostram Majorem sonare quando Ordinarii suam sonare faciunt; & hoc præcipue in festivitate Natalis Domini, & Resurrectionis, & Dominicis Diebus, & aliis Solemnitatibus. Eodem modo peto de Vesperis: videlicet ut possimus pulsare cum ad Majorem Ecclesiam pulsatur ad Vesperas, incipere nostras Vesperas cum Ordinarii incipiunt suas: hoc peto per totum annum. Item peto, ut ipsi aperiant vel aperiri faciant Altare Beati Ambrosii ad petitionem nostram, cum nobis placuerit, præcipue celebrandarum Missarum tempore. Item peto, ut TECTUM seu LOBIAM removeant penitus & auferant, quam fecerunt vel fieri fecerunt juxta murum Ecclesiæ Beati Ambrosii & fenestram in ipso muro factam; quia præstant impedimentum legentibus & stantibus tam in Pulpito quam in Choro; & similiter luminibus nocent. Item peto, ut removeant, vel removeri faciant omnes arbores, quas habent post TRIBUNAL BEATI AMBROSII; quia similiter luminibus obsunt super Altare Beati Ambrosii Officia divina Celebrantibus. Item peto, ut Cruces faciant deferri ad Cadavera Mortuorum, licet Canonici non intersint, cum requisiti fuerint ab Abbate, vel Monachis, vel nuncio suo. Et si in hoc obtinere non possem; peto, ut ipsi exhibeant Cruces Custodi, vel nuncio meo. Item peto, ut ipsi Præpositus & Canonici exornent Ecclesiam Beati Ambrosii more solito in festivitate Beati Ambrosii, & Beatorum Martyrum Protasii & Gervasii, & Beati Laurentii. Item peto, ut ipsi Canonici intersint in festivitate Beati Satyri pro Officiis celebrandis: & si non interfuerint; dico, eos

E

F

non

non debere habere refectiorem, nec nos ad eam teneri, nec eam eis prestare debere. Item peto, ut cooperiant Pulpitum honesto pallio & decenti, quodcumque Missa Major celebratur. Salvo jure addendi, mutandi, & meliorandi in aliis meis petitionibus, & omni jure, quo uti potero usque ad Sententiam. Super his autem Capitulis producti sunt hinc inde plurimi Testes, Privilegia multa, & alia Documenta prolata: disputatum sufficienter de jure antiquo & novo utriusque Collegii. Quibus omnibus diligenter inspectis, & consilio prudentum Virorum adhibito, quantum desuper datum est, justitiæ statera libratis, invenimus, utrumque Collegium, Monachorum scilicet & Canonicorum, a longissimis retro temporibus fuisse in Ecclesia Beati Ambrosii, sicut varietate Ordinis diversum ab invicem, sic possessionibus & habitatione divisum; nec patere potuit nobis, unde alterum subjacere debeat alteri; sed unum quodque propriis basibus inniti videtur, quantum ad alterutrum pertinet. Ceterum ipsa Ecclesia, in qua sacrificio laudis jugiter honorandus est Deus, remansit media & communis; ita videlicet, ut utrumque Collegium divina ibi Officia diurnis & nocturnis temporibus, sed alternis vicibus, soleat & debeat celebrare. Sed hinc materia scandalorum; & unde provenire debuerat æmulatio Dei, inde contentiones & jurgia oriuntur; sicut & nunc apparet ex eo, quod habemus in manibus. In primo igitur Capitulo, ubi de Missarum Solemnibus agitur: Sindicis Canonicorum, nomine Fratrum suorum, præcipimus, ne Missarum suarum Officia, in quibus præveniunt Monachos, ex industria protrahant; sed sic ea tempestive incipere, convenienter & moderate agere ac peragere studeant, ne ullum præstent impedimentum Monachis, Officia sua celebrare volentibus tempore opportuno. Videtur autem nobis opportunius esse tempus: ut, quando circumstantia Monasteria ad Missam Majorem consueverunt signa sua sonare, tunc Monachi Sancti Ambrosii sua similiter signa sonare valeant, & eodem tempore cum aliis, qui sunt ejusdem Ordinis, Missarum Solemnia celebrare; ita tamen, ut post Missam Canonicorum, antequam prædicta signa sonentur, cantare suam Primam Monachi possint. Porro de signo, quod sonatur ad Missam Ordinariorum, non videtur nobis statuenda esse Monachis regulam generalem: ut semper ad Missam tunc valeant sua signa sonare. Quia plerumque ad alias Ecclesias vadunt Ordinarii, celebraturi divina Officia; & tunc tempestivius signa sua sonantur. Similiter accidit in solemnibus diebus. CUM DOMINUS ARCHIEPISCOPUS PRÆDICATIONIS EST POPULO VERBUM DEI: & forsitan in aliis casibus. Unde melius nobis visum est, ut ex aliis Monasteriis generaliter sumant tempus & exempla sonandi. Illud autem Apostoli meminerint omnes, SUFFERENTES INVICEM IN DILECTIONE; ut & Canonici solcite studeant, urgente charitate, dare Monachis tempus & locum suum; & Monachi debeant eos æquanimiter expectare. Et ita super hoc Capitulo pronunciamus, statuimus & decernimus, bona fide & sine fraude ab utraque parte servari. Super alio Capitulo, quo postulant Monachi, ut tempore quadragesimali Primam tunc sonare possint, quando Ordinarii faciunt sonari suam: Sindicis Canonicorum absolvimus, præsertim cum ante Primam ipsorum Ordinariorum Missa tantum, & non alia Prima, in Ecclesia Majori cantetur; sed aliter in Ecclesia Beati Ambrosii. Non tamen propter hoc occasionem sumant Canonici immoderate dilatandi Officia sua; sed ita caute modeste & temperanter agant in inchoandis & peragendis Officiis suis, ut Monachi valeant suam cantare Primam tempore competenti. Super tertio Capitulo, quod pertinet ad Officia vespertina: præcipimus Sindicis Canonicorum, nomine sui Collegii, quatinus ita studeant suas finire Vesperas, ut Monachi tunc possint sonare & celebrare suas, quando circumstantia Monasteria sonant & celebrant. Super quarto Capitulo, quod est de

A apertura Altaris Canonicorum Sindicis ipsorum nomine condempnamus, ut in Psalmis Sancti Ambrosii in Nativitate Domini, in festivitate Beati Stephani, in Epiphania & Resurrectione Domini, in Pentecoste, & in Psalmis Sanctorum Gervasii & Protasii, Abbati & Monachis Altare faciant aperiri; salvo refectiorem jure, quod pro eadem apertura sibi competere Canonici dicunt. In reliquis autem prædictis Sindicis Canonicorum a petitione Abbatis & Monachorum super ejusdem Altaris apertione absolvimus; quoniam consuetudo aperiendi Altare in memoratis solummodo festivitibus sufficienter & sine contradictione probata est. Super quinto Capitulo, quod de TECTO removendo proponitur: prædictos Canonicorum Sindicos condempnamus, quatinus faciant TECTUM illud ita deponi, ut fenestra, quam nunc totam operit, spatio unius cubiti desuper aperta remaneat; ut ex illa superiori parte lumen libere in Ecclesiam veniat. Super sexto Capitulo, quod est de arboribus incidendis: condempnamus præfatos Sindicos, ut arborem illam amoveant, quæ est opposita medianæ fenestræ, quatinus eminet super ipsam; ut per eandem fenestram lumen libere ingrediatur. De reliquis vero arboribus, quæ sunt in aliis locis, Sindicos ipsos absolvimus. Super septimo Capitulo, quod est de Crucibus deferendis, vel exhibendis: quoad primam pertinet ejusdem Capituli partem, nihil aliud dicimus, quam ut servetur Sententia, quam tulerunt Abbas Sancti Petri de Lauda & Præpositus Bergamensis, quemadmodum continetur in autentico Scripto ejusdem Sententiæ (id ipsum nos Num. 617. produximus) & in Scripto Confirmationis Domini Papæ. Super alia vero parte Capituli, videlicet ut Canonici faciant exhiberi Cruces Monachis, quando absque Canonici invitantur ad Exequia Mortuorum, vel quando ipsi Monachi sepeliunt mortuos suos: Canonici Sindicos condempnamus, ut in supra dictis casibus Cruces illas faciant Monachis exhiberi; nisi forte per suos Ministros Canonici Cruces ipsas tunc deferri voluerint. Hoc autem ideo dicimus; quia non consueverunt esse in Ecclesia illa aliæ Cruces, quibus vel Monachi vel Canonici uterentur in Exequiis Mortuorum: & Monachos sæpissime in hujusmodi usos fuisse Crucibus illis, sufficienter probatum est. Super octavo Capitulo, quod est de Ecclesia exornanda: Canonicos & Sindicos eorum absolvimus; quia non constitit nobis, exornationem illam totiens factam, ut consuetudinem inducere videretur, aut deberet institutio inde antiquitus facta presumi: ceterum ad ea, quæ non fiunt, jura non aptantur. Super nono Capitulo, quo postulant Monachi, ut in festivitate Beati Satyri Canonici debeant Officiis interesse: Sententia Abbatis Sancti Petri de Lauda & Præpositi Bergamensis servetur & teneat. Idem dicimus in Capitulo decimo, quod ab Abbate & Monachis de ornando Pulpito præpositum est. Et ita Sententiam nostram in hoc litium denario claudimus: SUADENTES PARTIBUS, UT CONVENIENTES IN UNUM JAM DESINANT ESSE PARTES, ET ILLUM POTIUS DENARIUM UNANIMITER QUÆRERE STUDEANT, QUI PROMITTITUR LABORANTIBUS IN VINEA DOMINI, ET SOLIS PACIFICIS, QUI SOLI SUNT DEI FILII, RESERVATUR.

Data est hæc Sententia Mediolani, in Domo Archidiaconi Mediolanensis, Anno Dominicæ Incarnationis Millesimo ducentesimo primo, Indictione quinta, octavo Kalendas Decembris. Interfuerunt Testes, Magister Stephanus Casalensis Præpositus, Presbyter Beatus de Sancto Salvatore, Magister Martinus Lector, Robaldus de Casali, Passaguerra, Vuilielmus Calzagrixa, Conradus Judex, Baldizonus Stampæ, Suz Hostachius, Martinus Bandus, Secundus Bixatus, Loerengus de Reuzolio, Roglerius de Seriano, Vuilielmus de Melegnanis, Magister Milo Canonicus Vercellensis, & Magister Jacobus Præpositus Bugellensis.

sis, qui erat cum prædicto Domino Episcopo Vercellenfi.

DCLIV. Denique vero ad archetypi (quo quidem uti nos ingeminamus) Exemplaris calcem Sigilla etiamnum pendent, ceræ de more impressa, prædictorum Episcopi *Vercellenfis* ac *Locediensis* Abbatibus. Illud Sancti præfert *Eusebii, Vercellensium* Episcoporum Antesignani, effigiem: de qua nihil dubitare nos permittunt istæ illi circumdatæ notæ, **SANCTUS EUSEBIUS**. In altero autem non satis certo discernere datur, nec effigiem impressam neque litteras circumjectas. Inter obscura tamen ipsius lineamenta mihi caput ejusdem videtur coronatum, & a sinistro ejusdem latere velut ab ubere infantulus pendere. Quocirca Beatissimæ *Virginis Mariæ* figuram ego illam esse interpretor.

DCLV. Quidnam vero **LOBIA** esset illa tecto cooperta, cujus mentio fiebat in Superiora Sententia, non alius nobis apertius explicat, quam secundus Canoniorum Testis. De quo quidem sic legimus: *Item dixit: Cum sint quadraginta duo anni & plures, quod hic utitur; vidit semper arbores mori, qui sunt in causa* (hoc est, *in controversia*) *semper postea esse post* **TREVUNAM** (nos hanc aliis ex locis colligimus idem esse ac **TRIBUNAL**, vel **TRIBUNAM**) *ut modo sunt; & etiam* **LOBIAM**; **PER QUAM INTRANT CANONICI ECCLESIAM SANCTI AMBROSII**; & ipsam **LOBIAM** vidit positam esse supra picturam, scilicet supra lignum, quod adhuc est juxta fenestram. Et tunc erat de **SCANDOLIS** (melius **SCANDULIS**) cooperta: & postea fuit cooperta de palea, quæ combusta fuit ab igne desuper Ecclesiam veniente: quæ ab annis quatuor est in eo statu facta, ut modo est: & paululum altior est modo, quam vidi eam esse, cum esset cooperta de **SCANDOLIS** & palea. vel e **Thesau**ro autem Latinæ Linguae compertissimum est, quemadmodum **SCANDULÆ** non aliud sint, quam **PARVÆ TABELLÆ**, hoc est, in parvas laminas scissæ, vel e quercu, vel ex alio ligno, maxime vero e glandiferis, & quæ resinam ferunt: quibus utique tabellis tecta contegi solent. Nos illas Idiomate nostrati **CODEGHETTE** appellamus. Sic etiam *Lobie* vocabulum nobis hodieque in usu est: idemque sonat ac Italicum illud **CORRIDORE**, **CORRIDOJO**, **CORRITOJO**; ac Latinum illud **PERGULA**; velut a pergendo; quod in ea, extra parietem porrecta, deambulare soleamus ab una ædium parte ad alteram. Per eam igitur **LOBIAM**, parieti Basilicæ adhærentem Canonici ex **Ædibus** Canonicalibus in Basilicam ipsam descendebant.

A Quoniam igitur ejusdem **LOBIÆ** tectum illud paleare, fenestram quoque tegeret illam, qua legentibus tam in Choro quam in Pulpito lux affulgebat; propterea etiam super eo quinto Capitulo decretum ita fuit, ut vidimus; & hoc quidem congruenter ad multa Testium per Monachos productorum responsa; & præsertim secundi, septimi, octavi, decimi tertii, ac decimi quarti.

B DCLVI. Quod autem *Arialdus* Abbas in superiora sua petitione **CANONICOS DECUMANORUM** nominabat; de iis certe loquebatur, qui Metropolitanæ Basilicæ Sanctæ *Mariæ* Majoris deserviebant; sicut ex ipsorum præcipue Monachorum Processu apertissime constat. Erant autem numero duodecim; sicut & Canonici Ordinarii per hæc tempora illic erant viginti. Neque tamen ipsi propterea vocabantur **SANCTÆ MARIÆ CANONICI** sed solummodo **CANONICI CANONICÆ DECUMANORUM**, vel **CANONICI DECUMANORUM**. Sic enim præ ceteris testati luculentius fuerunt decimus sextus, decimus septimus, decimus octavus, decimus nonus, ac vigesimus pro Monachis Testes. Sine dubio autem illic residui erant ex eo Decumanorum Ecclesiæ *Mediolanensis* numero centenario, cujus in ejusmodi Processu frequens occurrit mentio; præterquam quod etiam in superioribus nos ipsi non raro meminimus.

C DCLVII. Ceterum ipsius etiam Basilicæ *Ambrosianæ* Canonicos hoc tempore nonnisi duodecim fuisse facile putassemus; sicut etiam Num. 254. & Anno Christi Millesimo quinquagesimo quarto jam erant. Sic enim videri nobis poterat indicatum; cum aliqui per Monachos producti Testes ita etiam interrogarentur: *Si* **DUODECIM CANONICI SANCTI AMBROSII** *sunt de numero Centum*. Atqui majorem nunc illorum fuisse numerum ex eo potius conjecimus, quod tertius Testis, Domnus *Petrus Sapa*, in hæc præcise verba respondisse fertur: *Et credit, quod* **DUODECIM EX CANONICIS SANCTI AMBROSII** *sunt de numero Centum: & quod illi habent portare* **ARCAM** *cum illis aliis, qui sunt de illo numero, ab Ecclesia* *Æstiva ad Ecclesiam Hyemalem, & converso*; sicut etiam nos Num. 509. meminimus. Quantus enimvero nunc esset ejusmodi Canoniorum *Ambrosianorum* numerus, nos hodiernis ipsorum Successoribus certiore judicio discutiendum cum bona pace ac salute in hoc tandem rerum articulo, quo præsens claudimus Volumen, ad Secundum anhelantes, relinquamus. Anni autem a Christo nato Millefimi sexcentefimi quadragesimi secundi September nunc agitur mensis.

F I N I S.



I N D E X

AUCTORUM ET RERUM

præcipuarum in hoc opere contentarum.



A.

Abbas Ambrosiani Monasterii Comes & Præsul est Limontæ, Civenæ & Campillionis. 91. D
 ----- Ambrosiani monasterii in Limontam Ecclesiasticam & civilem exercet jurisdictionem. 91. C
 ----- Ambrosianus auctoritate propria faciebat ad Altare S. Ambrosii tam Clericos quam Monachos. 498. A
 ----- cum suis Monachis celebrabat festum in honorem Ænobarbi & Henrici, non tota civitas. 466. C
 ----- Monasterii Ambrosiani non ordinetur nisi de ipsa congregatione. 97. D
 ----- S. Ambrosii facit cantare missam in Tribunali Die Sabbati Sancti. 496. A
 Abbatissalis dignitas in Monasterio Horoni à Sixto Quarto suppressa. 175. D
 Acho Archiepiscopus Mediolani an Romæ sepultus. 127. A
 ----- Archiepiscopus quando obiit. ibid.
 Actiones Concilii Pisani præcipue. 274. C
 Adélardus Abbas Ambrosiani Monasterii. 211. D
 Adeleidam Lotharii viduam Berengarius conatur comprehendere. 135. E
 ----- Lotharii viduam sibi matrimonio copulat Otto Rex Francorum. 135. F
 Adeodati S. Presbyteri inscriptio sepulchralis. 155. D
 Adrianus Papa quo anno mortuus. 461. A
 Ædes Eustorgiana non fuit Monasterium. 321. B
 Ægidius Aureæ vallis religiosus citatus. 353. B
 ----- Aureæ vallis religiosus de translatione corporum trium Magorum Coloniam. 357. A
 ----- Aureæ vallis religiosus refutatur. 322. D
 Æribertus de Pasilvano Ecclesiam S. Petri & Pauli reedificat. 294. C
 Æsculapius colebatur sub forma serpentis. 151. D
 Albertus Beatus Monasterii Pontidenfis fundator. 246. F
 ----- Beatus quo die occubuit. 247. A
 ----- Ripaltæ siccæ magna cum letitia Laudensibus excipitur. 396. F
 Alciatus (Andreas) citatus. 116. C
 ----- refutatus. 230. B
 Aldebertus ab Othone in campo prostratus. 138. E
 ----- ad insulam Corsicæ fugit. 138. E
 ----- Berengarii secundi filius. 138. B
 ----- Comes Francorum Italiam intrat cum exercitu. 138. B
 ----- jurat Mediolanum funditus evertere. 138. D
 ----- petit ab Archiepiscopo ut sibi palatium in Urbe præparet. 138. C
 Alduinus Archiepiscopus Mediolanensis. 128. C
 ----- Archiepiscopus quando obiit. 130. C
 Alexander Papa Ænobarbum ad pedes prostratum elevat benigne cum lacrimis. 434. C
 ----- Papa congregat Concilium Lateranense in quo Ænobarbus Regia dignitate privatur. 388. A
 ----- Papa cur Manuelem Imperatorem Constantinopolitanum pacis socium non habuit. 430. D
 ----- Papa duos ad Ænobarbum mittit Cardinales. 427. C
 ----- Papa Episcopum Papiensem privat dignitate Crucis & Pallii & quare. 418. E
 ----- Papa feliciter eum invitantibus Romanis Romam ingressus est. 434. E

Alexander Papa fugit e Laterano. 391. B
 ----- Papa honorifice a Venetis accipitur. 428. C
 ----- Papa in urbe Alexandria Episcopatum instituit. 418. E
 ----- Papa legatos jubet primo agere de pace Lombardorum. 432. A
 ----- Papa Lombardos & præcipue Mediolanenses alloquitur. 429. B
 ----- Papa non insultavit Ænobarbum ad pedes jacentem. 435. C
 ----- Papa pacem ab Ænobarbo oblatam certis conditionibus non recusat. 427. B
 ----- Papa quomodo se gessit contra Calixtum Antipapam penitentem. 435. D
 ----- Papa septem mittit pacis Arbitros. 431. B
 ----- Papa tertius moritur. 440. F
 ----- Papa valde gavisus ob Victoriæ Mediolanensem. 426. A
 ----- Papa Venetiis in templo S. Marci populum benedicit. 428. D
 ----- Pontifex ad Gualuancum Angliæ Comitem profugit. 386. B
 ----- Pontifex Claremonte Concilio convocato Fredericum Ænobarbum & Victorem excommunicat. 345. A
 ----- Pontifex obnixè rogatur ut veniat Romam. 382. E
 ----- Pontifex summa cum gloria a Romanis exceptus. 383. B
 ----- Pontifex Thomam Cantuariensem Archiepiscopum Sanctorum numero adscribit. 410. D
 ----- secundus Arialdum diligit. 205. A
 ----- sextus Pontifex omnes indulgentias confirmavit Ecclesiæ Ambrosianæ. 369. E
 ----- tertius ab Ænobarbo judicatus schismaticus & rebellis in conciliabulo Papiensi. 324. A
 ----- tertius Ænobarbum & varios Episcopos & urbes excommunicat. ibid.
 ----- tertius Papa fuit Monachus Cisterciensis. 323. D
 Alexandri Nuncii Epistola ad Thomam Cantuariensem Archiepiscopum, de Ænobarbo. 350. D
 ----- Papæ Diploma quo Milonis sententiam de controversiis inter Monachos & Canonicos confirmat. 413. E
 ----- Papæ intercessione inter Regem Siciliæ & Lombardos induciæ fiunt cum Imperatore Ænobarbo. 434. A
 ----- Papæ litteræ de Canonisatione S. Bernardi 412. A
 ----- Pontificis iter e Senonensi urbe versus Romam. 382. B
 ----- tertii Papæ laudes. 323. E
 Algifii de Pirovano Archiepiscopi elogium. 423. F
 Algifius Archiepiscopus adjudicat quædam bona Joanni Monacho Ambrosiano. 437. B
 ----- Archiepiscopus corripuit Decumanos quia non veniebant in festis solemnibus ad Ecclesiam Majorem. 451. D
 ----- Pirovenerus Archiepiscopus moritur. 450. E
 ----- Pirovanus Galdino Archiepiscopo substitutus. 423. C
 Alico comes Italiæ Sepelitur in tumulo Regum Engliæ. 38. A
 Aloysius ab Ecclesia citatus. 127. A
 ----- Lipomanus citatus. 76. C
 Altare aureum apertum a Canonicis tempore nuptiarum Henrici Regis. 457. F

Paricellus, Kk Al-

- Altare aureum apertum tempore coronationis Anobar-
bi. 365. C
- aureum certissimum indicium adhuc in sua Basi-
lica cubantis S. Ambrosii. 380. C
- aureum quomodo munitum. 67. C
- Altaria novem quibus concessæ sunt indulgentiæ. 135. C
- Altaria quot fuerunt in Ambrosiana Basilica. 502. D
- Ambrosiana Basilica ex parte corruit. 483. E
- Basilica quare & quando Ambrosio dedi-
cata. 30. B
- Ecclesia licet hæresi irretita tamen de Ro-
mana recte sentiebat. 203. F
- Ambrosianæ Basilicæ dedicatio quo die præsta. 22. B
- Ecclesiæ sensum a Romanæ Ecclesiæ sen-
su in nominandis S. discrepare. 84. B
- Ambrosianum Miraculum ab antiquis scriptoribus non
memoratum. 183. C
- Monasterium in hunc diem possidet mul-
ta prædia per Garibaldum assignata. 100. A
- Ambrosianus ritus Limontæ in usu est. 91. D
- Ambrosii Protasii & Gervasii festivitates eodem modo
post ac ante destructionem Mediolani celebratæ. 367. A
- S. ædes suburbana 184. A
- S. Basilica numquam fuit Cathedralis. 197. E
- S. caput igne in modum brevis scuti operi-
tur. 238. A
- S. Epistola ad sororem Marcellinam. 1. D
- S. exuvie in Ambrosiana Basilica extant.
314. F
- S. Miraculum dum sepelitur S. Martinus. 75. B
- S. Oratio funebris in Obitu Satyri S. fra-
tris sui. 19. D
- S. Reliquiæ a Bernardo S. inspectæ. 269. A
- S. tempore jam Clonarum usus erat. 299. D
- visum paucos ante mortem dies. 65. D
- Ambrosio S. quid contigerit recusanti regimen Ecclesiæ
Mediolanensis. 279. B
- Ambrosius & Augustinus cecinerunt immediate post
baptismum Hymnum. 234. B
- fratrem suum Satyrum succollans ad Am-
brosianam Basilicam detulit. 15. C
- S. Arrianos & Judæos ab urbe expulit. 404. A
- S. citatus. 240. B
- S. Conrado Imperatori & Germanis exidium
minatur. 163. C
- S. corpora Martyrum a se inventa divinitus,
solemniter in Basilicam Ambrosianam transtulit. 1. D
- S. extra muros civitatis Mediolani quatuor
Basilicas extruxit. 1. B
- S. Imperatori minitabundus apparet. 264. E
- S. in quam Ecclesia apparuit. 184. C
- S. in sua Basilica Ambrosiana sepultus. 2. D
- S. Missam celebrans dormientis in modum
Altari incumbit. 74. B
- S. Pictavii chyrothecam demisit. 83. B
- S. quanti a Mediolanensibus æstimatus.
211. C
- S. quo anno & die ex hac vita migravit. 2. D
- S. Tabellam cum inscriptione Pilati inve-
nit. 150. F
- Amizo Abbas Monasterii Ambrosiani. 315. E
- Abbas Præpositum e sua sede removere fecit in
receptione Galdini Archiepiscopi. 393. C
- Amizoni Abbati Ambrosiano datur Villa Alba. 330. A
- Anacletus Anselmum & Mediolanenses ad se traxit.
267. B
- quando obiit. 293. C
- Romæ fidelium cædibus inbiat. 274. B
- Stolum mittit Anselmo Mediolanensem Ar-
chiepiscopo. 267. C
- Anastasius Quartus electus Pontifex. 312. A
- Andreas Abbas Monasterii Ambrosiani. 95. E
- de Lampugnano Archiepiscopus per Leonem
quintum Papam confirmatus. 126. C
- Vallumbrosianus Monachus Vitam S. Arialdi
conscripsit. 199. A
- Angeli duo supra capita Protasii & Gervasii. 83. E
- Angelberti contentio cum Pontifice Romano, quem ha-
buit exitum. 93. E
- Angelberti defectionem a Romana Ecclesia esse commen-
titiæ defendit auctor. 93. C
- Pusterlæ Diploma, quo Gaudentium Ab-
batem Ambrosiani Monasterii constituit. 47. B
- Angelbertus aureum altare extruxit in honorem S. Am-
brosii supra ipsius corpus. 50. E
- & alii citra defectionis notam contende-
bant contra Pontificem Romanum. 93. D
- in Ambrosiana Basilica struxit aureum
Altare. 48. B
- secundum Puteanum ab Ecclesia Romana
descivit & eum insequentes per ducentos annos. 92. F
- secundum Sigonium ab Ecclesia Romana
descivit. 92. E
- Anglerix Comites quid faciant in Coronatione Regis
Italiæ. 88. B
- Annulus Arderici Episcopi creditur valere contra fe-
bricitantes & variolas. 375. B
- Annus incarnationis Dominicæ inceptus ante octavam
Martii diem. 492. D
- Ansegisus ædificavit Ecclesiam in honorem sepulchri Sal-
vatoris Mundi. 167. B
- Anselmi Archiepiscopi diploma Monasterio Ambrosiano
concessum. 21. B
- de Buis Epistola de dedicatione Ecclesiæ S.
sepulchri. 220. D
- Anselmus Aniperto successit in Archiepiscopatu. 117. C
- Anselmus approbatus a Papa Archiepiscopus. 213. B
- Archiepiscopatu privatus. 43. F
- Archiepiscopus eodem tumulo cum Rege Ber-
nardo sepultus. 43. D
- Archiepiscopus mortuus. 213. E
- Archiepiscopus quando mortuus. 125. D
- Archiepiscopus quando mortuus & ubi sepul-
tus. 118. E
- Archintus an construxit Charevallense Mo-
nasterium. 283. A
- Archintus cum Anselmo de Pusterla cum-
miscetur. 282. F
- de Badagio Alexander secundus dictus. 199. D
- de Buis absolutionem peccatorum constituit.
220. C
- Armanum Episcopum Brixiensem
ordinavit. 216. F
- a Turcis fugatus expirat Constan-
tinopoli. 223. A
- Constantinopoli mortuus. 222. F
- in patriam reversus Ecclesiam de
Ronzone ad similitudinem sepulchri Jerosolomytani
redegit. 218. F
- studet congregare exercitum. 217. A
- de Pusterla ad Honorium Papam proficisci-
tur. 260. A
- a Jordano excommunicatur. 248.
D
- Conradum Modoetiam in Eccle-
sia S. Michaelis unxit. 262. E
- negat accipere stolam e manibus
Papæ Honorii. 260. B
- per portam Ticinensem intrans
in sede Archiepiscopali collocatur. 260. D
- Romæ vitam finivit. 282. B
- Romam proficiscens Capitur &
ad Innocentium transmittitur. 282. A
- subscripsit iudicium super lites
Monachorum & Canonicorum Ambrosianorum. 259.
E
- Anselmus in Archiepiscopatu qua occasione restitutus.
45. C

Anselmus Lucensis Episcopus Nicolao substituitur Pontifex. 205. A
 ----- Mediolani Archiepiscopus inter eos, qui defecerunt ab Imperatore fuit cum multis Episcopis. 41. A
 ----- Quartus Arnulfo substitutus Archiepiscopus. 216. A
 ----- Quartus nomen suum dat expeditioni Hierosolymitanæ. 216. A
 ----- quosdam indutos in culta lana & rasos insolita rasura dicit Hereticos. 268. D
 ----- quo die creatus Archiepiscopus. 118. F
 ----- Sanctus cur a Mediolanensibus dictus indigena. 212. C
 ----- S. Legatus Papæ sese offert capiendum militibus Henrici Regis. 211. F
 ----- S. Nepos Alexandri secundi Papæ. 212. D
 ----- sede pulsus paternam intrat domum. 268. D
 Ansperti Archiepiscopi Epitaphium marmorea tabula incriptum. 115. B
 ----- Archiepiscopi erga pauperes liberalitas. 115. D
 ----- Archiepiscopi verba in coronatione Caroli Galvi. 106. A
 ----- Archiepiscopi verum cognomen. 117. B
 Ansperto Archiepiscopatum administrante magna fuit pestis & ammonē caritas Mediolani. 115. E
 Anspertus ab excommunicatione absolutus. 95. D
 ----- ab Hadriano Pontifice creatus Archiepiscopus. 94. B
 ----- a Potifice & Synodo Romana excommunicatus. 95. A
 ----- Archiepiscopus Domum Divis Satyro Ambrosio & Sylvestro dicavit. 117. A
 ----- Archiepiscopus etiam secularem potestatem exercuit Mediolani. 116. A
 ----- Archiepiscopus extruxit amplas & altas porticus. 116. E
 ----- Archiepiscopus octo Monachos regimini Abbatibus Ambrosiani subiecit. 117. B
 ----- Archiepiscopus per Adrianum secundum Papam confirmatus. 101. D
 ----- Archiepiscopus quando obiit. 117. C
 ----- Archiepiscopus quare excommunicatus. 200. E
 ----- Archiepiscopus quo die mortuus. 118. C
 ----- Archiepiscopus quomodo recessit ab obedientia Papæ. 220. D
 ----- Archiepiscopus quomodo Urbem ingressus ad sedem capeffendam. 101. D
 ----- Archiepiscopus ubi sepultus jaceat. 115. B
 ----- Legatos a latere non recipit. 95. B
 ----- licet excommunicatus tamen nullum conflavit schisma. 95. C
 Anticiaci vici incolæ se obligant Abbati Ambrosiano ut Domino vici. 157. B
 Anticiagum oppidum agri Mediolanensis. 438. A
 Antonii S. Miraculum. 81. E
 Antonius Nebriffensis citatus. 65. B
 ----- S. Citatus. 76. B
 ----- S. quo obiit anno. 82. A
 Ara aurea primevæ Ambrosii Aræ an superstructa. 68. A
 Arca in qua oblationes custodiebantur aperiiebatur per Cimiliarcham. 347. A
 Archiepiscopalis sedes marmorea. 86. C
 ----- sedes vacat annis duobus post Heriberti mortem. 190. E
 Archiepiscopalis sedis vis contra partus dolores superstitiose credita. 88. E
 Archiepiscopi bini simul a Mediolanensibus electi. 423. E
 ----- Mediolanenses duo, alter a Rege Italie alter a Populo Mediolanensi eliguntur. 134. A
 ----- Mediolanenses ad quos missum Pallium. 286. B
 ----- Mediolanenses pallium semper gestabant. 286. D
 ----- prius ad Basilicam veniebant Ambrosia-

nam antequam in Metropolitana sedem caperent. 46. C
 ----- tres Mediolanenses eodem tempore. 211. B
 Archiepiscopis liberum erat per quam vellent ingredi portam ad sedem capeffendam. 101. F
 Archiepiscoporum Mediolanensium reditus. 134. D
 Archiepiscopus compellitur intrare popularem concionem. 268. B
 ----- & Clerus Mediolanensis se subjiciunt pœnæ injunctæ. 263. C
 ----- erat dominus spiritualis & secularis Mediolani. 134. B
 ----- excommunicat Presbyterum, & Episcopi suffraganei Archiepiscopum. 268. A
 ----- interdum solus veniebat ad celebrandas Missas in die Sancti Sabbati in Basilica Ambrosiana. 496. F
 ----- Mediolanensis in Dominica Palmarum dat Abbati Ambrosiano truitam maximam. 493. D
 ----- Mediolanensis pallium non immediate sed mediate a Papa solebat accipere. 286. A
 ----- Mediolanensis qua pompa per Abbatem Ambrosianum excipiebatur in Dominica Palmarum. 493. B
 ----- Mediolanensis quare d. bat oleum ceram & incensum Basilicæ Ambrosianæ. 346. E
 ----- Monachos & Canonicos revocat ad concordiam. 303. E
 ----- pro suo jure eligebat vel Monachos vel Canonicos ad Missæ celebrationem. 497. B
 ----- quomodo palmis & olivis distributis veniebat ad Ambrosianam Basilicam, ad solemnem missam celebrandam. 54. C
 ----- quotannis cum Capitulo Metropolitano solebat venire ad Basilicam Ambrosianam. 406. D
 ----- thesauro Imperatoris adjicit annulum pretiosum. 147. E
 Archinti (Comitis Octavii) laudes. 409. E
 Arcis triumphalis descriptio. 316. D
 Ardericus Archiepiscopus quo tempore obiit. 133. F
 Ardericus de Cottis succedit Alduino in Archiepiscopatu. 130. D
 ----- de Rhaude Presbyterum Aliprandum per ignem ire coegit. 226. E
 ----- Laudensis Episcopus cum aliis eligunt Jordanum de Clivi Archiepiscopum. 246. B
 Ardoinus electus Italie Rex. 153. B
 Arengum quis fuerit locus. 334. D
 Argumenta varia quibus annus mortis Otthonis Frisingensis adstruitur. 460. A
 Arialdi corpus per decem dies in Basilica Ambrosiana exponitur. 207. C
 ----- corpus per luminaria apparet piscatoribus. 206. E
 ----- corpus post decem menses a piscibus intactum e lacu emerfit. 207. A
 ----- corpus quanta letitia a Mediolanensibus accipitur. 207. B
 ----- corpus sepultum in Monasterio S. Celsi. 208. A
 ----- corpus translatus ad Ecclesiam S. Dionysii. 208. B
 Arialdi S. Vitam editurum se promittit auctor. 199. A
 Arialdus Abbas Grosulano fidelis. 223. F
 ----- ab Herlembaldo Cotta Presbytero cuidam creditur. 206. C
 ----- ad mortem ducitur versus Lacum Verbanum. 206. D
 ----- a Presbytero proditus traditur Archiepiscopo. 206. D
 ----- post Ambrosium Abbas Monasterii S. Ambrosii. 490. F
 ----- quomodo Martyrio a duobus Clericis affectus. 206. D
 ----- S. orditur prædicationem contra Simoniam & Matrimonia Cleri. 198. F
 ----- se coram Aripando scopari facit. 205. D
 puricellus, K k 2 Ari-

- Ariberti Archiepiscopi legatum valde diminutum. 178. E
 ----- Archiepiscopi testamentum barbara lingua Latina conscriptum. 167. E
 ----- Archiepiscopi testamentum ipsum. 168. B
 Aribertus Achoni succedit in Archiepiscopatu. 127. E
 ----- Archiepiscopus consecravit Ecclesiam S. Sepulchri. 167. C
 ----- Archiepiscopus duos Abbates S. Ambrosii & S. Vincentii sibi subiecit. 179. B
 ----- Archiepiscopus ex cuius bonis Ecclesiam S. Dionysii construxit & ditavit. 172. E
 ----- Archiepiscopus evocat Conradum Imperatorem in Italiam. 180. D
 ----- Archiepiscopus Monasterium S. Dionysii ipse sancivit. 173. A
 ----- Archiepiscopus quanti fecerit Monachos S. Ambrosii. 170. E
 ----- de Antimiano Custos Ecclesie Vincentiane apud Canturium. 12. B
 ----- de Paxiliano fecit sedilia in Choro S. Ambrosii ad utilitatem Monachorum. 484. D
 ----- de Paxiliano idem qui Aribertus de Pasilvano. 485. B
 Arnulfus æneum serpentem Constantinopoli allatum in Ambrosia a collocat Basilica. 147. C
 Arigauso Abbati Oldeperus Archiepiscopus donat Ædem divi Vincentii in prato. 35. F
 Aripbrandi sententia in favorem Monasterii. 119. F
 Aripbrandus ab Arialdo accusatur Simonie. 205. C
 ----- Clericus quis fuit. 205. D
 Armanus defuncto Arnulfo venit Mediolanum ad eligendum Archiepiscopum. 216. C
 ----- eligit Alselmum de Buis Archiepiscopum Mediolanensem. 216. E
 ----- non consentit electioni Landulsi. 216. C
 Arnoldus de porta argentea succedit Anselmo Archiepiscopo. 213. E
 Arnulfi historici inuestio in Mediolanenses. 204. D
 ----- privilegium quod indulgit Monasterio Ambrosiano. 123. B
 Arnulfum tertium e Cœnobio evocat Urbanus Papa. 215. B
 Arnulfus ab Arciagio Archiepiscopus. 147. A
 ----- Arnulfum Bergomi comitem ante portas urbis suspendio strangulavit. 122. E
 ----- Archiepiscopus Astensem Urbem obsidione claudit. 158. B
 ----- Archiepiscopus magnam partem crucis Dominicæ accepit. 148. A
 ----- Archiepiscopus Monasterium S. Victoris ad corpus fundavit. 159. C
 ----- Archiepiscopus quando mortuus. 142. B
 ----- Archiepiscopus ubi sepultus. 27. A
 ----- Berengarium restituit. 122. F
 ----- Carolo Craffo suffectus. 120. F
 ----- Constantinopoli reversus Henricum Bavariæ ducem elegit Regem Italie. 153. D
 ----- historicus. 141. B
 ----- historicus citatus. 158. A. 160. C. 161. A. 188. E. 208. E. 211. C. 212. A
 ----- historicus Nicolaitis & Simoniacis addictissimus. 204. D
 ----- historicus nihil meminit de æneo serpente Constantinopoli allato. 152. D
 ----- regnum Italie sibi vendicat. 123. B
 ----- secundus Archiepiscopus Otthonis legatus. 141. C
 ----- tertius abdicatus cœnobio se includit. 215. B
 ----- tertius quomodo in sedem Archiepiscopalem collocatus. 215. E
 ----- tertius successit Anselmo Archiepiscopo. 214. F
 Arrogantiam non esse, quærere veritatem. 204. C
 Arfago sive Arciagio oppidum. 147. A
 Arlati Beati Archiepiscopi Mediolanensis corpus an in Bavariam vel Germaniam exportatum. 377. B
 Arx triumphalis expugnata a Duce Bobemiæ. 316. E
 ----- triumphalis oppugnata. 316. D
 Astulfus de Lampagnano Abbas Monasterii Ambrosiani. 132. A
 Attenlis Episcopi defectio & pœna. 157. E
 Atho Archiepiscopus Archiepiscopatu se abdicat. 209. C
 Auctor dissentit a Baronio & Sigonio de tempore obitus Joannis Octavi Pontificis. 118. A
 Auctores aliqui qui schisma Mediolanensi Ecclesie adscripserunt. 204. B
 ----- varii affirmantes æneum serpentem Ambrosianæ Basilicæ esse eundem cum Moyseico. 148. F
 ----- varii asserentes Augustinum a S. Ambrosio baptizatum. 234. B
 ----- varii citati de causis cur Petrus Paulo a dextris sit positus. 63. A
 ----- varii de Etymologia & origine Clucarum. 297. B
 ----- varii de initio ordinis Humiliatorum citati. 284. E
 ----- varii de morte Frederici Ænobarbi. 473.
 ----- varii de translatione corporum Naboris & Felicis, Protasii & Gervasii Brisacum. 356. A
 ----- varii qui dissentiunt de Coronatione Henrici. 242. D
 ----- varii qui meminerunt Miraculi Ambrosiani. 183. D
 Auctorum diversorum opiniones de tempore quo pœna sumpta ab Episcopo Astensi. 158. D
 ----- variorum sententiæ de Uldarico Augustanorum Episcopo. 373. A
 Aves binæ Benedictini ordinis symbola. 83. D
 Augustinus a St. Ambrosio baptizatus. 234. A
 ----- Fivizanus citatus. 5. E
 ----- Sanctus citatus. 301. C
 Aupaldus Abbas Petro substitutus. 126. E
 ----- Abbas potius dicendus Huppandus. 136. E
 ----- Monasterii Ambrosiani Abbas. 132. C
 Aurei Altaris descriptio. 56. F
 Autentici nomenclatura unde processit. 361. F
 Autenticum idem quod originale. 455. C
 ----- instrumentum est quod per multos probatur testes. 455. D
 Authari Rex coronatus in Capella S. Michaelis. 87. B
 Auxentius Arrianorum Episcopus sibi petit Basilicam Portianam. 4. D
 Azarius (Petrus) a Vicecomite Missus ut Militiam reformaret. 179. E
 ----- citatus. 179. D. 335. D

B.

- Bachistatua in Ecclesia Ambrosiana. 230. C
 Baculus Pastoralis in summitate altissimæ turris. 134. D
 ----- Pastoralis inventus in sepulchro cum inscriptione. 192. B
 Ballarinus (Franciscus) citatus. 187. D
 Baptisterium unicum antiquitus pro singulis civitatibus solebat construi. 234. F
 Barnabæ (St.) fons febricitantibus utilis. 322. B
 Barnabas (St.) Mediolanensem primus Episcopus. 4. F
 Baronii opinio de Miraculo S. Ambrosii in funere S. Martini. 76. D
 Baronius Cardinalis citatus. 5. D. 39. E. 206. A. 211. E. 244. C. 260. D. 293. B. 348. E. 351. B. 383. C. 421. B
 Basilica Ambrosiana ante Christi tempora fuit templum Æsculapii. 151. D
 ----- Ambrosiana Florentiæ. 1. A
 ----- Ambrosiana non fuit Metropolitana, ne vivente quidem St. Ambrosio. 3. E
 ----- Ambrosiana non fuit Metropolitana post mortem St. Ambrosii. 5. B

Ba-

Basilica *Ambrosiana* quo genere regiminis fuit admini-
 strata. 5. C
 ----- *Fausta* ubi sita. 68. C
 ----- *Faustiana* olim, jam *Ecclesia S. Victoris*
 ad *Cælum aureum*. 13. B
 ----- *Metropolitana Hyemalis & Æstiva* intra mu-
 ros urbis. 171. A
 ----- *Petri* (*Carolus* a) antea vocabatur *Joannes*
Franciscus. 25. D
 ----- (*Joannes Franciscus* a) citatus. 25. A
 ----- *Portiana* fuit *Metropolitana Mediolanensis*. 3. F
 ----- *Portiana* jam incēpit ab *Episcopatu St. Ca-*
stritiani. 4. F
 ----- *Ambrosiana* proprium habuit *Monialium Mo-*
nasterium. 198. B
 Basilicæ *Ambrosianæ* quænam pars a fidelibus post mor-
 tem *S. Ambrosii* constructa. 300. B
 ----- quænam pars a *S. Ambrosio* con-
 structa. 299. D
 ----- thesaurus sub custodia *Cimiliar-*
chæ continebatur. 347. C
 ----- *Novæ* constructionis indicia. 31. B
 ----- *Sanctorum* plures *Mediolani* crematæ. 209. A
 ----- *Stephaniæ* inscriptio de ejus incendio. 210. C
 Basilii *Magni* aurea sententia de vetustate. 79. B
 Bavari nunquam somniarunt apud se esse corpora *S. Am-*
brosii & Mansueti. 378. A
 Beatrix *Ænobarbi* uxor quando obiit. 463. B
 Bellarmineus citatus. 65. C. 81. A. 84. B
 ----- (*Robertus*) citatus. 63. B
 Beltramus *Monasterii Ambrosiani Abbas* bona quædam
 emit & hac occasione probatur *S. Ambrosii* corpus in
 sua Basilica quiescere. 441. D
 Benalius (*Marcus Antonius*) citatus. 247. A
 Benedicti de Roza legatum. 219. B
 Benedictio cere & ignis celebratur per *Diaconum Ab-*
batis S. Ambrosii. 496. A
 Benedictus (*Junius*) citatus. 144. B
 ----- qui & *Rozo* edificavit *Ecclesiam* in ho-
 norem *S. Trinitatis*. 219. C
 Berengarius *Dux Forojulienſis* *Regnum Italiæ* occupat
 mortuo *Carolo Crasso*. 122. C
 ----- morte *Lithulſi* magis inflatus. 137. B
 ----- *Papæ* bellum commovit. ibid.
 ----- *Sacerdotibus & Officialibus Basilicæ Am-*
brosianæ concessit diploma. 124. E
 ----- secundus cum filio *Adelberto* sibi *regnum*
Italiæ adscrivit. 135. E
 ----- secundus cum filio suo se *Othoni* submit-
 tit. 136. F
 Bergomensis (*Jacobus Philippus*) Citatus. 41. D
 Bernardi inscriptio sepulchralis. 40. B
 ----- *Regis* defectionis descriptio. 40. E
 Bernardi *S. Cardinalis* vita citata. 58. B
 ----- *S. electio* non confirmata ab *Honorio*. 280. B
 ----- *S. Epistola* ad *Godofridum Episcopum* de uni-
 tate *Ecclesiæ*. 293. E
 ----- *S. Epistola* ad *Innocentium Papam*. 286. F
 ----- *S. Epistola* ad *Mediolanenses*. 287. F
 ----- *S. Epistola* ad *Mediolanenses* quando scripta.
 272. E
 ----- *S. Effigies*. 280. C
 ----- *S. Laudes*. 312. A
 ----- *S. Litteræ* ad *Cives Mediolanenses*. 271. C
 ----- *S. Litteræ* ad *Clerum Mediolanensem*. 271. A
 ----- *S. Litteræ* ad *Novitios Mediolanenses*. 271. D
 ----- *S. Litteræ* ad *Romanorum Imperatricem*. 281.
 C
 Bernardo *S. Abbati Clarevallensi* an demandata cura
Ecclesiæ Mediolanensis. 256. B
 Bernardus *Abbas stolam Grosulano* adfert. 224. B
 ----- *Bonævallensis Abbas* citatus. 274. A. 275. A
 ----- ex ordine *Cisterciensi* eligitur post *Lucium*
Pontifex. 307. B

Bernardus *Monachus Clarevallensis* multis floret mira-
 culis. 253. D
 ----- *Monachus Cluniacensis a Mediolanensibus*
 pro suo *Monasterio* privilegium impetravit. 253. F
 ----- *Monachus Cluniacensis* venit *Mediolanum*.
 253. E
 ----- *Monachus & socii* gratias agunt *Populo*
Mediolanensi pro extructo *Cænobio* in *Vico Pontida*.
 252. D
 ----- *Monachus* non alius quam *Abbas Clareval-*
lensis. 252. F
 ----- *Papa* appellatus *Eugenius tertius*. 307. C
 ----- *Rex* ab *Ludovico & imperio* deficit. 39. F
 ----- *Rex ere Archiepiscopi Anselmi* sepultus.
 42. B
 ----- *Rex Marmoreo quadrato sepulchro* conditus
 in *Basilica Ambrosiana*. 42. D
 ----- *Rex* quomodo vestitus fuit cum sepeliretur.
 43. A
 ----- *Rex* quo mortis genere interiit. 41. C
 ----- *S. Abbas Clarevallensis a Rege Francorum*
 accersitus *Innocentium* declarat *Pontificem*. 266. D
 ----- *S. Abbas Clarevallensis* moritur. 312. A
 ----- *S. Abbas Clarevallensis* persuadet *Henrico*
Regi Angelorum ut *Innocentio Papæ* occurrat. 266. F
 ----- *S. Abbas Clarevallensis* quo anno ab *Ale-*
xandro Papæ sacrorum numero adscriptus. 411. A
 ----- *S. a Conradi militibus* captus. 269. D
 ----- *S. auctor pacis & patriæ pater* prædicatur.
 293. D
 ----- *S. Conradum excommunicatum* nunciat.
 269. C
 ----- *S. Cremonensium* pertinaciam *Innocentio* si-
 gnificat. 281. A
 ----- *S. cum ad Corpus Sti Ambrosii* appropinquat
 lumen extinguitur. 269. E
 ----- *S. cur secundo Mediolanum* venit. 280. D
 ----- *S. diuturnam Romæ moram* trahit. 293. B
 ----- *S. Electus Archiepiscopus* quid responderit
Mediolanensibus. 279. A
 ----- *S. eligitur a Populo Mediolanensi Archiepis-*
copus. 278. F
 ----- *S. feminam* per multos annos a *Diabolo* ve-
 xatam in *Ecclesia S. Ambrosii* sanat. 278. A
 ----- *S. in Ecclesia S. Laurentii* hospitatus.
 279. C
 ----- *S. in Galliam* revertitur. 293. E
 ----- *S. Mediolanenses* ut voluit formavit. 276. B
 ----- *S. mittitur legatus* ad *Regem Siciliæ*. 293. B
 ----- *S. Moyse comparatus*. 280. A
 ----- *S. mulierem immundo spiritu* vexatam sa-
 nat. 277. A
 ----- *S. nihil apud Cremonenses & Papienses* pro-
 fecit. 280. E
 ----- *S. optavit* videre corpus *S. Ambrosii &*
quare. 382. C
 ----- *S. post varias acclamationes* solemniter redditur
 hospitio. 275. C
 ----- *S. promittit* se venturum ad *Mediolanenses*.
 270. F
 ----- *S. puellam a diabolo* vexatam in *Ecclesia S.*
Ambrosii sanat. 277. D
 ----- *S. quando obiit*. 270. A
 ----- *S. quando tertio in Italiam* venit. 293. A
 ----- *S. quo anno Mediolani Monasterium* con-
 struxit. 283. D
 ----- *S. quos honores & quomodo* recusavit. 279.
 D
 ----- *S. quoties Mediolanum* venit. 292. E
 ----- *S. rogavit Anselmum* ut liceret ei conspiciere
 reliquias *S. Ambrosii*. 269. F
 ----- *S. secundo eodem anno Mediolanum* rever-
 titur. 280. D
 Bertaldus *Regi a secretis insanæ mentis* factus. 183. B

Bertoldus Presbyter citatus. 213. C
 Befanzonum idem quod Vesonium. 345. D
 Befutius (Joannes Franciscus) citatus. 127. C
 Bina Epitaphia alterum Ludovici Imperatoris, alterum
Ansperti Archiepiscopi. 129. D
 Birrum Clericale indumenti genus. 205. E
 Blanca Ducissa Mediolani vocavit fratres Eremitanos.
de Observantia. 177. B
 Blasius (Rubeus) refutatus. 140. D
 Blondi (Flavii) opinio de serpente aeneo in Basilica Am-
brofiana. 151. B
 Blondus (Flavius) citatus. 103. E. 163. A. 430. D
 ----- (Flavius) de defectione Ecclesie Mediolanensis
a Romana. 93. B
 Bohemie dux Rex creatus a Frederico Enobarbo.
 316. E
 ----- Rex non nominatur post primam Mediola-
nensem deditionem. 332. B
 Boninus (Mombritius) citatus. 321. F
 Bononie constituitur tractari de Pace inter Alexan-
drum Papam & Enobarbum. 427. D
 Borromaei documentum visitationis & translationis re-
liquiarum in Basilica S. Victoris inventarum. 24. E
 ----- ratio cur Miraculum S. Ambrosii e lectione
matutina S. Martini detrahi noluerit. 76. F
 Borromaeus Carolus a Basilica Petri interrogat de cor-
pore credito Arderici Episcopi Augustensis. 374. C
 ----- Carolus reliquias lustravit. 24. D
 Botius Citatus. 27. A
 Bosius (Jacobus) citatus. 148. E
 Bosius (Donatus) citatus. 284. D
 Braydæ domus ubi. 285. C
 Britacenes quid dicunt de Miraculis Uldarico adscri-
ptis. 375. E
 Brixientes sese dedunt Enobarbo. 343. C
 Brolium idem quod viridarium. 458. C
 Bruno copias ducit in Italiam. 161. D
 ----- Pontifex, vocatus Gregorius Quintus. 142. F
 ----- suffectus in locum Herimanni. 161. E
 Bugatus (Caspas) citatus. 253. B. 408. D
 Bugattus contendit pium fuisse cultum infantes sistere
ante aeneum serpentem. 149. E
 Burchardus Imperatoris Notarius citatus. 329. A
 Burrus Presbyter uno die duas fecit missas. 501. F

C.

Celestinus Frater citatus. 99. A
 Coenobium in vico Pontida liberum ab oneribus
 & vectigalibus. 252. E
 Calcaria Bernardi Regis ex ære aurata. 43. C
 Calendarium Ambrosianum de S. Nabore & Felice.
 359. E
 Calistus Papa Antipapam comprehendit. 254. D
 ----- Papa Concilium Lateranense celebrat. 255. A
 ----- Papa e Gallia Romam tendit. 254. A
 ----- Papa honorifice a Lombardis recipitur. 254. B
 ----- Papa moritur. 259. F
 ----- secundus Papa substitutus Gelasio. 252. C
 Camera quid Latinis significat. 30. E
 Campanile Majoris Ecclesie a Papiensibus destructum.
 333. F
 ----- novum augetur. 464. C
 ----- novum & vetus pariter fuit in potestate
Monachorum Ambrosianorum. 302. D
 ----- novum nondum perductum ad justam altitu-
tudinem. 464. E
 ----- quando reedificatum. 334. B
 Campanilis novi Monachi primum posuerunt lapidem.
 302. D
 Campus in Territorio Lexice coram Algisio Archiepis-
copo adjudicatur Ambrosiano Monasterio. 439. A
 Candelabrum Salomonis Mediolano asportatum. 317. B
 Candida S. facit ad S. Ambrosium. 85. B

Candida S. quæ fuit. 85. A
 Canitellius (Ludoicus) citatus. 280. F
 Canonica Ambrosiana duodecim Canonicis constans.
 197. B
 Canonici Ambrosiani constantiores in fide data Alexan-
dro fuerunt Monachis. 348. C
 ----- Ambrosiani non sunt regulares. 197. C
 ----- a Monachis Ambrosianis accipiebant fructus
 & quare. 478. A
 ----- a Monachis in festivitate S. Satyri satis lauto
excipiebantur prandio. 309. C
 ----- an fecerint extolli ipsum Campanile. 464. D
 ----- celebrant in die veneris Sancti Divina officia
in Ecclesia S. Mariæ Græcæ. 495. D
 ----- cum Ordinariis solebant venire ad festivita-
tem S. Satyri. 478. B
 ----- Decumanorum quinam. 510. A
 ----- duo proficiscuntur Romam ad Papam Cœlesti-
num ut latæ sententiæ confirmationem obtineant.
 477. E
 ----- erant duodecim S. Ambrosii. 510. C
 ----- excommunicati quia Monachis nolebant aperi-
re altare aureum S. Ambrosii. 491. A
 ----- habent scrinium ante crucem in Ecclesia Am-
brofiana. 504. B
 ----- interdicto subiecti quia negabant recipere Ar-
chiepiscopum & ei librum tenere. 491. B
 ----- non contenti Consulum sententiæ. 303. D
 ----- S. Georgii Carrum volunt & lampades in eo
accendant. 505. A
 ----- seculares unde originem ceperunt in Basilica
Ambrosiana. 98. F
 ----- vel per se vel nuncios suos solebant adornare Ec-
clesiam S. Ambrosii. 333. B
 Canonicis an licuerit aliquando uno die duas celebrare
missas. 501. B
 Canonicorum custodes deferunt cruces ad illorum cor-
pore qui sunt de Monasterio. 504. C
 ----- & Præpositi nomenclatura quando non-
dum fuit in usu. 171. F
 Cantilena de Ulteja Ulteja. 217. B
 Canturium agri Mediolanensis municipium. 155. C
 Capella S. Michaelis ubi sita. 165. D
 ----- S. Satyri ubi nam exitit. 27. F
 Capita S. Satyri & Victoris ex arca extracta capitibus
argenteis inclusa sunt. 26. A
 Capitanei facti per Archiepiscopum. 134. C
 Capucinae nunc degunt ubi olim stabat Horoni Mona-
sterium. 177. E
 Caracciolus (Antoninus) Citatus. 379. A
 ----- (Antonius) cur defensionem miraculi Am-
brofiani contra Baronium suscepit. 82. B
 Caroli Calvi privilegium Ansperto datum. 106. C
 ----- Crassi privilegium secundum quo varias Eccle-
stias & prædia donat Ambrosiano Monasterio. 109. D
 ----- privilegium quo Ambrosiano Monasterio
donantur Casæ in Meliaco & Villa Clepiate. 114. D
 ----- Magni & Petri Archiepiscopi vera effigies.
 35. B
 ----- Magni inscriptio sepulchralis. 39. C
 ----- Magni obitus descriptio. 38. E
 ----- Magni sepultura. 39. B
 ----- Regis privilegium. 32. F
 Carolomannus Bavarie Rex in Regem Italie eligitur.
 107. A
 Carolus a Basilica Petri Citatus. 5. A. 186. B. 440. B
 ----- a Basilica Petri de S. Nabore & Felice. 357. F
 ----- a Basilica Petri refutatus. 70. A
 ----- Calvus ab Ansperto & aliis Episcopis electus
Imperator. 94. C
 ----- Calvus a Joanne Papa Romam accitus & co-
ronatus. 105. E
 ----- Calvus moritur. 107. A
 ----- Crassus accitus a Romano Pontifice ab An-
 sperto

sperto Coronatur Rex Italiae. 107. B
Carolus Crassus merore animi mortuus abrogato ei Regno. 120. F
 ----- *Rex donat Monasterio Ambrosiano terram juxta Ecclesiam. S. Michaelis.* 312. B
Carolus Magnus ab Ecclesia Catholica inter Sanctos veneratur. 39. D
 ----- *jurisdictionem temporalem concessit Archiepiscopis Mediolanensibus.* 34. A
 ----- *Modoetiae corona ferrea coronatus a Thoma Crasso Mediolanensium Archiepiscopo.* 6. C
 ----- *Petro Olderado concedit quidquid jurisdictionis haberet in urbe Mediolani.* 116. A
 ----- *quando Aquisgrani obiit.* 34. E
Carrocii Mediolanensis descriptio. 329. C
Carolus Sigonius Citatus. 5. B
Cassianus (Bartholomaeus) citatus. 65. B
Castillionæ rationes quibus probat Gervasii & Protasii corpora esse in Basilica Ambrosiana. 369. B
 ----- *sententia ubinam sint corpora S. Ambrosii Protasii & Gervasii* 378. B
Castillionæus (Antonius) citatus. 178. C
 ----- *(Bonaventura) citatus.* 24. C. 69. B
 ----- *(Bonus) Anselmi successor in Archiepiscopatu Mediolanensi.* 44. E
 ----- *in Ambrosiana Basilica sepultus.* 450. E
 ----- *(Joannes Antonius) Citatus.* 38. A. 378. B
Castellum Plebia. 262. C
Casti & Polimii exuviae non procul a S. Ambrosio tumulatae. 238. B
 ----- *S. corpora reperta.* 239. E
Castillionum oppidum. 116. C
Castus & Polimius cum obierunt nullam habuerunt Martyrii occasionem. 238. F
 ----- *cur Martyres & Confessores disti.* 238. C
 ----- *quinam fuerunt.* 237. A
 ----- *ubi revera sepulti.* 239. A
Cathari ab Albigenis & bonis hominibus diversi. 422. A
 ----- *distinguuntur in veteres & novos.* 421. D
 ----- *e Germania venerunt Mediolanum.* 422. E
 ----- *se vocabant bonos homines.* 421. B
 ----- *unde nomen sumpserunt.* 421. E
Catharorum hæresis damnata. 421. B
 ----- *hæresis incipit pullulare Mediolani.* 419. B
Catholici Basilicam Portianam die custodierunt. 23. B
Cavitellius (Ludovicus) Citatus. 40. C. 44. A
Cella S. Ambrosii erat ubi nunc S. Satyri Capella. 12. C
Cellæ etymologia. 29. F
 ----- *nomen olim pro Ecclesiæ nomine fuit in usu.* 104. A
Cellula Ambrosiani Monasterii Papie sita. 103. D
 ----- *S. Ambrosii distincta ab ejus Basilica.* 11. F
Cellulae in quarum una sepultus Heribertus quando sublatae. 191. D
Cereus quando accenditur in Die Sabbati Sancti. 496. A
Chalcus (Trifstanus) Citatus. 35. F. 40. A. 172. E. 174. B. 311. C. 312. A. 318. D. 382. 383. D. 427. A. 447. A. 486. F
Chapevillus (Joannes) citatus. 128. C
Charavallenis Monasterium extructum extra portam Urbis Romanam. 272. D
Choniata (Nicetas) citatus. 398. C
Chorus & Odeum vocabantur Cimiliarchia, Tribunal, Sedes Episcoporum & Episcopale. 495. F
Christiani Cancellarii postulatio pro Enobarbo a Lombardis. 432. A

Christiani milites potiti Jerosolymis. 218. D
Christiano prodest apud alicujus S. Corpus sepeliri. 16. A
Chrysolauum intelligi in Epistola S. Bernardi. 273. C
Chrysolauus vide Grosulanus.
Chronicon flos florum citatum. 134. B
 ----- *flos florum citatum.* 334. B
Chunegundis annuente Henrico Marito castitatem servavit & miraculis post mortem claruit. 159. E
 ----- *in Cœnobio Virginum a se Bambergæ constructo mortua.* 160. A
Ciceræus (Franciscus) citatus. 151. E
Cicero (Marcus Tullius) citatus. 30. A
Cimiliarcha & Canonici habebant claves paramentorum & Altaris. 347. D
Cimiliarchæ officium. 346. C
 ----- *quinam erant.* 346. B
Cimiliarcham quomodo instituebant Canonici. 346. C
Cimiliarchia ubi fuit. 347. B
Cistercienses ædificant Templum & Cœnobium in ripa Ticini & Morimundi nomen imponunt. 442. B
 ----- *negant accipere legatum Henrici Imperatoris.* 478. B
 ----- *non in Urbe Mediolanensi sed in suburbio habuere domicilium.* 272. E
Cisterciensis ordo florebat tempore Papæ Alexandri. 349. A
 ----- *ordo incipit.* 218. D
 ----- *religio quando Mediolani plantata.* 272. A
Civitates aliquot Lombardorum deficiunt ad Enobarbum. 427. E
 ----- *quædam Lombardiæ post Enobarbi fugam unum inter se efficiunt corpus.* 395. F
 ----- *tres Lombardiæ conjurant in Enobarbum.* 395. D
Claudius Robertus citatus. 78. E. 127. C. 253. D
Clavus Dominicæ Crucis Coronæ ferreæ adnexus. 66. A
Clemens Tertius Papa crucem pro recuperanda S. terra denunciât. 471. A
 ----- *Tertius Papa moritur.* 479. A
Clementi Tertio substituitur Cælestinus Tertius. 479. B
Clerus Mediolanensis semper liberam fuisse Ecclesiam Ambrosianam venditat. 201. E
 ----- *Mediolanensis tumultuans per Legatos Apostolicos sedatus.* 199. D
Clocæ unde sic dictæ. 297. B
Clocaria duo Vetus & Novum Basilicam Ambrosianam ornant. 298. A
Clocarii veteris ectypum. 300. B
Clocarium vetus a S. Ambrosio constructum. 299. D
Clocarum varia synonyma. 297. B
 ----- *usus quando in Ecclesia Christiana receptus.* 297. D
Clusia emissarium fossæ. 404. C
Cælestinus Papa prohibuit ne corpus Imperatoris Henrici sepeliretur. 487. A
 ----- *Pontifex Moritur.* 488. C
 ----- *Tertius Papa coronavit Henricum & Constantiam ejus uxorem.* 479. B
Colloquium inter Imperatorem & Papam Veronæ habitum. 455. E
Colonia munita propter trium Magorum corpora. 357. E
Colonium prædium satis opulentum. 198. D
Columbæ tres volantes ab Altari Martyrum creduntur Mediolanensibus prædicere victoriam. 424. C
Columnæ quatuor Porphyreticæ ad altaris quatuor cornua quando & a quibus erectæ. 67. C
 ----- *Comense bellum atrox & diuturnum.* 252. B
 ----- *bellum quare inchoatum.* 252. A
Comes Mutinensis quare capite plexus. 143. B
Commodus licet crudelissimus nullam tamen Christianis attulit molestiam. 73. D
Commutationis duo instrumenta. 315. A

I N D E X

Concilii Pisani tempore quid egerint Mediolanenses. 270. D
 Concilium apud Stampas convocatum. 266. C
 ----- provinciale Mediolani convocatum. 250. C
 Confalonierum prima mentio. 45. F
 Confessor quid significabat veteribus. 240. D
 Conjux tenebatur vivere lege mariti. 156. D
 Cono vel Cuno idem ac Conradus nomen. 214. E
 Conradus ab Anselmo Modoetiae coronam accepit. 261. B
 ----- Abbas Uspergensis quando floruit. 248. E
 ----- accepta a Medico potione Florentiae vitam finivit. 217. A
 ----- a Fratre & quibusdam aliis Rex creatur. 261. B
 ----- a Mediolanensi Archiepiscopo Rex coronatur. 213. D
 ----- a Mediolanensibus honorifice susceptus & Modoetiae ab Archiepiscopo coronatus. 265. C
 ----- a Patre Henrico captus & ereptus captivitate. 213. D
 ----- a patre Henrico Rege deficit. 213. C
 ----- cujus electio antea fuerat damnata, eligitur Imperator. 294. B
 ----- Gibellinus coronatus etiam Modoetiae. 162. E
 ----- Imperator a Papa Joanne Romae coronatus. 163. F
 ----- Imperator ab Archiepiscopo regalem sumptum habuit. 163. E
 ----- Imperator quando & ubi mortuus. 184. D
 ----- Imperator quare oppugnationem Mediolani reliquit. 184. A
 ----- in Ecclesia S. Ambrosii coronatur. 162. B
 ----- Mediolanum intrat & Regium diadema ab Archiepiscopo suscipit. 161. B
 ----- Modoetiae primum coronatus. 214. F
 ----- Moguntiae consecratus Rex. 160. F
 ----- opera S. Bernardi titulum regium deponit & in gratiam Lotharii recipitur. 270. C
 ----- Rex an post legitimam electionem ab Archiepiscopo Mediolanensi coronatus. 306. D
 ----- Rex jurat se propediem venturum cum exercitu in Italiam. 311. B
 ----- Rex non sine suspitione Veneni a Medicis dati occubuit. 311. B
 ----- Rex repentino morbo quando oppressus. 307. B
 ----- Salicus Henrico Imperatori substitutus. 160. B
 Constantia Henrici Regis Uxor a Salernitanis capta. 479. C
 ----- Henrici Regis Uxor nunquam fuit monialis. 457. E
 Constantinopolitani Nicephorum interficiunt. 139. F
 Consules de Credentia unde dicti. 490. B
 Consulum nomina qui Portas & Turres Mediolanenses refecerunt. 402. E
 Controversiae de origine Monasterii S. Vincentii. 178. C
 Conventio inter Abbatem Monasterii Ambrosiani & Presbyterum Ecclesiae S. Valeriae. 303. A
 Conventio libellaris qua probatur corpus S. Ambrosii in sua quiescere Basilica. 405. C
 Corii error de coronatione Lotharii Saxonis. 266. A
 Corius (Bernardinus) citatus. 104. C
 ----- e scriptoribus Italicis primus adstruit S. Protasii & Gervasii corpora in Germaniam translata. 360. A
 Corona ferrea ad Papienses delata. 86. D
 ----- ferrea ex uno Clavorum quibus crucifixus est Dominus facta. 87. E
 ----- Palearis unde dicta. 163. A
 Coronatio fiebat in Ecclesia parva S. Michaelis. 86. F
 ----- quae sit Mediolani non fuit antiqua. 265. D
 Corpora aliorum S. pro Gervasio & Protasio Brisacensibus oblata. 370. E
 ----- Protasii & Gervasii situm nonnihil sejunctum occupabant. 31. A

Corpora quae Brisacenses possident esse aliorum Sanctorum quam Protasii & Gervasii. 372. A
 ----- Sanctorum an in Germaniam Mediolano adportata. 376. A
 ----- S. Martyrum Victoris & Coronae ubi jacent. 13. D
 ----- S. non potuerunt extrahi e sepulchro nisi prius dirutum fuisset altare aureum. 367. E
 ----- S. quare saepe pluribus creduntur esse locis. 370. F
 Corpus unum an simul duobus in locis possit esse. 80. A
 Cranium viri pregrande in sepulchro visum. 339. D
 Cratepolius adversatur Fabro & Nauclero. 376. C
 ----- citatus. 376. C
 ----- (Petrus Merseus) citatus. 357. E
 Crates ferrea quando constructa. 66. D
 Credentia nomen Magistratus Mediolanensis. 450. D
 Crema se tradit Frederico Anobarbo. 323. F
 Cremenense bellum unde ortum. 267. D
 Cremenenses Legatos Anobarbi conantur interimere. 318. F
 Cremenensibus imperatur muros destruere. 318. F
 Cremonenses ab Archiepiscopo Mediolanensi excommunicati. 299. E
 ----- a Principibus Italiae hostes iudicantur. 289. D
 Cremonensis Episcopus a Mediolanensibus captus. 292. A
 Crucis Dominica pars in Ambrosiana Basilica supra columnam collocata. 148. D
 Crux pulcherrima confecta ex auro Marchionis Astenfis. 158. C
 Cumana civitas quo praecipue mense capta. 261. D
 Cumanum bellum per decem annos protractum. 261. E
 Cuniculus pro introitu ad sacra corpora Ambrosii Protasii & Gervasii quare obstructus. 365. E
 Custodis cellulae Ambrosianae jura quando in Abbatem Monasterii Ambrosiani translata. 8. F
 ----- nomen perhonorificum fuit in Ecclesia Mediolanensi. 154. F
 Custos unus praerat Basilicae Ambrosianae. 6. A

D.

Daemonum clamatio contra Herlembaldum Cottam. 207. D
 Dalmaticarum discordia quo Praeposito cepta. 497. E
 Damiani (Petri) praedicatio ad populum & Clerum Mediolanensem. 202. C
 ----- (Petri) praedicatione tumultus sedatus. 203. B
 ----- (Petrus) quando obierit suam legationem Mediolani. 204. C
 ----- (Petrus) quid de schismate sentiat. 203. D
 Danielis Chronicon ab auctore inventum & citatum. 385. B
 ----- Chronicon de restauratione pulpiti marmorei. 399. B
 Dathæus Archipresbyter Xenodochium Mediolani instituit. 32. B
 Datii Chronicon ab altero Datio continuatum. 234. D
 ----- Chronicum citatum. 147. D
 De Cottis Imperatorem collocant super Cathedram marmoream. 88. D
 Decumani aliarum Ecclesiarum etiam veniebant diebus festis in Ecclesia Metropolitana. 451. C
 ----- Basilicae Metropolitanae etiam aliarum Ecclesiarum Ministri erant. 171. C
 Deditio Mediolanensis secundum Sigonium. 328. E
 Dens S. Protasii & Ambrosii in Ecclesia S. Satyri. 180. C
 Descriptio figurae hominis in Porta Romana exsculptae. 407. D
 Desiderius Longobardorum Rex condidit Monasterium Monachorum. 177. B

Desiderius Longobardorum Rex condidit Monasterium Novum. 178. C
 ----- Longobardorum Rex pro duabus suis filiabus edificavit Monasterium Brixienſe. 177. C
 Deſtructio Mediolanenſis ab Acerbo Morena deſcripta. 330. D
 ----- Mediolanenſis ſecundum Dubravium. 331. C
 De Vivianis Notarios faciunt. 338. D
 Deus multa fecit miracula ſanctis meritis Viſtoris ſecundum Morenam. 350. F
 ---- per inſigne Miraculum monuit Mediolanenſes ut Sacrorum corpora abſconderent. 367. C
 Die & nocte in honorem ſacrarum Reliquiarum coram ipsis lampades accendebantur. 381. A
 Dies feſtus in honorem Frederici Anobarbi & Henrici ejus filii quotannis celebratur in Baſilica Ambroſiana. 465. D
 ---- feſtus inſtitutus in memoriam nuptiarum Henrici Regis. 466. D
 Diploma Gregorii Quinti ex liſta compoſitum. 147. A
 Diplomata Regum & Imperatorum honoris cauſa aureis literis in corio piſcis ſcribi ſolebant. 132. B
 Diſſenſio inter Archiepiſcopos uter Papæ offerret Imperatorem coronandum. 164. A
 Diſſenſio inter Moniales Monasterii de Vedano. 177. A
 Difidium inter Nobilitatem & Plebem Mediolanenſem. 188. E
 Dithmarus Henrici Regis hiſtoricus. 155. F
 Documenta duo item confirmantia Sacrum corpus Ambroſii in ſua Baſilica quieſcere. 417. A
 Documentum Publicum Conſulum Mediolanenſium ſuper contraverſis Monachorum & Canonicorum Ambroſianorum. 295. A
 ----- publicum qua iterum probatur S. Ambroſii corpus in ſua Baſilica quieſcere. 446. C
 ----- quibus continetur S. Ambroſii corpus in ſua Baſilica requieſcere. 436. B
 ----- quo adſtruitur corpus S. Ambroſii adhuc ſua in Baſilica quieſcere. 400. B
 ----- quo Lombardiæ rectores poſſeſſionem quorundam bonorum Monasterio Ambroſiano adjudicant. 436. B
 Domus laboris poſſidetur a Canonicis Ambroſianis. 416. B
 Donatus Boſſius citatus. 69. B. 127. A
 Dubravius ab auctore reſutatur. 331. F
 ----- (Joannes) citatus. 331. C
 Dungalus citatus. 15. E
 Dynter (Emondus de) citatus & quis fuit. 336. C

E.

Eccleſia Ambroſiana non debet legibus Romanæ Eccleſiæ ſubjacere. 201. B
 ----- Beate Mariæ a Matronis Mediolanenſibus venditis annulis reedificatur. 335. C
 ----- de Ronzone. 178. B
 ----- de Ronzone quando edificata. 178. C
 ----- de Ronzone quando conſecrata in honorem ſepulchri Dominici. 219. D
 ----- de Ronzone quando extructa. 219. A
 ----- & Monasterium S. Michaelis ad dorſum. 113. B
 ----- Mediolanenſis Eccleſiæ Romanæ fuit ſubjecta ad Ambroſii S. tempora. 202. B
 ----- Mediolanenſis libera a ſchiſmate. 180. B
 ----- Mediolanenſis per Pſeudoarchiepiſcopos perturbata. 210. E
 ----- Mediolanenſis quare interdicto non ſubjecta. 191. B
 ----- Mediolani fabricata in honorem trium Magorum. 322. B
 ----- S. Mariæ ad Arengum diverſa ab Eccleſia S. Mariæ ad Circulum. 335. E
 ----- S. Mariæ ad Circulum ſuberat dominio Monasterii Majoris S. Mauritio Sacri. 335. F

Eccleſia S. Mariæ Græciæ quænam. 415. D
 ----- S. Auguſtini antea S. Joannis ad fontes vocata. 234. D
 ----- S. Auguſtini donata Monasterio Ambroſiano. 233. F
 ----- S. Michaelis ab Ambroſio conſtructa. 113. A
 ----- S. Michaelis ab Othone Presbytero conſtructa & ab Eriberto conſacrata. 165. C
 ----- S. Michaelis & Petri donata Ambroſiano Monasterio. 164. C
 ----- S. Michaelis quæ. 112. E
 ----- S. Petri a Sala. 165. E
 ----- S. Satyri ab Anſperto conſtructa. 479. C
 ----- S. Sepulchri a quibus edificata. 178. C
 ----- S. Sepulchri manet in poteſtate Anſegii. 167. E
 ----- S. Sepulchri prope villam Trinade. 167. A
 ----- S. Sepulchri quando reſtaurata. 178. E
 ----- S. Viti quænam. 56. B
 ----- S. Apoſtolorum Petri & Pauli quando conſtructa. 98. E
 Eccleſiæ quænam in Aribetri teſtamento nominatæ extra muros urbis. 170. F
 ----- quænam ſecundo incendio abſumptæ. 209. E
 Eccleſiaſticos honores ſibi oblatos quomodo reſuſcitavit S. Bernardus. 279. D
 Eckberti Schonaugiensis Monachi ſermonibus Catharorum novorum errores reſutati. 422. B
 Eckbertus de origine Catharorum. 422. C
 Effigies S. Viſtoris cernitur in faſtigio Eccleſiæ S. Satyri. 13. F
 Engeltrudis vocata ad Concilium Mediolanenſe. 101. A
 Engilberga Monasterium ad urbem Placentiæ conſtruxit. 175. E
 ----- Monasterium Aurunæ donavit Monasterio Ambroſianæ. 174. F
 Engleriæ Comitum ſepulchri deſcriptio. 337. D
 Epigramma in obitum Ludovici Imperatoris. 105. A
 ----- in obitum Ludovici Imperatoris compoſitum dubium ad quem pertineat. 104. D
 Epilcopi provinciales ſuffraganei Archiepiſcopi Mediolanenſis. 85. E
 ----- qui interſuerunt tractatui Henrici Regis cum Paſchali Papa. 244. B
 ----- quinam depiſti in Ambroſiana Baſilica. 28. B
 ----- ſuffraganei Mediolanenſi Archiepiſcopo ſeſe exonerarunt a moleſtiis per beneficia Eccleſiaſtica. 302. A
 ----- ſuffraganei Papiæ convocantur ad Anſelmum excommunicandum. 263. B
 ----- ſuffraganei per hebdomadaſ veniebant ad Baſilicam S. Ambroſii 301. D
 Epilcoporum ſuffraganeorum canones infra ſeſes deſcripti. 85. F
 Epilcopus Bambergensis Anobarbi ad Alexandrum legatus non ſine exprobratione fraudis dimiſſus. 399. F
 Equus Archiepiſcopi aureis gaponibus ornatus. 147. D
 Eriberti Archiepiſcopi ſcriptum in favorem Monachorum Monasterii Ambroſiani. 166. A
 Eribertus nomen ſuum ſubſcribebat Aribertus Archiepiſcopus. 165. F
 Errata hiſtorica varia ab auctore reſelluntur. 282. C
 Error graviffimus Corii & Chalci de Frederico Anobarbo. 360. B
 Eugenius Comes Palatinus dolo Abrogatiſti Imperium Mediolani uſurpat. 113. C
 ----- Tertius Papa mortuus. 311. F
 Euſtorgius tria Magorum corpora Mediolanum attulit. 322. A
 Exempla varia Miraculum S. Martini confirmantia. 79. C

Faber (Fælix Dominicanus) citatus. 362. E
 Faustiana Ecclesia an a Fausto vel Fausta Oldani filiis sit denominata. 72. B
 Faustus Mediolanensis miles cum Fausta Oldani filia confusus. 73. F
 ----- sub Adriano Imperatore Martyrium subiit. 74. A
 Feminae quæ sunt in sinistro latere tribune quenam. 66. B
 Fenestra in medio Chori quo anno constructa. 84. F
 Ferrarii rationes quare S. corpora in diversis locis esse creduntur. 371. B
 Ferrarius (Franciscus Bernardus) citatus. 218. A
 ----- (Philippus) citatus. 39. E. 73. C
 Festum de Agios. 237. B
 ----- S. Salvatoris. 236. D
 ----- S. Satyri quo die celebratur. 14. F
 ----- solenne statutum ab Ordinariis Ecclesiæ S. Mariæ ad Portam ob inventas reliquias. 236. A
 Figura sepulchri trium Magorum. 351. C
 Filius Patris lege vivere non tenebatur. 156. D
 Fioletta (Ubertus) citatus. 222. E
 Flamma (Gualuaneus) citatus. 50. F. 283. E. 314. C
 Flos florum Chronicon. 46. E
 Fortis diaconi subscriptio a reliquis diversa & quare. 32. B
 ----- Diaconus Basilicæ & Cellule Ambrosianæ Custos. 6. D
 Fragrantia mira corporis Aivaldi. 207. F
 ----- mira corporum Regum & Martyrum. 357. D
 Francisci Stavoli refutatio opinionis Baronii de Miraculo S. Ambrosii. 77. C
 Franciscus de la Cruce executor Apostolicus. 176. B
 Fratres de Convenio fundaverunt ordinem fratrum Humiliatorum. 284. A
 ----- de Convenio quinam. 283. B
 ----- S. Bernardi. 283. C
 Fratribus S. Bernardi quando data regula ab Ecclesia Romana. 283. D
 Frederici Ænobarbi epulum proceribus datum describitur. 343. A
 ----- exercitus a Mediolanensibus fusus. 424. C
 ----- fuga e Lombardia a Baronio descripta. 394. C
 ----- fuga ex Italia a Baronio descripta. 395. C
 ----- imago in Porta Romana locata. 407. F
 ----- indignatio in Mediolanenses unde aucta. 318. E
 ----- legati a Mediolanensibus repelluntur. 338. D
 ----- legati honorifice a Papa Alexandro recepti. 426. D
 ----- Legati hospitium in cœnobio Ambrosiano sortiti. 318. D
 ----- privilegio probatur corpora S. Ambrosii Gervasii & Protasii in Basilica Ambrosiana quiescere. 455. B
 ----- privilegium amplissimum Monasterio concessum. 452. B
 ----- Privilegium Mediolanensibus præcipue Ambrosiano Monasterio concessum. 447. D
 ----- Privilegium Monasterio Ambrosiano datum recte dicitur anno Regni ejus trigesimo quarto. 454. F
 ----- vexillum a Mediolanensibus captum occiso Signifero. 424. C
 ----- vexillum in signum Victoriæ Mediolani erectum. 317. F

Frederici Ænobarbi uxor Comi vestes induit lugubres incerta an Maritus ex prælio evassisset. 425. E
 Fredericum Ænobarbum non fuisse Hermanii filium contra Fabrum probatur. 363. A
 Fredericus Ænobarbi filius exercitu præficitur Christianorum. 474. C
 ----- Ænobarbus ab Urbe Lauda cum conjuge procedit Papiam. 330. B
 ----- ad Alexandrum mittit legatum fraudulose. 399. E
 ----- Alexandriam oppugnat. 418. A
 ----- Alexander Papa & alii legati Venetiis decedunt. 434. D
 ----- Alexandro Papæ insensus. 387. D
 ----- a Mediolanensibus & aliis confederatis Italiæ civitatibus acie pulsus. 418. B
 ----- a Mediolanensibus fugatus. 394. B
 ----- an cum conjuge Modoetiæ coronatus. 318. B
 ----- an in destructione Mediolanensi quædam templa servaverit. 333. D
 ----- a Pontremolensibus non admisus. 393. F
 ----- Archiepiscopi palatium exspoliari jussit. 328. A
 ----- assumpto habitu servientis fugit in Germaniam. 395. A
 ----- cogitur relinquere Alexandriam. 418. C
 ----- comitante filio Frederico iter in Syriam suscipit. 471. C
 ----- Comites Angliæ partim necat partim in exilium mittit. 338. C
 ----- concedit Monasterii Ambrosiani Abbati privilegium in subditos ejus Antizagenses ubicumque locorum se receperint. 438. B
 ----- Conciliabulum Papiæ congregat. 323. F
 ----- Concilium conatur convocare in Burgundia sed frustra. 345. A
 ----- consentit electioni Paschalis. 351. B
 ----- Cremam sibi traditam direptioni dat. 323. F
 ----- coronam suam dat Uladislao Bohemæ Duci. 331. E
 ----- crucem accipit pro recuperanda terra sancta. 471. B
 ----- cum centum hominum millibus ad Urbem Mediolanensem accedit. 316. B
 ----- cum conjuge a Paschali Antipapa Romæ coronatus. 391. C
 ----- cum conjuge ex Italia in Germaniam proficiscitur congregandi exercitus causa. 350. E
 ----- cum infirmis militibus ab urbe Roma Papiam venit. 393. E
 ----- cur noluerit Basilicam Ambrosianam spoliare S. tutelaribus. 368. A
 ----- cum suo exercitu Italiam ingressus. 387. C
 ----- e Germania Laudam accedit. 350. A
 ----- elegit Albertum Merlinum Episcopum Laudæ. 396. B
 ----- & Mediolanenses bellum parant. 424. A
 ----- everso Manfredi Castro nova privilegia donat Mediolanensibus. 463. F
 ----- excommunicationis nexibus absolutus. 434. B
 ----- ex hoste insensissimo factus benignissimus erga Mediolanenses. 450. D
 ----- ex obsidibus Mediolanensium centum tantum retinet. 345. B
 ----- expeditionem jurat contra Mediolanenses. 315. E
 Fre-

Fredericus Ænobarbus filium Henricum in Germaniam vocat. 471. B
 ----- Filium suum Henricum quinquennem elegit Regem Germaniæ. 462. C
 ----- fraudulenter cum Pontifice & Lombardis de pace agit. 418. D
 ----- Henrico Leodiensium Episcopo donat corpora trium Magorum. 353. C
 ----- Herbipoli Concilium indicit. 387. C
 ----- honorifice a Venetis exceptus. 434. B
 ----- innatans flumini rapidissimo ex improvviso absorptus moritur. 473. D
 ----- in Ecclesia Ambrosiana coronatur. 314. B
 ----- in Roncalias Legatos Italiæ superbe repudiat. 387. C
 ----- intrans Germaniam eam invenit turbatam & præcipue fratrem suum. 395. A
 ----- iratus ex Burgundia in Germaniam transit. 345. B
 ----- legatos mittit ad Alexandrum Papam Venetiis ut locum colloquii mutaret. 428. D
 ----- male Hermanii filius vocatus. 362. D
 ----- Mediolanensium obsides extorta pecunia dimittit. 350. B
 ----- Mediolanum venit & hospitatur apud Monasterium S. Ambrosii. 451. F
 ----- non sine dolo & Victore Antipapa Mediolanum ingreditur. 327. E
 ----- novam expeditionem in Italiam decernit. 387. B
 ----- omnes Cistercienses jubet Regno suo excedere. 349. A
 ----- omnes civitates Lombardiæ quæ contra ipsum erant in Banno ponit. 394. A
 ----- Papiam reversus splendidum proceribus dedit epulum. 342. E
 ----- per hiemem in obsidione Alexandriæ perseverat. 418. B
 ----- post acceptam cladem serio de pace cum Alexandro Papa per legatos incipit agere. 429. C
 ----- post amissum prælium Papiæ apparet. 425. F
 ----- post inducias cum Lombardis factas Mediolanum intrat & ibi honorifice excipitur. 435. A
 ----- prope Secutiam nobilem obsidem Brixensem suspendit. 394. F
 ----- quando Modoëtiæ coronatus. 317. F
 ----- quinta vice cum exercitu in Italiam venit. 417. D
 ----- quot annos regnavit. 474. E
 ----- Romæ ab Hadriano Papa coronatur. 315. C
 ----- Romam oppugnat & ea potitur. 391. A
 ----- sacrilegas manus obstinuit ab Altari aureo Ambrosiano. 337. B
 ----- secundo Mediolanum obsidet. 324. E
 ----- se Venetiis ante pedes Alexandri Papæ prosternit. 434. C
 ----- simulat reconciliationem cum Alexandro Papa. 394. D
 ----- soluta obsidione Alexandriæ, se Papiam recipit. 418. D
 ----- Susam & alias Italiæ civitates comburit. 417. E
 ----- tempore destructionis Mediola-

nenfis habitavit prope Basilicam Ambrosianam. 333. A
 Fredericus Ænobarbus tribus in destructione Mediolanensi pepercit Ecclesiis. 336. C
 ----- tulit sacros ramos e templo Ambrosiano. 337. A
 ----- varios sanctitate insignes Episcopos sedibus suis eiecit. 349. B
 ----- ubi tempore obsidionis Mediolanensis hospitatus. 320. C
 ----- Victorem Papam tætur. 323. B
 Fredericus dictus Ænobarbus. 311. C
 ----- dux Sueviæ a Ducibus & Episcopis electus Rex Germaniæ. 311. C
 ----- & Ottho filii natu minores Frederici Ænobarbi. 462. D
 ----- Rogerius Henrici Imperatoris filius non succedit Patri in Imperium. 487. B
 Frenum Constantini ex Clavo Dominicæ Crucis factum. 87. E
 Frontem inter Basilicæ Philippi & Chorum Ambrosianæ tres olim stabant Ecclesiæ. 70. D

G.

Gabrielis de Barlassina versus de Sancto Natore Felice & alios S. Mediolani assertatos. 359. C
 Gaidoldus Abbas Monasterii Ambrosiani. 142. D
 Galdini Archiepiscopi adventus & susceptio a Mediolanensibus secundum Monbritium. 392. B
 ----- Litteræ quibus permittitur capitulo sine Monachis in Urbe Missam celebrare. 401. A
 ----- Miracula post mortem. 419. F
 Galdinus adversus quos Catharos declamavit. 422. F
 ----- Antiquos capituli Metropolitanii honores confirmat. 400. E
 ----- Archiepiscopus Lombardiam intrat. 392. B
 ----- Archiepiscopus Mediolanum veniens in Monasterio Charævallis moram trahit. 392. E
 ----- Archiepiscopus non Pirovenea sed e Sala familia ortus. 423. D
 ----- Archiepiscopus prius in Aedes Ambrosianas deductus antequam sedem capefferet in Basilica Metropolitana. 393. B
 ----- Archiepiscopus quantopere laboraverit pro restaurandis Mediolanensibus. 393. B
 ----- Archiepiscopus quo die intravit Mediolanum. 392. E
 ----- Beatus Cardinalis S. Sabine ordinatur ab Alexandro Pontifice. 326. C
 ----- Beatus Mediolanensis Nobilis. 326. A
 ----- Beatus Pugil Ecclesiasticæ unitatis. 326. E
 ----- Cancellarius Sanctorum catalogo adscriptus. 306. A
 ----- creatus ab Alexandro Cardinalis titulo S. Sabine. 383. F
 ----- habita Oratione contra Catharos immediate moritur. 419. D
 ----- Laudensibus denunciat ut se conferant ad Alexandrum Pontificem verum. 396. A
 ----- per quos & ubi sepultus. 420. A
 ----- post decennem Archiepiscopatum eodem die quo consecratus Archiepiscopus obiit. 419. A
 ----- quo præcise die mortuus. 420. B
 ----- Romæ non in Gallia creatus Cardinalis. 384. A
 ----- S. cum Oberto Archiepiscopo exsulant. 326. A
 ----- S. cur metuebat ne periclitaretur Ecclesia Mediolanensis. 348. C
 ----- S. Palatium Archiepiscopale reparavit. 335. C
 ----- suffectus in locum Oberti. 383. E. 386. F
 Galesinus citatus. 25. B. 73. B
 ----- (Petrus) citatus. 39. E
 Gallus cur in vertice Clocarii positus. 300. F
 ----- ex æte vertici Clocarii insisit. 300. E
 Puricellus. Ll 2 Ga.

I N D E X

- Garibaldi legata Monasterio Ambrosiano. 99. D
 Garibaldus Episcopus Bergomensis. 99. A
 ----- præfuit Ecclesiæ Bergomensi post Hagano-
 nem. 99. C
 Gaudentius Abbas Ambrosiani Monasterii ante fuit
 Abbas S. Vincenti. 48. B
 ----- Abbas ex quo Monasterio S. Vincentii ad-
 regimen Ambrosiani Monasterii traductus. 50. A
 ----- tribunæ & operis musivi auctor. 61. B
 Gelasius secundus Papa moritur. 252. C
 Gellius (Aulus) citatus. 30. A
 Genuensis Clasis octo millia hominum vehens proficisci-
 tur in Syriam. 222. E
 Gerardus Abbas Clarevallenfis tempore Canonisatio-
 nis S. Bernardi. 412. D
 Germani decem donantur uxori ejus suspensi prope Secu-
 tiam. 397. A
 Germania tempore Ænobarbi libera ab Hæresi. 376.
 C
 Gervasius S. cur Christo a sinistris positus. 83. E
 Ghilones inter nobiles familias Mediolanenses. 178. A
 Glasianus (Joannes Petrus) citatus. 25. D
 Gothofredum invasorem sedis Archiepiscopalis obsidet
 Herlembaldus Cottia. 208. C
 Gothofredus Castillionæus in Romana Synodo excom-
 municatus. 211. A
 ----- Junior Abbas Monasterii Ambrosiani.
 165. E
 Gotofridus Viterbiensis citatus. 456. E
 Gravina (Dominicus) de novis Catharis. 421. F
 Gregorii Quinti diploma authenticum non vidit auctor.
 146. F
 ----- Quinti Papæ diploma Monasterio Ambrosia-
 no concessum. 146. A
 Gregorio Octavo mortuo substituitur Clemens Tertius.
 468. C
 Gregorius Decimus tertius Diplomate curavit ne quis
 reliquias vel ejus particulame provincia Mediolanensi
 auferret. 370. A
 ----- Magnus citatus. 66. C
 ----- Turonensis citatus. 30. D
 ----- S. Turonensis. citatus. 75. A
 ----- sub nomine Victoris tertii Papa electus ab
 Anacleto affectis. 293. C
 Gretserus (Jacobus) citatus. 148. E
 Grosulani Epitaphium. 251. B
 ----- Ministri ligna quercina emunt & congeries
 duas construunt. 228. C
 Grosulanum inter & Liprandum colloquium de Simo-
 nia. 228. D
 Grosulanus abdicatus. 245. C
 ----- accepta pecunia a Jordano Mediolanum
 exit. 248. D
 ----- Archiepiscopalem sedem adscendit. 223. E
 ----- Aronam arcem possidet. 241. D
 ----- causam suam dicit coram Synodo Romana.
 249. B
 ----- contra Græcos librum scripsit de Spiritu
 Sancto. 251. C
 ----- electus & laudatus Archiepiscopus. 223. E
 ----- electus vicarius Anselmi de Buis. 217. C
 ----- Jerusalemam petit. 241. E
 ----- induit stolam. 224. C
 ----- in oriente contra Græcos disputat. 251. C
 ----- jurat se non cœgisse Liprandum ut iret per
 ignem. 235. B
 ----- Mediolanum Jerusalemis rediens intrat.
 248. B
 ----- Monachus Vallumbrosianus. 248. E.
 ----- Ordinatus Episcopus. 217. D
 ----- per legatos dicit Liprando Presbytero ut sibi
 satisfaciat. 228. A
 ----- per quos abdicatus & quomodo. 245. D
 ----- post abdicationem manet Romæ. 250. F
 Grosulanus post Liprandi transitum per ignem deserit
 civitatem. 230. A
 ----- Presbyterum Liprandum conatur minis ter-
 rere. 225. F
 ----- prohibet absentem eligere Archiepiscopum.
 223. E
 ----- prohibetur Ecclesiam Mediolanensem in-
 quietare. 249. E
 ----- Romæ mortuus & ubi sepultus. 250. F
 ----- Synodum provincialem Mediolani congre-
 gat. 226. B
 ----- vult ut se præsentem eligant Archiepiscopum.
 223. D
 ----- pro Exercitu & Anselmo Archiepiscopo Li-
 taniis instituit. 217. D
 Gualuagnus Comes Angliæ princeps Mediolanensis.
 327. B
 ----- Engliæ Comes non fuit tempore secundæ
 obsidionis Mediolani Dominus. 328. D
 Gualuanei Flammæ narratio de proditione Oberti Pro-
 brosa & falsa. 328. B
 ----- Flammæ narratio proditionis Oberti Ar-
 chiepiscopi. 327. B
 Gualuaneus Flamma citatus. 13. D. 23. D. 69. A.
 85. B. 86. D. 88. A. 113. B. 129. C. 132. E. 138. A.
 147. C. 159. B. 162. C. 172. E. 178. D. 179. A.
 190. C. 192. D. 226. E. 316. D. 335. C. 337. D.
 354. A
 ----- Flamma de imagine hominis in Porta Ro-
 mana locata. 408. B
 ----- Flamma de obitu Oberti Archiepiscopi.
 384. C
 Guarnerus (Joannes Antonius) citatus. 247. A
 Guido ab Henrico electus Archiepiscopus & a Medio-
 lanensibus invitatus receptus. 190. F
 ----- ab Humiliatis beatus & ordinis fundator vene-
 ratur. 285. A
 ----- accusatus Simonia. 192. D
 ----- adjutor S. Bernardi in fundando Monasterio.
 283. E
 ----- Antistes Mediolanensis interest Concilio Roma-
 no. 192. D
 ----- a Papæ judicio redit cum gloria ad sedem. 192. E
 ----- Comensis Episcopus bellum infert Mediolanen-
 sibus. 251. E
 ----- interest Concilio Vercellensi. 192. E
 Gulielmus Abbas Ambrosianus. 220. B
 ----- Abbas Ambrosianus Abbatiam suam relin-
 quit. 248. B
 ----- Abbas Ambrosianus petit a Rege Henrico
 ut Privilegia Monasterii sui confirmet. 243. A
 ----- de Pomo Pulpitum marmoreum & alia fie-
 ri fecit in Ambrosiana Basilica. 399. A
 ----- Siciliæ Rex mittit legatos ad pacis tractatum
 cum Imperatore Ænobarbo. 428. B
 Gunteri carmen in quo enumerat filios Ænobarbi. 462. F
 ----- poemata citata. 459. E
 Gunterus de morte Otthonis Frisingensis. 459. E

H.

- Hadericus Abbas S. Cosmi & Damiani. 100. B
 Hadrianus Papa moritur. 323. B
 Hæreticorum Germanorum mores hodierni circa S. re-
 liquias. 376. B
 Hagano suadet Imperatori Lothario ut conjugem Theut-
 pergam dimitteret. 99. D
 Henrici exercitus ab Ardoino fugatus. 153. E
 ----- Imperatoris sororii ab Honorio Papa excom-
 municantur. 261. B
 ----- Privilegium Ambrosiano Monasterio rogatu
 Joannis Abbatis concessum. 153. F
 ----- Regis nuptiarum Mediolani celebratarum de-
 scriptio. 457. A

Hen-

AUCTORUM ET RERUM.

Henrici Regis privilegium Monasterio Ambrosiano concessum. 243. B
 ----- Regis pugna cum Romanis. 244. C
 Henrico Higuditanno Dilecto Filio erat inscriptum baculo pastoralis. 373. F
 ----- Imperatore mortuo principes Moguntiae conveniunt. 260. F
 Henricus ab omnibus Augustus appellatus. 185. A
 ----- Enobarbi Filius ab Uberio Archiepiscopo coronatur Mediolani Rex Italiae. 456. A
 ----- Enobarbi filius dubium a quo Mediolanensi Archiepiscopo coronatus Italiae Rex. 456. B
 ----- Enobarbi filius nuptias celebrat Mediolani. 456. E
 ----- a Jordano Clivio non a Chrysolano coronatus. 242. E
 ----- Angliae Rex infectatur Tomam Cantuariensem Archiepiscopum. 397. E
 ----- Angliae Rex quid promiserit Mediolanensibus & aliis Italiae civitatibus. 397. F
 ----- Anglorum Rex occurrit Innocentio Pontifici. 266. F
 ----- a patre deficit ad Papam. 240. F
 ----- Bononiae arcem construit. 244. D
 ----- coronam Italiae accepit in Ecclesia S. Ambrosii. 156. B
 ----- coronatus Rex Italiae a Mediolanensi Archiepiscopo. 185. E
 ----- cum Agnete uxore & exercitu superat Alpes. 186. C
 ----- & Coniux a Papa Benedicto Octavo Romae coronantur. 157. A
 ----- exules Longobardos restituit. 186. D
 ----- ferream Coronam manu Archiepiscopi Mediolanensis recipit. 186. C
 ----- immunitate donavit Cœnobium S. Felicis. 185. F
 ----- Imperator a Cœlestino Papa excommunicatus. 487. A
 ----- Imperator a Gelasio in duobus Conciliis excommunicatus. 251. E
 ----- Imperator consecratus a Pontifice Clemente. 186. E
 ----- Imperator elegit Mauritium Bacharacensem Episcopum Papam. 251. D
 ----- Imperator legat capitulo Cisterciensium tria millia Marcarum argenti. 487. B
 ----- Imperator moritur in flore ætatis. 486. F
 ----- Imperator quando mortuus. 159. D
 ----- Imperator ob castitatem inter S. relatus. 159. E
 ----- Imperator se non immiscuit electioni Grosulani. 224. D
 ----- Imperator sine prole mascula moritur. 260. D
 ----- in urbe Papia Rex Italiae coronatus. 155. E
 ----- legatos mittit ad Archiepiscopum Mediolanensem. 185. A
 ----- Leodiensis Episcopus ab Enobarbo non creatus Archiepiscopus Mediolanensis. 344. A
 ----- Leodiensis Episcopus Mediolano Præfatus. 343. D
 ----- Leodiensis Episcopus Papie mortuus. 353. D
 ----- Leodiensis Episcopus varie a variis auctoribus nominatur. 343. E
 ----- non ab alio quam Heriberto fuit coronatus. 187. E
 ----- non fuit Romae ante mortem Conradi. 187. B
 ----- pacem dat Mediolanensibus. 185. F
 ----- per Chrysolanum coronatur. 242. D
 ----- per quas vias Italiam intravit. 242. C
 ----- potius ab Abbate Ambrosiano coronatus. 243. A
 ----- quo anno coronatus Imperator. 187. A

Henricus Rex ab Episcopis, Ducibus & Nobilibus regno privatur. 212. B
 ----- Rex accepta ingenti pecunia Gothifredo Cassillionæo tradit Archiepiscopatum. 210. E
 ----- Rex anno ætatis suæ vigesimo primo nuptias celebrat. 462. B
 ----- Rex cum Uxore Mediolani & Modoetie coronatus. 457. B
 ----- Rex Mediolani privilegium inperitit Ambrosiano Monasterio. 481. F
 ----- Rex Mediolanum revertitur. 475. B
 ----- Rex Neapolim obsidens morbo corripitur. 479. B
 ----- Rex Neapolitanam expeditionem iterum suscipit. 481. D
 ----- Rex nuptias non celebravit in confinio Papiensium ut aliqui volunt auctores. 457. D
 ----- Rex Panormo potitus Uxorem liberat & Rex Siciliae cum Uxore coronatur. 481. E
 ----- Rex Romam proficiscitur ut Coronam e Manu Pontificis accipiat Imperialem. 475. B
 ----- Romae stat discalceatus ante Paschalem Papam. 242. A
 ----- siue potius Alexander Episcopus Leodiensis pestilentia mortuus. 391. E
 ----- tandem a Paschali coronatus. 244. D
 ----- Tertius Imperator verius Tyrannus dicendus. 433. C
 ----- trepidante Italia recedit in Lombardiam. 244. D
 ----- undecimo ætatis anno consecratus Rex Germaniae. 184. E
 Herculis simulacrum e Basilica Ambrosiana dono missum Bavariae Duci. 231. B
 ----- statua in Basilica Ambrosiana. 230. A
 Heriberti Archiepiscopi corpus post decem menses integrum repertum. 190. A
 ----- Archiepiscopi Epitaphium. 191. E
 ----- Archiepiscopi opulentiae. 163. D
 ----- Archiepiscopi secundum Testamentum. 189. A
 ----- Archiepiscopi sepulchrum fulmine eversum. 129. A
 Heribertus Abbas Ambrosianus. 225. F
 ----- Archiepiscopus brevioris staturae fuit. 192. C
 ----- Archiepiscopus convocato Consilio Conradum elegit Regem Italiae. 160. B
 ----- Archiepiscopus extra Ecclesiam in Cœmeterio sepultus quia ipse illum elegerat locum. 191. C
 ----- Archiepiscopus extra Ecclesiam sepultus quare. 190. C
 ----- Archiepiscopus Modoetie secundum scribit testamentum. 188. F
 ----- Archiepiscopus ob infirmitatem testamento suo subscribere non potest. 189. F
 ----- Archiepiscopus sepultus ad S. Dyonisium quod ipse fundaverat. 190. A
 ----- Arnulfo suffectus Archiepiscopus. 159. B
 ----- Monasterii Ambrosiani Abbas. 213. A
 ----- non adfuit Coronationi Henrici Romae. 188. A
 Herlembaldo Cotta interfecto ejus interfectores conveniunt ad Basilicam Ambrosianam. 211. B
 Herlembaldus Cotta Widoni sublegit Athonem Archiepiscopum. 209. C
 Hieronymus S. citatus. 65. B
 Hilduinus Archiepiscopus Mediolanensis 128. C
 ----- Archiepiscopus, primus elegit Imperatorem. 130. A
 ----- Hugonem & Lotharium Imperatores Italiae coronavit. 129. C
 ----- quibus privilegiis elegit Hugonem in Imperatorem Italiae. 129. D
 Hlotarius abdicato imperio semet vite monasticae addidit. 95. E

I N D E X

Hlotarii privilegium rogatione Archiepiscopi Engelberti datum Ambrosianæ Basilicæ. 89. A
 ----- privilegium secundum quo statuit omnes Limontæ redditus impendi deberi luminaribus Ambrosianæ Basilicæ. 90. C
 Homines octoginta tres e ditione Pontificia manibus truncati. 118. B
 Honestus de Colenigo testis Canoniconum contra Monachos. 347. E
 Honoratus Archiepiscopus fugit Januam ad Episcopum suum suffraganeum. 298. F
 ----- Archiepiscopus habitavit apud Noxetam. 298. D
 Honorio mortuo duo eliguntur Pontifices. 266. B
 ----- mortuo gravissimum schisma in Ecclesia Dei oritur. ibid.
 Honorius Papa ad quod tempus vixit. 263. C
 ----- Papa Callisto suffectus. 260. A
 ----- Papa Conradum in Germaniam redire cœgit. 263. B
 ----- Papa quo die mortuus. 266. B
 Horoni Monasterium ubi situm. 175. B
 Hospitale S. Ambrosii. 113. B
 Hugo ab Italis accersitus Mediolani coronatur in Regem Italiæ. 128. A
 ----- Ardericum conatur occidere. 132. D
 ----- coronæ Mediolanensibus honorem restituit. 129. E
 ----- coronatus a Lamberto. 130. C
 Hugonis & Lotharii diploma Monasterio Ambrosiano concessum. 130. E
 Hugo & Lotharius maximas ultra Padum possessiones dederunt Monasterio Ambrosiano 130. D
 ----- Imperator coronatus in Ecclesia S. Ambrosii. 130. A
 ----- Lotharium filium suum Regni socium sibi adjungit. 129. B
 ----- quare Nonantulam Abbatiam construxit. 132. F
 ----- Rex quando mortuus. 134. E
 Hugonis & Lotharii diploma aureis literis in corio piscis exaratum. 131. F
 ----- Facinus. 132. D
 Hymnus Æternæ rerum conditor a S. Ambrosio compositus. 301. C

I.

Jacobus de Voragine citatus. 76. C
Jidea erat imago beatissimæ Virginis. 451. E
 Ignis de Castillione. 208. C
 Imagines aliquot Portæ Romanæ insculptæ. 403. E
 Imperator cœnat apud Archiepiscopum. 147. F
 ----- columnam marmoream amplexatur. 88. B
 ----- non dicebatur nisi qui imperaret Italiæ. 126. E
 ----- quibus ceremoniis in Regem Italiæ in Ambrosiana Basilica coronatur. 88. A
 ----- Romam proficiens in medio itinere duas accipiebat coronas. 163. A
 Imperatores diebus festis induti vestibus Imperatoriis Missam audiebant. 265. A
 Imperatoris electio de pleno jure spectabat ad Mediolanensium Archiepiscopum. 129. F
 Imperii anni quando cœpti numerari a consecratione Pontificia. 105. E
 ----- & Regni anni separatim solebant ab Imperatoribus scribi. 362. B
 Incendia bina Mediolanensis Urbis ab aliquibus in unum confunduntur. 210. E
 Incendium secundum Urbis Mediolanensis. 209. D
 ----- Urbis Mediolanensis. 208.
 Indictionum Regum Italiæ & Archiepiscoporum Mediolanensium diversitas. 49. A
 Indulgentiæ concessæ visitantibus crucem in medio Ecclesiæ Ambrosianæ. 194. E
 Ingressus ad Corpus & Arcam S. Ambrosii quo tempo-

re adhuc patebat. 58. A
 ----- in sepulchrum S. Ambrosii patebat cum S. Bernardus id intravit. 59. B
 Innocentius Leodium prodiit ubi sacræ detestationes in Anacletum redintegrantur. 270. B
 ----- Papa Cremonenses ab excommunicatione solvit. 292. A
 ----- Papa depositionem Anselmi de Pusterla confirmat. 274. D
 ----- Papa legatos a latere mittit ad Mediolanenses. 275. A
 ----- Papa mittit pallium ad Robaldum Archiepiscopum. 287. E
 ----- Papa quanti fecerit Episcopum Vercellensem & Abbatem Locedensem. 492. B
 ----- Papa Tertius scripsit literas ad Philippum Archiepiscopum. 488. A
 ----- Papa valde contra Mediolanenses & Robaldum quare excanduit. 286. E
 ----- Romam relinquit. 274. B
 ----- Secundus Papa moritur & quis ei substituitus. 302. F
 ----- Secundus Urbe cedit & Gallias ingreditur. 266. C
 ----- Tertius Archiepiscopo commendat Henricum de Settara. 488. C
 ----- Tertius Cælestino substituitur. ibid.
 ----- Tertius Papa varias ad Mediolanensem pertinentes Ecclesiam scribit literas. 488. C
 ----- Tertius queritur quod Bonacosa quidam non sit ab Archiepiscopo receptus in Canonicum Ambrosianum. 489. E
 ----- Tertius scribit ad Capitulum Mediolanense ut Terdonensi Episcopo restituat Domum. 489. D
 ----- Tertius scribit Archiepiscopo ut Ordinatos a Pontifice possit promovere ad Sacerdotium. 488. E
 Inscriptio de corporibus S. e S. Stephani Basilica de prompta. 377. E
 ----- in limine Portæ Romanæ collocata. 402. E
 ----- Romana in altero latere lapidis in quo Meretricis sibi gentalia tondentis imago. 410. A
 Instrumentum conventionis inter Abbatem Ambrosianum & alios. 330. C
 ----- publicum pro componendis litibus inter Monachos & Canonicos S. Ambrosii. 28. D
 Joannes Abbas Ambrosianus. 232. C
 ----- Abbas Gulielmo suffectus. 255. F
 ----- Abbas investivit aliquos loci Ville Albæ. 311. B
 ----- Abbas Strumensis Paschali Antipapæ substitutus a Schismaticis. 399. D
 ----- Archiepiscopus Ravennatis accusatus a suis suffraganeis Episcopis. 301. E
 ----- Cajetanus, Gelasius Secundus vocatus. 251. D
 ----- Paschali Secundo sufficitur. ibid.
 ----- cui cognomen Arzago Abbas Monasterii Ambrosiani. 311. B
 ----- Monasterii Ambrosiani Abbas. 153. E
 ----- Monachus mulieri religiosæ per insomnium apparet. 80. E
 ----- Octavus Pontifex agit cum Ansperto tamquam sedi Romanæ fideliter adherente. 94. E
 ----- Octavus Pontifex cur iter in Gallias destinatum non perfecit. 117. F
 ----- Octavus Pontifex hortatur Anselmum ut sit fidelis in Ecclesiam Romanam. 119. C
 ----- Octavus Pontifex rogatu Anselmi Archiepiscopi privilegia Ecclesiæ Mediolanensis confirmat. 119. B
 ----- Sarisberienensis citatus. 388. A
 ----- Zemiscus subrogatus Nicephoro. 140. D
 ----- Theophaniam mittit ad Othonem. 140. F
 Joanni Octavo Pontifici nihil obstitisse quo minus iter in Franciam perageret. 118. D

AUCTORUM ET RERUM.

Joannis Octavi Pontificis Epistola ad Anspertum Archiepiscopum. 94. E
 ----- Octavi Pontificis Epistola ad Supponem Comitem & alios. 117. D
 Jordanus Archiepiscopus quando electus & quando obiit. 254. E
 ----- de Clivi ab Episcopo Januensi in Sacerdotem benedictus. 245. B
 ----- Armanum Brixensem Episcopum deponit. 249. F
 ----- confirmatus gratias agit Papæ & Synodo. 249. E
 ----- electus Archiepiscopus. 245. C
 ----- Henricum Imperatorem excommunicat. 250. A
 ----- per quos consecratus Archiepiscopus. 246. C
 ----- per sex menses stolam non habuit. 246. D
 ----- sedet in Synodo Romana ad dextram Papæ Paschalis. 249. B
 ----- stolam de ipso Altari sumit. 247. C
 ----- Petrum Terdonensem ordinavit Episcopum. 254. D
 Jovius (Benedictus) citatus. 187. D
 ----- (Paulus) de figura hominis Portæ Romanæ insculpta. 407. F
 Itali audita sententia Alexandri Mediolanum reëdificant. 388. C
 ----- exactis Ænobarbi Præfæctis Mediolanenses in patriam restituerunt. 389. D
 Italiæ aliquot civitates ab Ænobarbo deficiunt. 350. B
 ----- Principes varii cum Heriberto Archiepiscopo elegerunt Conradum Regem Italiæ. 160. D
 ----- Reges & Archiepiscopi a quo die annum incipiebant. 96. B
 ----- Regnum Patre Vivente consueverat transferri in filium natu maximum. 105. C
 ----- Regnum quando transit ad Francos. 6. C
 Italiam vexat maximus calor. 163. E
 Italici versus de Ambrosiana Basilica correcti. 231. C
 Judicium de controversiis inter Monachos & Canonicos Ambrosianos demandatum Episcopo Vercellensi a Romano Pontifice. 491. C
 Juramentum Abbati Ambrosiano præstitum a suis subditis. 468. D
 Justinianus citatus. 455. C

L.

Lambertus Ariberto in Archiepiscopatu succedit. 127. E
 ----- Hugonem Arelatensem Comitem invitatur ut cum exercitu in Italiam trajicitur. 127. E
 Lampades quamdiu pie supra fidelium sepulchra accensæ. 213. B
 Lampugnani in dejectæ Ecclesiæ situ nobile construxit domicilium. 71. D
 Landulfi Archiepiscopi testamentum. 171. C
 ----- de Badagio & de Varegate quinam fuerunt. 224. E
 Landulfus Abbas Monasterii Ambrosiani. 196. A
 ----- ab Otthone creatus Archiepiscopus. 142. C
 ----- Archiepiscopus ex Urbe pulsus. 142. D
 ----- a Stephano septimo Papa confirmatus. 125. D
 ----- causam suam perorat de Ecclesia S. Pauli in Compito. 291. D
 ----- coronationis Conradi Modoëtiæ administer. 262. B
 ----- de S. Paulo citatus. 214. C. 216. B
 ----- 223. C. 227. D. 235. A.
 241. B. 245. C. 255. B. 267. C. 274. C. 276. A.
 281. E

Landulfus de S. Paulo omni beneficio ecclesiastico spoliatus. 249. A
 ----- de S. Paulo it ad Synodum Romanam. 249. A
 ----- de Varegate in nomen contra Grosulanum in Synodo non protulit verbum. 225. D
 ----- præpositus Ambrosianæ Basilicæ. 225. A
 ----- promittit populo Mediolanensi se Grosulanum omni ecclesiastico officio privaturum. 225. C
 ----- Historicus citatus. 225. B. 226. B
 ----- jussu Primicerii Presbyterorum movet congregatos ne Grosulanum abdicant. 246. B
 ----- querelam suam profert coram Papa & Archiepiscopo. 254. C
 ----- quando mortuus & ubi sepultus. 125. E
 ----- senior Arialdo Martyri infensissimus. 190. B
 ----- succedit Anselmo in Archiepiscopatu. 125. D
 ----- Urbem ingressus Otthonem regio diademate decorat. 124. E
 Lantafius Archidiaconus ædificavit Monasterium Lantafii. 174. A
 Lanterii & Widæ Epitaphium. 196. B
 Lanterius Canonice S. Ambrosii præpositus. 315. E
 ----- de Quinquaviis multa prædia legat Canobio Ambrosiano. 193. A
 ----- quæ prædia contulit Canonice Ambrosianæ & quem in usum. 196. D
 ----- quæ prædia & quem in usum contulit Ambrosiano Monasterio. 196. C
 Lapidés S. Martyrum Portafii & Gervasii sanguine aspersi in arca asservantur. 57. D
 Lapis quadratus cui insculptæ sunt uvæ heret portæ Campanilis. 302. E
 ----- quadratus cui insculptæ uvæ an inservierit Bachi Templo. 302. E
 Laudenfes eligunt Episcopum Albertum Ripaltæ Siccæ præpositum. 396. E
 ----- inopia rei frumentariæ veniunt in manus Mediolanensium. 244. F
 ----- post deliberationem decernunt obedire mandatis Galdini. 396. E
 ----- viri apud Ænobarbum quæsi de Mediolanensibus. 311. E
 Laurentiana Basilica quando erat extra Portam Urbis Mediolanensis. 55. C
 Leander Albertus citatus. 150. D
 Legati Apostolici periculum Mediolani. 201. C
 ----- Apostolici quinam ad sedandum Cleri Mediolanensis tumultum. 199. D
 ----- Papæ ad Mediolanenses. 211. E
 ----- Papæ benedicunt Populum Mediolanensem. 212. A
 Legatorum Mediolanensium nomina qui Constantiam sunt profecti & pacis instrumento subscripserunt. 441. C
 ----- Papæ alter a militibus Henrici Regis captus. 211. E
 Lege qua quisque vivere vellet eligebat. 156. C
 Leodienfes cur non habent corpora trium Magorum. 353. B
 Leprosus cur quotannis abluetur Archiepiscopus. 56. A
 Leprosus a Sancto Ambrosio divinitus curatus. 56. C
 Leones duo e marmore excubant ante portam Basilicæ Metropolitanæ. 301. A
 Leydis (Joannes a) de translatione corporum trium Magorum. 354. C
 Libellus quo recensentur indulgentiæ & reliquæ S. affirmat Ambrosii corpus in sua quiescere Basilica. 370. B
 Ligna ad judicium per ignem disposita a Grosulanis disperguntur. 228. A
 Ligures Navarchi e Syria viniunt petentes militare subsidium. 222. D
 Limonta Basilicæ & Monasterio Ambrosiano attributa. 89. F

Limonta quare Monasterio Ambrosiano conceditur à
Thadone. 98. E
----- ubi sita. 91. A
Limontam legat Hlotarius Ambrosiano Monasterio in
remedium animæ Hugonis Uxoris fratris. 60. E
Liprandi Judicium per ignem quando peractum. 227. A
----- oratio ad populum Mediolanensem. 226. C
----- Presbyteri Miracula tam mortui quam viven-
tis. 247. E
----- Presbyteri secessus ab Urbe. 246. E
----- Presbyteri transitus innoxius per ignem a Gro-
sulani fautoribus in dubium vocatur. 232. A
----- Presbyteri verba dum per ignem transibat.
229. E
Liprando Presbytero quædam turpia de Grosulano no-
tificantur. 224. A
Liprandus ante atrium Ambrosianæ Basilicæ per ignem
transit. 227. D
----- Presbyter Grosulanum accusat Simonie.
226. C
----- Presbyter innoxius ignem transit. 229. F
----- Presbyter Jordano de Clivi electo Archie-
piscopo piscem offert. 246. C
----- Presbyter ipse sibi missam celebrat. 228. D
----- Presbyter moritur. 247. E
----- Presbyter naso & auribus truncatus. 226. A
----- Presbyter per septem annos in S. Pauli Ec-
clesia perseverat. 227. A
----- Presbyter post restitutionem Grosulani per
septem annos manet in officio. 235. D
----- Presbyter quibus verbis Landulfum allo-
quitur. 247. A
----- Presbyter quid egerit audita legatione Gro-
sulani. 228. B
----- Presbyter splendide vivit in Monasterio
Pontidenſe. 247. B
----- Presbyter vestem suam pro lignis oppigno-
rat. 227. E
----- quid antequam per ignem iret de se suis-
que bonis statuit. 227. E
Lisca herba palustris. 147. A
Literæ donationis ipsius Oldeberti manu subscriptæ. 36. A
Lites inter Monachos & Canonicos Ambrosianos unde
ortæ. 256. D
Lithulfus Othonis filius in Italia repentina morte su-
blatus. 137. B
Litteræ de festo S. Salvatoris scriptæ exulante Grosula-
no. 237. C
----- excusatoriæ recitatæ in pseudosynodo Lauden-
si. 332.
Livius (Titus) citatus. 30. A
Lixia de Statione oppidum in ripa lacus Verbani. 439. D
----- vel Læxia subest Archiepiscopo Mediolanensi.
439. E
Lixiæ fuit Monasterium Monachorum. 439. F
Lobia quid. 509. B
Loccatellus Endofius citatus. 58. E
Laodicensis Monasterii origo. 491. D
Lombardi Alexandriam in honorem Alexandri Papæ
edificant. 397. E
----- post egressum Ænobarbi Blandratum erue-
runt. 397. A
----- septem mittunt pacis Arbitros. 431. C
Lombardia fæde immodicis Germanorum præfeſtorum
rapinis lacerata. 382. D
Lombardiæ civitates agunt inter se de ineundo fœdere
contra Ænobarbum. 382. E
----- civitates ineunt fœdus contra Ænobarbum.
383. C
----- Comites quid egerunt Mediolani pro Hen-
rico Imperatore. 252. B
Lombardorum responsio Papæ Alexandro data. 429. D
Lotharii sepulchrum frustra quæsitum. 135. D
Lotharius ab Anselmo Modoctiæ coronatus. 44. C

Lotharius ab Hilduino coronatus. 130. C
----- ante pedes populi Mediolanensis se posternit.
133. E
----- a Robaldo Archiepiscopo coronatus. 289. E
----- Imperator curiam habet in Roncalia. 290. D
----- Imperator moritur. 294. A
----- in arca marmorea sepultus. 135. B
----- Mediolanenses suppliciter orat. 133. D
----- Moguntie Rex constituitur. 260. E
----- Papæ mortus & Mediolani sepultus. 134. E
----- per omnia progeniem Henrici Imperatoris hu-
miliavit. 261. A
----- renitens ad regnum trahitur. 261. A
----- Romæ ab Innocentio coronatur. 270. C
----- secundo in Italiam venit. 289. C
Lucius Papa Henrico negat inponere coronam imperia-
lem nisi eam prius Ænobarbus deponat. 456. D
----- Papa mortuus. 307. B
----- tertius Alexandro Papæ substituitur. 441. A
Ludovici Privilegium Petro Abbati concessum. 102. C
Ludovico mortuo magna fuisse certamina pro adſcenden-
do Imperio Italiæ. 105. C
Ludovicus ab Angilberto coronatus Imperator. 98. C
----- an incassum Romam contenderit ad capeſ-
sendam coronam a Romano Pontifice. 98. C
----- Hlotarii filius in Italiam cum exercitu mit-
titur ad Coronam accipiendam. 91. E
----- Imperator in Basilica Ambrosiana cum elo-
gio sepultus. 175. A
----- Imperator Mediolani mortuus & sepultus.
104. B
----- quo anno ex Urbe Capua Romam petiit.
102. C
Luitprandus Episcopus Cremonensis legatus Otthonis
ad Imperatorem Constantinopolitanum. 140. C
----- Longobardorum Rex quando cepit regna-
re. 5. C
----- Rex ossa Beati Augustini Papiam deferri
curavit. 103. E

M.

Machabæorum corpora jacent ad S. Dionysium.
376. E
Magorum corpora ab Eustorgio Mediolanum allata cre-
dantur. 320. A
----- trium corpora cur Mediolanenses ex Ecclesia
suburbana intra Urbem transtulerunt. 354. A
----- trium corpora valebant contra tempestates &
grandines. 354. C
Majorum traditioni non leviter abroganda fides. 177. C
Malsanorum turris ubi sita. 55. F
Mamardus Mediolanum venit. 247. C
----- Romam adit & petit stolam pro Jordano de
Clivi. 246. D
----- stolam Jordano injurato dare non vult.
247. D
Manfredus Archintus sepultus ante portam Ecclesiæ
Monasterii Clarævallis. 291. B
Manipulus florum Chronicum. 46. E
Manliæ Dædaliæ Epitaphium. 18. C
Manſueti Archiepiscopi corpus an in Ambrosiana Basi-
lica sepultum. 339. F
Manuel Comnenus Imperator Constantinopolitanus
Mediolanensibus suppeditat argentum. 398. B
Marcellina juxta tumulum S. Ambrosii & S. Satyr-
tumulata. 21. C
----- Mediolani non Romæ mortua. 21. D
----- post mortem fratrum ad eorum tumulos de-
voluta noctes diesque consumpsit. 21. A
----- S. Ambrosium & Satyrum secuta. 20. E
Marcellinæ Epitaphium. 85. C
Marchoaldus quadraginta nummorum libras a Medio-
lanensibus petit. 382. D

Maria Sancta in Solariolo. 214. B
Marmorea sedes Archiepiscopalis. 28. A
Martini obitus in quem Christi annum incidit. 82. D
Martinus Abbas Monasterii Ambrosiani. 307. C
Matutinæ præces Ambrosianæ incipiunt ab Hymno Æterne rerum conditor. 301. C
Martyrum corpora Brisacensibus concessa ob miraculum ab ipsis perpetratum. 364. B
Mauritius Papa dictus Gregorius Octavus. 251. D
Mediolanense incendium die Sancti Bartholomæi magnam urbis partem absumpsit. 324. D
Mediolanenses Archiepiscopum accusant suum. 325. F
— armata manu Castrum Trecii e Manibus Fredricianorum recuperant. 323. A
— Bello felices. 267. D
— bellum contra Laudenses redintegrant. 244. E
— capta civitate Laudensi eam penitus destruunt. 245. A
— caritate anone premuntur. 324. F
— Castrum Trecii funditus evertunt. 390. E
— civitatem Comanam occupant. 252. A
— confirmantur per epistolam Sancti Bernardi. 289. A
— Consules Regum Angliæ ossa recolligunt. 338. F
— Consules sese in Palatio Laudensi dederunt Ænobarbo. 329. B
— cum Grosulano eunt ad Synodum Romanam. 235. A
— cum Pergamensibus castrum Trecii oppugnant & in deditionem accipiunt. 390. D
— cur desciverunt a conditione quam apud Roncariam promiserant. 433. A
— e Ticino anne Ticinellum novo anne reddunt navigabile. 438. E
— & Papienses fœdus ineunt. 249. E
— ignoravisse ubinam erant tria Magorum corpora Auctori vedetur durum. 319. F
— ingenti summa pecuniæ potiuntur. 323. A
— intolerabili fame premuntur. 325. E
— jussu Ænobarbi muros dejicere debent. 329. E
— Laudensibus bellum inferunt. 241. A
— Litteras & nuncios mittunt ad Sanctum Bernardum. 270. E
— Matrone suis Monilibus Basilicam Sanctæ Mariæ reædificant. 398. F
— milites a Cremonensibus capti. 267. E
— non jurarunt se numquam urbem manibus munituros. 398. F
— non omnia sacra ædificia ante obsidionem Ænobarbi diruerunt. 320. B
— post amissum arcum cum Ænobarbo paciscuntur. 317. C
— Principes belli inter urbes Langobardiæ. 324. C
— qua letitia Sancto Bernardo eunt obvium. 275. B
— quantam fiduciam ponerent in Patrocinio Sancti Ambrosii. 425. B
— quinam Innocentio fidelitatem jurant. 274. D
— quo anno & quæ occasione dederunt Regi Boemæ Candelabrum Salomonis. 337. F
— quo casu invenerunt tria Magorum corpora. 319. B
— quomodo supplices ad Ænobarbum processerunt. 317. E
— Restituti in urbe Laudam cum Cremonensibus hostiliter aggrediuntur. 390. D
— Sancto Bernardo obediunt. 275. D
— Sanctum Bassanum destruunt. 291. C
— se armant contra Papienses & Laudenses. 315. C
— si vera esset Corporum Storum translatio illud ignorare non potuerunt. 368. B

— sub pœna linguæ inbibuerunt ne quis Frederici Ænobarbi nomen usurparet. 402. D
— summa ope nituntur operam Patriæ suæ præstare. 316. C
— triumphant de Cremonensibus. 241. F
— Varii propter defensionem sui Archiepiscopi gladio trucidati. 132. F
— Urbem Cumanam captam delent. 261. C
Mediolanensibus datum jus creandi Prætoris à Frederico vel Henrico. 470. E
— honoris causa multa tributa. 274. E
Mediolanensis Archiepiscopus cum aliis Lombardis veniunt Ferrariam ad Alexandrum Papam. 429. A
— Archiepiscopus quare Monasterio Ambrosiano quotannis dedit ducentas olei libras. 380. F
— Populus titubat & confirmatur per Epistolam Sancti Bernardi. 274. A
— Populus unanimiter acclamat Regi Conrado. 262. D
Mediolanensium Legati a militibus Reinaldi intercepti. 325. D
— reditus in urbe secundum Mombritionem & Hilariem. 390. B
— Victoria ab Ænobarbo reportata ex actis Alexandri Papæ. 425. B
— Victoriæ adscribitur pax Italiæ. 427. A
Mediolani inter Jordanistas & Grosulanistas arma parantur. 248. A
— due fuerunt majores Ecclesiæ, quæ pro temporum vicissitudine pro Cathedralibus deserviebant. 197. D
Mediolanum ab Italis & Mediolanensibus reædificatur. 389. A
— Urbs post destructionem pulchrior & amplior resurgit. 402. A
Melodiæ Francigenæ quænam. 502. A
Meretricis Imago sibi genitalia tondentis ubi & quare translata e suo loco pristino. 409. D
— Imago sibi tondentis genitalia. 408. E
Mercatum annuale in festo Sancti Salvatoris. 236. E
Merula (Gaudentius) citatus. 116. C
Merula (Georgius) citatus. 41. D
Merula (Gregorius) citatus. 284. C
Milo adhuc Episcopus Taurinensis litem inter Abatissas dirimit. 469. E
— Archiepiscopus dirimit lites inter Monachos & Canonicos Ambrosianos. 471. C
— Archiepiscopus mortuus. 482. F
— Episcopus Taurinensis varias controversias inter Monachos & Canonicos Ambrosianos componit. 410. E
— per quem ad Archiepiscopatum Mediolanensem erectus. 469. B
— quo tempore successit Uberto in Archiepiscopatu Mediolanensi. 467. B
Milonis Archiepiscopi insigne privilegium Monasterio concessum Ambrosiano. 479. D
— Archiepiscopi cognomen. 469. C
Miracula edita per Sanctum Bernardum Mediolani. 276. B
Miraculum dentis Ambrosii descriptum. 51. F
— dentis Ambrosii Italicis Versibus descriptum. 53. A
— in sepulchro Sancti Ambrosii factum. 58. C
— quo Angilbertus exicatus ad aureum altare construendum. 51. E
— Sanctorum Martyrum Protasii & Gervasii. 51. A
Miræus (Aubertus) citatus. 39. E
— (Auribertus) citatus. 253. C
Modoetia unde sic dicta. 162. E
Modoetiæ locus pius dictus de Convenio. 283. C
Molanus (Joannes) citatus. 39. E
Puricellus. Mm Mam-

- Mombritius (*Boninus*) & *Hylarion* citati. 16. A
Mombritius & *Hylarion* de obitu *Oberti Archiepiscopi*. 384. A
Monachi *Ambrosiani* arcent *Canonicos* magno tumultu a *Choro*. 490. D
— *Ambrosiani* cur tempore schismatis abstinerunt a *Missarum* celebratione. 349. C
— *Ambrosiani* impellente *Rainaldo* deficiunt ad *Victorem Antipapam*. 348. D
— *Ambrosiani* *Monasterii* sibi ipsi constituunt *Abbatem*. 48. C
— *Ambrosiani* quomodo celebrabant *vigilias* *Sanctorum Ambrosii Protasii* & *Gervasii*. 502. A
— *Ambrosiani* *Sancti Satyri* festivitatem suo jure celebrant. 309. C
— celebrant in die veneris *Sancti* divina officia in *Choro* & *Ecclesia Sancti Ambrosii*. 495. B
— & *Canonici* non contenti sententia *Milonis Archiepiscopi* appellant ad *Pontificem*. 475. D
— & *Canonici* se subjiciunt *Judicio* *consulum Mediolanensium*. 294. E
— faciunt *aquam Sanctam* in *Ecclesia Sancti Satyri*. 502. E
— ornabant *Ecclesiam* & *altare Sancti Bartholomaei*. 503. E
— secundum preceptum beati *Galdini* tradiderunt *claves Altaris* & *paramentorum Canonici*. 347. E
— tempore *Schismatis* habuerunt per *Teutonicos* *claves Altaris* & *Paramentorum*. 347. E
Monachus Ambrosianus *Sacerdos* singulis diebus *Dominicis* *aquam* faciebat *benedictam*. 135. B
Monachorum jus in *Basilicam* & *Cellam St. Ambrosii*. 31. E
— *Tabulae* de reliquiis *Sanctorum* quae in *Basilica* extant *Ambrosiana*. 369. D
— testes producti super quodam muro. 486. A
Monachos inter & *Canonicos Ambrosianos* revirescunt controversiae. 294. E
Monae Sancti Archiepiscopi corpus unde translatum. 70. C
Monasteria aliquot a *Monialibus* de *Vedano* reformati. 176. E
Monasterii Ambrosiani potestas in *Colonio*. 198. E
— de *Vedano* sanctitatis fama crevit. 176. D
— *Horoni* bona ab *Abbatissa* dilapidata. 175. D
Monasterium Ambrosianum sola praesentia corporis *Sancti Ambrosii* descriptum. 303. D
— *Ambrosianum* suas habebat etiam *Conversas*. 504. C
— *Auroni* prius dictum *Aurunae*. 174. D
— *Cantulpi*. 176. D
— *Charevallense* quando constructum. 290. A
— *Dathei*. 178. A
— de *Ghifone*. 177. E
— de *Montano* ubi situm. 470. E
— de *Vedano* post reformationem regebatur a *Franciscanis*. 176. F
— *Gervasii* & *Protasii* ubi fuit situm. 100. A
— *Horoni* ab *Horona* edificatum. 174. E
— *Horoni* idem quod *Auroni*. 174. E
— *Horoni* unitum *Monasterio* de *Vedano*. 175. E
— in urbe *Crema* *Sanctae Monicae* dicatum. 176. E
— *Lantasi* translatum in *Burgo Portae Romanae*. 173. B
— *Lentasi* & *Majus Monacharum* suum retinent nomen. 173. B
— *Majus* nunc sibi titulum *Sancti Mauriti* assumpsit. 173. B
— *Novum* dictum absolute. 178. F
— *Redegundae* olim *Videlindae* dictum. 174. C
— *Sanctae Clarae*. 176. C
— *Sanctae Clarae* regitur a *Franciscanis*. 177. B
— *Sancti Augustini* de *Vedano*. 175. D
— *Sancti Augustini* de *Vedano* unitum cum *Monasterio* *Horoni*. 175. C
— *Sancti Augustini* nimis angustum. 176. C
— *Sancti Vincentii* & *Novum*. 178. B
— *Vincentianum*. 100. B
— *Videlindae*, quo in loco situm. 174. B
Moniales de *Vedano* nonnullae sibi volunt regulam *Sanctae Clarae*. 177. A
— *Monasterii* de *Vedano* fuerunt *Humiliate*. 176. C
— *Monasterii* de *Vedano* quando sese perpetua clausura obstrinxerunt. 176. A
— quindecim cum *Priorissa* de *Vedano* perseverant sub *Sancti Augustini* regula. 177. A
— *Sancti Augustini* *Archiepiscopali* regimine fruuntur. 178. A
Morena (*Acerbus*) citatus. 55. C. 320. B. 330. D. 343. A. 345. F. 390. E
— de foedere civitatum *Italiae* contra *Aenobarbi* *Procuratores*. 388. D
— de itinere *Aenobarbi* *Romam* versus. 397. E
— de *reditu* *Mediolanensium* in urbe. 389. F
— interfuit epulo *Aenobarbi*. 343. B
— in urbe *Roma* febricitare incipit & *Senas* *Moritur*. 392. A
Morena (*Ottho*) citatus. 317. C. 433. A
Morenae (*Acerbi*) continuator describit fugam *Aenobarbi*. 395. B
Morigia (*Paulus*) Citatus 25. C. 51. B. 69. C. 178. C
Morimundi nomen an *Canobium* a *Vico* vel *Vicus* a *Canobio* acceperit. 442. C
Moylaicus serpens crucis *Dominicae* typus. 148. E
Mundi finis per diluvium timetur. 245. C
Munera varia offeruntur corpori *Arialdi*. 207. E
Mutius (*Marius*) citatus. 247. A
- N.
- N**abor & *Felix Sancti* jacuerunt in *Basilica Philippi*. 322. E
Natalibus (*Petrus de*) Citatus. 39. E.
Nauclerus (*Joannes*) Citatus. 41. D. 386. B
Nazariana Basilica ante *Ambrosianam* a *Sancto Ambrosio* condita. 171. F
Nazariani *Officiales* quare honoris causa ante *Ambrosianos* vocati. 172. A
Neubrigensis (*Guilielminus*) citatus. 319. D
Nicolai *Miraculum* quo apparuit *Constantino*. 80. C
— *Papae* testimonium pro *Thadone*. 94. B
Nicolaitarum *Heresis* quenam. 201. A
Nicolaus *Constantino Magno* apparet. 79. D.
— *Pontifex* quando mortuus. 204. F
Nolarum diuturna pulsatio unde orta. 299. A
Nonantula Abbatia *Arderico Archiepiscopo* non vero ejus successoribus donata. 133. C
— *Abbatia* unde sic dicta. 133. B
Notae *Marginales* in *Landulfi* senioris exemplari. 191. F
Novaria ab *Henrico* expugnata. 242. C
Novitii quoniam apud *Mediolanenses*. 272. A
Nuncii qui ad *Sanctum Bernardum* mittebantur erant ex ordine *Cisterciensium*. 272. B
Nudipedes nunc *Conventuales* dicuntur. 359. B.
- O.

- O**berti Archiepiscopi iudicium de prandio quod Monachi dabant Canonicis. 309. D
 ----- Archiepiscopi privilegium Abbati & Monasterio Ambrosiano datum. 307. D
 ----- Archiepiscopi socii in exilio. 327. A
 ----- Archiepiscopo quæ causa fugiendi. 326. E
Obertus Archiepiscopus Alexandrum Papam secutus Romam versus. 383. D
 ----- Archiepiscopus a nota proditoris vindicatur. 326. B. 385. E
 ----- Archiepiscopus curavit ut haberetur colloquium Pontidenſe. 386. C
 ----- Archiepiscopus dirimit controversias inter Monachos Ambrosianos & Fratres Hospitalis Ambrosii. 312. D
 ----- Archiepiscopus in Sophiæ Templo tumultus. 383. E
 ----- Archiepiscopus non ab Ænobarbo relegatus Beneventum. 386. E
 ----- Archiepiscopus quando & quare Genuam confugit. 326. F
 ----- Archiepiscopus sibi jubet abscindi linguam pedes & manus. 385. E
 ----- de Pirovano succedit Robaldo. 306. B
Oblationes inter Monachos & Canonicos dividebantur præſente Cimitarcha. 347. B
Oblationum mentio quæ fieri solebant cellæ Ambrosianæ. 29. E
Oldanus Philippus unicum habuit filium. 72. E
Oldepertus Archiepiscopus mortuus, in Basilica Ambrosiana ſepelitur. 38. A
 ----- Archiepiscopus quibus conditionibus Arigaſo Abbati Ædem divi Vicentii in Prata donavit. 37. C
 ----- Archiepiscopus variis nominibus ab aliis appellatus. 37. A
 ----- Petro ſuccedit. 35. F
Oldericus Abbas Monasterii Ambrosiani. 142. C
Oldericus a Romano Pontifice conſecratus. 158. B
Oldradi Privilegium a Rege Carolo conſermatum. 32. D
Oldradus (Petrus) quo anno privilegium Ambrosiano Monasterio conceſſit. 32. D
Olgiati (Antonii) laudes. 230. E
Olgiatus (Antonius) Bibliothecæ Ambrosianæ præſectus. 379. A
Olicricus Archiepiscopus Mediolanenſis intercedit pro Rege Henrico ut ei mittantur Rami palmarum. 255. E
 ----- Archiepiscopus Mediolanenſis interfuit Conſilio Lateranenſi. 255. B
 ----- Archiepiscopus Mediolanenſis quomodo ſe geſſerit in Conſilio Lateranenſi contra Ravennatem Archiepiscopum. 255. B
 ----- Archiepiscopus quando mortuus. 256. A
 ----- Jordano ſuffectus Archiepiscopus. 254. F
 ----- Vicedominus electus Archiprebyter. 241. D
Orba Mediolanum oppidum a Conrado oppugnatum. 162. A
Ordinarii quomodo ad Eccleſiæ valvas a Monachis excipiebantur. 478. D
Ordo Humiliatorum quando habuit initium. 284. E
Ottho a Pontifice Gregorio quinto coronatur Imperator. 143. A
 ----- Archiepiscopum multis beneficiis ornat. 137. E
 ----- Brunonem Pontificem declarat. 142. F
 ----- Frederici Ænobarbi filius prælio navali non dimicavit contra Venetos. 462. A
 ----- Friſingenſis ad quem annum ſuum continuavit Chronicon. 461. E
 ----- citatus. 260. F. 266. B
 ----- quo anno mortuus. 459. A

- Ottho** fundavit Monasterium majus. 139. B
 ----- in Germaniam proficiſcitur. 143. C
 ----- Joannem Archiepiscopum ſecundo miſit ad Imperatorem Conſtantinopolitanum. 140. A
 ----- magnum theſaurum donat Monasterio Ambrosiano. 137. F
 ----- Mediolanum obſidet. 142. E
 ----- per Alpes in Italiam ſecundo cum uxore & exercitu venit. 137. C
 ----- Presbyter novum condit teſtamentum. 185. C
 ----- Presbyter quædam bona donat Eccleſiæ S. Michaelis. 185. D
 ----- primus Imperator quando obiit. 142. A
 ----- quare conjugem ſuam igne cremari juſſit. 143. A
 ----- quid fecit & donavit Monasterio Ambrosiano poſt coronationem. 139. A
 ----- regias veſtes deponit. 138. F
 ----- Rex Italie coronatur ab Archiepiscopo Mediolanenſi. 137. D
 ----- Romam cum Valperto proficiſcitur & coronam imperialem accipit. 439. D
 ----- ſecundus Romæ moritur. 342. B
 ----- tertius Otthoni ſecundo ſubrogatur. 142. B
 ----- Theophaniam filio ſuo in matrimonium petiit ab Imperatore Conſtantinopolitano. 139. E
 ----- Valperto ſubſtituit Joannem. 140. A
 ----- Vicecomes Mediolanenſis a Romanis captus & in fruſtula diſſectus. 244. C
Otthone mortuo ſeditiones renovantur. 153. B
Othonis Francorum & Longobardorum Regis privilegium Monasterio Ambrosiano datum. 136. A
Otthonis Friſingenſis Chronicon ob alio poſt ejus mortem continuatum. 458. D
 ----- Presbyteri teſtamentum quo Ambrosiano Monasterio donat Eccleſiam S. Michaelis. 164. D
 ----- Privilegium rogatu Landulſi Ambrosiano Monasterio datum. 143. C
 ----- Privilegium ſecundum Monasterio Ambrosiano datum. 144. B
 ----- Privilegium tertium Monasterio Ambrosiano datum. 145. A

P.

- P**alatium ædiſcatum juxta Eccleſiam S. Ambroſii ubi Imperatores tempore coronationis habitant. 113. D
 ----- Imperatorium Monasterio non Canonicis donatum. 114. B
 ----- juxta Noxetam quem in ſinem conſtructum. 298. C
 ----- Monasterio Ambrosiano donatum. 139. B
Panvinus Onuphrius citatus. 263. E. 264. D. 265. B
 ----- quid ſentit de Corona Ferrea. 263. D
Papa donavit Ariberto corpora S. Martyrum Quirini & Abundii. 179. B
Papæ auctoritate cautum ne Bernardus S. a fratribus ſuis dimoveretur. 280. A
 ----- duo eliguntur. 323. B
Papienſes a Conrado Lotharii vexillifero proſternuntur. 291. E
 ----- captos reddunt Mediolanenſes. 291. E
 ----- & Cremonenſes accuſant ſuperbiæ Mediolanenſes. 314. C
 ----- pro reædiſcando Campanili reſtituerunt decem & octo millia florenorum. 334. B
Papirius Maſſonus citatus. 105. B
Parochi ſuorum ſubditorum domos Aqua benedicta aſpergebant. 314. B
Paschalis Antipapa in pœnitens moritur. 399. D
 ----- Papa conceſſit dominium hoſpitalitatis Monasterio Ambrosiano. 312. C

Paschalis Papa Grosulanum super suam sedem ponit. 225. B
 Paschalis Papa quando mortuus. 250. C
 ----- Papa Urbano secundo quando susceptus. 225. E
 ----- tertius a Leodiensium Episcopo consecratus si-
 ve potius execratus. 351. C
 ----- tertius Victori substituitur. 351. A
 Passaguadus Consul Mediolanensis ab Enobarbo captus
 & in carcerem conjectus. 404. D
 Paulinus Casto Diacono subiectus. 237. F
 ----- citatus. 237. D
 ----- Nolanus Episcopus Nolarum usum in Eccle-
 siis inuexit. 297. E
 ----- S. Ambrosii familiaris. 297. E
 Paulus Ambrosio indicavit Corpora Protasii & Ger-
 vasis. 64. A
 ----- Apostolus cur Petro a dextris collocatus. 65. B
 ----- Protasium & Gervasium fide Christiana insti-
 tuit. 63. F
 Pax Constantiensis inter Fredericum Enobarbum Hen-
 ricum ejus Filium & Lombardos. 441. B
 Penottus (Gabriel) refutatus. 197. C
 Pefta (Gerardus) pro Lombardis respondet Cancellario
 Imperatoris. 432. B
 Pestilentia magna invadit exercitum Enobarbi. 391. D
 Petri Abbatis inscriptio sepulchralis. 126. A
 ----- Archiepiscopi Concessio & privilegium pro Abbate
 & Monachis Monasterii S. Ambrosii. 9. D
 Petri Damiani testimonio probatur Ecclesiam Mediola-
 nensem nullo laborasse schismate. 200. E
 Petronax quando regimen Ecclesie Ravennatis suscepit.
 45. A
 Petrum Abbatem inter & quosdam incolas Limontæ
 altercatio de oleo. 119. D
 Petrus Abbas Monasterii Ambrosiani. 95. F
 ----- Abbas quando obiit. 126. B
 ----- Abbas quem in finem Sacerdotes instituit. 172. B
 ----- Apostolus cur Paulo a dextris antiqua Ecclesia
 positus. 62. D
 ----- Archiepiscopus Bernardo Modoetie ferream Ita-
 lici Regni coronam non imposuit. 34. D
 ----- Archiepiscopus dictus malleus Hereticorum.
 34. A
 ----- Archiepiscopus in Basilica Ambrosiana sepul-
 tus. 34. F
 ----- Archiepiscopus Mediolanensis a Carolo Magno
 in magno honore habitus, & quare. 34. A
 ----- Archiepiscopus Pepino Regi morienti postrema
 solatia non prestitit. 34. D
 Petrus Cumanus Episcopus. 144. B
 ----- Cuvin avare nimis se gerens abrogatus. 350. A
 ----- homo avarissimus præfectus Mediolanen-
 sis. 345. E
 ----- de Natalibus citatus. 76. A
 ----- & Paulus S. Apostoli cur in Ecclesia Ambro-
 siana ambo expressi. 65. A
 ----- Monachus Vallumbrosianus Florentie innoxius
 per ignem transit. 227. C
 ----- Monasterii Ambrosiani Abbas. 139. F
 ----- Oldradus Monachis Basilicam Ambrosianam
 assignavit, & quem in finem. 3. B
 ----- quamdiu sedem Archiepiscopalem obtinuit est in-
 certum. 34. C
 ----- Veronensis inquisitor a Catharis vulneratus.
 423. B
 Phænices serpenti immolabant. 151. B
 Philippi Oldani horti. 113. E
 Philippus Archiepiscopus successor Uberti absolvit re-
 stauracionem Ambrosianæ Basilicæ. 483. E
 ----- Ferrarius citatus. 15. B
 ----- Lampugnatus quando electus Archiepisco-
 pus. 487. C
 Pipinus Caroli Magni filius coronatur in Regem Italiae.
 7. C
 Pizius (Marius) citatus. 465. B

Placentini sese dedunt Enobarbo. 343. C
 Platus (Hieronymus) citatus. 442. C
 Plaustrum sive Carrum lampadibus refertum in Choro
 Beate Mariæ. 505. A
 Poena Episcopi & Marchionis Astensis. 158. C
 Polimius vide Castus.
 Polyandrium Philippi. 13. A
 Pompa qua Archiepiscopus in dominica Palmarum ad
 Basilicam veniebat Ambrosianam a Carolo Borromæo
 sublata. 56. E
 Porta Jovis dicta Vercellina. 178. B
 ----- orientalis etiam dicta argentea. 213. F
 ----- Ticinensis an Ambrosiana fuerit appellata. 405. A
 ----- Tonsa unde dicta. 408. D
 Portæ argenteæ etymologia. 214. A
 ----- & Pusterlæ Mediolanenses a Corio descriptæ.
 404. E
 ----- Romanæ descriptio. 103. A
 ----- insculpta hominis effigies. 403. C
 Portis tribus populo patebat ingressus ut ante altare sa-
 cra Corpora venerentur. 29. A
 Præpositi Basilicæ Ambrosianæ Missas cum Diacono
 & Subdiacono celebrabant. 500. F
 ----- Ecclesie Ambrosianæ valde mane solebant
 celebrare Missam. 497. D
 Præposito Basilicæ Ambrosianæ an liceat sua auctori-
 tate facere Clericos. 499. C
 Præpositus Canonice Ambrosianæ summam pecuniæ
 accipit a Joanne ejusdem Monasterii Abbate. 416. C
 Prateolus (Gabriel) de Catharis antiquis. 421. D
 Presbyter unus è Canonicis. 197. B
 Principes Teutonici qui se adjunxerunt Enobarbo in ex-
 peditione Mediolanensi. 325. A
 Privilegia quatuor Lotharii & Angilberti quo tempore
 data. 48. D
 Privilegium Hlotarii quo Limontam donat Monasterio
 Ambrosiano. 59. D
 ----- Paschalis Papæ Joanni Abbati Ambrosia-
 no concessum. 232. C
 Processio Ramolivæ descripta. 494. A
 Processus inter Monachos & Canonicos Ambrosianos
 varias res illustrat. 492. C
 Prodigia varia in aëre. 250. B
 Proditio Archiepiscopi Uberti non fide digna. 314.
 Proditionis nota Oberto Archiepiscopo a Daniele in suo
 Chronico obicitur. 385. E
 Propugnacula duo a fundamentis diruta. 465. C
 Protasii & Gervasii S. corpora adhuc sunt sub Altari
 Basilicæ Ambrosianæ secundum Carolum a Basilica
 Petri. 361. C
 ----- S. corpora an simul cum corpori-
 bus trium Magorum sublata. 353. A
 ----- S. corpora quotidie dicuntur Bri-
 saci inclarescere Miraculis. 368. E
 ----- S. mentio in aliquibus publicis do-
 cumentis facta in aliis cur omissa. 381. B
 Protasius S. cur Christo a dextris positus. 83. E
 Pugna inter Grosulanum & Jordanum de Clivi. 248. C
 ----- inter Theutonicos & Mediolanenses ad Portam
 Tonsam. 409. B
 Pulpitum ac Suggestum marmoreum factum in Ecclesia
 Ambrosiana. 399. A
 Pusterla Angilbertus Angilberti successor. 46. F
 Pusterlæ familie insigne gentilitium est aquila. 62. C

Q.

Quadragesima major quenam. 198. C
 Quintelinus claves Urbis Mediolanensis Impera-
 tori Enobarbo tradit. 329. B

R.

Raderus (Mathæus) citatus. 39. E. 378. E
 Radevicus citatus. 459. C

Rai-

Raidruda quædam bona & Ecclesiam legat Monasterio Ambrosiano. 165. B
 Ratherii epistola ad Joannem undecimum Papam. 128. E
 Ratherius Hilduino successit in Episcopatibus variis. 128. D
 Rationes quibus adstruitur cuniculum introitus ad Corpora S. occlusum esse. 366. A
 Raynaldum Colonie Archiepiscopum cum ingentibus copiis præmittit in Italiam Anobarbus. 387. B
 Raynaldus Colonie Archiepiscopus an Sacra Machabæorum corpora ex Italia Coloniam transtulit. 376. D
 ----- Colonie Archiepiscopus conatur Mediolanenses ad Victoris factionem abducere. 346. A
 ----- Colonie Archiepiscopus electus, pestilentia mortuus. 391. E
 ----- Colonie Archiepiscopus missus in Italiam ab Anobarbo. 345. F
 ----- Colonie Archiepiscopus noluit aliquod corpus S. tutelarium hujus Basilicæ. 371. B
 ----- Colonie Archiepiscopus Regni Archicancellarius. 365. C
 ----- Colonie Archiepiscopus tria Magorum corpora è sepulchro sustulit. 352. B
 ----- Colonie Archiepiscopus varios Episcopos Victori adversos deponit. 346. A
 ----- Colonie Episcopus quare dictus Cardinalis teniosus. 348. A
 ----- Coloniensis Archiepiscopus cum trium Magorum corporibus Coloniam venit. 353. E
 Ravennas Archiepiscopus petit sibi dextram Papæ in Concilio Lateranensi. 255. C
 Reges de Corona dicti Reges Englerie. 337. D
 ----- & Martyres Raynaldus Coloniam transmisit. 357. C
 ----- Varii ab Archiepiscopis Mediolanensibus coronati. 264. C
 Regum Englerie ossa dispersa. 337. D
 ----- Englerie Vexillum. 337. E
 Reliquiæ pretiosæ inventæ in Ecclesia S. Mariæ ad Portam. 235. F
 ----- quædam e Bavaria allatæ inter quas falso creduntur etiam fuisse S. Ambrosii. 378. E
 ----- quænam in theca è Bavaria allata. 380. A
 ----- quænam inventæ in Ecclesia S. Mariæ ad portam. 236. B
 ----- Sanctorum asservatæ in Ecclesia S. Satyri. 180. B
 ----- S. Protasii & Gervasii quo Miraculo in varias terræ partes delatæ sunt. 30. D
 Rex Italie Coronandus sumebat vestes Subdiaconi & sacris ministrabat. 139. C
 ----- quilibet se Imperatorem dicebat. 129. F
 Rheginon citatus. 41. D
 Ripamontius (Josephus) de repertione corporum trium Magorum. 354. B
 Robaldi Albenfis suavis Anselmus de Pusterla negat Romæ accipere stolam. 260. B
 ----- Archiepiscopi instrumentum pro reconciliatione Monachorum & Canonicorum. 303. E
 Robaldus Albenfis Episcopus, confirmatus transmissio pallio Archiepiscopus. 273. C
 ----- Archiepiscopus jurejurando libertatem Ecclesiæ Mediolanensis convertit. 285. D
 ----- Archiepiscopus moritur. 306. A
 ----- Archiepiscopus sine stola redit ab Urbe Pisana. 285. F
 ----- eligitur Archiepiscopus Mediolanensis. 281. F
 Rocca Camers (Angelus) citatus. 65. F
 Rodulfus qui corpora Martyrum in oppido Brisach collocavit apud probatos auctores non invenitur. 363. F
 Rogerius de Hoveden citatus. 250. E. 471. B
 Romana Ecclesia ab ipso Christo fundata. 202. D
 ----- Ecclesia Mater & Mediolanensis quare Filia. 202. F

Romani fœdus incunt cum Anobarbo. 391. C
 ----- Henricum equo dejiciunt. 244. C
 Romoaldus Salernitanus Archiepiscopus citatus. 428. D
 Rubeus (Blasius) citatus. 44. A
 Rumellenfis Episcopus tres horas substituit sacris operans. 79. E

S.

Sacerdotes Ambrosiani quando jam in unum corpus redacti. 120. C
 ----- Ambrosiani quando vocati Decumani. 172. C
 ----- ante limina S. Abbatis excubant. 274. C
 ----- Decumani & ordinarii incipiunt ridere Conradum Regem & Anacletum. 267. F
 Sacristia conjuncta Ecclesiæ S. Satyri. 238. D
 Salomona an Felicitas nomen Matris Machabæorum. 377. A
 Sanctorellus (Antonius) citatus. 200. B
 Sanctorum imagines in Ecclesia S. Satyri. 14. A
 Sanctus Ambrosius oppidum prope Susam. 254. A
 Sanguinis guttæ in Longobardia de cælo decidunt. 250. B
 Satyri S. cella non fuit vocata S. Ambrosii cella. 24. B
 ----- S. Ecclesia olim S. Victoris ad cælum aureum. 237. D
 ----- S. Ecclesia regebatur per officialem Abbatis Ambrosiani. 213. B
 Satyrus S. in arca S. Victoris conditus. 16. D
 ----- S. in quam Basilica proprie tumultatus. 16. E
 ----- S. Mediolani mortuus. 15. C
 ----- S. mortuus eo anno quo Maximii tyranni adventus in Italiam timebatur. 22. A
 Scandulæ sunt parvæ tabellæ è quercu vel alio ligno scissæ. 590. C
 Schisma Ecclesiæ Mediolanensis refutatur. 199. E
 ----- quid proprie sit, & quis schismaticus. 200. B
 Schismatici qui extra Ecclesiam Romanam finiunt vitam eunt in ignem æternum. 200. A
 Schottus (Franciscus) citatus. 150. D
 Scopari erat virgis cædi. 206. A
 Scripti ad Corium de translatione Corporum S. è Germania missi falsitas adstruitur. 474. F
 Scriptorum nemo tradidit S. Ambrosii corpus è sua Basilica alio translatum. 380. E
 Scriptum a Corio autenticum æstimatum de Sanctis Protasio & Gervasio Brisacum allatis. 361. A
 ----- antiquum asservatum in Ambrosiano Monasterio de Constructione Monasterii Charevallenfis. 290. D
 Secutia quisnam locus. 395. B
 Sedes Episcoporum a Canonicis vocatur Cimiliarchia. 496. B
 Sedilia quæ sunt in Choro Beati Ambrosii pertinent ad Monachos. 484. A
 Sententia Episcopi Vercellensis & Abbatis Locediensis auctoritate Apostolica lata. 505. D
 ----- in favorem Monasterii Ambrosiani lata per Cardinales Adelsardum & Rudolphum. 467. D
 ----- judicum super lites Monachorum & Canonicorum Ambrosianorum. 256. D
 ----- jussu Pontificis lata magis Canonicis quam Monachis placuit. 477. E
 ----- jussu Pontificis lata per Abbatem Petrum & Prepositum Ecclesiæ Pergamensis de contentione inter Monachos & Canonicos Ambrosianos. 475. D
 Septali (Caroli Andreæ) laudes. 384. E
 Sepulchra duo ad pulpitem marmoreum in Basilica Ambrosiana. 339. C
 Sepulchrum Bernardi Regis qua occasione repertum. 42. D
 ----- Comitum Anglerie accurate describitur. 341. A

Sepulchrum Comitum Angliæ plenum imaginibus & figuris in circuitu. 340. F
 ----- profundum intra sinum Capellæ refertum ossibus & Reliquiis S. Martyrum. 12. E
 ----- Regum Angliæ ubi fuit in Ecclesia S. Ambrosii. 339. A
 ----- S. Ambrosii ob quod miraculum oclusum. 59. B
 Sergius tertius Pontifex quando obiit. 127. D
 Serpens æneus a quonam Arnulfo Constantinopoli Mediolanum allatus. 140. C
 ----- æneus conflatus ex ære serpentis Mosaici. 140. A
 Serpentem æneum quem Moyses in deserto fecerat accipit Archiepiscopus. 147. E
 ----- æneum nonnulli a S. Ambrosio in sua Basilica erectum credunt. 150. A
 Severus Geminiani funus absens administrat. 79. D
 ----- indicio columbæ cœlitus allapsæ designatus Episcopus. 81. D
 ----- quidam cæcus contactu corporum S. Protasii & Gervasii curatus. 3. C
 ----- quomodo adfuit sepulturæ Geminiani. 81. B
 Sfortia (Ludovicus) Mediolani Dux jecit fundamenta Monasterii Ambrosiani. 40. C
 Sigebertus Gemblacensis citatus. 82. D
 Sigilla Episcopi Vercellensis & Abbatis Locediensis Diplomati appensa. 509. A
 Signa multa ostendit Dominus in Ecclesia S. Sepulchri. 167. C
 Sigonius (Carolus) citatus. 44. A. 104. B. 105. F. 120. E. 122. C. 128. E. 129. B. 133. D. 136. F. 137. D. 139. C. 143. A. 153. B. 156. C. 159. B. 160. B. 161. B. 162. F. 183. E. 185. A. 208. E. 212. E. 215. A. 216. A. 223. C. 242. B. 244. A. 262. A. 267. B. 270. D. 274. E. 275. E. 311. B. 314. B. 315. C. 317. D. 319. A. 324. A. 325. E. 349. A. 382. D. 491. D
 ----- de Coronatione Ludovici. 91. F
 Simonia non cessat in urbe Mediolanensi. 205. A
 Simplicianus bonus senex a S. Ambrosio morti vicino dicitur. 237. E
 ----- successor S. Ambrosii ordinavit Episcopos suffraganeos hebdomadariam facere in Ecclesia S. Ambrosii. 298. B
 Sisinii Martyrii & Alexandri Martyrum annua celebritas a Mediolanensibus colitur. 425. A
 Solemnitas exaltatæ crucis quando celebrari cæpta in Ecclesia Mediolanensi. 193. D
 Sorexinae (Petri) chronicon Manuscriptum citatum. 150. A
 Stationa Archiepiscopi Mediolanensis dominio temporali subdita. 440. A
 ----- subest Episcopo Novariensi. 439. E
 ----- unde verisimiliter ita dicta. 440. C
 Stationus quidam Angliam reædificavit & nominavit Stationam. 440. D
 Stephanus de Guandeca Archiepiscopum alta voce accusat. 268. B
 Stilico claruit tempore S. Ambrosii. 116. D
 ----- Honorio curator ac rerum arbiter a Theodosio datus. 116. E
 Stiliconis domus fuit Castillianeæ gentis. 116. C
 Stipes præstituta solis ministris Ecclesiæ Hyemalis & Æstivæ. 171. A
 Superstans vel Archiepiscopus reficit Ecclesiam Beati Ambrosii. 484. E
 Superstes sive Superstantiarius quis dicebatur. 399. A
 Superstitio mulierum pro infantibus lumbricis laborantibus. 149. D
 Supplicium quo puniebantur qui cibaria ad Urbem Mediolanensem obsessam deferebant. 325. D
 Surlus (Laurentius) citatus. 76. C
 Sylvius (Æneas) citatus. 317. A
 Synodi Ticinensis Canon primus. 94. D

Synodus Pisana a quibus celebrata. 274. B
 ----- Placentina Patribus abundat. 215. D

T.

Tabella Gothis caracteribus inscripta. 68. C
 Tabula lapidea continens inscriptionem S. Satyri. 14. D
 ----- marmorea attritu pedum absumpta. 66. F
 ----- marmorea docens tempus extructionis Monasterii Charevallis. 291. C
 ----- quæ cecidit in Capita S. Martyrum fuit lignea. 30. F
 ----- Silicea in Porta Romana de reditu Mediolanensium in Urbe sua. 389. D
 Tadelberti testamentum mancum & mutilum. 193. E
 Tadelbertus domos quasdam & agros legat Monasterio Ambrosiano. 193. E
 Tempestas horrida in magna serenitate. 183. A
 Templa S. aliquot suburbana intra Moenia urbis noviter extructæ recepta. 402. C. 404. A
 Terræ motus per universam Italiam. 250. C
 Testimonium a Consulibus Mediolanensibus pronunciatum ubi S. Ambrosii corpus dicitur in sua requiescere Basilica. 406. D
 Teusprandi Presbyteri testamentum. 188. C
 Thado Archiepiscopus. 95. F
 ----- Archiepiscopus a Baronio vocatus Thado. 100. E
 ----- Archiepiscopus consulit Pontificem Nicolaum super quodam casu. 101. C
 ----- Archiepiscopus cur sapiens appellatus. 100. D
 ----- Archiepiscopus non deservit ab auctoritate Ecclesiæ Romanæ. 101. B
 Thadonis Archiepiscopi obitus. 96. A
 ----- Archiepiscopo privilegium de Oliveto Limonte. 96. D
 Thaumaturgus præfens Troadio Martyri. 79. D
 Theatra duo pro celebrando Concilio Mediolani constructa. 250. C
 Theobaldus Archiepiscopus circa Verbanum lacum prope exul mortuus. 212. F
 Theodosius Imperator Constantinopolitanus Eugenium usurpatorem Mediolani prostravit. 113. C
 Theopertus omnia sua bona, tam mobilia quam immobilia donat Basilicæ S. Ambrosii. 5. F
 Theophania Otthonis filio data in matrimonium. 140. B
 Theca reliquaria affabre facta multis reliquiis referta Duci olim Bavarie donata. 379. C
 ----- Rex Papiensem civitatem expugnat. 86. E
 Thomæ Cantuariensis epistola ad Humbaldum Episcopum Ostiensem de Rege Angliæ. 398. A
 Thomas Cantuariensis Archiepiscopus habitum Cisterciensium assumpsit. 400. E
 ----- Archiepiscopus pace cum Rege inita a regiis Satellitibus interficitur. 400. D
 Theudebertus Rex Coronam ferream civitati Mediolanensi restituit. 86. F
 ----- Rex Papiensem civitatem expugnat. 86. E
 Tiburium est fastigium seu culmen. 485. D
 Trajanus Mediolanum frequentavit. 109. B
 Translationem Gervasii & Protasii ante Corium nemo memoravit. 369. A
 Tribuna quatuor porphyreticis columnis sustentatur. 62. B
 Tribunæ descriptio. 61. B
 Triflinus (Gaspar) de S. Nabore & Nazario. 358. D
 ----- Oldradus Catharos ut debuit ussit. 423. A
 Tristani Chalci editio emendata. 193. A
 Tristanus Chalcus citatus. 5. A. 69. B. 102. A. 104. D. 109. A. 115. A. 152. C. 156. E. 178. C. 185. F. 208. D. 210. A. 220. B. 222. D. 237. B. 252. D. 334. C
 ----- de reditu Mediolanensium in Urbe. 389. E

Trifstanus *Chalcus refutatus*. 230. B. 246. E
 Trithemius (*Joannes*) citatus. 129. B
 Tumultus *Mediolani obortus*. 180. E
 Turonense Concilium ab *Alexandro celebratum*. 349. E
 Turris *Credentiæ ubi sit vel fuit ignoratur*. 490. A
 Turris *Imperatoris*. 404. C

V.

Valerius (*Jacobus*) affabre pictum habet simulacrum *Herculis*. 231. B
 Uberti *Cribellii Cardinalis sententia in favorem Monasterii Sancti Ambrosii contra Sacerdotes & Clericos Ecclesiæ Sancti Joannis de Bellasio*. 444. B
 Ubertus *Archiepiscopus restorationem Basilicæ Ambrosianæ aggreditur*. 486. E
 — creatus *Papa Romanus Urbani Tertii nomen assumpsit*. 442. D
 — *Cribellius factus Episcopus Vercellensis*. 443. B
 — — quando adhuc *Archidiaconus*. 443. F
 — — ab *Alexandro Tertio creatus Cardinalis*. 443. A. C
 — — de *Pirivano Archiepiscopus prodit Mediolanenses*. 314. D
 — — seu *Urbanus Tertius Papa fuit Archiepiscopus Mediolanensis*. 442. E
 — — *Tertiagus an fuit Cardinalis & Canonicus Ecclesiæ Mediolani*. 483. B
 — — *Basilicam Ambrosianam incipit restaurare*. 483. E
 — — *Miloni Archiepiscopo substitutus*. 482. F
 — — quanto tempore fuit *Archiepiscopus*. 483. C
 — *Viccomes Prætor primus Mediolanensis*. 470. F
 Velferus (*Marcus*) citatus. 375. D
 Venetiis ut de pace agatur inter *Alexandrum Papam cum sociis & Ænobarbum constituitur*. 431. A
 Versiculi de Rege *Conrado Mediolani coronato*. 306. E
 Versiculi quidam *Portæ Romanæ insculpti*. 403. D
 Versus quidam in *Altari aureo*. 57. B
 Vetula quædam revelat corpora trium *Magorum*. 355. A
 Via subterranea solis *Monialibus patens quare effossa*. 177. D
 Vicecomitis soror an *Raynaldo indicavit corpora trium Magorum & Martyrum*. 264. D
 Vicecomitum prima mentio. 109. C
 Victor *Antipapa moritur in civitate Lucæ*. 350. E
 — *Antipapa secundum nonnullos ad inferos moriens descendit*. 351. A
 — *Verus legitimusque Pontifex ab Ænobarbo pronuntiatur Laudæ*. 325. B
 Victoris *Mauri Sancti corpus ubi conditum*. 23. E
 — *Sancti ad corpus appellatio unde*. 22. E
 — *Sancti ad Ulmum appellatio unde*. 22. E
 — *Sancti caput Volaterris conservari dicitur*. 25. E
 — *Sancti corpus a duobus feris servatum*. 22. D
 — *Sancti Corpus divinitus Ambrosio non revelatum*. 26. D

— *Sancti Martyrium descriptum*. 22. C
 Villa (*Joannes Baptista*) citatus. 340. D
 Vincentius *Burgundus citatus*. 76. B
 Vir *Patritiæ dignitatis e Senatu vocatur, quo egresso locus corrui*. 250. E
 Vir *Sanctus in dextro tribunæ latere locatus an Sanctus Ambrosius*. 65. E
 Vitalis & *Agricolæ Ecclesiæ quare sublata*. 70. E
 Vitalis & *Agricolæ Ecclesiæ ubi sita*. 71. E
 Vitalis *Sancti Ecclesiæ Privilegium contra araneas & aves*. 69. D
 Vivianus *Comes Angliæ Bononiam evasit crudelitatem Ænobarbi*. 338. C
 Uldarici *Augustanorum Episcopi vita descripta in breviario Cardinalis Borromæi*. 372. E.
 Uldaricus *Augustanorum Vindelicorum Episcopus falso creditus Mediolani sepultus*. 372. C
 Ulteira *cantilena unde dicta*. 218. B
 Uratislai *Regis Bohemiæ insigne ipsi ab Ænobarbo datum*. 317. B
 Urbano tertio substituitur *Gregorius Octavus*. 467. D.
 Urbanus *Papa Mediolanenses cives acriter decertantes in pacem redegit*. 215. C
 Urbanus *Papa retinuit Archiepiscopatum Mediolanensem*. 367. A
 Urbanus *Papa Tertius Ferrariæ moritur*. 466. F
 Ursus donat hortale *Basilicæ Ambrosianæ*. 7. A

W.


Walpertus *Archiepiscopus Mediolanensis Othonem in Italiam contra Berengarium vocat*. 137. A
 Welpho & *Mathilda ejus uxor contra Schismaticos dimicant*. 213. C
 Wibertus citatus. 162. A
 Wido *Archiepiscopus excommunicatur*. 206. B
 — *Archiepiscopus Mediolanensis sedet ad dextram Papæ in Concilio Romano*. 204. E
 — *Archiepiscopus offert se sub pedibus Legati Apostolici velle residere*. 201. F
 — *Archiepiscopus ubi & quando mortuus*. 209. B
 — *dux Spoletanus a Pontifice Romano Stephano Imperator consecratus*. 122. D
 — *Dux Spoletanus Rex Italiæ a suis salutatus*. 122. D
 Wifredus *Abbas Monasterii Ambrosiani*. 294. D
 Winheim (*Erhardi*) error refutatus. 321. E.
 Wippo citatus. 180. D
 — *Presbyter citatus*. 160. D
 — *scriptor Germanus citatus*. 163. D
 Wigelinæ *Monasterium in qua urbis parte fuerit non constat*. 100. A
 Witichindus citatus. 140. E. 142. A


Z.

Zilius de Prando vocabatur ille suspensus prope *Secutiam*. 397. C
 Zucchi (*Bartholomæus*) refutatus. 87. D


FINIS.











209

ANTIQ
ITALIÆ

TOM. IV.

I.

94